


Cohãcjũ Yere  
Yahuducuri Tju



New Testament in Piratapuyo (CO:pir:Piratapuyo)

**Cohãcjã Yere Yahuducuri Tju**  
**New Testament in Piratapuyo (CO:pir:Piratapuyo)**

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Piratapuyo

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

## Contents

San Mateo . . . . .	1
San Marcos . . . . .	62
San Lucas . . . . .	99
San Juan . . . . .	163
Hechos . . . . .	208
Romanos . . . . .	264
1 Corintios . . . . .	291
2 Corintios . . . . .	317
Gálatas . . . . .	334
Efesios . . . . .	343
Filipenses . . . . .	352
Colosenses . . . . .	358
1 Tesalonicenses . . . . .	364
2 Tesalonicenses . . . . .	369
1 Timoteo . . . . .	372
2 Timoteo . . . . .	380
Tito . . . . .	385
Filemón . . . . .	388
Hebreos . . . . .	390
Santiago . . . . .	411
1 San Pedro . . . . .	418
2 San Pedro . . . . .	425
1 San Juan . . . . .	430
2 San Juan . . . . .	436
3 San Juan . . . . .	437
San Judas . . . . .	438
Apocalipsis . . . . .	441

## San Mateo

*Jesucristo Cohãcjã macũno tiquiro acaye panopũ cjẽna ijire (Lc 3.23-38)*

<sup>1</sup> Jesucristo acayere panopũ cjẽnare yahutja yũhũ. Tiquiro ñecũno mũnano panopũ cjũno Davi wame tiriquireo ijie tiahye. Tiquiro ijiato pano tiquina ñecũno mũnano iji turiariquireo Abrahã wame tiriquireo ijie tiahye.

<sup>2</sup> Abrahã Isaac pacũro ijiahye. Isaac Jacob pacũro ijiahye. Jacob Judã gãhũ pacũro ijiahye. <sup>3</sup> Fare, Zara mehna tiquina pacũro Judã ijiahye. Tiquina pacoro Tamar wame tiricoro ijiahye. Fare Esrom pacũro ijiahye. Esrom Aram pacũro ijiahye. <sup>4</sup> Aram Aminadab pacũro ijiahye. Aminadab Naasón pacũro ijiahye. Naasón Salmón pacũro ijiahye. <sup>5</sup> Salmón Booz pacũro ijiahye. Tiquiro pacoro Rahab ijiahye. Booz Obed pacũro ijiahye. Tiquiro pacoro Rut ijiahye. Obed Isaí pacũro ijiahye. <sup>6</sup> Isaí Davi pacũro ijiahye. Davi pehe Israe masa pũhtoro ijiahye. Tiquiro Uria wame tiriquireo mũnano namonore tiquiro namo tiri bato Salomo wame tiriquireore pohna tiahye.

<sup>7</sup> Salomo Roboam pacũro ijiahye. Roboam Abia pacũro ijiahye. Abia Asa pacũro ijiahye. <sup>8</sup> Asa Josafat pacũro ijiahye. Josafat Joram pacũro ijiahye. Joram Uzia pacũro ijiahye. <sup>9</sup> Uzia Jotam pacũro ijiahye. Jotam Acaz pacũro ijiahye. Acaz Ezequia pacũro ijiahye. <sup>10</sup> Ezequia Manase pacũro ijiahye. Manase Amón pacũro ijiahye. Amón Josia pacũro ijiahye. <sup>11</sup> Josia Jeconia gãhũ pacũro ijiahye. Tiquina ijiri pjere Israe yehpa cjẽnare Babilonia cjẽna pehe ñehe cãhye tiquina ya yehpapũ.

<sup>12</sup> Sa ye Babilonia yehpapũ tiquina esari bato, Jeconia Salatiere pohna tiahye. Salatiel Zorobabel pacũro ijiahye. <sup>13</sup> Zorobabel Abiud pacũro ijiahye. Abiud Eliaquim pacũro ijiahye. Eliaquim Azor pacũro ijiahye. <sup>14</sup> Azor Zadoc pacũro ijiahye. Zadoc Aquim pacũro ijiahye. Aquim Eliud pacũro ijiahye. <sup>15</sup> Eliud

Eleazar pacũro ijiahye. Eleazar Matán pacũro ijiahye. Matán Jacob pacũro ijiahye. <sup>16</sup> Jacob José pacũro ijiahye. José María manũno ijiahye. María pehe Jesu pacoro ijiri. Jesu pehe masare yũhdũoatiquiro ijiro, Cristo tiquina ni pisuriquireo ijiri.

<sup>17</sup> Sa yeye Abrahãre mari queo mũhtagũ tee Davire mari queo bato tigũ ahriquina ijipihtiyequina tiquina panamena mehna ijie, catorce cururi waro ijiahye. Sa yeye mari pari turi Davire mari queo mũhtagũ tee Babiloniapũ Israe masare tiquina neato pano mari queo bato tigũ ijipihtiyequina tiquina panamena mehna ijie, catorce cururi waro pari turi ijiahye. Sa ye tuhasa Babiloniapũ tiquina esari bato mari queo mũhtagũ tee Cristo tiquiro masa bajuagũpũ mari queo bato tigũ ijipihtiyequina tiquina panamena mehna ijie, catorce cururi waro ijiahye tja.

*Jesucristo tiquiro masa bajarire yahuahye*

*(Lc 2.1-7)*

<sup>18</sup> Sa ye ohõ saha Jesucristo masa bajuari jiri. Tiquiro pacoro María pehe José mehna omoca dũhteaticoro ijiahye. Sa yero ticoro omoca dũhteato pano Espiritu Santo tutuaye mehna coã nijinogãre ne bũcũa cãhtaro masiahye ticoro basi. <sup>19</sup> Sa yero José ticorore omoca dũhteatiquiro tire masino, poto ijiyere yeriquireo ijiro ticorore cohãno taro nimahye. Masa tiquina ihũono ticorore bũoro ye dũeraro, masa tiquina tũhoato pano yahuro marieno ticorore cohãno taro nimahye. <sup>20</sup> Tire tiquiro tũhoturi watoa Cohãcjã yaquiro angel pehe quehẽnopũ Josere bajuaro, ohõ saha niahye:

—José, Davi mũnano panami iji turiagũ, María mehna bũe tiro marieno omoca dũhteya. Ticoro Espiritu Santo yedohoro mehna coã nijinogãre ne bũcũa cãhtaricoro ijire. Sa yegũ bũe tiro marieno omoca dũhteya ticorore. <sup>21</sup> Ticoro pohna tirota. Tiquirota ticoro macũnota tiquiro ya maca cjẽnare pecapũ wahaboriquinare yũhdũoatiquiro ijirota. Tiquiro sa yũhdũoatiquiro ijigũ ihũagũ Jesu wame yegata mãhũ tiquirogãre, niahye angel Josere.

<sup>22</sup> Ahri ijipihtiye sa wahahye panopu cjäno Cohäcjü yere yahu mähtariquiro tiquiro ni ojoariro sahata. Tire tiquirore Cohäcjü oja dutiahye. Ohõ saha ni ojoahye Cohäcjü yere:

<sup>23</sup> Nuhmino, nijinogãre bocaro pohna tirota ticoro macunogãre. Sa yero Emanuel wame tirota tiquirogã, ni ojoahye Cohäcjü yere.

“Emanuel” nino “Cohäcjü mari mehnata ijire”, nino niaga.

<sup>24</sup> Cohäcjü yaquiro angel Josere tiquiro ni yahuri bato José pehe wahcã, angel dutiriro sahata María mehna omoca dũhteahye. <sup>25</sup> Tiquiro macunogãre ticoro pohna tiato pano José pehe ticoro mehna ijiera tiahye. Ticoro pehe pohna tia wahahye. Sa yero tiquiro pehe macunogãre Jesu wame yeahye.

## 2

*Asũ m̄ja taro cjẽna Jesugãre ihñãñe esahye*

<sup>1</sup> Herode Judea yehpa cjẽna pũhtoro tiquiro ijiri pje ti yehpapu ijiri macapu Belẽpu Jesu masa bajuahye. Tiquiro sa masa bajuari bato ñahpicohare buheyequina ñahpicohare quehnoano masiñequina asũ m̄ja taro cjẽna ahta, Jerusalẽpu wihihaye. <sup>2</sup> Sa wihiye, masare to cjẽnare sinituahye:

—¿Judio masa pũhtoro ijiatiquiro yojopure nohopu masa bajuagari tiquiro? Asũ m̄ja taropu cjãna ijiaja. Sa yena ñahpicoha coã bajua wahã sagũ ihñana “Pũhtoro masa bajuaro niaga”, ni masii usã. Sa tia bajuagũ ihñana, usã ihcãno mehna tiquirore ño peona ahtau ohõpu, ni, yuahahye buheyequina masare.

<sup>3</sup> Sa ye apequina Herodere tire yuahahye. Tiquina sa yahugũ tũhoro Herode pehe bajua witi tũhotuahye. Sa yeye ijipihtiequina Jerusalẽ cjẽna gãhu tiquiro yero sahata bajua witi tũhotuahye tiquina gãhu. <sup>4</sup> Sa yero Herode pehe ijipihtiequina pahia pũhtoare, mari judio masare buheyequina gãhure tiquiro piji cahmecoa peho, tiquinare sinituahye tiquiro:

—¿Nohopu masa bajuaboagari Cristo pehe, m̄sa tũhotugũ? ni sinituahye tiquiro.

<sup>5</sup> Ohõ saha ni yuahahye tiquirore:

—Belẽpu, Judea yehpapu ijiri macapu Cristo masa bajuarota. Ohõ saha ni ojoahye Cohäcjü yere yahu mähtariquiro:

<sup>6</sup> Belẽpu yeequinare Israe masare dutiatiquiro, tiquinare cohtea-tiquiro ahtarota. Sa yero apeye macari Judea yehpapu ijiye macari yũhdũoro ijire Belẽ pehe, ni ojoahye Cohäcjü yere, ni yuahahye tiquina Herodere.

<sup>7</sup> Tiquina sa ni yahuri bato Herode masa tũhoeropu asũ m̄ja taropu ahtariquinare pijioahye. Tiquiro cahapu tiquina esagũ ihñano, tiquinare sinituahye. Tiquiro sa sinitugũ tũhoye, tiquina ñahpicohare ihñari decore yuahahye tiquina. <sup>8</sup> Tiquina sa yahuri bato Herode pehe tiquinare Belẽpu ohoro, ohõ saha niahye tiquinare:

—Tiquirogãre quehnoano macaña. Tiquirogãre bocana yũhure tojoana yahu tojoaya. Yũhu gãhu tiquirogãre ño peou wahau tũu niaja, niahye tiquinare Herode.

<sup>9</sup> Tiquiro sa nidi bato, tiquina wahahye. Tiquina sa wahagũ asũ m̄ja taropu tiquina ihñaria ñahpicoha pehe tiquina pano umu tãducuahye. Sa yero nijinogã tiquiro ijiro bui waro tojoa wahã sahye tia ñahpicoha.

<sup>10</sup> Sa yeye ñahpicohare ihñãñe, tutuaro bucueahye tiquina. <sup>11</sup> Nijinogã tiquiro ijiri wũhũpu esa, sajãa wahahye tiquina. Sa sajã saye, nijinogãre tiquiro pacoro mehna ijiriquirogãre ihñahye tiquina. Sa ihñãñe tiquina dũsepe curi mehna quehe sa, tiquirogãre ño peohye. Ño peo tuhasa tiquina acarire pũohye. Urure, bueyere, mirra wame tiye ehme sitiye gãhure ne wio, tire tiquirogãre wapa marieno ohoahye. <sup>12</sup> Tire oho tuhasa carĩa wahahye tiquina. Tiquina sa carĩgũ quehẽnopu Cohäcjü yuahahye tiquinare: “Herode cahapu tojoeracãhña”, ni yuahahye Cohäcjü tiquinare quehẽnopure. Tiquiro sa ni yahuri bato, tiquina pehe wahcãhye. Tiquina sa wahcãri bato ape mahapu tiquina ya dihtapu tojoa wahahye.

*José gãhũ Jesugãre Egiptopũ ne duhti cãa wahahye*

<sup>13</sup> Tiquina sa wahari bato Cohãcjũ yaquiro angel quehẽnopũ Josere bajuaro, ohõ saha niahye:

—Wahcãña. Herode pehe nijinogãre wejẽno taro, macano nine yojopũre. Sa ye nijinogãre tiquiro pacoro gãhũre Egiptopũ umũñano ne duhti cãa wahaya. Topũre yũhũ nidiro punota ijiya, tee yũhũ yahugãpũ, ni yahuahye angel Josere.

<sup>14</sup> Tiquiro sa nigũ tãhoro, José pehe ñamita wahcã, nijinogãre, tiquiro pacoro gãhũre Egiptopũ ne duhti cãa wahahye.

<sup>15</sup> Egiptopũ esa, Herode catiro puno topũre ijiahye tiquina. Sa yeahye panopũ cjũno Cohãcjũ yere yahu mãhtariquiro tiquiro ni ojoariro sahata. Tire tiquirore Cohãcjũ ojoa dutiahye. Ohõ saha ni ojoahye Cohãcjũ yere: “Egiptopũ ijiriquirore yũhũ macũre pijiou”, ni ojoahye Cohãcjũ yere.

*Herode macanagãre wejẽ dutiahye*

<sup>16</sup> Sa ye ñahpicohare buheyequina tiquina duhti yahdu cãgũ tãhoro Herode pehe usua yahduã wahahye. Sa usuaro, Belẽ cjẽnare, ti maca duhtũ caha cjẽna gãhũre tiquina pohne ãmũagãre pũa cãhma cãoyequinagãre wejẽ bato ti dutiahye tiquiro. Coã warore ñahpicohare buheyequina ñahpicohare tiquina ihñari decore yahuahye Herodere. Tiquina sa nigũ tãhoro tiquiro wejẽ duariquirogã masa bajuari decore masino, “Ohõpe cãhmari cãore” nino, pũa cãhma cãoyequinagãre wejẽ bato ti dutiahye. <sup>17</sup> Panopũ cjũno Jeremia Cohãcjũ yere yahu mãhtariquiro tiquiro ni ojoariro sahata wahahye. Ohõ saha ni ojoahye tiquiro:

<sup>18</sup> “Ramá wame tiropũ bisirota. Tutuaro bũjũa witiye mehna utiye bisirota. Raquel panamena numia iji turiaye numiapũ Israe masa namosãnumia tiquina pohne tutuaro utieta. Tiquina pohne apequina wejẽgũ ihñãñe, ne bũjũa witi duhusi”, ni ojoahye panopũ.

<sup>19</sup> Sa ye Herode tiquiro yariari bato Egiptopũ ijiriquirore Josere Cohãcjũ yaquiro angel quehẽnopũ bajuahye. Sa bajuaro ohõ saha niahye Josere:

<sup>20</sup> —Nijinogãre wejẽ duamediquina yariaa wahari. Sa yegũ wahcãña. Tiquirogãre pacoro mehna Israe yehpapũ ne tojoaa wahaya mãhũ, ni yahuahye angel Josere:

<sup>21</sup> Tiquiro sa nidi bato José wahcã, nijinogãre pacoro mehnata Israe yehpapũ ne tojoaa wahahye. <sup>22</sup> Sa yeperota Arquelao Herode macũno pehe tiquiro pacũro comesariquiro ijigũ tãhoro José pehe Judea yehpapũ tojoa duaro cueahye. Sa yero pari turi tãa quehẽnopũ tiquirore yahu nemoahye. Tiquirore pari turi Judea yehpapũ iji dutierahye. Tiquiro sa ni yahuri bato, tiquina Galilea yehpapũ wahaa wahahye. <sup>23</sup> Ti yehpapũre Nazare wame tiri macapũ ijiahye tiquina. Sa yeahye tiquina Cohãcjũ yere yahu mãhtariquina tiquina ojoariro sahata. Ohõ saha ni ojoahye: “Cristo Nazare cjũnota ijire”, nieta masa”, ni ojoahye Cohãcjũ yere yahu mãhtariquina panopũ cjẽna.

### 3

*Ñu wame yeriquiro masare yahuahye*  
(Mr 1.1-8; Lc 3.1-9, 15-17; Jn 1.19-28)

<sup>1</sup> Sa ye ti pjere Ñu Cohãcjũ yequinare wame yeriquiro ijiahye. Judea yehpapũ masa marienopũ tiquiro Cohãcjũ yere yahu dũcahye masare. <sup>2</sup> Ohõ saha ni yahuahye tiquinare:

—Mũsa ñãñe yerire bũjũa witiya. Tire duhuya. Ëhmũse cjũno Cohãcjũ mãsa pũhtoro tiquiro ijiato mehenogã dũhsare, ni yahuahye tiquiro.

<sup>3</sup> Panopũ cjũno Isaia Cohãcjũ yere yahu mãhtariquiro Ñu tiquiro buheatire ohõ saha ni ojoahye:

Masa marienopũ yahuducu sañuducuriquiro ohõ saha ni buherota tiquiro: “Mari pũhtoro ahtato pano mahare mari quehnoyuro saha quehnoana ijiyuya mãsa. Mũsa ñãñe yerire bũjũa witiya”, ni sañuducurota, ni ojoahye Isaia Ñure.

<sup>4</sup> Sa yero Ñu camello poari suhtirore sañariquiro, wahiquiro cahsero mehna tũã dihoriquiro ijiahye. Poreroare, nũcũ cjẽ umi gãhũre ihyae tiahye. <sup>5</sup> Jerusalẽ cjẽna, ijipihtiro Judea yehpapũ ijiequina,

Jordā wame tiri ma cahap̄a ijiyequina gūh̄a tiquirore t̄ahoye ahtahye. <sup>6</sup> Wihi, tiquirore t̄aho, tiquina ñañe yerire b̄aj̄ua witi, Cohācj̄ure tire yahu ȳahd̄uahye tiquina. Sa tiquina yahugū t̄ahoro Jordāp̄a Ñu tiquinare wame yeahye.

<sup>7</sup> Sa yero peyequina fariseo masa, sadoceo masa gūh̄a Ñure tiquina wame ye dutiye ahtagū ihñano tiquiro yahuahye tiquinare:

—Añaa yero saha ña ȳahd̄uana ijire masa. Masa ñañe yerire b̄aj̄ua witi duerana Cohācj̄ū masa ñañe yeri buhiri tiquiro buhiri dahreato pano duhti masiedare masa. <sup>8</sup> Sa yena potota masa ñañene b̄aj̄ua witiya. Quehnoañene comesaya. Sa yena quehnoañe pehere yeya masa. <sup>9</sup> Ohō saha ni t̄ahotueracāhña: “Panop̄a cj̄ano Abrahā mari ñecu m̄nanao ijie t̄ahye. Sa yena tiquiro panamena iji turiana ijina mari Cohācj̄ū yequina ijiaja”, ni, t̄ahotueracāhña masa. M̄sare niita niaja. Abrahā panamena iji turiana ijimene masa. Masa sa ijiepegūta ti masa sa ijiye d̄ahseati ijierare. Cohācj̄ū pehe ahri ut̄a paca mehna Abrahā panamenare dojogū ye masine. Sa yero Abrahā panamena iji turiana masa ijiye ihyo waro ijire ut̄a paca ti paca ihyo waro ijiro sahata. <sup>10</sup> Ohō saha ijire: Masa yuc̄uri yero saha ijire. Cohācj̄ū pehe yuc̄urire quēatiare comeare c̄oriquiro yero saha ijire. Sa yero ñañe d̄aca tiye cj̄ure quē cohā, ti n̄ahcori gūh̄are d̄ate surerota. D̄ate sure tuhasa, pecap̄a uj̄anota tiquiro ti cj̄ure, n̄ahcori gūh̄are. Sata yerota masa gūh̄are tiquirore cahmeeñequinare. <sup>11</sup> Ȳuh̄u bato ȳuh̄u ȳahd̄uoro tutuariquiro ahtarota. Quehnoa ȳahd̄uariquiro ijire tiquiro. Tiquiro yero saha ijieraja ȳuh̄u pehe. Sa yeḡu tiquirore t̄ahotuḡu, “Ihyo ijiḡu ijiaja ȳuh̄u”, ni t̄ahotuaja ȳuh̄u. Ȳuh̄u pehe masa ñañe yerire b̄aj̄ua witi duti, m̄sare wame yeḡu aco mehna yemi. Tiquiro pehe ȳuh̄u ȳahd̄uoro yerota. Esp̄iritu Santore masa mehna ijiducugū yerota tiquiro. Sa yero peca ñañene uj̄a wero sahata tiquiro ahtariquiro pehe masa ñañe yerire cose werota. <sup>12</sup> Ȳuh̄u bato ahtariquiro cahseri cohāriquiro yero saha ijire. Cahseri cohāriquiro tiquiro batiro mehna ijipihtiye

trigo cahserire puti were. Tiquiro sa puti weri bato trigo pehere tiquiro ihbori w̄uh̄up̄a ihborota. Sata yerota tiquina ñañene b̄aj̄ua witiyequinare ȳuh̄u bato ahtariquiro. Tiquiro puti weye cahseri pehere tiquiro uj̄anota. Ti peca uj̄ari peca ne yatisi. Sata yerota tiquiro ȳuh̄u bato ahtariquiro tiquina ñañene b̄aj̄ua witiyequinare, ni yahuahye Ñu.

### *Ñu Jesure wame yeahye*

*(Mr 1.9-11; Lc 3.21-22)*

<sup>13</sup> Came Jesu Galileap̄a ijiriquiro waha, Jordā wame tiri map̄a buha sahye Ñure wame ye dutiro. <sup>14</sup> Coā warore Ñu wame ye dueramahye.

—Yohou, m̄uh̄u pehe ȳuh̄u ȳahd̄uoro tutuaḡu ȳuh̄u pehere m̄uh̄u wame yegū quehnoaboaga. M̄uh̄ure wame yeboḡu ijieraja ȳuh̄u, ni ȳahtimahye Ñu Jesure.

<sup>15</sup> Jesu pehe ȳahtiahye tiquirore:

—Ȳuh̄ure wame yeya. Ohō saha yena, Cohācj̄ū dutiro saha sohtoa tina niaja mari, niahye Jesu.

Tiquiro sa nigū t̄ahoro,

—Ah, ni ȳahtiahye Ñu.

<sup>16</sup> Sa ni tuhasa, Jesure wame yeahye. Tiquiro wame ye tuhasagū Jesu diap̄a ducuriquiro maja d̄acahye. Tiquiro maja d̄acagū, ahm̄anop̄a parī maahye. Cohācj̄ū yaquiro Esp̄iritu bujua yero saha tiquiro bui dijia tagū ihñahye. <sup>17</sup> Sa dijia tagū ahm̄anop̄a yahuducuye bisiahye:

—Ahriquiro ȳuh̄u mac̄u ȳuh̄u cahñiquiro ijire. Tiquiro mehna tutuaro bucueja, niahye ahm̄anop̄a.

## 4

### *Wat̄ino ñañene ye dutimahye Jesure*

*(Mr 1.12-13; Lc 4.1-13)*

<sup>1</sup> Sa ye Esp̄iritu Santo pehe Jesure masa marienop̄a neahye, top̄a wat̄ino tiquirore ñañene ye dutiatio saha.

<sup>2</sup> Top̄a esaro cuarenta decori waro ihyo marieno ijiahye Jesu. Sa yero uj̄a ahbahye. <sup>3</sup> Uj̄a tiquirore ahbagū ihñano wat̄ino pehe tiquiro cahap̄a esaro, ohō saha niahye:

—Muhu Cohãcjũ macu ijigu, ahria utãre ihyaye dojomehneña, nimahye tiquiro Jesure.

<sup>4</sup> Jesu ohõ saha ni yãhtiahye:

—Yeraja. Cohãcjũ yere tiquina ojoari pũpũ ohõ saha nine: “Masare ihyaye mehna dihita catieraro cahmene. Ijipihtiye Cohãcjũ tiquiro ye yahuye mehna ijiro cahmene”, nine Cohãcjũ, ni yãhtiahye Jesu watĩnore.

<sup>5</sup> Tiquiro sa ni yãhtiri bato watĩno pehe Jerusalẽpũ “Cohãcjũ ya maca” tiquina nidi macapũ Jesure neahye. Topũ esa, Cohãcjũ ya wũhũ bui Jesure ne sahye tiquiro. <sup>6</sup> Ne sa tuhasa, tiquirore ohõ saha nimahye:

—Cohãcjũ yere tiquina ojoari pũ ohõ saha nine:

“Cohãcjũ tiquiro yequina angelere mũhare ihña ihbo dutirota. Sa yeye tiquina pehe mũhare ihña ihboeta ‘Ûtãpũ pũha tu maari,’ niñe”, nine tiquiro ojoari pũ.

Tiquiro sa nidi poto ijigũ mũhũ Cohãcjũ macu ijigu yehpapũ uhpu dijia ihñoña yũhare. Mũhare tiquina yedohogũ ihñoña yũhare, nimahye watĩno.

<sup>7</sup> Jesu uhpu dijia ihño dueraro ohõ saha ni yãhtiahye:

—Cohãcjũ yere tiquina ojoari pũ ohõ saha nine: “Mũsa pũhtoro Cohãcjũ tiquiro nidire ‘¿Poto ijiajari?’ ni masi duana Cohãcjũre ye ihño duti tuhueracãhña”, nine Cohãcjũ yere tiquina ojoari pũ, niahye Jesu.

<sup>8</sup> Tiquiro sa ni yãhtiri bato uhmũ yũhdũdu cãnapũ Jesure ne mũjahye watĩno tja. Tũ buipũ ne mũja sa pje, ijipihtiye macarine ihñodoque dijioahye Jesure. Tiquina cãoye gãhare ihñoahye. <sup>9</sup> Sa ihñoño Jesure ohõ saha nimahye:

—Yũhare dũsepe curi mehna quehe sa, ño peoya mũhũ. Mũhũ sa yegũ ijipihtiye ahri macarine mũhare ohoutja, ni yahumahye watĩno.

<sup>10</sup> Tiquiro sa nigũ Jesu ohõ saha ni yãhtiahye:

—Satana, wahaya mũhũ. Ohõ saha nine Cohãcjũ yere tiquina ojoari pũ: “Mũhũ pũhtoro Cohãcjũ dihitare ño peoya. Tiquiro ye dutiye dihitare yeya”, nine Cohãcjũ yere tiquina ojoari pũ, niahye Jesu watĩnore.

<sup>11</sup> Tiquiro sa nigũ tũhoro watĩno wahaa wahahye. Tiquiro wahari bato angele pehe wihi, Jesure yedohoye ihyayere ohoahye angele.

*Galilea yehpapũ Jesu buhe dũcahye (Mr 1.14-15; Lc 4.14-15)*

<sup>12</sup> Sa ye Ñure peresupũ tiquina yegũ tũhoro, wahaa wahahye Jesu. Waha, Galilea yehpapũ esahye. <sup>13</sup> Topũ ijiri macapũ Nazarepũ waha, yũhdũ cã, Capernau wame tiri macapũ esahye. Galilea wame tiri ditara dũhtũ cahapũ ijiri Capernau. Ti maca Zebulón yehpa cahapũ, Nefalí yehpa cahapũ ijiri Capernau. Topũ esa, ijiahye Jesu. <sup>14</sup> Sata yeahye Jesu panopũ cjũno Cohãcjũ yere yahu mũhtariquiro Isaia tiquiro ni ojoariro sahata. Ohõ saha ni ojoahye:

<sup>15</sup> Zebulón yehpa cahapũ, Nefalí yehpa cahapũ, ditarapũ wahari mahapũ, Jordã wame tiri ma ape sie pãhrẽpũ Galilea yehpa ijire. Ti yehpa judio masa ijieyequina ya yehpa ijire. <sup>16</sup> To cjẽna Cohãcjũ yere quehnoano masiedare. Sa masiedapeta quehnoariquirore ihñañepũ masieta. Tiquina pehe Cohãcjũre ne masiedare. Sa yeye pecapũ wahaboriquina ijimahye. Sa yero ihcãquiro tiquinare Cohãcjũ yere masigũ yerota, ni ojoahye Isaia.

<sup>17</sup> Topũ ijiri, Cohãcjũ yere yahu dũcahye Jesu:

—Mũsa ñañe yerire bũjũa witiya. Sa yena quehnoañene comesaya. Ûhmũse cjũno Cohãcjũ ijipihtiyequina pũhtoro tiquiro ijia to mehenogã dũhsare, ni yahu dũcahye tiquiro.

*Pititiaro wahi wejẽñequinare tiquiro mehna cjẽna ijiatiquinare pijiahye Jesu (Mr 1.16-20; Lc 5.1-11)*

<sup>18</sup> Sa ye Galilea wame tiri ditara dũhtũ cahapũ esaro, Simore, tiquiro bahũro Andre mehna boca sahye Jesu. Simo tiquina Pedro ni pisuriquiro ijiahye. Tiquina pehe wahi wejẽñequina ijiye, tiquina wẽñecjũre doque ñoñe niahye ditarapũ.

<sup>19</sup> —Yũhũ mehna cjãna ijianaja ahtaya mũsa. Yũhũ mehna mũsa ahtagũ mũsa wahire ñehe cahmecoana mũsa ijiri saha,



Cohãcjũ yequina ijiatiquinare masare piji cahmecoana ijigũ yeitja m̄sare. Yũhũ mehna m̄sa ahtagũ sa yeana jare cõtja m̄sare, niahye tiquiro tiquinare.

<sup>20</sup> Tiquiro sa nigũ t̄hoyeta tiquina wẽñecjũre cũ cã, tiquiro mehna wahahye.

<sup>21</sup> Sa ye Jesu tiquina mehna yũhdũ cã, Santiagore tiquiro bahũro Ñũ gũhũre boca sahye tja. Tiquina Zebedeo pohne ijiri. Tiquina yaria yuc̄saru tiquina pac̄ro mehna tiquina wẽñecjũre quehnoñe niahye. Tiquina p̄arore tiquiro pijioahye.

<sup>22</sup> Tiquiro sa pijiogũ t̄hoye, tiquina pehe duita tiquina pac̄rore, yuc̄sa gũhũre cũ, Jesu mehna wahahye.

*Peyequina masare buheahye Jesu  
(Lc 6.17-19)*

<sup>23</sup> Sa ye ijipihtiorũ Galilea yehpare Jesu buhe tinidi. Judio masa mari buheye wahũsepu quehnoañe buheyere, ãhmũse cjãno tiquiro p̄htoro ijiye tiyere buheri. Tiquinare buhe, dohatiyequinare quehnoa wahagũ yero, ijipihtiyere dohatiyere yũhdũori tiquiro. <sup>24</sup> Tiquiro sa yegũ t̄hoye Siria yehpa cjẽna ijipihtiorũ ti yehpau ijiyequina tiquirore masi dũcari. Sa masiñe, sijoro saha ijiye dohatiyere c̄oyequinare, watĩare c̄oyequinare, ñama yariaye c̄oyequinare, tini masieñequina gũhũre ne sari. Sa yero ijipihtiyequina tiquinare yũhdũgũ yeri Jesu. <sup>25</sup> Tiquiro sa yegũ ihñañe, Galilea yehpa cjẽna, Decapoli cjẽna, Jerusalẽ cjẽna, Judea yehpa cjẽna, Jordã ape sie pahrẽ cjẽna peyequina masa tiquiro mehna wahari.

## 5

*Cũnpũ m̄ja, topũ buheahye Jesu masare  
(Lc 6.20-23)*

<sup>1</sup> Sa ye masa peyequina tiquiro caharu tiquina esagũ ihñano Jesu cũnpũ m̄jaa wahahye. M̄ja sa, topũ dujiahye. Topũ dujigũ tiquiro buheyequina tiquiro caharu esahye. <sup>2</sup> Tiquina esagũ ihñano ohõ saha ni buhe dũcahye.

<sup>3</sup> —Tiquina ñañene bujma witiyequina Cohãcjũre cahmeñequina bucueyequina ijire. Ëhmũse cjãno tiquiro p̄htoro ijiropure wahaeta tiquina. Ëhmũse cjẽ tiquina ye ijire.

<sup>4</sup> 'Utiyequina gũhũ bucueyequina ijire. Tiquinare bucuegũ yerota mari Pacũ.

<sup>5</sup> 'Apequinare yũhdũca dueyequina "Ihyo ijina ijiaja ãsã", ni t̄hotuyequina bucueyequina ijire. Cohãcjũ "Ohoutja", tiquinare tiquiro nidi yehpare c̄oeta tiquina.

<sup>6</sup> 'Cohãcjũ dutiro saha ye duayequina, quehnoañene ye duayequina bucueyequina ijire. Cohãcjũ tiquiro yedohogũ tiquina quehnoañene yeducueta.

<sup>7</sup> 'Apequinare paja ihñañequina bucueyequina ijire. Tiquina sa paja ihñagũ Cohãcjũ tiquina gũhũre paja ihñanota.

<sup>8</sup> 'Tiquina ñañene cosenohriquina bucueyequina ijire. Cohãcjũre ihñaeta tiquina.

<sup>9</sup> 'Apequinare cahmequedagũ yeyequina bucueyequina ijire. Tiquinare "Yũhũ pohna ijire", ninota Cohãcjũ.

<sup>10</sup> 'Cohãcjũ dutiyere tiquina yeri buhiri apequina ñano yere Cohãcjũ tiquiro dutiriquinare. Tiquina sa ñano yegũ bucueyequina ijire tiquina pehe. Ëhmũse cjãno tiquiro p̄htoro ijiropũ tiquiro yere c̄oeta tiquina.

<sup>11</sup> 'Yeere m̄sa yeri buhiri apequina m̄sare tiquina tuhtiepegũta bucuena ijire m̄sa. M̄sare tiquina ñano yepegũta bucuena ijire m̄sa. Yeequina m̄sa ijiri buhiri m̄sare ijipihtiyere ñañe tiquina quitu dojomehnepegũta tiquina ni mehoepegũta bucuena ijire m̄sa.

<sup>12</sup> Cohãcjũ yere yahu m̄htariquinare m̄sa pano ijiriquinare tiquinap̄reta ñano ye m̄htahye. Tiquinare yeriro sahata m̄sa gũhũre apequina sa yegũ bucueya. Quehnoano jeripohna tiya. Sa yero ãhmũsepu m̄sa esagũ pajiro quehnoano yerota m̄sare Cohãcjũ, ni yahuahye Jesu.

*Moa yero saha, buhriero yero saha ijire  
Jesu yequina*

*(Mr 9.50; Lc 14.34-35)*

<sup>13</sup> Sa ye Jesu buhe nemoahye:

—Moa mehna wahi quiro dihire ti ñano wahaeragũ yero sahata m̄sa pehe yeequina pehe ijipihtiyequina apequinare ñañene tiquina ye dueragũ yere. Sa ijieperota moa pehe ti ñañe wahagũ pari turi quehnoañe ye masiedare. Ti moa ne

quehnoaedare. Ti sa wahagũ ti moare cohãno cahmene. Ti moare cohãri bato ti bui masa cahta cũre. Ne dahseati ijierare ti moa tiquiro cohãne. (Ti dahseati ijieraro saha ijieracãhña m̄sa. Cohãcjũ ye pehere cohãedacãhña,) ni yahuahye Jesu.

14 Sa ye tiquiro buhe nemoahye:

—Buhriero marine ihñagũ yero sahata m̄sa pehe yeequina pehe ahri yehpa cjẽnare Cohãcjũre masigũ yere. Cũnũ bui ijiri macare n̄ono basioerare. 15 Sa ye sihãriare masa sihãne, sutu docapũ moha dapo masiedare. Tiare sihãriare uhm̄anopũ duhu peore ti wũhũ cjẽna ijipihtiyequina tiquina ihñatiare. 16 Ohõ sahata m̄sa gũhũ buhriero yero saha ijina, quehnoañene yeya. M̄sa sa yegũ ihñañe masa mari Pacũ uhm̄use cjãnore ño peo, “Tutuagũ, quehnoagũ ijire”, nieta, ni yahuahye Jesu.

*Cohãcjũ tiquiro dutiyere tiquiro ojoari gũhũre yahuahye Jesu*

17 Sa ni tuhasa, tiquinare yahu nemoahye:

—Ahrire m̄sa masigũ cahmeaja yũhũ. Cohãcjũ dutiyere Moisere tiquiro cũrire, tiquiro yere yahu m̄htañequina tiquina ojoari gũhũre cohãgũ tagũ niedũ. Ti dutiyere m̄sare quehnoano yahu potou tũnũ nii. Ti dutiyere poto ijigũ ihñou ahtaũ. Ti dutiye ni diro sahata ye sohtori tii tũnũ nii. 18 Ijirota m̄sare niaja. Pihtiri deco pano ijinigũ Cohãcjũ dutiye Moisere tiquiro cũrire ne mehenogã cohãsi mari. Ahri yehpa, uhm̄use gũhũ ti ijiro puno tiquiro dutiye gũhũ ijirota. 19 Sa yeye ti dutiyere ihquẽquina yũhdũdcaye, apequinare sata ye dutiye, uhm̄use cjũno tiquiro pũhtoro ijiropũ cahacjẽna yero saha ijieta. Ihcã dutirogã ijiepegũta tiquina yũhdũdcaye, cahacjẽna yero saha ijieta tiquina. Apequina ti dutiyere quehnoano yeye, apequinare tiquina yero saha ye dutiye, uhm̄use cjũno tiquiro pũhtoro ijiropũ pũhtoa yero saha ijieta tiquina pehe. 20 M̄sare niita niaja yũhũ. Judio masare buheyequina, fariseo masa gũhũ Cohãcjũ cahmeñene queoro yerare. Tiquina yũhdũoro Cohãcjũ cahmeñene yeya m̄sa. M̄sa sa yerana,

tiquiro pũhtoro ijiropũre ne esasi m̄sa, ni yahuahye Jesu.

*Usuayere yahuahye Jesu*

*(Lc 12.57-59)*

21 Sa ni tuhasa, tiquinare yahu nemoahye:

—Panopũ cjẽna ohõ saha ni tiquina yahurire tũhori jimedi m̄sa: “Masare wejẽdacãhña. Masare wejẽdiquirore tiquina buhiri dahreatiquiro ijire”, tiquina nidire tũhori jimedi m̄sa. 22 Ahri tiquina yahuri yũhdũo cjũno m̄sare ahri pehere yahu nemoutja. Tiquiro acayũro mehna usuariquiro pehe tiquina buhiri dahreatiquiro ijire masũnore wejẽdiquiro yero saha. Tiquiro acayũrore tuhtiriquiro “Ne tũho masiñe mariegũ ijire m̄hũ”, nidiquiro buhiri dahre dutiyequina cahapũ tiquina neatiquiro ijire. “Tũho masiegũ ijire m̄hũ”, tiquiro acayũrore sa nidiquirore pecapũ wahaboaga tiquiro.

23 M̄sa acayũro m̄sare tiquiro ihña tuhtigũ ohõ saha yeya. Cohãcjũ wũhũpũ Cohãcjũre m̄sa ño peoato pano, tiquirore wahiquirore m̄sa ohoato pano ohõ saha yeya. 24 Cohãcjũre m̄sa ohoatire duhu cũ, m̄sa acayũro cahapũ waha, “Pari turi cahmequedacãhna. To punota duhuuhna tire”, niña tiquirore. M̄sa sa nidi bato Cohãcjũre oho, ño peona wahaya tiquiro ya wũhũpũ.

25 Apequiro m̄hũre yahusã duaro, pũhtoro masare beseriquiro cahapũ m̄hũre tiquiro nea duagũ, tiquiro mehna usuaro marieno ijiya. Beseriquiro cahapũ tiquiro neato pano tiquiro mehna quehnoano ijiya. M̄hũ sa yegũ ihñano tiquiro m̄hũre yahusãedaboaga. M̄hũ sa quehnoano ijieragũ ihñano topũre m̄sa esagũ tiquiro pehe m̄hũre masare beseriquirore yahusãnota. Tiquiro sa yahusãgũ, beseriquiro pehe peresu yeyequinapũre m̄hũre ohorota. Sa yeye tiquina m̄hũre peresu yeeta. 26 Ijirota niaja m̄hũre. Topũ ijiniita m̄hũ. Tee tiquina wapa ye dutirire m̄hũ wapa ye pehogũpũ wijiagũta m̄hũ, ni yahuahye Jesu.

*Apequiro namono mehna ñano yeyere yahuahye Jesu*

<sup>27</sup> Ohõ saha ni yahu nemoahye Jesu:

—Panop<sub>u</sub> cjēnare ohõ saha tiquina ni yahurire tãhori jimedi m<sub>usa</sub>: “Apequiro namono mehna ñano yeracãhña”, tiquina nidire tãhori jimedi m<sub>usa</sub>. <sup>28</sup> Ahri tiquina yahuri yãhd<sub>uo</sub> cjũno m<sub>usare</sub> ahri pehere yahu nemoutja. Numinore ñehedaperota, ihcãquiro ticorore ñano tutuaro cahmeno, ñano wacũ tãhoturo, ñano ye tuhasari ticoro mehna.

<sup>29</sup> Sa yeg<sub>u</sub> m<sub>uh</sub>u capea poto peher<sub>u</sub> ijiria mehna ñano yeg<sub>u</sub>, tiare ore we ne m<sub>uh</sub>u cohãboriro sahata ti ñañene duhuya. Tire duhuerag<sub>u</sub> pecar<sub>u</sub> wahag<sub>u</sub>ta. M<sub>uh</sub>u capeare m<sub>uh</sub>u cohãgũ tia capea dihita butire. M<sub>uh</sub>u pehere pecar<sub>u</sub> m<sub>uh</sub>u wahagũ ña yãhd<sub>uare</sub>. Sa yeg<sub>u</sub> ti ñañene duhuya. <sup>30</sup> Sa yeg<sub>u</sub> m<sub>uh</sub>u omoca poto pehe ijiri omoca mehna ñano yeg<sub>u</sub>, ti omocare m<sub>uh</sub>u d<sub>ute</sub> cohãboriro sahata ti ñañene duhuya. Tire duhuerag<sub>u</sub> pecar<sub>u</sub> wahag<sub>u</sub>ta. M<sub>uh</sub>u omocare m<sub>uh</sub>u cohãgũ ti omoca dihita butire. M<sub>uh</sub>u pehe pecar<sub>u</sub> m<sub>uh</sub>u wahagũ ña yãhd<sub>uare</sub>. Sa yeg<sub>u</sub> ti ñañene duhuya, ni yahuahye Jesu.

*Tiquiro namonore cohãñene, wame peoye gãh<sub>ure</sub> yahuahye Jesu*

*(Mt 19.9; Mr 10.11-12; Lc 16.18)*

<sup>31</sup> Ohõ saha ni yahu nemoahye Jesu:

—Panop<sub>u</sub> ahri gãh<sub>ure</sub> niahye: “Tiquiro namonore cohã duariquiro tiquiro cohãtire yahuri pũ mehna ticorore cohã masine”, nimahye panop<sub>u</sub>. <sup>32</sup> Ahri tiquina yahuri yãhd<sub>uo</sub> cjũno m<sub>usare</sub> ahri pehere yahu nemoutja. Tiquiro namono apequiro mehna ñano yericoro ticoro ijierapegũta ticoro man<sub>u</sub>no ticorore cohãboaga. Ticoro sa cohãnohricoro apequiro mehna omoca d<sub>u</sub>htero, ñano yero niaga ticoro apequiro mehna ijiro. Ticoro man<sub>u</sub>no ticorore tiquiro cohãri bato ticorore apequiro mehna ñano yegũ yere. Sa yero tiquiro bato namo tiriquire gãh<sub>u</sub> ticoro mehna ñano yero nine, ni yahuahye Jesu.

<sup>33</sup> Ohõ saha ni yahu nemoahye Jesu:

—Panop<sub>u</sub> cjēna ohõ saha tiquina ni yahurire tãhori jimedi m<sub>usa</sub>: “M<sub>usa</sub> nidiro sahata yeya. ‘Cohãcjũ mehna poto sa yeitja’ m<sub>usa</sub> nidiro sahata yeya”, tiquina ni yahurire tãhori jimedi m<sub>usa</sub>. <sup>34</sup> Ahri

tiquina yahuri yãhd<sub>uo</sub> cjũno m<sub>usare</sub> ahri pehere yahu nemoutja. “Ëhm<sub>use</sub> mehna poto nii niaja”, ni ãhm<sub>use</sub> mehna wame peoeracãhña. Ëhm<sub>use</sub> pehe Cohãcjũ mari pãhtoro tiquiro ijiro ijire. Ihyo ijiro ijierare. Sa ijigũ ihñana sa niedacãhña. <sup>35</sup> Ahri yehpa mehna ne wame peoeracãhña. Ahri yehpa Cohãcjũ ya yehpa ijire. Sa ijigũ ihñana sa niedacãhña. Jerusalē mehna ne wame peoeracãhña. Tutuariquiro mari pãhtoro ya maca ijire Jerusalē. Ihyo ijiri maca ijierare. Sa ijigũ ihñana sa niedacãhña ti wamene. <sup>36</sup> “Y<sub>uh</sub>u dapu mehna poto nii niaja”, ni wame peoeracãhña. M<sub>usa</sub> poari yehseye poari wahagũ ye masiedare m<sub>usa</sub>. Ti poarire ñiñe wahagũ gãh<sub>ure</sub> ye masiedare m<sub>usa</sub>. Sa ye masiena “Y<sub>uh</sub>u dapu mehna poto nii niaja”, ni wame peoeracãhña. <sup>37</sup> “Yenatja”, nina wame peoro marieno ohõ saha dihita tire niducuya. “Yesi”, nina gãh<sub>u</sub> wame peoro marieno niducuya. M<sub>usa</sub> wame peo nina, watĩno ñariquiro dutiro saha yena niaga, ni yahuahye Jesu.

*Tiquina cahme ihña tuhtiyere yahuahye Jesu*

*(Lc 6.29-30)*

<sup>38</sup> Ohõ saha ni yahu nemoahye Jesu:

—Panop<sub>u</sub> ohõ saha tiquina ni yahurire tãhori jimedi m<sub>usa</sub>. “M<sub>uh</sub>ure apequiro m<sub>uh</sub>u capeare tiquiro quẽ tihãriro sahata m<sub>uh</sub>u gãh<sub>u</sub> tiquirore quẽ tihã cahmeña. M<sub>uh</sub>u upiriare tiquiro quẽ nuhariro saha m<sub>uh</sub>u gãh<sub>u</sub> quẽ nuha cahmeña”, tiquina nidire tãhori ijimedi m<sub>usa</sub>. <sup>39</sup> Tiquina yahuri yãhd<sub>uo</sub> cjũno ahri pehere yahu nemoutja m<sub>usare</sub>. M<sub>uh</sub>ure ñano yeriquire sa ihña cãhña. Ihcã pehe m<sub>uh</sub>u wahsupure tiquiro quẽgũ, ape sie gãh<sub>ure</sub> quẽ dutiya tiquirore. <sup>40</sup> Apequiro buhiri dahre dutiriquire m<sub>uh</sub>ure tiquiro yahusãgũ, dutiriquire pehe m<sub>uh</sub>u camisare m<sub>uh</sub>ure yahusãriquire oho dutiboaga. Tiquiro oho dutigũ, tiquirore ohoya. M<sub>uh</sub>u bui cjã suhtiro gãh<sub>ure</sub> oho nemoña tiquirore. <sup>41</sup> Apequiro surara apee borore ihcã kilómetro m<sub>uh</sub>ure tiquiro nea basa dutigũ, ape kilómetrore waha nemoña tja. <sup>42</sup> M<sub>uh</sub>ure sinidiquirore ohoya. Sa yeg<sub>u</sub> apequiro m<sub>uh</sub>ure waso dutigũ wasoya tiquirore, ni yahuahye Jesu.

*Musa sare ihña tuhtiequinare cahña  
(Lc 6.27-28, 32-36)*

<sup>43</sup> Ohõ saha ni yahu nemoahye Jesu:

—Masa ohõ saha nine: “Musa mehna cjênare cahña. Sa yena musare ihña tuhtiequinare ihña tuhti cahmeña tja”, tiquina nidire tãhori jimedi musa. <sup>44</sup> Tiquina yahuri yãhdão cjũno ahri pehere yahu nemoutja musare: Musare ihña tuhtiequinare cahña. Musare ñano yeyequinare tiquina ye ijiatire Cohãcjũre sini basaya. <sup>45</sup> Musa sa yena mari Pacũ ãhmũse cjãno pohna ijire musa. Cohãcjũ pehe ihcãno saha yere masare. Ñãnequina gãhũre quehnoañequina gãhũre asũ asigũ yere tiquiuro. Sa yero Cohãcjũ dutiyere yeyequina gãhũre, yeeyequina gãhũre acoro ahtagũ yere tiquiuro. Masare ihcãno saha tiquiuro yeriro sahata musa gãhũ yeya. <sup>46</sup> Musare cahñequina dihitare musa cahĩgũ ti ne dũhseati ijierare. Wapa ne cohteyequina gãhũ sata yere. Sa yena ijipihtiequinare cahña. <sup>47</sup> Musa acaye dihitare musa quehnoano piti cagũ ti ne dũhseati ijierare. Cohãcjũre masieñequina gãhũ sata yere. Sa yena ijipihtiequinare quehnoano piti caya. <sup>48</sup> Ñãne mariena ijiya musa. Mari Pacũ ãhmũse cjãno tiquiuro ñãne marieniquiro tiquiuro ijiro sahata musa gãhũ ñãne mariena ijiya, ni yahuahye Jesu.

## 6

*Quehnoañe yeyere yahuahye Jesu*

<sup>1</sup> Pari turi tiquiuro yahu nemoahye:

—Cohãcjũ ye ijiatire quehnoañene yena, tire masare “Ohõ saha ijigũ ijiaja yũhũ”, ni ye ihñoedacãhña apequinare. Musa sa ni ye ihñori buhiri quehnoañene musa yeri dũhseati ijierare. Sa yero Cohãcjũ ãhmũse cjãno quehnoañene musa yeri wapa musare ohosi. <sup>2</sup> Sa yena pejecũoyequinare yedohona, tire masare ye ihñoedacãhña. Masa tiquina ihñenopũ yedohoya tiquinare. Sata ihquẽquina ye ihñore mahapũ ijiyequinare, judio masa mari buheye wãhũsepũ ijiyequina gãhũre. Tiquina mari ihñono dihita quehnoano iji mehoñequina ijire. Sa ye ihñore tiquina, “Quehnoañequina ijire ahriquina”, masare

ni ihña dutiye. Tiquina sa ni ihñagũ sa ye ihñoñequina pehe bucue tuhasari. “Quehnoañequina ijire”, ni masa tiquina ño peogũ bucue tuhasari tiquina. Sa yero Cohãcjũ pehe ne bucue nemogũ yesi tiquinare. <sup>3</sup> Sa yena pejecũoyequinare yedohona, masa tiquina ihñenopũ yedohoya tiquinare. Musa mehna cjẽna mehna ijina tiquina ihñeno pejecũoyequinare yedohoya. <sup>4</sup> Masa tiquina ihñenopũ musa yedohoepegũta Cohãcjũ pehe ihñare. Sa ihñano musa sa yeri wapa ohorota musare, ni yahuahye Jesu.

*Cohãcjũre siniñene yahuahye Jesu  
(Lc 11.2-4)*

<sup>5</sup> Pari turi tiquiuro yahu nemoahye:

—Cohãcjũre sinina, masa ihñono dihita quehnoano iji mehoñequina yero saha yeracãhña musa. Judio masa mari buheye wãhũsepũ ducu, mahapũ gãhũre ducu, Cohãcjũre sini ihñore tiquina masare. Sa sini ihñoñe poto masa tiquina ño peoye mehna tiquina bucue tuhasari. <sup>6</sup> Cohãcjũre sinigũ tagũ, mũhũ ya tucũpũ biha sajãña. Biha sajã, mari Pacũ ihñamehneniquirore siniña. Musa sa yegũ masa marienopũ musa siniepegũta mari Pacũ musare tãhorota. Sa tãhoro musare quehnoano yerota tiquiuro.

<sup>7</sup> Sa yena Cohãcjũre sinina, tãhoturo marieno musa sinidireta pari turi sini majare tojoeracãhña. Ohõ sahata yere Cohãcjũre masieñequina. “Peye tahari ihcãno saha usã sinigũ Cohãcjũ usãre tãhorota”, ni tãhotumene tiquina. <sup>8</sup> Tiquina yero saha yeracãhña musa. Musa siniato pano mari Pacũ musa cahmeñene masi tuhasare. <sup>9</sup> Sa yena ohõ saha ni siniña musa Cohãcjũre: Usã Pacũ, ãhmũse cjũ mũhũ quehnoagũ sa ijiducure.

<sup>10</sup> Yojopũre ijipihtiequina pãhto ijiya. ãhmũsepũ mũhũ dutiro sahata tiquina yeriro sahata ahri yehpa cjẽna gãhũ yehro.

<sup>11</sup> Sa yegũ decoripe usã ihyatire ohoducuya usãre.

<sup>12</sup> Apequina usãre tiquina ñano yerire usã boaja. Sa yegũ mũhũ gãhũ usã ñano yerire boya.

13 Sa yegũ usã ñañene ye duagũ usã tutuaro cahmegũ ihñagũ tire usãre ye dutiegũta. Sa yegũ usãre usã ñañene yeragũ yeya.

Mũhũ usã puhto tutuagũ sa ijiducugũta. Ijipihtiyequina mũhũre sa ño peodu-cuahro, ni siniña Cohãcjũre.

14 'Apequina mũsare tiquina ñano yerire mũsa bogũ ihñano, mari Pacũ uhmũse cjũno gũhũ mũsa ñano yerire borota. 15 Sa boeperota apequina mũsare tiquina ñano yerire mũsa boeragũ mari Pacũ gũhũ mũsa ñano yerire bosì, ni yahuahye Jesu.

### *Sijiyere buheahye Jesu*

16 Sa yero tiquiro tiquinare yahu nemoahye:

—Cohãcjũre ño peona tana sijina bujũa witiyequina yero saha ye ihñoedacãhña. Sata yere masa ihñono dihita quehnoano iji mehoñequina. Tiquina wũhdoa paca bujũa witiyequina yero saha ijire. Tiquina sa ijiequina ijigũ tiquina sijigũ ihña masine masa. Ijirota mũsare nii niaja. Masa tiquinare ño peogũ cahmene tiquina. Sa yeye tiquinare tiquina ño peogũ ihñañe bucue tuhasari. Cohãcjũ pehe tiquirore tiquina ño peori wapa tiquinare bucuegũ yesì. Sa yena tiquina yero saha ye ihñoedacãhña mũsa. 17 Mũsa sijina, mũsa poarire aco mehna wa peo wũhapo peoya. Sa yena mũsa wũhdoa pacare coseya. 18 Mũsa sa yegũ mũsa sijigũ ihña masisi masa. Cohãcjũ dihita mũsa sijiyere ihña masinota. Mũsa sehsaro mũsa ijigũ tiquiro mũsa mehna sa ijiducure. Sa ihñano tiquiro mũsare quehnoano yerota tiquirore mũsa ño peori wapa, ni yahuahye Jesu.

### *Uhmũse cjẽne cũo dutiahye Jesu*

(Lc 12.33-34)

19 Sa yero tiquiro yahu nemoahye:

—Ahri yehpa cjẽne ne cahmecoedacãhña. Ohõ cjẽ ahbaa wahaboaga. Ti ahbaeragũ yaqueriquiro neboaga tire. Tiquiro yaqueragũ mecasia tũaboaga. Sa yero ahri yehpa cjẽ butiaro cuarĩne. Sa yena ahri yehpa cjẽne tutuaro cahmedacãhña. 20 Uhmũse cjẽ pehere cahmeña mũsa. Uhmũse cjẽne mecasia tũa masiedare. Topũ mũsa cũoye ne ahbaerare. Topũre yaqueriquiro ne

masiedare. Sa yena uhmũse cjẽne cahmeña mũsa. 21 Topũ mũsa cũoye ijigũ, uhmũse cjẽne Cohãcjũ yere tutuaro wacũre mũsa, ni yahuahye Jesu.

### *Masa tiquina tũhoturo sahata yere* (Lc 11.34-36)

22 Sa yero ohõ saha ni yahu nemoahye tiquinare:

—Sihãria quehnoano buhriogũ mari quehnoano ihña masino sahata quehnoañene tũhotuye mehna quehnoano ye masinata mũsa. Mũsa tũhoturo sahata yere mũsa. Quehnoañene tũhotuna quehnoano yere mũsa. 23 Quehnoañene tũhotuerana ñañene yere mũsa. Mũsa ñañe dihitarẽ mũsa tũhotuducugũ ti ñañe pehe ña yũhdũye ijire, ni yahuahye Jesu.

### *Niñerure cahñequina, Cohãcjũ pehere cahñedare*

(Lc 16.13)

24 Sa yero tiquiro yahu nemoahye tiquinare:

—Ihcãquiro Cohãcjũ pehere wacũno, tutua yũhdũaro niñeru pehere wacũedare. Niñeru pehere tutua yũhdũaro wacũno Cohãcjũ pehere wacũedare. Niñeru dihitarẽ cahmediquiro ijiro Cohãcjũre bucuegũ yerare. Cohãcjũ gũhũre, niñeru gũhũre pũarore cahme yũhdũdũcaro basioerare mũsare.

### *Cohãcjũ tiquiro pohnene ihña ihbore* (Lc 12.22-31)

25 'Sa yegũ ahrire mũsare nii niaja: Mũsa ihyayere, sihniñene, suhti gũhũre pajiro bujũa witi tũhotueracãhña. Mũsare bajumehnenõ ihyayere ihyatina dihitarẽ suhti sañatina dihitarẽ Cohãcjũ yerari mũsare. 26 Minicjũa parire Cohãcjũ tiquiro ihña ihboyere masiña mũsa. Tiquina weseri marieñequina ijire. Sa yeye ihyayere tiquina ihboye wũhũse tiquinare mariedare. Mari Pacũ pehe tiquinare tiquina ihyatire ohore. Minicjũa yũhdũoro mũsa pehere cahñe Cohãcjũ. Sa yero mũsa gũhũre ihña ihborota tiquiro. 27 Pajiro mũsa tũhotuye mehna ti mũsare ihcã hora cati nemogũ yerare. Sa yero mũsa pajiro tũhotuye dũhseati ijierare.

28 'Sa yena mũsa suhti sañatire pajiro bujũa witi tũhotueracãhña. Nũcũ cjẽ cohorì

ti cohoyere t̄hotuya. Ti cohorī ti basi suhtire yerare. Sa yerapeta ti cohorī quehnoañe suhti yero saha quehnoañe cohorī bajure. <sup>29</sup> Salomo m̄nano quehnoañe suhtire sañariquiro tiquiro ijiepeḡata ti cohorī pehe tiquiro ȳhd̄oro quehnoa ȳhd̄aye cohorī waro ijire. <sup>30</sup> Cohorire quehnoañe cohorī yere Coh̄c̄j̄u pehe. Ti cohorī pehe meheñe decoriḡa ijiducu ñai bora dijiaa wahare. Mehenoḡa iji, ape decor̄u pecar̄u ɱj̄ua wahare. Sa ijiepeḡata cohorire quehnoañe cohorī ijiḡu yere Coh̄c̄j̄u. Sa yero Coh̄c̄j̄u cohorire tiquiro quehnoañe cohorī tiquiro yeriro ȳhd̄oro m̄sa ḡuh̄are quehnoano yerota. Suhtire ohorota. Coh̄c̄j̄ure mehenoḡa wac̄u tutuare m̄sa. <sup>31</sup> Sa yena m̄sa ihyatire, m̄sa sihniatire, m̄sa suhti sañatire pajiro b̄j̄ua witi t̄hotuerac̄h̄ña. <sup>32</sup> Coh̄c̄j̄ure cahmeeñequina pehe tire sa macaducuye nine. Mari Pac̄u ɱhm̄se c̄j̄ano ijipihtiye m̄sa cahmeñene masine. Tiquiro sa masiḡu pajiro b̄j̄ua witi t̄hotuerac̄h̄ña. <sup>33</sup> Coh̄c̄j̄u m̄sa p̄h̄toro tiquiro ijiatore cahme m̄htaña m̄sa. Ijipihtiye apee boro ȳhd̄oro tiquirore cahmeña m̄sa. Quehnoañene tiquiro ye dutiye ḡuh̄are cahmeña. M̄sa sa yeri bato Coh̄c̄j̄u pehe m̄sa cahmeñe d̄hsaḡu ohorota. <sup>34</sup> Sa yena ñamiap̄ure m̄sa d̄hse wahatore pajiro b̄j̄ua witi t̄hotuerac̄h̄ña. Ñamiare m̄sa ñano ȳhd̄uḡu Coh̄c̄j̄u yedohorota m̄sare. Miare m̄sa ñano ȳhd̄uato iji tuhasare. Sa yena mia c̄j̄e dihitare t̄hotuya. Ape deco c̄j̄ene pajiro b̄j̄ua witi t̄hotu nemoedac̄h̄ña. Coh̄c̄j̄u pehe m̄sare yedohorota, ni yahuahye Jesu.

## 7

*Apequinare “Ñañequina ijire”, niedac̄h̄ña (Lc 6.37-38, 41-42)*

<sup>1</sup> Sa yero tiquiro tiquinare yahu nemoahye:

—Apequinare “Ñañequina ijire”, niedac̄h̄ña m̄sa. M̄sa sa niedaḡu Coh̄c̄j̄u m̄sare “Ñana ijire”, nisi. <sup>2</sup> Apequinare “Quehnoano yerare”, m̄sa ni ih̄ñano sahata Coh̄c̄j̄u pehe m̄sa ḡuh̄are sata ni ih̄ñanota. <sup>3</sup> Mari queoye mehna mari buheḡu oh̄o saha yena ijire m̄sa. M̄sa

acaȳro tiquiro capeap̄u meheni pohcaroḡa saj̄aḡu ti pohcaroḡare quehnoano ih̄ñare m̄sa. M̄sa ya capea pehere pajiri p̄j̄i ijiepeḡata ti p̄j̄ine ne ih̄ñedare m̄sa. Meheni pohcaroḡare m̄sa ih̄ñano saha m̄sa acaȳro tiquiro ñano yeye pehere quehnoano ih̄ñare m̄sa. M̄sa basi m̄sa ñañene tutuaro yepenata tire masiedare m̄sa, pajiri p̄j̄ine m̄sa ih̄ñeno saha. ¿D̄hse ijero boro sa ijiajari m̄sa? <sup>4</sup> Oh̄o saha nibona ijire m̄sa: “Ȳh̄u acaȳu, ñañene yei nine m̄h̄u. Sa yeḡu tire duhuya”, nibona ijire m̄sa. Sa nibona ijiepenata pajiro ñañene yere m̄sa. ¿D̄hsena m̄sa ñañene yepenata tire masiedajari m̄sa? <sup>5</sup> Masa tiquina ih̄ñono dihita quehnoano iji mehona ijire m̄sa sa yena. Pajiri p̄j̄ine m̄sa capeap̄u ijiri p̄j̄ine m̄sa ne m̄htaboriro sahata m̄sa ñano yeye pehere duhu m̄htaña. M̄sa sa yeri bato m̄sa acaȳro tiquiro ñano yeyere duhuḡu ye masiboaga, meheni pohcaroḡare m̄sa neboriro sahata.

<sup>6</sup> Diayea yero saha ijieyequina, yesea yero saha ijieyequina ḡuh̄u ñañequina Coh̄c̄j̄u yere quehnoa ȳhd̄uyere tiquina ño peoerare. Tiquina pehere yahuerac̄h̄ña. “Tiquina b̄j̄upe, ñano niari”, nina, yahuerac̄h̄ña tiquinare, ni yahuahye Jesu.

*Coh̄c̄j̄ure mari siniñene yahuahye Jesu (Lc 11.9-13; 6.31)*

<sup>7</sup> Sa yero tiquiro tiquinare yahu nemoahye:

—Coh̄c̄j̄ure siniña m̄sa. Sinina m̄sa nenata. M̄sa sinidire bocanata. Tiquirore sa siniducuya m̄sa. M̄sa sa yeḡu tiquiro m̄sare ohorota. <sup>8</sup> Ijipihtiyequina Coh̄c̄j̄ure siniñequina neeta. Sa yeye tiquina sinidire bocaeta. Sa yero ijipihtiyequina Coh̄c̄j̄ure sa siniducuyequinare tiquiro tiquinare ohorota.

<sup>9</sup> ¿M̄sa pohna p̄aḡare m̄sare tiquina siniḡu ut̄a pehere ohoboagari m̄sa tiquinare? Ne ohosi.

<sup>10</sup> ¿M̄sa pohna wahire m̄sare tiquina siniḡu aña pehere ohoboagari m̄sa tiquinare? Ne ohosi.

<sup>11</sup> M̄sa ñana ijiepenata m̄sa pohñare quehnoañene ohoe tiri m̄sa. Sa yero Coh̄c̄j̄u pehe m̄sa ȳhd̄oro quehnoañene ohore m̄sare tiquiro pohñare tiquirore

sininare. M̄sa pohnare m̄sa ohoriro ȳhd̄uro Coh̄c̄j̄ pehe tiquiro pohnene ohore.

<sup>12</sup> Apequina m̄sare tiquina quehnoano yeḡ cahmene m̄sa. Tiquinare m̄sa quehnoano yeḡ cahmeno sahata quehnoano yeya tiquina ḡh̄re. Tiquina quehnoano yerapeḡta m̄sa pehe tiquinare quehnoano yeya. Sata ye dutire Coh̄c̄j̄ dutiye Moiserē tiquiro c̄rip̄, Coh̄c̄j̄ yere yahu m̄htariquina tiquina ojoari ḡh̄, ni yahuahye Jesu.

*Meheni sopecahagã quitire yahuahye Jesu*

*(Lc 13.24)*

<sup>13</sup> Sa yero tiquiro yahu nemoahye tiquinare.

—Ehm̄sep̄ Coh̄c̄j̄ cahap̄ waha duana tiquiro yere yero cahmene m̄sare. Sa yena tiquiro yere sa ye macaedacãno cahmene. Mehēni sopecahagãp̄ m̄sa sajã duaḡ mijor̄ne. Sata mijor̄ne Coh̄c̄j̄ cahap̄ m̄sa waha duaḡ. Pecap̄ masa tiquina wahaḡ mijoadare. Pajiri sopecahap̄ mari sajãḡ mijoadare. Ti sopecahap̄ masa tiquina sajãboro saha pecap̄ masa tiquina wahaḡ mijoadare. Sa yeye peyequina masa top̄ wahaye nine. <sup>14</sup> Coh̄c̄j̄ cahap̄ m̄sa waha duaḡ mijor̄ne. Meheñequinagã masa top̄ wahaeta. Top̄ wahayequina ijipihtiye decori Coh̄c̄j̄ mehna ijiducuenta, ni yahuahye Jesu.

*Yuc̄ḡ d̄care masina, t̄ pad̄ ḡh̄re masine m̄sa*

*(Lc 6.43-44)*

<sup>15</sup> Sa yero tiquiro yahu nemoahye tiquinare:

—Quehnoano yeya. “Coh̄c̄j̄ yere yahu m̄htana ijiaja”, ni mehoñequinare t̄hoeracãh̄na m̄sa. Tiquina oveja yero saha usueyequina saha bajumene. Tiquina t̄hotuyep̄ ñañequina ijire tiquina. <sup>16</sup> Tiquina ñano yeḡ ih̄ñana, ñañequina tiquina ijiḡ masinata m̄sa. Tiquina quehnoano yeḡ ih̄ñana quehnoañequina tiquina ijiḡ masinata m̄sa. Pota b̄c̄ḡ ãh̄se t̄horine d̄ca tierare. Potaḡ higuera pacare d̄ca tierare. <sup>17</sup> Quehnoad̄ yuc̄ḡ quehnoañene d̄ca tire. Ñad̄ pehe ñañene

d̄ca tire. <sup>18</sup> Quehnoad̄ yuc̄ḡ ñañene ne d̄ca tierare. Sa yero ñad̄ quehnoañene d̄ca tierare. <sup>19</sup> Quehnoañene d̄ca tieye c̄j̄re d̄te coh̄ cã, pecap̄ ãj̄ñanota. Sata yerota Coh̄c̄j̄ tiquiro cahmeñene yerariquinare. <sup>20</sup> Sa yena “Coh̄c̄j̄ yere yahu m̄htana ijiaja”, ni mehoñequinare oh̄ saha masinata. Tiquina yerire ih̄ñana, tiquina ni mehoñequina ijiḡ masinata, ni yahuahye Jesu.

*“M̄sare ne masiedaja”, ninota Coh̄c̄j̄ peyequina masare*

*(Lc 13.25-27)*

<sup>21</sup> Sa yero tiquiro yahu nemoahye tiquinare:

—Peyequina ȳh̄re “P̄hto” niñequina ijiepetā ãhm̄se c̄j̄no Coh̄c̄j̄ tiquiro p̄htoro ijirop̄re wahasi tiquina. Ȳh̄ Pac̄ ãhm̄se c̄j̄no tiquiro cahmeñene yeyequina dihita tiquiro p̄htoro ijirop̄re wahaeta. <sup>22</sup> Decori pihtiḡp̄re peyequina masa oh̄ saha nieta ȳh̄re: “P̄hto, m̄h̄ yere ãsã buhei. M̄h̄ wame mehna wat̄are coh̄. Sa yena m̄h̄ tutuaye mehna peye bajumehneñene yei ãsã”, ȳh̄re niñequina ijieta. <sup>23</sup> Oh̄ saha ȳhtiitja tiquinare: “M̄sare ne masiedaja. Ñañene yena ijire m̄sa. Ȳh̄ cahap̄ ahtaeracãh̄na”, niitja ȳh̄ tiquinare, ni yahuahye Jesu.

*P̄ha w̄h̄ yeyequina quitire yahuahye Jesu*

*(Mr 1.22; Lc 6.47-49)*

<sup>24</sup> Sa yero tiquiro yahu nemoahye tiquinare:

—Sa ye ijipihtiyequina ahri ȳh̄ buherire t̄horiquina ȳh̄ dutiyere yeyequina, quehnoano t̄ho masiniquiro w̄h̄ dahreriquiro yero saha ijire tiquina. Tiquiro pehe ãh̄cãñe coperi sehe, w̄h̄re doco d̄cahye. <sup>25</sup> Ti w̄h̄re peho tuhasari bato acoro tutuaro ahta, dia mini ȳhd̄a waha, tutuaro wihnono w̄ahye. Sa ti tutuaro w̄peḡta ti w̄h̄ ãh̄cãno tiquiro docori w̄h̄ ijiro ne waha sa queherahye. <sup>26</sup> Sa yeye ijipihtiyequina ȳh̄ buherire t̄hoepeta ȳh̄ dutiyere yerariquina, t̄ho masieniquiro w̄h̄ dahreriquiro yero saha ijire. Tiquiro pehe ti w̄h̄re pad̄ro buigã doco, quehnoano ye d̄caerahye.

<sup>27</sup> Ti wuhure peho tuhasari bato, acoro tutuaro ahta, dia mini yuhdua waha, wihnono tutuaro weahye. Sa tutuaro weno ti wuhu pehere wedoque cu cahye. Sa yero ti wuhu tutuaro bora sa quehea wahahye, ni yahuahye Jesu.

<sup>28</sup> Tiquiro sa ni buhegu tuhoye, tuho maria wahahye masa. <sup>29</sup> “Tiquiro potota puhtoro ijire. Sa yero quehnoano masi pehoriqiro ijero marine buhere tiquiro. Mari judio masare buheyequina yero saha buherare”, ni tahotuahye tiquina.

## 8

*Jesu cami bucu mana wihiro yuhdua wahagu yeahye*

*(Mr 1.40-45; Lc 5.12-16)*

<sup>1</sup> Jesu canapu buhe dujiriqiro dijiaa wahahye. Tiquiro dijiagu ihnahe masa peyequina tiquiro bato wahahye. <sup>2</sup> Tiquiro sa wahagu ihcaqiro cami bucu mana wihiro tiquirore piti ca, dusepe curi mehna quehe sa, tiquirore siniahye.

—Puhto, mahu yuhure yuhduo duagu yuhduoya, niahye.

<sup>3</sup> Tiquiro sa nigu thoro tiquiro omoca mehna Jesu tiquirore na peohye.

—Tire ye duaja. Mahure yuhdugu yeitja, niahye Jesu tiquirore.

Tiquiro sa nigata cami bucu mana yatia wahahye. <sup>4</sup> Sa ni tuhasa Jesu tiquirore niahye tja:

—Yuhu mahure ohō saha yerire ne apequinare yahueracahna. Mahu pagure quehnoari pagu waharire pahire ihnogu wahaya. Moiserere Cohacju tiquiro curiro sahata pahire minicjare ohoya mahu yuhdurire masa ijipihiyequina tiquina masino quehnoano, niahye Jesu.

*Surara puhtoro tiquiro cahacjano dohatigu Jesu yuhduoahye tiquirore*

*(Lc 7.1-10)*

<sup>5</sup> Sa ye Jesu Capernau wame tiri macapu tiquiro esagu cien surara puhtoro tiquiro cahapu esa, tiquirore tutuaro ohō saha ni sinidi:

<sup>6</sup> —Puhto, yuhu cahacjano ne pagu tutueriqiro waha masiedaro tiquirore tutuaro purigu ya wuhapu cuñari tiquiro, nidi tiquiro Jesure.

<sup>7</sup> Tiquiro sa nigu,

—Ahu, tiquiro dohatiyere yuhduogu wahautja, nidi Jesu.

Tiquiro sa nigu ohō saha nidi surara puhtoro:

<sup>8-9</sup> —Puhto, quehnoanota. Wahaeguta. Yuhu yuhduoro quehnoa yuhduagu ijire mahu. Ya wuhapu mahure sajā ta dutibogu ijieraja yuhu. Mahu masiñe mehna yuhduoya tiquirore. Mahu sa yegu yuhu cahacjano quehnoa waharota. Yuhure yuhu bui ijiyequina apequina puhtoa dutire. Yuhu guhu surarare dutiaja. Ihcaqirore “Wahaya”, yuhu nigu tiquiro wahare. Apeqirore “Ahtaya”, yuhu nigu tiquiro ahtare. Yuhu cahacjano “Ahrire yeya”, yuhu nigu tire yere. Mahu guhu dutigata ijire. Sa yero mahu dutiro sahata tiquiro dohatiriqiro yuhdurota, nidi tiquiro.

<sup>10</sup> Tiquiro sa nigu tuho maria waharo, peyequina masa tiquiro mehna ijiyequinare ohō saha nidi Jesu:

—Ijirota masare niita niaja. Ahriqiro surara puhtoro Israe masano ijieri qiro Cohacjare tutuaro wacu tutuare. Tiquiro cahacjano yuhu yuhdugu yeatire masi tuhasare. Ne Israe masare ahriqiro yero saha ijiyequinare ihnedaga yuhu. <sup>11</sup> Masare niita niaja. Peyequina ahriqiro yero saha Cohacjare wacu tutuayequina ijipihitiro cjena guhu umuse cjanu puhtoro tiquiro ijiroru esa, toru ijiyequina mehna ihyeta. Abrahā, Isaac, Jacob mehna ihyeta tiquina. <sup>12</sup> Masa apequina pehe Cohacju tiquiro puhtoro ijiroru wahaboriquina tiquina ijepeguta nanoru nahitianoru cohā canota tiquinare. Toru tiquiro cohāriquina tutuaro uti, buja witiye mehna bahque dihoeta, ni yahuri Jesu.

<sup>13</sup> Tire sa ni tuhasa, surara puhtoro nidi.

—Tojoahya mahu ya wuhapu. Mahu cahacjano yuhdurota. “Potota yuhdurota”, ni mahu tahoturiro sahata yuhdurota, nidi Jesu.

Sa nigata tiquiro cahacjano pehe quehnoa wahari.

*Pedro mareonore dohatiricorore yuhduoahye Jesu*

*(Mr 1.29-31; Lc 4.38-39)*



14 Sa ye Jesu Pedro ya wuhupɛ esa, Pedro mareono dohatigũ ihñahye tiqiro. Ujuaye tigũ cuñahye ticoro. 15 Ticoro sa ijigũ ihñano ticoro omocare ña peoahye. Tiquiro sa ña peogũta ujuaye surua wahahye. Surugũ tahoturo ticoro pehe wahcãdaca, tiquinare ihyayere peoahye.

*Jesu peyequina dohatiequinare yuhduoahye*

*(Mr 1.32-34; Lc 4.40-41)*

16 Sa ye ñamicahapɛ peyequina watĩare cuoyequinare masa ne wihahye Jesu cahapɛ. Tiquina sa ne wihigũ ihñano ihcã tahata tiqiro waha dutigũ watĩa wahaa wahahye. Sa yero ijipihtiequina dohatiequina tiquina ne sariquinare yuhduo pehoahye Jesu. 17 Sata yeahye tiqiro panopɛ cjũno Cohãcjũ yere yahu mũhtariqiro Isaia tiqiro nidiro sahata. Ohõ saha ni ojoahye: “Mari dohatiyere yuhduo cãnota tiqiro. Mari duti tiyere cohã cãnota”, ni ojoahye Isaia Jesure.

*Ihquẽquina Jesu mehna waha duamahye*  
*(Lc 9.57-62)*

18 Ape taha Jesu peyequina masa tiqiro cahapɛ tiquina ijigũ ihñano, ohõ saha nidi. —Ape sie pahrẽpɛ isa pehãhna, nidi.

19 Sa usã pehãto pano mari judio masare buheriqiro Jesu cahapɛ esa, ohõ saha nidi:

—Buhegɛ, mũhũ mehna waha duaja noho mũhũ waharopɛ, nidi.

20 Jesu ohõ saha ni yuhhiri:

—Ihquẽquina nũcɛ cjẽna wahiquina tiquina coperi cuore. Minicjũ gũhũ tiquina suhti cuore. Yũhũ masɛ Cohãcjũ ohorigũ pehe yũhũ carĩni wũhũ cuoeraja, ni yuhhiri Jesu.

21 Sa ye apeqiro Jesu buheriqiro ohõ saha nidi:

—Pũhto, yũhũ pacɛ tiqiro yariagũ yariãtja. Sa ya tuhasagũ pũrita mũhũ mehna wahagũtja, nidi tiqiro Jesure.

22 Jesu yuhhiri:

—Yũhũre cahmeeñequina yariariquina yero saha ijire. Tiquina pehe yariariquinare yaahro. Sa yegũ mũhũ pehe yũhũ mehna cjũ ijiacjũ ahtaya, nidi tiqiro.

*Jesu wihnonore yũsũ dutiahye*  
*(Mr 4.35-41; Lc 8.22-25)*

23 Sa ni tuhasa yucũsapɛ sajãri. Sa yena usã tiqiro buhena gũhũ tiqiro mehna waha, sajãhũ. 24 Ti ditarapɛ usã pehãgũ waro wihnono tutuaro wẽdi. Sa yero pahcõri yucũsare quẽ mio cãmedi. Sa wihnono wẽpegũta Jesu pehe carĩno nidi. 25 Sa wahagũ ihñana usã tiqirore wahcõu. Wahcõ ohõ saha nii:

—Pũhto, yuhduoya. Mari minina tana niajũ, nii usã.

26 Usã sa nigũ Jesu yuhhiri:

—¿Dũhsena cue maca cãri mũsa? Yũhũre wacũ tutuerare mũsa, nidi Jesu usãre.

Sa ninota wahcãdaca sa, wihnonore pahcõri gũhũre “Yũsũahya”, nidi. Tiquiro sa nigũ wihnono yuhduo wahari. Sa ye pahcõri gũhũ yũsũ dijiaa wahari. 27 Tiquiro sa yegũ ihñana acũana, ohõ saha nii usã:

—¿Yohou, dũhse ijiriquiro boro masũno ijiajari ahriqiro? Ahri wihnono, pahcõri gũhũ tiqiro dutigũ yuhduoerare tiqirore, nii usã.

*Watĩa cuoyequinare watĩare cohãhye Jesu*  
*(Mr 5.1-20; Lc 8.26-39)*

28 To bato pehã sa, Gadara cjẽna ya yehrapɛ esa. Topɛ usã esagũ puaro umũa masa coperi cahapɛ ijiequina Jesure piti cari. Tiquina watĩare cuoyequina cuayequina ijiri. Sa yero topɛ masa tiquina wahamehnenno ijiri. 29 Tiquirore piti ca, sañuducuri:

—¿Mũhũ Cohãcjũ macɛ dũhse yegũ ahtajari mũhũ usã cahapɛre? ¿Usãre Cohãcjũ tiqiro buhiri dahreati pje ijierapegũta usãre buhiri dahrei ahtaũ niajari mũhũ? ni sañuducuri tiquina.

30 Tiquina cahapɛ peyequina yesea maca ihyaye nidi. 31 Tiquinare ihñañe, watĩa ohõ saha nidi Jesure:

—Usãre cohãgũ sisequina cahapɛ waha dutiya usãre. Tiquina mehna iji dutiya usãre, ni sinidi watĩa Jesure.

32 —Aũ, wahaya, nidi Jesu.

Tiquiro sa nigũ watĩa puaro masa mehna ijiriquina waha, yesea cahapɛ esari. Tiquina mehna tiquina ijigũta yesea pari, pari cjũpɛ oma maa buha, ditarapɛ bora ñojoa, mini yaria pihtia wahari.

33 Tiquina sa wahagũ ihñañe yeseare ihña ihboyequina pehe cuea waha, oma

maa cãa wahari. Macap<sub>u</sub> esa, yesea tiquina minidire yahu site pehoahye. Watĩare c<sub>u</sub>oriquinare Jesu watĩare tiquinap<sub>u</sub>re ijiriquinare cohã wiori gãh<sub>u</sub>re yahu pehoahye tiquina. <sup>34</sup> Sa tiquina yahu siteri bato ti maca cj<sub>ẽ</sub>na ijipihtiyequina Jesure ihñañe ahtari. Sa ye tiquirore ihñañe, tutuaro mehna waha dutiri tiquirore.

## 9

### *Tini masieniquirore y<sub>u</sub>hd<sub>u</sub>oahye Jesu (Mr 2.1-12; Lc 5.17-26)*

<sup>1</sup> Sa ye Jesu yuc<sub>u</sub>sap<sub>u</sub> sajã, ditarap<sub>u</sub> pehã, tiquiro masari macap<sub>u</sub> esahye.

<sup>2</sup> Top<sub>u</sub> apequina tini masieniquirore tiquiro cuñari cahsero mehna yo w<sub>u</sub>na wihiahye Jesu cahap<sub>u</sub>. “Jesu ahriquirore dohatiyere y<sub>u</sub>hd<sub>u</sub>g<sub>u</sub> yerota”, ni t<sub>u</sub>hotuahye tiquina. Tiquina sa ni t<sub>u</sub>hotug<sub>u</sub> masino dohatiriquirore ohõ saha niahye Jesu:

—Bucueya m<sub>u</sub>h<sub>u</sub>. M<sub>u</sub>h<sub>u</sub> ñañe yeyere cohã tuhasa<sub>u</sub> y<sub>u</sub>h<sub>u</sub>, niahye tiquiro.

<sup>3</sup> Tiquiro sa nig<sub>u</sub> t<sub>u</sub>hoye ihquẽquina mari judio masare buheyequina ohõ saha ni t<sub>u</sub>hotumahye. “Ahriquiro ihyo ijiriquiro sa nino ‘Cohãcj<sub>u</sub> ijiaja’, nino nine. Sa nino Cohãcj<sub>u</sub>re ñano nino nine”, ni t<sub>u</sub>hotumahye tiquina. <sup>4</sup> Tiquina sa ni t<sub>u</sub>hotug<sub>u</sub> masino, ohõ saha niahye Jesu:

—¿D<sub>u</sub>hsena sa ñano t<sub>u</sub>hotuajari m<sub>u</sub>sa?

<sup>5</sup> “M<sub>u</sub>h<sub>u</sub> ñañe yeyere cohã tuhasaja”, y<sub>u</sub>h<sub>u</sub> nig<sub>u</sub> “Ni mehog<sub>u</sub> ijire”, nine m<sub>u</sub>sa quehnoano masiedapenata. “Wahcãd<sub>u</sub>ca, wahaya”, y<sub>u</sub>h<sub>u</sub> nig<sub>u</sub> tiquiro tinig<sub>u</sub> ihñana, y<sub>u</sub>h<sub>u</sub> nidi poto ijig<sub>u</sub> duita m<sub>u</sub>sa masinata.

<sup>6</sup> Y<sub>u</sub>h<sub>u</sub> mas<sub>u</sub> Cohãcj<sub>u</sub> ohorig<sub>u</sub> ahri yehrap<sub>u</sub> masa tiquina ñañe yeyere cohã masiaja y<sub>u</sub>h<sub>u</sub>. Masa tiquina ñañe yeyere cohãcj<sub>u</sub>re c<sub>u</sub>ri Cohãcj<sub>u</sub> y<sub>u</sub>h<sub>u</sub>re. Y<sub>u</sub>h<sub>u</sub> sa cohãrire m<sub>u</sub>sa masiato saha ohõ sahata ye ihñoutja m<sub>u</sub>sa ihñatire, niahye Jesu.

Sa ni tuhasa tini masieniquirore ohõ saha niahye:

—Wahcãd<sub>u</sub>caya. M<sub>u</sub>h<sub>u</sub> cuñari cahserore ne cãhña m<sub>u</sub>h<sub>u</sub> ya w<sub>u</sub>h<sub>u</sub>p<sub>u</sub>, niahye tiquirore.

<sup>7</sup> Tiquiro sa nig<sub>u</sub> t<sub>u</sub>horo tini masieniquiro wahcãd<sub>u</sub>ca sa, tiquiro ya w<sub>u</sub>h<sub>u</sub>p<sub>u</sub> tojoa wahahye. <sup>8</sup> Sa wahag<sub>u</sub> ihñañe masa cueahye. Sa ye Jesure Cohãcj<sub>u</sub> tiquiro tutuayere

tiquiro ohog<sub>u</sub> ihñañe masa Cohãcj<sub>u</sub>re ño peo, quehnoano yahuducuahye.

### *Jesu Mateore pijiahye (Mr 2.13-17; Lc 5.27-32)*

<sup>9</sup> Tiquina sa yeri bato Jesu top<sub>u</sub> ijiriquiro ahta, y<sub>u</sub>h<sub>u</sub>re Mateore boca sari. P<sub>u</sub>h<sub>u</sub>toa ye ijiatire masare wapa ne cohteg<sub>u</sub> ijimi. Sa yeg<sub>u</sub> ti pjere y<sub>u</sub>h<sub>u</sub> dahrari tuc<sub>u</sub>p<sub>u</sub> dujii. Top<sub>u</sub> y<sub>u</sub>h<sub>u</sub> dujig<sub>u</sub> ihñano ohõ saha nidi y<sub>u</sub>h<sub>u</sub>re:

—Y<sub>u</sub>h<sub>u</sub> mehna cj<sub>u</sub> ijiaj<sub>u</sub> ahtaya, nidi Jesu y<sub>u</sub>h<sub>u</sub>re.

Tiquiro sa nig<sub>u</sub> t<sub>u</sub>hog<sub>u</sub> wahcãd<sub>u</sub>ca tiquiro mehna waha<sub>u</sub>.

<sup>10</sup> Came ya w<sub>u</sub>h<sub>u</sub>p<sub>u</sub> Jesu gãh<sub>u</sub> ihyaye ahtari. Peyequina wapa ne cohteyequina, “Ñano yeyequina”, tiquina niñequina gãh<sub>u</sub> usã mehna ihyari. <sup>11</sup> Tiquina mehna usã ihyag<sub>u</sub> ihñañe, fariseo masa usãre Jesu buhenare ohõ saha nidi:

—¿D<sub>u</sub>hse yero m<sub>u</sub>sare buheriquiro wapa ne cohteyequina mehna, ñano yeyequina mehna ihyajari? nidi tiquina usãre tiquiro buhenare.

<sup>12-13</sup> Tiquina sa nig<sub>u</sub> t<sub>u</sub>horo Jesu pehe queoye mehna buhero y<sub>u</sub>htiri:

—Dohatieyequina duturure macaedare. Dohatieyequina dihita duturure macare. Ñañequina dohatieyequina yero saha ijire. Sa yeg<sub>u</sub> ñañequina dihitarere tiquina ñañene yerire b<sub>u</sub>j<sub>u</sub>a witi duti, quehnoañe pehere comesag<sub>u</sub> yei ahta<sub>u</sub> nii y<sub>u</sub>h<sub>u</sub>. Tiquina basi “Quehnoana ijiaja usã”, ni t<sub>u</sub>hotuyequinare yedohog<sub>u</sub> ahtaer<sub>u</sub>. Cohãcj<sub>u</sub> tiquiro nidire tiquina ojoarire masiña m<sub>u</sub>sa. “Wahiquinare m<sub>u</sub>sa wej<sub>ẽ</sub>, ʉj<sub>u</sub>a m<sub>u</sub>oñe mehna y<sub>u</sub>h<sub>u</sub>re m<sub>u</sub>sa ño peog<sub>u</sub> cahmedaja. Apequinare m<sub>u</sub>sa paja ihñag<sub>u</sub> pehere cahmeaja”, ni ojoahye. Ahri tiquiro ojoari d<sub>u</sub>hse nidire masiña m<sub>u</sub>sa. Tire quehnoano buhe nemonahaya, nidi Jesu fariseo masare.

### *Sijiyere sinituahye Ñu buheyequina Jesure*

*(Mr 2.18-22; Lc 5.33-39)*

<sup>14</sup> Came Ñu wame yeriquiro buheyequina Jesu cahap<sub>u</sub> esa, sinituri:

—Usã Ñu buhena pehe peye tahari Cohãcj<sub>u</sub>re ño peona tana, sijiaja. Fariseo

masa gũhũ sata sijire. ¿Dũhse yeye mũhũ buheyequina pehe sijierajari? nidi tiquina Jesure.

<sup>15</sup> Jesu tiquiro tũhotuye mehna queoye mehna buhero taro tiquinare ohõ saha ni yũhtiri:

—Ohõ saha ijire ti: Omoca dũhterophũ tiquina pijioriquina omoca dũhteriquiro mehna ijiye, siji masiedare. Sata yũhũ buheyequina gũhũ yũhũ mehna ijiye, siji masiedare. Yũhũ omoca dũhteriquiro yero saha ijiaja. Omoca dũhteriquiro bose deco tiquiro yegũ tiquiro mehna cjẽna bũjũa witiye mehna ijierare. Sa yeye ihyeyequina ijierare. Yũhũ Pacũ Cohãcjũ yũhũre tiquiro nedi bato pũritare yũhũ buheyequina mehna ijisi yũhũ. Sa yeye ti pjerũta yũhũ buheyequina gũhũ sijieta, ni yũhtiri Jesu.

<sup>16</sup> Panophũ cjẽ buheye wahma buheye mehna tiquina buhe more duagũ ihũano ohõ saha ni nemori Jesu tiquinare queoye mehna buhero.

—Ne wahma cahsero suhtiro cahsero mehna mũnano suhtirore sere ohõno cahmedare. Sa yegũ wahma cahsero mari coseri bato mũnano suhtirore weje cahmeco, paji yũhdũaro tũhnũgũ yere. (Ahri yero saha mũna buheyere wahma buheye mehna piti dahre buheraro cahmene.)

<sup>17</sup> Sa yena ne ãhse co bisiye core wahiquiro cahsero ajurore mũna ajurore pose yeraro cahmene. Sa yegũ ãhse co bisiye pahmuñerũ mũna ajurore tũhrẽ cãhre. Sa tũhnũgũ ãhse co gũhũ, ajuro gũhũ cohãa wahare. Sa yena ãhse co wahma core wahma ajurophũ pose yero cahmene. Sa yegũ ãhse co cohãeda, ajuro gũhũ cohãedare. (Sata wahma buheye mũna buheye mehna buhe moredaro cahmene,) ni yahuri Jesu tiquinare.

*Jairo maconore maso, dii mũna dohatiducuricoro gũhũre yũhdũoahye Jesu (Mr 5.21-43; Lc 8.40-56)*

<sup>18</sup> Tiquiro sa ni yahuri watoa mari judio masa pũhũa mehna cjũno Jesu cahapũ wihiri. Wihĩ, dũsepe curi mehna quehe sa, ohõ saha nidi.

—Yũhũ maco mianogã yariaa wahari. Ticorore mũhũ omocare duhu peoghũ ah-taya. Mũhũ sa yegũ masanota, nidi tiquiro Jesure.

<sup>19</sup> Tiquiro sa nigũ tũhoro Jesu wahcãdũca tiquiro mehna wahari. Ûsã tiquiro buhena gũhũ wahaũ. <sup>20</sup> Ûsã mahapũ wahaducugũ topũ numino dii mũna dohatiducuricoro Jesu batophũ ahta, tiquiro suhtiro sohtoare dahra tuhuahye. Doce cũhmari waro decoripe dii mũna dohatiro niahye. <sup>21</sup> Ohõ saha ni tũhotuahye ticoro sa yero: “Ti suhtirore dahra tuhugo, quehnoa wahagota”, ni tũhotuahye ticoro. <sup>22</sup> Ticoro sa yegũ masino Jesu majaredũca, ticorore nidi.

—Maco, bucueya mũhũ. Mũhũ yũhũre wacũ tutuaye mehna quehnoago tojoare yojopũre, nidi tiquiro.

Tiquiro sa nigũta yũhdũa wahari ticoro.

<sup>23</sup> Sa ye tuhasa Jesu pũhtoro ya wũhũpũ esari. Topũ esa, ñehe quea utiyequinare weoghũ mũte pohoro saha ijidũre putiyequinare ihũari. Peyequina masa tiquina ñano bisigũ gũhũre tũhori tiquiro. <sup>24</sup> Tiquina sa yegũ ihũano masare ohõ saha nidi:

—Wijiaya mũsa. Yarierare ticoro. Carĩno nine, nidi tiquinare.

Tiquiro sa nigũ tũhoye “Sa ni maca cãno nine ahriquiro”, niñe, masa bũjũri tiquirore. <sup>25</sup> Sa yero wũhũ puhĩapũre ijiyequina masare tiquiro wio pehori bato yariaricoro cahapũ esa, ticoro omocare ñeheahye. Tiquiro sa ñehẽgũ masa quehe sa, wahcãdũca sahye ticoro. <sup>26</sup> Tiquiro sa yerire tũhoye, to cjẽna masa ijipĩhtiyequina yahu siteri.

*Pũaro caperi bajueyequinare ihũagũ yeahye Jesu*

<sup>27</sup> Sa yero Jesu topũ ijiriquiro wahagũ, pũaro caperi bajueyequina tiquirore pisu nũnũ tãri:

—Davi panami iji turiagũ, masare yũhdũoacjũ, ãsãre paja ihũãña mũhũ, ni sañuducuri tiquina.

<sup>28</sup> Tiquina sa nigũta Jesu ape wũhũpũ sajãri. Tiquiro sa sajãgũ masiñe caperi bajueyequina tiquiro cahapũ sajãa wahari.

Tiquina sa sajà sagū ihñano tiquiro pehe sinituri tiquinare:

—¿“Marine ihñagū yerota tiquiro”, ni tūhotuajari masa yūhure? nidi tiquiro.

—Pūhto, sata ni tūhotuaja usā, ni yūhtiri tiquina.

<sup>29</sup> Tiquina sa nigūta tiquina caperire ña peori. Ña peo ohō saha nidi:

—Yūhure “Sa yerota”, masa ni tūhoturiro sahata sa yeaja mūsare, nidi Jesu.

<sup>30</sup> Tiquiro sa nigūta tiquina caperi pehe quehnoa wahari. Sa ye Jesu ohō saha nidi tiquinare:

—Ahri yūhū ohō saha yerire apequinare ne yahueracāhña, nidi.

<sup>31</sup> Tiquiro sa niepegūta waha, topū ijiyequinare yahu siteri tiquina tiquiro sa yerire.

*Yahuducueriquirore yahuducugū yeahye Jesu*

<sup>32</sup> Ti wūhure tiquina wijiagū waro ihcāquiro yahuducueriquirore ne cāhtari masa. Watīno tiquiro mehna ijiriquiro tiquirore yahuducueragū yeahye. <sup>33</sup> Tiquina ne sagū ihñano watīnore Jesu cohā wīori. Tiquiro sa cohāgū watīnore cūoriquiro pehe yahuducua wahari. Tiquiro sa yegū ihñañe ijipihtiyequina ihña maria pihtia wahari.

—Ne, ahri yehpa Israe yehpapure ohō saha yeyere ihñedahti mari, ni yahuducuri tiquina basi.

<sup>34</sup> Fariseo masa pehe sijoro saha ni yahuducuri:

—Watīa pūhtoro tutuaye mehna watīare cohāre ahriquiro, ni yahuducuri tiquina.

*Masare paja ihñahye Jesu*

<sup>35</sup> Sa ye ijipihtiye macari topū ijiye macarigāre, būjūye macari gūhure buhe tinino wahari Jesu. Quehnoañe buheyere judio masa mari buheye wūhūsepū buhero wahari tiquiro. Sa yero Cohācjū pūhtoro tiquiro ijiatire yahuri. Ijipihtiye dohatiye gūhure to cjēnare yūhdūori tiquiro.

<sup>36</sup> Masa peyequina ñano yūhdūyequinare, pejecūoro wahayequinare tiquina ijigū ihñano Jesu tiquinare paja ihñari. Tiquina oveja opana marieñequina yero saha tiquina ijigū ihñano Jesu tutuaro paja ihñari

tiquinare. <sup>37</sup> Sa yero ohō saha nidi tiquiro usāre tiquiro buhenare, queoye mehna buhero:

—Trigo peye būcūa tuhasagū peye ijigū dahraye pajiro ijire. Sa ijipegūta dahrayequina pehe meheñequinagā ijire. Sata quehnoañe buheyere tūhoatiquina peyequina ijigū pajiro ijire mari dahraye. Sa ijipegūta meheñequinagā dahrari masa yero saha quehnoañe buheyere buheatiquina gūhū meheñequinagā ijire.

<sup>38</sup> Sa yena quehnoañe buheyere buheatiquinare apequinare tiquiro ohoatire siniña Cohācjūre, nidi Jesu.

## 10

*Jesu doce waro beseahye tiquiro ohoatiquinare*

*(Mr 3.13-19; Lc 6.12-16)*

<sup>1</sup> Came doce usāre tiquiro buhenare Jesu pijio, tutuayere ohori usāre. Watīare usā cohā masiatire ijipihtiye dohatiyere usā cohā masiatire ohori usāre.

<sup>2</sup> Ohō saha wame tii usā Jesu cūrina: Simo ijiri. Tiquiroreta Pedro ni pisuri Jesu. Simo bahūro Andre gūhū ijiri. Santiago gūhū tiquiro bahūro Ñu mehna ijiri. Tiquina Santiago gūhū pacūro Zebedeo wame tiri.

<sup>3</sup> Felipe, Bartolomé, Tomasu, yūhū Mateo ijii usā. Yūhū pehe pūhtoa ye ijiatire masare wapa ne cohtegū ijimi. Usā mehna Santiago ijiri. Tiquiro pehe Alfeo macūno ijiri. Sa yero Tadeo gūhū ijiri. <sup>4</sup> Simo celote ya curua cjūno ijimediquiro, Juda Iscariote gūhū ijiri. Juda pehe Jesure ihña tuhtiyequinare ihñoatiquiro ijiri.

*Jesu tiquiro buheyequinare buhe dutiro ohoahye*

*(Mr 6.7-13; Lc 9.1-6)*

<sup>5</sup> Sa ye usāre doce tiquiro buhenare ohoro, “Ohō saha yeya”, ni yahuri usāre Jesu:

—Judio masa ijiyequina cahapure wahaeracāhña. Ne Samaria yehpapū ijiye macaripū gūhure wahaeracāhña.

<sup>6</sup> Israe yehpa cjēna cahapū pehere wahaya. Cohācjūre masieñequina ijire tiquina.

<sup>7</sup> “Uhmūse cjūno pūhtoro tiquiro ijianto mehenogā dūhsare”, ni buheya tiquinare.

8 Sa yena cami bꝛꝛꝛ mꝛna wihare, ap-eye peye sijoro saha ijiye dohatiyere cꝛoyequina gꝛhꝛe yꝛhdꝛgꝛ yeya. Yari-ariquinare masoña. Watia masa mehna ijiyequinare cohãña tiquinare. Mꝛsare sa ohogꝛ niaja ahri tutuayere. Sa yena mꝛsa gꝛhꝛ yꝛhꝛ sa ohoriro sahata masare yꝛhdꝛgꝛ yeya wapa neno marieno.

9 'Mꝛsa wahana niñerure ne nedacãhña.

10 Ne mꝛsa ajurore, pꝛaro camisare, pꝛa pa dahpo suhtire, tuaye cꝛu gꝛhꝛe nedacãhña. Mꝛsa sañano dihitare saña wahaya. Apeye suhtire nedacãhña. Mꝛsa buhena waharopꝛ ijiyequina tiquina pehe mꝛsare pohe ijiatire ohoeta. Sata ohoro cahmene tiquinare.

11 'Ti macaripꝛ esana, mꝛsare quehnoano piti catiquirore macaña. Sa yena ti wꝛhꝛpꝛta tojoariña. Tee, coã wahanapꝛ wijiaya ti wꝛhꝛe. 12 Sa yena wꝛhꝛpꝛ sajãna, “¿Ijiajari mꝛsa?” niña ti wꝛhꝛ cꝛenare. Mꝛsare quehnoano tiquina cahmegꝛ “Cohãcꝛ mehna quehnoano ijiya mꝛsa”, niña tiquinare. 13 Mꝛsare tiquina cahmedagꝛ, mꝛsa sa niborire niedacãhña. 14 Sa yena mꝛsare tiquina cahmedagꝛ, tiquina tꝛho dueragꝛ ti wꝛhꝛe wijiaya. Wijiana, dahpocãri cꝛe dihta esa wahãrre wejẽ site cꝛña mꝛsa tiquinare tiquina ye buhirire masigꝛ yena. Ti maca cꝛena mꝛsare cahmedagꝛ sata yeya tiquina gꝛhꝛe. 15 Ijirota mꝛsare niita niaja. Ahri deco pihtigꝛpꝛe Sodoma cꝛena, Gomorra cꝛena gꝛhꝛ tutuaro buhiri tiatiquinata ijire. Tiquina sa ijiepegꝛta tiquina yꝛhdꝛoro mꝛsare cahmeeñequina buhiri tiatiquina ijieta, ni yahuri Jesu.

### *Jesu yequinare apequina ñano yeatire yahuahye Jesu*

16 Sa ni tuhasa ohõ saha ni nemori:

—Yꝛhꝛe tꝛhoya mꝛsa. Oveja yero saha ijinare mꝛsare ñañequina watoa ohogꝛ niaja. Tiquina ñañequina nꝛꝛ cꝛena yayia usuayequina yero saha ijire. Sa yena mꝛsa pehe apequina wahiquina wacꝛ masiñequina yero saha ijiya. Sa ijina ijiepenata bujua yero saha ne usuena ijiya mꝛsa. 17 Quehnoano yeya mꝛsa. Mꝛsare masa pꝛhtoare ohoeta. Judio masa mari buheye wꝛhꝛsepꝛ quẽeta mꝛsare.

18 Sa yeye yeequina mꝛsa ijiri buhiri macari cꝛena pꝛhtoa cahapꝛ tiquina bui ijiyequina pꝛhtoa cahapꝛ gꝛhꝛe neañeta mꝛsare. Sa yena mꝛsare topꝛ tiquina neagꝛ pꝛhtoare, judio masa ijieyequina gꝛhꝛe quehnoañe buheyere buhenata mꝛsa. 19-20 Mꝛsare pꝛhtoare tiquina ohogꝛ tiquinare mꝛsa niatire “Yohou, masied-aboaga”, ni tꝛhotueracãhña. Mꝛsare tiquina sinitugꝛta mꝛsa niatire masinata. Sa masina tiquinare yahuna, mꝛsa tire mꝛsa esa tuharo yahuducuna nisi. Cohãcꝛ pehe mari Pacꝛ tiquiro yaquiro Espiritu mehna mꝛsare yahuducugꝛ yerota.

21 'Ti pjere tiquina wahmisꝛmꝛa tiquina bahanare wejẽ dutiye ohoeta pꝛhtoare yeequina tiquina ijiri buhiri. Tiquina pacꝛꝛmꝛa tiquina pohnene wejẽ dutiye ohoeta pꝛhtoare. Tiquina pohne pehe tiquina pacꝛꝛmꝛe wejẽ dutiye ohoeta pꝛhtoare. 22 Sa yeye yeequina mꝛsa ijiri buhiri ihña tuhtieta masa ijipihtiyequina mꝛsare. Tiquina sa yepegꝛta ahri yehpꝛpꝛ mꝛsa catiro puno mꝛsare tiquina ñano yerire ihcãno sahana yꝛhꝛe duhuerana, yꝛhdꝛnata mꝛsa. 23 Ihcã macapꝛ mꝛsare tiquina ñano yegꝛ ape macapꝛ duhti cãhña. Ijirota mꝛsare niita niaja. Israe yehpꝛpꝛ ijiye macarine mꝛsa pehoato pano, yꝛhꝛ masꝛ Cohãcꝛ ohorigꝛ ahri yehpꝛpꝛ tojoa tꝛtja.

24 'Ne ihcãquiro buheriquiro tiquirore yahuriquiro buipꝛ ijierare. Sa yero cahacꝛno gꝛhꝛ tiquiro pꝛhtoro bui cꝛno ijierare. 25 Sa yero ohõ saha tꝛhoturo cahmene buheriquirore: “Yꝛhꝛe buheriquiro yero sahata ijigꝛtja”, ni tꝛhoturo cahmene. Cahacꝛno gꝛhꝛe sata ni tꝛhoturo cahmene. “Yꝛhꝛ pꝛhtoro yero sahata ijigꝛtja”, ni tꝛhoturo cahmene. “Tiquiro bui ijigꝛtja. Sa yegꝛ yꝛhꝛ pꝛhtoro tiquiro ñano yꝛhdꝛriro sahata ñano yꝛhdꝛsi yꝛhꝛ pehe”, ni tꝛhotueraro cahmene. Yꝛhꝛ pehe wꝛhꝛ cꝛno yero saha ijiaja. Mꝛsa pehe ti wꝛhꝛpꝛ dahrayequina yero saha ijire. Sa yeye masa yꝛhꝛe “Beelzebú ijire”, ni yahusãñe, mꝛsa gꝛhꝛe yeequinare ñano ni yahuducueta tiquina, ni yahuri Jesu.

*“¿Noa pehere cuegꝛ quehnoajari?” ni*

*yahuahye Jesu**(Lc 12.2-7)*<sup>26</sup> Sa ni tuhasa ohõ saha ni nemori:

—Sa yena m̄sare ñano yeyequinare cueracãhña. Masa tiquina yahuerarire came apequina masieta. Sa yeye tiquina n̄hori ḡh̄ure apequina masieta. <sup>27</sup> M̄sare t̄hoerogã ȳh̄u yahurire peyequina masa watoa buhe turiaya m̄sa. <sup>28</sup> Masunore wejẽnequina tiquiro paḡu dihitare wejẽne. Tiquiro jeripohna yariere. Sa yena m̄sare wejẽ duayequinare cueracãhña. Cohãcjũ pehere cueya. Tiquiro m̄sa paḡurire, m̄sa jeripohnari ḡh̄ure pecap̄u cohã masine. Sa yena tiquiro pehere cueya.

<sup>29</sup> 'P̄aro siripia wapa mariedare. Tiquina sa wapa mariedapegãta ihcãquirogãre Cohãcjũ ne boerare. Cohãcjũ dutieragũ ne yariere tiquirogã. <sup>30</sup> Sa yero m̄sa poarire ne ihcã poa da d̄hsaro marieno masi pehere Cohãcjũ. Sata m̄sa ijiye tiye ḡh̄ure masi pehere Cohãcjũ. Sa masino m̄sare ihña ihboducure. <sup>31</sup> Siripiare tiquiro cah̄no ȳh̄uoro, m̄sa pehere cah̄ne Cohãcjũ. Sa yena pajiro t̄hotueracãhña m̄sa.

*Jesure m̄sa wacũ tutuarire yahuya masare**(Lc 12.8-9)*

<sup>32</sup> 'Ihcãquiro “Jesu yaquiro ijiaja”, masare tiquiro ni yahugũ ȳh̄u ḡh̄u tiquirore “Yaquiro ijire”, ni yahuḡtja ȳh̄u Pac̄ure ah̄m̄se cj̄nore. <sup>33</sup> Sa ijiepegãta ihcãquiro “Jesu yaquiro ijieraja”, masare tiquiro nigũ ȳh̄u ḡh̄u “Yaquiro ijierare tiquiro”, ni yahuḡtja ȳh̄u Pac̄ure, ni yahuri Jesu.

*Jesu masare tu wagũ yere**(Lc 12.51-53; 14.26-27)*<sup>34</sup> Sa ni tuhasa ohõ saha ni yahu nemori:

—¿D̄hse ni t̄hotuajari m̄sa ȳh̄ure? ¿“Tiquiro masare tiquiro buheri bato apequina tiquinare ihña tuhtisi”, ni, t̄hotuajari m̄sa? Sa ijierare. Masare ȳh̄u buheri bato ihquẽquina yeere t̄hoeta. Apequina pehe tiquinare ihña tuhtieta. Ihcãno saha ijisi masa. <sup>35</sup> B̄c̄na ȳh̄u buheyere tiquina t̄hori buhiri tiquina pohne tiquinare ihña tuhtieta. B̄c̄na numia ḡh̄u ȳh̄u buheyere tiquina t̄hori buhiri tiquina pohna numia tiquinare

ihña tuhtieta. Tiquina mareosãnumia ȳh̄u buheyere tiquina t̄hori buhiri tiquina mac̄u namosãnumia tiquinare ihña tuhtieta. <sup>36</sup> Sa yeye masa tiquina acayere ihña tuhtiequina ijieta.

<sup>37</sup> 'Ȳh̄ure tiquina cah̄boriro ȳh̄uoro tiquina pac̄um̄a pehere cah̄ ȳh̄uoro yeequina ijisi tiquina. Ȳh̄ure tiquina cah̄boriro ȳh̄uoro tiquina pohne pehere cah̄ ȳh̄uoro yeequina ijisi tiquina. <sup>38</sup> Sa yeye apequina curusap̄u yariariro saha yeequina tiquina ijiri buhiri ñano ȳh̄ueta tiquina ḡh̄u. Sata ñano ȳh̄u dueyequina yeequina ijisi tiquina. <sup>39</sup> Masa ȳh̄ure wacũno marieno tiquina esa tuharo yeye pecap̄u wahaeta tiquina. Sa yeye yeere sa yeducuye ijipihtiye decori ȳh̄u mehna ijieta tiquina, ni yahuri Jesu.

*Mari wapatare yahuahye Jesu**(Mr 9.41)*<sup>40</sup> Sa ni tuhasa ohõ saha ni yahu nemori:

—M̄sare yeequinare ihcãquiro quehnoano cahmeno, ȳh̄u ḡh̄ure cahmeno nine tiquiro. Sa yero tiquiro ȳh̄ure quehnoano cahmediquiro ȳh̄ure ohoriquiro ḡh̄ure cahmeno nine. <sup>41</sup> Sa yero Cohãcjũ yere yahuriquiro wapatarota. Tiquirore quehnoano yerota Cohãcjũ. Sa yero tiquiro yere yahuriquiro tiquiro ijigũ ihñano apequiro pehe yahuriquirore quehnoano cahmeno, yahuriquiro yero sahata wapatarota tiquiro ḡh̄u. Sa ye apequiro quehnoano yeriquiro wapatarota. Sa yero quehnoano yeriquiro tiquiro ijigũ ihñano apequiro pehe tiquirore quehnoano cahmeno, quehnoano yeriquiro yero saha wapatarota tiquiro ḡh̄u. <sup>42</sup> Yaquirogã ihcãquiro tiquiro ijigũ ihñañe d̄hse ijiyequina tiquirogãre acore mehenogã tiquina sihõepegãta, potota tiquinare quehnoano yerota Cohãcjũ, ni yahuri Jesu.

**11***Ñu wame yeriquiro tiquiro buheyequinare Jesure sinitu dutiro ohoahye**(Lc 7.18-35)*

<sup>1</sup> 'Usãre tiquiro buhenare tiquiro sa ni yahuri bato to cahap̄u ijiye macarip̄u buhero wahari tiquiro.

<sup>2</sup> Sa ye tiquiro yerire Ñu peresupũ ijiriquiro tũhooahye. Sa tũhoro Ñu tiquiro buheyequinare Jesure sinitu dutiro ohoahye. <sup>3</sup> Sa ye Jesu cahapũ esa, sinituri tiquina Ñu buheyequina.

—¿Ñu “Yũhũ bato apequiro ahtarota”, tiquiro nidigũ ijiajari mũhũ? ¿Tiquiro nidigũ mũhũ ijieragũ apequirore cohtenatari usã? ni sinituri tiquina pehe Jesure.

<sup>4</sup> Tiquina sa nigũ tũhoro Jesu yũhtiri:

—Yojopũre mũsa tũhorire, mũsa ihñarire Ñure yahuna wahaya: <sup>5</sup> “Caperi bajueyequina ihñare. Tini masieñequina tinine. Cami bũcũna quehnoa wahare. Cahmono tũhoeyequina tũhoa wahare. Yariariquina masaa wahare. Tiquina ijipihtieyquinare quehnoa wahagũ yei yũhũ. Sa yegũ pejecũoyequinare quehnoaũe buheyere yahuaja. <sup>6</sup> Yũhũre tũhoriquiro “Poto ijire”, niniquiro tiquiro bucueriquiro ijire’, nidi”, ni, Ñure yahuna wahaya, nidi Jesu.

<sup>7</sup> Ñu buheyequina tiquina wahari bato, Jesu pehe Ñu ijiye tiyere yahu dũcari peyequina masare:

—Masa marienopũ taare wihnono wẽdoqueo mũjagũ ihñana eserari mũsa. <sup>8</sup> “Quehnoaũe suhti tiriquire ihñana wahaũhna”, niedari mũsa masa marienopũ wahana. Quehnoaũe suhti tiyequina wapa bũjũyere cũoyequina pũhtoa ye wũhũsepu ijire. <sup>9</sup> Masa marienopũ esana Cohãcjũ yere yahu mũhtariquire ihñana esari mũsa. Ijirota ijire. Ñu Cohãcjũ yere yahu mũhtariquire ijire. Apequina Cohãcjũ yere yahu mũhtaũequina yũhdũoro ijiriquiro ijire tiquiro pehe. <sup>10</sup> Panopũ Cohãcjũ yere tiquina ojoari pũpu Ñure ohõ saha ni yahuahye:

Mari Pacũ tiquiro macũnore ohõ saha nahye: “Mũhũ pano mũhũre yahuyuatiquirore ohogũ niaja”, niahye, ni ojoahye panopũre Ñure.

<sup>11</sup> Mũsare ijirota niaja. Apequina ijipihtieyquina bui ijire Ñu wame yeriquiro. Ahri decoripũre tiquiro sa ijiepegũta uhmũse cjũno pũhtoro ijiropũre ijipihtieyquina docapũ ijiriquiro pũrita Ñu bui ijire.

<sup>12</sup> Ñu wame yeriquiro tiquiro buhe, wame ye dũcagũ peyequina masa uhmũse

cjũno pũhtoro ijiropũ tiquina tutuaye mehna, tiquina esa tuharo sajã duamedí.

<sup>13</sup> Cohãcjũ yere yahu mũhtaũequina tiquina ojoarire, Cohãcjũ Moiserere tiquiro cũripũ gũhũre buhena Cohãcjũ tiquiro pũhtoro ijiatore masiaja mari. Ñu gũhũ tireta yahuri. <sup>14</sup> “Elia ahtarota”, panopũ tiquina nidiquirota ijire Ñu pehe. Panopũ cjẽna tiquina nidire “Poto ijire”, ni duana Ñu tiquina sa nidiquiro tiquiro ijigũ masinata mũsa. <sup>15</sup> Quehnoano tũhoya mũsa ahrire.

<sup>16</sup> ¿Yojopũ cjẽna masa yabequina yero saha ijiajari tiquina, mũsa tũhotugũ? Tiquina macanagã yero saha ijire. Apequina tiquina cahmeno saha tiquina yeragũ bucuerare tiquinagã. Doeri cjẽ duaropũ ape dujiye, ohõ saha ni pisupere tiquinagã basi: <sup>17</sup> “Mũsa basatire usã putipemi. ¿Dũhsena mũsa basaerari usã tire putigũ? Usã tutuaro ñehe quea utipe, sañuducupemi. ¿Mũsa pehe dũhsena usã mehna utiperari?” niducuriquina yero sahata ijire yojopũ cjẽna gũhũ. Yojopũ cjẽna tiquina cahmeno saha usã yeragũ ihñañe bucuerare tiquina gũhũ. <sup>18</sup> Tiquina yero saha yena ohõ saha yere mũsa yojopũ cjãna. Ñu wame yeriquiro Cohãcjũre ño peoro taro sijiro, vinore sihniedari. Tiquiro sa sihniedagũ ihñana “Watĩnore cũoriquiro ijire”, nimeri mũsa tiquiro pehere. <sup>19</sup> Yũhũ masũ Cohãcjũ ohorigũ ijigũ yũhũ ihya, sihniaja. Yũhũ sa yegũ ihñana ohõ saha nine mũsa yũhũ pehere: “Ihñaña. Ahriquire pajiro ihyariquire, queheriquiro ijire. Wapa ne cohteyequina, ñano yeyequina gũhũ tiquina piti tiriquire ijire tiquiro”, nine mũsa yũhũre. Sa nina macanagã yero saha yahuducuna nine mũsa. Mũsa cahmeno saha usã yeragũ bucuerare mũsa. Sa masiedapenata usã ye ihñorire ihñana, Cohãcjũ yere usã masigũ masinata mũsa, nidi Jesu tiquinare.

*Tiquina ñañene bũjũa witieyquina ye macari cjẽnare tuhtiahye Jesu (Lc 10.13-15)*

<sup>20</sup> Apeye macari cjẽnare tuhtiri Jesu. Ti macarine apeye macari yũhdũoro Cohãcjũ tutuaye mehna ye ihñomedi tiquiro. Tiquiro sa ye ihñoepegũta tiquina ñañe

yerire duhuerari tiquina. Sa yero ohõ saha ni tuhtiri Jesu tiquinare.

<sup>21</sup> —Corazín cjāna, mūsa ñano yūhdunata. Betsaida cjāna, mūsa gūhū ñano yūhdunata. Mūsa ye macaripure Cohācjū tutuaye mehna ye ihñomi. Tiro wame tiri macare, Sidō wame tiri maca gūhūre tiquiro tutuaye mehna yūhū ye ihñogū ihñañe panopū to cjēna pehe tiquina ñañene bujūa witiboaga. Sa yeye quehnoañene comesaboaga. Masa dija suhtire saña, peca cjē nujuare tiquina bui dahra site peoboaga tiquina ñañene bujūa witiyere ihñofne. <sup>22</sup> Mūsare niita niaja. Buhiri dahreati deco ijigū Cohācjū Tiro cjēna, Sidō cjēna yūhdūoro mūsa pehere mūsa ñari buhirire ña yūhdūaro buhiri dahrerota. <sup>23</sup> Capernau cjāna, mūsa esa tuharo ūhmūsepu waha duamedī. Mūsare Cohācjū pecapu cohānota. Mūsa ya macapu Cohācjū tutuaye mehna ye ihñomi. Mūsa yūhūre tūhoerari. Sodoma wame tiri macare Cohācjū tutuaye mehna yūhū ye ihñogū ti maca pehe yojopure ijiboaga. <sup>24</sup> Mūsare niita niaja. Buhiri dahreri deco ijigū Cohācjū Sodoma cjēna yūhdūoro, mūsa pehere mūsa ñari buhiri ña yūhdūaro buhiri dahrerota, nidi Jesu ti macari cjēnare.

—Yūhū cahapu sona taya, niahye Jesu (Lc 10.21-22)

<sup>25</sup> Ti pjere ohõ saha nidi Jesu tiquiro Pacuro mehna yahuducuro:

—Yūhū Pacu, mūhū ūhmūse cjēna puhto, ahri yehpa cjēna puhto ijire. Ahri mūhū buheyere “Quehnoano masina ijiaja usā”, niñequinare masigū yerare mūhū. Buhe pehoeyequina pehere mūhū yere masigū yere mūhū. Mūhū sa yegū, “Quehnoare”, niaja yūhū mūhūre. <sup>26</sup> Sata ijire. Tiquina pehere masigū cahmedī mūhū, nidi Jesu tiquiro Pacurore.

<sup>27</sup> Sa yero masare ohõ saha ni yahu nemori:

—Yūhū Pacu ijipihtiyere yūhūre ohori. Tiquiro dihita yūhūre quehnoano masine. Sa yena usā dihita yūhū masi dutiyequina mehna yūhū Pacure masiaja usā. <sup>28</sup> Mūsa ñañe apee boro nūcūñe yero saha ijire. Nūcūñene wūana mūsa tahrīno saha ñañene

wahyia wahare mūsa. Sa wahyiarina ijina yūhūre cahmeña mūsa. Mūsare sogū yeitja. Mūsa ñañe yeyere duhugū yeitja. <sup>29</sup> Yūhū dutiyere yeya. Yeere quehnoano masiña. Yūhū paja ihñagu ijiaja. Sa yegu yūhdūcaegu ijiaja. Yūhū sa ijigū yeere quehnoano masiña mūsa. Sa yena soye mehna quehnoano jeripohna tinata mūsa. <sup>30</sup> Yeere mūsa yegū mijoedare. Sa yero mūsa wūaye ti nūcūedarō sahata yūhū pehe mūsare mehenogā ye dutiaja, nidi Jesu.

## 12

*Judio masa tiquina sori decore trigore peheahye Jesu buheyequina*

(Mr 2.23-28; Lc 6.1-5)

<sup>1</sup> Mehenogā tiquiro sa ni buheri bato saurū ijigū usā Jesu mehna trigo wesepū esau. Usā tiquiro buhena ūjūa ahbana, trigore pehe, ihya tuhāsa, yūhdū cāa wahau usā. <sup>2</sup> Usā sa yegū ihñañe, fariseo masa Jesure ohõ saha nidi:

—Tūhorīña usāre. ¿Dūhse ye mūhū buheyequina saurū mari sori deco ijiepegūta dahrajari? Marine dutiyere yūhdūdcaye nine, nidi tiquina.

<sup>3-4</sup> Jesu yahtiri. “Yūhū buheyequina yūhdūdcaye niedare”, ni yahuro taro ohõ saha ni yahtiri:

—Davi tiquiro mehna cjēna mehna ūjūa ahbaro Cohācjū wūhūpu sajā, Cohācjū ye pāre ihyahye. Ti pāre pahia dihita ihyae tiahye. Cohācjū dutiyere tiquina ojoari pū apequinare ti pāre ihya dutierare. ¿Davi gūhū tire tiquina yerire Cohācjū ojoari pūpu buherari mūsa? (Ti pāre ihyaro Cohācjūre yūhdūdcaro niedahye. Miare ahri pjerire ihyaye yūhū buheyequina gūhū Cohācjūre yūhdūdcaye niedare.) <sup>5</sup> Sa ye Cohācjū wūhūpu dahrayequina pahia ne soerare mari soye decorire. Sa soerapeta Cohācjū dutiyere yūhdūdcayequina ijierare. ¿Tire buherari mūsa Cohācjū Moiserere tiquiro cūri pūpu? <sup>6</sup> Mūsare niita niaja. Cohācjū wūhūre ño peona ti wūhūpu dahrayequina tiquina soeragū ihñāepenata “Quehnoanota”, nine mūsa. Ti wūhū yūhdūoro yūhū pehere ño peoro cahmene. <sup>7</sup> Cohācjū yere tiquina ojoari pū ohõ saha nine: “Wahiquinare wejē,



ujãa m̄oñe mehna yuh̄are m̄usa ño peogũ cahmedaja. Apequinare m̄usa paja ih̄ñagũ pehere cahmeaja yuh̄u”, nine tiquiro yere tiquina ojoari pũ. Tiquiro sa nidire m̄usa quehnoano t̄hona, yuh̄u buheyequinare tiquina buhiri mariedapegãta tiquinare tuhtieraboaga m̄usa. <sup>8</sup> Yuh̄u masu Cohãcjũ ohorigu ahri deco saurũ decore masa tiquina yeatire yahugũ ijigũ puhto ijiaja, nidi Jesu fariseo masare.

*Omoca buhariquiro qiti ijire  
(Mr 3.1-6; Lc 6.6-11)*

<sup>9</sup> Tiquiro sa nidi bato waha, judio masa mari buheri wuh̄ur̄u esau usã Jesu mehna. <sup>10</sup> Topu omoca buhariquiro ijiri. Sa yeye fariseo masa pehe Jesure yahusãñe tehe, tiquirore sinituri:

—Saurũ decore mari sori decore masunore yuh̄duo dutierare Cohãcjũ. ¿Sata ijiajari, m̄uh̄u t̄hotugũ? ni sinituri tiquina.

<sup>11</sup> Jesu yuh̄tiri tiquinare:

—¿M̄usa yaquiro oveja saurũ ijigũ copepu tiquiro bora sajãgũ tiquirore ne wio-eraboagari m̄usa? Ne wionata m̄usa.

<sup>12</sup> Oveja yuh̄duoro ijire masuno pehe Cohãcjũ tiquiro ih̄ñagũ. Sa yero saurũ ijigũ quehnoañene mari yegũ quehnoarĩne, ni yuh̄tiri Jesu tiquinare.

<sup>13</sup> Tiquiro sa nidi bato omoca buhariquirore ohõ saha nidi:

—M̄uh̄u omocare siõ potoya, nidi tiquiro.

Tiquiro sa nigũ omoca buhariquiro pehe siõ poto, omoca quehnoa wahari ape omoca quehnoari omoca yero saha. <sup>14</sup> Sori decore tiquiro sa yegũ ih̄ñañe, fariseo masa waha, tiquina basi ohõ saha niahye:

—¿Duh̄se Jesure wejẽnatari mari? niahye tiquina basi.

*Cohãcjũ yere yahu m̄htariquiro panopu  
cjãno Jesure yahuahye*

<sup>15</sup> Jesu tiquina sa nidire masino, waha wahari. Tiquiro sa wahagũ peyequina masa tiquirore nunu tãri. Sa yero tiquiro pehe ijipihtiequina tiquina mehna cjẽnare dohatiequinare yuh̄dugũ yeri.

<sup>16</sup> Sa yero dohatiequinare tiquinare tiquiro yuh̄duorire apequinare yahu site dutierari tiquiro. <sup>17</sup> Sa dohatiequinare yuh̄dugũ yero, Cohãcjũ yere yahu m̄htariquiro Isaia panopu tiquiro ni

ojoariro sahata yero nidi Jesu. Ohõ saha ni ojoahye Isaia:

<sup>18</sup> Ohõ saha nine Cohãcjũ: “Ahriquiro yuh̄u cahacjãno ijire. Tiquiro yuh̄u beseriquiro ijire. Tiquirore cahãja. Sa yegu tiquiro mehna bu- cueaja. Yaquiro Espiriture tiquirore ohogutja. Sa yero yuh̄u tutuaye mehna ijipihtiequina masare yuh̄u buheyere yahurota tiquiro. <sup>19</sup> Sa yahuro tiquiro ne purĩno mehna yahusi. Sa yero sañuducusi. Sa yero maca cjã mahapu peyequina masa watoa tiquiro tutuaro sañuducu yahusi. <sup>20</sup> Wuh̄jugũ nuhrino cuadu tiquiro nuhriedagũ yero saha masa gũhare quehnoano yerota tiquiro. Mehenogã ujãri pecare tiquiro yatigũ yeraro saha masa gũhare quehnoano yerota tiquiro. Sata yeducurota tiquiro watĩnore tiquiro yuh̄duducato pano. <sup>21</sup> Sa yeye peyequina masa tiquirore wacũ tutueta”, nine Cohãcjũ, ni ojoahye Isaia.

*—Jesu watĩno tutuayere cuore, ni  
yahusãhye masa*

*(Mr 3.20-30; Lc 11.14-23; 12.10)*

<sup>22</sup> Ihcã deco watĩno cuoriquirore masa ne cãhtari Jesu cahapu. Tiquiro pehe watĩnore cuoro yahuducu masiedari. Sa yero caperi ne bajuerari. Tiquina sa ne wihigũ ih̄ñano, yuh̄dugũ yeri Jesu tiquirore. Tiquiro sa yegũ watĩno cuoriquiro ih̄ña, yahuducuri.

<sup>23</sup> Tiquiro sa wahagũ ih̄ñañe, masa ih̄ña maria wahari.

—¿Ahriquiro Davi panamino iji turi- ariquiro masare yuh̄duoatiquiro ijiajari? nidi tiquina basi.

<sup>24</sup> Jesu watĩare tiquiro cohãrire t̄hoye fariseo masa ohõ saha ni t̄hoturi:

—Beelzebú watĩa puhtoro tiquiro tutu- aye mehna watĩare cohãre Jesu, ni t̄hoturi tiquina.

<sup>25</sup> Tiquina sa ni t̄hotugũ masino, Jesu queoye mehna yahuri tiquinare, “Watĩno ye tutuaye mehna watĩare cohãgu niedaja”, nino taro:

—Ihcã yehpa cjẽna tiquina basi cah- mequeñe, ti yehpa cjẽna waha pihtia wahaboaga. Ihcã maca cjẽna tiquina basi

cahmequeñe ti maca cjëna waha pihtia wahaboaga. Ihcã wuhũ cjëna gãhũ sata wahaboaga. <sup>26</sup> Sa yeye Beelzebú watíã pũhoro pehe watíare cohãno, tiquina watíã tiquina basi cahmequeñe niboaga. Sa ye tiquina gãhũ waha pihtia wahaboaga. <sup>27</sup> Ohõ saha ni yahusãre m̄sa yuhũre: “Tiquiro Beelzebú yedohoye mehna watíare cohãre”, ni yahusãre m̄sa. M̄sa mehna cjëna gãhũ watíare cohãre. ¿Watíno tiquiro tutuaye mehna watíare cohãjari tiquina gãhũ, m̄sa ihñagũ? Sa cohãedare. Tire masine m̄sa. Yuhũ gãhũ watíno tutuaye mehna watíare cohãedaja. <sup>28</sup> Sa yegũ yuhũ pehe watíare cohãgũ Cohãcjũ yaquiro Espíritu tutuaye mehna tiquinare cohãja. Yuhũ sa cohãgũ ihñana ohõ saha masiña m̄sa: Cohãcjũ masa bui pũhoro ahri yehparũre iji tuhasare yojopũre.

<sup>29</sup> ‘Ohõ sahata ijire queoye mehna mari buhegũ: Tutuariquiro ya wuhũpũ apeqũro sajã sa yaque masiedare. Tutuariquirore dũhteraro tiquiro ya wuhũpũ sajã sa yaque masiedare. Tutuariquirore tiquiro dũhteri bato sajã sa yaque masine, ni yahuri Jesu.

(Sa ni yahuri, watíno tiquiro yuhũdũcarire yahuro. Watíno tutuariquiro tiquiro ijepegũta Jesu tiquirore yuhũdũcare watíare cohãno.)

Sa ni tuhasa ohõ saha ni yahu nemori Jesu.

<sup>30</sup> –Ihcãquiro yuhũre cahmedaro, yuhũre ihña tuhtiriquiro ijire. Ihcãquiro yuhũre yedohoeraro, yuhũre wape tigũ yero nine.

<sup>31</sup> ‘Sa yegũ m̄sare poto niita niaja yuhũ. Ijipihtiyẽ ñañene masa tiquina yegũ, yahuducugũ gãhũre Cohãcjũ bo masine. Sa boeperota Espíritu Santore tiquina ñano ni yahuducugũ ti pũritare ne bosì. <sup>32</sup> Yuhũre masũ Cohãcjũ ohorigũre yuhũre tiquina ñano ni yahuducurire bo masine Cohãcjũ. Espíritu Santo pehere tiquina ñano ni yahuducurire ne bosì Cohãcjũ. Yojopũre, deco pihtigũ gãhũre tiquina sa nidire bosì tiquiro, ni buheri Jesu tiquinare.

*Masa tiquina yahuducuyere tũhona tiquina ijiye tiyere masiaja mari*

*(Lc 6.43-45)*

<sup>33</sup> Sa yero queoye mehna buhero ohõ saha ni yahu nemori tiquinare:

–Quehnoadũ yucũgũ quehnoañene dũca tire. Ñadũ yucũgũ ñañene dũca tire. Yucũgũ dũcare masina “Tũ dũcata ijire”, ni masiaja mari. Mari sa masino saha masa tiquina yahuducuyere tũhona tiquina ijiye tiyere masiaja mari. <sup>34</sup> Añaa yero saha ñana ijire m̄sa. M̄sa ñana ijina, quehnoañene ni masiedare m̄sa. Mari wacũñepũ mari tũhoturiro sahata mari dũseropũ wijiare. <sup>35</sup> Quehnoariquiro quehnoañene tũhoture. Sa yero quehnoañene yahuducure. Ñariquiro ñañene tũhoture. Sa yero ñañene yahuducure. <sup>36</sup> Quehnoano tũhotu yahuducuna ijiya m̄sa. Quehnoano yahuducuerana, buhiri dahreati deco ijigũ m̄sa sa ni maca cãrire Cohãcjũre yahu yuhũnata. <sup>37</sup> Queoro m̄sa yahuducurire masino “Quehnoana ijire”, ninota Cohãcjũ. Sa yero ñano m̄sa yahuducurire masino “Ñana ijire”, ninota tiquiro, nidi Jesu tiquinare.

*Masa ñañequina Jesure Cohãcjũ tutuaye mehna ye ihño dutiahye*

*(Mr 8.12; Lc 11.29-32)*

<sup>38</sup> Tiquiro sa nidi bato mari judio masare buheyequina, fariseo masa gãhũ tiquirore ohõ saha nidi:

–Buhegũ, Cohãcjũ ohorigũ ijigũ Cohãcjũ tutuaye mehna ye ihñoña usãre, nimedì tiquina.

<sup>39</sup> Jesu yuhũtiri:

–Yojopũ cjëna ñañequina, Cohãcjũre cahmeeñequina Cohãcjũ tutuaye mehna yuhũ ye ihñogũ ihña duamene. Tiquina sa ihña duepegũta Cohãcjũ yere yahu m̄htariquirore Jona panopũ cjãnore Cohãcjũ tiquiro tutuaye mehna tiquiro yeri dihitare ye ihñonota masare. <sup>40</sup> Jona ihtia deco waro pajiriquiro wahi paa puhiapũ ijiyahye. Tiquiro sa wahariro sahata yuhũ gãhũ masũ Cohãcjũ ohorigũ ihtia deco waro masa copepũ ijigata. <sup>41</sup> Nínive cjëna pehe Jona Cohãcjũ yere tiquiro yahurire tũhoye tiquina ñañe yerire bujũa witiyahye. Sa bujũa witiyequina ijiye buhiri dahreati deco ijigũ tiquina yojopũ cjëna tiquina ñañene bujũa witiyequinare “Ñañequina ijire”, ni, yahusãeta. Jona tiquinare Cohãcjũ yere tiquiro yahugũ tũhoye quehnoañene cahmeahye tiquina pehe. Sa cahmeñe

quehnoano yeye niahye yojopu cjēna yuħdũoro. Sa yeye tiquina yojopu cjēnare yahusāeta. Mũsare niita niaja. Yojopu mũsare yuħu buheye Jona tiquiro buheri yuħdũoro ijire. <sup>42</sup> Sa ye buhiri dahreati deco ijigũ puħtoro sur cjõno panopu cjõno ducu, yojopu cjēnare “Ñañequina ijire”, ni yahusānota ticoro gũhu. Ticoro Salomo panopu cjēno tiquiro masiñene tũho duaro yoaropu ahri yehpa ape siepu ijiricoro Salomoro tũhoro ahtahye. Sa yero quehnoano yero niahye yojopu cjēna yuħdũoro. Sa yero ticoro yahusānota yojopu cjēnare. Mũsare niita niaja. Yojopu mũsare yuħu buheri Salomo tiquiro buheri yuħdũoro ijire, nidi Jesu tiquinare.

*Watĩno pari turi masũnore tiquiro sajãri quitire yahuahye Jesu*  
(Lc 11.24-26)

<sup>43</sup> Sa yero pari turi Jesu tiquiro tũhotuye mehna ohõ saha ni quiti yahuri tiquinare:

–Watĩno masũno mehna ijiriquiro waha, aco marieni yehpapu tini, tiquiro ijiatore macamahye. <sup>44</sup> Sa bocaeraro, ohõ saha ni tũhotuahye tiquiro. “Masũno yuħu cohãriquiro mehnata pari turi ijigũ wahaũtja”, ni tũhotuahye tiquiro. Sa ni tũhoturo tojoaa waha, tiquiro cohãriquiroreta bocahye. Sa tiquiro bocagũ masũno pehe quehnoariquiro ijimahye. <sup>45</sup> Sa yero watĩno apequina siete watĩare tiquiro yuħdũoro ñañequinare pijiro wahahye. Tiquiro sa pijigũ tiquina ijipihtiyequina tiquiro mehna ijiahye. Masũno pehe to pano ihcãquiro watĩnore cũoro, ñariquiro ijimahye. Cameru pehere peyequina watĩare cũoriquiro ijiro, to pano tiquiro ijiriro yuħdũoro ña yuħdũariquiro ijiahye. Yojopu cjēna Cohãcjũre cũomediquina tiquirore cohãñe, tiquina gũhu ña yuħdũayequina waro wahaeta, nidi Jesu tiquinare.

*Jesu acaye tiquirore yahu duahye*  
(Mr 3.31-35; Lc 8.19-21)

<sup>46</sup> Masare tiquiro sa ni yahuducuri watoa tiquiro pacoro tiquiro bahana mehna sopecahapu ducu, tiquirore yahu duari.

<sup>47</sup> Sa yero ihcãquiro Jesure yahuri:

–Mũhu paco mũhu bahana mehna mũhũre yahu duaye sopecahapu ducuri, nidi.

<sup>48</sup> Tiquiro sa nigũ tũhoro topu ijiyequinare ohõ saha nidi Jesu tiquinare buhero taro:

–¿Noa ijiajari yuħu paco, yuħu bahana gũhu, mũsa ihñagũ? nidi.

<sup>49</sup> Sa nino, usãre tiquiro buhenare ñupuha, ohõ saha nidi:

–Ahriquina ijire yuħu paco, yuħu bahana yero saha ijiyequina. <sup>50</sup> Tiquina yuħu Pacu uhmũse cjũno tiquiro cahmeñene yere. Sa yeyequina yuħu bahu, yuħu baho, yuħu paco yero saha ijire, nidi Jesu tiquinare.

## 13

*Jesu oteriquiro quitire yahuahye*  
(Mr 4.1-9; Lc 8.4-8)

<sup>1</sup> Ti decota Jesu wũhũpu ijiriquiro wi-jiari. Wijia, ditarapu waha, ditara dũhtu cahapu dujiri. <sup>2</sup> Tiquiro sa dujigũ ihñañe peyequina masa tiquiro cahapu cahmecoa wahpaa waha, bihsaro yeri Jesure. Sa bihsagũ ihñano yucũsapu sajã, tiapu dujiri tiquiro. Masa pehe padũropu ducuri. <sup>3</sup> Sa yero tiquiro peye queoye mehna yahuri tiquinare, buhero taro. Ohõ saha nidi tiquiro:

–Oteriquiro otero wahahye. <sup>4</sup> Tiquiro sa otero wahagũ apeye pjeri maha dũhtu cahapu bora quehe sahye. Topu bora quehe saye pjerire minicjũa ahta, ihya cãhye. <sup>5</sup> Sa ye apeye pjeri utã paca watoa bora quehe sahye. Utã paca watoa dihta marieda cjũnopu duita pihnimahye. <sup>6</sup> Sa pihnieperota asũ tutuaro asigũ, nũhcori marieda, ñaia wahahye. <sup>7</sup> Apeye pjeri taa watoa bora quehe sahye. Taa pehe dia yuħdũa waha, oteye pehere wejẽahye. <sup>8</sup> Apeye pjeri quehnoari yehpapu bora quehe sahye. Quehnoano pihni, dũca tiahye. Apeye cju cien pjeri, apeye cju sesenta pjeri, apeye cju treinta pjeri dũca tiahye. <sup>9</sup> Ahrire quehnoano tũhoya mũsa, nidi Jesu.

*Jesu queoye mehna tiquiro buherire yahuahye*  
(Mr 4.10-12; Lc 8.9-10)

<sup>10</sup>Tiquiro sa nidi bato usã tiquiro buhena tiquiro cahap̄ esa, sinituu usã tiquirore:

—¿Duhse yeḡ masare queoye mehna buheajari m̄h̄? ni, sinituu usã.

<sup>11</sup>Jesu yah̄tiri:

—Ehm̄se cj̄no tiquiro p̄h̄toro ijiyere panop̄ cj̄na tiquina masiedarire m̄sare yuh̄ buhenare masiḡ yere Coh̄cj̄. Apequina pehere sa yerare tiquiro. <sup>12</sup>Sa yero masiñequinare masi nemoḡ yerota tiquiro. Sa yeye tiquina pehe quehnoano masieta. Masiñequina pehe mehenoḡ tiquina masiepeḡta tiquina pehere masiedaḡ yerota tiquiro. <sup>13</sup>Sa yeḡ queoye mehna buheaja. Oh̄ saha ijire. Yojop̄ cj̄na ih̄naepeta, ih̄nedariquina yero saha tojoare. Sa yeye t̄hoepeta masiedare. Tire t̄hoeyequina yero saha ijire tiquina. <sup>14</sup>Sa ijiyequina ijiye Isaia panop̄ cj̄no tiquiro ni ojoariro sahata yere tiquina. Oh̄ saha ni ojoahye:

Oh̄ saha nine Coh̄cj̄: “Coh̄cj̄ yere t̄honata m̄sa. Sa t̄hoepenata, ne masisi m̄sa. <sup>15</sup>Ahriquina masa dapu paca b̄tiyequina tojoare. Sa ye tiquina cahmo coperire bihare, ‘t̄hoari’, niñe. Tiquina caperire ih̄mitih̄are, ‘ih̄ñari’, niñe. Sa yeraye quehnoano ih̄ñañe, masiboaga tiquina. Sa ye t̄hoye, masiboaga tiquina. Tiquina wacũñep̄ quehnoano masiboaga. Sa masiñe yuh̄re Coh̄cj̄re cahmeboaga tiquina. Sa yuh̄re cahmeḡ tiquina ñañene coh̄, tiquinare pecap̄ wahaboriquinare yuh̄dḡ yeboaga yuh̄”, nine Coh̄cj̄, ni ojoahye Isaia.

<sup>16</sup>M̄sa pehe m̄sa caperi mehna ih̄ñana, masine. M̄sa cahmo mehna t̄hona, masine. Sa yena bucuena ijire m̄sa. <sup>17</sup>M̄sare niita niaja. Yojop̄ m̄sa ih̄ñañene m̄sa t̄hoyere panop̄ cj̄na Coh̄cj̄ yequina tutuaro ih̄ña duamahye. Coh̄cj̄ yere yahu m̄htariquina ḡh̄ tire tutuaro ih̄ña duamahye. Sa ih̄ña duepeta ne ih̄nedahye. Yojop̄ m̄sa t̄hoye ḡh̄re tutuaro t̄ho duamahye tiquina. Sa masi duepeta tire masiedahye, ni yahuri Jesu us̄are tiquiro buhenare.

*Jesu oteriquiro queoyere yahu pehoahye (Mr 4.13-20; Lc 8.11-15)*

<sup>18</sup>Came Jesu us̄are yahu nemori:

—T̄hoya m̄sa. Oteriquiro queoyere m̄sare yahutja. Yuh̄re t̄hona, quehnoano masiña. <sup>19</sup>Oteye p̄jeri quehnoañe buheye yero saha ijire. Sa yeye maha d̄ht̄ cahap̄ borari p̄jeri quehnoañe buheye yero saha ijire. Sa yeye masa quehnoañe buheyere t̄hoepeta ne masiedare. Sa yero masa quehnoañe buheyere tiquina t̄hoḡ ih̄ñano wat̄no pehe ahta, ti buheyere quehnoañe buheyere masi dutierare masare. Minic̄ja ti p̄jerire tiquina dote nediro saha yere wat̄no. <sup>20</sup>Sa ye ut̄ paca watoa borari p̄jeri quehnoañe buheye yero saha ijire. Sa yeye masa quehnoañe buheyere t̄ho, bucueye mehna duita tire t̄ho nene. <sup>21</sup>Sa t̄ho nepeta ut̄ paca watoa ijiye cj̄ n̄h̄cori marieñe cj̄ yero saha ahriquina masa ḡh̄ tutuerare. Sa tutueraye ñano yuh̄d̄ye, yeequina tiquina ijiri buhiri apequina tiquinare ñano yeḡ ih̄ñañe yee pehere duhu c̄h̄re. Apequina tiquinare ñano yeḡ tire ih̄c̄no sahaeraye, yeere duhu c̄h̄re. <sup>22</sup>Sa ye taa watoa borari p̄jeri quehnoañe buheye yero saha ijire. Sa yeye masa quehnoañe buheyere t̄hoepeta, ahri yehpa cj̄ne pajiro b̄j̄a witi t̄hotuye, niñeru pehere cah̄ne. Tiquina sa yeḡ ti pehe quehnoañe buheyere cahmotare. Sa cahmotaḡ masa quehnoañe pehere yerare. <sup>23</sup>Sa ye quehnoari yehpap̄ borari p̄jeri quehnoañe buheye yero saha ijire. Sa ye masa quehnoañe buheyere t̄hoye, tire quehnoano masine. Sa masiñequina ijiye, Coh̄cj̄ cahmeno sahata quehnoañene yere tiquina. Ih̄quẽquina pajiro quehnoañene yere cien p̄jeri d̄ca tiro saha. Apequina doca cj̄noḡ quehnoañene yere sesenta p̄jeri d̄ca tiro saha. Apequina mehenoḡ quehnoañene yere treinta p̄jeri d̄ca tiro saha, ni yahuri Jesu us̄are.

*Trigo watoa taa diari queoyere yahuahye*

<sup>24</sup>Sa ye pari turi queoye mehna buheri Jesu:

—Ūhmuse cjāno tiquiro p̄htoro ijiye ohō saha ijire. Wese up̄ro tiquiro wesep̄ quehnoañe pjerire tiquiro oteriro saha ijire ūhmuse cjāno tiquiro p̄htoro ijiye. <sup>25</sup> Wese up̄ro ijipihtiequina tiquiro mehna cjēna gūh̄u tiquina carīno watoa tiquirore ihña tuhtiriquiro ahtahye. Sa ahtaro trigore ti oteriro p̄ taare oteahye. Ote tuhasa wahaahya. <sup>26</sup> Came trigo pihniahye. Sa ye ti d̄ca tiro taro yegū waro diaa wahahye. <sup>27</sup> Sa ye wese up̄rore dahra cohteyequina tiquiro cahap̄ esa, yahuahye: “¿P̄hto, quehnoañe pjeri dihitarē m̄h̄u wesere m̄h̄u otepegūta, d̄h̄se ye taa gūh̄u diajari ti wesere?” nidi tiquina. <sup>28</sup> “Ȳh̄re ihña tuhtiriquiro ijiaga ti taare oteriquiro”, niahye wese up̄ro. “¿Taare ūs̄a curegū cahmeajari m̄h̄u?” nimahye tiquirore dahra cohteyequina. <sup>29</sup> “Taare cureracāhña, ‘Trigo pehere cureari’, nina. <sup>30</sup> Trigo taa mehnata b̄c̄arīahdo. D̄ca nedi pje ijigū neñequinare ohō saha niitja: ‘Taare cure māhtaña. Tuhasa m̄sa curerire ūjūañā. Came trigore peheya. Pehe peho, tire ȳh̄u ihbori w̄h̄p̄ cūñā’, niitja tiquinare”, niahye wese up̄ro, nidi Jesu, queoye mehna yahuro.

*Mostaza pje queoyere yahuahye Jesu  
(Mr 4.30-32; Lc 13.18-19)*

<sup>31</sup> Sa ye apeye queoye mehna ūs̄are ohō saha ni buheri tja:

—Ūhmuse cjāno tiquiro p̄htoro ijiye mostaza p̄jegā yero saha ijire. Ti p̄jegā meheni p̄jegā waro ijire. <sup>32</sup> Ti p̄jegāre wesep̄ tiquiro oteri bato, quehnoano pihnine. Sa yero paji ȳh̄d̄ad̄ wahare. Sa wahagū minicj̄a pari ti d̄p̄rip̄ suhti suhare, ni yahuri Jesu. (Sa nino ohō saha nino niahye. Mostaza p̄jegā pajid̄u t̄ b̄c̄arīro saha ūhmuse cjānore mari p̄htoro masiñequina meheñequinagā tiquina iji māhtaep̄egūta camer̄u peyequina wahaeta.)

*Pāre pugū yeye queoyere yahuahye Jesu  
(Lc 13.20-21)*

<sup>33</sup> Sa ye apeye queoye mehna ūs̄are ohō saha ni buheri tja:

—Ūhmuse cjāno tiquiro p̄htoro ijiye p̄re pugū yeye yero saha ijire. Tire numino

ihcā ajuro trigore aco mehna quehnoano tire dahra morene p̄ b̄c̄atire. Ticoro sa yegū p̄re pugū yeye pehe trigore quehnoano sehsaa wahare, nidi Jesu. (Sa nino ohō saha nino niahye. P̄re pugū yeye trigore ti sehsaa wahariro saha ūhmuse cjānore mari p̄htoro peyequina masa ijipihtiro cjēna masieta.)

*Queoye mehna Jesu tiquiro buherire yahuahye*

*(Mr 4.33-34)*

<sup>34</sup> Ahri ijipihtiyere buhero, queoye mehna yahuri Jesu. Queoye marieno yahuerari tiquiro tiquinare. <sup>35</sup> Sata yeri tiquiro Cohācj̄u yere yahu māhtariquiro ni ojoariro sahata. Ohō saha ni ojoahye panop̄:

Queoye mehna yahutja. Cohācj̄u ahri yehpare tiquiro bajumehnedi bato ne masare tiquiro yahuerarire yahutja, ni ojoahye Cohācj̄u yere yahu māhtariquiro mānana.

*Trigo watoa taa diari queoyere yahu pehoahye*

<sup>36</sup> Sa ye masare cohe ti, w̄h̄p̄ sajāa wahari Jesu. Sa yena ūs̄a tiquiro buhena tiquiro cahap̄ esa, sinituu ūs̄a:

—Trigo watoa taa diari queoyere yahu pehoya ūs̄are, nii ūs̄a tiquirore.

<sup>37</sup> Jesu ȳhtiri ūs̄are:

—Wese up̄ro quehnoañe pjerire oteriquiro yero saha ijiaja ȳh̄u. Ȳh̄u mas̄u Cohācj̄u ohorigu ijiaja. <sup>38</sup> Wese pehe ahri yehpa yero saha ijire. Quehnoañe pjeri pihniñe ūhmuse cjāno p̄htoro ijirop̄u ijiatiquina yero saha ijire. Taa pehe wat̄no yequina yero saha ijire. <sup>39</sup> Wese up̄rore ihña tuhtiriquiro taare oteriquiro wat̄no yero saha ijire. Tire nedi pje pihtiri deco yero saha ijire. Sa ye trigore neñequina angele yero saha ijire. <sup>40</sup> Taare tiquina cure ūj̄ariro saha pihtiri deco ijigū wat̄no yequinare pecap̄ cohāeta tiquinare. <sup>41</sup> Ȳh̄u mas̄u Cohācj̄u ohorigu yequina angelere ohoḡtja. Ȳh̄u ohogū angele pehe ñañene ye dutiyequinare, ñañene yeyequinare ȳh̄u p̄htoro ijirop̄u neañeta. <sup>42</sup> Ne sa tuhasa pecap̄ cohāeta tiquinare. Top̄u tiquina tutuaro uti, b̄j̄ua witiye mehna bahque dihoeta. <sup>43</sup> Sa ye

Cohãcjũ yequina tiquina Pacaro tiquiro pãhtoro ijiropũ ijietã. Topũ ijiye, asũ deco cjãno yero saha quehnoano buhrioeta tiquina. Ahrire quehnoano tãhoya mũsa, ni yahuri Jesu.

*Quehnoa yãhdũyere tiquiro nũorire tiquiro bocari queoyere yahuahye*

<sup>44</sup> Sa ye apeye queoye mehna yahuri tja:

—Ëhmũse cjãno tiquiro pãhtoro ijiye niñeru tiquiro nũori yero saha ijire. Masano tire wesepũ wacũeno mehna boca, pari turi tire nũo nemoahye. Sa bocaro tutuaro bucueahye tiquiro. Sa yero tiquiro bocarire neno taro, ti wesere dú duahye. Sa yero tiquiro yere dua peho, ti wesere dúahye, ni yahuri Jesu. (Sa nino ohõ saha nino niahye. Ëhmũse cjãno tiquiro pãhtoro ijiye tiquiro bocari yero saha ijire. Tiquiro bocarire tiquiro tutuaro cahmediro sahata ãhmũse cjãnore masa pãhtorore tiquina masidi bato masa tutuaro cahmene tiquirore.)

*Wapa bujũri pje queoyere yahuahye*

<sup>45</sup> Sa ye apeye queoye mehna yahuri tja:

—Ëhmũse cjãno tiquiro pãhtoro ijiye wapa bujũye pjerire perla wame tiye pjerire dúriquiri yero saha ijire. <sup>46</sup> Ti pjerire macano quehnoa yãhdũari pjere bocahye. Bocaro, ti pjere dú duaro, ijiptiye tiquiro yere dua pehoro wahahye. Sa dua tuhasa ti pjere wapa bujũri pjere dúahye, nidi Jesu. (Sa nino ohõ saha nino niahye. Ti pjere perla pjere tiquiro cahmediro sahata ãhmũse cjãnore masa pãhtorore quehnoano tiquina masidi bato masa tutuaro cahmene tiquirore.)

*Wẽñanũ queoyere yahuahye*

<sup>47</sup> Sa ye apeye queoye mehna Jesu yahuri tja:

—Ëhmũse cjãno tiquiro pãhtoro ijiye wẽñanũ tiquina doque ñodũ yero saha ijire. Tũ wẽñanũ mehna peyequina wahi sijoro saha ijiyequinare ñehene. <sup>48</sup> Tũ wahpaa wahagũ wahi wejẽñequina pehe tare padãropũ weje nãjũa, quehnoañequina wahire besere. Quehnoañequinare tiquina pũhũsepũ bese sajãre. Ñañequina wahire cohãre. <sup>49</sup> Pihtiri deco ijigũ ohõ saha ijirota. Angele pehe masare beseeta.

Ñañequinare ne wioeta quehnoañequina cahapũ ijiyequinare. <sup>50</sup> Ne wio, tiquinare pecapũ cohãeta. Topũ tiquina uti, tutuaro bujũa witiye mehna upiri bahque dihoeta ñañequina pehe, ni yahuri Jesu.

*Mũna buheyere, wahma buheye gãhũre yahuahye*

<sup>51</sup> Tiquiro sa ni yahuri bato sinituri ãsãre:

—¿Ahri ijiptiyere tãhoajari mũsa? ni sinituri tiquiro.

—Tũhoaja ãsã, ni yãhtii ãsã.

<sup>52</sup> Ësã sa nigũ tiquiro yahuri ãsãre:

—Judio masare buheyequina ãhmũse cjãno tiquiro pãhtoro ijiyere buheye, pãaro buheyere yahure. Mũna buheyere, wahma buheye gãhũre yahure. Tiquina wãhũ upãro yero saha ijire. Tiquiro wãhũpũ ijiyere quehnoañene ne wioro, wahmare, mũna gãhũre ne wioere tiquiro, nidi Jesu ãsãre.

*Jesu Nazarepũ wahahye  
(Mr 6.1-6; Lc 4.16-30)*

<sup>53</sup> Ti queoyere tiquiro buheri bato, wahaũ ãsã tiquiro mehna. <sup>54</sup> Waha, tiquiro masari macapũ esaũ. Topũ esa, judio masa mari buheye wãhũsepũ buheri tiquiro. Tiquiro sa buhegũ tãhoye, tãho maria wahari tiquina.

—¿Ahriquiri nohopũ tãhoyari ahri buheyere? ¿Dãhsero quehnoano masi pehoajari tiquiro? Cohãcjũ tutuaye mehna ye ihñore tiquiro basi. <sup>55</sup> Ahriquiri taboa dahrariquiri macano ijire. Sa ye tiquiro pacoro María ijire. Sa ye Santiago, José, Simo, Juda, tiquiro bahana ijire. <sup>56</sup> Yojopũre tiquiro bahana numia ahri macapũ ijire. Sa yero tiquiro mari yero saha ijiquiri ijire. ¿Sa ijiiperota nohopũ tãhoyari tiquiro ahri buheyere? ni yahuducuri tiquina basi.

<sup>57</sup> Sa ye tiquina tiquirore cahmedari. Tiquina sa cahmedagũ ihñano ohõ saha nidi Jesu tiquinare:

—Cohãcjũ yere yahu mãhtariquiri apequina ño peore. Tiquina sa ño peoepẽgãta tiquiro ya maca cjẽna, tiquiro acaye tiquirore ño peerare. Sa yena yãhũre ño peerare mũsa ohõpũ yãhũ masarigũ ijigũ, nidi tiquiro tiquinare.

<sup>58</sup> Sa yero tiquirore tiquina wacũ tutueragũ ihñano, ti macapũ Cohãcjũ tutuaye mehna peye tahari ye ihñoedari Jesu.

## 14

*Ñu wame yeriquiro mñano yariarire yahuahye*

*(Mr 6.14-29; Lc 9.7-9)*

<sup>1</sup> Ti pjere Herode Galilea cjũno pũtoro Jesu yerire tũhooahye. <sup>2</sup> Sa tũhoro ohõ saha nimahye:

—Ñu wame yeriquiro ijiaga masatjiãno. Sa yero yojopũre tiquiro masari bato ahri tutuayere cũore tiquiro bajumehneñene yero, nimahye Herode tiquiro cahacjẽnare. Jesure “Ñuta ijire”, ni tũhotumahye tiquiro Ñure tiquina wejẽdi bato.

<sup>3-5</sup> Sa yero Ñure tiquiro wejẽ dutiato pano Herode tiquiro bahũro Felipe namonore namo tiahye. Tiquiro sa yegũ ihñano Ñu wame yeriquiro Herode pehere ohõ saha nie timahye:

—Mũhũ bahũ namonore namo tigũ Cohãcjũ dutiyere yũhdũdcagũ nine mũhũ, nie timahye Ñu.

Tiquiro sa nidi buhiri Herode tiquirore wejẽ duamahye. “ ‘Ñu Cohãcjũ yere yahu mũhtariquiro ijire’, ni tũhoturi judio masa”, nino, tiquina pehere cueahye Herode. “Ñure yũhũ wejẽgũ tiquina usuaboaga”, nino tiquinare cueahye. Sa cuero Ñure wejẽ dueramahye. Sa wejẽ dueraperota Herode tiquirore ñehe dũhte duti, peresu yeahye. Tiquiro namono Herodia dutiro mehna sa yeahye Herode. <sup>6</sup> Sa ye Herode masa bajuari deco ijigũ bose deco yeahye tiquiro. Topũ Herodia macono bose deco wihiyequina tiquina ihñonopũ basa ihñoahye. Ticoro sa basa ihñogũ ihñano Herode bucueahye. Sa bucuero ticorore niahye:

<sup>7</sup> —Cohãcjũ mehna poto niita niaja. Yũhũre mũhũ sinino punota ohogũtja yũhũ mũhũre, niahye Herode pehe Herodia maconore.

<sup>8</sup> Tiquiro sa nigũ tũhoro Herodia ticoro maconore ticoro siniatire yahuahye ticorore. Ticoro sa yahugũ ticoro macono pehe ohõ saha ni siniyahye Herodere.

—Ñu wame yeriquiro dapure dũte sure dutiya. Sa yegũ waparo mehna tiquiro dapure ohoya yũhũre, niahye ticoro.

<sup>9</sup> Ticoro sa nigũ tũhoro Herode tutuaro bujũa witiahye. Masa tiquina ihñonopũ “Ohogũtja mũhũre”, niahye tiquiro. Sa yero tiquiro bũe tiro “Mũhũre ohoeraja”, ni masiedahye ticorore. Sa yero ticoro dutiriro sahata Herode pehe tiquiro cahacjẽnare Ñure wejẽ dutiahye. <sup>10</sup> Sa yero Ñu dapure dũte sure dutiahye. <sup>11</sup> Sa dũte sure tuhasa, waparo mehna tiquiro dapure ne cãhtahye tiquina. Herodia maconore tiquiro dapure tiquina ohogũ, ticoro pehe ticoro pacorore yũhdũoahye tja.

<sup>12</sup> Tiquina sa yeri bato Ñu buheyequina ahta, tiquiro pagũre masa copepũ nea cũahye. Sa cũ tuhasa, tiquina tire Jesure yahuye wihiri.

*Cinco mil masare ihyaye ohoahye Jesu*  
*(Mr 6.30-44; Lc 9.10-17; Jn 6.1-14)*

<sup>13</sup> Tiquina sa ni yahugũ tũhoro, Jesu usã mehna yucũsapũ sajã, masa marienopũ siho wahari. Jesu topũ wahagũ tũhoye, masa tiquina ye macaripũ ijiriquina ahta, mahapũ tiquirore nũnũ tã cãa wahari. <sup>14</sup> Sa yero usã wahã sari bato tiquiro peyequina masare ihñano, paja ihñari tiquinare. Sa paja ihñano tiquina mehna cjẽna dohatiye-quinare yũhdũgũ yeri. <sup>15</sup> Ñamicahapũ usã tiquiro buhena tiquirore ohõ saha nii:

—Ñamicahapũ waharo nine. Ohõ masa marienopũ ijire. Sa yegũ macaripũ masare tiquina ihyatire dú dutiya tiquina pohe tiatire, nimi usã tiquirore.

<sup>16</sup> Jesu yũhtiri usãre:

—Wahaeracãhdo tiquina. Mũsa basita ihyayere ohoya tiquinare, nidi usãre.

<sup>17</sup> —Ihcã omope paca pã paca, wahi pũaro to punota ijire usãre, ni yũhtii usã.

<sup>18</sup> —Tire yũhũre ne cãhtaya mũsa, nidi usãre.

<sup>19</sup> Tiquiro sa nigũ tũhona neaũ usã. Usã ne sari bato taa bui masare tiquiro duji dutiri. Tiquina dujigũ ihcã omope paca pã pacare, pũaro wahire ne, mũmũsepũ ihña mũo, Cohãcjũre “Quehnoare”, nidi. Sa ninota pã pacare nuhano, usãre tiquiro buhenare ohori. Tiquiro sa ohogũ usã

pehe tire masare itii. <sup>20</sup> Sa ye ijipihtiye-quina quehnoano ihya, yapi yuhdha wahari. Tiquina yapi wehorire doce puhuse waro ne cahmecoa, wahpo dapou usã tiquiro buhena. <sup>21</sup> Topu tire ihyariquina umua dihitare queogũ cinco mil umua ijiri. Numia, macanagã gãhu ijiri.

*Jesu aco bui tiniahye*  
(Mr 6.45-52; Jn 6.16-21)

<sup>22</sup> Came usãre tiquiro buhenare Jesu ditara ape sie pahrẽpu pehãyu dutiri masare tiquiro cohe tiri watoa. <sup>23</sup> Cohe ti tuhasa, cunpu mja, Cohãcjũre sinino wahahye. Ñamine topu tiquiro ihcãquirola ijiahye. <sup>24</sup> Ti pjeta ditara decopu yucusa mehna pehãducuna nimi usã. Wihnono tutuaro ahta, pahcõri bujue wahcã, yucusare quẽ sajãri. <sup>25</sup> Sa wahagũ bohrea mja tato pano Jesu aco bui tini cãhtari usã cahapu. <sup>26</sup> Usã cahapu tiquiro ahtagũ ihñana cue nii usã. Sa cuena sañuducumi usã.

—Yariariquiro manano pagu ijire, ni sañuducumi usã.

<sup>27</sup> Usã sa cuegũ ihñano Jesu ohõ saha nidi:

—Ne yuhare ihña cueracãhña. Yuhata ijiaja, nidi usãre.

<sup>28</sup> Tiquiro sa nigũ tuhoro Pedro nidi tiquirore:

—Puhto, potota mahuta ijigu, aco bui yuhare mahu cahapu ducu cã dutiya, nidi tiquiro.

<sup>29</sup> —Ahtaya, ni yuhtiri tiquiro pehe.

Tiquiro sa nigũ Pedro yucusare dijia, aco bui Jesu cahapu ducu cãmedi. <sup>30</sup> Wihnono tutuaro ahtagũ ihñano cueri tiquiro. Sa cuero diha dijiaa wahamedi.

—Yuhare yedohoya puhto, ni sañuducuri tiquiro Jesure.

<sup>31</sup> Tiquiro sa nigãta tiquiro omocare ñehe,

—Mehenogã wacũ tutuare mahu yuhare. ¿Duhsegu yuhare wacũ tutuerajari mahu? nidi tiquiro Pednore.

<sup>32</sup> Tiquiro sa nidi bato yucusapu sajãri tiquina. Tiquina sa sajãri bato wihnono yuhdha wahari. <sup>33</sup> Sa yena usã tiquiro buhena yucusapu ijina Jesure ño peou.

—Potota mahu Cohãcjũ macuta ijire, nii usã tiquirore.

*Genesare cjẽna dohatiyequinare yuhdhaohye*  
*Jesu*

(Mr 6.53-56)

<sup>34</sup> Sa yeri bato pehã, Genesare wame tiri yehpapu esau. <sup>35</sup> To cjẽna Jesure ihña masidi. Sa masiñe tiquiro cahapu ijiyequinare dohatiyequinare ne cãhta dutiri. Sa ye tiquina dohatiyequinare tiquiro cahapu ne cãhtari.

<sup>36</sup> —Muhu suhtiro duhtu caha dihitare usãre ñehe tuhu dutiya, ni sinidi tiquina Jesure.

Sa ye tiquiro suhtirore ñehe tuhuriquinape topequinata quehnoa wahari.

## 15

*Masa ñañequina wahagũ yeyereyahuahye*  
*Jesu*

(Mr 7.1-23)

<sup>1</sup> Sa ye Jerusalẽ cjẽna, fariseo masa, marine judio masare buheyequina mehna Jesu cahapu wihiye, sinituri tiquirore:

<sup>2</sup> —¿Duhse ijiro boro mari acaye bucuna manapu tiquina dutirire yerajari mahu buheyequina pehe? Tiquina ihyato pano tiquina dutiriro sahata omo coserare, nidi tiquina Jesure.

<sup>3</sup> Jesu yuhtiri tiquinare:

—¿Duhse yena mari acaye panopu cjẽna ye dutiye dihitare yena tana Cohãcjũ ye dutiye pehere yerajari masa pehe? <sup>4</sup> Ohõ saha nine Cohãcjũ: “Musa pacusumare ño peoya”, nine. Sa yero “Ihcãquirola tiquiro pacusumare ñañene quitu dahreriquiro ijiro ti buhiri apequina tiquina wejẽatiquiro ijirota”, nine Cohãcjũ. <sup>5</sup> Tiquiro sa niepegãta ohõ saha ye dutire masa pehe tiquina pacusumare yedoho dutierana: Tiquina pacusumare ohoborire Cohãcjũ pehere oho dutire masa. Sa ni buhemene masa. <sup>6</sup> Sa buhena tiquina pacusumare ño peogũ yerare masa. Musa sa yena Cohãcjũ dutiyere yuhduducana nine masa, mari acaye panopu cjẽna ye dutiye dihitare yena. <sup>7</sup> Masa tiquina ihñono dihita quehnoano iji mehona ijire masa. Cohãcjũ yere yahu mahitariquiro Isaia masare potota yahu ojoahye panopure:

<sup>8</sup> Ahriquina masa yuhare quehnoano yahuducuepeta yuhare ne ño peoerare. <sup>9</sup> Sa ye yuhare tiquina



ñu buheye ne dahseati ijierare. “Cohãcjũ ye dutiye ijire ahri”, ni meho buhere tiquina ye buheye pehere, ni ojoahye Isaia, nidi Jesu fariseo masare, mari judio masare buheyequina gũhare.

<sup>10</sup> Sa ni tuhasa tiquiro cahapũ masare pijio, ohõ saha nidi:

<sup>11</sup> –Tũhoya mũsa. Yũhũ niñene quehnoano masiña mũsa. Mũsa dũserire sajãñe pehe mũsa ihyaye pehe mũsare ñana ijigũ yerare. Mũsa ñañe yahuducuye pehe mũsa dũseri wijiaye pehe mũsare ñana ijigũ yere, nidi Jesu.

<sup>12</sup> Tiquiro sa ni buheri bato usã tiquiro buhena pehe tiquirore yahuu.

–Mũhũ sa nigũ tũhoye fariseo masa usuari, ni yahuu usã tiquirore.

<sup>13</sup> Tire tũho, ohõ saha ni yũhtiri usãre:

–Tiquina fariseo masa taa yero saha ijire. Yũhũ Pacũ ãhmũse cjãno ijipihtiye oteyere tiquiro oterarire nũhcori mehnata cure, cohãnota. Sata yerota tiquinare. <sup>14</sup> Tiquinare sa ihña cãhña mũsa. Tiquina caperi bajueyequina tiquina ihña masiedaro saha ne Cohãcjũ yere masiedare. Sa ye pecapũ wahaeta. Sa masiedapeta apequina masieñequinare buhe duamedi. Sa ye caperi bajueyequina copepũ tiquina boraboriro saha tiquina buhenohriquina gũhũ pecapũ wahaeta, nidi Jesu.

<sup>15</sup> Tiquiro sa nigũ tũhoro Pedro nidi:

–Ahri quitire masa tiquina dũseri wijiaye quitire yahu nemoña usãre tja, nidi tiquiro Jesure.

<sup>16</sup> Jesu yũhtiri:

–¿Ne, yojopũ tũhoerajari mũsa? <sup>17</sup> Masa ihyayere ihyagũ tiquina dũseripũ sajãre. Sa ye tiquina paapũ sajã, yũhdũa wahare. Ihyo waro ijire. Mari ihyaye marine ñana wahagũ yerare. ¿Ahrire masiedajari mũsa? <sup>18</sup> Masa dũseripũ wijiaye, tiquina yahuducuye pehe tiquina tũhotuyepũ ahtare. Tiquina yahuducuye pehe ñañe ijiro, masare ñañequina ijigũ yere. <sup>19</sup> Ñañe tũhotuye, masare wejẽñe, apequiro namono mehna ñano yeye, ñano yeye numia mehna ñano yeye, yaqueye, ni mehoñe, masare ñañe quiti dahreye masa

tũhotuyepũ ahtare. <sup>20</sup> Ti ñañe pehe masare ñañequina ijigũ yere. Sa yepegũta bũcũna yee tiri sahata masa omo coserapeta tiquina ihyagũ ti masare ñañequina ijigũ yerare, nidi Jesu.

*Judio masono ijiericoro Jesure wacũ tu-tuahye*

(Mr 7.24-30)

<sup>21</sup> Sa ni buhe tuhasa, usãre siho wahari tja. Tiro wame tiri maca cahapũ Sidõ wame tiri maca cahapũ esah usã. <sup>22</sup> Usã topũ esagũ Canaa yehpa cjõno topũ ijericoro Jesu cahapũ esa, sañuducuri:

–Pũhto, Davi panami iji turiagũ masare yũhdũoacjũ, yũhũre paja ihñaña mũhũ. Yũhũ maco watĩnore cũoro, ña yũhdũaro yũhdũari ticoro, ni sañuducuri ticoro.

<sup>23</sup> Ticoro sa niepegũta Jesu yũhtierari. Sa yegũ ihñana usã tiquiro buhena pehe tiquirore ohõ saha nimi.

–Waha dutiya ticorore. Ñano cariboro bisiaga, nimi usã.

<sup>24</sup> Usã sa nigũ tũhoro yũhtiri ticorore:

–Israe masare Cohãcjũre masieñequina dihitare yedoho dutiro ohori yũhũ Pacũ yũhũre, nidi tiquiro.

<sup>25</sup> Tiquiro sa niepegũta Jesu dahpocãri cahapũ dũsepe curi mehna quehe sari ticoro.

–Pũhto, yedohoya yũhũre, nidi ticoro.

<sup>26</sup> Jesu yũhtiri ticorore.

–Ohõ saha ijire ahri: Coã warore wũhũ upũro pohne ye ihyayere diayeare oho mũhtagũ quehnoaedare. Israe masa yere ape yehpa cjẽnare yũhũ oho mũhtagũ quehnoaedare, nidi Jesu ticorore queoye mehna yahuro.

<sup>27</sup> –Sata ijire pũhto. Sa ijiepegũta diayea gũhũ wũhũ upũro mesa docapũ tiquina ihya site boroyere ihya cohtere tiquina gũhũ. Ape yehpa cjõ yũhũ ijiepegũta yũhũ gũhũre yedoho masine mũhũ, ni yũhtiri ticoro.

<sup>28</sup> Ticoro sa nigũ tiquiro yũhtiri:

–Numio, mũhũ yũhũre tutuaro wacũ tu-tuare. Mũhũ cahmeno sahata sa waharota, nidi Jesu ticorore.

Tiquiro sa nigũta duita quehnoa wahari ticoro macono.

*Peyequina dohatiequinare yuhdugũ yeahye Jesu*

<sup>29</sup> Sa ni tuhasa usãre siho waha, Galilea wame tiri ditara duhtu cahapu siho esari tja. Esa, mehenugã cunure mija, tu buipũ dujiri. <sup>30</sup> Topu tiquiro ijigũ peyequina masa tini masieñequinare, caperi bajueyequinare, pari yuri wahayequinare, yahuducu masieñequinare, peyequina apequina dohatiequinare tiquiro cahapu ne wihiri masa. Ne wihi tuhasa Jesu dahpocãri cahapu duhu cãri tiquina. Tiquina sa duhu cãri bato quehnoa wahagũ yeri Jesu tiquinare. <sup>31</sup> Tiquiro sa yegũ ihñañe masa ihña maria wahari. Yahuducu masieñequina tiquina yahuducugũ ihñañe, pari yuri wahayequina tiquina quehnoa wahagũ ihñañe, tini masieñequina tiquina tinigũ ihñañe, caperi bajueyequina tiquina ihñagũ ihñañe, ihña maria wahari tiquina. Sa ye ohõ saha nidi:

—Israe masa usã puhto, Cohãcjũ tutuagu, quehnoagu ijire, ni ño peori tiquina Cohãcjũre.

*Cuatro mil masare ihyayere ohoahye Jesu*

*(Mr 8.1-10)*

<sup>32</sup> Tiquiro sa yeri bato Jesu usãre tiquiro buhenare ohõ saha nidi:

—Ahriquina masa yuhu mehna ihtia deco waro iji tuhasare. Sa ye pohe mariedare tiquinare. Pohe mariedagũ ihñagu tiquinare paja ihñaja. “Tiquina ujua ahbayequina, mahapu borari”, nigũ tiquinare ihyaye marieno tiquina ye wuhusepu waha duti dueraja. Sa yegu tiquinare pohe oho duaja, nidi tiquiro.

<sup>33</sup> Tiquiro sa nigũ usã tiquiro buhena tiquirore sinituu:

—¿Duhse mari ohõre masa marienopure pãre boca ohoboagari mari? nii usã tiquirore.

<sup>34</sup> —¿Nohope paca pã pacare cuoajari masa? nidi.

—Siete pã pacare, meheñequinagã wahire cuoaja, ni yuhtii usã.

<sup>35</sup> Usã sa nigũ tiquiro masare yehpapũ duji dutiri. <sup>36</sup> Tuhasa siete pã pacare, wahigã gũhure ne, Cohãcjũre “Quehnoare”, nidi. Sa ninota pã pacare nuha, usãre tiquiro buhenare ohori. Sa yena usã pehe

ti ihyayere masare itii. <sup>37</sup> Sa ye masa tire ihya, yapi yuhduha wahari. Tiquina yapi wehorire siete puhuse waro ne cahmecoa, wahpo dapou usã. <sup>38</sup> Topu ihyariquinare umua dihitare queogũ cuatro mil waro umua ijiri. Numia, macanagã gũhu ijiri. <sup>39</sup> Tiquina sa ihya tuhasagũ Jesu masare waha duti, yuchsapũ sajã, Magadãn wame tiri yehpapũ usãre siho esari.

## 16

*Fariseo masa, saduceo masa gũhu Cohãcjũ tutuaye mehna ye ihñogũ ihña duamahye*

*(Mr 8.11-13; Lc 12.54-56)*

<sup>1</sup> Sa ye fariseo masa, saduceo masa mehna Jesu cahapu wihiri. Tiquiro ñano yegũ ihña duamedi tiquirore yahusã duaye. Sa ye tiquina tiquirore Cohãcjũ tutuaye mehna ye ihño dutimedi tiquiro masiedagũ ihña duaye, “Cohãcjũ ohoriquiro ijierare”, ni duaye. <sup>2</sup> Tiquina sa ye dutigũ Jesu yuhtiri tiquinare:

—Ñamicahapu uhmuano sohãgũ ihñana “Quehnoari ñami ijirota”, nine masa. <sup>3</sup> Sa yena bohrearo uhmuano sohãgũ, ñicuri deco ijigũ ihñana “Acoro ahtarota”, nine masa. Sa quehnoano masiepenata Cohãcjũ tutuaye mehna masare yuhu ye ihñogũ ihñaepenata ne tire quehnoano masiedare masa. <sup>4</sup> Yojopũ cjẽna ña yuhduyequina Cohãcjũre ño peo dueyequina Cohãcjũ tutuaye mehna ye ihñogũ ihña duamene. Ye ihñosi yuhu. Cohãcjũ yere yahu muhtariquiro Jona tiquiro duhse waharire masi tuhasare masa. Ti dihitare ihñoutja masare, ni yuhtiri Jesu.

Sa ni yahu tuhasa siho waha wahari tja.

*Fariseo masa saduceo masa tiquina ñaña buheyere yahuahye Jesu*

*(Mr 8.14-21)*

<sup>5</sup> Ditarare usã pehãna, pãre bo cã cã, pehã tari jii usã. <sup>6</sup> Sa yero Jesu usãre yahuri:

—Quehnoano yeya. Fariseo masa, saduceo masa tiquina ye pã pugũ yeyere ihñana quehnoano yeya. Cuarĩne ti, ni yahuri.

<sup>7</sup> Tiquiro sa nigũ tuhona tuho masiedana, usã basi tire yahuducu:

—Mari pãre mari ne cãhtaeragũ ihñano sa niaga ahriquiuro, nimi usã basi.

<sup>8</sup> Usã sa nidire masino, usãre sinituri:

—¿Dũhsena m̄sa pã borire wacũajari m̄sa? Mehenogã waro yũhure wacũ tutuare m̄sa. <sup>9</sup> ¿Yojopũ masiedajari m̄sa? ¿Cinco mil um̄are ihcã omope pã pacare yũhũ nuha ohorire, numia gũhure yũhũ ohorire wacũedagari m̄sa? ¿Nohope pũhuse waro m̄sa ne cahmecoahapõ daporire wacũedagari m̄sa? <sup>10</sup> ¿Sa yegũ siete pã pacare nuha, cuatro mil um̄are yũhũ ohorire, numia gũhure yũhũ ohorire wacũedagari m̄sa? ¿Nohope pũhuse waro m̄sa ne cahmecoahapõ daporire wacũedagari m̄sa? <sup>11</sup> ¿Sa yena pã pugũ yeyere yũhũ yahugũ dũhse yena quehnoano tũhoerajari m̄sa? Sa nigũ pã warore nigũ niedaja. Fariseo masa, saduceo masa tiquina pã pugũ yeyere ihñana quehnoano yeya. Cuarĩne ti, ni yahuri usãre tiquiuro.

<sup>12</sup> Tiquiuro sa ni yahugũpũ usã masii. “Pã pugũ yeye”, nino pã warore nino niedari. Sa nino fariseo masa, saduceo masa tiquina buheyere nino nidi. “Tiquina ye buheyere tũhoeracãhña”, nino nidi.

*Jesu poto Cristo tiquiuro ijyere Cohãcjũ ohoriquiuro tiquiuro ijyere yahuahye Pedro (Mr 8.27-30; Lc 9.18-21)*

<sup>13</sup> Sa ye Jesu mehna wahana, Cesarea Filipo wame tiri maca cahapũ ijyere macaripũ esũ usã. Sa yero macapũ sajã sari bato Jesu usãre tiquiuro buhenare sinituri:

—¿Noa boro ijiagari yũhũ, masa yũhure tiquina tũhotugũ? ni sinituri tiquiuro.

<sup>14</sup> —“Ñu wame yeriquiuro ijire”, nine m̄hure. Apequina “Elia ijire”, nine. Apequina “Jeremia ijiboaga o apequiuro Cohãcjũ yere yahu m̄htariquina mehna cjãno m̄nana ijiboaga”, nine, ni yãhtii usã tiquiore.

<sup>15</sup> —¿M̄sa pehe m̄sa tũhotugũ noa boro ijiagari yũhũ? ni, sinituri tiquiuro.

<sup>16</sup> Simo Pedro yãhtiri:

—M̄hũ Cristo Cohãcjũ ohorigũ ijire. Cohãcjũ catiriquiuro waro macũ ijire m̄hũ, ni yãhtiri Simo Pedro.

<sup>17</sup> —Simo Ñu macũ m̄hũ bucuegũ ijire. Ohõ saha ni m̄hũ yũhure yãhtiye masa

tiquina yahuri ijierare. Yũhũ Pacũ um̄use cjãno pehe tire m̄hure masigũ yeri. <sup>18</sup> M̄hure niita niaja. M̄hũ Pedro wame tigũ ijire. (Pedro nino utã nino nine.) Ahri utã paa bui tutuari wũhure yũhũ yeboriro saha yeequina pehere wacũ tutuayequina ijigũ yelitja yũhũ. Sa ye yeequina ne pecapũ wahasi. <sup>19</sup> Um̄use cjãno mari pũhoro ijiro cjã sawire m̄hure ohoutja. Sa yegũ ahri yehpare m̄hũ ye dutieragũ um̄usepũ gũhure ye dutisi. Ahri yehpare m̄hũ ye dutigũ um̄usepũ gũhure ye dutiye ijieta, nidi Jesu.

<sup>20</sup> Tiquiuro sa nidi bato usãre tiquiuro buhenare ohõ saha nidi:

—Yũhure “Cristo ijire tiquiuro”, ni yahu sitenedacãhña apequinare, ni, dutiri usãre.

*Jesu tiquiuro yaria masa wijiatire yahuahye*

*(Mr 8.31-9.1; Lc 9.22-27)*

<sup>21</sup> Ti pjeta Jesu usãre tiquiuro buhenare quehnoano yahu peho dũcari:

—Jerusalẽpũ yũhure waharo cahmene yojopũre. Topũ judio masa mari bucũna, mari pahia pũhtoa, marine judio masare buheyequina gũhũ yũhure ñano yeeta. Yũhure wejẽeta. Sata ñano yũhũro cahmene yũhure. Sa yegũ ihtia deco wahaboro masa wijiağata, ni yahuri usãre tiquiuro.

<sup>22</sup> Tiquiuro sa nigũ tũhoro Pedro pehe ape sie cjũnogã Jesure ne sadũca, tiquiore ohõ saha nidi:

—Pũhto, m̄hũ nino saha sa wahaeracãhdo. M̄hure tiquina wejẽdacãhdo, nimeri tiquiuro Jesure.

<sup>23</sup> Tiquiuro sa nigũ tũhoro Jesu majaredũca, tiquiore ohõ saha nidi:

—Satana yero saha yahuducugũ nine m̄hũ. Sa niedacãhña. M̄hũ tũhotuye masa ye ijire. Cohãcjũ ye ijierare. Sa yegũ yũhũ yeatire cahmota duare m̄hũ, nidi Jesu Pedore.

<sup>24</sup> Tiquiuro sa nidi bato usãre yahuri:

—Ihcãquiuro yaquiuro iji duaro, tiquiuro cahmeno ye duamedire duhu cãnota. Sa yero yaquiuro tiquiuro ijiri buhiri ñano yũhũeperota yũhure duhusi. Sa yero yeere yeducuriquiuro ijirota. <sup>25</sup> Masũno yũhure wacũno marieno tiquiuro esa tuharo

tiquiro cahmeno sahata yero, pecap̄ waharota. Sa yero yeere mas̄no sa yeducuriquiro ijipihtiyē decori ȳh̄h̄ mehna ʔhm̄sep̄ ijīrota tiquiro. <sup>26</sup> ¿Ihc̄āquiro mas̄no ahri yehpa cjēne ijipihtiyere c̄oriquiro Coh̄ācj̄re cahmedaro pecap̄ waharo, yabere wapatajari tiquiro? Sa ijiriquiro ne wapataerare. Pecap̄ tiquiro jeripohna wahaḡa ne d̄h̄se wapa ye wioro basioerare. <sup>27</sup> Ȳh̄h̄ mas̄ Coh̄ācj̄ ohoriḡ yeequina angele mehna ahri yehpap̄ tojoa taḡa ȳh̄h̄ Pac̄ asi siteye mehna tojoa taḡa ijipihtiyequina masare tiquina ñañe yeri buhiri buhiri dahreitja. Tiquina quehnoañe pehere yeḡa quehnoano yeitja tiquinare. <sup>28</sup> Ijirota m̄sare yahutja. Ihquēquina m̄sa oh̄p̄re ijina m̄sa yariato pano ȳh̄re ȳh̄ p̄hto sajāḡ ihñanata, ni yahuri Jesu.

## 17

*Jesu tiquiro paḡre comesahye  
(Mr 9.2-13; Lc 9.28-36)*

<sup>1</sup> Sa ye seis decori bato Jesu Pedrore, Santiagore tiquiro baharo Ñu ḡh̄re ʔhm̄an̄ c̄n̄p̄ tiquina dihitare piji m̄jari. <sup>2</sup> ʔhm̄an̄op̄ tiquina esari bato tiquina ihñonop̄ tiquiro paḡre comesahye. Tiquiro w̄h̄doa as̄ deco cj̄no yero saha asi siteahye. Sa yero tiquiro suhtiro buhrioro yero saha yehsero wahahye. <sup>3</sup> Sa ye Jesu Moise m̄n̄ano, Elia m̄n̄ano mehna tiquina yahuducuḡ ihñahye tiquina ihtiaro buheyequina. <sup>4</sup> Sa yero Pedro Jesure nimahye:

—P̄hto, mari oh̄p̄ ijiḡ quehnoa duare. M̄h̄ cahmeḡ ihtia w̄h̄ḡa yeitja. M̄h̄ ya w̄h̄ḡa, Moise ya w̄h̄ḡa, Elia ya w̄h̄ḡa yeitja, nimahye tiquiro.

<sup>5</sup> Tiquiro sa ni yahuducuri watoa ehmeo quehnoano asiye ehmeo tiquinare cahmotahye. Sa wahaḡ ehmeo watoap̄ yahuducuye bisiro ca tahye.

—Ahriquiro ȳh̄ mac̄ ȳh̄ cahñiquiro ijire. Tiquiro mehna bucueaja. Tiquirore t̄hoya, ni yahuducuro ca tahye.

<sup>6</sup> Sa niḡ t̄hoye tiquiro buheyequina t̄ho maria waha, yehpap̄ doque quehe sahye. <sup>7</sup> Tiquina sa wahari bato Jesu

tiquina cahap̄ esa, tiquinare buacarero, oh̄ saha niahye:

—Wahc̄ādcaya m̄sa. Yojop̄re m̄sa ihñarire, m̄sa t̄hori ḡh̄re cuerac̄h̄ña, niahye tiquiro tiquinare.

<sup>8</sup> Tiquiro sa niḡ tiquina ihña wahc̄ō, Jesu dihitare ihñahye. Tiquina ihñariquina pehe mariedahye.

<sup>9</sup> Sa ye c̄n̄p̄ tiquina dijia taḡa Jesu tiquinare tutuaro mehna niahye:

—Mianoḡata ȳh̄h̄ sa waharire apequinare yahuerac̄h̄ña. Ȳh̄h̄ mas̄ Coh̄ācj̄ ohoriḡ ȳh̄h̄ yaria masa wijiari batop̄ tire apequinare yahuya m̄sa, niahye Jesu.

<sup>10</sup> Tiquiro sa nidi bato Pedro ḡh̄ tiquirore sinituahye:

—“Cristo masare ȳh̄oatiquiro tiquiro ahtato pano Eliare ahta m̄htano cahmene”, nine marine judio masa buheyequina. ¿D̄h̄se ijiro boro sa niajari tiquina? ni sinituahye tiquina tiquirore.

<sup>11</sup> Jesu ȳhtiahye:

—Potota ijire. Eliare ahta m̄hta dutiri Coh̄ācj̄, ijipihtiyere quehno m̄htatiquirore. <sup>12</sup> Oh̄ saha niḡ m̄sare niḡ niaja. Elia wihi tuhasari. Tiquiro sa wihiepeḡata tiquina tiquirore ne ihña masiedari. Sa ye tiquina d̄h̄se ye duaro yeri jiri tiquirore. Sata yeeta ȳh̄h̄ ḡh̄re. Ȳh̄h̄ mas̄ Coh̄ācj̄ ohoriḡ ijiaja. Tiquina sa yeḡa ñano ȳh̄d̄ḡtja ȳh̄h̄, niahye Jesu.

<sup>13</sup> Tiquiro sa ni yahuḡa tiquina quehnoano t̄hoahye. “Elia”, nino, Ñu wame yeriquirore nino niahye. Tire masiahye tiquina.

*Jesu wat̄nore c̄oriquirore ȳh̄d̄oahye  
(Mr 9.14-29; Lc 9.37-43)*

<sup>14</sup> Sa ye peyequina masa cahap̄ tiquina dijia taḡa ihñano ihc̄āquiro ʔm̄no Jesu cahap̄ esa, d̄sepe curi mehna quehe sari.

<sup>15</sup> —P̄hto, ȳh̄h̄ mac̄re paja ihñañ. Tiquiro ñama yariayere dohatiriquiro ijire. Sa yero ña ȳh̄d̄aro ȳh̄d̄re. Peye tahari pecap̄ bora sa quehea m̄jare tiquiro. Ihquē tahari diap̄ bora ñojoa m̄jare.

<sup>16</sup> Sa yeḡa m̄h̄ buheyequina cahap̄ tiquirore ne sami. Tiquina tiquirore ȳh̄d̄o masiedari, nidi tiquiro Jesure.

<sup>17</sup> Jesu ȳhtiri:

—Yojopu cjana, ñana ijire musa. Yuhare ne wacũ tutuerare. Yoa yuhdari pje musare buhemi yuhu. ¿Noho puno yoari pje yuhare musa cariboajari? Tiquirore ne cãhtaya yuhare, nidi Jesu.

<sup>18</sup> Sa yero watĩnore tiquiro tuhtigãta watĩno pehe masano mehna ijiriquiro wahaa wahari. Sa wahari batogãta quehnoa wahari tiquiro.

<sup>19</sup> Came usã tiquiro buhena usã sehsaro ijina Jesure sinituu:

—¿Dahsena usã pehe ahriquiro pehere watĩnore cohã masiedari, mahu tuhugũ? ni sinituu usã.

<sup>20</sup> Jesu yuhtiri:

—Yuhare mehenogã wacũ tutuare musa. Poto musare yahugãta niaja. Mostaza capegã meheni pjegã ijire. Ti yero saha Cohãcjũre mehenogã musa wacũ tutuana ohõ saha wahagũ ye masinata musa. Ahdu canure “Sohõpu wahaya”, musa nigũ, waharota. Cohãcjũre sata wacũ tutuana, ijipihiyere ye masine musa. [ <sup>21</sup> Sa ijiepegãta ahriquiro boro watĩnore musa cohã duana Cohãcjũre tutuaro sinino cahmene musare. Sa ye duana sijiro cahmene musare Cohãcjũre sinina tana,] nidi Jesu usãre.

*Pari turi Jesu tiquiro yaria masa wiji-  
atire yahuahye*

(Mr 9.30-32; Lc 9.43-45)

<sup>22</sup> Sa ye Galilea yehpapu usã tinigũ, Jesu usãre yahuri:

—Yuhu masu Cohãcjũ ohorigu ijiaja. Masa yuhare ñehe, apequinapure yuhare ohoeta.

<sup>23</sup> Sa tiquina ohori bato yuhare wejẽeta. Sa tiquina wejẽgũ ihtia deco wahaboro masa wijiagãta, ni yahuri tiquiro usãre.

Tiquiro sa ni yahugũ tutuaro bujma witi usã.

*Cohãcjũ wuhu cjẽ wapare sinituahye apeq-  
quina*

<sup>24</sup> Sa yena Capernaupu sajã sagũ, Cohãcjũ wuhu cjẽ ijiatire wapa ne cohteyequina Pedro cahapu esa, tiquirore sinituahye.

—¿Musare buheriquiro Cohãcjũ wuhu cjẽ wapa ijiatire wapa yeajari tiquiro? ni sinituahye tiquina.

<sup>25</sup> —Wapa yere tiquiro, ni yuhtiahye Pedro.

Tiquiro sa nidi bato wuhapu tiquiro sajãgũ Jesu sinitu mahahye Pedre:

—¿Simo dahse ni tuhutuajari mahu? ¿Ahri yehpa cjẽna puhto aabequina pehere wapa neajari, mahu tuhugũ? ¿Tiquina mehna cjẽnare wapa neajari? ¿O ape yehpa cjẽna pehere wapa neajari, mahu tuhugũ? ni sinituahye tiquiro Pedre.

<sup>26</sup> —Ape yehpa cjẽna pehere wapa nene, ni yuhtiahye Pedro.

Tiquiro sa nigũ Jesu yahuahye:

—Sa yero puhtoro tiquiro ya yehpa cjẽnare wapa nedari. <sup>27</sup> Sa ijiepegãta wapa ne cohteyequinare usuagũ ye dueraja mari. Sa yena wapa yenata. Ditarapu wahaya. Topu esa, yohyeri dare doque ñoña. Sa yegu wahi mahu ihyariquirore weje nuõña. Tiquiro duseropu niñeru cjoere bocagãta mahu. Ti cjoe queoro wapa tiri cjoe ijirota. Yuhare, mahu gũhure Cohãcjũ wuhu cjẽna tiquina wapa negũ quehnoano queoro esa tuharota ti cjoe. Ti cjoere bocagã mari wapamonore wapa yegu wahaya, niahye Jesu Pedre.

## 18

*Jesu buheyequina tiquina mehna cjãnore  
puhto sã duamahye*

(Mr 9.33-37; Lc 9.46-48)

<sup>1</sup> Ti pjere usã tiquiro buhena Jesu cahapu esa, sinituu tiquirore:

—¿Uhmuse cjãno puhtoro ijiropure usã mehna cjãno noa wahaboagari puhtoro? ni sinituu usã.

<sup>2</sup> Usã sa nigũ Jesu nijinogãre pijio, tiquirogãre usã caha duhu docori. Duhu doco tuhasa, usãre nidi:

<sup>3</sup> —Poto musare yahugãtja. Ahriquina macanagã Cohãcjũre tiquina puhtoro waro tuhature. Sa yena musa gũhu tiquina yero saha tuhutuna, quehnoañene comesana, uhmuse cjãno puhtoro ijiropure wahanata. Tiquina yero saha tuhutuera puhtoro tiquiro ijiropu wahasi musa. <sup>4</sup> Sa yero uhmuse cjãno puhtoro ijiropure sa tuhutu cãriquiro ahriquiro nijinogã yero saha tuhuturiquirota apeqina bui puhtoro wahare. <sup>5</sup> Sa yena yeere yena tana ohõ saha ijieyequinagãre cahmena, yahu gũhure cahmene musa, ni yahuri Jesu.

*Ñañene yegũ cuarĩne  
(Mr 9.42-48; Lc 17.1-2)*

<sup>6</sup> Sa yero tiquinare yahu nemori:

—Ahriquirogã yero saha ijiriquiro yũhare wacũ tutuariquiogãre yahutja musare. Apequiro ahriquiogã yero saha ijiriquirore ñañene ye dutiro tiquiro ña yũhdũaro yũhdũrota. Tiquiro wamũare pajiria utãre dũhte yo, pajiri mapũ tiquirore cohãgũ ñano wahaboaga tiquiro. Sa ijiepegũta ahriquiogã yero saha ijiriquirore ñañene ye dutiriquiro tiquiro pehe pajiri mapũ tiquina cohãriquiuro yũhdũoro ñano yũhdũrota. <sup>7</sup> Masare ñañene yegũ yeye ijire. Tire yeye ahri yehpa cjẽna ñano yũhdũre. Ñañene yeducure masa. Tiquina sa yegũ tiquinare ñañene yegũ yeyequina pehe ña yũhdũaro yũhdũeta.

<sup>8</sup> Mũhu omoca mehna ñano yegũ ti omocare mũhu dũte cohãboro saha ti ñañene duhuya. Tire duhueragũ pecapũ wahagũta. Topũre ne peca yatierare. Mũhu omocare mũhu cohãgũ ti si dihita butiboaga. Sa yegũ mũhu pehe sa bajuri turu ijiepegũta came Cohãcjũ mehna ijigũta. Pũa omoca mehna pecapũ wahagũ mũhu sa wahagũ ña yũhdũaboaga. Sa yegũ ti ñañene duhuya. Mũhu dahpocã mehna ñano yegũ ti dahpocã gũhare mũhu dũte cohãboro saha ti ñañene duhuya. Tire duhueragũ pecapũ wahagũta. Topũre ne peca yatierare. Mũhu dahpocãre mũhu cohãgũ ti si dihita butiboaga. Sa yegũ sa bajuri turu ijiepegũta came Cohãcjũ mehna ijigũta. Pũa dahpocã mehna pecapũ wahagũ mũhu sa wahagũ ña yũhdũaboaga. Sa yegũ ti ñañene duhuya. <sup>9</sup> Mũhu capea mehna ñano yegũ tiare ore we mũhu cohãboro saha ti ñañene duhuya. Tire duhueragũ pecapũ wahagũta. Topũre ne peca yatierare. Tiare mũhu cohãgũ tia dihita butiboaga. Ihcã pehe capea mariedapegũta came Cohãcjũ mehna ijigũta. Pũa capea mehna pecapũ wahagũ mũhu sa wahagũ ña yũhdũaboaga. Sa yegũ ti ñañene duhuya, ni yahuri Jesu.

*Oveja butiriquiro queoyere yahuahye Jesu  
(Lc 15.3-7)*

<sup>10</sup> Sa ni tuhasa ohõ saha ni yahu nemori:

—Ne, ahriquinagãre macanagãre ihña tuhtieracãhña. Musare niita niaja yũhu. Tiquinagã yeequina angele tiquinagãre cohteyequina umũsepũ ijiyequina pehe yũhu Pacũ cahapũ sa ijiducure. [ <sup>11</sup> Yũhu masũ Cohãcjũ ohorigũ ahri yehpapũ pecapũ wahaboriquinare yũhdũogũ tũũ nii yũhu,] ni yahuri Jesu.

<sup>12</sup> Sa ni tuhasa tiquiro tũhotuye mehna ohõ saha ni queoye mehna buheri usãre.

—Ovejare cohteriquiro cien ovejare cõoriquiuro ihcãquiuro oveja butia wahagũ ohõ saha yerota tiquinare cohteriquiro pehe. Apequina ovejare noventa y nueve ovejare tiquina ihyaropũ duhu doco, butiriquirore macano waharota. <sup>13</sup> Ijirota nii niaja musare. Tiquirore bocaro bucuerota tiquiro. Apequina noventa y nueve dũhsayequina mehna bucueri tiquiro. Tiquinare tiquiro bucueri yũhdũoro butiriquiro pehere bocaro tutuaro bucuerota. <sup>14</sup> Sata mari Pacũ umũse cjãno ahriquina ihyo ijiyequina gũhare pecapũ tiquina wahagũ cahmedare, ni yahuri Jesu.

*Mũhu acayũro mũhare ñano yegũ ohõ saha ye dutiahye Jesu  
(Lc 17.3)*

<sup>15</sup> Sa ni tuhasa ohõ saha ni yahu nemori:

—Mũhu acayũro mũhare ñano tiquiro yegũ tiquiro mehna yahugũ wahaya. Mũsa sehsaro tire yahuya. Mũhu sa yegũ tiquiro mũhare tũhoboaga. Tiquiro tũhogũ “Mũhare ne pari turi ohõ saha yesi yũhu”, tiquiro nigũ mũhu acayũrore pari turi piti tigũ niaga mũhu. <sup>16</sup> Mũhare tiquiro tũho dueragũ pũrita ihcãquiuro mehna waha duagũ o pũaro mehna waha duagũ tiquinare piti ti cã, pari turi tiquirore yahuna wahaya. Mũsa sa yena pũana o ihtiana tiquirore mũsa yahusãgũ, “Poto tjire”, ni masieta apequina. <sup>17</sup> Sa yena mũhu mehna cjẽna gũhare tiquiro tũho dueragũ ijipihtiyequina Jesu yequina cahmecoañequinare yahusãna wahaya. Sa yena Jesu yequina cahmecoañequinare tiquiro tũho dueragũ ihñana Cohãcjũre ño peo dueriquiro tiquiro ijiro saha yeya tiquirore. Wapa ne cohteriquiro tiquiro ijiro saha yeya tiquirore.

18 'Ijirota m̄sare niita niaja. Ahri yehpap̄ m̄sa Jesu yequina ñañene m̄sa ye dutieragū ūhm̄sep̄ gūh̄are ye dutisi. Ahri yehpap̄ m̄sa quehnoañene ye dutigū ūhm̄sep̄ gūh̄are ye dutiye ijirota.

19 'Pari turi m̄sare yahutja ahrire: M̄sa p̄ana Cohãcj̄ure sinigū, m̄sa p̄ana m̄sa sinidire ihcāno saha m̄sa t̄hotugū ȳh̄ Pac̄ ūhm̄se cj̄ano tire yerota. 20 P̄aro o ihtiaro yeequina, yeere yeatiquina tiquina cahmecoagū ȳh̄ tiquina mehna ijiaja, ni yahuri Jesu.

### *Cahacj̄ano apequiro tiquiro wapamonore tiquiro bo duerari quitire yahuahye Jesu*

21 Came Pedro Jesu cahap̄ esa, sinituri:

—¿P̄hto, ȳh̄ acaȳro m̄h̄ yaquiro peye tahari ȳh̄re ñano tiquiro yegū ihñagū nohope tahari tire boḡtari ȳh̄? ¿Siete tahari boḡtari ȳh̄? ni sinituri Pedro.

22 Jesu ȳhtiri:

—Siete taharita m̄h̄re apequiro ñano yerire m̄h̄ bogū to wahaerare. Peye tahari m̄h̄re ñano tiquiro yegū gūh̄are boya.

23 'Ūhm̄se cj̄ano masa p̄htoro tiquiro ijiye ahri queoye yero saha ijire. Ijipihtiyequina masa p̄htoro tiquiro cahacj̄enare tiquirore wapam̄nequinare wapa ye peho duti duamahye. 24 Tiquina wapamorire tiquiro queo d̄cagū, tiquirore dahra cohteyequina pehe pajiro wapamoriquire tiquiro cahap̄ ne cãhtahye. Wapamoriquire paji ȳhd̄aro wapamoahye tiquiro p̄htoro. 25 Sa yero tiquiro wapa ye masiedagū tiquiro p̄htoro tiquirore, tiquiro namonore, tiquiro pohnene cahacj̄ena s̄o, tiquinare apequinare dua dutimahye. Sa ye ijipihtiye tiquiro c̄oye gūh̄are dua dutimahye, tiquiro wapamonore wapa ye peho dutiro.

26 Tiquiro sa dua dutigū pajiro wapamoriquire pehe d̄sepe curi mehna quehe sa, tiquiro p̄htoro tutuaro siniahye: “P̄hto, ȳh̄re paja ihñagū cohteniña. M̄h̄re wapa ye pehoutja”, niahye tiquiro p̄htoro. 27 Tiquiro sa nigū t̄horo, tiquirore paja ihñano tiquiro wapamonore sata bo cãhye.

28 Tiquiro sa yeri bato wapamoriquire pehe waha, apequiro cahacj̄enore tiquirore mehenogā wapamoriquire boca sahye. Sa boca saro wam̄a ñeheahye tiquirore. “Ȳh̄re m̄h̄ wapamonore wapa ye pehoya”, niahye tiquiro mehna cj̄enore tiquiro yero saha ijiriquire cahacj̄enore. 29 Tiquiro sa nigū apequiro cahacj̄eno pehe d̄sepe curi mehna quehe sa, tiquirore tutuaro sinimahye. “Ȳh̄re paja ihñagū mehenogā cohteniña. M̄h̄re wapa ye pehoutja”, nimahye apequiro cahacj̄eno tiquirore. 30 Tiquiro sa ni siniepegūta ȳhtierahye. Sa yero tiquiro apequiro cahacj̄enore peresu ye dutiahye. Tee tiquiro wapa ye pehogūp̄ wioro taro niahye tiquirore. 31 Pajiro wapamoriquire mehenogā wapamoriquire tiquiro sa yegū ihñā, usua, apequina cahacj̄ena pehe tiquina p̄htoro yahusãne wahahye. 32 Tiquina sa ni yahusãgū t̄horo tiquina p̄htoro tiquina yahusãriquire pijio, ohō saha niahye: “M̄h̄ ña ȳhd̄agū ijire. M̄h̄ ȳh̄re tutuaro sinigū m̄h̄ wapamonore bo pehomi ȳh̄. 33 M̄h̄re ȳh̄ sa yepegūta m̄h̄ pehe m̄h̄re wapamoriquire boerañoh̄ti. M̄h̄ wapamono pehere ȳh̄ boriro sahata tiquiro m̄h̄re wapamono gūh̄are m̄h̄ bogū quehnoa ȳhd̄aboaga. ¿D̄h̄segū tiquirore paja ihñedari m̄h̄, sa yegū?” niahye p̄htoro tiquirore. 34 Sa nino tutuaro usua, peresu yehye tiquiro cahacj̄enore. Tee tiquiro wapa ye pehogūp̄ wioro taro niahye, ni yahuri Jesu.

35 Sa yero ohō saha ni ahri quitire yahu bato tiri:

—Sata yerota ȳh̄ Pac̄ ūhm̄se cj̄ano m̄sare. M̄sa ijipihtina m̄sa acaye m̄sare tiquina ñano yerire quehnoano m̄sa bo pehoeragū tiquiro m̄sare buhiri dahrerota, nidi Jesu.

## 19

### *Tiquina namosãnumiare cohãñene yahuahye Jesu*

(Mr 10.1-12; Lc 16.18)

1 Tire tiquiro sa ni yahuri bato tiquiro Galileap̄ ijiriquire Judea yehpap̄ us̄are siho wahari. Jordã wame tiri ma ape sie

pahrēp̄u esau usā. <sup>2</sup> Top̄u usā wahagū peyequina masa usāre n̄n̄n̄ tã cāri. Tiquina mehna cjēnare dohatiyequinare yahd̄ugū yeri tiquiro.

<sup>3</sup> Sa ye ihquēquina fariseo masa Jesure yahusā duaye, ñano tiquiro yahuducugū t̄aho duaye, tiquirore sinituri:

—¿Mari namosānumiare cohāgū quehnoabogari? ¿Mari dutiye pehe sata ye dutiagari, m̄h̄u t̄ahotugū? ni sinituri tiquina.

<sup>4</sup> Jesu yahtiri:

—¿Cohācjū yere tiquina ojoari p̄p̄u ne ahrire buherari m̄usa? Ohō saha ni ojoahye: “Coã warop̄ure ahri yehpare bajumehnediquiro um̄no, numino ḡh̄ure yeahye”, ni ojoahye. <sup>5</sup> Sa yero ohō saha ni ojoa nemoahye: “Sa yero um̄no tiquiro pac̄sum̄are cohā wijia, tiquiro namono mehna ijirota. Sa ye tiquina p̄aro ijiepetahcā paḡu yero saha ijire. <sup>6</sup> Sa ye tiquina p̄aro yero saha ijierare. Ihcā paḡu yero saha ijiye nine. Cohācjū tiquiro omoca d̄hte dutiyequina ijire. Sa ye tiquinare cahme duhueraro cahmene”, ni ojoahye, nidi Jesu tiquinare.

<sup>7</sup> Tiquiro sa nigū fariseo masa sinituri tja:

—M̄h̄u ohō saha ni yahuepegūta ohō saha ni ojoahye Moise pehe: “M̄h̄u namonore cohā duaḡu papera p̄ure tire ojoaya. Sa ojoaḡu ti p̄ure m̄h̄u namonore m̄h̄u ohori bato ticorore cohā masine m̄h̄u”, ni ojoahye Moise. ¿M̄h̄u nino saha ijiepegūta Moise pehe d̄hsero ohō saha ni ojoayari? ni yahtiri tiquina tiquirore.

<sup>8</sup> Jesu yahti cahmedi tiquinare:

—Cohācjūre m̄usa ñec̄sum̄a panop̄u cjēna tiquina t̄aho dueragū ihñano tiquina namosānumiare tiquina cohāgū, “Sata wahacūnahdo”, niahye Moise. Tiquiro sa niepegūta coã warop̄ure ahri yehpare sa ijierari. <sup>9</sup> M̄sare niita niaja. Mas̄no tiquiro namono ticoro ñano yerapegūta ticorore cohāno, apecorore namo tiro, tiquiro apecoro mehna ñano yero nine. [Sa yero ahriquiore cohāricorore namo tiquiro ḡh̄u ticoro mehna ñano yeriquiro ijire,] nidi Jesu.

<sup>10</sup> Tiquina sa nigū t̄ahona, usā tiquiro buhena pehe tiquirore ohō saha nii:

—Sata um̄no tiquiro namono mehna tiquina cahme cohāedagū mari pehere mari namo tieragū quehnoaboaga, nii usā.

<sup>11</sup> Jesu yahtiri:

—Ihquēquinareta namo ti dutierare Cohācjū. Tiquiro namo ti dutiriquina dihita namo tieta. <sup>12</sup> Um̄are namo ti dutieraye ihquēgā ijire. Ihquēquina um̄a numiare cahmeeñequina masa bajulare. Apequina um̄a masa tiquina apēni t̄aho tiquina weriquina pehe namo ti masiedare. Apequina um̄a um̄use cjūno tiquina p̄ahoro yere yedoho duaye, namo tierare. Sa ye ahriquina namo ti dueyequina sata t̄hotu cāhñequina, sata tiquina sohtori tigū quehnoare, nidi Jesu usāre.

*Macanagā ye ijiatire Cohācjūre sini basahye Jesu*

*(Mr 10.13-16; Lc 18.15-17)*

<sup>13</sup> Sa ye masa macanagāre Jesu cahapu ne wihiri. Sa ne wihiye, tiquina Jesure tiquiro omocare tiquinagā bui ña peo duti duamedi. Sa ye tiquinagāre Cohācjūre sini basa duti duamedi Jesure. Tiquina sa yegū ihñana usā tiquiro buhena tiquinare tuhtimi. <sup>14</sup> Usā sa tuhtigū ihñano, usāre Jesu ohō saha nidi:

—Macanagā ȳh̄u cahap̄u ahtaahro. “Waharīsa”, niedacāhña tiquinagāre. Tiquinagā Cohācjūre tiquina p̄ahoro t̄hoture. Sa ye tiquiro um̄use cjūno p̄ahoro ijirop̄u ahriquinagā yero saha t̄hotuyequina ijire top̄ure, nidi Jesu usāre.

<sup>15</sup> Sa ninota tiquiro omocare tiquinagā bui ña peo tuhasa, wahaa wahari.

*Doeri cjē up̄uro Jesure sinituahye*

*(Mr 10.17-31; Lc 18.18-30)*

<sup>16</sup> Tiquiro sa yeri bato ihcāquiore Jesu cahap̄u wihi, sinituri tiquirore:

—¿Ne quehnoaḡu buheḡu, ijipihtiye decori Cohācjū mehna iji duaḡu, quehnoañene ye duaḡu d̄hse yeboagari ȳh̄u? nidi tiquiro.

<sup>17</sup> —¿D̄hse ijiro boro yah̄ure quehnoañene sinituajari m̄h̄u? Cohācjū dihita quehnoariquiore ijire. Ijipihtiye decori Cohācjū mehna iji duaḡu tiquiro dutiyere yeya, nidi Jesu.



18 —¿Dise boro dutiye pehere nigũ nia-jari? ni sinitu nemori tiquiro.

Jesu yahitiri:

—Masare wejêdacãhña. Wuhana tier-acãhña. Yaqueracãhña. Ni mehoedacãhña.

19 Mũhũ pacũsumũare ño peoya. Mũhũ basi mũhũ cahĩno saha mũhũ cahapũ ijiriquiro gãhũre cahĩña. Ahri dutiyere yero cahmene, nidi Jesu.

20 —Ahri dutiyere ne yũhdũdũcaera tii yũhũ. ¿Dũhse ye nemoagari yũhũ ijipihtiye decori Cohãcjũ mehna iji duagũ? nidi tiquiro Jesure.

21 Tiquiro sa nigũ tuhoro Jesu yahu nemori:

—Mũhũ ñaÑe mariegũ iji duagũ mũhũ ye ijipihtiyere duagũ wahaya. Sa duagũ ijipihtiye mũhũ wapatarĩ niÑerure pe-jecũoyequinare ohoya. Mũhũ sa yegũ pajiro mũhũ ye uhmũsepũ, Cohãcjũ cahapũ ijirota. Mũhũ sa yeri bato yũhũ mehna cjũ ijigũ ahtaya, ni yahuri Jesu.

22 Tiquiro sa nigũ tuhoro tutuaro bujũa witiri. Tiquiro doeri cjẽ upũro ijipihtiye cũoriquiro ijiri. Sa yero Jesu yahugũ tuhoro tutuaro bujũa witiri. Pejecũoyequinare oho dueraro wahaa wahari.

23 Tiquiro sa wahari bato Jesu usãre tiquiro buhenare yahu nemori:

—Ijirota mũsare niita niaja. Doeri cjẽ upũro Cohãcjũ pũhoro ijirupũre tiquirore waharo basioera cjũre. 24 Mũsare yahu nemoutja: Camello pehe awia coperpũ tiquiro sajã duagũ basioerare tiquirore. Tiquiro sa ijiro yũhdũoro doeri cjẽ upũro Cohãcjũre cahmedaro, Cohãcjũ pũhoro ijirupũre waharo basioerare, nidi tiquiro.

25 Tiquiro sa nigũ tuhona usã tũho maria waha, usã basi ohõ saha nii:

—Aa, dũhse tiquiro nino sahata ijigũ, ne ihcãquiro masũno Cohãcjũ cahapũ waha masiedaboaga, nii usã basi.

26 Usã sa nigũ Jesu usãre ihñano, yahuri:

—Masa tiquina esa tuharo tiquina quehnoano yeri mehna Cohãcjũ cahapũ waha masiedare. Cohãcjũ pehe masare pecapũ wahaboriquinare yũhdũo masine. Tiquiro ijipihtiyere quehnoano ye masi peho cãre, nidi tiquiro usãre.

27 Tiquiro sa nigũ Pedro tiquirore nidi:

—Tũhorĩña. Usã pehe usã ye ijipihtiyere cũ cãhũ mũhũ mehna wahana tana. ¿Usã ohõ saha yena, dũhse ijiyere wapatanatari usã? nidi tiquiro.

28 Tiquiro sa nigũ tuhoro ohõ saha nidi Jesu:

—Mũsare niita niaja: Pihtiri deco bato ijipihtiye wahma dihita comesaeta. Ti pjepũre yũhũ masũ Cohãcjũ ohorigũ yũhũ pũhoro yũhũ dujiropũ asi siteropũ duji-itja yũhũ. Topũ yũhũ dujigũ mũsa gãhũ doce dujiye pahtaripũ pũhtoa tiquina dujiye pahtaripũ dujinata. Sa yena Israe masare doce cururi cjẽnare besenata mũsa quehnoañequina gãhũre, ñañequina gãhũre.

29 Sa ye yeere yena tana mũsa wũhũsere, mũsa bahanare, mũsa pacũsumũare, mũsa pohnare, mũsa weserire cũrina ijina, pajiro wapatanata. Sa yena ijipihtiye decori Cohãcjũ mehna ijinata. 30 Sa ijiepegũta yojopũre peyequina pũhtoa ijiriquina ti pjepũre ihyo ijiequina tojoaeta. Sa ye yojopũre peyequina ihyo ijiequina ijimediquina ti pjepũre pũhtoa comesaeta, ni yahuri Jesu usãre tiquiro buhenare.

## 20

*Uhsẽ wesere dahrayequina queoyere yahuahye Jesu*

1 Sa ye Jesu pari turi queoye mehna yahu nemori tja:

—Uhmũse cjũno masa pũhoro ijire. Wese upũro queoye mehna tiquiro pũhoro ijiyere yahutja mũsare. Tiquiro wese upũro bohrea quehagũ tiquiro ya wesere dahratiquinare pijiro wahahye. 2 “Ihcã cjoe niÑeru cjoe wapa yegũtja ihcã decore”, niahye tiquinare. “Aũ”, niahye dahra-tiquina. Tiquina sa nigũ weserpũ dahra dutiro ohoahye tiquiro tiquinare. 3 Sa yero decopũ nueve ijigũ doeri cjẽ duaropũ wahahye tiquiro. Topũ esaro, apequina dahraeyequinare ihñahye. 4 Sa ihñano tiquinare niahye: “Mũsa gãhũ ya wesere dahrana wahaya. Quehnoano wapa yegũtja”, niahye tiquiro. 5 Sa ye tiquina weserpũ dahraye wahahye. Sa ye wese upũro coheri pje ijigũ, ñamicahapũ tres ijigũ gãhũre dahra dutiahye. 6 Sa ye ñamicahapũ cinco ijigũ doeri cjẽ duaropũ tiquiro wahahye

tja. Topu esa, apequina dahraeyequinare ihñano, tiquinare niahye: “¿Musa dñhse yena niajari dahraerapenata ohõpũre?” ni sinituahye tiquinare. <sup>7</sup> “Ne, usãre dahraye mariedare”, ni yũhtiahye tiquina. “Musa gãhu ya wesere dahrana wahaya”, niahye tiquinare. Sa ye tiquiro nidiro sahata tiquiro ya wesere dahraye wahahye.

<sup>8</sup> Sa ye ñamicahapu dahra duhuri pje ijigũ wese upũro tiquiro dahrayequinare cohteriquirore ohõ saha niahye: “Dahrayequinare pijiya. Tiquina wihigũ tiquinare wapa yeya. Cameru yũhu dahra dutiriquinare wapa ye mãhtaña. Tiquinare wapa ye tuhasa, apequina gãhũre wapa ye tuhasa, yũhu dahra duti mãhtariquinare wapa ye bato tiya”, niahye tiquiro. <sup>9</sup> Sa yero cinco ijigũ dahra dũcayequinare ihcã cjoe niñeru cjoe wapa yeahye. <sup>10</sup> Tiquiro sa wapa yegũ ihñañe, “Usãre paji cjũnogã wapa yerota”, ni tũhotumahye tiquiro duti mãhtariquina pehe. Tiquina gãhũre ihcãno saha wapa yeahye. <sup>11</sup> Sa ye niñerure tiquiro wapa yegũ tiquina pũhtoro mehna usuaye, tiquina basi cahme niahye: <sup>12</sup> “Ahriquina usã batopu tiquiro dahra dutiriquina pehe ihcã horata dahrari. Usã pehe ihcã deco quehnoano dahra nahña wahami. Ñano asũ asiri usãre. Usã sa yoari pje dahraepẽgũta usã batopu dahra dũcariquina gãhũre ihcãno saha wapa yeri tiquiro”, ni usuahye tiquina basi. <sup>13</sup> Ihcãquiro tiquina mehna cjãno tiquiro sa nigũ tũhoro, wese upũro yũhtiahye tiquirore: “Ne yũhu acayũ, ‘Ihcã cjoe niñeru cjoere wapa yegũtja’, nimi musare. Yũhu sa nigũ yũhtiri musa. Sa yegũ yũhu nidiro sahata musare wapa yei yũhu. Queoro wapa yei musare. Ne yaquerũ musare. <sup>14</sup> Sa yegũ yũhu wapa yerire ne, mãhu ya wũhũpũ tojoarĩsa. Ahriquirore came yũhu dahra dutiriquiro gãhũre musare yũhu wapa yeriro punota wapa yegũtja. <sup>15</sup> Yee niñeru ijire ahri. Sa yegũ yũhu cahmeno sahata ahri mehna wapa yegũtja. ¿Apequinare bui cjũnogã yũhu quehnoano wapa yegũ ihña tuhtiajari mãhu?” niahye tiquiro wese upũro, ni yahuri ti queoyere Jesu.

<sup>16</sup> Sa nino, yahu nemori tiquiro:

—Ahri queoye nidiro saha came cjã curua iji mãhtari curua ijirota uhmũsepũ. Sa ye iji mãhtari curua pehe tiquina cameru cjã curua tojoarota uhmũsepũ, ni yahuri Jesu.

*Pari turi Jesu tiquiro yaria masa wiji-  
atire yahuahye*

*(Mr 10.32-34; Lc 18.31-34)*

<sup>17</sup> Sa ye Jerusalẽpu wahaducu, usãre doce tiquiro buhenare pijio tuhasa, ape siepu usãre usã sehsaro neari Jesu. Usã sehsaro usã ijigũ usãre yahuri:

<sup>18</sup> —Tũhoya yũhũre. Yojoũpũre Jerusalẽpu wahana niaja mari. Topu yũhũre masũre Cohãcjũ ohorigũre ñehe, apequinapũre yũhũre ohoeta. Pahia pũhtoare, judio masare buheyequina gãhũre yũhũre ohoeta. Sa ye yũhũre wejẽ dutieta tiquina.

<sup>19</sup> Sa wejẽ dutiye, judio masa ijieyequinare yũhũre ohoeta. Tiquina sa ohori bato tiquina pehe yũhũre bũjũpe, tana, curusapu quẽ bihaeta yũhũre. Sa yegũ yũhu yariari bato ihtia deco wahaboro masa wijiagũtja, ni yahuri Jesu usãre.

*Santiago, Ñu mehna tiquina pacoro pehe  
tiquinare sini basahye Jesure*

*(Mr 10.35-45)*

<sup>20</sup> Sa ye Zebedeo namono pũaro ticoro pohne mehna Jesu cahapu esa, dũsepe curi mehna quehe sahye tiquirore sinino taro.

<sup>21</sup> —¿Dũhse yũhu yegũ cahmeajari mãhu? niahye Jesu ticorore.

—Mãhu pũhto sajãgu yũhu pohmare dutiyequina sõña. Sa yegũ mãhu pũa peheripu duji dutiya tiquinare, ni siniahye ticoro.

<sup>22</sup> Jesu ohõ saha niahye:

—Musa ñano yũhdũatire masiedapenata sa sinine musa. ¿Yojoũpũre yũhu ñano yũhdũato saha musa gãhu ñano yũhdũana ihcãno sahaboagari musa? niahye Jesu ticoro pohnene.

—Ihcãno sahanata, ni yũhtiahye Santiago, Ñu mehna.

<sup>23</sup> —Ijirota niita niaja musare. Yũhu ñano yũhdũato saha ñano yũhdũnata musa gãhu. Sa ijiepegũta yũhu mehna duti-  
atiquinare, yũhu mehna dujiatiquinare bese masiedaja yũhu. Yũhu Pacũ pehe

quehno tuhasari tire. Sa ye tiquiro besea-tiquina dihita yñh̄u poto pehe yñh̄u cū pehe pehe dujieta, niahye Jesu tiquinare.

<sup>24</sup> Sa yena usã apequina diez tiquiro buhena pehe Santiago, Ñu ahriquina pñaro mehna usuau usã. Jesure tiquina pacoro ticoro sini basarire tñhona usuau tiquina mehna. <sup>25</sup> Usã sa usuagũ ihñano, Jesu usãre ijipihina tiquiro buhenare piji cahmecoa, yahuri usãre:

—Cohãcjãre masieñequina pñh̄toa pehe tiquina masare dutiye, usuaro mehna dutire. <sup>26</sup> Mñsa pehe ne sa yesi mñsa basi. Mñsa mehna cjãno pñh̄toro iji duaro, ijipihitiyequina tiquiro mehna cjẽna cahacjãno ijiro cahmene tiquirore. <sup>27</sup> Sa yero ijipihitiyequinare dutiriquiro iji duaro, apequina cahacjãno ijiro cahmene tiquirore. <sup>28</sup> Sata ijigũ ijiaja yñh̄u gũh̄u. Yñh̄u masũ Cohãcjũ ohorigũ ahri yehparũre masare yedohogũ ahtau. Sa yegũ peyequina masa ye buhirire yariagũ ahtau nii. Sa yegũ masare pecapũ wahaboriquinare yñhdũogũ ahtau nii. Masare dutipegũ tagũ niedũ, nidi Jesu usãre.

*Pñaro caperi bajueyequinare ihñagũ yeahye Jesu*

*(Mr 10.46-52; Lc 18.35-43)*

<sup>29</sup> Sa ye Jericópn̄ ijirina usã wahagũ peyequina masa Jesure nñnũ tãri. <sup>30</sup> Sa ye Jesu tiquiro yñhdũagũ pñaro caperi bajueyequina maha dñhtũ cahapũ dujiyequina tñhori. Sa tñhoye, ohõ saha ni sañuducuri:

—Pñh̄to, Davi mñnano panami iji turiagũ, masare yñhdũoacjũ, usãre paja ihñaña, ni sañuducuri.

<sup>31</sup> Tiquina sa ni sañuducugũ masa pehe tiquinare tuhtiri.

—Dihta mariahña, nidi masa tiquinare.

Tiquina sa tuhtigũ tñhoye, to pano tiquina sañuducuriro yñhdũoro sañuducu nemori tja.

—Usã pñh̄to, Davi mñnano panami iji turiagũ, usãre paja ihñaña, ni sañuducu nemori.

<sup>32</sup> Tiquina sa nigũ tñhoro Jesu esadũca, tiquinare pijio, sinituri:

—¿Dñhse yñh̄u yegũ cahmeajari mñsa? ni sinituri.

<sup>33</sup> —Pñh̄to, usãre ihñagũ yeya, ni yñhtiri tiquina.

<sup>34</sup> Tiquina sa nigũ Jesu tiquinare paja ihñari. Sa paja ihñano tiquina caperire ña peori. Tiquiro sa ña peogũta tiquina pehe ihñaa wahari. Sa ihñañe, tiquirore nñnũ tã cãa wahari.

## 21

*Jerusalẽpn̄ esahye Jesu*

*(Mr 11.1-11; Lc 19.28-40; Jn 12.12-19)*

<sup>1</sup> Sa ye Jerusalẽpn̄ esana tana Betfagẽ wame tiri macapũ esa mñhtau usã Jesu mehna. Cñnũ Olivo wame tidũ cahapũ Betfagẽ ijiri. Topũ esaro, usã tiquiro buhena mehna cjẽnare pñaro Jesu tiquiro pano oho mñhtari. <sup>2</sup> Ohõ saha dutiri tiquinare:

—Si macapũ burroare nena wahaya. Topũ esana, duita burrore ticoro macñnogã mehna tiquina dñhte docoricorore bocanata. Tiquinare boca, yuta dare pã, ne cãhta basaya yñh̄ure. <sup>3</sup> Mñsa sa yegũ ihñano, burroa upũro “¿Dñhsena tana burroare pãjari mñsa?” tiquiro nigũ tñhona ohõ saha ni yñhtiya. “Mari pñh̄toro burroare cahmedi. Sa yero mianogã wiarota tiquiro”, ni yñhtiya tiquirore, ni duti ohori Jesu pñaro tiquiro buheyequinare.

<sup>4</sup> Sa yeri Cohãcjũ yere yahu mñhtariquiro tiquiro ni ojoariro sahata. Ohõ sahata ni ojoahye panopũ:

<sup>5</sup> Jerusalẽ cjẽnare ohõ saha ni yahuya:

“Ihñaña mñsa. Mñsa pñh̄toro mñsa cahapũ ahtare. Tiquiro quehnoano masa quehnoariquiro ijire. Burro macñnogã bui pesariquiro ahtarota”, ni yahuya Jerusalẽ cjẽnare, ni ojoahye panopũ.

<sup>6</sup> Jesu tiquiro dutiriquina pñaro ti macapũ esa, tiquiro dutiriro sahata yeahye tiquina. <sup>7</sup> Burrore, ticoro macñnogã gũh̄ure ne cãhta, tiquina bui sañañe suhtire tu we ne, burrogã bui duhu peori tiquina. Tiquina sa yeri bato Jesu tiquirogã bui mñja pjeri, waharo taro. <sup>8</sup> Mñja pje tuhasa, tiquirogã bui Jerusalẽpn̄ wahari. Tiquiro ahtagũ ihñañe masa peyequina tiquina bui cjẽ suhtire tu we ne, seõ cū mñhtari tiquiro wahari mahare, Jesure ño peoye.

Apequina pehe pūri tiye dūparire mahapū cū māhtari tiquireore ño peoye. <sup>9</sup> Sa ye tiquireo pano wahayequina, tiquireo bato nūnū tāñequina mehna sañuducuri:

—Davi panamino iji turiariquireore marine yūhdūoatiquireore ño peouhna. Ahriquireo Cohācjū ohoriquireo quehnoano ijiahro. Ēhmūse cjūnore “Tutuagū ijire”, ni ño peouhna, ni sañuducuri masa.

<sup>10</sup> Sa ye Jerusalēpū tiquina esagū to cjēna pehe ihña maria wahari.

—¿Noa ijiajari ahriquireo? ni cahme sinituri tiquina.

<sup>11</sup> Apequina masa yūhtiri:

—Ahriquireo Cohācjū yere yahu māhtariquireo —Ahdu ne pari turi dūca tisi, nidi tiquireo. Nazare cjūno Jesu wame tiriquireo ijire, ni yahuri tiquina masare.

*Cohācjū wūhūpū esahye Jesu  
(Mr 11.15-19; Lc 19.45-48; Jn 2.13-22)*

<sup>12</sup> Came Cohācjū wūhūpū esari Jesu. Ti wūhūpū esa, sajāa wahari. Ti wūhūpū duayequinare, dúyequina gūhūre cohā wiori tiquireo. Sa yero niñeru comesaye mesarire ne majare cū mājari. Bujuaare duayequina tiquina dujiye pahtari gūhūre sata yeri. <sup>13</sup> Sa yero tiquireore ohō saha nidi:

—Cohācjū yere tiquina ojoari pūpū ohō saha nine: “Ya wūhū Cohācjū mehna yahuducuri wūhū wame tirota”, nimene tiquireo ojoari pūpū. Mūsa pehe ahri wūhūpū duana mūsa basi cahme yaquere mūsa, nidi tiquireo tiquireore.

<sup>14</sup> Tiquireo sa yeri bato caperi bajueyequina, tini masieñequina gūhū Cohācjū wūhūpū tiquireo cahapū wihiri. Tiquina sa wihigū tiquireore yūhdūgū yeri tiquireo. <sup>15</sup> Sa quehnoañene tiquireo yegū ihñañe, pahia pūhto, marine judio masare buheyequina gūhū usuari tiquireo mehna. Sa ye macanagā Jesure “Davi panami iji turiagū, masare yūhdūoacjū, tutuagū ijire māhū”, tiquina ni ño peogū tūhoye usuari pari turi tiquina. <sup>16</sup> Sa usuaye ohō saha nidi Jesure:

—¿Tiquina sa nigū tūhoerajari māhū? Sa niedacāhdo, ni tuhtiri tiquina Jesure.

—Tiquina sa nigū tūhoaja. ¿Cohācjū ojoari pūpū ahrire ne buherari mūsa?

Macanagāre Cohācjūre quehnoano ño peogū yeri māhū, nine Cohācjū yere tiquina ojoari pūpū, nidi Jesu.

<sup>17</sup> Sa ni tuhasa tiquireore cohā cā, Betania wame tiri macapū esa, ti ñamine topū ijiri.

*Jesu higuerağure yaria dutiahye  
(Mr 11.12-14, 20-26)*

<sup>18</sup> Ape deco bohrearopū Jerusalēpū tojoaro, ujuā ahbari Jesu. <sup>19</sup> Sa ujuā ahbaro, maha dūhtū cahapū ijidū higuerağū wame tidūre ihñano, tū dūcare macano wahamedi. Dūca mariedari tū pehe. Pūri dihita ijiri. Tū sa ijigū ihñano Jesu tūre ohō saha nidi:

—Ahdu ne pari turi dūca tisi, nidi tiquireo. Tiquireo sa nigūta duita tū pehe ñaia wahari. <sup>20</sup> Tū sa wahagū ihñana ūsā tiquireo buhena ihña maria wahaū.

—¿Yohou, dūhsero ahdu duita ñaia wahajari? ni sinituu ūsā.

<sup>21</sup> Jesu yūhtiri:

—Ahrire wacūña mūsa. Cohācjūre quehnoano wacū tutuaya. “Potota sa yerota tiquireo”, nina, ahdure yūhū yeriro sahata ye masinata mūsa gūhū. Sa yena ahdure yūhū yaria dutiro yūhdūoro ye masinata mūsa. Ahdu cūnūre “Duha ne, pajiri mapū cohādū ijiahro”, mūsa nigū duha cohādū ijirota. <sup>22</sup> Cohācjūre mūsa wacū tutuagū, “Yūhū sinidiro sahata waharota”, mūsa ni wacūgū mūsa sinidiro sahata waharota, nidi Jesu ūsāre.

*Jesure dutiriquireore sinituahye apequina  
(Mr 11.27-33; Lc 20.1-8)*

<sup>23</sup> Sa ye Cohācjū wūhūpū tojoa sa, buheri tiquireo. Tiquireo sa buhegū pahia pūhto, mari judio masa būcūna mehna tiquireo cahapū wihī, sinituri:

—¿Dūhsegū canū ñamicahare sa yeari māhū? ¿Noa māhūre tire sa ye dutiari? ni sinituri tiquina.

<sup>24</sup> Tiquina sa nigū Jesu yūhtiri:

—Mūsa pehere sinitu māhtagūtja. Quehnoano yūhūre mūsa queoro yūhtigū mūsaare yahutja yūhū gūhū. <sup>25</sup> ¿Nu masare tiquireo wame yegū noa boro pehe tiquireore wame ye dutiyari, mūsa tūhotugū? ¿O Cohācjū dutierayari? ¿O masa

pehe dutiyari, m̄asa t̄hotuḡã? ni sinituri Jesu tiquinare.

Tiquiro sa niḡã tiquina pehe tiquina basi oh̄o saha nidi:

—¿D̄ahse ni ȳhtinatari mari? “Coh̄ãcj̄ũ Ñure dutie tiahye”, mari niḡã, “¿D̄ahsena Ñu tiquiro dutiepeḡãta t̄ho duerari m̄asa?” niboaga Jesu marine. Sa yena “Coh̄ãcj̄ũ Ñure dutie tiahye”, ni ȳhti masiedaja mari. <sup>26</sup> Ahriquina masa pehe “Potota Ñu Coh̄ãcj̄ũ yere yahu m̄ahtarikuiro ijiri”, ni t̄hoturi tiquina. Sa ni t̄hotuye “Ñu tiquiro wame yeḡã Coh̄ãcj̄ũ pehe tiquirore dutierahye”, mari niḡã t̄ho ye masa usueta mari mehna. Sa yena ti ḡãh̄are yahu masiedaja mari, nidi tiquina basi.

<sup>27</sup> Tiquina sa nidi bato Jesure ȳhtiri tiquina.

—Ñure wame ye dutirikuirore ̄sã masiedaja, nidi tiquina.

Tiquina sa niḡã t̄horo oh̄o saha nidi Jesu:

—Ti pje p̄rita ȳh̄u ḡãh̄u m̄asa sinitu m̄ahtarikuirore yahueraja m̄asare. Ȳh̄u yerire dutirikuirore yahueraja m̄asare, nidi tiquiro tiquinare.

### *P̄aro pac̄uro queoyere yahuahye Jesu*

<sup>28</sup> Tiquiro sa nidi bato Jesu queoye mehna buhe nemori tiquinare:

—¿Ne, d̄ahse t̄hotuajari m̄asa ahri queoyere? P̄aro pac̄uro ijiahye. Wahmino pehere oh̄o saha niahye tiquiro pac̄uro: “Mac̄u, wesep̄u dahraḡu wahaya”, niahye. <sup>29</sup> “Wahaeraja”, ni ȳhtimahye tiquiro mac̄uro coã warore. Sa nieperota camep̄ure wesep̄u waha duaro ijiahye tiquirore. Sa yero wahahye tiquiro. <sup>30</sup> Sa yero tiquina pac̄uro tiquiro mac̄uro d̄ahsarikuiro cahap̄u esa, tiquiro wahminore tiquiro dutiriro sahata wesep̄u waha dutimahye. “Āu”, nimahye d̄ahsarikuiro. Sa nieperota wahaerahye tiquiro. <sup>31</sup> ¿Diquiro pehe tiquiro pac̄uro dutiriro sahata yeari? ni sinituri Jesu.

—Tiquiro wahmino pehe yeahye, ni ȳhtiri tiquina.

Tiquina sa niḡã Jesu yahuri:

—M̄asare niita niaja. Wapa ne cohteyequina, ̄m̄ã mehna ñano yeducuye numia tiquina buip̄u waro m̄asa pehe ña ȳhd̄ãana ijire. Sa ye Coh̄ãcj̄ũ p̄h̄toro ijirop̄ure m̄asa esaborirore tiquina pehe m̄asare esa m̄ah̄taboaga. <sup>32</sup> Ñu wame yeriquiro buhero m̄asare “Quehnoano yeya”, ni yahumedi. Sa tiquiro yahuḡã d̄ahsarikuiro pac̄urore tiquiro ȳhtierariro sahata tiquirore t̄hoerari m̄asa. Sa yena tiquirore ȳhtierari. Wapa ne cohteyequina pehe, ̄m̄ã mehna ñano yeducuye numia ḡãh̄u tiquirore t̄hori. Tiquina sa t̄hoḡã ih̄ñari m̄asa. M̄asa sa ih̄ñap̄enata tiquirore ne t̄ho duerari. Sa yena t̄hoerari m̄asa, nidi Jesu pahia p̄h̄toare, mari judio masa b̄c̄ãna ḡãh̄are.

### *Ñãñequina dahra cohteyequina queoyere yahuahye Jesu*

(Mr 12.1-12; Lc 20.9-19)

<sup>33</sup> Sa ye Jesu pari turi queoye mehna oh̄o saha ni tiquinare buhe nemori:

—Apeye queoyere t̄hoya m̄asa. Dihta c̄oririkuiro ijiahye. Tiquiro ya dihtap̄u ̄h̄se darire oteahye. Ote tuhasa, sahr̄ĩnore ye tuhasa, ̄h̄sere tiquina c̄ãta m̄toati copere sehe, ̄hm̄ari w̄ahuḡã yeahye.

‘Sa yero ti wesere apequinare ihc̄ã pehe pahr̄e pahma c̄ãahye. Sa yero ti wesere tiquinare ih̄ña ihbo duti, ape yehpap̄u wahaa wahahye tiquiro. <sup>34</sup> Sa ye ̄h̄se ñidi pje ijiḡã wese up̄aro tiquiro cahacj̄ẽnare wesere ih̄ña ihboyequina cahap̄u ohoahye. Wese cj̄ẽ tiquiro oteri d̄ucare tiquiro ya pahr̄e cj̄ẽ d̄ucare ne dutiro ohomahye. <sup>35</sup> Sa ye wesere ih̄ña ihboyequina pehe tiquiro cahacj̄ẽnare ñano yeahye. Ihc̄ãquirore tutuaro quẽ, apequirore wejẽ, apequirore utã mehna doqueahye. <sup>36</sup> Came wese up̄aro pari turi tiquiro cahacj̄ẽnare tiquiro oho m̄ahtarikuiro ȳhd̄ão cj̄ũno ijiri curuare ohomahye tja. Sa ye wesere ih̄ña ihboyequina tiquina ḡãh̄are m̄ananota yeahye tja.

<sup>37</sup> ‘Sa yero tiquiro oho bato tirikuiro tiquiro mac̄uro ijiahye. “Ȳh̄u mac̄u pehere ño peoeta”, nino tiquirore ohomahye. <sup>38</sup> Tiquiro sa ni t̄hotuepeḡãta wesere ih̄ña ihboyequina tiquiro mac̄uro ahtaḡã ih̄ñañe, oh̄o saha niahye: “Wese

upuro macano ijire ahriqui. Tiquirote wejehna mari. Sa yero ahri wese mari ya wese tojoarota”, nimahye tiquina basi.  
<sup>39</sup> Sa niñeta tiquirote ñehe, wese dũhtũ cahũ ne cã, wejẽahye tiquina tiquirote.

<sup>40</sup> ‘¿Ne, wese upuro ahtaro dũhse yerotari tiquirote wesere ihña ihboyequinare? ni sinituri Jesu pahia pũhtoare, bũcũna gũhũre.

<sup>41</sup> Tiquirote sa nigũ tiquina yũhtiri:

–Tiquirote apequinare wesere ihña ihboatinare comesarota iji mũhtañequinare ña yũhdũayequinare wejẽno taro. Tiquirote queoro dũcare tu watiquina pehere ihña ihbo dutirota, ni yũhtiri tiquina.

<sup>42</sup> Tiquina sa nigũta Jesu yahu nemori tiquinare:

–¿Cohãcjũ yere tiquina ojoari pũpũ ahrire yũhũre tiquirote ni ojoarire ne buherari mũsa?

Ahriquirote Cristo utã yero saha ijire. Utãre wũhũ dahreyequina tiquina cohãno saha masa tiquirote cohãeta. Tiquina sa yepegũta yojopũre wũhũ dahreyequina wũhũre yeye tiquina cũ mũhtaria utãre tiquina cũno saha Cohãcjũ tiquirote pũhtoro sũri. Cohãcjũ pehe ahrire yeri. Tiquirote sa yegũ ihñana, “Quehnoa yũhdũare”, ni, tũhotuaja mari, ni ojoahye panopũ.

‘¿Tire ne buherari mũsa? <sup>43</sup> Mũsare niita niaja yũhũ. Cohãcjũ tiquirote pũhtoro ijirote mũsa ijiato ijiboaga. Tiquirote pũhtoro ijirote apequina pehere mũsa ijiborirote ohorota Cohãcjũ. Apequina masa pehe tiquirote dutiro sahata yeeta. [ <sup>44</sup> Ijipihtiyequina tia utã bui doque queheyequinare mũta sitea wahaeta. Sa yero tia utã pehe masũno bui bora pjero mũtaa wahagũ yerota tiquirote. Tiquirote pagũ mũnanore daye manarigã wahagũ yerota. (Sata yũhũre ño peo dueyequinare yũhũ buhiri dahreatiquina ñano yũhdũeta, ) ] nidi Jesu pahia pũhtoare, mari acaye judio masa bũcũna gũhũre.

<sup>45</sup> Ti queoyere tiquirote nigũ tũhoye, “Sohũ tiquirote yahu mũhtari queoye, wesere ihña ihboyequinare queoye mehna marine nino niaga tiquirote”, ni tũhoturi tiquina. <sup>46</sup> Sa ni

tũhotuye, tiquirote ñehe duamede. Masa pehe Jesure ño peo, “Cohãcjũ yere yahu mũhtariquirote ijire tiquirote”, niñequina iji tiri tiquina. Tire masiñe, pahia pũhtoa, bũcũna mehna masare cueye, Jesure ñehedari.

## 22

*Pajiri bose deco cjẽ queoyere yahuahye Jesu*

*(Lc 14.15-24)*

<sup>1</sup> Sa ye pari turi queoye mehna tiquinare buhe dũcari Jesu.

<sup>2</sup> –Uhmũse cjũno pũhtoro ijirote ahri queoye yero saha ijire. Ihcã yehpa cjẽna pũhtoro ijiahye. Sa yero tiquirote macano ya deco bose deco yeahye. Tiquirote omoca dũhteri bose deco ijiahye. <sup>3</sup> Sa yero pũhtoro tiquirote cahacjẽnare bose decore ihñañe ahtatiquinare piji dutiro ohomahye. Tiquina pehe ahta duerahye. <sup>4</sup> Sa yero apequinare piji dutiro ohomahye tja tiquirote cahacjẽnare. “Yũhũ pijioriquinare ohũ saha ni yahuya. ‘Mari ihyatire dahre tuhasari. Wecũare, wecũagã dihi tiyequinagã gũhũre wejẽ tuhasari. Sa yero ijipihtiro bose deco cjẽ ijiatire quehno tuhasari. Sa yena bose deco cjẽne ihyana ahtaya’, ni yahuya tiquinare”, ni ohomahye pũhtoro tiquirote cahacjẽnare. <sup>5</sup> Tiquina sa yahuri bato tiquirote pijionohriquina sa tũhotu cãhye. Bose decore ihñañe wahaerahye. Ihcãquirote tiquirote ya wesepũ wahaa wahahye. Apequirote tiquirote dahrayere ihñano wahahye.

<sup>6</sup> Apequina pehe tiquirote cahacjẽnare ñehe, tiquinare ñano ye, wejẽ cãhye. <sup>7</sup> Tiquina sa yegũ tũhoro, pũhtoro pehe usuahye. Usua, tiquina sa wejẽdi buhiri buhiri dahre dutiro tiquirote surarare ohoahye. Sa ye surara tiquinare wejẽ peho, tiquina ya macare ujuã cãhye. <sup>8</sup> Tiquina sa yeri bato, pũhtoro tiquirote cahacjẽnare ohũ saha niahye: “Bose deco cjẽ ijiatire quehno tuhasamede. Sa ijipegũta yũhũ pijio mũhtariquina yũhũ bose decore ihñaboriquina ijierare. Ñañequina ijiri tiquina. <sup>9</sup> Sa yena macare ijiye maharipũ dũhse ijiyequinare mũsa boca sayequinare bose decore ihñatiquinare pijiya”, niahye tiquirote cahacjẽnare. <sup>10</sup> Tiquirote sa nigũ tiquirote cahacjẽna maharipũ

waha, ijipihtiequinare tiquina boca sayequinare, ñañequina, quehnoañequina gũhare yahuahye. Tiquina sa pijiri bato esahye tiquina pari. Quehnoano ti bosc deco tiquina yeri tucũre masa wahpa yũhdũa wahahye.

11 "Topũ tiquina dujigũ pũhtoro pehe ihcãquirore omoca dũhteri deco cjã suhtirore sañeniquirore ihñahye. 12 "¿Ne yũhũ acayũ, dũhse yegũ omoca dũhteri deco cjã suhtirore sañedapegũta sajã tari mũhũ?" ni sinituahye pũhtoro.

"Tiquiro sa sinitugũ masũno pehe yũhtierahye. 13 Tiquiro sa yũhtieragũ ihñano tiquiro cahacjẽnare ohõ saha ni-ahye: "Ahriquirore omocarine dũhteya. Tiquiro dahpocãri gũhare dũhteya. Dũhte tuhasa ne wijia, sopecahapũ cohãña tiquirore nahitianopũ. Topũ tiquiro tutuaro uti, bũjũa witiro mehna bahque dihorota", niahye pũhtoro, ni yahuri Jesu.

14 Tiquiro sa nidi bato ohõ saha ni bato tiri tiquiro:

—Ahri queoye ijiro saha Cohãcjũ peyequina masa tiquiro pijioriquina ijiepetameheñequinagã tiquiro mehna tojoaeta, ni yahu bato tiri Jesu.

*Pũhtoa ye wapare apequina sinituahye Jesure*

*(Mr 12.13-17; Lc 20.20-26)*

15 Tiquiro sa nidi bato fariseo masa waha, tiquirore tiquina yahusãtire tiquina basi yahuducuahye. Tiquiro ñano yũhtigũ tũho duaye nimahye tiquirore yahusãñe tehe. 16 Sa yahuducuye tiquinamehna cjẽnare, Herode ya curua cjẽna gũhare Jesure sinitu dutiye ohoahye. Tiquina pehe Jesu cahapũ wihi, tiquirore meje cũ sinitumedi:

—Buhegũ, poto yahuducugũ ni mehoñe mariegũ mũhũ ijigũ masiaja usã. Cohãcjũ yere queoro mũhũ yahugũ gũhare usã masiaja. Sa yegũ ihcãquiro pũhtoro waro ijiepegũta tiquiro gũhare dõyaro marieno potota yahure mũhũ. 17 Sa yegũ usãre yahuya. ¿Roma cjãno ijipihtiequina pũhtoro yere marine wapa yero cahmeajari, mũhũ tũhotugũ? ¿Mari dutiye wapa ye dutiajari, mũhũ tũhotugũ? ni sinitumedi tiquina Jesure.

18 Tiquina sa nigũ tũhoro tiquirore tiquina ñano ye duayere masino ohõ saha nidi:

—Masa ihñono dihita quehnoano iji mehona ijire mũsa. ¿Dũhsena yũhũ ñano yahuducugũ tũho duajari mũsa?

19 Yojopũre niñeru cjoere pũhtoare wapa yeati cjoere ne cãhtaya. Ti cjoere ihñauhna, nidi tiquiro.

Tiquiro sa nigũ tũhoye niñeru cjoere ne cãhtari tiquina.

20 Sa yero tiquiro sinituri tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituri.

21 —César, masa ijipihtiequina pũhtoro queoye, tiquiro wame gũhũ wahñare, ni yũhtiri tiquina.

Tiquina sa nigũ tũhoro Jesu yahuri:

—Ti pje pũrita masa ijipihtiequina pũhtoro yere tiquiro pehere ohoya. Cohãcjũ yere Cohãcjũ pehere ohoya, nidi Jesu.

22 Tiquiro sa nigũ tũhoye, tũho maria waha, wahaa wahari.

*Saduceo masa Cohãcjũ tiquiro masoñene sinituahye Jesure*

*(Mr 12.18-27; Lc 20.27-40)*

23 Sa ye ti decota ihquẽquina saduceo masa Jesu cahapũ wihiri. Saduceo masa pehe "Cohãcjũ yariariquinare masosi", ni tũhotuyequina ijiri. Sa ye ohõ saha nidi tiquina tiquirore:

24 —Buhegũ, ohõ saha ni buheahye Moise: "Ihcãquiro wahmino namo tiri tiquiro pohna mariedaperota yariagũ ihñano tiquiro bahũrore tiquiro wahmino namono ijiricorore mũoano cahmene. Sa yero wahmino mũnano tiquiro pohna tiboriro saha pohna tiro cahmene tiquiro bahũrore. Sa ye tiquiro pohne tiquiro wahmino mũnano pohne yero saha ijjeta", ni ojoahye Moise, nidi tiquina saduceo masa.

25 Tire sa ni yahu tuhasa ahri queoyere yahu nemori tiquina Jesure:

—Ihcãquiro masũno ijiahye. Seis bahana tiahye tiquiro. Tiquina wahmino pehe namo ti, pohna mariediquiro yariaa wahahye. Sa yero apequiro tiquiro bahũro gũhũ tiquiro wahmino namono ijiricorore

n̄oahye. <sup>26</sup> Sa n̄oari bato tiquiro wahmino yero sahata pohna mariedaperota yariaa wahahye tja. Sa yero ahriquiroyo bah̄aro tiquiro wahmino m̄n̄ano yero sahata pohna mariedaperota yariaa wahahye. Sa dihita wahahye ihc̄aquiroyo pohne waro. Ne pohna mariedapeta yaria pihtia wahahye tiquina. <sup>27</sup> Tiquina namono ijiricoro ḡh̄u tiquina bato yariaa wahahye. <sup>28</sup> ¿Coh̄acj̄u ijipihtiyequinare yariariquina m̄n̄are tiquiro masoḡu diquiroyo boro namono pehe ijiboagari ticoro? Tiquina ijipihtiyequina ticorore namo tiriquina m̄na ijiahye. ¿Sa yero diquiroyo namono pehe ijiboagari ticoro pototi? ni sinituri tiquina.

<sup>29</sup> Jesu ȳhtiri tiquinare:

—Coh̄acj̄u yere tiquina ojoari p̄re, tiquiro masiñe ḡh̄ure ne masiedare m̄sa. Sa ye m̄sa t̄hotuye pehe ne potoye ijierare. <sup>30</sup> Yariariquina m̄na tiquina masa m̄jari bato tiquina angele yero saha ijire. Namoye marieñequina, man̄u marieñe numia ijire top̄re. <sup>31</sup> Yariariquina m̄na tiquina masa wijiato pehere m̄sare yahutja. ¿Coh̄acj̄u m̄sare tiquiro nidire ne buherari m̄sa? Oh̄o saha niahye tiquiro. <sup>32</sup> “ ‘Ȳh̄u Abrah̄a, Isaac, Jacob tiquina p̄hto ijiaja’, nine Coh̄acj̄u”, ni ojoahye panop̄re. Tiquina yariari bato “Tiquina p̄hto ijiaja”, ni yahuahye Coh̄acj̄u. Sa nieperota yariariquina m̄na p̄htoro ijierare Coh̄acj̄u. “Tiquina p̄hto ijiaja”, tiquiro niñe mehna catiyequina tiquina ijiḡu masiaja mari. Tiquiro catiyequina p̄htoro ijire, ni yahuri Jesu tiquinare.

<sup>33</sup> Tiquiro sa ni buheḡu t̄hoye peyequina masa t̄ho maria wahari.

*Quehnoa ȳhd̄ari dutirore yahuahye Jesu*

*(Mr 12.28-34)*

<sup>34</sup> Sa ye saduceo masa Jesure tiquina ȳhti masiedaḡu t̄hoye, fariseo masa pehe tiquiro cahap̄u cahmecoari. <sup>35</sup> Sa yero tiquina mehna cj̄no marine judio masare buheriquiro pehe Jesu tiquiro ñano niḡu t̄ho duaro meje c̄u sinitumedi tiquirore.

<sup>36</sup> —¿Buheḡu, Coh̄acj̄u ye dutiro quehnoa ȳhd̄ari dutiro noho pehe ijiajari, m̄h̄u t̄hotuḡu? ni sinituri tiquiro.

<sup>37</sup> Jesu tiquirore ȳhtiri:

—“Tutuaro m̄sa jeripohna mehna, m̄sa tutuaye mehna, quehnoano m̄sa wac̄ñe mehna Coh̄acj̄u cah̄ña”, nine Coh̄acj̄u. <sup>38</sup> Ahri dutirota ijire quehnoa ȳhd̄ari dutiro apeye dutiye ȳhd̄oro. <sup>39</sup> Ahri dutiro bato apero dutiro quehnoa ȳhd̄are: “M̄h̄u bas̄i m̄h̄u cah̄ño saha m̄h̄u cahap̄u ijiyequina ḡh̄ure cah̄ña”, nine Coh̄acj̄u. <sup>40</sup> Ahri p̄u dutirota apeye dutiye ḡh̄ure masi pehoḡu yere. Ahri p̄u dutirore yena, ijipihtiyeyo apeye dutiyere ye pehona niaja mari. Coh̄acj̄u yere yahu m̄htariquina panop̄u tiquina ojoari ḡh̄ure yena niaja mari, ni yahuri Jesu.

*Cristo Davi m̄n̄ano p̄htoro ijire (Mr 12.35-37; Lc 20.41-44)*

<sup>41</sup> Sa ye fariseo masa top̄u cahme-coañequina tiquina ijiḡu Jesu tiquinare sinituri:

<sup>42</sup> —“Cristo Coh̄acj̄u tiquiro ohoatiquiro ijire”, nine m̄sa. ¿Noa boro ijiajari tiquiro ñec̄no m̄n̄ano panop̄u cj̄no, m̄sa t̄hotuḡu? nidi tiquiro.

—Cristo Davi m̄n̄ano panamino iji turiariquiroyo ijirota, ni ȳhtiri tiquina.

Jesu yahuri:

<sup>43</sup> —¿Cristo Davi m̄n̄ano panamino iji turiariquiroyo tiquiro ijiḡu dah̄se yero Davi pehe p̄htoro tiyari Cristore? ¿Dah̄se yero sa p̄htoro ti dutiyari Esp̄ritu Santo tiquirore? Oh̄o saha niahye Davi:

<sup>44</sup> Coh̄acj̄u ȳh̄u p̄htoro oh̄o saha nidi: “Oh̄op̄u ȳh̄u potoye pehep̄u dujiya. Sa yeḡu m̄h̄ure ih̄ña tuhtiyequinare m̄h̄ure ȳhd̄uca basautja ȳh̄u”, nidi Coh̄acj̄u ȳh̄u p̄htoro, ni ojoahye Davi.

<sup>45</sup> Sa ni ojoarota Davi p̄htoro tiahye Cristore. ¿Davi Cristo ñec̄no iji turiariquiroyo ijiro dah̄se yero tiquiro p̄htoro tiyari Cristore? Cristo Davi p̄htoro ijire, ni yahuri Jesu.

<sup>46</sup> Tiquiro sa ni yahuḡu tiquina tiquirore ne ȳhti masiedari. Sa ye to punota sinitu duhu c̄ari tiquina tiquirore. Sa ye cueye, pari turi sinituerari tiquirore.



## 23

*Judio masare buheyequina, fariseo masa gũhũ tiquina ñano yeyere yahuahye Jesu (Mr 12.38-40; Lc 11.37-54; 20.45-47)*

<sup>1</sup> Sa ye peyequina masare, usã gũhare Jesu yahuri tja.

<sup>2</sup> —Marine judio masare buheyequina fariseo masa gũhũ Cohãcjũ dutiye Moiserere tiquiro cũrire yahueyehina ijire tiquina. <sup>3</sup> Tiquina sa yahueyehina ijigũ masare tiquina yahuriro sahata tire ye pehoya m̄sa. Sa yepenata tiquinare ihña cũedacãhña m̄sa. Tiquina buheriro sahata yerare tiquina. <sup>4</sup> Masare peye dutire tiquina. Sa dutiepeta tiquina dutiro saha masa yeragũ ihñañe tiquinare yedohoerare. <sup>5</sup> Masa tiquina ihñono dihita quehnoano ye ihñomene tiquina. Cohãcjũ yere tiquina ojoari pũre tiquina duhu sãñe acarigãre, bujũ cjũñe acarigãre tiquina wãhdoa bui dũhte yori, masare ihña dutiye. Tiquina omocari gũhare dũhte yori. Sa ye tiquina suhti tu pjeri da bui tiquina ohõri da eh̄sa yãhdũari da ijire. Cohãcjũre tiquina ño peorire masa pehere ye ihñoñe nimene tiquina. Ti queoro ijierare tiquina sa ye ihñoñe. <sup>6</sup> Sa ye bõse decori ijigũ pãhtoa tiquina dujiyepũ duji duare. Sa ye judio masa mari buheye wãhũsepũ gũhare quehnoañe dujiye pahtari dihitare cahmene tiquina. <sup>7</sup> Sa ye doeri cjẽ duaropũ apequina pãhtoare quehnoano ño peo tiquina sinino saha tiquina piti cagũ cahmene tiquina. Tiquinare “Buhegũ”, masa tiquina ni pisugũ cahmene.

<sup>8</sup> 'Apequina m̄sare pisuye “Buhegũ”, niedacãhdo. M̄sa ijipihtina ihcãno saha ijina nine. Sa yegũ m̄sare buhegũ ihcãta ijiaja. <sup>9</sup> Sa yena ahri yehpa cjẽnare “Mari pacũ”, nina tiquinare ño peona niaga. Ne sa niedacãhña. Æhmũse cjãno dihita mari Pacũ ijire. Tiquiro dihitare ño peoro cahmene marine. <sup>10</sup> Sa yena masũnore “Pãhto”, niedacãhña. M̄sa pãhto yãhũ Cristo pehe ihcãta ijiaja. <sup>11</sup> Cahacjũno yero saha m̄sare yedohoriquiro tiquiro ijire m̄sa pãhtoro ijiatiquiro. <sup>12</sup> Ihcãquiro pãhtoro iji duaro tiquirore ihyo ijiriquiro yero saha ijiro cahmene. Sa yero “Ihyo

ijigũ ijiaja yãhũ”, ni tãhoturiquiro pehe pãhtoro ijirota, ni yahuri Jesu.

*Judio masare buheyequina, fariseo masa mehna tiquina ni mehoñene yahuahye Jesu*

<sup>13</sup> Tiquiro sa nidi bato tiquinare yahu nemori:

—M̄sa judio masare buhena, fariseo masa gũhũ ñano yãhdũnata. Masa ihñono dihita quehnoano iji mehona ijire m̄sa. Sijoro saha m̄sa buhegũ tãhoye masa pehe Cohãcjũ pãhtoro ijirõpũre wahasi. M̄sa gũhũ topũre wahasi. Sa yena topũre waha duayequinare cahmotare m̄sa.

[<sup>14</sup> 'M̄sa judio masare buhena, fariseo masa gũhũ ñano yãhdũnata. Masa ihñono dihita quehnoano iji mehona ijire m̄sa. Wape wiha numia ye wãhũsere tiquina cãoye gũhare ehmare m̄sa tiquina numiare. Sa yena yoari pje masa ihñonopũ Cohãcjũre sini ihñomene m̄sa masare. M̄sa sa yeri buhiri peyequina yãhdũoro Cohãcjũ buhiri dahrerota m̄sare.]

<sup>15</sup> 'M̄sa judio masare buhena, fariseo masa gũhũ ñano yãhdũnata. Masa ihñono dihita quehnoano iji mehona ijire m̄sa. Pajiri mapũ pehã, yoaro cjẽ yehparipũ wahare m̄sa, m̄sa dutiyere yeatiquirore macana tana. M̄sa dutiyere yeatiquirore boca, tiquirore buhere. M̄sa sa yegũ tiquiro pehe m̄sa yãhdũoro pecapũ waha-tiquiro ijirota.

<sup>16</sup> 'M̄sa ñano yãhdũnata. Caperi bajueyequina tiquina ihña masieno saha masiena ijire m̄sa. Sa ijiepenata apequinare buhemene m̄sa. Ohõ saha ni buhemene m̄sa: “ ‘Cohãcjũ wãhũ mehna yãhũ nino sahata yeitja’, nidiquiro, tiquiro nidiro sahata yerapegũta quehnoanota”, ni buhemene m̄sa. “ ‘Cohãcjũ ya wãhũ cjẽ uru mehna yãhũ nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni ti gũhare buhemene m̄sa. <sup>17</sup> Caperi bajueyequina tiquina ihña masieno saha masiena ijire m̄sa. Tãho masiena ijire. ¿Dise boro pehere ño peoro cahmeajari? Urure ño peoraro cahmene. Cohãcjũ pehe ti uru ti wãhũpũ ijigũ quehnoañe ijigũ yere tire. Sa yena ti wãhũ pehere ño peoro cahmene m̄sare. Sa ye m̄sa buheye pehe queoro

ijierare. <sup>18</sup> Ahri gũhũre buhemene m̄sa: “Cohãcjũ w̄hũ cjã altar mehna ȳhũ nino sahata yeitja’, nidiquiro tiquiro nidiro sahata yeragũ quehnoanota”, ni buhemene m̄sa. “Ti altar bui ijiye mehna Cohãcjũre tiquina ohori mehna ȳhũ nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni buhemene m̄sa. <sup>19</sup> Caperi bajueyequina tiquina ihña masieno saha masiena ijire m̄sa. ¿Dise boro pehe ti waro ijiajari, m̄sa t̄hotugũ? Cohãcjũre mas̄no tiquiro ohori ti waro ijiera cjũre. Ti altar bui Cohãcjũre tiquiro ohogũ, quehnoañe wahare ti altar bui ijiye. Sa yero ti altar pehe ihyo ijiri altar ijierare. Cohãcjũre tiquina ohori bui cjũnogã quehnoari altar ijire. <sup>20</sup> Sa yero “Cohãcjũ w̄hũ cjã altar mehna ȳhũ nino sahata yeitja”, ihcãquiro nino, ti altar bui cjẽ tiquiro ohori mehna sa nino niaga. Sa ye m̄sa buheye pehe queoro ijierare. <sup>21</sup> Sa yero “Cohãcjũ w̄hũ mehna ȳhũ nino sahata yeitja”, ihcãquiro nino, potota Cohãcjũ mehnata sa ninota niaga. Cohãcjũ ti w̄hũ cjãno ijire. <sup>22</sup> Sa yero “Ëhm̄se mehna ȳhũ nino sahata yeitja”, ihcãquiro nino, Cohãcjũ ijirop̄ mehnata sa nino niaga. Sa yero Cohãcjũ mehnata sa nino niaga. Tiquiro pehe to cjãno ijire. Sa ye m̄sa buheye pehe queoro ijierare.

<sup>23</sup> M̄sa judio masare buhena, fariseo masa gũhũ ñano ȳhd̄nata. Masa ihñono dihita quehnoano iji mehona ijire m̄sa. Moa yero saha ijiyere ihyayere ocagũ yeyere c̄ona mehenogã ohomene m̄sa. Cohãcjũre ño peona tana pahiare ohomene m̄sa. Mehenogã ohomene m̄sa. Menta, anís, comino wame tiye ocagũ yeyere ohomene m̄sa. Sa ohoepe-nata quehnoañene yerare m̄sa. Sa yena masare paja ihñedare m̄sa. Sa yena Cohãcjũre wacũ tutuerare m̄sa. Oteye d̄ncare m̄sa nedire mehenogã pahiare m̄sa ohogũ quehnoare. Sa ohona ohõ saha ye nemoña: Quehnoañene yeya. Sa yena paja ihñaña masare. Sa yena Cohãcjũre wacũ tutuaya. <sup>24</sup> Caperi bajueyequina tiquina ihña masieno saha masiena ijire m̄sa. Ohõ saha yere m̄sa: M̄sa ye dutiyere ye dutina, ihyo ijiyegã

warore dutiyere yere m̄sa. Sa yepenata Cohãcjũ pototi tiquiro dutiye warore yerare m̄sa.

<sup>25</sup> M̄sa judio masare buhena, fariseo masa gũhũ ñano ȳhd̄nata m̄sa. Masa ihñono dihita quehnoano iji mehona ijire m̄sa. M̄sa waparire, m̄sa sihniñe wajarire bui m̄sa cosero saha quehnoañene ye ihñore m̄sa buigã warona. Sa yepenata Cohãcjũ yere queoro yerare m̄sa. Apequina yere ehmana, m̄sa basi dihita buj̄yere ne duana ijire m̄sa. Sa dihita t̄hoture m̄sa. <sup>26</sup> Caperi bajueyequina tiquina ihña masieno saha masiena ijire m̄sa fariseo masa. M̄sa jeripohnarine comesaya m̄sa. Quehnoañe pehere yeya. M̄sa sa yena masa tiquina ihñonop̄ quehnoana ijinata m̄sa.

<sup>27</sup> M̄sa judio masare buhena, fariseo masa gũhũ ñano ȳhd̄nata. Masa ihñono dihita quehnoano iji mehona ijire m̄sa. Masa cope, yehseye mehna tiquina wisõri cope yero saha ijire m̄sa. Masa ti copere tiquina ihñagũ quehnoari cope bajure. Sa bajuepegãta, puhiar̄ ahbariquirore, tiquiro cohãrine, ñañene ihñedare tiquina. <sup>28</sup> Sata m̄sa gũhũ masa ihñonop̄ quehnoañequina yero saha bajumene m̄sa. Sa quehnoañequina yero saha bajuna m̄sa ijipegãta m̄sa t̄hotuyep̄ ñañe, ni mehoñe iji ȳhd̄nare ahbaye yero saha, ni yahuri Jesu.

*Judio masare buheyequina, fariseo masa gũhũre tiquiro buhiri dahreatire yahuahye Jesu*

<sup>29</sup> Sa ni tuhasa ohõ saha ni yahu nemori tiquinare:

—M̄sa judio masare buhena, fariseo masa gũhũ ñano ȳhd̄nata. Masa ihñono dihita quehnoano iji mehona ijire m̄sa. Cohãcjũ yere yahu m̄htañequina panop̄ cjẽna tiquina masa coperire quehnoano quehnomene m̄sa, tiquinare ño peoro saha yena. Sa yena quehnoano yeyequina m̄na tiquina queoyere m̄sa yeri queoyere quehnoano quehnomene m̄sa.

<sup>30</sup> Sa yena ohõ saha niducumene m̄sa: “Panop̄re usã ñec̄s̄m̄na iji turiayequina m̄na tiquina yeriro saha usã pehe yeraboaga. Ti p̄ep̄ ijiyequinare Cohãcjũ yere

yahu m̄htariquinare us̄a wejēdaboaga”, niducumene m̄sa. <sup>31</sup> Sa nina m̄sa ñecusum̄a iji turiayequina Coh̄c̄j̄ yere yahu m̄htariquinare wejēdiquina m̄na tiquina yerire ih̄ona nine. Tiquinare wejēdiquina m̄na tiquina panamena iji turiana m̄sa ijiye ḡh̄ure ih̄ona nine m̄sa. <sup>32</sup> M̄sa ñecusum̄a iji turiayequina m̄na tiquina yeriro sahata ye sohtori tic̄ñah̄ña.

<sup>33</sup> 'Añaa yero saha ña yuh̄d̄ana ijire m̄sa. M̄sa ñañe yerire buj̄ua witi duerana Coh̄c̄j̄ m̄sa ñañe buhirire pecap̄ m̄sare tiq̄iro coh̄ato pano duhti masiedare m̄sa. <sup>34</sup> Sa yeḡ m̄sare niita niaja. Coh̄c̄j̄ yere yahu m̄htariquinare, apequina quehnoano masiñequinare, apequina m̄sare buheatiquinare m̄sa cahap̄ ohoutja. Yuh̄ sa ohoḡ m̄sa pehe ihquēquina tiquinare wejēnata. Apequinare curusap̄ quē bihanata. Apequinare m̄sa buheye wuh̄sep̄ tananata. Sa yena macarip̄ tiquinare ñano yena, oma n̄n̄ t̄anata m̄sa. <sup>35</sup> M̄sa sa yena ijipihtiequina ñañe marieñequinare m̄sa wejēdi buhiri buhiri tinata. Abe m̄nanore Cañ wejēdi buhiri ijipihtina m̄sa ḡh̄u buhiri tinata. Ijipihtiequina tiq̄iro bato ijiequinare quehnoañequinare tiquina wejēdi buhiri ḡh̄ure buhiri tinata m̄sa ḡh̄u. Sa yena Coh̄c̄j̄ wuh̄ cahap̄ wahiquinare m̄sa ohori altar cahap̄ Zacariare wejēahye m̄sa. Tiq̄iro pehe Berequia mac̄no ijiahye. Sa yena tiq̄iro ḡh̄ure m̄sa wejēdi buhiri buhiri tinata m̄sa. <sup>36</sup> Ijirota m̄sare yahuḡta niaja. Tiquina ijipihtiequinare tiquina wejēdi buhiri yojop̄ cjēna ḡh̄u buhiri tieta, ni yahuri Jesu.

*Jerusalē cjēnare tutuaro cah̄ahye Jesu  
(Lc 13.34-35)*

<sup>37</sup> Sa ni tuhasa oh̄ saha ni nemori:

—Ahyou, Jerusalē cjāna, Coh̄c̄j̄ yere yahu m̄htariquinare wejēdina ijire m̄sa. M̄sa acaye panop̄ cjēna ḡh̄u sata yeyequina m̄na ijiahye. Sa yena m̄sa cahap̄ tiq̄iro ohoriquinare ut̄ paca mehna doque wejēdina ijire m̄sa. Canaca ticoro poh̄nene ticoro w̄aye d̄ap̄ari mehna ticoro moha cuñano saha peye tahari cah̄iducumi

m̄sare. M̄sare cah̄memi. M̄sa pehe yuh̄ure ne cah̄medari. <sup>38</sup> Yojop̄ m̄sa ya maca coh̄ori maca ijirota. <sup>39</sup> Ijirota m̄sare niita niaja. Cam̄ep̄ ahtahtja yuh̄. Sa yuh̄ ahtaḡ ih̄ñana m̄sa yuh̄ure “Coh̄c̄j̄ tutuaye mehna ahtariquiro quehnoahdo”, ni nata. Yuh̄ure m̄sa tire niato pano yuh̄ tojoa tato pano pari turi yuh̄ure ih̄ñasi m̄sa, nidi Jesu tiquinare.

## 24

*—Coh̄c̄j̄ wuh̄ coh̄ari wuh̄ ijirota, ni ahye Jesu*

*(Mr 13.1-2; Lc 21.5-6)*

<sup>1</sup> Sa ye Coh̄c̄j̄ wuh̄p̄ ijiroquiro Jesu tiq̄iro wijia wihiḡ us̄a tiq̄iro buhena ti wuh̄ure ti wuh̄ cahap̄ ijiye wuh̄use ḡh̄ure ih̄ñana,

—Quehnoa yuh̄d̄aye wuh̄use ijicjoare. Ih̄ñaña m̄h̄u ḡh̄u, nii us̄a tiq̄irore.

<sup>2</sup> Jesu yuh̄tiri:

—Ahri wuh̄sere yojop̄ure ih̄ñamene m̄sa. M̄sare yahuḡta niaja. Ahri wuh̄sere ijipihtie m̄sa ih̄ñari, ahri wuh̄use cjē ut̄ paca ḡh̄ure coh̄a pehoeta. Ne ihc̄aria ut̄ tojoasi, nidi tiq̄iro us̄are.

*Pihtiri deco ijiatire yahuahye Jesu  
(Mr 13.3-23; Lc 21.7-24; 17.22-24)*

<sup>3</sup> Came Olivo wame tid̄ can̄p̄ esa, top̄ dujiri Jesu. Top̄ dujiḡ us̄a tiq̄iro buhena us̄a seh̄saro tiq̄iro cahap̄ esau.

—Yahuya us̄are. ¿Duh̄se ijiḡ sa waharotari m̄h̄u nidiro saha waharo? ¿Ahri yehpap̄ m̄h̄u tojoa tati deco, pihtiatideco panoḡa ijiḡ duh̄se ti waha d̄ucaḡ ih̄ñanataris̄a? ni sinituu us̄a.

<sup>4</sup> Jesu yuh̄tiri:

—Quehnoano yeya m̄sa. Sa yena m̄sare apequina tiquina ni mehoñene t̄hoerac̄h̄ña. <sup>5</sup> Peyequina masa “Cristo ijiaja yuh̄”, ni mehoñequina ahtaeta. Tiquina sa ni mehoḡ t̄hoye peyequina masa Coh̄c̄j̄ yere duhueta. <sup>6</sup> M̄sa cahaḡp̄ masa apequina tiquina cah̄me wejēḡ t̄honata m̄sa. Sa yena yoarop̄ ḡh̄ure tiquina cah̄me wejēḡ t̄hoonata m̄sa. Sa t̄hooopenata ne tire pajiro wac̄uedac̄h̄ña. Sa waharota. Tiquina sa yeḡ pihtiatideco d̄ahsar̄nota. <sup>7</sup> Ti pjere ihc̄a yehpa cjēna ape yehpa cjēna mehna cah̄me wejēeta.

Sa ye ihcãquiro pãhtoro yequina apequiro pãhtoro yequina mehna cahme wejêeta. Sa ye peyequina masa m̄jua mehna yarieta. Sa yero peye yehparip̄m̄ yehpa ñuhminota. <sup>8</sup> Sa wahagũ ahri yehpa cjênare tiquina ñano yũhd̄m̄ nemoato d̄ahsarota ti pjere. Ñano yũhd̄m̄ nemoeta.

<sup>9</sup> 'Ti pjere apequina m̄sare ñehe, ñano ye dutiye ohoeta m̄sare apequina pãhtoap̄re. Tiquina sa ohogũ m̄sare wejêeta. Yeequina m̄sa ijiri buhiri ijipihtiyequina m̄sare ihña tuhtieta. <sup>10</sup> Ti pjere peyequina yeequina ijimediquina yũh̄re cohãeta. Sa ye tiquina mehna cjênare tiquina ihña tuhtieta. Sa ye tiquina mehna cjêna tiquina ijiepegũta tiquinare ñano yeatiquinare ohoeta tiquina. <sup>11</sup> Ti pjere peyequina "Cohãcjũ yere yahu m̄htana ijiaja", ni mehoñequina ijietia. Sa ye peyequina masa tiquina ni mehoñene tãhoeta. <sup>12</sup> Ti pjere ña yũhd̄m̄aro yeeta masa. Sa ye tiquina mehna cjênare cahĩ nemosi. <sup>13</sup> Sa yena m̄sa tutuana ijina, ahri yehpap̄m̄ m̄sa catinino puno ihcãno sahana, yũhd̄m̄nata m̄sa. <sup>14</sup> Sa yero ahri quehnoañe buheye ijipihtirop̄m̄ ahri yehpap̄m̄re tiquina yahuri buheye ijirota. Cohãcjũ pãhtoro ijiyere yahuri buheye tiquina yahu siteri buheye ijirota, ijipihtiyequina ti buheyere tiquina masiato saha. Tiquina sa yahuri bato pihtiri deco d̄acarota.

<sup>15</sup> 'Cohãcjũ yere yahu m̄htariquiro Daniel m̄n̄ano panop̄m̄ cjũno ña yũhd̄m̄ariquirore Cohãcjũ yere ñano yeriquirore yahue tiahye panop̄m̄re. Ti pjere tiquiro ñariquiro pehe Cohãcjũ ya wãh̄p̄m̄ tiquiro ducugũ ihñanata m̄sa. Ahri yãh̄m̄ nidire quehnoano masiña m̄sa. <sup>16</sup> Top̄m̄ tiquiro ducugũ ihñañe, Judea yehpap̄m̄ ijieyequina pehe cãñm̄ cahap̄m̄ oma duhtiahro. <sup>17</sup> Sojaro mehna oma duhtiahro. Ti pjere tiquina wãh̄useri bui cjê paarip̄m̄ ijieyequina wãh̄m̄ puhiap̄m̄ ijiyere tiquina yere neñe wahaeracãhdo tiquina m̄m̄ñano waharo. <sup>18</sup> Sa ye ti pjere apequina weserip̄m̄ ijieyequina tiquina bui cjê suhti wãh̄p̄m̄ ijieyere suhtire neñe wahaeracãhdo tiquina m̄m̄ñano waharo. <sup>19</sup> Ti pjere niji pacosãnumia, tiquina

pohnene apũoñe numia gãh̄m̄ pejecuoro wahaeta. <sup>20</sup> Sa yena Cohãcjũre ohõ saha ni siniña: "Pohec̄m̄ ijigũ judio masa usã soye decori ijigũ gãh̄re usã oma duhtiatu deco ijieracãhdo", ni siniña m̄sa Cohãcjũre. <sup>21</sup> Ti decorire masa ña yũhd̄m̄aro wahaeta. Ahri yehpare tiquiro bajumehnedi bato masa ñano yũhd̄m̄e tiahye. Tiquina sa yũhd̄m̄ep̄egũta ijipihtiye ti puriñe yũhd̄m̄oro pihtiri deco panogã ña yũhd̄m̄aro yũhd̄m̄eta masa. Sa ñano tiquina yũhd̄m̄ari bato pari turi sata ñano yũhd̄m̄si ahri yehpap̄m̄. <sup>22</sup> Cohãcjũ ti decorire meheñe decorigã ijigũ yerota. Tiquiro sa yeragũ ne ihcãquiro mas̄no yũhd̄m̄eraboaga. Sa yero tiquiro beseriquina tiquina yũhd̄m̄atire meheñe decorigã cũnota Cohãcjũ.

<sup>23</sup> Ti pjere apequina m̄sare "Ihñaña. Ohõp̄m̄ ijire Cristo", tiquina nigũ tiquinare tãhoeracãhña. "Top̄m̄ ijire Cristo", tiquina nigũ tiquinare tãhoeracãhña. <sup>24</sup> "Cristo ijiaja", ni mehoñequina, "Cohãcjũ yere yahu m̄htarina ijiaja", ni mehoñequina ijietia ti pjere. Sa ye Cohãcjũ tiquiro beseriquinare ni mehoñe, tiquina bajumehneñene ye ihñoeta. Cohãcjũ yequinare Cohãcjũre tiquina cohãgũ ye duare tiquina ni mehoñequina. <sup>25</sup> Ahri ijipihtiyere yahuyuaaja m̄sare ti sa wahato pano. Sa yena tãhoya m̄sa. <sup>26</sup> Apequina masa m̄sare "Ihñaña. Masa marienop̄m̄ ijire Cristo", tiquina nigũ top̄m̄re ihñana wahaeracãhña. Sa yena "Ohõp̄m̄ ahri tucũrip̄m̄ ijire tiquiro", tiquina nigũ tiquinare tãhoeracãhña. <sup>27</sup> Yãh̄m̄ mas̄ Cohãcjũ ohoriḡm̄ wacũeno mehna tojoa tãtja. Up̄o miadoqueoro ãhm̄sere asũ m̄aja tarop̄m̄, asũ sajãnop̄m̄ wacũeno mehna ti miadoqueoro saha wacũeno mehna tojoa tãtja yãh̄m̄. <sup>28</sup> Masa tiquina ñañe yeducurirop̄m̄ top̄m̄ Cohãcjũ tiquina ñañe buhiri buhiri dahrerota tiquinare, ni yahuri Jesu.

*Cristo ahri yehpap̄m̄ tiquiro tojoa tatire yahuahye tiquiro*

*(Mr 13.24-37; Lc 21.25-33; 17.26-30, 34-36)*

<sup>29</sup> Sa ye tiquinare yahu nemori:

—Ti ñano yũhd̄m̄ye decori bato asũ deco cjũno, ñami cjũno gãh̄m̄ buhrio duhuetia. Tiquina sa wahagũ ñahpicoha

paca umusepu ijiye paca bora dijia taeta. Sa ye umuse cjē yehpari, ñahpicoha gūhu ti sa wahaducurore comesaeta. Sa ye ñuhmieta. <sup>30</sup> Ti pjeta yuhu masu Cohācjū ohorigu umusepu yuhu bajumehnenore yuhu ihñogū ihñaeta masa. Sa ye ijipihtiye cururi cjēna utieta. Sa yegu yuhu tutuaye mehna, yuhu asi siteye mehna umuano cjē ehmeo cururi bui ahri yehpare yuhu tojoa tagū ihñaeta tiquina. <sup>31</sup> Corneta bisirota. Sa yegu yeequina angelere ijipihropu ahri yehpare ohoutja yuhu. Sa ye ijipihropu yeequina yuhu beseriquinare tiquina neeta.

<sup>32</sup> 'Yojobare higueregare tuhutuya masa. Tu queoye mehna musare buheitja. Tu yucugū pūri tigū ihñana, cūhma mehenogā dūhsagū masine masa. <sup>33</sup> Sata ahri ijipihropu yuhu nidire ti sa wahagū ihñana, yuhu tojoa tato mehenogā ti dūhsagū masinata masa. <sup>34</sup> Ijirota niita niaja musare. Ti pje cjēna tiquina variato pano ijipihropu yuhu nidiro sahata sa waharota. Umuse, ahri yehpa gūhu pihtia waharota. <sup>35</sup> Yuhu yahuducuye pehe ne comesasi. Ijipihropu yuhu nidiro sahata sa waha sohotori tirota.

<sup>36</sup> 'Ti decore yuhu tojoa tati decore, ti hora gūhure masiedaja yuhu. Angele gūhu tire masiedare. Masa gūhu masiedare. Yuhu Pacu dihita tire masine.

<sup>37</sup> 'Noé tiquiro ijiri pje cjēna tiquina ijiriro sahata ahri yehpare yuhu tojoa tato panogāre sata ijieta masa. <sup>38</sup> Yehpa miniato pano masa ihya, sihni, yeahye. Sa yeye umua, numia mehna omoca dūhteahye. Noé gūhu yucūsapu tiquina sajāto pano sa yee timahye masa. <sup>39</sup> Duita tutuaro acoro ahta, wacūeno mehna yehpa minia wahahye. Masa gūhu mini pihtia wahahye. Wacūeno mehna tiquina minidiro saha yuhu masu Cohācjū ohorigu ahri yehpare wacūeno mehna tojoa tahtja. <sup>40</sup> Ti pjere wesepu pūaro dahrayequina ijigū ihcāquiro yuhure cahmediquirore neitja. Sa yero yuhure cahmediquiro topu tojoarota. <sup>41</sup> Ti pjere pūaro numia ihcānopu tiquina trigore ña mutoñequina numia ijigū ihcācoro yuhure cahmedicorore neitja. Sa yero yuhure cahmedicoro topu tojoarota.

<sup>42</sup> 'Quehnoano wacū masi cohteya. Yuhu

masa pūhto, yuhu tojoa tati decore ne masiedare masa. <sup>43</sup> Ahrire wacūña. Yaqueriquiro wūhupu tiquiro sajā yaquetato panore wūhu upūro masino, ti ñami tiquiro cariedaboaga, yaqueriquirore cohtero. Sa yero yaqueriquirore tiquiro ya wūhupu sajā dutieraboaga. Yaqueriquiro tiquiro wacūeno mehna tiquiro ahtariro saha wacūeno mehna ahtahtja yuhu. <sup>44</sup> Sa yena yeere sa yeducuna yuhure cohteya. Yuhu masu Cohācjū ohorigu ahri yehpare tojoa tagu wacūeno mehna ahtahtja, nidi Jesu.

*Apequiro dahra cohteriquiro tiquiro pūhtorore ño peo, apequiro ño peoerare (Lc 12.41-48)*

<sup>45</sup> Sa ye Jesu queoye mehna ohō saha ni buhe nemori tja:

—Dahra cohteriquiro tiquiro pūhtorore ño peoriquiro tūho masiniquiro ijire. Tiquiro sa ijigū ihñano apequina dahra cohteyequina bui cūre tiquirore tiquiro pūhtoro pehe waharo taro. Sa tiquirore cū tuhasa wahaa wahare pūhtoro. Sa yero ihyari pje ijigū dahra cohteriquiro apequinare ihyayere itire. <sup>46</sup> Came pūhtoro tiquiro ya wūhupu tojoa wihire. Tiquiro tojoa wihigū ihñano dahra cohteriquiro pehe tiquiro pūhtoro dutiriro sahata ye pehoriquiro ijiro, bucueriquiro ijirota. <sup>47</sup> Ijirota musare niita niaja. Tiquiro sa yegū ihñano tiquiro pūhtoro ijipihropu tiquiro yere ihña ihboriquiro cūnota tiquirore. <sup>48</sup> Sa yepegūta ñariquiro dahra cohteriquiro pehe "Yuhu pūhtoro bajuerare", nino, <sup>49</sup> apequina dahra cohteyequinare quēpe, pajiro ihya, sihni, queheyequina mehna queherota. <sup>50</sup> Came tiquiro pūhtoro wacūeno mehna tojoa tarota. Ti deco, ti hora gūhure ne masiedare dahra cohteriquiro. <sup>51</sup> Pūhtoro pehe tojoa taro ñariquiro tiquiro ñano yerire tūhoro, tiquirore tutuaro buhiri dahrerota. Sa yero ni mehoñequina tiquina waharopu cohānota tiquirore. Topure tiquiro tutuaro uti, būjua witiro mehna bahque dihorota, ni yahuri Jesu.

## 25

### *Pua omope nuhmia queoye mehna buheahye Jesu*

<sup>1</sup> Sa ye Jesu pari turi queoye mehna ohō saha ni buhe nemori tja:

—Ūhmuse cjāno pūhtoro tiquiro ijiye ahri queoye yero saha ijire: Pua omope nuhmia ijiahye. Ihcā ñami tiquina sihōñe paca mehna omoca dūhteatiquirore piti caye wahahye. <sup>2</sup> Tiquina mehna ihcā omope numia tūho masieñequina numia ijiahye. Apequina numia pehe ihcā omope numia tūho masieñequina numia ijiahye.

<sup>3</sup> Tūho masieñequina numia pehe tiquina sihōñe pacare, pose tiye pacare nemahye. Apee pacare ūhse pose tiye pacare ti pihtigū tiquina pioborire nedahye. <sup>4</sup> Tūho masieñequina numia pehe tiquina sihōñe paca ūhse pose tiye pacare neahye. Apee paca tiquina pioati paca gūhare neahye.

<sup>5</sup> Sa ye omoca dūhteatiquiro tiquiro bajueragū tiquina numiare wūjua purīgū carīa wahahye. <sup>6</sup> Sa yero ñami decopū sañuducugū tūhoahye. “Tūhoya. Omoca dūhteatiquiro ahtaro ca tare. Tiquirore piti cana ahtaya”, ni sañuducugū tūhoahye.

<sup>7</sup> Tiquiro sa nigū tūhoye numia wahcā, tiquina ye sihōñe pacare quehnoahye.

<sup>8</sup> Sa ye tūho masieñequina numia pehe apee numia tūho masieñequina numiare ohō saha niahye: “Ūsā sihōñe paca yatiro nine. Sa yena mehenogā mūsa ye ūhsere ohoya ūsāre”, ni sinimahye tiquina numia.

<sup>9</sup> Tiquina sa siniepegūta tūho masieñequina numia ohō saha ūhtiahye: “Ūsā ye ūhse mari ijipitinare esa tuhaeraboaga. Sa yena ūhse cūoyequinare mūsa basi dūna wahaya”, ni ūhtiahye tūho masieñequina numia pehe. <sup>10</sup> Sa ye tūho masieñequina numia dúye wahahye. Tiquina sa wahari bato omoca dūhteatiquiro wihiahye.

Tiquiro wihigū ihña tiquina yere quehno tuhasariquina numia tūho masieñequina numia tiquirore piti cahye. Piti ca bose deco omoca dūhteri decopū tiquiro mehna ihñañe wahahye. Sa ye bose decore tiquina yeri wūhupū apequina mehna numia tiquina sajāri bato, sopechare biha cāhye. <sup>11</sup> Camepū tūho masieñequina numia pehe wihimahye. “Pūhto, ūsāre pōohña”,

nimahye tiquina numia. <sup>12</sup> “Ijirota mū sare niita niaja. Mū sare masiedaja ūhū”, niahye tiquiro tiquina numiare.

<sup>13</sup> ‘Sa yena tūho masieñequina numia tiquina yere quehnoano quehno tuhasa, tiquina cohtero saha quehnoana, ñañe mariena iji, cohteya mūsa gūhū. Ūhū tojoa tati decore ti hora gūhare ne masiedare mūsa, ni yahuri Jesu.

### *Niñeru cjoeri uru cjoeri queoyere yahuahye Jesu*

<sup>14</sup> Sa ni yahu tuhasa queoye mehna ohō saha ni buhe nemori tja:

—Ti pjere ūhū tojoa tati pje ahri queoye yero saha ijirota. Wūhū upūro ijiahye. Tiquiro ape sierū tinino waharo taro, tiquirore dahra cohteyequinare pijioahye. Sa yero tiquinare tiquiro yere cohte duti-ahye.

<sup>15</sup> ‘Sa cohte dutiro tiquina ihbo masino puno tiquinare niñeru cjoerire ohoahye. Ihcāquirore ihcā omope cjoeri wapa būjūye cjoerire uru cjoerire ohoahye. Apequirore pua cjoerire ohoahye. Apequirore ihcā cjoerire ohoahye. Tiquinare oho tuhasa, wahaa wahahye. <sup>16</sup> Sa ye ihcā omope cjoeri tiquiro ohoriquiro duita tiquiro wahari batota ti cjoeri mehna apee borore dúahye.

Tiquiro dúrire apequinare duahye. Tiquiro duari wapa pua omope cjoeri wapa yeahye tiquirore. Sa yero pua omope cjoeri cūoahye. <sup>17</sup> Sa yero pua cjoerire tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dúrire apequinare duahye. Tiquiro duari wapa pititia cjoerire wapa yeahye tiquirore.

Sa yero pititia cjoerire cūoahye. <sup>18</sup> Ihcā cjoerire tiquiro ohoriquiro pehe cope sehe, ti cjoerire yahye, ti copepū nūono.

<sup>19</sup> ‘Came yoari bato tiquina pūhtoro wihiahye. Sa wihiro tiquiro niñeru cjoerire mehna tiquina ñehe nemorire queoro ahtaro tiquirore dahra cohteyequinare pijioahye. <sup>20</sup> Sa yero ihcā omope cjoerire tiquiro ohoriquiro pūhtoro cahapū esa, pua omope cjoerire wiahye tiquirore. “Ihcā omope cjoerire ūhūre ohori mūhū. Ihñaña. Ti cjoerire mehna apeye cjoerire ñehe nemou”, niahye tiquirore. <sup>21</sup> “Quehnoano yeaya mūhū. Mūhū quehnoaga, ūhū

dutiriro saha yerigũ ijire. Mehenogãre quehnoano yeaya mũhũ. Sa yegũ yojopũre mũhũre pajiro mũhũ dahratire cõtja. Sa yegũ yũhũ mehna bucueya mũhũ”, niahye tiqũiro pũhtoro. <sup>22</sup> Sa yero pũa cjoere ñehediquiro pũhtoro cahapũ esa, yahuahye tiqũirore: “Pũa cjoere yũhũre ohori mũhũ. Ihñaña. Ti cjoeri mehna apeye cjoeri pũa cjoere ñehe nemou”, niahye tiqũiro. <sup>23</sup> “Quehnoano yeaya mũhũ. Mũhũ quehnoagũ, yũhũ dutiriro saha yerigũ ijire. Mehenogãre quehnoano yeaya mũhũ. Sa yegũ yojopũre pajiro mũhũ dahratire cõtja. Sa yegũ yũhũ mehna bucueya mũhũ”, niahye tiqũiro pũhtoro.

<sup>24</sup> ‘Sa yero ihcã cjoere ñehediquiro pũhtoro cahapũ esa, yahuahye tiqũirore: “Pũhto, mũhũ apequina pehere tutuaro dahra dutigũ ijire. Sa tutuaro dahra dutigũ ijigũ mũhũ basi oterapegũta ti dũcare nene mũhũ. <sup>25</sup> Mũhũ sa ijigũ mũhũre cuei. Sa cuegũ cope sehe, ti copere mũhũ niñeru cjoere nũou. Ihñaña. Ohõpũ ijire mũhũ ya cjoere niñeru cjoere”, niahye tiqũiro. <sup>26</sup> “Mũhũ ñagũ, cape bũjugũ ijire. Yũhũ basi oterapegũta ti dũcare yũhũ negũ ijigũ masine mũhũ. <sup>27</sup> Yũhũ sa ijigũ ihñaepẽgũta yũhũ niñeru cjoere niñeru ihbori wũhũpũ ihboboaya mũhũ. Mũhũ sa ihbogũ tiquina ti cjoere wiayerũ apee niñeru oho nemoboaya tiquina”, niahye pũhtoro tiqũirore. <sup>28</sup> Sa nino apequina tiqũiro dahra cohteyequinare dutiahye tiqũiro: “Niñeru cjoere ehmaña tiqũirore. Pũa omope cjoerire cũoriquiro pehere ohoya. <sup>29</sup> Cũoyequinare oho nemoutja. Sa ye pajiro cũoeta. Cũoyequina pehere mehenogã tiquina cũoepẽgũta tire ehmaũtja. <sup>30</sup> Ahriquiro dahra cohteriquiro dũhseatiquiro ijierare. Nahitianopũ ñanopũ cohã cãhña tiqũirore. Topũ tiqũiro tutuaro uti, bũjũa witiro mehna bahque dihorota”, niahye pũhtoro, ni yahuri Jesu.

### *Buhiri dahreatire yahuahye Jesu*

<sup>31</sup> Sa ye Jesu yahu nemori:

—Yũhũ masũ Cohãcjũ ohorigũ ijipihtiyequina angele mehna pũhto ijigũ tagũ, yũhũ pũhtoro dujiropũ yũhũ asi siteye mehna dujigũtja. <sup>32</sup> Sa yũhũ dujigũ, ahri yehpa cjẽna ijipihtiyequina yũhũ cahapũ

cahmecoeta. Tiquina sa cahmecoari bato pũa curua tu waũtja tiquinare. Ovejare ihña ihboriquiro ovejare, cabra gũhũre tiqũiro tu wariro saha masare tu wa docoutja. <sup>33</sup> Sa tu wagũ oveja yero saha ijieyequinare quehnoañequinare yũhũ poto pehe bese docoutja. Sa yegũ cabra yero saha ijieyequinare ñañequinare yũhũ cũ pehe pehepũ bese docoutja. <sup>34</sup> Yũhũ sa yeri bato yũhũ ijipihtiyequina pũhto pehe yũhũ poto pehepũ yũhũ bese docoriquinare ohõ saha ni yahutja: “Yũhũ Pacũ masare quehnoano yere. Ahri yehpare bajumehnenopũ mũsa ye ijiatire tiqũiro pũhtoro ijire quehnoyu tuhasari Cohãcjũ. Sa yena yojopũre tiqũiro quehnorioropũre ijina ahtaya. <sup>35</sup> Yũhũ mũjũa ahbagũ mũsa pehe yũhũre ihyayere ohori. Yũhũ aco wũogũ yũhũre mũsa sihõri. Mũsa cahapũ yũhũ tinigũ yũhũre ihña masiedapenata yũhũre quehnoano piti cari mũsa. <sup>36</sup> Suhti mariegũ yũhũ ijigũ ihñana mũsa pehe yũhũre suhti sãari. Dohatigũ yũhũ ijigũ mũsa yũhũre ihñana ahtari. Peresupũ yũhũ ijigũ gũhũre yũhũre ihñana ahtari mũsa”, niũtja quehnoañequinare. <sup>37</sup> Yũhũ sa nigũ tũhoye tiquina yũhũre sinitueta: “¿Pũhto, dũhse ijigũ mũhũ mũjũa ahbagũ mũhũre ihyayere ohori usã? ¿Dũhse ijigũ mũhũ aco wũogũ mũhũre sihõri usã? <sup>38</sup> ¿Dũhse ijigũ mũhũre ihña masiedapenata mũhũre quehnoano piti cari usã? ¿Dũhse ijigũ suhti mariegũ mũhũ ijigũ mũhũre suhti sãari usã? <sup>39</sup> ¿Dũhse ijigũ mũhũ dohatigũ o peresupũ mũhũ ijigũ gũhũre mũhũre ihñana esari usã?” nieta yũhũre. <sup>40</sup> Tiquina sa ni sinitugũ tũhogũ yũhũ pũhto tiquinare yahutja. “Ijirota masare niita niaja. Ahriquina yeequina mehna cjũno ihyo ijiriquiro tiqũiro ijiepẽgũta, tiqũirore mũsa sata yeri. Sa ijiriquirore sa yena, yũhũre yero saha yena nidi mũsa tiquinare”, ni yahutja.

<sup>41</sup> ‘Quehnoañequinare yũhũ sa ni yahuri bato yũhũ cũ pehe pehepũ ducuyequinare yũhũ ijipihtiyequina pũhto ohõ saha ni yahutja: “Cohãcjũ tiqũiro buhiri dahreatina ijire mũsa. Yũhũ mehna tojoeracãhña. Pecapũ wahaya mũsa. Ti peca ne yatierare. Watĩno, tiqũiro yequina angele gũhũ tiquina ijiatire ti pecare yeri

Cohãcjũ. <sup>42</sup> Yũhũ Ʃjũa ahbagũ mũsa pehe yũhũre ihyayere ohoerari. Yũhũ aco wũogũ mũsa yũhũre sihõedari. <sup>43</sup> Yũhũre masiedana mũsa yũhũre piti caerari. Sa ihña cãri. Suhti mariegũ yũhũ ijiepegũta, yũhũre suhti sãaedari mũsa. Dohatigũ yũhũ ijigũ peresupũ yũhũ ijigũ gũhũre sa ihña cãri mũsa yũhũre”, ni yahutja tiquinare ñañequinare. <sup>44</sup> Yũhũ sa nigũ tũhoye tiquina yũhũre sinitueta: “¿Pũhto, mũhũ Ʃjũa ahbagũ, mũhũ aco wũogũ, usã masiedigũ mũhũ ijigũ, suhti mariegũ mũhũ ijigũ, dohatigũ mũhũ ijigũ, peresupũ mũhũ ijigũ dũhse ijigũ usã pehe mũhũre yedohoerari?” ni sinitueta yũhũre. <sup>45</sup> Tiquina sa ni sinitugũ yũhũ tiquinare ohõ saha ni yahutja: “Ijirota mũsare niita niaja. Ahriquina yeequina mehna cjũno ihyo ijiriquirore mũsa ne yedohoerari. Sa ijiriquirore mũsa yedohoerana, yũhũreta sa yena nidi mũsa”, ni yahutja tiquinare. <sup>46</sup> Sa yero tiquinare sa buhiri dahreducurota Cohãcjũ. Ti buhiri dahreye ne pihtisi. Sa ye, quehnoañequina pehe ijipihtiyere decori quehnoano ijietta, ni yahuri Jesu.

## 26

*Pahia pũhto, judio masa bucũna mehna Jesure wejẽ duahye*

*(Mr 14.1-2; Lc 22.1-2; Jn 11.45-53)*

<sup>1</sup> Ti ijipihtiyere tiquiro buheri bato Jesu usãre tiquiro buhenare yahuri:

<sup>2</sup> —Pũa deco bato pascua ijirota. Tire mũsa masine. Ti pjere yũhũ masũre Cohãcjũ ohorigũre ñeheeta. Ñeheñe, yũhũre curusapũ wejẽeta, nidi tiquiro usãre.

<sup>3</sup> Sa ye pahia pũhto, judio masa bucũna gũhũ cahmecoahye. Caifa pahia pũhtoro ya wũhũpũ cahmecoahye tiquina. <sup>4</sup> Topũ cahmecoahye, tiquina ni mehoñe mehna Jesure ñehe tiquina wejẽatire cahme yahuye ni ahye.

<sup>5</sup> —Bose deco ijigũ tiquirore ñehedacãhna, “Masa usuari”, nina, niahye tiquina basi.

*Numino ehme sitiye Ʃhse mehna Jesure pio peoahye*

*(Mr 14.3-9; Jn 12.1-8)*

<sup>6</sup> Ti pjere Simo cami bucũ mũna wihiro ijimediquiro ya wũhũpũ ijiri Jesu. Tiquiro ijiri maca Betania wame tiri maca ijiri.

<sup>7</sup> Ti wũhũpũ tiquiro ihyari watoa ihcãcoro numino ehme sitiye ne cãhta, Jesu dapu bui pio peori. Ti ehme sitiye alabastro wame tiriapũ pose tiri. Wapa bujũye co ijiri. <sup>8</sup> Ticoro sa pio peogũ ihñana usã Jesu buhena usuau.

—¿Dũhsero ahricoro ahri core wapa bujũyere sa ye siteajari? <sup>9</sup> Ti ehme sitiye duaboaya. Sa duaro pajiro wapa ñeheboaya. Sa ñeheno ti niñerure pejecũoyequinare ohoboaya ahricoro, nii usã tiquiro buhena.

<sup>10</sup> Usã sa ni usuagũ ihñano, Jesu yahuri usãre:

—Sa niedacãhña ticorore. Yũhũre quehnoano yero nine. <sup>11</sup> Pejecũoyequina pehe mũsa mehna sa ijiducuetta. Sa yena tiquina pehere mũsa oho masine. Yũhũ pehe ahri yehpapũre mũsa mehna sa ijiducusi. <sup>12</sup> Yũhũre tiquina yato pano yũhũ pagũre quehnoyuro, ticoro yũhũre pio peori. <sup>13</sup> Ijirota mũsare niita niaja. Ijipihitiro ahri yehpapũ quehnoañe buheyere tiquina yahuropũ ahricoro yojopũre ticoro yerire yahueta. Tiquina sa yahugũ tũhoye ticorore masa peyequina wacũeta, ni yahuri Jesu usãre.

*Juda Iscariote Jesure ihña tuhtiyequinare ihñeahye*

*(Mr 14.10-11; Lc 22.3-6)*

<sup>14</sup> Ti pjere ihcãquiro usã mehna cjũno Juda Iscariote pahia pũhto cahapũ esahye. <sup>15</sup> Esa, tiquinare sinituahye.

—¿Jesure mũsare yũhũ ihñogũ noho puno wapa yenatari mũsa? ni sinituahye tiquinare.

Tiquiro sa nigũ tiquina tiquirore treinta cjoeri plata cjoerire ohoahye.

<sup>16</sup> Tiquina sa ohogũ Juda pehe Jesure tiquiro ihñoati ñamine cohtero niahye.

*Jesu tiquiro buheyequina mehna tiquiro ihyata tiri deco ijiahye*

*(Mr 14.12-25; Lc 22.7-23; Jn 13.21-30; 1 Co 11.23-26)*

<sup>17</sup> Sa ye pugũ yeye moremehneñe pãre tiquina ihyati deco bose deco iji dũcari deco usã tiquiro buhena Jesu cahapũ waha, sinituu tiquirore:



—¿Noho boropu bose deco ijigū mari ihyatire quehnoyu dutigū ohoutjari mahu usāre? nii tiquirore.

<sup>18</sup> Usā sa nigū tiquiro yuhtiri:

—Jerusalēpu wahaya. Topu ijiriquirore ohō saha ni yahuya: “Marine buheriquiro tiquiro ñano yuhduati deco mehenogā dūhsatjiāñohiti. Pascua ijigū mahu ya wahuḡu Jesu usāre tiquiro buhenare siho ihyati ijiñohiti”, ni yahuya ti wahu upurore, ni ohori Jesu usāre.

<sup>19</sup> Sa yena usāre tiquiro dutiriro sahata yena, pascua ijigū usā ihyatire quehnou usā.

<sup>20</sup> Sa ye ti ñamine usā mehna doce tiquiro buhena mehna ihyaro nidi Jesu. <sup>21</sup> Usā ihyari watoa tiquiro usāre yahuri:

—Ijirota musare niita niaja. Ihcāquiro musa mehna cjāno yuhare ihña tuhtiyequinare ihñonota yuhare, ni yahuri tiquiro usāre.

<sup>22</sup> Tiquiro sa nigū tūhona tutuaro bujua witina, tiquirore sinitu dūcau usā ijipihina:

—¿Puhto, yuhuta ijiajari mahare ihñocjū? ni sinituu.

<sup>23</sup> Usā sa ni sinitugū tiquiro yuhtiri:

—Yuhu ihyari papu yuhu mehna soha ihyariquiro ijire yuhare ihña tuhtiyequinare ihñoatiquiro. <sup>24</sup> Panopu yuhare tiquina ojoariro sahata yuhu masu Cohācjū ohorigu yariagutja. Sa yero yuhare ihña tuhtiyequinare ihñoatiquiro ñano yuhdurota. Tiquiro pehe masa bajueraro quehnoa yuhduaboaya. Ñano yuhdueraboaya, nidi Jesu.

<sup>25</sup> Tiquiro sa nigūta tiquirore ihñoatiquiro Juda sinituri:

—¿Buhegu, mahare ihñocjū ijiajari yuhu? ni sinituri tiquiro.

Jesu yuhtiri:

—Ehu. Mūhuta ijire, nidi.

<sup>26</sup> Sa ni yahu tuhasa usā tiquiro buhena mehna ihyaro taro nidi. Sa yero Jesu pāre ne, Cohācjūre “Quehnoare”, nidi. Sa ni tuhasa tire nuha, usāre tiquiro buhenare itiri.

—Ahrire ne, ihyaya. Ahri yuhu pagu ijire, nidi tiquiro.

<sup>27</sup> Sa ni tuhasa tiquiro sihnidi pare ne, Cohācjūre “Quehnoare”, ni, usāre ohori.

—Musa ijipihina ahrire sihniña. <sup>28</sup> Ahri yuhu dii ijire. Peyequina masa tiquina ñañe yerire cohāgū tagu yariutja. Sa yegu yuhu diire cohātja. Cohācjū “Musare yuhduoutja”, tiquiro nidiro esagū yuhu yariaro mehna tiquiro nidiro sohtori tirota. <sup>29</sup> Musare niita niaja. Yuhu Pacu tiquiro puhtoro ijiropu uhmusepu musa mehna wahma core uhse core sihniitja. Mari sa sihniato pano ahri core sihni nemosi yuhu, nidi Jesu usāre.

<sup>30</sup> Sa yena Cohācjū yere basa tuhasana cūnpu Olivo wame tidupu wahau usā.

*Pedro Jesure tiquiro cohātre yahuahye Jesu*

*(Mr 14.26-31; Lc 22.31-34; Jn 13.36-38)*

<sup>31</sup> Topu usā esagū Jesu pehe usāre yahuri:

—Mia ñami yuhare cohā cānata musa. Ohō sahata nine Cohācjū tiquiro yere tiquina ojoari pūpu yuhare yahuro: “Ovejare ihña ihboriquiro yero saha ijiriquirore yuhu Cohācjū cohāgutja. Yuhu sa cohāgū tiquiro yequina oveja yero saha ijiyequina duhti site cāa wahaeta”, nine Cohācjū tiquiro yere tiquina ojoari pūpu. <sup>32</sup> Sa yegu Cohācjū yuhare tiquiro masori bato musa pano Galileapu wahayutja yuhu, nidi tiquiro.

<sup>33</sup> Tiquiro sa nigū tūhoro ohō saha nimesi Pedro:

—Yuhu mehna cjēna ijipihiyequina mahare tiquina cohāpegeūta yuhu pehe mahare ne cohāsi, nimesi Pedro tiquirore.

<sup>34</sup> Jesu yuhtiri:

—Ijirota niita niaja mahare. Mia ñami canaca tiquiro yahuato pano “Yuhu Jesure masiedaga”, niita mahu. Ihtia taha sa niita mahu, nidi tiquiro Pedore.

<sup>35</sup> Tiquiro sa niepegūta Pedro ohō saha ni yuhtiri:

—Mahu mehna yuhare tiquina wejē duepegūta “Jesure masiedaga”, ne nisi yuhu, ni yuhtimesi Pedro.

Sa yena usā gūhu apequina tiquiro buhena Pedro tiquiro nidiro sahata nimi usā Jesure.

*Getsemaní wame tiri wesepu Cohācjūre siniahye Jesu*

*(Mr 14.32-42; Lc 22.39-46)*

<sup>36</sup> Sa ye Getsemaní wame tiri wesepu Jesu usã tiquiro buhena mehna waha, topu esa, usãre nidi:

—Ohõ dujiyuya. Mûsa ohõ dujiri watoa sohõ cjûnogãpu Cohãcjûre sinigpu wahagpu niaja, nidi tiquiro usãre.

<sup>37</sup> Sa ni tuhasa, Pedrore, puaro Zebedeo pohnene tiquina ihtiarore piji cãri. Sa yero tiquiro tutuaro bujua witi, ñano jeripohna tiahye. <sup>38</sup> Sa bujua witiro tiquiro mehna cjênare tiquiro piji cãriquinare ohõ saha niahye:

—Tutuaro ñano jeripohna tiaja yuhu. Yuhure tutuaro purino saha tuhhotugpu niaja. Sohõ cjûnogã wahagpu niaja. Ohõpu tojoaya. Sa yena yuhu mehnata cariedacãhña mûsa gãhpu, niahye tiquiro tiquinare.

<sup>39</sup> Sa ni tuhasa mehenogã waha nemo, yehpapu quehe sa, Cohãcjûre niahye:

—Mai, yuhu ñano yuhduatire ye dueragpu yeracãhña. Yuhu sa niepegãta yuhu cahmeno saha yeracãhña. Mûhpu pehe masine. Mûhpu cahmeno saha yeya yuhure, ni sini-ahye tiquiro Cohãcjûre.

<sup>40</sup> Sa ni tuhasa, ihtiaro tiquiro buheyequina cahapu wihiro, carĩnequinare ihñahye. Tiquinare ihñano, Pedrore ohõ saha niahye:

—¿Ihcã hora waro yuhu mehna carĩegpu iji masiedajari mûhpu? <sup>41</sup> Quehnoano yeya mûsa. Sa yena Cohãcjûre siniducuya mûsa, “Ñano yeari”, nina. Mûsa tuhhotuye mehna quehnoañene ye duamene mûsa. Mûsa sehsaro sa ye duepenata tire ye masiedare mûsa, ni yahuahye Jesu.

<sup>42</sup> Sa ni yahu tuhasa, pari turi waha, Cohãcjûre siniahye:

—Mai, yuhu ñano yuhduatire ye duagpu yeya yuhure. Mûhpu cahmeno saha yeya, ni siniahye tiquiro.

<sup>43</sup> Ni, tiquiro buheyequina ihtiaro buheyequina cahapu pari turi wihiahye tja. Sa wihiro carĩnequinareta ihñahye tja. Wujua puri yuhduahye tiquinare. <sup>44</sup> Sa yero tiquinare cû cã, pari turi waha, Cohãcjûre siniahye. To pano tiquiro nidiro sahata niahye tja. <sup>45</sup> Sa ni tuhasa tiquiro buheyequina cahapu wihi, tiquinare ohõ saha niahye:

—¿Yojopu pûritare carĩnina niajari mûsa? ¿Sorina niajari mûsa? niahye tiquiro.

Sa ni tuhasa, masa tiquina ahtagu ihñano, ohõ saha niahye.

—Tuhoya. Mianogãta yuhu masure Cohãcjû ohorigure ñañequinare ohoeta yuhure. <sup>46</sup> Wahcãña. Isa wahana. Ihñaña. Yuhure ihña tuhtiequinare ihñoatiquiro ohõpu ahtare, niahye tiquiro.

*Jesure ihña tuhtiequina tiquirore peresueahye*

(Mr 14.43-50; Lc 22.47-53; Jn 18.2-11)

<sup>47</sup> Tiquiro sa nino watoa usã mehna cjûno ijimediquiro Juda pehe wihiri. Masa peyequina ahtari tiquiro mehna. Tiquina pahia puhto, judio masa bucuna gãhpu tiquina ohoriquina ijiri. Ñoseñe pjĩnine, yucu tiãri gãhure cûori. <sup>48</sup> Coã warore Jesure ihña tuhtiequinare ihñoatiquiro masare ohõ saha ni yahuyu tuhasahye:

—Yuhu wahsupu ihmidiquirotata ijirota mûsa ñeheatiquiro. Tiquirore yuhu ihmidi bato ñeheña tiquirore, niahye Juda tiquinare.

<sup>49</sup> Sa ye wihiro Jesu cahapu duita wahari. —¿Buhegpu, ijiajari mûhpu? ni, tiquirore wahsupu ihmidi.

<sup>50</sup> Tiquiro sa ihmigã Jesu ohõ saha nidi:

—Yuhu acaypu, ohõpûre mûhpu yei tûu ahtarire yeya mûhpu, nidi tiquiro.

Sa ye tiquina Jesure ñehedi.

<sup>51</sup> Tiquina sa yegã ihñano Jesu mehna cjûno tiquiro ñoseni pjĩne tûã we ne, pahia puhtoro cahacjûnore cahmonore dute pahrẽ cãri. <sup>52</sup> Tiquiro sa yegã ihñano Jesu tiquirore yahuri.

—Mûhpu ñoseni pjĩne ihboya. Apequinare mûhpu ñosegã tiquina ñose cahmegã yariaguta mûhpu. <sup>53</sup> Yuhu Pacure yuhure yuhu yedoho dutigã tiquiro pehe peyequina angelere doce cururire yuhu cahapu ohoboaya tiquiro. ¿Tire masiedajari mûhpu?

<sup>54</sup> Sa yedohoboriquire tiquiro ijiepegãta tiquirore yuhure yedoho dutisi yuhu. Yuhu sa dutieragã Cohãcjû yere tiquina ojoari pû ti nidiro sahata sa waharota, nidi tiquiro.

<sup>55</sup> Sa ni tuhasa masare yahuri tiquiro:

—¿Duhse ijiro boro mûsa ñoseñe pjĩni mehna, yucu tiãri mehna yaque bucurore yero saha mûsa yuhure ñehena ahtajari?

Decoripe Cohãcjũ wãhũpũ musare yũhũ buhe dujigũ, mũasa yũhũre ne ñehedari. <sup>56</sup> Sa ijiepegãta ahri ijipihtiye sa waharo nine Cohãcjũ yere yahu mãhtariquina tiquina ni ojoariro sahata, nidi Jesu.

Tiquirore tiquina sa ñehegũ ihñana usã tiquiro buhena tiquirore cohã oma cãa wahaũ usã.

*Judio masa pãhtoa Jesure sinituahye*

(Mr 14.53-65; Lc 22.54-55, 63-71; Jn 18.12-14, 19-24)

<sup>57</sup> Sa ye tiquirore ñehediquina pahia pãhtoro Caifa wame tiquiro ya wãhũpũ ne sahye tiquirore. Ti wãhũpũta marine judio masare buheyequina, bũcũna gãhũ cahmecoahye. <sup>58</sup> Topũ Jesure tiquina neagũ Pedro yoaropũ tiquinare ihña nũnũ tãhye. Sa nũnũ tãno Caifa ya wãhũre cahmotari sahrĩnore esa, ti sahrĩno puhiarũ sajãa wahahye. Sajã sa, ti wãhũre cohteyequina surara mehna dujiahye. Jesure tiquina dũhse yegũ ihñano taro niahye.

<sup>59</sup> Sa ye pahia pãhtoa, apequina pãhtoa mehna Jesure wejẽ duti duaye, ni mehoñe mehna tiquirore tiquina ñano buhiri dahreatire wacũ macamahye. <sup>60</sup> Tiquina yahusãtire wacũ bocaerahye. Sa wacũ bocaerapeta peyequina masa tiquirore sa ni meho yahusã maca cãhye. Sa ye pãaro tiquina bato wihiyequina tiquirore yahusãhye tja.

<sup>61</sup> –Ahriquiroy ohõ saha nidi: “Cohãcjũ wãhũre cohã masiaja. Sa cohãgũ ihtia deco wahaboro ti wãhũre pari turi yeitja”, tiquiro nigũ tãhou usã, ni yahusã maca cãhye Jesure.

<sup>62</sup> Tiquina sa nidi bato pahia pãhtoro wahcãdũca sa, Jesure sinituahye:

–¿Ahriquina mãhũre tiquina yahusãepẽgũta tiquinare yãhti cahmedajari mãhũ? ni-ahye pãhtoro.

<sup>63</sup> Tiquiro sa nigũ tãhoeperota Jesu sata tãhotu cãhye. Tiquiro sa yãhtieragũ ihñano pahia pãhtoro pari turi sinituahye tja:

–Cohãcjũ catiriquiro wame mehna poto niña mãhũ. Mãhũ sa niedagũ tiquiro mãhũre buhiri dahrerota. Yahuya usãre. ¿Cristo Cohãcjũ macũta ijiajari mãhũ? ni sinituahye tja.

<sup>64</sup> Tiquiro sa nigũpũta Jesu yãhtiahye:

–Tiquirota ijiaja. Mũasare poto yahugũta niaja. Came yũhũ masũ Cohãcjũ ohorigũ yũhũ Pacũ tutuariquiroy cahapũ tiquiro poto pehepũ yũhũ dujigũ ihñanata mũasa. Sa yena uhmũse cjẽ ehmeo cururi bui yũhũ ahtagũ gãhũre ihñanata mũasa, ni yãhtiahye Jesu.

<sup>65</sup> Tiquiro sa nigũ tãhoro pahia pãhtoro tiquiro sañari suhtirore tãhrẽ cãhye apequinare “Usua yãhdũare”, ni ihña masi dutiro.

–Cohãcjũre pajiro ñano yahuducuro nine ahriquiroy. Sa ye tiquiro ñano yahuducuyere tãho tuhasaja mari. Sa ye topequinata yahusãahdo ahriquiroy. Ohõpũta tiquiro ñano yahuducugũ tãhoaja mari basita. <sup>66</sup> ¿Dũhse yenatari mari yojopũre ahriquiroy? ni sinituahye tiquiro apequina pãhtoare.

–Tiquiro ñari buhiri wejẽ cãno cahmene tiquirore, ni yãhtiahye tiquina.

<sup>67</sup> Tiquina sa nidi bato tiquiro wãhdoare sihco puti ohõ, tiquirore quẽpeahye tiquina. <sup>68</sup> Tiquirore quẽpe tuhasa, ohõ saha niahye tiquirore:

–¿Noa pehe mãhũre quẽajari? Cristo ijigũ ihñedapegũta yahuya usãre, ni bũjũpeahye tiquina.

*–Tiquirore masiedaga, niahye Pedro Jesure*

(Mr 14.66-72; Lc 22.56-62; Jn 18.15-18, 25-27)

<sup>69</sup> Sa ye ti wãhũ cahapũ ijiri paapũ quehnoari paapũ Pedro pehe dujiahye. Tiquiro sa dujigũ ihñano pahia pãhtoro cahacjõno tiquiro cahapũ esaro, ohõ saha niahye:

–Mãhũ gãhũ Jesu Galilea cjũno mehna ijiri, niahye ticoro.

<sup>70</sup> Ticoro sa nigũ tãhoro, Pedro ohõ saha niahye:

–¿Dũhse ni maca cõo niajari mãhũ? Mãhũ nidiquirore ne masiedaga yũhũ, niahye Pedro ticorore ijipihtiyequina tiquina tãhoropũ.

<sup>71</sup> Tiquiro sa nidi bato ti paa cjã sahrĩno sopecaha cahapũ wahahye Pedro. Topũ tiquiro ijigũ apecoro cahacjõno tiquirore ihñano, topũ ijieyequinare ohõ saha niahye:

—Jesu Nazare cjāno mehna ijiri ahriquiro, niahye ticoro Pedrore tja.

<sup>72</sup> Ticoro sa nigū tūhoro Pedro yūhtiahye:

—Cohācjū mehna poto nii niaja. Tiquiro māhū nidiquirore ne masiedaga yūhū, ni yūhtiahye Pedro.

<sup>73</sup> Sa ye came cjūno topū ducuyequina Pedro cahapū waha, tiquirore ohō saha niahye tja:

—Poto tjire. Jesu yequina mehna cjū ijire māhū gūhū. Tiquina yero saha yahuducure māhū, niahye tiquina Pedrore.

<sup>74</sup> Tiquina sa nigū Pedro yūhtiahye:

—Poto Cohācjū mehna nii niaja māsare. Yūhū poto yūhū niedagū Cohācjū yūhūre buhiri dahreahro. Tiquirore māsa nidiquirore ne masiedaga yūhū, ni yūhtiahye tiquiro tiquinare.

Tiquiro sa nigūta canaca yahuahye.

<sup>75</sup> Tiquiro yahugū tūhoro Jesu tiquirore nidire wacūahye. “Canaca tiquiro yahuato pano ‘Jesure masiedaga’, niita māhū. Ihtia taha waro sa niita māhū”, Jesu tiquirore nidire wacūahye Pedro. Sa wacūno, ti sahrīnore wijia, tutuaro utiahye.

## 27

### *Pilato cahapū Jesure neahye (Mr 15.1; Lc 23.1-2; Jn 18.28-32)*

<sup>1</sup> Sa ye bohrea quehagūpū pahia pūhtoa mari judio masa būcūna gūhū Jesure tiquina wejē dutiatire cahme yahuducuahye. <sup>2</sup> Tiquina sa yeri bato tiquirore dūhte, Pilato cahapū nea, tiquirore ohoahye Pilatore. Pilato pehe ti yehpa cjēna pūhtoro ijiri.

### *Juda Iscariote yariaa wahahye*

<sup>3</sup> Sa yero Jesure tiquina wejē dutigū ihñano Juda pehe Jesure ihñoriquiro tiquirore tiquiro ihñorire tutuaro wacū būjūa witiahye. Sa būjūa witiro treinta cjoeri tiquiro ñehedi niñeru cjoerire wiaro waharo, pahia cahapū, būcūna cahapū esa, ohō saha niahye:

<sup>4</sup> —Jesu māsare yūhū ihñoriquiro ñañe marieniquiro tiquiro ijiepegūta tiquina wejē dutiri tiquirore. Sa yegū māsare tiquirore ihñogū ñano yegū niaya yūhū, ni yahuahye Juda tiquinare.

Tiquiro sa ni yahuri bato tiquina yūhtiahye:

—Sata yecūnahdo. Ūsāre dūhseati ijierare ti māhū sa niñe. Māhū dihita sa ni tūhoture tire, ni yūhtiahye tiquina tiquirore.

<sup>5</sup> Tiquina sa ni yūhtiri bato Cohācjū ya wūhūpū Juda tiquiro ye niñeru cjoerire doque site cūahye. Doque site cū, wahaa wahahye. Waha, yuta dare dūhte ohō, tiquiro basi wamūare tu suha, uhpu cjū sa, yariaa wahahye.

<sup>6</sup> Sa ye pahia pūhtoa niñeru cjoerire ne, ohō saha niahye:

—Ahri niñerure Cohācjū wūhū cjā acaropū niñeru ihbori acaropū mari cū masiedaja. Ahri niñeru mehnata masūnore wejē dutiri. Sa ye mari ye dutiye marine sa ijiye niñerure ihbo dutierare, niahye tiquina basi.

<sup>7</sup> Tiquina sa nidi bato “Ohō saha yeihna”, tiquina ni yahuri bato dihi suturire yeriquiro ya yehpare dūahye. Ti cjoeri mehna dūahye. Ape sie cjēna tiquina wihi tiquina yariagū tiquina yati yehpa ijia-tore ti yehpare dūahye. <sup>8</sup> Sa ye ti yehpare “Dii yehpa”, wame yeri masa. Yojopū gūhūre sata wame tire. <sup>9</sup> Ahri ijipihitiye sa wahahye Jeremia panopū “Sa waharota”, tiquiro ni ojoariro sahata. Tiquiro Cohācjū yere yahu māhtariquiro ijiahye. Ohō saha ni ojoahye tiquiro: “Treinta niñeru cjoerire plata cjoerire ‘To punota wapa yenata tiquirore usā ñeheatire’, nieta Israe masa. <sup>10</sup> Sa ye ti cjoeri mehna dihi suturire yeriquiro ya yehpare dūeta tiquina. Ohō sahata yūhūre ye dutiri Cohācjū”, ni ojoahye Jeremia panopū.

### *Pilato Jesure sinituahye (Mr 15.2-5; Lc 23.3-5; Jn 18.33-38)*

<sup>11</sup> Sa ye Pilatore tiquina ohori bato tiquiro pehe Jesure sinituahye:

—¿Potota judio masa pūhtota ijiajari māhū? ni sinituahye Jesure.

—Māhū nino sahata ijiaja, ni yūhtiahye Jesu.

<sup>12</sup> Sa ni yūhtieperota, pahia pūhtoa, būcūna gūhū tiquina tiquirore yahusāgū yūhtierahye Jesu. <sup>13</sup> Tiquiro sa yūhtieragū ihñano Pilato sinituahye:

—¿Ahri ijipihtiye mähare tiquina yahusārire tūhoerajari mähü? ni sinituahye tiquiro Jesure.

<sup>14</sup> Tiquiro sa ni sinituepegūta Jesu ne mehenogā yāhtierahye. Tiquiro sa yāhtieragū ihñano Pilato ne dāhse ni masiedahye.

*Jesure wejē dutiahye*

*(Mr 15.6-20; Lc 23.13-25; Jn 18.38-19.16)*

<sup>15</sup> Cāhmaripe pascua ijigū masa yaquiro ijiatiquirore ihcāquiro peresupū ijiriquirore Pilato sa wio basaducue tiahye. <sup>16</sup> Ti pjere Barrabá wame tiriquiro peresupū ijiahye. Tiquirore masiahye masa. <sup>17</sup> Sa yero tiquina cahmecoagū Pilato pehe sinituahye tiquinare:

—¿Diquiro pehere masare wio basaboagari yāhü? ¿O Barrabá pehere o Jesure Cristo tiquina nidiquirore wio basaboagari yāhü? ni sinituahye tiquiro.

<sup>18</sup> Jesure masa cahīgū ihñañe judio masa mari pāhtoa tiquirore ihña tuhtiahye. Sa ihña tuhtiye tiquirore ohoahye Pilatore. Sa yero masa tiquina cahīdi buhiri tiquina ihña tuhtirire masino Pilato Jesure wio duamahye.

<sup>19</sup> Sa ye Pilato masare ñañe yeyequinare tiquiro beseri pahtapū dūjigū tiquiro namono tiquirore quitī ohoahye: “Mia ñamine Jesure quehēgo, tutuaro ñano yāhdūhū. Sa yegū tiquirore ñañe marieniquirore ne sijoro saha yeracāhña mähü”, ni yahudoqueoahye tiquiro namono Pilatore.

<sup>20</sup> Sa ye coā waropūre pahia pāhtoa, būcūna gūhū masare ohō saha ni duti tuhasahye. “Barrabá pehere wio duti, Jesu pehere wejē dutiya”, ni dutiahye masare.

<sup>21</sup> Sa yero Pilato masare sinituahye:

—¿Ahriquina pūarore diquiro pehere masare wio basaboagari yāhü? ni sinituahye.

—Barrabá pehere wio basaya usāre, ni yāhtiahye.

<sup>22</sup> —¿Ahriquiro Jesu Cristo tiquina nidiquiro pehere dāhse yeitari yāhü, masa sa ni sañuducugū? ni sinituahye tiquiro.

—Curusapū quē biha wejēña tiquirore, ni yāhtiahye masa ijipihtiyequina.

<sup>23</sup> —¿Yabe borore ñañene yeari ahriquiro, masa sa nigū? niahye tiquiro.

Tiquiro sa nigū tūhoye tiquina tutuaro mehna sañuducuahye:

—Curusapū quē biha wejēña tiquirore, ni sañuducuahye masa tiquirore.

<sup>24</sup> Tiquina sa ni sañuducugū tūhoro, tiquirore tiquina tūho dueragū ihñano “Masa usua, cahmequeboaga”, nino, yāhtiro ohō saha yeahye Pilato. Masa tiquina ihñonopū tiquiro omo coseahye. Sa omo cosero ohō saha niahye.

—Ahriquirore wejēdi buhiri yee buhiri ijierare. Masa ye buhiri ijire, nino omo coseahye.

<sup>25</sup> Tiquiro sa nigū tūhoye ijipihtiyequina masa ohō saha niahye.

—Ahriquirore wejēdi buhiri usā, usā pohna gūhū usā ye buhiri ijiahro, niahye masa.

<sup>26</sup> Tiquina sa nigū tūhoro Pilato Barrabáre peresupū ijiriquirore wio dutiahye masa tiquina cahmeniquirore. Sa ye tuhasa Jesu pehere yuta dari mehna tana duti, tiquirore curusapū wejē dutiro ohoahye surarare.

<sup>27</sup> Tiquiro sa ohogū Pilato ya wūhūpū tiquiro yequina surara Jesure neñe esahye. Sa ye tiquina surara ijipihtiyequina Jesu cahapū cahmecoahye. <sup>28</sup> Sa ye tiquiro suhtire tu we ne, pāhtoro ya suhtiro saha bajuri suhtirore tiquirore sāahye.

<sup>29</sup> Sa sāa tuhasa, pota behtore ye tuhasa, tiquiro dapu bui duhu peoahye. Sa duhu peo tuhasa, yucūgūre poto pehe dahra suhahye. Dahra suha tuhasa, dūsepe curi mehna quehe sa, būjūpeahye tiquirore.

—Quehnoano ahtaya. Judio masa pāhto, quehnoano ahtaya, ni būjūpeahye tiquirore.

<sup>30</sup> Sa nieta tiquirore sihco puti ohō, tiquina dahra suhadūre tiquirore tūā we ne, tiquiro dapure quēahye tū mehnata.

<sup>31</sup> Tiquina sa būjūperi bato tiquina sāari suhtirore tu we ne, tiquiro ye suhti pehere sāahye tja. Sāa tuhasa, curusapū wejēñe tehe, tiquirore ne wijiahye.

*Tiquina Jesure curusapū quē biha, wejēahye*

*(Mr 15.21-32; Lc 23.26-43; Jn 19.17-27)*

<sup>32</sup> Tiquirore ne cã, Simo wame tiriquireore Cirene cjãnore piti ca, tiquirore Jesu wãari curusare wãa cã dutiri.

<sup>33</sup> Wãa cã Gólgota wame tiropã esari. “Gólgota”, nino “Dapu pehtoro”, nino nine.

<sup>34</sup> Sa ye vinore sæñe co mehna tiquina moreñe core Jesure ohomedi. Ti acore sihni tuhu, sihniedari tiquiro.

<sup>35</sup> Sa ye Jesu ye suhtire tiquina tu we nedi bato tiquirore curusapã quẽ bihari tiquina. Sa quẽ biha tuhasa, tiquiro ye suhtire “¿Noa yaro ijirotari ohõ?” ni, cahme doqueperi, ni ojoahye panopã. <sup>36</sup> Doquepe tuhasa tiquirore ihña dujiducuri tiquina.

<sup>37</sup> Tiquiro dapu bui curusapã ohõ saha ni ojoari pjñe duhu ohõri tiquina tiquiro ñañe buhirire yahu duaye. “AHRIQUIRO JESU JUDIO MASA PÛHTORO IJIRE”, ni ojoari tiquina ti pjñe.

<sup>38</sup> Came pãaro yaque bũcũnare Jesu cahapã apeye curusaripã quẽ biha docori tiquina. Ihcãquiro tiquiro poto pehe, apequiro tiquiro cũ pehe pehe quẽ biha docori tiquina. <sup>39</sup> Curusari cahapã yãhdũ cãñequina Jesure ihña, tiquina dapu pacare yure, tiquirore ñano yahuducuri:

<sup>40</sup> —¿Cohãcjũ wãhãre cohã, ihtia deco wahaboro pari turi ti wãhãre dahreborigũ iji-ajari mãhã? Cohãcjũ macã ijigã mãhã basi dijia taya. Sa yegã mãhã basi yedohoya, nidi masa.

<sup>41</sup> Sata ni bũjũperi tiquirore. Pahia pãhtoa gãhã, marine judio masare buheyequina gãhã, bũcũna gãhã tiquirore sa ni bũjũperi.

<sup>42</sup> —Tiquiro apequinare yãhdũoriquiro ijiro tiquiro basi gãhã yãhdũoahro. “Israe masa pãhto ijiaja”, nimene tiquiro. Sa yena tiquiro basi dijia tagũ ihñana tiquirore wacũ tutuanata. <sup>43</sup> Tiquiro pehe Cohãcjũre wacũ tutuamene. Sa yero “Cohãcjũ macã ijiaja”, nimene tiquiro. Tiquiro sa ijigã Cohãcjũ pehe tiquirore yedohoahro, ni bũjũperi tiquina.

<sup>44</sup> Yaque bũcũna tiquiro cahapã tiquina quẽ bihanohriquina sata tiquirore bũjũpe, ñano yahuducuri tiquina gãhã.

*Jesu yariaa wahahye*

*(Mr 15.33-41; Lc 23.44-49; Jn 19.28-30; He 6.19-20; 10.19-20)*

<sup>45</sup> Sa ye coheri pje ijigã ihtia hora waro ijiptiropã nahitiano ijiri. <sup>46</sup> Sa yero ti pjere nahitia yãhdũgã waro Jesu tutuaro sañuducuri:

—¿Elí, Elí lema sabactani? nidi tiquiro. Sa nino ohõ saha nino niahye: “¿Yãhã Pacã, yãhã Pacã, dãhsegã yãhãre cohãjari mãhã?” nino nidi.

<sup>47</sup> Tiquiro sa nigã tãhoye ihquẽquina topã ducuyequina ohõ saha nimedi:

—Cohãcjũ yere yahu mãhtariquireore Eliare pijioro niboaga, nimedi tiquina.

<sup>48</sup> Sa yero ihcãquiro tiquina mehna cjãno oma cã, aco ihmini sahte mehna vino sæñe core soha tuhasa, yucũgã sohtoapã dãhte ohõ, Jesu cahapã esa, tiquirore sihõmedi. <sup>49</sup> Tiquiro sa yegã ihñañe apequina sihõriquireore ohõ saha nidi:

—Cohteniña. Elia ahriquireore tiquiro yãhdũogũ ihñãhna mari, nidi apequina.

<sup>50</sup> Tiquina sa nidi bato pari turi sañuducu, Jesu pehe yariaa wahari. <sup>51</sup> Tiquiro yariagãta Cohãcjũ wãhã cjã suhtiro cahsero, topã tiquina cahmotari cahsero deco tãhã maa dijia, cjũ saa wahahye. Sa yero yehpa gãhã ñũhmidi. Sa ñũhmigũ utã paca bũjũye paca wahtia wahari. <sup>52</sup> Sa ye masa coperi parĩgã, peyequina Cohãcjũ yequina mãna panopã yariariquina mãna masa wijiahye. <sup>53</sup> Masa wijia, Jesu masa wijari bato ti coperire cohã cã, quehnoari macapã Jerusalẽpã wahari tiquina. Topã tiquina wahagã peyequina masa ihñahye tiquinare.

<sup>54</sup> Sa ye ti ijiptiyere ihñañe, yehpa ñũhmigũ ihñañe, surara pãhtoro tiquiro yequina surara mehna ihña maria wahari. Tiquina Jesure curusapã ijiquireore cohteyequina ijiri. Ihña maria waha, ohõ saha nidi:

—Ijirota ijire. Ahriquiro Cohãcjũ macãnota ijimeya, nidi tiquina.

<sup>55</sup> Sa ye Galileapã Jesu mehna ahtariquina numia tiquirore yedohoriquina numia yoaropã tiquirore curusapã ijiquireore ihñaducuye nidi.

<sup>56</sup> Tiquina numia mehna María Magdalena ijiri. Apecoro María wame tiricoro gãhã ijiri. Ticoro pehe Santiago, José gãhã pacoro ijiri. Apecoro Zebedeo namono ijiri.

*Jesu pagure masa copepũ cũahye José  
(Mr 15.42-47; Lc 23.50-56; Jn 19.38-42)*

<sup>57</sup> Sa ye ñamicahapũ José Arimatea cjũno doeri cjẽ upũro topũ wihiahye. Tiquiro Jesu buheriquiro ijiri. <sup>58</sup> Wihi, Pilato cahapũ esa, Jesu pagure siniahye. Tiquiro sa sinigũ tũhoro Jesu pagure tiquirore oho dutiahye Pilato. <sup>59</sup> Tiquiro sa dutiri bato José pehe tiquiro pagure ne dijio, quehnoari suhtiro wete marieni suhtiro mehna tiquiro pagure wahmeahye. <sup>60</sup> Wahme tuhasa, José tiquiro ya masa copepũ cũahye Jesu pagure. Ti cope tiquina utãpũ seheri cope wahma cope ijiri. Ti copepũ ne sajã duhu cũ tuhasa, pajiria utãre tu torẽ cãhye tia mehna biharo taro. Biha tuhasa, wahaa wahahye. <sup>61</sup> Sa ye María Magdalena, apecoro María mehna ti copere ihña dujiducuahye.

*Jesure tiquina cũri copere surara cohteahye*

<sup>62</sup> Sa ye ape deco, pascua ijiatire tiquina quehnoari deco bato, saurũ ijigũ pahia pũhtoa, fariseo masa gũhũ Pilato cahapũ cahmecoahye. <sup>63</sup> Cahmeco tuhasa ohõ saha niahye tiquina Pilatore:

—Pũhto, tiquiro ni mehoriquiro Jesu catiro ohõ saha niahye: “Ihtia deco wahaboro masa wijiagũtja yũhũ”, niahye tiquiro. <sup>64</sup> Tiquiro sa nidiquiro ijigũ tiquiro buheyequina pehe tiquiro pagure yaqueboaga. Sa yaqueye masare ohõ saha niboaga: “Jesu masa wijiari”, niboaga tiquina. Tiquiro Jesu pehe masare ni mehono nidi. Sa ijiepegũta tiquiro buheyequina pehe “Tiquiro masa wijiari”, niñe, ni mehoñe nieta. Sa yero Jesu tiquiro ni mehoriro yũhũoro tiquina ye ni mehoñe pehe ña yũhũarota. “Sa yaqueari”, nigũ ihtia deco waro tiquiro masa copere mũhũ yequina surarare cohte dutiya, niahye tiquina Pilatore.

<sup>65</sup> Pilato yũhtiahye:

—Aũ. Ti copere cohteahro. Sa yena mũsa gũhũ mũsa ye masino puno ti copere quehnoano cohteya, niahye tiquiro tiquinare.

<sup>66</sup> Tiquiro sa nigũ tiquina waha, ti copere biharia utã mehnapũta ñehogũpũta wihtã ñeheahye masa tiquina sajãgũ ihña masiñe

tehe. Sa ye surarare ti copere cohte dutiahye.

## 28

*Jesu masa wijiahye  
(Mr 16.1-8; Lc 24.1-12; Jn 20.1-10)*

<sup>1</sup> Sa ye judio masa mari sori deco saurũ pehe yũhdugũ domingo ijigũ ñami cjũnogã ijigũ María Magdalena apecoro María mehna Jesu masa copere ihñañe wahahye. <sup>2</sup> Sa yero duita yehpa tutuaro ñuhmiahye. Sa ñuhmigũ mari pũhtoro tiquiro yaquiro angel uhmũsepũ ijiriquiro dijia ta, masa copere biharia utãre tu torẽ cã, tia bui dujiahye. <sup>3</sup> Upo miadoqueoro yero saha quehnoano asi siteahye tiquiro. Sa ye tiquiro suhti ehmeo curua yero saha quehnoano yehseye suhti ijiahye. <sup>4</sup> Tiquiro sa bajuagũ ti copere cohteyequina surara cue yũhdũye, nanare yũhdũa waha, buigã warona yaria yũhdũa wahahye. <sup>5</sup> Sa yero angel pehe tiquina numiare ohõ saha niahye:

—Yũhũre cueracãhña. Curusapũ tiquina quẽ bihariquiro, Jesure mũsa macagũ masiaja yũhũ. <sup>6</sup> Tiquiro yojopũre ohõre mariedare. Tiquiro nidiro sahata masa wijiãa wahari. Tiquiro pagure tiquina cũrĩrore ihñana ahtaya. <sup>7</sup> Sa yena tiquiro buheyequina cahapũ umũñano waha, ohõ saha ni yahuna wahaya: “Jesu masa wijiari. Sa yero mũsa pano Galileapũ tiquiro wahayurota. Topũ tiquirore ihñanata mũsa”, ni yahuna wahaya mũsa. Ahrita ijire mũsare yũhũ yahuri quitu, niahye angel tiquina numiare.

<sup>8</sup> Tiquiro sa nidi bato tiquina numia masa copepũ ijiye numia sojaro mehna wijiã, tiquirore cuepeta bucue yũhdũye mehna Jesu buheyequinare yahuye oma cãa wahahye. <sup>9</sup> Sa wahayequina numiare Jesu piti ca, ohõ saha niahye:

—¿Quehnoano ijiajari mũsa? niahye tiquiro.

Tiquiro sa nidi bato, tiquina pehe tiquiro cahapũ esa, dahpocãrine ñehe, tiquirore ño peoahye.

<sup>10</sup> —Cueracãhña mũsa. Yũhũ bahanare “Galileapũ wahaya”, ni yahuna wahaya.

Topu yuhare ihñaeta tiquina, niahye Jesu tiquinare.

*Masa copere cohteyequina surara tiquina ihñarire yahuahye*

<sup>11</sup> Tiquiro sa nidi bato numia wahari watoa ihquēquina masa copere cohteriquina mehna cǵēna surara, Jerusalēpu pahia puhtoare ijipihtiyere yahu pehoye wahahye. Jesu tiquiro masa copere wijiari yahu peho cāhye. <sup>12</sup> Tiquina sa ni yahugū pahia puhto, judio masa mari bucuna mehna cahmecoahye. Cahmeco, yahuducuahye. Sa yeye surarare ni meho dutiye niñerure wapa yeahye.

<sup>13</sup> —Ohō saha niña masa masare: “Ñami usā carīdi bato tiquiro buheyequina pehe masa copere wihi, tiquiro pagure ne cāri jiri”, ni yahuya masare. <sup>14</sup> Masa sa ni yahugū Pilato pehe masa carī yuhdarire tuhoboaga. Tiquiro sa tuhogū, “Mūsare tuhtari”, nina, mūsare yahu basanata usā tiquirore, niahye tiquina surarare.

<sup>15</sup> Tiquina sa nidi bato surara pehe niñerure ñehe, tiquinare tiquina ni meho dutiro sahata masare yahuye wahahye. Sa ye tiquina ni mehoriro sahata Jesu tiquiro masa copere wijiari yahuducuri judio masa. Yojopu gūhare sata nine tiquina.

*Jesu tiquiro yere buhe dutiro ohoahye tiquiro buheyequinare*

*(Mr 16.14-18; Lc 24.36-49; Jn 20.19-23)*

<sup>16</sup> Sa ye usā Jesu buhena once buhena cunpu Galileapu ijidpu Jesu tiquiro waha dutidpu waha usā. <sup>17</sup> Topu esa, Jesure ihñana, ño peou usā tiquirore. Sa ño peopenata, usā ihquēquina “Ahriqui Cohācjū macno ijieraboaga”, ni tuhotumi. <sup>18</sup> Usā sa ño peogū tiquiro pehe usā cahapu wihi, ohō saha nidi:

—Ahri yehpare, uhmusepu gūhare Cohācjū ijipihtiyequina bui tutuayere ohori yuhare. <sup>19</sup> Tiquiro sa ohogū ohō saha dutiaja mūsare: Ijipihitiro cǵenare yeere buhena wahaya. Yeequina tiquina wahatire buhena wahaya. Sa yena mari Pacu wame mehna, yuhu wame mehna, Espiritu Santo wame mehna tiquinare wame yeya.

<sup>20</sup> Sa yena mūsare yuhu dutirire tiquina ye pehoatire buheya tiquinare masa. Sa

yena ahrire yuhu niatire wacūña: Ijipihtiyere decori ahri yehpa ijiro puno masa mehna sa ijiducugutja. Masa mehna yuhu sa ijiducuatire wacūña masa, ni yahuri usāre Jesu.



## San Marcos

*Ñu wame yeriquiro buhe dꞩcahye*  
(Mt 3.1-12; Lc 3.1-9, 15-17; Jn 1.19-28)

<sup>1</sup> Ahri pūrꞩ Jesucristo Cohācjū macꞩno tiquiro yerire quehnoañe buheyere yahu dꞩcaja. <sup>2</sup> Cohācjū yere yahu mahtariquiro manano Isaia tiquiro ojoariro sahata yahuye ijire. Ohō saha ni ojoahye tiquiro: Cohācjū tiquiro macꞩnore ohō saha ni-ahye: “Mꞩhꞩ pano mꞩhꞩre yahuyu-atiquirore ohoyugꞩ niaja. <sup>3</sup> Sa yero tiquiro masa marienopꞩ waharota. Tiquirore tꞩhoyequinare yahuro sañuducurota: ‘Mari pꞩhtoro tiquiro ahtato pano mahare mari quehnoyuro saha quehnoana ijiyuya mꞩsa. Mꞩsa ñañe yerire bujꞩa witiya,’ ni sañuducurota,” ni-ahye Cohācjū, ni ojoahye Isaia.

<sup>4</sup> Ñu wame yeriquiro masa marienopꞩ buhee tiahye.

—Mꞩsa ñañe yerire bujꞩa witiya. Yo-  
jopꞩre quehnoañe pehere comesaya. Sa  
yena wame yenohrina ijiya. Mꞩsa sa  
comesagū ihñano Cohācjū mꞩsa ñañe yerire  
borota, ni buhee tiahye tiquiro.

<sup>5</sup> Sa yero ijipihtiyequina Judea dihta  
cjē macari cjēna Jerusalē cjēna mehna  
tiquiro cahapꞩ esagū ihñañe Ñu pehe Jordā  
wame tiri mapꞩ wame yeahye tiquinare.  
Tiquinare tiquiro wame yegū tiquina  
pehe tiquina ñañe yerire yahu yꞩhdꞩahye  
Cohācjūre.

<sup>6</sup> Sa yero Ñu camello poari suhtirore  
sañariquiro wahiquina cahsero mehna tꞩā  
dihoriquiro ijiahye. Poreroare, umiquina  
nꞩcꞩ cjēna umine ihyae tiahye. <sup>7</sup> Sa yero  
ohō saha ni buhee tiahye.

—Yꞩhꞩ bato yꞩhꞩ yꞩhdꞩoro tutuariquiro  
ahtarota. Quehnoa yꞩhdꞩariquiro ijire  
tiquiro. Tiquiro yero saha ijieraja yꞩhꞩ  
pehe. Sa yegꞩ tiquirore tꞩhotugꞩ, “Ihyo  
ijigꞩ ijiaja yꞩhꞩ”, ni tꞩhotuaja yꞩhꞩ.

<sup>8</sup> Mꞩsare wame yegꞩ aco mehna wame  
yei. Tiquiro pehe yꞩhꞩ yꞩhdꞩoro yerota.  
Espíritu Santore masa mehna ijiducugū  
yerota, ni buhee tiahye Ñu.

*Ñu Jesure wame yeahye*  
(Mt 3.13-17; Lc 3.21-22)

<sup>9</sup> Sa ye ti pjere Jesu Nazarepꞩ Galilea yeh-  
papꞩ ijiri macapꞩ ijiriquiro Jordā wame  
tiri mapꞩ esahye. Topꞩ tiquiro esagū Ñu  
wame yeahye tiquirore. <sup>10</sup> Tiquiro wame  
ye tuhasagū Jesu diapꞩ ijiriquiro maja  
sadꞩca ꞩhmꞩanopꞩ ihñā mꞩoahye. ꞩhmꞩse  
parī maa wahahye. To parī maagūta  
Espíritu bujua yero saha Jesu bui dijia  
tahye. <sup>11</sup> Sa yero ꞩhmꞩsepꞩ yahuducuro ca  
tahye:

—Mꞩhꞩ yꞩhꞩ macꞩ yꞩhꞩ cahīgꞩ ijire.  
Mꞩhꞩ mehna tutuaro bucueaja, nino ca  
tahye ꞩhmꞩsepꞩ.

*Satana ñañene ye dutimahye Jesure*  
(Mt 4.1-11; Lc 4.1-13)

<sup>12</sup> Ti pjere Jesure masa marienopꞩ  
Espíritu Santo neahye. <sup>13</sup> Topꞩre esaro  
cuarenta decori waro ijiahye. Watīno pehe  
Jesu tiquiro ñañene yegū ihñā duaro ñañene  
ye dutimahye tiquirore. Sa yero Jesu  
wahiquina nꞩcꞩ cjēna mehna ijiahye. Topꞩ  
tiquiro ijigū ihñañe angele pehe tiquirore  
yedohoahye.

*Jesu Galilea yehpapꞩ buhe dꞩcahye*  
(Mt 4.12-17; Lc 4.14-15)

<sup>14</sup> Sa ye Ñure peresupꞩ tiquina biha  
dapori bato Jesu pehe Galilea yehpapꞩ  
quehnoañe buheyere Cohācjū pꞩhtoro  
ijiyere yahuro wahahye. <sup>15</sup> Ohō saha ni  
yahuahye:

—Yojopꞩre ohō saha ijire. Cohācjū  
tiquiro pꞩhtoro ijiato mehenogā dꞩhsare.  
Mꞩsa ñañe yerire bujꞩa witiya. Sa yena  
quehnoañene comesaya. Quehnoañe  
buheyere tꞩhoya mꞩsa, ni buhee tiahye  
Jesu.

*Jesu pititiaro wahi yohyeyequinare*  
“Yꞩhꞩ mehna cjāna ijiana ahtaya”, niahye  
(Mt 4.18-22; Lc 5.1-11)

<sup>16</sup> Tire yahu tuhasaro Galilea wame tiri  
ditara dꞩhtꞩ cahapꞩ esaro, ihñahye Simore,  
tiquiro bahꞩro Andre mehna. Tiquina  
wahi yohyeyequina ijiahye. Sa ye tiquina  
wēñecjꞩre doque ñoñe niahye ti ditarapꞩ.

<sup>17</sup> —Yꞩhꞩ mehna cjāna ijiana ahtaya  
mꞩsa. Yꞩhꞩ mehna mꞩsa ahtagū mꞩsa  
wahire ñehe cahmecoana mꞩsa ijiro saha

Cohãcjũ yequina ijatiquinare masare piji cahmecoana ijigũ yeitja m̄sare. Yũhũ mehna m̄sa ahtagũ sa yeanaajare cõtja m̄sare, niahye Jesu.

18 Tiquiro sa nigũ tũhoye tiquina wẽñecjũre cũ cã, tiquiro mehna wahahye.

19 Sa ye tiquina mehenogã yũhdũ cã, Santiagore, tiquiro bah̄ro Ñũ gũh̄re boca sahye tja. Tiquina pehe Zebedeo pohne ijiahye. Tiquina yaria yuc̄sapũ wẽñecjũre quehnoñe niahye. 20 Sa yero tiquiro pijioğũ tiquina pehe tiquina pac̄rore, tiquirore yedohoyequina mehna yuc̄sapũ cũ cã, Jesu mehna wahahye.

*Watĩare c̄oriquiro Jesure piti cahye  
(Lc 4.31-37)*

21 Sa ye tiquina Capernau wame tiri macapũ esahye. Sa yero saurũ ijigũ judio masa buheri wũhũpũ buhero esahye tiquiro. 22 Sa yero tiquiro quehnoano masi pehoriquiro buhero usã judio masare buheyequina yero saha ijierahye tiquiro. Tiquiro sa buhegũ ti maca cjẽna tũho maria wahahye. 23 Ti pjere ti wũhũpũ ijiriquiro watĩare c̄oriquiro ijiahye. Sa yero ohõ saha niahye Jesure:

24 —Mũhũ Jesu Nazare cjũ cariboeracãhña usãre. ¿Dũhse yei tũũ niajari usãre? ¿Mũhũ usãre butigũ yei tũũ niajari? Cohãcjũ macũ quehnoagũ mũhũ ijigũ yũhũ masiaja, ni sañuducuahye tiquiro Jesure.

25 Tiquiro sa nigũ tũhoro Jesu tuhtiahye watĩare:

—Dihta mariahña. Duhuya tiquirore, niahye Jesu.

26 Sa yeye watĩa tiquirore yehpapũ doque quehe sa tunugũ yeye, tiquiro tutuaro sañuducuri watoa duhuahye tiquirore.

27 Sa ye ijipihtiyequina ti wũhũpũ dujiyequina acũa yũhdũa waha, ohõ saha niahye:

—Ahyou. ¿Ahri wahma buheye ijiajari? Tiquiro pũhoro yero saha dutire watĩare. Tiquiro dutigũ tiquina watĩa pehe yũhdũdũcaerare tiquirore, ni yahuducuahye ti wũhũpũ dujiyequina tiquina basi.

28 Sa ye meheñe decori batota duita ijipihtiyequina Galilea yehpa cjẽna tire tiquiro sa yerire tũhoahye.

*Jesu Simo Pedro mareonore duti yũhdũgũ  
yeahye*

*(Mt 8.14-15; Lc 4.38-39)*

29 Sa ye Jesu gũhũ judio masa buheri wũhũpũ ijiriquina wijiaa wahahye. Tiquina sa wijiari bato Jesu, Santiago, Ñũ, apequina tiquina mehna cjẽna gũh̄re, Simo, tiquiro bah̄ro Andre mehna tiquina ya wũhũpũ siho sajã sahye. 30 Ti pjere Simo mareono ujuaye dohatiricoro cuñano bui ticoro cuñagũ ihñañe yahuahye Jesure. 31 Tiquina sa ni yahugũ tũhoro tiquiro pehe ticoro cahapũ esaro, ticoro omocare ñehe, ticorore weje wahcõ dapoahye. Tiquiro sa weje wahcõ dapogũta ticorore ujuaye surua wahahye. Ti sa sururi bato ticorota ihyayere peoahye.

*Jesu peyequina dohatiyequinare  
yũhdũoahye*

*(Mt 8.16-17; Lc 4.40-41)*

32 Ñamicahapũ asũ sajãri bato masa peyequina dohatiyequinare, watĩa c̄oyequinare Jesu cahapũ ne sahye. 33 Sa ye ijipihtiyequina ti maca cjẽna cahmecoa dũca sahye ti wũhũ sopecahapũ. 34 Sa yero Jesu peyequina dohatiyequinare, peyequina watĩa c̄oyequinare quehnoa wahagũ yeahye. Peyequina watĩare cohãhye. Sa yero Jesure watĩa tiquirore masigũ ihñaño Jesu pehe tiquinare yahuducu dutierahye.

*Jesu buhe tinino wahahye*

*(Lc 4.42-44)*

35 Sa ye ñami cjũno wahcã, nahitia cjũgũ masa marienopũ Cohãcjũre sinino wahahye Jesu. 36 Tiquiro sa wahagũ ihñañe Simo gũhũ tiquirore macañe esahye. 37 Sa ye tiquirore piti caye, ohõ saha niahye:

—Masa ijipihtiyequina mũh̄re macañe nidi, niahye tiquina.

38 Tiquina sa nigũ tũhoro ohõ saha niahye Jesu:

—Ahri macarine buhegũ ahtaũ yũhũ. Sa yena apeye macari ohõ cahagã cjẽ macaripũ wahaũhna mari. Yũhũ ti macari gũh̄re buheitja, niahye Jesu tiquinare.

39 Sa yero ijipihtiye Galilea yehpare buhe tiniahye. Sa yero macaripe judio

masa buheye wuhusepu buhero, watfare masa mehna ijiyequinare cohã wioahye.

*Jesu cami bucu muna wihirore yuhduoahye (Mt 8.1-4; Lc 5.12-16)*

<sup>40</sup> Sa ye apequiro dohatiriquiro cami bucu muna wihiro Jesure piti caro dusepe curi mehna quehe sa siniahye:

—Muhu yuhare yuhduo duagu yuhduoya, niahye cami bucu muna wihiro.

<sup>41</sup> Tiquiro sa nigã tũhoro Jesu tiquirore paja ihñahye. Sa yero tiquiro omocare siõdoqueo tiquirore ña peoahye. Sa ña peoro ohõ saha niahye:

—Tire ye duaja. Quehnoagu ijiya muhu, niahye Jesu.

<sup>42</sup> Tiquiro sa nigãta tiquiro cami ahbari yati maa wahahye. Quehnoa wahahye tiquiro. <sup>43</sup> Tiquiro sa wahagũ ihñano Jesu tiquirore tutuaro mehna yuahahye:

<sup>44</sup>—Apequinare ahrire yahu siteracãhña. Sa yahuerapegãta muhu pagure pahire ihñoña. Cohãcjũ dutiye Moiserere tiquiro cũriro sahata yeya. Sa yegu minicjũare ohoya pahire muhu quehnoagu muhu waharire masare muhu ihñoatire, niahye Jesu. Sa ni tuhasa “Wahaya”, niahye tiquirore.

<sup>45</sup> Tiquiro sa yahu dutierapegãta tiquiro waha, ijipihtiye macari cjẽnare Jesu yerire yuahahye. Tiquiro sa yahuri bato Jesu masa peyequina ijiropure waha masiedahye. Sa yero tiquiro meheñequinagã ijiropu ijiyahye. Topu tiquiro ijigũ peye macari cjẽna tiquiro cahapu esahye.

## 2

*Jesu tini masieniquirore tinigũ yeahye (Mt 9.1-8; Lc 5.17-26)*

<sup>1</sup> Meheñe decori bato Jesu Capernaupu tojoa wahahye. Wuhupũ tiquiro ijigũ masa tũhoahye. <sup>2</sup> Sa ye topu masa peyequina cahmecoã, ti wuhare wahpa wijiadũca saa wahahye. Sa yero Jesu tiquinare quehnoañe buheyere yuahahye. <sup>3</sup> Sa ye apequina gũhu ahta, pititiaro umuãa tini masieniquirore ne wihiahye. <sup>4</sup> Tiquina masa peyequina ijigũ ihñañe Jesu cahapu sajã masiedahye. Sa ye tiquina wuhũ buipũ muji pahmare ne wedoqueo, Jesu bui waro meheni copegã dahre, tini

masieniquirore tiquiro cuñari cahsero mehna duhu dijioahye Jesu caha waro. “Jesu ahriquirero tiquiro dohatiyere yuhdugũ yerota”, ni tũhotuahye tiquina.

<sup>5</sup> Tiquina sa ni tũhotugũ masino Jesu pehe dohatiriquirore ohõ saha ni yuahahye:

—Yuhu macu, muhu ñañe yerire cohã tuhasau, niahye Jesu tini masieniquirore.

<sup>6</sup> Tiquiro sa nigã tũhoye, usã acaye judio masare buheyequina topure dujiyequina tiquina basi ohõ saha ni tũhotumahye:

<sup>7</sup> “Ahriquirero sa ni yahuducueracãhdo. Cohãcjũre ñano yahuducuro nine tiquiro. Masano mari yero saha ijiquirero ijire tiquiro gũhu. Sa yero tiquiro ahriquirero ñañe yerire cohã masiedare. Cohãcjũ dihita masa tiquina ñañe yerire cohã masine”, ni tũhotumahye tiquina. <sup>8</sup> Tiquina sa ni tũhotugũ ihñano Jesu tiquina tũhotuyere masino ohõ saha niahye:

—¿Dũhse yena musa sa ni tũhotuajari?

<sup>9</sup> “Muhu ñañe yerire cohã tuhasaja”, yuhu nigã, “Ni mehogu ijire”, yuhare nina nine musa masiedapenata. Tiquiro tini masieniquirore “Wahcãdũca, wahaya”, yuhu nigã, tiquiro tinigũ ihñana yuhu nidi potota ijigũ duita masinata musa. <sup>10</sup> Yuhu masu Cohãcjũ ohorigu ahri yehpapure masa tiquina ñañe yerire cohã masiaja yuhu. Yuhu sa cohãrire musa masiato saha ohõ saha tiquiro wahagũ yeitja, niahye Jesu judio masare buheyequinare.

Sa ni tuhasa tini masieniquirore ohõ saha niahye:

<sup>11</sup>—Muhare niita niaja. Wahcãdũcaya. Muhu cuñari cahserore ne cãhña muhu ya wuhupũ, niahye Jesu tiquirore.

<sup>12</sup> Tiquiro sa nigãta tini masieniquirore wahcãdũca sa, tiquiro cuñari cahserore ne, ijipihtiyequina tiquina ihñoño wijiãa wahahye. Tiquiro sa yegũ ihñañe tiquina ijipihtiyequina ihña acũaa wahahye. “Cohãcjũ tutuariquiro ijire. Ne mari ohõ saha yegãre ihñeda tii”, niahye tiquina basi.

*Jesu Levire “Yuhu mehna cjũ ijiacjũ ah-taya”, niahye*

*(Mt 9.9-13; Lc 5.27-32)*

<sup>13</sup> Sa ye pari turi Jesu ditara dũhtu cahapu wahahye. Sa yero masa peyequina tiquiro cahapu tiquina cahmecoagũ ihñano tiquiro

buheahye tiquinare. <sup>14</sup> Sa ye tuhasa topu ijiriquiro waharo Levíre Alfeo macunore tiquiro dahrari tucūpu boca sahye. Apequina mehna puhtoia ye ijiatire wapa ne cohteyequina ijiahye Leví gūhu. Tiquirore boca saro ohō saha niahye:

—Yūhu mehna cjū ijiacju ahtaya māhu, niahye Jesu Levíre.

Tiquiro sa nigū Leví pehe wahcāduca sa, Jesu mehna wahahye.

<sup>15</sup> Jesu mehna wahayequina peyequina ijiahye. Sa yero Leví ya wūhupu mesa cahapu peyequina wapa ne cohteyequina mehna, “Ñano yeyequina”, tiquina niñequina mehna tiquiro buheyequina mehna dujiahye Jesu. <sup>16</sup> Topu tiquina dujiri bato apequina usā judío masare buheyequina, fariseo masa mehna Jesu tiquiro ihyagū ihñahye tiquina. Sa ihñañe ohō saha niahye:

—¿Dūhsero ñano yeyequina, wapa ne cohteyequina mehna ihyajari Jesu? ni sinituahye judío masare buheyequina Jesu buheyequinare.

<sup>17</sup> Tiquina sa nigū tūhoro queoye mehna yūhtiahye Jesu:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire. Sa yegū ñañequina dihitare tiquina ñañe yerire bujua witi duti, quehnoañe pehere tiquinare comesagū yegū tagū nii yūhu. Tiquina basi “Quehnoana ijiaja usā”, ni tūhotuyequinare yedohogū tagū niedu yūhu, niahye tiquiro tiquinare.

*Sijiyere Jesure sinituahye apequina (Mt 9.14-17; Lc 5.33-39)*

<sup>18</sup> Ti pjere Ñu buheyequina, fariseo masa gūhu Cohācjūre ño peoye tehe, sijie tiahye. Sa ye masa Jesure sinituahye:

—Ñu buheyequina, fariseo masa buheyequina gūhu Cohācjūre ño peoye tehe sijire. ¿Dūhse ye māhu buheyequina sijierajari? niahye tiquina Jesure.

<sup>19</sup> Jesu tiquiro tūhotuye mehna queoye mehna buhero tiquinare ohō saha ni yūhtiahye:

—Ohō saha ijire ti: Omoca dūhteriquiro bose deco ijigū tiquiro mehna cjēna bujua witiro mehna ijierare. Sa ye sijiyequina

ijierare. Sata yūhu buheyequina gūhu yūhu mehna ijiye, siji masiedare. <sup>20</sup> Yūhu Pacū Cohācjū yūhure tiquiro neari bato pūritare pari turi yūhu buheyequina mehna ijisi yūhu. Sa ye ti pjepu yūhu buheyequina gūhu sijieta, niahye Jesu.

<sup>21</sup> Panopu cjē buheye mehna tiquina buhe more duagū ihñano ohō saha ni nemoahye Jesu tiquinare queoye mehna buhero.

—Ne wahma cahsero suhtiro cahsero mehna mānano suhtirore sere ohōno cahmedare. Sa yegū wahma cahsero mari coseri bato mānano suhtirore weje cahmecoa, paji yūhdūaro tūhnugū yere. (Sata māna buheye wahma buheye mehna piti dahre buheraro cahmene.) <sup>22</sup> Sa yena ne ūhse co bisiye core wahiquiro cahsero ajuropūre māna ajuropūre pose yeraro cahmene. Sa yegū ūhse co bisiye pahmuñepu māna ajurore tūhnu dijiaa wahare. Ti ajuro tūhnugū ūhse co gūhu ajuro gūhu cohāa wahare. Sa yena ūhse co wahma core wahma ajuropū pose yero cahmene. (Sata wahma buheye māna buheye mehna buhe moredaro cahmene,) ni buheahye Jesu tiquinare.

*Saurú ijigū Jesu buheyequina trigo parorire peheahye*

*(Mt 12.1-8; Lc 6.1-5)*

<sup>23</sup> Ape deco saurú ijigū Jesu gūhu trigo wesepu wahahye. Tiquiro buheyequina pehe trigo parorire pehe yūhdu cāhye. <sup>24</sup> Tiquina sa yegū ihñañe ohō saha ni tūhtiahye fariseo masa Jesure:

—Tūhorīña usāre. ¿Dūhse ye māhu buheyequina saurú mari sori deco ijiepegūta dahrajari? Mari dutiyere yūhdudūcaye nine, niahye tiquina Jesure.

<sup>25-26</sup> Tiquina sa nigū tūhoro Jesu tiquinare yūhtiahye. “Yūhu buheyequina yūhdudūcaye niedare”, nino taro ohō saha niahye:

—Davi mānano tiquiro mehna cjēna mehna ūjua ahbaro, Cohācjū wūhupu sajā, Cohācjū ye pāre ihyahye. Sa yero tiquiro mehna cjēna gūhure ti pāre ohoahye. Ti pāre pahia dihita ihyae tiahye. Cohācjū dutiye tiquina ojoari pū apequinare ti pāre ihyā dutierare. Ti pjere Abiatar wame

tiriquireo pahia pãhtoro ijiahye. ¿Davi gãhũ tire tiquina yerire Cohãcjũ yere tiquina ojoari pũre buherari m̄sa? (Ti pãre ihyaro Cohãcjũre yãhdũdũcaro niedahye. Miare ahri pjerire ihyaye yãhũ buheyequina gũhũ Cohãcjũre yãhdũdũcaye niedare,) niahye Jesu tiquinare.

<sup>27</sup> Sa ni tuhasa ohõ saha ni nemoahye:

–Sa yero Cohãcjũ saurũ decore tiquina sori deco cũno, masa ya deco cũno nidi dahra wahyariquinare so dutiro. Ti deco cahacjẽna ijiatire cũno niedari masare. <sup>28</sup> Sa yegũ yãhũ masũ Cohãcjũ ohorigũ ahri deco saurũ decore masa tiquina yeatire yahugũ ijigũ pãhto ijiaja, niahye Jesu tiquinare.

### 3

#### *Omoca bũhariquireo quti ijire (Mt 12.9-14; Lc 6.6-11)*

<sup>1</sup> Sa ye Jesu usã judio masa buheri wãhũpũ esaro, sajãhye tja. Sa yero omoca bũhariquireo gũhũ topũ ijiahye. Sa ye ti wãhũpũ ijieyequina Jesu dihitare ihñadoque ohõahye. <sup>2</sup> Saurũ ijigũ Jesu omoca bũhariquireo tiquireo yãhdũogũ ihña duahye tiquina. Tiquireo sa yegũ ihñañe tiquireo yahusã duahye. “Mari sori decore Jesu dahraro nine”, ni yahusã duahye tiquina. <sup>3</sup> Sa yero ohõ saha niahye Jesu omoca bũhariquireo:

–Wãhãdũca saya. Ohõpũ ahtaya, ni-ahye.

Sa ni tuhasa ti wãhũpũ ijieyequinare yahuahye:

<sup>4</sup> –¿Saurũ ijigũ quehnoañene yegũ quehnoaedajari? ¿O ñañe yegũ pehere quehnoajari, m̄sa tãhotugũ? Saurũ ijigũ masũnore masogũ quehnoarĩne. Masũnore wejẽgũ pehere quehnoaedare, ni yahuahye Jesu tiquinare.

Tiquireo sa niepegãta tiquina pehe ne yãhtierahye. <sup>5</sup> Tiquina sa yãhtieragũ ihñano Jesu tiquina mehna usuahye. Tiquina tãho dueragũ ihñano Jesu bũjũa witiyahye.

–Mũhũ omocare siõ potoya, niahye tiquireo omoca bũhariquireo.

Tiquireo sa nigũ tãhoro tiquireo omocare siõ potogãta omoca

quehnoa wahahye. <sup>6</sup> Sa omoca quehnoa wahagũ ihñañe fariseo masa wijiaa wahahye. Wijia, Herode mehna cjẽna mehna cahmecoa, “¿Dũhse ye Jesure wejẽnatari mari?” niahye tiquina basi.

#### *Masa peyequina ditara dũhtũ cahapũ ijiahye*

<sup>7-8</sup> Sa ye Jesu tiquireo buheyequina mehna ditara cahapũ wahahye. Tiquina sa wahagũ ihñañe Galilea cjẽna masa peyequina tiquireo bato esahye. Sa ye Judea yehpa cjẽna, Jerusalẽ cjẽna, Idumea yehpa cjẽna, Jordã wame tiri ma ape sie pãhrẽ cjẽna, Tiro wame tiri maca cjẽna, to cahapũ ijieyequina, Sidõ wame tiri maca cjẽna, to cahapũ ijieyequina mehna masa peyequina ijipihitiyequina tiquireo yerire tũhoye, tiquireo cahapũ esahye. <sup>9</sup> Sa ye masa peyequina ijieye, Jesu cahare bihsa dũca sahye. Sa yero Jesu yucũsare quehno pahsa dutiahye tiquireo buheyequinare. <sup>10</sup> Peyequina dohatiyequinare tiquireo yãhdũogũ ihñañe apequina dohatiyequina gũhũ Jesure piha duaye, bihsa dũca sahye. <sup>11</sup> Sa ye watĩare cũoyequina pehe Jesure ihñañe tiquireo cahapũ dũsepe curi mehna quehe sahye.

–Mũhũ Cohãcjũ macũ ijire, ni sañuducuahye tiquina tiquireo.

<sup>12</sup> Sa yero tiquinare Cohãcjũ macũno tiquireo ijieyere tutuaro mehna apequinare yãhũ dutierahye Jesu.

#### *Jesu tiquireo buheyequinare doce tiquireo ohoatiquinare bese docoahye (Mt 10.1-4; Lc 6.12-16)*

<sup>13</sup> Sa ye Jesu cũnũpũ m̄jã, tiquireo cahmeñequinare pijiahye. Tiquireo pijigũ tũhoye, tiquireo cahapũ esahye tiquina. <sup>14</sup> Sa yero doce mũmũare tiquireo mehna cjẽnare, tiquireo ohoatiquinare, apeye macaripũre tiquireo yere buheatiquinare bese docoahye Jesu. Sa ye tiquina ya curua Jesu cũriquina wame tiahye. <sup>15</sup> Sa yero dohatiyequinare yãhdũoatire, watĩare cohãti gũhũre cũahye tiquinare. <sup>16-19</sup> Ahriquina ijiahye doce mũmũa Jesu tiquireo bese docoriquina: Simo, Santiago Zebedeo macũno, Ñũ Santiago bahũro, Andre, Felipe, Bartolomẽ, Mateo, Tomasu,

Santiago Alfeo macano, Tadeo, Simo celote ya curua cjano ijimediquire, Juda Iscariote, ahriquina ijiahye tiquiro bese docoriquina. Jesu Simore Pedro wame yeahye. Santiagore, Nu mehna Boanerges wame yeahye. Boanerges “Upo cjena”, nino nine. Juda Iscariote Jesure ihna tuhtiyequinare ihnoatiquire ijiahye.

*—Jesu watino tutuayere core, ni yahusa hye masa*

*(Mt 12.22-32; Lc 11.14-23; 12.10)*

<sup>20</sup> Tiquinare bese doco tuhasa, dijia, Jesu tiquiro buheyequina mehna wuhup saja wahahye. Sa ye top pari turi masa peyequina cahmecoane, bihsaa wahahye. Tiquina sa bihsagu ihano Jesu ihya masiedahye. Sa ye tiquiro buheyequina gahu ihya masiedahye. <sup>21</sup> Sa ye apequina Jesu acaye tire taho tiquiro cahap esaye, tiquirore nhemahye. “Tiquiro taho masieniquire waharo nine”, nimahye tiquina.

<sup>22</sup> Apequina oh saha nimahye:

—Beelzebú tiquirore sa wahagu yero naga. Tiquiro watire cohano, Beelzebú watia patoro tutuaye mehna tiquinare cohare, nimahye Jerusalen ahtariquina usa judio masare buheyequina.

<sup>23</sup> Tiquina sa nigu taho Jesu pehe tiquinare piji, tiquiro taho tuye mehna queoye mehna yahuahye tiquinare, “Watino ye tutuaye mehna watire cohano niedaja”, nino taro.

<sup>24</sup> —Watia tiquina basi coh masiedare. Sa ye ihca yehpa cjena tiquina basi cahme wejé, ti yehpa cjena yaria pihtia wahaboaga. <sup>25</sup> Sa ye ihca wahu cjena tiquina basi cahmeque ne ti wahu cjena waha pihtia wahaboaga. <sup>26</sup> Sa yero Satana watia patoro pehe watire cohano tiquina basita cahmeque ne niboaga. Sa ye tiquina waha pihtia wahaboaga.

<sup>27</sup> Oh saha ijire mari queoye mehna buhegu. Tutuariquire ya wuhup apequire saja sa yaque masiedare. Tutuariquire dhteraro tiquiro ya wuhup saja sa yaque masiedare. Tutuariquire tiquiro dhteri bato saja sa yaque masine, ni yahuahye Jesu.

(Oh saha ni yahuahye watino tiquiro yuhducare yahuro. Watino tutuariquire tiquiro ijiepeguta Jesu tiquirore yuhducare watire cohano.)

<sup>28</sup> Sa ni tuhasa oh saha ni yahu nemoahye Jesu:

—Poto niita niaja masare. Ijipihtiyé nañe masa tiquina yegu tiquina yahuducagu gahare Cohacju bo masine. <sup>29</sup> Sa boeperota Espiritu Santore tiquina nano yahuducagu ti puritare ne bosí. Tiquina sa nidi buhiri sa buhiri tiducuyequina ijietá, niahye Jesu tiquinare.

<sup>30</sup> Jesu Espiritu Santo tiquiro tutuaye mehna watire tiquiro cohapeguta “Tiquiro watino tutuaye mehna watire cohano nine”, nimahye masa. Tiquina sa nigu taho ti quitire Espiritu Santo quitire yahuahye Jesu tiquinare.

*Jesu acaye tiquirore pijiahye*

*(Mt 12.46-50; Lc 8.19-21)*

<sup>31</sup> Sa ye Jesu bahana tiquiro pacoro mehna wihahye. Sa wihiyé sopecahap ijiahye. Apequinare piji dutiahye tiquirore. <sup>32</sup> Sa ye masa tiquiro cahap dujiyequina yahuahye tiquirore.

—Mahu paco, mahu bahana mehna sopecahap mahare pijiri, niahye.

<sup>33</sup> Tiquina sa nigu taho oh saha niahye Jesu tiquinare buhero taro:

—¿Noa ijiajari wahu paco, wahu bahana gahu, masa ihnagu? niahye tiquiro tiquinare buhero.

<sup>34</sup> Sa nino tiquiro caha dujiyequinare ihano oh saha niahye:

—Ahriquina ijire wahu paco, wahu bahana yero saha ijiequina. Cohacju cahmeñene yere ahriquina. <sup>35</sup> Sa yeyequina wahu bahu, wahu baho, wahu paco yero saha ijire, ni buheahye Jesu tiquinare.

## 4

*Jesu oteriquiro quitire buheahye*

*(Mt 13.1-9; Lc 8.4-8)*

<sup>1</sup> Sa ye pari turi ditara dhtu cahap Jesu buhe dcahye. Sa ye topare buhe dcaro masa peyequina tiquiro cahap tiquina cahmecoagu ihano Jesu pehe yucsapu buhe pahahye. Sa ye masa pehe ditara dhtu cahap dcahye. <sup>2</sup> Sa yero Jesu

peye tiquiro t̄hotuye mehna piti dahre yahuahye tiquinare buhero.

<sup>3</sup> —Ahri quitire t̄hoya m̄sa, niahye tiquiro.

—Oteriquiro otero wahahye. <sup>4</sup> Tiquiro sa otegū apeye pjeri maha d̄ht̄a cahap̄a bora quehe sahye. Sa bora quehe saye pjerire minicj̄a ahta, ihya cāhye. <sup>5</sup> Sa ye apeye pjeri ut̄a pjeri watoa bora quehe sahye. Ut̄a pjeri watoa dihta marieda cj̄ūno ijiepegū duita pihnimahye. <sup>6</sup> Sa pihni di ijieperota, asū tutuaro asigū n̄hcori marieda, ñaia wahahye. <sup>7</sup> Apeye pjeri taa watoa bora quehe sahye. Taa pehe dia ȳhd̄a waha, oteri pehere wejē cāhye. Sa yero d̄ca mariedahye. <sup>8</sup> Apeye pjeri quehnoari dihtare bora quehe sahye. Quehnoano pihniñe ijero quehnoano d̄ca tiahye. Apeye cj̄a treinta pjeri, apeye cj̄a sesenta pjeri, apeye cj̄a cien pjeri d̄ca tiahye. <sup>9</sup> Ahrire quehnoano t̄hoya m̄sa, niahye Jesu.

*Jesu q̄iti mehna tiquiro buherire yahuahye*

*(Mt 13.10-17; Lc 8.9-10)*

<sup>10</sup> Sa ye tiquina sehsaro ijiye doce buheyequina, apequina Jesu mehna ijiequina ti quitire masi duaye, Jesure sinituahye. <sup>11</sup> Tiquina sa sinituri bato Jesu oh̄o saha ni yahuahye:

—Coh̄cj̄a masa p̄horo tiquiro ijieyere, panop̄a apequina tiquina masiedarire m̄sare masigū yere Coh̄cj̄a. Apequina pehere sa yerare tiquiro. Tiquinare q̄iti mehnata buheitja. <sup>12</sup> Sa ye tiquina ih̄aepeta ih̄edariquina yero saha tojoare. Sa ye t̄hoepeta masisi. Tiquina masiñe quehnoañe pehere comesaboaya. Tiquina sa comesagū ih̄ano tiquina ñañe yerire boboaya Coh̄cj̄a. (Sa ijiepegūta tiquina pehe ne t̄ho duerare,) niahye Jesu.

*Jesu oteriquiro quitire yahu pehoahye*

*(Mt 13.18-23; Lc 8.11-15)*

<sup>13</sup> Tiquiro sa nidi bato oh̄o saha ni yahu nemoahye tiquinare:

—¿Ahri quitire t̄hoena niajari m̄sa? ¿M̄sa ahri quitire t̄hoerana, d̄hse ap-eye quitire t̄honatari m̄sa? niahye Jesu tiquinare.

Sa ni tuhasa oh̄o saha ni yahu nemoahye tiquinare:

<sup>14</sup> —Oteriquiro tiquiro oteri pjeri quehnoañe buheye yero saha ijire. <sup>15</sup> Sa yero maha d̄ht̄a caha bora quehe sari pjeri quehnoañe buheye yero saha ijire. Sa yero masa quehnoañe buheyere tiquina t̄hogū ih̄ano Satana pehe ahta, ti buheye quehnoañe buheyere masi dutierare tiquinare, minicj̄a ti pjerire tiquina dote nediro saha yero. <sup>16</sup> Sa ye ut̄a pjeri watoa bora quehe sari pjeri quehnoañe buheye yero saha ijire. Sa ye masa quehnoañe buheyere t̄ho, bucueye mehna duita tire t̄ho ñehe maa wahare. <sup>17</sup> Sa t̄ho ñehepeta ut̄a pjeri watoa ijiye cj̄a n̄hcori marieñe cj̄a yero saha ahriquina masa gūh̄a tutuerare. Sa tutueraye, ñano ȳhd̄aye, yeequina tiquina ijiri buhiri apequina tiquinare ñano yegū ih̄añe yee pehere duhu cāhre. Apequina tiquinare ñano yegū tire ih̄cāno sahaeraye, yeere duhu cāhre. <sup>18</sup> Sa ye taa watoa bora quehe sari pjeri quehnoañe buheye yero saha ijire. <sup>19</sup> Sa ye masa quehnoañe buheyere t̄hoepeta, ahri yehpa cj̄eñe pajiro buj̄a witi t̄hotuye, niñeru pehere cah̄ne. Apee boro gūh̄are peye tutuaro cahmene. Tiquina sa ni t̄hotugū ti pehe quehnoañe buheyere cahmotare. Ti sa cahmotagū masa quehnoañe pehere yerare. <sup>20</sup> Sa ye quehnoari yehpap̄a bora quehe sari pjeri quehnoañe buheye yero saha ijire. Sa ye masa quehnoañe buheyere t̄hoye tire cahmene. Sa masiñequina ijiye, Coh̄cj̄a tiquiro cahmeno sahata quehnoañene yere tiquina. Ih̄quēquina meheno quehnoañene yere treinta pjeri d̄ca tiro saha. Apequina bui cj̄ūno quehnoañene yere sesenta pjeri d̄ca tiro saha. Apequina pajiro quehnoañene yere cien pjeri d̄ca tiro saha, ni yahuahye Jesu tiquinare.

*Jesu sih̄ria quitire buheahye*

*(Lc 8.16-18)*

<sup>21</sup> Sa ni tuhasa oh̄o saha ni nemoahye:

—Ne sih̄riare dihi sutu docap̄a cūedare. Sa ye tiare cumuno docap̄a cūedare. Æhm̄anop̄a duhu peore quehnoano buhrio dutiye. <sup>22</sup> Ijipihtiye tiquina masiedarire came masa masieta. Sih̄ria buhriogū mari ih̄ña masino saha panop̄are tiquina masiedarire masieta masa.

23 Ahrire quehnoano tũhoya mũsa.  
24 Mehenogã masi duana mehenogã masinata. Pajiro masi duana pajiro masinata. Sa yena mũsa tũhona quehnoano tũho nũnũña. 25 Quehnoano tũho nũnũriquiuro quehnoano masinota. Tũho nũnũeniquiuro, “Mehenogã tũhoaja”, tiquiro niepegũta ti pehe butia waharota, niahye Jesu tiquinare.

*Jesu trigore oteriquiro quitire buheahye*

26 Sa ni tuhasa ohõ saha ni yahu nemoahye:

—Cohãcjũ masa pũhtoro tiquiro ijiye trigore oteriquiro yero saha ijire. 27 Ote tuhasa bohrearo tiquiro oteri pihniñene ihñare tiquiro. “¿Dũhse pihni wijia ta dũcajari?” ni ihña masiedare oteriquiro tiquiro basi. 28 Ti oteri ti basi dũca tire. Pari pũgã wijia mũhtare. Came pari paro wijia, bũcũare. 29 Ti parori bũcũa tuhasagũ ihñano, pehere peheri pje ijigũ. (Tiquiro ote, ti bũcũarire tiquiro masiedaro saha Cohãcjũ yequina masa tiquina wahari gũhũre yahu peho masiedare masa,) ni buheahye Jesu.

*Mostaza pje quitire yahuahye Jesu*  
(Mt 13.31-32; Lc 13.18-19)

30 Sa ni tuhasa ohõ saha ni buhe nemoahye queoye mehna buhero:

—¿Ne Cohãcjũ masa pũhtoro tiquiro ijiye yabe boro yero saha ijiajari, mũsa tahotugũ? ¿Dise quitire mehna tire yahunatari? 31 Mostaza pjegã yero saha ijire Cohãcjũ pũhtoro ijiye. Ti pjegã tiquiro otegũre meheni pjegã waro ijire. 32 Sa ijieperota ti pjegã quehnoano pihnine. Sa yero pajidũ wahare. Sa ye tũ dũpũri bũjũye dũpũri bũcũagũ ihñañe minicjũa ti dũpũripũ suhti suhare, niahye Jesu. (Sa nino ohõ saha nino niahye. Mostaza pjegã pajidũ tũ bũcũariro saha uhmũse cjẽnore mari pũhtoro masiñequina meheñequinagã tiquina iji mũhtaepẽgũta camerũre peyequina wahaeta.)

*Quitire mehna tiquiro buherire yahuahye Jesu*

(Mt 13.34-35)

33 Sa yero ti quitire tiquiro nidiro saha peye quitire tiquina tũho ñeheno puno quehnoañe buheyere buheahye tiquinare.

34 Quitire marieno yahuerahye tiquinare. Sa yero tiquina sehsaro ijiyequinare Jesu quehnoano yahu pehoahye tiquiro buheyequinare.

*Jesu wihnonore yũsũ dutiahye*  
(Mt 8.23-27; Lc 8.22-25)

35 Sa ye ti decore ñamicahapũ Jesu tiquiro buheyequinare ohõ saha niahye:

—Isa, si pahrẽpũ pehãhna, niahye tiquinare.

36 Tiquiro sa nigũ tũhoye yucũsapũ sajã, masare yehpapũ ducuyequinare tota cũ, tiquiro buheyequina dihita Jesure ne pehã wahahye. Sa ye apeye yucũsari mehna apequina tiquina bato pehãhye.

37 Tiquina sa pehãgũ wihnono tutuaro wẽahye. Sa wẽno yucũsare tutuaro pahcõri quẽ sajãhye. Mehenogã dũhsamahye tiquina miniboriro. 38 Sa wahari watoa Jesu yucũsa ohoturõpũ suhti puti buipũ carĩno niahye. Sa ye tiquina tiquirore wahcõahye.

—¿Buhegũ, mũhũ cuerajari? Mari minina tana niajũ, niahye tiquina tiquirore.

39 Tiquina sa nigũta Jesu pehe wahcã, wihnonore,

—To punota wẽ duhuya, niahye.

Sa ninota pahcõri gũhũre,

—Yũsũahya, niahye.

Tiquiro sa nigũta wihnono yũhdũa wahahye. Sa ye pahcõri gũhũ yũsũ dijiaa wahahye.

40 —¿Dũhse yena cue maca cãna niajari mũsa? ¿Mũsa yũhũre wacũ tutuerajari? niahye Jesu.

41 Sa wahagũ ihñañe acũa yũhdũa wahahye.

—¿Yohou, dũhse ijiriquiro boro masũno ijiajari ahriquiuro? Ahri wihnono, pahcõri gũhũ tiquiro dutigũ yũhdũdũcaerare tiquirore, niahye tiquina pehe.

## 5

*Watĩare cũoriquiurore yũhdũoahye Jesu*  
(Mt 8.28-34; Lc 8.26-39)

1-2 Sa ye tiquina si pahrẽpũ Gerasa cjẽna ya yehpapũ pehã sahye. Sa yero Jesu pehe yucũsapũ sañariquiuro maja sadũcahye. Tiquiro sa maja sadũcari bato watĩa cũoriquiuro masa coperi utã coperi watoapũ



ijiriquiro wijia ta, tiquiro cahap̄ ahtahye. <sup>3</sup> Watīa c̄oriquiro masa coperi watoa ijiriquiro ijiahye. Apequina pehe tiquirore come da pajiri da mehna ñehe d̄hte masiedahye. <sup>4</sup> Sa ye peye tahari masa tiquirore dahpoc̄ari ap̄ñe behtori mehna, come dari mehna d̄htemahye. Tiquiro omocari ḡh̄re d̄htemahye. Sa yero tiquiro pehe come darire nuha, dahpoc̄ari ap̄ñe behtori ḡh̄re nuha site m̄jahye. Sa ye tutuariquiro tiquiro ijiro mehna masa pehe tiquirore ñehe masiedahye. <sup>5</sup> Ñami ijiḡ, deco ijiḡ ut̄a coperi watoap̄ c̄n̄p̄ sa sañuducue tiahye tiquiro. Sa yero ut̄a mehna tiquiro basi tiquiro paḡre quēe tiahye. <sup>6</sup> Sa yero yoarop̄ Jesure ih̄nadoqueo tiquiro cahap̄ oma maa c̄hta, d̄sepe curi mehna quehe sahye tiquirore ño peoro taro.

<sup>7-8</sup> –Watīa duhuya tiquirore, niahye Jesu.

Tiquiro sa niḡ t̄horo watīa c̄oriquiro oh̄ saha niahye:

–¿Jesu, Coh̄cj̄ tutuariquiro mac̄, yabere yeḡ t̄h̄ niajari m̄h̄ ȳh̄re? Coh̄cj̄ tiquiro ih̄nop̄ siniaja ȳh̄ m̄h̄re. Ȳh̄re ñano yerac̄h̄ña, ni sañuducuahye watīa c̄oriquiro Jesure.

<sup>9</sup> –¿D̄h̄se wame tiajari m̄h̄? niahye Jesu tiquirore.

–Ûs̄a peyequina ijiaja. Sa yena “Peyequina watīa” wame tiaja. <sup>10</sup> Ûs̄a ahri dihtap̄ ijinare ape siep̄ waha dutierac̄h̄ña, niahye watīa c̄oriquiro.

<sup>11</sup> Ti pjere yesea peyequina tiquina cahap̄ c̄n̄ dahpotop̄ ihyaye niahye. <sup>12</sup> Top̄ tiquina ihyaducuḡ ih̄ñañe, oh̄ saha ni siniahye watīa:

–Sisequina yesea cahap̄ waha dutiya ùs̄are. Tiquina mehna iji dutiya ùs̄are, ni siniahye watīa tiquirore.

<sup>13</sup> Tiquina sa niḡ t̄horo tiquinare waha dutiahye Jesu. Tiquiro sa waha dutiḡ watīa mas̄no mehna ijiriquina waha, yesea dos mil yesea cahap̄ esahye. Tiquina cahap̄ tiquina esari bato yesea pehe ijipihtiequina ditara d̄ht̄ cahap̄ oma buha, ti ditarap̄ bora ñojoa, mini yaria pih̄tia wahahye.

<sup>14</sup> Tiquina sa miniḡ ih̄ñañe, yeseare cohteyequina pajiri macap̄, daye

macariḡap̄ ḡh̄re tire yahuye waha, oma c̄a wahahye. Tiquina sa yahuḡ t̄hoye masa pehe peyequina tiquiro yerire ih̄ñañe wahahye. <sup>15</sup> Sa ye Jesu cahap̄ wihiye, watīa c̄oriquiro tiquiro suhti tiriquiro, t̄ho masiniquiro tiquiro dujiḡ ih̄ñañe, ih̄ña maria waha, cueahye. <sup>16</sup> Sa ye watīa c̄omediquiro, yesea ḡh̄re tiquina sa waharire ih̄nariquina apequinare yahu pehoahye. <sup>17</sup> Tiquina sa yahu pehoḡ t̄hoye, Jesure tutuaro mehna ape siep̄ waha dutiahye.

<sup>18</sup> Sa yero yuc̄sap̄ Jesu tiquiro saj̄ḡ ih̄ñano, “M̄h̄ mehna waha duaja”, ni tutuaro sinimahye watīare c̄omediquiro Jesure. <sup>19</sup> Tiquiro sa niḡ Jesu tiquirore yahuahye:

–Ȳh̄ mehna wahaerac̄h̄ña. M̄h̄ ya w̄h̄p̄ m̄h̄ caha ijiyequina cahap̄ ȳh̄ m̄h̄ p̄hto m̄h̄re ȳh̄ yerire yahuḡ wahaya. M̄h̄re ȳh̄ paja ih̄narire yahuḡ wahaya tiquinare, niahye tiquirore.

<sup>20</sup> Tiquiro sa niḡ watīa c̄omediquiro pehe Decapoli wame tiri macap̄ Jesu tiquirore ȳhd̄orire yahu d̄cahye. Tiquiro sa ni yahuḡ t̄hoye ijipihtiequina masa t̄ho maria wahahye.

*Jairo maconore ȳhd̄oro, dii m̄na wi-horo dohatiducuricoro ḡh̄re ȳhd̄oahye Jesu*

*(Mt 9.18-26; Lc 8.40-56)*

<sup>21</sup> Sa ye pari turi Jesu tiquiro majare peh̄ saḡ masa peyequina tiquiro cahap̄ ditara d̄ht̄ cahap̄ cahmecoahye. <sup>22</sup> Sa yero ùs̄a judio masa buheri w̄h̄re ih̄ña ih̄boriquiro Jairo wame tiriquiro ahta, Jesure ih̄ña, tiquiro dahpoc̄ari cahap̄ d̄sepe curi mehna quehe saro, oh̄ saha niahye:

<sup>23</sup> –Ȳh̄ macoḡ yariaro nidi. Sa yeḡ ticorore m̄h̄ omoca mehna ña peoḡ, ȳhd̄oḡ ahtaya. M̄h̄ sa yeḡ ticoro masanota, niahye tiquiro Jesure.

<sup>24</sup> Tiquiro sa niḡ Jesu ḡh̄ pehe tiquiro mehna wahahye. Mahap̄ tiquiro wahaḡ masa peyequina tiquirore n̄n̄ t̄a c̄a bihsaro esad̄ca sahye. <sup>25</sup> Sa yero numino doce c̄hm̄ari waro decoripe dii m̄na dohatiducuricoro top̄ ijiahye. To pano peyequina duturua ticorore ñano ȳhd̄ḡ

yeahye. <sup>26</sup> Sa yero duturuare ijipihtiye ticoro niñeru mehna wapa yemahye ticoro aco ye dutiro. Tiquina sa yepegūta ticoro mananota ijiducu cāhye. Sa yero ticoro tiquinare ihñari bato to pano ijiriro yūhduroo ñano wahahye. <sup>27</sup> Ticoro sa ñano yūhdari bato Jesu yeyere tūhoye, apequina yahuahye ticorore. Sa yero ticoro Jesu bato masa peyequina watoa ahta, Jesu suhtirore ñehe tuhuahye. <sup>28</sup> “Yūhū tiquiro suhtiro dihitare ñehe tuhugo quehnoa wahagota”, ni tūhotuahye. <sup>29</sup> Sa yero ticoro sa ñehe tuhuri bato ticoro dii mana dohatiyere yūhdugū ticoro pagure quehnoari pagū tūhotuahye. <sup>30</sup> Sa yero Jesu tiquiro tutuaye mehna dohatiyere tiquiro cohārire masino, masa watoa majareduca sa ihñahye.

—¿Noa yūhū suhtirore ñehe tuhuajari? niahye tiquiro.

<sup>31</sup> Tiquiro sa nigū tūhoye tiquiro buheyequina ohō saha niahye:

—Bihsarīne. Sa ye masa peyequina māhure pihare. “¿Noa yūhure ñehe tuhuajari?” nigū, ¿dūhse nigū sa nijari māhū? niahye tiquina pehe tiquirore.

<sup>32</sup> Sa yero Jesu tiquirore ñehe tuhucorore macahye. <sup>33</sup> Tiquiro sa macano watoa ticoro pehe ticoro pagū quehnoa wahagū tūhoturo, cue nanare dūsepe curi mehna quehe sahye tiquiro caha tiquirore ño peoro. <sup>34</sup> Sa yero ticoro potota yahu pehoahye tiquirore. Ticoro sa ni yahuri bato Jesu ticorore yahuahye:

—Maco, yūhure māhū wacū tutuaye mehna quehnoago tojoare yojopure. Bucueye mehna wahaya. Dohatiye mariego ijiya, niahye Jesu ticorore.

<sup>35</sup> Tiquiro sa ni yahuducuri bato judio masare buheri wūhure ihñā ihboriquiro ya wūhū cjēna yahuye wihiahye.

—Mūhū maco yaria wahari. Sa yegū buheriquirore piji cāhteracāhñā, niahye tiquina.

<sup>36</sup> Tiquina sa niepegūta sa tūhotu cāhno, Jesu ti wūhure ihñā ihboriquirore ohō saha ni yahuahye:

—Būjūa witieracāhñā. Yūhure wacū tutuaya. Ti dihitare yeya, niahye ti wūhure ihñā ihboriquirore.

<sup>37</sup> Sa ni tuhasa Santiago, tiquiro bahuro Ñu, Pedro tiquina dihitare “Yūhū mehna ahtaya”, niahye Jesu. <sup>38</sup> Sa yero judio masa buheri wūhure ihñā ihboriquiro ya wūhūpū esahye. Ti wūhūpū masa peyequina ñano bisi ñehe quea utigū, tiquina sañuducugū tūhoahye Jesu.

<sup>39</sup> —Ñano ni, ñehe quea utieracāhñā masa. Ticorogā masa sa ni utigū yarierare. Carīno nine, niahye Jesu tiquinare.

<sup>40</sup> Tiquiro sa nigū tūhoye “Sa ni maca cāhno nine ahriquirō”, ni būjūahye tiquina pehe tiquirore.

Sa yero tiquiro tiquinare sopecahapū wio peho cāhye. Sa wio tuhasaro ticorogā pacūsumūare, tiquiro mehna cjēna gūhure ticorogā cahapū neahye Jesu. <sup>41</sup> Sa yero Jesu ticoro omocare ñehe, “Talita cum”, niahye tiquiro. “Talita cum”, nino, “Mehenicorogā wahcāñā’, niaja yūhū”, nino nine.

<sup>42</sup> Tiquiro sa nigū ticorogā wahcādūca sa, tiniahye. Doce cūhmari cūoricoro ijiahye ticoro. Ticorore tiquiro sa yegū ihñāñe tiquina ihñā maria wahahye. <sup>43</sup> Sa yero Jesu tutuaro mehna tiquiro sa yerire yahu site dutierahye. Sa ye tuhasa ticorore ihyayere oho dutiahye.

## 6

### *Nazare cjēna Jesure cahmedahye* (Mt 13.53-58; Lc 4.16-30)

<sup>1</sup> Sa ye topū ijiriquiro Jesu waha, tiquiro buheyequina mehna tiquiro ya dihtapū tojoa sahye. <sup>2</sup> Sa yero Jesu saurū ijigū judio masa buheri wūhūpū buhe dūcahye. Tiquiro sa buhegū masa peyequina tiquirore tūhoye, acūa wahahye.

—¿Ahriquirō nohopū tūhoyari ahri buheyere? ¿Dūhse yero quehnoano masi pehoajari ahriquirō? Cohācjū tutuaye mehna ye ihñore ahriquirō masare.

<sup>3</sup> Ahriquirō taboa dahrari masūno María macūno, Santiago, José, Juda, Simo tiquina wahminota ijimederō. Sa ye tiquiro bahana numia mari ya macapū ijinimedi. Sa yero tiquiro gūhū mari yero saha ijiriquiro ijire, niahye tiquina Jesure tūhoriquina.

Sa ye Jesure ihñā tuhtiye, tiquirore cahmedahye. <sup>4</sup> Tiquina sa cahmedagū ihñano ohō saha niahye Jesu:

—Cohãcjũ yere yahu mahtariquirore apequina ño peore. Tiquina sa ño peoepegũta tiquiro ya maca cjẽna, tiquiro acaye tiquiro ya wãhãpũ ijiyequinata ño peerare tiquirore. Sa yena yãhãre ño peerare m̄sa ohõre b̄cuarigũ yãhã ijigũ, niahye Jesu tiquinare.

<sup>5</sup> Sa yero ti macapũ ijiriquiro Jesu Cohãcjũ tutuaye mehna ye ihñõ masiedahye. Sa ye ihñõedaperota ihquẽquina dohatiyequina bui tiquiro omocare duhu peo, yãhdãoahye tiquiro. <sup>6</sup> Sa yero to cjẽna Jesure tiquina wacũ tutueragũ ihñano, “¿Dãhse ijiro boro yãhãre cahmedajari?” ni tãhotuahye tiquiro. Sa yero Jesu ti maca cahapũ ijiye macaripũ buhero wahahye.

*Jesu doce buheyequinare buhe dutiro ohoahye*

*(Mt 10.5-15; Lc 9.1-6)*

<sup>7</sup> Sa ye Jesu doce tiquiro buheyequinare pijio, p̄eyequina dihita ohoahye tiquinare macaripũre buhe dutiro. Sa yero tiquiro tutuayere ohoahye tiquinare wãfiare tiquina cohãtire. <sup>8</sup> Sa ohoro apee boro, ihyayere, ajurire, niñerure tiquiro ne cã dutierahye tiquinare. Tiquina tuaye cju dihitaro ne cã dutiahye tiquinare. Ihcãnota suhtirore saña dutiahye tiquinare. P̄aro saña dutierahye. <sup>9</sup> Sa yero cãhta cũñe cahserire saña dutiahye tiquinare. Ihcã suhtirota saña dutiahye tiquinare. P̄aro saña dutierahye. <sup>10</sup> Sa yero ohõ saha ni yahuahye tiquinare:

—Ijipihtiye macaripũre m̄sare tiquina carĩno ohogũ ti wãhãpũta tojoarĩña. Coã wahanapũ wijiaya ti wãhãre. <sup>11</sup> Sa yena ape maca cjẽna m̄sare tiquina cahmedagũ tiquina tãho dueragũ ti macare yãhdãana dahpocãri cjẽ dihta esa wahãrire wejẽ site cũña m̄sa tiquinare tiquina ye buhirire masigũ yena, ni yahuahye Jesu tiquinare.

<sup>12</sup> Sa ye doce buheyequina masare tiquina ñañe yerire b̄jũ witi dutiye, quehnoañe pehere ye dutiye, buheye wahahye. <sup>13</sup> Sa wahaye peyequina wãfiare cohãñe, dohatiyequinare ãhse mehna wisõñe yãhdãgũ yeahye.

*Ñu wame yeriquirore apequina wejẽahye*  
*(Mt 14.1-12; Lc 9.7-9)*

<sup>14</sup> Sa ye Jesure masa peyequina masi-ahye. Sa yero tiquiro yerire pãhtoro Herode tãhooahye. Sa tãhoooro ohõ saha ni tãhotumahye tiquiro: “Ñu wame yeriquiro yariariquiro pari turi bajuaro niaga. Sa bajuariquiro ijiro tiquiro tutuaye mehna tire yero niaga”, ni tãhotumahye Herode. “Jesu Ñuta ijire”, ni tãhotumahye. <sup>15</sup> Apequina pehe ohõ saha ni tãhotumahye: “Elia ijire”, ni tãhotumahye. Apequina pehe “Cohãcjũ yere yahu mahtariquiro panopũ cjẽna yero saha ijire tiquiro”, ni tãhotumahye tiquina Jesure. <sup>16</sup> Tiquina sa ni tãhotuepegũta Herode pehe Jesu tiquiro yerire tãhoro ohõ saha ni tãhotumahye. “Ñu yãhã dapu d̄ate sure dutiriquiro bajuaro niaga”, ni tãhotumahye.

<sup>17-18</sup> Ñure tiquina wejẽato pano Herode tiquirore ñehe duti, peresu ye dutiahye. Herode tiquiro bahãro Felipe namonore Herodia wame tiricorore ehma, namo tiahye.

—Mãhũ bahũ namonore namo tigũ Cohãcjũ dutiyere yãhdãdãcagũ nine mãhũ, ni yahuahye Ñu Herodere.

Tiquiro sa nidi buhiri Herode namono Herodia Ñure peresu tiquina yegũ cahmeahye. <sup>19</sup> Sa yero ticoro pehe Ñure ihña tuhtiro, tiquirore wejẽ duti duamahye. Sa ye dueperota ticoro tiquirore wejẽ duti masiedahye. <sup>20</sup> Herode Ñure cuero “Ñu quehnoañene yeriquiro, quehnoariquiro ijire”, ni tãhotuahye. Sa yero Herodere cariboro yeahye Ñu pehe tiquirore yahuro. Sa cariboepegũta tiquiro bucueye mehna tãhomahye Ñure. <sup>21</sup> Tiquiro sa bucueye mehna tãhoepegũta Herodia tiquirore ticoro wejẽ dutiati deco ãmũ sahye. Ti pje Herode masa bajuari deco ijigũ tiquiro bõse deco dahreahye. Sa ye tiquiro yequina gobierno cjẽna, surara pãhtoa, Galilea cjẽna pãhtoa gãhũ tiquiro ya bõse decore ihñañe wihiahye. <sup>22</sup> Sa yero Herodia macono bõse decore ihñano wihiro tiquina ihñonopũ basa ihñoahye. Ticoro sa basa ihñogũ ihñañe, Herode tiquiro pijioriquina gãhũ bucueahye. Tiquina sa bucuegũ ihñano ohõ saha niahye Herode:

—Mãhũ cahmeñene siniña yãhãre. Sa

yegũ ohogũtja mũhũre mũhũ cahmeñene. <sup>23</sup> Cohãcjũ mehna poto niaja mũhũre. Mũhũ sinino puno yeere deco mehna ohogũtja mũhũre, niahye tiquiro ticorore.

<sup>24</sup> Tiquiro sa nigũ ticoro Herodia macono pehe ticoro pacoro cahapũ waha, sinituahye:

—¿Yabere sinigotari yũhũ? ni sinituahye ticoro pacorore.

—Ñu wame yeriquiro dapure siniña, niahye ticoro pacoro pehe.

<sup>25</sup> Ticoro sa nigũta Herodia macono mũmũñano pũhoro Herode cahapũ waha, siniahye:

—Mianogũta Ñu wame yeriquiro dapure waparo mehna ohoya yũhũre, niahye ticoro.

<sup>26</sup> Ticoro sa nigũ tũhoro pũhoro Herode pehe tutuaro bujũa witiyahye. Masa tiquina ihñonopũ “Ohogũtja mũhũre”, niahye tiquiro. Sa yero bũe tiro, tiquiro “Mũhũre ohoeraja”, ni masiedahye ticorore. <sup>27</sup> Sa yero duita surarare peresupũ ijijeyequinare coheriquirore Ñu dapure dũte sure ne cãhta dutiahye. <sup>28</sup> Tiquiro sa dutigũ tũhoro surara pehe waha, tiquiro dapure dũte sure, waparo mehna ne cãhtahye. Ne cãhta nuhminore Herodia maconore ohoahye. Sa yero ticoro tiquiro dapure ñehe, ticoro pacorore oho yũhdũoahye.

<sup>29</sup> Sa ye Ñu buheyequina ijiriquina pehe tire tũhoye, topũ esa, tiquiro pagũre masa coperpũ ne cã, cũahye.

*Jesu cinco mil masare ihyaye ohoahye  
(Mt 14.13-21; Lc 9.10-17; Jn 6.1-14)*

<sup>30</sup> Sa ye Jesu ohoriquina tiquiro cahapũ tojoa saye, tiquina yerire, tiquina buherire yahyahye tiquirore. <sup>31</sup> Ti pjere masa peyequina sa majareducuye, tiquinare ne ih-yaro ohoerahye. Sa yero ohõ saha niahye Jesu tiquinare.

—Masa marienopũ mari sehsaro sona wahaũhna, niahye tiquinare.

<sup>32</sup> Sa ye tiquina sehsaro yucũsa mehna masa marienopũ wahahye. <sup>33</sup> Tiquina sa wahagũ ihñañe masa peyequina tiquinare masiahye. Sa masiñe peye macari cjẽna mahapũ waha, Jesu tiquiro esatopũ tiquina masa pehe oma cã esa mũhtahye.

<sup>34</sup> Tiquina sa esagũ Jesu tuha sa paha, yucũsapũ sañariquiro maja dũcaro, tiquiro masa peyequina ijigũ ihñahye. Oveja coheriquiro marieñequina yero saha ijiahye masa, tiquiro ihñagũ. Sa yero Jesu tiquinare paja ihñano, peye quehnoañe buheyere buheahye. <sup>35</sup> Ñamicahapũ doce buheyequina Jesu cahapũ esa, ohõ saha niahye:

—Ohõ masa marienopũ ijire. Ñamicaha waharo nine. <sup>36</sup> Ohõ cahagã ijijeyequinare wũhũseripũ, macaripũ gũhũre tiquina ihyatire dú dutiya masare tiquina pohe tiatire, niahye tiquina Jesure.

<sup>37</sup> —Ihyayere ohoya tiquinare, nimahye Jesu tiquiro buheyequinare.

Tiquiro sa nigũ ohõ saha ni yũhtiahye:

—¿Dos cientos niñeru cjoeri mehna tiquina ihyati pãre dũnatari usã? niahye tiquina Jesure.

<sup>38</sup> —¿Nohope paca pã ijiajari? Ihñana waha, niahye tiquiro.

Tiquiro sa nigũ tiquina pehe ihyayere bocaye, ohõ saha niahye:

—Ihcã omope paca pã paca, pũaro wahi ijire, niahye tiquina pehe.

<sup>39</sup> Tiquina sa nigũ tũhoro Jesu pehe pe cururi taa bui duji dutiahye masare.

<sup>40</sup> Tiquiro sa duji dutiri bato tiquina pe cururi dujiahye. Ihquẽ cururire cincuenta masa ijiahye. Apeye cururi pehere cien masa ijiahye. <sup>41</sup> Tiquina sa duji tuhasagũ ihñano Jesu pehe ihcã omope paca pã pacare, pũaro wahi mehna ne, mũmũsepũ ihñã mũoahye. Sa ihñã mũono Cohãcjũre “Quehnoare”, nino niahye. Tiquiro sa nidi bato pã pacare nuha, tiquiro buheyequinare masare iti duti ohoahye. Sa yero pũaro wahire iti dutiahye ijipihtiyequinare. <sup>42</sup> Sa ye ijipihtiyequina ihya, yapi yũhdũa wahahye. <sup>43</sup> Tiquina ihya dũharire doce pũhũse waro pãre, wahi gũhũre ne cahmecoa wahpo dapoahye tiquina. <sup>44</sup> Sa ye pãre ihyariquina mũmũa dihitare tiquina queogũ cinco mil mũmũa ijiahye.

*Jesu aco bui tiniyahye  
(Mt 14.22-27; Jn 6.16-21)*

<sup>45</sup> Ti pjeta Jesu tiquiro buheyequinare yucũsapũ sajã duti, ape sie pahrẽpũ Bet-saidapũ tiquiro pano pehãyu dutiahye.

Sa yero tiquina pehãri watoa Jesu pehe masare cohe tiahye. <sup>46</sup> Cohe ti tuhasa cunupũ Cohãcjũre sinino wahahye. <sup>47</sup> Came ñamipũ yucusa mehna ditarapũ tiquina pehãducugũ Jesu ihcãquiota tiquina pehã tariropũ ijiahye. <sup>48</sup> Sa yero tiquina ñano yũhdũ wajagũ, tiquina pano wihnono wẽgũ ihñadoqueoahye tiquiro. Sa yero bohrea maja tato pano tiquina cahapũ esaro, aco bui tini cãa wahahye. Tiquinare tiquiro yũhdũ cã duamahye. <sup>49</sup> Tiquiro yũhdũ cã duepegũta tiquirore aco bui ahtagũ ihñañe, cue niahye. “Yariariquiro ijiboaga”, ni ihñamahye tiquina. Sa ni tãhotuye tiquina sañuducuahye. <sup>50</sup> Ijipihtiequina tiquirore ihñañe, ihña maria wahahye. Tiquina sa ihña mariagũ ihñano Jesu tiquinare yahuahye:

—Wacũ tutuaya mũsa. Ne, yũhũre cueracãhña. Yũhũta ijiaja, niahye tiquinare.

<sup>51</sup> Sa ni tuhasa tiquiro tiquina mehna yucũsapũ sajãhye. Tiquiro sajãri batogãta wihnono yũhdũa wahahye. Sa wahagũ tiquina pehe acũa yũhdũa wahahye. <sup>52</sup> Tiquiro pãre peye yerire wacũedahye tiquina. Tire quehnoano masiedahye.

*Jesu Genesare cjẽnare, dohatiyequinare yũhdũoahye*

(Mt 14.34-36)

<sup>53</sup> Sa ye tiquina pehã sa, Genesare dihtapũ pehã sa, tiare dũhte poho, dũhtũ cahapũ pahsahye. <sup>54</sup> Sa ye yucũsapũ ijiriquina tiquina majagũta masa pehe Jesure ihña masiahye. <sup>55</sup> Sa ihña masiñe ijipihtiro tiquina ya yehrapũ oma maja, dohatiyequinare tiquina cuñañe cahseri mehna yõ cãhtahye. “Jesu topũ ijiri”, masa nigũ tũhoye topũre esahye tiquina. <sup>56</sup> Sa ye ijipihtie macari tiquiro esaye macaripũ, bũjũye macaripũ, daye macarigãpũ, meheñe wũhũsegã ijiye cahapũ gũhũre masa dohatiyequinare Jesu cahapũ nea cũahye. Sa topũ maharipũ tiquina cũnopũ Jesure tiquiro suhtiro dũhtũ cahare ñehe tuhu duaye, tutuaro siniahye tiquina:

—Mũhũ suhtiro dũhtũ caha dihitare usãre ñehe tuhu dutiya, ni siniahye.

Sa ye tiquiro suhtirore ñehe tuhuriquinape quehnoa wahahye tiquina.

## 7

*Masa ñañequina wahagũ yeyereyahuahye Jesu*

(Mt 15.1-20)

<sup>1</sup> Sa ye Jerusalẽpũ ahtariquina usã acaye judio masare buheyequina, fariseo masa gũhũ Jesu cahapũ cahmecoahye. <sup>2-4</sup> Fariseo masa ijipihtiequina apequina judio masa mehna panopũ cjẽna tiquina dutiriro saha tiquina omocarine omo coserape ihyera tiahye. Sa ye doeri cjẽ duayequina cahapũ esayequina tiquina ye wũhũsepũ wihiye tiquina dutiriro saha tiquina omocarine omo coserape ihyera tiahye. Sa ye peye apeye dutiyere panopũ cjẽna judio masa tiquina dutiyere yee tiahye. Sihniñe parire coseye, dihi suturire coseye, come suturire coseye, yee tiahye tiquina judio masa, “Cohãcjũ sa cahmene”, niñe. Sa ye Jesu cahapũ cahmecoañe Jesu buheyequina judio masa tiquina dutiriro saha tiquina omo coseragũ ihñahye fariseo masa. <sup>5</sup> Sa ihña tuhasaye Jesure sinituahye:

—Mũhũ buheyequina ihyaye mari ñecũsumũa mũna tiquina dutiriro sahata tiquina omocarine omo coserare. ¿Dũhse yeye mari dutiyere yerajari? niahye tiquina Jesure.

<sup>6</sup> Tiquina sa nigũ tũhoro Jesu yahuahye tiquinare.

—Masa tiquina ihñono dihita quehnoano iji mehona ijire mũsa. Cohãcjũ yere yahu mũhtariquiro mũnano Isaia mũsare panopũre potota yahue tiahye. Ohõ saha niahye:

Ahriquina masa yũhũre quehnoano yahuducuepeta yũhũre ne ño peoerare. <sup>7</sup> Sa ye yũhũre tiquina ñũ buheye dũhseati ijierare. “Cohãcjũ ye dutiye ijire ahri”, ni meho buhere tiquina buheye, ni ojoahye Isaia.

<sup>8</sup> Ti ijirota ijire. Panopũ cjẽna ye dutiye pehere yena tana Cohãcjũ ye dutiyere yerare mũsa. <sup>9</sup> Cohãcjũ ye dutiyere cohãna, mũsa acaye ye dutiye pehere yere mũsa. <sup>10</sup> Ohõ saha yena Cohãcjũ ye pehere yũhdũdcana nine mũsa. Panopũre ohõ saha niahye Cohãcjũ tiquiro dutiyere Moisere cũno: “Mũsa pacũsumũare ño peoya. Ihcãquiota tiquiro pacũsumũare ñano

quiti dahreriquiro ijiri ti buhiri tiquina wejĕatiquiro ijirota”, niahye Cohăcjŭ Moiserere tiquiro cŭri dutiye. <sup>11</sup> Tiquiro sa niepegŭta ohŏ saha ye dutire mŭsa tiquina pacŭsmŭare yedoho dutierana: Tiquina pacŭsmŭare tiquina ohoborire Cohăcjŭ pehere oho dutire mŭsa. Sa ni buhemene mŭsa. <sup>12</sup> Sa buhena tiquina pacŭsmŭare ño peogŭ yerare mŭsa tiquinare. <sup>13</sup> Sa yena Cohăcjŭ dutiyere yŭhdŭdŭcana nine mŭsa mari acaye panopŭ cjĕna ye dutiye pehere yena. Apequinare mŭsa ye buheye dihitare tŭho dutire mŭsa. Peye sa ijiyere yere mŭsa, niahye Jesu tiquinare.

<sup>14</sup> Sa ni tuhasaro apequinare pijioahye. Ohŏ saha niahye:

—Mŭsa ijipihtina tŭhoya yŭhŭre. Yŭhŭ niñene quehnoano masiña mŭsa. <sup>15</sup> Mŭsa dŭserire sajăne pehe mŭsa ihyaye pehe mŭsare ñana ijigŭ yerare. Mŭsa ñaŭe yahuducuye pehe mŭsa dŭseri wijiaye pehe mŭsare ñana ijigŭ yere. [ <sup>16</sup> Yŭhŭre quehnoano tŭhoya,] niahye Jesu.

<sup>17</sup> Sa ni tuhasa Jesu masa cahapŭ ijiriquiro waha, wŭhŭpŭ sajăa wahahye. Sa sajă sagŭ ihŭaŭe tiquiro buheyequina pehe tiquiro buherire sinituahye. Tiquina sa sinitugŭ tŭhoro ohŏ saha niahye tiquiro:

<sup>18</sup> —¿Ne tŭho ñehedajari mŭsa? Mŭsa dŭserire sajăne pehe mŭsa ihyaye pehe mŭsare ñana ijigŭ yerare. <sup>19</sup> Ti mŭsa tŭhotuyepŭre sajăedare. Mŭsa paapŭ sajă yŭhdŭa wahare, niahye Jesu.

Sa nino “Ijipihtiye ihyaye quehnoaŭe ijire”, nino niahye. <sup>20</sup> Ohŏ saha ni nemoahye:

—Mŭsa ñaŭe yahuducuye pehe mŭsa dŭseri wijiaye pehe mŭsare ñana ijigŭ yere. <sup>21-22</sup> Ñano tŭhotuye, wŭana tiye, numia mehna ñano yeducuye, ŭmŭa mehna ñano yeducuye, masare wejĕne, yaqueye, apequiro yere tutuaro cahme yŭhdŭye, ñano yeye, ni mehoŭe, peye ñaŭene yeducuye, apequiro yere coo ihŭa tuhtiye, ñano quiti dahreye, “Apequinare yŭhdŭdŭcaja”, ni tŭhotuye, tŭho masieŭequina ijiye, ti ijipihtiye mŭsare mŭsa tŭhotuyepŭ ahtare. <sup>23</sup> Ijipihtiye ahri ñaŭe mŭsa tŭhotuyepŭ ahta, mŭsare ñana ijigŭ yere, niahye Jesu.

*Judio masono ijericoro Jesure wacŭ tu-tuahye*

(Mt 15.21-28)

<sup>24</sup> Sa yero Tiro wame tiri maca cahapŭ esaro, to cjă wŭhŭpŭ sajăa wahahye. Sa yero apequinare tiquiro ijiri wŭhŭre yahu dutierahye. Sa yahu dutieraperota tiquinare tiquiro duhti masiedahye. <sup>25</sup> Ti pjereta numino ticoro macono watŭno cŭoricoro tiquiro cahapŭ ijiahye. Sa ye Jesu yerire ihŭaŭe apequina ticoro pacorore yahuahye. Tiquina sa yahuri bato ticoro pacoro pehe waha, Jesu dahpocări cahapŭ dŭsepe curi mehna quehe sahye tiquirore ño peoro. <sup>26</sup> Ticoro Siria yehpapŭ ijiri yehpa Fenicia wame tiri yehpa cjŏno iji-ahye.

—Watŭnore cohăriŭa yŭhŭ macore, ni sinituahye ticoro Jesure.

<sup>27</sup> Ticoro sa sinigŭ tŭhoro ohŏ saha niahye Jesu:

—Wahmanore wŭhŭ upŭro pohne ye ihyayere diayeare yŭhŭ oho mŭhtagŭ to wahaerare. (Israe masa yere ape yehpa cjĕnare yŭhŭ oho mŭhtagŭ to wahaerare,) niahye Jesu ticorore queoye mehna yahuro.

<sup>28</sup> —Sa tjire pŭhto. Sa ijiepegŭta di-ayea gŭhŭ mesa doca tiquina pohne ihya site dijioyere ihya cohtere tiquina gŭhŭ. (Ape yehpa cjŏ yŭhŭ ijiepegŭta yŭhŭ gŭhŭre yedoho masine mŭhŭ,) ni yŭhtiahye ticoro.

<sup>29</sup> —Mŭhŭ sa ni yŭhtigŭ mŭhŭ macore watŭno duhu tuhasari. Ihŭago wahaya, niahye Jesu ticorore.

<sup>30</sup> Tiquiro sa nigŭ tŭhoro waha, ticoro wŭhŭpŭ esaro, ticoro maconore watŭno marienicoropŭre cuŭanopŭ ijiricorore ihŭahye.

*Cahmono tŭhoeriquirore, yahuducu masieniquirore yŭhdŭoahye Jesu*

<sup>31</sup> Ti pjere Jesu Tiro wame tiri maca cahapŭ ijiriquiro waha, Sidŏ wame tiri macare esa yŭhdŭ că, Decapoli wame tiri macare esa yŭhdŭ că, Galilea wame tiri ditarapŭ esahye. <sup>32</sup> Sa ye cahmono tŭhoeriquirore, yahuducu masieniquirore Jesu cahapŭ ne căhtahye apequina.

—Mŭhŭ omoca mehna ña peoya tiquirore, ni sinituahye tiquina tiquirore.

<sup>33</sup> Tiquina sa nigāta Jesu pehe tūhoeriquirore ne cā, masa marienopu siho esahye. Tiquina sehsaro ijiahye. Sa yero Jesu tiquiro omo piri mehna tūhoeriquirore cahmo coperire ohbe sōahye. Sa ye tuhasa, sihco puti, tiquiro ñehmenore ña peohaye.

<sup>34</sup> Sa ye tuhasa uhmusepu ihña muo, jeri ne, ohō saha niahye:

—Efata, niahye Jesu. “Efata”, nino “Pōohña”, nino nine. Sa nino tiquirore tūho dutiro niahye. Sa yero yahuducu dutiro niahye.

<sup>35</sup> Tiquiro sa nigāta tiquiro pehe tūho boca, tiquiro ñehmeno cahbiro wahagū tūhoturo quehnoano yahuducuahye. <sup>36</sup> Sa yero Jesu tiquinare tire apequinare yahu site dutierahye. Tiquiro sa yahu site dutieraripe taharita tja tiquina apequinare yahu site nemoahye. <sup>37</sup> Sa ye masa tūho maria wahaye, ohō saha niahye:

—Ijipihtiyere tiquiro quehnoano yere. Tūhoeyequinare quehnoano tūhogū yere. Yahuducu masieñequina gūhare quehnoano yahuducugū yere Jesu, niahye masa.

## 8

*Cuatro mil masare ihyayere ohoahye Jesu*

*(Mt 15.32-39)*

<sup>1</sup> Ti pjere pari turi masa peyequina cahmecoari bato ihyaye marieñequina tiquina ijigū ihñano Jesu tiquiro buheyequinare pijioahye:

<sup>2</sup> —Ahriquina masa ihtia deco waro yūhu mehna iji tuhasari. Sa ye tiquinare pohe mariedare. Tiquina pohe mariedagū ihñagu tiquinare paja ihñaja yūhu.

<sup>3</sup> Apequina tiquina mehna cjēna yoaropu ahtari. “Tiquinapu ujna ahbayequina mahapu borari”, nigū tiquinare ihyaye marieno tiquina ye wūhusepu waha duti dueraja. Sa yegu tiquinare pohe oho duaja, niahye Jesu tiquiro buheyequinare.

<sup>4</sup> —¿Dūhse ye mari ohōre masa marienopure pāre boca ohoboagari mari? niahye Jesu buheyequina tiquirore.

<sup>5</sup> —¿Nohope paca pā pacare cūojari masa? ni sinituahye Jesu.

—Siete pā paca ijire, niahye tiquina.

<sup>6</sup> Sa yero tiquiro masare yehpapu duji duti, siete pā pacare ne, Cohācjūre “Quehnoare”, niahye. Sa ni tuhasa, ti pacare nuha, tiquiro buheyequinare oho, masare iti dutiahye. Tiquiro sa dutiri bato tiquiro buheyequina pehe pāre masare itiahye. <sup>7</sup> Sa ye wahi gūhare meheñequinagā cūoahye tiquina. Sa yero tiquinare Cohācjūre “Quehnoare”, ni, wahi gūhare iti dutiahye. <sup>8</sup> Tiquina iti tuhasagū tiquina ihyaye, yapi yūhduā wahahye. Tiquina ihya daharire siete pūhuse waro ne cahmecoā wahpo dapoahye tiquina. Tiquina cuatro mil masa ijiahye. <sup>9-10</sup> Sa ye tuhasa Jesu masare cohe tiahye. Cohe ti tuhasa tiquiro buheyequina mehna yucūsapu sajāhye. Sajā tuhasa Dalmanuta wame tiri maca cahapu wahahye.

*Fariseo masa Jesure Cohācjū tutuaye mehna ye ihño dutiahye*

*(Mt 16.1-4; Lc 12.54-56)*

<sup>11</sup> Sa ye fariseo masa wihi, Jesu mehna cahme dūse tutuahye. Tiquina Jesure Cohācjū tutuaye mehna ye ihño dutiye, tiquiro ye ihño masiedagū ihña duamahye. <sup>12</sup> Tiquina sa dutigū tūhoro Jesu tutuaro bujūna witi pihopūri, jeri sajāedarō, ohō saha niahye:

—¿Mūsa yojopu cjāna dūhse yena masa Cohācjū tutuaye mehna ye ihñoñene ihña duajari? Potota niita niaja mū sare. Yojopu cjānare mū sare Cohācjū tutuaye mehna ne ye ihñosi yūhu, niahye Jesu.

<sup>13</sup> Sa ni tuhasa waha, pari turi yucūsapu sajā, ape sie pahrepu pehāa wahahye.

*Fariseo masa, Herode mehna cjēna gūhare tiquina ñañe buheyere yahuahye Jesu*  
*(Mt 16.5-12)*

<sup>14</sup> Sa wahaye, pāre bo cū, yucūsapu ihcāriata pāre cūoahye tiquina. <sup>15</sup> Sa yero Jesu cua pesaro mehna yahuahye tiquinare.

—Quehnoano yeya. Fariseo masa, Herode mehna cjēna gūhu tiquina ye pāre pugū yeyere ihñana quehnoano yeya. Cuarñe ti, ni yahuahye.

<sup>16</sup> Tiquiro sa nigū tūhoye tiquiro buheyequina pehe tire tiquina basi yahuducuahye.

—Mari pãre mari ne cãhtaeragũ ihñano sa niaga ahriquiuro, nimahye tiquina.

<sup>17</sup> Tiquina sa nidire masino tiquinare sinituahye Jesu:

—¿Dahse yena m̄sa pã borire wacũajari m̄sa? ¿M̄sa masiedajari? ¿Tũhoerajari? ¿Tũho duerajari m̄sa? <sup>18</sup> ¿Caperi tina ijiepenata ihñedajari m̄sa? ¿Sa yena cahmono tina ijiepenata tũhoerajari m̄sa? ¿M̄sa ahrire wacũedajari? <sup>19</sup> ¿Yũhũ ihcã omope paca pã pacare nuha, cinco mil masare yũhũ ohorire wacũedajari m̄sa? ¿Tiquina ihya dũharire nohope pũhũsere pã pacare m̄sa ne cahmecoahapõ daporĩ pũhũsere neari m̄sa? niahye Jesu tiquinare.

—Doce pũhũse nei, niahye tiquina tiquirore.

<sup>20</sup> —¿Sa ye yũhũ siete pã pacare cuatro mil masare yũhũ ohori bato nohope pũhũsere pã pacare m̄sa wahpo daporĩ pũhũsere neari m̄sa? niahye Jesu.

—Siete pũhũse nei, niahye tiquina tiquirore.

<sup>21</sup> —¿Sa ihñaeopenata quehnoano masiedajari m̄sa? niahye Jesu tiquinare.

*Jesu caperi bajueriquirore ihñagũ yeahye*

<sup>22</sup> Sa ye Betsaidapũ tiquina esagũ ihñañe, masa pehe caperi bajueriquirore ne cãhtahye.

—Tiquirore ña peoya, ni tutuaro siniahye tiquina Jesure.

<sup>23</sup> Sa yero Jesu caperi bajueriquiro omocare ñehe, ti maca dũhtũ cahapũ tiquirore tũã cãhye. Topũ ne sa, tiquiro caperire sihco puti, tiquiro omocari mehna tiquirore ña peohye.

—¿Mũhũ ihñagũ bajuajari? ni sinituahye Jesu.

<sup>24</sup> Tiquiro sa nigũ tiquiro pehe ihñano ohõ saha niahye:

—Hũmũare ihñaja. Yũhũ sa ihñaepegũta tiquina yucari tiniñe cju yero saha bajure, niahye caperi bajueriquiro.

<sup>25</sup> Tiquiro sa nigũ tũhoro Jesu pehe tiquiro omocari mehna tiquiro caperire ña peohye tja. Tiquiro sa ña peori bato caperi bajueriquiro tutuaro tiquiro ihñagũ caperi quehnoano bajuahye. Sa yero ijipihyere quehnoano ihñahye tiquiro. <sup>26</sup> Sa

yero Jesu tiquirore tiquiro ya wũhũpũ ohohye.

—Macapũ pũritare wahaeracãhña, niahye Jesu tiquirore.

*Jesu potota Cristo tiquiro ijyere Cohãcjũ ohoriquiro tiquiro ijyere yahuahye Pedro*  
(Mt 16.13-20; Lc 9.18-21)

<sup>27</sup> Sa ye Jesu tiquiro buheyequina mehna Cesarea Filipino wame tiri maca cahapũ ijyere macaripũ waha nemoahye. Topũ waharo Jesu sinituahye tiquiro buheyequinare:

—¿Noa boro ijagari yũhũ, masa yũhũre tiquina tũhotugũ? ni sinituahye tiquiro.

<sup>28</sup> Tiquiro sa sinitugũ tũhoye yũhtiahye tiquina:

—“Ñũ wame yeriquiro ijire”, nine. Apequina “Elia ijire”, nine. Apequina “Cohãcjũ yere yahu mũhtariquina mehna cjũno iji-boaga”, nine, ni yũhtiahye tiquiro buheyequina tiquirore.

<sup>29</sup> Tiquiro sa nidi bato Jesu sinitu nemoahye:

—¿M̄sa pehe tũhotugũ noa boro ijagari yũhũ? ni sinituahye tja.

—Mũhũ Cristo Cohãcjũ ohorigũ ijire, ni yũhtiahye Pedro.

<sup>30</sup> Tiquiro sa nigũ tũhoro Jesu ohõ saha niahye:

—Yũhũre “Cristo ijire tiquiro”, ni yahu site niedacãhña apequinapũre, niahye tiquinare.

*Jesu tiquiro yaria masa wijiatiye yahuahye*

(Mt 16.21-28; Lc 9.22-27)

<sup>31</sup> Sa ye tiquiro buhe dũcahye tiquinare.

—Yũhũ masũ Cohãcjũ ohorigũ ijiaja. Sa yegũ tutuaro ñano yũhdũgũta. Sata waharo cahmene yũhũre. Judio masa bũcũna, pahia pũhtoahũ, mari judio masare buheyequina yũhũre cahmedaye, yũhũre wejẽeta. Tiquina sa wejẽgũ ihtia deco wahaboro masa wijiagũtja, niahye Jesu tiquinare.

<sup>32</sup> Sa nino ne tũho wisiagũ yero marieno yahuro niahye tiquinare. Tiquiro sa nigũ tũhoro Pedro pehe yoa cjũnogã Jesure ne sadũca, tiquirore sa ni dutierahye.

<sup>33</sup> Tiquiro sa ni dutieragũ tũhoro Jesu tiquiro buheyequinare majare ihña, tuhtiahye Pedore.



—Satana yero saha yahuducugũ nine mũhũ. Sa niedacãhña. Mũhũ tũhotuye masa ye ijire. Cohãcjũ ye ijierare, niahye tiquiro Pedrore.

<sup>34</sup> Sa ni tuhasa masare tiquiro buheyequina mehna tiquiro caharũ pijio ohõ saha niahye:

—Ihcãquiro yaquiro iji duaro, tiquiro esa tuharo ye duamedire duhu cãnota. Sa yero yaquiro tiquiro ijiri buhiri ñano yũhdæperota yũhare duhusi. Sa yero yeere yeducuriquiro ijirota. <sup>35</sup> Masũno tiquiro esa tuharo tiquiro cahmeno sahata yeriquiro pecarũ waharota. Sa yero masũno, yeere sa yeducuro, quehnoañe buheyere sa yeducuro, ijipihtiyere decori yũhũ mehna uhmũsepũ ijiducurota. <sup>36</sup> ¿Ihcãquiro masũno ahri yehpa cjẽne ijipihtiyere cãoriquiro pecarũ waharo yabere wapatajari tiquiro? Sa ijiriquiro ne wapataerare. <sup>37</sup> Pecarũ tiquiro jeripohna wahagũ ne dũhse wapa ye wioro basioeraga. Masũno jeripohna ihyo waro ijierare. <sup>38</sup> Yojorũre, ñañequina Cohãcjũre cahmeeñequina tiquina esa tuharo yeri deco ijiro nine. Ihquẽquina yũhare, yũhũ buheye gũhare bue tisãboaga. Tiquina sa yegũ ihñagũ yũhũ masũ Cohãcjũ ohorigũ quehnoañequina angele mehna yũhũ Pacũ asi sitero mehna tojoa tagũ yũhare bue tisãñequinare bue tisãgũtja yũhũ gũhũ, ni yahuahye Jesu.

## 9

<sup>1</sup> Sa ni tuhasa ohõ saha ni nemoahye Jesu:

—Potota niita niaja mũsare. Ihquẽquina mũsa ohõrũre ijina mũsa yariato pano Cohãcjũ tiquiro pũhtoro ijiorũre yũhũ sajãgũ yũhare ihñanata, niahye Jesu tiquinare.

*Jesu tiquiro pagũre comesahye  
(Mt 17.1-13; Lc 9.28-36)*

<sup>2</sup> Sa ye seis decori bato Jesu Pedrore, Santiagore, tiquiro bahũro Ñu gũhare uhmũanũ cãnrũ tiquina dihitare piji mũjahye. Uhmũanorũ esari bato tiquina ihñonorũ tiquiro pagũre comesaa wahahye. <sup>3</sup> Tiquiro suhtiro asi sitero yero saha yehsero wahahye. Ahri yehpa

cjẽna numia suhti coseyequina numia sa yehseye ye masiedare. <sup>4</sup> Sa ye Jesu Elia mũnano, Moise mũnano mehna tiquina yahuducugũ ihñahye tiquina ihtiaro tiquiro buheyequina. <sup>5-6</sup> Sa ye tiquina tutuaro cueahye. Sa cuero dũhse ni masiedamehno ohõ saha nimahye Pedro:

—Pũhto, mari ohõ ijigũ quehnoa duare. Ihtia wũhũgã yematja. Mũhũ ya wũhũgã, Moise ya wũhũgã, Elia ya wũhũgã yematja, nimahye tiquiro Jesure.

<sup>7</sup> Sa yero tiquina bui ehmeo curua cahmotahye. Sa cahmotagũta ehmeo watoarũ nino ca tahye:

—Ahriquiro yũhũ macũ yũhũ cahñiquiro ijire. Tũhoya tiquirore, nino ca tahye.

<sup>8</sup> Sa nigũta Pedro gũhũ ihñamahye. Jesu dihitare ihñahye. Tiquina ihñariquina pehe mariedahye. <sup>9</sup> Sa yero cãnrũ tiquina dijia tagũ Jesu tiquinare yahuahye:

—Mianogã yũhare sa waharire apequinare yahueracãhña. Yũhũ masũ Cohãcjũ ohorigũ yũhũ yaria masa wijiari bato tire apequinare yahuya mũsa, ni yahuahye tiquiro.

<sup>10</sup> Sa ye tiquiro dutiriro sahata tiquina ihñarire yahuerahye apequinare. Sa ye tiquina basi ohõ saha ni sinitu yahuducuahye:

—¿“Yũhũ yaria masa wijiari bato”, nino dũhse nino niari tiquiro? ni, yahuducuahye tiquina.

Sa ye Jesure ohõ saha ni sinituahye:

<sup>11</sup> —“Cristo tiquiro ahtato pano Eliare ahta mũhtano cahmene”, nine mari acaye judio masare buheyequina. ¿Dũhse ijiro boro sa niagari tiquina? ni sinituahye tiquina tiquirore.

<sup>12-13</sup> Jesu yũhtiahye:

—Ijirota ijire. Eliare ahta mũhta dutiri Cohãcjũ, ijipihtiyere quehno mũhtatiquirore. Yũhũ masũ Cohãcjũ ohorigũ peye tahari ñano yũhdũgũta. Apequina yũhare cahmedaye, ñano yeeta. ¿Dũhse ijiro boro tire sa ni ojoari, mũsa tũhotugũ? Sa yegũ ahrire niitja mũsare: Elia wihi tuhasari. Tiquiro sa wihiepegũta tiquina cahmediro saha tiquirore ñano yeahye. Sata ni ojoahye tiquirore, niahye Jesu tiquinare.

*Jesu coã wahm̄na cãhtariquirore ȳh̄d̄na oahye* ihñano, Cohãcjũ ijipih̄tiyere ye peho masine, m̄h̄ure yedohoro, niahye Jesu.

*(Mt 17.14-21; Lc 9.37-43)*

<sup>14</sup> Sa ye dijia ta, apequina buheyequina cahap̄ esa, peyequina masare ihñahye. Tiquiro buheyequina pehe judio masare buheyequina mehna cahme d̄use tutuaye niahye. <sup>15</sup> Sa ye Jesu ḡh̄u tiquina dijia tagũ ihñañe, ijipih̄tiyequina masa ac̄na waha, tiquiro cahap̄ oma cãa wahahye. Tiquiro cahap̄ esaye,

—¿Ahtajari? niahye tiquirore.

<sup>16</sup> —Ahtaja, ni tuhasa,

—¿D̄h̄se ni cahme d̄use tutuana niari m̄sa tiquina mehna? ni sinituahye Jesu tiquiro buheyequinare.

<sup>17</sup> Tiquiro sa ni sinitugũ t̄horo, masa watoa ducuriquiro yahuahye tiquirore:

—Buheḡu, ȳh̄u mac̄ure wat̄no c̄oriquirore m̄h̄ure ne cãhtami. Wat̄no pehe tiquirore yahuducu dutierare. <sup>18</sup> Ȳh̄u mac̄ure tiquiro ñehegũ yehpap̄ bora, bahque diho, b̄h̄aa wahae tiri tiquiro. Sa waharo sahpo tua wahae tiri. Sa yeḡu m̄h̄u buheyequinare wat̄nore cohã dutimi. Ȳh̄u sa dutiepegũta tiquina cohã masiedari wat̄nore, ni yahuahye Jesure.

<sup>19</sup> Tiquiro sa nigũ t̄horo Jesu ohõ saha niahye tiquinare:

—Ne, ȳh̄ure wacũ tutuerare m̄sa. Yoari pje m̄sare buhemaja ȳh̄u. ¿Noho puno yoari pje ȳh̄ure m̄sa cariboajari? Tiquirore ne cãhtaya ȳh̄ure, niahye Jesu.

<sup>20</sup> Tiquiro sa nigũ t̄hoye wat̄no c̄oriquirore Jesu caha ne cãhtahye. Tiquina ne wihigũ ihñano wat̄no pehe coã wahm̄na cãhtariquirore yehpap̄ doque quehe sa, tunu nanaregũ yeahye. Sa yero sahpo tuaa wahahye.

<sup>21</sup> —¿Noho puno yoari pje wat̄nore c̄oajari ahriquiro? ni, sinituahye Jesu pehe tiquiro pac̄rore.

—Nijinogã ijirop̄ta tiquirore c̄o d̄cari.

<sup>22</sup> Sa yero wat̄no pehe tiquirore pecap̄, acop̄ cohã wej̄medi. Sa yeḡu m̄h̄u ye masigũ us̄are paja ihña, yedohoya, niahye tiquiro pac̄ro Jesure.

<sup>23</sup> Tiquiro sa nigũ t̄horo ohõ saha niahye Jesu:

—¿“M̄h̄u ye masiegũ ijire”, niajari m̄h̄u ȳh̄ure? Ȳh̄ure m̄h̄u wacũ tutuagũ

ihñano, Cohãcjũ ijipih̄tiyere ye peho masine, m̄h̄ure yedohoro, niahye Jesu.

<sup>24</sup> Tiquiro sa nigũta coã wahm̄na cãhtariquiro pac̄ro ohõ saha ni sañuducuahye:

—M̄h̄ure wacũ tutuaja. Ȳh̄u wacũ tutueragũ ihñagũ ȳh̄ure yedohoya m̄h̄ure ȳh̄u wacũ tutuato saha, niahye tiquiro.

<sup>25</sup> Sa yero masa peyequina tiquina cahap̄ oma cãhta, tiquina cahmecoagũ ihñano, Jesu wat̄nore ohõ saha ni tuhtiahye:

—M̄h̄u yahuducu dutiegũ, t̄ho dutiegũ ahriquiro mehna ijirigũ wahaya. Sa wahagũ tiquirore pari turi cariboeracãhña, niahye Jesu.

<sup>26</sup> Tiquiro sa nigũ t̄horo wat̄no sañuducu, coã wahm̄na cãhtariquirore yehpap̄ doque quehe sa tunu nanaregũ ye, wahahye. Tiquiro sa yegũ coã wahm̄na cãhtariquiro yariariquiro yero saha wahahye.

<sup>27</sup> —Tiquiro yariaa wahare, nimahye masa peyequina.

Tiquina sa niepegũta Jesu pehe tiquiro omocare ñehe, tiquirore wahcõahye. Tiquiro sa wahcõgũ wahcãh̄ye tiquiro pehe. <sup>28</sup> Came Jesu ḡh̄u wah̄p̄u tiquina sajã sagũ tiquiro buheyequina tiquirore sinituahye:

—¿D̄h̄se yena us̄a pehe wat̄nore cohã masiedayari, m̄h̄u t̄hotugũ? ni sinituahye tiquina.

<sup>29</sup> —Ahriquiro boro wat̄nore cohã duana Cohãcj̄ure tutuaro sinino cahmene m̄sare, ni ȳhtiahye Jesu tiquinare.

*Pari turi Jesu tiquiro yaria masa wiji-  
atire yahuahye*

*(Mt 17.22-23; Lc 9.43-45)*

<sup>30</sup> Sa ye top̄u ijiriquina waha, Galilea yehpap̄ esa, ȳh̄d̄na wahahye. Top̄u tiquina waharire apequina masigũ cahmedahye Jesu tiquiro yequinare buhero taro.

<sup>31</sup> Top̄u esaro tiquiro buheyequinare buheahye. Ohõ saha ni buheahye:

—Ȳh̄u masũ Cohãcjũ ohorigũ ijiaja. Masa ȳh̄ure ñehe, apequinap̄are ȳh̄ure ohoeta. Tiquina sa ohori bato ȳh̄ure wej̄eta. Tiquina sa wej̄origũ ijiepegũta ihtia deco wahaboro masa wijiagutja, niahye tiquinare.

<sup>32</sup> Tiquiro sa nigū tūhoye tiquina quehnoano tūho ñehedahye. Sa ye cueye, tiquirore tire sinitu nemoedahye.

*Jesu buheyequina tiquina mehna cjānore pūhto sō duaye nimahye*  
(Mt 18.1-5; Lc 9.46-48)

<sup>33</sup> Sa ye Capernaupū tiquina esari bato wāhūpū tiquina ijigū Jesu pehe sinituahye tiquinare.

—¿Mahapūre ahtana, dahse ni yahuducu cāhtana niari mūsa? ni, sinituahye tiquinare.

<sup>34</sup> Tiquiro sa sinitugū tiquina yūhtierahye. Mahapūre ahtaye, cahme ohō saha ni yahuducu cāhtaye niahye:

—¿Mari mehna cjānore diquiro pehere mari pūhtoro sōnatari mari? ni yahuducu niahye mahapūre ahtaye.

<sup>35</sup> Sa ye tiquina sa nidire bue tiye Jesure yūhtierahye. Tiquina sa yūhtieragū ihñano Jesu nuju sa, tiquiro buheyequinare doce buheyequinare pijio ohō saha niahye:

—Mūsa pūhtoa iji duana ijipihtiequina masa tiquina cahacjāna ijiro cahmene mū sare. Sa yena ihyo ijina ijipihtiequina docapū ijinata mūsa, niahye Jesu tiquinare.

<sup>36</sup> Sa nino nijinogāre tiquina watoa duhu docoahye. Duhu doco tuhasa tiquirogāre ne wūa, ohō saha ni yahuahye:

<sup>37</sup> —Yeere ye duana ahriquirogāre mūsa cahmena, yūhū gūhūre cahmene mūsa. Sa yena yūhūre cahmena, yūhūre ohoriquiro mari Pacū gūhūre cahmene mūsa, niahye Jesu tiquinare.

*Marine ihña tuhtiriquiro ijieraro, mari mehna cjāno ijire*

(Mt 10.42; Lc 9.49-50)

<sup>38</sup> Came Ńu ohō saha niahye Jesure:

—Buhegū, mūhū wame mehna watīare cohāriquiore ūsā ihñanū. Mari mehna cjāno tiquiro ijieragū ihñana tire tiquirore ye dutierahti ūsā, niahye tiquina.

<sup>39</sup> Tiquina sa nigū tūhoro Jesu tiquinare yahuahye:

—Sa niedacāhña mūsa tiquirore. Ihcāquiro yūhū wame mehna Cohācjū tutuaye mehna yero, came yūhūre ñano ni yahuducu masiedare. <sup>40</sup> Marine ihña tuhtiriquiro ijieraro, tiquiro mari mehna

cjāno ijire. <sup>41</sup> Mū sare potota nii niaja. Yeequina mūsa ijigū ihñañe apequina mū sare tiquina yedohogū ihñano Cohācjū tiquinare quehnoano yerota. Acore mū sare tiquina mehenogā sihōgū tiquinare quehnoano yerota Cohācjū tiquina sa yeri wapa, niahye Jesu tiquinare.

*Ñañene yegū cuarīne*  
(Mt 18.6-9; Lc 17.1-2)

<sup>42</sup> Sa yero Jesu yahu nemoahye:

—Ahriquirogā yero saha ijiriquirore yūhūre wacū tutua dūcariquiore yahugūtja mū sare. Apequiro ahriquirogā yero saha ijiriquirore ñañene ye dutiro tiquiro ña yūhdūaro yūhdūrota. Ihcāquirore tiquiro wamūapū pajiria ūtāre dūhte yo, pajiri mapū tiquirore tiquina cohāgū ñano waha boaga tiquiro. Sa ijiepegūta ahriquirogā yero saha ijiriquirore ñañene ye dutiriquiro tiquiro pehe pajiri mapū tiquina cohāriquiore yūhdūoro ñano yūhdūrota.

<sup>43-44</sup> Mūhū omoca mehna ñano yegū ti omocare mūhū dūte cohāboriro saha ti mūhū ñano yeye pehere duhuya. Tire duhueragū pecapū wahagūta. Topūre ne peca yatierare. Sa ye becoa ne yarierare. Mūhū omocare cohāgū ti si dihita butiboaga. Sa yegū mūhū pehe sa bajuri turu ijiepegūta came Cohācjū mehna ijigūta. Pūa omoca mehna pecapū wahagū mūhū sa wahagū ña yūhdūaboaga. Sa yegū ti mūhū ñano yeye pehere duhuya. <sup>45-46</sup> Mūhū dahpocā mehna ñano yegū ti dahpocā gūhūre mūhū dūte cohāboriro saha ti mūhū ñano yeye pehere duhuya. Tire duhueragū pecapū wahagūta. Topūre ne peca yatierare. Sa ye becoa ne yarierare. Mūhū dahpocāre mūhū cohāgū ti si dihita butiboaga. Sa yegū sa bajuri turu ijiepegūta came Cohācjū mehna ijigūta. Pūa dahpocā mehna pecapū wahagū mūhū sa wahagū ña yūhdūaboaga. Sa yegū ti mūhū ñano yeye pehere duhuya. <sup>47-48</sup> Mūhū capea mehna ñano yegū tiare ore we mūhū cohāboriro saha ti mūhū ñano yeye pehere duhuya. Tire duhueragū pecapū wahagūta. Topūre ne peca yatierare. Sa ye becoa ne yarierare. Tiare mūhū cohāgū tia dihita butiboaga. Ihcā capea mariedapegūta came Cohācjū mehna ijigūta. Pūa capea mehna pecapū wahagū

mahu sa wahagũ ña yuhduaboaga. Sa yegu ti mahu ñano yeye pehere duhuya.

<sup>49</sup> 'Ahri yehpamu ijina ñano yuhduanata musa. Pecamu mari ujũgũ marine purĩno saha ñano yuhduanata musa. <sup>50</sup> Moa quehnoano ocare. Moa ocaeragũ ti moare ocagũ yero basioerare. Moa ocaeraro ti moa ne quehnoaedare. Ti moare duhsero basioerare. Sa ijigũ ihñana ti moare cohãno cahmene. Moa quehnoano ti ocaro saha musa gũhu masa quehnoana ijiya. Sa yena apequina mehna quehnoano mehna ijiya, ni yahuahye Jesu tiquinare.

## 10

*Tiquina namosãnumiare cohãñene yahuahye Jesu*

*(Mt 19.1-12; Lc 16.18)*

<sup>1</sup> Sa ye tiquiro topu ijiriquiro waha, Judea yehpa cahamu esa, Jordã wame tiri ma ape sie pahrẽpu esahye. Topu tiquiro esagũ ihñañe masa peyequina tiquiro cahamu cahmecoahye tja. Tiquina sa cahmecoagũ ihñano to pano tiquiro buheriro sahata pari turi buheahye tja. <sup>2</sup> Tiquiro sa buheri watoa fariseo masa wihiahye. Jesure ñano tiquiro yahuducugũ tũho duamahye tiquina. Sa tũho duaye tiquina Jesure sinituahye.

—¿Mari namosãnumiare cohãgũ quehnoabogari? ¿Mari dutiye pehe sata ye dutiajari, mahu tũhotugũ? ni sinituahye tiquina.

<sup>3</sup> —¿Duhse ye dutiajari to Moise musare tiquiro cũri? ni yahuahye Jesu.

<sup>4</sup> —“Papera pũre musa cohãñene yahuyere ojoana musa namosãnumiare cohã masine”, niahye Moise, ni yahuahye fariseo masa pehe.

<sup>5</sup> Tiquina sa nigũ tũhoro ohõ saha ni yahuahye Jesu:

—Cohãcjũ dutiyere musa ye dueragũ ihñano sa ni ojoahye Moise. <sup>6</sup> Tiquiro sa ni ojoari ijiepegũta ahri yehpare bajumehnediquiro umano, numino gũhure yeahye. <sup>7</sup> Sa yero umano tiquiro pacusumhare cohã wijia, tiquiro namono mehna ijirota. <sup>8</sup> Sa ye tiquina puaro ijiepetata ihcã pagu yero saha ijire. Sa ye tiquina puaro yero saha ijierare. Ihcã pagu yero saha ijiye nine. <sup>9</sup> Cohãcjũ tiquiro

omoca duhte dutiriquina ijire. Sa ye tiquinare cahme duhueraro cahmene, niahye Jesu tiquinare.

<sup>10</sup> Sa ni tuhasa tiquiro buheyequina mehna wuhupu sajã wahahye. Wuhupu sajã sa, tiquina namosãnumiare cohãñene tiquiro buheyequina sinituahye tja tiquirore. <sup>11</sup> Tiquina sa sinitugũ tiquiro yahuahye:

—Tiquiro namonore cohãriquiru apesorore namo tiro, apesoru mehna ñano yeriquiro ijire. Sa yero tiquiro cohãricorore ñano wahagũ yero nine. <sup>12</sup> Sa yero numino pehe ticoro mananore cohãno, apequiru manu tiro, tiquiro mehna ñano yericoro ijire, niahye Jesu tiquinare.

*Macanagã ye ijiatire Cohãcjũre sini basahye Jesu*

*(Mt 19.13-15; Lc 18.15-17)*

<sup>13</sup> Sa ye macanagãre Jesure ña peo dutiye tehe tiquinagãre Jesu cahamu ne cãhtaye niahye. Tiquina sa yegũ ihñañe tiquiro buheyequina pehe tiquinagãre ne cãhtayequinare tuhtiahye. <sup>14</sup> Tiquina sa tuhtigũ ihñano Jesu usuaro, ohõ saha niahye tiquinare:

—Macanagã yuhu cahamu ahtaahro. “Waharisa”, niedacãhña tiquinagãre. Tiquinagã Cohãcjũre tiquina puhtoro tuhture. Sa ye Cohãcjũ tiquiro puhtoro ijirupare ahriquinagã yero saha tuhtuyequina ijire topure. <sup>15</sup> Ijirota niita niaja musare. Ahriquinagã Cohãcjũre tiquina cahmeno saha musa pehe cahmedana, tiquiro cahamu wahasi musa. Musa wahaeragũ musa puhtoro ijisi tiquiro, niahye Jesu.

<sup>16</sup> Sa ni tuhasa Jesu macanagãre ne wua, tiquinagãre ña peoro ohõ saha niahye:

—Ahriquinagã quehnoañequina wahaahro, ni sini basahye Cohãcjũre.

*Doeri cjẽ upuro Jesure sinituahye*

*(Mt 19.16-30; Lc 18.18-30)*

<sup>17</sup> Sa ye Jesu mahamu tiquiro wahaducugũ apequiru pehe oma cã, tiquiro dahpocãri cahamu dusepe curi mehna quehe sahye tiquirore ño peoro.

—¿Ne, quehnoagu buhegu, yuhu ijipihitiye decori Cohãcjũ mehna iji duagu dahse yegutari yuhu? niahye tiquiro Jesure.

18 Tiquiro sa nigũ Jesu yuhtiahye:

—¿Duhse ijiro boro yuhure “Quehnoagu”, ni pisuajari mahu? Cohãcjũ dihita quehnoariquiro ijire. 19 Ahri Cohãcjũ dutiyere masine mahu: Masare wejêdacãhña. Wuhana tieracãhña. Yaqueracãhña. Ni mehoedacãhña. Apequina yere ni meho nedacãhña. Musa pacusumhare ño peoya. Ahri dutiyere yero cahmene masare, ni yahuahye Jesu tiquirore.

20 —Buhegu, tire ijipihtiyere coã wahmua cãhtagu ijiguputa yuhducaera tii yuhu, niahye tiquiro Jesure.

21 Tiquiro sa nigũ tuhoro Jesu pehe tiquirore ihñadoque ohõ, cahiahye. Sa yero ohõ saha niahye:

—Mehenogã duhsare mahure mahu ye pehoato. Ijipihtiyere mahu yere duagu wahaya. Sa yegu ijipihtiyere mahu wapatarĩ niñerure pejecuoyequinare ohoya. Mahu sa yegũ pajiro mahu ye uhmasepu, Cohãcjũ cahapu ijirota. Mahu sa yeri bato yuhu mehna cjã ijiajã ahtaya, niahye Jesu tiquirore.

22 Tiquiro sa nigũ tuhoro tiquiro pehe peye doeri cjẽ cuoriquiro ijiro tire pejecuoyequinare oho dueraro, bujua witi, coaera, waha wahahye.

23 Tiquiro sa bujua witiã ihñano Jesu majareduca sa, tiquiro buheyequinare ihñadoque ohõ, ohõ saha niahye:

—Doeri cjẽ cuoyequina Cohãcjũ puhtoro ijirupure tiquinare waharo basioera cjũre, niahye tiquinare.

24 Tiquiro sa nigũ tuhoye tiquina pehe tiquirore tuho maria wahahye. Sa ni tuhasa Jesu pari turi yahuahye tiquinare:

—Yuhu acaye, ijipihtiyequina doeri cjẽ opana Cohãcjũre wacũno marieno Cohãcjũ puhtoro ijirupure tiquinare waharo basioerare. 25 Camello pehe awia copepu tiquiro sajã duagã basioerare. Tiquiro sa ijiro yuhduoro doeri cjẽ cuoriquirore Cohãcjũre wacũno marieno Cohãcjũ puhtoro tiquiro ijirupure tiquirore waharo basioerare, ni yahuahye tiquinare.

26 Tiquiro sa nigũ tuhoye to pano tiquina tuho mariariro yuhduoro tuho maria waha, tiquina basi ohõ saha niahye:

—Yohou, tiquiro nino sahata potota ijigũ ne ihcãquiro masunore yuhduoeraboaga Cohãcjũ, niahye tiquina basi.

27 Tiquina sa nigũ tuhoro Jesu tiquinare ihñadoque ohõ, ohõ saha niahye:

—Masa tiquina esa tuharo quehnoano yeri mehna Cohãcjũ cahapu waha masiedare. Cohãcjũ pehe masare pecapu wahaboriquinare yuhduo masine. Tiquiro ijipihtiyere quehnoano ye masi peho cãhre, niahye Jesu tiquinare.

28 Tiquiro sa nigũ Pedro tiquirore ohõ saha niahye:

—Tuhoriña. Usã pehe ijipihtiyere usã yere cũ cãhu mehna wahana tana, niahye tiquiro Jesure.

29 Tiquiro sa nigũta Jesu ohõ saha niahye:

—Ijirota niita niaja musare. Quehnoañe buheyere, yeere yena tana yuhure ño peona tana musa wuhusere, musa bahanare, musa pacusumhare, musa pohnare, musa weserire cürina ijina, pajiro wapatanata musa yojopure. 30 Sa yena musa wuhusere, musa bahanare, musa pacosãnumiare, musa pohnare, weserire, to pano musa cuoriro yuhduoro yojopure peye cuonata musa. Sa ye apequina musare ñano yeeta. Sa yena camerure ape tjurupu ijipihtiyere decori Cohãcjũ mehna ijinata. 31 Yojopure peyequina puhtoa ijiriquina ti pjepure ihyo ijiyequina tojoaeta. Sa ye yojopure peyequina ihyo ijiyequina ijiriquina ti pjepure puhtoa comesaeta tja, ni yahuahye Jesu tiquinare.

*Pari turi Jesu tiquiro yaria masa wiji-atire yahuahye*

*(Mt 20.17-19; Lc 18.31-34)*

32 Sa ye tiquina mahapu maja, Jerusalẽpu mjañe niahye. Jesu tiquina panogã uhmũ tãhye. Sa tiquiro uhmũ tãgũ ihñañe tiquiro buheyequina ihña maria wahahye. Sa ye tiquina bato nunũ tãriquina pehe cuero mehna nunũ tãhye. Sa yero Jesu tiquiro buheyequinare tiquina sehsaro neahye tja. Sa yero masa tiquirore duhse yeatire Jesu yahu ducahye tiquinare.

33 —Tuhoya yuhure. Yojopure Jerusalẽpu wahana niaja mari. Topu masa yuhu masure Cohãcjũ ohorigure ñehe, apequinapure yuhure ohoeta. Pahia puhtoare,

mari acaye judio masare buheyequina gũhũre yũhũre ohoeta. Sa ye yũhũre wejẽ dutieta tiquina. Sa wejẽ dutiye judio masa ijieyequina pehere yũhũre ohoeta. <sup>34</sup> Tiquina sa ohoi bato tiquina pehe yũhũre bajũpe, sihco puti ohõ, tana, wejẽeta. Sa yegũ yũhũ yariari bato ihtia deco wahaboro masa wijiagũtja, ni yahuahye Jesu tiquinare.

*Santiago, Ñu mehna Jesure siniahye  
(Mt 20.20-28)*

<sup>35</sup> Sa ye Santiago, Ñu mehna Jesu cahapũ esaye, siniahye tiquirore. Tiquina Zebedeo pohne ijiahye. Sa ye ohõ saha ni siniahye:

—Buhegũ, usã sinino saha usãre yeya mũhũ, niahye tiquina Jesure.

<sup>36</sup> —¿Dũhse yũhũ yegũ cahmeajari mũsa? niahye Jesu tiquinare.

<sup>37</sup> —Ijipihtiequina pũhtoro ijigũ usãre mũhũ mehna duji dutiya. Ihcãquiro mũhũ poto pehe, apequiro mũhũ cũ pehe pehe duji dutiya usãre, mũhũ mehna pũhtoa usã ijiaato saha, niahye tiquina Jesure.

<sup>38</sup> Tiquina sa nigũ tũhoro ohõ saha ni yahuahye Jesu tiquinare:

—Mũsa ñano yũhdũatore masiedapenata sa sinine yũhũre. ¿Yojopũre yũhũ ñano yũhdũato saha mũsa gũhũ ñano yũhdũana ihcãno sahaboagari? ni sinituahye tiquinare.

<sup>39</sup> Tiquiro sa sinitugũ tũhoye tiquina yũhtiahye:

—Ihcãno sahanata, ni yũhtiahye tiquina.

Tiquina sa nigũ Jesu ohõ saha ni yahuahye:

—Yũhũ ñano yũhdũato saha ñano yũhdũanata mũsa gũhũ. <sup>40</sup> Mũsa sa yũhdũanaja mũsa ijiepegũta, yũhũ mehna dutiatiquinare, yũhũ mehna dujiatiquinare bese masiedaja yũhũ. Ahrire yũhũ Pacũ pehe quehno tuhasari. Sa ye tiquiro beseatiquina dihita yũhũ poto pehe yũhũ cũ pehe pehe dujieta, niahye Jesu tiquinare.

<sup>41</sup> Sa ye apequina pũa omopequina buheyequina Santiago, Ñu ahriquina pũaro mehna usuahye tiquina sa sinidire tũhoye. <sup>42</sup> Tiquina sa usuagũ ihñano Jesu

tiquiro buheyequinare pijio ohõ saha niahye:

—Cohãcjũre masieñequina pũhtoa pehe tiquina masare dutiye, usuario mehna dutire. <sup>43</sup> Mũsa pehe ne sa yesi mũsa basi. Mũsa mehna cjũno pũhtoro iji duaro, ijipihtiequina tiquiro mehna cjũna cahacjũno ijiro cahmene tiquirore. <sup>44</sup> Sa yero ijipihtiequinare dutiriquiro iji duaro, apequina cahacjũno ijiro cahmene tiquirore. <sup>45</sup> Sata ijigũ ijiaja yũhũ gũhũ. Yũhũ masũ Cohãcjũ ohorigũ ijiepegũta ahri yehpapũ masare yedohogũ ahtaũ. Sa yegũ peyequina masa ye buhirire yariagũ ahtagũ nii. Sa yegũ peyequina masare pecapũ wahaboriquinare yũhdũogũ ahtagũ nii. Masare dutiepegũ ahtagũ niedũ, niahye Jesu tiquinare.

*Bartimeore, caperi bajueriquirore  
ihñagũ yeahye Jesu  
(Mt 20.29-34; Lc 18.35-43)*

<sup>46</sup> Sa ye tiquina Jericõpũ esahye. Sa yero Jesu tiquiro buheyequina, masa peyequina mehna ti macapũ ijieyequina tiquina wahagũ Bartimeo pehe maha dũhtũ cahapũ dujiahye. Tiquiro Timeo macũno caperi bajueriquiro ijiro, decoripe masare niñerure siniducuriquiro ijiahye. <sup>47</sup> Sa yero topũ Jesu Nazare cjũno tiquiro cahapũ ahtagũ tũhoro Bartimeo ohõ saha ni sañuducuahye:

—Jesu, Davi mũnano panami iji turiagũ, masare yũhdũoacjũ, paja ihñaña yũhũre, ni sañuducuahye Jesure.

<sup>48</sup> Tiquiro sa nigũ tũhoye masa peyequina Bartimeore “Dihta mariañña”, ni tuhtiahye tiquina tiquirore. Tiquina sa tuhtigũ tũhoro Bartimeo to pano tiquiro sañuducuriro yũhdũo cjũno sañuducu nemoahye tja:

—Jesu, Davi mũnano panami iji turiagũ, masare yũhdũoacjũ, paja ihñaña yũhũre, ni sañuducuahye tiquiro.

<sup>49</sup> Tiquiro sa ni sañuducugũ tũhoro Jesu pehe esadũca, “Pijiohya tiquirore”, niahye. Tiquiro sa nigũ tiquina pehe caperi bajueriquirore piji cãhye:

—Bucueya. Wahcãdũcaya. Tiquiro mũhũre pijiore, niahye tiquina Bartimeore.

<sup>50</sup> Tiquina sa nigũ tũhoro tiquiro bui cjã suhtirore tu we cũ, uhpu yũhdũ cã, Jesu cahapũ esadũcahye. <sup>51</sup> Sa yero Jesu sinituahye tiquirore.

—¿Dũhse yũhũ yegũ cahmeajari mũhũ? niahye Jesu tiquirore.

—Yũhũ pũhto, yũhũre ihũagũ yeya, ni ahye caperi bajueriquiro.

<sup>52</sup> —Wahaya. Mũhũ yũhũre wacũ tutuagũ quehnoa wahare, niahye Jesu tiquirore.

Tiquiro sa nigũta caperi bajueriquiro ihũaa wahahye. Sa quehnoa waharo Jesu mehna mahapũ wahaa wahahye.

## 11

### *Jerusalẽpũ esahye Jesu*

*(Mt 21.1-11; Lc 19.28-40; Jn 12.12-19)*

<sup>1</sup> Sa ye Jerusalẽpũ tiquina esato panogã Betfagẽ wame tiri maca cahapũ, Betania wame tiri maca cahapũ ijidũpũ, Olivo wame tidũ cũnũpũ esa mũhtahye. Topũ esaro pũarore tiquiro buheyequina mehna cjẽnare Jesu ohoro ohõ saha niahye:

<sup>2</sup> —Si macapũ wahaya. Topũ esana duita burrogãre tiquina dũhte docoriquirogãre bocanata. Apequina pesamehnediquirogãrẽ ijiağa. Tiquirogãre bocana, yuta dare pã, ne cãhta basaya yũhũre. <sup>3</sup> Mũsa sa yegũ ihũano burrogãrẽ upũro “¿Dũhsena burrogãrẽ pãjari?” tiquiro nigũ tũhona, ohõ saha ni yũhtiya tiquirore: “Mari pũhtoro burrogãrẽ cahmedoqueo nidi. Sa yero mianogãta wiarota tiquiro”, ni yahuya tiquirore, ni yahu duti ohoahye tiquiro buheyequinare pũarore.

<sup>4</sup> Tiquiro sa nigũ waha, wũhũ cahapũ ijiri mahapũ sopecaha cahapũ burrogãre tiquina dũhte docoriquirogãrẽ bocahye.

<sup>5</sup> Sa ye tiquirogãre yuta dare tiquina pãgũ ihũañe topũ ducuyequina sinituahye tiquinare:

—¿Dũhse yena tana mũsa yuta dare pãjari burrogãrẽ? ni sinituahye tiquina.

<sup>6</sup> Tiquina sa nigũ tũhoye, tiquina pehe Jesu tiquiro nidiro sahata yahuahye topũ ducuyequinare. Tiquina sa yahugũ tũhoye topũ ducuyequina pehe “Neahũa”, niahye tiquinare. <sup>7</sup> Sa ye tiquina burrogãre Jesu cahapũ ne sahye. Tiquina ne sari bato tiquirogã bui tiquina suhtire duhu peo

tuhagũ ihũano, Jesu pehe tiquirogã bui mũja pjeahye, waharo taro. <sup>8</sup> Sa ye masa peyequina tiquina bui saũañe suhtire tu we ne, mahapũ seõ cũ mũhtahye, Jesure ño peoye. Apequina pehe pũri tiye dũpũrẽre weseripũ tiquina ne cãhtari dũpũrẽre mahapũ cũahye.

<sup>9</sup> Sa ye tiquiro pano wahayequina, tiquiro bato ahtayequina mehna ohõ saha ni saũuducuahye:

—Ahriquirõre ño peouhna. Ahriquirõ Cohãcjũ tiquiro ohoriquiro quehnoano ijiaħro. <sup>10</sup> Mari ñecũ iji turiariquiro Davi mũnano pũhtoro tiquiro ijiriro saha aħtariquiro quehnoano ijiaħro. Æhmũse cjũnore “Tutuagũ ijire”, ni ño peouhna, ni saũuducuahye tiquina.

<sup>11</sup> Sa yero Jesu Jerusalẽpũ esaro Cohãcjũ ya wũhũpũ sajã saro, ti wũhũpũ ijiyere ijipihtiyere ihũa peho cãhye. Ihũa tuhasa “Ñamicahapũ ijire. Deco cjũnota wahauhna”, nino, Jesu tiquiro buheyequina doce buheyequina mehna Betaniapũ wahahye.

### *Jesu higuerağũre yaria dutiahye*

*(Mt 21.18-19)*

<sup>12</sup> Sa ye ape deco tiquina Betaniapũ ijiriquina wahaa wahahye. Sa yero Jesu pehe uũja ahbaa waha, yoaropũ higuera wame tidũre quehnoano pũri tidũre ihũano tũ dũcare macano wahamahye. <sup>13</sup> Dũca mariedahye. Dũca tiri pje ijieraro pũri dihita ijiahye. <sup>14</sup> Sa yero dũca mariedagũ ihũano ohõ saha niahye:

—Aħdũ dũcare masa ne pari turi ihyeracãħdo. Ne dũca tieracãħdo, niahye Jesu.

Tiquiro sa nigũ tiquiro buheyequina pehe tũhoahye.

### *Jesu Cohãcjũ wũhũre Cohãcjũ mehna yahuducuri wũhũ ye dutiahye*

*(Mt 21.12-17; Lc 19.45-48; Jn 2.13-22)*

<sup>15</sup> Tiquiro sa yeri bato tiquina Jerusalẽpũ esahye. Topũ esaro, Jesu Cohãcjũ ya wũhũpũ sajã saro apee boro duayequinare, dũyequina gũhũre cohã wioahye. Sa yero niñeru comesaye mesarire yo wahcõ, ne majare cũ mũjahye. Bujuaare duayequina tiquina dujiye paħtari gũhũre sata yeahye.

16 Sa yero apee borore ne sajà dutierahye masare. 17 Sa yero Jesu ohõ saha ni buheahye tiquinare:

—Ohõ saha nine Cohãcjũ yere tiquina ojoari pũ: “Ya wãhũ Cohãcjũ mehna yahuducuri wãhũ wame tirota. Sa yero ijipihtiro cjẽna ya wãhũ ijirota”, ni ojoahye Cohãcjũ yere tiquina ojoari pũ. Ti pũ sa niepegũta mũsa pehe ahri wãhũpũ duana, mũsa basi cahme yaquere mũsa, ni buheahye tiquinare.

18 Tiquiro sa ni buhegã ijipihtiequina masa pehe tũho maria wahahye. Sa ye pahia pũhtoa, usã judio masa buheyequina mehna tiquirore cue niahye. Sa ye tiquina tiquirore wejẽatire wacũ macamahye. 19 Tiquina sa yegũ ñamicahapũ Jesu tiquiro buheyequina mehna ti macapũ ijiriquina wahaa wahahye.

*Higueragũ ñaia wahahye*  
(Mt 21.20-22)

20 Sa ye bohrearo mahapũ maja taye, higueragũ ihñahye. Tũ nũhcoripũ ñai dũca, ñaia wahahye tũ. 21 Tũre ihñano Pedro pehe wacũ, ohõ saha niahye:

—Buhegũ, ihñaña. Higueragũ mũhũ yaria dutidũ yaria wahaya, niahye Pedro.

22 Tiquiro sa nigũta Jesu yahuahye tiquinare:

—Cohãcjũre wacũ tutuaya mũsa. 23 Ijirota niita niaja mũsare. Ahdũ canũre pajiri mapũ mũsa cohã dutigũ mũsa nidiro saha sa waharota. Cohãcjũre quehnoano mũsa wacũ tutuagũ “Yũhũ sinidiro saha waharota”, mũsa ni tũhotugũ mũsa nidiro saha waharota. 24 Sa yegũ ahrire yahugũtja mũsare. Cohãcjũ mehna yahuducuna, tiquirore sinina, “Yũhũ sinidiro saha ohorota yũhũre”, ni tũhotuya. Mũsa sa yegũ ihñano Cohãcjũ mũsa siniñene ohorota. 25 Sa yena Cohãcjũ mehna mũsa yahuducuatõ pano mũsare apequina tiquina ñano yegũ mũsa usarire duhuya. Mũsa sa yegũ ihñano mari Pacũ ãhmũse cjũno mũsa ñañe yeri pehere tiquiro gũhũ usua duhurõta. [ 26 Mũsare ñano yeriquinare mũsa usua duhueragũ mari Pacũ gũhũ ãhmũse cjũno mũsa ñañe yeri pehere usuaro ne duhusi tiquiro gũhũ,] niahye Jesu.

*Pahia pũhtoa, judio masare buheyequina, bũcũna mehna Jesu mehna cahme dũse tini wiahye*

(Mt 21.23-27; Lc 20.1-8)

27 Tiquiro sa nidi bato tiquina Jerusalẽpũ wahahye tja. Sa ye Jesu Cohãcjũ wãhũpũ tiquiro tinigũ ihñañe pahia pũhtoa, usã judio masare buheyequina, bũcũna gũhũ tiquiro cahapũ esaye, tiquirore sinituahye:

28 —¿Dũhsegũ canũre sa yeari mũhũ? ¿Noa mũhũre tire sa ye dutiari? ni sinituahye tiquina Jesure.

29 Tiquina sa nigũ Jesu yãhtiahye:

—Mũsa pehere sinitu mãhtagũtja. Quehnoano yũhũre mũsa yãhtigũ mãsare yahugũtja yũhũ gũhũ. 30 ¿Ñũ masare tiquiro wame yegũ noa boro pehe tiquirore wame ye dutiyari, mũsa tũhotugũ? ¿O Cohãcjũ dutierayari? ¿O masa pehe tiquirore dutiyari, mũsa tũhotugũ? ni sinituahye tiquinare.

31 Tiquiro sa nigũ tiquina pehe tiquina basi ohõ saha niahye:

—¿Dũhse ni yãhtinatari mari? “Cohãcjũ Ñũre dutiri jiri”, mari nigũ, “¿Dũhsena Cohãcjũ Ñũre tiquiro dutiepegũta tiquirore tũho duerari mũsa?” niboaga Jesu marine.

32 Sa yero “Ñũ tiquiro wame yegũ Cohãcjũ pehe tiquirore dutierari jiri”, mari nigũ masa pehe usueta mari mehna, niahye tiquina basi.

“Potota Ñũ Cohãcjũ yere yahu mãhtariquiro ijire”, ni tũhotue tiahye masa pehe. Sa ye pahia pũhtoa, usã judio masare buheyequina, bũcũna mehna tiquinare cue niahye. 33 Sa ye tiquina Jesure ohõ saha ni yãhtiahye:

—Ñũre wame ye dutiriquirore usã masiedaga, niahye tiquina Jesure.

—Ti pje pũrita yũhũ gũhũ ahrire yũhũ yerire dutiriquirore yahueraja mũsare, niahye Jesu tiquinare.

## 12

*Ñañequina dahra cohteyequina quitire yahuahye Jesu*

(Mt 21.33-46; Lc 20.9-19)

1 Sa ye Jesu tiquiro tũhotuye mehna ohõ saha ni queoye mehna buhe dũcahye tiquinare.



—Wese upuro uhse darire oteahye. Ote tuhasa, sahrĩnore doco, uhse tiquina chta mutoati copere sehe, umuari wahugã dahreahye tiquiro. Sa yero ti wesere apequinare ihcã pehe pahma cño, ti wesere cohte dutiahye. Cohte duti tuhasa ape siepu wahaa wahahye tiquiro. <sup>2</sup> Came uhse ñidi pje ijigã wese upuro tiquiro cahacjũnore wese cjẽ tiquiro ya pahma cjẽ ducare ne dutiro ohomahye. <sup>3</sup> Sa ye wesere cohteyequina pehe tiquiro cahacjũnore ñehe, quẽahye tiquirore. Sa ye tuhasa tiquiro cahacjũnore uhse tõhorine ohoerapeta tojoa dutiahye tiquirore. <sup>4</sup> Sa yero wese upuro apequiro tiquiro cahacjũnore ohomahye tja. Sa ye cohteyequina pehe tiquiro dapure cami dahre, ñano yeahye tiquina tiquirore. <sup>5</sup> Sa yero apequiro pehere tiquiro ohogã cohteyequina tiquirore wejẽahye. Peyequina apequina gũhare sa dihita ye majahye. Apequina pehere quẽ, apequina pehere wejẽahye tiquina.

<sup>6</sup> 'Sa yero wese upuro macno dihita dũsahye. Tiquiro cahĩniquiro ijiahye. Sa yero tiquiro macnore ohoahye, "Yuh macu pehere ño peoeta", nino. <sup>7</sup> Tiquiro sa ni tũhotuepegũta cohteyequina tiquina basi ohõ saha ni yahuducuahye: "Wese upuro macno ijire ahriquiro. Tiquirore wejẽihna mari. Sa yero ahri wese mari ya wese tojoarota", nimahye tiquina basi. <sup>8</sup> Sa ñehe tiquirore ñehe, wejẽ, wese dũhtu cahapu ne cã, cohã cãhye tiquina tiquirore.

<sup>9</sup> '¿Ne wese upuro ahtaro dũhse yerotari tiquiro wesere cohteyequinare, msa tũhotugũ? Ohõ saha yerota tiquinare: Tiquiro tiquinare wejẽno, apequina pehere wesere cohte dutirota. <sup>10-11</sup> ¿Cohãcjũ yere tiquina ojoari pũre ahrire buherari msa? Ohõ saha ni ojoahye:

Ahriquiro Cristo utã yero saha ijire. Utãre wũhare dahreyequina tiquina cohãno saha masa tiquirore cohãeta. Tiquina sa cohãepẽgũta yojopũre wũhare dahreyequina wũhare yeye, tiquina cũ mũhtaria utãre tiquina cño saha Cohãcjũ tiquirore pũtoro sõri. Cohãcjũ pehe ahrire yeri. Tiquiro sa yegũ ihñana, "Quehnoa yũhdũare", ni tũhotuaja mari, ni

ojoahye panopũre.

¿Tire ne buherari msa? niahye Jesu tiquinare.

<sup>12</sup> Tiquiro sa nigũ tũhoye pahia pũtoa, usã acaye judio masare buhreyequina, bũcna mehna ohõ saha ni tũhotuahye: "Jesu wesere cohteyequina quti mehna marine tuhtiro nine", ni tũhotuahye. Sa ni tũhotuye Jesure ñehe duamahye. Sa ñehe duepeta masare cue niahye. Sa cueye tiquirore cohã cãa wahahye.

*Fariseo masa, Herode ya curua cjẽna mehna gobierno cjẽ wapare sinituahye Jesure*

*(Mt 22.15-22; Lc 20.20-26)*

<sup>13</sup> Waha, tiquina fariseo masare, Herode ya curua cjẽna gũhare Jesure sinitu dutiye ohoahye tja. Jesu ñano tiquiro yũhtigũ ye duamahye tiquina, tiquirore yahusãne tehe. <sup>14</sup> Sa ye Jesu cahapu esaye, tiquirore niji sio sinitumahye:

—Buhegu, poto yahuducugu, ni mehoñe mariegu mũhũ ijigũ masiaja usã. Cohãcjũ yere queoro mũhũ yahugũ gũhare masiaja usã. Sa yegu ihcãquiro pũtoro waro ijiepegũta tiquiro gũhare dõyaro marieno potota yahure mũhũ. Sa yegu usãre yahuya. ¿Roma cjẽno ijipihtiyequina pũtoro yere marine wapa yero cahmeajari, mũhũ tũhotugũ? ¿Mari dutiye wapa ye dutiajari, mũhũ tũhotugũ? ni sinituahye tiquina Jesure.

<sup>15</sup> Tiquina sa sinitugũ tũhoru tiquina ñano ye duayere masino Jesu ohõ saha ni sinituahye tiquinare:

—¿Dũhse yena yũhũ ñano yahuducugũ tũho duajari msa? Yojopũre niñeru cjoere ne cãhtaya. Ti cjoere ihñahna, niahye Jesu tiquinare.

<sup>16</sup> Tiquiro sa nigũ tũhoye tiquina pehe ihcã cjoe ne cãhtahye. Tiquina ne wihigũ Jesu sinituahye tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituahye tiquiro.

—César, masa ijipihtiyequina pũtoro queoye, tiquiro wame gũhũ wahñare, ni yũhtiahye tiquina.

<sup>17</sup> Tiquina sa nigũ Jesu yahuahye tiquinare:

—Ti pje pūrta masa ijipihtiequina p̄h̄toro yere tiqiro pehere ohoya. Cohācjū yere Cohācjū pehere ohoya, ni yahuahye Jesu.

Tiqiro sa nigū t̄hoye t̄ho maria wahahye.

*Cohācjū tiqiro masoatire yahuahye Jesu saduceo masare (Mt 22.23-33; Lc 20.27-40)*

<sup>18</sup> Sa ye ihquēquina saduceo masa Jesu cahap̄ wihiahye. Saduceo masa pehe “Cohācjū yariariquinare masosi”, ni t̄hotuyequina ijiahye. <sup>19</sup> Sa ye tiquina ohō saha niahye tiqirore:

—Buheḡ, ohō saha ni buheahye Moise: “Ihcāquiro wahmino namo tiriqiro pohna mariedaperota yariagū ihñano tiqiro bah̄rore tiqiro wahmino namono ijiricorore n̄oano cahmene. Sa yero wahmino m̄n̄ano tiqiro pohna tiboro saha pohna tiro cahmene tiqiro bah̄rore. Sa ye tiqiro pohne tiqiro wahmino m̄n̄ano pohne yero saha ijieta”, ni ojoahye Moise, niahye tiquina Jesure.

<sup>20</sup> Tire ni tuhasa, ahri quitireta yahu nemoahye Jesure:

—Ihcāquiro mas̄no ijiahye. Seis bahana tiahye. Tiqiro wahmino pehe namo ti, pohna mariedaperota yariaa wahahye. <sup>21</sup> Sa yero apequiro tiqiro bah̄ro ḡh̄ tiqiro wahmino namono ijiricorore c̄omahye. Tiqiro sa n̄oari bato tiqiro wahmino yero saha pohna mariedaperota yariaa wahahye tja. Sa yero ahriquiro bah̄ro tiqiro wahmino m̄n̄ano yero saha pohna mariedaperota yariaa wahahye. <sup>22</sup> Sa dihita wahahye ihcāquiro pohne waro. Ne pohna mariedapeta yaria pihtia wahahye tiquina. Tiquina namono ijiricoro ḡh̄ tiquina batota yariaa wahahye. <sup>23</sup> ¿Ne, Cohācjū ijipihtiequinare yariariquina m̄n̄are tiqiro masogū diquiro namono pehe ijiricoro? Tiquina ijipihtiequina ticorore namo tiriquina m̄na ijiahye. ¿Sa yero diquiro namono pehe ijiboagari ticoro pototi? ni sinituahye tiquina.

<sup>24</sup> Jesu ȳhtiahye tiquinare:

—Cohācjū yere tiquina ojoari p̄re, tiqiro masiñe ḡh̄re ne masiedare m̄sa.

Sa yero m̄sa t̄hotuye pehe ne pota ijierare. <sup>25</sup> Yariariquina m̄na tiquina masa m̄jari bato angele yero saha ijire. Namō marieñequina, man̄ marieñe numia ijire top̄re. <sup>26</sup> Yariariquina m̄na tiquina masa wijiato pehere m̄sare yahuḡtja: Tire Moise quehnoano yahu pehoahye. Mehen̄ḡ ñj̄ri quitire ohō saha ni yahuahye tiqiro: “Ȳh̄ Abrahā, Isaac, Jacob tiquina p̄hto tjaaja”, ni yahuri Cohācjū ȳh̄re”, ni ojoahye Moise tiqiro ojoari p̄r̄. <sup>27</sup> Tiquina yariari bato “Tiquina p̄hto tjaaja”, ni yahuahye Cohācjū. Sa nieperota yariariquina m̄na p̄h̄toro ijierare Cohācjū. “Tiquina p̄hto tjaaja”, tiqiro niñe mehna catiequina tiquina ijigū masiaja mari. Tiqiro catiequina p̄h̄toro ijire. Sa yena “Yariariquina masasi”, ni t̄hotuna potota t̄hotuerare m̄sa, niahye Jesu tiquinare.

*Quehnoa ȳh̄ro dutirore yahuahye Jesu*

*(Mt 22.34-40)*

<sup>28</sup> Sa ye ihcāquiro us̄ acaye judio masare buheyequina mehna c̄j̄no tiquina cahap̄ wihi, tiquina cahme yahuducugū t̄hoahye. Jesu quehnoano ȳhtiyere t̄horo sinituahye tiqirore.

—¿Cohācjū ye dutiro quehnoa ȳh̄ari dutiro noho pehe ijiajari, m̄h̄ t̄hotugū? ni sinituahye tiqiro Jesure.

<sup>29</sup> Jesu tiqirore yahuahye:

—Ahri dutiro ijire apeye dutiye bui quehnoa ȳh̄ari dutiro: “Israe masa, t̄hoya. Cohācjū m̄sa p̄h̄toro ȳh̄ ihc̄ta ijiaja. <sup>30</sup> Tutuaro m̄sa jeripohnari mehna, quehnoano m̄sa wacūñe mehna, m̄sa tutuaye mehna ȳh̄re cahñ̄a”, nine Cohācjū. <sup>31</sup> Ahri dutiro bato apero dutiro quehnoano ijire. “M̄h̄ basi m̄h̄ cahñ̄o saha m̄h̄ cahap̄ ijiequina ḡh̄re cahñ̄a”, nine Cohācjū. Ahri p̄aro dutirota ijipihtie apeye dutiye ȳh̄oro ijire, ni yahuahye Jesu tiqirore.

<sup>32</sup> Tiqiro sa nigū judio masare buheriquiro ohō saha niahye:

—Sa tjire. Buheḡ, potota nine m̄h̄. Cohācjū ihcāquirota ijire. Apequiro tiqiro yero saha ijiriquiro mariedare. M̄h̄ niñe potota ijire. <sup>33</sup> Cohācjūre tutuaro

mari jeripohnari mehna, mari wacũñe mehna, mari tutuaye mehna tiquirore cahĩno cahmene marine. Yũhũ caha ijiyequinare yũhũ basi yũhũ cahĩno saha tiquina gũhũre cahĩno cahmene yũhũre. Wahiquinare wejẽ ujũa mũo mari ohori mehna mari ño peogũ quehnoarĩmene. Ahri yũhdũoro Cohãcjũre, masa gũhũre mari cahĩne quehnoa yũhdũare. Mũhũ sa niñe ijirota ijire, niahye judio masare buheriquiro Jesure.

<sup>34</sup> Tiquiro sa quehnoano yũhtigũ tũhoro Jesu yahuahye tiquirore:

—Mehenogã dũhsare mũhũre Cohãcjũre mũhũ quehnoano masiato, niahye tiquirore.

Tiquiro sa nigũ tũhoye apequina cueye, ne sinituerahye Jesure.

*Cristo Davi mũnano pũhoro ijire  
(Mt 22.41-46; Lc 20.41-44)*

<sup>35</sup> Sa ye Cohãcjũ wũhũpũ buhero ohõ saha niahye Jesu:

—“Cristo Davi mũnano panamino iji turiariquiro ijire”, ni buhere mari acaye judio masare buheyequina. ¿Dũhse niñe sa ni buheajari tiquina? <sup>36</sup> Davi tiquiro basi Espĩritu Santo tiquiro dutiriro sahata ohõ saha ni yahuahye:

Cohãcjũ yũhũ pũhoro ohõ saha nidi: “Ohõpũ yũhũ poto pehe dujiya. Sa yegũ mũhũre ihña tuhtiyequinare mũhũre yũhdũdũca basagũtja yũhũ”, nidi Cohãcjũ yũhũ pũhoro, ni ojoahye Davi mũnano.

<sup>37</sup> Sa ni ojoaro Davi mũnano pũhoro tiahye Cristore. ¿Davi mũnano Cristo ñecũno mũnano iji turiariquiro ijieperota dũhsero Davi pehe pũhoro tiyari Cristore? Cristo Davi mũnano pũhoro ijire, ni yahuahye Jesu.

Tiquiro sa ni buhegũ peyequina masa bucueye mehna tũhoahye tiquirore.

*Jesu judio masare buheyequina tiquina ñañene yahuahye  
(Mt 23.1-36; Lc 11.37-54; 20.45-47)*

<sup>38</sup> Sa yero tiquiro buhe nemono ohõ saha niahye:

—Mari acaye judio masare buheyequina tiquina ñañe yeyere quehnoano ihñaña. Sa yena tiquina yero saha yeracãhña.

Tiquina yoaye suhti saña, masa tiquina ihñonopũ majare, doeri cjẽ duaropũ apequina pũhtoare quehnoano ño peo tiquina sinino saha tiquina piti ca sinigũ cahmene tiquina. <sup>39</sup> Sa ye mari judio masa buheye wũhũsepũ quehnoañe dujiye dihitare duji duare. Sa ye bose deco ijigũ topũ gũhũre quehnoañe dujiye dihitare cahmene tiquina. <sup>40</sup> Tiquina wape wiha numia ye wũhũsere tiquina cũoye gũhũre ehmare ti numiare. Sa ye tiquina masa ihñonopũ yoari pje Cohãcjũre siniducumene masare ihña dutiye. Tiquina sa yeri buhiri apequina bui cjũno tiquinare Cohãcjũ pajiro buhiri dahrerota, niahye Jesu tiquinare.

*Wape wihoro ticoro ohorire yahuahye Jesu*

*(Lc 21.1-4)*

<sup>41</sup> Sa yero Jesu Cohãcjũ wũhũ cjẽ niñeru tiquina sãri acaro cahapũ dujiahye. Topũ masa tiquina niñeru duhu sãgũ ihña dujiro niahye. Sa ye niñeru opana ti acaropũ pajiro duhu sãhye. <sup>42</sup> Sa yero wape wihoro pejecũoricoro ti acaropũ ahta, pũa cjoegã duhu sãhye. Pũa cjoe ihcã centavo pose ijire. <sup>43</sup> Ti cjoeri ticoro duhu sãgũ ihñano tiquiro buheyequinare pijioahye:

—Ijirota niita niaja masare. Ahricoro wape wihoro pejecũoricoro pehe niñeru ihburi acaropũ duhu sãno apequina ijipihtiyequina tiquina ohori yũhdũoro ohori ticoro pehe. <sup>44</sup> Apequina doeri cjẽ opana pajiro tiquina ohopegũta tiquina ye pajiro dũhsare. Ahricoro pehe pejecũoricoro ijieperota ijipihtiyete ticoro ihyatire dũborigãre oho pehorĩ, niahye Jesu.

## 13

*—Cohãcjũ wũhũ cohãri wũhũ ijirota, niahye Jesu*

*(Mt 24.1-2; Lc 21.5-6)*

<sup>1</sup> Sa ye Cohãcjũ wũhũpũre tiquina wijiagũ ihcãquiro buheyequina mehna cjũno ohõ saha niahye:

—Buhegũ, ihñaña. Ahri wũhũse quehnoañe utã paca mehna tiquina yeri wũhũse quehnoa yũhdũaye wũhũse ijicjoare, niahye tiquiro.

<sup>2</sup> Tiquiro sa nigū Jesu yahuahye tiquinare:

—Ahri ijipihtiye mari ihñari wuhuse, ahri wuhuse cjē utā paca gūhare cohā pehoeta. Ne ihcāria utā tojoasi, niahye Jesu tiquinare.

*Decorī pihtiatire yahuahye Jesu  
(Mt 24.3-28; Lc 21.7-24; 17.22-24)*

<sup>3</sup> Sa ye Jesu Olivo wame tidu cunurū Cohācjū wuhū potopū ijidurū esahye. Tū buipū dujahye. Topū Pedro, Santiago, Ñu, Andre mehna tiquina sehsaro ijiye, tiquina tiquirore sinituahye:

<sup>4</sup> —Yahuya usāre. ¿Duhse ijigū sa waharotari mūhū nidiro saha waharo? ¿Deco pihtiatō panogā ijigū duhse ti waha ducagū ihñanatarī usā? ni sinituahye tiquina Jesure.

<sup>5</sup> Jesu yuhtiahye:

—Quehnoano yeya mūsa. Sa yena apequina tiquina ni mehoñene tuhoeracāhña mūsa. <sup>6</sup> Peyequina masa “Cristo ijiaja yuhū”, ni mehoñequina ahtaeta. Tiquina sa ni mehogū tahoye peyequina masa Cohācjū yere duhueta.

<sup>7</sup> Mūsa cahagā masa apequina tiquina cahme wejēgū tuhonata mūsa. Sa yena yoaropū gūhare tiquina cahme wejēgū tuhoonata mūsa. Sa tuhooopenata ne tire pajiro tuhoteracāhña. Sa waharota. Tiquina sa yegū pihtiatī deco duhsarīnota. <sup>8</sup> Ti pjere ihcā yehpa cjēna ape yehpa cjēna mehna cahme wejēeta. Sa ye ihcāquiro pūhtoro yequina apequiro pūhtoro yequina mehna cahme wejēeta. Sa yero ijipihtiri yehpa ñuhminota. Sa ye peyequina masa uja mehna yarieta. Sa wahagū ahri yehpa cjēnare tiquina ñano yuhdu nemoato duhsarīnota. Ñano yuhduarīeta.

<sup>9</sup> 'Sa wahagū ihñana mūsa basi quehnoano yeya. Apequina mū sare ñehe, ñano ye dutiye ohoeta apequina pūhtoapare. Sa ye judio masa mari buheye wuhusepū mū sare quēeta. Tiquina sa yegū bujūye macari cjēna pūhtoa, tiquina bui pūhtoa gūhū mū sare buhiri dahreye tehe sinitueta mū sare. Yeequina mū sa ijiri buhirire apequina mū sare yahusāeta. Sa yena yeere yahunata mū sa tiquinare.

<sup>10</sup> Sa ye pihtiatī deco pano quehnoañe buheye ijipihtiye yehparī cjēnare buheripū ijirota. <sup>11</sup> Sa yena mū sare buhiri dahre dutiye, buhiri dahre dutiatiquiro cahapū tiquina neagū tiquirore mū sa niatire “Yahu masiedaboaga”, ni tuhoteracāhña mū sa. Ti pjere mū sa niatire mū sare Espīritu Santo yahurota. Tiquiro sa yahurire yahuya mū sa. Mū sa esa tuharo yahuducusī mū sa. Espīritu Santo mū sare yahuducu basarota. <sup>12</sup> Ti pjere tiquina wahmisumū sa tiquina bahanare wejē dutiye ohoeta pūhtoare, yeequina tiquina ijiri buhiri. Tiquina pacusumū sa tiquina pohne ne wejē dutiye ohoeta pūhtoare. Tiquina pohne pehe tiquina pacusumū sare wejē dutiye ohoeta pūhtoare. <sup>13</sup> Sa ye yeequina mū sa ijiri buhiri mū sare masa ijipihtiyequina ihña tuhtieta. Tiquina sa yepegū ta ahri yehpapū mū sa catiro puno mū sare tiquina ñano yerire ihcāno sahana yuhare duhuerana, yuhduanata mū sa.

<sup>14</sup> 'Sa yena ña yuhduariquirore Cohācjū yere ñano yeriquirore ihñanata mū sa. Cohācjū ya wuhurū tiquiro ducugū ihñanata. Topū tiquirore ijieraro cahmene. Topū tiquiro ducugū ihñañe Judea yehpapū ijiequina cunū cjurū duhti oma mū jaa wahaahro. Ahri yuhū nidire quehnoano masiña mū sa. <sup>15</sup> Sojaro mehna oma duhtiahro. Ti pjere tiquina wuhuse bui cjē paaripū ijiequina wuhū puhiapū ijiyere tiquina yere neñe wahaeracāhdo tiquina waha madoqueoato saha. <sup>16</sup> Sa ye ti pjere apequina tiquina weseripū ijiequina tiquina bui cjē suhtire wuhurū ijie suhtire neñe wahaeracāhdo tiquina waha madoqueoato saha. <sup>17</sup> Ti pjere nijī pacosānumia, tiquina pohne apūoñe numia gūhū pejecuro wahaeta. <sup>18</sup> Sa yena ohō saha ni siniña Cohācjūre: “Pohecū ijigū sa wahaeracāhdo”, ni siniña tiquirore. <sup>19</sup> Ti decorire masa ña yuhduaro wahaeta. Ahri yehpare tiquiro bajumehnedi bato masa ñano yuhduē tiahye. Ti sa ijiepegū ta ijipihtiye ti purīñe yuhduoro pihtiatī deco ijigūre ña yuhduaro masa yuhdueta. Sa ñano tiquina yuhduri bato pari turi sa ña yuhduaro yuhduasi ahri yehpapū. <sup>20</sup> Sa yero Cohācjū ti decorire meheñe decorigā ijigū

yerota. Tiquiro sa yeragū ne ihcāquiro masano yūhdūeraboaga. Sa yero tiquiro beseriquina tiquina yūhdūatire meheñe decorigā cūnota Cohācjū.

<sup>21</sup> 'Ti pjere apequina mūsare "Ihñaña. Ahriquiro ijire Cristo", tiquina nigū tiquinare tūhoeracāhña. "Topū ijire Cristo", tiquina nigū gūhūre tūhoeracāhña. <sup>22</sup> "Cristo ijiaja", ni mehoñequina, "Cohācjū yere yahu māhtana ijiaja", ni mehoñequina ijietā ti pjereta. Sa ye Cohācjū beseriquinare ni mehoñe, tiquina tutuaye mehna ye ihñoeta. Cohācjū yequinare Cohācjūre tiquina cohā duagū ye duare tiquina mehoñequina. <sup>23</sup> Ahrire yahuyujaja mūsare sa wahato pano. Sa yena quehnoano yeya mūsa, ni yahuahye Jesu.

*Jesu ahri dihtapūre tiquiro tojoa tatire yahuahye*

*(Mt 24.29-35, 42-44; Lc 21.25-36)*

<sup>24</sup> Sa ni tuhasa ohō saha ni yahuahye Jesu:

—Ti decori ijigū tiquina ñano yūhdūri bato asū deco cjūno, ñami cjūno gūhū buhrio duhu cāeta. <sup>25</sup> Tiquina sa wahagūta ñahpicoha paca ūhmūsepū ijiye paca bora dijiaa wahaeta. Sa ye ūhmūse cjē yehpari, ñahpicoha gūhū ti sa wahaducurore came-saeta. Sa ye ñuhmieta. <sup>26</sup> Ti pjeta yūhū masū Cohācjū ohorigū ahtagūtja. Sa ye ūhmūsepū yūhū tutuaye mehna yūhū asi siteye mehna ūhmūse cjē ehmeo cururi buipū ahri yehpapūre yūhū tojoa tagū ihñāeta masa. <sup>27</sup> Sa yegū yeequina angelere ijipihtiropū ahri yehpapū ohogūtja. Sa ye ijipihtiropū yeequina yūhū beseriquinare tiquina neeta.

<sup>28</sup> 'Yojopūre higuerağare tūhotuya mūsa. Tū quiti mehna mūsare queoye mehna buheğūtja. Tū yucūgū pūri tigū ihñana cūhma mehenogā dūhsagū masine mūsa. <sup>29</sup> Sata ahri ijipihtiye yūhū nidi sa wahagū ihñana, yūhū tojoa tato mehenogā dūhsagū masinata mūsa. <sup>30</sup> Ijirota niita niaja mūsare. Ti pje cjēna tiquina yariato panore ijipihtiye yūhū nidiro sahata sa waharota. <sup>31</sup> Ūhmūse, ahri yehpa gūhū pihtia waharota. Yūhū yahuducuye pehe ne comesasi. Ijipihtiye yūhū nidiro sahata sa waha sohtori tiarota.

<sup>32</sup> 'Ti decore yūhū tojoa tati decore, ti hora gūhūre masiedaja yūhū. Angele gūhū tire masiedare. Masa gūhū ne masiedare. Yūhū Pacū dihita tire masine.

<sup>33</sup> 'Mūsa gūhū ti decore masiedare. Sa yena quehnoano yeya. Quehnoano cohteya. Cohācjūre siniña mūsa. <sup>34</sup> Ohō saha cohteya mūsa. Ahri quiti mehna mūsare queoye mehna buheğūtja. Wūhū upūro yoaropū tiquiro tinino saha ijire ahri. Tiquiro wahato pano tiquiro cahacjēnare wūhūre cohte dutiahye. Tiquinape tiquina dahrayere cūahye. Sa yero wūhūre cohteriquirore tiquiro tojoa tatore cohte dutiahye. <sup>35</sup> Sa yena mūsa gūhū quehnoano wacū masi cohteya. Wūhū upūro tiquiro tojoa tatore tiquina masiedariro saha yūhū mūsa pūhto tojoa tati decore masiedare mūsa gūhū. Ñamicahapū, ñami deco, canaca tiquiro yahuri pje ijigū bohrearopū ahtaboaga. <sup>36</sup> Yūhū sa wacūeno mehna yūhū wihiatore masina, yeere sa yeducuya. Sa yena yūhūre quehnoano cohteya. <sup>37</sup> Sa yegū mūsare yūhū nino sahata ijipihtiyequinare sa niaja: Quehnoano wacū masi cohteya, niahye Jesu tiquinare.

## 14

*Pahia pūhto, judio masare buheyequina mehna Jesure wejē duahye*

*(Mt 26.1-5; Lc 22.1-2; Jn 11.45-53)*

<sup>1</sup> Sa ye ti pjere pascua wame tiri bosc deco pano pugū yeye moremehneñe pāre tiquina ihyati deco pano, pūa deco dūhsariāhye. Ti pjere pahia pūhto, usā acaye judio masare buheyequina mehna Jesure tiquina ni mehoñe mehna tiquina ñehe wejēatire cahme yahuducuye niahye.

<sup>2</sup> —Bosc deco ijigū tiquirore ñehedacūhna "Masa usuari", nina, niahye tiquina basi.

*Numino ehme sitiye ūhse mehna Jesure pio peohye*

*(Mt 26.6-13; Jn 12.1-8)*

<sup>3</sup> Sa ye Jesu gūhū Betaniapū, Simo camī būcū mūna wihiro ijimediquiro ya wūhūpū ijiahye. Sa yero tiquina ihyari watoa numino pehe alabastro mehna yeriare ehme sitiye nardo wame tiye ūhsere pose tiriare ne wihihaye. Ti ūhse pehe wapa bujūye ijiahye. Sa yero ticoro tiare pohadoqueo,

Jesu dapu bui pio peoahye. <sup>4</sup> Ticoro sa yegũ ihñañe apequina usuaa wahahye.

—¿Duhse yero ahricoro ahri ehme sitiye co wapa bujuyere sa ye siteajari? <sup>5</sup> Tire ticoro duaboaya. Tire duaro tres cientos niñeru cjoerire wapataboaya. Sa yero ti niñerure pejecuoyequinare ohoboaya ticoro, ni cohteahye apequina pehe ticoro sa yegũ ihñañe.

Sa ye tiquina ticorore tuhtiahye.

<sup>6</sup> Tiquina sa nigũ tãhoro Jesu tiquinare yahuahye:

—Sa niedacãhña ticorore. Yũhũre ticoro quehnoano yero nine. <sup>7</sup> Pejecuoyequina pehe m̄sa mehna sa ijiducuenta. Sa yena m̄sa cahmedi pje tiquinare oho masine. Yũhũ pehe ahri yehpare m̄sa mehna sa ijiducusi. <sup>8</sup> Ticoro c̄oro puno mehna ticoro yũhũre sa yeri. Yũhũre tiquina yato pano yũhũ pagũre quehnoyuro, ehme sitiye pio peori ticoro. <sup>9</sup> Sa yegũ potota niita niaja m̄sare. Ijipihitiro ahri yehpapũ quehnoañe buheyere tiquina yahuatorũ ahricoro yojopũre ticoro yerire yahueta. Tiquina sa yahugũ tãhoye ticorore masa peyequina wacũeta, ni yahuahye Jesu.

*Juda Iscariote Jesure ihña tuhtiequinare tiquiro ihñaotire yahuahye pahia pũhtoare*

*(Mt 26.14-16; Lc 22.3-6)*

<sup>10</sup> Ti pjereta Juda Iscariote doce buheyequina mehna cãno Jesure tiquiro ihñaotire yahuro wahahye tiquirore ihña tuhtiequinare, pahia pũhtoare. <sup>11</sup> Sa ye pahia pũhtoa tire tãhoye bucueahye.

—Mũhũre niñerure ohonatja, niahye tiquina Judare.

Sa yero Jesure ihña tuhtiequinare tiquiro ihñaotire wacũ macahye.

*Jesu tiquiro buheyequina mehna tiquina ihya bato tiri deco ijiahye*

*(Mt 26.17-29; Lc 22.7-23; Jn 13.21-30; 1 Co 11.23-26)*

<sup>12</sup> Pugũ yeye moremehneñe pãre tiquina ihyati bose deco iji dũcari deco, ovejare pascua deco ijigũ ihyatiquirore tiquina wejẽati deco ijiahye. Ti pjere tiquiro buheyequina pehe sinituahye Jesure:

—¿Noho boropũ bose deco ijigũ mari ihyatire quehnoyu dutigũ ohoutjari mũhũ usãre? niahye tiquirore.

<sup>13</sup> Tiquina sa nigũta Jesu pehe pũaro tiquiro buheyequina mehna cãñare ohoahye.

—Jerusalẽpũ wahaya. Topũ m̄sa esagũ aco suture wũariquiro m̄sare piti carota. Tiquiro piti cagũ tiquiro mehna wahaya. <sup>14</sup> Sa wahana tiquiro siho sajãri wũhũpũ esana wũhũ upũrore ohõ saha ni yahuya: “¿Nohopũ yũhũ buheyequina mehna pascua cã ihyayere ihyanatari?” nidi buheriquiro”, niña wũhũ upũrore. <sup>15</sup> M̄sa sa nigũ tãhoro uhmũano cãã tucũre pajiri tucũre mari cahmeñe mehna tiquina quehnoñi tucũre ihñaonota wũhũ upũro. Topũ mari ihyatire dahreya m̄sa, niahye Jesu tiquinare.

<sup>16</sup> Tiquiro sa nigũ tãhoye tiquina tiquiro buheyequina ti macapũ wahahye. Topũ esagũ tiquinare tiquiro nidiro sahata wahahye. Sa ye tiquina pascua cã ihyayere dahreahye.

<sup>17</sup> Sa ye nahitia cãhtagũ Jesu doce tiquiro buheyequina mehna topũre esahye. <sup>18</sup> Sa yero tiquina mehna mesapũ ihyaro Jesu tiquinare yahuahye:

—Poto niita niaja m̄sare. Ihcãquiro m̄sa mehna cãno yũhũ mehna ihyariquirota yũhũre ihña tuhtiequinare ihñaonota, ni yahuahye Jesu tiquinare.

<sup>19</sup> Tiquiro sa nigũ tãhoye tiquina pehe bujũa witiyahye.

—¿Yũhũta ijiajari mũhũre ihñaocju? ni sinitu pihtiahye tiquina Jesure.

<sup>20</sup> —M̄sa mehna cãnota ijire tiquiro. Yũhũ ihyari papũ yũhũ mehna soha ihyariquirota ijire yũhũre ihña tuhtiequinare ihñaotiquiro. <sup>21</sup> Panopũ yũhũre tiquina yahu ojoariro sahata yũhũ masũ Cohãcjũ ohorigũ yariagũta. Sa yero yũhũre ihña tuhtiequinare ihñaoriquiro pejecuoro yũhdũrota. Tiquiro pehe masa bajueragũ, quehnoa yũhdũaboya. Ñano yũhdũeraboya, niahye Jesu tiquinare.

<sup>22</sup> Sa ni yahu tuhasaro tiquiro buheyequina mehna ihyaro taro niahye. Sa yero Jesu pãre ne, Cohãcjũre “Quehnoare”,

niahye. Sa ninota tiare nuha, itiahye tiquinare.

—Ahrire ne ihyaya. Ahri yuhū pagū ijire, niahye tiquiro tiquinare.

<sup>23</sup> Sa ni tuhasa tiquiro sihnini pare ne, Cohācjūre “Quehnoare”, ni tuhasa, ohoahye tiquinare. Tiquiro oho tuhasagū tiquina ijipihtiyequina tire sihniahye.

<sup>24</sup> —Ahri yuhū dii ijire. Peyequina masa tiquina ñañe yerire cohāgū tagū yariagutja. Sa yegū yuhū diire cohāgūtagū. Mari Pacū “Mūsare yuhūdagutja”, tiquiro nidiro esagū yuhū yariaro mehna tiquiro nidiro sohtori tirota. <sup>25</sup> Poto niita niaja mūsare. Cohācjū tiquiro pūhtoro ijiropū wahma core uhse core yuhū sihniato pano, ahri dihtapūre uhse core pari turi sihnisi yuhū, niahye Jesu tiquinare.

*Pedro Jesure tiquiro cohātire yahuahye Jesu*

*(Mt 26.30-35; Lc 22.31-34; Jn 13.36-38)*

<sup>26</sup> Sa ye tiquina ihcā taha Cohācjū ye basayere basa tuhasa, cūnupū Olivo wame tidupū waha wahahye. <sup>27</sup> Topū siho esaro Jesu tiquinare yahuahye:

—Yojopūre mūsa ijipihtina yuhūre cohānata. Ohō sahata nine Cohācjū yere tiquina ojoari pūpū yuhūre yahuro: “Ovejare ihña ihboriquiro yero saha ijiriquirore Cohācjū cohānota. Sa tiquiro cohāgū tiquiro yequina oveja yero saha ijiyequina duhtī site cāa wahaeta”, nine Cohācjū yere tiquina ojoari pūpū. <sup>28</sup> Sa yegū Cohācjū yuhūre tiquiro masori bato mūsa pano Galileapū wahayugutja yuhū, niahye Jesu tiquinare.

<sup>29</sup> Tiquiro sa nigū Pedro ohō saha niahye:

—Yuhū mehna cjēna ijipihtiyequina tiquina cohā cāepēgūta yuhū pehe mūhūre ne cohāsi, nimahye Pedro tiquirore.

<sup>30</sup> Jesu yūhtiahye:

—Potota niita niaja mūhūre. Mia ñamita canaca pūa taha tiquiro yahuato pano “Yuhū Jesure masiedaja”, nigūta mūhū. Ihtia taha sa nigūta mūhū, niahye Jesu Pedrorre.

<sup>31</sup> Tiquiro sa niepegūta Pedro ohō saha ni tutuaro bisiro yūhtiahye:

—Mūhū mehna yuhūre tiquina wejē duepegūta “Jesure masiedaja”, ne nisi yuhū, ni yūhtimahye tiquiro Jesure.

Pedro sa nigū tuhoye tiquiro mehna cjēna gūhū sa dihita ni yūhtiahye.

*Getsemaní wame tiri wesepū Jesu Cohācjūre siniahye*

*(Mt 26.36-46; Lc 22.39-46)*

<sup>32</sup> Sa ye tiquina Getsemaní wame tiri wesepū wahahye. Topū esaro ohō saha niahye Jesu:

—Yuhū Cohācjūre yuhū sinino watoa ohō dujiyuya, niahye tiquiro buheyequinare.

<sup>33</sup> Sa ni tuhasa Pedrorre, Santiagore, Ñure tiquinare ihtiarore piji cāhye. Tiquinare sa piji cāno, pajiro tūhotu dūcahye tiquiro. Sa yero ñano jeripohna tiahye.

<sup>34</sup> Sa bujūa witiro tiquiro mehna cjēnare tiquiro piji cāriquinare ohō saha niahye:

—Yuhū ñano jeripohna tiaja. Yuhūre tutuaro purīno saha tūhotugū niaja. Ohō tojoaya. Sa yena yuhū mehnata carīedacāhña mūsa gūhū, niahye Jesu tiquinare.

<sup>35-36</sup> Sa ni tuhasa tiquiro topū mehenogā waha nemo, yehpapū quehe saro, Cohācjūre niahye:

—Mai, mūhū ijipihtiyere ye masine. Sa yegū yuhū ñano yuhūre ye dueragū yeracāhña. Yuhū sa niepegūta yuhū cahmeno saha yeracāhña. Mūhū pehe masine. Mūhū cahmeno saha yeya yuhūre, ni siniahye tiquiro Cohācjūre.

<sup>37</sup> Sa ni tuhasa, ihtiaro tiquiro buheyequina cahapū wihiro, carīñequinare ihñahye. Tiquinare ihñano Pedrorre niahye:

—¿Simo, carīgū niajari mūhū? ¿Ihcā hora waro yuhū ihcāno mehna carīegū iji masiedajari mūhū? <sup>38</sup> Quehnoano yeya mūsa. Sa yena Cohācjūre siniducuya mūsa, “Ñano yeari”, nina. Mūsa tūhotuye mehna quehnoañene ye duamene mūsa. Mūsa sehsaro sa ye duepenata tire ye masiedare mūsa, niahye Jesu Pedrorre.

<sup>39</sup> Sa ni yahu tuhasa pari turi waha, Cohācjūre siniahye. To pano tiquiro sinidiro sahata siniahye tja. <sup>40</sup> Sa sini tuhasaro pari turi tiquina cahapū wiahahye tja. Sa wihiro carīñequinare ihñahye tja. Wujūa quehe yuhūdahye tiquina. Sa ye tiquina Jesure dūhse ni masiedahye. <sup>41</sup> Sa yero pari

turi Cohācjūre tiqairo sinidi bato tiquina cahap̄a wihi, tiquinare niahye:

—¿Yojop̄a pūritare carīnina niajari m̄asa? ¿Sorīna niajari m̄asa? To punota m̄m̄a saro taro nine. Mianogāta yūh̄are Cohācjū ohoriḡare ñañequinare tiquina ohoati pje m̄m̄a saro nine. <sup>42</sup> Wahcāña. Isa wahaana. Ihñaña. Yūh̄are ihña tuhtiyequinare ihñootiqairo ohō ahtare, niahye Jesu tiquinare.

*Jesure ihña tuhtiyequina tiqairore peresuyeahye*

*(Mt 26.47-56; Lc 22.47-53; Jn 18.2-11)*

<sup>43</sup> Tiqairo sa nino watoata Juda, doce buheyequina mehna cjūno ijimediqairo wihiahye. Sa ye masa peyequina ñoseñe pjīni, yuc̄a tiāri c̄oyequina tiqairo mehna wihiahye. Pahia p̄ah̄toa, judio masare buheyequina, b̄uc̄ana, tiquina ohoriquina masa pehe ijiahye. <sup>44</sup> Coã warore Jesure ihña tuhtiyequinare ihñootiqairo masare ohō saha ni yahu queo tuhasahye.

—Wahsupure yūh̄a ihmidiqairo tiqairota ijirota m̄asa ñeheatiqairo. Tiqairore yūh̄a ihmidi bato ñeheña tiqairore. Sa yena quehnoano ñeheña tiqairore “Duhtiarī”, nina, ni yahu tuhasahye Juda pehe.

<sup>45</sup> Sa yero wihirota Jesu cahap̄a duita waha madoqueoahye.

—Buheḡa, ninota wahsupure ihmiahye tiqairore.

<sup>46</sup> Tiqairo sa yegū ihñañe tiquina Jesure ñeheahye.

<sup>47</sup> Tiquina sa yegū ihñano to cahap̄a ducuyequina mehna cjūno tiqairo ñoseni pjīne t̄ā we nedoqueo, pahia p̄ah̄toro cahacjūnore tiqairo cahmonore d̄ate pahrē cāhye.

<sup>48</sup> Sa yero Jesu ohō saha niahye:

—¿D̄ahse ijiro boro m̄asa ñoseñe pjīni mehna, yuc̄a tiāri mehna ahtana, yaqueriqairore yero saha yūh̄are ñehena ahtajari? <sup>49</sup> Decoripe Cohācjū wūh̄ap̄a m̄asare yūh̄a buhe dujigū, m̄asa yūh̄are ne ñehedari. Sa ijiepegūta ahri ijipihtiye sa waharo niga Cohācjū yere tiquina ni ojoariro sahata, niahye Jesu masare.

<sup>50</sup> Sa ye Jesu buheyequina tiqairore cohā cā, ijipihtiyequina oma site cā wahahye.

<sup>51</sup> Sa yero wahm̄ano suhti mariediqairo ihcāno coma cjūno dihita comariqairo Jesu bato n̄n̄a tāmahye. Tiqairo sa n̄n̄a t̄agū ihñañe tiqairore ñehemahye. <sup>52</sup> Tiqairore tiquina ñehe duagū ihñano tiqairo coma cjūnore cohā cā, suhti mariediqairo oma cā wahahye.

*P̄ah̄toa cahap̄a neahye Jesure*

*(Mt 26.57-68; Lc 22.54-55, 63-71; Jn 18.12-14, 19-24)*

<sup>53</sup> Sa ye pahia p̄ah̄toro cahap̄a Jesure ne cāhye. Sa ye ijipihtiyequina pahia p̄ah̄toa, b̄uc̄ana, usā acaye judio masare buheyequina ḡūh̄a cahmecoahye. <sup>54</sup> Sa yero Pedro pehe Jesu bato yoarop̄a n̄n̄a t̄ahye. Sa n̄n̄a t̄ano pahia p̄ah̄toa ya wūh̄a cahap̄a esahye. Sa yero tiqairo ti wūh̄are cohteyequina surara mehna peca d̄ah̄ta cahap̄a sohma dujiahye.

<sup>55</sup> Pahia p̄ah̄toa, ijipihtiyequina apequina p̄ah̄toa ḡūh̄a Jesure wejē duti duaye, ni mehoñe mehna tiqairore tiquina ñano buhiri dahreatore wacū macañe nimahye. Tiquina yahusātire wacū bocaerahye. <sup>56</sup> Sa wacū bocaerapeta peyequina masa tiqairore sa yahusā maca cāhye. Tiquina yahusāñe poto ijierahye. Apeqairo sijoro saha ni, apeqairo sijoro saha niahye. <sup>57</sup> Sa ye apequina top̄a esaye, Jesure yahusāhye.

<sup>58</sup> —Ahriqairo ohō saha nidi: “Yūh̄a ahri wūh̄are Cohācjū wūh̄are masa tiquina dahreri wūh̄are cohāḡatja. Sa cohāḡa ihtia deco wahaboro ti wūh̄are pari turi yeḡatja. Ti wūh̄a masa tiquina dahreri wūh̄a ijisi”, tiqairo nigū usā t̄ahou, niahye ni meho yahusāñequina.

<sup>59</sup> Tiquina sa ni yahusāep̄egūta tiquina yahusāñe ḡūh̄a poto ijierahye. Apeqairo sijoro saha ni, apeqairo sijoro saha niahye.

<sup>60</sup> Tiquina sa nigū t̄ahoro pahia p̄ah̄toro tiquina watoa ducuriqairo wahcād̄aca sa, Jesure sinituahye:

—¿Ahriquina m̄ah̄are tiquina yahusāep̄egūta tiquinare yūhti cahmedajari m̄ah̄a? ¿M̄ah̄are tiquina yahusārire d̄ahse ni yūhti cahmeajari m̄ah̄a? niahye tiqairo Jesure.

<sup>61</sup> Tiqairo sa nigū t̄ahooperota Jesu sata t̄ahotu cāhye. Tiqairo sa yūhtieragū ihñano pahia p̄ah̄toro tiqairore sinituahye tja:



—¿Cristota ijiajari m̄h̄h̄? ¿Quehnoariquiro Cohãcjũ mac̄u warota ijiajari m̄h̄h̄? niahye tiquiro Jesure.

<sup>62</sup> —Tiquiro tjiaja. Sa yena ȳh̄h̄re mas̄ure Cohãcjũ ohorigure ȳh̄h̄ Pac̄u tutuariquiro poto peher̄u ȳh̄h̄ dujigũ ihñanata m̄sa. Sa yena ̄hm̄se cjẽ ehmeo cururi watoa ȳh̄h̄ ahtagũ gũh̄re ihñanata m̄sa, niahye Jesu tiquirore.

<sup>63-64</sup> Tiquiro sa nigũta pahia p̄h̄toro pehe tiquiro sañari suhtirore tiquiro basi t̄hr̄e c̄h̄ye, apequinare “Usua ȳh̄d̄h̄are”, ni ihña masi dutiro.

—Cohãcjũre ñano yahuducuro nine ahriquiro. Sa yena tiquiro ñano yahuducuyere t̄ho tuhasaja mari. Sa ye topequinata yahusãhdo ahriquirore. ¿Sa yena d̄h̄se yenatari mari yojop̄are ahriquirore? niahye pahia p̄h̄toro apequina p̄h̄toare.

—Tiquiro ñari buhiri wejẽno cahmene tiquirore, ni ȳh̄tiahye apequina p̄h̄toa.

<sup>65</sup> Sa ye tiquina mehna cjẽna Jesure sihco puti, tiquiro caperire d̄hte biha, tiquirore quẽpeahye. Quẽpe tuhasa ohõ saha ni-peahye:

—¿Noa pehe m̄h̄h̄re quẽari? Ihñedapeguta yahuya ̄s̄are, ni buj̄peahye tiquina.

Sa ye p̄h̄toro yequina surara pehe Jesure quẽpe tuhasa, neahye.

—*Tiquirore masiedaga, niahye Pedro Jesure*

(Mt 26.69-75; Lc 22.56-62; Jn 18.15-18, 25-29)

<sup>66</sup> Sa yero w̄h̄h̄ caha ijiri paap̄u quehnoari paap̄u Pedro ijigũ pahia p̄h̄toro cahacjõno wihiahye. <sup>67</sup> Pedro tiquiro sohmagũ ihñano ticoro tiquiro dihitare ihñaducuahye.

—Nazare cjãno mehna, Jesu mehna m̄h̄h̄ gũh̄ ijiri, niahye ticoro Pedore.

<sup>68</sup> Ticoro sa nigũ t̄horo tiquiro ohõ saha niahye:

—¿D̄h̄se ni macago niajari m̄h̄h̄? M̄h̄h̄ nidiquirore ne masiedaja ȳh̄h̄, niahye Pedro ticoro.

Tiquiro sa nidi bato Pedro sahr̄no sopecaha cahap̄u wahahye. Sa yero top̄u tiquiro ducugũ canaca yahuahye. <sup>69</sup> Top̄u tiquiro

ijigũ ihñano cahacjõno pehe ticoro cahap̄u ducuyequinare yahuahye tja:

—Ahriquiro gũh̄ Jesu buheyequina mehna cjãno ijire, niahye ticoro.

<sup>70</sup> Ticoro sa nigũ t̄horo Pedro pari turi ohõ saha niahye tja:

—Tiquirore masiedaja ȳh̄h̄, niahye tja.

Sa yero came cjũnop̄u top̄u ducuriquina Pedore ohõ saha niahye:

—Ijirota ijire. M̄h̄h̄ Galilea cjã ijire. Sa yeḡu tiquina mehna cjãta ijire m̄h̄h̄, niahye tiquina tiquirore.

<sup>71</sup> Tiquina sa nigũ t̄horo tiquiro ȳh̄tiahye:

—Potota Cohãcjũ mehna niaja m̄sare. Potota ȳh̄h̄ niedagũ Cohãcjũ ȳh̄h̄re buhiri dahreahro. Tiquirore m̄sa nidiquirore ne masiedaga ȳh̄h̄, ni ȳh̄tiahye Pedro tiquinare.

<sup>72</sup> Tiquiro sa nigũta canaca yahuahye tja. Tiquiro sa yahugũ t̄horo Jesu tiquirore nidire wacũahye Pedro: “Canaca p̄h̄a taha tiquiro yahuato pano m̄h̄h̄ ȳh̄h̄re ‘Jesure masiedaga’, nigũta m̄h̄h̄. Ihtia taha sa nigũta m̄h̄h̄”, Jesu tiquiro nidire wacũahye Pedro pehe. Tiquiro sa nidire wacũno, tutuaro utiahye Pedro.

## 15

### *Pilato Jesure sinituahye*

(Mt 27.1-2, 11-14; Lc 23.1-5; Jn 18.28-38)

<sup>1</sup> Sa ye bohrearop̄u pahia p̄h̄toa, bucuna, ̄s̄ã judio masare buheyequina, ijipihtiyequina apequina p̄h̄toa mehna cahmecoa, yahuducuahye tiquina yeatire masiñe tehe. Tiquina basi yahuducu tuhasa, Jesure d̄hte, ne cã, Pilatore ohoahye tiquirore. <sup>2</sup> Tiquina ne sagũ ihñano Pilato tiquirore sinituahye:

—¿Potota judio masa p̄h̄tota ijiajari m̄h̄h̄? niahye tiquiro Jesure.

—M̄h̄h̄ nino sahata ijiaja, ni ȳh̄tiahye Jesu.

<sup>3</sup> Sa ye pahia p̄h̄toa peye yahusãhye tiquirore. <sup>4</sup> Tiquina sa ni yahusãgũ t̄horo Pilato tiquirore sinituahye tja:

—Ahriquina m̄h̄h̄re peye yahusãñe nine. ¿Tiquina sa yahusãep̄egũta ȳh̄htierajari m̄h̄h̄? niahye tiquiro.

<sup>5</sup> Tiquiro sa niepegāta Jesu ne pari turi yuhti nemoedahye. Sa yero Pilato ne dūhse ni masiedahye.

*Jesure wejē dutiahye*

(Mt 27.15-31; Lc 23.13-25; Jn 18.38-19.16)

<sup>6</sup> Cūhmaripe pascuaripe masa yaquiro ijiatiquirore ihcāquiro peresupū ijiriquirore tiquina cahmediquirore Pilato wio basaducue tiahye. <sup>7</sup> Ti pjere Barrabá wame tiri quiro peresupū ijiahye. Tiquiro pūhtoare cohā duayequina, masare wejēñequina mehna cjāno ijiahye. <sup>8</sup> Sa ye masa peyequina Pilato cahapū esaye, tiquirore siniahye:

—Cūhmaripe usāre mūhū yeducuro sahata yeya usāre. Ihcāquiro peresupū ijiriquirore usāre wio basaya, niahye tiquina.

<sup>9</sup> Tiquina sa nigāta Pilato tiquinare sinituahye:

—¿Musa yaquiro ijiatiquirore mūsa judio masa pūhtoro wio basaboagari yūhū? ni sinituahye masare Jesure wio duaro.

<sup>10</sup> Jesure masa tiquina cahīgū ihñañe pahia pūhtoa gūhū tiquirore ihñā tuhtiahye. Sa ihñā tuhtiyē tiquirore ohoahye Pilatopare. Sa yero masa tiquina cahīdi buhirī tiquina ihñā tuhtirire masino Pilato Jesure wio duamahye. <sup>11</sup> Tiquiro sa wio duepegāta pahia pūhtoa Jesu mehna masare usuagū yeahye. Ohō saha ni dutiahye tiquinare: “Barrabá pehere wioya. Jesure wejē dutiya”, ni dutiahye masare.

<sup>12</sup> Sa yero Pilatore Barrabāre tiquina wio dutiri bato Pilato tiquinare sinituahye tja:

—¿Ahriquiro judio masa pūhtoro mūsa nidiquiro pehere dūhse yegūtari yūhū, mūsa sa nigū? ni sinituahye tiquiro.

<sup>13</sup> —Curusapū quē biha wejēñā tiquirore, ni sañuducuahye masa.

<sup>14</sup> —¿Yabe borore ñañene yeari ahriquiro, mūsa sa ni sañuducugū? ni sinituahye tiquinare.

Tiquiro sa nigū tūhoye tiquina sañuducuo nemoahye tja:

—Curusapū quē biha wejēñā tiquirore, ni sañuducuahye tiquina.

<sup>15</sup> Tiquina sa ni sañuducugū tūhoro Pilato pehe masare bucugū ye duaro Barrabá

pehere peresupū ijiriquirore wio dutiahye masa tiquina cahmediquirore. Sa yero Jesu pehere yuta dari mehna tana duti, curusapū quē biha wejē dutiro ohoahye surarare.

<sup>16</sup> Sa ye surara Pilato ya wūhūpū preto-rio wame tiri wūhūpū tiquirore ne sahye. Ne sa tuhasa tiquina apequina surarare tiquina mehna cjēnare cahmecoañe tehe pijioahye. <sup>17</sup> Sa ye tiquina pūhtoro ya suhtiro yero saha bajurī suhtirore Jesure sāa, pota behtore dahre, ti behtore tiquiro dapu bui duhu peoahye. <sup>18</sup> Sa ye tuhasa ohō saha ni bujūpeahye tiquina tiquirore:

—Quehnoano ahtaya. Judio masa pūhto, quehnoano ahtaya, ni bujūpeahye.

<sup>19</sup> Sa nieta yuchūgū mehna tiquiro dapure quē, tiquirore sihco puti wisō, cua pesaro yeyequina yero saha tiquirore quehe sa, ño peoro saha yeahye. Tiquirore ñāno yeye niahye. Sa ye bujūpeye niahye. <sup>20</sup> Sa yepe tuhasa tiquina sāari suhtirore tu we nedoqueo, tiquiro ye suhti pehere tiquirore sāa, tiquirore curusapū quē biha wejēñe wahaye, nea wahahye tiquina.

*Tiquina Jesure curusapū quē biha wejēahye*

(Mt 27.32-44; Lc 23.26-43; Jn 19.17-27)

<sup>21</sup> Sa ye topū wahariquiro, Simo Cirene cjāno ihquē wūhūse ijiropū esariquiro, tiquina cahapū wihīgū ihñañe surara pehe tiquirore Jesu ya curusare wūa cā dutiahye. Alejandro, Rufo pacuro ijiahye Simo pehe.

<sup>22</sup> Waha, Gólgota wame tiropū esahye. Gólgota nino “Dapu pehtoro”, nino nine.

<sup>23</sup> Sa ye vinore mirra wame tiye co mehna tiquina moredi core Jesure ohomahye. Sa yero ti core sihni duerahye tiquiro. <sup>24</sup> Sa ye curusapū Jesure quē bihahye tiquina. Quē biha tuhasa tiquiro suhti ijirire “¿Noa yaro ijirotari ohō?” ni cahme doquepeahye tiquina.

<sup>25</sup> Jesure curusapū tiquina quē bihagū ihtia hora dūhsahye coheri pje esato. <sup>26</sup> Sa ye curusapū ohō saha ni ojoari pjīne duhu ohōahye tiquina tiquiro ñañe buhirire yahu duaye. “AHRIQUIRO JUDIO MASA PŪHTORO IJIRE”, ni ojoahye tiquina ti pjīne. <sup>27</sup> Sa ye pūaro yaque bucūna Jesu

caha apeye curusarip<sub>u</sub> tiquina quē biha ohōriquina ijiahye tiquina. Ihcāquiro potō pehe, apequiro cū pehe pehe quē biha ohōahye tiquina gūh<sub>u</sub>re. [ <sup>28</sup> Tiquina sa yegū panop<sub>u</sub> Cohācjū yere tiquina yahu ojoariro sahata waharo niahye. Ohō saha ni ojoahye: “ ‘Dutiyere yūhdudūcayequina mehna cjāno ijire’, ni, tūhoturi masa tiquirore”, ni ojoahye panop<sub>u</sub>.]

<sup>29</sup> Sa ye curusari cahap<sub>u</sub> yūhdū cāñequina Jesure ihña, tiquina dapu pacare yuredoqueo, tiquirore ñano ni yahuducuahye:

—Quehnoare. Quehnoare. ¿Cohācjū wūh<sub>u</sub>re cohā, ihtia deco wahaboro pari turi ti wūh<sub>u</sub>re dahreacjū ijiajari mūh<sub>u</sub>?

<sup>30</sup> Mūh<sub>u</sub> basi dijiahya. Sa yegū mūh<sub>u</sub> basi yedohoya. Sa yegū yūhdū witigūta mūh<sub>u</sub>, ni būjūpeahye tiquina.

<sup>31</sup> Tiquina yero sahata pahia pūhtoa gūh<sub>u</sub> usā judio masare buheyequina gūh<sub>u</sub> tiquirore sa ni būjūpeahye. Sa ni būjūpeye ohō saha niahye tiquina basi:

—Tiquiro apequinare yūhdūoriquiro ijieperota tiquiro basi yūhdūo masiedare. <sup>32</sup> “Israe masa pūhto, Cristo ijiaja”, nimesi tiquiro. Sa yena tiquiro basi dijia tagū ihñana tiquirore wacū tutuanata, ni būjūpeahye tiquina.

Sa ye yaque būcūna tiquiro caha tiquina quē biha ohōriquina gūh<sub>u</sub> sata ñano ni būjūpeahye tiquirore tja.

### *Jesu yariaa wahahye*

(Mt 27.45-56; Lc 23.44-49; Jn 19.28-30; He 6.19-20; 10.19-20)

<sup>33</sup> Sa ye coheri pje ijigū ihtia hora waro ijipihtiorop<sub>u</sub> nahitiaa wahahye. <sup>34</sup> Sa yero nahitia yūhdūgū waro Jesu tutuaro sañuducuahye:

—¿Eloi, Eloi lema sabactani? niahye tiquiro.

Sa nino ohō saha nino niahye. “¿Yūh<sub>u</sub> Рач<sub>u</sub>, yūh<sub>u</sub> Рач<sub>u</sub>, dūhsegū yūh<sub>u</sub>re cohājari mūh<sub>u</sub>?” nino niahye.

<sup>35</sup> Tiquiro sa nigū tūhoye ihquēquina top<sub>u</sub> ducuriquina ohō saha niahye:

—Cohācjū yere yahu mūhtariquirore Elia mūnanore pijioro niboaga, niahye tiquina.

<sup>36</sup> Sa yero ihcāquiro tiquina mehna cjāno oma cā, aco ihmini sahtere vino sūēñe core

tiquiro sohari sahtere ne cā, yucūgū sohtoap<sub>u</sub> dūhte ohō, Jesure sihōmahye. Sa sihōno ohō saha niahye:

—Cohteniña. Elia mūnana ahriquiroro tiquiro yūhdūogū ihñarñihna mari, niahye tiquiro apequinare.

<sup>37</sup> Tiquiro sa nidi bato Jesu pehe tutuaro sañuducu, yariaa wahahye. <sup>38</sup> Tiquiro yariagūta Cohācjū wūh<sub>u</sub> cjā suhtiro cahsero tore tiquina cahmotari cahsero deco mehna bui pehe tūh<sub>u</sub> dijia ta, tūh<sub>u</sub> maa cjū saa wahahye. <sup>39</sup> Tiquiro sa yariagū ihñano surara pūhtoro Jesu caha ducuriquiro ohō saha niahye:

—Ijirota ijire. Ahriquiroro Cohācjū macūnota ijire, niahye tiquiro.

<sup>40</sup> Sa ye yoarop<sub>u</sub> ducuye numia Jesure ihñaducuye niahye. Tiquina numia mehna María Magdalena ijiahye. Apecoro María wame tiricoro gūh<sub>u</sub> ijiahye. Ticoro pehe José, tiquiro bahuro Santiago, tiquina pacoro ijiahye. Apecoro Salomé ijiahye.

<sup>41</sup> Tiquina numia Jesu yere quehnoano tūhoyequina numia ijiye, Galilea yehpap<sub>u</sub> tiquiro ijigū tiquirore yedohoe tiahye. Tiquina numia mehna peyequina apequina numia gūh<sub>u</sub> Jerusalēp<sub>u</sub> Jesu mehna ahtariquina numia ijiahye.

### *Jesu pagure masa copep<sub>u</sub> cūahye*

(Mt 27.57-61; Lc 23.50-56; Jn 19.38-42)

<sup>42-43</sup> Sa ye ti deco tiquiro yariari deco saurú pano judio masa usā sori deco pano ijiri deco ijiahye. Sa yero pascua cjē ijiatire tiquina quehnoyuri deco ijiahye. Ti ñamita José Arimatea cjāno cuero marieno Pilato cahap<sub>u</sub> esahye Jesu pagure sinino esaro. José judio masa usā pūhtoa mehna cjūno, pūhtoa tiquina cua pesaro ihñariquiro waro ijiahye. Sa yero Cohācjū masa bui tiquiro pūhtoro sajātore cohtero niahye. <sup>44</sup> Sa yero José Pilatore tiquiro sini tuhasagū tūhoro tūho maria wahahye Pilato pehe. “¿Jesu yaria tuhasayari?” ni tūhoturo, tūho maria wahahye. Sa yero surara pūhtoro pijio ohō saha niahye tiquirore:

—¿Jesu yariaa wahari? ni, sinituahye tiquirore.

<sup>45</sup> Tiquiro sa nigū surara pūhtoro yūhtiahye:

—Yariaa wahari, niahye.

Tiquiro sa nigū Pilato Jesu pagure oho dutiahye Josere. <sup>46</sup> Tiquiro sa oho dutiri bato José quehnoari suhtirore dúahye. Dú tuhasa, Jesu pagure ne dijio, suhtiro mehna wahme, masa copepū utāpū tiquina seheri copepū tiquiro pagure cūahye. Cū tuhasa, ti cope caha ijiria utāre pajiria utāre tu torē cā, ti copere bihahye. <sup>47</sup> Sa ye María Magdalena, María José pacoro Jesure tiquina cūrirore ihñahye.

## 16

### *Jesu masa wijiahye*

*(Mt 28.1-10; Lc 24.1-12; Jn 20.1-10)*

<sup>1</sup> Sa ye saurú yuhdugū María Magdalena, María Santiago pacoro, Salomé mehna wisōñe co ehme sitiye dūahye tiquiro pagure wisōñe tehe. <sup>2</sup> Sa ye domingo bohrea queharo Jesure tiquina cūri copepū wahahye tiquina. <sup>3</sup> Wahaducuye, ohō saha niahye:

—¿Ti copere biharia utāre noa marine pōo basarotari na? niahye tiquina basi.

<sup>4</sup> Ti copepū esaye, ti copere biharia utāre pajiria utāre tiquina pōo cūriare ihñahye tiquina. <sup>5</sup> Sa ihñañe ti copepū sa jā sahye. Sa sa jā saye, wahmūnore poto pehe dūjiriqirore yehseye suhti tiriqirore ihña, acuaa wahahye. <sup>6</sup> Tiquina sa acuaagū ohō saha niahye tiquiro:

—Yuhare ihña acueracāhña. Jesu Nazare cjāno tiquina quē biha wejēdiqiro mūsa macariqiro masa wijia tuhasari. Ohōre mariedare. Tiquirore tiquina cūrirore ihñañe. <sup>7</sup> “Tiquiro mūsa pano Galileapū waharota”, ni yahuna wahaya tiquiro buheyequinare, Pedro gūhare. Topū tiquiro nidiro sahata mūsa tiquirore ihñanata, ni yahuahye wahmūno tiquinare.

<sup>8</sup> Tiquiro sa nigū tuhoye tiquina cūeye, nanare, masa cope cahapū ijiriqina oma cāa wahahye. Sa cūeye apequinare yahuerahye.

### *Jesu María Magdalenare bajuahye*

*(Jn 20.11-18)*

[ <sup>9</sup> Sa ye domingo ijigū Jesu tiquiro masa wijari bato María Magdalenare bajua mūhtahye. Ticoro siete watīare cūomedicoro ijimahye. Sa yero Jesu tiquiro yariato pano watīare tiquiro

cohānohricoro ijiahye. Sa yero ticoro pehere bajua mūhtahye tiquiro masa wijari bato. <sup>10</sup> Sa ye Jesu mehna cjēna tiquiro yariagū ihñañe tutuaro bājua witi, utiye niahye. Sa tiquina utiri watoa ticoro pehe tiquirore ihñarire yahumahye tiquinare. <sup>11</sup> “Cristo catiri. Ihñañ”, ticoro ni yahuepegūta tūho duerahye.

### *Jesu tiquiro buheyequinare bajuahye*

*(Lc 24.13-35)*

<sup>12</sup> Came pūaro tiquina mehna cjēna wūhūse marienopū tiquina tinigū Jesu sijoro saha bajuriqiro tiquinare bajuahye. <sup>13</sup> Tiquiro sa bajuagū ihñañe tiquina tojoaa waha, apequinare Jesu yequinare tire yahuahye. Tiquina sa ni yahuepegūta tiquina pehe tūho duerahye.

### *Jesu tiquiro yere buhe dutiro ohoahye tiquiro buheyequinare*

*(Mt 28.16-20; Lc 24.36-49; Jn 20.19-23)*

<sup>14</sup> Came doce tiquiro buheyequinare mesa cahapū tiquina dūjigū tiquinare bajuahye tiquiro. Sa yero tiquirore ihñariquinare tiquina yahugū tūho dueyequinare masino Jesu tiquinare tuhtiahye. Tiquirore tiquina quehnoano wacū tutuerari buhirire tuhtiahye tiquinare. <sup>15</sup> Sa tuhti tuhasaro tiquinare ohō saha niahye:

—Ahri yehpa ijipihtiropū quehnoañe buheyere ijipihtiyequina masare buhena wahaya. <sup>16</sup> Yuhare wacū tutuayequinare tiquina wame yenohriquinare pecapū wahaboriquinare yuhdūorota Cohācjū. Sa ye yuhare wacū tutuayequinare Cohācjū tiquiro buhiri dahreatiquina pecapū wahatiqina ijietā. <sup>17</sup> Sa ye yuhare wacū tutuayequinare yuhū tutuaye mehna ohō saha yeeta: Yuhū tutuaye mehna, yuhū wame mehna watīare cohāeta. Sa ye wahma yahuducuyere yahuducueta. <sup>18</sup> Sa ye añare tiquina ñehēgū, ijipihtiyē nima dūhse ijiye nimare tiquina sihnigū, tiquinare ne purīsi. Sa ye dohatiyequina bui tiquina omocarine tiquina ña peogū dohatiyequina pehe quehnoa wahaeta, niahye Jesu tiquiro buheyequinare.

### *Jesu ūhmūsepū mūjāa wahahye*

*(Lc 24.50-53)*

<sup>19</sup> Sa ni yahu tuhasa mari p̄h̄toro Jesu ʘhm̄sep̄ m̄j̄aa wahahye. Top̄ esaro Coh̄c̄j̄ poto pehe dujahye tiquiro mehna p̄h̄toro ij̄iro. <sup>20</sup> Sa ye Jesu buheyequina ij̄ip̄iht̄irop̄ quehnoañe buheyere buheye wahaa wahahye. Tiquina sa buheḡa mari p̄h̄toro tiquinare yedohoahye. Tiquiro tutuaye mehna ye ih̄ño, masiḡa yeahye tiquinare, masare tiquiro ye buheyere t̄ho dutiro. To punota ij̄ire.]

## San Lucas

1-2 Puh̄to Teófilo, ahrire m̄h̄u buheatire m̄h̄ure ojoa ohoḡu niaja. Jesu us̄a mehna ijinino tiquiro yerire apequina ojoa d̄uca tuhasari jiri. Coã warop̄are Jesure ih̄nariquina, tiquiro yere buheriquina tiquina ni yahuriro sahata apequina tire ojoa d̄uca tuhasari jiri. <sup>3</sup> Sa yeḡu ahri ijipihtiyere quehnoano masi peho duaḡu buhei. Sa yeḡu yah̄u ḡuh̄u tire quehnoano ojoa duaja m̄h̄u buheatire yeḡu. <sup>4</sup> Jesu yere yahuyequina m̄h̄ure buhe tuhasari. Tire quehnoano m̄h̄u masi nemoatire ahri p̄ure m̄h̄ure ojoa ohoḡu niaja.

*Ñu wame yeatiquiro tiquiro masa bajuatire angel yahuahye*

<sup>5</sup> Jesu masa bajuato pano, Herode Judea yehpa cj̄ena p̄h̄toro tiquiro ijiḡu Zacaria wame tiriquire pehe pahi ijiahye. Sa yero Zacaria tiquiro ya curua cj̄ena pehe pahia curua Abia m̄n̄ano ya curua cj̄ena ijiahye. Zacaria namono ḡuh̄u pahi Aaron m̄n̄ano panameono iji turiaricorop̄u ijiahye. Ticoro pehe Elisabe wame tiri-coro ijiahye. <sup>6</sup> Tiquina p̄aro Coh̄cj̄u dutiyere quehnoano ye pehoyequina tiquina ijiḡu ih̄n̄ano, “Decoripe quehnoañene yere”, ni ih̄nahye Coh̄cj̄u tiquinare. <sup>7</sup> Elisabe ne pohna marienico-ro ijiahye. Ticoro Zacaria mehna sata muh̄nu c̄ahye pohna mariedape.

<sup>8</sup> Pahia dahrayere dahraye tehe, decoripe tiquina comesae tiahye. “Zacaria ya curua cj̄ena ijire”, tiquina nidi bato tiquiro pahia decoripe tiquina yeducuro saha Coh̄cj̄u ya w̄h̄p̄u dahraro taro niahye Zacaria. <sup>9</sup> Pahia sa yeducuro saha tiquina “¿Noare ijirrotari uj̄ã m̄oatiquiro?” niñe, doquepeye mehna bueyere ehme siti-yere uj̄ã m̄oatiquirore beseahye. Coh̄cj̄ure ño peori altar-p̄u tiquina beseriquiro Zacaria ehme siti-yere uj̄ã m̄oatiquiro ijiahye. Sa yero tiquiro Coh̄cj̄u w̄h̄p̄u saj̄ã wahahye uj̄ã m̄ono waharo. <sup>10</sup> W̄h̄p̄u ijiro ehme siti-yere tiquiro uj̄ã m̄ono watoa ijipihtiyequina masa pehe sopecahap̄u

Coh̄cj̄ure sinie tiahye. <sup>11</sup> Ti pjere Coh̄cj̄u yaquiro angel Coh̄cj̄ure ño peori altar poto pehe bajuad̄uca sahye Zacariare. <sup>12</sup> Tiquiro sa bajuaḡu ih̄n̄ano Zacaria tiquirore ih̄na maria, cuea wahahye. <sup>13</sup> Sa tiquiro cueḡu ih̄n̄ano angel tiquirore yahuahye:

—Zacaria, cuerac̄h̄ña. Coh̄cj̄u m̄h̄u sinidire t̄h̄ori. Sa yena m̄usa pohna tinata. M̄usa mac̄u masa bajuarota. Tiquiro bajuaḡu Ñu wame yeya tiquiroḡare. <sup>14-17</sup> “Tiquiro quehnoariquiro, tutu-ariquiro ijire”, ni, ih̄n̄anota Coh̄cj̄u m̄h̄u mac̄ure. Tiquiro masa bajuari bato vinore, sih̄biorire sih̄nisi. Sa yero tiquiro masa bajuari bato Esp̄iritu Santo nidiro sahata yeriquiro ijirrotatiquiro. Sa yero peyequina m̄h̄u acaye Israe masare Coh̄cj̄u mari p̄h̄torore quehnoano cahmeḡu yerota m̄h̄u mac̄u. Sa yero tiquiro Coh̄cj̄u yere buhero Elia m̄n̄ano Coh̄cj̄u yere yahu m̄h̄tariquiro tiquiro buheriro sahata Esp̄iritu Santo yedohoro mehna Coh̄cj̄u tutuaye mehna m̄h̄u mac̄u ḡuh̄u buherota. Sa buhero tiquina pac̄us̄um̄a tiquina pohne mehna quehnoano cahme cah̄ḡu yerota. Sa yero dutiyere ȳhd̄ad̄ucariquinare quehnoano tiquina ño peoye mehna ȳhtiḡu yerota. Sa buhero mari p̄h̄toro Coh̄cj̄u yequina ijiatire yerota tiquiro. Sa yeḡu tiquiro masa bajuari bato m̄h̄u bucueḡuta. Peyequina apequina ḡuh̄u bucueeta, niahye angel Zacariare.

<sup>18</sup> Tiquiro sa niḡu t̄h̄oro Zacaria pehe sinituahye angelre:

—Us̄ã buc̄una ijiaja. ¿Sa yeḡu m̄h̄u nidi poto ijiḡu d̄h̄se masiḡutari yah̄u? niahye tiquiro.

<sup>19</sup> Tiquiro sa niḡu angel pehe tiquirore yahuahye:

—Ȳh̄u Gabriel wame tiḡu ijiaja. Coh̄cj̄u cahac̄j̄u tiquiro cahap̄u ducuḡu ijiaja yah̄u. Coh̄cj̄u ahri quehnoañe quitire yahu dutiro, m̄h̄u cahap̄u yah̄ure ohori. <sup>20</sup> Ȳh̄u yahuriro sahata potota waharota. Ȳh̄u sa niepeḡuta yah̄ure m̄h̄u poto t̄h̄oerari. Sa yeḡu yojop̄are m̄h̄u yahuducueḡu wahaḡuta. M̄h̄u mac̄u tiquiro bajuari bato yahuducuḡuta tja, niahye angel Zacariare.

21 Sopecahapu ijiyequina masa Zacari-are cohteye niahye. “¿Dahse ijiro boro tiquiro Cohācjū wuhupū ijiro, sojaro wijia taerajari?” ni, cohteye niahye masa tiquirore. 22 Sa yero ti wuhupū ijiriquiro wijia wihi, tiquina mehna yahuducu masiedahye. Tiquiro sa yahuducu masiedagū ihñañe “Tiquiro Cohācjū wuhupū bajuanohno niaya”, ni, tūhotuahye tiquina. Sa yero yahuducu masiedaro tiquiro omocari mehna masare yahuducuahye.

23 Cohācjū wuhupū tiquiro dahraye pihtigū, tojoaa wahahye tiquiro ya wuhupū. 24 Tiquiro sa wahari bato tiquiro namono Elisabe coā nijinore cūo cāhtaro niahye. Sa yero ticoro ihcā omope asūri waro masa cahapu wahaerahye. 25 Ohō saha niahye ticoro: “Yojopare yuhare Cohācjū yedohori. Yuhū pohna mariego ijigo tutuaro buoro tūhotuu yuhū. Cohācjū yedohoro mehna nijinogāre bocagota”, ni tūhotuahye ticoro.

### *Jesu tiquiro masa bajuatire yahuahye angel*

26-27 Elisabe seis asūri ticoro niji pacoro ticoro ijiri bato Cohācjū pehe angel Gabriel wame tiriquire nuhmino cahapu ohoahye. Ticoro Nazarepu Galilea yehpapu ijiri macapu ijiahye. María wame tiricoro ijiahye. José wame tiriquire ijiahye ticoro mehna omoca dūhteatiquiro. Tiquiro panopū cjūno Davi mūnāno panamino iji turariquire ijiahye. 28 Sa yero María cahapu esaro, angel yahuahye:

—¿Ne, ijiajari mūhū, María? Cohācjū mūhū mehna ijiro nine. Sa yero mūhūre quehnoano yero nine. [Ijipihtiyē numia apeqūina numia yūhdūoro quehnoano yere mūhūre,] niahye angel ticorore.

29 Tiquiro sa nigū tūhoro, ticoro tutuaro wacū tūhotuahye. Angel tiquiro yahurire tūhoturo “¿Dahse nino yuhare sa niagari?” ni wacūahye ticoro. 30 Ticoro sa ni wacūgū ihñāno angel yahuahye ticorore:

—María, Cohācjū mūhūre tutuaro cahñe. Sa yego mūhūre yuhū yahuatire tūho acūeracāhñā. 31 Quehnoano tūhoya. Nijinore bocagota mūhū. Sa yero mūhū macū masa bajarota. Tiquirore Jesu wame yegota mūhū. 32-33 Tiquiro tutua

yūhdūariquire ijirota. Sa ye tiquirore “Cohācjū ūhmūse cjūno macūno ijire”, nieta masa. Sa yero mūhū macū ñecūno iji turariquire mūnānopū Davi mūnāno Israe masa tiquina pūhtoro tiquiro ijiriro sahata mūhū macū gūhūre cūnota Cohācjū. Sa yero ijipihtiyē decori tiquiro Israe masare dutirota. Sa yero tiquiro pūhtoro ijiye pehe ne pihtisi, niahye angel.

34 Tiquiro sa nigū María pehe sinituahye: —¿Dahse yuhū manū mariedapegota pohna tiboagari yuhū? niahye ticoro.

35 Ticoro sa nigū angel pehe yahuahye: —Espíritu Santo mūhūre pohna tigū yerota. Sa yero Cohācjū tiquiro tutuaye ehmeo curua yero saha ahtarota mūhūre. Sa ye “Cohācjū macūno ijire”, nieta masa mūhū macūre ñañe yerariquire. 36-37 Cohācjū ijipihtiyere ye masine. Sa yero mūhū acayoro Elisabe bucūoro ijieperota nijinogāre bocari ticoro gūhū. Ticoro pohna tirota ūmūnogāre. Masa ticorore “Pohna marienico ijire”, tiquina nidi-coro, yojopare seis asūri waro wahare nijino ticoro bocari bato, niahye angel Mariāre.

38 Tiquiro sa nigū María yūhtiahye:

—Yuhūre tūhoya. Mari pūhtoro tiquiro cahacjō ijiaja yuhū. Mūhū nidiro saha yuhūre sa wahaahro, niahye ticoro.

Ticoro sa nidi bato angel wahaa wahahye.

### *María Elisabere ihñāno wahahye*

39 Tiquiro sa nidi bato María cūnū cjū ijiri yehpapu Judea yehpapu ijiri macapu sojaro mehna wahaa wahahye. 40 Topū esaro, Zacaria ya wuhupū sajāno, “¿Ne, ijiajari?” niahye ticoro Elisabere. 41 Ticoro sa nigū Elisabe tūhogūta, ticoro macūno pehe niji suhtiropu ijiriquiro ñuhmiahye. Elisabe Espiritu Santo dutiriro sahata ye pehoricoro ijiro, tiquiro tutuayere cūoricoro ijiahye. 42 Sa yero tutuaro bucūeye mehna ticoro tutuaro yahuducuahye.

—Ijipihtiyequina numia yūhdūoro mūhūre quehnoano yeri Cohācjū. Mūhū macū gūhūre quehnoano yeri Cohācjū. 43 Cūehi, yuhū pūhtoro pacoro yuhū cahapu ahtagū quehnoano yeri yuhūre Cohācjū. 44 Mūhū yuhūre “¿Ne, ijiajari?”

m̄h̄u nīgū ȳh̄u mac̄u pehe niji suhtirop̄u ijiriquiro bucueye mehna ñuhmiahti ȳh̄ure. <sup>45</sup> Cohãcjũ tiquiro nidiro sahata yerota. Sa yego tiquiro yahurire t̄horigo ijigo bucuego ijire m̄h̄u, niahye Elisabe.

<sup>46</sup> Ticoro sa nigū María ȳhtiahye:

“Cohãcjũ quehnoariquiro, tutuariquiro ijire”, niaja. Ȳh̄u quehnoano jeripohna tiaja. <sup>47</sup> Cohãcjũ ȳh̄ure pecap̄u wahaborigore yedohoriquiro ijire. Sa yero yojop̄ure ȳh̄ure quehnoano bucueye mehna ijigū yere. <sup>48-49</sup> Ȳh̄ure tiquiro cahacjõre wac̄uri jiri. Cohãcjũ tutua ȳhd̄uariquiro quehnoañe dihitare ȳh̄ure yedohori. Sa ye yojop̄ure “Ticorore Cohãcjũ quehnoano yeri”, ijipihtiyequina masa sa ni, yahuducueta ȳh̄ure. Cohãcjũ ñañe marieniquiro ijire. <sup>50</sup> Ijipihtiye decori ijipihtiyequina tiquirore ño peoyequinare tiquiro paja ihñariquiro ijire. <sup>51</sup> Cohãcjũ tiquiro tutuaye mehna yeahye. “Apequinare masi ȳhd̄ud̄caja”, niñequinare ȳhd̄ud̄cahye tiquiro. <sup>52</sup> P̄h̄toare cohãhye tiquiro. Sa yero cahacjēna pehere p̄h̄toa yero saha cūahye tiquinare. <sup>53</sup> Ūjua ahbayequinare tiquiro quehnoañe ihyayere ohoahye. Sa yero peye doeri c̄jē c̄oyequinare doeri c̄jē c̄oeragū yeahye tiquiro. <sup>54-55</sup> Mari ñec̄us̄m̄ua iji turiayequina m̄nare tiquiro yahu c̄ūriro sahata ye pehoahye Cohãcjũ. “Pecap̄u wahaboriquinare ȳhd̄outja”, tiquiro ni yahu c̄ūriro sahata ye pehoahye. Sa yero tiquiro cahacjēnare Israe masare tiquiro yedohoahye. Abrahã m̄nanore mari ñec̄us̄m̄ua m̄nare ijipihtiyequina tiquiro acaye tiquiro bato ijiyequina ḡh̄ure Cohãcjũ ijipihtiye decori sa paja ihñaducuriquiro ijie tiahye. Tiquinare tiquiro yahu c̄ūrire boerahye Cohãcjũ, niahye María.

<sup>56</sup> Ihtia asū waro Elisabe mehna ijiahye. To puno ticoro ijiri bato ticoro ya macap̄u tojoaa wahahye María.

### *Ñu masa bajuahye*

<sup>57</sup> Elisabe ticoro niji wahcõ, pohna tiahye. Ticoro mac̄no masa bajuahye.

<sup>58</sup> Sa yero Cohãcjũ ticorore tiquiro sa yegū ticoro ya maca c̄jēna ticoro acaye ḡh̄u ticoro mehna bucueahye. <sup>59</sup> Ocho decori tiquiro masa bajuari bato, tiquiro pac̄us̄m̄ua tiquirogãre cuhnucun̄u sohtoa cahserogãre ȳh̄re ne dutiye tee niahye. Sa yeye tiquina mehna c̄jēna tiquina cahap̄u esahye tiquina ȳh̄re negū ihñañe tehe. Tiquina mehna c̄jēna Zacaria tiquiro pac̄uro wamene tiquirogãre wame ye duamahye. <sup>60</sup> Tiquina sa wame ye duepegãta tiquiro pacoro ohõ saha niahye:

—Tiquiro pac̄uro wamene wame yeraja. Ñu wame yematja tiquirogãre, niahye ticoro.

<sup>61</sup> —M̄h̄u acaye ne ihcãquiro Ñu wame tiriquire mariedare, niahye tiquina ticorore.

<sup>62</sup> Sa ye tiquina omocari mehna yahuducu, Zacariare sinituahye tiquina:

—¿M̄h̄u waro d̄h̄se wame ye duajari m̄h̄u mac̄ure? ni, sinituahye tiquirore.

<sup>63</sup> Tiquina sa nigū tiquiro pehe ojoari pj̄ne sini, ñehe, ojoahye: “Ȳh̄u mac̄u Ñu wame tirota”, ni, ojoahye Zacaria. Tiquiro sa ni ojoagū tiquina pehe t̄ho maria wahahye. <sup>64</sup> Tiquiro sa ni ojoari bato tiquirore yahuducugū yeahye Cohãcjũ. Sa yero tiquiro yahuducua wahahye.

—Cohãcjũ tutuariquiro, quehnoariquiro ijire, niahye tiquiro.

<sup>65</sup> Tiquiro sa ni yahuducugū t̄hoye to c̄jēna t̄ho maria wahahye. Sa ye ahri ijipihtiyere Judea yehpa c̄jēnare c̄n̄u c̄ju watoa ijiyequinare masa yahu siteahye. Sa ye masa to c̄jēna quehnoano masi pihtia wahahye. <sup>66</sup> Ijipihtiyequina tire t̄hoye wac̄uahye. “Cohãcjũ tutuayere ahriquirrogã c̄ore. Sa yero ihyo ijiriquiro ijisi tiquirogã”, ni, t̄hotuahye masa.

### *Zacaria Cohãcjũre ño peoahye*

<sup>67</sup> Sa yero tiquiro pac̄uro Zacaria Espiritu Santo dutiriro sahata ye pehoriquiro ijiro tiquiro tutuayere c̄oriquiro ijiro Cohãcjũ yere yahuahye:



68 Cohãcjãre ño peouhna mari. Mari Israe masa tiqairo yequina iji-aja mari. Sa yero mari cahapũ wihiro, marine yedohoro quehnoano yãhdũgũ yerota. 69 Sa yero Cohãcjũ tutuariquirore marine pecapũ wahaborinare quehnoano yãhdũgũ yeatiquirore ohori jiri. Marine quehnoano yãhdũoatiquiro tiqairo acayũro mũnano Davi ijire. Davi mũnano pehe marine yãhdũoatiquiro cahacjũno ijire. 70 Panopũ tiqairo yere yahu mãhtariquinare Cohãcjũ ohõ sahata ni ahrire yahu dutiahye. 71 Marine ihña tuhtiyequina marine ñano tiquina ye duagũ ihñano “Mũsare yedohoutja”, ni, cũahye Cohãcjũ marine. 72 Mari ñecũsumña mũnare “Mũsare paja ihñagũ, yedohoutja. Mũsare yũhũ yahu cũrire wacũtja”, niahye Cohãcjũ mari ñecũsumña iji turiayequina mũnare. Ti pjerũre tiqairo nidiro sahata marine yojopũre yere. 73-75 Ohõ saha ni cũahye Cohãcjũ panopũre Abrahãre: “Mũhũ acayere camerũ ijiyequinare ihña tuhtiyequina tiquina ijigũ cohãtja. Sa yegũ mãhũ acayere yedohoutja. Sa ye tiquina cuero marieno yũhũ dutiyere ye masieta. Sa yegũ tiquina ñañene yũhũ cohãgũ, tiquina yũhũ ihñonopũ ijipihtiyere decori quehnoañequina ijiducueta”, ni, yahu cũahye panopũ Cohãcjũ mari acayũro mũnanore Abrahãre, niahye Zacaria.

Sa ni tuhasa tiqairo macũnore ohõ saha niahye:

76-77 Масũ, mũhũre ohõ saha nieta masa: “Cohãcjũ tutua yãhdũariquiro tiqairo yere yahu mãhtariquiro ijire”, nieta mũhũre. Sa yegũ mãhũ mari pũhtoro Cristo pano wahayugũta mãhũ. Sa wahagũ ohõ saha ni yahugũta mãhũ. “Cohãcjũ masa ñañene cohãno, pecapũ wahaborinare yãhdũorota mũsare”, ni, yahugũta mãhũ. Sa ni yahugũ mari pũhtoro tiqairo ahtatire yahuyugũ nigũta mãhũ. 78 Cohãcjũ pehe

marine tutuaro paja ihñariquiro marine quehnoano yeriquiro ijiro, tiqairo marine pecapũ wahaborinare yãhdũo duare. Marine yãhdũoro ahtaro Cristo mari cahapũ ahtarota. 79 Ijipihtiyequina marine pecapũ wahaborinare yãhdũo duare tiqairo. Sa yero Cohãcjũre masiena mari ijigũ ihñano marine masigũ ye duare tiqairo. Sa yero mari quehnoano ihcãno mehna mari ijiatire yahurota marine, niahye Zacaria.

80 Sa yero Zacaria macũno quehnoano pagũ tiriqairo masahye. Sa yero Cohãcjũre tutuaro ño peohye. Sa yero yoari pje masa marienopũ ijie tiahye. Israe masare buhe dũcaro topũta ijie tiahye.

## 2

### *Jesu masa bajuahye (Mt 1.18-25)*

1 Ti pjere ijipihtiyere yehpari cjẽna pũhtoro Augusto ijie tiahye. Sa yero ijipihtiyequinare queo dutiahye. 2 Ahriquina masare tiquina coã queo dũcagũ Siria yehpa cjẽna pũhtoro Cirenio wame tiriqairo ijiahye. 3 Sa ye ijipihtiyequina tiquina ñecũsumña panopũ cjẽna ye macaripũ tiquina wamene ojoa ohõñe wahahye. 4 José gũhũ Nazarepũ Galilea yehparũ ijiri macapũ ijiriquina waha, Judea yehparũ Belẽ wame tiri macapũ esahye. Pũhtoro Davi mũnano panopũ cjũno tiqairo masa bajuariro ijiahye Belẽ. José Davi mũnano panamino iji turiariquiro ijiro Belẽpũ tiqairo wamene ojoa ohõ dutiro wahahye. 5 Sa yero María tiqairo omoca dũhteaticoro mehna topũ tiqairo wamene ojoa ohõ dutiro esahye. Ticoro pehere meheñe decorigã dũhsahye nijino bajuato. 6 Sa yero Belẽpũ esaro ticoro niji wahcõahye. 7 Topũre masa tiquina carĩni wãhũ ne esa tuhaerahye tiquinare. Sa yero ticoro pohna ti tuhasa, tiquiogãre suhtiro mehna coma, wecũa tiquina ihyari cohropũ, taa bui tiquiogãre duhu peohye. Tiquiogã ticoro coã macũ ti mãhtariquiogã ijiahye.

*Angele ovejare ihña ihboyequinare bajaahye*

<sup>8</sup> Ti ñamine oveja tiquina ijirop<sub>u</sub> ovejare ihña ihboyequina tiquina yequina ovejare ihña ihboye niahye. <sup>9</sup> Sa yero Cohãcjũ ohoriqiroo angel tiquinare bajaahye. Tiquiro sa bajaagũ Cohãcjũ asi siteye tiquinare buhrioahye. Tiquiro sa asi sitegũ ihñañe, ovejare ihña ihboyequina cuea wahahye. <sup>10</sup> Tiquina sa wahagũ angel tiquinare yahuahye:

—Quehnoañe quitire m<sub>u</sub>sare yahug<sub>u</sub> ahtaja. Ijipihtiequinare masare bucuegũ yerota ahri quti. Sa yena y<sub>u</sub>h<sub>u</sub>re cueracãhña m<sub>u</sub>sa. <sup>11</sup> Mia ñamine p<sub>u</sub>htoro Davi m<sub>u</sub>nano ya macap<sub>u</sub> m<sub>u</sub>sare pecap<sub>u</sub> wahaborinare y<sub>u</sub>hd<sub>u</sub>oatiqiroo, Cristo Cohãcjũ ohoriqiroo mari p<sub>u</sub>htoro masa bajua tuhasari. <sup>12</sup> Sa yero suhtiro mehna comariqiroogã wec<sub>u</sub>a ihyari cohro bui tiquina duhu peoriquiroogã m<sub>u</sub>sa ihñatiqiroogã tiquiro ijirota, ni yahuahye angel tiquinare.

<sup>13</sup> Tiquiro sa nigũta peyequina <sub>u</sub>hm<sub>u</sub>se cj<sub>u</sub>na iji m<sub>u</sub>htariqiroo angel mehna Cohãcjũre ño peohye. Ohõ saha ni ño peohye tiquina:

<sup>14</sup> Cohãcjũre <sub>u</sub>hm<sub>u</sub>se cj<sub>u</sub>nore ño peouhna. Sa ye Cohãcjũ tiquiro cahñequina cuero marieno cahmequeno marieno quehnoano ijiahro, ni, ño peohye angele pari.

<sup>15</sup> Sa ni tuhasa <sub>u</sub>hm<sub>u</sub>sep<sub>u</sub> tiquina m<sub>u</sub>jari bato ovejare ihña ihboyequina pehe tiquina basi cahme yahuducuahye:

—Ahrire Cohãcjũ marine tiquiro yahurire Bel<sub>u</sub>p<sub>u</sub> isa ihña<sub>u</sub>hna, niahye tiquina basi.

<sup>16</sup> Sa niñe sojaro mehna wahaa wahahye. Tiquina Maríare, Josére boca sa, nijinogãre wec<sub>u</sub>a ihyari cohrop<sub>u</sub> tiquina duhu peoriquiroogãre ihñahye tiquina.

<sup>17</sup> Ovejare ihña ihboyequina tiquirogãre ihña tuhasa nijinogãre angel tiquiro yahurire yahuahye apequinare. <sup>18</sup> Tiquina sa ni yahugũ ijipihtiequina tiquinare t<sub>u</sub>ho maria wahahye. <sup>19</sup> Ahri ijipihtiyere María wacũ t<sub>u</sub>hotuahye. <sup>20</sup> Sa yeye ovejare ihña ihboyequina pehe angel tiquiro yahuriro saha ijigũ ihñañe, “Cohãcjũ tutuariqiroo

ijire”, ni bucueahye. Sa ni bucueye tojoaa wahahye.

*Cohãcjũ w<sub>u</sub>h<sub>u</sub>p<sub>u</sub> Jesu pac<sub>u</sub>s<sub>u</sub>m<sub>u</sub>a tiquirogãre neahye*

<sup>21</sup> Ihcã semana bato nijinogã tiquiro cuhnucun<sub>u</sub> sohtoa cahserogãre y<sub>u</sub>h<sub>u</sub>re ne tuhasa tiquirogãre tiquina Jesu wame yeahye. Jesure coã waro ticoro bocato pano angel pehe “Jesu wame yeya tiquirogãre”, ni yahu tuhasahye. Sa yeye tiquirogãre Jesu wame yeahye.

<sup>22-24</sup> Cohãcjũ dutiye Moise tiquiro yahuriro saha yeye tehe, José, María mehna Jerusal<sub>u</sub>p<sub>u</sub> wahahye. Top<sub>u</sub> wahahye María ticoro pohna tiri bato pagu quehnoaricoro ticoro tojoarire ihñono taro. Cohãcjũ dutiriro sahata tiquina minicj<sub>u</sub>are ohoye wahahye Cohãcjũre ño peoye. Ohõ saha dutiahye Cohãcjũ: “Bujuaare p<sub>u</sub>aro ohoya y<sub>u</sub>h<sub>u</sub>re. O tiquina mariedagũ apequina boro minicj<sub>u</sub>are ohoya y<sub>u</sub>h<sub>u</sub>re ño peona”, ni dutiahye Cohãcjũ. Tiquiro dutiriro sahata yeahye tiquina ticoro pag<sub>u</sub> quehnoari pag<sub>u</sub> ticoro waharire ihñõñe taye.

Top<sub>u</sub> wahaye tiquina Jesugãre neahye. Tiquirogãre Cohãcjũre “Ahriqiroogã m<sub>u</sub>h<sub>u</sub> yaqiroo ijiatiquiroogã ijire”, ni ihñõñe wahahye. Ohõ saha yeahye Cohãcjũ yere tiquina ojoari p<sub>u</sub>p<sub>u</sub> tiquiro ye dutiriro sahata. “Ijipihtiequina m<sub>u</sub>sa pohna coã bajua m<sub>u</sub>htañequinagãre Cohãcjũre ihñõña. ‘Ahriqiroogã m<sub>u</sub>h<sub>u</sub> yaqiroogã ijiatiquiroo ijire’, ni ihñõña”, ni dutiahye Cohãcjũ. Sa ye tiquiro dutiriro sahata yeahye tiquina, Jerusal<sub>u</sub>p<sub>u</sub> ijiye.

<sup>25</sup> Ti macap<sub>u</sub> Simeo wame tiriqiroo ijiahye. Tiquiro quehnoariqiroo, Cohãcjũre ño peoriquiroo ijiro, Israe masare Cohãcjũ yedohoatire cohteriquiroo ijiahye. Sa yero Simeo Espíritu Santo tiquiroo nidiro saha yeriquiroo ijiahye. <sup>26</sup> Sa yero tiquiroo yariato pano Cohãcjũ tiquiroo ohoatiqiroore Cristore tiquiroo ihñatire yahuahye Espíritu Santo tiquiroore Simeore. <sup>27</sup> Sa yero Espíritu Santo tiquiroore dutigũ Cohãcjũ w<sub>u</sub>h<sub>u</sub>p<sub>u</sub> sajãa wahahye. Tiquiroo sajã sari bato Jesu pac<sub>u</sub>s<sub>u</sub>m<sub>u</sub>a tiquina mac<sub>u</sub>nogãre ne sajãhye. Cohãcjũ tiquiroo dutiriro sahata yeye niahye. <sup>28</sup> Simeo pehe tiquirogãre w<sub>u</sub>a ne,

Cohãcjüre ño peo, “Quehnoare”, ni, tiquiro mehna yahuducuahye.

Ohõ saha niahye tiquiro Cohãcjüre:

<sup>29-32</sup> Yojopu pūritare puhto, mahu ni diro sahata masare pecapu wahaboriquinare yuhduoatiquirore ohori jiri mahu. Tiquiro judio masa ijieyequinare buhero mahure quehnoano masigū yerota tiquinare. Masare yuhduoatiquiro Israe masunore mahu cūahye. Usā acayurore Israe masunore mahu cūgū ijipihtiequina masiñe, “Israe masare quehnoano yere Cohãcjū”, nieta masa. Ahriquirogā usāre yuhduoatiquiro ijire. Sa yegu ahriquirogāre ihña tuhasagu, yojopure quehnoano bucuegu yariatja, niahye Simeo.

<sup>33</sup> Simeo tiquirogāre tiquiro sa nigū tiquirogā pacusumua pehe tuho maria wahahye. <sup>34</sup> Sa yero Simeo tiquinare “Quehnoano ijiya masa”, nino tiquiro María Jesu pacorore yahuahye:

—Cohãcjū ahriquirogāre beseahye. Sa beseriquirogā tiquiro ijiepegūta judio masa peyequina tiquirore yuhducaeta. Sa ye tiquina pecapu wahaeta. Sa yero judio masare peyequina tiquiro yuhduoatiquiro gūhare Cohãcjū beseri tiquirogāre. Tiquiro Cohãcjū yere yahuriqui tiquiro ijiepegūta masa peyequina tiquirore ñano ni yahuducueta. <sup>35</sup> Tiquina sa yegū ayequina tiquina ñano wacūñene masieta. Sa yego mahu tutuaro purino yero saha bujua witigota, niahye Simeo Maríare.

<sup>36</sup> Topu Cohãcjū yere yahu mahtaricoro Ana wame tiricoro ijiahye. Ticoro Fanuel macono ijiro, Aser manano ya curua cjōno ijiahye. Bucuro waro ijiahye. Ticoro nuhmino ijiro manū tiahye. Sa yero siete cūmari waro ticoro manū mehna ijiahye. To puno tiquiro ijiri bato ticoro manū yariaa wahahye.

<sup>37</sup> Sa yero ochenta y cuatro cūmari waro wape wihoro ijie tiahye ticoro. Sa yero ticoro deco gūhare ñami gūhare Cohãcjū yere yero taro siji, Cohãcjū mehna yahuducu, Cohãcjū wuhare ne wijiaera

tiahye. <sup>38</sup> Simeo tiquiro yahuducuri watoa ticoro tiquina cahapu wihiro, bucuero, Cohãcjüre “Quehnoare”, niahye. Sa yero Jerusalē cjēnare pecapu wahaboriquinare yuhduoatiquirore cohteyequinare ticoro Jesugāre yahuahye peyequina masare.

*José, María, Jesu mehna Nazarepu tojoaa wahahye tja*

<sup>39</sup> Cohãcjū dutiriro sahata ye tuhasaye, tiquina ya macapu Nazarepu tojoaa wahahye. Galilea yehpapu ijiahye ti maca Nazare. <sup>40</sup> Sa yero Jesu quehnoano masa, tutuariqui wahahye. Sa yero tiquiro quehnoano tuho masiniquiro ijiahye. Sa yero tiquirore Cohãcjū quehnoano yeahye.

*Jesu coã wahmua ducaro, Cohãcjū ya wuhapu judio masare buheyequina mehna yahuducuro niahye*

<sup>41</sup> Cūmaripe Jesu pacusumua Jerusalēpu pascua decorire bose decorire ihñañe wahae tiahye. <sup>42</sup> Jesu doce cūmari tiquiro cūogū tiquina yeducuriro sahata tiquina ijipihtiequina Jerusalēpu wahahye. <sup>43</sup> Sa yeye bose decorire ihña tuhasa tiquina ya macapu tojoaa wahahye tja. Tiquina sa tojoepegūta Jesu pehe Jerusalēpu tojoa cāhye. Tiquiro pacusumua tiquiro tojoa queherire masiedahye. <sup>44</sup> “Tiquiro mari mehna cjēna mehna ijiaga”, ni tuhotumahye tiquina. Sa ye tiquina ihcā deco waro Jesu marieno wahamahye. Sa ye tiquina Jesure tiquina acaye watoa macamahye. <sup>45</sup> Ne bocaerahye. Sa ye tiquina Jerusalēpu tiquirore macañe wahahye.

<sup>46</sup> Ihtia deco bato Cohãcjū wuhapu tiquirore boca sahye. Sa yero Jesu judio masare buheyequinare tuho, tiquinare sinituro niahye. Sa ye cahme yahuducuye niahye. <sup>47</sup> Tiquina ijipihtiequina Jesure tuhoye quehnoano masiniquirogā tiquiro ijigū ihñañe, tiquina tuho maria wahahye. <sup>48</sup> Tiquiro pacusumua gūhu Jesure ihñañe, ihña maria wahahye. Sa yero tiquiro pacoro tiquirore ohõ saha niahye:

—¿Macu, dūhsegu sa yeajari mahu usāre? Mahu pacusumua ohõ saha ni tuhotuu usā. “Tiquiro butia wahaga”, ni macaja usā mahure, niahye ticoro macunore.

49 Ticoro sa nigũ tiquiro pacusumũare yahuahye:

—¿Dũhsena yũhũre macajari mũsa? Yũhũ Pacũ yũhũre tiquiro dutiriro saha yegũ niaja. ¿Tire masiedajari mũsa? niahye tiquiro.

50 Tiquiro sa niepegũta tiquina tũho ñehedahye.

51 Sa yero Jesu Nazarepũ tojoaa waha, tiquiro pacusumũare ne yũhdũdũcaerahye. Ahri ijipihtiyeh tiquiro yerire María quehnoano wacũahye. 52 Sa yero Jesu bũcũa, quehnoano tũho masiniquiro wahahye. Sa ye Cohãcjũ, masa gũhũ “Quehnoariquiro ijire”, ni ihñahye tiquirore.

### 3

*Ñu wame yeriquiro masare Cohãcjũ yere yahuahye*

*(Mt 3.1-12; Mr 1.1-8; Jn 1.19-28)*

1 Ti pjere tiquina pũhtoro Tiberio wame tiriquiro pũhtoro ijiri bato quince cũhmari wahahye. Sa yero Poncio Pilato wame tiriquiro Judea yehpa cjẽna pũhtoro ijiahye. Sa yero Herode wame tiriquiro Galilea yehpa cjẽna pũhtoro ijiahye. Tiquiro bahũro Felipe Iturea yehpa cjẽna, Traconite yehpa cjẽna gũhũ tiquina pũhtoro ijiahye. Sa yero Lisania wame tiriquiro Abilinia yehpa cjẽna pũhtoro ijiahye. 2 Sa ye Anás, Caifa mehna ijipihtiyequina pahia pũhtoa ijiahye. Ahriquina ijipihtiyequina tiquina ijiri pjere Ñu Zacaria macũno masa marienopũ ijiriquirore Cohãcjũ pehe tiquirore tiquiro yere yahu dutiahye. 3 Sa yero Jordã wame tiri ma dũhtũ cahapũ ijiri yehpapũ ijipihtiropũ Ñu buhero wahahye.

—Mũsa ñaño yeyere bũjũa witiya. Yo-jopũre quehnoañe pehere comesaya. Sa yena wame yenohrina ijia. Mũsa sa comesagũ ihñano Cohãcjũ mũsa ñaño yerire borota, ni, buhee tiahye tiquiro.

4 Isaia mũnano panopũ cjũno Cohãcjũ yere yahu mũhtariquiro ojoariro sahata ahriquiro yojopũre yero niahye. Ohõ saha ni ojoahye Isaia Ñu tiquiro buheatire:

Masa marienopũ yahuducu sañuducuriquiro ohõ saha ni buherota: “Mari

pũhtoro ahtato pano mahare mari quehnoyuriro saha quehnoana ijiyuya mũsa. Mũsa ñaño yerire bũjũa witiya. 5 Pe wũhtũri, pe buhuari gũhũre quehnoari paa mari yeriro saha, pari yawi ijie maharine potoye mahari mari yeriro saha, ñaño maharine quehnoañe maharine mari yeriro saha, wetere mũsa coseriro saha mũsa ñaño yeyere duhuya. 6 Mũsa sa yegũ Cohãcjũ mũsare pecapũ waha-borinare tiquiro yũhdũogũ ihñæta ijipihtiri yehpa cjẽna”, ninota tiquiro sañuducu yahuriquiro pehe, ni ojoahye Isaia mũnano panopũre.

7 Masa peyequina Ñu cahapũ wihiye tiquiro tiquinare wame yegũ cahmeahye tiquina. Sa yero tiquiro tiquinare yahuahye:

—Añaã pari yero saha ña yũhdũna, cue duhti duana ijire mũsa. Mũsa ñaño yerire bũjũa witi duerana Cohãcjũ mũsa ñaño buhirire tiquiro buhiri dahreato pano duhti masiedare mũsa. 8 Sa yena potota mũsa ñañoene bũjũa witina ijina, quehnoañene comesana ijina, quehnoañe pehere yeya mũsa. Ohõ saha ni tũhotueracãhña. “Panopũ cjũno Abrahã mari ñecũ mũnano ijie tiahye. Sa yena tiquiro panamena ijina mari Cohãcjũ yequina ijiaja”, ni tũhotueracãhña mũsa. Mũsare niita niaja. Abrahã panamena ijituriana ijimene mũsa. Mũsa sa ijiepegũta ti mũsa sa ijie dũhseati ijierare. Cohãcjũ pehe ahri utã paca mehna Abrahã acayere dahre masine. Sa ye Abrahã acaye mũsa ijie ihyo waro ijire utã paca ihyo waro ti ijiro saha. 9 Ohõ saha ijire: Masa yucũri yero saha ijire. Cohãcjũ pehe yucũri quẽatiare comeare cõriquiro yero saha ijire. Sa yero ñaño dũca tiye cjũre dũte cohã, ti nũhcori gũhũre dũte sure peho cãnota. Dũte sure tuhasa, pecapũ ujuãnota tiquiro ti cjũre, nũhcori gũhũre. Sata yerota masa gũhũre tiquirore cahmeeñequinare, niahye Ñu masare.

10 Tiquiro sa nigũ tũhoye masa pehe tiquirore sinituahye:

—¿Dahse yenatari usã? niahye tiquina Ñure.

<sup>11</sup> —Pua suhtiro c̄oriquiro suhti mariediquirore ihcãno ohoya. Sa yena m̄asa ihyaye c̄ona apequina ḡãhare ohoya, niahye Ñu.

<sup>12</sup> Meheñequinagã p̄ahtoa ye ijiatire wapa ne cohteyequina wame yenohriquina iji duahye tiquina ḡãh̄u. Sa yeye Ñu cahap̄u wihiye, tiquiore sinituahye:

—¿Buheḡu, usã pehe dahse yenatari usã? niahye tiquina tiquiore.

<sup>13</sup> —M̄asa p̄ahtoa tiquina dutiro punota masare wapa neña. Ni meho wapa ne nemoedacãhña, ni yahuahye Ñu tiquinare.

<sup>14</sup> Apequina surara tiquiore sinituahye tja:

—¿Usã pehe dahse yenatari? niahye tiquina tiquiore tja.

—Masa yere niñerure ehmedacãhña. Sa yena tiquina ye niñerure ni meho nedacãhña. M̄sare tiquina wapa yero punota bucueya, ni, yahuahye Ñu.

<sup>15</sup> Masa Cristore Cohãcj̄u tiquiore ohoatiquirore cohtey niahye. Sa yeye ohõ saha ni t̄hotu d̄cah̄ye tiquina Ñure. “Ahriquiore Ñu pehe Cristo ijiboaga”, ni t̄hotumahye tiquina. <sup>16</sup> Tiquina sa nigã t̄horo Ñu ijip̄ihtiyequinare yahuahye:

—Yuh̄u bato yuh̄u yuh̄d̄oro tutuariquiore ahtarota. Quehnoa yuh̄d̄ariquiore ijire tiquiore. Tiquiro yero saha ijieraja yuh̄u pehe. Sa yeḡu tiquiore t̄hotuḡu, “Ihyo ijiḡu ijiaja”, ni t̄hotuaja yuh̄u. Yuh̄u pehe m̄sare wame yeḡu aco mehna wame yemi. Tiquiro pehe yuh̄u yuh̄d̄oro yerota. Esp̄iritu Santore masa mehna ijiducuḡu yerota. Sa yero pecap̄u ñañene tiquiore uj̄ã wero saha tiquiore ahtariquiore pehe m̄asa ñano yeyere cose werota. <sup>17</sup> Yuh̄u bato ahtariquiore trigo cahseri cohãriquiore yero saha ijire. Ti cahserire cohãriquiore tiquiore batiro mehna ijipihtiye trigo p̄jeri cahserire puti were. Sa ye tuhasa trigo pehere tiquiore ihb̄ori w̄h̄ap̄u c̄unota. Sata yerota tiquina ñañene buj̄ua witiyequinare yuh̄u bato ahtariquiore. Tiquiro puti weri cahseri pehere uj̄ãnota. Ti peca tiquiore uj̄ãri peca ne yatisi. Sata yerota tiquiore

yuh̄u bato ahtariquiore tiquina ñañene buj̄ua witiyequinare, ni yahuahye Ñu.

<sup>18</sup> Peye tiquiore sa ni yahuye mehna masare quehnoañe buheyere yahuahye Ñu. <sup>19</sup> Sa yero p̄ah̄toro Herode pehe tiquiore bah̄aro Felipe namonore tiquiore namo tiri buhiri, pajiro ñañene tiquiore yeri buhiri ḡãhare Ñu tiquiore yahumahye. <sup>20</sup> Tiquiro sa ni yahuri buhiri Herode pehe Ñure peresu yeahye, pari turi ñañene yero.

*Ñu Jesure wame yeahye  
(Mt 3.13-17; Mr 1.9-11)*

<sup>21</sup> Ñure tiquina peresu yeato pano apequina masare Ñu pehe wame yero niahye. Tiquinare wame yero Jesu ḡãhare wame yeahye. Sa yero Jesu diap̄u ducuriquiro Cohãcj̄ure tiquiore sinino watoa ãhm̄use par̄i maa wahahye. <sup>22</sup> Sa par̄i maari bato Esp̄iritu Santo bujua yero saha bajuriquiro Jesu buip̄u dijia tahye. Tiquiro ahtaḡu ãhm̄usep̄u yahuducuro ca tahye:

—Muh̄u yuh̄u mac̄u yuh̄u cah̄ḡu ijire. Muh̄u mehna tutuaro bucueaja, nino ca tahye ãhm̄usep̄u.

*Jesu acaye panop̄u cj̄ena ijiahye  
(Mt 1.1-17)*

<sup>23</sup> Jesu buhe d̄cari c̄ahmare treinta c̄ahmari c̄oahye tiquiore. “Tiquiro José mac̄no ijire”, ni, t̄hotumahye masa. José pehe Elí mac̄no ijiahye. <sup>24</sup> Elí Matat mac̄no ijiahye. Matat Leví mac̄no ijiahye. Leví Melqui mac̄no ijiahye. Melqui Jana mac̄no ijiahye. Jana José mac̄no ijiahye. <sup>25</sup> José Matatía mac̄no ijiahye. Matatía Amós mac̄no ijiahye. Amós Nahúm mac̄no ijiahye. Nahúm Esli mac̄no ijiahye. Esli Nagai mac̄no ijiahye. <sup>26</sup> Nagai Maat mac̄no ijiahye. Maat Matatía mac̄no ijiahye. Matatía Semei mac̄no ijiahye. Semei Josec mac̄no ijiahye. Josec Judá mac̄no ijiahye. <sup>27</sup> Judá Joanán mac̄no ijiahye. Joanán Resa mac̄no ijiahye. Resa Zorobabel mac̄no ijiahye. Zorobabel Salatiel mac̄no ijiahye. Salatiel Neri mac̄no ijiahye. <sup>28</sup> Neri Melqui mac̄no ijiahye. Melqui Adi mac̄no ijiahye. Adi Cosam mac̄no ijiahye. Cosam Elmadam mac̄no ijiahye. <sup>29</sup> Er Josué

macuno ijiahye. Josué Eliezer macuno ijiahye. Eliezer Jorim macuno ijiahye. Jorim Matat macuno ijiahye. <sup>30</sup> Matat Leví macuno ijiahye. Leví Simeo macuno ijiahye. Simeo Judá macuno ijiahye. Judá José macuno ijiahye. José Jonam macuno ijiahye. Jonam Eliaquim macuno ijiahye. <sup>31</sup> Eliaquim Melea macuno ijiahye. Melea Mena macuno ijiahye. Mena Matata macuno ijiahye. Matata Natán macuno ijiahye. <sup>32</sup> Natán Davi macuno ijiahye. Davi Isaí macuno ijiahye. Isaí Obed macuno ijiahye. Obed Booz macuno ijiahye. Booz Salmón macuno ijiahye. Salmón Naasón macuno ijiahye. <sup>33</sup> Naasón Aminadab macuno ijiahye. Aminadab Admin macuno ijiahye. Admin Arni macuno ijiahye. Arni Esrom macuno ijiahye. Esrom Fare macuno ijiahye. Fare Judá macuno ijiahye. <sup>34</sup> Judá Jacob macuno ijiahye. Jacob Isaac macuno ijiahye. Isaac Abrahã macuno ijiahye. Abrahã Taré macuno ijiahye. Taré Nacor macuno ijiahye. <sup>35</sup> Nacor Serug macuno ijiahye. Serug Ragau macuno ijiahye. Ragau Peleg macuno ijiahye. Peleg Heber macuno ijiahye. Heber Sala macuno ijiahye. <sup>36</sup> Sala Cainán macuno ijiahye. Cainán Arfaxad macuno ijiahye. Arfaxad Sem macuno ijiahye. Sem Noé macuno ijiahye. Noé Lamec macuno ijiahye. <sup>37</sup> Lamec Matusalē macuno ijiahye. Matusalē Enoco macuno ijiahye. Enoco Jared macuno ijiahye. Jared Mahalaleel macuno ijiahye. Mahalaleel Cainán macuno ijiahye. <sup>38</sup> Cainán Eno macuno ijiahye. Eno Sete macuno ijiahye. Sete Adán macuno ijiahye. Adán Cohãcjũ yeriquiro ijiahye.

## 4

### *Watĩno ñañene ye dutimahye Jesure (Mt 4.1-11; Mr 1.12-13)*

<sup>1</sup> Jesu Espĩritu Santo dutiriro saha ye pehoriquiro ijiro, Jordã wame tiri ma caharũ ijiriquiro tojoaa wahahye. Tiquiro sa tojoaa wahagũ Espĩritu Santo pehe tiquirore masa marienopũ neahye. <sup>2</sup> Topũ esaro cuarenta decori ijiahye. Sa yero watĩno pehe Jesure ñañene yegũ cahmemahye. Sa yero ñañene ye dutimahye tiquirore. Ti

decorire ne Jesu ihyerahye. Sa yero ti decori pihtigũ waro tiquiro ẽjũa ahbahye.

<sup>3</sup> Tiquiro sa ẽjũa ahbagũ ihñano watĩno ohõ saha nimahye Jesure:

–Mũhũ Cohãcjũ macũ ijigũ, ahria ẽtãre ihyaye dojomehneña, nimahye Jesure.

<sup>4</sup> Jesu ohõ saha ni yũhtiahye:

–Yeraja. Cohãcjũ yere tiquina ojoari pũpũ ohõ saha nine: “Masare ihyaye mehna dihita catieraro cahmene. Ijipihtiye Cohãcjũ ye yahuye mehna ijiro cahmene”, nine Cohãcjũ, ni yũhtiahye Jesu watĩnore.

<sup>5</sup> Tiquiro sa nidi bato watĩno pehe tiquirore cunũ ẽhmũanũ buipũ ne mũja saro, duita ijipihtiye macarine ihñõ dijioahye Jesure. <sup>6</sup> Sa ihñono Jesure yahuahye:

–Ijipihtiye ahri macari yũhũre tiquiro ohori ijire. Sa yegũ yũhũ cahmediquirore oho masiaja. Sa yegũ ahri macarine, ahri macari cjẽnare dutiati gũhũre, tiquina cũoye mehna mũhũre ohoutja. <sup>7</sup> Yũhũre mũhũ ño peogũ ahri macari ijipihtiye macarine mũhũre ohoutja, niahye watĩno Jesure.

<sup>8</sup> Jesu ohõ saha ni yũhtiahye tiquirore:

–Mũhũre ño peoraja. Ohõ saha nine Cohãcjũ yere tiquina ojoari pũ: “Mũhũ pũhtoro Cohãcjũ dihitare ño peoya. Tiquiro ye dutiye dihitare yeya”, ni ojoahye Cohãcjũ yere, niahye Jesu watĩnore.

<sup>9-11</sup> Tiquiro sa nidi bato Jerusalẽpũ watĩno pehe tiquirore ne cã, Cohãcjũ wũhũ buipũ ne sahye. Ne sa tuhasa tiquirore ohõ saha nimahye:

–Cohãcjũ yere tiquina ojoari pũ ohõ saha nine: “Cohãcjũ tiquiro yequina angelere mũhũre ihña ihbo dutirota. Sa yeye tiquina pehe mũhũre ihña ihboeta, ‘Mũhũpũ ẽtãpũ pũhari’, niñe”, ni ojoahye Cohãcjũ yere tiquina ojoari pũpũ. Tiquiro sa nidi poto ijigũ mũhũ Cohãcjũ macũ ijigũ, yehpapũ uhpu dijia ihñõña yũhũre. Mũhũre tiquina yedohogũ ihñõña yũhũre, nimahye watĩno Jesure.

<sup>12</sup> Jesu uhpu dijia ihñõ dueraro ohõ saha ni yũhtiahye tiquirore:

–Cohãcjũ yere tiquina ojoari pũ ohõ saha nine: “Mũsa pũhtoro Cohãcjũ tiquiro nidire ‘¿Poto ijiajari?’ ni masi duana,

Cohãcjũre ye ihño duti tuhueracãhña”, nine Cohãcjũ yere tiquina ojoari pũpũ, niahye Jesu watĩnore.

<sup>13</sup> Sa yero watĩno ijipihtiye ñañene Jesure ye dutimahye. Sa duti tuhasaro mehenogã duhu cãrĩahye.

*Galilea yehpapũ Jesu buhe dũcahye*  
(Mt 4.12-17; Mr 1.14-15)

<sup>14</sup> Came Jesu Galileapũ tojoaa wahahye. Sa yero tiquiro Espĩritu Santo tutuaye mehna yeahye. Topũ ijipihtiropũ masa tiquirore quitu tiahye. <sup>15</sup> Judio masa buheye wũhũsepũ Jesu gũhũ buhee tiahye. Sa ye ijipihtiyequina masa tiquirore quehnoano yahuducuahye.

*Nazare cjẽna Jesure ne cahmedahye*  
(Mt 13.53-58; Mr 6.1-6)

<sup>16-17</sup> Came Nazarepũ Jesu tiquiro masariropũta esahye. Topũ esa, saurũ ijigũ tiquiro sa yeducuriro saha judio masa tiquina buheri wũhũpũ sajã sahye. Topũ tiquiro Cohãcjũ yere tiquina ojoari pũre buhero taro topũ ducuahye. Tiquiro sa ducugũ ihñañe to cjẽna pehe Cohãcjũ yere yahu mũhtariquiro Isaia mũnano tiquiro ojoari pũre tiquirore ohoahye. Ti pũpũ Jesu ahri yahuyere bocaro buheahye:

<sup>18</sup> Cohãcjũ yaquiro Espĩritu yũhũ mehna ijiro, yũhũre dutiri. Tiquiro pejecũoyequinare quehnoañe buheyere yahu dutiro ohori yũhũre. Sa yero peresupũ ijieyequina gũhũre tiquinare tiquiro yũhdũoatire yahu dutiro ohori yũhũre. Caperi bajueyequina tiquina quehnoano ihñatire ohori yũhũre. Sa yero masa ñano tiquina yenohriquinare wioacjũre yũhũre ohori. <sup>19</sup> Mari pũhtoro Cohãcjũ tiquiro yequinare pecapũ wahaboriquinare tiquiro yũhdũoatire yũhũre yahu dutiro ohori, ni buheahye Jesu.

<sup>20</sup> Sa ni buhe tuhasa Jesu ti pũre quehnoari tunu torẽ, wũhũ cjãnore wia tuhasa, nuju sahye. Tiquiro nuju sagũ ihñañe topũ ijieyequina ijipihtiyequina tiquiro dihitare ihñahye. <sup>21</sup> Tiquina sa yegũ tiquiro tiquinare yahu dũcahye:

—Ahri mianogãta yũhũ buhero saha Cohãcjũ tiquiro nidiro sahata waharo nine, niahye Jesu.

<sup>22</sup> Tiquiro sa nigũ tũhoye “Ahriquiro quehnoariquiro ijire”, ni tũhotuahye tiquina. Sa yeye tiquina tiquiro quehnoano yahuducugũ tũhoye, tũho maria wahahye. Sa yeye ohõ saha niahye tiquina basi:

—¿Yohnah, José macũno ijierajari ahriquiro? niahye tiquina basi.

<sup>23</sup> Tiquina sa nigũ masino Jesu yahuahye tiquinare:

—Yũhũ buheyere tũho duerana, ohõ saha ni tũhoture mũsa yũhũre: “Duturu dohatiro tiquiro basi aco ti masine duturu waro tiquiro ijiyere ihñono. Mũhũ gũhũ duturu tiquiro ye ihñono saha mũhũ nidiro saha ijigũ Cohãcjũ tutuaye mehna ye ihñoña usãre. Capernaupũre Cohãcjũ tutuaye mehna ye ihñoñohti mũhũ. Usã gũhũre sa ye ihñoña, mũhũ buheyere ‘Poto tjire’, usã niato saha”, ni duare mũsa yũhũre. <sup>24</sup> Ahrire yahutja mũsare. Cohãcjũ yere yahu mũhtariquirore tiquiro ya maca cjẽna ño peoerare. Sa yena yũhũre ño peoerare mũsa ohõpũ yũhũ masarigũ ijigũ. <sup>25</sup> Sata ijiahye panopũre. Panopũ Elia tiquiro ijiri pjere ihtia cũhma ape cũhma deco waro ne acoro ahtaerahye. Sa yero ijipihtiropũta ne ihyaye mariedahye.

<sup>26</sup> Ti pjere peyequina wape wiha numia Israe yehpapũ tiquina ijiepegũta Cohãcjũ Elia mũnanore tiquinare yedoho dutiro ohoerahye. Tiquiro ya macare sa ye dutieraperota ape yehpapũ Sidõ cahapũ ijiri macapũ Sarepta wame tiri maca cjõno wape wihorore yedoho dutiro Elia mũnanore ohoahye Cohãcjũ. <sup>27</sup> Came Cohãcjũ yere yahu mũhtariquiro Eliseo mũnano tiquiro ijiri pjere Israe yehpapũ peyequina cami bũcũ mũna wiha tiquina ijiepegũta ihcãquiro Israe masũnore ne quehnoa wahagũ yerahye Eliseo mũnano. Tiquiro ya yehpa cjẽnare yeraperota Naamán wame tiri quiro Siria yehpa cjẽno dihitare quehnoa wahagũ yeahye tiquiro. Sa yero Israe masare yedohoeraro, Israe masa ijieyequina pehere yedohoahye Cohãcjũ, niahye Jesu tiquinare.

<sup>28</sup> Tiquiro sa nigã tãhoye ijipihitiyequina ti wãhãpã ijieyequina usua yãhdã wa-hahye. <sup>29</sup> Sa yeye tiquina wahcãdãca, Jesure ne wijia, ti maca dũhtũ cahapũ ijiri cãhãpũ tiquirore tudoque dijio duamahye. <sup>30</sup> Tiquina sa ye duepegũta Jesu tiquina watoata wahaa wahahye.

*Watĩnore cãoriquiro Jesure piti cahye  
(Mr 1.21-28)*

<sup>31</sup> Came Jesu Galilea yehpapũ ijiri macapũ Capernau wame tiri macapũ esa, saurũ ijigã masare buheahye. <sup>32</sup> Quehnoano masi pehoriquiro tiquiro buhegã tãhoye masa tãho maria wahahye. <sup>33</sup> Ti wãhãpũ watĩnore cãoriquiro ijiahye. Tutuaro sañuducuahye:

<sup>34</sup> —Mũhũ Jesu Nazare cjũ usãre cariboer-acãhãña mũhũ. ¿Dũhse yegũ tagũ niajari usãre? ¿Mũhũ usãre butigã yegũ tagũ nia-jari? Cohãcjũ macũ, quehnoagũ mũhũ ijigã yũhũ masiaja, ni sañuducuahye Jesure.

<sup>35</sup> Tiquiro sa nigã tãhoro Jesu tuhtiahye watĩnore:

—Dihta mariahãña. Duhuya tiquirore, ni-ahye Jesu.

Tiquiro sa nidi bato masãnore watĩno pehe yehpapũ doque quehe sa tunugã yeahye. Tiquiro sa yeri bato tiquiro pehe quehnoa wahahye. <sup>36</sup> Topũ ijieyequina ijip-ihitiyequina tiquiro sa wahagã ihãñañe, ihãña maria wahahye. Sa ye tiquina basi ohõ saha ni yahuducuahye:

—¿Yabe boro buheye ijiajari ahri sa wa-hagã yeye? Yohnah. Tutuaro mehna pũhtoro yero saha ahriquirũ watĩare du-tire. Sa yeye tiquiro dutiro sahata tiquina masare duhure, ni yahuducuahye tiquina basi.

<sup>37</sup> Tiquiro sa yegã ihãñañe ti yehpapũ ijip-ihitiropũ masa Jesure quti dahreahye.

*Jesu Simo Pedro mareonore dutire  
yãhdãoahye  
(Mt 8.14-15; Mr 1.29-31)*

<sup>38</sup> Judio masa tiquina buheri wãhãre wi-jia, Simo ya wãhãpũ sajã sahye Jesu. Topũ Simo mareono dohatiro niahye. Tutuaro ujuaye tiahye. Sa ye tiquina ticoro do-hatigã yahuahye Jesure. <sup>39</sup> Tiquina yahuri bato tiquiro ticoro cahapũ esa, ujuayere suru dutiahye. Tiquiro sa suru dutiri

bato ticorore ujuaye surua waha, duita quehnoa wahahye. Ticoro sa waharo wahcã nuju sa, ticorota tiquinare ihyayere peoahye.

*Peyequina dohatiyequinare yãhdãoahye  
Jesu*

*(Mt 8.16-17; Mr 1.32-34)*

<sup>40</sup> Asã sajãri bato ijipihitiyequina masa tiquiro cahapũ ijieyequina dohatiye-quinare Jesu cahapũ ne sahye. Do-hatiyequina peyequina sijoro saha ijieye dohatiyere cãoahye. Sa yero Jesu tiquiro omocari mehna tiquina bui ña peo, ijipihitiyequinare tiquina do-hatiyere quehnoano yãhdãoahye. <sup>41</sup> Watĩa gũhãre Jesu duhu dutigã tiquina duhuye sañuducuahye:

—Mũhũ potota Cohãcjũ macũ ijire, niahye tiquina Jesure.

Jesu Cohãcjũ ohoriquiro tiquiro Cristo ijigã watĩa masiahye. Sa yero Jesu tiquinare yahuducu dutierahye, “ ‘Cristo ijire’, ni yahu siteari”, nino.

*Galilea yehpapũ buheahye Jesu  
(Mr 1.35-39)*

<sup>42</sup> Bohrea mũja tagũ Jesu ti macapũ ijiriquiro waha, masa marienopũ esahye. Tiquiro sa esari bato masa tiquirore maca cã, boca saye, ohõ saha niahye:

—Usã ya macapũ tojoaya usã mehna. Ape sie wahaegũta, nimahye tiquina Jesure.

<sup>43</sup> Tiquina sa niepegũta tiquiro pehe ohõ saha ni yahtiahye:

—Cohãcjũ tiquiro pũhtoro ijyere quehnoañe buheyere apeye macaripũ gũhãre buhe duaja yũhũ. Cohãcjũ yãhãre ohori tire yahucjãre, niahye Jesu tiquinare.

<sup>44</sup> Sa yero Judea yehpapũ ijieye wãhãsepũ, judio masa tiquina buheye wãhãsepũ tiquiro buhe tiniahye.

## 5

*Jesu tiquiro buheyequinare peyequina  
wahi wejẽgã yeahye*

*(Mt 4.18-22; Mr 1.16-20)*

<sup>1</sup> Ape deco Jesu Genesare wame tiri ditara dũhtũ cahapũ esahye. Topũ tiquiro ijigã ihãñañe peyequina masa Cohãcjũ yere tãho duaye tiquirore nũnũ tã sahye.



Quehnoano wahpa d̄uca saa wahahye masa pari. <sup>2</sup> P̄na yuc̄sa pad̄rop̄ pahsaye yuc̄sarire Jesu ih̄ñahye. Ti yuc̄sari cj̄ena yohyeyequina maja sad̄uca, tiquina w̄ñecj̄are coseye niahye. <sup>3</sup> Sa yero Jesu Simo yariap̄ saj̄ahye. Saj̄a tuhasa tia yuc̄sare dia d̄uht̄ cahap̄ cuñariare weje buho dutiahye. Sa yero yuc̄sap̄ duji, masare buheahye. <sup>4</sup> Buhe tuhasa, Jesu Simore oh̄ saha niahye:

—Deco cj̄ūnoḡa tu wioya. Sa yena m̄h̄u mehna cj̄ena mehna m̄sa w̄ñecj̄are doque ñoña wahi ñeheanaja, niahye Jesu.

<sup>5</sup> Tiquiro sa niḡū t̄horo Simo Jesure ȳhtiahye:

—P̄h̄to, wahi wej̄e bohreami us̄a mia ñamine. Bohreepenata ne ihc̄aquioḡa wej̄edahti us̄a. Sa wej̄edapenata m̄h̄u dutiro saha doque ño tuhunata, ni ȳhtiahye Simo.

<sup>6</sup> Sa ni tuhasa tiquina doque ñoahye. Sa tiquina doque ñoḡū tiquina w̄ñecj̄are peyequina wahi saj̄ahye. Peyequina tiquina saj̄aḡū w̄ñecj̄a t̄h̄n̄a wahamahye. <sup>7</sup> Sa wahaḡū ih̄ñañe aperia cj̄enare tiquina mehna cj̄enare pijioahye.

—M̄sa ḡūh̄u yedohona ahtaya us̄are, ni pijioahye Simo ḡūh̄u.

Tiquina sa yedohori bato p̄maria yuc̄sa quehnoano miniparo bocahye wahire. <sup>8</sup> Simo Pedro sa wahi peyequina tiquina saj̄aḡū ih̄ñano, Jesu cahap̄ d̄usepe curi mehna quehe sa, tiquirore niahye:

—Ȳh̄u p̄h̄to, m̄h̄u mehna ijiboḡū ijieraja ȳh̄u. Ñaḡū ijiaja ȳh̄u. Sa yeḡū ȳh̄are duhuya, niahye Simo Jesure.

<sup>9</sup> Tiquiro, ijipihtiyequina tiquiro mehna cj̄ena ḡūh̄u peyequina wahi saj̄aḡū ih̄ñañe, ih̄ña maria wahahye tiquina ḡūh̄u. <sup>10</sup> P̄h̄aro Simo mehna cj̄ena Zebedeo pohne Santiago, tiquiro bah̄ro Ñu mehna, tiquina ḡūh̄u ih̄ña maria wahahye. Tiquina sa ih̄ña mariaḡū ih̄ñano Jesu Pedore yahuahye:

—Ih̄ña mariedac̄h̄ña. Yojoap̄are m̄h̄u wahire ñehe cahmecoaḡū m̄h̄u ijiro saha Coh̄c̄j̄ū yequina ijiatiquinare piji cahmecoaḡū ijiḡata m̄h̄u, niahye Jesu Simore.

<sup>11</sup> Tiquiro sa nidi bato tiquina yuc̄sarire ditara d̄uht̄ cahap̄ weje mo c̄ū c̄ā, tiquina

ye ijipihtiyere top̄ata c̄ū c̄ā, Jesu mehna wahaa wahahye.

*Jesu cami b̄c̄h̄ m̄na wihirore cami yatiḡū yehye*

*(Mt 8.1-4; Mr 1.40-45)*

<sup>12</sup> Jesu ape macap̄ tiquiro ijiḡū cami b̄c̄h̄ m̄na wihiro tiquirore piti cahye. Sa piti caro tiquiro Jesure ih̄ña, d̄usepe curi mehna quehe sa, tutuaro siniahye:

—P̄h̄to, m̄h̄u ȳh̄are ȳhd̄uo duaḡū ȳhd̄uoaya, ni siniahye.

<sup>13</sup> Tiquiro sa nidi bato Jesu tiquirore ña peoro oh̄ saha niahye:

—Tire ye duaja. Yojoap̄ quehnoaḡū ijiya m̄h̄u, niahye.

Tiquiro sa niḡata tiquiro cami ahbari yatia wahahye. <sup>14</sup> Sa yero Jesu tiquirore dutiahye:

—Ahri ȳh̄u oh̄ saha yerire apequinare yahuerac̄h̄ña. Pahi cahap̄ wahaya yojoap̄are. Sa yeḡū m̄h̄u paḡare quehnoari paḡū waharire ih̄ñoña tiquirore. Coh̄c̄j̄ū dutiye Moiserere tiquiro c̄ūri nidiro saha yeya. Sa yeḡū pahire p̄h̄aro minicj̄are ohoya m̄h̄u cami ȳhd̄urire ijipihtiyequinare ih̄noḡū t̄h̄u, niahye cami b̄c̄h̄ m̄na c̄omediquirore.

<sup>15</sup> “Yahuerac̄h̄ña”, tiquiro sa niepeḡata ijipihtiroap̄ masa Jesure quitu dahre nemoahye. Tiquina sa quitu dahreḡū t̄h̄oye masa peyequina tiquiro cahap̄ esahye. Dohatiyequina ȳhd̄u duaye, tiquina ḡūh̄u tiquiro cahap̄ esahye.

<sup>16</sup> Tiquina sa esaep̄eḡata Jesu masa marienop̄ Coh̄c̄j̄ūre sinino wahaa wahahye.

*Jesu tini masieniquirore ȳhd̄uoahye*

*(Mt 9.1-8; Mr 2.1-12)*

<sup>17</sup> Ape deco Jesu buheḡū fariseo masa, judio masare buheyequina ḡūh̄u top̄ dujiahye. Tiquina peye macari Galileap̄ ijiye macari cj̄ena, Judeap̄ ijiye macari cj̄ena, Jerusal̄e cj̄ena ijiahye. Sa yero Jesu Coh̄c̄j̄ū tutuaye mehna dohatiyequinare ȳhd̄uoahye. <sup>18</sup> Meheñequinaḡā am̄a tini masieniquirore tiquiro cuñari cahsero mehna yo w̄h̄a wihiahye. Sa yeye tiquirore Jesu cahap̄ c̄ū duaye, w̄h̄ap̄ yo saj̄a duamahye tiquina tiquirore. <sup>19</sup> Sa saj̄a duepeta masa peyequina ijiḡū tiquina

tiquirore yo sajà masiedahye. Sa yeye tiquirore wuhu buipru yo mujahye. Yo maha sa, mehenogã p̄o we, ti coperp̄u tini masieniquirore tiquiro cuñari cahsero mehna duhu dijioahye Jesu caharp̄u ijiyequina watoa. <sup>20</sup> “Jesu ahriquiroro tiquiro dohatiyere yuhdugã yerota”, ni tãhotuahye tiquina. Tiquina sa ni tãhotugã masino Cohãcjãre tiquina wacũ tutuayere masino, Jesu tini masieniquirore ohõ saha ni yahuahye:

–Yuhu acayru, mahu ñaño yeyere yuhu cohã tuhasaru, niahye Jesu tiquirore.

<sup>21</sup> Tiquiro sa nigũ tãhoye fariseo masa, judio masare buheyequina gãhu tiquina basi ohõ saha ni tãhotumahye: “Ahriquiroro sa ni yahuducueracãhdo. Masino mari yero saha ijoro, tiquiro ñaño yeyere cohã masiedare. Cohãcjã dihita masa tiquina ñaño yeyere cohã masine”, ni, tãhotumahye tiquina.

<sup>22</sup> Jesu tiquina tãhotuyere masino, ohõ saha niahye:

–¿Dahse yena sa ni tãhotuajari m̄sa?  
<sup>23</sup> “Mahu ñaño yeyere yuhu cohã tuhasaja”, yuhu nigũ, “Ni mehogru ijire”, yuhare nine m̄sa quehnoano masiedapenata. “Wahcãdũca wahaya”, yuhu nigũ tiquiro tinigũ ihñana yuhu nidi poto ijigũ duita masinata. <sup>24</sup> Yuhu masu Cohãcjã ohorigru ahri yehrapru ñaño yeyere cohã masiaja yuhu. Masa tiquina ñaño yeyere cohãcjãre cãri Cohãcjã yuhare. Yuhu sa cohãrire m̄sa masiato saha ohõ saha ye ihñoutja m̄sa ihñatire, niahye Jesu.

Sa ni tuhasa tini masieniquirore ohõ saha niahye:

–Muhare niita niaja. Wahcãdũcaya. Mahu cuñari cahserore ne cãhña mahu ya wuharu, niahye tiquirore.

<sup>25</sup> Tiquiro sa nigũ tãhorota ijipihtiyequina tiquina ihñonopru wahcãdũca, tiquiro cuñari cahserore ne, tiquiro ya wuharu tojoa wahahye. Sa waharo tiquiro Cohãcjãre ño peoro, bucueye mehna quehnoano yahuducuahye. <sup>26</sup> Tiquiro sa yegũ ihñañe masa pehe ijipihtiyequina ihña maria wahahye. Tiquina ihña maria waha, Cohãcjãre ño peoye, bucueye mehna quehnoano yahuducuahye:

–Miare sijoro saha ijiyere ihñaru mari, niahye tiquina.

*Jesu Levíre pijiahye*

*(Mt 9.9-13; Mr 2.13-17)*

<sup>27</sup> Sa ye tuhasa waha, Leví wame tiquirore tiquiro dahrari tucũru ijiriquirore boca sahye Jesu. Leví pehe pãhtoa ye ijiatire masare wapa ne cohteriquiro ijiahye. Sa boca saro tiquirore ohõ saha niahye:

–Yuhu mehna cjũ ijiajru ahtaya, niahye tiquiro Levíre.

<sup>28</sup> Tiquiro sa nigũ Leví pehe ijipihtiye tiquiro dahrayere duhu cã, Jesu mehna wahaa wahahye.

<sup>29</sup> Came Leví ya wuharu Jesu ya bosedeco yeye niahye. Topru peyequina wapa ne cohteyequina, apequina Leví gãhu mehna dujiahye. <sup>30</sup> Tiquina mehna Jesu gãhu dujigũ ihñañe meheñequinagã fariseo masa, judio masare buheyequina mehna usua, Jesu buheyequinare sinituahye.

–¿Dahsena ñano yeyequina, wapa ne cohteyequina mehna ihyajari m̄sa? ni tuh-tiahye tiquina.

<sup>31</sup> Tiquina sa nigũ tãhoru Jesu yahtiahye tiquinare. Ohõ saha ni queoye mehna buheahye:

–Dohatieyequina duturure macaedare. Dohatieyequina dihita duturure macare. Ñañoquina dohatieyequina yero saha ijire.

<sup>32</sup> Sa yegru ñañoquina dihitare tiquina ñañoene bujru witi dutigru, quehnoañe pehere comesagũ yegru tãru nii yuhu. Tiquina basi “Quehnoana ijiaja usã”, ni tãhotuyequinare yedohogru ahtaergru yuhu, niahye Jesu.

*Sijiyere Jesure sinituahye apequina*

*(Mt 9.14-17; Mr 2.18-22)*

<sup>33</sup> Sa yeye meheñequinagã masa Jesure ohõ saha ni sinituahye:

–Ñu buheyequina peye tahari Cohãcjãre ño peoye tehe, sijire. Sa yeye, tiquina peye tahari Cohãcjãre sinine. Fariseo buheyequina gãhu tiquina yero saha yere. Tiquina sa yepegãta mahu buheyequina pehe ihya, sihnine. Sa ye Cohãcjãre ño peoye tehe, sijierare. ¿Dahse yeye sa yerajari tiquina? niahye tiquina Jesure.

<sup>34</sup> Tiquina sa nigū Jesu tiquiro tūhotuye mehna qūiti dahre buhero taro tiquinare ohō saha ni yūhtiahye:

—Ohō saha ijire ti: Omoca dūhteropū tiquina pijioriquina omoca dūhteriquiro mehna ijiye, siji masiedare. Sata yūhū buheyequina gūhū yūhū mehna ijiye, siji masiedare. Yūhū omoca dūhteriquiro yero saha ijiaja. Omoca dūhteriquiro bose deco tiquiro yegū tiquiro mehna cjēna ihyeyequina ijierare. <sup>35</sup> Yūhū Pacū Cohācjū yūhūre tiquiro nedi bato pūritare yūhū buheyequina mehna ijisi yūhū. Sa yeye ti pjerpata yūhū buheyequina gūhū sijieta, niahye Jesu.

<sup>36</sup> Panopū cjē buheye wahma buheye mehna tiquina buhe more duagū ihñano ohō saha ni nemoahye Jesu tiquinare queoye mehna buhero.

—Ne wahma suhtirore meheni cahserogā tūhrē ne, mūna suhtirore sere ohōno cahmedare. Mari sa sere ohōna wahma cahserore tūhrē cohāna niaja. Sa yero wahma cahsero mūna suhtiro mehna ihcāno saha bajuerare. <sup>37</sup> Sa yena ne ūhse co bisiye core wahiquiro cahsero ajuropūre mūna ajuropūre pose yero cahmedare. Sa yegū ūhse co bisiye pahmuñepū mūna ajurore tūhrē cāhre. Sa tūhnūgū ūhse co gūhū, ajuro gūhū cohāa wahare. <sup>38</sup> Sa yena ūhse co wahma core wahma ajuropū pose yero cahmene. (Sata wahma buheye mūna buheye mehna buhe moredaro cahmene.) <sup>39</sup> Mūna core masa tiquina sihnidi bato, wahma core cahmedare tiquina. Ohō saha nine masa. “Mūna co wahma co bui cjūnogā quehnoañe ijire”, nine masa, niahye Jesu tiquinare.

## 6

*Judio masa tiquina sori decore trigore peheahye Jesu buheyequina*  
(Mt 12.1-8; Mr 2.23-28)

<sup>1</sup> Ape deco saurū ijigū Jesu gūhū trigo wesepū esahye. Topū esa, tiquiro buheyequina pehe trigo parorire pehe, ti pjerire sahquē site dijio, ti pjerire ihya cā wahaahye tiquina. <sup>2</sup> Tiquina sa yegū ihñañe meheñequinagā fariseo masa tiquinare sinituahye:

—¿Dūhse yena mūsa saurū mari sori deco ijiepegūta Cohācjū tiquiro dutierari decore dahrajari mūsa? niahye fariseo masa.

Tiquina sa nigū tūhoro Jesu tiquinare yūhtiahye “Yūhū buheyequina yūhdūdcaye niedare”, nino taro:

<sup>3-4</sup> —Davi mūnāno tiquiro mehna cjēna mehna ūjūa ahbaro, Cohācjū wūhūpū sajā, Cohācjū ye pāre ihyahye. Sa ihyaro tiquiro mehna cjēna gūhūre ti pāre ihya dutiro ohoahye. Ti pāre pahia dihita ihyae tiahye. Cohācjū dutiye ti pāre apequinare ihya dutierare. ¿Davi mūnāno tire tiquiro yerire buherari mūsa? (Ti pāre ihyaro Cohācjūre yūhdūdcaro niedahye. Miare ahri pjerire ihyaye yūhū buheyequina gūhū Cohācjūre yūhdūdcaye niedare.) <sup>5</sup> Yūhū masū Cohācjū ohorigū ahri deco saurū decore masa tiquina yeatire yahugū ijigū puhto ijiaja, niahye Jesu.

*Omoca būhariquiro qūiti*  
(Mt 12.9-14; Mr 3.1-6)

<sup>6</sup> Ape deco saurū ijigū Jesu judio masa tiquina buheri wūhūpū sajā saro, buheahye masare. Topū omoca poto pehe būhariquiro ijiahye. <sup>7</sup> Meheñequinagā judio masare buheyequina, fariseo masa gūhū Jesure yahusā duamahye. “Saurū decore masūnore dohatiyere yūhdūoboaga Jesu”, ni, ihñā nūnū yahusā duamahye tiquina Jesure. <sup>8</sup> Jesu tiquina tūhotuyere masino, omoca būhariquirore ohō saha niahye:

—Wahcādūcaya. Ohōpū ahtaya, niahye tiquiro.

Tiquiro sa nidi bato omoca būhariquiro pehe wahcādūca, topū ducuahye. <sup>9</sup> Sa yero Jesu tiquinare sinituahye.

—Mū sare sinitutja: ¿Saurū ijigū yabere ye dutiajari Cohācjū dutiye? ¿Quehnoañene yegū quehnoaedajari? ¿Ñañene yegū pehere quehnoaboagari, mūsa tūhotugū? Saurū ijigū masūnore masogū quehnoarīne. Saurū ijigū masūnore wejēgū pehere quehnoaedare. Ñarīne, niahye Jesu tiquinare.

<sup>10</sup> Sa nino Jesu tiquinare ijipihtiyequinare ihñadoqueo, omoca būhariquirore ohō saha niahye tja:

—Mũhũ omocare siõ potoya, niahye tiquiro.

Tiquiro sa nigũta omoca bũhariquiro pehe siõ potogũta, omoca quehnoa wahahye. <sup>11</sup> Tiquiro sa yegũ ihñañe tiquina tiquiro mehna tutuaro usuahye.

—¿Dũhse yenatari mari ahriquirore? niyahye tiquina basi.

*Jesu tiquiro buheyequinare docere tiquiro ohoatiquinare bese docoahye*  
(Mt 10.1-4; Mr 3.13-19)

<sup>12</sup> Ti decorire Jesu cũnrũ Cohãcjũre sinino mũjaa wahahye. Topũ ijiro, ñamine Cohãcjũ mehna yahuducu bohreahye. <sup>13</sup> Bohrearopũ tiquiro buheyequinare tiquiro cahapũ pijioahye. Pijio tuhasa, tiquina mehna cjẽnare doce waro tiquiro ohoatiquinare bese docoahye. Sa ye tiquiro cũriquina wame tiahye. <sup>14-15</sup> Ahriquina ijiahye Jesu tiquiro bese docoriquina: Simo ijiahye. Simore Pedro ni pisuahye Jesu pehe. Simo bahũro Andre, Santiago, Ñũ, Felipe, Bartolomé, Mateo, Tomasu, Santiago ijiahye. Santiago pehe Alfeo macũno ijiahye. Sa ye Simo celote ya curua cjẽno ijimediquiro, <sup>16</sup> Juda Santiago bahũro, Juda Iscariote tiquina ijiahye tiquiro bese docoriquina. Juda Iscariote pehe Jesure ihña tuhtieyquinare ihñaotiquiro ijiahye.

*Jesu peyequina masare buheahye*  
(Mt 4.23-25)

<sup>17</sup> Sa ye Jesu tiquiro buheyequina mehna cũnũ buipũ ijiriquina dijia taye, peyequina apequina tiquiro buheyequina mehna dijia wihidũca, quehnoari paapũ ducuahye tiquina. Ijipihtiorũ Judea yehrapũ ijiye macari cjẽna, Jerusalẽ cjẽna, Tiro wame tiri maca cjẽna, Sidõ wame tiri maca cjẽna pajiri ma dũhtũ cahapũ ijiye macari cjẽna masa peyequina tiquiro cahapũ wihiahye. <sup>18</sup> Tiquina Jesu buheyere tũhoye tehe, tiquina dohatiyere cohãgũ cahmeahye. Watĩa cũoyequina gũhũ tiquiro cahapũ wihi, quehnoa wahahye. <sup>19</sup> Jesu tiquiro tutuaye mehna yũhdũgũ yeahye tiquinare. Sa ye tiquina ijipihtieyquina tiquirore dahra tuhuye ahtahye.

*Jesu bucueye, bũjũa witiye gũhũre buheahye*

(Mt 5.1-12)

<sup>20</sup> Came Jesu tiquiro buheyequinare ihña, yahuahye:

—Mũsa pejecũona, (mũsa ñañene bũjũa witina), Cohãcjũ tiquiro pũhtoro ijiropũ wahanata mũsa. Sa yena mũsa bucuenata.

<sup>21</sup> 'Yojopũre mũsa ẽjũa ahbana, yapina ijinata. Sa yena bucuenata.

'Yojopũ utina ijina, came mũsa bũjũnata. Sa yena mũsa bucuenata.

<sup>22</sup> 'Yũhũ masũ Cohãcjũ ohorigũ iji-aja. Sa yena yeere yena mũsa ijiri buhiri apequina mũsare tiquina ihña tuhtiepegũta bucuenata ijiye mũsa. Mũsare tiquina cohãepegũta bucuenata. Mũsare tiquina ñano yahuducuepegũta “Ñana ijiye”, mũsare tiquina niepegũta mũsa pehe bucuenata. <sup>23</sup> Mũsare tiquina sa yegũ ihñano ẽhmũsepũ mũsa esagũ pajiro quehnoano yerota Cohãcjũ mũsare. Sa yena tutuaro bucuenata ijiya. Quehnoano jeripohna tina ijiya. Mũsare ihña tuhtieyquina tiquina acaye panopũ cjẽna sata ñano yeahye Cohãcjũ yere yahu mũhtariquina gũhũre.

<sup>24</sup> 'Sa yena mũsa yojopũ peye cũona ahri yehrapũ mũsa quehnoano iji cã tuhasari. Sa yena ñano yũhdũna ijinata mũsa.

<sup>25</sup> 'Yojopũ yapina mũsa ẽjũa ahbanata. Mũsa sa ijirina ñano yũhdũnata.

'Yojopũre mũsa bũjũrina ijina camerũre utinata. Sa yena ñano yũhdũnata.

<sup>26</sup> '“Cohãcjũ yere yahu mũhtana ijiaya”, ni mehoñequinare “Quehnoañequina ijiye”, nimahye peyequina panopũ cjẽna. Sa nimediquina tiquina acaye yojopũ cjẽna gũhũ sata “Quehnoañequina ijiye”, niboaga ihquẽquina mũsa mehna cjẽnare. Tiquina sa ninohrina mũsa ijina ñano yũhdũnata mũsa gũhũ, ni buheahye Jesu.

*Mũsare ihña tuhtieyquina tiquina ijiepegũta tiquina gũhũre cahĩña*  
(Mt 5.38-48; 7.12)

<sup>27</sup> Sa yero ohõ saha ni buhe nemoahye Jesu:

—Yũhũre tũho duanare, mũsareta nigũ niaja. Mũsare ihña tuhtieyquina tiquina ijiepegũta tiquina gũhũre cahĩña.

Musare ihña tuhtiyequinare quehnoano yeya. <sup>28</sup> Musare “Ñano yuhduhro”, niñequina tiquina ijiepegûta quehnoa dutiya tiquinare. Musare ñano yeyequina tiquina ijiepegûta “Tiquina gũhũ quehnoano ijiahro”, ni sini basaya Cohãcjũre. <sup>29</sup> Ihcãquiro musa wahsupure tiquiro quẽgũ, ape sie gũhũre quẽ dutiya tiquirore. Musa bui cjã suhtirore tiquiro ehmagũ musa camisa gũhũre sa oho cãhña tiquirore. <sup>30</sup> Musare sinidiquirore tiquiro sinino punota ohoya tiquirore. Musa yere tiquiro negũ tiquirore sinitueracãhña pari turi tire. <sup>31</sup> Apequina musare tiquina quehnoano yegũ cahmene musa. Tiquinare musa quehnoano yegũ cahmeno saha quehnoano yeya tiquina gũhũre. Tiquina quehnoano yerapegûta musa pehe tiquinare quehnoano yeya.

<sup>32</sup> Musare cahñequina dihitare musa cahĩgũ ti ne dũhseati ijierare apequina pehere musa cahĩedagũ. Ñañequina gũhũ sata yere. <sup>33</sup> Sa yena musare quehnoano yeyequina dihitare musa quehnoano yegũ ti gũhũ ne dũhseati ijierare apequina pehere musa quehnoano yeragũ. Tire ñañequina gũhũ yere. <sup>34</sup> Sa yero “Yuhũre wiaya tire”, musa niñequina dihitare musa wasogũ ne ti dũhseati ijierare. Ñañequina gũhũ apequinare “Yuhũre wiaya tire”, tiquina niñequinare wasore. <sup>35</sup> Sa yena musa pehe musare ihña tuhtiyequina gũhũre cahñña. Sa yena tiquinare quehnoano yeya. Apequirore wasona “Yuhũre ne wiasi ahriquiro”, ni tãhotuenata tiquirore wasoya. Cohãcjũ pehe tiquirore “Quehnoare”, nieñequina gũhũre, ñañequina gũhũre quehnoano yere. Tiquiro yero saha yeya musa gũhũ. Musa sa yegũ Cohãcjũ tutuaro quehnoano yerota musare. Sa yena Cohãcjũ tutua yuhduhriquiro uhmũse cjũno pohna ijinata. <sup>36</sup> Mari Pacũ uhmũse cjũno tiquiro paja ihñariro sahata musa gũhũ masare paja ihñaña, ni yahuahye Jesu.

*Apequina gũhũre “Ñañequina ijire”,  
niedacãhña  
(Mt 7.1-5)*

<sup>37</sup> Sa yero tiquinare yahu nemoahye:

–Apequinare “Ñañequina ijire”, niedacãhña musa. Musa sa niedagũ Cohãcjũ musa gũhũre “Ñana ijire”, nisi. Apequina musare tiquina ñano yerire tiquina ñano nidi gũhũre boya musa. Musa sa bogũ ihñano Cohãcjũ musa gũhũre musa ñañe yerire borota. <sup>38</sup> Apee borore cõona apequinare ohoya. Musa sa ohogũ Cohãcjũ gũhũ musare ohorota. Sa ohoro quehnoano queoro musare pajiro ohorota. Quehnoano wahpa yuhduro ohorota. Apequinare musa ohoriro punota Cohãcjũ gũhũ musa gũhũre ohorota, niahye Jesu tiquinare.

<sup>39</sup> Sa ni tuhasa Jesu quiti mehna buhero ohõ saha ni yahu nemoahye:

–Caperi bajueyequina sehsaro tiquina basi quehnoano tuã cã masiedare. Sa tuã cãñe, tiquina pũaropũ bora maa sajãa wahaeta copepũ. (Sata Cohãcjũ yere masieñequina apequinare buhe masiedare. Sa ye tiquina ijipihtiyequina pecapũ wahaeta.) <sup>40</sup> Buheyequina tiquinare buheriquirore masi yuhducaerare. Sa ijiepetã ijipihtiyequina buheyequina tiquina quehnoano buhe pehori bato tiquinare buheriquiro yero saha ijietã, niahye Jesu.

<sup>41</sup> Sa ni tuhasa apeye quiti mehna yahu nemoahye:

–Mari queoye mehna buhegũ ohõ saha yena ijire musa: Musã acayũro tiquiro capeapũ meheni pohcarogã tiquirore bora sajãgũ ti pohcarogãre quehnoano ihñare musa. Musã ya capeapũ pajiri pjĩ ijiepegûta ti pjĩne ne ihñedare musa. Meheni pohcarogãre musã ihñano saha musã acayũro tiquiro ñano yeye pehere quehnoano ihñare musa. Musã basi musã ñañene tutuaro yepenata tire masiedare musã pajiri pjĩne musã ihñedaro sahata. ¿Dũhse yena sa yeajari musã? <sup>42</sup> Ohõ saha nina yero saha ijire musã: “Yuhũ acayũ, ñañene yegũ nine mũhũ. Sa yegũ tire duhuya”, nina yero saha ijire musã. Sa nina ijiepenata pajiro ñañene yere musã pehe. ¿Dũhse yena musã ñañene yepenata tire masiedajari musã? Masa ihñono dihita quehnoano iji mehona ijire musã sa yena. Pajiri pjĩne musã capeapũ ijiri pjĩne musã ne mũhtaboriro saha musã ñano yeye

pehere duhu mahtaña. Músa sa yeri bato músa acayaro tiquiro ñano yeyere duhugũ ye masiboaga meheni pohcarogãre músa neboriro saha, ni buheahye Jesu.

*Masa yahuducuyere tãhona tiquina ijire tiyere masiaja mari*

*(Mt 7.17-20; 12.34-35)*

<sup>43</sup> Sa yero queoye mehna buhero ohõ saha ni yahu nemoahye tiquinare:

—Quehnoadu yucũgũ ñañene dũca tierare. Sa yero ñadu quehnoañene dũca tierare. <sup>44</sup> Yucũ dũcare masina tũre masine músa. Potagũ higuera pacare dũca tierare. Sa yero pota bũcũgũ ãhse tõhorine dũca tierare. <sup>45</sup> Sata ijire masa gãhũ. Quehnoariquiro tiquiro tãhotuyepũ quehnoañene ijire. Sa yero tiquiro quehnoañene yere quehnoadu quehnoañene dũca tiro saha. Ñariquiro tiquiro tãhotuyepũre ñañene ijire. Sa yero tiquiro ñañene yere ñadu ñañene dũca tiro saha. Mari tãhotuyepũ marine ti ijiro saha yahuducua ja mari, ni yahuahye Jesu.

*Pũa wãhũ yeyequina quitire yahuahye Jesu*

*(Mt 7.24-27)*

<sup>46</sup> Sa yero tiquinare yahu nemoahye:

—Músa yãhũre “Pũhto”, nine. Sa niepenata yãhũ dutiye pehere yerare músa. ¿Dũhse ijiro boro sa yerajari? <sup>47</sup> Ijipihtiyequina yãhũre cahmeñequina yãhũ yahuyere tãhore. Sa yeye yãhũ dutiyere yãhdũdũcaerare. Ohõ sahata ijire yãhũre yãhdũdũcaeyequina: <sup>48</sup> Wãhũ dahreriquiro yero saha ijire tiquina. Tiquiro ãhcũãñe coperire sehe, wãhũre doco dũcare. Ti wãhũ quehnoano tiquiro yeri wãhũ ijiro dia minigũ tutuaro aco tutuepegũta ti wãhũ quehnoano tojoare. <sup>49</sup> Sa yeye yãhũ dutiyere tãhoepeta yãhdũdũcayequina pehe wãhũre quehnoano yerariquiro yero saha ijire. Ti wãhũre buigã doco, quehnoano ye dũcaerare. Tiquiro sa yeri wãhũ ijiro dia minigũ aco tutuagũ duita ti wãhũ cohõ bũrũa wahare. Sa yero ti wãhũ tutuaro bora quehea wahare, niahye Jesu.

## 7

*Surara pũhtoro cahacjãnore tiquiro dohatigũ Jesu yãhdũoahye tiquirore*  
*(Mt 8.5-13)*

<sup>1</sup> Ti quitire masare yahu tuhasa Jesu gãhũ Capernaupũ esahye. <sup>2</sup> Topũ ijiriquiro cien surara pũhtoro tiquiro cahacjãnore tutuaro cahãahye. Tiquiro cahacjãno pehe tutuaro dohatiro, yariaropũ niahye. <sup>3</sup> Sa yero Jesu yeyere tãhoro, judio masa bũcũnare Jesu cahapũ ohoahye pũhtoro pehe.

—Dohatiriquirore yãhdũogũ ahtaya, ni, yahu dutiro bũcũnare ohoahye pũhtoro.

<sup>4</sup> Tiquina Jesu cahapũ esa, ohõ saha ni tutuaro mehna yahuahye tiquirore:

—Surara pũhtoro ãsãre ohoari. Tiquiro cahacjãnore dohatiriquirore yãhdũgũ cahmedi tiquiro. Tiquiro pũhtoro pehe quehnoariquiro ijire. Tiquiro sa ijigũ yedohoya tiquirore. <sup>5</sup> Mari ya maca cjẽnare tiquiro cahĩne. Sa yero tiquiro ãsã buheri wãhũre tiquina yeri wapare wapa yere, niahye bũcũna Jesure.

<sup>6</sup> Tiquina sa ni yahugũ tãhoro Jesu pehe tiquina mehna wahahye. Surara pũhtoro ya wãhũ cahagãpũ tiquiro esagũ pũhtoro pehe tiquiro mehna cjẽnare Jesure ohõ saha ni yahu dutiro ohoahye:

—Pũhto, quehnoanota. Ahtaeracãhña. Quehnoagũ ijieraja yãhũ. Ya wãhũpũ mãhũre sajã ta dutibogũ ijieraja yãhũ. <sup>7</sup> Sa yegũ mãhũ cahapũ wahaeraja. Yãhũ sa ijiepegũta mãhũ masiñe mehna yãhdũ dutiya mãhũ tiquirore. Mãhũ sa yegũ yãhũ cahacjãno quehnoanota. <sup>8</sup> Yãhũre yãhũ bui ijiyequina apequina pũhtoa dutire. Sa yegũ yãhũ gãhũ surarare dutiaja. Ihcãquirore “Wahaya”, yãhũ nigũ tiquiro wahare. Apequirore “Ahtaya”, yãhũ nigũ tiquiro ahtare. Yãhũ cahacjãnore “Ahrĩre yeya”, yãhũ nigũ tire tiquiro yere. Mãhũ gãhũ dutigũta ijire. Sa yero mãhũ dutiro saha tiquiro dohatiriquiro yãhdũrota, ni yahu dutiahye surara pũhtoro.

<sup>9</sup> Tiquiro sa nigũ tãho maria waharo, peyequina masa tiquiro mehna ijiyequinare majaredũca sa, yahuahye:

—Mũsare niita niaja. Tiquiro surara pũhtoro Israe masũno ijieriquiro Cohãcjũre

tutuario wacũ tutuare. Tiquiro cahacjũnore yũhũ yũhdũgũ yeatire masi tuhasare. Israe masare ne ahriquiro yero saha ijiyequinare ihñeda tirũ yũhũ, niahye Jesu.

<sup>10</sup> Tiquiro sa nidi bato surara pũhtoro Jesu cahapũ tiquiro ohoriquina tiquina pũhtoro ya wũhũpũ tojoaa wahahye. Tojoa sa dohatiriquiro yũhdũriquirõpũre ihñahye tiquina.

### *Jesu wape wihoro macũnore masoahye*

<sup>11</sup> Came cjũnogã Nai wame tiri macapũ Jesu tiquiro buheyequina mehna peyequina masa mehna wahahye. <sup>12</sup> Ti macare sajãri sopecaha cahapũ tiquiro esagũ yariariquirore masa ne wijia taye niahye. Yariariquiro pacoro wape wihoro ijiahye. Ihcãquirola ijiriquiro yariahye. Sa ye to cjẽna masa peyequina ticoro mehna wahahye. <sup>13</sup> Tiquina sa wahagũ ihñano Jesu ticorore paja ihñahye.

—Utieracãhña, niahye Jesu ticorore.

<sup>14</sup> Sa nino yariariquiro tiquiro masa putire ña peoahye. Tiquiro sa ña peogũ ihñañe ti putire wũayequina pehe esadũcahye.

—Macũ, yũhũ mũhũre ohõ saha niaja. Wahcã nujuña, niahye Jesu.

<sup>15</sup> Tiquiro sa nidi bato yariariquiro mũnano wahcã nuju, yahuducuahye. Sa yero Jesu tiquirore tiquiro pacorore wiahye. <sup>16</sup> Tiquiro sa yegũ ihñañe tiquina ijipihtiyequina cuea wahahye. Sa yeye tiquina Cohãcjũre ño peo, ohõ saha niahye:

—Cohãcjũ yere yahu mũhtariquiro masi yũhdũriquirõ yojopũ pũritare mari watoa ijire, niahye tiquina.

—Cohãcjũ marine tiquiro yequinare yedohoro wihi tuhasare, niahye apequina.

<sup>17</sup> Sa yeye ijipihtiyequina Judea yehpa cjẽnare ti yehpa dũhtũ cahapũ ijiye macari cjẽnare Jesu yerire masa yahu site pehoahye.

*Ñu wame yeriquiro tiquiro buheyequinare Jesure sinitu dutiahye*  
(Mt 11.2-19)

<sup>18</sup> Sa ye Jesu yerire ihñañe Ñure yahuahye tiquiro buheyequina. Sa tiquina yahugũ tũhoro pũarore tiquiro cahapũ

pijio, <sup>19</sup> Jesure sinitu dutiro ohoahye Ñu. Ohõ saha ni sinitu dutiahye:

—¿Ñu “Yũhũ bato apequiro ahtarota”, tiquiro nidigũta ijiajari mũhũ? ¿Tiquiro nidigũ mũhũ ijieragũ apequirore cohtenatari usã? ni sinitu dutiahye Ñu pũaro tiquiro buheyequinare.

<sup>20</sup> Sa ye tiquina Jesu cahapũ esa, sinituahye tiquirore:

—Ñu wame yeriquiro mũhũre sinitu dutiro ohori usãre. ¿Ñu “Yũhũ bato apequiro ahtarota”, tiquiro nidigũta ijiajari mũhũ? ¿Tiquiro nidigũ mũhũ ijieragũ apequirore cohtenatari usã? ni sinituahye tiquina Jesure.

<sup>21</sup> Ti pjeta peyequina dohatiyequinare, watĩa cũoyequinare, caperi bajueyequinare yũhdũgũ yeahye Jesu. <sup>22</sup> Sa yero Ñu ohoriquinare Jesu yũhtiahye:

—Yojopũre mũsa ihñarire mũsa tũhorire Ñure yahuna wahaya: Ohõ saha niña: “Caperi bajueyequina ihñare. Tini masieñequina tinine. Cami ahbariquina quehnoa wahare. Tũhoerariquina tũhoa wahare. Yariariquina masaa wahare. Tiquina ijipihtiyequinare quehnoa wahagũ yei yũhũ. Sa yegũ pejecũoyequinare quehnoañe buheyere yahuaaja. <sup>23</sup> Yũhũre tũhoriquiro ‘Poto ijire’, nidiquiro tiquiro bucueriquiro ijire”, Ñure ni yahuna wahaya, niahye Jesu.

<sup>24</sup> Ñu buheyequina tiquina wahari bato Jesu pehe Ñu tiquiro ijiye tiyere yahu dũcahye peyequina masare:

—Masa marienopũ esana, taare wihnono wẽdoqueo mũjagũ ihñana eserari mũsa. <sup>25</sup> “Quehnoañe suhti sañariquirore ihñana wahauhna”, niedari mũsa masa marienopũ wahana. Quehnoañe suhti sañañequina wapa bajũyere cũoyequina pũhto ya wũhũsepũ ijire. Masa marienopũ ijierare. <sup>26</sup> Masa marienopũ esana Cohãcjũ yere yahu mũhtariquirore ihñana esari mũsa. Ijirola ijire. Ñu Cohãcjũ yere yahu mũhtariquiro ijire. Apequina Cohãcjũ yere yahu mũhtariquina yũhdũoro ijiriquiro ijire tiquiro pehe. <sup>27</sup> Panopũ Cohãcjũ yere tiquina ojoari pũpũ Ñure ohõ saha ni yahuahye:

Mari Pacu tiquiro macunore ohõ saha niahye: “Mahu pano mahure yahuyu-atiquirore ohogutja. Mahu wihatore quehnoyurota tiquiro”, niahye Cohãcjũ, ni ojoahye panopure Ñure.

<sup>28</sup> Mhsare poto niita niaja. Apequina masa ijipihtiequina bui ijire Ñu. Ahri decoripure tiquiro sa ijiepegãta Cohãcjũ tiquiro pãhtoro ijiropure ijipihtiequina docapu ijiriquiro pũrita Ñu bui ijire, niahye Jesu masare.

<sup>29</sup> Tiquiro sa nigũ tãhoye ijipihtiequina masa, wapa ne cohteyequina mehna Ñu tiquiro wame yenhriquina ijiye ohõ saha ni tãhotuahye Cohãcjũre. “Cohãcjũ poto yeriquiro ijire”, ni tãhotuahye tiquina.

<sup>30</sup> Fariseo masa pehe, judio masare buheyequina gãhu Ñu wame yenhriquina iji duerahye. Sa ye tiquinare Cohãcjũ yequina tiquiro ye duagũ cahmedahye tiquina.

<sup>31</sup> Sa yero Jesu pari turi yahuahye:

—¿Yojopu cjẽna masa disequina yero saha ijiajari tiquina, masa tãhotugũ? <sup>32</sup> Tiquina macanagã yero saha ijire. Apequina tiquina cahmeno saha yeragũ bucuere tiquinagã. Doeri cjẽ duaropu apepe duiye, ohõ saha ni pisuducure tiquinagã basi: “Masa basatire usã putipemi. ¿Dãhsena masa basaerari usã putipegũ? Usã tutuaro ñehe quea utipe, sañuducumi. ¿Masa pehe dãhsena usã mehna utiperari?” niducuyequina yero sahata ijire yojopu cjẽna gãhu. Yojopu cjẽna tiquina cahmeno saha usã yeragũ ihñañe bucuere tiquina gãhu. <sup>33</sup> Ñu wame yeriquiro Cohãcjũre ño peoro taro sijiro, vinore sihniedare. Tiquiro sa sihniedagũ ihñana, “Watĩnore cãore. Sa yero tãho masieniquiro ijire”, nimeri masa tiquirore. <sup>34</sup> Yuhu masu Cohãcjũ ohorigu ijigu, yuhu ihya sihniaja. Yuhu sa yegũ ihñana ohõ saha nine masa yuhu pehere. “Ihñaña. Ahriquiropajiro ihyariquiropajiro, queheriquiro ijire. Wapa ne cohteyequina, ñano yeyequina gãhu tiquina mehna piti tiriquiro ijire tiquiro”, nine masa yuhure. Sa nina macanagã yero saha yahuducuna ijire masa. Masa cahmeno saha usã yeragũ bucuere masa. <sup>35</sup> Sa masiedapenata usã ye ihñorire ihñana,

Cohãcjũ yere usã masigũ masinata masa, ni yahuahye Jesu.

*Simo wame tiriquiro fariseo masuno ya wãhãpu ijiahye Jesu*

<sup>36</sup> Fariseo masuno tiquiro ya wãhãpu ihya dutiro pijiahye Jesure. Tiquiro sa pijigũ Jesu tiquiro ya wãhãpu esa, tiquina ihyari mesa cahapu nuju sahye. <sup>37-38</sup> Ti macapure ñañe yericoro ijiahye. Jesu fariseo masuno ya wãhãpu tiquiro dujigũ ticoro tãhoahye. Sa tãhoro alabastro mehna yeriare ehme sitiye pose tiriare ne cãhta, Jesu behero pehepu wihiduca, utiahye. Sa utiro, Jesu dahpocãrine ticoro yahco co mehna weo, ticoro poari mehna wãhoahye. Tiquiro dahpocãri wãagũ ihñano ticoro tiquiro dahpocãrine ihmi, ehme sitiye mehna pio peohye. <sup>39</sup> Ticoro sa yegũ ihñano fariseo masuno Jesure pijiriquiro tiquiro basi ohõ saha ni tãhotumahye: “Ahricoro tiquirore ñehe tuhuricoro ñañe yericoro ijire. Ahriquiropajiro Jesu Cohãcjũ yere yahu mãhtariquiropajiro tire masiboaga”, ni, tãhotumahye. <sup>40</sup> Tiquiro sa ni tãhotuyere masino Jesu yahuahye tiquirore:

—Simo, yojopu pũritare mahure yahu duaja, niahye Jesu.

—¿Buhegu, yuhure dãhse ni yahu duajari mahu? niahye Simo.

<sup>41</sup> Tiquiro sa nigũ Jesu ohõ saha ni queoye mehna buhe yahuahye:

—Pãhtorore pãaro wapamoñequina ijiahye. Ihcãquiropajiro wapamoriquiropajiro quinientos niñeru cjoerire wapamoahye. Apequiropajiro pehe cincuenta niñeru cjoerire wapamoahye. <sup>42</sup> Sa ye tire tiquina wapa ye masiedagũ ihñano tiquiro tiquina wapamoñene wapa ye dutierahye. ¿Yojopu pũritare diquiropajiro pehe wapamoriquiropajiro tiquiro pãhtorore cahĩ yahdãrotari? ni sinituahye Jesu.

<sup>43</sup> Simo yahtiahye:

—Õbah, pajiro wapamoriquiropajiro mehenogã wapamoriquiropajiro yahdãoro tiquiro pãhtorore cahĩboaga, niahye Simo.

—Poto yahtiri mahu yuhure, niahye Jesu.

<sup>44</sup> Sa ni tuhasa tiquirore pio peoricorore majare ihña, Jesu Simore yahu nemoahye:



—Ahricorore ihñaña m̄h̄u. M̄h̄u ya w̄h̄u ȳh̄u sajã wihiri bato ȳh̄u dahpocãrine coseati acore ȳh̄u ohoerari m̄h̄u. Ahricoro pehe ticoro yahco co mehna ȳh̄u dahpocãrine weo, ticoro poari mehna w̄ori ȳh̄u. <sup>45</sup> M̄h̄u pehe ȳh̄u piti ca ihmiedari. Ahricoro pehe ohõp̄u ȳh̄u dujiro puno ȳh̄u dahpocãrine ihmidi. <sup>46</sup> M̄h̄u pehe ȳh̄u dapure uhse mehna pio peoerari. Ticoro pehe ȳh̄u dahpocãrine ehme sitiye mehna pio peori. <sup>47</sup> Sa niḡu m̄h̄ureta yahuḡta niaja. Ahricoro ticoro ñaÑe yeye pe ȳh̄u ȳh̄u ijire. Sa ijieperota ticoro tutuaro cah̄ine ȳh̄u. Sa yeḡu ticoro ñaÑene bou. Sa yeye tiquina ñaÑene mehenogã ȳh̄u bonohriquina mehenogã cah̄ine ȳh̄u, niahye Jesu Simore.

<sup>48</sup> Sa ni tuhasa tiquiro ticorore yahuahye:

—Yojop̄u p̄ritare m̄h̄u ñaÑe yeyere bou, niahye Jesu.

<sup>49</sup> Tiquiro sa niḡu t̄hoye Jesu mehna dujiyequina tiquina basi ohõ saha ni yahudu-cuahye:

—Ahriquiro potota ñaÑe yeyere boriquiro ijire. ¿Dahse ijiriquiro boro iji-ajari ahriquiro ñaÑene boriquiro? niahye tiquina basi.

<sup>50</sup> Sa yero Jesu numinore ohõ saha ni yahuahye:

—Ȳh̄u m̄h̄u wacũ tutuaḡu m̄h̄u pecap̄u wahaborigore ȳh̄u oaja. Cuero marieno m̄h̄u ya w̄h̄u tojoaa wahaya, niahye Jesu ticorore.

## 8

### *Numia Jesure yedohoahye*

<sup>1</sup> Came b̄j̄ye macarip̄u, daye macariḡap̄u ḡh̄u esa, Cohãcj̄u tiquiro p̄h̄to ijiyere quehnoañe buheyere yahuahye Jesu. Doce tiquiro buheyequina pehe tiquiro mehna ijiahye. <sup>2</sup> Sa ye numia ḡh̄u wat̄a c̄omediquina numia, dohatimediquina numia Jesu quehnoa wahaḡu tiquiro yeriquina numia tiquiro mehna tiniyahye. “María”, tiquina nidicorore “Magdalena”, ni pisue tiahye ticorore. Ticorore siete waf̄are Jesu cohãh̄e to pano. Sa yero ticoro ḡh̄u Jesu mehna tiniyahye. <sup>3</sup> Chuza

wame tiriquire Herodere yedohomediquiro namono Juana ḡh̄u Jesu mehna tiniyahye. Susana wame tiricoro ḡh̄u apequina numia mehna peyequina tiquina c̄oye mehna Jesu ḡh̄u yedohoahye.

### *Jesu oteriquiro quitire yahuahye* (Mt 13.1-9; Mr 4.1-9)

<sup>4</sup> Sa ye peye macari cj̄na Jesu cahap̄u cahmecoahye. Tiquina sa cahmecoari bato Jesu tiquiro t̄hotuye mehna queoye mehna tiquinare yahuahye buhero taro:

<sup>5</sup> —Oteriquiro otero wahahye. Tiquiro sa oteḡu apeye p̄eri maha d̄ht̄u cahap̄u bora quehe sahye. Sa yeye ti p̄erire masa c̄hta diho c̄ahye. Sa ye minicj̄a pari pehe ti p̄erire ihyahye. <sup>6</sup> Sa ye apeye p̄eri ut̄a paca watoa bora quehe sahye. Top̄u yehpap̄u aco mariedahye. Sa ye ti p̄eri p̄h̄ni wahcãd̄ca ñaia wahahye. <sup>7</sup> Apeye p̄eri taa watoa bora quehe sahye. Taa pehe ti oteye mehna p̄h̄niahye. Taa pehe dia ȳh̄u waha, oteyere wej̄ahye. <sup>8</sup> Apeye p̄eri quehnoari yehpap̄u bora quehe sahye. Quehnoano p̄h̄ni, d̄ca tiahye. Sa ye peye d̄ca tiahye, niahye Jesu.

Sa ni tuhasa ohõ saha tutuaro ni nemoahye:

—Ahr̄re quehnoano t̄hoya m̄sa, niahye tiquiro.

### *Jesu queoye mehna tiquiro buherire yahuahye* (Mt 13.10-17; Mr 4.10-12)

<sup>9</sup> Came tiquiro buheyequina ti queoyere masi duaye, Jesure sinituahye:

—¿Ahr̄i queoye mehna dahse ni yahuḡu niajari m̄h̄u? ni, sinituahye tiquina.

<sup>10</sup> Tiquina sa niḡu Jesu yahtiahye:

—Cohãcj̄u masa p̄h̄to tiquiro ijiyere panop̄u apequina tiquina masiedarire m̄sare masiḡu yerota Cohãcj̄u. Apequina pehere sa yerare tiquiro. Tiquinare queoye mehnata buheitja. Ȳh̄u sa yeḡu tiquina ȳh̄u buheyere t̄hoepeta masisi, niahye Jesu tiquiro buheyequinare.

### *Jesu oteriquiro quitire yahu pehoahye* (Mt 13.18-23; Mr 4.13-20)

<sup>11</sup> Sa ni tuhasa tiquinare yahu nemoahye:

—Ohō saha ni yahure ahri quti: Oteye pjeri quehnoañe buheye yero saha ijire. <sup>12</sup> Sa ye maha duhtu cahapu borari pjeri pehe quehnoañe buheye yero saha ijire. Sa yero masa quehnoañe buheyere tiquina tuhogū ihñano watino pehe ahta, ti buheyere masi dutierare masare. Minicjua ti pjerire tiquina dote nediyo saha yere. Tiquiro sa yeragū tiquina Cohācjūre wacū tutuaboa. Tiquina sa wacū tutuagū ihñano Cohācjū pehe tiquinare pecapu wahaboriquinare yuhduoboa. <sup>13</sup> Utā pjeri watoa borari pjeri quehnoañe buheye yero saha ijire. Sa ye masa quehnoañe buheyere tuho, bucueye mehna tire tuho nene. Sa tuho nepeta utā watoa ijiye cju nūhcori marieñe cju yero saha ahriquina masa gūhu tutuerare. Sa tutueraye yeequina tiquina ijiri buhiri apequina tiquinare ñano yegū ihñañe yee pehere duhu cāhre. <sup>14</sup> Sa ye taa watoa borari pjeri quehnoañe buheye yero saha ijire. Sa ye masa quehnoañe buheyere tuhoepeta, ahri yehpa cjēne pajiro bujua witi tuhotu, niñeru pehere cahī, ahri yehpa cjēne bucuere tiquina. Sa yeye ti pehe quehnoañe buheyere cahmotagū, masa pehe quehnoañe pehere yerare. <sup>15</sup> Sa ye quehnoari yehpapu borari pjeri quehnoañe buheye yero saha ijire. Sa yeye masa quehnoañe buheyere tuhoeye, quehnoano mehna ti buheyere yuhducaerare. Sa ye yucugū duca tiro saha quehnoañe buheyere tuhoeyequina pehe Cohācjū tiquiro cahmeno saha quehnoañene yere, niahye Jesu.

*Jesu sihāria quitire buheahye*  
(Mr 4.21-25)

<sup>16</sup> Sa ni tuhasa apeye queoye mehna buheahye tiquiro:

—Ne sihāriare dihi sutu docapu cūedare masa. Sa ye tiare cumuno docapu cūedare. Uhmuanopu tiare duhu peore wuhupū sajā tayequina tiquina quehnoano ihña sajā tato saha. <sup>17</sup> Ijipihtiye tiquina masiedarire came masa masieta. Sihāria buhriogū mari ihña masino saha panopu tiquina masiedarire masieta masa.

<sup>18</sup> Sa yena masa tuhona quehnoano tuho nūnūña. Quehnoano tuho nūnūriquiro,

quehnoano masinota. Tuho nūnūediquiro “Mehenogā tuhoaja”, tiquiro niepegūta ti pehere boaa waharota, niahye Jesu.

*Jesu acaye tiquirore pijiahye*  
(Mt 12.46-50; Mr 3.31-35)

<sup>19</sup> Came Jesu bahana tiquina pacoro mehna tiquiro cahapu wahaye nimahye. Masa peyequina ijigū tiquiro cahapu eserahye. <sup>20</sup> Sa yero ihcāquiro Jesure yahuahye: —Mūhu paco mūhu bahana mehna sopecahapu ducuri. Mūhure ihñañe taye niñohti, niahye tiquiro Jesure.

<sup>21</sup> Tiquiro sa nigū Jesu ohō saha ni yahuahye ijipihtiyequinare:

—Cohācjū buheyere tuhoeyequina, tire yuhducaeyequina tiquinata yūhu paco yūhu bahana yero saha ijire, niahye Jesu tiquinare.

*Jesu wihnonore yūsu dutiahye*  
(Mt 8.23-27; Mr 4.35-41)

<sup>22</sup> Ape deco Jesu tiquiro buheyequina mehna yucasapu sajāhye.

—Isa, pehāhna, ni, tiquina ijipihtiyequina tia mehna ditarapu pehāa wahahye.

<sup>23</sup> Sa pehāno carīa wahahye Jesu. Tiquina sa pehāducuropu tutuaro wihnono wēahye. Wihnono wēgū bujūye pahcōri wahcā, tiquinare mio cāmahye. Sa waharo miono cua yuhduahye tiquinare. <sup>24</sup> Sa wahagū ihñañe, acūaa waha, Jesu cahapu waha, tiquirore wahcōahye.

—Buhegū, mari yariana tana niajū, niahye tiquina.

Tiquina sa nigū Jesu pehe wahcā, wihnonore,

—To punota wē duhuya, niahye.

Sa nino pahcōri gūhare,

—Yūsu wahaya, niahye.

Tiquiro sa nigūta wihnono yuhduahye. Sa ye pahcōri gūhu yūsu dijiaa wahahye. <sup>25</sup> Sa wahari bato Jesu tiquinare ohō saha niahye:

—¿Mūsa yūhure wacū tutuerajari? niahye tiquiro.

Tiquiro sa nigū tiquina pehe cue, acūaa waha, tiquina basi ohō saha ni yahuducahaye:

—¿Yohou, dahse ijiriquiro boro masūno ijiajari ahriquiro? Ahri wihnono, pahcōri

gãhũ tiquiro dutigũ yãhdũcaerare tiquirore, niahye tiquina basi.

*Watĩa cãoriquirore yãhdũoahye Jesu  
(Mt 8.28-34; Mr 5.1-20)*

<sup>26</sup> Sa ye tiquina ape sie pahrẽpũ Gerasa cjẽna ya yehpapũ pehã sahye. Ti yehpa Galilea yehpa poto ijiahye. <sup>27</sup> Topũ Jesu tiquiro maja sadũcagũ waro to cjũno watĩa cãoriquiro tiquiro cahapũ ahtahye. Tiquiro yoari pje suhti marieniquiro ijiro, tiquiro ya wũhũpũre ne ijierahye. Sa yero masa coperi utãpũ tiquina seheri coperi cahapũ ijie tiahye tiquiro. <sup>28-29</sup> Sa ye peye tahari watĩa tiquirore ñeheahye. Sa yero tiquiro peresupũ ijigũ tiquiro omocarine, dahpocãrine come dari mehna dũhteriquiro ijieperota, ti darire tũã sure mũjahye. Sa ye watĩa pehe tiquirore masa marienopũ ne cã mũjae tiahye. Sa yero tiquiro Jesure ihñadoqueo, tutuaro sañuducu, Jesu cahapũ dũsepe curi mehna quehe sahye. Tiquiro sa yegũ ihñano Jesu pehe tiquirore dutiahye:

—Ahriquiro mehna ijieracãhña. Wahaya watĩa, niahye.

Tiquiro sa nigũ tũhoro watĩa cãoriquiro tutuaro sañuducu, sinituahye Jesure:

—¿Jesu, ãhmũse cjũ Cohãcjũ macũ yabere yei tũ niajari mũhũ yãhũre? Yãhũre ñano yeracãhña, niahye watĩa cãoriquiro.

<sup>30</sup> Tiquiro sa nigũ Jesu pehe sinituahye tiquirore:

—¿Dũhse wame tiajari mũhũ? niahye.

Peyequina watĩa tiquiro mehna ijiahye. Sa yero ohõ saha niahye tiquinare cãoriquiro.

—Watĩa peyequina wame tiaja usã, ni, yãhtiahye watĩa cãoriquiro.

<sup>31</sup> —Ëhcũãri coperpũ usãre waha dutieracãhña, ni, tutuaro siniahye watĩa pehe.

<sup>32</sup> Ti pjere topũ cãnũ dahpotopũ yesea peyequina ihyaye niahye. Tiquina topũ ihyagũ ihñãne watĩa ohõ saha ni siniahye Jesure:

—Sisequina yesea cahapũ waha dutiya usãre. Tiquina mehna iji dutiya usãre, ni, siniahye watĩa.

Tiquina sa nigũ tũhoro Jesu tiquinare yesea cahapũ waha dutiahye. <sup>33</sup> Tiquiro sa waha dutiri bato watĩa pehe masũno

mehna ijimediquina waha, yesea cahapũ esahye. Tiquina cahapũ tiquina esari bato yesea pehe pari cjũpũ oma maa buhaa waha, ditarapũ bora ñojoa mini yaria pihtia wahahye.

<sup>34</sup> Yeseare cohteyequina yesea tiquina sa minigũ ihñãne, cue, oma cãa wahahye. Sa oma cã macapũ esa, ti maca cjẽnare, ihquẽ wũhũse ijiro cjẽna gãhũre tiquina ihñarire yahu siteahye. <sup>35</sup> Tiquina sa yahu siteri bato masa ihñãne wahahye. Sa ye Jesu cahapũ esa, watĩa cãomediquirore suhti sañariquiro tũho masiniquiro tiquiro dũjigũ ihñahye tiquina. Tiquina ijipihtiyere ihñãne, tiquina cue niahye. <sup>36</sup> Watĩa cãomediquiro tiquiro quehnoa waharire ihñãnequina apequinare tiquina ihñarire yahuahye. <sup>37</sup> Ti pjeta Gerasa yehpa cjẽna peyequina Jesure tutuaro cueye, tiquirore waha dutiahye. Tiquina sa waha dutigũ Jesu yucũsapũ sajã, waharo taro niahye. <sup>38</sup> Watĩa cãomediquiro Jesu wahato pano tutuaro sinimahye tiquirore:

—Mũhũ mehna waha duaja, ni sinimahye.

<sup>39</sup> Tiquiro sa nigũta Jesu tiquirore yãhtiahye:

—Mũhũ ya macapũ wahaya. Sa wahagũ Cohãcjũ mũhũre tiquiro yerire yahuya apequinare, niahye Jesu.

Tiquiro sa nidi bato waha, tiquiro ya macapũ esaro, masũno pehe Jesu tiquirore yerire ijipihtiyequina tiquiro ya maca cjẽnare yahuahye.

*Jairo maconore yãhdũoro, dii mũna wi-horo dohatiducuricoro gãhũre yãhdũoahye Jesu*

*(Mt 9.18-26; Mr 5.21-43)*

<sup>40</sup> Ape sie pahrẽpũ Jesu pari turi tiquiro pehã sagũ ihñãne masa peyequina tiquirore cohte, bucueye mehna piti cahye tiquirore. <sup>41-42</sup> Topũ judio masa buheri wũhũ cohteriquiro Jairo wame tiriquire Jesu cahapũ esa, tiquiro dahpocãri cahapũ dũsepe curi mehna quehe sahye tiquirore ño peoro. Tiquiro macono yariaro niahye. Ticoro ihcãcorota ijiricoro doce cãhmari cãoricoro ijiahye. Sa yero tiquiro ya wũhũpũ Jesure piji cãhye. “Aũ”, ni, tiquiro mehna wahahye Jesu gãhũ.

Mahapɩ tiquina sa wahagũ pe yãhdũayequina masa ijiye, wahpa yãhdũahye. <sup>43</sup> Sa yero apecoro numino doce cãhmari waro dii mɩna dohatiducuricoro topɩ ijiahye. To pano duturuare ijipihtiye ticoro ye niñeru mehna wapa yemahye ticoro aco ye dutiro. Tiquina sa aco yepegũta mɩnanota ijiducu cãhye ticoro. <sup>44</sup> Sa yero ticoro Jesu behero pehepɩ ahta, tiquiro suhtiro sohtoare ticoro ñehe tuhugũta ticoro dohatiye pihtia wahahye. <sup>45</sup> Ticoro sa ñehe tuhugũ tahoturo Jesu sinituahye.

—¿Noa yãhɩ suhtirore ñehe tuhuajari? niahye tiquiro.

Ijipihtiyequina “Ñehe tuhuerɩ”, niahye. Sa ye Pedro gũhɩ ohõ saha niahye:

—Buhegɩ, bihsarĩne. Sa yeye masa peyequina mɩhɩre ñehe tuhure. ¿Dũhsegɩ sa ni sinituajari mɩhɩ? niahye tiquina Jesure.

<sup>46</sup> Tiquina sa nigũ Jesu yãhtiahye:

—Mianogãta yãhɩ yãhdũgũ yei ihcãcorore. Sa yegɩ yãhɩre ticoro ñehe tuhugũ masiaja, niahye tiquiro.

<sup>47</sup> Tiquiro sa nigũ tãhoro ticoro duhti masiedaro, nanarericoro Jesu cahapɩ dũsepe curi mehna quehe sahye tiquirore ño peoro. Sa ye ijipihtiyequina masa tiquina tãhoropɩ ticoro dohatiyere, Jesure ticoro ñehe tuhurire, ticoro quehnoa waharire yahuahye ticoro. <sup>48</sup> Ticoro yahu tuhasagũ Jesu ticorore yahuahye:

—Maco, yãhɩre mɩhɩ wacũ tutuaye mehna quehnoago tojoare yojopɩre. Bucueye mehna wahaya, niahye ticorore.

<sup>49</sup> Tiquiro sa nini watoa Jairo ya wãhɩpɩ ijiriquiro yahuro wihiahye:

—Mɩhɩ macogã yariaa wahari. Sa yegɩ buheriquirore piji cãhtaeracãhña, niahye tiquiro.

<sup>50</sup> Tiquiro sa nigũ tãhoro, Jairore ohõ saha ni yahuahye Jesu:

—Bũjɩa witi tãhotueracãhña. Yãhɩre wacũ tutuaya. Ti dihitare yeya. Mɩhɩ sa yegũ ticorogã masaa waharota, niahye Jesu.

<sup>51</sup> Sa ni tuhasa tiquiro ya wãhɩpɩ esa, Pedro, Ñu, Santiago, dohatiricoro pacɩsɩmɩa topequinata ne sajãhye. Apequina pehere

Jesu sajã dutierahye. <sup>52</sup> Topɩ ijipihtiyequina masa tiquina ñehe quea utiri watoa sajã sahye Jesu.

—Utieracãhña. Ticorogã yarierare. Carĩno nine, niahye tiquiro.

<sup>53</sup> Tiquiro sa nigũ tãhoye tiquina pehe ticoro yariaricoro ijigũ masiñe, Jesure bũjɩahye. “Sa ni maca cãno nine”, ni bũjɩahye. <sup>54</sup> Sa yero Jesu ticorogã omocare ñehe, pisuahye:

—Mehenicorogã wahcãña, niahye.

<sup>55</sup> Tiquiro sa nigũta yariaricoro masaa waha, wahcãdũca sahye ticorogã. Ticoro wahcãdũcari bato Jesu ticorore ihyayere oho dutiahye. <sup>56</sup> Ticoro sa masagũ ihñañe ticoro pacɩsɩmɩa ihña maria wahahye. Sa yero Jesu tire apequinare yahu dutierahye.

## 9

*Jesu doce tiquiro buheyequinare buhe dutiro ohoahye*

(Mt 10.5-15; Mr 6.7-13)

<sup>1</sup> Sa ye Jesu docere tiquiro buheyequinare pijio, tiquiro tutuayere ohoahye tiquinare. Watĩare tiquina cohãtire, dohatiyequinare yãhdũgũ yeati gũhɩre tiquiro tutuayere ohoahye tiquinare.

<sup>2</sup> Sa ye tuhasa tiquinare Cohãcjũ tiquiro pãhtoro ijiyere buhe dutiro, dohatiyequinare yãhdũo dutiro ohoahye tiquinare.

<sup>3</sup> Ohõ saha ni dutiahye Jesu tiquinare:

—Mɩsa wahana apee borore nedacãhña. Tua dũre, ajurore, ihyayere, niñerure nedacãhña. Mɩsa sañano dihitare saña cãhña. Apeye suhtire nedacãhña.

<sup>4</sup> Ijipihtiye macaripɩ mɩsare tiquina carĩno ohogũ ti wãhɩpɩta ijiniña. Coã wahanapɩ wijiaya ti wãhɩre. <sup>5</sup> Apeye macari cjẽna mɩsare tiquina cahmedagũ ihñaana ti macarine yãhdũ cãa wahaya. Sa wahana mɩsa dahpocãri cjẽ dihta esa wahãrire wejẽ site cũña mɩsa tiquinare tiquina ye buhirire masigũ yena, niahye Jesu.

<sup>6</sup> Tiquiro sa nidi bato tiquiro buheyequina pehe waha, ijipihtiye macaripɩ quehnoañe buheyere yahu tiniahye. Sa ye dohatiyequinare yãhdũoe tiahye.

*Jesu tiquiro yerire Herode tãhoahye*

(Mt 14.1-12; Mr 6.14-29)

7 Sa ye Herode Galilea yehpa cjēna p̄h̄toro Jesu yerire t̄hoahye. “¿Noa boro ijiajari tiquiro Jesu?” nieperota ne masiedahye. Ihquēquina ohō saha nimahye Jesure. “Ñu wame yeriquiro m̄n̄ano masa m̄jahye. Sa yero ‘Jesu’, tiquina nidiquiro tiquirota ijire”, nimahye ihquēquina. Tiquina sa nigū t̄horo Herode Jesure d̄h̄se ni masiedahye. 8 Sa ye apequina “Tiquiro Elia m̄n̄ano yojop̄u bajuaro nine”, nimahye. Apequina pehe “Cohācjū yere yahu m̄htariquina panop̄u cjēna mehna cjāno yojop̄u masa bajuaro nine”, nimahye Jesure. 9 Tiquina sa ni yahuducuepegūta ohō saha ni t̄hotuahye Herode: “Ñu dapure d̄te sure duti tuhasa ūh̄u. ¿Yojop̄u ijiriquiro masa tiquina yahuriquiro noa boro ijiboagari tiquiro pehe?” ni, t̄hoturo tiquiro Jesure ih̄ña duamahye.

*Jesu cinco mil masare ihyayere ohoahye  
(Mt 14.13-21; Mr 6.30-44; Jn 6.1-14)*

10 Sa ye Jesu tiquiro ohoriquina tiquiro cahap̄u tojoa sa, tiquina yerire yahuahye Jesure. Tiquina yahu tuhasagū Jesu tiquina dihitare Betsaida wame tiri macap̄u siho wahahye. 11 Tiquina waharire masiñe, masa peyequina tiquinare n̄n̄n̄ t̄a c̄a wahahye. Jesure tiquina ūm̄u sagū ih̄ñano piti cahye Jesu tiquinare. Sa yero tiquiro Cohācjū p̄h̄toro ijiyere tiquinare yahu, dohatiyequinare ȳhd̄ugū yeahye.

12 Ñamicahap̄u doce tiquiro buheyequina tiquiro cahap̄u esa, Jesure yahuahye:

—Ohō masa marienop̄u ijire. Ohō majano cjē w̄h̄u sep̄u ahriquina masare ohoya. Carīato, tiquina ihyati ḡh̄uare maca dutiya tiquinare, niahye tiquina Jesure.

13-14 Tiquina sa nigū Jesu ȳhtiahye tiquinare:

—Sa niedac̄h̄ña. Ihyayere ohoya tiquinare, niahye.

Tiquiro sa nigū t̄hoye tiquina ȳhtiahye:

—Ihc̄a omope paca p̄a paca, p̄aro wahi to punota c̄oaja mari. ¿Ahriquina peyequina masa tiquina ihyatire d̄uboagari ūs̄a? niahye tiquiro buheyequina.

Peyequina masa tiquina ijigū ih̄ñañe sa niahye tiquiro buheyequina. Top̄u are cinco mil ūm̄u ijiahye. Sa yero Jesu yahuahye tiquiro buheyequinare:

—Cincuenta masare ihc̄a curua duji dutiya. Apeye cururi ḡh̄uare topequinata duji dutiya, niahye Jesu tiquiro buheyequinare.

15 Tiquiro sa nigū buheyequina tiquiro dutiro sahata ye, ijipihtiyequina masare duji dutiahye. 16 Duji duti tuhasa Jesu ihc̄a omope paca p̄a pacare p̄aro wahire ne, ūm̄u anop̄u ih̄ña m̄oahye. Sa ih̄ña m̄ono Cohācjūre “Quehnoare”, niahye. Tiquiro sa nidi bato p̄a pacare nuha, tiquiro buheyequinare masare iti dutiro ohoahye. 17 Sa ye tiquina ijipihtiyequina masa ihya, yapi ȳhd̄u wahahye. Tiquina yapi wehorire doce p̄h̄u se ne cahmecoa wahpo dapoahye tiquiro buheyequina.

*Jesu potota Cristo tiquiro ijiyere Cohācjū  
ohoriquiro tiquiro ijiyere yahuahye Pedro  
(Mt 16.13-19; Mr 8.27-29)*

18 Ihc̄a deco Jesu ihc̄aquirotā ijiro, Cohācjūre sinino niahye. Tiquiro sinini watoa tiquiro buheyequina tiquiro cahap̄u esahye. Sa yero Jesu sinituahye tiquinare:

—¿Noa boro ijiajari ȳh̄u, masa ȳh̄u are tiquina t̄hotugū? ni sinituahye.

Tiquiro sa sinitugū t̄hoye tiquiro buheyequina ȳhtiahye:

19 —“Ñu wame yeriquiro ijire”, nine m̄h̄u are. Apequina “Elia ijire”, nine. Apequina “Cohācjū yere yahu m̄htariquina mehna cjāno panop̄u cjāno masa bajuaro nine yojop̄u are”, nine, ni ȳhtiahye tiquiro buheyequina pehe tiquirore.

20 Tiquina sa nidi bato Jesu tiquinare sinituahye tja:

—¿M̄u sa pehe m̄u sa t̄hotugū, noa boro ijiajari ȳh̄u? ni, sinituahye tja.

—M̄h̄u Cristo Cohācjū ohorigū ijire, ni ȳhtiahye Pedro.

*Jesu tiquiro yaria masa wijiatire  
yahuahye*

*(Mt 16.20-28; Mr 8.30-9.1)*

21 Sa ye Pedro “Cristo ijire m̄h̄u”, tiquiro nidire apequinare Jesu yahu site dutierahye tiquiro buheyequinare. 22 Sa ni yahu site dutiera tuhasa ohō saha ni nemoahye:

—Yũhũ masũ Cohãcjũ ohorigũ tutuaro ñano yũhdũta. Sata yũhdũro cahmene yũhũre. Sa ye mari judio masare buheye-quina, bũcũna, pahia pũhũa mehma yũhũre cahmeda, yũhũre wejẽeta. Tiquina wejẽdi bato ihtia deco wahaboro masa wijiagũtja, niahye Jesu tiquinare.

<sup>23</sup> Came ijipihtiyequinare ohõ saha ni yahuahye Jesu:

—Ihcãquiro yaquiro iji duaro, tiquiro cahmeno ye duamedire duhu cãnota. Sa yero yaquiro tiquiro ijiri buhiri ñano yũhdũeperota yũhũre duhusi. Sa yero yeere yeducuriquiro ijirota. <sup>24</sup> Masũno yũhũre wacũno marieno tiquiro esa tuhãro tiquiro cahmeno saha yero, pecarũ waharota. Sa yero yeere sa yeducuriquiro ijipihtiyere decori yũhũ mehma uhmũseperũ ijiducurota. <sup>25</sup> ¿Ihcãquiro masũno ahri yehpa cjẽne ijipihtiyere cãoriquiro Cohãcjũre cahmedaro pecarũ waharo, yabere wapatajari tiquiro? Sa ijiriquiro ne wapataerare. <sup>26</sup> Ihquẽquina yũhũre, yũhũ buheye gũhũre bũe tisãboaga. Tiquina sa yegũ ihũagũ yũhũ gũhũ yũhũre sa yeyequinare bũe tisãgũtja. Yũhũ masũ Cohãcjũ ohorigũ quehnoañequina angele mehma usã asi siteropũ, yũhũ Pacũ tiquiro asi siteropũ tojoa tagũ tiquinare bũe tisãgũta. <sup>27</sup> Poto niita niaja mũsare. Yo-jopũre ihquẽquina mũsa ohõpũre ijiyequina mũsa yariato pano Cohãcjũ ijipihtiyequina bui pũhũto tiquiro iji dũcagũ ihũanata mũsa, niahye Jesu tiquinare.

*Jesu tiquiro pagũre comesahye*  
(Mt 17.1-8; Mr 9.2-8)

<sup>28</sup> Sa ye ocho decori tire tiquiro yahuri bato Jesu Pedrorẽ, Ñure, Santiagore tiquina dihitare pijiahye. Sa ye waha, Cohãcjũre siniñe waha, cãnrũ mũjaa wahahye tiquina. <sup>29</sup> Cohãcjũre tiquiro sinini watoa Jesu ya wũhũdoa comesahye. Sa yero tiquiro suhtiro asi siteri suhtiro quehnoano yehseri suhtiro wahahye. <sup>30</sup> Tiquiro sa wahari watoa pũaro uhmũ tiquiro mehma yahuducuye niahye. Yahuducuyequina pehe Elia mũnãno, Moise mũnãno gũhũ ijiahye. <sup>31</sup> Tiquina uhmũse cjẽ asi siteye mehma bajuahye. Jesu camegãta Jerusalẽpũ tiquiro yariatire

tiquina Jesu mehma yahuducuye niahye. <sup>32</sup> Pedro gũhũre wũjũa purĩ yũhdũahye. Sa carĩepeta acũa, wahcã wihi, Jesu tiquiro asi siteyere ihũañe, pũaro tiquiro mehma ducuyequina gũhũre ihũahye. <sup>33</sup> Moise mũnãno gũhũ tiquina wahato panogã Pedro Jesure ohõ saha niahye:

—Pũhto, mari ohõre ijigũ quehnoa duare. Ihtia wũhũgã yematja. Mũhũ ya wũhũgã, Moise ya wũhũgã, Elia ya wũhũgã yematja, niahye Pedro.

Sa nieperota tiquiro nidire ne masiedahye.

<sup>34</sup> Tiquiro sa ni yahuducuri watoa tiquinare ehmeo curua cahmotahye. Sa cahmotagũ ihũañe tiquina cuea wahahye.

<sup>35</sup> Sa yero ehmeo puhĩarũ yahuducuye bisiro ca tahye:

—Ahriquiro yũhũ macũ, yũhũ beseriquiro ijire. Quehnoano tũhoya tiquirore, nino ca tahye ehmeo curua puhĩarũ.

<sup>36</sup> Tiquiro sa nidi bato Jesu dihitare ihũahye tiquina. Came tiquina ihũarire apequinare yahuerahye. Ne ihcãquirore yahuerahye.

*Jesu watĩno cãoriquirogãre yũhdũoahye*  
(Mt 17.14-21; Mr 9.14-29)

<sup>37</sup> Ape deco tiquina cãnrũ tiquina dijia tagũ peyequina masa Jesure piti cahye.

<sup>38</sup> Sa yero tiquina mehma cjãno Jesure pisuahye:

—Buhegũ, mũhũre tutuaro ahrire sini duaja yũhũ. Yũhũ macũ ihcãquirota ijire. Sa yegũ tiquirore ihũa basaya mũhũ. <sup>39</sup> Watĩno tiquirore ñehe, sañuducu tunu nanaregũ ye, sahpo tua wahagũ yee tire. Sa yero watĩno yũhũ macũre ñano yũhdũgũ ye, ne duhu duerare. <sup>40</sup> Mũhũ buheyequinare watĩnore cohã dutigũ tutuaro sinimi. Yũhũ sa siniepegũta tiquina tiquirore cohã masiedari, niahye tiquiro Jesure.

<sup>41</sup> Tiquiro sa nigũ Jesu pehe ohõ saha niahye tiquiro buheyequinare:

—Yojopũ cjẽna mũsa ñana ijire. ¿Yũhũre ne wacũ tutuerabutiajari? Yoabutiari pje mũsare buhemi yũhũ. ¿Noho puno yoari pje yũhũre mũsa cariboboagari? ni tuhtiahye Jesu.

Sa ni tuhasa watĩa cãoriquiro pacũrore ohõ saha niahye:

—Muhu macure ne cãhtaya, niahye.

<sup>42</sup> Tiquiro sa nidi bato tiquiro macuno Jesu cahapu tiquiro ahtari watoa watino pehe tiquirore yehpamu doque quehe sa, tunu nanaregã yeahye. Tiquiro sa yegã Jesu watinore waha dutiahye. Tiquiro sa dutigã watinore cãoriquirogã yuhdu wahahye. Sa yero Jesu pehe tiquirogãre wiahye tiquiro pacurore.

<sup>43</sup> Ijipihtiyequina masa Cohãcjũ tutuaye mehna tiquiro quehnoa wahagã ihñañe, ihña maria wahahye.

*Pari turi Jesu tiquiro yaria masa wiji-  
atire yahuahye*

*(Mt 17.22-23; Mr 9.30-32)*

Masa Jesu tiquiro yerire tiquina ihña, ihña maria wahagã Jesu pehe tiquiro buheyequinare ohõ saha ni yahuahye:

<sup>44</sup> —Mianogãta yuhu yahuatire boeracãhña masa. Yuhure Cohãcjũ tiquiro ohorigure apequiro yuhure ñehe dutiro ohorota masare, niahye Jesu.

<sup>45</sup> Tiquiro sa niepegãta tiquina pehe tiquiro yahuyere quehnoano tuhoerahye. Tiquiro yahurire tiquinare masino basioerahye. Ti pjeta Cohãcjũ tiquinare tire tuho dutiero niahye. Sa ye tiquina cueye, tire tiquirore sinituerahye.

*Jesu buheyequina tiquina mehna cjãnore  
puhto sã duamahye*

*(Mt 18.1-5; Mr 9.33-37)*

<sup>46</sup> Came Jesu buheyequina cahme sehña soye niahye:

—¿Mari mehna cjãno diquiro pehe puhtoro sajãnotari? niñe niahye tiquina basi.

<sup>47</sup> Tiquina sa nigã Jesu pehe tiquina tuhotuyere masino, nijinogãre tiquiro cahapu ducu duti, tiquiro buheyequinare yahuahye:

<sup>48</sup> —Yeere yena tana ahriquirrogãre cahmena, yuhu gãhure cahmene masa. Sa yena yuhure cahmena, yuhure ohoriquiro gãhure cahmene masa. Masa mehna cjãno masa cahacjãno ijiro tiquiro gãhu puhtoro ijirota, niahye Jesu.

*Marine ihña tuhtiriquiro ijieraro, mari  
mehna cjãno ijire*

*(Mr 9.38-40)*

<sup>49</sup> Came Ñu Jesure ohõ saha ni yahuahye:

—Buhegu, muhu wame mehna watãre cohãriquirore usã ihña. Mari mehna cjãno tiquiro ijieragã ihñana tire tiquirore ye dutieru usã, niahye Ñu Jesure.

<sup>50</sup> Tiquiro sa nigã Jesu Ñure apequina buheyequina gãhure ohõ saha ni yahuahye:

—Sa niedacãhña masa tiquirore. Marine ihña tuhtiriquiro ijieraro, tiquiro mari mehna cjãno ijire, niahye Jesu tiquiro buheyequinare.

*Jesu Santiagore, Ñu gãhure tuhtiahye*

<sup>51</sup> Ti pjere Jesu uhmusepu tiquiro wato panogã, “Jerusalẽpu wahaũtja”, niahye tiquiro. Sa nino topu waharo niahye. <sup>52</sup> Sa ye Jesu tiquiro pano ohoriquina waha, Samaria yehpa cjã macapu esa, topu Jesu tiquiro ijiatire quehno duamahye. <sup>53</sup> Jesu Jerusalẽpu waharo taro niahye. Topu wahatiquiro tiquiro ijigã tuho, to cjãna tiquirore cahmedahye. <sup>54</sup> Tire tuho Santiago, Ñu mehna yahuahye Jesure:

—Puhto, muhu cahmegã uhmuse cjã peca mehna tiquinare wejẽ dutinata, niahye tiquina tiquirore.

<sup>55</sup> Tiquina sa nigã Jesu majare ihña, tuhtiahye tiquina puarore.

<sup>56</sup> Sa tuhti tuhasa, ape macapu Jesu gãhu wahaa wahahye.

*Apequina Jesu mehna wahamahye*

*(Mt 8.19-22)*

<sup>57</sup> Ti mahapu tiquina wahagã, ihcãquiro Jesure yahuahye:

—Muhu mehna waha duaja noho muhu waharopu, niahye tiquiro.

<sup>58</sup> Tiquiro sa ni tuhasagã Jesu yuhtiahye:

—Ihquẽquina nucu cjãna wahiquina tiquina coperi cãore. Minicjã gãhu tiquina suhti cãore. Yuhu masu Cohãcjũ ohorigu pehe yuhu carĩni wuhu cãoeraja, niahye Jesu.

<sup>59</sup> Came apequirore Jesu pijiahye:

—Yuhu mehna cjã ijiajã ahtaya, niahye.

Tiquiro sa nigã yuhtiahye Jesure:

—Puhto, yuhu pacu tiquiro yariagã yarĩgutja. Sa ya tuhasagu puřita muhu mehna wahagũtja, niahye tiquiro.

<sup>60</sup> Tiquiro sa nigã Jesu yahuahye:

—Yahure cahmeeñequina yariariquina yero saha ijire. Tiquina pehe yariariquinare yaahro. Sa yegü mühu pehe Cohãcjü tiquiro pãhtoro ijiyere quehnoañe buheyere buhegü ahtaya, niahye Jesu tiquirore.

<sup>61</sup> Sa yero apequiro Jesure ohõ saha niahye:

—Pãhto, mühu mehna wahaütja. Mühu mehna yahü wahaütja, niahye tiquiro Jesure.

<sup>62</sup> Tiquiro sa nigã Jesu yahuahye tiquirore:

—Dahrariquiro dahra dueraro tiquiro dahseatiquiro ijierare. Tiquiro yero sahata ijiriquiro ohõ saha ijire: “Cohãcjü yere ye duaja”, nieperota tire yerare. Tiquiro Cohãcjü yaquiro ijiboriquiro ijierare, niahye Jesu.

## 10

### *Jesu setenta y dos buheyequinare buhe dutiro ohoahye*

<sup>1</sup> Came Jesu apequina buheyequinare setenta y dos buheyequinare bese, macaripü tiquiro wahaütja pano ohoyuahye. Ti macarine püeyequina dihita ohoyuahye tiquiro. <sup>2</sup> Sa ohoyuro ohõ saha ni yahuahye tiquinare queoye mehna buhero:

—Trigo peye ti bucua tuhasagã peye ijigã dahraye pajiro ijire. Sa ijiepegãta dahrayequina pehe meheñequinagã ijire. Sata quehnoañe buheyere tãhoatiquina peyequina ijigã pajiro ijire mari dahraye. Sa ijiepegãta meheñequinagã dahrari masa yero sahata quehnoañe buheyere buheatiquina gũhu meheñequinagã ijire. Sa yena quehnoañe buheyere buheatiquinare apequinare tiquiro ohoatire siniña Cohãcjüre müsa. <sup>3</sup> Wahaya müsa. Müsare yahü ohogã müsa oveja pohne yayia watoa tiquina ijiro sahata müsa gũhu ñañequina usuayequina watoa ijinata. <sup>4</sup> Niñeru ajurore, paji cjüri ajuro gũhure, dahpo suhtire nedacãhña. Müsa mahapü tinina apequinare boca sa yahuducueracãhña. Poto wahaya. <sup>5</sup> Ijipihtiye müsa sañañe wãhãsepü sañaña, “Ahri wãhã cjëna quehnoano ijiahro”, ni mühtaña. <sup>6</sup> Ti wãhã cjëna quehnoano mehna ijieyequina

cahmequeno marieñequina tiquina ijigã, tire niña tiquinare. Quehnoano mehna tiquina ijieragã ihñana ti wãhã cjëna sa niedacãhña. <sup>7</sup> Ihcã wãhãpü saña saducana tiquina quehnoañequina ijigã ti wãhãpüta tojoaya. Topü tiquina duhu peorire ihya, sihniña. Dahrayequinare tiquina wapatayere neno cahmene. Sa yena tiquina wapatayere tiquina neno sahata tiquina duhu peorire neña müsa gũhu. Sa yena ihcã wãhãpüta müsa esari wãhãpüta ijina, ti maca cjë wãhãsepü carï tiniedacãhña. <sup>8</sup> Macapüre müsa esana to cjëna pehe müsare tiquina cahmeeñequina ijigã ti ihyayere tiquina duhu peorire ihyaya. <sup>9</sup> To cjëna dohatieyequinare yahduoya. Sa yena ohõ saha niña to cjëna: “Cohãcjü yojopüre mari pãhtoro tiquiro ijiahi mehenogã dahsare”, niña tiquinare. <sup>10</sup> Ape macapü müsa esagã tiquina pehe müsare cahmedaboaga. Tiquina cahmedagã ihñana ti maca decopü waha, ohõ saha niña tiquinare. <sup>11</sup> “Ahri maca cjë dihtare dahpocãri cjë dihtare wejë site cohãna niaja usãre müsa cahmedari buhiri ihñona. Sa yena ahrire wacũña. Cohãcjü mari pãhtoro yojopüre tiquiro ijiahi mehenogã dahsare”, niña tiquinare. <sup>12</sup> Müsare poto niita niaja. Sodoma cjëna ña yahduayequina ijiahye. Tiquina sa ijiepegãta pihtati deco ijigã Cohãcjü tiquiro buhiri dahreati deco ijigã Sodoma cjëna yahduoro müsare cahmeeñequina pehere buhiri dahrerota, niahye Jesu.

*Apeye macari cjëna Cohãcjüre yahduayequina ijire*

*(Mt 11.20-24)*

<sup>13</sup> Came Jesu ohõ saha niahye macari cjëna:

—Corazín cjãna, müsa ñano yahduñata. Betsaida cjãna, müsa gũhu ñano yahduñata. Müsa ye macaripüre Cohãcjü tutuaye mehna ye ihñomi. Tiro wame tiri macare, Sidõ wame tiri maca gũhure tiquiro tutuaye mehna yahü ye ihñogã ihñañe panopü to cjëna pehe tiquina ñañene büjua witiboaga. Sa ye quehnoañene comesaboaga. Duita tiquina masa dija suhtire saña, tiquina basi peca cjë nujuare tiquina bui dahra site peoboaga tiquina



ñañene bujua witiyere ihñoñe. <sup>14</sup> Cohãcjũ tiquiro buhiri dahreati deco ijigũ Tiro cjẽna, Sidõ cjẽna yũhdũoro mũasa pehere mũasa ñari buhiri mũasare tutuaro buhiri dahrerota tiquiro. <sup>15</sup> Capernau cjãna, mũasa esa tuharo ãhmũsepũ waha duamene. Mũasa sa waha duepegũta mũasa ñari buhiri mũasare Cohãcjũ pecarũ cohãnota, niahye Jesu.

<sup>16</sup> Sa ni tuhasa Jesu tiquiro buheyequinare yahuahye:

—Mũasare tũhoyequina yũhũ gãhũre tũhore. Mũasare cahmeeñequina, yũhũ gãhũre cahmedare. Sa yeye yũhũre cahmeeñequina, tiquina yũhũre ohoriquiro gãhũre cahmedare, niahye Jesu tiquinare.

*Setenta y dos buheyequina tojoa wihi-ahye*

<sup>17</sup> Came setenta y dos buheyequina bucueye mehna tojoa wihihaye:

—Pũhto, mũhũ wame mehna mũhũ tutuaye mehna watĩare usã dutigũ tiquina pehe usãre yũhdũdũcaerare, niahye tiquina Jesure.

<sup>18</sup> Tiquina sa nigũ Jesu yũhtiahye tiquinare:

—Ëhmũsepũ mia sitedoque dijoro sahata, watĩno tiquiro bora dijia tagũ ihñaa. <sup>19</sup> Quehnoano tũhoya. Mũasare yũhũ tutuayere ohou yũhũ. Sa yegũ añaa parire, cutipa parire, watĩnore marine ihña tuhtiriquirore mũasa yũhdũdũcatire ohou yũhũ. Sa ye tiquina mũasare ñano ye masiedare. <sup>20</sup> Yũhũ sa ohoepegũta watĩa mũasare tiquina yũhdũdũcaeragũ ihñana ti dihitare bucueracãhña. Ahri pehere bucueya. Ëhmũsepũ Cohãcjũ yequina tiquina wamene tiquiro ojoa ohõri tjupũ mũasa wamene tiquiro ojoa ohõgũ ihñana, ti pehere bucueya mũasa, niahye Jesu tiquinare.

*Jesu bucueahye*

*(Mt 11.25-27; 13.16-17)*

<sup>21</sup> Ti pjere Espĩritu Santo Jesure tutuaro bucuegũ yeahye. Sa yero Jesu ohõ saha niahye:

—Mai, mũhũ ãhmũsepũ gãhũre yehparũ gãhũre pũhto ijire. Masi yũhdũdũcayequinare mũhũ yahuerarire ihyo ijiyequina pehere yahuri mũhũ. Mũhũ sa yegũ ihñagũ

“Quehnoa yũhdũare”, niaja. Sata ijire mai. Mũhũ ye duariro sahata, mũhũ cahmediro sahata tiquinare mũhũ yere yahuri mũhũ, niahye Jesu.

Sa ni tuhasa apequinare ohõ saha niahye:

<sup>22</sup> —Yũhũ Pacũ ijipihtiyere yũhũre ohori. Yũhũ Pacũ dihita yũhũre masine. Yũhũ gãhũ tiquirore masiaja. Yũhũ beseriquina gãhũ tiquirore masine, yũhũ masi dutiyequina ijiye. Topequinata yũhũ Pacũre masiaja usã, niahye Jesu.

<sup>23</sup> Tiquiro sa nidi bato tiquina sehsaro ijigũ Jesu tiquiro buheyequinare ohõ saha niahye:

—Ahri ijipihtiyere mũasa ihñana bucuenta ijire. <sup>24</sup> Ijirota ijire. Peyequina Cohãcjũ yere yahu mũhtariquina, ihquẽ yehpari cjẽna pũhto gãhũ yojopũ mũasa ihñarire ihña duamahye tiquina gãhũ. Sa ye mũasa tũhori gãhũre tũho duamahye, niahye Jesu.

*Quehnoariquiro Samaria cjãno quitire yahuahye Jesu*

<sup>25</sup> Ti pjeta judio masare buheriquiro Jesu caharũ wihi, Jesure tiquiro ñano yahuducugũ ye duamahye:

—¿Buhegũ, yũhũ ijipihtiyere decori Cohãcjũ mehna iji duagũ dũhse yeboagari yũhũ? ni, sinituahye tiquiro Jesure.

<sup>26</sup> Tiquiro sa nigũ Jesu yũhtiahye tiquirore:

—¿Dũhse ni yahuajari Cohãcjũ yere tiquina ojoari pũpũ? ¿Cohãcjũ tiquiro ni ojoarire dũhse ni tũhotuajari mũhũ? niahye Jesu tiquirore.

<sup>27</sup> Jesu sa nigũ tiquiro yũhtiahye:

—Ohõ saha niahye Cohãcjũ: “Tutuaro mũasa jeripohnari mehna, quehnoano mũasa tutuaye mehna, mũasa wacũñe mehna Cohãcjũre cahĩña. Sa ye mũhũ basi mũhũ cahĩno saha mũhũ caharũ ijiyequina gãhũre cahĩña”, niahye tiquiro Jesure.

<sup>28</sup> Tiquiro sa nigũ Jesu yũhtiahye:

—Potota nine mũhũ. Tire yeya. Sa yegũ ijipihtiyere decori Cohãcjũ mehna ijigũta mũhũ, niahye tiquirore.

<sup>29</sup> “Ahriquiro Cohãcjũ dutiyere ye pehoriquiro ijire”, masa tiquirore tiquina ni ihñagũ cahmeahye judio masare

buhერიკირო. Sa cahmeno tiquiro Jesure ohō saha ni sinituahye:

—¿Noa boro ijiboagari yuhure mahu cahĩ dutiriquiro? niahye tiquiro.

<sup>30</sup> Tiquiro sa nigũ Jesu ohō saha ni queoye mehna piti dahre buheahye:

—Ihcã deco Jerusalẽpũ ahtariquiro Jericópũ wahariquirore mahapũ tiquiro tinigũ yaqueyequina tiquirore ñeheahye. Sa ñeheñe, tiquiro suhtirore tu we ne, tiquirore tutuaro quẽahye. Sa tutuaro quẽ, tiquiro yariaro taro yegũ duhuahye tiquina tiquirore. <sup>31</sup> Ti pjeta pahi ti mahapũ ahtahye. Sa ahtaro tiquina quẽdiquirore ihñaeperota maha ape sie duhtũ cahapũ yuhdu cãa wahahye. <sup>32</sup> Sa ye Cohãcjũ wuhũpũ dahrariquiro gũhũ pejecũoriquiro cahapũ esa, tiquirore ihña, maha ape siepũ yuhdu cãa wahahye. <sup>33</sup> Sa ye Samaria cjũno pehe topũ waha, yoa cjũnopũ pejecũoriquirore ihña, tiquirore paja ihñahye. <sup>34</sup> Sa yero tiquiro pejecũoriquiro cahapũ esa, uhse, vino mehna moredire tiquiro camine pio peohye. Pio peo tuhasa suhtiro cahsero mehna duhteahye tiquiro camine. Tuhasa, pejecũoriquirore tiquiro yaquiro burro bui duhu peo, carĩni wuhũpũ ne cãhye tiquirore. Topũ ijero, Samaria cjũno quehnoano ihña ihboahye tiquirore. <sup>35</sup> Ape deco tiquiro carĩni wuhũ upũrore pũa cjoe niñeru cjoerire oho, ohō saha niahye: “Ahriquiroro ihña ihboya. Ahri esa tuhaeragũ pari turi tojoa tagũ wapa ye pehoutja”, niahye Samaria cjũno wuhũ upũrore, niahye Jesu.

<sup>36</sup> Sa ni tuhasa judio masare buheriquirore sinituahye Jesu:

—¿Ahriquina ihtiaro umua diquiro pehe ijiajari pejecũoriquirore cahĩdiquiro? niahye Jesu.

<sup>37</sup> Tiquiro sa nigũ tuhoro buheriquiro pehe Jesure yuhtiahye:

—Pejecũoriquirore yedohoriquiro iji-aga tiquirore cahĩdiquiro, niahye tiquiro Jesure.

—Wahaya. Mũhũ gũhũ masare sata yei wahaya, niahye Jesu buheriquirore.

*Marta, María gũhũ cahapũ tiniahye Jesu*

<sup>38</sup> Sa ye Jesu tiquiro buheyequina mehna tiquina wahagũ, ape macapũ tiquina tinigũ, Marta wame tiricoro tiquinare ticoro ya wuhũpũ sajã ta dutiahye. <sup>39</sup> Ticoro bahoro María tiquiro dahpocãri cahapũ duji, tiquiro buheyere tuhoahye. <sup>40</sup> Ticoro sa yegũ ihñano Marta ticoro dahraye peye ijigũ usuahye. Sa yero ticoro Jesure yahuahye:

—¿Puhto, yuhũ ihcõta dahragũ yuhure yuhũ baho ticoro yedohoeragũ mahu quehnoajari, mahu ihñagũ? Ticorore yuhure yedoho dutiya, niahye Marta Jesure.

<sup>41</sup> Ticoro sa nigũ Jesu yuhtiahye:

—Marta, dahraye peye cũogo pajiro tuhoture mahu. <sup>42</sup> Cohãcjũ tiquiro yere tuho dutire. María quehnoañene yero taro, tire cahmene. Sa yegũ yuhure ticoro tuhogũ “Yedohogo wahaya”, niedaja ticorore, niahye Jesu Martare.

## 11

*Jesu Cohãcjũre siniñene buheahye*

*(Mt 6.9-15; 7.7-11)*

<sup>1</sup> Ihcã deco Jesu Cohãcjũre sinino niahye. Tiquiro sini tuhasagũ, ihcãquiro tiquiro buheyequina mehna cjũno tiquirore ohō saha niahye:

—Puhto, Ñũ tiquiro buheyequinare tiquiro buheriro sahata Cohãcjũre siniñene usã gũhare buheya mahu, niahye tiquiro Jesure.

<sup>2</sup> Tiquiro sa nigũ tuhoro Jesu tiquinare yahuahye:

—Ohō saha Cohãcjũre siniña: “Usã Pacũ, uhmuse cjũ mahu quehnoagũ sa ijiducure. Yojopũre ijipihtiyequina puhto ijiya. <sup>3</sup> Sa yegũ decoripe usã ihyatire ohoducuya usãre.

<sup>4</sup> Apequina usãre tiquina ñañe yerire usã boaja. Sa yegũ mahu gũhũ usã ñañe yerire boya. Sa yegũ usã ñañene ye duagũ usã tutuaro cahmegũ ihñagũ tire usãre ye dutiegũta”, ni siniña Cohãcjũre, niahye Jesu tiquinare.

<sup>5</sup> Came Jesu quitu mehna tiquiro buheyequinare ohō saha ni buheahye:

—Ihcãquiro ñami decopu tiquiro acayuro ya wuhuru waha, tiquirore siniahye: “Yuhuru acayuru, ihtiaría pã pacare ohoya yuhure. <sup>6</sup> Apequiro yuhuru acayuro tinino ahtariquiro mianogãta ya wuhuru wihiri. Sa yegu tiquirore yuhuru nuati mariedare”, niahye tiquiro acayurore. <sup>7</sup> Tiquiro sa nigũ tiquiro acayuro wuhuru puhiaru ijiriquiro yuhuriahye: “Yuhure cariboer-acãhã. Sopecaha bihariro ijire. Yuhuru, yuhuru pohna mehna carina niaja. Wahcãno pjeraga yuhure mahure ihyayere ohoborigu”, niahye tiquiro acayuro. <sup>8</sup> ¿Duhse waharotari sinidiquirore? Poto niaja musare. Tiquiro acayuro ijieperota, ihyaye ohoborigu wahcã duerahye. Tiquiro wahcã duerapegãta ihyaye sinidiquiro pehe buere tiro marieno tiquiro yoari pje siniducugũ ijipihtiyere tiquiro sinidiro sahata ohorota. <sup>9</sup> Sa yegu ahrire musare ni yahugu niaja: Cohãcjũre siniña. Sa sinina musa nenata. Musa sinidire bocanata. Tiquirore sa siniducuya. Musa sa yegũ tiquiro ohorota. <sup>10</sup> Ijipihtiyequina Cohãcjũre siniñequina neeta. Sa ye tiquina sinidire bocaeta. Sa yero ijipihtiyequina Cohãcjũre sa siniducuyequinare tiquiro tiquinare ohorota.

<sup>11</sup> ¿Musa pohna musare wahire tiquina sinigũ añare ohoboagari musa tiquinare? <sup>12</sup> ¿Musa pohna canaca dũere tiquina sinigũ cutipare ohoboagari musa tiquinare? Ne ohosi. <sup>13</sup> Musa ñana ijiepenata musa pohna quehnoañene ohoe tiri musa. Sa yero Cohãcjũ pehe musa ohori yuhuro quehnoañene ohore musare. Tiquiro mari Pacu uhũse cjũno Espiritu Santore ohorota tiquirore siniñequinare, niahye Jesu tiquiro buheyequinare.

—*Jesu watĩno tutuayere core, ni, yahusãhye masa*

*(Mt 12.22-30; Mr 3.20-27)*

<sup>14</sup> Ti pjere Jesu watĩnore cohãno niahye. Watĩno pehe yahuducu masiedagũ yeahye masunore. Sa yero watĩno masunore tiquiro duhuri bato masuno pehe yahuducu dũcahye. Tiquiro yahuducugũ tuhoye masa peyequina tuho maria wahahye. <sup>15</sup> Tiquina sa tuho mariepegãta apequina pehe ohõ saha niahye:

—Ahriquiro Jesu watĩare tiquiro cohãgũ Beelzebú wame tiquiro watĩa puhtoro pehe tiquirore yedohore, niahye apequina.

<sup>16</sup> Apequina “¿Jesu Cohãcjũ tiquiro ohoriquiro ijajari?” ni masi duaye tiquirore Cohãcjũ tutuaye mehna ye ihõ dutimahye. <sup>17</sup> Tiquina sa dutigũ tuhoro “Watĩno tutuaye mehna watĩare cohãre”, ni, tiquina tuhutuyere masino, tiquinare ohõ saha ni yahuahye Jesu, “Watĩno ye tutuaye mehna watĩare cohãgũ niedaja”, nino taro:

—Ihcã yehpa cjẽna tiquina basi cahmequeñe, ti yehpa cjẽna yaria pihtia wahaboaga. Sa ye ihcã wuhuru cjẽna tiquina basi cahmequeñe, ti wuhuru cjẽna waha pihtia wahaboaga. <sup>18</sup> Sa ye, watĩno yequina watĩa tiquina basi cahmequeñe, tiquina watĩa gũhuru waha pihtia wahaboaga. Ihcã curua iji masiedaboaga. Musa yuhure ohõ saha nine. “Tiquiro watĩno tutuaye mehna watĩare cohãre”, musa yuhure nina niaga. <sup>19</sup> ¿Yuhure musa nidi poto ijigũ musa mehna cjẽna watĩare cohãñe watĩno tutuaye mehnata cohãjari tiquina gũhuru, musa ihãgũ? Musa mehna cjẽna watĩare cohãñe, watĩno tutuaye mehna cohãñe niedare. Ahrire masina watĩno tiquiro tutuaye mehna watĩare yuhuru cohãedagũ masinata musa. <sup>20</sup> Sa yegu yuhuru pehe watĩare cohãgũ Cohãcjũ tutuaye mehna cohãja. Ahrire masina, Cohãcjũ tiquiro puhtoro iji dũcayere masinata musa.

<sup>21</sup> Tutuariquiro tiquiro ye wamoah mehna tiquiro ya wuhure tiquiro ihã ihbogũ tiquiro yere apequina yaque masiedare. <sup>22</sup> Tiquiro sa ihã ihboepẽgãta apequiro tutua yuhuriquiro tiquiro mehna cahmeque, tiquirore yuhudũca, tiquiro ye wamoare ehma cã, tiquiro yere ehma cãhre. Ohõ sahata ye yuhudũcaro cahmene watĩare. <sup>23</sup> Ihcãquiro yuhure cahmedaro, yuhure ihã tuhtiriquiro ijire. Ihcãquiro yuhure yedohoeraro yuhure ñano yero nine, ni bueahye Jesu.

*Watĩno pari turi masunore tiquiro sajãri quitire yahuahye Jesu*  
*(Mt 12.43-45)*

<sup>24</sup> Sa yero tiquiro t̄hotuye mehna ohō saha ni queoye mehna buheahye tiquinare:

—Wat̄ino mas̄no mehna ijiriquiro waha, tiquiro aco marieni yehpap̄ tinino, tiquiro ijiatore macamahye. Bocaeraro, ohō saha ni t̄hotuahye: “Mas̄no ȳh̄ duhuriquiro mehna pari turi ijiḡ wahaŭtja”, ni, t̄hotuahye tiquiro. <sup>25</sup> Sa nino tiquiro tojoa waha, mas̄nore bocahye. Sa tiquiro bocaḡ mas̄no pehe quehnoariquiro ijimahye. <sup>26</sup> Sa yero wat̄ino apequina siete wat̄are tiquiro ȳhd̄oro ñañequinare pijiro wahahye. Tiquiro sa pijiḡ tiquina ijipihtiyequina wat̄a mas̄no mehna ijiahye. Sa yero mas̄no pehe to pano ihc̄aquirō wat̄nore c̄oro, ñariquiro ijimahye. Camer̄ pehere peyequina wat̄are c̄oriquiro ijiro, to pano tiquiro ijiriro ȳhd̄oro ña ȳhd̄ariquiro ijiahye, niahye Jesu.

### *Jesu bucueyere yahuahye*

<sup>27</sup> Tire tiquiro sa niḡ masa watoa ijiricoro numino Jesure yahuahye:

—M̄h̄are pohna tiricoro, m̄h̄are ap̄oricoro bucuericoro ijire, niahye Jesure.

<sup>28</sup> Ticoro sa ni tuhasaḡ t̄horo Jesu ticorore ȳhtiahye:

—Coh̄c̄j̄ yahuducuyere t̄hoyequina tiquiro dutiyere yeyequina tiquinata ijiaga bucueyequina, niahye Jesu ticorore.

### *Masa ñañequina Jesure Coh̄c̄j̄ tutuaye mehna ye ih̄no dutiahye*

*(Mt 12.38-42; Mr 8.12)*

<sup>29</sup> Sa ye peyequina masa Jesu cahar̄ tiquina wihiḡ, tiquiro tiquinare yahu nemoahye:

—Yojop̄ c̄j̄na ñañequina ijire. Ȳh̄are poto niḡ ȳh̄ ijiyere tiquina masi duaye, Coh̄c̄j̄ tutuaye mehna ȳh̄ ye ih̄noḡ ih̄na duamene. Tiquina sa ih̄na duepeḡta Jona panop̄ c̄j̄no Coh̄c̄j̄ tutuaye mehna tiquiro yeri dihitare ih̄nnota Coh̄c̄j̄ tiquinare. <sup>30</sup> Jona Coh̄c̄j̄ yere yahu m̄htariquiro ijiro, tiquiro N̄nive wame tiri maca c̄j̄nare Coh̄c̄j̄ yere tiquiro masiḡ yeriro sahata ȳh̄ mas̄ Coh̄c̄j̄ ohoriḡ masiḡ yeaja yojop̄ c̄j̄nare.

<sup>31</sup> Buhiri dahreati deco ijiḡ p̄htoro

sur c̄j̄no panop̄ c̄j̄no ducu, yojop̄ c̄j̄nare “Ñana ijire m̄sa”, ni, yahus̄nnota ticoro. Ticoro Salomo panop̄ c̄j̄no tiquiro masiñene t̄ho duaro yoarop̄ ahri yehpa ape sier̄ ijiricoro Salomore t̄horo ahtahye. Sa yero quehnoano yero niahye yojop̄ c̄j̄na ȳhd̄oro. Sa yero ticoro yahus̄nnota yojop̄ c̄j̄nare. Sa niḡ m̄sare poto niita niaja. Yojop̄ m̄sare ȳh̄ buheye Salomo tiquiro buheri ȳhd̄oro ijire. <sup>32</sup> Buhiri dahreati deco ijiḡ N̄nive wame tiri maca c̄j̄na ḡh̄ ducu, yojop̄ c̄j̄nare “Ñana ijire m̄sa”, ni yahus̄aeta tiquina. Jona tiquinare Coh̄c̄j̄ yere tiquiro yahuḡ t̄hoye, tiquina ñañene b̄j̄na witi, quehnoañene cahmeahye tiquina pehe. Sa cahmeñe quehnoano yeye niahye yojop̄ c̄j̄na ȳhd̄oro. Sa ye tiquina ḡh̄ yojop̄ c̄j̄nare “Ñana ijire m̄sa”, ni yahus̄aeta. M̄sare poto niita niaja. Yojop̄ m̄sare ȳh̄ buheye Jona tiquiro buheri ȳhd̄oro ijire, ni yahuahye Jesu.

### *Masa tiquina t̄hoturo sahata yere*

*(Mt 5.15; 6.22-23)*

<sup>33</sup> Sa yero queoye mehna buhero ohō saha ni yahu nemoahye tiquinare:

—Masa sih̄ariare sih̄añe n̄oedare. Tiare sih̄añe dihi sutu docap̄ duhu dapoerare. Tiare ũhm̄sep̄ duhu peore w̄h̄ap̄ saj̄ tayequina tiquina quehnoano ih̄na saj̄ tatore yeye. <sup>34</sup> Sih̄aria quehnoano buhrioḡ mari quehnoano ih̄na masino sahata quehnoañene t̄hotuye mehna quehnoano ye masinata m̄sa. M̄sa t̄hoturo sahata yere m̄sa. Quehnoañene t̄hotuna quehnoano yere m̄sa. Quehnoañene t̄hotuerana ñañe pehere yere m̄sa. <sup>35</sup> Sa yena quehnoano yeya. M̄sa t̄hotuyep̄ ñañene wac̄edac̄h̄ña. Ñañene ne cahmedac̄h̄ña. <sup>36</sup> Tuhasa m̄sa t̄hotuyep̄ quehnoañe ijiḡ, ñañe ne mariedaḡ quehnoañe dihitare t̄hotunata, ni buheahye Jesu.

### *Fariseo masare, judio masare buheyequina ḡh̄are Jesu tuhti yahuahye*

*(Mt 23.1-36; Mr 12.38-40; Lc 20.45-47)*

<sup>37</sup> Jesu tiquiro buhe tuhasaḡ ih̄na, fariseo mas̄no tiquirore tiquiro ya w̄h̄ap̄ ih̄ya dutiro pijiahye. Sa yero

Jesu tiquiro ya wuhupɩ sajã sa, tiquina ihyaropɩ tiquina mehna nuju sahye. <sup>38</sup> Tiquiro sa nuju sagũ fariseo masuno pehe Jesure ihña nununo judio masa tiquina omo coseducuro sahata tiquiro omo coseragũ ihñano ohõ saha ni tãhotuahye: “Yohou. ¿Ahriquiro dũhsero omo coserajari usã yero saha?” ni tãhotuahye. <sup>39</sup> Tiquiro sa ni tãhotugũ masino Jesu tiquirore yahuahye:

—Musa fariseo masa sihniñe parire, wãpari gũhare bui pehe dihitare musa cosero sahata quehnoañene ye ihñore musa buigã warona. Sa yepenata Cohãcjũ yere queoro yerare. Apequina yere ehma mujare musa. Sa yena ñañe dihitare tãhoture musa. <sup>40</sup> Tũho masiedare musa. Cohãcjũ musa pagurire yeriquiro musa tũho masiñe gũhare yeahye. ¿Tire masiedajari musa? <sup>41</sup> Sa yena musa yere pejecuoyequinare ohoya musa. Musa sa yena quehnoañene tãhotuna ijinata.

<sup>42</sup> 'Musa fariseo masa ñano yũhdunata. Moa yero saha ijiyere ihyayere ocagũ yeyere cuona mehenogã ohomene musa. Cohãcjũre ño peona tana pahiare ohomene musa. Sa ohoepenata quehnoañene yerare musa. Sa yena masare paja ihñedare musa. Sa yena Cohãcjũre ño peoerare musa. Oteye ducagãre musa nedire mehenogã Cohãcjũre musa ohogũ quehnoarĩne. Sa ohona ohõ saha ye nemoña: Quehnoañene yeya. Sa yena paja ihñaña masare. Sa yena Cohãcjũre ño peoya musa.

<sup>43</sup> 'Musa fariseo masa ñano yũhdunata. Buheri wuhupɩ ijina, quehnoañe dujiye dihitare duji duare musa. Doeri cjẽ duaropɩ apequina pũhtoare quehnoano ño peo tiquina sinino saha musare piti cagũ cahmene musa.

<sup>44</sup> 'Ñano yũhdunata musa. Masa cope nũori cope yero saha ijire musa. Ti cope cahagã masa ijiye, puhiarɩ cjãno ahbariquirore ihñedare tiquina. (Sata masa musa cahagã ijiye, musa tãhotuyepure ñañe ijiyere masiedare tiquina,) niahye Jesu tiquinare.

<sup>45</sup> Tiquiro sa nigũ tũhoro judio masare buheyequina mehna cjãno Jesure yahuahye:

—Buhegu, tire nigũ usã gũhare ñano nii niaga mũhũ, niahye tiquiro Jesure.

<sup>46</sup> Tiquiro sa nigũ Jesu yũhtiahye:

—Ijirota ijire. Judio masare buhena musa gũhũ ñano yũhdunata. Musa apequinare tiquina ye masiedarire ye dutire musa tiquinare. Sa ye dutiepenata musa pehe tiquinare ne mehenogã yedohoerare ti dutiyere tiquina yeati pehere.

<sup>47</sup> 'Sa yena musa ñano yũhdunata. Cohãcjũ yere yahu mũhtariquina panopɩ cjẽna tiquina masa coperire quehnoano quehnomene musa tiquinare ño peoro saha yena. Musa sa yepegũta panopɩ cjẽna musa acaye pehe tiquinare wejẽahye. <sup>48</sup> Musa acaye panopɩ cjẽna pehe Cohãcjũ yere yahu mũhtariquinare tiquina wejẽdiro sahata musa gũhũ yeboaga. Sa yena yojopɩre ti masa coperire quehnomene musa. Sa quehnona musa acaye tiquinare tiquina wejẽdire wacũre musa. Sa tiquina wejõrre wacũna “Quehnoa cãhre”, ni wacũre musa.

<sup>49</sup> 'Cohãcjũ tiquiro masiñe mehna ohõ saha ni yahuahye: “Yeere yahu mũhtariquina gũhare yũhũ buhe duti cũriquina gũhare ohoutja tiquinare. Sa yeye tiquina yũhũ ohoriquinare apequinare wejẽ, apequinare ñano yeeta”, niahye Cohãcjũ. <sup>50-51</sup> Ahri yehpare Cohãcjũ tiquiro bajumehnedi bato Caĩ pehe Abere wejẽahye. Sa ye Cohãcjũ yere yahu mũhtariquinare Abe bato ijiyequina gũhare ñañequina wejẽahye. Came Zacariare Cohãcjũ wuhupɩ Cohãcjũre ño peori altar caharɩ musa acaye wejẽahye. Ijipihtiyequina tiquinare tiquina wejẽdi buhiri yojopɩ cjẽnare Cohãcjũ buhiri dahrerota. Sata ijire. Musare nigũta niaja. Ijipihtiyequina tiquinare tiquina wejẽdi buhirire yojopɩ cjẽnare Cohãcjũ buhiri dahrerota.

<sup>52</sup> 'Musa judio masare buhena, musa ñano yũhdunata. Cohãcjũ masiñene tiquina ojoari pũrine cuoepenata apequinare yahuerare musa. Musa basi Cohãcjũ yere tũhoerare. Sa yena apequina tiquiro yere tiquina tũho duepegũta tire musa tiquinare tũho dutierare, niahye Jesu tiquinare.

53-54 Tiquiro sa nigũ tãhoye judio masare buheyequina, fariseo masa gãhũ tiquiro mehna usua, tiquirore ñano yahuducuahe. Sa ye Jesu tiquiro ñano yãhtigũ tãho duaye, tiquina peye ni meho cũ sinitumahye tiquirore, tiquirore yahusã duaye.

## 12

*Tiquina ni mehoducurire Jesu yahuahye*  
(Mt 16.6; 10.26-27; Mr 8.15)

<sup>1</sup> Sa ye Jesu cahapũ masa peyequina cahmecoa, wahpa yãhdũahye. Topũ Jesu tiquiro buheyequinare ohõ saha ni yahu dũcahe:

—Quehnoano wacũ masiña mũsa. Fariseo masa tiquina ye pãre pugũ yeyere ihñana quehnoano wacũ masiña. Tiquina ni mehoducurire nigũ niaja “Pãre pugũ yeye”, nigũ. <sup>2</sup> Ijipihtiye apequina tiquina masiedarire came masieta. <sup>3</sup> Sa yero ñamipũre tiquina nũo yahuducurire buhrioropũ bajugũ yero sahata Cohãcjũ yahurota. Bihari tucũpũ apequirore cahmono caha tiquina nidire masa peyequina watoa yahurota Cohãcjũ, ni yahuahye Jesu.

*Masa tiquina cueatiquirore yahuahye Jesu*

(Mt 10.28-31)

<sup>4</sup> Sa yero Jesu yahu nemoahye tiquinare: —Poto niita niaja mũsare. Masare wejẽñequina wejẽ tuhasa pari turi tiquina wejõriquina mũnare ñano ye nemo masiedare. Sa yena mũsare wejẽ duayequinare cueracãhña. <sup>5</sup> Yojopũre mũsa cueatiquirore mũsa ño peotiquirore yahutja. Cohãcjũ pehere cue, ño peoya. Tiquiro mũsa yariari bato pecapũ cohã masine mũsare. Sata ijire. Poto nigũ niaja. Cohãcjũ pehere cue, ño peoya.

<sup>6</sup> 'Ihcã omopequina siripia wapa mariedare. Sa wapa mariedapegũta ihcãquirogãre Cohãcjũ ne boerare. <sup>7</sup> Sa yero mũsa poarire ne ihcã poa da dũhsaro marieno masi pehore Cohãcjũ. Sata mũsa ijiye tiye gãhũre masi pehore Cohãcjũ. Sa masino mũsare ihña ihboducure. Siripia yãhdũoro Cohãcjũ cahĩne mũsa pehere. Sa yena tiquirore ño peona, cueracãhña mũsa, niahye Jesu.

*Jesu yequina mũsa ijiyere yahuya masare*

(Mt 10.32-33; 12.32; 10.19-20)

<sup>8</sup> Sa ye Jesu yahu nemoahye:

—Mũsare niita niaja. Ihcãquiro “Jesu yaquiro ijiaja”, masare tiquiro nigũ ihñagũ, yũhũ masũ Cohãcjũ ohorigũ “Tiquiro yaquiro ijire”, ni yahutja Cohãcjũ yequina angelere. <sup>9</sup> Ihcãquiro “Jesu yaquiro ijieraja”, masare tiquiro nigũ, yũhũ gãhũ “Tiquiro yaquiro ijierare”, ni, yahutja Cohãcjũ yequina angelere.

<sup>10</sup> 'Ihcãquiro yũhũre ñano tiquiro ni yahuducugũ ti ñañene Cohãcjũ bo masine. Sa boeperota ihcãquiro Espĩritu Santo pehere tiquiro ñano ni yahuducugũ ti ñañene ne Cohãcjũ bosi.

<sup>11</sup> 'Mari judio masa buheri wãhãpũ pãhtoa cahapũ apequina mũsare ne sajã “Ñañequina ijire”, ni yahusãeta. Tiquina sa yahusãgũ mũsa yahuducuatire “Acuehi, masiedaboaga”, ni tãhotueracãhña.

<sup>12</sup> Tiquina mũsare yahusãgũta Espĩritu Santo mũsa yahuducuatire yahurota, niahye Jesu.

*Doeri cjẽ upũro quitire yahuahye Jesu*

<sup>13</sup> Sa ye masa mehna cjãno Jesure ohõ saha ni yahuahye:

—Buhegũ, usã pacũ tiquiro yariari bato tiquiro ye usãre tojoare. Sa yegũ yũhũ wahmine tire yũhũ gãhũre queoro tu wa dutiya, niahye tiquiro Jesure.

<sup>14</sup> Tiquiro sa nigũ Jesu yãhtiahye:

—Ne ti borore tu wabogũ ijieraja yũhũ, niahye Jesu tiquirore.

<sup>15</sup> Sa ni tuhasa Jesu ijipihtiyequinare yahuahye:

—Quehnoano yeya mũsa. Doeri cjẽne, apee boro gãhũre cahĩedacãhña. Peye cõoepenata ti mehnata bucueducueraja mari, niahye Jesu.

<sup>16</sup> Sa ni tuhasa Jesu quiti mehna yahuahye tiquinare:

—Doeri cjẽ upũro quehnoari yehpare cõoahye. Sa ye ti yehpãpũ tiquiro otegũ quehnoano dũca tiahye. <sup>17</sup> Sa yero tiquiro basi ohõ saha ni tãhotumahye: “Dũca ihboye wãhũse ne esa tuhaerare. <sup>18</sup> Yojopũre ohõ saha yeitja: Yojopũ yãhũ ihboye wãhũsere cohã cã, mũna wãhũse yãhdũoro

wahma wuhuse yeitja. Ti wuhusepu yuhu oteye ducare, ijipihiyere yeere ihboutja. <sup>19</sup> Yuhu sa yeri bato, ohõ saha ni, tãhotutja yuhu basi: ‘Yuhu peye apee boro cuogu ijiaja. Quehnoano soutja. Sa yegu ihya, sihni, bucueitja’, ni tãhotutja yuhu basi”, ni tãhotumahye tiquiro. <sup>20</sup> Tiquiro sa ni tãhotugũ Cohãcjũ tiquirore yahuahye: “Muhu ne tãho masiegũ ijire. Mia ñamita muhu yariagũta. Muhu sa wahagũ muhu ye, muhu cahĩdi butia waharota”, niahye Cohãcjũ tiquirore, niahye Jesu masare.

<sup>21</sup> Tire nino, masare ohõ saha ni yahuahye Jesu:

–Sata wahaeta doeri cjẽ opona Cohãcjũre wacũeñequina. Sa yero peye doeri cjẽne, niñerure tiquiro ye ijiahi dihitare ihboriquiro Cohãcjũre wacũedarõ, tiquiro pejecuoriquiro yero saha ijirota, Cohãcjũ tiquiro ihñagũ. Sa yero Cohãcjũ tiquirore ihña bucuerare, niahye Jesu.

*Cohãcjũ tiquiro pohne ihña ihbore  
(Mt 6.25-34)*

<sup>22</sup> Sa ye Jesu tiquiro buheyequinare ohõ saha ni yahuahye:

–Ahrire musare nigũ niaja: Mũsa ihyatire, mũsa suhti sañatire, pajiro bujua witi tãhotueracãhña. <sup>23</sup> Cohãcjũ musare bajumehnenõ, ihyatiquina dihitare yerari musare. Sa yero suhti sañatiquina dihitare yerari musare tiquiro. <sup>24</sup> Minicjua parire Cohãcjũ tiquiro ihña ihboyere masiña. Tiquina weseri marieñequina ijire. Sa ye ihyayere tiquina ihboye wuhuse tiquinare mariedare. Tiquina sa ijigũ ihñano tiquinare Cohãcjũ tiquina ihyatire ohore. Minicjua yuhduoro mũsa pehere cahĩne Cohãcjũ. <sup>25</sup> Pajiro mũsa tãhotuye mehna ti musare ihcã hora cati nemogũ yerare. Sa yero mũsa pajiro tãhotuye dũhseati ijierare. <sup>26</sup> Sa ye pajiro mũsa tãhotuye mehna ne mehenogã ye masiedare mũsa. ¿Sa yena pajiro mũsa tãhotuye ti dũhseati ijierapegũta dũhse yena mũsa ihyatire, mũsa sihniatire, mũsa sañatire pajiro bujua witi tãhotuajari?

<sup>27</sup> ‘Nucũ cjẽ cohorire tãhotuya. Ti cohorì ti basi suhtire yerare. Sa yerapeta quehnoañe suhti sañañequina yero saha quehnoano bajure ti cohorì. Salomo

mũnãno quehnoañe suhtire sañariquiro tiquiro ijiepegũta ti cohorì pehe tiquiro yuhduoro quehnoa yuhduaye cohorì warõ ijire. <sup>28</sup> Cohõrìre quehnoañe cohorì yere Cohãcjũ pehe. Tiquiro sa yepegũta cohorì pehe meheñe decorigã ijiducume ñai bora dijiaa wahare. Mehenogã iji, ape deco pecapũ ujãa wahare. Ti sa ijiepegũta cohorìre quehnoañe cohorì ijigũ yere Cohãcjũ. Sa yero Cohãcjũ cohorìre tiquiro quehnoañe cohorì tiquiro yeriro yuhduoro mũsa gũhare quehnoano yerota. Suhtire ohõrõta. Mehenogã Cohãcjũre wacũ tutuare mũsa. <sup>29</sup> Sa yena mũsa ihyatire, mũsa sihniatire pajiro bujua witi tãhotueracãhña. <sup>30</sup> Cohãcjũre cahmeñequina pehe ahri yehpa cjẽna pehe tire sa macaducuye nine. Mari Pacu uhmũse cjũno ijipihiyere mũsa cahmeñene masine. Tiquiro sa masigũ pajiro bujua witi tãhotueracãhña. <sup>31</sup> “Cohãcjũ yuhu pahtõro ijire”, ni tãhotu, tiquirore cahmeña mũsa. Mũsa sa yeri bato Cohãcjũ pehe mũsa cahmeñe dũhsagũ ohõrõta, ni yahu nemoahye Jesu.

*Uhmũsepũ mari peye cuo masiaja  
(Mt 6.19-21)*

<sup>32</sup> Sa yero tiquinare yahu nemoahye:

–Yuhu cahĩna, meheñequinagã ijiepenata, cueracãhña mũsa. Cohãcjũ tiquiro pahtõro ijipõre tiquiro mehna mũsa ijigũ cahmene tiquiro. <sup>33</sup> Sa yena mũsa yere dua pehõya. Tire dua, ti niñerure ne, pejecuoyequinare ohõya. Sata mũsa yegũ uhmũse cjẽ mũsa wapataye ne pihtisi. Uhmũsepũ mũsa ye ijiro ne pihtierare. Topõre mũsa yere nea masiedare yaqueriquiro. Sa ye mecasia gũhu tire tã masiedare. <sup>34</sup> Uhmũsepũ mũsa ye ijigũ uhmũse cjẽ dihitare tãhotunata mũsa, niahye Jesu.

*Jesu tiquiro tojoa tatire cohte dutiahye tiquiro yequinare*

<sup>35-36</sup> Sa ni tuhasa tiquinare yahu nemoahye:

–Mũsa yere quehnoyu tuhasariquina yero saha yeere sa yeducuna ijina yũhare cohteya. Dahra cohteyequina tiquina pahtõro omõca dũhteri bõse decõpũ tiquiro wahagũ tiquiro tojoa tatire tiquina

cohtere. Tiquina sa cohteriro saha yũhũ tojoa tatire cohteya mũsa gũhũ. Pũhtoro tiquiro wũhũpũ wihi, sopecahare tiquiro dotegũ tũhoye tiquina duita pũo sũre tiquirore. <sup>37</sup> Dahra cohteyequina tiquina pũhtoro wihigũ tiquiro cahmeno sahata yeducuyequina ijiye, bucuyequina ijieta. Tiquina sa yegũ ihũano pũhtoro pehe dahra cohteriquiro yero saha comesarota. Sa yero dahra cohteyequinare duji dutiro, tiquiro tiquina ihyayere peorota. <sup>38</sup> Tiquiro wihiri pje ñami decopũ, o bohreagũpũ ijiepegũta dahra cohteyequina pehe tiquiro wihiri pjere tiquirore quehnoano cohteyequina ijiye, bucuyequina ijieta tiquina. <sup>39</sup> Ahrire wacũña. Yaqueriquiro wũhũpũ tiquiro wihiatore pano ti wũhũ cjũno masiedare. Wũhũ cjũno yaqueriquiro tiquiro wihiatore masino, yaqueriquirore sajã ta dutieraboaga. Sa yero wacũeno mehna ahtare yaqueriquiro. <sup>40</sup> Sa yena mũsa gũhũ cohteya. Yũhũ masũ Cohãcjũ ohorigũ wacũeno mehna ahtaũtja. Sa yena yeere sa yeducuna ijina cohteya mũsa, niahye Jesu tiquinare.

*Apequiro dahra cohteriquiro tiquiro pũhtorore tiquiro ño peogũ, apequiro pehe ño peoerahye*

*(Mt 24.45-51)*

<sup>41</sup> Tiquiro sa nigũ Pedro pehe sinituahye Jesure:

—¿Ahrĩ quitire yahugũ usãre nigũ niajari? ¿O ijipihtiyequinare sa nigũ niajari? ni-ahye Pedro.

<sup>42</sup> Tiquiro sa nigũ Jesu tiquiro tũhotuye mehna ohũ saha ni queoye mehna buheahye tiquinare:

—Dahra cohteriquiro tiquiro pũhtorore ño peoriquiro tũho masiniquiro ohũ sahata ijire. Pũhtoro tinino waharo, dahra cohteriquirore tiquiro ya wũhũre cũre. Tiquiro cũnohriquiri pehe dutiriquiro ijirota. Sa yero tiquiro ihyari pje ijigũ apequina dahra cohteyequinare ihyayere itire. <sup>43</sup> Came pũhtoro tiquiro wihigũ dahra cohteriquiro pehe tiquiro pũhtoro tiquiro dutiriro sahata ye pehoriquiro ijiro, tiquiro bucueriquiro ijirota. <sup>44</sup> Poto nigũta niaja mũsare. Tiquiro sa yegũ tiquiro pũhtoro ijipihtiyequinare yere ihũ

ihboriquiro cũnota tiquirore. <sup>45</sup> Apequiro dahra cohteriquiro pehe “Yũhũ pũhtoro yoari pje bajuerare”, niboaga. Sa nino apequina dahra cohteyequinare umũare, numia gũhũre quẽ mũja, pajiro ihya, sihni, queheboaga. <sup>46</sup> Tiquiro sa yeri bato wacũeno mehna tiquiro pũhtoro wihirota. Sa wihiro tiquirore ñano buhiri dahrerota. Sa yero Cohãcjũre yũhdũdũcayequinare tiquiro cohãnopũ tiquirore cohãnota.

<sup>47</sup> Sa yero dahra cohteriquiro tiquiro pũhtoro cahmeñene masiniquiro ijieperota tire tiquiro yeragũ, tiquiro quehnoano dahraeragũ tiquiro pũhtoro pehe tiquirore yuta da mehna tananota. <sup>48</sup> Apequiro pehe dahra cohteriquiro tiquiro pũhtoro cahmeñene masieniquiro ijiro quehnoano yeragũ ihũano tiquiro pũhtoro pehe derogã tiquirore tananota. Cohãcjũ pajiro masare ohoro pajiro tiquinare apequinare oho dutirota. Sa yero tiquiro cahmeñene masigũ yere masare. Quehnoano tiquiro masigũ yenhriquinare quehnoano yũhti dutire tiquiro, niahye Jesu.

*Jesu masare cahme tu wagũ yere*  
*(Mt 10.34-36)*

<sup>49</sup> Sa ni tuhasa Jesu tiquinare yahuahye tja:

—Peca ujuã weriro sahata yũhũ ahri yehpapũre masa tiquina ñañe yeyere cose wegũ ahtagũ nii. Yojopũ pũrita peca ujuã wero saha ñañe marieñequina masa tiquina ijigũ tutuaro cahmeaja yũhũ. <sup>50</sup> Yũhũ ñano yũhdũtja. Yũhũ sa ñano yũhdũatire cohtegũ, ñano jeripohna tiaja yũhũ. <sup>51</sup> ¿Dũhse ni tũhotuajari mũsa yũhũre? ¿“Tiquiro masare tiquiro buheri bato apequina tiquina basi ihũa tuhtisi”, ni tũhotuajari mũsa yũhũre? Sa ijierare. Masare yũhũ buheri bato ihquẽquina yeere tũhoeta. Apequina pehe tiquinare ihũa tuhtietia. Ihcãno saha ijisi masa. Mũsare nigũta niaja. Masa yũhũ buheyere tũhoye, pũa curua cahme tu waeta. <sup>52</sup> Yojopũre ihcã wũhũ cjẽna ihcã omopequina masa yũhũ buheyere tũhoye, pũa curua tiquina basi cahme tu waeta. Ihcã curua ihtiaro, ape curua pũaro ijieta. <sup>53</sup> Tiquiro pacũro tiquiro macũnore ihũa tuhtirota yaquiro tiquiro ijiri buhiri. Tiquiro macũno gũhũ



tiquiro pacurore ihña tuhtirota yaquiro tiquiro ijiri buhiri. Sa yero ticoro pacoro maconore ihña tuhtirota yacoro ticoro ijiri buhiri. Sa yero apecoro macono gũhũ ticoro pacorore ihña tuhtirota yacoro ticoro ijiri buhiri. Sa yero ticoro mareono ticoro macũ namonore ihña tuhtirota yacoro ticoro ijiri buhiri. Sa yero apecoro macũ namono gũhũ ticoro mareonore ihña tuhtirota yacoro ticoro ijiri buhiri. Sa waharota, yũhũ buheyere tiquina tũhogũ, niahye Jesu.

*Quehnoari deco ijiatire, ñari deco ijiatire masa tiquina masiñene yahuahye Jesu (Mt 16.1-4; Mr 8.11-13)*

<sup>54</sup> Sa ye Jesu masare ohõ saha ni yahuahye tja:

—Ahrie pehepũ acoro cururire ihñana, duita “Acoro ahtarota”, nine mũsa. Mũsa sa nidi bato acoro ahtare. <sup>55</sup> Sa yena surpũ wihnono ahtagũ “Asiri deco ijirota”, nine mũsa ahri yehpapũ ijina. Mũsa sa nidi bato cũhmari deco ijire. <sup>56</sup> Mũsa masa ihñonopũ quehnoano iji mehoducuna ijire. Mũsa ahri yehpare uhmũse gũhũre ihñana, quehnoari deco ijiatire, ñari deco ijiati gũhũre masine mũsa. ¿Sa yena yojopũ cjẽ decorire masiepenata dũhsena ahri yehpa cjãna yojopũre mũsa dũhse wahatire masiedajari mũsa? niahye Jesu.

*Mũsare ihña tuhtiriquiro mehna mũsa cahmequedire cahmeque duhuya (Mt 5.25-26)*

<sup>57</sup> Sa ni tuhasa ohõ saha ni yahu nemoahye:

—¿Mũsa poto yeatire yojopũ masiedajari mũsa? <sup>58</sup> Apequiro mũhũre yahusãno waharo buhiri dahre dutiri wũhũpũ waha dutiboaga. Topũ wahana “Pari turi mũhũre sa yesi”, nigũ cahmeque duhuya. Mũhũ sa duhueragũ tiquiro buhiri dahre dutiriquiro cahapũ neaboaga mũhũre. Sa yero buhiri dahre dutiriquiro pehe mũhũre surarare tiquiro ohogũ, mũhũre surara peresu yeeta. <sup>59</sup> Mũhũre nigũ niaja. Topũ ijiniita mũhũ. Tee tiquina wapa ye dutirire mũhũ wapa ye pehogũpũ wijiagata mũhũ, niahye Jesu.

## 13

*Mũsa ñañe yerire bujũa witi, quehnoañe pehere comesaya*

<sup>1</sup> Ti pjere meheñequinagã masa Jesure ohõ saha ni yahue tiahye:

—Galilea cjẽna wahiquirore wejẽ ujuũ mũo Cohãcjũre tiquina ño peori watoa Pilato pehe tiquinare wejẽahye. Tiquiro sa wejẽgũ wahiquiro dii mehna masa dii moreahye, ni, yahuahye tiquina Jesure.

<sup>2</sup> Tiquina yahu tuhasagũ Jesu yũhtiahye:

—¿Galilea cjẽna Pilato tiquiro wejẽgũ wejõriquina mũnare dũhse ni tũhotuajari mũsa? ¿Tiquina sa yariagũ apequina Galilea cjẽna yũhdũoro ñañequina tiquina ijiri buhiri sa yeyari Cohãcjũ tiquinare, mũsa tũhotugũ? <sup>3</sup> Ijierare. Mũsare niita niaja. Mũsa pehe mũsa ñañene bujũa witierana, quehnoañe pehere comesaerana, mũsa gũhũ yariana pecapũ wahanata. <sup>4</sup> Sa ye sohõ ijiriquina diez y ocho masa Siloé wame tiri wũhũ uhmũari wũhũ tiquina bui wihnoa dijiaro, tiquinare wejẽ pehoahye. ¿Sa waha yariaye, apequina Jerusalẽ cjẽna yũhdũoro ñañequina ijiyari tiquina, mũsa tũhotugũ? <sup>5</sup> Ijierare. Mũsare niita niaja. Mũsa ñañene bujũa witierana quehnoañe pehere comesaerana, mũsa gũhũ yariana. Sa yena pecapũ wahanata, niahye Jesu tiquinare.

*Higueragũ dũca mariedũ quitire yahuahye Jesu*

<sup>6</sup> Sa ni tuhasa apeye queoye mehna piti dahre yahuahye tiquinare:

—Wese upũro tiquiro wesepũ higueragũre cũoahye. Sa yero tiquiro tũ dũcare macano wahamahye. Bocaerahye. <sup>7</sup> Bocaeraro tiquiro wese dahrariquirore yahuahye. “Tũhoya yũhũre. Ihtia cũhma waro higueragũ dũcare macamaja. Dũca mariedare. Tũ dũca mariedagũ tũre quẽ cohã cãhña. Tũ ya wesepũ ijigũ apedũre otero basioerare. Apedũ tũ ihyaborire ihyaboaga tũ dũca mariedũ pehe”, niahye wese upũro tiquirore dahra cohteriquirore. <sup>8</sup> Tiquiro sa nigũ tũhoro dahra cohteriquiro ohõ saha niahye: “Pũhto, ahũ ihcã cũhma waro ducurĩahdo. Tũ nũhcoripũ yũhũ sehẽgatja. Tuhasa, wahiquiro cũhta mehna ti copere yaũtja.

<sup>9</sup> Yuh̄u sa yeri bato t̄u ape c̄h̄ma d̄uca tiro d̄uca tiboaga. T̄u d̄uca mariedaḡū m̄uh̄u quē coh̄a dutiḡuta”, niah̄ye dahra coheriquiro wese up̄arore, ni, yahuah̄ye Jesu.

*Saurú deco ijiḡū Jesu dohatiricorore yuh̄d̄uoah̄ye*

<sup>10</sup> Ti pjere saurú deco ijiḡū Jesu judio masa buheri w̄uh̄up̄u buhero niah̄ye. <sup>11</sup> Top̄u wat̄ino c̄uoricoro ijiah̄ye. Wat̄ino pehe diez y ocho c̄uh̄mari waro dohatiḡū yeah̄ye ticorore. Sa yero pari tj̄ū ducuricoro ijero, poto ducu masiedah̄ye. <sup>12</sup> Ticoro sa ijiḡū ih̄ñano Jesu ticorore ih̄ña, pisuah̄ye: —Numio, m̄uh̄u dohatiye pihtia wahare, ni, pisuah̄ye Jesu.

<sup>13</sup> Tiquiro pisuri bato ticorore tiquiro ña peoḡū duita ticoro quehnoano poto d̄uca sah̄ye. Sa waharo “Coh̄ãcj̄ū tutuaḡu, quehnoaḡu ijire m̄uh̄u”, ni ño peoh̄ye ticoro. <sup>14</sup> Jesu ticorore saurú deco ijiḡū tiquiro yuh̄d̄uoḡū ih̄ñano judio masa buheri w̄uh̄u coheriquiro pehe tiquiro mehna usuah̄ye. Sa usuario tiquiro masare oh̄o saha niah̄ye:

—Seis decori ijire mari dahraye decori. Sa yena m̄usa dohatiyequinare yuh̄d̄uo duana, ti decorire tire yeya. Saurú mari sori decore tire yerac̄h̄ña, niah̄ye ti w̄uh̄are coheriquiro.

<sup>15</sup> Tiquiro sa niḡū Jesu oh̄o saha ni yuh̄tiahye:

—Masa ih̄ñono dihita quehnoana iji mehona ijire m̄usa. M̄usa wec̄are, burro ḡuh̄are c̄uona saurú decore tiquina d̄ahteri dare p̄a, tiquinare ne buha, sihni dutiboaga. <sup>16</sup> Yojop̄u ahricorore Abrah̄a m̄anano acayorore wat̄ino diez y ocho c̄uh̄mari waro ticorore dohatiḡū yere. ¿Saurú deco ijiḡū ticorore yuh̄d̄uo dutierajari m̄usa? niah̄ye Jesu.

<sup>17</sup> Tiquiro sa niḡū tahoye, tiquina buoro wahah̄ye. Sa ye apequina pehe ijipihtiyequina Jesu yerire ih̄ña, bucueah̄ye.

*Mostaza pje queoyere yahuah̄ye Jesu (Mt 13.31-32; Mr 4.30-32)*

<sup>18</sup> Sa ye Jesu queoye mehna buheah̄ye masare:

—¿Ne Coh̄ãcj̄ū masa p̄ah̄toro tiquiro ijiye yabe boro yero saha ijiajari? Ahri quitih̄ mehna tire tiquiro p̄ah̄toro ijiyere yahutja

yuh̄u. <sup>19</sup> Mostaza p̄jeḡa yero saha ijire. Ti p̄jeḡare oteriquiro tiquiro ya wesere otere. Tiquiro oteri bato ti p̄jeḡa p̄ih̄nine. Sa ye t̄u b̄uc̄aḡū minic̄j̄ua pari ti d̄up̄arip̄u suhti suhare, niah̄ye Jesu. (Sa nino oh̄o saha nino niah̄ye. Mostaza p̄jeḡa pajid̄u t̄u b̄uc̄ariro saha uhm̄use c̄j̄unore mari p̄ah̄torore masiñequina meheñequinaḡa tiquina iji m̄ah̄taep̄eḡata cam̄ep̄u tiquina peyequina wahaeta.)

*P̄a puḡū yeye queoyere yahuah̄ye Jesu (Mt 13.33)*

<sup>20</sup> Sa yero pari turi Jesu queoye mehna buheah̄ye:

—¿Ne Coh̄ãcj̄ū masa p̄ah̄toro tiquiro ijiye yabe boro yero saha ijiajari? <sup>21</sup> P̄are puḡū yeye yero saha ijire. Tire numino ih̄c̄ã ajuro trigore aco mehna quehnoano tire dahra morene p̄a b̄uc̄atire. Ticoro sa yeḡū p̄are puḡū yeye pehe trigore quehnoano seh̄saa wahare, niah̄ye Jesu. (Sa nino oh̄o saha nino niah̄ye. P̄are puḡū yeye trigore ti seh̄saa wahariro saha uhm̄use c̄j̄unore mari p̄ah̄torore peyequina masa ijipihtiro c̄j̄ena masieta.)

*Meheni sopecahaḡa quitire yahuah̄ye Jesu (Mt 7.13-14, 21-23)*

<sup>22</sup> Sa ye Jesu b̄uj̄uye macarip̄u, daye macariḡap̄u ḡuh̄are buhe c̄ã, Jerusal̄ep̄u esaro taro niah̄ye. <sup>23</sup> Tiquiro sa wahari watoa masano Jesure oh̄o saha ni sinituah̄ye:

—¿P̄ah̄to, meheñequinaḡa masare pecap̄u wahaboriquinare yuh̄d̄uorotari Coh̄ãcj̄ū? niah̄ye tiquiro Jesure.

Tiquiro sa niḡū Jesu queoye mehna buhero oh̄o saha ni yahuah̄ye:

<sup>24</sup> —Peyequina masa Coh̄ãcj̄ū cahap̄u waha duaye, sajã duamene. Meheni sopecahaḡare m̄usa sajã duaḡū mijor̄ine. Sata Coh̄ãcj̄ū cahap̄u m̄usa waha duaḡū mijor̄ine. Masa sa sajã duepeta sajã masiedare. Sa yena m̄usa pehe mehni sopecahaḡare m̄usa tutuaro sajã duaboro sahata Coh̄ãcj̄ū pehere tutuaro masiña.

<sup>25</sup> Oh̄o saha yerota Coh̄ãcj̄ū peyequina masare. Tiquiro w̄uh̄u up̄aro yero saha ijire. W̄uh̄u up̄aro wahc̄ã, sopecahaḡare biharota. Tiquiro sa yeḡū sopecahaḡap̄u

ducuna, dotenata. Dotena ohō saha ni-nata. “Pũhto, sope pahmare pōhña”, m̄sa nigũ wũhũ upũro pehe yũhtirota. “M̄sare, m̄sa ahtariro gũhũre ne masiedaja yũhũ”, ni yũhtirota. <sup>26</sup> Tiquiro sa nigũ m̄sa yũhtinata. “M̄hũ mehna usã ihya, sihnii. Usã ya macapũ buheri m̄hũ”, ninata m̄sa. <sup>27</sup> M̄sa sa nigũ tiquiro pehe yũhtirota. “M̄sare, m̄sa ahtariro gũhũre ne masiedaja. Ijipihtina m̄sa ñañe yerina yũhũ cahapũ ahtaeracãhña”, ninota wũhũ upũro. <sup>28</sup> Sa ye Abrahãre, Isaare, Jacore, ijipihtiyequina Cohãcjũ yere yahu m̄htariquinare Cohãcjũ tiquiro pũhtoro ijirore tiquina ijigũ ihñana, m̄sa pehe sopecahapũ cohõrina ijina tutuaro utinata. Sa yena m̄sa tutuaro bujũa witina, bahque dihonata. <sup>29</sup> Ti pjere ijipihtiro cjẽna Cohãcjũ tiquiro pũhtoro ijirõpũre esa, tiquiro mehna ihya dujieta. <sup>30</sup> Yojõpũre ihyo ijieyequina ijiriquina ti pjere pũhtoa ijietta. Sa yeye yojõpũre pũhtoa ijiriquina ti pjepũre ihyo ijieyequina ijietta, niahye Jesu.

### *Jerusalẽ cjẽnare tutuaro cahñahye Jesu (Mt 23.37-39)*

<sup>31</sup> Ti pjere meheñequinagã fariseo masa Jesu cahapũ esa, tiquirore yahuahye:

—Herode m̄hũre wejẽ duare. Sa yegũ ape sierũ wahaya m̄hũ, niahye tiquirore.

<sup>32</sup> Tiquina sa nigũ Jesu pehe yũhtiahye:

—Herode ni mehoñe peyariquiro ijire tiquiro. Ohō saha ni yahuya tiquirore: “Jesu watĩare cohãno nine. Sa yero dohatiyequinare yũhdũoro nine. Tire miare, ñamia gũhũre yerota. Sa yero ñamia bohrearo dahra bato tirota”, ni yahuya Herodere. <sup>33</sup> Sa yegũ miare waha, ñamia gũhũre waha, ñamia bohrearo gũhũre waha, Jerusalẽpũ esaũtja. Cohãcjũ yere yahu m̄htagũre yũhũre wejẽeta masa. Cohãcjũ yere yahu m̄htariquinare tiquina wejẽgũ Jerusalẽpũ ijiro cahmene tiquinare. Sa yegũ yũhũ gũhũre Jerusalẽpũ ijiro cahmene.

<sup>34</sup> ‘Ahyou, Jerusalẽ cjãna, m̄sa Cohãcjũ yere yahu m̄htariquinare wejẽ, m̄sa cahapũ tiquiro ohoriquinare utã paca mehna doque wejẽdi m̄sa. Canaca ticoro pohnene wũye dũpũri mehna ticoro moha cuñano saha peye tahari m̄sare

cahñducumi. M̄sare cahmemi. M̄sa pehe yũhũre ne cahmedari. <sup>35</sup> Yojõpũ m̄sa ya maca cohõri maca ijirota. Ijirota niita niaja m̄sare. Cohãcjũ mari pũhtoro tiquiro tutuaye mehna ahtaũtja yũhũ. Yũhũ ahtagũ m̄sa yũhũre “Cohãcjũ tutuaye mehna ahtariquiro quehnoahdo”, ninata. Yũhũre m̄sa tire niato pano pari turi yũhũre ihñasi m̄sa, niahye Jesu.

## 14

### *Dohatiriquirore yũhdũoahye Jesu*

<sup>1</sup> Ape deco saurũ ijigũ fariseo masa pũhtoa mehna cjũno ya wũhũpũ Jesu ih-yaro wahahye. Ti wũhũpũ ijieyequina tiquirore ihña nũnũahye. <sup>2</sup> Sa yero omoca, ñecũ gũhũ ipinohriquiro tiquiro cahapũ esahye. <sup>3</sup> Sa yero Jesu judio masare buheyequinare, fariseo masa gũhũre sinituahye:

—¿Saurũ ijigũ dohatiriquirore yũhdũo dutiajari Cohãcjũ yere tiquina ojoari pũpũ? niahye Jesu.

<sup>4</sup> Tiquiro sa ni sinituepegũta tiquina yũhtierahye. Tiquina yũhtieragũ ihñano Jesu dohatiriquirore yũhdũo, “Wahaya”, niahye tiquirore. <sup>5</sup> Sa ye tuhasaro, tiquinare sinituahye tja:

—¿Ihcãquiro m̄sa mehna cjũno tiquiro macũno saurũ deco mari sori deco ijigũ aco ijiri copepũ tiquiro bora sajãgũ ne wioer-aboagari, m̄sa tãhotugũ? ¿Tiquiro yaquiro wecũ gũhũre ne wioeraboagari, m̄sa sa nina? Ne wioboaga tiquiro, niahye Jesu.

<sup>6</sup> Tiquiro sa niepegũta tiquina tiquiro siniturire yũhti masiedahye tja.

### *Omoca dũhteri bose deco ijigũ pijioriquinare yahuahye Jesu*

<sup>7</sup> Fariseo masũno ya wũhũpũ ijiro ti wũhũ cjũno tiquiro pijioriquina quehnoañe dujiyere tiquina besegũ ihñahye Jesu. Sa ihña tuhasa ohō saha ni yahuahye ijipihtiyequinare:

<sup>8</sup> —Omoca dũhteri bose deco m̄sare tiquiro pijiogũ, quehnoañe dujiyere bese dujieracãhña. M̄sa yũhdũoro cua pesayequinare pijioaga ahri wũhũ upũro. <sup>9</sup> Tiquiro sa yegũ m̄sa quehnoañe dujiyepũ dujigũ “Ahriquina cua pesayequina pehere m̄sa dujiyere ohoya”, niboaga

wahũ upũro mũsare. Tiquiro sa nigũ mũsa pehe bũoro wahana, ñaÑe dujiyepũ dujiiboaga. <sup>10</sup> Sa yena wahũ upũro mũsare tiquiro pijiogũ, ñaÑe dujiyepũ duji mũhtaña. Mũsa sa yegũ wahũ upũro mũsare “Quehnoañe dujiye pehere dujina ahtaya”, ninota mũsare tiquiro. Mũsa sa wahagũ apeqũna tiquiro pijioriquina pehe mũsare ño peoye mehna ihñaeta. <sup>11</sup> Ihcãquiro tiquiro basi “Pũhtota iji-aja”, ni tũhoturiquiro cahacjũno ijirota. Sa yero apeqũro “Cahacjũ ijiaja”, ni, tũhoturiquiro, apeqũnare yũhdũdũca dueriquiro tiquiro pehe pũhtoro ijirota, niahye Jesu tiquinare.

<sup>12</sup> Sa ni tuhasa Jesu wahũ upũrore yahuahye:

—Mũhũ bose deco dahregũ mũhũ cahapũ ijiyequinare, mũhũ bahanare, mũhũ acayere, doeri cjẽ opanare pijioeracãhña. Mũhũ tiquinare pijiogũ mũhũ gũhũre tiquina gũhũ piji cahmeeta. Sa piji cahmeÑe mũhũre tiquina wapamonore wapa yeeta. <sup>13</sup> Mũhũ bose deco dahregũ pejecũoyequinare, tini masieÑequinare, pari yuri wahayequinare, caperi bajueyequinare pijiohya. <sup>14</sup> Mũhũ sa yegũ ihñaano Cohãcjũ mũhũre quehnoano yerota. Tiquina pehe mũhũre tiquina wapamonore wapa ye masiedare. Sa yero quehnoañequina yariariquina tiquina masa mũjari pje ijigũ Cohãcjũ pehe quehnoano mũhũ yeri wapa mũhũre quehnoano yerota, niahye Jesu wahũ upũrore.

*Pajiri bose deco queoyere yahuahye Jesu (Mt 22.1-10)*

<sup>15</sup> Tiquiro sa nigũ tũhoro apeqũro ihyari mesa cahapũ dujiriquiro, Jesure yahuahye:

—Cohãcjũ tiquiro pũhtoro ijiropũ tiquiro ihyari mesa cahapũ dujiyequina tutuaro bucueyequina ijieta, niahye tiquiro Jesure.

<sup>16</sup> Tiquiro sa nigũ Jesu ahri queoyere yahuahye tiquirore:

—Pajiri bose deco dahreriquiro peyequina masare pijioahye. <sup>17</sup> Tiquiro pijiori bato bose deco tiquiro cahacjũnore tiquiro pijioriquinare yahu dutiro ohoahye. “Isa, ijiphtiyere bose deco cjẽ ijiatire quehno

tuhasari. Sa yero mũsare pijiori”, ni, yahu dutiahye tiquiro cahacjũnore. <sup>18</sup> Tiquiro cahacjũno tiquiro sa ni yahuepegũta, tiquiro pijionohriquina pehe “Waha masiedaja”, niahye tiquina. Tiquiro pijio mũhtanohriquiri ohõ saha ni yahuahye tiquiro cahacjũnore. “Mianogãta yehpare dũu. Sa yegũ ti yehpare ihñaagũ wahagũ niaja. Sa yero waharo basioeraga. Ño peo cjũña mũhũ yũhũre. Yũhũre basioerare”, niahye tiquiro pijio mũhtanohriquiri pehe tiquiro cahacjũnore. <sup>19</sup> Apeqũro pehe ohõ saha niahye: “Wecũare pũa omoca pihtiyequinare mianogãta dũu. Buhe tuhugũ wahau tũu niaja ti weje cãtore. Sa yegũ wecũare ‘¿Quehnoano dahrajari?’ ni ihñaagũ wahagũ tũu niaja. Sa yegũ wahasi. Yũhũre basioerare”, niahye tiquiro gũhũ. <sup>20</sup> Apeqũro pehe ohõ saha niahye: “Yũhũ mianogãta omoca dũhteĩ. Sa yero bose decopũ waharo basioeraga yũhũre”, niahye tiquiro cahacjũnore.

<sup>21</sup> Tiquiro sa nigũ cahacjũno pehe tojoa waha, tiquiro pũhtoropũre tiquina nidire yahu peho cãhye. Tiquiro sa ni yahugũ tiquiro pũhtoro tutuaro usua, ohõ saha niahye tiquiro cahacjũnore. “Wũhũse watoa cjẽ maharipũ wahaya. Pejecũoyequinare macarĩsa. Sa yegũ pejecũoyequinare, tini masieÑequinare, caperi bajueyequinare, pari yuri wahayequinare amũñaano ne cãhtaya tiquinare”, niahye pũhtoro.

<sup>22</sup> Came cjũnogã tiquiro cahacjũno yahuahye tiquiro pũhtoro: “Pũhto, mũhũ dutiriro sahata yeĩ. Yũhũ sa yepegũta apeqũna gũhũ esa tuhaeta”, niahye tiquiro cahacjũno. <sup>23</sup> Tiquiro sa nigũ pũhtoro tiquirore dutiahye: “Ihquẽ wũhũse ijiropũ wahaya. Topũ bũjũye maharipũ, daye maharigãpũ gũhũre masare ya wũhũpũ ahta dutiya, ya wũhũpũ tiquina wahpagũ. <sup>24</sup> Poto niita niaja mũhũre. Ahriquina yũhũ pijio mũhtamediquina yũhũ ihyayere ne mehenogã ihyasi”, niahye pũhtoro, ni yahuahye Jesu.

*Jesu mehna wahagũ mijorĩne (Mt 10.37-38)*

<sup>25</sup> Ti pjere peyequina masa Jesu mehna wahahye. Sa yero Jesu tiquinare majare ihña, yahuahye:

<sup>26</sup>—Ihcãquiro yũhũ buheriquiro iji duaro apequina yũhdũoro yũhũ pehere cahĩno cahmene. Tiquiro pacũrore, tiquiro pacorore, tiquiro namonore, tiquiro pohnene, tiquiro bahanare, tiquiro pagũ gãhũre tiquiro cahĩno yũhdũoro yũhũ pehere cahĩno cahmene. <sup>27</sup> Ihcãquiro yũhũ buheriquiro iji duaro yeere sa yeducuriquiro ijirota. Sa yero yaquiro tiquiro ijiri buhiri ñano yũhdũeperota yũhũre ne duhusi. <sup>28</sup> Ahrire masiyuro cahmene mũsare. Ohõ saha ijire ti: Wũhũ dahreriquiro tiquiro Ʃhmũari wũhũre yeato pano wũhũ wapa tiatire queo mũhtare. Sa yero, ti wũhũre tiquiro pehoatire masine tiquiro. <sup>29</sup> Wapa tiyere queoeraro ti wũhũre yero pehoeraboa. Sa ye tiquirore ihñañequina bujũpeboa. <sup>30</sup> “Ahriquiro ti wũhũre yero, tutuerare”, ni, bujũpeboa. <sup>31</sup> Pũhtoro apequiro pũhtoro yeequina mehna tiquina cahmequeato pano, tiquiro yequina surarare tiquiro cahme wejẽ dutiato pano, tiquiro yequina surarare queorota. “¿Yũhũ diez mil surara mehna apequiro veinte mil surara cũoriquiro mehna cahme wejẽgũ tutueraboagari yũhũ?” ni, tũhoturo queorota tiquiro. <sup>32</sup> Sa queoro, tiquiro tutueratire masinota. Sa masino apequiro pũhtoro tiquiro yequina surara mehna cahme wejẽno ahtariquiro yoaropũ tiquiro ijigũta, tutueriquiro pehe “Cahme wejẽdacũhna”, ni dutiro ohoboaga dahra cohteriquirore. <sup>33</sup> Sa yena yũhũ buhena iji duana, mũsa yeatire mũsare masino cahmene. Mũsa ye duaye pehere duhu duerana, yũhũ buhena iji masiedare, ni yahuahye Jesu.

*Moa ocayere yahuahye Jesu*  
(Mt 5.13; Mr 9.50)

<sup>34</sup> Sa yero tiquinare yahu nemoahye:

—Moa quehnoano ocare. Ti ocaeragũ ocaye yero basioerare. <sup>35</sup> Moa ocaeraro ti moa ne quehnoaedare. Ti moare dũhsero basioerare. Ti sa ijigũ ti moare cohãno cahmene. Ne dũhseati ijierare ti moa. (Ti dũhseati ijieraro saha ijieracãhña mũsa. Cohãcjũ ye pehere cohãedacãhña.) Ahrire quehnoano tũhoya mũsa, niahye Jesu.

## 15

*Oveja butiriquiro queoyere yahuahye Jesu*

(Mt 18.10-14)

<sup>1</sup> Sa ye ape deco peyequina wapa ne cohteyequina apequina “Ñañequina”, tiquina niñequina mehna Jesure tũhoye ahtahye. <sup>2</sup> Tiquina sa yegũ ihñañe fariseo masa, judio masare buheyequina gãhũ Jesure ihña tuhtiyey, ohõ saha niahye tiquina basi:

—Ahriquiro ñañequinare piti tire. Sa yero tiquina mehna ihyare, ni, yahuducuahye tiquina basi.

<sup>3</sup> Tiquina sa ni yahuducugũ Jesu tiquiro tũhotuye mehna ohõ saha ni, queoye mehna buheahye tiquinare:

<sup>4</sup>—¿Cien oveja cũoriquiro ihcãquiro oveja butigũ ihñano dũhse yerotari tiquiro? Ohõ saha yerota. Tiquiro noventa y nueve ovejare tiquina ihyariropũ cũ, butiriquirore macano waharota. Ovejare bocaropũ duhurota. <sup>5</sup> Tiquirore bocaro bucuerota. Sa yero tiquiro butiriquirore wũa peo, tiquiro ya wũhũpũ ne tojoaa waharota. <sup>6</sup> Ne tojoa sa, tiquiro cahapũ ijiyequinare, tiquiro acayere piji cahmecoanota. “Yaquiro oveja butiriquirore boca tuhasaũ. Sa yena yũhũ mehna bucueya”, ninota tiquiro tiquinare. <sup>7</sup> Poto niita niaja mũsare. Noventa y nueve oveja peyequina tiquina ijiro sahata, peyequina masa ohõ saha ni tũhoture: “Ñano yeraja. Sa yegũ yũhũ ñañene bujũa witisĩ. Quehnoañe pehere comesasi yũhũ”, ni, tũhoture peyequina masa. Tiquina sa ni tũhotugũ ihñañe Ʃhmũse cjẽna Cohãcjũ cahapũ ijiyequina bucuerare. Apequiro pehere bucuerare. Butiriquiro oveja ihcãquirola butiriro sahata tiquiro upũro tiquirore bocariro sahata ihcãquiro ñariquiro tiquiro ñañene bujũa wutigũ, quehnoañe pehere comesagũ ihñañe, Cohãcjũ cahapũ ijiyequina tutuaro bucuerare, niahye Jesu.

*Niñeru cjoe butiri queoyere yahuahye Jesu*

<sup>8</sup> Sa ni yahu tuhasa, queoye mehna yahu nemoahye tja:

—¿Pũa omope cjoeri niñeru cjoeri cũoricoro ihcã cjoe butigũ dũhse yerotari

ticoro? Ohõ saha yerota ticoro. Sihãriare sihã, wãhure coha, quehnoano maca pehorota. Ti cjoere bocaropu duhurota. <sup>9</sup> Ti cjoere boca tuhasa, ticoro cahapu ijiyequinare, ticoro mehna cjẽnare piji cahmecoanota. “Niñeru cjoe yãhure butiri cjoere boca. Sa yena yãh mehna bucueya”, ninota ticoro. <sup>10</sup> Potota niita niaja musare. Sata ihcãquiro ñariquiro tiquiro ñañene bujã witigã quehnoañe pehere comesagã Cohãcjũ yequina angele pehe tutuaro bucueeta, niahye Jesu.

### *Tiquiro macno butiri queoyere yahuahye Jesu*

<sup>11</sup> Sa ni yahu tuhasa Jesu queoye mehna yahu nemoahye tja:

—Bucaro pohne puaro umãa ijiahye.

<sup>12</sup> Dãhsariquiro pehe ohõ saha niahye tiquiro pacurore: “Mai, mũhũ yariari bato mũhũ ohoatire yãhure ohoya”, niahye tiquiro pacurore. Tiquiro sa nigũ tiquina pacuro puaropureta tiquiro pohnene itiahye tiquiro cãorire. <sup>13</sup> Meheñe decorigã bato dãhsariquiro tiquiro yere ijipihtiyere ne, yoaropu ape yehrapu wahaah wahahye. Topu esaro tãho masieniquiro yero saha ye, tiquiro niñerure, tiquiro yere ye site peho cãhye. <sup>14</sup> Tiquiro ye site pehori bato ti yehrapure ne ihyaye mariedi pje ijidãchahye. Sa yero tiquiro mũãa ahbahye. <sup>15</sup> Sa yero ti yehpa cjẽ dahrayere macahye. Tiquiro bocagã tiquiro puhtoro yesea cohteriquiro sõahye tiquirore. <sup>16</sup> Sa yero tiquiro yeseare nu, tiquina ihyayere ihya duamahye. Tiquiro sa ihya duepegãta ti ihyayere to cjẽna ohoerahye tiquirore.

<sup>17</sup> Sa ye tiquiro topu wacũahye. “Yãhũ pacure dahra cohteyequina pehe bujãye ihyayere ihyare. Tiquina ihya dahari gũhũ bujãye dãhsare. Tiquina sa quehnoano yãhdũri watoa yãhũ pehe ohõru ijigũ, mũãa ahbagũ niaga. <sup>18</sup> YojoPURE yãhũ pacũ cahapu tojoagũtja. Yãhũ pacũ cahapu esagũ ohõ saha niitja tiquirore: ‘Mai, Cohãcjũre ñano yei. Mũhũ gũhũre ñano yei. <sup>19</sup> Ñagũ ijiaja yãhũ. Mũhũ macũ yero saha ijibogũ ijieraja yãhũ. Mũhũre dahra cohteriquiro yero saha yeya yãhũre’, niitja yãhũ pacure”, ni tãhotuahye tiquiro. <sup>20</sup> Sa ni tãhoturota wahcãdũca, tiquiro pacuro

cahapu tojoaa wahahye. Topu tiquiro esariquiro tojoa tagã tiquiro pacuro pehe yoaroputa tiquiro macnure ihñahye.

“Tiquiro sa wihigã ihñano macnure paja ihñahye. Paja ihñano tiquiro cahapu oma cã, tiquirore quẽ suhsu maa, tiquiro wahsupure ihmiahye pacuro tiquiro macnure. <sup>21</sup> “Mai, Cohãcjũre ñano yei. Mũhũ gũhũre ñano yei. Ñagũ ijiaja yãhũ. Mũhũ macũ yero saha ijibogũ ijieraja yãhũ”, niahye tiquiro pacurore. <sup>22</sup> Tiquiro sa nigũ tãhoro pacuro pehe dahra cohteyequinare pijiahye. “Sojaro mehna, quehnoa yãhdũri suhtirore ne cãhtaya. Sa yena yãhũ macure sõaña. Sãa tuhasa, tiquiro omoca sañari behtore sõa, dahro suhti gũhũre sõaña. <sup>23</sup> Sãa tuhasa, dihi tiriquiregãre wecũgãre wejẽña. Bose deco yeihna mari. <sup>24</sup> Ahriquiro yãhũ macũ yariariquiro yero saha wahariquiro ijire. Sa wahaeperota yojoPURE catire tiquiro. Tiquiro butimediquirore pari turi boca. Sa yena bose deco yeihna mari”, niahye tiquiro pacuro. Tiquiro sa nidi bato bose deco dahre dãchahye tiquina.

<sup>25</sup> “Ti pjere tiquiro wahmino pehe wesepũ ijiahye. Wesepũ ijiriquiro cohe tojoa taro wãhũ cahapu esaro, tiquina basayere tãhoahye tiquiro. <sup>26</sup> Tãhoro, ihcãquiro dahra cohteriquirore pijio, tiquirore sinituahye tiquiro: “¿Dãhse ijiro boro basaye niari?” niahye tiquiro dahra cohteriquirore. <sup>27</sup> “Mũhũ bahũ coheri. Tiquiro quehnoariquiro, catiriquiro tiquiro cohegũ mũhũ pacũ dihi tiriquiregãre wecũgãre wejẽ dutiri”, ni yãhtiahye dahra cohteriquiro. <sup>28</sup> Tiquiro sa ni yahugã tiquiro wahmino pehe tutuaro usuaro, wãhũpu sajãedahye. Tiquiro sajãedagũ ihñano tiquiro pacuro sopecahapu wijia ta, “Sajã taya”, ni, pijimahye tiquiro macnure. <sup>29</sup> Tiquiro sa pijigũ macno yãhtiahye. “Tãhoya mai. Yoari pje mũhũre dahra cohteriquiro yero saha mũhũre yedohomi. Sa yegũ mũhũ dutiyere ne ihcã taha yãhdũdũcaeru. Yãhũ mũhũre dahra cohtepegãta yãhũre ne ohoerari mũhũ. Ne ihcãquiro wahiquirogãre ne ohoerari mũhũ yãhũre yãhũ piti tiyequina mehna yãhũ bose deco dahreatire. <sup>30</sup> Sa

yero ahriquiroyo m̄h̄h̄ mac̄h̄ pehe ñañequina numia mehna m̄h̄h̄ yere ye site pehoñoh̄ti. Tire ye site peho tuhasa, w̄h̄h̄p̄h̄ tiquiro tojoa wihiḡũ dihi tiriquireoḡãre wecuḡãre wejẽ dutiñohti m̄h̄h̄ tiquiro ihyatiquirore”, niahye tiquiro wahmino pehe pac̄h̄rore. <sup>31</sup> “Mac̄h̄, ȳh̄h̄ mehna ijipihtiye decori m̄h̄h̄ ijiḡũ ijipihtiye ȳh̄h̄ c̄h̄oye m̄h̄h̄ ye ijire. <sup>32</sup> M̄h̄h̄ bah̄h̄ pehe yariariquiro yero saha wahari marine. Sa ye yojop̄h̄re tiquiro catiriquiro ijire. Tiquiro butiriquiro yero saha ijiri. Tiquiro sa wahari bato yojop̄h̄re tiquirore bocāh̄. Sa yero tiquiro tojoa wihiḡũ mari bose deco ye bucueḡũ quehnoare”, niahye tiquiro mac̄h̄nore, niahye Jesu tiquinare.

## 16

### *Niñeru cohteriquiro t̄ho masiniquiro quitire Jesu yahuahye*

<sup>1</sup> Sa ye ahri quitire tiquiro buheyequinare yahuahye Jesu:

—Doeri c̄j̄ẽ up̄h̄ro ye niñerure cohteriquiro niñerure quehnoano tiquiro ihboeraḡũ ihñano apequiroyo pehe yahus̄h̄ye doeri c̄j̄ẽ up̄h̄rore. “M̄h̄h̄ ye niñerure ye sitero nine”, ni yahus̄h̄ye tiquirore. <sup>2</sup> Tiquiro yahus̄h̄ tuhasari bato niñeru cohteriquirore pijioahye. Sa yero tiquiro wihiḡũ ihñano, tiquirore p̄h̄toro yahuahye. “Yee niñerure m̄h̄h̄ ye siterire apequiroyo ȳh̄h̄re yahuri. Sa yeḡh̄ yeere cohteḡh̄ iji nemosi m̄h̄h̄. Sa yeḡh̄ yeere m̄h̄h̄ yerire yahu peho ojoaya. M̄h̄h̄re cohãḡh̄ niaja”, niahye p̄h̄toro tiquirore. <sup>3</sup> Tiquiro sa nidi bato oh̄o saha ni t̄hotuahye cohteriquiro tiquiro basi: “Ȳh̄h̄ p̄h̄toro ȳh̄h̄re cohãno taro niaga. Ȳh̄h̄ tutueraja. Sa yeḡh̄ tutuaro dahra masiedaja. Sa yeḡh̄ apequinare ȳh̄h̄ niñerure siniḡũ b̄h̄oro ȳh̄d̄h̄boaga ȳh̄h̄. ¿Sa yeḡh̄ d̄h̄se yeitari ȳh̄h̄? <sup>4</sup> Yojop̄h̄ p̄ritare ȳh̄h̄ yeatire masiaja ȳh̄h̄. Oh̄o saha ȳh̄h̄ yeḡh̄ ȳh̄h̄ dahraye mariedaḡũ ȳh̄h̄ p̄h̄torore wapamõnequina ȳh̄h̄re cah̄ieta. Sa ye tiquina ye w̄h̄h̄sep̄h̄ sajã dutieta ȳh̄h̄re”, ni t̄hotuahye tiquiro. <sup>5</sup> Sa ni t̄hoturo tiquiro ijipihtiyequina tiquiro p̄h̄torore wapamõnequinare pijioahye. Pijio tuhasa, cohteahye. Wihi m̄h̄tariquireore oh̄o saha

ni sinituahye tiquiro. “¿Ȳh̄h̄ p̄h̄torore noho puno wapamoajari m̄h̄h̄?” niahye tiquiro. <sup>6</sup> Tiquiro sa niḡũ wapamoriquireoyo pehe ȳh̄htiahye. “Cien tambores ùhsere olivo d̄uca mehna tiquina yeri ùhsere wapamoaja tiquirore”, ni, ȳh̄htiahye. Tiquiro sa ni yahuḡũ cohteriquiro pehe oh̄o saha ni yahuahye. “Oh̄õp̄h̄ ijire m̄h̄h̄ wapamonore ojoa oh̄õri p̄ũ. Dujiya. Sa yeḡh̄ m̄h̄h̄ wapamonore deco mehna ne, deco mehna ojoa quehnoña”, niahye cohteriquiro wapamoriquireoye. <sup>7</sup> Sa ni tuhasa apequiroyo wapamoriquireoye sinituahye tiquiro. “¿M̄h̄h̄ waro, noho puno wapamoajari?” niahye tja. “Cien ajuri trigo p̄jeri ajurire wapamoaja ȳh̄h̄”, niahye wapamoriquireoyo niñerure cohteriquirore. “Oh̄õp̄h̄ ijire m̄h̄h̄ wapamonore ojoa oh̄õri p̄ũ. M̄h̄h̄ wapamonore ochenta ojoa quehnoña”, niahye cohteriquiro. <sup>8</sup> Tiquiro sa quehnoano ni meho mihniḡũ ihñano “Ahriquireoyo ni mehoriquiro quehnoano masidiquiro ijiaga”, ni t̄hotuahye tiquiro p̄h̄toro niñerure cohteriquirore. Ahri deco c̄j̄ẽna, Cohãc̄j̄ãre cahmeeñequina tiquina yere quehnorire tiquina niñeru ihborire Cohãc̄j̄ã yequina ȳh̄d̄h̄oro masiaga tiquina, niahye Jesu.

<sup>9</sup> Sa ni tuhasa Jesu yahu nemoahye:

—Sa yeḡh̄ m̄sare niita niaja. M̄sa c̄h̄oyere, pejec̄h̄oyequinare m̄sa ohoḡũ, tiquina pehe m̄sare cah̄ieta. M̄sa sa yeḡh̄ m̄sa c̄h̄oye pihtiaro bato m̄sa ùhm̄sep̄h̄ esaḡũ m̄sare cah̄ieta top̄h̄re.

<sup>10</sup> Ihyo ijiyequina ye dahrayere poto yena, p̄h̄toa ye dahraye ḡh̄h̄re poto yenata. Ihyo ijiyequina ye dahrayere queoro yerana, p̄h̄toa ye dahraye ḡh̄h̄re queoro yesi m̄sa. <sup>11</sup> Sa yena ahri yehp̄h̄ m̄sa c̄h̄oye mehna m̄sa quehnoano yerana Cohãc̄j̄ã m̄sare tiquiro ye buheye ḡh̄h̄re quehnoano yesi m̄sa. Sa yero ti buheyere c̄si tiquiro. <sup>12</sup> Sa yena apequiroyo yere m̄sa quehnoano ye basaeraḡũ ihñano m̄sa ye ijiatire ohosi m̄sare.

<sup>13</sup> Ihcãquiroyo Cohãc̄j̄ã pehere wac̄no, tutua ȳh̄d̄h̄aro niñeru pehere wac̄edare. Niñeru pehere tutua ȳh̄d̄h̄aro wac̄no Cohãc̄j̄ã pehere wac̄edare. Niñeru dihitare cahmediquireoyo ijiro Cohãc̄j̄ãre bucueḡũ

yerare. Cohãcjũ gãhure, niñeru gãhure p̄arore cahme ȳhd̄d̄ucaro basioerare m̄sare. Niñerure cahme ȳhd̄d̄ariquiro Cohãcjũre quehnoano ño peo masiedare, niahye Jesu.

<sup>14</sup> Tiquiro sa nigũ t̄hoye fariseo masa pehe tiquirore b̄j̄peahye. Tiquina pehe niñerure cahñahye. Sa ye b̄j̄peahye. <sup>15</sup> Tiquina b̄j̄pegũ t̄horo Jesu tiquinare yahuahye:

—Masa tiquina ihñonore m̄sa quehnoano yemene. M̄sa sa yegũ “Quehnoañequina, poto yeyequina ijire”, nimene masa m̄sare. Cohãcjũ pehe m̄sa t̄hotuyere masine. Masa “Quehnoa ȳhd̄d̄are”, tiquina nidire Cohãcjũ pehe sijoro saha ni t̄hoture. Tire ihña yabire, niahye Jesu.

*Cohãcjũ dutiyere, tiquiro p̄htoro ijiyere yahuahye Jesu*

<sup>16</sup> Sa ni tuhasa ohõ saha ni nemoahye Jesu:

—Ñu wame yeriquiro tiquiro ijiato pano Moiserere tiquiro c̄uri dutiye mehna Cohãcjũ marine dutiri. Cohãcjũ yere yahu m̄htariquina tiquina ojoari mehna gãhũ marine dutiri. Yojoꝑ̄ pehere Ñu tiquiro buhe d̄cari bato quehnoañe buheyere, Cohãcjũ tiquiro p̄htoro ijiye gãhure masi d̄care masa. Sa masiñe masa tiquina esa tuharo tiquina tutuaye mehna Cohãcjũ tiquiro p̄htoro ijirore sajã duamene.

<sup>17</sup> Moiserere tiquiro c̄uri dutiyer̄ Cohãcjũ nidiro sahata ye pehorota tiquiro. Ëhm̄se gãhũ ahri yehpa gãhũ pihtia wahaep̄gãta Cohãcjũ nidiro sahata ye pehorota, niahye Jesu.

*Namonore cohãñene yahuahye Jesu (Mt 19.1-12; Mr 10.1-12)*

<sup>18</sup> Sa ni tuhasa ohõ saha ni nemoahye Jesu:

—Mas̄no tiquiro namonore cohãno, ap̄coro mehna omoca d̄htero, ticoro mehna ñano yero nine. Apequiro tiquiro cohãricoro mehna omoca d̄htero, tiquiro gãhũ ticoro mehna ñano yero nine, niahye Jesu.

*Doeri cjẽ up̄ro, pejec̄oriquiro queoyere yahuahye Jesu*

<sup>19</sup> Sa ye queoye mehna yahuahye Jesu:

—Ti p̄er̄e doeri cjẽ up̄ro ijie tiahye. Tiquiro suhti pehe wapa b̄j̄ ȳhd̄d̄ahye. Sa yero decoripe quehnoañe dihitare ih-yaro, peye c̄oahye tiquiro. <sup>20</sup> Sa yero ti p̄ere apequiro pejec̄oriquiro, Lázaro wame tiriquiro ijie tiahye. Tiquiro pagu peye cami tiriquiro ijiahye. Sa ye apequina pehe tiquirore doeri cjẽ up̄ro ya w̄h̄ã cjã sahr̄no cahap̄ ne sae tiahye. <sup>21</sup> Sa yero pejec̄oriquiro pehe doeri cjẽ up̄ro tiquiro ihyari mesa docap̄ yehpap̄ dujiro tiquiro ihya site dijioyere ihyae timahye. “Tiquiro ihya site dijiorire ihyaḡ yapiḡata ȳh̄”, ni, t̄hotue timahye tiquiro. Sa ye diayea tiquiro camine nehneñe ahtae tiahye.

<sup>22</sup> Sa yero pejec̄oriquiro tiquiro yariaa wahagũ, Abrahã cahap̄ paraíso wame tirop̄ angele tiquirore ne m̄jahye. Sa yero doeri cjẽ up̄ro gãhũ tiquiro batogãta yariaa wahahye. Tiquiro yariagũ tiquirore yahye. <sup>23</sup> Sa yero doeri cjẽ up̄rore tutuaro peca ūj̄ahye. Sa yero pecap̄ ijiro ãhm̄sep̄ ijiriquirore Abrahãre ihñahye. Lázaro gãhure ihñahye. <sup>24</sup> Ihña tuhasa, tiquiro Abrahãre pisuahye. “Ȳh̄ã acayũ Abrahã, paja ihñaña ȳh̄re. Pecap̄ ȳh̄ã ñano ȳhd̄d̄gũ niaja. Ȳh̄ã sa wahagũ Lázarore ȳh̄re ohoya. Sa yero acore tiquiro omo piriap̄ soha, ȳh̄ã ñehmenore aco mehna nehono ahtaahro. Tire ȳs̄oahro tiquiro”, niahye doeri cjẽ up̄ro. <sup>25</sup> Tiquiro sa nigũ Abrahã tiquirore yahuahye: “Ȳh̄ã acayũ, catiḡp̄ m̄h̄ã ijipihtiyere quehnoañene c̄ori. Lázaro pehe decoripe ñano ȳhd̄d̄ari. Yojoꝑ̄ pehere m̄h̄ã ñano ȳhd̄d̄gũ tiquiro pehe ohõp̄re bucueye mehna ijiro nine. <sup>26</sup> Sa ye mari watoa ãhc̄ãri cope ijire. Sa ye ohõre ijiequina top̄re waha masiedare. Sa ye top̄ ijiequina ohõp̄re ahta duayequina ahta masiedare”, niahye Abrahã doeri cjẽ up̄rore. <sup>27</sup> Tiquiro sa nigũ doeri cjẽ up̄ro ohõ saha ni nemoahye: “Ȳh̄ã acayũ, tutuaro siniaja m̄h̄re. Lázarore ȳh̄ã pac̄ã ya w̄h̄p̄ ohoya. <sup>28</sup> Ȳh̄ã ihcã omopequina bahana tii. Lázaro tiquinare yahuahro. Tiquina ohõre ñano ȳhd̄d̄rop̄re ahtaeracãhdo”, niahye tiquiro. <sup>29</sup> Sa nigũ Abrahã pehe ȳhtiahye: “Cohãcjũ dutiyere Moise marine c̄irire,



Cohãcjũ yere yahu mahtariquina tiquina ojoarire cõore mũhũ bahana. Sa ye mũhũ bahana tireta tũhoahro”, niahye Abrahã. <sup>30</sup> Tiquiro sa nigũ doeri cjẽ upũro pehe yũhtiahye: “Yũhũ acayũ Abrahã, tire cõopeta quehnoano tũhosi. Lázaro yariariquiro masa bajua, tiquina cahapũ esagũ ihñãne tiquina pehe ñãñene bũjũa witi, quehnoañe pehere comesaeta. Sa ye quehnoañene yeeta yũhũ bahana pehe”, niahye doeri cjẽ upũro mũnano. <sup>31</sup> Tiquiro sa nigũ Abrahã pehe yahuahye: “Mũhũ bahana Moise cũri pũ tiquiro yahuyere, Cohãcjũ yere yahu mahtariquina mũna tiquina yahuyere tũho dueyequina ijire. Sa ye Lázaro yariariquiro mũnano masa bajuepegũta tiquina Cohãcjũre tũho duasi”, niahye Abrahã, ni, yahuahye Jesu.

## 17

*Ñãñene yegũ cuarĩne  
(Mt 18.6-7, 21-22; Mr 9.42)*

<sup>1</sup> Sa ye Jesu yahuahye tiquiro buheyequinare:

—Masare ñãñe yegũ yeye peye ijire. Sa yeye masa ñãñene yere. Ti sa ijiepegũta masũnore ñãñene yegũ yeriquiro pehe ña yũhdũaro yũhdũrota. <sup>2</sup> Masũnore tiquiro wamũapũ pajiria utãre dũhte yo, pajiri mapũ tiquirore cohãgũ ñano wahaboaga tiquiro. Apequiro pehe ahriquinagã mehna cjũnogãre ñãñene yegũ yero pajiri mapũ tiquina cohãriquiro yũhdũoro ñano yũhdũrota. Tiquirore tutuaro buhiri dahrero cahmene. <sup>3</sup> Quehnoano yeya mũsa. Mũsa acayũro ñano tiquiro yegũ ihñana “Yeracãhña”, niña tiquirore. Sa yena tiquiro ñãñene bũjũa witi, quehnoañene comesagũ mũsa pehe tiquiro ñãñe yeyere boya. <sup>4</sup> Sa yero mũsa acayũro ihcã decota siete tahari mũsare ñano tiquiro yegũ mũsare tiquiro bo dutigũ boya. “Pari turi mũhũre ñano yesi”, siete tahari tiquiro nigũ tope taharita tiquiro ñano yerire boya, niahye Jesu.

*Cohãcjũre wacũ tutuayere yahuahye Jesu*

<sup>5</sup> Sa ye Jesu buheyequina tiquirore ohõ saha niahye:

—Cohãcjũre usãre quehnoano wacũ tutua nemogũ yeya, niahye tiquina Jesure.

<sup>6</sup> Tiquina sa nigũ Jesu yũhtiahye:

—Mostaza capegã meheni pjegã ijire. Ti yero saha Cohãcjũre mehenogã wacũ tutuana, ohõ saha wahagũ ye masinata mũsa: Ahdũ yucũgũre ohõ saha ni masine: “Mũhũ yucũgũ mũhũ basi duhtu cã, pajiri mapũ bora ñõjoañã”, ni masine mũsa. Mũsa sa nigũ tũ yucũgũ pehe mũsa dutiro sahata waharota, niahye Jesu.

*Dahra cohteriquiro tiquiro dahrayere yahuahye Jesu*

<sup>7</sup> Came ahri quitire yahuahye Jesu:

—Mũsare dahra cohteriquiro ijiro wesepe tanare. Sa yero ovejare ihña ihbore. ¿Dahra cohteriquiro tiquiro tojoa wihigũ dũhse niboagari mũsa tiquirore? ¿“Sojaro mehna ahtaya. Mũhũ ihyaye ohõpũ ijire”, niboagari mũsa? <sup>8</sup> Sa niedare mũsa. Tiquirore ohõ saha nine mũsa: “Yũhũ ihyayere doha quehnoña. Sa yegũ yũhũ ihya sihnigũ yũhũre cohteya. Yũhũ bato mũhũ gũhũ ihya sihniña”, nine mũsa dahra cohteriquirore. <sup>9</sup> Dahra cohteriquiro mũsa dutiyere tiquiro yegũ tiquirore “Quehnoare”, niedare mũsa. Tiquiro dahraye dihitare yero niaga tiquiro. <sup>10</sup> Mũsa gũhũ tiquiro yero saha ijire. Cohãcjũ dutiriro sahata ye pehona ohõ saha ni, tũhotuya mũsa. “Usã gũhũ dahra cohtena dihita ijiaja. Ihyo ijina ijiaja usã. Usã dahraye dihitare yei usã”, ni, tũhotuya mũsa, niahye Jesu tiquiro buheyequinare.

*Pũa omopequina cami bũcũ mũna wihare yũhdũoahye Jesu*

<sup>11</sup> Ape deco Jerusalẽpũ Jesu waharo niahye. Topũ waharo Samaria yehpa, Galilea yehpa, ti pũa yehpa watoa yũhdũ cãhye. <sup>12-13</sup> Ape macapũ wahari mahapũ tiquiro tinigũ pũa omopequina cami bũcũ mũna wiha pehe tiquirore piti cahye. Sa ye yoa cjũnopũ ducuye pisuahye:

—Jesu, pũhto, usãre paja ihñãña, niahye tiquina.

<sup>14</sup> Sa nigũ tiquinare ihña, yahuahye Jesu:

—Pahire mũsa pagũrire quehnoañe pagũri mũsa waharire ihñona wahaya, niahye tiquinare.

Sa nidi bato tiquina wahari watoa quehnoa wahahye. <sup>15</sup> Sa yero ihcãquiro

tiquina mehna cjāno quehnoano tiquiro pagu wahagū ihñano, Jesu cahapu majare tojoa tahye. Sa tojoa taro tutuaro mehna Cohācjūre ño peohye. “Cohācjū tutuariquiro, quehnoariquiro ijire”, ni, ño peohye tiquiro. <sup>16</sup> Sa nino tiquiro Jesu dahpocāri caha dusepe curi mehna quehe sa, “Quehnoare”, niahye tiquiro. Samaria cjāno ijiahye. <sup>17</sup> Tiquiro sa yeri bato Jesu ohō saha ni sinituahye:

—Pua omopequina ijiri masa quehnoa wahariquina. ¿Apequina nueve dūhsayequina pehe nohopu ijiagari tiquina? <sup>18</sup> Ahriquiro ape yehpa cjāno dihita Cohācjūre “Quehnoare”, nino taro tojoa tari. ¿Dūhse ijiri boro apequina ahtaerajari? niahye Jesu.

<sup>19</sup> Sa ni tuhasa Jesu yahuahye dusepe curi mehna quehe sariquirore.

—Wahcādūcaya. Wahaya. Mūhu Cohācjūre wacū tutuagu, yūhdūre mūhu, niahye Jesu tiquirore.

*Cohācjū tiquiro pūhtoro ijiatire yahuahye Jesu*

*(Mt 24.23-28, 36-41)*

<sup>20</sup> Ti pjere meheñequinagā fariseo masa Jesure sinituahye:

—¿Dūhse ijigū Cohācjū pūhtoro iji dūcarotari? niahye tiquina.

Tiquina sa nigū Jesu yūhtiahye:

—Cohācjū tiquiro pūhtoro iji dūcagū masa ihña masiedare. <sup>21</sup> “Cohācjū pūhtoro ijiye ohōpu ijire”, ni masiedare. “Sohōpu ijire”, ni masiedare. Cohācjū tiquiro pūhtoro ijiye masa tiquina tūhotuyepu ijire, niahye Jesu fariseo masare.

<sup>22</sup> Sa ni tuhasa Jesu tiquiro buheyequinare ohō saha ni yahuahye:

—Came yūhu masu Cohācjū ohorigu ahri yehrapu yūhu tojoa tatire tutuaro cahmenata mūsa. Mehenogā yūhure ihña duepenata yūhure ihñasi mūsa. Mūsa yūhure sa ihña duepegūta ti pjere ahtasi yūhu. <sup>23</sup> Apequina mū sare ohō saha nieta. “Tiquirore ihñaña. Cristo ijire. Ahriquirore ihñaña. Cristo ijire”, nieta mū sare. Tiquina sa niepegūta tiquinare tūhoeracāhña. <sup>24</sup> Upo miadoqueoro wacūeno mehna ti mia sitedoqueoro sahata yūhu gūhu masu Cohācjū

ohorigu wacūeno mehna tojoa tautja.

<sup>25</sup> Ahrire yūhu yeato pano yūhu tutuaro ñano yūhdūta. Sa ye yojopu cjēna yūhure cahmesi. <sup>26</sup> Noé tiquiro ijiri pje cjēna

tiquina ijiriro sahata yūhu masu Cohācjū ohorigu yūhu tojoa tagū sata ijieta masa.

<sup>27</sup> Noé tiquiro ijiri pjere ijipihtiyequina masa sa ihyaducue tiahye. Sa ye sihniducue tiahye. Ūmūa, numia mehna omoca dūhtee tiahye. Noé pajiria yucūsapu

tiquiro sajāto pano Cohācjū tiquinare tiquiro mioato pano ti ijipihtiyere masa

yeducue tiahye. Sata ijirota yūhu tojoa tagū gūhure. <sup>28</sup> Lote tiquiro ijiri pje cjēna tiquina

ijiriro sahata yūhu tojoa tagū ijieta masa. Lote tiquiro ijie tiri pjere masa ihya, sihni, dú, dua, weserire ote, wūhuse yeahye.

<sup>29</sup> Tiquina sa yeri watoa Sodoma wame tiri macapu ijiriquiro Lote tiquiro wahari

deco ūhmūse cjā peca, peca asiye paca utā pjeri gūhu acoro ahtaro saha tiquina bui bora pje, tiquinare wejē pehoe tiahye.

<sup>30</sup> Yūhu masu Cohācjū ohorigu wacūeno mehna yūhu tojoa tagū tiquina yero sahata yeyequina ijieta masa ti pjere.

<sup>31</sup> ‘Ti pjere ihcāquiro tiquiro ya wūhu bui cjā paapu quehnoari paapu ijiriquiro wūhu

puhiapu tiquiro ye ijigū tire neno wahaeracāhdo tiquiro sojaro mehna wahato saha.

Sa yero wesepu ijiriquiro gūhu ti pjere tiquiro ya wūhupu piheracāhdo tiquiro sojaro mehna wahato saha. <sup>32</sup> Lote namono

ticoro waharire wacūña mūsa. <sup>33</sup> Masūno yūhure wacūno marieno tiquiro esa tuharo tiquiro cahmeno saha yero, pecapu wa-

harota. Sa yero yeere sa yeducuriquiro ijipihtiye decori yūhu mehna ūhmūsepu ijirota.

<sup>34</sup> ‘Ti ñamine pūaro ihcā cuñanopu carñequinare ihcāquiro yūhure cahmeniquirore neitja. Sa yero yūhure

cahmedariquiro topu tojoarota. <sup>35</sup> Ti pjere pūaro numia ihcānopu tiquina trig-

ore tu mūtoñe numiare ihcācoro yūhure cahmenicorore neitja. Sa yero yūhure cahmedaricoro topūta tojoarota. <sup>36</sup> [Sa

ye wesepu pūaro dahrayequina tiquina ijigū ihcāquirota neitja. Ihcāquiro topu tojoarota,] niahye Jesu.

<sup>37</sup> Sa nigū tiquiro buheyequina pehe sini-

tuahye tiquiore.

—¿Nohorꝑꝑ sa waharotari? ni sinituahye tiquina.

Tiquina sa nigũ Jesu yũhtiahye:

—Masa tiquina ñano yeducurirorꝑꝑ, topꝑ Cohãcjũ buhiri dahrerota tiquinare, niahye Jesu.

## 18

*Wape wihoro ticoro buhiri dahre dutiye queoyere yahuahye Jesu*

<sup>1</sup> Sa ye Jesu tiquinare Cohãcjũre siniñene yahuro ohõ saha niahye:

—Musa Cohãcjũre sinina, cohteya tiquiore yũhtiatire. Yoari pje cohtepenata bujua witieracãhña. Tiquiore sinina duhueracãhña, niahye Jesu.

<sup>2</sup> Tiquiore sa nidire buhero taro ahri queoye mehna yahuahye tiquinare:

—Ape macarꝑꝑ tiquina buhiri dahre dutiriquire ijjahye. Tiquiore Cohãcjũre ño peoerahye. Sa yero masa gãhure ño peoerahye. <sup>3</sup> Sa yero wape wihoro gãhũ topꝑ ijjahye. Ticoro tiquiore caharꝑꝑ sa majareno ohõ saha niahye: “Yũhure ihña tuhtiriquire buhiri dahre dutiya mũhũ. Yũhure ni cahmota basaya”, ni siniducuahye ticoro tiquiore. <sup>4</sup> Ticoro sa nigũ peye tahari tiquiore “Yesi yũhũ”, nimahye ticorore. Tiquiore sa niepegũta ticoro peye tahari sa siniducuro tiquiore ni cariboro ye cãmahye. Ticoro caribogũ, ohõ saha niahye tiquiore basi. “Yũhũ Cohãcjũre, masa gãhure ño peoeraja. <sup>5</sup> Yũhũ sa ño peoegũ yũhũ ijiepegũta ahricoro pehe yũhure caribo ye cãmaga. Yũhure sa cariboro yũhure caributigũ yerota ticoro. Sa ni yahusãducugũ ticorore ihña tuhtiriquire buhiri dahre dutiitja”, niahye buhiri dahre dutiriquire, niahye Jesu.

<sup>6</sup> Sa nino Jesu tiquinare yahu nemoahye:

—Sa niahye ñariquire buhiri dahre dutiriquire. Tiquiore nidire wacũña msa. <sup>7</sup> Tiquiore yũhdũoro Cohãcjũ pehe tiquiore yequina tiquiore beseriquinare ñamirꝑꝑ, decorꝑꝑ tiquiore sinidiquinare yũhtiro, yedohorota. <sup>8</sup> Mũsare niita niaja. Cohãcjũre tiquina sinidiro sahata duita tiquinare yedohorota. ¿Tiquiore sa yũhtiriquire ijiepegũta yũhũ masũ Cohãcjũ

ohorigũ ahri yehparꝑꝑ tojoa tagũ Cohãcjũre wacũ tutuayequinare bocaboagari yũhũ? niahye Jesu.

*Pũaro masa Cohãcjũre tiquina siniñe quitire yahuahye Jesu*

<sup>9</sup> Sa ye apeye quitire mehna ohõ saha ni yahuahye Jesu: “Ûsã pehe quehnoana ijiaja. Apequina pehe ñano yeyequina ijire”, ni, tahotuyequinare ahri quitire yahuahye:

<sup>10</sup> —Cohãcjũ ya wũhũrꝑꝑ pũaro mũmũ Cohãcjũre siniñe wahahye. Ihcãquiore fariseo masũno ijjahye. Apequiore wapa ne cohteriquiore ijjahye. <sup>11</sup> Sa yero fariseo masũno pehe ducu, ohõ saha ni yahuahye Cohãcjũre: “Yũhũ yaquerigũ, ñañene yerigũ, numia mehna ñano yerigũ ijieraja. Apequina yero saha ijieraja. Ahriquire wapa ne cohteriquiore yero saha ñagũ ijieraja. Sa yegũ mũhũre ‘Quehnoare’, niaja Cohãcjũ. <sup>12</sup> Yũhũ semanaripe pũa decore mũhũ yere yegũ sijiaja. Sa yegũ pũa omope cjoeri niñeru cjoerire wapatagũ ihcã cjoere mũhũre ohoaja”, niahye fariseo masũno Cohãcjũre. <sup>13</sup> Sa yero wapa ne cohteriquiore pehe yoarorꝑꝑ muhri yo ducu, tiquiore ñañene bujua witi, mũmũsepũre ihñedahye. Tiquiore ñañene bujua witiriquire ijire tiquiore cutiquire quẽ ohõ, siniahye Cohãcjũre: “Cohãcjũ, yũhũ ñagũ ijiaja. Sa yegũ mũhũ paja ihñaña yũhure”, niahye tiquiore Cohãcjũre.

<sup>14</sup> Mũsare niita niaja. Ahriquire wapa ne cohteriquiore pehere tiquiore ya wũhũrꝑꝑ tojoagũ Cohãcjũ pehe “Mũhũ ñañene cohã tuhasaũ”, niahye tiquiore. Apequiore fariseo masũnore “Mũhũ ñañene cohãũ”, niedahye Cohãcjũ. “Yũhũ quehnoagũ ijiaja”, nidiquiore Cohãcjũ ihñagũ ñariquire ijire. “Yũhũ ñagũ ijiaja. Sa yegũ yee ñañene bujua witiãja”, nidiquiore Cohãcjũ quehnoariquire ijigũ yerota tiquiore, niahye Jesu.

*Macanagãre tiquina ye ijiatire Cohãcjũre sini basahye Jesu*

*(Mt 19.13-15; Mr 10.13-16)*

<sup>15</sup> Sa ye masa tiquina pohnene macanagãre Jesure ña peo dutiye tehe, tiquiore caharꝑꝑ ne wihiahye. Tiquina sa yegũ ihñaña Jesu buheyequina tiquinagãre

ne wihyequinare tuhtiahye. <sup>16</sup> Tiquina sa tuhtigũ ihñano Jesu macanagãre pijioahye tiquiro cahapũ. Pijio tuhasa ohõ saha niahye tiquiro buheyequinare:

—Macanagã yũhũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjũre tiquina pũhtoro tũhoture. Sa ye Cohãcjũ pũhtoro ijiropũre ahriquinagã yero sahata tũhotuyequina ijire topũre. <sup>17</sup> Potota niita niaja mũsare. Ahriquinagã Cohãcjũre tiquina cahmeno saha mũsa pehe cahmedana, tiquiro cahapũ wahasi mũsa. Mũsa wahaeragũ mũsa pũhtoro ijisi tiquiro, niahye Jesu.

*Doeri cjẽ upũro Jesure sinituahye  
(Mt 19.16-30; Mr 10.17-31)*

<sup>18</sup> Tiquiro sa nidi bato judio masa pũhto mehna cjãno Jesure sinituahye:

—¿Ne, quehnoagũ, buhegũ, ijipihtiyere decori Cohãcjũ mehna iji duagũ, dũhse yeboagari yũhũ? niahye tiquiro.

<sup>19</sup> Tiquiro sa nigũ Jesu yũhtiahye:

—¿Dũhse ijiro boro yũhũre “Quehnoagũ”, ni pisuajari mũhũ? Cohãcjũ dihita quehnoariquiro ijire. <sup>20</sup> Ahri Cohãcjũ dutiyere masine mũhũ. “Wũana tieracãhña. Masare wejẽdacãhña. Yaqueracãhña. Ni mehoedacãhña. Mũsa pacũsumũare ño peoya”, ni, sa ye dutire Cohãcjũ. Sa yegũ tire yeya mũhũ, niahye Jesu.

<sup>21</sup> Tiquiro sa nigũ Jesure yũhtiahye:

—Tire ijipihtiyere yũhũ coã wahmũa cãhtagũ ijigũpũta yũhdũdũcaerahti, niahye tiquiro.

<sup>22</sup> Tiquiro sa nigũ tũhoro, Jesu tiquirore ohõ saha ni yahuahye:

—Mehenogã dũhsare mũhũre mũhũ ye pehoati. Ijipihtiyere mũhũ yere duagũ wahaya. Sa yegũ ijipihtiyere mũhũ wapatarĩ niñerure pejecũoyequinare ohoya. Mũhũ sa yegũ peye mũhũ ye hũmũserũ, Cohãcjũ cahapũ ijirota. Sa ye tuhasagũ yũhũ mehna cjũ ijiacjũ ahtaya, niahye Jesu tiquirore.

<sup>23</sup> Tiquiro sa nigũ tũhoro tiquiro pehe peye doeri cjẽ cãoriquiro ijiro tire pejecũoyequinare oho dũeraro, tutuaro bũjũa witi, wahaa wahahye.

<sup>24</sup> Tiquiro sa bũjũa witiigũ ihñano Jesu ohõ saha ni yahuahye apequinare:

—Doeri cjẽ opana Cohãcjũ tiquiro pũhtoro ijiropũre tiquinare waharo basioera cjũre. <sup>25</sup> Camello pehe awia copepũ tiquiro sajã duagũ basioerare tiquirore. Tiquiro sa ijiro yũhdũoro doeri cjẽ upũro Cohãcjũre cahmedaro, Cohãcjũ tiquiro pũhtoro ijiropũre waharo basioerare, niahye Jesu.

<sup>26</sup> Tiquiro sa nigũ tiquirore tũhoyequina ohõ saha niahye:

—Aa, dũhse tiquiro nino saha poto ijigũ, ne ihcãquiro masũno Cohãcjũ cahapũ waha masiedaboaga, niahye tiquina basi.

<sup>27</sup> Tiquina sa nigũ Jesu yũhtiahye:

—Masa tiquina esa tuharo quehnoano yeri mehna Cohãcjũ cahapũ waha masiedare. Cohãcjũ pehe masare pecapũ wahaboriquinare yũhdũo masine. Tiquiro ijipihtiyere quehnoano ye masi peho cãre, niahye Jesu tiquinare.

<sup>28</sup> Tiquiro sa nigũ Pedro tiquirore ohõ saha niahye:

—Tũhorĩña. Ûsã pehe ijipihtiyere usã yere cũ cãũ mũhũ mehna wahana, niahye tiquiro Jesure.

<sup>29</sup> Tiquiro sa nigũ Jesu ohõ saha niahye:

—Potota mũsare niita niaja. Mũsa Cohãcjũ yere yena tana mũsa wũhũsere, mũsa pacũsumũare, mũsa bahanare, mũsa namosãnumiare, mũsa pohnare cũrina ijina pajiro wapatanata mũsa yojopũre.

<sup>30</sup> Mũsa cũri yũhdũoro wapatanata. Sa yena mũsa yariari bato ijipihtiyere decori Cohãcjũ mehna ijinata mũsa, niahye Jesu tiquinare.

*Pari turi Jesu tiquiro yaria masa wiji-  
atire yahuahye*

*(Mt 20.17-19; Mr 10.32-34)*

<sup>31</sup> Sa ye Jesu doce tiquiro buheyequinare neahye. Sa neano tiquinare yahuahye:

—Tũhoya yũhũre. Yojopũre mari Jerusalẽpũ wahana niaja. Topũ yũhũre masũre Cohãcjũ ohorigũre Cohãcjũ yere yahu mũhtariquina panopũ tiquina yahuriro sahata sa yeeta yũhũre. <sup>32</sup> Topũ masa yũhũre ñeheñe, judio masa ijieyequinare ohoeta yũhũre. Yũhũre tiquina ohori bato tiquina yũhũre bũjũpe, ñano ni, yũhũre sihco puti ohõeta. <sup>33</sup> Sa ye yuta dari mehna tana tuhasa wejẽeta yũhũre. Sa

yeg<sub>u</sub> ihtia deco wahaboro masa wijiag<sub>ta</sub> y<sub>u</sub>h<sub>u</sub>, niahye Jesu tiquinare.

<sup>34</sup> Tiquiro sa ni yahurire quehnoano masiedahye tiquiro buheyequina. Cohãcjũ tire tiquinare quehnoano masigũ yerani-ahye.

*Caperi bajueriquirore ihñagũ yeahye Jesu (Mt 20.29-34; Mr 10.46-52)*

<sup>35</sup> Sa ye Jesu gũh<sub>u</sub> Jericó wame tiri maca cahagãp<sub>u</sub> esahye. Top<sub>u</sub> caperi bajueriquiro maha dũht<sub>u</sub> caha duji, niñeru sinino niahye. <sup>36</sup> Sa yero masa peyequina tiquiro caha yũhdũagũ tũhoro sinituahye tiquinare:

—¿Dũhse ijiro boro masa peyequina yũhdũajari? ni sinituahye tiquiro.

<sup>37</sup> —Jesu Nazare cjũno waharo nine, ni, yahuahye apequina tiquirore.

<sup>38</sup> Tiquina sa ni yahugũ tũhoro tiquiro sañuducuahye:

—Jesu, Davi mũnano panami iji turiag<sub>u</sub>, masare yũhdũoacj<sub>u</sub>, yũhũre paja ihñaña, ni sañuducuahye Jesure.

<sup>39</sup> Tiquiro sa nigũ tiquiro caha ihñaducuyequina pehe, “Dihta mariaña”, ni tuhtiahye tiquirore. Tiquina sa ni tuhtiepegũta to pano tiquiro sañuducuriro yũhdũoro sañuducu nemoahye tja:

—Davi mũnano panami iji turiag<sub>u</sub>, masare yũhdũoacj<sub>u</sub>, yũhũre paja ihñaña, ni sañuducuahye tiquiro.

<sup>40</sup> Tiquiro sa ni sañuducugũ tũhoro, Jesu pehe esadũca, “Pijioya tiquirore”, niahye. Tiquiro sa nigũ tiquina pehe caperi bajueriquirore piji cãhye. Tiquina sa piji cãgũ Jesu cahap<sub>u</sub> esagũ Jesu pehe tiquirore sinituahye:

<sup>41</sup> —¿Dũhse yũh<sub>u</sub> yegũ cahmeajari mũh<sub>u</sub>? niahye Jesu.

—Yũh<sub>u</sub> pũhto, yũhũre ihñagũ yeya, ni yũhtiahye caperi bajueriquiro.

<sup>42</sup> —Ihñaña. Yũhũre wacũ tutuag<sub>u</sub>, quehnoa wahare mũh<sub>u</sub>, niahye Jesu tiquirore.

<sup>43</sup> Tiquiro sa nigũta caperi bajueriquiro ihñaa wahahye. Sa quehnoa waharo, tiquiro Jesu mehna wahahye. “Cohãcjũ tutuariquiro ijire”, niahye tiquiro. Sa ye masa peyequina caperi bajueriquiro

ihñagũ ihñaña “Cohãcjũ quehnoariquiro, tutuariquiro ijire”, niahye tiquina gũh<sub>u</sub>.

## 19

### *Zaqueo Jesure piti cahye*

<sup>1</sup> Sa ye Jesu Jericó<sub>u</sub> esa, ti macap<sub>u</sub> yũhdũ cãno taro niahye. <sup>2</sup> Doeri cjẽ upãro Zaqueo wame tiriquiro wapa ne cohteyequina pũhoro top<sub>u</sub> ijiahye. <sup>3</sup> Sa yero tiquiro Jesure “¿Diquiro boro ijiagari?” ni ihña masino taro Jesure ihña duamahye. Sa tiquiro ihña duepegũta yũhmediquirogã ijigũ masa peyequina tiquirogãre cahmotahye. <sup>4</sup> Sa yero tiquiro masare oma yũhdũ cã, sicómoro wame tidũ yucũgũp<sub>u</sub> mũjahye Jesure ihñano taro. Came cjũnogã tũ cahap<sub>u</sub> Jesu yũhdũaro taro niahye. Sa yero Zaqueo tũp<sub>u</sub> cohtero niahye. <sup>5</sup> Tiquiro sa cohte pearsari watoa Jesu pehe tũ dahpotop<sub>u</sub> esadũca, Zaqueore ihña mũo, tiquirore pisuahye:

—Zaqueo yojopãre mũh<sub>u</sub> ya wũhũp<sub>u</sub> tojoagũtja. Sa yeg<sub>u</sub> sojaro mehna dijia taya, niahye Jesu.

<sup>6</sup> Tiquiro sa nigũ Zaqueo pehe sojaro mehna dijia ta, tutuaro bucueye mehna tiquiro ya wũhũp<sub>u</sub> waha dutiahye Jesure. <sup>7</sup> Tiquiro sa piti cagũ ihñaña, ijipihtiyequina masa tiquina basi ohõ saha ni yahuducuahye:

—Ahriquiro Jesu ñariquiro ya wũhũp<sub>u</sub> tinino waha duare, ni, yahuducuahye ijipihtiyequina tiquina basi.

<sup>8</sup> Zaqueo pehe piti ca tuhasa top<sub>u</sub> ducuro, Jesure yahuahye:

—Pũhto, tũhoya yũhũre. Ijipihtiyeyere deco mehna pejecũoyequinare ohoutja. Sa yeg<sub>u</sub> yũh<sub>u</sub> apequirore cien niñeru cjoerire ni meho ehmarig<sub>u</sub> ijig<sub>u</sub>, cuatro cientos niñeru cjoerire wapa ye bui peoutja tiquirore, niahye Zaqueo Jesure.

<sup>9</sup> Tiquiro sa nigũ Jesu pehe yahuahye tiquirore:

—Miare mũhũre mũh<sub>u</sub> ya wũhũp<sub>u</sub> ijiyequina gũhũre pecap<sub>u</sub> wahaboriquinare Cohãcjũ yũhdũo tuhasare. Mũh<sub>u</sub> gũhũ Abrahã mũnano acay<sub>u</sub> ijire. <sup>10</sup> Yũh<sub>u</sub> masũ Cohãcjũ ohorig<sub>u</sub> pecap<sub>u</sub> wahaboriquinare macag<sub>u</sub> ahtag<sub>u</sub> nii. Top<sub>u</sub> wahaboriquinare quehnoano yũhdũog<sub>u</sub> ahtag<sub>u</sub> nii, niahye Jesu Zaqueore.

*Niñeru cjoeri uru cjoeri quitire yahuahye Jesu*

*(Mt 25.14-30)*

<sup>11</sup> Sa ye tiquirore tãhoyequinare Jesu ap-eye queoye mehna yahuahye. Mehenogã dũhsahye Jerusalẽpũ tiquiro esato. Sa ye tiquirore tãhoyequina ohõ saha ni tãhotuahye: “Cohãcjũ pũhtoro yojopũre iji dũcaro taro nine”, ni, tãhotuahye tiquina. <sup>12</sup> Tiquina sa ni tãhotugã Jesu yahuahye tiquinare:

–Ihcãquiro pũhtoro macũno pũhtoro sajãtiquiro yoaropũ ape yehpapũ waharo taro niahye. Topũre esagũ ihñano tiquina tiquirore pũhtoro sõñe tee niahye. Came tiquiro ya wũhpũ tojoa wihiro taro niahye. <sup>13</sup> Coã warore tiquiro wahato panore pũhtoro pũa omopequina dahra cohteyequinare pijioahye. Sa pijioro, tiquiro tiquinare tiquinape cjoeri niñeru cjoeri wapa bũjũye cjoeri uru cjoerire ohoahye. Oho tuhasa, yahuahye tiquinare: “Yũhũ mariedagũ ahri niñeru mehna mũsa wapata nemoatire macañã”, niahye tiquiro dahra cohteyequinare. <sup>14</sup> Sa ye tiquiro ya maca cjẽnata tiquirore cahmedahye. Sa cahmedaye, apequinare tiquirore pũhtoro yahu dutiye ohoahye. “Mũhũ usã pũhto ijigũ cahmedaja usã”, niahye tiquina yahu dutiriquina pehe. <sup>15</sup> Sa tiquina cahmedapegũta came tiquina pũhtoro sajãhye tiquiro. Pũhtoro sajã tuhasa tiquiro ya wũhpũ tojoa tahye.

’Sa tojoa wihiro dahra cohteyequinare tiquiro ye niñeru mehna tiquina wapata nemorire masino taro, tiquinare pijioahye. <sup>16</sup> Tiquiro pijiori bato, wihĩ mũhtariquiro tiquirore yahuahye: “Pũhto, mũhũ niñeru cjoe, yũhũre mũhũ ohori cjoe mehna pũa omope cjoeri wapata nemou yũhũ”, niahye dahra cohteriquiro pũhtoro. <sup>17</sup> “Quehnoano yeaya mũhũ. Mũhũ quehnoagũ dahra cohtegũ ijire. Mũhũ mehenogã mehna yũhũ dutiriro sahata ye pehogũ ijigũ yojopũ pũa omope macari cjẽna tiquina pũhto ijiasjũ wahagũta mũhũ”, niahye pũhtoro dahra cohteriquirore. <sup>18</sup> Tiquiro bato wihiriquiro tiquiro mehna cjũno ohõ saha niahye: “Pũhto, mũhũ ya cjoe niñeru cjoe yũhũre

mũhũ ohori cjoe mehna ihcã omope cjoeri wapata nemou yũhũ gũhũ”, ni yahuahye tiquiro pũhtoro. <sup>19</sup> “Ihcã omope macari cjẽna pũhto ijiasjũ wahagũta mũhũ”, niahye pũhtoro tiquirore. <sup>20</sup> Tiquiro sa nidi bato apequiro dahra cohteriquiro wihĩ, yahuahye: “Pũhto, mũhũ niñeru cjoe ohõ ijire. Suhtiro cahsero mehna coma, ti cjoere ihbou. <sup>21</sup> Mũhũ tutuaro dahra dutigũ ijire. Sa tutuaro dahra dutigũ ijigũ mũhũ basi oterapegũta ti dũcare nene mũhũ. Sa yegũ mũhũre cue nii”, niahye tiquiro pũhtoro “Ti cjoe mehna wapataerũ yũhũ”, ni yahuro. <sup>22</sup> Tiquiro sa nigũ tiquiro pũhtoro ohõ saha niahye: “Mũhũ sa nigũ ñagũ ijire mũhũ. Yũhũre mũhũ sa nidi buhiri mũhũre buhiri dahregũtja yũhũ. Yũhũ mũhũre tutuaro dahra dutigũ yũhũ ijigũ masine mũhũ. Apequina yere yũhũ negũ yũhũ oterarigũ ijiepegũta dũcare negũ yũhũ ijigũ masine mũhũ. <sup>23</sup> Yũhũ sa ijigũ ihñapegũta ya cjoere niñeru ihbori wũhpũ cũedahya mũhũ. Tire tiquina wasori wapa wapata nemoboaya mũhũ. ¿Dũhsegũ sa yerari mũhũ? Tire mũhũ yegũ tojoa wihigũ wapata nemoboaya yũhũ”, niahye tiquina pũhtoro. <sup>24</sup> Sa ni tuhasa tiquiro cahapũ ducuyequinare dutiahye: “Niñeru cjoere ehmaña tiquirore. Pũa omope cjoerire cũoriquirore ohoya”, niahye pũhtoro. <sup>25</sup> Tiquiro sa nigũ tiquina pehe yahuahye tiquirore: “Pũhto, pũa omope cjoeri cũoriquiro peye cũo tuhasare”, niahye tiquina. <sup>26</sup> Tiquina sa nigũ pũhtoro yũhtiahye: “Mũsare niita niãja. Ijipihtiyequina cũoyequinare oho nemoutja. Cũoeriquiro pehere mehenogã tiquiro cũoepẽgũta tire ehmagũtja. <sup>27</sup> Yojopũ pũritare yũhũre ihña tuhtiyequinare yũhũre tiquina pũhtoro iji dutieriquinare yũhũ cahapũ ne cãhtaya. Sa yena yũhũ ihñonopũ wejẽña tiquinare”, niahye pũhtoro dahra cohteyequinare, ni, buheahye Jesu.

*Jerusalẽpũ esahye Jesu*

*(Mt 21.1-11; Mr 11.1-11; Jn 12.12-19)*

<sup>28</sup> Sa ni tuhasa Jesu apequina pano Jerusalẽpũ wahahye. <sup>29</sup> Tiquiro Betfagẽ wame tiri maca cahapũ Betania wame tiri maca cahapũ esa, cũnũ Olivo wame tidũ

cahapu esa m̄h̄tahye. Jerusalēpu tiquiro esato mehenogā d̄h̄satjiāhye. Sa yero puaro tiquiro buheyequinare Jesu ohoro ohō saha niahye:

<sup>30</sup> —Si macapu burrogāre nena wahaya. Topu esana, burrogāre tiquina d̄hte doricuiriogāre boca sanata. Apequina pesamehnediquirogā ijiaga. Tiquirogāre bocana, yuta dare pā, ne cāhta basaya yahure.

<sup>31</sup> Musa sa yegū ihñano, burrogā upuro “¿D̄h̄sena burrogāre p̄jari?” tiquiro nigū t̄hona ohō saha ni ȳhtiya tiquirore: “Mari puhtoro burrogāre cahmedoqueo nidi”, ni, yahuya tiquirore, ni yahu duti ohoahye tiquiro buheyequinare puarore.

<sup>32</sup> Tiquiro sa nigū tiquina puaro pehe tiquiro nidiropu esahye. Tiquina sa esagū ijipihtiye Jesu tiquiro nidiro sahata ijiyahye.

<sup>33</sup> Sa ye tiquirogāre tiquina p̄gū ihñañe tiquirogā opana tiquinare sinituahye:

—¿D̄h̄se yena tana masa yuta dare p̄jari burrogāre? ni, sinituahye tiquina.

<sup>34</sup> —Mari puhtoro burrogāre cahmedoqueo nidi, ni ȳhtiahye tiquina.

<sup>35</sup> Sa ni yahu tuhasa tiquirogāre Jesu cahapu ne sahye. Ne sa tuhasa tiquina bui cjē suhtire tiquirogā bui seō peo, tiquirogā buip̄u Jesu m̄ja p̄jegū yedo hoahye tiquina. <sup>36</sup> Jesu tiquirogā bui pesagū tiquiro wahato pano masa tiquina bui cjē suhtire tu we ne, mahapu seō cū m̄h̄tahye Jesure ño peoye. <sup>37</sup> Sa ye tiquina Jerusalē cahagāpu esa, Olivo wame tidapu dijia tari mahapu esahye. Topu Jesu buhegū t̄hoyequina peyequina ijipihtiye Cohācjū tutuaye mehna tiquiro ye ihñorire, tiquiro quehnoañe yerire tiquina ihñarire wacūñe, Cohācjūre “Quehnoagu, tutuagu ijire”, ni sañuducuahye. Sa ye tutuaro sañuducu, Cohācjūre ño peoye, ohō saha niahye:

<sup>38</sup> —Ahriquiroye Cohācjū tiquiro ohoriquiroye, mari puhtorore Cohācjū quehnoano yeahro. H̄m̄use cjēna quehnoano iji-ahro. Cohācjū tiquiro tutuariquiroye ijigū ijipihtiyequina masiahdo, ni ño peoahye tiquina.

<sup>39</sup> Tiquina sa nigū t̄hoye fariseo masa meheñequinagā tiquina watoa ijiyequina Jesure yahuahye:

—Buhegu, m̄hu buheyequinare dihta maria dutiya, niahye tiquina.

<sup>40</sup> —Musare niita niaja. Tiquina sañuducueragū utā paca pari pehe sañuducuboaga, niahye Jesu fariseo masare.

<sup>41</sup> Sa ni tuhasa Jesu Jerusalē cahagāpu esa, ti macare ihñano, utiahye. <sup>42</sup> Ohō saha niahye tiquiro:

—Jerusalē cjāna yojopu p̄ritare musare pecapu wahaborinare Cohācjū tiquiro ȳhd̄uoatire masa masigū quehnoa ȳhd̄uaboaga. Sa ijiepegūta yojopure masa tire ne t̄ho duerare. Sa yero Cohācjū tire musare masi dutierare. <sup>43</sup> Musare ihña tuhtiyequina masa ijiri macare cahmota sotoa peho quēheeta. Sa ye, musare tiquina wijia dutisi. <sup>44</sup> Ti pjeta tiquina masa ya macare cohā pehoeta. Masa ḡhure wejēta. Musare ihña tuhtiyequina quehnoano cohā pehoeta masa ya macare. Cohācjū pecapu wahaborinare musare tiquiro ȳhd̄uoatire masa masi duerari. Masa masi duerari buhiri musare ihña tuhtiyequinare Cohācjū musare cohā dutirota, niahye Jesu Jerusalē cjēnare.

*Cohācjū w̄h̄pu Jesu esahye  
(Mt 21.12-17; Mr 11.15-19; Jn 2.13-22)*

<sup>45</sup> Sa ye Jerusalēpu esaro, Jesu Cohācjū w̄h̄pu sajāa wahahye. Sa yero apee boro duayequinare ti w̄h̄pu ijiyequinare boca saro, tiquinare cohā wio cāhye. Ohō saha niahye tiquinare:

<sup>46</sup> —Cohācjū yere tiquina ojoari p̄pu ohō saha nine: “Ya w̄hu Cohācjū mehna yahuducuri w̄hu wame tirota”, niahye tiquiro yere tiquina ojoari p̄pu. Tiquiro sa niepegūta masa pehe ahri w̄h̄pu duana, masa basi cahme yaquere masa, niahye Jesu.

<sup>47</sup> Sa ye decoripe Cohācjū w̄h̄pu Jesu buheahye. Sa ye pahia puhtoa, judio masare buheyequina, masa puhtoa ḡhu tiquirore tiquina wejēatire wacū macahye. <sup>48</sup> Masa ijipihtiyequina tiquirore sa t̄hoducuye, tiquiro buheyere quehnoano t̄ho n̄n̄ñequina ijiyahye. Tiquina sa quehnoano t̄ho n̄n̄gū Jesure wejē duayequina pehe tiquirore tiquina wejēatire bocaerahye.

## 20

*Pahia p̄h̄toa, judio masare buheyequina, b̄c̄na ḡh̄u Jesu mehna cahme tuhtiye niahye*

*(Mt 21.23-27; Mr 11.27-33)*

<sup>1</sup> Ape deco Cohãcjũ w̄h̄p̄u Jesu masare quehnoañe buheyere buhero niahye. Tiquiro sa buhegũ pahia p̄h̄toa, judio masare buheyequina, b̄c̄na mehna tiquiro cahap̄u wihiye, sinituahye:

<sup>2</sup> —Yahuya usãre. ¿D̄h̄seḡu can̄re sa yeari m̄h̄u? ¿Noa m̄h̄are tire sa ye dutiari? niahye tiquina Jesure.

<sup>3</sup> Tiquina sa nigũ Jesu ȳhtiahye tiquinare:

—M̄sa pehere sinitu m̄htaḡtja. Yahuya ȳh̄re. <sup>4</sup> ¿Ñu masare tiquiro wame yegũ noa boro pehe tiquirore wame ye dutiyari, m̄sa t̄hotugũ? ¿O Cohãcjũ dutierayari? ¿O masa pehe dutiyari, m̄sa t̄hotugũ? ni sinituahye Jesu tiquinare.

<sup>5</sup> Tiquiro sa nigũ tiquina pehe tiquina basi ohõ saha niahye:

—¿D̄h̄se ni ȳhtinatari mari? “Cohãcjũ Ñure dutie tiahye”, mari nigũ, “¿D̄h̄sena Ñure Cohãcjũ dutiepeḡta tiquirore t̄ho d̄erari m̄sa?” niboaga Jesu marine. Sa yena “Cohãcjũ Ñure dutiye tiahye”, ni ȳhti masiedaja mari. <sup>6</sup> Ahriquina masa pehe “Potota Ñu Cohãcjũ yere yahu m̄htariquiro ijire”, ni t̄hoture tiquina. Sa ni t̄hotuye “Ñu tiquiro wame yegũ Cohãcjũ tiquirore dutierahye”, mari nigũ t̄hoye marine masa utã paca mehna doqueeta. Sa yena ti ḡh̄are ȳhti masiedaja mari, ni yahuducuahye tiquina basi.

<sup>7</sup> Sa ni yahuducu tuhasa tiquina Jesure ȳhtiahye:

—Ñure wame ye dutiriquirore usã masiedaja, niahye tiquina.

<sup>8</sup> Tiquina sa nigũ Jesu ȳhtiahye:

—Ti pje p̄rita ȳh̄u ḡh̄u m̄sa sinitu m̄htarire yahueraja m̄sare. Ahrire ȳh̄u yerire dutiriquirore yahueraja m̄sare, niahye tiquinare.

*Ñañequina dahra cohteyequina queoyere yahuahye Jesu*

*(Mt 21.33-44; Mr 12.1-11)*

<sup>9</sup> Sa ye Jesu tiquiro t̄hotuye mehna queoye mehna ohõ saha ni buhe d̄cahye masare:

—Wese up̄ro ūh̄se darire oteahye. Ote tuhasa, ti wesere apequinare ihcã pehe pahma c̄uahye. Pahma c̄uno ti wesere tiquinare ihña ihbo dutiahye. Sa duti tuhasa ape yehpap̄u waha, yoari pje b̄j̄uerahye. <sup>10</sup> Sa yero ūh̄se ñidi pje ijigũ wese up̄ro tiquiro cahacj̄n̄ore wesere ihña ihboyequina cahap̄u ohoahye. Wese cj̄e oteri d̄care tiquiro ya pahr̄e cj̄ene ne dutiro ohomahye. Sa ye ihña ihboyequina pehe tiquiro cahacj̄n̄ore piti ca quẽahye tiquirore. Sa ye tiquina tiquirore d̄care ohoerapeta tojoa dutiahye. <sup>11</sup> Sa yero wese up̄ro apequiro tiquiro cahacj̄n̄ore ti wese cj̄e oteri d̄care ne dutiro ohomahye tja. Sa ye wesere ihña ihboyequina tiquiro ḡh̄are quẽ, ñano yeahye tiquirore. Sa ye tuhasa tiquirore ti d̄care ohoerapeta tojoa dutiahye tja. <sup>12</sup> Tiquina sa yeri bato wese up̄ro apequiro cahacj̄n̄ore ohomahye tja. Sa ye wesere ihña ihboyequina pehe tiquiro ḡh̄are cami dahre, ti wese d̄ht̄u cahap̄u cohã cãhye tiquirore.

<sup>13</sup> Tiquina sa yeri bato wese up̄ro ohõ saha ni t̄hotumahye: “¿D̄h̄se yeḡtari ȳh̄u? Ohõ saha yeḡtja. Ȳh̄u mac̄re ȳh̄u cah̄niquirore ohoḡtja. Ijirota ijire. Tiquina tiquirore ño peoeta”, ni t̄hotumahye wese up̄ro pehe. <sup>14</sup> Sa ye tiquiro mac̄nore tiquiro ohoriquirore esagũ ihñañe ihña ihboyequina pehe tiquina basi ohõ saha ni, yahuducuahye. “Ahriquiro wese up̄ro mac̄no ijire. Tiquirore wej̄ihna. Sa yero ahri wese mari ya wese tojoarota”, nimahye tiquina basi. <sup>15</sup> Sa ni tuhasa wese up̄ro mac̄nore wese d̄ht̄u cahap̄u nea, wej̄e cãhye tiquirore. ¿Tiquina sa yegũ ihñano d̄h̄se yerotari wese up̄ro wesere ihña ihboyequinare? niahye Jesu.

<sup>16</sup> —Ti wesere ihña ihboyequinare wej̄eno taro, apequinare wesere ihña ihbo dutirota, ni ȳhtiahye Jesu tiquiro basi.

Tiquiro sa nigũ t̄hoye masa pehe ohõ saha niahye:

—Marine sa wahaeracãhdo, niahye tiquina.



17 Tiquina sa nigū Jesu pehe tiquinare sinituahye:

—¿Cohācjū yere tiquina ojoari pūre ohō saha ni yahuducuye, dāhse nino niajari, masa tūhotugū?

Ahriquiro Cristo utā yero saha ijire. Utāre wāhū dahreyequina tiquina cohāno saha masa tiquirore cohāeta. Tiquina sa yepegūta yojopure wāhū dahreyequina wāhūre yeye tiquina cū māhtaria utāre tiquina cūno saha Cohācjū tiquirore pūhtoro sōri, ni ojoahye.

18 'Ijipihtyequina tia utā bui doque queheyequinare mata sitea wahaeta. Sa yero tia utā masuno bui bora pjero, mataa wahagū yerota tiquirore. Tiquiro pagū mnanore daye manarigā wahagū yerota, niahye Jesu. (Sa nino tiquirore cahmedariquina, tiquiro buhiri dahreatiquina tiquina ñano yāhdūatire yahuro niahye.)

*Pūhtoa ye wapare apequina sinituahye Jesure*

(Mt 21.45-46; 22.15-22; Mr 12.13-17)

19 Tiquiro sa nigū tūhoye judio masare buheyequina, pahia pūhtoa gāhū, “Jesu wesere ihña ihboyequina queoye mehna marine tuhtiro nine”, ni, tūhotuahye tiquina.

Sa ni tūhotuye tiquina Jesure ñehe duamahye. Sa ñehe duepeta tiquina masare cue niahye. 20 Sa cueye, Jesure tiquina ñeheatī pjere cohteahye tiquina. Sa ye “Poto ijiyequina yero saha ye meho ijiya masa”, niahye tiquina apequinare. Tiquiro ñano ni yūhtigū ye duaye nimahye tiquirore yahusā duaye. Sa ye Jesure sinitu dutiye ohoahye ni mehoñequinare. Jesu ñano ni yahuducugū tūhoye ti yehpa cjēna pūhtoro peresu ye dutiye tee nimahye.

21 Sa ye tiquina Jesure ni meje cū sinituye nimahye:

—Buhegū, poto yahuducugū, ni mehoñe mariegū mūhū ijigū usā masiaja. Sa yegū ihcāquiro pūhtoro waro tiquiro ijiepegūta tiquiro gāhūre dōyaro marieno potota yahure mūhū. Mūhū Cohācjū yere poto mūhū buhegū gāhūre usā masiaja.

22 Yahuya usāre. ¿Ne, Roma cjūnore

ijipihtyequina pūhtoro gobierno cjēne marine wapa yero cahmeajari, mūhū tūhotugū? ¿Mari dutiye wapa ye dutiajari, mūhū tūhotugū? ni sinituahye tiquina Jesure.

23 Tiquina sa nigū tūhoro Jesu tiquina ñano ye duayere masino, tiquinare yūhtiahye:

24 —Yojopure niñeru cjoere pūhtoare wapa yeatī cjoere ne cāhtaya. Ti cjoere ihñāhna, niahye.

Ti cjoere tiquina ne wihigū ihñano ohō saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquinare.

—César, masa ijipihtyequina pūhtoro queoye, tiquiro wame gāhū wahñare, ni yūhtiahye tiquina.

25 Tiquina sa nigū Jesu yahuahye:

—Ti pje pūrita masa ijipihtyequina pūhtoro yere tiquiro pehere ohoya. Cohācjū yere Cohācjū pehere ohoya, niahye Jesu tiquinare.

26 Sa ye masa tiquina ihñonopū Jesure ñano ni yahuducugū ye masiedahye tiquina. Sa ye Jesu yūhtiyere tūhoye, tiquina tūho maria wahahye. Sa tūho maria waha, dihta maria wahahye.

*Cohācjū tiquiro masoatire yahuahye Jesu saduceo masare*

(Mt 22.23-33; Mr 12.18-27)

27 Sa ye meheñequinagā saduceo masa Jesu cahapū wihiahye. “Cohācjū yariariquinare masosi”, ni tūhotuyequina ijiahye saduceo masa. Sa ye tiquina ohō saha niahye tiquirore:

28 —Buhegū, ohō saha ni buheahye Moise: “Ihcāquiro tiquiro wahmino namo tiquiro pohna mariedaperota tiquiro yariagū ihñano tiquiro bahūrore tiquiro wahmino namono ijiricorore nūoano cahmene. Sa yero tiquiro wahmino mnanano tiquiro pohna tiboriro sahata pohna tiro cahmene tiquiro bahūrore. Sa ye tiquiro pohne tiquiro wahmino mnanano pohne yero saha ijieta”, ni, ojoahye Moise, niahye tiquina.

29 Tire ni tuhasa ahri quitire tja yahu nemoahye Jesure:

—Ihcãquiro masuno ijiahye. Seis bahana tiahye. Tiquina wahmino pehe namo ti, pohna mariediquiro yariaa wahahye. <sup>30</sup> Sa yero apequiro tiquiro baharo gũhũ tiquiro wahmino namono ijiricorore nũoahye. Tiquiro sa nũoari bato tiquiro wahmino yero sahata pohna mariedaperota tiquiro gũhũ yariaa wahahye. <sup>31</sup> Sa yero ahriquiro baharo gũhũ tiquiro wahmino mũnano yero sahata pohna mariedaperota yariaa wahahye. Sa dihita wahahye ihcãquiro pohne waro. Ne pohna mariedapeta yaria pihtia wahahye. <sup>32</sup> Tiquina namono ijiricoro gũhũ tiquina batota yariaa wahahye. <sup>33</sup> ¿Ne, Cohãcjũ ijipihtiyequinare yariariquina mũnare tiquiro masogũ diquiro namono pehe ijiboagari ticoro pototi? Tiquina ijipihtiyequina ticorore namo tiriquina mũna ijiahye. ¿Sa yero diquiro namono pehe ijirrotari? ni sinituahye tiquina.

<sup>34</sup> Tiquina sa nigũ Jesu yũhtiahye:

—Yojopũ cjẽna omoca dũhtere. <sup>35</sup> Tiquina sa dũhtepegũta apequina pehe topũ cjẽna pehe sa ijierare. Apequina umũare, numia gũhũre poto yeyequinare Cohãcjũ quehnoañequina ijigũ yerota. Tiquina yariari bato masa mũjaeta. Sa ye tiquina topũ omoca dũhterare. <sup>36</sup> Sa ye tiquina angele yero sahata ne yariasĩ. Tiquina Cohãcjũ masoriquina ijiye, Cohãcjũ pohne ijire. <sup>37</sup> Yojopũre yariariquina mũna tiquina masa wijiati pehere mũsare yahutja. Tire Moise quehnoano yahu pehoahye. Tiquiro mehenũgã ujũri quitire ohõ saha ni yuahahye: “Abrahã, Isaac, Jacob tiquina pũhtoro ijire Cohãcjũ,” ni ojoahye Moise. <sup>38</sup> Tiquina yariari bato “Tiquina pũhto ijiaja”, ni yuahahye Cohãcjũ. Sa nieperota yariariquina mũna pũhtoro ijierare Cohãcjũ. “Tiquina pũhto ijiaja”, tiquiro niñe mehna catiyequina tiquina ijigũ masiaja mari. Tiquiro catiyequina pũhtoro ijire. Ijipihtiyequina masa catire, Cohãcjũ ihñagũ, niahye Jesu tiquinare.

<sup>39</sup> Tiquiro sa nigũ meheñequinagã judio masare buheyequina ohõ saha niahye:

—Buhegũ, mahũ quehnoano yũhtiri, ni ahye tiquina Jesure.

<sup>40</sup> Sa ye pari turi Jesure sinitu duerahye tiquina.

*Cristo pehe Davi mũnano pũhtoro ijire (Mt 22.41-46; Mr 12.35-37)*

<sup>41</sup> Came Jesu ohõ saha ni yahu nemoahye tiquinare:

—“Cristo Davi mũnano panamino iji turariquiro ijirrotari”, ni buhere apequina. ¿Dũhse ye tiquina sa ni buheajari? <sup>42</sup> Davi mũnano tiquiro basi Salmopũ tiquiro ojoari pũpũ ohõ saha ni, ojoahye:

Cohãcjũ yũhũ pũhtoro ohõ saha nidi: “Ohõpũ yũhũ poto pehepũ dujiya. <sup>43</sup> Sa yegũ mahũre ihñã tuhtiyequinare mahũre yũhdũdũca basatja yũhũ”, nidi Cohãcjũ yũhũ pũhtoro, ni, ojoahye Davi mũnano.

<sup>44</sup> Sa ni ojoaro Davi mũnano Cristore “Yũhũ pũhtoro”, ni pisuahye. Davi mũnano Cristo ñecũno iji turariquiro ijieperota Cristore “Yũhũ pũhtoro”, ni pisuahye. ¿Davi mũnano Cristo ñecũno iji turariquiro ijieperota dũhse ijiro boro tiquiro “Yũhũ pũhtoro”, ni pisuyari Cristore? Cristo pehe Davi mũnano pũhtoro ijire, ni yuahahye Jesu.

*Judio masare buheyequina tiquina ñañe yeyere yuahahye Jesu*

*(Mt 23.1-36; Mr 12.38-40; Lc 11.37-54)*

<sup>45</sup> Masa peyequina Jesure tiquina tũhori watoa Jesu pehe tiquiro buheyequinare ohõ saha ni yuahahye:

<sup>46</sup> —Mari judio masare buheyequina tiquina ñañe yeyere ihñãna quehnoano wacũ masiña. Sa yena tiquina yero saha yeracãhña. Tiquina yoaye suhti saña, masa tiquina ihñonopũ tini, doeri cjẽ duaropũ apequina pũhtoare quehnoano ño peo tiquina sinino saha tiquina piti ca sinigũ cahmene tiquina. Sa ye tiquina mari judio masa buheye wũhũsepũ quehnoañe dujiye dihitare duji duare. Sa ye bose deco ijigũ topũ gũhũre quehnoañe dujiye dihitare cahmene. <sup>47</sup> Tiquina wape wiha numia ye wũhũsere tiquina cũoye gũhũre ehmare ti numiare. Sa ye tiquina masa ihñonopũ yoari pje Cohãcjũre siniducumene masare ihñã dutiye. Tiquina sa yegũ apequina bui cjũno tiquinare Cohãcjũ buhiri dahrerota, niahye Jesu tiquinare.

## 21

*Wape wihoro Cohācjū wuhupū ticoro ohorire yahuahye Jesu (Mr 12.41-44)*

<sup>1</sup> Sa ni yahu tuhasa Cohācjū wuhū cjē niñeru tiquina sāri acarore niñeru opana tiquina ye niñerure duhu sāgū ihña dujiro niahye Jesu. <sup>2</sup> Sa ihñano wape wihoro pejecuoricoro pua cjoegāre ticoro duhu sāgū gūhure ihñahye. <sup>3</sup> Tire ihña tuhasa ohō saha ni yahuahye:

—Potota niita niaja musare. Ahricoro wape wihoro pejecuoricoro pehe niñeru sāri acaropū duhu sāno apequina ijipihitiyequina ohori yuhduoro ohori ticoro pehe. <sup>4</sup> Apequina niñeru opana pajiro tiquina ohopegāta tiquina ye pajiro dūhsare. Ahricoro pehe pejecuoricoro ijieperota ijipihitiye ticoro ihyatire ticoro dūborigāre oho pehori, niahye Jesu.

*—Cohācjū wuhū cohōri wuhū ijirota, niahye Jesu*

*(Mt 24.1-2; Mr 13.1-2)*

<sup>5</sup> Sa ye apequina Cohācjū wuhure ohō saha niahye:

—Quehnoañe utā paca mehna yeri wuhū, quehnoa yuhduari wuhū ijicjoare. Masa Cohācjū ya wuhū ijiatire tiquina ohori gūhū ti wuhupure quehnoano cūri jire, ni, yahuducuye niahye.

Tiquina sa nigū Jesu yahuahye tiquinare:

<sup>6</sup> —Ahri ijipihitiye mari ihñari wuhūse, ahri utā paca gūhure cohā pehoeta. Ne ihcāria utā tojoasi, niahye Jesu tiquinare.

*Pihitiati deco ijiatire yahuahye Jesu*

*(Mt 24.3-28; Mr 13.3-23)*

<sup>7</sup> Tiquiro sa nigū tuhoye tiquina pehe sinituahye tiquirore:

—¿Buhegū, dūhse ijigū mūhū nidiro saha sa waharotari? ¿Pihitiati deco panogā ijigū dūhse ti waha ducagū ihñanatarari usā? ni sinituahye tiquina Jesure.

<sup>8</sup> Jesu yuhtiahye tiquinare:

—Quehnoano yeya musa. Sa yena musare apequina tiquina ni mehoñene tuhocracāhña. Peyequina masa “Cristo ijiaja yuhū”, ni mehoñequina ahtaeta. Sa niñe, “Yojopure pihitiati deco ijiato

mehenogā dūhsare”, nieta. Tiquina sa nigū tuhocracāhña. <sup>9</sup> Sa ye apequina “Cahme wejēne nine”, musare nieta. “Yojopure puhtoare masa cohāne nine”, nieta. Musa tire tuhona cueracāhña. Pihitiati deco pano ohō saha waha muhtanota. Sa wahagū pihitiati deco wahato dūhsarīnota, niahye Jesu.

<sup>10</sup> Sa ni tuhasa ohō saha ni yahu nemoahye:

—Ihcā yehpa cjēna ape yehpa cjēna mehna cahme wejēta. <sup>11</sup> Sa yero tutuaro yehpa ñuhmi, masa peyequina ujuā mehna yaria, ijipihitiro cjēna dohatieta. Sa ye uhmūse cjē cua pesaye bajuagū ihñañe, masa ihña maria wahaeta.

<sup>12</sup> Ahri ijipihitiye sa wahato pano, apequina musare ñehe, ñano yeeta. Sa ye mari judio masa buheye wuhūsepu tiquina musare yahusā, peresu yeeta musare. Tiquina sa yegū peye yehpari cjēna puhtoā cahapū, peye macari cjēna puhtoā cahapū ducunata musa tiquina yahusānohrina. Yeequina musa ijiri buhiri sa yeeta. <sup>13</sup> Tiquina sa yahusāgū musa pehe quehnoañe buheyere tiquinare yahunata. <sup>14</sup> Ti pjere musare tiquina yahusāgū puhtorore musa yuhtiatire “Yahu masiedaboaga”, ni tuhocracāhña musa. <sup>15</sup> Yuhū musare yahu basatja. Musare sa yedohogū tuhō masiñene, quehnoañe yahuducuye gūhure musare yahugū yeitja. Musa sa yegū musare ihña tuhtiyequina pehe musa yahuducuyere tuhō, “Ti poto ijierare”, ni, yuhti masisi. <sup>16</sup> Ti pjere musa pacusumua, musa bahana, musa acaye, musa mehna cjēna gūhū musare ihña tuhtiyequinare ohoeta musare, yeequina musa ijiri buhiri. Tiquina sa yegū musare ihña tuhtiyequina musa mehna cjēnare apequinare wejēta. <sup>17</sup> Sa ye yeequina musa ijigū ihñañe, ijipihitiyequina musare ihña tuhtietia. <sup>18</sup> Musare sa ihña tuhtiepeta ne mehenogā musare ñano yesi. <sup>19</sup> Sa yena musa wacū tutuana ijiya. Musa sa yena, Cohācjū mehna sa ijiducunata.

<sup>20</sup> Sa ye peyequina surara Jerusalēpu tiquina cahmota sotoa peho cāgū ihñana, Jerusalēne tiquina cohāto mehenogā dūhsagū masinata musa. <sup>21</sup> Ti sa wahagū

ihñañe Judea yehparu ijiyequina canu cju caharu oma duhtiahero. Sa ye Jerusaleru ijiyequina wahaahro. Sa ye weseripu ijiyequina Jerusaleru tojoeracãhdo sojaro mehna tiquina wahato pehe. <sup>22</sup> Ti decoripu buhiri dahreye decoripu ijipihtiye Cohãcjũ tiquiro ojoari pũ tiquiro nidiro sahata sa waharota. <sup>23</sup> Ijipihropu ahri yehparu ñano yãhdũeta. Ti sa wahagũ, niji wahcõñe numia, tiquina pohnene apũoñe numia gũhu pejecuro wahaeta. <sup>24</sup> Apequina ahri maca cjẽna mehna cahme wejẽeta. Sa ye apequina ahri maca cjẽnare ijipihtiye yehparipu ne cã, peresu yeeta. Sa ye judio masa ijieyequina Jerusalẽne ñano ye, tiquinare yãhdũcaeta. Judio masa ijieyequina ya deco pihtigũpu Jerusalẽ cjẽnare ñano ye duhueta, ni yahuahye Jesu.

*Jesu ahri yehparu tiquiro tojoa tatire yahuahye*

*(Mt 24.29-35, 42-44; Mr 13.24-37)*

<sup>25</sup> Sa yero tiquinare yahu nemoahye:

—Ti pjere asũ deco cjãno, ñami cjãno, ñahpicoha gũhu sijoro saha ijiyequina wahaeta. Ijipihtiyequina ahri yehpa cjẽna “Acuehi, yarianata”, ni tãhotuyequina pajiri ma cjẽ pahcõri cua yãhdũaro ti pahcõri bisi cãhtagũ tãhoye tutuaro cueeta. <sup>26</sup> Ti pjere umũse cjẽ yehpari, ñahpicoha gũhu ti sa wahaducurore comesaeta. Sa ye ñuhmieta. Ti sa wahagũ ihñañe, masa pehe ahri yehpa pihtiatire cohteye, tutuaro cueeta. <sup>27</sup> Ti pjeta yãhu masu Cohãcjũ ohorigu Cohãcjũ tutuaye mehna tiquiro asi siteye mehna ehmeo curua buipu yãhu ahtagũ ihñaeta masa. <sup>28</sup> Ahri sa waha dũcagũ ihñana, wacũ tutuana ijiya. Sa yena umũsepũ ihñaña. Ti pjere Cohãcjũ musare pecaru wahaborinare tiquiro yãhdũoato mehenogã dũhsarota, niahye Jesu.

<sup>29</sup> Sa ni tuhasa ahri queoye mehna buheahye Jesu:

—Higueragure, apeye cju gũhure tãhotuya musa. <sup>30</sup> Tu yucũgu pũri tigũ ihñana, cũhma mehenogã dũhsagũ masine musa. <sup>31</sup> Sata ahri ijipihtiye yãhu nidire ti sa wahagũ ihñana, Cohãcjũ tiquiro puhtoro ijiati pje mehenogã dũhsagũ masinata musa.

<sup>32</sup> Musare poto niita niaja. Ti pje cjẽna tiquina yariato pano ijipihtiye yãhu nidiro sahata sa waharota. <sup>33</sup> Umũse, ahri yehpa gũhu pihtia waharota. Yãhu yahuducuye pehe ne comesasi. Ijipihtiye yãhu nidiro sahata sa waha sohtori tirota.

<sup>34</sup> Yãhu tojoa tati decore ne masiedare musa. Sa yena quehnoano yeya. Bose decorire queheye decorire yeducueracãhña. Sa yena queheracãhña. Ahri yehpa cjẽne pajiro tãhotueracãhña. Musa yãhu nidiro sahata yena, wacũeno mehna ahri yehparu yãhu ahtagũ musa ne acũasi. <sup>35</sup> Wahiquirore yuri da wacũeno mehna ti da tãã suharo saha wacũeno mehna ahtautja yãhu. Ijipihtiyequina ahri yehpa cjẽna tiquina masiedi watoa ti deco wacũeno mehna sa waharota.

<sup>36</sup> Quehnoano wacũ masi cohteya. Sa yena Cohãcjũre ahrire sa siniducuya: “Ahri pihtiatu decore sa wahagũ yãhure yedohoya. Tutuayere ohoya yãhure ahrire quehnoano yãhu yãhdũatire. Sa yegu Cristore mũhu ohoriquirore cuero marieno yãhure piti cagũ yeya”, ni, siniña Cohãcjũre, niahye Jesu.

<sup>37</sup> Sa ye ti decorire Cohãcjũ wãhũpu Jesu buhee tiahye. Naminipe buhe tuhasaro Olivo wame tidu canũpu waha, topu iji bohreaye tiahye. <sup>38</sup> Bohreayepe tahari ijipihtiyequina masa Cohãcjũ wãhũpu tiquirore tãhoye wahae tiahye.

## 22

*Pahia puhtoã, judio masare buheyequina mehna wejẽ duahye Jesure*

*(Mt 26.1-5, 14-16; Mr 14.1-2, 10-11; Jn 11.45-53)*

<sup>1</sup> Sa ye ti pjere pugũ yeye moremehneñe pãre tiquina ihyati bose deco mehenogã dũhsahye. Ti bose deco pascua wame tiahye. <sup>2</sup> Sa ye pahia puhtoã, judio masare buheyequina mehna Jesure wejẽ duaye, tiquina wejẽatire wacũ macahye. Jesure wejẽ duepeta, masa pehere cueahye, “Usuari”, niñe.

<sup>3</sup> Sa ye watĩno Juda Iscariotere ñano tiquiro ye dutigũ Juda pehe yãhtiahye tiquirore. Juda doce buheyequina mehna cjũno ijimahye. <sup>4</sup> Sa yero tiquiro pahia puhtoare, Cohãcjũ wãhu cjẽna surara

p̄h̄toa mehna ḡh̄ure yahuro wahahye. Tiquina cahap̄ esa, tiquinare Jesure tiquiro ih̄ñoutire yahuahye tiquinare. <sup>5</sup> Tiquiro sa nigū t̄h̄oye, tiquina bucue, “M̄h̄ure niñerure wapa yematja”, niahye tiquina Judare. <sup>6</sup> Tiquina sa nigū Juda “Āh̄, tiquirore m̄sare ih̄ñoutja”, ni, masa tiquina ih̄ñeno watoa Jesure ih̄ña tuhtiyequinare tiquiro ih̄ñouti ñamine cohero niahye.

*Jesu buheyequina mehna tiquiro ihya bato tiati deco ijiahye*

*(Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Pugū yeye moremehneñe p̄are ihyati bose deco iji d̄acari deco ijiahye. Sa yero pascua c̄j̄e ijiatire ovejare tiquina ihya-tiquinare tiquina wej̄edi deco ijiahye. <sup>8</sup> Ti pjeta Pedore, Ñu ḡh̄ure Jesu yahuahye:

—Bose decop̄ mari ihyatire quehnona wahaya, niahye Jesu tiquinare.

<sup>9</sup> —¿Noho borop̄ mari ihyatire quehnoyu dutiḡ ohoajari m̄h̄u s̄s̄are? ni s̄nituahye tiquina tiquirore.

<sup>10</sup> Tiquina sa nigū Jesu ȳhtiahye:

—Jerusal̄p̄ m̄sa esagū aco sutu w̄ariquiro m̄sare piti carota. Tiquiro piti cagū tiquiro mehna wahaya. <sup>11</sup> Sa wahana tiquiro siho saj̄ari w̄h̄p̄ esana w̄h̄u up̄rore oh̄o saha ni yahuya. “¿Nohop̄ ȳh̄u buheyequina mehna pascua c̄j̄e ihyayere ihyanatari?” nidi buheriquiro”, niña w̄h̄u up̄rore. <sup>12</sup> M̄sa sa nigū t̄h̄oro ãhm̄ano c̄j̄a tuc̄re pajiri tuc̄re mari cahmeñe mehna tiquina quehñori tuc̄re ih̄ñonota w̄h̄u up̄ro. Top̄ mari ihyatire dahreya m̄sa, niahye Jesu tiquinare.

<sup>13</sup> Tiquiro sa nigū tiquina ti macap̄ wahahye. Top̄ tiquina esagū tiquinare tiquiro nidiro sahata wahahye. Sa ye tiquina pascua c̄j̄e ihyatire dahreahye.

<sup>14</sup> Ihyari pje ijigū Jesu doce tiquiro buheyequina mehna ihya dujiahye. <sup>15-16</sup> Top̄ ihyarop̄ dujiro Jesu tiquinare yahuahye:

—M̄sare niita niaja. Ahri pascua bose decore mari dahreaja Coh̄c̄j̄u tiquiro yequinare tiquiro ȳhd̄otire wac̄na. Came Coh̄c̄j̄u tiquiro p̄h̄toro ijirop̄ tiquiro yequinare ȳhd̄o tuhasarota.

Tiquiro sa ȳhd̄oato pano ahri deco c̄j̄ene pari turi ihyasi ȳh̄u. Sa yeḡu yojop̄are ȳh̄u ñano ȳhd̄oato pano ahri pascua c̄j̄e ihyayere m̄sa mehna tutuaro ihya duahti ȳh̄u, niahye Jesu.

<sup>17-18</sup> Sa ninota Jesu sihnidi pare ne, Coh̄c̄j̄u “Quehnoare”, ni sini, tiquinare yahuahye:

—M̄sare niita niaja. Coh̄c̄j̄u ijipihtiyequina p̄h̄toro tiquiro ijiato pano ahri vinore ne pari turi sihnisi ȳh̄u. Sa yena ahri vinore ne, m̄sa basi iti sihniña, niahye Jesu.

<sup>19</sup> Sa ni tuhasa p̄are ne, Coh̄c̄j̄u “Quehnoare”, niahye. Sa yero tiare nuha, itiahye tiquinare. Tiare itiro, tiquinare yahuahye:

—Ahri ȳh̄u paḡu ijire. Ȳh̄u paḡu ȳh̄ure ih̄ña tuhtiyequinare tiquina ohori paḡu ijirota m̄sare ȳh̄u ȳhd̄oati. Sa yena ȳh̄ure m̄sa wac̄atire ahrire ihyaya, niahye Jesu.

<sup>20</sup> Sa ihya tuhasa sata tiquiro tiquinare sihnidi pa ḡh̄ure ohoahye. Sa ohoro, tiquinare yahuahye:

—M̄sa ñañe yeyere coh̄ḡu taḡu yariatja. Sa yeḡu ȳh̄u diire coh̄atja. Coh̄c̄j̄u “M̄sare ȳhd̄outja”, tiquiro nidiro esa tuhagū ȳh̄u yariaro mehna tiquiro nidiro sohtori tirota.

<sup>21</sup> Yojop̄are t̄h̄oya m̄sa. Ȳh̄ure ih̄ña tuhtiyequinare ȳh̄ure ih̄ñoutiquiro yojop̄are ȳh̄u mehna oh̄o dujire. <sup>22</sup> Coh̄c̄j̄u tiquiro dutiriro sahata ȳh̄u mas̄ Coh̄c̄j̄u ohoriḡu yariatja. Tiquiro sa yaria dutiepeḡta ȳh̄ure ih̄ña tuhtiyequinare ih̄ñoutiquiro p̄rita ña ȳhd̄aro ȳhd̄arota, niahye Jesu tiquinare.

<sup>23</sup> Tiquiro sa nigū tiquina pehe tiquina basi oh̄o saha ni s̄nituahye:

—¿Jesure ih̄ña tuhtiyequinare ih̄ñoutiquiro mari mehna c̄j̄ano diquiro boro ijiagari? ni, yahuducuahye tiquina basi.

*—¿Mari mehna c̄j̄ano diquiro pehe ijiagari p̄h̄toro? ni yahuducuahye Jesu buheyequina tiquina basi*

<sup>24</sup> Came Jesu buheyequina oh̄o saha ni yahuducuahye:

—¿Mari mehna cjũno diquiro pehe ijia-gari pũtoro? ni yahuducuahye tiquina basi.

<sup>25</sup> Tiquina sa ni yahuducugũ tũhoro Jesu tiquinare yahuahye:

—Cohãcjũre cahmeeñequina pũthoa pehe tiquina masare dutiye, purĩno mehna dutire. Sa ye pũthoate “Tiquina masare yedohoyequina ijire”, nimene apequina masa tiquinare. <sup>26</sup> Mũsa pehe sa yesi mũsa basi. Mũsa mehna cjũno mũsa wahmi pehere tiquiro bahũro yero saha ijiro cahmene. Mũsa mehna cjũno pũtoro iji duaro cahãcjũno yero saha ijiro cahmene tiquirore. <sup>27</sup> ¿Diquiro ijiajari pũtoro? ¿Ihya dujiriqũiro pehe pũtoro ijiajari? ¿O ihyayere itiriqũiro pehe pũtoro ijiajari? Ihya dujiriqũirota ijiajaga pũtoro. Tiquiro sa ijiepegũta yũhũ pehe cahãcjũno yero saha mũsare yedohogũ ahtaũ.

<sup>28</sup> ‘Masa yũhũre tiquina ñano yepegũta mũsa pehe yũhũre duhuerare. <sup>29</sup> Sa yegũ yũhũ Pacũ yũhũre tiquiro pũtoro sũriro sahata mũsa gũhũre pũthoa sũgũtja yũhũ. <sup>30</sup> Yũhũ pũtho yũhũ ijigũ yũhũ ihyari mesapũ mũsa gũhũ ihya, sihninata. Sa yena mũsa pũthoa dujiyere dujinata. Mũsa topũ dujina Israe masare doce cururi cjẽnare besenata mũsa ñañequinare, quehnoañequinare, niahye Jesu tiquiro buheyequinare.

*Pedro Jesure tiquiro cohãtire yahuahye Jesu*

(Mt 26.31-35; Mr 14.27-31; Jn 13.36-38)

<sup>31</sup> Sa ni tuhasa Pedrore Jesu ohũ saha ni yahuahye:

—Simo Pedro yũhũre tũhoya. Mũsare ijipihtinare watĩno yũhũre cohãgũ ye duare. Trigo wese cjũno trigore tiquiro wejẽ site cohãriro sahata mũsare ijipihtinare watĩno ñano ye duare. Sa ye duaro, Cohãcjũre sinidi. <sup>32</sup> Tiquiro sa sinigũ ihñagũ yũhũ pehe Cohãcjũre sini basau mũhũre. Yũhũre mũhũ wacũ tutua duhueratire sini basau mũhũre. Sa yegũ mũhũ yũhũ mehna cjũ pari turi ijigũ yeequinare yedohoya mũhũ, yũhũre tiquina wacũ tutua nemoati, niahye Jesu Pedrore.

<sup>33</sup> Tiquiro sa nigũ Pedro yũhtiahye:

—Pũtho, yũhũre tiquina peresu yepegũta, yũhũre tiquina wejẽ duepegũta mũhũ mehna cjũ ijiitja, niahye Pedro.

<sup>34</sup> Jesu yũhtiahye:

—Pedro, mũhũre niita niaja. Mia ñami canaca tiquiro yahuato pano “Jesure masiedaja”, nigũta mũhũ apequinare. Ihtia taha sa nigũta mũhũ, niahye Jesu Pedrore.

*Jesure tiquina ñano ye dũcato mehenogã dũhsahye*

<sup>35</sup> Sa ni tuhasa Jesu tiquiro buheyequinare yahuahye:

—¿Sohũ ijiri pje niñeru ajuro mariena, pajiri ajuro mariena, dahpo suhti mariena mũsare yũhũ ohogũ apee boro dũhsari mũsare? ni sinituahye Jesu.

—Ne usãre yabe dũhsaerari, ni yũhtiahye tiquina.

<sup>36</sup> —Ti pjere mũsare dũhsaerapegũta yojopũ pehere niñeru ajurore cũona tire neña. Pajiri ajurore cũona gũhũ neña. Sa yena mũsare ñoseni pjĩ mariedagũ mũsa suhtire duana ti pjĩne dúya. <sup>37</sup> Ahrire mũsare nii niaja. Cohãcjũ yere tiquina ojoari pũpũ tiquina nidiro sahata yũhũre sa waharo cahmene. Ohũ saha niahye ti pũpũ: “ ‘Tiquiro dutiyere yũhdũdũcayequina mehna cjũno ijire’, nieta masa”, ni, ojoahye, niahye Jesu.

<sup>38</sup> —Ihñaña pũtho. Pũa pjĩ ñoseñe pjĩnine cũoaja usã, niahye tiquiro buheyequina.

—To punota ijire, ni yũhtiahye Jesu.

*Getsemaní wame tiri wesepũ Jesu Cohãcjũre siniyahye*

(Mt 26.36-46; Mr 14.32-42)

<sup>39</sup> Sa ye Jesu tiquiro sa yeducuriro sahata Olivo wame tidũ cũnũpũ wahahye. Tiquiro sa wahagũ tiquiro buheyequina tiquiro mehna wahahye. <sup>40</sup> Topũ esaro tiquiro tiquinare yahuahye:

—Cohãcjũre siniña mũsa ñano yeratire, niahye Jesu tiquinare.

<sup>41</sup> Sa ni tuhasa tiquiro dihita mehenogã waha nemo, dũsepe curi mehna quehe sa, Cohãcjũre siniyahye:

<sup>42</sup> —Mai, yũhũ ñano yũhdũatire ye dueragu yeracãhña. Yũhũ sa niepegũta yũhũ cahmeñe pehere yeracãhña. Mũhũ

pehe masine. Mũhũ cahmeno saha yeya yũhũre, ni siniahye Jesu Cohãcjũre.

<sup>43</sup> Tiquiro sa sinigũ ãhmũsepũ ahtariquiro angel Jesure bajua, yedohoahye tiquirore.

<sup>44</sup> Sa yero Jesu ñano jeripohna ti, tutuaro mehna Cohãcjũre siniahye. Sa yero tiquiro asi ti cuhsaye dii pjeri yero saha tiquirore wijia, yehparũ bora quehe sahye.

<sup>45</sup> Cohãcjũre sini bato ti, wahcãdũca sa, tiquiro buheyequina caharũ wihiahye. Tiquiro wihigũ tiquiro buheyequina tutuaro bũjũa witiyequina ijiye, carĩne niahye. <sup>46</sup> Sa yero Jesu tiquinare ohõ saha ni yahuahye:

—¿Dũhsena carĩajari mũsa? Wahcãña. Cohãcjũre siniña mũsa, “Ñano yeari”, nina, niahye Jesu tiquinare.

*Jesure ihña tuhtiyequina tiquirore peresu yeahye*

*(Mt 26.47-56; Mr 14.43-50; Jn 18.2-11)*

<sup>47</sup> Tiquiro sa ni yahuducuri watoa masa peyequina wihiahye. Juda doce buheyequina mehna cjũno ijimediquiro masare ãhmũ tã cãhtariquiro ijiahye. Sa yero tiquiro Jesu caharũ wihi, wahsupu ihmi-ahye tiquirore. <sup>48</sup> Tiquiro sa ihmigũ Jesu tiquirore sinituahye:

—¿Juda, yũhũ masũre Cohãcjũ ohorigũre yũhũre ihña tuhtiyequinare ihñogũ yũhũre wahsupu ihmiñe mehna sa yeajari mũhũ? niahye Jesu.

<sup>49</sup> Tiquiro sa nidi bato Jesu buheyequina masa Jesure tiquina ñeheatire masiñe, tiquirore sinituahye:

—¿Pũhto, usã ñoseñe pjĩni mehna tiquina mehna cahmequema? niahye tiquina.

<sup>50</sup> Tiquina sa nidi bato ihcãquiro Jesu buheyequina mehna cjũno pehe pahia pũhtoro cahacjũnore tiquiro ñoseni pjĩ mehna tiquiro cahmonore poto pehe ijiri cahmonore dũte pahrẽ cãhye. <sup>51</sup> Tiquiro sa yegũ ihñano Jesu tiquirore ohõ saha niahye:

—Sa yeracãhña, niahye.

Ni, cahacjũno cahmono ijirirorpũ ña ohõahye. Tiquiro ña ohõgũta cahmono mũnanao sahata ijiahye tja. <sup>52</sup> Sa ye tuhasa pahia pũhtoare Cohãcjũ wũhũ cjẽna surara pũhtoare, bũcũna gũhũre tiquirore ñeheñe ahtariquinare Jesu sinituahye:

—¿Dũhse ijiro boro mũsa ñoseñe pjĩni, yucã tiãri mehna yaqueriquirore tiquina yeriro saha mũsa yũhũre ñehena ahtajari?

<sup>53</sup> Decoripe Cohãcjũ wũhũrpũ mũsa mehna yũhũ ijigũ, mũsa yũhũre ñehedari. Sa ijiepegãta yojopũre mũsa ya deco yũhũre mũsa ñano yeati deco ijire. Yojopũ watĩno tiquiro ñano yeati deco gũhũ ijire, niahye Jesu.

*—Tiquirore masiedaja, niahye Pedro Jesure*

*(Mt 26.57-58, 69-75; Mr 14.53-54, 66-72; Jn 18.12-18, 25-27)*

<sup>54</sup> Tiquina Jesure ñehe tuhasa pahia pũhtoro ya wũhũrpũ neahye tiquina tiquirore. Tiquina topũ neagũ Pedro yoaropũ tiquinare ihña nũnũ tãhye.

<sup>55</sup> Pũhtoro ya wũhũrpũ esa, topũ wũhũ caharũ ijiri paarpũ, quehnoari paa decorpũ peca wijiãhye apequina. Tiquina wijiãgũ ihñano Pedro peca caharũ dujiyequina mehna dujiahye. <sup>56</sup> Tiquiro dujiri bato ihcãcoro cahacjũno tiquirore quehnoano ihña, apequinare ohõ saha ni yahuahye:

—Ahriquiro gũhũ tiquiro mehna ijiri, niahye ticoro.

<sup>57</sup> Ticoro sa nigũ tũhoro Pedro yũhtiahye:

—Numio, tiquirore ne masiedaja yũhũ, nimahye tiquiro.

<sup>58</sup> Came cjũnogã apequiro Pedroro ihña, ohõ saha ni yahuahye:

—Mũhũ gũhũ tiquina mehna cjũ ijire, niahye tiquiro.

—Ne ijieraja, nimahye Pedro.

<sup>59</sup> Ihcã hora bato apequiro apequinare ohõ saha ni yahuahye:

—Ijirota ijire. Ahriquiro Galilea cjũno ijire. Sa yero potota Jesu mehna ijiri ahriquiro gũhũ, niahye tiquiro apequinare.

<sup>60</sup> Tiquiro sa nigũ Pedro yũhtiahye:

—Ne, mũhũ nidiquirore masiedaja yũhũ, ni yũhtiahye Pedro.

Tiquiro sa ni yahuducuri watoa canaca yahuahye. <sup>61</sup> Tiquiro yahugãta Jesu wũhũ caharũ ijiriquiro Pedroro majare ihñadoqueoahye. Tiquiro sa yegũ Pedro pehe Jesu tiquiro nidire wacũahye. “Mia ñami canaca tiquiro yahuato pano, ‘Yũhũ Jesure masiedaja’, nigũta mũhũ. Ihtia

taha sa nigata m̄h̄u”, Jesu tiquiro nidire wacūahye Pedro. <sup>62</sup> Sa wacūno Pedro top̄u wijia ta, tutuaro utiahye.

*Jesure buj̄upe, quēahye tiquina*  
(Mt 26.67-68; Mr 14.65)

<sup>63</sup> Sa ye Jesure cohteyequina surara tiquirore buj̄upe, quēpeahye. <sup>64</sup> Sa quēpeye, tiquiro caperire d̄ah̄te cahmota, tiquirore sinituahye:

—¿Diquiro m̄h̄ure quēari? Ihñedapegata yahuya us̄are, ni sinitupeahye tiquina.

<sup>65</sup> Sa ye peye ñano ni yahuducuahye tiquina tiquirore.

*Jesure p̄ah̄toa sinituahye*  
(Mt 26.59-66; Mr 14.55-64; Jn 18.19-24)

<sup>66</sup> Bohrearop̄u judio masa buc̄na, pahia p̄ah̄toa, judio masare buheyequina ḡh̄u cahmecoahye. Tiquina sa cahme-coanop̄u apequina tiquina cahap̄u Jesure ne c̄ah̄tahye.

<sup>67</sup> —Yahuya us̄are. ¿Cristota ijiajari m̄h̄u? ni sinituahye tiquina Jesure.

Tiquina sa niḡu Jesu yahtiahye:

—M̄sare ȳh̄u yahuḡu, ȳh̄ure tuhosi m̄sa. <sup>68</sup> M̄sare ȳh̄u sinituḡu ȳh̄ure yahtisi m̄sa. Sa yena ȳh̄ure wiosi m̄sa.

<sup>69</sup> M̄sa wioerapeḡata came cj̄unoḡa ijip-ihtiye decori ȳh̄u mas̄u Coh̄ac̄j̄u ohoriḡu Coh̄ac̄j̄u tutuariquiro tiquiro potu peher̄u dujiḡutja, niahye Jesu.

<sup>70</sup> Tiquiro sa niḡu tiquina ijipihtiyequina sinituahye tja pari turi:

—¿Sa niḡu Coh̄ac̄j̄u mac̄ata ijiajari m̄h̄u? niahye tiquina.

—M̄sa nino sahata ijiaja, ni yahtiahye Jesu tiquinare.

<sup>71</sup> Tiquiro sa niḡu tiquina oh̄o saha ni yahuducuahye tiquina basi:

—Ahriquiro Coh̄ac̄j̄ure pajiro tiquiro ñano yahuducuḡu mari basi tuh̄ou. Sa ye topequinata yahus̄ah̄do ahriquirore, niahye tiquina basi.

## 23

*Pilato Jesure sinituahye*  
(Mt 27.1-2, 11-14; Mr 15.1-5; Jn 18.28-38)

<sup>1</sup> Sa ni tuhasa tiquina ijipihtiyequina wahc̄ad̄uca, Jesure Pilato cahap̄u neahye.

<sup>2</sup> Ne esa, Jesure yahus̄a d̄ucah̄ye:

—Ahriquiro mari ya yehpa cj̄enare tiquiro ñano ye dutiḡu us̄a tuh̄ou. Mari p̄ah̄torore ahriquiro wapa ye dutierare. Sa yero tiquiro “P̄ah̄to ijiaja. Cristo masare ȳh̄d̄uoac̄j̄u ijiaja ȳh̄u”, ni yahuducure tiquiro basi, ni yahus̄ah̄ye tiquina Jesure.

<sup>3</sup> Tiquina sa ni yahus̄ari bato Pilato Jesure sinituahye:

—¿Judio masa p̄ah̄tota ijiajari m̄h̄u? ni-ahye tiquiro Jesure.

—M̄h̄u nino sahata ijiaja, ni yahtiahye Jesu.

<sup>4</sup> Tiquiro sa niḡu Pilato pahia p̄ah̄toare, masa ḡh̄ure yahuahye:

—Ahriquiro buhiri mariedare, niahye tiquiro.

<sup>5</sup> Tiquiro sa niepeḡata tiquina tutuaro yahus̄a nemoahye:

—Tiquiro buheye mehna masare cahme-queḡu yere. Galilea yehpap̄u tiquiro tire ye d̄ucari. Sa ye d̄uca tuhasa ijipihtiyo Judea yehpap̄u tire tiquiro yere. Sa yero yojop̄u oh̄op̄u ḡh̄ure tire yero taro nine, ni, yahus̄ah̄ye tiquina.

*Herode Jesure sinituahye*

<sup>6</sup> Tiquina sa ni yahus̄aḡu tuhoro Pilato pehe sinituahye:

—¿Ahriquiro Galilea cj̄ano ijiajari? niahye tiquiro.

<sup>7</sup> —To cj̄anota ijire, ni yahtiahye ape-quina.

Tiquina sa ni yahtiḡu tuhoro Pilato pehe Jesu tiquiro ijiri yehpare masino p̄ah̄toro Herode ya yehpa cj̄ano Jesu tiquiro ijiḡu masiah̄ye. Tire masino Jesure Herode cahap̄u ohoah̄ye. Ti pjere Herode Jerusal̄ep̄u ijiah̄ye. <sup>8</sup> To pano Herode Jesure tuh̄o tuhasah̄ye. Tiquiro sa tuh̄ori bato yoari bato tiquirore ih̄ña duah̄ye. Jesu Coh̄ac̄j̄u tutuaye mehna tiquiro ye ih̄ñoḡu ih̄ña duamah̄ye tiquiro. Sa yero tiquiro Jesure ih̄ñano, bucueah̄ye. <sup>9</sup> Sa yero peye tahari sinituah̄ye Jesure. Tiquiro sa sinituepeḡata Jesu ne yahtierah̄ye tiquirore. <sup>10</sup> Pahia p̄ah̄toa, judio masare buheyequina ḡh̄u Herode cahap̄u esa, tutuaro Jesure yahus̄ah̄ye. <sup>11</sup> Tiquina yahus̄ari bato, Herode tiquiro yequina surara mehna buj̄upe, Jesure ñano yeah̄ye. Sa buj̄upeye, quehnoari suhtirore p̄ah̄toro



tiquiro sañari suhtiro yero saha bajuri suhtirore sãahye tiquina Jesure. Sa bñjpe tuhasa, tiquirore Pilato cahap̄a ohoahye tja. <sup>12</sup> Ti decore Herode, Pilato mehna quehnoano tiquina basi cahme yeyequina iji d̄cahaye. To panore tiquina basi cahme ihña tuhtiyequina ijinimahye.

*Masa Jesure wejē dutiahye*  
(Mt 27.15-26; Mr 15.6-15; Jn 18.39-19.16)

<sup>13</sup> Sa ye Pilato pahia p̄htoare, apequina p̄htoare, masa ḡh̄are tiquiro p̄jioḡa, cahmecoahye. <sup>14</sup> Tiquina cahmecoa pihtiḡa ihñano ohō saha niahye Pilato tiquinare:

—Ahriquirore yuh̄are ne cãhtana, “Tiquiro masare ñano ye dutiri”, nimesi m̄asa yuh̄are. Yojop̄a m̄asa ihñonop̄a ahriquirore quehnoano sinitu pehou tja. Yuh̄a sa sinituri bato m̄asa tiquirore sa yahusãducuḡa tiquirore ñañe buhiri ne mariedare, yuh̄a ihñaḡa. <sup>15</sup> Herode ḡh̄a tiquirore “Ne, ñañe buhiri mariedare”, nidi. Sa nino ahriquirore pari turi usãre oho majare tojore tja. Sa yena ahriquirore tiquiro ñañe buhiri mariedaḡa tiquirore m̄asa wejē duti masiedare. <sup>16</sup> Sa yeḡa tiquirore yuta dari mehna tana dutiitja yuh̄a. Sa tiquina tanari bato tiquirore wioutja, nimahye Pilato masare.

[<sup>17</sup> C̄hmaripe pascua bose decorire masa yaquiro ijiatiquirore ihcãquiro peresup̄a ijiriquirore Pilato wio basaducue tiahye.] <sup>18</sup> Sa ye Pilato “Jesure wioutja”, tiquiro niḡa t̄hoye ijipihtiyequina masa ohō saha ni sañuducuahye:

—Tiquirore Jesure wejēña. Barrabá pehere usãre wio basaya, ni sañuducuahye masa.

<sup>19</sup> To pano Barrabá pehere Jerusalēp̄a p̄htoare tiquiro cohã dutiri buhiri, masare tiquiro cahmeque dutiri buhiri, tiquiro wejēdi buhiri, peresu yeahye tiquirore. Sa ye camep̄are tiquirore masa wio dutiye niahye. <sup>20</sup> Pilato Jesu pehere wio duamahye. Sa yero tiquiro masare sinituahye tja. <sup>21</sup> Tiquiro sa wio duepeḡata tiquina tiquirore niahye tja:

—Curusap̄a quē biha wejēña tiquirore. Wejēña tiquirore, ni sañuducuahye tiquina.

<sup>22</sup> Tiquina sa niḡa Pilato ihtia taha waro ohō saha nimahye tiquinare:

—¿Yabere ñano yeri tiquiro m̄asa sa ni sañuducuḡa? Ne tiquirore ñañe buhiri mariedare. Sa yeḡa tiquirore wejē duti masiedaja. Tiquirore yuta dari mehna tana dutiitja. To punota ye dutiitja. Sa yeḡa wioutja tiquirore, nimahye Pilato.

<sup>23</sup> Tiquiro sa niepeḡata tiquina tutuaro mehna sañuducu nemo, Jesure curusap̄a wejē dutiahye. Tiquina sa ni sañuducuḡa t̄horo tiquina cahmediro sahata Pilato yeahye. <sup>24</sup> Sa yero tiquina sinidiro sahata Pilato Jesure wejē dutiahye. <sup>25</sup> Sa dutiro tiquiro peresup̄a ijiriquirore masare cahmequeḡa yeriquirore, masare wejēdiquirore masa tiquina sinidiro sahata Pilato Barrabá pehere wioahye. Sa yero Pilato Jesure curusap̄a wejē dutiahye.

*Tiquina Jesure curusap̄a quē biha wejēahye*

(Mt 27.32-44; Mr 15.21-32; Jn 19.17-27)

<sup>26</sup> Sa ye tiquina Jesure wejēñe wahaye, neahye. Ti pje tiquina sa yeri watoa Simo wame tiriquiro Cirene c̄jãno ihquē wuh̄ase ijirop̄a esariquiro tojoa taro niahye. Jerusalēp̄a tiquiro wihiḡa ihñañe Jesure neañequina tiquirore piti ca, ñehe, curusare tiquirore w̄aa cã dutiahye Jesu bato pehe.

<sup>27</sup> Sa ye masa peyequina Jesure ihña n̄n̄a tãh̄e. Sa ye masa watoa ijiyequina numia tiquirore tiquina sa yeḡa ihñañe tutuaro utiahye. <sup>28</sup> Tiquina utiḡa t̄horo, tiquina numiare Jesu majare ihña, ohō saha niahye:

—Jerusalē c̄jãna numia, yuh̄are utieracãhña. M̄asa ye ijiatire, m̄asa pohna ye ijiati ḡh̄are utiya. <sup>29</sup> Apeye decori ijiḡa ña yuh̄d̄aro yuh̄d̄nata m̄asa. Ti pjere masa ohō saha nieta. “Pohna mariena numia, pohna tiena numia, ap̄oedari numia yojop̄a mari ijiḡa quehnoa yuh̄d̄aboaga”, nieta numia. <sup>30</sup> Ti pjere c̄n̄are ohō saha ni yahuducuenta masa. “M̄h̄a c̄n̄a usã buip̄a bora dijia taya. Usãre n̄oña”, nieta masa cueye. <sup>31</sup> Masa yuh̄are buhiri marieḡare ohō saha tiquina yeḡa, ñañe buhiri c̄oyequina pehe ña yuh̄d̄aro wa-haeta, niahye Jesu.

<sup>32</sup> Apequina p̄aro dutiyere yuh̄d̄ducayequina tiquina ijiḡa tiquina ḡh̄are Jesu mehna

tiquina wejĕatiquinare neahye tiquina. <sup>33</sup> Tiquinare nea, “Dapu pehtoro”, wame tiropu esa, curusapu Jesure quĕ biha ohĕahye. Sa ye puaro yuhduhcayequina gũhare apequirore tiquiro pota pehe, apequirore tiquiro cũ pehe pehe quĕ biha ohĕahye. <sup>34</sup> Tiquina sa yegũ Jesu ohĕ saha niahye:

—Mai, ahriquina yuhare wejĕatiquina yojopu tiquina ñano yerire boya tiquinare. Tiquina duhse yerire masiedare tiquina. Sa yegũ tiquina ñano yerire boya, niahye Jesu.

Sa ye Jesu suhtire cahme itiyē, tiquina doquepeahye. Tiquiro suhtire “¿Noa yaro ijirotari ohĕ?” ni cahme doquepeahye tiquina. <sup>35</sup> Sa ye masa topu ducuyequina tiquina ihñaducuri watoa judio masa puhto Jesure bujupeahye:

—Tiquiro apequina masare yariaboriquinare yuhduhoñhti. Sa yero tiquiro Cristo Cohãcjũ beseriquiro ijiro, yojopu yariaboriquiro ijiro, tiquiro basi yuhduoahro, ni, bujupeahye tiquina.

<sup>36</sup> Surara gũhare tiquirore bujupeahye. Jesu cahapu esa, tiquina tiquirore ñañe co vinore ohomahye. <sup>37</sup> Tire yeye ohĕ saha niahye tiquina:

—Mũhare judio masa tiquina puhto ijigu mũhare basi yuhduya. Sa yegũ yuhdu witigata mũhare, ni, bujupeahye tiquina.

<sup>38</sup> Sa ye tiquiro bui ohĕ saha ni ojoa ohĕahye. “AHRIQUIRO JUDIO MASA PUHTORO IJIRE”, ni, ojoa ohĕahye.

<sup>39</sup> Apequiro tiquiro mehna tiquina quĕ biha ohĕriquiro yuhduhcariquiro pehe ñano yahuducuahye Jesure:

—¿Mũhare Cristo masare yuhduoacju ijierajari? Mũhare basi, usã gũhare yedohoya, niahye tiquiro Jesure.

<sup>40</sup> Tiquiro sa nigũ tãhoro apequiro yuhduhcariquiro Jesu pota pehepu tiquina quĕ biha ohĕriquiro pehe tiquirore ohĕ saha niahye:

—Mari gũhare pota ijiye mehna buhiri dahrere tiquina. ¿Duhsegũ Cohãcjũre ne ño peoerajari mũhare? <sup>41</sup> Marine ñañe buhiri ye, pota yeye nine tiquina. Ñañene mari yeri buhiri marine buhiri dahrere tiquina.

Ahriquiro pehe ñañene yerare, niahye tiquiro apequiro yuhduhcariquirore.

<sup>42</sup> Sa nino, tiquiro Jesure ohĕ saha niahye:

—Jesu, mũhare puhto ijigu tojoa tagũ, yuhare wacũña, niahye tiquiro Jesure.

<sup>43</sup> —Mũhare ahrire nii niaja. Miare paraíso wame tiropu mũhare yuhũ mehna ijiita, niahye Jesu tiquirore.

### *Jesu yariaa wahahye*

(Mt 27.45-56; Mr 15.33-41; Jn 19.28-30; He 6.19-20; 10.19-20)

<sup>44</sup> Sa ye coheri pje ijigũ asũ asi duhuahye. Sa yero ijipihtiro ti dihtapare ihtia hora waro quehnoano nahitiahye. <sup>45</sup> Nahitiari watoa, Cohãcjũ wũhare cjã suhtiro cahsero, tiquina tore cahmotari cahsero decopu ti cahsero uhmusepu tũhnu dũca, tũhnu yojoa saa wahahye. <sup>46</sup> Sa yero Jesu tutuaro sañuducuahye:

—Mai, yuhũ jeripohnare mũhare wiaja mũhare ihña ihboatire, ni, sañuducuahye Jesu. Sa ni tuhasa yariaa wahahye.

<sup>47</sup> Tiquiro sa yariagũ ihñano, surara puhtoro pehe “Cohãcjũ tutuariquiro ijire”, nino, “Ahriquiro Jesu manano potota quehnoariquiro ijimeya”, niahye surara puhtoro.

<sup>48</sup> Sa ye tiquina wejĕgũ ihñañe ahtariquina Jesu tiquiro yariagũ ihñañe, tiquina ye wũhusepu tojoaa wahahye. Tojoaa waha, tiquina ñañe yerire bujũa witiye mehna tiquina cutiro bui quĕ ohĕahye. <sup>49</sup> Ijipihtiyequina Jesu yequina tiquiro mehna cjĕna Galileapu tiquiro mehna ahtariquina numia gũhare Jesure yoaropu ihñaducuahye.

### *Jesu pagũre masa copepu cũahye*

(Mt 27.57-61; Mr 15.42-47; Jn 19.38-42)

<sup>50-51</sup> Ti pjere José wame tiriquiro topu ijiahye. Judea yehpa cjã maca Arimatea wame tiri maca cjãno ijiahye. Sa yero tiquiro quehnoariquiro, pota yeriquiro ijiro, Cohãcjũ puhtoro iji dũcatire cohteriquiro ijiahye. Sa yero tiquiro judio masa puhto mehna cjãno ijieperota Jesure tiquina wejĕ dutigũ cahmedamahye tiquiro. <sup>52</sup> Sa yero Pilato cahapu esa, Jesu pagũre siniahye. <sup>53</sup> Sini tuhasa, Jesu

pagure ne dijio, quehnoari suhtiro mehna tiquiro pagure wahmeahye. Sa wahme tuhasa, masa copep<sub>u</sub> utāp<sub>u</sub> tiquina seheri copep<sub>u</sub> cūahye tiquiro pagure. Ti copere ne apequina yariariquinare cūedarīahye. <sup>54</sup> Ti deco saurú deco ijiatire tiquina quehnoyuri deco ijiahye. Saurú tiquina sori deco ijiati mehenogā dūhsahye.

<sup>55</sup> Sa ye Galileap<sub>u</sub> Jesu mehna ahtariquina numia masa copep<sub>u</sub> José mehna wahahye. Masa copep<sub>u</sub> esa, ti copere ihña, Jesu pagure tiquina cūrire ihñahye. <sup>56</sup> Came tiquina ye wāhūsep<sub>u</sub> tojoaa waha, ehme sitiye co, wisōñe mehna quehnoahye tiquina. Sa ye saurú ijigū Cohācjū dutiye Moiseri tiquiro cūri dutiye nino sahata tiquina soahye.

## 24

### *Jesu masa wijiahye*

*(Mt 28.1-10; Mr 16.1-8; Jn 20.1-10)*

<sup>1</sup> Domingo ijigū bohrearop<sub>u</sub> tiquina numia ehme sitiye tiquina quehnorire Jesu masa copep<sub>u</sub> ne cāmahye. <sup>2</sup> Ti copep<sub>u</sub> esa, ti copere bihariare utāre tiquina pōo duhu cūria utāre ihñahye. <sup>3</sup> Sa ihñañe tiquina ti copep<sub>u</sub> sajāa wahahye. Jesu pagure bocaerahye tiquina. <sup>4</sup> Tiquiro pagure bocaera, “¿Dūhse wahayari?” ni tūhotuahye tiquina. Tiquina sa ni tūhotu yahuducuri watoa pūaro ūmūa asi siteye suhti sañañequina tiquina cahap<sub>u</sub> ducuahye. <sup>5</sup> Top<sub>u</sub> tiquina ducugū ihña, numia cueye, dūsepe curi mehna quehe sahye. Sa ye ūmūa pehe tiquinare yahuahye:

—¿Dūhsena yariariquiro ijirore Jesure macajari mūsa? Yojop<sub>u</sub>re tiquiro catiriquiro ijire. <sup>6</sup> Tiquiro ohōre mariedare. Masa wijia tuhasari. ¿Sohō ijiri pjere tiquiro Galileap<sub>u</sub> mūsa mehna ijiro mū sare tiquiro nidire wacūajari mūsa? <sup>7</sup> “Yūhūre Cohācjū ohorigūre apequiro ohorota ñañequinare. Tiquiro ohori bato yūhūre curusap<sub>u</sub> quē biha wejēeta tiquina. Sa yeg<sub>u</sub> yūhū yariari bato ihtia deco wahaboro masa wijiajutja yūhū”, nidi mū sare. ¿Tiquiro sa nidire wacūajari mūsa? niahye ūmūa pehe.

<sup>8</sup> Tiquina sa nigū tūhoye, numia pehe tiquiro nidire wacūahye. <sup>9</sup> Tiquina sa nidi bato tiquina tojoaa waha, once buheyequinare apequina gūhūre tire yahu pehoahye. <sup>10</sup> Tiquina numia pehe María Magdalena, Juana, María Santiago pacoro ijiahye. Tiquina numia apequina numia gūhū ijiahye Jesu buheyequinare yahuri numia. <sup>11</sup> Tiquina sa ni yahuepegāta Jesu buheyequina pehe “Poto niñe niedaga. Ni mehoñe niaga ahriquina numia”, ni tūhotumahye. Sa ye tiquina numiare tūho duerahye.

<sup>12</sup> Tiquina sa nigū tūhoro, Pedro pehe masa copep<sub>u</sub> oma cā, ihñano wahahye. Ti copep<sub>u</sub> esa, tiquiro muhri ihña sōahye. Jesure tiquina wahmedi suhtiro dihitare ihñahye. “¿Dūhse wahayari?” ni, tūhotu, tiquiro ya wāhūp<sub>u</sub> tojoaa wahahye.

*Emau wame tiri maca cjā mahap<sub>u</sub> Jesu bajuahye*

*(Mr 16.12-13)*

<sup>13</sup> Ti decota pūaro Jesu buheyequina mehna cjēna Emau wame tiri macap<sub>u</sub> waha niahye. Jerusalē once kilómetro yoaro ijire Emaup<sub>u</sub> esato. <sup>14</sup> Emaup<sub>u</sub> waha, ijipihtiye Jerusalēp<sub>u</sub> ti pjere Jesu tiquiro sa waharire tiquirore tiquina ñano yerire yahuducu cāñe niahye. <sup>15</sup> Tiquina sa ni yahuducuri watoa Jesu pehe tiquina cahap<sub>u</sub> esa, tiquina mehna wahahye. <sup>16</sup> Sa ye tiquirore ihñaepeta tiquina tiquirore ihña masiedahye.

<sup>17</sup> —¿Dūhse ni yahuducu cāna nijari mūsa? ni, sinituahye Jesu.

Tiquiro sa nigū tiquina bājūa witiyequina esadūcahye.

<sup>18</sup> Cleofa wame tiri quiro pehe Jesure yūhtiahye:

—¿Yojop<sub>u</sub>re Jerusalēp<sub>u</sub> tiquina yerire mūhū dihita masiedajari? ni sinituahye tiquiro.

<sup>19</sup> —¿Dūhse wahari Jerusalēp<sub>u</sub>re? niahye Jesu.

Tiquiro sa nigū Cleofa yūhtiahye:

—Jesure Nazare cjūnore tiquina yerire nina niaja. Tiquiro Cohācjū yere yahu mūhtariquiro ijimedi. Sa ye tiquiro yahuducurire tūhoye, tiquiro yeri gūhūre ihñañe, “Tutuariquiro ijire”, ni,

tahotumedi masa. Cohãcjũ gãhũ sata ni tahotuaga. <sup>20</sup> Mari pahia pãhtoa, apequina pãhtoa mehna tiquirore wejẽ dutiye, apeqinare ohoari. Tiquina sa ohogũ apequina pehe tiquirore curusapũ quẽ biha wejẽdi. <sup>21</sup> “Roma cjẽnare cohãtiquiro Israe masa pãhthora ijiatiquiro ijire”, ni, tahotumi usã tiquirore. Mia mehna ihtia deco wahare tiquiro yariari bato. <sup>22</sup> Meheñequinagã numia usã mehna cjẽna numia usãre acũagũ yeri. Bohrearopũ Jesu tiquiro masa copepũ tiquina numia esa, <sup>23</sup> tiquiro pagũre bocaerañohiti. Tiquiro pagũre bocaeraye, tiquina tojoa wihi yahuri. “Usãre angele bajuari. Jesu catiñohiti”, ni yahuri usãre numia pehe. <sup>24</sup> Tiquina sa nigũ apequina usã mehna cjẽna ti copepũ esa, numia tiquina nidiro sahata ihñañohiti. Tiquina gãhũ Jesure ihñedañohiti, niahye tiquiro Jesure.

<sup>25</sup> Tiquiro sa nidi bato Jesu yahuahye tiquinare:

—Mũsa ne tũho masiedare. ¿Cohãcjũ yere yahu mãhtariquina mãna tiquina nidire quehnoano tũhoerari mũsa? <sup>26</sup> Cristore tiquiro pãhthora ijiato pano uhmũsepũ tiquiro mãjato pano tiquirore ñano yũhdũro cahmedi. ¿Tire masiedajari mũsa? niahye Jesu tiquinare.

<sup>27</sup> Sa nino Cohãcjũ Cristore tiquiro ni yahu tiquina ojoarire Jesu yahu peho cãhye tiquinare. Moise mãnanao tiquiro ojoarire Jesu yahu dũcahye. Sa yero ijipihtiyequina Cohãcjũ yere yahu mãhtariquina Cristore tiquina ojoari gãhũre yahu peho cãhye tiquiro.

<sup>28</sup> Tiquina wahari macapũ tiquina esaye taye yegũ, Jesu pehe tiquinare yũhdũ cãa wahamahye. <sup>29</sup> Tiquiro sa yepegũta tiquina tiquirore waha dutierahye:

—Usã mehna tojoaya. Ñamicapũ ijire. Nahinopũ nine, niahye tiquina tiquirore.

Sa yero Jesu tiquina mehna wũhũpũ sajãa wahahye. <sup>30</sup> Wũhũpũ sajã sa, tiquiro tiquina mehna ihyari mesapũ nuju sa, pãre ne, Cohãcjũre “Quehnoare”, niahye. Sa nino ti pãre nuha ne, tiquinare ohoahye. <sup>31</sup> Tiquiro sa yegũ ihñañe tiquina Jesure ihña masiahye. Tiquina ihña masi dũcagũta tiquiro buti maa wahahye.

<sup>32</sup> Tiquiro sa buti maa wahagũ ihñañe tiquina basi ohõ saha ni yahuducuahye:

—Mahapũ tiquiro marine tiquiro yahuducuri watoa Cohãcjũ tiquiro ojoarire tiquiro yahuri watoa mari jeripohnari mehna quehnoano bucueye mehna tahotuu mari, niahye tiquina basi.

<sup>33</sup> Sa ni tuhasa tiquina duita Jerusalẽpũ majare tojoaa wahahye tja. Topũ esa, once buheyequinare apequina mehna cahme-coañequinare boca hye. <sup>34</sup> Tiquina esagũ, once buheyequina ohõ saha niahye:

—Potota mari pãhthora masa wijiañohiti. Simo Pedro tiquirore ihñañohiti, niahye once buheyequina.

<sup>35</sup> Tiquina sa nigũ pãro Emau cjẽna mahapũ Jesure tiquina ihñarire yahuahye:

—Jesu pãre tiquiro nuhagũ usã ihña masii tiquirore, ni, yahu pehoahye tiquina apeqinare.

*Jesu tiquiro buheyequinare bajuahye  
(Mt 28.16-20; Mr 16.14-18; Jn 20.19-23)*

<sup>36</sup> Tiquina sa ni yahuri watoa tiquina cahapũ iji tuhasahye Jesu pehe.

—¿Ijiajari mũsa? niahye tiquiro tiquinare.

<sup>37</sup> Tiquiro sa nigũ tũhoye tiquina “Mari yariariquiro mãnanore ihñana niaja”, ni tahotuye, tutuaro cueahye. <sup>38</sup> Tiquina sa cuegũ ihñano tiquiro tiquinare yahuahye:

—¿Dũhsena cueajari mũsa? ¿Dũhsena “Ahri poto ijierare”, niajari mũsa? <sup>39</sup> Yũhũ omocarine, yũhũ dahpocãri gãhũre ihñañã. Mũsa yũhũre ihñana, ihña masinata. Yũhũre ñehe tuhuya. Ñehe tuhuna masinata mũsa. Yariariquiro mãnanopũ pagũ mariedare. Yũhũ pehe pagũ tiaja, niahye Jesu.

<sup>40</sup> Sa nino tiquiro omocari gãhũre, tiquiro dahpocãri gãhũre ihñoahye tiquinare. <sup>41</sup> Tiquiro sa ihñoepẽgũta tiquina tutuaro bucue, ihña maria waha, “Ahri poto ijieraga”, ni tahoturiahye. Tiquina sa tahotugũ masino Jesu tiquinare sinituahye:

—¿Ohõpũ ihyaye ijiajari? niahye tiquiro.

<sup>42</sup> Tiquiro sa nigũ tũhoye wahi dohariquirore ohoahye tiquirore. <sup>43</sup> Tire ne, tiquina ihñonopũ Jesu ihyahye. <sup>44</sup> Ihya tuhasa, Jesu yahuahye tiquinare:

—Sohõ ijiri pje m̄sa mehna ijiḡu m̄sare ȳh̄u yahuriro sahata yojop̄u ȳh̄u sa wahau. Cohãcjũ dutiye Moise marine tiquiro c̄uri tiquiro sa ni ojoariro sahata ȳh̄ure sa wahari. Cohãcjũ yere yahu m̄htariquina, Salmo ojoari p̄re ojoayequina ḡãh̄u panop̄u ȳh̄ure tiquina ni yahuriro sahata yojop̄ure ȳh̄ure sa wahari. Sa wahacj̄ta ijii ȳh̄u, niahye Jesu.

<sup>45</sup> Sa ni tuhasa Cohãcjũ yere tiquina yahu ojoarire tiquiro buheyequinare masigã yeahye Jesu:

<sup>46</sup> —Cohãcjũ yere tiquina ojoari ohõ saha nine: “Cristore ñano ȳhd̄uro cahmene. Sa yero ihtia deco wahaboro tiquiro yariari bato tiquiro masa wijiara. <sup>47</sup> Tiquiro masa wijiari bato ijipihtiye yehparip̄u tiquiro yequina Cristo yere yahueta. Masa tiquina ñañene tiquina b̄j̄ua witiatire, quehnoañene tiquina comesatire Cohãcjũ tiquina ñañene tiquiro cohãt̄ire yahueta tiquiro yequina. Sa yahuye taye, Jerusal̄p̄u yahu d̄ucaeta”, niahye Cohãcjũ yere tiquina ojoari p̄p̄u, niahye Jesu.

<sup>48</sup> Sa ni tuhasa ohõ saha ni yahu nemoahye:

—M̄sa pehe ahri ijipihtiyere ih̄narina ijire. Sa yena apequinare yahunata. <sup>49</sup> “Esp̄ritu Santore m̄sare ohoutja”, Cohãcjũ tiquiro nidiquirore ȳh̄u pehe m̄sare ohoutja. Tiquiro ãhm̄se cj̄e tutuayere ohoatiquiro ijire. Sa yena Jerusal̄p̄u tiquiro wihiatire cohteya m̄sa, niahye Jesu tiquiro buheyequinare.

*Jesu ãhm̄sep̄u m̄jaa wahahye  
(Mr 16.19-20)*

<sup>50</sup> Sa ni tuhasa Jesu tiquinare Jerusal̄p̄u ijiyequinare Betania cahap̄u neahye. Top̄u esa, Jesu tiquiro omocarine ne m̄uo, “Quehnoano ijiya”, niahye tiquinare. <sup>51</sup> Sa ni tuhasa, tiquinare c̄u, ãhm̄sep̄u m̄jaa wahahye. <sup>52</sup> Tiquiro m̄jari bato tiquina tiquirore ño peo, Jerusal̄p̄u tutuaro bucueye mehna tojoaa wahahye. <sup>53</sup> Top̄u iji, decoripe tiquina Cohãcjũ w̄h̄p̄u Cohãcjũ mehna yahuducu, “Quehnoare”, ni ño peoahye tiquina tiquirore. To punota ijire.

## San Juan

*Cohãcjũ ye yahuducuyere yahuriquiro masũnota iji dũcahye*

<sup>1</sup> Duitapũta ahri yehpa to ijiato panopũta Cohãcjũ ye yahuducuyere yahuriquiro Cristo masare yũhdũoatiquiro duita iji tuhasae tiahye. Tiquiro Cohãcjũ mehna ijiahye. Sa yero tiquiro Cohãcjũta iji cãhno niahye. <sup>2</sup> Duitapũta coã waropũre Cristo Cohãcjũ mehna ijiahye. <sup>3</sup> Sa yero coã waropũre ne mariedarire bajumehneahye. Ahri yehpare, aũmũsere, ijipihtiyere, masa gãhũre bajumehne dutiahye Cohãcjũ tiquirore. Sa yero ahri bajumehne pehoahye tiquiro. Ahri yojopũre mari ihñañene, mari ihñedari gãhũre tiquiro bajumehnedagũ ne mariedaboya. <sup>4</sup> Cristo catiyere ohoriquiro ijiro nine. Buhrioro marine to quehnoano ihña masigũ yero saha mari Pacũre quehnoano masigũ yere. Sa yero mari Pacũre masigũ yere masare. <sup>5</sup> Ahri yehpa cjẽna ñañene wacũ, tiquina tutuaro cahmeñe nahitiano yero saha ijiye nine. Buhrioro quehnoano marine to ihña masigũ yero saha Cohãcjũ ye yahuducuyere yahuriquiro masare masigũ yere. Sa yero nahitiano buhrioro to yãhdũdũcaero sahata Cristore ne ñañe yãhdũdũcaerare.

<sup>6-7</sup> Cohãcjũ Ñu wame tiriquiro pehere ohoahye, Cristo buhrioro yero saha ijiriquirore masare yahu mãhta dutiro. Tiquiro ohogũ Ñu pehe masare yahuro ahtari tiquiro yahuriquirore Cristore ijipihtiyequina tiquina wacũ tutuatire. <sup>8</sup> Ñu pehe Cristo ijierari. Sa ijieraro tiquiro Cristo pehere masare yahu mãhtano ahtari. <sup>9</sup> Cristo buhrioro yero saha ijiriquiro ijipihtiyequina masare Cohãcjũre masigũ yeatiquiro pehe ahri yehpapũ ahtari jiri. Ijirota ijire ahri. Tiquiro buhrioro yero saha ijiriquiro warota ijire.

<sup>10</sup> Sa yero Cristo ahri yehpapũ ijiri jimedi. Ahri yehpare bajumehnediquiro ijiahye. Tiquiro sa ijiepegũta tiquiro ya yehpa cjẽna tiquirore ne masiedari.

<sup>11</sup> Tiquiro ya yehpapũ masa bajuari jimedi. Tiquiro ya yehpapũ tiquiro masa bajuariquiro ijiepegũta tiquiro ya yehpa cjẽna pehe ne tiquirore cahmedari jiri. <sup>12</sup> Tiquina sa cahmedapegũta apequina pehere ijipihtiyequina tiquirore cahmeñequina pehere tiquinare Cohãcjũ tiquiro pohne ijigũ yeri jiri. Tiquirore wacũ tutuayequina pũrita potota tiquiro pohne warota ijire. <sup>13</sup> Tiquina Cohãcjũ pohneta ijiye nine. Sa ye masa tiquina masa bajuariro saha ijierare, Cohãcjũ pohne tiquina wahagũ.

<sup>14</sup> Sa yero Cristo masũno tiquiro iji dũcari bato mari mehnata ijire tiquiro. Tiquiro sa ijigũ ihñana masare cahñiquiro, potota yahuriquiro tiquiro ijigũ usã masii. Tiquiro dihita Cohãcjũ macũno ijiro tutuariquiro quehnoariquiro ijiri. Tiquiro sa ijiriquiro ijigũ usã masii. <sup>15</sup> Ñu Cristore yahu mãhtano ohõ saha ni sañuducuri masare yahuro:

—Siquiro ahtare yũhũ ohõ saha ni yahuriquiro: “Tiquiro yũhũ bato ahtariquiro ijire. Sa ijieperota tiquiro yũhũ yãhdũoro tutuariquiro ijire. Tiquiro yũhũ masa bajuato panopũ iji tuhasahye. Sa yero tiquiro yũhũ yãhdũoro tutuariquiro ijire”, mãsare yũhũ ni yahuriquiro ahriquirola ijire, nidi Ñu Jesure masare yahuro.

<sup>16</sup> Tiquiro Cristo pehe quehnoano tutuaro masare cahñiquiro ijiro marine ijipitinare quehnoano yeducuri. <sup>17</sup> Cohãcjũ dutiyere Moise pehe cũ mãhtahye marine. Jesucristo pehe Cohãcjũ masare tiquiro cahñene buhero ahtari. Cohãcjũ tiquiro potota yahuducuye gãhũre buhero ahtari. <sup>18</sup> Masa ne Cohãcjũre ihñedare. Tiquirore mari ihñedapegũta tiquiro macũno ihcãquirola ijiriquiro tiquiro Pacũro mehna sa ijiducure. Sa yero tiquiro Pacũrore marine masigũ yeri.

*Apequina Ñu wame yeriquirore sinituahye*

*(Mt 3.3, 11-12; Mr 1.2-3, 7-8; Lc 3.4-6, 15-17)*

<sup>19</sup> Usã acaye judio masa pahtoa Jerusalẽpũ ijiyequinare pahiare, Cohãcjũ wãhũpũ dahrayequina gãhũre Ñu cahapũ

ohori jiri. “¿Noa boro ijiajari m̄h̄h̄?” ni sinitu dutiye ohori jiri tiquinare. Tiquina sa sinituḡ ohō saha ni yahuri Ñu pehe. <sup>20</sup> Yeero boro marieno yahuri. Potota yahuri:

—Ȳh̄h̄ Cristo Coh̄c̄j̄ masare ȳh̄d̄h̄o dutiro tiquiro ohoriḡh̄ ijieraja, nidi tiquiro.

<sup>21</sup> Tiquiro sa niḡ tiquina pehe tiquirore pari turi sinituri tja:

—¿M̄h̄h̄ Cristo ijieraḡh̄ Elia pehe ijiajari m̄h̄h̄? nidi tiquina.

—Ijieraja ȳh̄h̄, nidi tiquiro.

—¿Us̄ã cohteriḡh̄ Coh̄c̄j̄ yere yahu m̄htac̄j̄h̄ pehe ijiajari m̄h̄h̄? nidi tiquina.

—Tiquiro ijieraja ȳh̄h̄, nidi Ñu pehe.

<sup>22</sup> Tiquiro sa niḡ tiquina tiquirore pari turi sinituri tja:

—Us̄ãre sinitu dutiriquinare us̄ã yahuro quehnoano poto us̄ãre yahu madoqueohya. ¿Noa boro pehe ijiajari m̄h̄h̄? ¿M̄h̄h̄ basita d̄h̄se ijiḡh̄ ijiajari m̄h̄h̄? “Sa ijiḡh̄ ijiaja ȳh̄h̄”, ni yahuya us̄ãre, nidi tiquina Ñure.

<sup>23</sup> Tiquina sa niḡ ohō saha ni ȳhtiri tiquiro:

—Masa marienop̄h̄ ohō saha ni sañuducuḡh̄ ijiaja ȳh̄h̄, Coh̄c̄j̄ yere yahu m̄htariquiro Isaia m̄n̄ano tiquiro ni yahuri sahata: “Mari p̄htoro tiquiro ahtato pano mahare mari quehnoyuro saha quehnoana ijiyuya m̄sa”, ni masare yahu sañuducuḡh̄ ijiaja ȳh̄h̄, nidi Ñu tiquinare.

<sup>24</sup> Ñure sinituyequina fariseo masa tiquina ohoriquina ijiri. <sup>25</sup> Sa ye tiquina Ñure sinituri tja:

—¿M̄h̄h̄ Cristo, Elia, Coh̄c̄j̄ yere yahu m̄htaḡh̄ us̄ã cohteriḡh̄ ijierapeḡta d̄h̄seḡh̄ masare wame yeajari m̄h̄h̄? nidi tiquina.

<sup>26</sup> Tiquina sa niḡ t̄h̄oro ȳhtiri tiquiro:

—Ȳh̄h̄ aco mehna masare wame yeaja. Apequiro pehe m̄sa masieniquiro pehe m̄sa watoa iji tuhasare. <sup>27</sup> Tiquiro pehe ȳh̄h̄ bato ahtariquiro ȳh̄h̄ ȳh̄d̄h̄oro tutuariquiro ijire. Quehnoa ȳh̄d̄h̄ariquiro ijire. Tiquiro yero saha ijieraja ȳh̄h̄ pehe. Sa yeḡh̄ tiquirore t̄hotuḡh̄, “Ihyo ijiḡh̄ ijiaja ȳh̄h̄”, ni t̄hotuaja ȳh̄h̄, nidi Ñu tiquinare.

<sup>28</sup> Sa ni yahuducuri tiquina, Betaniap̄h̄ Jordā wame tiri ma ape sie pahr̄ep̄h̄, Ñu masare tiquiro wame yerirop̄h̄.

*Jesu Coh̄c̄j̄ ohoriquiro tiquiro yaquiro cordero yero saha ijiriquiro ijire*

<sup>29</sup> Ape decop̄h̄ Jesu Ñu cahaḡã c̄j̄no tiquiro ahtaḡã Ñu tiquirore ih̄ñano ohō saha nidi:

—Ih̄ñaña. Ahriquiro Coh̄c̄j̄ ohoriquiro tiquiro yaquiro cordero yero saha ijiriquiro ijire. Corderore mari wej̄diro sahata masa ahriquiro ḡh̄are wej̄eta. Sa yariaro ahri yehpa c̄j̄nare tiquina ñaño yerire coh̄nota tiquiro. <sup>30</sup> Ahriquirota ijire ȳh̄h̄ ohō saha nidiquiro: “Ȳh̄h̄ bato ahtariquiro ȳh̄h̄ ȳh̄d̄h̄oro tutuariquiro ijire. Ȳh̄h̄ masa bajuato pano tiquiro iji tuhasahye. Sa yero tiquiro ȳh̄h̄ ȳh̄d̄h̄oro tutuare”, ȳh̄h̄ nidiquiro ahriquirota ijire.

<sup>31</sup> Ȳh̄h̄ pehe ahriquirore masiedahti. Sa masiedapeḡta aco mehna wame yei ahtau nii ȳh̄h̄ acaye Israe masa ahriquirore tiquina masiatore, nidi Ñu.

<sup>32</sup> Sa ni tuhasa Ñu yahu nemori:

—Esp̄ritu Santo h̄m̄sep̄h̄ bujua yero saha Cristo bui dijia ta, tiquiro bui wihid̄caḡã ih̄ñañ. <sup>33</sup> Coh̄c̄j̄ ȳh̄are tiquiro yahueraḡã tiquirore ne masiedaboaga ȳh̄h̄. Tiquiro ȳh̄are m̄sare aco mehna wame ye dutiro ohoriquiro Coh̄c̄j̄ pehe ohō saha ni yahu m̄hta tuhasari ȳh̄are: “Esp̄ritu Santo dijia ta tiquiro bui wihid̄canohriquiro tiquirota ijirota. Tiquiro pehe Esp̄ritu Santore masa mehna ijiducuḡã yerota”, nidi Coh̄c̄j̄ ȳh̄are.

<sup>34</sup> Yojop̄h̄ p̄ritare tiquirore ih̄ña tuhasau ȳh̄h̄. Sa ih̄ñaḡh̄ “Potota Coh̄c̄j̄ mac̄no ijire”, nii ȳh̄h̄ m̄sare, ni yahuri Ñu us̄ãre.

*Jesu buheyequina tiquiro piji m̄htariquina ijire*

<sup>35-36</sup> Ape decop̄h̄ Ñu mehna us̄ã p̄hana tiquiro buhena us̄ã ducuḡã, Jesu us̄ã cahap̄h̄ ȳh̄d̄h̄ c̄ãno nidi. Tiquiro sa ȳh̄d̄h̄ c̄ãḡã Ñu tiquirore ih̄ñano, pari turi ohō saha nidi us̄ãre:

—Ih̄ñaña. Ahriquiro Coh̄c̄j̄ yaquiro cordero yero saha ijiriquiro ijire, nidi Ñu.

<sup>37</sup> Tiquiro sa niḡ us̄ã p̄hana tiquiro buhena pehe tire t̄hona Jesure n̄n̄ t̄ã.

<sup>38</sup> ʘsã sa nunu tãgũ ihñano Jesu usãre majare ihña, sinituri:

—¿Yabere macana niajari mʘsa? nidi tiquiro.

Tiquiro sa nigũ usã gũhu sinituu tiquirore:

—¿Buhegu, nohopu ijiajari mʘhu? nii usã tiquirore.

<sup>39</sup> —Yuhu mehna ahtatjiãna ihñana taya, nidi Jesu usãre.

Tiquiro sa nigũ usã pehe tiquiro ijiropu ihñana wahu. Ti pjere ñamicahapu cuatro hora ijiri. Sa yena ti decore tiquiro mehna tojoau usã.

<sup>40</sup> ʘsã puana Ñure tãhorina, Jesure nunu tãrina yuhu piti Andre mehna ijii. Andre pehe Simo bahuro ijiri. <sup>41</sup> Sa yero duita tiquiro wahminore Simore maca, boca, tiquirore ohõ saha ni yahuahye:

—Mesiare Cohãcjũ marine yãhduo dutiro tiquiro ohoriquirore usã boca, niahye Andre Simore. Mesia usã ye mehna nina, Cristo nina niaja.

<sup>42</sup> Sa ni tuhasa tiquiro Simore Jesu cahapu neari. Tiquiro cahapu esagũ ihñano Jesu pehe Simore ohõ saha nidi:

—Muhu Simo wame tigu, Ñu macu ijire. Yojopure mʘhure Cefa wame yeitja, nidi Jesu Simore. Cefa usã ye mehna nina, Pedro nina niaja.

### *Felipere, Natanae gũhure pijiahye Jesu*

<sup>43</sup> Ape decopu Jesu Galilea yehpapu waha duari. Sa yero tiquiro wahato pano Felipere piti ca ohõ saha nidi:

—Yuhu mehna cjũ ijiajau ahtaya, nidi Jesu.

<sup>44</sup> Felipe pehe Betsaida cjãno ijiri. Tiquiro Andre, Pedro mehna ihcã maca cjẽna ijiri tiquina. <sup>45</sup> Sa yero Felipe Natanaene maca, tiquirore bocaro ohõ saha ni yahuri:

—Cohãcjũ dutiyere Moise tiquiro ojoari pũpu tiquiro yahuriquirore apequina Cohãcjũ yere yahu mʘhtariquina gũhu tiquina yahuriquirore usã boca. Jesu Nazare cjãno, José macanota ijire, nidi tiquiro Natanaene.

<sup>46</sup> —Nazarepuru ne ihcãquiro quehnoariquiro—¿Iño, dũhsego tago tire yuhure yahuaru mʘhu? Masa yuhure tiquina masiato dũhsarĩne, nidi Jesu tiquiro pacorore.

—Ihñagu taya mʘhu, nidi Felipe.

<sup>47</sup> Sa ye Jesu cahapu tiquiro esagũ ihñano Jesu pehe ohõ saha nidi Natanaene:

—Ahriquiro yojopu ahtariquiro potota quehnoariquiro judio masano warota ijire. Tiquirore mehoñe ne mariedare, nidi Jesu Natanae pehere.

<sup>48</sup> Tiquiro sa nigũ tãhoro Natanae pehe tiquirore sinituri:

—¿Dũhsegu yuhure quehnoano masiajari mʘhu? nidi.

—Felipe mʘhure tiquiro pijiato pano, higuerau docapu mʘhu ijigũ ihñau yuhu mʘhure, nidi Jesu.

<sup>49</sup> Tiquiro sa nigũ Natanae pehe ohõ saha nidi tja:

—Buhegu, potota mʘhu Cohãcjũ macu ijire. Mʘhu Israe masa usã puhto ijiajau ijire, nidi Natanae.

<sup>50</sup> Tiquiro sa nigũ tãhoro ohõ saha ni yahuri Jesu:

—Higuerau docapu yuhu mʘhure ihñarire masigu yuhure “Cohãcjũ macu ijire”, ni wacũ tutuare mʘhu. ¿Tita mʘhure sa masigũ yeajari? Ahri mʘhure yuhu ihñari yãhduoro Cohãcjũ tutuaye mehna ye ihñogutja yuhu mʘhure. Yuhu sa ye ihñogũ ihñaguta mʘhu, nidi Jesu Natanaene.

<sup>51</sup> Sa ninota ohõ saha ni yahu nemori:

—Potota mʘhure niita niaja. Yuhu masu Cohãcjũ ohoriguta ijiaja. ʘhmusepu parĩ maagũ Cohãcjũ tiquiro yequina angele yuhu bui tiquina dijia tagũ, tiquina mʘjagũ gũhure ihñaguta mʘhu, nidi Jesu tiquirore.

## 2

### *Caná wame tiri macapu tiquina omoca dũhteropu Jesu wahahye*

<sup>1</sup> Ihtia deco bato Canápu Galilea yehpapu ijiri macapu omoca dũhteri bose deco ijiri. Sa yero Jesu pacoro ti wãhuru ijiri. <sup>2</sup> Jesu mehna usãre tiquiro buhena gũhure omoca dũhteropu pijiori tiquina. <sup>3</sup> Ti bose deco cjẽ vino pihtigũ Jesu pacoro tiquirore yahuri:

—Yojopure vino pihtia wahari, nidi ticoro Jesure.

<sup>4</sup> Ticoro sa nigũ tãhoro Jesu ohõ saha nidi:

—¿Iño, dũhsego tago tire yuhure yahuaru mʘhu? Masa yuhure tiquina masiato dũhsarĩne, nidi Jesu tiquiro pacorore.



5 Tiquiro sa nidi bato tiquiro pacoro pehe tiquina cahacjēnare dutiri:

—Yuhū macū tiquiro dutiro sahata yeya, nidi ticoro.

6 Ti pjeppure usā acaye judio masa Cohācjū yere yeye tehe masare tiquina pagurire sa coseducu dutie tiri. Sa ye ti wuhūpure seis suturi utā mehna tiquina yeri suturi aco pose tiye suturi ijiri. Ti suturi Cohācjū yere yeye tehe tiquina coseye aco pose tiye suturi ijiri. Ti suturi cincuenta o setenta litro pose esa tuhari. 7 Sa yero tiquina cahacjēnare dutiri Jesu:

—Ahri suturire acore pio sã nemoña. Quehnoano wahpo dapoya, nidi Jesu.

Tiquiro sa nigū tiquina pehe quehnoano wahpo dapo peho cãhri ti suturire.

8 Tiquina sa yeri bato Jesu tiquinare dutiri tja:

—Yojopure ti acore wa ne, wuhū cjūnore ohoya, nidi.

Tiquiro sa nigū tūhoye ti acore wa ne, wuhū cjūnore ohori. 9 Tiquina sa ohogū tiquiro pehe ti acore vino wahagū yeri acore sihni tuhuri. Ti acore tiquiro dahse yerire masiedari tiquiro. Tiquiro sa masiedapegūta tiquiro cahacjēna ti acore wayequina pehe masidi. Wuhū cjūno sa masiedaro omoca dahteriquirore pijio, ohō saha ni yahuri:

10 —Apequina masa quehnoañe vinore sihō mūhtare. Masa tiquina quehnoano sihni batorū ña cjūñe core sihōri tiquina. Mūhū pehe quehnoañe core ihbo, came cjūno ti core sihōri usāre, nidi wuhū cjūno omoca dahteriquirore.

11 Canápur Galileapur ijiri macapur Jesu acore vino tiquiro wahagū yero, topur Cohācjū tutuaye mehna coã ye ducari. Sa yero apequinare tiquiro tutuayere ihñori Jesu. Tiquiro sa ihñori bato usā tiquiro buhena tiquirore wacū tutuā.

12 Came Jesu tiquiro pacorore, tiquiro bahanare, usāre tiquiro buhena gūhure Capernaupur siho esari. Topur esana, meheñe decorigā tojoarī usā.

*Jesu Cohācjū wuhūpure esahye*

*(Mt 21.12-13; Mr 11.15-18; Lc 19.45-46)*

13 Pascua ijigū judio masa usā bose deco ijiato mehenogā dahsatjāri. Sa

yero Jesu Jerusalēpur esari. 14 Topur esaro tiquiro Cohācjū wuhūpur sajà saro, wecūare, ovejare, bujuaare duayequinare boca sari. Sa yero niñerure comesayequina mesaripur dujigū tiquina gūhure boca sari. 15 Sa boca saro yuta dari mehna tanari da ye, tiquinare ijipihtyequinare sopechapur tana nanū wiorī. Oveja, wecūa gūhū tana nanū wio cāri tiquiro. Sa yero niñeru comesayequina ye mesarire ne majaredoqueo, doque cū cāri. Ti niñeru cjoeri gūhure doque site cāri. 16 Sa ye tuhasa bujuaare duayequinare ohō saha nidi:

—Musa bujuaare ne wijiaya. Yuhū Pacū ya wuhūre apee boro duari wuhū yeracāhña, nidi Jesu tiquinare.

17 Tiquiro sa yegū ihñana usā tiquiro buhena pehe Cohācjū yere tiquina ojoari pūpur tiquiro nidire wacū: “ ‘Cohācjū, mūhū ya wuhūre tutuaro cahñaja. Sa cahñū ti wuhūre ñano tiquina yegū ihñagū tutuaro bujua witiaja yuhū’, ni ojoahye Cohācjū yere tiquina ojoari pūpur”, ni wacū usā Jesu buhena.

18 Jesu tiquiro sa yeri bato usā acaye judio masa pūhtoa tiquirore sinituri:

—¿Dahsegū mūhū ahriquinare Cohācjū wuhūpure ijiequinare cohā wioari? Cohācjū mūhūre tire ye dutiriquiro tiquiro ijigū Cohācjū tutuaye mehna ye ihñoña mūhū usā ihñatire, nidi tiquina Jesure.

19 Tiquina sa nigū Jesu yūhtiri:

—Ahri wuhūre musa cohāgū ihtia deco wahaboro tuhasatja yuhū, nidi Jesu tiquinare.

20 —Ihtia deco ahri wuhūre yesi mūhū. Cuarenta y seis cūhmari waro tiquina yeri wuhū ijire ahri wuhū, nidi tiquina pehe Jesure.

21 Tiquiro sa nigū tiquina tiquirore quehnoano tūhoerari. Jesu “Ahri wuhūre”, nino tiquiro pagure nino nidi jimedi.

22 Sa ye tiquiro yariari bato, tiquiro masa wijiari bato usā tiquiro buhena pehe tiquiro nidire wacūna, Cohācjū yere tiquina ojoari pūre Jesu tiquiro yahuri gūhure “Ti ijirota ijire”, ni wacū usā.

*Ijipihtyequina tiquina wacūñene Jesu masine*

<sup>23</sup> Pascua bose deco ijigã Jesu Jerusalẽpũ ijiri. Topũ tiquiro ijigã masa peyequina Cohãcjũ tutuaye mehna tiquiro ye ihñogã ihñañe tiquirore wacũ tutuari. <sup>24</sup> Tiquina sa wacũ tutuepegãta Jesu masa tiquina wacũñene quehnoano masino, “Yũhũre sa wacũ tutuaducueta”, ni tũhotuerahye. <sup>25</sup> Masa tiquina tũhotuyere quehnoano masidi tiquiro. Sa masino masa tiquina tũhotuyere apequinare ne sinituerari.

### 3

#### *Jesu Nicodemo yahuahye*

<sup>1</sup> Ti macare Nicodemo wame tiriquire, judio masa pũtoa mehna cjãno ijiri. Tiquiro fariseo masa ya curua cjãno ijiri. <sup>2</sup> Sa yero ihcã ñami tiquiro Jesu cahapũ ahta, tiquiro mehna yahuducuahye:

—Buhegũ, mũhũ Cohãcjũ buhe dutiro tiquiro ohorigũ mũhũ ijigã usã masiaja. Cohãcjũ mũhũre tiquiro yedohoeragũ mũhũ pehe tiquiro tutuaye mehna ne ye ihñoedaboaga. Mũhũ peye tahari Cohãcjũ tutuaye mehna ye ihñore, niahye Nicodemo Jesure.

<sup>3</sup> Tiquiro sa nigũ Jesu pehe yahuahye:

—Ijirota mũhũre niita niaja. Wahma masa bajuariquire yero saha pari turi masa bajuariquire dihita Cohãcjũ yaquiro iji masine, niahye Jesu.

<sup>4</sup> —Yohnah. ¿Bũcũro pehe dũhse ye pari turi masa bajuaboari tiquiro? Tiquiro pacoro niji suhtiropũ majare sajã, pari turi bajua masiedaboaga tiquiro, niahye Nicodemo.

Tiquiro sa nigũ Jesu yũhtiahye:

<sup>5</sup> —Ijirota niita niaja mũhũre. Wahma masa bajuariquire yero saha aco mehna, Espĩritu Santo tiquiro tutuaye mehna pari turi masa bajuariquire dihita Cohãcjũ yaquiro iji masine. <sup>6</sup> Numia niji pacosãnumia ijiye, macanagãre masa bajuagũ yere. Espĩritu Santo pehe masare Cohãcjũ pohne ijigã yere. <sup>7</sup> “Wahma masa bajuariquire yero saha pari turi masa bajuariquire dihita Cohãcjũ yaquiro iji masine”, yũhũ nigũ, tũho wisieracãhña. <sup>8</sup> Espĩritu Santo masare Cohãcjũ pohne tiquiro yegũ ti wihnono yero saha ijire. Wihnono to ahtariorpũ ahtare. To ahtaro

ca tagũ mari tũhoaja. Sa tũhoepenata to ahtariorre, to wahariorre ne masiedaja. Sata yere Espĩritu Santo masare Cohãcjũ pohne yero, niahye Jesu Nicodemo.

<sup>9</sup> —Mũhũ niñene quehnoano masiedaga, niahye Nicodemo.

<sup>10</sup> Tiquiro sa nigũ tũhoro ohõ saha niahye Jesu:

—¿Mũhũ judio masare buhegũ ijepegãta, dũhsegũ yũhũ niñene tũhoerajari? <sup>11</sup> Ijirota niita niaja mũhũre. Usã masidire usã ihñarire usã yahuaaja. Usã sa yahuepegãta ne mũsa acaye judio masa ne tũho duerare. <sup>12</sup> Ahri yehpa cjẽ mehna masa tiquina masa bajuari mehna mũsare queoye mehna yũhũ buhe mũhtarire “Ijirota ijire”, niedare mũsa. Sa niedana queoye mehna buhero marieno Cohãcjũ yere yũhũ yahugũ gũhũre “Ijirota ijire”, nisi mũsa.

<sup>13</sup> Ne ihcãquiro mũmũsepũ Cohãcjũ cahapũ wahariquire ne pari turi tojoa tasi. Yũhũ masũ Cohãcjũ ohorigũ yũhũ dihita mũmũsepũ ijiirigũ ahri yehpapũ ahta. Sa yegũ yũhũ dihita Cohãcjũ yere mũsare yahu masiaja. <sup>14</sup> Panopũre masa marienopũ Moise mũnãno bronze wame tiri come mehna tiquina yeriquirore añare yucũgũ tiquina docodũpũ duhu yoahye. Yucũgũpũ tiquina duhu yoriro sahata yũhũre masure Cohãcjũ ohorigũre tiquirore tiquina yeriro sahata yũhũ gũhũre duhu yoeta. <sup>15</sup> Yũhũre tiquina sa yeri bato ijiipihtiequina yũhũre wacũ tutuayequina ijiipihtie decori Cohãcjũ mehna ijiducueta, niahye Jesu.

#### *Cohãcjũ ijiipihtiequinare cahĩne*

<sup>16</sup> Sa ni tuhasa ohõ saha ni nemoahye:

—Cohãcjũ ijiipihtiequina ahri yehpa cjẽnare tutuaro cahĩne. Sa yero yũhũre tiquiro macũre ihcãta ijigũre Cohãcjũ ohori ijiipihtiequina yũhũre wacũ tutuayequina pecapũ tiquina “Wahaeracãhdo”, nino. Sa ye ijiipihtie decori Cohãcjũ mehna ijietã tiquina. <sup>17</sup> Cohãcjũ yũhũre tiquiro macũre masare buhiri dahre dutiro ohoerari yũhũre ahri yehpapũre. Sa yero masare pecapũ wahaboriquinare yũhdũoacjũre yũhũre ohori.

<sup>18</sup> Yũhũre Cohãcjũ macũre wacũ tutuayequinare ne buhiri dahresi Cohãcjũ. Yũhũre wacũ tutuayequina pũritare

Cohãcjũ buhiri dahre duti tuhasari. Masa yũhũre Cohãcjũ macũre ihcãta ijigũre tiquina wacũ tutuerari buhiri, buhiri dahrerota tiquinare. <sup>19</sup> Yũhũ, Cohãcjũ macũ ahri yehpapũ ahtagũ buhri-oro quehnoano marine to ihña masigũ yero sahata Cohãcjũ yere quehnoano masigũ yeaja. Yũhũ sa masigũ yegũ ihñañe yũhũre wacũ tutueyequina yũhũre cahmedare. Tiquina ñañe yeye pehere quehnoano cahmene. Tiquina sa cahmedi buhiri tiquinare buhiri dahrerota. <sup>20</sup> Ijipihtiequina ñañene yeyequina tiquina ñañe yeyere duhu duerare. Sa ye buhrioro to bajumehnenno sahata tiquina ñañe yerire “Bajumehneari”, niñe, yũhũre cahmedari tiquina. <sup>21</sup> Quehnoañene yeyequina pehe yũhũre, yũhũ buheye gũhũre cahmene. Cohãcjũ yere tiquina yeyere yũhũ quehnoano bajuro dahregũ bũe tierare tiquina. Sa ye yũhũre buhrioro yero saha ijigũre cahmene, ni yahuahye Jesu.

### *Pari turi Ñu wame yeriquiro Jesure yahuahye*

<sup>22</sup> Came Jesu usãre tiquiro buhenare Judea yehpapũ siho wahari. Topũ esaro to cjẽna mehna meheñe decorigã tojoa, wame yeri tiquinare. <sup>23</sup> Ñu gũhũ masare wame yero niahye Enón wame tiri macapũ. Enón Salim wame tiri maca cahapũ ijiri. Topũ dia ijiri. Sa yero Ñu topũ wame yero niahye masare. <sup>24</sup> Tiquina peresu yeato pano Enópũ wame yero niahye Ñu. <sup>25</sup> Ti pjere Ñu buheyequina mehna cjẽna meheñequinagã judio masũno mehna wame yeyere yahuducuye niahye. <sup>26</sup> Sa ye tiquina Ñu cahapũ esa, tiquirore yahuahye:

—Buhegũ, Jordã si pahrẽpũ mũhũ mehna ijiriquiro “Tiquirota ijiaga”, mũhũ nidiquiro pehe yojopũre masare wame yero nine. Tiquiro sa yegũ ijipihtiequina tiquiro cahapũ dihita wahare, niahye tiquina Ñure.

<sup>27</sup> Tiquina sa nigũ tũhoro Ñu yũhtiahye:

—Tiquiro tutuariquiro ijigũ Cohãcjũ pehe tiquirore sa ijigũ yere. <sup>28</sup> “Cristo ijieraja”, yũhũ nigũ mũsa tũhori. Sa ijierapegãta

tiquiro pano ohonoho mũhtarigũ ijiaja yũhũ. <sup>29</sup> Cristo mehna masa tiquina wahagũ ihñagũ tutuaro bucueaja. Ohõ saha ijire ti: Omoca dũhtericoro ticoro manũno mehna ijiro wahare. Omoca dũhtegũ cohteriquiro pehe dũhteatiquiro namo tigũ ihñano tiquiro yahuducugũ tũhoro tutuaro bucuere. Sa yegũ yũhũ omoca dũhtegũ cohteriquiro tiquiro bucueriro saha Cristo mehna masa tiquina wahagũ ihñagũ tutuaro bucueaja. <sup>30</sup> Cristo pehere wacũ tutuaro cahmene masare. Yũhũ pehere wacũ tutueraro cahmene masare, ni yũhtiahye Ñu.

### *Cohãcjũ macũno ãhmũsepũ ahtariquiro ijire*

<sup>31</sup> Sa ni tuhasaro ohõ saha ni nemoahye Ñu:

—Ëhmũsepũ ahtariquiro ijipihtiequina yũhdũoro tutuariquiro ijire. Ahri yehpapũ masarina ijina ahri yehpa cjãna ijiaja mari. Sa yena ahri yehpa cjẽne yahuducuaja mari. Ëhmũsepũ ahtariquiro pehe ijipihtiequina yũhdũoro tutuariquiro ijire.

<sup>32</sup> Tiquiro ihñarire, tiquiro tũhorire tiquiro yahure. Tiquiro sa yahuepegãta tiquiro yahuyere masa pehe ne tũho duerare.

<sup>33</sup> Ëhmũsepũ ahtariquiro tiquiro yahuyere masa tũhoye, “Cohãcjũ potota nidiquiro ijire”, niñe nine tiquina. <sup>34</sup> Ahriquiro Cristore Cohãcjũ ohoriquirore Espiritu Santo ye tutuayere oho pehore Cohãcjũ. Sa yero tiquiro Cohãcjũ ye yahuducuyere yahure.

<sup>35</sup> Cohãcjũ tiquiro macũnore tutuaro cahĩne. Sa yero ijipihtiequina pũhtoro iji dutiri tiquiro macũnore. Ijipihtie upũro iji dutire tiquirore. <sup>36</sup> Cohãcjũ macũnore wacũ tutuayequina pehe ijipihtie decori Cohãcjũ mehna ijietã. Tiquiro macũnore yũhdũũcayequina pehe Cohãcjũ cahapũ wahasi. Sa ye ijipihtie decori ãhmũsepũ ijisi. Sa yero Cohãcjũ tiquinare tutuaro buhiri dahrerota, niahye Ñu.

## 4

### *Jesu Samaria cjõno mehna yahuducuro niahye*

<sup>1</sup> Jesu Ñu yũhdũoro peyequina buheyequinare tiquiro cũogũ, Ñu yũhdũoro

masare tiquiro wame yegũ fariseo masa tãhoahye. <sup>2</sup> Tiquina sa tãhoepegũta Jesu pehe tiquiro basi masare wame yerari. Ûsã tiquiro buhena pehe masare wame yei. <sup>3</sup> Fariseo masa tiquina sa masigũ tãhoro Jesu pehe Judea yehpapũ ijiriquiro Galilea yehpapũ usãre siho tojoaa wahari.

<sup>4</sup> Topũ wahana Samaria yehpare esa yũhdũ cãna tana nii usã. <sup>5</sup> Sa yũhdũ cãna Samaria yehpapũ ijiri macapũ Sicar wame tiri macapũ esau. Ti maca cahapũ panopũ cjãno Jacob mũnano tiquiro macũno José mũnanore tiquiro ohori yehpa ijiri. <sup>6</sup> Topũ Jacob mũnano tiquiro sihnidi cope ijiri. Sa yero Jesu pehe yoaropũ ahtariquiro ijiro, tiquiro wahyia yũhdũaro ti cope dũhtũ cahapũ nuju sari. Ti pje tiquiro nuju sari pje coheri pje waro ijiri. <sup>7-8</sup> Ûsã tiquiro buhena pehe macapũ ihyayere usã dũna wahari bato ihcãquirota tiquiro topũ tojoa nuju sari. Sa yero Samaria cjõno ti copepũ aco waro wihigũ Jesu ticorore acore sini-ahye:

—Acore ohoya yũhũre, niahye.

<sup>9</sup> —Mũhũ judio masũ ijire. Yũhũ pehe Samaria cjõ ijiaja. ¿Dũhsegũ yũhũre acore siniajari mũhũ? niahye ticoro Jesure.

Judio masa Samaria cjẽnare ihña tuhtiyequina ijire. Sa yero ticoro sa niahye.

<sup>10</sup> Ticoro sa nidi bato Jesu ticorore yahuahye:

—Mũhũre Cohãcjũ tiquiro yedoho duayere masigo, mũhũre acore sinigũre masigo, mũhũ yũhũ pehere siniboaya. Mũhũ sa sinigũ apeye aco pehere ohoboaya yũhũ. Ti aco pehe catigũ yere, niahye Jesu ticorore.

<sup>11</sup> Tiquiro sa nigũ tãhoro ticoro yũhtiahye tiquirore:

—Ne mũhũre sutu mariedare. Sa yero ahri cope uhcũãrĩne. ¿Sa yegũ ahri catigũ yeye acore nohopũ wa neboagari mũhũ?

<sup>12</sup> Mari ñecu mũnano Jacob panopũ cjãno ahri copere marine cũe tiahye. Tiquiro, tiquiro pohne, nuñequina gũhũ ahri acore sihnide tiahye. ¿“Apeye acore ohoboaya yũhũ”, mũhũ nigũ, Jacob yũhdũoro tutuagũ ijiajari mũhũ, sa ni tãhotugũ? niahye ticoro.

<sup>13</sup> Ticoro sa nigũ Jesu yũhtiahye:

—Ijipihtiyequina ahri acore sihniñequina, pari turi aco wũoeta. <sup>14</sup> Yee aco pehere sihniñequina ne pari turi aco wũosi. Sa ye, yee acore sihniñequina Cohãcjũ mehna sa ijiducueta. Ma pohtepũ aco to sa wijiaducuro sahata yee aco ne phtisi, niahye Jesu.

<sup>15</sup> Tiquiro sa nigũ tãhoro numino pehe ohõ saha niahye:

—Ti acore ohoya yũhũre pari turi yũhũ aco wũoeraro quehnoano. Sa yego pari turi ne ohõpũre aco wasi yũhũ, niahye ticoro.

<sup>16</sup> Ticoro sa nigũ Jesu ticorore yahuahye:

—Ti pje pũrita mũhũ manũnore pijigo wahaya. Piji tuhasa ohõpũ ahtaya tiquiro mehna, niahye Jesu ticorore.

<sup>17-18</sup> —Manũ mariego ijiaja yũhũ, niahye ticoro.

—Ijirota nimene mũhũ. Ihcã omope tahari manũ ti tuhasamedi mũhũ. Sa yero yojopũre mũhũ mehna ijiriquiro mũhũ manũno ijierare. Sa ye “Manũ mariego ijiaja”, nigo potota nimene mũhũ, niahye Jesu ticorore.

<sup>19</sup> Tiquiro sa nigũ tãhoro ohõ saha niahye ticoro:

—Åa, Cohãcjũ yere yahu mũhtagũ ijire mũhũ, yũhũ tãhotugũ. <sup>20</sup> Ûsã ñecũsumũa iji turiayequina mũna ahũ cãnũpũ Cohãcjũre ño peoe tiahye. Sa yena mũsa pehe judio masa “Jerusalẽpũ Cohãcjũre ño peoro cahmene masare”, nie tiri mũsa judio masa, niahye ticoro.

Ticoro sa nigũ Jesu yũhtiahye:

<sup>21</sup> —Numio, yũhũ pehere tãhorĩña. Camepũ ahũ cãnũpũ, Jerusalẽpũ gũhũre mari Pacure ño peosi mũsa. <sup>22</sup> Mũsa pehe mũsa ño peoriquirore masiedare.

Masare yũhdũoatiquiro judio masũnota ijire. Sa yena usã judio masa pehe usã ño peoriquirore masiaja. <sup>23</sup> Yojopũre, camepũ gũhũre Cohãcjũre potota ño peoyequina tiquina quehnoano tãhotuye mehna tiquirore ño peoeta.

Sa mari ño peogũ cahmene Cohãcjũ. <sup>24</sup> Cohãcjũre, pagũ marieniquiro tiquiro ijigũ masa tiquirore ihñedare. Sa ye tiquirore ño peoye, tiquina quehnoano tãhotuye mehna tiquirore quehnoano potota ño peoro cahmene masare, niahye Jesu.

<sup>25</sup> Tiquiro sa nigūta ticoro yuhtiahye:

—Mesia, “Cristo” tiquina nidiquiro pehe masare yuhdūoatiquiro tiquiro ahtatire masiaja yuħu. Tiquiro ahtarō marine ijip-  
ihtiyere buhe peho cānota, niahye ticoro.

<sup>26</sup> —Yuħata ijiaja Cristo, niahye Jesu ticorore.

<sup>27</sup> Tiquiro sa nigū waro wihii usā. Sa yena usā tiquiro buhena pehe Jesu numino mehna tiquiro yahuducugū ihñana, ihña maria wahaħu. Sa ihña mariepenata, “¿Duhse cahmeajari mħħu? ¿Duhse niari mħħu ticorore?” ni sinitueru tiquirore.

<sup>28</sup> Sa yero numino ticoro ya suture duhu dapo cā, macapū wahaa wahari. Topū esaro masare yahuro, ohō saha niahye:

<sup>29</sup> —Yuħu yerire yahu pehoriquirore ihñana ahtaya mħsa. Tiquiro potota Cristo ijiboaga, ape taha yero, niahye ticoro.

<sup>30</sup> Ticoro sa nigū tħhoye ti maca cjēna pehe Jesure ihñañe ahtari. <sup>31</sup> Ti pjere usā Jesu buhena pehe tiquirore tutuaro ihya dutimi:

—Buhegħu, ihyaya, nimi usā.

<sup>32</sup> —Sijoro ijiye ihyayere cħoaja yuħu. Tire mħsa masiedare, nidi tiquiro.

<sup>33</sup> Tiquiro sa nigū tħhona usā basi ohō saha ni yahuducuu:

—¿Apequina tiquirore ihyaye oho tuhasayari? nii usā basi.

Usā sa nigū Jesu yahuri:

<sup>34</sup> —Masa pehe ihya coare. Yuħare ohoriquiro tiquiro cahmeñe pehere ye coaja yuħu pehe. <sup>35</sup> “Pititia asū dħhsare mari dħca duha neato”, wese upuro tiquiro nidiro saha mħsa pehe ni tħhotueracāhña. “Cohācjū yere usā yahuato dħsarīne”, ni tħhotueracāhña. Ijirota niita niaja mħsare. Yojopū pūritare masare ihñaña. Dħcare neni pje to ijiro saħata, yojopū pūrita masa yuħu buheyere tiquina tħhoati pje ijiro nine. <sup>36</sup> Oteye dħcare neñequinare tiquina wapa yeriro saħata yeere buheriquinare, yeequina ijiatiquinare pijiyequinare, tiquina sa yeri wapa tiquinare quehnoano yeitja yuħu. Tiquina sa buhegū tħhoye yuħu buheyere tħhoyequina yeequina pehe Cohācjū mehna ijipihtiye decori ijiducueta. Sa ye tiquinare buhe mħtañequina, came yeequina wahagū yeyequina għħu ihcāno saha bucueducueta. <sup>37</sup> “Ihcāquiro ote

mħtariquiro ijire. Apequiro pehe dħcare neniquiro ijire”, nie tiahye panopū. Ti ijirota ijire. Tiquina sa nidiro saħata ihquēquina yeere yahu mħtañequina ijire. Apequina pehe yeere buheye, yeequina wahagū yere. <sup>38</sup> Wese upuro yequina dahra cohteyequina oterariquina tiquina ijiepegū tiquiro oteye dħcare tiquinare ne dutiro ohore. Sa masare buhe mħtaedarina mħsa ijiepegūta yeequina wahatiquinare buhe dutigū ohoaja mħsare. Apequina pehe tiquinare buhe mħta tuhasari. Tiquina buheriquinapūre pari turi buhe nemona, yeequina wahagū yenata mħsa pehe. Sa ye buhe mħtañequina pehe tiquina yedohoro mehna apequinare yeequina wahagū yenata mħsa, nidi Jesu.

<sup>39</sup> Ti pjere Samaria cjōno “Yuħu yerire tiquiro yahu pehori”, ticoro sa nigū tħhoye Samaria cjēna peyequina Jesure cahmeahye. <sup>40</sup> Sa ye Samaria cjēna Jesu cahapū esaye, “Usā mehna tojoarīña”, nidi tiquirore. Tiquina sa nigū usā għħu tiquiro mehna pħa deco tojoarī. <sup>41</sup> Apequina għħu peyequina Jesure tħhoye, cahmedi tiquirore. <sup>42</sup> Ohō saha nidi masa numinore:

—Coā waropūre mħħu yahurire tħhona, Jesure cahmei. Yojopū pūritare tiquiro yahuducuyere tħhona tiquirore cahmeaja. Sa yena tiquiro pehere tħhona ahri yehpa cjēnare pecapū wahaboriquinare yuħdūoriquiro potota tiquiro ijigū yojopū usā masiaja, nidi masa Samaria cjōnore.

### *Puhtoro macħnore dohatiriquirore yuħdūoahye Jesu*

<sup>43</sup> Pħa deco bato Jesu usāre Galilea yehpapū siho wahari. <sup>44</sup> Coā waropūre ohō saha nie tiri tiquiro: “Cohācjū yere yahu mħtariquirore tiquiro ya yehpa cjēna tiquirore ño peerare. Sa ye yuħare ño peerare ohō cjēna ohōpū yuħu bucuarigū ijigū”, nie tiri Jesu. <sup>45</sup> Sa ye Galileapū tiquiro esagū to cjēna tiquirore quehnoano piti cari. To pano Jerusalēpū bose deco Jesu tiquiro yerire ihñariquina ijiri tiquina.

<sup>46</sup> Sa ye Canápū Galileapū ijiri macapū acore tiquiro uħse co bajumehnedi macapū wahaħu usā tiquiro mehna. Caná

cahapu ijiri macapu Capernau wame tiri macapu puhtoro macano dohatiro niahye. <sup>47</sup> Sa yero Jesu Judeapu ijiriquiro tiquiro Galileapu esagu puhtoro tuhoahye. Tire tuhoro Jesu cahapu wihiri:

—Yahu macu yariaro nidi. Sa ye tiquirore yuhduoguh ahtaya, ni tutuaro mehna pijiri tiquirore.

<sup>48</sup> Tiquiro sa nigu tuhoro Jesu yuhtiri:

—Cohacju tutuaye mehna yuhu yegu ihnedana, ne yuhure wacu tutuerare musa, nidi Jesu tiquirore.

<sup>49</sup> Tiquiro sa nigu puhtoro pehe ohō saha nidi:

—Puhto, yuhu macu tiquiro yariato pano ahtaya, nidi tiquiro Jesure.

<sup>50</sup> —Tojoahya. Muhu macu catiaga, nidi Jesu.

Tiquiro sa nigu tuhoro, “Tiquiro nidiro sahata catirota yuhu macu”, nino, puhtoro tojoaa wahari.

<sup>51</sup> Sa tojoaducuriquirore tiquiro cahacjena tiquirore piti ca, yahuahye:

—Muhu macu catiri, ni yahuahye tiquina tiquirore.

<sup>52</sup> —¿Noho asu ijigu yuhduari yuhu macu? ni sinituahye tiquiro cahacjenare.

—Canure coheri pje batoga ujuaye sururi tiquirore, niahye tiquina.

<sup>53</sup> Tiquina sa nigu tuhoro ohō saha ni tuhotuahye tiquiro: “Jesu yuhure tiquiro sa ni yahuri pjeta ujuaye suruaya”, ni tuhotuahye puhtoro pehe. “Poto ninota ni-aya yuhure”, nino, tiquiro ijipihyequina tiquiro acaye mehna Jesure wacu tutu-ahye.

<sup>54</sup> Jesu Judea yehpahu ijiriquiro Galilea yehpahu tiquiro esari bato puhtoro macanore tiquiro yuhduorire mari queogu puha taha Cohacju tutuaye mehna ye ihno tuhasari Jesu.

## 5

### *Tini masieniquirore yuhduoahye Jesu*

<sup>1</sup> Came judio masa Cohacjure usa ño pe-ori bose deco ijigu Jesu Jerusalēpu esari tja. <sup>2</sup> Topu oveja wame tiri sopecaha cahapu cuhsari cope ijiri. Usa judio masa ye mehna niñe Betzata wame tiri cope ijiri. Ti cope cahapu ihca omope tihamehneñe

tucuri ijiri. <sup>3</sup> Ti tucuripu peyequina dohatiequina cuñari. Caperi bajueyequina, pari yuri wahayequina, tini masieñequina tiquina ti cope cahapu ijiri. [Topu ijiye aco ñuhmi maanore cohteye nidi. <sup>4</sup> Topu buharo ti cope cje acore ihque tahari ñuhmigū ye mujahye angel. Ti cope cje aco ñuhmidi bato ña mio muhtariquiro pehe dahse ijiyere dohatiyere cuoriquiro quehnoa wahahye.] <sup>5</sup> Sa yero tore treinta y ocho cahmari waro dohatiriquiro ijiri. <sup>6</sup> Topu tiquiro cuñagu ihñano tiquiro sa yoari pje dohatiriquiro ijigu masidi Jesu tiquirore. Sa masino tiquirore sinituri:

—¿Pagu dohatie mariegu iji duajari muhu? nidi Jesu.

<sup>7</sup> Tiquiro sa niguta dohatiriquiro yuhtiri:

—Ti aco ñuhmigū yuhure aco ijiri copepu neaboriquiro mariedare. Ti copepu yuhu ña mio duepeguta apequina pehe yuhu pano sa ña mio muhtaducure, nidi tiquiro Jesure.

<sup>8</sup> —Wahcāducaya. Muhu cuñari cahserore ne cāhña, nidi Jesu tiquirore.

<sup>9</sup> Tiquiro sa niguta dohatiriquiro pehe tiquiro cuñari cahserore ne, tini ducari. Ti deco saurú judio masa usa sori deco ijiri.

<sup>10</sup> Ti decore Jesu sa yegu ihñañe judio masa usa puhtoa pehe dohatimediquirore ohō saha ni yahuahye:

—Miare saurú deco mari sori deco ijiepeguta muhu cuñari cahserore neare muhu. Sa yegu mari dutiyere yuhduucagu nine muhu, niahye tiquina tiquirore.

<sup>11</sup> —Yuhure yuhu dohatiyere cohāriquiri pehe ohō saha nidi yuhure: “Muhu cuñari cahserore ne cāhña”, nidi tiquiro yuhure, ni yuhtiahye dohatimediquiro.

<sup>12</sup> —¿Tire muhure sa nidiquiro pehe noa boro ijiari tiquiro? ni sinituahye tiquina.

<sup>13</sup> Topu masa peyequina tiquina ijigu ihñano Jesu pehe waha tuhasari. Sa yero dohatimediquiro pehe tiquirore yuhduoriquiro wamene masiedahye.

<sup>14</sup> Came Cohacju wuhapu Jesu tiquirore piti ca yahuri:

—Tuhorña muhu yuhure. Yojobure quehnoano pagu tire muhu. Ñañene ye nemoedacāhña. Pari turi ñañene

ye nemogũ mũhũ dohatiriro yũhdũoro wahagũta mũhũ, nidi Jesu tiquiore.

<sup>15</sup> Tiquiro sa nidi bato dohatimediquiro pehe usã judio masa pũhũa tiquiore sinituriquina cahapũ esaro yahuahye tiquinare:

—Jesu wame tiriquire yũhare yũhdũgũ yeri, ni yahuahye tiquiro.

<sup>16</sup> Sa ye saurũ ijigũ dohatiriquirore tiquiro dohatiyere Jesu cohãgũ masiñe, judio masa usã pũhũa pehe tiquiore ñano ye dũcari.

<sup>17</sup> Sa ñano tiquiore tiquina ye duagũ masino Jesu pehe yahuri tiquinare:

—Yũhũ Pacũ yojopũre dahrarĩno nine. Yũhũ gũhũ dahrarĩ niaja, ni yahuri tiquiore ñano ye duayequinare.

<sup>18</sup> Tiquiro sa nigũ judio masa usã pũhũa pehe tiquiro mehna tutuaro usuaye, to pano tiquina nidiro yũhdũoro tiquiore wejẽ duari. Saurũ decore tiquina sori decore ihcãquiro dohatiriquirore tiquiro yũhdũogũ ihñañe tiquina usuari. Sa usuaye tiquiro Cohãcjũre “Yũhũ Pacũ”, nigũ tũhoye, tiquina pehe to pano tiquina nidiro yũhdũoro usua nemoahye tja. “‘Yũhũ Pacũ’, nino Jesu tiquiro basi ‘Cohãcjũ mehna ihcãno saha ijiaja’, ni wacũaga tiquiro”, ni tũhoturi judio masa usã pũhũa.

### *Jesu Cohãcjũ ohoriquire ijire*

<sup>19</sup> Sa ye Jesu tiquinare yahuari:

—Ijirota niita niaja mũsare. Yũhũ Cohãcjũ macũ, yũhũ esa tuharo yeraja. Yũhũ Pacũ tiquiro yerire ihñagũ, tire yeaja. <sup>20</sup> Yũhũ Pacũ yũhare tiquiro macũre cahĩne. Sa yero tiquiro yerire yũhare ihño pehore. Ahri yojopũ tiquiro tutuaye mehna yũhũ yeri yũhdũoro tiquiro apeyere ye dutirota yũhare. Tiquiro sa ye dutigũ tiquiro tutuaye mehna ye ihñoutja yũhũ. Sa yena ihña maria wahanata mũsa. <sup>21</sup> Yũhũ Pacũ yariariquinare tiquiro masoriro sahata yũhũ gũhũ yũhũ cahmeñequinare masoutja. <sup>22-23</sup> Ne yũhũ Pacũ pehe masa tiquina ñañe buhirire buhiri dahreriquiro ijierare. Yũhũ pehere tire tiquina ñañe buhirire buhiri dahreacjũre cũri yũhũ Pacũ. Ijipihitiyequina masa tiquiore tiquina ño peoriro sahata yũhũ gũhũre tiquina ño peoatire buhiri dahreacjũre cũri yũhare. Yũhare

tiquiro macũre ño peoerana yũhũ Pacũ gũhũre ño peoerare mũsa. Tiquiro ijire yũhare ohoriquire, nidi Jesu.

<sup>24</sup> Sa ni tuhasa ohõ saha ni yahu nemori:

—Ijirota niita niaja mũsare. Yũhũ yahuducuyere tũhoyequina, yũhare ohoriquirere wacũ tutuayequina ijipihitiye decori uhmũsepũ sa ijiducueta. Sa yegũ tiquinare buhiri dahresi yũhũ. Sa ye tiquina pecapũ wahaboriquina yũhdũeta.

<sup>25</sup> Ijirota niita niaja mũsare. Pecapũ wahatiquina yũhare Cohãcjũ macũre tiquina tũhoati pje yojopũ ijire. Camerũ gũhũre yũhare tiquina tũhoeta tja. Sa tũhoye tũho nũnũñequina pehe Cohãcjũ mehna sa ijiducueta. <sup>26</sup> Cohãcjũ yũhũ Pacũ pehe sa ijiducugũ yeriquiro ijire. Sa yero yũhare tiquiro macũre sa ijiducugũ yeacjũ iji dutiri tiquiro yũhare. <sup>27</sup> Sa yegũ yũhũ masũ Cohãcjũ tiquiro ohorigũ yũhũ ijigũ tiquiro masare buhiri dahreacjũre cũri yũhare.

<sup>28</sup> Ahrire tũhona, tũho mariedacãhña mũsa. Ape decopũre ijipihitiyequina yariariquina masa coperipũ ijiequina yũhũ yahuducugũ tũhoeta. <sup>29</sup> Sa tũhoye, quehnoañene yeriquina ijipihitiye decori Cohãcjũ mehna ijiatiquina masa mũjaeta. Ñañene yeriquina pehe ñañene tiquina yeri buhiri pecapũ wahaeta, ni yahuri Jesu.

<sup>30</sup> Sa ni tuhasa ohõ saha ni yahu nemori:

—Yũhũ esa tuharo ne yeraja. Ne yũhũ basi yũhũ cahmeno ye dueraja. Yũhare ohoriquire tiquiro dutiriro sahata ye duaja. Sa yegũ tiquiro nidiro sahata buhiri dahreaja. Sa yegũ yũhũ masare buhiri dahregũ queoro yeaja. <sup>31</sup> “Yũhũ tutuagũ ijiaja”, yũhũ ni yahugũ “Mũhũ yahuye ne poto ijierare”, ni masiboaga mũsa.

<sup>32</sup> Apequire ijire yũhare yahuriquire. Tiquiro Ñũ pehe masare yahure yũhare. Masare yũhare tiquiro yahuri ijirota ijire. Tire yũhũ quehnoano masiaja. <sup>33</sup> Mũsa apequina pehere Ñupũre yũhare sinitu dutina ohori. Sa yero potota yahure tiquiro mũsare. <sup>34</sup> “Cohãcjũ macũno ijire ahriquire”, yũhare ni yahuatiquinare macaedaja. Sa macaedapegũta Ñũ masũno tiquiro ijiepegũta yũhare “Cohãcjũ macũno ijire”, tiquiro ni yahurire yahugũ niaja. Mũsa yũhare wacũ tutuatire, mũsa

pecarū wahaborina m̄sa ȳhd̄uatire ȳh̄are Ñu tiquiro yahure yahuḡa niaja. <sup>35</sup> Sih̄aria meheñe decoriḡa ih̄na masiḡu yero sahata Ñu m̄sare buhe m̄htano mehenoḡa tiquiro catiro puno m̄sare masiḡu yeri. Tiquiro sa buheḡu t̄hona meheñe decoriḡa bucueri m̄sa. <sup>36</sup> Ȳh̄u ijiye tiyere tiquiro sa buhepeḡata Coh̄c̄j̄u pehe ȳh̄u ijiyere quehnoano yahure. Tiquiro sa yahuḡu Ñu ȳh̄u ijiyere tiquiro yahure ȳhd̄uoro ijire Coh̄c̄j̄u ye yahure. Sa yeḡu Coh̄c̄j̄u tiquiro tutuaye mehna ȳh̄are tiquiro ye dutirire yojop̄u yei niaja. Ahrire ȳh̄u yeḡu ih̄ana potota Coh̄c̄j̄u ohoriḡu ȳh̄u ijiyere masine m̄sa. <sup>37</sup> Sa yero ȳh̄u Pac̄u ȳh̄are ohoriḡu tiquiro basi “Tiquiro ȳh̄u ohoriḡu ijire”, ni yahure m̄sare. Tiquiro sa ni yahuepeḡata tiquiro yahuducuyere ne t̄hoerari m̄sa. Sa yena m̄sa tiquirore ne masiedari. <sup>38</sup> Ȳh̄are Coh̄c̄j̄u ohoriḡu m̄sa ne t̄ho duerari. Sa yena m̄sa Coh̄c̄j̄u yere ne cahmedari. <sup>39</sup> Coh̄c̄j̄u yere tiquina ojoari p̄re m̄sa buhena, “Mari ahri p̄re buhena ijipihtiye decori Coh̄c̄j̄u mehna sa ijiducunata”, nine m̄sa. Ti p̄ta ȳh̄are yahure. <sup>40</sup> Ti p̄u ȳh̄are ti yahuepeḡata m̄sa pehe ȳh̄are cahmedare. Ijipihtiye decori Coh̄c̄j̄u mehna m̄sa sa ijiducuatire ȳh̄are sini duerare m̄sa, ni yahuri Jesu.

<sup>41</sup> Sa ni tuhasa oh̄o saha ni nemori:

–Ȳh̄are m̄sa ño peoeraḡu ih̄n̄aḡu usueraja ȳh̄u pehe. <sup>42</sup> M̄sa pehe Coh̄c̄j̄ure m̄sa cah̄edaḡu masiaja ȳh̄u. <sup>43</sup> Coh̄c̄j̄u ȳh̄u Pac̄u tiquiro ȳh̄are dutiriro sahata ȳh̄u ahtaep̄eḡata m̄sa ȳh̄are cahmedari. Apequirop̄ehe Coh̄c̄j̄u ohoriḡu tiquiro ijiepeḡata tiquiro pehere cahmenata m̄sa. <sup>44</sup> Apequina masa m̄sare tiquina ño peoḡu cahmene m̄sa. Coh̄c̄j̄u m̄sa mehna tiquiro bucueḡu cahmedare m̄sa. Tiquiro dih̄ita Coh̄c̄j̄u waro ijire. Sa cahmedana ȳh̄u ḡh̄are t̄hoerare m̄sa. Ȳh̄are wac̄u tutuerare. <sup>45</sup> M̄sare ȳh̄u Pac̄u ne yahus̄asi ȳh̄u. Tire masiña m̄sa. Moise tiquiro ojoari p̄u pehe m̄sare yahus̄anota. “Ti p̄u c̄j̄e dutiyere mari ye pehona, Coh̄c̄j̄u cahap̄u wahanata”, m̄sa nidi p̄u pehe m̄sare yahus̄anota.

<sup>46</sup> Moise tiquiro ojoari p̄u ȳh̄u pehere yahuahye. Sa yena ti p̄re “Ijirota ijire”, nina, ȳh̄u yahure ḡh̄are “Ijirota ijire”, niboaya m̄sa. <sup>47</sup> Moise tiquiro ojoari p̄re “Ijirota ijire”, niedana, ȳh̄u yahuducuye ḡh̄are “Ijirota ijire”, nisi m̄sa, nidi Jesu tiquinare.

## 6

*Cinco mil masare ihyayere ohoahye Jesu (Mt 14.13-21; Mr 6.30-44; Lc 9.10-17)*

<sup>1</sup> Sa tiquiro buheri bato Galilea wame tiri ditara ape sie pahr̄ep̄u us̄a Jesu mehna peh̄a waha. Ti ditara pajiri ditara Tiberia wame tiri. <sup>2</sup> To pano Galilea yehpap̄u Jesu dohatiyequinare tiquina dohatiye tiquiro coh̄aḡu masa ih̄nae tiri. Tiquina sa ih̄nari bato Jesu peh̄aḡu ih̄nae masa peyequina tiquirore n̄n̄u t̄a c̄ari. <sup>3</sup> Top̄u esana us̄a tiquiro buhena pehe tiquiro mehna c̄n̄ap̄u m̄ja sa, t̄a buip̄u dujii. <sup>4</sup> Ti deco pascua wame tiri bose deco ijiato judio masa us̄a ya bose deco mehenoḡa d̄hsari. <sup>5-6</sup> Top̄u dujiro, Jesu peyequina masa tiquiro cahap̄u tiquina ahtaḡu ih̄nadoqueori. Sa ih̄nadoqueoro Felipere sinituri:

–¿Ahriquina masa tiquina ihyatire nohop̄u d̄natari mari? nidi Felipere.

Jesu tiquiro basi tiquiro yeatire masieperota Felipere sinituri, “¿D̄hse ȳhtiro t̄ari?” nino. <sup>7</sup> Tiquiro sa sinituḡu t̄horo Felipe ȳhtiri:

–Doscientos niñeru cjoeri pose ihyayere mari d̄uepeḡata masare dayeḡa ihyayere mari itiepeḡata ne esa tuhasi, nidi Felipe Jesure.

<sup>8</sup> Us̄a mehna c̄j̄no Andre, Simo Pedro bahuro pehe Jesure yahuri:

<sup>9</sup> –Ihc̄a omope p̄a pacare, p̄h̄aro wahire nijino oh̄o c̄ore. To punoḡata tiquiro c̄oepeḡata masa pehe peyequina waro ijire. Sa yero ahri mehenoḡa ihyaye ne esa tuhasi, nidi Andre.

<sup>10</sup> –Masare duji dutiya m̄sa, nidi Jesu us̄are tiquiro buhenare.

Top̄u taa dayeḡa ijiro ijiri. Us̄a duji dutiḡu masa nuju sa pihtiar̄i taa buip̄u. Ëm̄a dihitare mari queoḡu cinco mil ijiri.

<sup>11</sup> Tiquina sa nuju saḡu ih̄n̄ano Jesu pehe



pãre ne, Cohãcjãre “Quehnoare” nidi. Sa ni tuhasarota usãre tiqiro buhenare iti dutiri. Tiquiro sa dutigã usã pehe dujiyequinare iti cãu. Puaru wahi gãhare iti cãu. Ijipihtiyequinare quehnoano tiquina esa tuharo ihyayere tiquinare itii. <sup>12</sup> Sa ye masa pehe yapia wahari. Tiquina sa yapigã ihñano Jesu usãre nidi:

—Tiquina ihya dũharire quehnoano ne peho cãhña. Sa yena tiquina ihya dũharire ne bosì, nidi.

<sup>13</sup> Tiquiro sa nigã usã pehe ihcã omope pã paca dũsarire usã ne cahmecoagã doce pũhuse waro wijari. <sup>14</sup> Sa ye masa ti bajumehnenore Jesu tiqiro yegã ihñañe, ohõ saha nidi:

—Ijirota ijire. Ahriqiro Cohãcjã yere yahu mãhtariqiro ahri yehpapũ ahtariqiro mari cohteriqirota ijire, nidi tiquina.

<sup>15</sup> Tiquina Jesure tiquina pũtoro ijia-tiquiro ñehe sõ duamedì. Jesu tire masino pari turi ihcãquirota cunũpũ wahaa wahari.

### *Jesu aco bui tiniahye*

(Mt 14.22-27; Mr 6.45-52)

<sup>16</sup> Ñamicapũ usã tiqiro buhena ditapũ buhaũ. <sup>17</sup> Topũre buha sa, yucũsapũ sajã, Capernau wame tiri macapũ pehãũ. Usã pehãri pje ñamipũ ijiri. Sa yero Jesu usã cahapũ ahtaerani. <sup>18</sup> Wihnono tutuaro wẽgũ, pajiri ma pahcõri wahcãri. <sup>19</sup> Ihcã omope kilómetro esaboro waro usã esagũ waro Jesu usã cahapũ wihiri. Aco bui tiqiro ahtagũ ihñau usã. Sa usã cahapũ tiqiro ahtagũ ihñana usã cuei. <sup>20</sup> Sa usã cuegũ ihñano tiqiro usãre yahuri:

—Ne yũhare ihña cueracãhña. Yũhuta ijiaja, nidi Jesu.

<sup>21</sup> Tiquiro sa nigã tãhona usã bucueye mehna tiqirore piti ca sajã dutii. Tiquiro sajãri batogãta usã wahari yehpapũre pehã sa tuhasau.

### *Masa pehe Jesure macahye*

<sup>22</sup> Ti ñamine masa topũ tojoariquina pehe ihcãriata usã pehãtiare ihñahye. Tia mehna usã pehãgũ ihñari tiquina. Jesu usã mehna tiqiro wahaeragũ gãhare ihñari tiquina. Sa ye ape decore tiqirore cohteye nimahye. <sup>23</sup> Tiberia wame tiri macapũ ahtaye, Jesu Cohãcjãre “Quehnoare”, tiqiro

nidiro cahagã cjũnopũ, masare tiqiro ihyaye itiriro caha cjũnopũ wahã sahye tiquina yucũsa mehna. <sup>24</sup> Sa ye ape deco usã Jesu mehna ijirirore usã mariedagũ ihñañe, masa yucũsapũ sajã, Capernaupũ usãre nunũ tã pehã sari. Jesure maca saye nidi tiquina.

### *Jesu catiyere oho, ihyaye yero saha ijiriquiro ijire*

<sup>25</sup> Ditarapũ pehã, Jesure boca saye, masa sinituri tiqirore:

—¿Buhegũ, dũhse ijigũ ahtari mãhũ ohõpũre? ni sinituri tiquina.

<sup>26</sup> Tiquina sa sinitugũ Jesu tiquinare yahuri:

—Ijirota niita niaja mãsare. Bajumehnedire yũhũ yepegãta yũhũ pehere wacũ tutuerare mãsa. Yũhũre wacũ tutuerapenata yũhũre macare mãsa. Yũhũ mehna bujãye ihyana, mãsa yapirina yũhũre maca cãhtari tja. <sup>27</sup> Ihyaye ne sa ijiducuerare. Camepũ pihtia wahare. Sa yena tire wacũducueracãhña. Apeye ihyaye sijoro saha ijiye ihyaye pehere macaña mãsa. Ti ihyayere bocana ijipihtiye decori Cohãcjũ mehna ijinata. Sa ye ti ihyaye pũrita ne pihtierare. Ti ihyayere yũhũ masũ Cohãcjũ ohorigũ mãsare ohoutja. Cohãcjũ yũhũ Pacũ yũhũre tire oho dutiriquiro ijire. Cohãcjũ tiqiro ohorigũ yũhũ ijiyere ihño tuhasari mãsare, nidi Jesu.

<sup>28</sup> Tiquiro sa nigã tiquina sinituri tiqirore:

—¿Cohãcjũ tiqiro ye dutiyere yena tana dũhse yenatarì usã? ni sinituri tiquina.

<sup>29</sup> —Ahrìre Cohãcjũ mãsare ye dutire: “Yũhũ ohoriquirore wacũ tutuaya”, nino mãsare ye dutire Cohãcjũ, nidi Jesu.

<sup>30</sup> Tiquiro sa nigã tãhoye tiquina ohõ saha nidi tja:

—Cohãcjũ ohorigũ ijigũ tiqiro tutu-aye mehna ye ihñoña usãre mãhũre usã quehnoano wacũ tutuatire. ¿Yabe borore yeitjari mãhũ? <sup>31</sup> Mari ñecũsumã mãnapũ panopũ cjẽna masa marienopũ manã wame tiye pacare ihyae tiahye. Cohãcjũ yere tiquina ojoari pũpũ ohõ saha ni yahuahye: “Tiquiro tiquinare ãhmũse cjẽ ihyayere ohoe tiahye tiquina ihyatire”, ni ojoahye Cohãcjũ yere tiquina ojoari pũpũ.

¿Tiquiro sa yeriro sahata yeitjari m̄h̄u ḡh̄u? nidi tiquina.

<sup>32</sup> Tiquina sa nigū Jesu yahuri tiquinare:

—Ijirota niaja m̄sare. Moise ʰhm̄se cjē ihyayere ohoerari m̄sare. Ȳh̄u Pac̄u pehe ʰhm̄se cjē ihyaye potota ijiyere m̄sare ohoriqiro ijire. <sup>33</sup> Coh̄cj̄u ye ihyaye ʰhm̄sep̄u dijia taye, ijipihitiri yehpa cjēnare catiyere oho masine, nidi Jesu tiquinare.

<sup>34</sup> —P̄h̄to, decoripe ti ihyayere ohoya ʰs̄are, nidi tiquina.

<sup>35</sup> Tiquina sa nigū t̄horo Jesu yahuri tiquinare:

—Ȳh̄u pehe catiyere oho, ihyaye yero saha ijiḡu ijiaja. Mari ye ihyayere mari ihyari batota duita ʰj̄ua ahbaa wahaja mari tja. Sihniñe ḡh̄u mari sihnidi batota aco w̄oa wahaja tja. Sa ijiepeḡta ȳh̄u cahmediqiro, ȳh̄u wac̄u tutuariqiro ʰj̄ua ahbaerariqiro yero saha tiquiro bucueye tiquirore pihtisi.

<sup>36</sup> M̄sa pehe ȳh̄u ih̄naepenata ȳh̄u wac̄u tutueranine. Tireta m̄sare yahue timi ȳh̄u. <sup>37</sup> Ijipihitiyequina yeequina ijiatiquinare ȳh̄u ȳh̄u Pac̄u tiquiro c̄uriquina pehe ȳh̄u cahmeeta. Sa ye ȳh̄u cahmeñequinare ne coh̄si ȳh̄u.

<sup>38</sup> ʰhm̄sep̄u ahtaḡu ȳh̄u cahmeno yei ahtaḡu nied̄u ȳh̄u. Ȳh̄u ohoriqiro tiquiro cahmediro sahata yei ahtaḡu nii ȳh̄u. <sup>39</sup> Ahrita ijire ȳh̄u ohoriqiro tiquiro cahmeñe waro: Ijipihitiyequina yeequina ȳh̄u tiquiro ohoriqinare ȳh̄u boeraḡu cahmene ȳh̄u ohoriqiro pihtiri deco ijiḡu tiquina masa m̄jatire.

<sup>40</sup> Ijipihitiyequina ȳh̄u Coh̄cj̄u mac̄u ih̄ñañequina, ȳh̄u wac̄u tutuayequina ijipihitiye decori tiquiro mehna tiquina ijiḡu cahmene ȳh̄u Pac̄u. Sa yeḡu pihtiri decor̄u tiquinare masoutja, nidi Jesu.

<sup>41</sup> “Ȳh̄u ʰhm̄sep̄u ahtaye ihyaye yero saha ijiḡu ijiaja”, tiquiro nigū t̄hoye judio masa ʰs̄a p̄h̄toa pehe tiquiro mehna usua, tiquina basi Jesure ñano ni yahuducuri.

<sup>42</sup> —¿Ahriqiro Jesu José mac̄u ijierajari? Tiquiro pac̄ro, pacoro ḡh̄u mari masiaja. Sa yero mari yero saha paḡu tiriqirota ijire. ¿Sa ijieperota d̄h̄sero

“ʰhm̄sep̄u ahta”, niajari tiquiro? ni usuari tiquina.

Tiquina sa nigū t̄horo Jesu yahuri tiquinare:

<sup>43</sup> —M̄sa ȳh̄u ñano ni yahuducuerac̄h̄ña. <sup>44</sup> Ȳh̄u Pac̄u ȳh̄u ohoriqiro pehe masare ȳh̄u pehere cahmeḡu yere. Tiquiro sa yeraḡu masa pehe yeequina iji masiedaboaya. Pihtiri deco ijiḡu yeequinare masoutja ȳh̄u.

<sup>45</sup> Coh̄cj̄u yere yahu m̄htariquina pehe oh̄ saha ni ojoahye: “Coh̄cj̄u tiquinare buherota”, ni ojoahye Coh̄cj̄u yere yahu m̄htariquinap̄u. Ijipihitiyequina ȳh̄u Pac̄u ye buheyere t̄hoyequina, tiquirore ȳh̄u ȳh̄u cahmene. Sa yeye yeequina ijire.

<sup>46</sup> Ȳh̄u Pac̄u ne ih̄c̄aquiromo ih̄ñedare. Ȳh̄u Coh̄cj̄u ohoriḡu dihita ȳh̄u Pac̄u ih̄ña. <sup>47</sup> Ijirota niaja m̄sare. Ȳh̄u wac̄u tutuariqiro ijipihitiye decori ȳh̄u Pac̄u mehna sa ijiducurota.

<sup>48</sup> Ȳh̄u catiyere oho, ihyaye yero saha ijiḡu iji-aja. <sup>49</sup> M̄sa ñec̄sum̄a m̄na iji turi-ayequina masa marienop̄u manáre ihyae tiahye. Sa tire ihyapeta yariaa wahae tiahye. <sup>50</sup> ʰhm̄sep̄u ahtari ihyayere ȳh̄u niñe ihyayere mas̄no ihyaro, ne pecap̄u wahasi. <sup>51</sup> Ȳh̄u ʰhm̄sep̄u ahtari ihyaye catiyere oho, ihyaye yero saha ijiḡu iji-aja ȳh̄u. Ahri ihyayere ihyariqiro ijipihitiye decori ȳh̄u Pac̄u mehna sa ijiducurota.

Ahri ihyaye catiḡu yere. Ahri ihyaye yero saha ijiye ȳh̄u paḡu ijire. Ijipihitiri yehpa cjēna Coh̄cj̄u mehna tiquina sa ijiducuatire ȳh̄u paḡu ohoḡutja. Sa ohoḡu yariaḡutja, nidi Jesu.

<sup>52</sup> Tiquiro sa nigū t̄hoye ʰs̄a acaye judio masa pehe tire oh̄ saha ni yahuducuri tiquina basi:

—¿Ahriqiro d̄h̄se ye tiquiro paḡu ihyatire ohorotari? nidi tiquina basi.

<sup>53</sup> Tiquina sa nigū t̄horo Jesu yahuri:

—Ijirota niaja m̄sare. Ȳh̄u masu Coh̄cj̄u ohoriḡu ijiaja. Ȳh̄u paḡu ihyeriqiro, ȳh̄u diire sihnieni- qiro ʰhm̄sep̄u wahasi. <sup>54</sup> Sa ȳh̄u paḡu ihyariqirore, ȳh̄u diire sihnidiquirore pihtiri deco ijiḡu masoutja. Sa yero ʰhm̄sep̄u sa ijiducurota tiquiro. <sup>55</sup> Ȳh̄u

pagu potota ihyaye waro yero saha ijire. Yuhu dii potota sihniñe yero saha ijire. <sup>56</sup> Yuhu pagure ihyariquiro yuhu diire sihnidiquiro yuhu mehna bucueye mehna ijiducurota. Sa yegu yuhu gahu tiquiro mehna bucueye mehna ijiducuaaja. <sup>57</sup> Yuhu Pacu yuhare ohoriquiro sa ijiducure. Sa ijiducuro, yuhu gahare sa ijiducugū yere. Sa yeye yuhare sa ijiducugure masa ihyaye, Cohācjū mehna uhmusepu sa ijiducuenta tiquina gahu. <sup>58</sup> Ahri tjire uhmusepu ahtari ihyaye. Mari ñecusama mana iji turiayequina tiquina ihyari yero saha ijierare ahri ihyaye. Tiquina pehe ti ihyayere ihyapeta yaria pihia wahae tiahye. Ahri ihyaye pehere ihyariquiro uhmusepu sa ijiducurota, nidi Jesu.

<sup>59</sup> Capernaup judio masa usā buheri wuhuru Jesu buhero, sata ni yahuri.

*Jesu ye buheyere tuhona uhmusepu sa ijiducunata mari*

<sup>60</sup> Peyequina Jesure cahmeñequina tiquiro sa ni buheyere tuhoye, ohō saha ni yahuducuri:

—Ahri buheye tutuaro mijore. Sa yena mari taho duera cjuaja, ni yahuducuri tiquina basi.

<sup>61</sup> Tiquina sa nigū Jesu pehe tiquina yahuducurire masidi. Sa masino tiquiro sinituri tiquinare:

—¿Ahri buheyere tuhona usuajari masa?

<sup>62</sup> ¿Yuhu masu Cohācjū ohorigu uhmusepu yuhu tojoaa wahagū ihñana dahse ni tshotunatari masa? ¿To gahare usuanatari masa? <sup>63</sup> Masano tiquiro jeripohnare cuoro catire. Tiquiro pagu pehe tiquirore catigū yerare. Masano tiquiro jeripohna tiquirore catigū yero saha yuhu buheye pehe masare Cohācjū mehna sa ijiducugū yere. <sup>64</sup> Apequina masa mehna cjēna ne yuhare wacū tutuerare, nidi Jesu.

Coā waropare Jesu tiquirore wacū tutueyequinare masidi. Sa yero tiquirore ihña tuhtiequinare ihñoatiquiro gahare masi tuhasari. Sa tiquirore wacū tutueyequinare masino “Apequina masa mehna cjēna yuhare wacū tutuerare”, nidi Jesu.

<sup>65</sup> Sa ni tuhasa ohō saha ni nemori:

—Ohō saha ni yahumi masare: “Yuhu Pacu masare yuhu pehere cahmegū yere.

Tiquiro sa yeragū masa pehe yeequina iji masiedaboaya”, masare nie timi, nidi Jesu.

<sup>66</sup> Tiquiro sa ni buhegū tuhoye peyequina Jesure cahmemediquina tiquirore cohā, tiquiro mehna pari turi wahaerari.

<sup>67</sup> Tiquina sa yegū ihñano Jesu usāre doce tiquiro buhenare sinituri:

—¿Masa gahu yuhare cohānatjari? ni sinituri usāre. <sup>68</sup> Tiquiro sa nigū Simo Pedro yuhtiri tiquirore:

—Puhto, usāre apequiro buheriquiro mariedare. Muhu ye buheyere tuhona Cohācjū mehna sa ijiducunatja usā. Muhu ye buheye dihita tire yahure usāre. <sup>69</sup> Sa yena usā muhare wacū tutuaja. Sa yena muhu quehnoagu, Cohācjū macu tiquiro ohorigu muhu ijigū usā masiaja. Sa yena muhare cohāsi usā, nidi Simo Pedro Jesure.

<sup>70</sup> Tiquiro sa nigū tuhoro Jesu yahuri usāre:

—Yuhu pehe masare doce besei. Sa ijiepegūta ihcāquiro masa mehna cjāno watño yaquiro ijiatiquiro ijire, nidi usāre tiquiro buhenare.

<sup>71</sup> Sa nino Judare Simo Iscariote macnore nino nidi. Juda pehe doce usā mehna cjāno Jesure ihña tuhtiequinare ihñoatiquiro ijiri.

## 7

*Jesu acaye tiquirore “Cohācjū macno ijire”, ni, ne masiedahye*

<sup>1</sup> Came Jesu Galilea yehpau tinino wahari. Judea yehpau judio masa tiquirore wejē duari. Tiquina sa wejē duagū masino tiquiro ti yehpau wahaerari. <sup>2</sup> Judio masa daye wuhusegā usā yeati bose deco mehenogā dahsatjāri. <sup>3</sup> Sa ye Jesu bahana tiquirore yahuri:

—Judeapau wahaya. Topu muhu yequinare muhu bajumehneñene ihñogu wahaya muhu. <sup>4</sup> Masare muhu bajumehneñene ihño duagu ne nuosi muhu. Ye ihñono cahmene. Potota ahri bajumehneñene ye masigu ijigu tire masare ihñoña, nimesi tiquina.

<sup>5</sup> Tiquiro bahana ijiepeteta Jesure “Cohācjū macno ijire”, niedari. Sa yeye sa nidi tiquina tiquirore. <sup>6</sup> Tiquina sa nidi bato Jesu yahuri tiquinare:

—Masa yũhure tiquina quehnoano masiati pje dũhsarĩne. Mũsa ihña duana bose deco ijigũ waha masine. <sup>7</sup> Ahri yehpa cjẽna mũsa pehere ihña tuhtierare. Tiquina ñañe yerire yũhũ yahugũ tiquina yũhũ pehere ihña tuhtire. <sup>8</sup> Bose deco ijigũ wahaya mũsa sehsaro. Yũhũ pehere yũhũ wahati pje dũhsarĩne. Sa yegũ yũhũ pehe bose decore mianogãre ihñaũ waharĩsi, nidi Jesu tiquinare.

<sup>9</sup> Sa nino tiquiro Galileapũ tojoari.

*Jesu daye wũhũsegã tiquina yeri bose deco ijigũ wahahye*

<sup>10</sup> Bose decopũ Jesu bahana tiquina wahari bato Jesu gũhũ tiquina bato wahari. Sa waharo masa tiquina ihñeno watoa wahari. <sup>11</sup> Bose deco ijiyequina judio masa usã pũhtoa tiquirore macari:

—¿Nohopũ ijiagari tiquiro? ni sinituahye tiquina.

<sup>12</sup> Sa ye masa gũhũ Jesure peyequina yahu wajahye. Apequina “Tiquiro quehnoariquiro ijire”, niahye. Apequina “Tiquiro ñariquiro ijire. Masare mehoriquiro ijire”, ni yahu wajahye tiquina.

<sup>13</sup> Sa niepeta judio masa usã pũhtoare cueye masa tiquina ihñenopũ Jesure yahu wajahye.

<sup>14</sup> Bose decori deco mehna dũhsagũ Cohãcjũ wũhũpũ Jesu sajã saro, buheri. <sup>15</sup> Tiquiro sa buhegũ usã acaye judio masa tũho maria waha, ohõ saha nidi:

—¿Ahriquiro buheropũ buhemhnediquiro ijieperota dũhsero quehnoano masi pehoajari? nidi tiquina basi tiquirore.

<sup>16</sup> Tiquina sa nigũ Jesu yahuri tiquinare:

—Yũhũ buheri yee yahuducuye ijierare. Yũhũre ohoriquiro ye yahuducuye pehe ijire ahri buheye. <sup>17</sup> Cohãcjũ cahmeñene ye duayequina yũhũ buheye pehere Cohãcjũ ye yahuducuye ti ijigũ masieta. Yũhũ esa tuharo yũhũ buheragũ gũhũre masieta tiquina. <sup>18</sup> Ihcãquiro tiquiro esa tuharo tiquiro masiñe mehna buhero “Yũhũ dihitare ño peoya”, nino nine tiquiro. Sa ijiepegũta yũhũre ohoriquiro pehere mũsa ño peogũ cahmeaja yũhũ pehe. Yũhũ sa nigũ tũhona “Potota ni yahuducure tiquiro. Ne mehoedare”, ni masinata mũsa.

<sup>19</sup> Cohãcjũ dutiyere Moise mũnano pehe cũahye mũsare. Tiquiro sa cũepegũta mũsa ijipihtina ti dutiye pehere ne yũhtierari. ¿Dũhsena yũhũre wejẽ duajari mũsa? nidi Jesu usã acaye judio masare.

<sup>20</sup> —Tũho masiedare mũhũ. Watĩnore cũore mũhũ. Mũhũre wejẽ duayequina mariedare, ni yũhtiri tiquina Jesure.

Tiquina sa nigũ Jesu yũhtiri:

<sup>21</sup> —Mari judio masa mari sori deco saurũ ijigũ ihcã tahata Cohãcjũ tutuaye mehna dohatiriquiro tiquiro dohatiyere yũhũ cohãgũ mũsa ihña maria wahari.

<sup>22</sup> Mari ñecũsumũa mũna panopũ cjẽna pehe tiquina pagure cuhnucunũ sohtoa cahserogãre yũhũre neñequina tiquina yeriro sahata Moise yũhũre ne dutiahye. Potota Moise pehe ti dutirore cũedahye. Mari ñecũsumũa mũna iji turiayequina pehe tire cũ, yahu turiahye. Tiquiro sa dutigũ saurũ sori deco ijiepegũta masũnore tiquiro cuhnucunũ sohtoa cahserogãre yũhũre nene mũsa. <sup>23</sup> Saurũ ijigũ masũnore tiquiro cuhnucunũ sohtoa cahserogãre yũhũre nene mũsa, Moise dutiyere yena tana. ¿Mũsa gũhũ saurũ decore tire yepenata ti decopũ dohatiriquirore yũhũ yũhdũogũ dũhsena yũhũ mehna usuajari mũsa? <sup>24</sup> Yũhũ yerire mũsa quehnoano masiedapenata, yũhũre ñano tũhotueracãhña. Mũsa quehnoano masidi bato yũhũre mũsa tũhotugũ potota ijirota. Yũhũ yerire masina, queoro masiña mũsa, nidi Jesu.

*Jesu coã waropũ tiquiro ahtarirore yahuahye*

<sup>25</sup> Tiquiro sa ni yahuri bato meheñequinagã Jerusalẽ cjẽna tiquirore ohõ saha ni yahu wajari:

—¿Ahriquiro judio masa pũhtoa tiquina wejẽ duariquiro ijierajari? <sup>26</sup> Sa yero tiquirore tiquina wejẽ duepegũta ijipihtiyequina ihñono masare buhero nine tiquiro. Sa ye tiquirore wejẽ duayequina ijiepeta sa ihña cãre. ¿“Tiquiro potota Cristo ijire”, ni, tũhotuagari pũhtoa pehe?

<sup>27</sup> Sa ijiepegũta ahriquiro Jesu tiquiro ahtarirore mari masiaja. Cristo pehe masare yũhdũoatiquiro tiquiro ahtagũ tiquiro ahtariro pehere masimehnedare. Sa yero masare yũhdũoatiquiro Cristo

waro ijierare Jesu, ni yahu wajari tiquina Jerusalē cĵena.

<sup>28</sup> Tiquina sa niñene masino, Jesu ohō saha ni tutuaro sañuducu buheri Cohācjū wāhupū:

—Yūhure ohō saha ni tūhoture mūsa: “Tiquirore masiaja. Sa yena tiquiro ahtariro gāhure masiaja”, ni tūhotumene mūsa. Mūsa sa ni tūhotuepenata yūhure ohoriquirore ne masiedare mūsa. Yūhure ohoriquiro poto niniquiro, poto yeriquiro ijire. Tiquirore ne masiedare mūsa.

<sup>29</sup> Tiquirota yūhure ohori. Sa yegū tiquiro cahapūta ahtaū. Sa yegū yūhū pehe tiquirore masiaja, nidi Jesu judio masare.

<sup>30</sup> Tiquiro sa nigū tūhoye tiquirore ñehe duamedī. Tiquina sa ñehe duepegūta Jesu tiquiro ñano yūhdūati pje dūhsarīdi. Sa ye tiquina tiquirore ñehe masiedari.

<sup>31</sup> Apequina masa pehe peyequina tiquirore wacū tutuaye, ohō saha nidi:

—“Cristo peye tahari Cohācjū tutuaye mehna ye ihñonota”, panopū tiquina ni yahu mūhtariro sahata ahriquiro Jesu pehe peye tahari Cohācjū tutuaye mehna ye ihñore. Ijipihtiyequina apequina yūhdūoro Cohācjū tutuaye mehna ye ihñore tiquiro. Sa yero Cristo Cohācjū ohoriquirota ijire ahriquiro Jesu, nidi Jesure wacū tutua dūcayequina.

### *Fariseo masa Jesure peresu ye dutiahye*

<sup>32</sup> Masa Jesure tiquina sa ni yahuducugū tūhoahye fariseo masa. Sa ye tiquina, pahia pūhota mehna Jesure ñehe dūtiye ohoahye surarare, Cohācjū wāhure cohteyequinare.

<sup>33</sup> Sa yero Jesu judio masare ohō saha nidi:

—Meheñe decorigā mūsa mehna ijini-itja. Sa yegū mehenogā bato yūhure ohoriquiro cahapū wahautja. <sup>34</sup> Yūhū ijiatore mūsa waha masiedare. Sa yena yūhure macaepenata ne bocasi mūsa, nidi Jesu judio masare.

<sup>35</sup> Tiquiro sa nigū tūhoye tiquina basi ohō saha ni yahuducuri:

—¿Ahriquiro sa nino nohopū waharotari, mūsa tūhotugū? ¿Griego masa cahapū judio masa waha siteriquina tiquina ijiye

macaripū griego masapūre buhero wāhaboagari ahriquiro? <sup>36</sup> ¿“Yūhū ijiatore mūsa waha masiedare. Sa yena mūsa yūhure macaepenata ne bocasi”, tiquiro nigū dūhse nino boro ahriquiro sa niajari? ni yahuducuri judio masa tiquina basi.

### *Catigū yeye mārīne yahuahye Jesu*

<sup>37</sup> Bose deco bato tiri deco ti deco waro ijiro nidi. Ti decore Jesu topū ducuro, tutuaro mehna sañuducu yahuri:

—Aco wūoyequina acore tiquina tutuaro cahmeno saha ijipihtiyē decori Cohācjū mehna mūsa ijiatire tutuaro cahmena yūhure siniña. Mūsa sa sinigū tiquiro yequina mū sare iji dūtiitja. <sup>38</sup> Yūhure wacū tutuayequinare ohō saha ni ojoahye Cohācjū yere tiquina ojoari pūpū: “Mārī pohteripū catigū yeye aco sa wijiaducuro sahata catigū yeriquiro tiquina mehna sa ijiducurota”, ni ojoahye Cohācjū yere tiquina ojoari pūpū, ni yahuri Jesu judio masare.

<sup>39</sup> Sa catigū yeriquirore wame peo yahuro “Yūhure wacū tutuayequina Espīritu Santore cūoeta”, nino nidi Jesu. Tiquiro ūhmūsepū tiquiro mūjaedarīgū Espīritu Santo pehe wihieraniahye.

### *Judio masa tu wahye pūa curua*

<sup>40</sup> Jesu tiquiro sa nigū tūhoye, masa peyequina ohō saha ni yahuducuri:

—Ahriquiro potota Cohācjū yere yahu mūhtariquiro mari cohteriquiro ijire, nidi masa.

<sup>41</sup> Ohō saha nidi apequina gūhū:

—Ahriquiro Cristo marine yūhdūoatiquiro ijire, nidi.

Apequina pehe ohō saha nidi:

—Cristo ahtarō, Galilea yehpa cĵano ijisi tiquiro. Ahriquiro Jesu pehe to cĵanota ijire. <sup>42</sup> Cristo Davi mūnāno panamino ape tjuro cĵano ijiatiquiro ijirota. Sa yero Davi ya maca ijiriropū Belēpū Cristo masa bajuarota. Ohō saha ni yahure Cohācjū yere tiquina ojoari pūpū. Ahriquiro Jesu pehe Belēpū masa bajuerahye. Sa yero tiquiro Cohācjū ohoriquiro Cristo waro ijierare, nidi tiquina.

<sup>43</sup> Sa ye Jesure tūhomediquina pūa curua tu wari tiquina basi. <sup>44</sup> Meheñequinagā

masa pehe Jesure ñehe duamedi. Sa ñehe duepeta tiquiore ñehedari.

*Judio masa p̄h̄toa Jesure ne wacũ tutuerahye*

<sup>45</sup> Sa ye surara pahia p̄h̄toa cahap̄ fariseo masa cahap̄ tojoaa wahahye. Tiquina tojoa sagũ ihñañe tiquina surarare sinituahye:

—¿D̄hsena Jesure ñehedari m̄sa? ni sinituahye tiquina pehe.

<sup>46</sup> —Tiquiro quehnoa ȳhd̄aro yahuducuriquiore ijiri. Apequina tiquiro yero saha yahuducuyequina ne mariedare, ni ȳhtiahye surara tiquinare.

<sup>47</sup> Tiquina sa nigũ fariseo masa pehe ohõ saha ni yahuahye:

—¿M̄sare tiquiro mehogũ “Potota nino niaga”, niajari m̄sa gũh̄? <sup>48</sup> Mari p̄h̄toa Jesure wacũ tutueyequina ijiye ne tiquiore cahmedare. Ƴsã gũh̄ sa ijina tiquiore cahmedaja. <sup>49</sup> Ahriquina masa pehe Cohãcjũ dutiyere Moiserere tiquiro cũrire masiedare. (Sa masieñequina ijiye Jesure wacũ tutuayequina ijiye, tiquiore cahmene.) Tiquina sa cahmedi buhiri tiquinare mari Pac̄ buhiri dahrerota, niahye fariseo masa.

<sup>50</sup> Fariseo mas̄no Nicodemo Jesure yahuducuro esariquiore top̄ ijiahye tiquina mehna. Tiquina sa nigũ t̄horo ohõ saha niahye tiquiro tiquinare:

<sup>51</sup> —Jesu ñano yerire masiedaja mari. Sa masiedana marine tiquiro yahuato pano tiquiore buhiri dahre masiedaja mari. Sa masiedapenata tiquiore buhiri dahrena, mari ye dutiyere ȳhd̄d̄cana niaja mari, niahye Nicodemo tiquinare.

<sup>52</sup> Tiquiro sa nigũ t̄hoye ohõ saha ni ȳhtiahye tiquina:

—¿M̄h̄ gũh̄ tiquiro yero saha Galilea cjãta ijiajari? Cohãcjũ yere tiquina ojoari pũre buhe pehoya. Sa buhegũ “Cohãcjũ yere yahu m̄htariquina ne ihcãquiro mariedare Galileare”, ni buhe masiita m̄h̄. (Sa yero sa ni maca cãno nine Jesu,) ni ȳhtiahye tiquina Nicodemore.

[ <sup>53</sup> Tiquina sa nidi bato tiquina ye w̄h̄sepē tojoaa wahahye.

## 8

*Ƴm̄no mehna ñano yericorore judio masa p̄h̄toa wacũeno mehna esa pjeahye*

<sup>1</sup> Jesu can̄p̄ Olivo wame tid̄p̄ wahari. <sup>2</sup> Sa yero bohrearo Cohãcjũ w̄h̄p̄ tiquiro esari tja. Tiquiro esagũ ihñañe masa peyequina tiquiro cahap̄ cahmecoari. Tiquina sa cahmecoagũ ihñano tiquiro pehe dujitjiãno tiquinare buhe d̄cari. <sup>3</sup> Tiquiro sa buheri watoa usã acaye judio masa buheyequina, fariseo masa mehna ti w̄h̄p̄ numinore ne cãhtari. Ticoro Ƴm̄no mehna ñano yegũ waro wacũeno mehna esa pjeahye tiquina ticorore. Sa esa pjeye ticorore Cohãcjũ w̄h̄p̄ ne sajãri tiquina. Ne sajã sa tuhasa ijipihtiyequina ihñono ticorore duhu docoye ohõ saha nidi:

<sup>4</sup> —Buhegũ, ahricoro Ƴm̄no mehna ñano ticoro yegũ waro wacũeno mehna ticorore esa pjei. <sup>5</sup> Cohãcjũ dutiyere Moise m̄nanop̄ marine tiquiro cũri ohõ saha nine: “Ƴm̄no mehna ñano yericorore utã paca mehna doque wejẽña”, niahye Cohãcjũ dutiye. ¿M̄h̄ waro d̄hse ni t̄hotuajari ahrire? ni sinituri tiquina Jesure.

<sup>6</sup> Jesu ñano nigũ t̄ho duaye nimeri tiquina tiquiore yahusãñe tehe. Tiquina sa sinituepegãta Jesu muhri quehe, yehpap̄ tiquiro omo piria mehna ojoari. <sup>7</sup> Sa tiquina ni sinituducugũ Jesu pehe wahcã nuju sa, tiquinare yahuri:

—M̄sa mehna cjãno ñano yerariquiore ticorore utã mehna doque m̄htaahdo, nidi Jesu.

<sup>8</sup> Sa ni tuhasa pari turi muhri quehe, yehpap̄ ojoari tja. <sup>9</sup> Tire t̄hoye tiquina ñañe yerire wacũñe, tiquina wahmis̄m̄a pehe wijia m̄htari. Tiquina bato tiriquina mehna cjẽna gũh̄ wijia pihtia wahari. Sa yero numino top̄ ducuricoro Jesu mehna tojoari. <sup>10</sup> Sa yero Jesu wahcã nuju sa ticorore sinituri:

—¿Nohop̄ wahajari tiquina? ¿M̄h̄re buhiri dahre duamediquina mariedajari yojop̄re? nidi ticorore.

<sup>11</sup> —Mariedare p̄hto, ni ȳhtiri ticoro.

—Yuhũ gũhũ buhiri dahreraja mũhũre. Wahaya. Sa yego ñañene ye nemoedacãhña, nidi Jesu ticorore.]

*Buhrioro marine ihña masigũ yero saha Jesu ahri yehpa cjẽnare mari Pacũre masigũ yere*

<sup>12</sup> Pari turi Jesu ti wũhũpũ ijieyquinare yahuri:

—Buhrioro marine to ihña masigũ yero sahata yuhũ ahri yehpa cjẽnare Cohãcjũre masigũ yeaja. Yuhũre wacũ tutuariquiro ijipihtiye decori Cohãcjũ mehna sa ijiducurota. Sa yero tiquiro quehnoañene wacũnota. Sa yero tiquiro ñañene wacũ duerare, ni yahuri Jesu.

<sup>13</sup> Tiquiro sa nigũ tiquirore fariseo masa ohõ saha nidi:

—Mũhũ basi mũhũ ijieye tiyere sa ni yahuducugũ nine. Sa ye mũhũ ohõ saha ni mũhũ esa tuharo mũhũ ni yahuducu maca quẽhe ne dũhseati ijierare, nidi tiquina Jesure.

Tiquina sa nigũ Jesu yũhtiri:

<sup>14</sup> —Yuhũ ahtarirore masiaja yuhũ. Yuhũ wahato gũhũre masiaja yuhũ. Mũsa ne tire masiedare. Mũsa ohõ saha niepegũta yuhũ ijieye tiyere mũsare yuhũ yahuri poto tjire. <sup>15</sup> Mũsa esa tuharo mũsa ihñari dihitare masine mũsa. Sa yena quehnoano masiedare mũsa. Sa masiedapenata yuhũre ñano ni yahuducure mũsa. Yuhũ pehe yuhũ esa tuharo masare ne sa niedaja. <sup>16</sup> Sa yegũ masa tiquina ijieye tiyere ihña masigũ yuhũ esa tuharo ihña masiedaja. Yuhũ pũrita yuhũre ohoriquiro mehna ihña masiaja. Sa yegũ masa tiquina ijieye tiyere yuhũ ihña masiñe poto tjire. <sup>17</sup> Mũsare dutiye tiquina ojoari pũ ohõ saha ni yahure. “Pũaro masa ihcãno saha tiquina yahugũ ohõ saha tiquina yahuye poto tjire”, ni yahu ojoari jiri. <sup>18</sup> Yuhũre yahuriquiro mehna usã pũana tjiaja. Yuhũ ijieye tiyere yahuaja yuhũ. Sa yero yuhũ Pacũ gũhũ yahure yuhũ pehere. Tiquiro tjire yuhũre ohoriquiro, nidi Jesu.

<sup>19</sup> —¿Nohopũ ijiagari mũhũ pacũ? ni sinituri tiquina.

—Yuhũre mũsa masiedare. Yuhũ Pacũ gũhũre masiedare mũsa. Yuhũre masina,

yuhũ Pacũ gũhũre masiboaga mũsa, ni yũhtiri Jesu tiquinare.

<sup>20</sup> Jesu tiquinare buhero sa ni yahuducuri Cohãcjũ wũhũpũ tiquina niñeru sãñe acari cahapũ. Tiquiro ñano yũhdũati pje ijieranidi. Sa ye tiquina mehna tiquiro ijiepegũta tiquina tiquirore ñehedari.

*—Yuhũ wahatopũre mũsa pehe waha masisi, niahye Jesu*

<sup>21</sup> Pari turi Jesu tiquinare yahuri tja:

—Yuhũ ahtarioropũ wahaũtja. Yuhũ wahari bato mũsa yuhũre macanata. Sa yena mũsa ñañe buhiri tiye mehna yarianata. Yuhũ wahatopũre mũsa pehe waha masisi, ni yahuri Jesu.

<sup>22</sup> —“Yuhũ wahatopũre mũsa pehe waha masisi”, tiquiro nigũ tũhoye, “¿Ahriquiro tiquiro basi wejẽ yariarotari, sa nino?” nidi usã acaye judio masa tiquina basi.

<sup>23</sup> Tiquina basi sa nigũ Jesu yahuri tiquinare:

—Mũsa pehe ahri yehpa cjãna ijire. Yuhũ pehe uhmũse cjũ ijiaja. Ahri yehpapũ bajuarina ijire mũsa pehe. Uhmũsepũ ahtarigũ ijiaja yuhũ pehe. <sup>24</sup> Mũsa yuhũ ijieye tiyere yuhũ nidire “Poto ijierare”, nina, mũsa ñañe buhiri tiye mehna yarianata mũsa. Sa yegũ “Mũsa ñañe buhiri tiye mehna yarianata mũsa”, nimi mũsare, nidi Jesu tiquinare.

<sup>25</sup> —¿Noa boro ijiajari mũhũ? ni sinituri tiquina.

—Coã waropũre yuhũ niducuriro sahata ijiaja yuhũ. <sup>26</sup> Mũsare yuhũ yahuati pajiro dũhsarĩne. Sa yero mũsa ñano yeri buhirire mũsare yuhũ yahuati pajiro dũhsarĩne. Sa yegũ yuhũre ohoriquiro tiquiro yahurire ahri yehpa cjẽnare yahuaja. Tiquiro yahuri poto tjire, nidi Jesu tiquinare.

<sup>27</sup> “Yuhũre ohoriquiro”, tiquiro nigũ tũhoye, “Mari Pacũ ijiaga”, ni tũhotuerari tiquina. <sup>28</sup> Tiquina sa ni tũhotueragũ ihñano Jesu yahuri tiquinare.

—Yuhũre masũre Cohãcjũ ohorigũre mũsa yucũ teõ mehna wahcõ doconata. Mũsa sa yena, “Tiquiro Cohãcjũ ohoriquiro tjire”, ni masinata mũsa yuhũre. Sa yena yuhũ esa tuharo yuhũ yerarigũ ijigũ masinata mũsa. Sa yena yuhũ Pacũ yuhũre tiquiro buheri dihitare yahurigũ yuhũ ijigũ

gũhare masinata m̄sa. <sup>29</sup> Sa yero yũhare ohoriquiro pehe yũhũ mehna ijire. Tiquiro cahmeñene ijipihtiye decori yeducuaja. Sa yero yũhare tiquiro ne cohãedare, nidi Jesu.

<sup>30</sup> Tiquiro sa nigũ tũhoye, tiquirore masa peyequina wacũ tutuari.

*Cohãcjũ pohne, ñaÑe yeyequina gũhare yahuahye Jesu*

<sup>31</sup> Sa ye apequina judio masa Jesure wacũ tutuari. Sa yero Jesu tiquinare yahuri:

—Yũhũ dutiyere ye pehona, potota yũhũ buhena ijire m̄sa. <sup>32</sup> Sa yena poto masinata m̄sa. Poto ijiyere masina, ñaÑe yeyere duhu masinata. Sa yena cahacjẽna yero saha iji nemosi m̄sa, nidi Jesu tiquinare.

<sup>33</sup> Tiquiro sa nigũ tũhoye ohõ saha ni yũhtiri tiquina:

—Ûsã pehe panopũ cjũno Abrahã m̄nano panamena iji turiana ijiaja. Sa yena ne apequina tiquina cahacjãna ijieraja usã. ¿Sa yegũ “Cahacjẽna yero saha iji nemosi”, nigũ, dũhse ijero boro usãre sa niajari m̄hũ? ni sinituri tiquina Jesure.

<sup>34</sup> Tiquina sa nigũ tũhoro ohõ saha nidi tiquiro:

—Ijirota niaja m̄sare. Ijipihtiyequina ñaÑene yeyequina pehe tiquina ñaÑene ye duhu masiedare. Sa yero ñaÑe pehe tiquina pũhoro yero saha ijire. Sa ijiyequina ijiye cahacjẽna yero saha ijire tiquina. <sup>35</sup> Cahacjãno pehe tiquiro pũhoro ya curua cjũno ijipihtiye decori ijiducuerare. Ti wũhũ cjũno macũno pehe ijipihtiye decori potota ti curua cjũno ijire tiquiro. (Yũhũ pehe Cohãcjũ macũ ijiaja. Sa yegũ dutigũ ijiaja. M̄sa ñaÑe yeyere duhu dutiitja.) <sup>36</sup> Sa yena yũhũ Cohãcjũ macũ ñaÑene yũhũ duhugũ yenohrina ijina potota ñaÑene duhurina ijire m̄sa.

<sup>37</sup> Abrahã m̄nano panamena iji turiana m̄sa ijigũ masiaja. Sa ijiepenata yũhũ yahuye pehere tũho duerare m̄sa. Sa yena yũhare wejẽ duare m̄sa. <sup>38</sup> Yũhũ Pacũ yũhare tiquiro masigũ yerire yahuaja m̄sare. Yũhũ sa yahuepegũta m̄sa pacũ watĩno m̄sare tiquiro dutiyere yere m̄sa gũhũ, nidi Jesu tiquinare.

<sup>39</sup> —Abrahã m̄nano panopũ cjũno usã ñecũ m̄nano ijie tiahye. Sa yero watĩno usã pacũ ijierare, ni yũhtiri tiquina.

Tiquina sa nigũ Jesu yũhtiri:

—Abrahã panamena iji turiana ijina, tiquiro yeriro sahata yeboaga m̄sa. <sup>40</sup> Cohãcjũ yũhare poto tiquiro yahuyere m̄sare yũhũ yahuepegũta yũhare wejẽ duare m̄sa. Abrahã m̄nano pehe ne sa yera tiahye. <sup>41</sup> M̄sa pacũ tiquiro yeriro sahata yere m̄sa, nidi Jesu tiquinare.

Tiquiro sa nigũ tiquina yũhtiri:

—Omoca dũhtemehneñequina pohna ijieraja usã. Ihcãquirota ijire usã Pacũ. Tiquirota ijire Cohãcjũ, nidi tiquina.

<sup>42</sup> Tiquina sa nigũ Jesu yũhtiri:

—Cohãcjũ mehna cjũ ijigũ, ohõpũre ahtaũ. Sa yena Cohãcjũ m̄sa Pacũ tiquiro ijigũ yũhare cahĩboya m̄sa. Yũhũ esa tuharo ahtaerũ yũhũ pũrita. Cohãcjũ tiquiro ohogũ ahtaũ ohõpũre. <sup>43</sup> ¿Dũhsena yũhũ yahuducuyere tũhoerajari m̄sa? Yũhũ yahuyere tũho duerare m̄sa. Sa yena tũhoerare m̄sa. <sup>44</sup> M̄sa pacũ pehe watĩno ijire. Sa yena watĩno cahmeÑe pehere ye duare m̄sa. Ahri yehpa coã waropũ to iji dũcagũpũ, yojopũ gũhare tiquiro masare wejẽdiquiro ijire. Tiquirore poto yahuducuye mariedare. Sa yero tiquiro ne poto yahuducuerare. Tiquiro coã waropũre ni meho m̄hta dũcariquiro ijie tiahye. Sa yero tiquiro sa ni mehoducuriquiro ijero, ni mehoÑene yahure. <sup>45</sup> Yũhũ pehe m̄sare poto yahuaja. Sa yũhũ yahuepegũta yũhare tũhoerare m̄sa. <sup>46</sup> “M̄hũ ñano yegũ ijire”, yũhare ni masiedare m̄sa. ¿Poto m̄sare yũhũ yahuepegũta dũhsena tũhoerajari m̄sa? <sup>47</sup> Cohãcjũ pohne pehe tiquiro yahuducuyere tũhore. Tiquiro pohne ijierana, tiquiro yahuducuyere tũho duerare m̄sa, nidi Jesu tiquinare.

*Abrahã tiquiro ijiato pano Cristo pehe iji tuhasae tiahye*

<sup>48</sup> Tiquiro sa nigũ tũhoye judio masa tiquirore ohõ saha nidi:

—“M̄hũ Samaria cjũ ijire. Sa yegũ watĩnore cõore m̄hũ”, usã nidi poto tjire, nidi tiquina Jesure.

<sup>49</sup> Tiquina sa nigũ tũhoro ohõ saha ni yũhtiri Jesu:



—Watĩnore c̄uoeraja ȳh̄h̄. Ȳh̄h̄ Pac̄re ño peoaja. M̄sa pehe ȳh̄h̄re ño peoerare. <sup>50</sup> Ȳh̄h̄re masa tiquina ño peoḡ cahmedaja ȳh̄h̄. Ȳh̄h̄ Pac̄u pehe ȳh̄h̄re ño peoḡ cahmene masare. Tiquiro p̄urita ȳh̄h̄ ijiye tiyere quehnoano ih̄ña masino, sata ño peo dutire. Sa yero ȳh̄h̄re tiquina cahmedari buhiri, buhiri dahreatiquiro ijirota tiquiro. <sup>51</sup> Ijirota niaja m̄sare. Ȳh̄h̄ dutiyere yeriquiro ijipihtiye decori Coh̄c̄j̄ mehna sa ijiducurota, nidi Jesu.

<sup>52</sup> Tiquiro sa niḡ t̄hoye oh̄ saha nidi tiquina:

—Yojop̄ p̄uritare watĩnore c̄uoḡ m̄h̄h̄ ijiḡ us̄ quehnoano masiaja. Abrah̄ m̄nano yariaa wahahye. Coh̄c̄j̄ yere yahu m̄htariquina ḡh̄h̄ yaria pihtia wahahye. ¿Sa yeḡ “Ȳh̄h̄ dutiyere yeriquiro ijipihtiye decori Coh̄c̄j̄ mehna sa ijiducurota”, niḡ d̄hse niḡ sa niajari m̄h̄h̄? <sup>53</sup> ¿Us̄ ñec̄ m̄nano Abrah̄ ȳhd̄oro tutuajari m̄h̄h̄? Tiquiro, Coh̄c̄j̄ yere yahu m̄htariquina ḡh̄h̄ yariaa wahahye. ¿M̄h̄h̄ pehe noa boro ijajari m̄h̄h̄, sa ni yahuducuḡ? M̄h̄h̄ sa niboḡ ijierare, nidi tiquina.

<sup>54</sup> Tiquina sa niḡ t̄horo Jesu yahu nemori:

—Ȳh̄h̄ basi “Tutuaḡ ijiaja ȳh̄h̄”, ȳh̄h̄ niḡ, tutuaḡ ijieraboaga ȳh̄h̄. Ȳh̄h̄ Pac̄u pehe “Tiquiro tutuariquiro ijire”, nine ȳh̄h̄re. “Us̄ Pac̄u”, m̄sa nidiquiro pehe ȳh̄h̄ Pac̄u tjire. <sup>55</sup> M̄sa pehe ȳh̄h̄ Pac̄re ne masiedare. Ȳh̄h̄ pehe tiquirore masiaja. “Tiquirore masiedaja”, niḡ m̄sa yero saha ni mehoñe peyaḡ ijiboaga ȳh̄h̄. Potota tiquirore masiaja. Sa yeḡ tiquiro dutiyere yeaja. <sup>56</sup> Ahri yehpap̄ ȳh̄h̄ ahtatore mari ñec̄ Abrah̄ m̄nano masie tiahye. Sa masino tiquiro bucuee tiahye, nidi Jesu.

Tiquiro sa niḡ t̄hoye tiquina ȳh̄h̄tiri:

<sup>57</sup> —Cincuenta c̄hm̄ari c̄uoeraga m̄h̄h̄. Abrah̄ m̄nano panop̄ c̄j̄no ijiri. ¿Yojop̄re tiquiro m̄nanore m̄h̄h̄ d̄hse masiboagari? nidi judio masa Jesure.

<sup>58</sup> —Ijirota niaja m̄sare. Abrah̄ tiquiro ijiato pano ȳh̄h̄ pehe iji m̄hta tuhasae tii, nidi Jesu tiquinare.

<sup>59</sup> Tiquiro sa niḡ t̄hoye tiquina pehe ut̄a pacare ne, tiquirore doque duamedí.

Tiquina sa doque duepeḡata Jesu pehe Coh̄c̄j̄ w̄h̄h̄p̄ ijiriquiro duhti wijiaa wahari.

## 9

### *Caperi bajueriquirore ih̄ñaḡ yeahye Jesu*

<sup>1</sup> Sa yena Jesu us̄ tiquiro buhena mehna mahap̄ wahana, apequirore caperi bajueriquirore boca sā. Tiquiro wahma masa bajarop̄ata caperi bajueriquiro ijie tiahye. <sup>2</sup> Us̄ ḡh̄h̄ tiquirore ih̄ñana, sinituu Jesure:

—¿Buheḡ, ahriquiro d̄hsero caperi bajueriquiro masa bajuayari? ¿Ñañene yeyari tiquiro sa waharo? ¿O tiquiro pac̄us̄m̄a pehe ñañene yeyari tiquiro sa wahaḡ? ni sinituu us̄ pehe Jesure.

<sup>3</sup> Us̄ sa niḡ t̄horo oh̄ saha ni ȳh̄tiri tiquiro:

—Ahriquiro ñañene yeri buhiri caperi bajueriquiro wahaerari. Tiquiro pac̄us̄m̄a ḡh̄h̄ ñañene tiquina yeri buhiri caperi bajueriquiro wahaerari. Coh̄c̄j̄ tiquirore caperi bajueraḡ yeri tiquirore ih̄ñaḡ yero taro, masare tiquiro ih̄ñoatire.

<sup>4</sup> Ȳh̄h̄re ohoriquiro tiquiro c̄urire yojop̄re yero cahmene marine. Ñamip̄ mari dahra masieno sahata camer̄ ȳh̄h̄re ohoriquiro tiquiro c̄urire ye masiedaja mari. <sup>5</sup> Ahri yehpap̄ buhrioro marine to ih̄ña masiḡ yero saha ijiḡ ahri yehpa c̄j̄nare Coh̄c̄j̄ yere masiḡ yeaja ȳh̄h̄, nidi Jesu.

<sup>6</sup> Sa ni tuhasarota yehpap̄ sihco puti c̄uri. Tiquiro sa sihco puti c̄urire dihta mehna dahra more, caperi bajueriquirore tiquiro caperire wis̄ori. <sup>7</sup> Sa wis̄ono oh̄ saha nidi Jesu:

—Siloé wame tiri copep̄ cuhsari copep̄ m̄h̄h̄ caperire coseḡ wahaya, nidi Jesu.

Siloé us̄ ye mehna niñe “Ohori cope”, niñe nidi.

Jesu tiquiro caperire cose dutiriquiro pehe waha, cose, caperi ih̄ñariquirore tojoa wihiri. <sup>8</sup> Tiquiro tojoa wihiḡ tiquiro cahap̄ ijiyequina tiquirore ih̄ñari. To pano niñeru sinimediquiro tiquiro ijiḡ ih̄ñariquina tiquirore oh̄ saha nidi tiquina basi:

—¿Ahriquiroy sohõ ijiriquiro niñeru sinitiquiro ijierajari? nidi tiquina.

<sup>9</sup>—Tiquirota ijire, nidi apequina pehe.

—Tiquiro ijierare. Tiquiro saha bajueriquiro ijire, nidi apequina pehe.

Tiquina sa nigã tãhoro caperi bajueramediquiro pehe ohõ saha nidi:

—Tiquiro tjiaja yãhã, nidi tiquinare.

<sup>10</sup>Tiquiro sa nigã masa tiquirore sinituri.

—¿Caperi bajuegã ijirigã dãhse waha ihñari mãhã? ni sinituri tiquina tiquirore.

<sup>11</sup>—Jesu wame tiriquire sihco co mehna dihta mehna dahra more, yãhã caperire wisõri. Yãhãre wisõ tuhasa “Siloé wame tiri copepã mãhã caperire cosegã wahaya”, tiquiro nigã cosegã esã yãhã. Yãhã sa coseri bato yãhã caperi quehnoano bajuri yãhãre, ni, yahuri tiquiro masare.

<sup>12</sup>—¿Mũhãre sa yeriquiro nohopã ijiagari tiquiro? nidi tiquina.

—Õbah. Noho ijiro ijiaga, nidi tiquiro.

### *Caperi bajueramediquirore fariseo masa sinituahye*

<sup>13</sup>Sa ni yahuducu tuhasa tiquina caperi bajueramediquirore fariseo masa cahapã neari. <sup>14</sup>Ti deco Jesu dihtare sihco co mehna dahra more caperi bajueriquirore tiquiro ihñagã yeri deco saurú deco ijiri. Ti deco usã sori deco ijiri. <sup>15</sup>Sa ye fariseo masa pehe tiquirore sinituahye tja.

—¿Dãhse ye mãhã ihñari? ni sinituahye tiquina.

—Dihta mehna yãhã caperire wisõri. Sa yegã yãhã caperire yãhã coseri bato ihña dũcaã yãhã, ni yahuahye tiquiro tiquinare.

<sup>16</sup>—Tiquiro saurú decore mari sori decore mari dahra dutieri decore dahraya. Sa yero tiquiro Cohãcjũ yaquiro ijierare, niahye apequina fariseo masa pehe.

Apequina pehe ohõ saha niahye:

—Ñãñene yeriquiro ohõ saha yãhdũo masiedare. Sa yero tiquiro quehnoariquiro ijiboaga, niahye apequina.

Sa ye tiquina pãa curua tu wahye tiquina basi. <sup>17</sup>Sa ye pari turi tiquina caperi bajueramediquirore sinituahye tja.

—¿Mũhãre caperire quehnoano yeriquirore mãhã waro dãhse ni tãhotuajari Jesure? niahye tiquina tiquirore.

—Tiquiro potota Cohãcjũ yere yahu mãhtariquiro ijire, niahye caperi bajueramediquiro.

<sup>18</sup>Coã waropãre judio masa ohõ saha ni tãhotumahye. “Ahriquiroy caperi bajueramediquiro ijierare”, ni tãhotumahye tiquina. Sa ni tãhotuye caperi bajueramediquiro pacũsumãare pijioahye tiquina. <sup>19</sup>Pijio, tiquiro pacũsumãare sinituahye fariseo masa pãhtoa.

—¿Ahriquiroy potota mãsa macã ijiajari? ¿Duita tiquiro caperi bajueriquiro masa bajuari? ¿Potota caperi bajueriquiro ijieperota dãhsero ihñajari yojopãre? ni sinituahye tiquina tiquiro pacũsumãare.

<sup>20</sup>—Ahriquiroy usã macãta ijire. Sa yero duita caperi bajueriquiro masa bajue tiri tiquiro. <sup>21</sup>Tire masiepenata tiquiro ihñarire, tiquirore ihñagã yeriquiro gãhãre masiedaja usã. Usã macãre sinituya. Bũcãro ijire tiquiro. Tiquiro basi yahu masine, niahye tiquiro pacũsumãa.

<sup>22</sup>Judio masa usã pãhtoa coã waropãre ohõ saha nie tiahye.

—“Jesuta Cristo Cohãcjũ ohoriquire ijire”, niñequinare mari buheye wãhãsepã sajã dutisi usã, nie tiahye judio masa pãhtoa.

Tiquina sa nigã tãhoye caperi bajueramediquiro pacũsumãa judio masa pãhtoare cue niahye. <sup>23</sup>Sa cueye, “Bũcãro ijire tiquiro. Tiquirore sinituya”, niahye tiquina judio masa pãhtoare.

<sup>24</sup>Came judio masa pãhtoa pari turi pijioahye caperi bajueramediquirore tja. Pijio ohõ saha niahye tiquirore:

—Cohãcjũ mehna poto yahuya mãhã. Jesure ni mehoriquiro tiquiro ñãñe yeriquiro ijigũ usã masiaja. Sa yegã poto yahuya usãre, niahye judio masa caperi bajueramediquirore.

<sup>25</sup>Tiquina sa nigã tãhoro ohõ saha ni yãhtiahye tiquiro:

—Jesure tiquiro ñãñe yeriquiro ijigũ masiedaja yãhã. Ihcãnota masiaja yãhã. Panopãre caperi bajuegã ijie tii yãhã. Yojopãre ihñaja yãhã. Ti dihtare masiaja yãhã, ni yãhtiahye caperi bajueramediquiro tiquinare.

26 —¿Dahse yeri mähare tiquiro? ¿Mähü caperi ihñatire dahse yeri tiquiro mähare? ni sinituahye tiquina.

27 —Tireta müsare yahu tuhasami yähü. Yähü sa niepegäta müsä ne taho duerare yähüre. ¿Dahse ye duana pari turi yähü yahugü taho duajari müsä? ¿Müsä gähü tiquiro buhena iji duajari? niahye tiquiro tiquinare.

28 Tiquiro sa nigü taho ye tiquina tuhtiahye tiquirore:

—Mähü Jesu buherigü ijire. Üsã pehe Moise buhena ijiaja. 29 Potota Cohãcjü Moiserre yahuducue tiahye. Jesu tiquiro ahtaritore üsã masiedaja, niahye tiquina caperi bajueramediquirore.

30 Tiquina sa nigü yuhtiahye tiquiro:

—¿Tiquiro ahtaritore müsä masiedagü yähüre ihñagü yeriquiro ijire, Cohãcjü ohoriquiro ijieraboagari tiquiro? 31 Cohãcjü ñañe yeyequinare tiquina siniñene tahoerare. Ti püritare mari masiaja. Tiquinare tahoeraperota Cohãcjüre ño peoriquirore, tiquiro dutiyere yeriquirore tiquiro siniñene tahoerare Cohãcjü. 32 Coã waropure ahri yehpa iji ducagüpüre ne coã masa bajaropu caperi bajueriquirore ne ihcãquiro ihñagü yeriquiro marieda tiahye. 33 Sa yero Jesu Cohãcjü ohoriquiro ijieraro yähüre ihñagü yeraboaya tiquiro, niahye tiquiro tiquinare.

34 —Mähü duita ñagü ijie tiahye. ¿Sa ijiepegäta üsãre buhe duajari mähü? niahye judio masa pãhtoa tiquirore.

Sa ni tuhasayeta tiquina tiquirore cohã wio cãhye.

*Jesu yere cahmeeñequina caperi bajueyequina tiquina ihña masieno saha mari Pacure masiedare*

35 Sa yero caperi bajueramediquirore tiquina cohã wiorire Jesu tãhori. Sa tãhoro caperi bajueramediquirore boca saro tiquirore sinituri:

—¿Masunore Cohãcjü ohoriquirore wacü tutuajari mähü? nidi Jesu.

36 —¿Pãhto, noa ijiajari tiquiro? Tiquirore masigü wacü tutuagütja tiquirore, nidi caperi bajueramediquiro Jesure.

37 —Tiquirore ihña tuhasari mähü. Yojopure mähü mehna yahuducugü tiquirota ijiaja yähü, nidi Jesu caperi bajueramediquirore.

38 —Pãhto, mähüre wacü tutuaja, nidi caperi bajueramediquiro.

Sa nino tiquiro Jesu caha dusepe curi mehna quehe sa, tiquirore ño peori.

39 Tiquiro sa ño peogü ihñano ohõ saha nidi Jesu:

—Quehnoañequina, ñañequina gähü tiquina yerire masigü yei ahtaü ahri yehparure. Caperi bajueyequina tiquina ihña masieno saha tiquina yero saha ijiyequina yähü Pacure masiedare. Sa masieñequinare yähü Pacure masigü yei ahtaü yähü. “Üsã quehnoano masiaja”, ni tãhotumediquina quehnoano tiquina masiedarire masigü yei ahtaü yähü, nidi Jesu.

40 Tiquiro sa nigü taho ye meheñequinagã fariseo masa tiquirore ohõ saha nidi:

—¿“Caperi bajueyequina tiquina ihña masieno saha quehnoano masiedare müsä gähü”, nii niajari mähü üsãre? nidi fariseo masa Jesure.

41 Tiquina sa nigü ohõ saha nidi Jesu:

—Caperi bajueyequina tiquina ihña masieno saha poto müsä quehnoano masiedagü, müsare buhiri mariedaboaya. “Üsã quehnoano masina ijiaja”, müsä nidi buhiri, buhiri tina ijinine müsä yojopure, nidi Jesu tiquinare.

## 10

*Ovejare cohteriquiro quitire yahuahye Jesu*

1 Came queoye mehna buhero ohõ saha nidi Jesu:

—Ijirota niaja müsare. Ovejare cohteri sahrño sopecaha sajãedariquiro, sopecaha marienopu sajãriquiro pehe yaque bucuro ijire. 2 Sopecaha sajãriquiro pehe ovejare cohteriquiro ijire. 3 Sopecahare cohteriquiro sopecahare põore ovejare cohteriquiro sajãtore. Ovejare cohteriquiro yahuducugü tãho cãhtare tiquiro nuñequina oveja pari. Tiquinare pijioro tiquina wame mehna pisuducure tiquiro. Sa yero tiquinare sahrñopu ijiriquinare

piji wi docore sopecahapu. <sup>4</sup> Tiquiro yequinare ijipihtiyequinare piji wio tiquinare sa umu tãducure. Oveja pehe tiquiro yahuducuyere tãho masiñe tiquiro bato nuñu tãre. <sup>5</sup> Apequiore tiquina ihña masieniquiore nuñu tãedare tiquina. Sa ye apequina tiquina yahuducuyere tãhoye, cue oma sitea wahare, nidi Jesu tiquinare.

<sup>6</sup> Ahri queoyere tiquiro sa yahuepegãta tiquiro yahuyere masiedari tiquina.

*Jesu ovejare quehnoano cohteriquiro yero saha tiquiro yequinare quehnoano cohtere*

<sup>7</sup> Pari turi Jesu tiquinare yahuri tja:

—Ijirota niaja musare. Ovejare cohteri sahrino sopecaha yero saha ijiaja yuhu. <sup>8</sup> Ijipihtiyequina yuhu pano ahtayequina ni mehoñene buheyequina yaqueyequina yero saha ijire. Tiquina sa ijiepegãta oveja yero saha ijiequina yeequina pehe apequinare ne tãho cãedare. <sup>9</sup> Yuhu ovejare cohteri sahrino sopecaha yero saha ijiaja. Sopecaha sajãñequina yero saha ijire yuhare wacũ tutuayequina. Sa yegu tiquinare pecapu wahaboriquinare yuhduoutja. Ovejare cahmotari sahrino tiquinare cahmotariro sahata yuhu yuhduoyequinare cahmotaũtja. Sa ye tiquina cahmeñene cãoeta tiquina, nidi Jesu.

<sup>10</sup> Sa ni tuhasa ohõ saha ni nemori:

—Musare ni meho buheyequina ovejare yaqueyequina yero saha ijire. Apequina yaque duaye, apequina wejẽ duaye ahtare. Oveja yero saha ijieyequinare, yeequina ijipihtie decori Cohãcjũ mehna ijiatiquinare yegu ahtau yuhu. Sa yegu yeequina decoripe tiquina bucueatire ahtau yuhu. <sup>11</sup> Ovejare quehnoano cohteriquiro yero saha ijiaja yuhu. Ovejare quehnoano cohteriquiro yariatiquiro ijieperota tiquiro yequina ovejare cohtere, “Sijoro wahari”, nino. Yeequina Cohãcjũ mehna tiquina sa ijiducuatire yegu yariatja yuhu. <sup>12</sup> Oveja upuro cahacjũno pehe oveja upuro ijierare. Sa yeye oveja tiquiro yequina ijierare. Sa yero yairo ovejare tiquiro ihyaro ahtagũ ihñano tiquiro cahacjũno pehe ovejare cohã doco cã, oma cãa wahare. Tiquiro sa cohã

docori bato, yairo ovejare tiquiro ñehegũ ihñañe oveja pari oma site cãa wahare.

<sup>13</sup> Tiquiro cahacjũno pehe tiquiro wapataye dihitare cahmene. Sa yero tiquiro ovejare quehnoano cohte coerare, nidi Jesu.

<sup>14</sup> Sa ni tuhasa ohõ saha ni nemori:

—Ovejare quehnoano cohteriquiro yero saha ijiaja yuhu. Sa yegu yeequinare masiaja yuhu. Sa yeye yeequina pehe yuhare masine. <sup>15</sup> Sata yuhu Pacu gũhu yuhare masine. Sa yegu yuhu gũhu yuhu Pacure masiaja. Oveja yero saha ijieyequina yeequina Cohãcjũ mehna tiquina sa ijiducuatire yariatja yuhu. <sup>16</sup> Apequina oveja ape sahrino cjẽna yero saha ijieyequina apequina masa gũhu yeequina ijietã. Tiquina gũhare neagũtja. Sa ye yuhu yahuducugũ tãho cãeta tiquina gũhu. Sa ye yeequina ijipihtiyequina ihcã curuata ijietã. Sa yegu yuhu dihita yeequinare cohteitja, nidi Jesu.

<sup>17</sup> Sa ni tuhasa ohõ saha ni nemori:

—Yeequina Cohãcjũ mehna tiquina sa ijiducuatire yariatja yuhu. Yuhu yariari bato masa mujagũtja. Sa yeacju yuhu ijigũ yuhu Pacu yuhare cahñe. <sup>18</sup> Yuhu wejẽ dutieragũ yuhare wejẽ masiedaboaya tiquina. Yuhu cahmeno sahata yuhare wejẽeta. Sa yegu yeequina Cohãcjũ mehna tiquina sa ijiducuatire yariatja. Yaria masiaja yuhu. Sa yegu masa mija masiaja. Yuhu Pacu yuhare tireta ye dutiri, nidi Jesu.

<sup>19</sup> Tiquiro sa nigũ tãhoye judio masa puã curua tu wari. Apequina sijoro tãhotu, apequina gũhu sijoro tãhoturi.

<sup>20</sup> —Tiquiro watino cãore. Sa yero tãho masiedare. ¿Dahsena tiquiore pari turi tãhoajari musa? nidi apequina peyequina judio masa.

<sup>21</sup> Apequina pehe ohõ saha nidi:

—Watino cãoriquiro ijero sa ni yahuducueraboaya. Caperi bajueriquiore ihñagũ ye masiedare watinore cãoriquiro. Sa yero watinore cãoerare Jesu, nidi apequina judio masa.

*Judio masa Jesure cahmedahye*

<sup>22</sup> Ape deco usã acaye judio masa Jerusalẽpu bõse deco yeye nidi pari turi. Cohãcjũ wuhare panopu Cohãcjũre tiquina ohorire tiquina wacũati deco ijiri. Ti pjere

pohecú ijiri. <sup>23</sup> Ti decore Salomo wame tiri tucūrú Cohācjū wāhūrú ijiri tucūrú Jesu ihña tinino nidi. <sup>24</sup> Ti tucūrú tiquiro ijigū ihñañe usā acaye judio masa tiquiro caharú cahmecoa, tiquirore sinituri.

—Yoabutiari pje usāre quehnoano yahueraga mūhū. Poto usāre quehnoano yahu madoqueohya mūhū. ¿Cohācjū ohorigū Cristota ijiajari mūhū? nidi tiquina Jesure.

<sup>25</sup> Tiquina sa nigū tūhoro ohō saha ni yūhtiri Jesu:

—Mūsare yahu tuhasamajagū. Yūhū sa yahuepegūta yūhūre tūho duerare mūsa. Yūhū Pacū yūhūre tiquiro dutiriro sahata tiquiro tutuaye mehna ye ihñojaja. Sa yegū yūhū Cristo ijiereta mūsare ihñogū niaja. <sup>26</sup> Yūhū sa ihñoepegūta yūhūre tūho duerare mūsa. Mūsa pehe yeequina ijierare. Sa yena apequiro yequina oveja yero saha ijina, yūhū pehere tūhoerare mūsa. <sup>27</sup> Ovejare coheriquirore tiquiro yequina tiquina tūhoriro saha yūhūre yeequina tūhore. Sa yegū tiquinare masiaja yūhū. Sa ye tiquina yūhū mehna wahare. <sup>28</sup> Sa yegū ijipihtiye decori Cohācjū mehna ijigū yeaja tiquinare. Sa ye tiquina pecarū wahasi. Sa yegū yeequinare yūhū cohtegū apequina pehe ne yūhūre ehma masiedare yeequinare. <sup>29</sup> Yūhū Pacū yūhūre yeequinare ohoriquiro ijipihtiyequina yūhdūoro tutuariquiro ijire. Sa ye yūhū Pacū pehe yeequinare tiquiro cohtegū apequina pehe tiquiro gūhūre ne ehma masiedare tiquinare. <sup>30</sup> Yūhū, yūhū Pacū mehna ihcāta ijiaja, nidi Jesu judio masare.

<sup>31</sup> Tiquiro sa nigū tūhoye judio masa pehe tiquirore tiquina doque wejēati utā pacare pari turi nemedi tja. <sup>32</sup> Tiquina sa yegū ihñano Jesu sinituri tiquinare:

—Yūhū Pacū tutuaye mehna peye tahari ye ihñomi mūsare. ¿Dise boro pehere yūhū yeri buhiri yūhūre utā paca mehna doque wejē duajari mūsa? ni sinituri Jesu.

<sup>33</sup> Tiquiro sa nigū tūhoye ohō saha nidi tiquina:

—Cohācjū tutuaye mehna mūhū ye ihñori buhiri mūhūre utā mehna doque wejē dueraja usā. Cohācjūre mūhū ñano yahuducuri buhiri mūhūre utā paca mehna doque

wejē duaja usā. Masū ijiepegūta “Cohācjū ijiaja yūhū”, mūhū niñe buhiri mehna mūhūre utā paca mehna doque wejē duaja usā, ni yūhtiri tiquina.

<sup>34</sup> Tiquina sa ni yūhtigū tūhoro Jesu tiquinare yahuri:

—Mūsa gūhūre “Cohāmana”, ni pisuri Cohācjū. Sata ni ojoahye tiquiro dutiyere tiquina ojoari pūrū. <sup>35</sup> Cohācjū yere tiquina ojoari pū potota ijigū mari masiaja. “Ni mehoñe ijire”, ti pūre ni masiedaja mari. Sa yero tiquiro yere tūhoyequinare potota tiquiro “Cohāmana”, ni pisure. <sup>36</sup> Cohācjū yūhūre besetjiāno, ahri yehpapare ohori. Sa yegū yūhū “Cohācjū macū ijiaja”, yūhū nidi buhiri “Cohācjūre ñano yahuducuro nine Jesu”, nine mūsa yūhūre. ¿Dūhsena yūhūre sa niajari mūsa? <sup>37</sup> Yūhū Pacū tiquiro cahmediro sahata tiquiro tutuaye mehna yūhū ye ihñoepegū pūritare yūhū buherire “Poto tjire” niedaboaga mūsa. <sup>38</sup> Yūhū Pacū tiquiro tutuaye mehna yūhū ye ihñoepegūta yūhū pehere tūho duerare mūsa. Sa tūho duerapenata tiquiro tutuaye mehna yūhū ye ihñogū ihñana yūhū yerire “Poto tjire”, niña mūsa. Mūsa sa nina, yūhū Pacū mehna usā ihcāno saha ijigū masinata mūsa. Sa yena tūhonata mūsa, nidi Jesu tiquinare.

<sup>39</sup> Tiquiro sa nigū tiquina pari turi tiquirore ñehe duamedi. Tiquina sa ñehe duagū ihñano tiquiro duhti wijiaa wahari.

<sup>40</sup> Sa wijiariquiropūta Ńu masare tiquiro wame ye mūhtariorū Jordā asū māja taro pehepari pari turi Jesu wahari tja. Topū esaro tojoa cāri tiquiro. <sup>41</sup> Sa ye masa peyequina tiquirore ihñañe esari. Ohō saha nidi tiquina basi:

—Ńu pehe Cohācjū tutuaye mehna ye ihñoeadari. Sa ye ihñoeapegūta ijipihtiye Jesure tiquiro yahuri pehe queorota ijire, nidi masa tiquina basi.

<sup>42</sup> Sa ye topūre masa peyequina wacū tutua dūcari Jesure.

## 11

### *Lázaro wame tiriqiro yariaa wahahye*

<sup>1</sup> Sa ye Betania wame tiri maca cñano Lázaro wame tiriqiro dohatiro niahye. Ti macarū tiquiro wahmiosānumia gūhū

María, Marta mehna ijiri. <sup>2</sup> María pehe Jesure ehme sitiye pio wisōaticoro, ticoro poari mehna tiqirore tu coseaticoro ijire. Ticoro baharo Lázaro pehe dohatiro ni-ahye. <sup>3</sup> Sa ye tiquina numia apequinare Jesure yahu dutiye ohoahye.

—Pūhto, māhū cahīniqiro dohatiro nine, ni yahu dutiye ohoahye Lázaro wahmiosānumia.

<sup>4</sup> Ti quitire tūhoro ohō saha nidi Jesu:

—Yojopare Lázaro tiqiro dohatiye tiqiro yariati ijierare. Cohācjū tutu-ayere masare ihñotire yojopare tiqiro dohatire. Sa ye yūhū tutuagū yūhū ijigū gūhūre masa ihñæta, nidi Jesu.

<sup>5</sup> Jesu Martare, ticoro bahoro gūhūre, Lázaro gūhūre tutuaro cahīdi. <sup>6</sup> Sa nino Lázaro tiqiro dohatigū tūhoeperota topū Jesu pūa deco tojoari. <sup>7</sup> Pūa deco bato Jesu ohō saha nidi usāre tiqiro buhenare:

—Pari turi Judea yehpapū tojoa wahaūhna tja, nidi usāre.

<sup>8</sup> —Buhegū, canūagāta judio masa māhūre utā paca mehna doque wejē duamedī. ¿Dūhsegū pari turi tojoaa waha duajari māhū? nii usā pehe.

<sup>9</sup> Usā sa nigū tūhoro tiqirore tiquina wejē masiedarīne yahuro, queoye mehna buhero ohō saha nidi usāre:

—Pajiro tūhotueracāhña. Ihcā decore doce horari waro ijire. Asū deco cjūno ijigū quehnoano ihñaja mari. Sa yena decore tinina, ne pūha boraeraja mari. <sup>10</sup> Nahitianopū tiniñequina pūha boraahare. Asū deco cjūno mariedagū quehnoano ihñedare tiquina, nidi Jesu. (Sa nino ohō saha nino niahye: “Yojopare yūhū Pacū yere yūhū yahu pehoato dūhsarīne. Sa ye yūhūre wejē masiedarīne”, nino niahye.)

<sup>11</sup> Sa nino usāre yahu nemori tja:

—Mari mehna cjūno Lázaro, carīno niaga. Tiqiro sa carīpegūta yūhū tiqirore wahcōgū wahaūtja, nidi usāre.

<sup>12</sup> —Pūhto, Lázaro carīniqiro ijiro, yūhdarota, nii usā.

<sup>13</sup> Usā sa niepegūta Jesu “Carīno niaga”, nino “Yariaa wahare”, nino nidi jimedi. Tiqiro sa nigū tūhona “Lázaro soro niaga”, ni tūhotumi usā pehe. <sup>14</sup> Usā sa ni tūhotugū masino Jesu poto yahuri usāre:

—Lázaro yariaa wahaga. <sup>15</sup> Yūhū marieno tiqiro yariagū quehnoarīne. Sa yena māsa yūhūre wacū tutua nemonata. Isa mari ihñana wahaūhna tiqiro cahapū, nidi Jesu.

<sup>16</sup> Tomasu sūhdariqiro tiquina ni pisuriqiro ohō saha nidi usāre:

—Mari gūhū Jesu mehna wahaūhna. Tiqirore wejēñe, mari gūhūre wejēahdo, nidi Tomasu.

*Jesu sa ijiducugū yeriqiro masare masoriqiro ijire*

<sup>17</sup> Sa ye topare usā esari bato to cjēna ohō saha ni yahuri Jesure:

—Pititia deco wahare Lázaro mānanore masa copepū tiquina cūri bato, ni yahuri tiqirore.

<sup>18</sup> Betania pehe Jerusalē cahapū ihtia kilómetro yoaro ijiri. <sup>19</sup> Sa ye usā acaye judio masa peyequina Martare, María gūhūre ñehe quea utiye ahtahye Lázaro yariari bato. <sup>20</sup> Sa yero Jesu mehna usā esana tana yegū tūhoro Marta pehe usāre piti caro ahtari jiri. Ticoro sa piti caro wahagū María pehe tiquina ya wūhūpū tojoahye. <sup>21</sup> Sa piti caro Marta ohō saha nidi Jesure:

—Pūhto, yūhū bahū tiqiro yariato pano māhū ohōpū ijigū tiqiro yarieraboaya.

<sup>22</sup> Yojopū gūhūre Cohācjūre māhū sini basagū tiqiro māhū sinino sahata yerota, nidi Marta Jesure.

<sup>23</sup> —Māhū bahū masa wijiarota, nidi Jesu ticorore.

<sup>24</sup> —Ahri yehpa pihtiatī deco tiqiro masa wijiatore masiaja yūhū, nidi ticoro.

<sup>25</sup> Ticoro sa nigū Jesu yahuri tja:

—Yūhū masa wijiaagū yegū tjiaja. Yūhū sa ijiducugū yegū tjiaja. Yūhūre wacū tutu-ariqiro yarieperota sa ijiducurota. <sup>26</sup> Sa ye ijipihtiyequina Cohācjū mehna ijiducuyequina yūhūre wacū tutuayequina ne pecapū wahasi. ¿Ahrīre masiajari māhū? nidi Jesu ticorore.

<sup>27</sup> —Pūhto, masiaja yūhū. Cristo Cohācjū macū, “Ahri yehpapū ahtarota”, tiquina nidigū māhū ijigū masiaja yūhū, nidi Marta Jesure.

*Lázaro masa cope cahapū esaro Jesu uti-ahye*

<sup>28</sup> Marta sa ni tuhasa ticoro bahoro Maríare pijiro wahari.

—Marine buheriquiro mari ya macapure wihiri. Mähure pijire, derogã ni yahuahye Maríare.

<sup>29</sup> Ticoro sa nigũ tãhoro María sojaro mehna wahcãduca, usã cahapũ ahtahye Jesure ihñano taro. <sup>30</sup> Tiquina ya macapũ esera nii usã. Marta ticoro piti cariorpũ ijini usã. <sup>31</sup> Judio masa ti wãhãpũ Maríare ñehe quea utiye niahye. Sa ye ticoro wahagũ ihñañe, tiquina ticorore nãũ tã cãhye. “Ticoro bahuro mnanore tiquina cũri copepũ utiro waharo nine ticoro”, ni tãhotumahye tiquina. Sa ni tãhotuye ticorore nãũ tã cãhye.

<sup>32</sup> Sa yero María usã cahapũ wihiro, Jesure ihña, tiquiro dahpocãri cahapũ dusepe curi mehna quehe sari.

—Pãhto, yãhũ bahũ tiquiro yariato pano mãhũ ohõpũ ijigũ tiquiro yariaboaya, nidi ticoro Jesure.

<sup>33</sup> Sa yero judio masa ticoro mehna ahtariquina gãhũ tiquina utigũ ihñano Jesu pehe tutuaro bãjũ witi ñano jeripohna tiri.

<sup>34</sup> —¿Lázaro mnanore nohopũ cohãri masa? ni sinituri Jesu.

—Ihñaũ taya, ni piji cãri tiquina.

<sup>35</sup> Tiquina sa nigũ tãhoro Jesu utiri.

<sup>36</sup> —Lázaro mnanore Jesu tutuaro cahĩmeyari, nidi judio masa tiquina basi.

<sup>37</sup> Apequina pehe ohõ saha nidi:

—Caperi bajueriquirore ihñagũ yeriquiro ijire ahriquiro Jesu. ¿Sa yero Lázaro tiquiro yariato pano tiquirore yãhdũoeraboayari? nidi tiquina.

### *Lázaro masa wijiahye*

<sup>38</sup> Sa yero Jesu pari turi tutuaro bãjũ witi. Sa yena usã ijipihina Lázaro masa copepũ esã. Utãpũ tiquina seheri cope ijiri. Sa yero tiquiro pagure tiquina siõ sãa cũri cope ijiri. Sa yero ti cope pajiria utã mehna tiquina bihari cope ijiri.

<sup>39</sup> —Utã bihariare neña, nidi Jesu.

Tiquiro sa nigũ tãhoro Marta yariariquiro mnanano wahmiono ohõ saha nidi:

—Pãhto, yojopũ pititia deco waha tuhasare tiquiro yariari bato. Sa yero

tiquiro pagũ ijiriro urĩ yãhdũaga, nidi Jesure.

<sup>40</sup> —“Yãhũre wacũ tutuago Cohãcjũ tutuayere ihñagota”, mãhũre nimigũ, nidi Jesu Martare.

<sup>41</sup> Tiquiro sa nidi bato tiquina utã bihariare ne wiori. Tiquina sa nedi bato Jesu pehe ahmũsepũ ihña mũo, Cohãcjũre ohõ saha nidi:

—Mai, yãhũre mãhũ tãho tuhasari. Tire mãhũ yegũ masigũ bucueaja mãhũre.

<sup>42</sup> Yãhũre mãhũ decoripe tãhoducure. Tire masiaja. Sa masiepegũta yãhũ mãhũ ohorigũ yãhũ ijigũ ohõre ducuyequina tiquina masiatire mãhũre sa niaja. Tire “Potota ijire”, tiquina nino quehnoano sa nigũ niaja, nidi Jesu tiquiro Pacũrore.

<sup>43</sup> Sa ni tuhasa Jesu tutuaro sañuducuri:

—Lázaro ahtaya, ni sañuducuri tiquiro.

<sup>44</sup> Tiquiro sa nigũ yariariquiro mnanano omocarine tiquiro dahpocãri gãhũre suhti cahseri mehna tiquina dãhtemediquiro, tiquiro dapure suhtiro mehna tiquina wahmemediquiro, masa copepũ wijia tari.

—Tiquina dãhterire pãña tiquirore, nidi Jesu.

### *Judio masa pãhtoa pehe Jesure ñehe duamahye*

*(Mt 26.1-5; Mr 14.1-2; Lc 22.1-2)*

<sup>45</sup> Tiquiro sa masogũ ihñañe peyequina judio masa mehna cjẽna María mehna ahtariquina Jesure wacũ tutua, cahmedi.

<sup>46</sup> Apequina tiquina mehna cjẽna pehe fariseo masa cahapũ esaye, Jesu yerire yahuahye tiquinare. <sup>47-48</sup> Sa ye pahia pãhtoa, fariseo masa pãhtoa gãhũ cahmecoa, tiquina basi ohõ saha ni yahuducuahye:

—Jesu peye tahari Cohãcjũ tutuaye mehna ye ihñore. Tiquiro sa ye ihñogũ “Tire yeracãhña”, mari niedagũ ijipihitiyequina masa tiquirore cahmeñe, tiquiro mehna wahaboaga. Sa ye Roma cjẽna pãhtoa Cohãcjũ wãhũre cohã dutiye ohoeta tiquina yequina surarare. Mari ya dihta gãhũre ehmaeta tiquina. (Mari ya dihta cjẽna Jesure tiquina pãhoro cũgũ ihñañe Roma cjẽna pãhtoa “Marine cohãñe nine”, ni usua ñano yeeta marine.) ¿Sa yena dãhse

yenatari yojopare? ni yahuducuahye tiquina basi.

<sup>49</sup> Tiquina sa niepegāta apequiro Caifa wame tiriquire ti cūhmare pahia pūhtoro ijiro, tiquinare yahuahye:

—Musa pehe ne masiedare. <sup>50</sup> Judio masa ijipihina mari ye ijiatire ihcāquiro masuno tiquiro yariagū quehnoare. Tiquiro yari-eragū marine ijipihina judio masare cohā peho cāboaga. Tire musa masiedare, niahye Caifa tiquinare.

<sup>51</sup> Sa nino tiquiro esa tuharo sa nino niedahye. Pahia pūhtoro tiquiro ijigū judio masa ye ijiatire Jesu yariatire mari Pacu pehe Caifare sa ni yahu dutiahye. <sup>52</sup> Jesu yariaro judio masa dihitare yūhdūoro taro niedare. Sa yariaro ijipihitiyequina Cohācjū pohnene ahri yehpapū iji siteye-quina gūhūre ihcā curuata ijigū yeatire yariatiquiro ijiri Jesu. <sup>53</sup> Sa ye ti decota tiquina “¿Jesure dūhse ye wejēnatari mari?” ni yahuducuye, tiquirore wejēne tee niahye.

<sup>54</sup> Tiquina sa wejē duagū masino Jesu peyequina judio masa watoa pari turi tinino wahaerari. Sa yero masa marieno cahagā Efraī wame tiri macapū usāre siho wahari. Usāre ti maca siho tojoarīdi Jesu.

<sup>55</sup> Ti pjere pascua bose decori usā judio masa usā bose decori ijiato mehenogā dūhsatjiāri. Sa ye bose deco panogā masa peyequina apeye macari cjēna Jerusalēpū cahmecoari. Pascua cjēne tiquina ihyato pano Cohācjū yere yeye tehe, tiquina cah-momohnore cohoro saha tiquina ñañene cosee tee nidi. <sup>56</sup> Sa ye tiquina Jesure macañe niahye. Sa ye Cohācjū wūhūpū ijiyequina ohō saha ni yahuducuahye:

—¿Bose decore ihñano ahtaeraboari Jesu, musa tūhotugū? niahye tiquina basi.

<sup>57</sup> Sa ye pahia pūhtoa, fariseo masa gūhū ohō saha ni yahu dutiahye masare:

—Jesu wihigū ihñana, yahuya usāre. Tiquirore ñehena tana niaja, niahye pūhtoa masare.

## 12

*María Jesu dahpocārine ehme sitiye mehna pio peohye*  
(Mt 26.6-13; Mr 14.3-9)

<sup>1</sup> Jesu, usā tiquiro buhena mehna Betaniapū usā esari bato pascua deco esato seis decori waro dūhsarīdi. Lázaro Jesu masoriquiro ti maca cjāno ijiri. <sup>2</sup> Usā esari bato Jesu gūhū usā ihyatire dahreri apequina. Sa ye Lázaro, Jesu, usā mehna mesa cahapū nuju sau. Usā sa nuju sari bato Marta ihyayere peori usāre. <sup>3</sup> Sa yero María ehme sitiye uhsere nardo wame tiye cohoi uhsere kilo deco mehna ne cāhta Jesu dahpocārine pio peori. Ti uhsē wapa ti yūhdūari. Pio peo tuhasa ticoro poari mehna wūori. Ticoro sa pio peori bato ti wūhū quehnoano ehme siti sehsaa wahari. <sup>4</sup> Usā mehna cjāno, Jesure ihñā tuhtiye-quinare ihñoatiquiro Juda Iscariote pehe ohō saha nidi:

<sup>5</sup> —¿Dūhse yero ahricoro sa ye siteajari? Tire ticoro duaboaya. Tire duaro tres cientos niñeru cjoerire wapataboaya. Sa yero ticoro ti niñerure pejecūoyequinare ohoboaya, nidi tiquiro.

<sup>6</sup> Juda pehe pejecūoyequinare yedoho duerari. Tiquiro usā niñerure ihbo basariquiro ijieperota yaqueriquiro ijiri. Sa yero tiquiro usā niñerure ihquē tahari ne mūjari. Sa yero “Ti niñerure neitja”, nino, sa nidi Mariāre tiquiro.

<sup>7</sup> Tiquiro sa nigū tūhoro ohō saha nidi Jesu:

—Sa niedacāhñā ticorore. Ticoro ehme sitiye yūhūre ticoro dūharire yūhūre pio peori, yūhūre tiquina yato pano yūhū pagūre quehnoyuro. Pejecūoyequina pehe musa mehna sa ijiducueta. Sa yena tiquinare oho masine musa. <sup>8</sup> Yūhū pehe ahri yehpapūre musa mehna sa ijiducusi, nidi Jesu.

### *Pahia pūhtoa Lázarore wejē duahye*

<sup>9</sup> Sa ye Jesu Betaniapū tiquiro ijigū tūhoye, usā acaye judio masa peyequina tiquirore ihñañe ahtari. Tiquiro dihitare ihñañe ahtaye niedari. Lázaro yari-amediquirore Jesu masoriquirore tiquiro gūhūre ihñañe ahtaye nidi. <sup>10</sup> Tiquina ihñañe esarire masiñe, pahia pūhtoa Lázaro gūhūre wejē duari. <sup>11</sup> Lázaro yari-amediquiro Jesu masoriquiro ijigū ihñañe peyequina masa Jesure wacū tutuari. Tiquiro sa masogū ihñañe peyequina judio



masa tiquina pahia ye buheye pehere duhu cãri. Tiquina sa duhugũ ihñañe pahia pũhtoa pehe usua yũhdũye Lázarore wejẽ duari.

### *Jerusalẽpũ esahye Jesu*

(Mt 21.1-11; Mr 11.1-11; Lc 19.28-40)

<sup>12</sup> Pascua bose decore tiquina yegũ peyequina masa Jerusalẽpũ ihñañe wahari jiri. Ape deco Jerusalẽpũ Jesu ahtatire masa tũhori. <sup>13</sup> Sa ye iqui pohnarine ne cã, tiquireore piti caye wahari. Sa piti caye ohõ saha ni sañuducuri tiquina:

—Ahriquireore ño peouhna. Ahriquireo Cohãcjũ ohoriquireo quehnoano ijiahro. Ahriquireo judio masa mari pũhtoro tjire, ni sañuducuri tiquina.

<sup>14</sup> Jesu burrogã tiquireo bocariquireogã bui pesari. “Ohõ sahata yerota”, ni ojoahye Cohãcjũ yere tiquina ojoari pũpũ:

<sup>15</sup> Jerusalẽ wame tiri maca cjãna, cueracãhña mũsa. Ihñaña. Mũsa pũhtoro burrogã bui pesa cãhtare, ni yahuahye Cohãcjũ yere tiquina ojoari pũpũ.

<sup>16</sup> “Tiquina sa ni ojoari Jesure nino niaga”, ni, usã tiquireo buhena quehnoano masiedarĩi. Sa masiedapenata uhmũsepũ Jesu mũjari bato usã ti ojoarire wacũ boca tũho masii. Ohõ saha ni tũhotuu: “Cohãcjũ yere tiquina ojoari pũ pehe Jesure yahuro nimeya. Sa ye Cohãcjũ yere tiquina ojoari pũ nidiro sahata yeri masa Jesure”, ni tũhotu, masii usã.

<sup>17</sup> Lázarore masa copepũ ijiriquireore Jesu pisu masogũ ihñariquina pehe yahuri masare. <sup>18</sup> Sa ye Lázarore Jesu masorire tũhori bato masa peyequina Jesure ihñañe ahtari. <sup>19</sup> Tiquina sa ahtagũ ihñañe fariseo masa tiquina basi ohõ saha niahye:

—Ijipihtiyequina Jesu yequina dihita wahaye nine yojopũre. Sa yena mari dũhse ye masiedaga tiquireore, niahye fariseo masa tiquina basi.

### *Meheñequinagã griego masa Jesure maca cãhtahye*

<sup>20</sup> Sa ye bose deco Cohãcjũre ño peoye ahtayequina mehna cjẽna meheñequinagã griego masa ijiri. <sup>21</sup> Sa ye tiquina Felipe cahapũ wihiahye. Felipe pehe Bet-saida wame tiri maca Galilea yehpapũ ijiri

maca cjãno ijiri. Sa ye tiquireo cahapũ wihiriquina ohõ saha niahye tiquireore:

—Jesure ihña duaga usã, niahye tiquina.

<sup>22</sup> Tiquina sa nigũ tũhoro Felipe Andrepũre tire yahuro wahahye. Sa ye tiquina pũaro Jesure yahuri. <sup>23</sup> Tiquina sa ni yahuri bato Jesu tiquireore yahuri:

—Yũhũ masũ Cohãcjũ ohorigũ ijiaja. Yũhũre ijipihtiyequina tiquina ño peoati pje yojopũre ijirota nine. Yojopũre yũhũ yariati pje ijirota nine. <sup>24</sup> Potota mũsare yahugũ niaja. Oteri pjere yehpapũ mari yaeragũ, ti pjere mari oteragũ ihcã pjeta tojoarota. Sa yero ti pjere mari yari bato pihni, dũca tirota. (Sata yũhũ yariari bato yũhũre tiquina yari bato peyequina masare Cohãcjũ mehna sa ijiducuatiquina ijigũ yeitja yũhũ.) <sup>25</sup> Ahri yehpapũ mũsa ijiyere pajiro tũhotuboaga mũsa. Sa tũhotuna Cohãcjũre wacũedana, pecapũ wahanata mũsa. Ahri yehpapũ mũsa ijiyere sa tũhotu cãna, Cohãcjũ mehna sa ijiducunata. <sup>26</sup> Yeere ye duana yũhũ buheyere quehnoano tũhoya mũsa. Mũsa sa yena mũsa gũhũ yũhũ ijirorpũ ijinata. Yeere yeriquireore yũhũ Pacũ pehe ño peorota, nidi Jesu.

### *Jesu tiquireo yariatore yahuahye*

<sup>27</sup> Sa ni tuhasa ohõ saha ni nemori:

—Yojopũre yũhũ ñano jeripohna tiaja. ¿Yũhũ Pacũre dũhse nigatari yũhũ? ¿“Mai, yũhũ ñano yũhdũatire yeracãhña yũhũre”, niboagari yũhũ? Tire niedaja yũhũ. Ñano yũhdũacjũta ahri yehpapũ ahtaũ. Sa yero yũhũ ñano yũhdũati pje yojopũre ijirota nine, ni yahuri usãre tiquireo buhenare.

<sup>28</sup> Sa yero ohõ saha nidi tiquireo Pacũrore:

—Mai, mũhũ tutuagũ ijiyere yojopũre ihñaña masare, nidi Jesu tiquireo Pacũrore. Tiquireo sa nigũ uhmũsepũ yahuducuro ca tari:

—Tutuagũ yũhũ ijiyere masare ihña tuhasaũ. Yojopũre sa yegũ pari turi ihñoutja masare, nino ca tari.

<sup>29</sup> Tiquireo sa nigũ tũhoye topũ ducuyequina masa peyequina ohõ saha nidi:

—Upo ijiaga sa bisiro, nidi masa.

—Angel Jesure yahuro nidi, nidi apequina masa.

<sup>30</sup> Ohõ saha nidi Jesu pehe:

—Ūhmusep̄ sa bisiro yuh̄re t̄ho dutiro niedari. M̄sa pehere t̄ho dutiro sa bisiro ca tari. <sup>31</sup>Yojop̄re ahri yehpa cj̄na tiquina ñāne yeri buhirire buhiri dahrerota tiquinare. Ahri yehpa cj̄na p̄h̄toro wat̄n̄ore coh̄nota Coh̄cj̄. <sup>32</sup>Sa yeḡu yuh̄re curusap̄ tiquina wahc̄o docoḡu peyequina masare yeequina ijiatiquinare yeitja yuh̄, nidi Jesu.

<sup>33</sup>Sa nino curusap̄ tiquiro yariatire yahuro nidi Jesu masare. <sup>34</sup>Tiquiro sa niḡu t̄hoye masa pehe tiquirore oh̄o saha nidi:

—Coh̄cj̄ yere tiquina ojoari p̄p̄ oh̄o saha nine: “Cristo ij̄pihtiye decori ij̄irota”, ni ojoahye. ¿Tiquiro sa ni ojoaḡu m̄h̄re masare Coh̄cj̄ ohorigare dahse yeye curusap̄ wahc̄o docoetari masa m̄h̄re? ¿Mas̄no Coh̄cj̄ ohoriquiro noa ij̄ajari tiquiro? ni sinituri tiquina.

<sup>35</sup>Tiquina sa niḡu oh̄o saha ni yuh̄tiri Jesu:

—Buhrioro mehna mari ih̄na masiḡu yero saha masare Coh̄cj̄ yere quehnoano masiḡu yeaja yuh̄. Came cj̄noḡa m̄sa mehna ij̄isi yuh̄. M̄sare yuh̄ buheḡu yojop̄re t̄hoya m̄sa “Ñāne yeari”, nina, Coh̄cj̄ mehna m̄sa sa ij̄iducuatire. Yuh̄ buheyere t̄hoeyequina nahitiano tiniñequina yero saha tiquina wahatore masiedare. <sup>36</sup>Sa yeḡu buhrioro yero saha ij̄iḡu ij̄aja yuh̄. Sa yeḡu m̄sare buheḡu Coh̄cj̄ yere quehnoano masiḡu yeaja m̄sare. Yojop̄re yuh̄ wahato pano yuh̄re wac̄u tutuaya. Sa wac̄u tutuana yeequina ijinata m̄sa, nidi Jesu.

Sa ni yahu tuh̄asa duhti c̄a wahari.

### *Judio masa Jesure cahmedahye*

<sup>37</sup>Peye tahari Coh̄cj̄ tutuaye mehna tiquinare Jesu tiquiro ye ih̄noep̄ḡta peyequina judio masa tiquirore ne t̄ho duerari. <sup>38</sup>Coh̄cj̄ yere tiquina ojoari p̄p̄ Isaia m̄n̄ano tiquiro ojoariro sahata yeye nidi tiquina. Oh̄o saha ni ojoahye Isaia m̄n̄ano:

Coh̄cj̄, m̄h̄ buheyere us̄a yahuḡu masa ne t̄ho duerare. M̄h̄ tutuayere tiquinare m̄h̄ ye ih̄noep̄ḡta, tire “Poto ij̄ierare”, nidi tiquina, ni ojoahye Isaia m̄n̄ano.

<sup>39</sup>Tiquina sa t̄ho dueraḡu ih̄n̄ano Coh̄cj̄ tiquinare masiedaḡu yeri. Ti ḡh̄re Isaia m̄n̄ano oh̄o saha ni ojoahye:

<sup>40</sup>Caperi bajueyequina yero saha ij̄iḡu yee tiah̄ye Coh̄cj̄ tiquinare. Sa yero tiquiro yere masiedaḡu yee tiah̄ye tiquinare. Sa ye tiquiro tutuayere ih̄naep̄ta tiquina ih̄narire masiedare. Sa ye tiquiro buheyere t̄hoep̄ta tire masiedare tiquina. Coh̄cj̄ ye buheyere masiñe tiquina ñāne yerire coh̄ dutiboaya. Sa yero tiquinare yuh̄d̄ooboaya tiquiro, ni ojoahye Isaia m̄n̄ano Coh̄cj̄ yere tiquina ojoari p̄p̄.

<sup>41</sup>Sa ni ojoaro Isaia Cristo tutuayere masino tiquiro nidiro sahata Cristore yahu ojoahye.

<sup>42</sup>Apequina Jesure tiquina cahmedapeḡta judio masa us̄a p̄h̄toa mehna cj̄na peyequina Jesure wac̄u tutua, cahmedi. Sa cahmep̄ta tiquina fariseo masare cueye apequinare “Jesu yequina wahā us̄a”, ni yahu duerari. Tire tiquina yahuḡu t̄hoye Jesure tiquina cahmedi buhiri judio masa us̄a buheri wuh̄p̄ tiquinare saj̄a dutieraboaga fariseo masa pehe. <sup>43</sup>Coh̄cj̄re bucueḡu ye duep̄ta ti yuh̄d̄oro fariseo masa pehere bucueḡu ye duari Jesure cahme d̄ucayequina. Sa ye tiquina “Jesu yequina wahā”, ni apequinare yahu duerari.

### *Jesu yahuyere tiquina t̄ho duerari buhiri masa buhiri tieta*

<sup>44</sup>Sa ye Jesu tutuaro sañuducu, yahuri:

—Yuh̄re wac̄u tutuariquiro yuh̄ dihitare wac̄u tutuerare. Yuh̄re ohoriquiro ḡh̄re wac̄u tutuare tiquiro. <sup>45</sup>Sa ye yuh̄re masiñequina yuh̄re ohoriquiro ḡh̄re masine. <sup>46</sup>Buhrioro mehna mari ih̄na masiḡu yero saha ahri yehpap̄ Coh̄cj̄ yere masiḡu yei ahtā nii yuh̄. Sa yeḡu Coh̄cj̄ yere masare masiḡu yeaja. Ih̄c̄aqui nahitiano wahariquiro yero saha ñāne yeducure. Yuh̄re wac̄u tutuariquiro tiquiro yero saha yesi. Yuh̄re wac̄u tutuariquiro potota t̄horota.

<sup>47</sup>Apequina yuh̄ yahuyere t̄hoep̄ta yuh̄ nidiro saha yerare. Tiquina sa yerapeḡta tiquina yerari buhirire buhiri

dahresi yuhu pehe tiquinare. Ahri yehpare buhiri dahregu ahtagu niedu yuhu. Ahri yehpa cjenare pecapu waboriquinare yuhduocju ahtagu nii yuhu. <sup>48</sup> Yuhure cahmeeñequina, yuhu yahuye gũhure cahmeeñequina buhiri dahrenohatiquina ijieta. Tiquina yuhu yahuyere tiquina tũhoerari buhiri ahri yehpa pihtiri deco ijigũpu buhiri tieta. <sup>49</sup> Yuhu esa tuharo yeraja. Yuhu Pacu yuhure ohoriquiro pehe yuhure yahu dutiri. Sa yero yuhu yahuye pehe tiquiro ye yahuducuye ijire. <sup>50</sup> Tiquiro ye yahuducuyere tũhona Cohãcjũ mehna sa ijiducunata mũsa. Sa yegu yuhu Pacu tiquiro yahu dutiriro sahata yahuaja mũsare, nidi Jesu.

## 13

### *Jesu buheyequina dahpocãrine coseahye tiquiro*

<sup>1</sup> Sa ye pascua deco bose deco panogã ahri yehpare tiquiro cohã cãtore tiquiro Pacuro cahapu tiquiro wahatore masidi Jesu. Sa yero ahri yehpa cjenare tiquiro yequinare tiquiro tutuaro cahĩdi tiquina mehna tiquiro ijiro puno. Sa cahĩducure tiquiro yequinare.

<sup>2</sup> Ti ñamine Jesu usã tiquiro buhena mehna usã ihyagũ Juda Iscariotere Simo macunore Jesure ihña tuhtieyquinare ihño duti tuhasari jiri watĩno pehe. <sup>3</sup> Sa yero mari Pacu Cohãcjũ Jesure ijipihtieyquina bui tiquiro puhtoro sũrire masidi Jesu. Sa yero Cohãcjũ cahapu tiquiro ahtarire came uhmũsepu tiquiro mũjati gũhure masidi. <sup>4</sup> Sa masino wahcãdũca, tiquiro suhtiro bui cãnore tu we ne, tore cũ tuhasa, suhtiro cahsero mehna tiquiro pari yũju dũhteri. <sup>5</sup> Dũhte tuhasa, waparopũ acore pio sãa, usã tiquiro buhena dahpocãrine cose dũcari. Uũsãre cose tuhasa tiquiro dũhteri cahsero mehna wũori usã dahpocãrine.

<sup>6</sup> Apequina buheyequinare cose cã, Simo Pedropũre esari. Tiquiro dahpocãrine tiquiro coseato pano Pedro pehe tiquirore ohõ saha nidi:

—¿Puhto, yuhu dahpocãrine cosegu tũ ni ajari mũhu? nidi Pedro Jesure.

<sup>7</sup> —Mianogã mũhure yuhu yeatire masiedare mũhu. Sa masiedapegũta camerũ masiita mũhu, nidi Jesu tiquirore.

<sup>8</sup> —Yuhu dahpocãrine ne cosesi mũhu, nidi Pedro.

—Mũhure yuhu coseragũ yaquiro ijisi mũhu, nidi Jesu.

<sup>9</sup> —Puhto, yuhu dahpocãri dihitare coseracãhña. Yuhu dahpocãrine, yuhu omocarine, yuhu dapu gũhure coseya, nidi Pedro.

<sup>10</sup> Tiquiro sa nigũ Jesu queoye mehna buhero ohõ saha nidi:

—Ihcãquiro masũno cuhsaro tiquiro pagure quehnoano tu cose pehore. Sa yero pari turi tiquirore tu cosero cahmedare. Tiquiro dahpocãri dihitare tu cosero cahmene. Ijipihtina mũsa ñañe yerire coserina mũsa ijiepegũta ihcãquiro mũsa mehna cãno tiquiro ñañene cosemehnediquiro ijire, nidi Jesu.

<sup>11</sup> Jesu tiquirore ihña tuhtieyquinare ihñoatiquirore masidi: Sa masino “Ihcãquiro mũsa mehna cãno tiquiro ñañene cosemehnediquiro ijire”, nidi.

<sup>12</sup> Uũsã dahpocãrine cose tuhasa, tiquiro suhtirore saña tuhasa, nuju sari tiquiro dujiriropũta.

—¿Mianogã mũsare yuhu yerire masiajari mũsa? <sup>13</sup> Mũsa yuhure “Buhegu”, ni pisuna, “Puhto”, ni pisuna poto ninata nine mũsa yuhure. Mũsare buhegu, mũsa puhto potota ijiaja yuhu. <sup>14</sup> Sa yena yuhu mũsare buhegu, mũsa puhto ijiepegũta mũsa dahpocãrine yuhu cosegũ ihñana mũsa gũhu mũsa mehna cjenã dahpocãrine coseya. <sup>15</sup> Mianogã mũsa yeatire mũsare ihñou. Mũsa mehna cjenare mũsa yedohoatire ihñou. Mũsare yuhu yeriro sahata mũsa gũhu yeya. <sup>16</sup> Ijirota niaja mũsare. Mũsa yuhu cahacjenã yero saha ijina yuhu bui ijierare. Mũsare buhe duti yuhu ohorina ijire mũsa. Sa yena yuhu bui ijierare mũsa. Sa yegu “Yuhu yeriro sahata yeya”, nii mũsare. <sup>17</sup> Ahrire masina, yuhu dutiyere yena, bucuena ijinata mũsa.

<sup>18</sup> Mũsare ijipihtinare sa niedaja. Yuhu beseriquinare masiaja yuhu. Cohãcjũ tiquiro yere tiquina ojoari pũpu tiquiro ni ojoariro sahata waharota. “Yuhu mehna ihyariquirota yuhure wejẽ duari”, ni ojoahye Cohãcjũ yere tiquina ojoari pũpu.

19 Tiquiro sa yeato pano ahrire yahuyugũ niaja m̄sare. Yũhũre tiquiro sa yeri bato, “Jesuta Cristo Cohãcjũ ohoriquirota ijire”, m̄sa niatire ahrire m̄sare yahuyugũ niaja yũhũ. 20 Ijirota m̄sare niaja. Yũhũ ohoriquinare cahmediquiro yũhũ gũhũre cahmene tiquiro. Sa yero yũhũre cahmediquiro yũhũre ohoriquiro gũhũre cahmene tiquiro, nidi Jesu usãre tiquiro buhenare.

*Juda Jesure ihña tuhtiequinare tiquiro ihñootore yahuahye Jesu*

*(Mt 26.20-25; Mr 14.17-21; Lc 22.21-23)*

21 Sa ni yahu tuhasa Jesu tutuaro bujua witiri. Sa bujua witiro yahuri tiquiro usãre.

—Ijirota m̄sare niaja. Ihcãquiro m̄sa mehna cjũno yũhũre ihña tuhtiequinare yũhũre ihñonota, nidi Jesu.

22 Tiquiro sa nigũ tuhona Jesure ihñootiquirore masiedana, usã basi cahme ihñaa. 23 Jesu buheyequina mehna cjũ yũhũ, Jesu cahĩdigũ ijii. Sa yegũ tiquiro cahapũ pari paha dujii. 24 Sa yero Simo Pedro yũhũre tiquiro omoca mehna sinituri:

—¿Jesure ihñootiquiro noa pehere nino niajari Jesu? Yahuya usãre, nino, tiquiro omoca mehna sinituri Pedro.

25 Tiquiro sa nigũ yũhũ pehe Jesu cahapũ dujirigũ sinituu tiquirore:

—¿Pũhto, noare nigũ nijari m̄hũ? nii yũhũ.

26 —Ahria pãre dahra waha ne, yũhũ ña mio yũhũ ohoatiquiro pehe tiquirota ijire yũhũre ihñootiquiro, nidi Jesu.

Sa ni tuhasa pãre tiquiro dahra waha nedirore ña mio tuhasa tire Simo Iscariote macũnore Judare ohori. 27 Sa yero pãre tiquiro ñehedi bato watĩno pehe Judare ñano ye dutiri jiri. Sa yero Jesu tiquirore ohõ saha nidi:

—M̄hũ yeatore sojaro mehna ye madoqueohya m̄hũ, nidi Jesu Judare.

28 Tiquiro sa nigũ tuhona usã mesapũ dujina, Jesu Judare tiquiro nidire quehnoano masieda. 29 Ihquẽquina ohõ saha ni tuhutumi: “Juda usã niñerure ihboriquiro ijire. Sa yero bose deco usã ihyatire dú dutiro ohori Jesu Judare. O pejecũoyequinare niñerure oho dutiro niboaga Jesu”, ni tuhutumi usã ihquẽquina. 30 Sa yero Juda

ti pãre ñehe tuhasa, wijiia wahari. Tiquiro wijiari pje ñami ijiri.

*Wahma dutirore yahuahye Jesu*

31 Tiquiro wijiari bato ohõ saha nidi Jesu:

—Yojopũ pũritare yũhũ masũ Cohãcjũ ohorigũ yũhũ tutuagũ yũhũ ijiye tiyere ihñonota Cohãcjũ masare. Sa yegũ Cohãcjũ tiquiro tutuariquiro ijiyere ihñoutja yũhũ pehe. 32 Sa yegũ Cohãcjũ tiquiro tutuayere yũhũ ihñogũ tiquiro pehe yũhũ tutuaye gũhũre yojopũ pũritare ihño madoqueorota. 33 Yũhũ pohna yũhũre tuhoya. Meheñe decorigã m̄sa mehna ijinigutja. Yũhũ wahari bato yũhũre macanata m̄sa. Sa yegũ mari acaye judio masare yũhũ nidiro sahata m̄sa gũhũre niaja. “Yũhũ wahatore m̄sa pehe waha masiedare”, tiquinare yũhũ nidiro sahata m̄sa gũhũre yahujaja. 34 Wahma dutirore m̄sare yahugutja. M̄sa mehna cjẽnare cahĩña m̄sa. M̄sare yũhũ cahĩdiro sahata, m̄sa mehna cjẽnare cahĩña. 35 Sa yena m̄sa mehna cjẽnare m̄sa cahĩgũ ihñañe, yeequina m̄sa ijiyere masieta apequna, nidi Jesu usãre.

*“Jesure masiedaja”, Pedro tiquiro niatire yahuahye Jesu*

*(Mt 26.31-35; Mr 14.27-31; Lc 22.31-34)*

36 Tiquiro sa nigũ Simo Pedro Jesure sinituri:

—¿Pũhto, nohopũ wahautjari m̄hũ? nidi Pedro.

—Yũhũ wahatopũre yojopũre yũhũ mehna waha masiedare m̄hũ. Yojopũre waha masiedapegũta came yũhũ cahapũ wahautã m̄hũ, nidi Jesu Pedore.

37 —¿Pũhto, dahsegũ yojopũre m̄hũ mehna waha masiedaboari yũhũ? Yũhũre tiquina wejẽ duepegũta m̄hũre ne duhusi yũhũ, nidi Pedro Jesure.

38 —¿Yũhũre ne duhueragutari m̄hũ? Poto m̄hũre yahutja. Canaca tiquiro yahuato pano “Jesure masiedaja”, niita m̄hũ apequnare. Ihtia taha sa niita m̄hũ, nidi Jesu Pedore.

## 14

*Jesu Cohãcjũ cahapũ wahari maha yero saha ijire*

1 Came Jesu usãre ohõ saha ni yahuri:

—Ne bujua witi, pajiro wacũedacãhña. Cohãcjũre wacũ tutuaya. Sa yena yũhũ gũhũre wacũ tutuaya. <sup>2</sup> Yũhũ Pacũ tiquiro ijiropũre peye wũhũse ijire. Mũsa ijiatore quehnoyugũ wahagũtja. Ti ijirota ijire. Sa yegũ mũsare tire yahuaja. <sup>3</sup> Sa yegũ mũsa ijiatore quehno tuhasa, tojoa tautja yũhũ. Sa yegũ yũhũ cahapũ mũsa ijiatire mũsare negũ ahtautja yũhũ. <sup>4</sup> Sa yena yũhũ wahati mahare masine mũsa, nidi Jesu usãre tiquiro buhenare.

<sup>5</sup> —Puhto, mũhũ wahatore masiedaja usã. ¿Sa yena dũhse ye mũhũ wahati mahare masinatari usã? ni sinituri Tomasu Jesure.

<sup>6</sup> Tiquiro sa ni sinitugũ Jesu yũhtiri:

—Cohãcjũ cahapũ wahagũ yegũ ijiita niaja yũhũ. Sa yegũ poto ijiyere yahugũ ijiita niaja yũhũ. Sa yegũ uhmũsepeure catiducugũ yegũ ijiita niaja yũhũ. Sa ye yeequina dihita yũhũ Pacũ cahapũ wahaeta. <sup>7</sup> Yũhũre masina, yũhũ Pacũ gũhũre masiboya mũsa. Yojopeure tiquirore ihñari mũsa. Sa yena tiquirore masi tuhasare mũsa, nidi Jesu usãre.

<sup>8</sup> Tiquiro sa nigũ Felipe ohõ saha nidi:

—Puhto, mari Pacũre ihñõña usãre. To punota ihña duaja usã, nidi tiquiro.

<sup>9</sup> Tiquiro sa nigũ Jesu yahuri:

—¿Felipe, yoari pje yũhũ mehna ijiepegũta, mũhũ masiedajari yũhũre? Yũhũre ihñariquiro yũhũ Pacũ gũhũre ihña tuhasari. ¿Sa yegũ “Mari Pacũre ihñõña usãre”, nigũ dũhsegũ sa niajari mũhũ yũhũre? <sup>10</sup> Yũhũ, yũhũ Pacũ mehna pũana ijiepenata ihcũta ijiaja. ¿Tire “Poto ijierare”, niimeje niajari mũhũ? Mũsare yahugũ yũhũ esa tuharo yahugũ niedaja. Yũhũ Pacũre yahu basagũ niaja. Sa yero tiquiro yũhũ mehna ijiriquiro tiquiro tutuaye mehna ye ihñore. <sup>11</sup> Yũhũ, yũhũ Pacũ mehna pũana ijiepenata ihcũta ijiaja. Tire “Ijirota ijire”, ni wacũña mũsa. Tire “Ijirota ijire”, niedana, Cohãcjũ tutuaye mehna yũhũ ye ihñorire wacũna, yũhũ Pacũ mehna yũhũ ihcũta ijiyere “Ijirota ijire”, ni wacũña mũsa. <sup>12</sup> Ijirota mũsare niaja. Yũhũre wacũ tutuariquiro yũhũ yeriro sahata yerota. Sa yero tiquiro pehe yũhũ yũhdũoro yerota. Yũhũ Pacũ cahapũ tojoa wahau tũu niaja yojopeure. Sa yero yũhũre wacũ tutuariquiro yũhũ yũhdũoro Cohãcjũ

tutuaye mehna ye ihñonota. <sup>13</sup> Sa yegũ yũhũre wacũ tutuayequina tiquina sinino punota yeitja. Sa yegũ yũhũ Pacũ tiquiro tutuariquiro ijiyere ihñoutja. <sup>14</sup> Yũhũre wacũ tutuana mũsa ijigũ mũsa sinino punota yeitja, nidi Jesu.

—*Espĩritu Santore mũsare ohoutja, ni yahuahye Jesu*

<sup>15</sup> Sa ni tuhasa ohõ saha ni nemori:

—Yũhũre mũsa cahĩna, yũhũ dutiyere quehnoano ye pehonata. <sup>16</sup> Yũhũ Pacũre sinitja. Yũhũ sa sinigũ yũhũ Pacũ pehe apequirore mũsare yedohoatiquirore mũsare ohorota. Sa yero tiquiro mũsare yedohoatiquiro pehe ijipihtiyere decori mũsa mehna ijirota. <sup>17</sup> Tiquiro poto yahuriquiro Espĩritu Santota ijire. Ahri yehpa cjẽna pehe Espĩritu Santore masiedare. Sa ye tiquirore cũo masiedare. Tiquirota mũsa mehna ijirota. Sa yena mũsa pehe tiquirore cũonata. Sa yena tiquirore masine mũsa. <sup>18</sup> Mũsare cohãsi yũhũ. Mũsa mehna ijigũ tagũ, tojoa tautja yũhũ. <sup>19</sup> Sa ijiepegũta mehenogã dũhsare yũhũ wahato. Yũhũ wahari bato ahri yehpa cjẽna yũhũre wacũ tutueyequina yũhũre pari turi ihñasi. Mũsa pehe yũhũre ihñanata. Yũhũ catigũ ijigũ mũsa gũhũ ijipihtiyere decori Cohãcjũ mehna catinata. <sup>20</sup> Ti deco yũhũ tojoa tati deco yũhũ Pacũ mehna ihcũta usã ijigũ masinata mũsa. Sa yegũ yũhũ mehna cjãna mũsa ijigũ mũsa mehna cjũ yũhũ ijigũ gũhũre masinata mũsa. <sup>21</sup> Yũhũ dutiyere yeriquiro yũhũre cahĩniquirota ijire. Sa yero yũhũre cahĩniquirore yũhũ Pacũ pehe cahĩnota. Sa yegũ yũhũ gũhũ tiquirore cahĩitja. Sa ye yũhũre quehnoano masigũ yeitja tiquirore, nidi Jesu usãre tiquiro buhenare.

<sup>22</sup> Usã mehna cjãno apequiro Juda wame tiriquiro ijiri. Juda Iscariote Jesure ihña tuhtiyequinare ihñootiquiro ijierari tiquiro. Apequiro Juda ijiri. Sa yero tiquiro Jesure sinituri:

—¿Puhto, dũhse yeitjari mũhũ usãre sa nigũ? ¿Ahri yehpa cjẽnare mũhũre masigũ yeragũ, yabere yeitari mũhũ usã dihitarẽ mũhũre masigũ yegũ? ni sinituri Juda.

<sup>23</sup> Tiquiro sa nigũ tuhoro Jesu tiquirore yahuri:

—Yuhare cahñequina, yuhu dutiyere quehnoano yeye nine. Tiquina sa yegū yuhu Pacu pehe tiquinare cahñota. Sa yena tiquina mehna ijina ahtanatja usā. <sup>24</sup> Yuhare cahñeniquiro yuhu dutiyere yerare. Sa ye yuhu yahuye musa tuhori pehe yee yahuye ijierare. Yuhare ohoriquiro ye yahuye pehe ijire. Tiquiro yuhu Pacuta ijire.

<sup>25</sup> 'Musa mehna ijinigū ahrire musare yahugū niaja. <sup>26</sup> Came yuhu sinigū yuhu Pacu Espiritu Santore ohorota musare. Sa yero Espiritu Santo pehe musare yedohoatiquiro ijiro, musare buhe pehorota tiquiro. Sa yero musare yuhu yahurire musare wacūgū yerota tiquiro.

<sup>27</sup> 'Musare quehnoano ijigū yeitja yuhu. Yuhu quehnoano ijiriro sahata quehnoano ijigū yeitja yuhu musare. Ahri yehpa cjēna tiquina ni mehoriro sahata yesi yuhu musare. Yuhu pūrita potota quehnoano ijigū yeitja musare. Bajua witi pajiro wacūedacāhña musa. Sa yena cueracāhña musa. <sup>28</sup> “Yuhu wahautja. Sa yegū musa mehna ijigū tagū tojoa taatja”, musare yuhu sa ni yahugū tuho tuhasari musa. Tire tuhona, bucueboaya musa. Yuhare musa poto cahña, bucueboaya musa. Yuhu Pacu pehe yuhu yuhduoro tutuare. Sa yena tiquiro caharu yuhu wahatore musa masidi bato yuhare cahña, bucueboaya musa. <sup>29</sup> Musa yuhare wacū tutuatire yuhu wahatore yahuyugū niaja musare.

<sup>30</sup> 'Ahri yehpa cjēna puhtoro watino puhtoro ijiro taro nine yojopare. Tiquiro sa ijiro tagū yuhu musa mehna yuhu yahuducu bato tiati pje mehenogā dūhsare. Tiquiro pehe yuhare yuhduca masiedare. <sup>31</sup> Sa yegū yuhare yuhu Pacu tiquiro dutiriro sahata yeaja yuhu. Sata yeaja yuhu, yuhu Pacure yuhu cahñene ahri yehpa cjēna tiquina masiatire. Wahcāducaaya. Isa wahana, nidi Jesu usāre tiquiro buhenare.

## 15

### *Jesu uhse da yero saha ijiriquiro ijire*

<sup>1</sup> Came queoye mehna buhero usāre ohō saha nidi Jesu:

—Yuhu potota uhse da yero saha ijigū ijiaja. Yuhu Pacu pehe uhse dare ihña ihboriquiro yero saha ijire. <sup>2</sup> Yeequina uhse da dūpuri yero saha ijiyequina yuhu mehna cjēnata ijire. Uhse da dūpuri dūca marieñe dūpurire ihña ihboriquiro tiquiro pehe cohāriro saha yuhu Pacu tiquiro cahmeñene yerariquinare cohāre. Dūca tiye dūpurire ihña ihboriquiro tiquiro quehnoriro saha yuhu Pacu tiquiro cahmeñene yeyequinare yedohorota tiquiro, “Yuhu cahmeñene ye nemoahdo”, nino. <sup>3</sup> Yeere tuhona, “Ijirota ijire”, nidi musa. Sa yero yuhu Pacu musa ñañe yerire cohā tuhasari. <sup>4</sup> Yuhu mehna cjāna ijiya musa. Sa yegū musa mehna ijiitja. Uhse da dūpuri uhse da mehna wahñaedaye dūpuri ijiye, ti dūpuri pehe dūca mariedare. Sata yuhu mehna cjāna ijierana, yuhu Pacu cahmeñene ye masiedare musa.

<sup>5</sup> 'Yuhu uhse da yero saha ijigū ijiaja. Musa pehe ti da dūpuri yero saha ijina ijire. Yuhu mehna cjāno mehna yuhu ijigū dūca tiye dūpuri yero saha tiquiro yuhu Pacu cahmeñene yere. Yuhu mehna cjāna ijierana yuhu Pacu cahmeñene ye masiedare musa. <sup>6</sup> Ñañe dūpurire tiquiro cohāboriro saha yuhu mehna cjēna ijieyequinare yuhu Pacu cohānota. Ti dūpuri ñai dijiaa wahagū uhse dare ihña ihboriquiro ti dūpurire ne cahmecoa pecaru ujā cohānota. Sata yerota Cohācjū yuhu mehna cjēna ijieyequinare.

<sup>7</sup> 'Yuhu mehna cjāna ijina, yuhu buheyere boeraboaga musa. Sa boerana, musa cahmeno punota siniña. Sa yegū musa sinino punota ye basautja. <sup>8</sup> Yuhu Pacu cahmeñene yena musa ijigū ihñañe “Jesu yequina ijire ahriquina”, ni masieta masa. Sa ye musare ihñañe yuhu Pacure ño peoeta. <sup>9</sup> Yuhu Pacu yuhare tiquiro cahñiro sahata musare yuhu gūhu cahñe tii. Yuhu cahña ijiducuya musa. <sup>10</sup> Yuhu cahñequina ijiducuyequina yuhu dutiyere yere. Yuhu Pacu ye dutiyere yeaja yuhu. Sa yegū tiquiro cahñogū ijiducujaja yuhu. Sata musa gūhu yuhu dutiyere yena yuhu cahña ijiducunata musa.

<sup>11</sup> 'Ahrire musare yahuu yuhu mehna musa quehnoano bucueatire. Sa yena tutuaro bucuenata musa. <sup>12</sup> Ohō saha

dutiaja m̄sare: M̄sare ȳh̄u cahĩdiro sahata m̄sa mehna cj̄na ḡh̄ure cahĩña. <sup>13</sup> Ihc̄aquiरो mas̄no tiquiro mehna cj̄no ye buhiri yariaro tiquiro mehna cj̄nore tutuaro cahĩne, apequina tiquina cahĩdiro ȳhd̄oro. <sup>14</sup> Sa yena ȳh̄u dutiyere yena ȳh̄u mehna cj̄na ijire m̄sa. <sup>15</sup> Potota ȳh̄u mehna cj̄na waro ijire m̄sa. M̄sa sa ijiḡu ijipihtiyere ȳh̄u yerire yahuaja m̄sare. Cahac̄j̄no tiquiro p̄h̄toro yerire masiedare tiquiro. Sa yeḡu “Ȳh̄u cahac̄j̄na ihyo ijina ijire m̄sa”, m̄sare niedaja. Ȳh̄u Pac̄u ȳh̄ure tiquiro yahurire m̄sare yahu pehou. Sa yahuḡu “Ȳh̄u mehna cj̄na ijire m̄sa”, m̄sare niaja yojop̄re. <sup>16</sup> M̄sa pehe ȳh̄ure ne beserari. Ȳh̄u pehe m̄sare besei ȳh̄u Pac̄u cahmeñene m̄sa yeatire. M̄sa sa yeḡu m̄sa yeye ne ihyo waro ijisi. Ahri deco yoaro punota sa ijiducuati ijire m̄sa yeye. M̄sa sa yeḡu ȳh̄ure m̄sa wac̄u tutuaḡu ȳh̄u Pac̄ure m̄sa sinino punota tiquiro m̄sare ohorota. <sup>17</sup> Ahrire m̄sare dutiaja ȳh̄u: M̄sa mehna cj̄nare cahĩña m̄sa, ni yahuri Jesu.

*Jesure tiquiro yequina ḡh̄ure ahri yehpa cj̄na ihña tuhtire*

<sup>18</sup> Sa yero tiquiro yahu nemori:

—Ahri yehpa cj̄na m̄sare tiquina ihña tuhtiḡu ihñana ahrire wac̄ña m̄sa: M̄sare tiquina ihña tuhtiato pano ȳh̄u pehere ihña tuhti m̄htari tiquina. <sup>19</sup> Coh̄c̄j̄re cahmedana m̄sa ijiḡu, ahri yehpa cj̄na tiquina cahme cahĩdiro sahata m̄sa ḡh̄ure cahĩboaya tiquina. Ahri yehpa cj̄na m̄sa ijiḡu m̄sare besei. Sa yena yojop̄re ahri yehpa cj̄na waro ijierare m̄sa. M̄sa sa ijieraḡu ihñañe ahri yehpa cj̄na m̄sare ihña tuhtire. <sup>20</sup> “Yeequina ijina m̄sa ȳh̄u bui ijierare”, m̄sare ȳh̄u nidire wac̄ña m̄sa. Sa yena ȳh̄u docap̄u ijina ȳh̄u ñano ȳhd̄uriro sahata ñano ȳhd̄unata m̄sa ḡh̄u. Ȳh̄ure ñano yeriquinata m̄sa ḡh̄ure ñano yeeta. Ȳh̄u buheḡu ȳhtiriquinata m̄sa buheḡu ḡh̄ure ȳhtietia tiquina. <sup>21</sup> Ahri yehpa cj̄na ȳh̄ure ohoriquirore masiedare. Sa ye ȳh̄ure wac̄u tutuana m̄sa ijiḡu ihñañe tiquina ñano yeeta m̄sare.

<sup>22</sup> Tiquinare ȳh̄u buheḡu ahtaeraḡu ȳh̄ure tiquina cahmedari buhiri, buhiri mariedaboaya. Yojop̄re tiquinare ȳh̄u buheri bato “Ñañe buhiri mariedare us̄are”, ni masiedare tiquina. <sup>23</sup> Ȳh̄ure ihña tuhtiriquiro ȳh̄u Pac̄u ḡh̄ure ihña tuhtire. <sup>24</sup> Coh̄c̄j̄u tiquiro tutuaye mehna apequina tiquina ne yerarire ye ihñou. Sa ye tiquinare tire ȳh̄u ye ihñoadaḡu tiquinare ñañe buhiri mariedaboaya. Coh̄c̄j̄u tutuaye mehna ȳh̄u ye ihñorire tiquina ihñari bato ȳh̄ure ȳh̄u Pac̄u ḡh̄ure ihña tuhtire tiquina. <sup>25</sup> Sa ihña tuhtiyere Coh̄c̄j̄u yere tiquina ojoari p̄p̄u duitap̄ata tiquiro ni ojoariro sahata yeye nidi tiquina. Oh̄o saha ni ojoahye: “Tiquinare ȳh̄u ñano yerap̄eḡata ȳh̄ure ihña tuhtire tiquina”, ni ojoahye duitap̄ata Coh̄c̄j̄u yere tiquina ojoari p̄p̄u.

<sup>26</sup> Ȳh̄u batop̄u m̄sare yedohoatiquiro, ȳh̄u Pac̄u mehna ijiriquiro m̄sare ȳh̄u ohoatiquiro Esp̄ritu Santota ijire. Tiquiro potota yahuriquiro ijire. Sa yero tiquiro ahtaro, ȳh̄u ijiye tiyere yahurota m̄sare. <sup>27</sup> Masare ȳh̄u buhe d̄ucaḡap̄ata m̄sa ḡh̄u decoripe ȳh̄u mehna ijiducuri. Sa yena m̄sa ḡh̄u ȳh̄u ijiye tiyere yahunata apequinare, ni yahuri Jesu.

## 16

<sup>1</sup> Sa ni tuhasa us̄are oh̄o saha ni yahu nemori:

—Came ȳh̄u buheyere ȳh̄u ḡh̄ure m̄sa coh̄edatire ahrire ijipihtiyere yahuu m̄sare. <sup>2</sup> Judio masa mari buheye w̄h̄usep̄u m̄sa saj̄a duaḡu m̄sare saj̄a dutisi yeequina m̄sa ijiri buhiri. Sa ye ape tahap̄u m̄sare wej̄e, “Coh̄c̄j̄u cahmeñene yena niaja”, ni t̄hotuetamaga apequina. <sup>3</sup> Sa ye ȳh̄u Pac̄ure, ȳh̄u ḡh̄ure tiquina masiedare. Sa masiedaye m̄sare ñano yeeta tiquina. <sup>4</sup> Sa yena m̄sare ñano tiquina yeḡu ihñana “Tiquina oh̄o saha yeato panota Jesu yahu tuhasari us̄are”, ni wac̄unata m̄sa. M̄sa sa ni wac̄uatire yojop̄re ahrire yahu m̄htagu niaja m̄sare, ni yahuri Jesu.

*Esp̄ritu Santo tiquiro yeatire yahuahye Jesu*

Sa ni tuhasa oh̄o saha ni yahu nemori:

—Coã waropure m̄sa mehna ijiḡu ahrire m̄sare yahuer̄u. <sup>5</sup> Yojop̄u pehere ȳh̄ure ohoriquire cahap̄u wahaũtja. “¿Nohop̄u wahaũtjari m̄h̄u?” ȳh̄ure ni, ihc̄aquire borota ne sinituerari m̄sa. <sup>6</sup> Sa sinituerapenata ȳh̄u wahatire m̄sare ȳh̄u yahu m̄jaḡu m̄sa ñano jeripohna tire. <sup>7</sup> M̄sare ijirota yahuḡta niaja. Ȳh̄u wahari bato m̄sare quehnoanota. Ȳh̄u uhm̄sepe wahaeraḡu m̄sare yedohoatiquiro pehe ahtaeraboaya. Wahaḡu m̄sare tiquirore oho dijioutja ȳh̄u. <sup>8</sup> Ȳh̄u sa oho dijioḡu tiquiro ahtarota. Sa wihiro ahri yehpa cj̄na ñāne yeyequina tiquina ijiyere tiquinare masiḡu yerota tiquiro. Sa yero quehnoano ijiye tiye ḡh̄ure buherota tiquiro masare. Sa yero Coh̄cj̄ masare tiquiro buhiri dahreato ḡh̄ure yahurota masare yedohoatiquiro pehe. <sup>9</sup> Ȳh̄ure wac̄u tutueyequina ijire ahri yehpa cj̄na. Sa yero yedohoatiquiro pehe masa ñāne yeyequina tiquina ijiye tiyere tiquinare masiḡu yerota. <sup>10</sup> Ȳh̄u Pac̄u cahap̄u wahaũtja. Ȳh̄u sa wahari bato masa ȳh̄ure ih̄asi. Sa yero quehnoano ijiye tiye ḡh̄ure buherota yedohoatiquiro pehe. <sup>11</sup> Ahri yehpa cj̄na p̄h̄torore wat̄nore Coh̄cj̄ buhiri dahre duti tuhasari. Sa yero Coh̄cj̄ masare tiquiro buhiri dahreati ḡh̄ure yahurota yedohoatiquiro pehe.

<sup>12</sup> Pajiro ijire m̄sare ȳh̄u yahuati. Ȳh̄u sa yahu nemo duepeḡta tire ȳh̄u yahuḡu yojop̄u masinisi m̄sa. Sa yena yojop̄ure quehnoano t̄hosi m̄sa. <sup>13</sup> Ȳh̄u sa yahu nemoedaḡu Esp̄ritu Santo pehe m̄sare yahu nemono ahtarota. Tiquiro esa tuharo m̄sare yahusi. Tiquirore ȳh̄u Pac̄u yahu dutirire tiquiro yahurota m̄sare. Sa yero m̄sare poto yahu pehorota. Sa yero “Camer̄u oh̄o saha wahaũtja”, ni yahurota tiquiro m̄sare. <sup>14</sup> Sa yero yeere m̄sare tiquiro yahurota. Sa yahuro ȳh̄ure ño peoḡu yerota masare. <sup>15</sup> Ijipihtiye ȳh̄u Pac̄u ye, yee ḡh̄u ijire. Sa yeḡu “Esp̄ritu Santo pehe yeere yahurota m̄sare”, ni m̄sare, ni yahuri Jesu.

—*B̄j̄na witina ijiepenata came bucuenata m̄sa, ni yahuahye Jesu*

<sup>16</sup> Sa ni tuhasa oh̄o saha ni yahu nemori:

—Mehenoḡa bato m̄sa ȳh̄ure ih̄asi. Sa yena mehenoḡa bato m̄sa ȳh̄ure ih̄anata tja, nidi Jesu us̄are tiquiro buhenare.

<sup>17</sup> Tiquiro sa niḡu t̄hona, us̄a pehe meheñequinaḡa oh̄o saha ni yahuducuu us̄a basi:

—¿“Mehenoḡa bato m̄sa ȳh̄ure ih̄asi. Sa yena mehenoḡa bato m̄sa ȳh̄ure ih̄anata tja”, nino d̄h̄se nino sa niajari marine? ¿Sa yero “Ȳh̄u Pac̄u cahap̄u wahaũtja”, nino d̄h̄se ijiro boro marine sa niagari tiquiro? <sup>18</sup> ¿“Mehenoḡa bato”, nino d̄h̄se nino sa niajari ahriquire? Tiquiro ni yahurire quehnoano masiedaja mari, ni yahuducuu us̄a basi.

<sup>19</sup> Us̄a sa ni yahuducuḡu Jesu tiquirore us̄a sinitu duarire masino, us̄are yahuri:

—¿“Mehenoḡa bato m̄sa ȳh̄ure ih̄asi. Sa yena mehenoḡa bato ȳh̄ure ih̄anata tja”, ȳh̄u nidire sinitu duajari m̄sa? ¿Tire ȳh̄u nidire masiedajari m̄sa? <sup>20</sup> Ijirota m̄sare niḡu niaja. Ȳh̄u yariaḡu ih̄ana m̄sa utinata. Sa yena tutuaro b̄j̄na witi-nata. Sa ye ȳh̄ure ño peoyequina pehe bucueta. M̄sa pehe b̄j̄na witina ijiepenata, came bucuenata m̄sa. <sup>21</sup> Oh̄o saha ijire ti: Numino niji wahc̄ono, ticoro ñano ȳhd̄ato pano ijire. Sa yero ticoro tutuaro b̄j̄na witiere. Sa b̄j̄na witiereperota ticoro pohna tiri bato ticorore pur̄idire wac̄edare ticoro. Nijinoḡa ahri yehpap̄u tiquiro masa bajuaḡu ticoro bucuere. Sa yero ticorore pur̄idire wac̄edare. <sup>22</sup> Sata m̄sa yojop̄ure b̄j̄na witi-nata. Came m̄sare ih̄aũtja. Sa yena m̄sa tutuaro bucuenata. M̄sa sa bucuẽḡu apequina m̄sare b̄j̄na witi-ḡu ye masisi.

<sup>23</sup> “Ti deco m̄sa ȳh̄ure ih̄ari deco ȳh̄ure sinitusi m̄sa. Masi tuhasarinap̄u ijinata. Ijirota m̄sare niḡu niaja. Ȳh̄ure m̄sa wac̄u tutuaḡu ih̄ano ȳh̄u Pac̄ure m̄sa siniñene tiquiro m̄sare ohorota. <sup>24</sup> Ahri deco pano ȳh̄u tutuaye mehna Coh̄cj̄re siniedar̄idi m̄sa. Ȳh̄ure wac̄u tutuatj̄ana Coh̄cj̄re siniña. M̄sa sa siniḡu m̄sa sinidire m̄sare ohorota, m̄sa quehnoano bucuẽt̄ire, nidi Jesu us̄are.

Ñānequinare Jesu pehe ȳhd̄ud̄cahye

<sup>25</sup> Sa ni tuhasa oh̄o saha ni nemori:



—Queoye mehna m̄sare yahue tii. Sa yahuepeḡta came m̄sare queoye mehna yahusi ȳh̄h̄. Sa yahueraḡ ȳh̄h̄ Pac̄h̄ pehere quehnoano poto yahutja m̄sare. <sup>26</sup> Ti decore m̄sare ȳh̄h̄ Pac̄h̄re sini basasi ȳh̄h̄. Ȳh̄h̄re wac̄i tutuana, m̄sa basi tiquiore sininata. <sup>27</sup> M̄sa ȳh̄h̄re cah̄ne. Sa yena ȳh̄h̄ Pac̄h̄ cahap̄ ȳh̄h̄ ahtariḡ ijiḡ “Ijirota ijire”, nine m̄sa. Sa nina m̄sa ijiḡ ih̄ñano ȳh̄h̄re cah̄na m̄sa ijiḡ ih̄ñano ȳh̄h̄ Pac̄h̄ pehe m̄sare cah̄ne. Tiquiore sa cah̄ḡ tiquiore m̄sa sininata. <sup>28</sup> Ȳh̄h̄ Pac̄h̄ cahap̄ ijiriḡ ahri yehpap̄re ahta ȳh̄h̄. Sa yeḡ yojop̄re ahri yehpap̄ ijiriḡ ȳh̄h̄ Pac̄h̄ cahap̄ wahaŋtja, nidi Jesu.

<sup>29</sup> Tiquiore sa niḡ us̄a tiquiore buhena oh̄o saha nii:

—Yojop̄ p̄rita queoye marieno yahuducuḡ quehnoano bajuro yahuḡ nine m̄h̄h̄ us̄are. <sup>30</sup> M̄h̄h̄ quehnoano masi pehoḡ m̄h̄h̄ ijiḡ yojop̄ p̄ritare us̄a masiaja. Sa ye apequina m̄h̄h̄re buhe masiedare. Tire yojop̄re us̄a quehnoano masiaja. Us̄a quehnoano masina, Coh̄c̄j̄ cahap̄ ahtariḡ m̄h̄h̄ ijiḡ “Ijirota ijire”, niaja us̄a, nii us̄a Jesure.

<sup>31</sup> Us̄a sa niḡ Jesu ȳh̄tiri us̄are:

—¿Yojop̄re “Ijirota ijire”, niajari m̄sa?

<sup>32</sup> Came c̄j̄no ijipih̄tina m̄sa w̄h̄h̄sep̄ waha sitena, ȳh̄h̄re coh̄nata m̄sa. M̄sa sa coh̄ep̄ḡta ȳh̄h̄ Pac̄h̄ pehe ȳh̄h̄ mehna ijire. Sa yeḡ ȳh̄h̄ ih̄c̄ta ijieraja. <sup>33</sup> Ahri m̄sare yahu m̄hta, ȳh̄h̄re m̄sa wac̄i tutuaye mehna m̄sa quehnoano ijiatore. Coh̄c̄j̄re cah̄meeñequina cahap̄ m̄sa ijiḡ ñano yeeta m̄sare tiquina. Tiquina sa yepeḡta bucueya m̄sa. Ahri yehpa c̄j̄na tiquina ñaño yerire ȳh̄d̄d̄caḡ ijiaja ȳh̄h̄. Sa yena ȳh̄h̄re wac̄i tutuana bucueya m̄sa, nidi Jesu us̄are tiquiore buhenare.

## 17

*Jesu tiquiore buheyequinare Coh̄c̄j̄re sini basahye*

<sup>1</sup> Sa ni yahu tuhasa Jesu h̄m̄anop̄ ih̄ña m̄o, Coh̄c̄j̄re oh̄o saha ni yahuducuri:

—Mai, yojop̄re m̄h̄h̄ yahu queoriro sahata ȳh̄h̄re ñano tiquina yeati pje

esarota nine. Ȳh̄h̄re m̄h̄h̄ mac̄re masare ño peoḡ yeya. M̄h̄h̄ sa yeḡ m̄h̄h̄re masare ño peoḡ yeitja ȳh̄h̄ ḡh̄h̄. <sup>2</sup> Ijipih̄tequina p̄hto ȳh̄h̄re c̄ri m̄h̄h̄. Sa yeḡ ȳh̄h̄re m̄h̄h̄ ohoriquinare m̄h̄h̄ mehna sa ijiducuḡ yeitja ȳh̄h̄. Sa yeḡ m̄h̄h̄re masare ño peoḡ yeitja ȳh̄h̄. <sup>3</sup> M̄h̄h̄ dihita Coh̄c̄j̄ waro ijire. Ȳh̄h̄ Jesucristo m̄h̄h̄ ohoriḡ ijiaja. Sa ye ijipih̄tequina m̄h̄h̄re masiñequina, ȳh̄h̄ ḡh̄h̄re masiñequina h̄m̄sep̄ mari mehna sa ijiducuetā, nidi Jesu.

<sup>4</sup> Sa ninota oh̄o saha ni nemori mari Pac̄h̄re:

—Ahri yehpap̄re m̄h̄h̄ ye dutirire ye peho tuhasa ȳh̄h̄. Sa yeḡ m̄h̄h̄re masare ño peoḡ yei ȳh̄h̄. <sup>5</sup> Ahri yehpa ijiato pano m̄h̄h̄ mehna ȳh̄h̄ ijiḡ ijipih̄tequina ȳh̄h̄re tiquina ño peo m̄htariro sahata yojop̄re ȳh̄h̄re tiquina ño peoḡ yeya tja.

<sup>6</sup> Ahri yehpap̄re ijiyequinare ȳh̄h̄re m̄h̄h̄ ohoriquinare m̄h̄h̄re masiḡ yei. M̄h̄h̄ ohoriquina m̄h̄h̄ yequina ijire. Sa yeḡ tiquinare ohori m̄h̄h̄ ȳh̄h̄re. Sa ye m̄h̄h̄ dutiyere yeri tiquina. <sup>7-8</sup> Ȳh̄h̄re m̄h̄h̄ yahurire tiquinare buhei. Ȳh̄h̄ sa buheḡ t̄hoye ȳh̄h̄ buheyere cah̄medi tiquina. Sa ye potota m̄h̄h̄ cahap̄ ahtariḡ ȳh̄h̄ ijiḡ masine tiquina. Sa ye m̄h̄h̄ ohoriḡ ȳh̄h̄ ijiḡ “Ijirota ijire”, ni t̄hoture tiquina. Sa ye ijipih̄teye yee m̄h̄h̄ ye ti ijiḡ masine tiquina.

<sup>9</sup> Tiquinare m̄h̄h̄re sini basaḡ niaja. Apequina pehere sini basaḡ niedaja ȳh̄h̄. Ȳh̄h̄re m̄h̄h̄ ohoriquina m̄h̄h̄ yequina ijire. Sa yeḡ tiquinare sini basaḡ niaja m̄h̄h̄re. <sup>10</sup> Tiquina ijipih̄tequina m̄h̄h̄ yequina ijire. Sa ye m̄h̄h̄ yequina pehe yequina ijire. Ȳh̄h̄re wac̄i tutuaye ȳh̄h̄ tutuaḡ ijiyere masiḡ yere tiquina masare.

<sup>11</sup> Yojop̄re ahri yehpap̄re tojoasi ȳh̄h̄. M̄h̄h̄ cahap̄ waha t̄h̄ niaja. Ȳh̄h̄ sa wahaep̄ḡta yojop̄re ȳh̄h̄re m̄h̄h̄ ohoriquina ahri yehpare tojoare. Mai, m̄h̄h̄ quehnoaḡ ijire. Ȳh̄h̄re m̄h̄h̄ ohoriquinare m̄h̄h̄ tutuaye mehna ih̄ña ih̄bo basaya. M̄h̄h̄ sa ih̄ña ih̄boḡ mari ih̄c̄ta mari ijiro saha tiquina ḡh̄h̄ ih̄c̄a curuata ijiajro. <sup>12</sup> Tiquina mehna ijiḡ m̄h̄h̄

tutuaye mehna tiquinare quehnoano ihña ihbou. Ihcãquiro pũrita pecarũ waharota mũhũ yere tiquina ojoari pũrũ yahuriro sahata.

13 'Yojopũre mũhũ caharũ wahaũ tũhũ niaja. Sa yegũ ahri yehparũ ahri ijipihiyere yeequinare yahuaja yũhũ mehna tiquina quehnoano bucueatire. 14 Mũhũ yere yahuu tiquinare. Tiquina gũhũ yũhũ yero sahata ahri yehparũ iji dojoatiquina ijierare. Sa ye ahri yehpa cjẽna pehe tiquinare ihña tuhtire. 15 "Ahri yehparũ ijieequinare, yeequinare neahña", niedaja. Yũhũ sa niedapegũta tiquinare quehnoano ihña ihboya. "Watĩno ñañene tiquinare ye dutiari", nigũ, quehnoano ihña ihboya tiquinare. 16 Ahri yehpa cjũ ijieraja. Tiquina gũhũ yũhũ yero sahata ahri yehparũ iji dojoatiquina ijierare. 17 Yeequinare mũhũ buheye mehna quehnoañequina yeya tiquinare. Mũhũ yahuye pehe ijirota ijire. 18 Ahri yehparũre yũhũre mũhũ ohoriro sahata yũhũ pehe yeequina gũhũre mũhũ yere buhe dutigũ ohou. 19 Mũhũ cahmeñene yegũ tagũ yariacjũ ijigũ yũhũ pagũre ohoaja. Sa yeaja yũhũ, yeequina gũhũ mũhũ cahmeñene poto tiquina quehnoano yeatire.

20-21 ' "Yeequina yojopũre ijieequina dihitare yedohoya", ni sini basaeraja yũhũ. Yeequina apequina gũhũre yeere tiquina buheri bato tiquina gũhũ yũhũre wacũ tutuaeta. Tiquina gũhũre yedohoya, yeequina ijipihiyequina ihcã curua tiquina ijiro quehnoano. Yũhũ mũhũ mehna mari pũana ijiepenata ihcũta ijiaja. Ihcũta mari ijiro sahata tiquina gũhũ mari mehna ihcã curuata ijiahro. Ihcã curuata ijiahro, mũhũ ohorigũ yũhũ ijieyere ijipihiyequina masa "Ijirota ijire", tiquina niatire. 22 Yũhũre mũhũ tutuaye ohorire yeequinare ohou. Ti tutuayere cũoye, ihcũta mari ijiro sahata tiquina gũhũ ihcã curuata ijietta. 23 Yũhũ tiquina mehna ijiaja. Sa yegũ mũhũ yũhũ mehna ijire. Mari sa ijigũ yeequina potota ihcã curuata quehnoano ijietta. Ihcã curuata tiquina ijigũ ihñañe mũhũ ohorigũ yũhũ ijieyere ahri yehpa cjẽna masieta. Sa ye yũhũre mũhũ cahĩdiro sahata yeequina gũhũre mũhũ cahĩñene masieta masa.

24 'Mai, ahri yehpa iji ducato pano yũhũre cahĩ tiri mũhũ. Sa cahĩgũ yũhũ tutuagũ ijieyere ihñori mũhũ. Sa yegũ yũhũre mũhũ ohoriquinare yũhũ mehna tiquina ijigũ cahmeaja, yũhũ tutuagũ ijieyere tiquina masiatire. 25 Mai, mũhũ quehnoagu ijire. Ahri yehpa cjẽna ñañequina mũhũre masiedare. Yũhũ pehe mũhũre masiaja. Sa ye mũhũ ohorigũ yũhũ ijigũ masine yeequina. 26 Tiquinare mũhũre masigũ yei. Came gũhũre mũhũre tiquinare masigũ yeitja, yũhũre mũhũ cahĩdiro sahata apequinare tiquina cahĩatire. Sa yegũ yeequina mehna ijigũtja, nidi Jesu mari Pacure.

## 18

### *Jesure peresu yeahye*

(Mt 26.47-56; Mr 14.43-50; Lc 22.47-53)

1 Tiquiro sa nidi bato Jesu, usã gũhũ tiquiro buhena Cedrõ wame tiri mare pehã, olivo wame tiye cjũ wesepũ esã. 2 Peye tahari ti wesepũ Jesu mehna cahmecoae tii. Sa yero Juda Jesure ihña tuhtieequinare ihñootiquiro ti wesere masidi. 3 Sa masino pũa curua surarare ahmũ tã cãhtari ti wesepũ Jesure ihñono taro. Ihcã curua surara waro ijiri. Ape curua surara Cohãcjũ wũhũre cohteyequina ijiri. Tiquina pahia pũhũto, fariseo masa tiquina ohoriquina ijiri surara, Cohãcjũ wũhũre cohteyequina mehna. Sa ahtaye sihãñe pacare, sihãñe cjũ gũhũre sihã cãhtari. Tiquina wamoa gũhũre ne cãhtari tiquina. 4 Ti wesepũ tiquina wihiri bato Jesu tiquiro ñano yũhũatire masino, tiquinare piti ca, sinituri:

—¿Noare macana niajari mũsa? nidi Jesu.

5 —Jesu Nazare cjũnore macaja usã, ni yũhtiri tiquina.

—Tiquiro tjiaja yũhũ, nidi Jesu.

Juda pehe Jesure ñehe dutiro ihñoriquiro tiquina mehna ijiri. 6 Sa ye "Tiquiro tjiaja yũhũ", Jesu nigũta tiquina pehe tũho maria waha, du siti maa, yehparũ bora quehe sari. 7 Tiquina sa wahagũ ihñano pari turi sinituri tiquinare Jesu:

—¿Noare macana niajari mũsa? nidi.

—Jesu Nazare cjũnore macana niaja usã, ni yũhtiri tiquina tja.

8 —“Yuhu tjiaja”, ni tuhasamigu yuhu musare. Sa yena yuhure ñehena ahriquinare yuhu mehna cjênare peresu yeracâhña musa, nidi Jesu.

9 Sa usâre cahño ne ihcâquirore butigü yerari. Sa yero to pano Cohâcjüre tiquiro nidiro sahata yero nidi tiquiro. “Yuhure mahu ohoriquinare ne ihcâquiro boeru”, tiquiro nidiro sahata yero nidi Jesu. 10 Sa ye Simo Pedro ñoseni pjîne curo, ti pjîne tuã we nedoqueo, pahia puhtoro cahacjuno Malco wame tiquiro cahmonore date pahrê câri. Poto pehe cjã cahmonore date pahrê câri. 11 Tiquiro sa date pahrêgü ihñano Jesu tiquirore ohõ saha nidi:

—Muhu ñoseni pjîne ihboya. Yuhu Pacu yuhure tiquiro ñano yuhdu dutiro sahata ñano yuhdutja yuhu, nidi Jesu Pedroro.

*Pahia puhtoro cahapu Jesure neahye tiquina*

(Mt 26.57-58; Mr 14.53-54; Lc 22.54)

12 Tiquiro sa ni tuhasagüta surara, tiquina puhtoro mehna, Cohâcjü wuhure cohteyequina surara gühu Jesure ñehere, tiquirore dâhteri. 13 Dâhte tuhasa Anás cahapu nea mahitari tiquina. Anás pehe Caifa mareino ijiri. Caifa pehe ti cahmare pahia puhtoro ijiri. 14 “Judio masa ye ijiatire ihcâquiro masuno yariagü quehnoanota”, nidiqiro boro ijiri Caifa pehe.

—Jesure masiedaja, niahye Pedro

(Mt 26.69-70; Mr 14.66-68; Lc 22.55-57)

15 Sa yena yuhu Simo Pedro mehna Jesure yoa cjünopu ihña nunu tâu. Caifa ya wuhupu neañe nidi Jesure. Yuhu pehe pahia puhtoro tiquiro ihña masinohgu ijigu Jesu bato puhtoro ya wuhu ijiri sahrînopu sajã wahan. 16 Yuhu sa sajãgü Pedro pehe sahrîno sopecahapu tojoaduca sari. Sa yegu majare wijia ta, sopecahare cohtericorore sinituu. Yuhu sa sinitu tuhasagü ticoro Pedroro sajã ta dutiri. Ticoro sajã ta dutiri bato yuhu Pedroro ne sajãa wahan. 17 Yuhu sa ne sajãgü ihñano sopecahare cohtericoro pehe Pedroro sinituri:

—¿Jesu buheyequina mehna cjü ijierajari mahu? nidi ticoro Pedroro.

—Ijieraja yuhu, ni yuhtiri Pedro pehe.

18 Usã esato pano to cjëna puhtoahacjëna, surara mehna tiquina sohmati

pecare wijiã tuhasari jiri. Yuhuarîdi. Sa ye tiquina ti peca dâhtu caha ducuye, sohmane nidi. Tiquina sa sohmagü ihñano Pedro gühu ahta, sohmarî.

*Pahia puhtoro Jesure sinituahye*

(Mt 26.59-66; Mr 14.55-64; Lc 22.66-71)

19 Sa ye pahia puhtoro Jesu buherire, usã tiquiro buhena gühure sinituahye Jesure. 20 Tiquiro sa sinitugü Jesu pehe yuhtiahye tiquirore:

—Ijipihtiyequinare buhegu tiquina ihñono ducuu. Sa buhegu judio masa mari buheye wuhusepu Cohâcjü wuhupu gühure sa buheducuu yuhu. Duhtitjiãgu buheru yuhu. 21 ¿Duhsegu yuhure sinituajari mahu? Sinitu duagu yuhu buheyequinare sinituya. Yuhu buherire tiquina masine, ni yuhtiahye Jesu.

22 Tiquiro sa nigü tuhoro topu ducuriquiro surara pehe tiquiro omoca mehna Jesure quëahye.

—Sa niedacâhña pahia puhtoro, niahye surara pehe Jesure.

23 Tiquiro sa nigüta Jesu ohõ saha niahye:

—Ñano yuhu ni yahuducurire yahuya yuhure. ¿Poto musare yuhu yahuepegüta, duhsegu tagu yuhure quëajari mahu? niahye Jesu surarare.

24 Came Anás Jesure tiquina dâhteriquirore Caifa pahia puhtoro cahapu ohoahye.

—Jesure masiedaja, pari turi niahye Pedro

(Mt 26.71-75; Mr 14.69-72; Lc 22.58-62)

25 Sa ye Simo Pedro peca dâhtu cahapu ducuro, sohmano nidi. Tiquiro sa sohmagü ihñañe to cjëna tiquirore sinituri:

—¿Muhu gühu Jesu buheyequina mehna cjü mahu ijierajari? nidi tiquina Pedroro.

—Ijieraja yuhu, ni yuhtiri Pedro.

26 Sa yero pahia puhtoro cahacjëna mehna cjëno Pedro tiquiro cahmono date pahrêdiquiro acayuro pehe Pedroro sinituri:

—¿Jesure tiquina ñehedi wesepu yuhu ijigü mahu gühu tiquiro mehna ijieracoahete? ni sinituri tiquiro Pedroro.

27 —Yuhu tiquiro mehna ijieru, nidi Pedro.

Tiquiro sa nigüta canaca yahuri.

*Jesure Pilato sinituahye**(Mt 27.1-2, 11-14; Mr 15.1-5; Lc 23.1-5)*

<sup>28</sup> Ñami cjũno ijigũ Caifa ya wuhũpũ ijiriquina Jesure ne wijia, Roma cjẽna pũhoro Pilato ya wuhũpũ nea wahari tiquina. Sa wahaepeta tiquiro ya wuhũpũ sajãedari. Pascua deco ijigũ tiquina ihya-tiquina ijiye, ohõ saha nidi: “Judio masuno ijierare Pilato. Tiquiro sa ijiriquiro ijigũ tiquiro ya wuhũre sajãna, mari dutiyere yuhũdũcũcana niboaga. Sa yena mari sajãgũ marine bosc deco cjẽ ihyayere ihya dutieraboaga”, nidi. Sa niñe pũhoro Pilato ya wuhũre sajãedari Jesure neariquina pehe. <sup>29</sup> Tiquina sa sajãedagũ ihũano Pilato tiquina cahapũ wuhũ sopecahapũ esadũcaro, tiquinare sinituri:

—¿Yabe buhirire ahriquiore yahusã duajari mũsa? nidi Pilato tiquinare.

<sup>30</sup> —Ahriquiore quehnoariquiore ijigũ mũhũre usã ohoeraboaya. Ñariquiore ijire tiquiro, ni yũhtiri tiquina.

<sup>31</sup> Tiquina sa nigũ Pilato ohõ saha nidi:

—Mũsa basita tiquiore neaña. Sa yena mũsa ye dutiye ti nidiro sahata tiquiore buhiri dahreya, nidi Pilato tiquinare.

—Mũsa ye dutiye pehe usãre masunore wejẽ dutierare, nidi tiquina Pilatore.

Sa niñe Jesure wejẽ dutiye tee nidi.

<sup>32</sup> Tiquina sa wejẽ dutigũ Jesu pehe curapũ tiquiro yariatire to pano tiquiro yahuriro sahata wahari. <sup>33</sup> Tiquina sa nidi bato, Pilato pehe wuhũpũ majare sajã, Jesure pijioahye. Pijio tuhasa, tiquiore sinituahye:

—¿Judio masa tiquina pũhto tjajari mũhũ? ni sinituahye Pilato.

<sup>34</sup> —¿Mũhũ esa tuharota sa ni sinituajari mũhũ yuhũre? ¿O apeqũna pehe yuhũre tiquina yahusãri bato tire sinituajari mũhũ? niahye Jesu Pilatore.

<sup>35</sup> —Judio masũ ijieraja yuhũ. Mũhũ ya yehpa cjẽna, pahia pũhota gũhũ mũhũre ohori usãre. ¿Yabere ñano yeari mũhũ tiquina sa buhiri dahre duagũ? niahye Pilato.

<sup>36</sup> —Ahri yehpa cjũ pũhto ijieraja yuhũ. Ahri yehpa cjũ pũhto yuhũ ijigũ, yuhũ buheyequina yuhũre yedohoboaya. Judio masare ñehe dutieraboaya. Yuhũ pũhto

ijiye ahri yehpa cjẽ ijierare, niahye Jesu Pilatore.

<sup>37</sup> —¿Sa yegũ pũhto ijiajari mũhũ sa nigũ? niahye Pilato.

—Mũhũ nino sahata pũhto ijiaja. Masa tiquina pũhto ijigũ tagũ masa bajũ yuhũ. Sa yegũ ahri yehpapũ ahtaũ tiquina pũhto ijii tũhũ, poto ijiyere yahugũ tũhũ. Ijipihtiyequina poto ijiyere tũho duayequina, yuhũ yahuyere tũhore, niahye Jesu.

<sup>38</sup> —¿Yabe boro ijiajari poto ijiye? niahye Pilato.

*Judio masa Jesure wejẽ dutiahye**(Mt 27.15-31; Mr 15.6-20; Lc 23.13-25)*

Sa ni tuhasa Pilato judio masa caha majare tojoa tiquinare yahuri:

—Ahriquiore Jesure ne buhiri mariedare.

<sup>39</sup> Cũhmaripe pascua ijigũ ihcãquiore peresu ijiriquirore mũsa wio dutiducure. ¿Sa yegũ ahriquiore Jesureta mũsa pũhoro ijia-tiquiro mũsare wio basagari yuhũ? nidi Pilato judio masare.

<sup>40</sup> Tiquiro sa nigũ tũhoye judio masa ohõ saha ni saũducuri:

—Tiquirore wioeracãhña. Barrabá pehere usãre wio basaya, ni saũducuri judio masa Pilatore.

Barrabá pehe yaque bũcũro ijiri.

**19**

<sup>1</sup> Tiquina sa ni saũducuri bato Pilato Jesure tana dutiahye. Sa ye tiquiro yequina surara pehe tiquiore tanahye.

<sup>2</sup> Tana tuhasa tiquina pota behto ye tuhasa, Jesu dapu buipũ duhu peohye. Duhu peo tuhasa, pũhota ye suhti borore tiquiore sãa tuhasa, tiquiro cahapũ esa dũca, ohõ saha ni bujũpeahye tiquina:

<sup>3</sup> —Quehnoano ahtaya. Judio masa pũhto, quehnoano ahtaya, ni bujũpe, Jesu wũhdoare quẽ mũjahye.

<sup>4</sup> Sa yero Pilato pari turi judio masa cahapũ waha, tiquinare yahuri:

—Tũhoya mũsa. Ahriquiore ne buhiri mariediquiro ijire. Sa yegũ tire mũsa masiatire mũsa cahapũ tiquiore ne cãhtaũ, nidi Pilato.

<sup>5</sup> Tiquiro sa ni tuhasagũ Jesu pota behto pesariquiore, pũhota ye suhti borore saũariquiore wuhũpũ ijiriquiro wijia tari.

Tiquiro sa wijia tagã Pilato tiquinare ohõ saha nidi:

—Ihñaña. Ahriquiro ijire tiquiro, nidi Pilato.

<sup>6</sup> Tiquiro sa ni tuhasagã tãhoye, pahia pãhtoa, surara gũhũ Jesure ihñañe, sañuducuri:

—Curusapũ quẽ biha wejẽña tiquirore. Curusapũ quẽ biha wejẽña tiquirore, ni sañuducuri tiquina.

—Tiquiro ne buhiri mariedare. Sa yena mũsa basita tiquirore neahña. Sa yena mũsata tiquirore curusapũ quẽ biha wejẽña, nidi Pilato tiquinare.

<sup>7</sup>—Tiquiro basi “Cohãcjũ macũ ijiaja”, nie tiri. Tire tiquiro sa nigã usã dutiye pehe tiquirore wejẽ dutire, nidi tiquina Pilatore.

<sup>8</sup> Tiquina sa nigã tãhoro cue yãhdũa wahari Pilato pehe. <sup>9</sup> Sa yero pari turi wãhũpũre majare sajã, Jesure sinituahye tja:

—¿Noho cjũ ijiajari mũhũ? ni sinituahye tiquiro Jesure.

Tiquiro sa ni sinituepegãta Jesu tiquirore yãhtierahye.

<sup>10</sup> Tiquiro sa yãhtieragã ihñano Pilato tiquirore sinitu nemoahye:

—¿Yũhũre yãhtierajari mũhũ? Yũhũ mũhũre peresupũ ijirigũre wio masiaja. Sa yegũ mũhũre curusapũ gũhũre quẽ biha wejẽ duti masiaja yũhũ. ¿Tire masiedajari mũhũ? niahye Pilato Jesure.

<sup>11</sup> —Cohãcjũ mũhũre tiquiro dutieragã yũhũre ñano ye dutieraboaya mũhũ. Yũhũre ihña tuhtiyequinare ihñoriquiro pehe mũhũ yãhdũoro ñano buhiri tire, niahye Jesu Pilatore.

<sup>12</sup> Tiquiro sa nigã tãhoro Pilato pehe tiquirore wio duamahye. Tiquiro sa wio duepegãta pari turi judio masa sañuducuri:

—Jesu “Pãhto ijiaja”, nino mari ijipihtina pãhtoro Roma cjãnore ihña tuhtiriquiro ijire tiquiro. Sa yegũ tiquirore wiogũ mũhũ gũhũ mari pãhtoro ihña tuhtigũ ijiaja mũhũ, ni sañuducuri judio masa Pilatore.

<sup>13</sup> Tiquina sa nigã tãhoro Jesure wãhũpũ ijiriquirore ne wijia ta, buhiri dahre dutiro taro tiquiro dũjiri pahtapũ nuju sari Pilato. Tiquiro buhiri dahre dutiri paa utã mehna tiquina yeri paa judio masa ye mehna Gabata wame tiri. <sup>14</sup> Ti deco pascua

bose deco usã ihyatire usã quehnori deco ijiri. Ti pjere coheri pje waro ijiri. Nuju sa tuhasa Pilato masare ohõ saha ni yahuri:

—Ahriquiro tjire mũsa pãhtoro, nidi tiquiro.

<sup>15</sup> Tiquiro sa nigã tãhoye judio masa sañuducuri:

—Yariahro tiquiro. Yariahro tiquiro. Curusapũ quẽ biha wejẽña tiquirore, ni sañuducuri tiquina.

—¿Mũsa pãhtoro tiquiro ijiepegãta tiquirore curusapũ quẽ biha wejẽ dutiajari mũsa? nidi Pilato.

Tiquiro sa nigã ohõ saha ni yãhtiri pahia pãhtoa:

—Mari ijipihtina pãhtoro Roma cjãnota tiquiro usã pãhtoro ijire. Apequiro pãhtoro usãre mariedare, ni yãhtiri pahia pãhtoa.

<sup>16</sup> Tiquina sa ni yahuducuri bato Pilato Jesure curusapũ quẽ biha wejẽ dutiro, tiquirore ohori tiquinare.

### *Jesure quẽ biha wejẽahye tiquina*

*(Mt 27.32-44; Mr 15.21-32; Lc 23.26-43)*

Sa ye tiquina Jesure ne wijia. <sup>17</sup> Tiquina ne wijia gã Jesu pehe tiquiro ya curusare tiquiro basi wãa ne, dapu pehtoro wame tiropũ esari. Usã judio masa ye mehna Gólgota wame tiri. <sup>18</sup> Topũ esaye tiquina Jesure quẽ biha ohõri. Sa ye apequina pãrore ihcãquiro tiquiro pota pehe, apequiro tiquiro cũ pehe pehe quẽ biha ohõri tiquina. Sa yero Jesu tiquina deco curusapũ wahñari. <sup>19</sup> Tiquina quẽ biha tuhasagã Pilato taboa pjĩne ojoa duti, Jesure tiquina quẽ biha ohõri curusapũ quẽ biha ohõ dutiri jiri ti pjĩne. Ohõ saha ni ojoa dutiri jiri tiquiro: “AHRIQUIRO JESU NAZARE CJËNO, JUDIO MASA PãHTORO IJIRE”, ni ojoa dutiri jiri Pilato ti pjĩne. <sup>20</sup> Ti pjĩne ojoaro judio masa ye mehna, Roma cjẽna ye mehna, griego masa ye mehna ojoari jiri apequiro. Sa yero Jesure curusapũ tiquina quẽ biha ohõriro maca cahagã ijiri. To cahagã ijiequina peyequina judio masa Pilato ojoa dutirire ihña, buheri. <sup>21</sup> Sa buhe tuhasa judio masa usã pahia pãhtoa ohõ saha nidi Pilatore:

—“Ahriquiuro judio masa p̄h̄toro ijire”, ni ojoa dutierac̄h̄ña. Ūs̄ã p̄h̄toro ijierare ahriquiuro. Sa yeḡu oh̄o saha ni ojoa quehno dutiya m̄h̄h̄. “Ahriquiuro ‘Judio masa p̄h̄to ijiaja’, ni ihc̄ãquiurota tiquiro basita sa ni t̄h̄oturiquiuro ijiri”, ni ojoa quehno dutiya, nidi pahia p̄h̄toa.

<sup>22</sup> —Ȳh̄h̄ ojoa duti m̄h̄tariro sahata ijirota, nidi Pilato tiquinare.

<sup>23</sup> Jesure tiquina quē bihari bato pititiaro surara pehe Jesu suhtire tiquina basi itiri. Tiquina sa iti duepeḡta ihc̄ã suhtiro yoari suhtiro dohori marieni suhtiro ijiri. Ti suhtiro suhari suhtiro ijiri. <sup>24</sup> Ti suhtiro sa ijiḡu oh̄o saha nidi tiquina basi:

—Ahri suhtirore t̄h̄r̄ēdac̄h̄ña. Ahri suhtirore neatiquirore masi duana, doquepeihna mari, nidi tiquina basi.

Sa doquepeye, Coh̄ãcj̄u yere tiquina ojoari p̄p̄u tiquina ni ojoariro sahata yeye nidi tiquina. “Ȳh̄h̄ suhtire tiquina basi itiri. Sa ye ȳh̄h̄ suhtire neatiquinare masi duaye, doqueperi tiquina”, ni ojoahye Coh̄ãcj̄u yere tiquina ojoari p̄p̄u. Tiquiro sa ni ojoariro sahata sa yeye nidi tiquina.

<sup>25</sup> Surara tiquina sa yeḡu, Jesu pacoro, Jesu m̄ono, María Cleofa namono, María Magdalena mehna Jesu curusa cahaḡã ih̄ñaducuri tiquina. <sup>26</sup> Sa yero tiquiro pacoro ȳh̄h̄ tiquiro cah̄noḡu ḡh̄h̄ tiquiro cahap̄u ūs̄ã ducuḡu ih̄ñano tiquiro pacorore yahuri Jesu:

—Yojop̄are ahriquiuro m̄h̄h̄ mac̄u ijire, nidi Jesu tiquiro pacorore.

<sup>27</sup> Sa ni tuhasa, ȳh̄h̄re oh̄o saha ni yahuri tiquiro:

—Yojop̄are ahricoro m̄h̄h̄ paco ijire, nidi Jesu ȳh̄h̄re.

Tiquiro sa nidi bato Jesu pacorore ya wahap̄u iji dutii.

### *Jesu yaria wahahye*

*(Mt 27.45-56; Mr 15.33-41; Lc 23.44-49)*

<sup>28</sup> Tiquiro sa ni yahuri bato oh̄o saha ni t̄h̄otu, masiahye Jesu: “Ijipihtiye Coh̄ãcj̄u ȳh̄h̄re dahra dutiro tiquiro c̄urire ye pehou”, ni t̄h̄otu, masiahye Jesu. Sa masino Coh̄ãcj̄u yere tiquina ojoari p̄p̄u tiquiro ni yahuri sahata oh̄o saha nidi Jesu:

—Aco w̄hoaga ȳh̄h̄, nidi Jesu.

<sup>29</sup> Sa yero top̄u vino s̄uēñe co pose tiri sutu dujiri. Sa yero top̄u ijiriquiro aco ihmini s̄uhtere s̄uēñe co mehna tiquina sohari s̄uhtere yucuḡu hisopo wame tid̄u sohtoap̄u d̄uhte oh̄ori. Sa yero Jesu d̄userop̄u siō oh̄ori. <sup>30</sup> Ti core Jesu ihmi tuhasa oh̄o saha nidi:

—To punota ijiaga, ninota tiquiro dapure muhri yo, yariaa wahari.

### *Surara Jesu pati pahma batogã ñoseahye ñosen̄u mehna*

<sup>31</sup> Ti deco pascua bose deco pano ijiri. Bose deco cj̄ēne ūs̄ã ihyatire quehnori deco ijiri. Sa ye ape deco saur̄u ijiḡu tiquina bose deco ijiḡu curusarip̄u yariariquinare c̄u duerari. Ti deco Coh̄ãcj̄ure tiquina ño peori bose deco ijiri. Sa ye ti decop̄u tiquina quē bihaoh̄oriquinare curusarip̄u tiquina wah̄n̄aḡu cahmedari tiquina. Sa ye tiquina quē bihaoh̄oriquinare tiquina ñec̄u coh̄arine quē nuha dutiye tehe, judio masa siniahye Pilatore, “Tiquina yaria madoqueoahro”, niñe. Tiquina sa yeri bato tiquina paḡurire ne dijio madoqueoye tee nidi. <sup>32</sup> Tiquina sa dutiḡu surara pehe curusari cahap̄u esa, ihc̄ãquiuro yaqueriquiro ñec̄u coh̄arine quē nuhari. Apequiuro ḡh̄h̄re sata yeri tiquina. <sup>33</sup> Sa ye Jesu ñec̄u coh̄arine quē nuhae tee yemehe, tiquiro yariariquiuro ijiḡu ih̄ñañe, quē nuhaedari.

<sup>34</sup> Sa quē nuhaedaye ihc̄ãquiuro surara tiquiro pati pahma batogã ñosen̄u mehna ñosedi. Tiquiro sa ñoseḡu duita tiquiro dii, aco mehna wijiari. <sup>35</sup> Ti sa wahaḡu ih̄ñau ȳh̄h̄. Ȳh̄h̄ ahri p̄ure ojoariḡu m̄sare poto yahuaja. Poto ȳh̄h̄ yahuye ijiḡu masiaja ȳh̄h̄. M̄sare yahuaja m̄sa ḡh̄h̄ Jesure m̄sa wac̄u tutuato saha. <sup>36</sup> Coh̄ãcj̄u yere tiquina ojoari p̄u ti nidiro sahata sa wahari: “Tiquiro coh̄arine ne ihc̄ã coh̄are quē nuhaedari”, tiquiro ni ojoariro sahata Jesu ñec̄u coh̄arine ne ihc̄ã coh̄are quē nuhaedari. <sup>37</sup> Sa yero ape p̄p̄u Coh̄ãcj̄u yere tiquina ojoari p̄p̄u oh̄o saha nine. “Tiquirore tiquina ñosediquirore ih̄ñæta tiquina”, ni ojoahye Coh̄ãcj̄u yere tiquina ojoari p̄p̄u.

### *Jesu paḡure masa copep̄u c̄uahye*

*(Mt 27.57-61; Mr 15.42-47; Lc 23.50-56)*

<sup>38</sup> Tiquiro yariari bato José Arimatea cjño Jesu pagure ne dijioro taro, Pilatore siniahye. José pehe apequna judio masare cuero, Jesure wacū tutuariquiro tiquiro ijiyere yahu duerahye. Sa yero tiquiro pagure sinidi bato Pilato pehe Jesu pagure nea dutiahye. Tiquiro nea dutigū José curusa cahap̄ esa, Jesu pagure nea wahahye. <sup>39</sup> Nicodemo gūh̄ José mehna wahahye. Tiquiro yuc̄ḡ cjē ehme sitiye, mirra wame tiye ehme sitiye yuc̄ḡ cjē mehna dahra moredire ne cāhye. Jesu pagure tiquina cohāto pano tiquina quehnoati iji-ahye ti ehme sitiye. Tiquiro ne cāhtari treinta kilo n̄c̄ahye. Nicodemo sohō ijiri pje Jesu mehna tiquiro coā yahuducuri pje ñamip̄ Jesu cahap̄ esariquiro ijiyahye. <sup>40</sup> Sa ye tiquina p̄aro Jesu pagure ne, judio masa yariariquinare usā cohāducuro sahata tiquiro pagure ehme sitiye mehna suhti mehna wahmeahye. <sup>41</sup> Curusap̄ Jesure tiquina wejēdiro cahap̄ wese ijiri. Ti wesep̄ masa cope utāp̄ wahma tiquina seheri cope ijiri. Ti copere ne ihcāquiro yariariquirore cohāedarīdi. <sup>42</sup> Pascua bosc deco judio masa bosc deco usā ihyatire quehnoari deco ijiri. Sa ijiri deco ijigū ti cope cahagā tiquiro curusa ijigū, top̄ cūahye tiquina Jesu pagure.

## 20

### *Jesu masa wijiahye*

*(Mt 28.1-10; Mr 16.1-8; Lc 24.1-12)*

<sup>1</sup> Domingo ñami cjūnogā ijigū, bohreato panogā María Magdalena Jesu masa copep̄ esahye. Top̄ esaro ti copere tiquina tu biharia utāre yoa cjūnop̄ tiquina p̄o cūria utāre ihñahye ticoro. <sup>2</sup> Sa ijigū ihñano, usā cahap̄ oma tojoa tari ticoro. Simo Pedro mehna yūh̄ usā p̄ana ijii. Wihi ohō saha ni yahuri usāre ticoro:

—Mari p̄ahoro pagure ne cāri jiri. Nohop̄ ne cā cūcoayaye mari masiedaja, nidi ticoro usāre.

<sup>3</sup> Ticoro sa niḡ tūhona, Pedro mehna masa copep̄ ihñana wahana usā. <sup>4</sup> Sa ihñana wahana usā p̄ana oma cāh̄. Sa oma cāna, yūh̄ Pedrore oma yūhd̄ cāḡ masa copep̄ esa m̄hta. <sup>5</sup> Top̄ esaḡ muhri ihña sōu ti copep̄re. Muhri ihña

sōḡ tiquirore tiquina wahmedi suhtiro dihitare ihñan̄. Sa ye ti copere sajāed̄. <sup>6</sup> Yūh̄ sa ihñari batop̄ Simo Pedro yūh̄ batop̄ wihiri. Wihi masa copep̄ sajā, tiquiro pagure tiquina wahmedi suhtirore ihñari tiquiro. <sup>7</sup> Sa yero Jesu dapure tiquina wahmedi cahsero gūh̄re ihñari tja. Ti cahsero sijoro cuñano tiquiro torēdi cahsero ijiri. <sup>8</sup> Sa yeḡ yūh̄ gūh̄ masa copep̄ esa m̄htariḡ ti copep̄ sajāh̄. Jesu sa mariedagū ihñaḡ “Potota Jesu masa wijiahya”, ni tūhotuu yūh̄. <sup>9</sup> Ti copep̄ usā wahato pano Cohācjū yere tiquina ojoari pūp̄ Cristo tiquiro yariatire yahurire, tiquiro masa wijiatire yahuri gūh̄re usā quehnoano masiedarīmi. Ti copere yūh̄ ihñari bato, “Ijirota Jesu masa wijiahya”, ni, tūhotuu yūh̄. <sup>10</sup> Sa ihña tuhasa usā ye wūh̄sep̄ tojoa wahana.

### *Jesu María Magdalenare bajuahye* *(Mr 16.9-11)*

<sup>11</sup> Sa ye masa copep̄ María majare tojoa ta, ti cope sopecahap̄ wihi, ducuro, utiro niahye. Sa utieperota ticoro muhri ihña sōahye masa copep̄re. <sup>12</sup> Sa ihña sōno p̄aro angelere, yehseye suhti sañañequinare Jesu tiquiro cuñamedirop̄ tiquina dujigū ihñahye ticoro. Ihcāquiro tiquiro dapu timedirop̄ dujiahye. Apequiro tiquiro dahpocāri timedirop̄ dujiahye. <sup>13</sup> Tiquinare ticoro ihñagū tiquina pehe ticorore sinituahye:

—¿Numio, dahse yego utiajari m̄h̄? niahye tiquina.

—Yūh̄ p̄ahoro pagure ne cāri jiri. Sa yego tiquiro pagure tiquina cūrire masiedaga yūh̄, niahye ticoro.

<sup>14</sup> Sa ni tuhasa, majared̄cameno Jesure top̄ ducuriquirore ihñahye ticoro. Sa ihñaperota Jesure masiedahye ticoro.

<sup>15</sup> —¿Numio, dahse yego utiajari m̄h̄? ¿Noare macago niajari? niahye Jesu ticorore.

“Ahriquiro ahri wesere cohteriquiro ijire”, ni tūhotumahye ticoro Jesure. Sa ni tūhoturo, ohō saha niahye ticoro:

—M̄h̄ tiquiro pagure nediḡ ijiḡ m̄h̄ cūrirore yahuya yūh̄re. M̄h̄ yahuri bato tiquiro pagure negotja, niahye ticoro tiquirore.

16 Ticoro sa nidi bato Jesu ohõ saha niahye:

—María, niahye.

Tiquiro sa ni pisugã tãhoro majare ihñadoqueo ticoro hebreo ye mehna ohõ saha niahye:

—Rabuni, niahye ticoro Jesure. “Rabuni”, nino, “Buhegũ”, nino niahye.

17 —Yũhũ Pacũ cahapũ mũjaedarĩaja yũhũ. Yũhũ sa mũjaedarĩgũ yũhũre ñehedacãhña. Sa yego apequina yeequina cahapũ wahaya. Tiquina cahapũ esago ohõ saha ni yahuya tiquinare: “ ‘Yũhũ Pacũ cahapũ wahau tũũ niaja. Mũsa Pacũ gũhũ ijire tiquiro. Yaquiro Cohãcjũ cahapũ wahau tũũ niaja. Mũsa yaquiro Cohãcjũ gũhũ ijire tiquiro’, nidi Jesu”, ni yahuya tiquinare, niahye Jesu Mariare.

18 Tiquiro sa nidi bato María Magdalena usã Jesu buhena cahapũ wihi, yahuri usãre:

—Mari pũhtorore ihñau yũhũ, ni, Jesu tiquiro yahu dutirire yahuri usãre ticoro.

*Jesu tiquiro buheyequinare bajuahye*  
(Mt 28.16-20; Mr 16.14-18; Lc 24.36-49)

19 Ti deco domingo ñamicahapũ usã Jesu buhena usã acaye judio masare cuena, wãhũpũ biha sajã, dujii usã. Sa usã dujigũ Jesu usã watoapũ bajuadũca saro ohõ saha nidi:

—¿Ne, ijiajari mũsa? Quehnoano ijiya mũsa, nidi.

20 Sa ni tuhasa, tiquiro omocarine, tiquiro pati pahma bato gũhũre usãre ihñori. Sa yena usã tiquirore usã pũhtorore ihñana bucuei. 21 Pari turi Jesu usãre ohõ saha nidi:

—Quehnoano ijiya mũsa. Yũhũ Pacũ yũhũre tiquiro ohoriro sahata, mũsa gũhũre yee buheyerere buheanare ohoaja, nidi Jesu usãre.

22 Sa ni tuhasa tiquiro usãre puti peori. Sa puti peoro Espiritu Santore usã ñehateire ihñono nidi usãre. Ihño tuhasa ohõ saha nidi:

—Yojopũ Espiritu Santore ñehaña mũsa, mũsa mehna ijiatiquirore. 23 Apequina tiquina ñañe yerire mũsa bogũ, sata ijietã. Sa ye apequina tiquina ñañe yerire mũsa boeragũ ti bori ijisi, nidi Jesu usãre tiquiro buhenare.

*Jesure masa wijiariquirore Tomasu ihñahye*

24 Jesu usã watoapũ tiquiro bajuagũ Tomasu sũhdũariquiro tiquina ni pisuriquiro usã mehna mariedari.

25 Tiquiro sa mariedagũ usã mehna cjẽna tiquirore yahumedi.

—Mari pũhtorore usã ihñau, ni yahumi usã Tomasure.

Usã sa ni yahuepegũta ohõ saha nidi Tomasu:

—Tiquiro omocarine tiquina quẽ bihari coperire ihñedagũ, ti coperire yũhũ omo piria mehna ohbe tuhueragũ “Ijirota masa wijiayã”, nisi yũhũ. Sa yegũ tiquiro pati pahma bato ijiri copere yũhũ omoca mehna siõ sõedagũ, “Ijirota masa wijiayã”, nisi yũhũ tiquirore, nidi Tomasu.

26 Ocho decori bato pari turi usã tiquiro buhena usã wãhũpũ ijii. Ti pjere Tomasu usã mehna ijiri. Ti wãhũ bihari wãhũ ijiri. Bihari wãhũ ijiepegũta Jesu wãhũpũ sajã taro, usã watoapũ bajuadũca saro ohõ saha nidi:

—¿Ne, ijiajari mũsa? Quehnoano ijiya mũsa, nidi.

27 Sa ni tuhasa, tiquiro Tomasure yahuri:

—Ihñaña yũhũ omocarine. Sa ye mãhũ omo piria mehna yũhũ omocarine tiquina quẽ bihari coperire ohbe tuhuya. Sa yegũ mãhũ omoca mehna yũhũ pati pahma bato ijiri copere siõ sõ tuhuya. “Poto ijierare”, niedacãhña. “Ijirota ijire”, niña mãhũ, nidi Jesu Tomasure.

28 Tiquiro sa nidi bato Tomasu yãhtiri:

—Mãhũ yũhũ pũhto ijire. Yaquiro Cohãcjũ ijire mãhũ, nidi Tomasu Jesure.

29 —Yũhũre mãhũ ihñari bato yũhũre wacũ tutuare mãhũ. Apequina pehe yũhũre ihñedapeta yũhũre wacũ tutuaeta. Sa ye tiquina mãhũ yũhdũoro bucueeta, nidi Jesu Tomasure.

*Jesure mari masiatire ahri pũre ojoahye*  
*Ñũ*

30 Sa yero peye apeye gũhũre Cohãcjũ tutuaye mehna ye ihñori Jesu usã mehna ijiro. Tire tiquiro yerire ahri pũpũ ojoa pehoeradũ yũhũ. 31 Sa ojoa pehoerapegũta ahri pũpũ yũhũ yahurire ojoau “Jesuta



Cristo Cohãcjũ ohoriquiro ijire. Tiquiro potota Cohãcjũ macũno ijire”, m̄sa ni masiatire. Sa yena m̄sa tiquirore wacũ tutuana Cohãcjũ mehna m̄sa sa ijiducuatire ojoaũ ahri pũre.

## 21

### *Jesu siete tiquiro buheyequinare bajuahye*

<sup>1</sup> Came Tiberia wame tiri ditara d̄ht̄a cahap̄a us̄are tiquiro buhenare Jesu pari turi bajuari tja. Us̄are bajuaro ohõ saha yeri tiquiro. <sup>2</sup> Simo Pedro, Tomasu s̄hd̄ariquiro tiquina niniquiro, Natanae Galilea yehpap̄a ijiri maca, Caná wame tiri maca cjũno, apequina p̄aro buheyequina, Zebedeo pohna p̄ana us̄a ohõpequinata cahmecoaũ.

<sup>3</sup> Sa us̄a cahmecoari bato Simo Pedro us̄are ohõ saha nidi:

—Wahi wejẽḡa wahaũ niaja, nidi tiquiro.

—Us̄a ḡh̄a m̄h̄a mehna wahanatja, nii us̄a tiquirore.

Sa ni tuhasa buhaa wahaũ. Sa yena yuc̄sa mehna wahaũ. Ti ñamine us̄a quehnoano wahi wejẽ bohreepenata ne ihc̄aquiwo wahi wejẽdadũ. <sup>4</sup> Bohrea parĩ quehagũ Jesu pad̄rop̄a ducugũ tiquirore ihñami us̄a. Sa ihñaeppenata tiquirore ihña masiedũ us̄a. <sup>5</sup> Sa yero tiquiro pehe us̄are sinituri:

—¿Ne wahi wejẽajari m̄sa? nidi Jesu.

—Ne wejẽdabutiaga us̄a, ni yuhtii us̄a.

<sup>6</sup> —Yuc̄sa poto pehe pahrẽ pehe doque ñoña. Tie pehe doque ñona wahi wejẽnata m̄sa, nidi us̄are.

Tiquiro sa nigũ t̄hona us̄a tiquiro nidirota doque ñou. Us̄a doque ño tuhasagũta peyequina wahi sajãri. Peyequina wahi sajãgũ wẽñan̄re yuc̄sap̄a weje sãana c̄uedadũ us̄a. <sup>7</sup> Sa yeḡa ȳh̄a Jesu cahñoḡa Pedroke yahuu:

—Mari p̄htorota ijire siquiro pad̄rop̄a ducuriquiro, nii ȳh̄a Pedroke.

Ȳh̄a sa nigũ t̄horo Jesuta tiquiro ijigũ masino, Simo Pedro tiquiro suhtirore sañari. Wahi wejẽno taro tiquiro suhtirore tu weriquiro ijinidi. Tiquiro suhtirore saña tuhasa, diap̄a uhpu ñojoaa wahari. <sup>8</sup> Sa yena us̄a apequina buhena yuc̄sap̄a ijina, cien metro yoaro diap̄are pahsaũ

us̄a. Sa yena wẽñan̄re wahi peyequina sajãd̄re yuc̄sa mehna weje n̄j̄aũ us̄a.

<sup>9</sup> D̄ht̄a cahap̄a us̄a wahã sagũ, top̄a peca niti dihita asĩ cuñari peca ijiri. Ti peca bui tiquiro p̄hõ c̄uriquirore wahire ihñau us̄a. Pã ḡh̄are ihñau us̄a.

<sup>10</sup> Sa us̄a ihñagũ ihñano Jesu us̄are ohõ saha nidi:

—Mianogã m̄sa wejẽdiquinare meheñequinagã ne cãhtaya, nidi us̄are.

<sup>11</sup> Tiquiro sa nigũ Simo Pedro pehe Jesu mehna ijiriquiro yuc̄sap̄a sajã, wẽñan̄re, buj̄yequina wahi ciento cincuenta y tres wahi sajãd̄re weje majari. Peyequina wahi sajãepeta wẽñan̄re t̄hr̄dari.

<sup>12</sup> —Ihyana ahtaya, nidi Jesu us̄are.

“¿Noa boro ijiajari m̄h̄a?” ni sinituerũ us̄a tiquirore. Us̄a p̄htoro tiquiro ijigũ masii us̄a. <sup>13</sup> Sa yero Jesu peca cahap̄a esaro, pãre ne, us̄are itiri. Wahi ḡh̄are itiri.

<sup>14</sup> Sa yero Jesu tiquiro masa wijiari bato pad̄rop̄a bajuaro ihtia taha us̄are tiquiro buhenare bajuaro nidi.

### *Jesu Simo Pedro mehna yahuducuahye*

<sup>15</sup> Us̄a ihyari bato Jesu Simo Pedroke sinituri:

—¿Simo Ñu mac̄a, ahriquinare m̄h̄a cahño ȳhd̄oro ȳh̄are cahñajari m̄h̄a? nidi Jesu Simo Pedroke.

—P̄hto, m̄h̄are cahñaja ȳh̄a. M̄h̄are ȳh̄a cahñgũ masine m̄h̄a, ni yuhtiri Simo Pedro.

<sup>16</sup> —Sa yeḡa ovejagãre tiquina nuno saha yeequinare buheya m̄h̄a, nidi Jesu.

Sa ni tuhasa pari turi tiquiro Simo Pedroke sinituri:

—¿Simo Ñu mac̄a, ȳh̄are cahñajari m̄h̄a? nidi Jesu.

—P̄hto, m̄h̄are cahñaja ȳh̄a. M̄h̄are ȳh̄a cahñgũ masine m̄h̄a, ni yuhtiri Simo Pedro.

—Ovejare cohteriquiro ovejare tiquiro quehnoano cohtero saha, yeequinare quehnoano buhe cohteya, nidi Jesu Pedroke.

<sup>17</sup> Sa ni tuhasa pari turi Simo Pedroke sinituri:

—¿Simo Ñu mac̄a, ȳh̄are cahñajari m̄h̄a? nidi Jesu tja.

Ihtia taha sa ni tiquiro sinitugũ t̄horo Simo Pedro tutuaro buj̄a witi:

—Pũhto, mũhũ masi pehore. Mũhũre yũhũ cahĩgũ masine mũhũ, ni yũhtiri Simo Pedro.

—Ovejare tiquina nuno saha yeequinare buheya mũhũ. <sup>18</sup> Ijirota mũhũre niaja. Mũhũ wahmũ ijigũ mũhũ suhtire saña, mũhũ cahmediropũ tinie tiahye mũhũ. Sa yerigũ mũhũ ijiepegũta came mũhũ bũcũ ijigũ, mũhũ omocarine mũhũ siõdoqueogũ apeqũiro mũhũre suhtiro sãanota. Sa yero mũhũ waha dueropũ mũhũre neanota, nidi Jesu Simo Pedroro.

<sup>19</sup> Sa nino Simo Pedroro dũhse waha tiqũiro yariatire yahuro nidi. Camerũ bũcũro tiqũiro wahagũ sa yeye taye niahye apeqũina tiqũirore. Cohãcjũ yere Pedro yeri buhiri apeqũina tiqũirore wejẽñe taye niahye. Sa yero Pedro yariatire yahuro nidi Jesu. Sa ni yahu tuhasa, ohõ saha ni nemori Pedroro:

—Poto yũhũ buheriro sahata yeya mũhũ, nidi Jesu Pedroro.

*Jesu tiqũiro cahĩniqũiro buheriqũiro ahri pũre ojoariqũiro ijire*

<sup>20</sup> Tiqũiro sa nigũta Pedro pehe majare ihñadoqueo, yũhũre Ñure Jesu tiqũiro cahñogũ buherigũre tiquinare yũhũ nũnũ tãgũ ihñano Pedro Jesure sinituri. Yũhũ pehe Pedro ihñarigũ to pano ohõ saha nidigũ ijii. “¿Pũhto, mũhũre ihña tuhtiyequinare ihñoatiqũiro pehe noa boro ijiagari tiqũiro?” ni Jesure siniturigũ ijii yũhũ. Ti pjere Jesu tiqũiro pari paha ihya dujii yũhũ. Sa yero yũhũre ihñano Pedro Jesure sinituri:

<sup>21</sup> —¿Pũhto, ahriqũiro pehe dũhse waharotari? ni sinituri.

<sup>22</sup> —Tire mũhũre yahueraja. Ahri yehpapũ yũhũ tojoa tato pano ahriqũirore ijiducugũ yũhũ yeatire masiedare mũhũ. Sa yegũ mũhũre yahueraja. Poto yũhũ buheriro sahata yeya mũhũ, nidi Jesu Pedroro.

<sup>23</sup> Tire tiqũiro yahurire ijipihtiyequina Jesu yequina tiquina basi yahu sitemedi. Tire yahu siteye ohõ saha nimesi tiquina pehe: “Jesu tiqũiro cahĩniqũiro buheriqũiro yariasi”, ni yahu sitemedi yũhũre Jesu yequina tiquina basi. Tiquina sa niepegũta “Tiqũiro yariasi”, nino niedari jimesi Jesu. “Ahri yehpapũ yũhũ tojoa tato

pano ahriqũirore ijiducugũ yũhũ yeatire masiedare mũhũ. Sa yegũ mũhũre yahueraja”, nidi Jesu Pedroro.

<sup>24</sup> Jesu buherigũ ahrire yahurigũ, ahri pũre ojoarigũ ijiaja yũhũ. Sa yena ahri yũhũ yahuye poto ijigũ masiaja mari.

<sup>25</sup> Peye apeye gũhũre Jesu yeri. Tiquiro yerire mari oja pehogũ ti pũri ojoari pũri peye waro wahaboaga. Sa ye ti pũrine mari ihbogũ esa tuhaeraboaga ahri yehpa. Wahpaa wahaboaga, yũhũ tuhutugũ. To puno tjire.

## Jesu buhe dutiro tiquiro cūriquina tiquina yerire yahuri pū ijire

—*Espíritu Santo ahtarota, niahye ahri pūre ojoariquiro*

1-2 Teófilo, ahri quitire m̄h̄are ojoaga niaja. To pano ȳh̄u ojoa m̄htari pūre Jesu yerire, tiquiro buheyere m̄h̄are yahu tuhasa. Tee ̄hm̄sep̄u tiquiro m̄jarire ȳh̄u yahu bato tii. Jesu tiquiro m̄jato pano Espiritu Santo tutuaye mehna dutiahye tiquiro bese cūriquinare. 3 Sa ye Jesu curusap̄u tiquiro yariari bato ihquē tahari paḡu tiriquiro bajuahye tiquiro cūriquinare. Cuarenta decori bato bajua bato tiahye. Sa yero tiquiro basi catiriquiro ijiyere ih̄noahye tiquinare. Sa bajuaro mari Pac̄u tiquiro p̄htoro ijiyere quehnoañe buheyere yahuahye tiquinare.

4 Jesu tiquiro cūriquina mehna ijinino tiquinare oh̄o saha ni yahuahye:

—Jerusalēp̄ta ijiniña vojop̄re. “Espiritu Santore m̄sare ohoḡtja”, ȳh̄u Pac̄u tiquiro nidiquirore cohteniña. Tire tiquiro nidire m̄sare yahuu ȳh̄u. 5 Ñu m̄sare wame yero aco mehna wame yemedi. Ȳh̄u pehe ti ȳhd̄oro yeitja m̄sare. Mehenoḡa bato Espiritu Santore m̄sa mehna ijiducuḡu yeitja m̄sare, niahye Jesu.

*Jesu ̄hm̄sep̄u m̄jaa wahahye*

6 Sa ye ape taha c̄n̄p̄u Olivo wame tid̄p̄u Jesu tiquinare tiquiro bajuaḡu ih̄ñañe tiquina sinituahye tiquirore:

—¿P̄hto, Israe yehpare tiquina eh̄mari yehpare d̄h̄se ijiḡu s̄s̄are pari turi cūḡtjari m̄h̄u? ¿D̄h̄se ijiḡu mari acaye warore p̄htoro s̄oḡtjari m̄h̄u? niahye tiquiro yequina.

7 Tiquina sa niḡu t̄horo Jesu oh̄o saha niahye:

—Mari Pac̄u dihita ti decore m̄sa ya yehpare m̄sa quehnoano ijiatire cū masine. Ti decore m̄sare masino basioerare. 8 Sa masiedapenata m̄sare Espiritu Santo tiquiro wihiḡu Coh̄cj̄u ye

tutuayere c̄onata m̄sa. Tiquiro ye tutuayere m̄sa c̄ona Jerusalē cj̄nare, ijip̄ihtiequina Judea yehpa cj̄nare, Samaria yehpa cj̄nare, sa ye ijip̄ihtie yehpari cj̄nare quehnoañe buheyere buhenata m̄sa. Ȳh̄u yariarire, ȳh̄u masa m̄jarire tiquinare buhenata m̄sa, ni yahuahye Jesu tiquinare.

9 Sa ni yahu tuhasa, Jesu ̄hm̄sep̄u m̄jaa wahahye. Tiquina tiquirore ih̄ña n̄n̄u t̄a m̄oḡta ehmeo curua puhiap̄u saj̄a, buti m̄jaa wahahye. 10 Sa ye tiquina Jesu m̄jariquirore tiquina ih̄ña m̄ori watoa p̄aro angele yehseye suhti sañañequina Jesu tiquiro cūriquina watoa bajuad̄ca sahye. 11 Sa ye tiquinare oh̄o saha niahye:

—¿M̄sa Galilea cj̄na, d̄h̄se ijiro boro ih̄ña m̄oducuna niajari m̄sa? Ahriquiro Jesu ̄hm̄sep̄u m̄jariquiro, tiquiro m̄jariro saha ahtarota, ni yahuahye angele.

*Jesu cūriquina Juda m̄nanore comesa-tiquirore beseahye*

12 Sa ye Jesu yequina c̄n̄p̄u Olivo wame tid̄p̄u ijiriquina dijia ta, Jerusalēp̄u tojoa sahye. T̄u c̄n̄p̄ure ih̄c̄a kilómetro ȳhd̄o cj̄no yoaro ijiahye Jerusalē d̄ht̄u cahap̄re. 13 Tojoa sa, ̄hm̄anop̄u tiquina ijiri tuc̄p̄u m̄jaa wahahye. Ahriquina ijiahye: Pedro, Ñu, Santiago, Andre, Felipe, Tomasu, Bartolomé, Mateo, Santiago, Simo, Juda ijiahye. Santiago pehe Alfeo mac̄no ijiahye. Simo pehe celote wame tiri curua cj̄no ijimediquiro ijiahye. Juda pehe Santiago acaȳro ijiahye. 14 Peye tahari ahriquina ijip̄ihtiequina, numia mehna, María Jesu pacoro mehna, Jesu bahana mehna quehnoano cahmecoa, tutuaro mehna mari Pac̄u sinie tiahye.

15 Sa ye ti decorire masa peyequina cahmecoahye. Ciento veinte ijiye ijiyoaya. Sa yero Pedro pehe tiquiro mehna cj̄na Cristo yequina watoa ducu, yahuahye tiquinare:

16 —Ȳh̄u acaye, Coh̄cj̄u panop̄u tiquiro nidiro sahata waharo nidi. Tire Espiritu Santo Davire yahu dutiahye Juda m̄nanore. Juda m̄nana Jesure

ñeheatiquinare ihñoriqiro ijiri. <sup>17</sup> Sa yea-tiquiro ijieperota mari mehna Jesu yere yeriquiro ijimedi. Sa yero usã mehna cjãnota ijimedi, niahye Pedro.

<sup>18</sup> Jesure ihño dutiye tiquina wapa yerire Juda mñnano pehe wiari bato tiquiro basita wejẽ yariaa wahahye. Sa yero boraa waha, tiquiro cahta misi da tãhnua waha, yariaa wahahye. Tiquiro wiari mehna apequina mehenogã yehpare dúahye. <sup>19</sup> Ijipihtiyequina Jerusalẽ cjẽna masi pihti cãri jiri Juda mñnano tiquiro ñano yerire. Sa masiñe tiquiro ye niñeru mehna tiquina dúri yehpare Acéldama wame yerí jiri tiquina ye yahuducuye mehna. Acéldama niñe, “Dii yehpa”, niñe nine. <sup>20</sup> Came ohõ saha ni nemoahye Pedro:

—Panopũ tiquina ojoariro sahata sa wahari Juda mñnano. Salmo tiquiro ojoari pũpũ ohõ saha ni ojoahye:

Tiquiro wãhũ cohõri wãhũ ijiahro. Sa ye apequina ti wãhare ijieracãhdo, ni, ojoahye.

Ohõ gãhare ohõ saha ni ojoahye:

Apequiro tiquiro dahrayere comesariquiro ijirota, ni, ojoahye Salmopũ.

<sup>21-22</sup> ‘Sa yena mari ihcãquiro beseihna. Ñu wame yeriquiro mñnano masare tiquiro buheri watoa ihquẽquina Jesu yequina mari mehna wahari. Tiquina mehna cjãnore ihcãquiro bese neno cahmene mari mehna cjãno ijiatiquirore. Jesu mehna mari ijigã mari mehna sa ijiducuriquirore besero cahmene. Sa mari beseri bato Jesu tiquiro masa mñarire mari mehna buherota, ni yuahye Pedro tiquiro acayere Cristo yequinare.

<sup>23</sup> Tiquiro sa nigũ tãhoye pãarore bese bocaheye tiquina. Ihcãquiro José Justo wame tiriquirore beseahye. Tiquiro Barsaba tiquina ni pisuriquiro ijiahye. Sa ye apequirore Matia wame tiriquirore beseahye. <sup>24-25</sup> Tiquinare bese boca tuhasa, tiquina mari Pacũre ohõ saha ni siniahye:

—Mũhũ usã pũhto, ijipihtiyequina masa tiquina tãhotuyere masine. Ahriquina pũaro usã beseriquina ijire. Juda mñnanore comesatiquirore diquiro mũhũ

cahmeniquirore beseya. Jesure cohãtjiano Juda mñnano pehe pecapũ wahahye. Tiquirore comesariquiro Jesu tiquiro cũriquiro ijirota. Sa yero usã mehna quehnoañe buheyere buherota, niahye tiquina mari Pacũre.

<sup>26</sup> Sa niñeta Juda mñnanore comesatiquirore beseye tehe utã paca mehna doque cũ mñarhaye “Noa pehe sajãnotari”, niñe. Matia tiquiro quehnoano wijiagã, tiquiro pehe Jesu cũriquina once cũriquina mehna cjãno tojoahye.

## 2

*Espíritu Santo Jesu yequina mehna iji dũcahaye*

<sup>1</sup> Sa ye Pentecoste wame tiri deco ijigã tiquina ijipihtiyequina ihcã wãhãpũ cahmecoahye. <sup>2</sup> Ti pjereta wihnono tutuaro wẽno saha ãhmãanopũ bisiro ca tahye. Sa bisiro ca tagã tãhoahye ijipihtiyequina ti wãhãpũ ijiriquina. <sup>3</sup> Sa ye peca pohna yero saha ijiye tiquina ijipihtiyequina dapu paca bui bajuahye. Ti peca pohnarigã ñehmeno yero saha bajuahye. <sup>4</sup> Sa yero Espiritu Santo wihiahye tiquinare tiquiro tutuayere ohoro taro. Espiritu Santo tiquinare yedohoro puno tiquina pehe apequina ye mehna quehnoano yahuducuaheye.

<sup>5</sup> Ti decorire Jerusalẽpũ peyequina judio masa ijiahye. Mari Pacũre ño peoyequina ijiahye. Tiquina macaripe cjẽna ijiahye. <sup>6</sup> Sa ye ãhmãsepũ bisigã tãhoye Jesu buheyequina cahãpũ peyequina cahmecoahye. Masape ye yahuducuyere Jesu buheyequina tiquina yahuducugã tãhoahye. Sa tiquina yahuducugã tãhoye, tiquina tãho maria wahahye.

<sup>7-8</sup> —Ahyou, ¿Dũhse yeye ahriquina Galilea cjẽna ijiepetã quehnoano mari yere yahuducujari? Tiquina mari masa bajarirorpũ ahtariquina yero sahata yahuducuye ca tare, niahye tiquina pehe.

<sup>9-10</sup> —Ijipihtiyequina mari yere yojopũre yahuducuye nine: Partia cjãna, Media cjãna, Elã cjãna, Mesopotamia cjãna, Judea cjãna, Capadocia cjãna, Ponto cjãna, Asia cjãna, Frigia cjãna, Panfilia cjãna, Egipto

cjãna, Libiapu ijiye macaripu Cirene cahapu ijina, Romapu ahtarina ijiaja mari. Ihquẽquina judio masa ijiaja mari. Apequina mari judio masa ijiena, judio masa ye buheyere buhenapu ijiaja mari. <sup>11</sup> Creta cjẽna gũhu, Arabia cjẽna gũhu ijire mari mehna. Sa yena ahriquina mari yere tiquina yahuducugũ tũhoaja mari. Tiquina mari ye mehna Cohãcjũ tutuaye mehna tiquiro yerire yahuye nine, ni yahuducuahye masa tiquina basi.

<sup>12</sup> Sa niñeta tiquina tũho acũaa waha, tiquina ihñarire tiquina tũhorire quehnoano masiedahye.

—¿Ahri dũhse ijiro boro ahriquina apequina ye mehna Cohãcjũ yere sa quehnoano yahuducujari, mũsa tũhotugũ? ni cahme sinituahye tiquina basi.

<sup>13</sup> Tiquina sa ni tũhotuepegũta apequina tiquina mehna cjẽna bujũpeahye:

—¿Dũhse ahriquina sihbiori sihni, queheye nijari? ni bujũpeahye apequina tiquina basi.

### *Pedro masare yahuahye*

<sup>14</sup> Sa yero Pedro once Jesu cũriquina mehna ducu, masare yahuahye:

—Mũsa Judea yehpa cjãna, ijipihtina Jerusalẽpu ijina, ahrire masiña mũsa. Yũhu yahugũ tũhoya mũsa. <sup>15</sup> Mũsa tũhotuye poto ijierare. Yojojũta nueve hora ijire. Sa ye ahriquina queherare. <sup>16</sup> Ahriquina Cohãcjũ panopu tiquiro nidiro sahata yeye nine. Ti pjeppure Joere Cohãcjũ yere yahu mũhtariquirore, ahrire yahu dutiahye Cohãcjũ pehe:

<sup>17</sup> Iji bato tiye decori ijigũ ohõ saha ijirota: Yaquiro Espĩriture masare ijipihtiyequinare ohogũtja. Sa ye mũsa pohnapu yeere yahueta. Sa ye mũsa mehna cjẽna wahma pjia bajumehneñene ihñæta. Sa ye mũsa mehna cjẽna bucũna quehẽnopu quehẽeta. <sup>18</sup> Sa yegũ yũhu cahacjẽnare, yũhu cahacjẽna numia gũhũre yaquiro Espĩriture ohogũtja. Sa ye tiquina yahueta yeere. <sup>19</sup> Sa yegũ yũhu tutuaye mehna bajumehneñene ye ihñogũtja ahmũanopu. Yehrapu gũhũre yũhu

bajumehneñene ihñogũtja: Diire, pecare, peca ohmeore ihñogũtja. <sup>20</sup> Sa yero asũ deco cjũno nahitiaa waharota. Ñami cjũno dii yero saha sohãriquiro comesarota. Ohõ saha waharota Cristo mũsa puhtoro tiquiro ahtati deco, yũhu nidi deco pano. Ti decopu ihñæ maria wahaeta masa. Sa yero ihyo ijiri deco ijisi. Ti deco quehnoari deco ijirota. <sup>21</sup> Sa yero ohõ saha ijirota. Ijipihtiyequina masa Cristore tiquina ñañene cohã duti siniñequinare tiquiro tiquinare pecapu wahaboriquinare yũhdũorota, nine Cohãcjũ, ni ojoahye Joel.

<sup>22</sup> Mũsa Israe masa yũhu yahugũ tũhoya: Jesu Nazare cjũno pehe Cohãcjũ ohoriquiro ijiri. Jesure tiquiro ohorire masa tiquina masiato saha tiquiro tutuaye mehna ye ihñori mũsare. Mũsa tire masine. <sup>23</sup> Jesure ohori mũsare apequiro. Panopu Cohãcjũ “Sa waharota”, tiquiro nidiro sahata sa yeri apequiro. Sa yena mũsa Jesure curusapu wejẽ dutiri masa ñañequinare. <sup>24</sup> Cohãcjũ pehe Jesure yariariquiro mũnanore masori. Pari turi ne yariasi tiquiro. Tiquiro yaria dojoerare. Sa catiducuatiquiro ijire. <sup>25</sup> Ohõ saha niahye Davi panopu cjũno Cristo tiquiro niboriro sahata:

Yũhu puhto, yũhu mehna ijire mũhu. Ijipihtiyede decori Cohãcjũ yũhu puhto yũhu caha mũhu ijigũ ihñæ tii yũhu cuerato saha. <sup>26-27</sup> Mũhu Cohãcjũ yũhu jeripohnare yariayequina tiquina ijirõpũre ne cohãsi. Yũhũre ñanopu yũhu jeripohnare cohãsi mũhu. Yũhu mũhu cahacjũ mũhũre ño peogu ijiaja. Yũhu pagũre ahba dutisi mũhu. Sa yegũ tutuaro bucueaja. Bucueye mehna yahuducujaja. Sa yegũ mũhũre Cohãcjũre quehnoano wacũ tutuagu ijigũ cuero marieno quehnoano iji cjã. <sup>28</sup> Yũhũre pari turi catigũ yegũta mũhu. Yũhu mehna mũhu ijigũ tutuaro bucueaja, ni, ojoahye Davi mũnanao Cristo tiquiro niboriro sahata.

<sup>29</sup> 'Acaye, ohō saha quehnoano yahugutja m̄sare Davire mari acayuro, panop̄m̄ cj̄n̄ore. Tiquiro yariaa wahahye. Sa yero tiquirore tiquina yari cope yojop̄m̄re ijire. Sa yero "Yuh̄m̄ pagure ahba dutisi m̄h̄m̄", ni ojoaro tiquiro basi wame peo yahuro niedahye. <sup>30-31</sup> Panop̄m̄ Cohācj̄m̄ Davi m̄nanore ohō saha niahye: "Poto niita niaja. M̄h̄m̄ panamena iji turiayequina mehna cj̄n̄o m̄h̄m̄ yero saha ahri yehpa cj̄n̄a p̄htoro ijirota", niahye Cohācj̄m̄ Davire. Davi Cohācj̄m̄ yere yahu m̄htariquiro ijiahye. Sa yero Cristore Cohācj̄m̄ tiquiro p̄htoro s̄otire masino, Cristo tiquiro masa m̄jatire yahu m̄hta tuhasahye Davi pehe. Ohō saha niahye: "Tiquiro yariayequina ijirōp̄m̄re iji dojoasi. Tiquiro paḡm̄ top̄m̄ ahbasi", niahye Davi. <sup>32</sup> Ahriquirore Jesure Cohācj̄m̄ masori. H̄s̄ā ijipihtina ih̄ñam̄. <sup>33</sup> Cristo mari Pac̄m̄ potō pehep̄m̄ ijire dutiriquiro ijiro. Sa yero tiquiro Pac̄m̄ro "Esp̄ritu Santore yehpap̄m̄ ohogutja", niahye tiquirore. Sa yero Cristo pehe ahriquinare Esp̄ritu Santore ohori. Yojop̄m̄re Esp̄ritu tiquiro yeyere m̄sa ih̄ñana nine. Sa yena m̄sa t̄hore. <sup>34</sup> Davi m̄n̄ano pehe Jesu tiquiro m̄jariro sahata h̄m̄sep̄m̄ m̄jaedahye. Sa yero tiquiro basi ohō saha niahye:

Cohācj̄m̄ nidi yuh̄m̄ p̄htorore: "Yuh̄m̄ potō pehep̄m̄ dujiya m̄h̄m̄. <sup>35</sup> M̄h̄m̄re ih̄ñā tuhtieyquinare m̄h̄m̄re yuh̄d̄m̄ca basatja yuh̄m̄", nidi Cohācj̄m̄ yuh̄m̄ p̄htorore, niahye Davi m̄n̄ano.

<sup>36</sup> 'Sa yena ijipihtina Israe masa ahrire quehnoano masiña m̄sa: Ahriquiro Jesure m̄sa curusap̄m̄ wej̄diquirore m̄sa p̄htoro s̄ori Cohācj̄m̄ pehe. Tiquirore m̄sare yuh̄d̄oatiquirore Cristore c̄uri Cohācj̄m̄, ni yahuahye masare Pedro.

<sup>37</sup> Tiquiro sa niḡm̄ t̄hoye tutuaro b̄j̄m̄a witiye, cueye masa pehe Pedro ḡh̄m̄re sinituahye:

—¿H̄s̄ā acaye, d̄h̄se yenatari h̄s̄ā? ni sinituahye tiquina.

<sup>38</sup> Tiquina sa ni sinituḡm̄ yuh̄tiahye Pedro ḡh̄m̄:

—M̄sa ñañe yeyere b̄j̄m̄a witina ijiya. Quehnoañe pehere comesaya. Sa yena Jesu wame mehna wame yenohrina ijiya

m̄sa ijipihtina. M̄sa sa yeḡm̄ m̄sa ñañene borota Cohācj̄m̄. M̄sa sa yeḡm̄ Esp̄ritu Santo m̄sa mehna ijirota. Cohācj̄m̄ yaquiro Esp̄ritu Santore sa oho c̄anota m̄sare. <sup>39</sup> M̄sare, m̄sa pohnare, m̄sa panamena iji turiayequinare, yorop̄m̄ cj̄n̄are, ijipihtieyquina Cohācj̄m̄ mari p̄htoro tiquiro beseriquinare, "Potota yuh̄d̄ogutja m̄sare", ni, c̄uahye Cohācj̄m̄, niahye Pedro.

<sup>40</sup> Sa ni tuhasa peye yahu nemoahye tiquiro. Sa yero tutuaro mehna yahuahye tiquinare:

—Ahri yehpa cj̄n̄are tiquina ñano yeri buhirire buhiri dahrerota Cohācj̄m̄. Sa yena m̄sa pehe Cohācj̄m̄ yequina ijiya. M̄sa sa ijiḡm̄ tiquiro m̄sare buhiri dahresi, niahye Pedro masare.

<sup>41</sup> Tiquiro sa niḡm̄ t̄hoye peyequina tiquiro yahuducuyere quehnoano t̄hoahye. Sa yero tiquinare tiquiro wame yeahye. Sa ye Cohācj̄m̄ yequina mehna cj̄n̄a tres mil masa waha nemoahye. <sup>42</sup> Sa ye tiquina masa Cristo c̄uriquina mehna decoripe ijie tiahye. Sa ye tiquina ti buheyere decoripe t̄hoe tiahye. Tiquina ih̄yayere cahme iti, Cohācj̄m̄re sini, Cristo c̄uriquina mehna quehnoano ijie tiahye.

*Jesu yequina coã iji d̄m̄cayequina tiquina ijiye tiyere yahuahye*

<sup>43</sup> Sa ye Cohācj̄m̄ tutuaye mehna ye ih̄ñoahye Jesu c̄uriquina. Tiquina sa yeḡm̄ ih̄ñañe masa ijipihtieyquina ih̄ñā maria wahae tiahye. <sup>44</sup> Sa ye ijipihtieyquina Jesure wac̄m̄ tutuayequina cahmecoa, quehnoano ijie tiahye. Sa ye tiquina yere cahme itie tiahye. <sup>45</sup> Tiquina yere dua, ijipihtieyquinare apee boro marieñequinare tiquinape ohoe tiahye tiquina. <sup>46</sup> Sa ye decoripe tiquina Cohācj̄m̄ w̄h̄p̄m̄ cahmecoae tiahye. Ijipihtieyquina tiquina ye w̄h̄sep̄m̄ bucueye mehna cahmecoa, ih̄yae tiahye. <sup>47</sup> Tiquina sa cahmecoa, "Cohācj̄m̄ quehnoariquiro ijire", ni ño peoe tiahye. Sa ye apequina masa tiquinare cahme yuh̄d̄e tiahye. Sa yero decoripe Cohācj̄m̄ apequinare tiquiro yequina wahaḡm̄ yee tiahye.

## 3

*Tini masieniquirote yuhduoahye mari Pacu*

<sup>1</sup> Namicahapu tres ijigũ Cohãcjũ mehna yahuducuri pje ijigũ Pedro, Nũ mehna Cohãcjũ wuhũpu wahaye niahye. <sup>2</sup> Decoripe ti wuhũ cjã sopecaha quehnoari sopecaha wame tiri sopecahapu apequna ihcãquiro masunore ne cãhta, duhu dapoe tiahye. Tiquiro masuno pehe wahma masa bajaranpata tini masiedahye. Sa yero tiquiro ti sopecaha caha niñerure sini dujie tiahye ti wuhũpu sajãñequinare. <sup>3</sup> Sa ye Pedro, Nũ mehna ti wuhũpu tiquina esaducagũ tini masieniquiro pehe tiquinare ihña, niñerure siniahye. <sup>4</sup> Sa ye Pedro gũhu tiquirote ihña, Pedro pehe ohõ saha niahye:

—Usãre ihñaña mũhu, niahye Pedro tiquirote.

<sup>5</sup> Tiquiro sa nigũ tuhoro “Ahriquina mehenogã yuhũre niñerure ohoeta”, ni tuhuro ihñadoque ohõ, tuhoahye tiquinare. <sup>6</sup> Tiquiro sa ni tuhorepegãta Pedro tiquirote ohõ saha ni yuahyehye:

—Niñerure cuoeraja yuhũ. Cuoerapeita, ahrire yeitja mũhũre. Jesucristo Nazare cjãno tiquiro tutuaye mehna tiniña mũhu, niahye Pedro tini masieniquirote.

<sup>7</sup> Sa ninota tiquiro omocare poto pehe cjã omocare ñehe, tiquirote weje wahcõ docoahye. Ti pjeta tini masieniquirote tiquiro ñecari tutuua wahahye. <sup>8</sup> Tiquiro sa wahari bato tiquiro wahcãduca sa, waha dũcahye. Sa yero tiquiro waha, uhpu maa, “Cohãcjũ quehnoariquiro ijire”, ni bucueahye. Sa bucuro tiquina mehna Cohãcjũ wuhũpu sajã wahahye. <sup>9</sup> Tiquiro sa tinigũ “Cohãcjũ quehnoariquiro ijire”, tiquiro nigũ masa ijipihtiequina tiquirote ihñahye. <sup>10</sup> Sa ye masa tiquirote ihña masiahye. Tiquiro Cohãcjũ wuhũ cjã sopecaha quehnoari sopecaha caha niñerure tiquiro sini dujirire masiahye masa. Sa ye tiquiro tinigũ ihñañe, ihña maria wahahye.

*Cohãcjũ wuhũpu Pedro masare buheahye*

<sup>11</sup> Sa ye tini masieniquiro Pedro gũhũre tiquiro ñeheni watoa, masa ijipihtiequina

ihña maria waha, quehnoari paapu Salomo wame tiri paapu oma cã, cahmecoahye. <sup>12</sup> Tiquina sa cahmecoari bato Pedro pehe yuahyehye tiquinare:

—¿Musa Israe masa, dahse yena ahriquirote ihña mariajari? ¿Dahse yena usãre musa ihña nunuajari? Usã pehe usã ye tutuaye mehna Cohãcjũre usã wacũ tutuaye mehna usã esa tuharo ahriquirote tinigũ yeru usã. <sup>13</sup> Abrahã, Isaac, Jacob mari ñecusumua panopu cjẽna Cohãcjũre ño peoe tiahye. Tiquiro Cohãcjũ pehe tiquiro cahacjãnore Jesure tutuariquiro, quehnoariquiro tiquiro ijigũ musare ihñoe tiri. Musa Jesure tiquirote ihña tuhtiequinare ohori. Sa yena Pilato tiquirote peresu wio duepegãta musa pehe tiquirote wiogũ cahmedari. Pilatore Jesure ohori musa. <sup>14</sup> Pilato tiquirote wio duamedi. Tiquiro sa wio duepegãta musa Jesure quehnoariquiro, quehnoano yeriquirote cahmedana, apequrore masa wejẽdiquiro pehere wio dutiri musa. <sup>15</sup> Sa yena Jesure marine catigũ yeriquirote wejẽdi musa, usã acaye judio masa. Tiquiro yariagũ Cohãcjũ tiquirote masori. Tire usã ihñaũ. <sup>16</sup> Sa yena usã tiquirote wacũ tutuana ijiaja. Usã sa wacũ tutuagũ ihñano ahriquirote musa yojopu ihñariquirore musa ihña masiniquirore Jesu pehe tiquiro tutuaye mehna tinigũ yeri.

<sup>17</sup> Yuhũ acaye, mari puhto mehna Jesure quehnoano masiedapenata tiquirote wejẽdi musa. Tire masiaja yuhũ. <sup>18</sup> Sa ye panopu cjẽna Cohãcjũ yere yahu mũhtariquina Cohãcjũ tiquinare tiquiro yahu dutirote sahata yuahyehye tiquina. “Cristo ñano yuhũrota”, ni yuahyehye tiquina. Tiquina sa ni yahurirote sahata sa wahari yojopure. <sup>19</sup> Sa yena yojopure musa ñañe yerire bujua witina ijiya. Quehnoañe pehere comesaya. Cristore wacũ tutuaya. Sa yero musa ñañe yerire borota Cohãcjũ. Sa yero musare bucueye decori cũnota tiquiro. Sa yena quehnoano jeri sajãnata. <sup>20</sup> Sa yero Cohãcjũ Cristore tiquiro beseriquirore musare ohorota. Cristo Jesuta ijire. <sup>21</sup> Cohãcjũ cahapu iji nine Jesu. Panopu Cohãcjũ tiquiro yere yahu mũhtariquinare yahuyu dutiahye.

Masare ahri yehpa gũhure tiquiro yeatire yahuyu dutiahye. Sa yero tiquiro yahuriro sahata yojopure ijipihtiyere quehnono nine. Quehno tuhasaro pari turi Cristore ahri yehpapure ohorota. <sup>22</sup> Moise tire yahuro ohõ saha niahye: “Mari mehna cjãnore mari acayure Cohãcjũ yere yahu mãhtariquirore Cohãcjũ mari pũhtoro ohorota mãsare. Yũhure tiquiro ohoriro saha ohorota tiquiro gũhure. Sa yena mãsare tiquiro yahugũ tũho pihti cãhña mãsa. <sup>23</sup> Ohõ saha ijirota. Ijipihtiyequina tiquirore tũhoerariquinare, tiquiro dutiyere yerariquinare tiquiro cohãnota. Cohãcjũ yequina mehna cjẽna ijisi tiquina”, niahye Moise.

<sup>24</sup> Ijipihtiyequina Cohãcjũ yere yahu mãhtariquinare Samuel, tiquiro bato ijiyequina gũhũ ahri decorire yahuahye. <sup>25</sup> Mari ñecusũmũare panopure cjẽnare yahuahye Cohãcjũ. Mari gũhure sa ni yahuro niahye. Abrahãre tiquiro nidiro sahata mari gũhure ni yahuro niahye. Ohõ saha ni yahuahye Cohãcjũ Abrahãre: “Ijipihitiri yehpa cjẽnare quehnoano yeitja. Ohõ saha tire yeitja: Camerũ iji nũnũ tãriquiro mãhũ acayure pehe masare quehnoano ye basarota yũhure”, niahye Cohãcjũ Abrahãre. <sup>26</sup> Sa yero Cohãcjũ tiquiro macũnore mari cahapure oho mãhtari mari ñãñe yeyere duhu dutiatiquirore. Sa yero marine tiquiro quehnoano yeri, niahye Pedro tiquinare.

#### 4

*Pedro, Ñũ mehna pũhtoare yahuducuahye*

<sup>1-3</sup> Masa mehna tiquiro yahuducuri watoa pahia, Cohãcjũ wũhure cohteyequina surara pũhtoro, saduceo masa gũhũ tiquinare tũhoahye. Ohõ saha ni buheahye Pedro Ñũ mehna mãsare:

—Jesu tiquiro yariari bato masa mãjaa wahari. Tiquiro sa mãsagũ ihñana mari gũhũ came mari tiquiro yequina mari masa mãjatire mãsiaja mari, ni yahuahye Pedro gũhũ.

Tiquina sa nigũ tũhoye pũhtoa pehe tiquina mehna usuahye. Sa usuaye nahi quehagũ ihñãñe tiquina Pedrore, apequina

Jesu cũriquina gũhure ñehe, peresu yeahye. <sup>4</sup> Pũhtoa tiquina sa cahmedapegũta peyequina Cohãcjũ yere tũhoyequina pehe “Ijirota ijire”, ni tũhotuahye. Sa ye Jesu yequina peyequina sajàhye. Tiquinare mũmũa sehsarore mari queogũ Jesure wacũ tutuayequina cinco mil masa ijiahye.

<sup>5</sup> Sa ye ape decopure ti maca cjẽna pũhtoa, bũcũna, judio masa buheyequina mehna Jerusalẽpũ cahmecoahye. <sup>6</sup> Sa yero pahia pũhtoro, Anás wame tiriquiro topure ijiahye. Tiquiro acaye gũhũ ijiahye. Caifa, Ñũ, Alejandro, apequina mehna Anás acaye gũhũ ijiahye. <sup>7</sup> Sa ye tiquina Pedro gũhure tiquina cahmedoqueogũ, surara pehe pũhtoa watoapure tiquinare ne wihi docoahye. Tiquina sa yeri bato pũhtoa sinituahye Pedro gũhure:

—¿Noa ye tutuaye mehna mãsa tiquirore tinigũ yeari? ¿Noa ijiajari mãsare tire ye dutiriquiro? ni, sinituahye tiquina.

<sup>8</sup> Tiquina sa nigũ tũhoro Espiritu Santo tutuaye mehna yahuahye Pedro tiquinare:

<sup>9</sup> —¿Mũsa pũhtoa, mãsa bũcũna, usã tini masieniquirore quehnoa wahagũ usã yerire sinituna nijari mãsa? <sup>10</sup> Ahrire mãsiña mãsa ijipihitina, Israe masa. Ahrire Jesucristo sa yeri. Jesu Nazare cjũno, mãsa curusapure wejẽdiquiro, Cohãcjũ tiquiro masoriquiro pehe ahriquiro tini masieniquirore quehnoa wahagũ yeri. Sa yena ahriquirore yojopure mãsa ihñonopure tiquiro tinigũ ihñare mãsa. Ohõ saha nine Cohãcjũ yere tiquina ojoari pũpũ Cristore yahuro: <sup>11</sup> “Ahriquiro utã yero saha ijiriquiro ijire. Utãre wũhũ dahreatiquina tiquina cohãno saha masa tiquirore cohãri. Tiquina sa yepegũta yojopure wũhũ dahreriquina wũhure yeye tiquina cũ mãhtari utãre tiquina cũno saha Cohãcjũ tiquirore pũhtoro sõri. Tiquiro Cristo pehe mariedagũ Cohãcjũ yequina wahaeraboaya masa. Tiquiro sa ihyo ijiriquiro ijierapegũta mãsa mari pũhtoa mehna tiquirore cahmedari. Mãsa sa cahmedapegũta Cohãcjũ pehe tiquirore mari pũhtoro sõri”, ni ojoahye panopure. <sup>12</sup> Ne, apequiro mãsare pecapure waha-boriquinare yũhdũoriquiro ne mariedare. Ahri yehpapure Jesu dihita mãsare



yahd̄oriquiro ijire. Ne apequina tiquiro yero saha ijiyequina ne mariedare, ni yahuahye Pedro tiquinare.

<sup>13</sup> Tiquiro sa ni yahuri bato Pedro, Ñu mehna buhemehneñequina tiquina ijigã ihñañe, cuero marieno tiquina buhegã ihñañe, p̄h̄toa, b̄c̄na, judio masa buheyequina mehna t̄ho maria wahahye. Sa ye Jesu yero saha tiquina buhegã ihñañe, oh̄o saha masiahye tiquina: “Pedro, Ñu ḡh̄u potota Jesu mehna cj̄ena ijire ahriquina”, ni, masiahye tiquina. <sup>14</sup> Sa yero tini masieniquiro ijimediquiro Pedro ḡh̄u mehna ijiahye. Tiquiro quehnoariquiro ijigã ihñahye p̄h̄toa, b̄c̄na, judio masa buheyequina mehna. Sa ye tiquina Pedro ḡh̄u “Ñano yeye nine”, ni yahusã masiedahye. <sup>15</sup> Sa yahusã masiedaye, p̄h̄toa tiquina cahmecoari tuc̄p̄u ijiyequinare Pedro ḡh̄u wija dutiahye. <sup>16</sup> Tiquina wijiari bato tiquina basi oh̄o saha ni yahuducuahye:

—¿Ahriquinare d̄h̄se yenatari mari? ni, yahuducuahye tiquina.

Oh̄o saha ni yahuducu nemoahye:

—Pedro, Ñu mehna Cohãcj̄u tutuaye mehna tini masieniquirore tinigã yeri jiri. Sa ye Jerusalẽ cj̄ena ijipihtiyequina tiquina sa yerire masidi. Sa yena mari pehe “Sa yerari tiquina”, ni masiedaja mari. <sup>17</sup> Sa yena Jesu tiquiro buherire apequinare buhe dutierac̄hna tiquinare, “Apequina ti buheyere cahmeari”, nina, ni yahuducuahye tiquina basi.

<sup>18</sup> Sa ni yahuducu tuhasa Pedro ḡh̄u p̄jio, oh̄o saha niahye:

—Jesu tiquiro buherire ne buherac̄hña apequinare. Tire ne yahuducuerac̄hña, nimahye tiquinare.

<sup>19</sup> Tiquina sa nigã t̄hoye Pedro, Ñu mehna oh̄o saha niahye tiquinare:

—M̄sa oh̄o saha nigã m̄sare ȳhtina, Cohãcj̄u pehere ȳhd̄ucana niboaga usã. ¿Noa pehere usã ȳhtigã cahmeajari m̄sa? ¿M̄sa pehere usã ȳhtigã cahmeajari m̄sa? ¿O Cohãcj̄u pehere usã ȳhtigã cahmedajari m̄sa? <sup>20</sup> Usã pehere usã ihñarire, usã t̄horire usãre n̄ono basioerare, ni ȳhtiahye Pedro, Ñu mehna.

<sup>21</sup> Tiquina sa nigã t̄hoye p̄h̄toa pehe pari turi dutimahye tiquinare tja:

—Jesu tiquiro buherire m̄sa buheri buhiri ñano ȳhd̄nata m̄sa, nimahye p̄h̄toa tiquinare.

“Ñu, Pedro mehna ñano yeye nine”, ni masiedari jiri tiquina. Sa ye masa pehe tini masieniquiro tiquiro ȳhd̄gã ihñañe, “Cohãcj̄u potota quehnoariquiro ijire”, ni, ahye masa. Tiquina sa nigã t̄hoye p̄h̄toa pehe Pedro ḡh̄u buhiri dahre masieda, tiquinare wioahye. <sup>22</sup> Tini masieniquiro, tiquina ȳhd̄oriquiro cuarenta c̄hmari c̄oriquiro ijiahye.

*Jesu yequina tiquina cueratire siniahye Cohãcj̄u*

<sup>23</sup> Sa ye Pedro, Ñu mehna tiquina mehna cj̄ena cahap̄u esa, pahia p̄h̄toa, b̄c̄na tiquinare tiquina nidire yahuahye.

<sup>24</sup> Tiquina sa nigã t̄hoye tiquina ijipihtiyequina mari Pac̄u Cohãcj̄u siniahye:

—Usã p̄h̄to, m̄h̄u uhm̄sere, yehpare, m̄ari ḡh̄u yeriḡu, ijipihtiyequina catiyequinare yeriḡu ijire m̄h̄u. <sup>25</sup> M̄h̄u yaquiro Esp̄ritu Santo usã ñec̄u m̄nano Davire m̄h̄u cahac̄j̄nore ahrire yahu dutiahye m̄h̄u nidiro sahata:

¿D̄h̄se ye Israe masa ijieyequina usajari? T̄ho masieñequina ijire masa.

<sup>26</sup> Peye yehpari cj̄ena p̄h̄toa cahmecoa, mari p̄h̄toro Cohãcj̄u, tiquiro p̄h̄toro s̄oriquiro Cristo ḡh̄u ihña tuhti, ñano ye duare tiquinare, ni yahu dutiahye m̄h̄u Davire panop̄u.

<sup>27</sup> Sa tjire. Ahri macap̄u Herode, Poncio Pilato, judio masa ijieyequina, judio masa mehna m̄h̄u beseriquirore Jesure quehnoariquiro m̄h̄u cahac̄j̄nore wejẽ duaye, cahmecoari. <sup>28</sup> Ti p̄je m̄h̄u cahmediro sahata “Sa waharota”, m̄h̄u nidiro sahata yeri tiquina. M̄h̄u masiñe mehna sa ni yahuahye m̄h̄u. <sup>29</sup> Sa yeḡu usã p̄h̄to, tiquina usãre “M̄sa buheri buhiri ñano ȳhd̄nata”, tiquina nidire wac̄ña m̄h̄u. Usãre ȳhd̄hoya. Sa yeḡu usãre m̄h̄u cahac̄j̄nare cuero marieno m̄h̄u buheyere yahu dutiya usãre. <sup>30</sup> M̄h̄u tutuaye mehna dohatiyequinare ȳhd̄hoya. Sa yeḡu m̄h̄u buheyere cuero marieno yahu

dutiya usãre. Sa yegũ Jesu quehnoariquiro mũhũ cahacjãno tiquiro tutuaye mehna ye ihño duti ya usãre. Sa yegũ dohatiyequinare usã yũhdũ dutigũ tiquiro tutuaye mehna yedohoya usãre, ni siniahye tiquina mari Pacũre.

<sup>31</sup> Tiquina sa ni sinidi bato, tiquina cahmecoari wũhũ ñuhmia wahahye. Sa ñuhmigũta Espiritu Santo tiquiro tutuaye mehna wacũ tutuayequina wahagũ yeahye tiquinare. Sa wahaye, Espiritu Santo tiquiro dutiriro sahata yeye, cuero marieno Cohãcjũ yere yahuahye tiquina.

### *Jesu yequina tiquina yere itie tiahye*

<sup>32-33</sup> Sa ye Cohãcjũ tiquiro tutuaye mehna tiquina Jesu cũriquina ohõ saha ni yahue tiahye masare: “Jesu tiquiro masarire usã ihñaũ”, ni, yahue tiahye tiquina masare. Sa yero tiquinare ijipihtiyequinare Cohãcjũ quehnoano yedohoducue tiahye. Sa ye Jesure wacũ tutuayequina peyequina ijiye, tiquina ihcãno saha tũhotuyequina ijie tiahye. Sa ye tiquina yere, tiquina doeri cjẽne “Yee dihita ijire”, ne nieda tiahye. Tiquina ijipihtiyequina tiquina yere apee boro marieñequinare tiquina mehna cjẽnare itie tiahye. <sup>34</sup> Sa ye tiquina mehna cjẽna pejecũoyequina marieda tiahye. Tiquina mehna cjẽna dihta cũoyequina, wũhũse cũoyequina tiquina yere duaie tiahye. <sup>35</sup> Sa duaye tiquina wapatarire ne cãhta, Jesu cũriquinare ohoe tiahye. Sa ye tiquina pehe tire tiquina mehna cjẽnare itie tiahye. Ijipihtiyequina cũoyequinare itie tiahye. <sup>36</sup> Ti pjere ihcãquiro tiquina mehna cjãno José wame tiri quiro ijiahye. Jesu cũriquina Josére Bernabé wame yeahye. Tiquiro wame Bernabé “Masare bucueriquiro ijire”, nine griego ye mehna. Tiquiro Leví ya curua cjãno Chipre nũcũo cjãno ijiahye. <sup>37</sup> Sa yero tiquiro wese cũoriquiro ijiro tire duahye. Sa yero tiquiro wapatarire Jesu cũriquinare ohoahye tiquiro apequinare iti dutiro.

## 5

### *Anania tiquiro namono Safira mehna ni mehoahye*

<sup>1</sup> Apequina gũhũ Bernabé yero saha yemahye. Tiquina Anania wame tiri quiro,

tiquiro namono Safira wame tiri coru ijiahye. Tiquina ya wesere duahye tiquiro. <sup>2</sup> Sa dueperota tiquiro wapatarire tiquiro basi neahye. Tiquiro namono gũhũ tiquiro sa yerire masiahye. Sa yero tiquina wapatarire tiquina dũharire ne cãhta, Jesu cũriquinare ohoahye Anania pehe. Sa ohoro “Oho pehogũ niaja”, nimahye tiquiro. <sup>3</sup> Tiquiro sa yegũ ihñano Pedro tiquirore yahuahye:

—Anania, watĩno mũhũre ni meho dutiri jiri Espiritu Santore. Sa yegũ mũhũ ya yehpare dua, mũhũ wapatarire mũhũ basi nedi jiri. <sup>4</sup> Mũhũ duato pano mũhũ ya wese ijiri. Sa yero mũhũ duari bato mũhũ ye wapata ijiri. ¿Sa yegũ dũhse ijiro boro sa ni mehoari mũhũ? Mũhũ usã dihitare ni mehoedari. Cohãcjũ gũhũre ni mehoru mũhũ, niahye Pedro tiquirore.

<sup>5</sup> Tiquiro sa nigũ tũhorota, Anania pehe doque quehe sa, yariaa wahahye. Sa ye ijipihtiyequina tiquiro sa wahagũ masiñe, tutuaro cueahye. <sup>6</sup> Tiquiro yariari bato wahma pjia ahta, tiquiro pagũre suhtiro cahsero mehna wahme, sopechapũ ne wijia, yahye tiquirore.

<sup>7</sup> Sa ye ihtia hora bato Anania mũnãno namono, tiquiro yariarire masiedaro Pedro cahapũ sajãhye. <sup>8</sup> Sa yero Pedro ticorore ohõ saha niahye:

—¿Mũsa ya wesere duatjiãna noho puno wapataru mũsa? niahye tiquiro.

Sa yero ticoro manũno mũnãno tiquiro nidiro punota, “To punota wapataũ usã”, ni yahumahye ticoro.

<sup>9</sup> Sa yero Pedro yahuahye ticorore:

—¿Dũhse yena mũsa ihcãno saha Cohãcjũ yaquiro Espiriture ni meho duajari? Tũhoya yojopũre. Mũhũ manũno mũnanore yariquina ahtare. Mũhũ gũhũre mũhũ pagũre neñe taye nine, niahye Pedro.

<sup>10</sup> Tiquiro sa ni yahugũta ticoro doque quehe sa yariaa wahahye. Sa ye wahma pjia ti wũhũre sajã wihi, ticoro pagũre ne wijiaa wahahye. Ne wijia ticorore ne cãa wahahye. Ne cã, ticoro manũno mũnãno pari paha yahye. <sup>11</sup> Sa ye Jesu yequina ijipihtiyequina apequina tire tũhoye cue yũhdũahye.

*Jesu cūriquina Cohācjū tutuaye mehna ye ihñeahye*

<sup>12</sup> Sa ye masa watoapꝰ Jesu cūriquina peye tahari Cohācjū tutuaye mehna ye ihñoe tiahye. Sa ye tiquina Salomo wame tiri tucūꝰ quehnoari tucūꝰ cahmecoae tiahye. <sup>13</sup> Sa ye apequina tiquinare cueye, tiquina cahapꝰ wahaera tiahye. Sa cuepeta tiquinare Jesu cūriquinare, “Quehnoañequina ijire ahriquina”, nie tiahye masa. <sup>14</sup> Sa ye ꝰꝰꝰꝰ, numia peyequina Jesure wacū tutua dꝰcahye. <sup>15</sup> Sa ye tiquina dohatiyequinare ne cāhta, coma cjūñe mehna pū ta, duhu cūe tiahye mahapꝰ tiquinare. Sa ye Pedro tiquinare tiquiꝰo ña peogū cahmeahye tiquinare ne cāhtariquina pehe dohatiyequina tiquina yꝰhdꝰgū cahmeñe. Tiquinare tiquiꝰo ña peoeragū Pedro tiquina bui watīdoque peogū cahmeahye tiquina. Ti dihitare cahmeahye tiquina yꝰhdꝰato saha. <sup>16</sup> Sa ye Jerusalē caha ijiye macari cjēna gūhꝰ dohatiyequinare, watīa mehna ijiyequina gūhꝰre ne cāhtae tiahye. Ijipihtiyequina tiquina pagari quehnoa wahahye.

*Jesu cūriquinare apequina ñano yee tiahye*

<sup>17</sup> Tiquina sa yegū ihñañe pahia pꝰhtoro, tiquiꝰo mehna cjēna mehna Pedro gūhꝰre ihñā tuhtiahye. Pahia pꝰhtoro mehna cjēna saduceo masa ijiyahye. <sup>18</sup> Sa ye tiquina usua yꝰhdꝰꝰ, Jesu cūriquinare ñehe, peresu yeahye. <sup>19</sup> Sa yero ñamipꝰ Cohācjū yaquiꝰo angel pꝰoahye tiquinare peresupꝰ dujiyequinare. Sa ye tiquinare wijia ta dutiro yahuahye angel:

<sup>20</sup> —Cohācjū wꝰhꝰꝰꝰ wahaya. Ti wꝰhꝰꝰꝰ ijina Cohācjū tiquiꝰo masorire ahri quehnoañe buheyere yahuya masare, niahye angel tiquinare.

<sup>21</sup> Tiquiꝰo sa nigū tꝰhoye, ñami cjūno Cohācjū wꝰhꝰꝰꝰ sajā, masare buheahye tiquina. Ti decota pahia pꝰhtoro, tiquiꝰo mehna cjēna, Israe masa pꝰhtoa mehna cahmecoa, Jesu cūriquinare peresupꝰ ijiyequinare ne cāhta dutimahye surara pꝰhtoare. <sup>22</sup> Sa niepegūta surara pꝰhtoa peresu tiquina yeri wꝰhꝰꝰꝰ waha, ihñahye. Tiquinare bocaerahye. Bocaera, tojoaa wahahye. Tojoa sa yahuahye tiquina pꝰhtoare:

<sup>23</sup> —Peresupꝰ ijiye sope pahmari bihari pahmari dihita ijiri. Sa ye ti pahmari cahapꝰ tiquina peresu yeriquinare cohteyequina dꝰcuri. Sa ihñꝰꝰ ꝰsā. ꝰsā sa ihñꝰꝰegūta pꝰo sāa, ꝰsā ihñꝰꝰgū, tiquina peresu yeriquina mariedari, ni yahuahye tiquina.

<sup>24</sup> Tiquina sa nigū tꝰhoye, surara Cohācjū wꝰhꝰꝰꝰ cohteyequina pꝰhtoro, pahia pꝰhtoa mehna tire tꝰho, tꝰho maria wahahye. “¿Dꝰhse waha sohtori tirotari ahri, tiquina sa yeye?” ni, tꝰhotuahye tiquina. <sup>25</sup> Sa yero tiquina cahapꝰ apequiꝰo ahta, tiquinare yahuahye:

—Mꝰsa peresu yeriquina Cohācjū wꝰhꝰꝰꝰ ijiri. Ihñana wahaya. Ti wꝰhꝰꝰꝰ masare buheye nidi tiquina, ni yahuahye.

<sup>26</sup> Tiquiꝰo sa nigū tꝰhoro, surara pꝰhtoro tiquiꝰo yequina surara mehna waha, Jesu cūriquinare pari turi ñehe cāhtahye tja. Sa ñehepeta tiquinare surara tuhtierahye. Sa ye tiquinare quēboriquina ijiepete, masare cueye quēdahye tiquinare. “Ahriquinare mari quēgū apequina masa pehe ꝰtā paca mehna doqueeta marine”, ni, tꝰhotuahye tiquina surara pehe. <sup>27</sup> Sa ye tiquinare ne cāhta, pꝰhtoa caha duhu docoahye tiquina. Tiquina sa ne wihi duhu docogū pahia pꝰhtoro tiquinare tuhtiahye:

<sup>28</sup> —Mꝰsare ꝰsā tutuaro dutimi. “Jesu yere buheracāhñā”, nimi ꝰsā mꝰsare. ꝰsā sa niepegūta mꝰsa pehe ijipihtiyequina Jerusalē cjēnare buheri mꝰsa. Jesu tiquiꝰo yariari buhiri, ꝰsāre buhiri tigū ye duana niaga mꝰsa, niahye pꝰhtoro pehe.

<sup>29</sup> Tiquiꝰo sa nigū tꝰhoro Pedro pehe apequina Jesu cūriquina mehna yꝰhtiahye:

—Cohācjū dutiri pehere ye mꝰhtanatja. Sa yena came Cohācjū cahmegū masa tiquina dutiyere yenatja. <sup>30</sup> Cohācjū, mari acaye panopꝰ cjēna pꝰhtoro Jesure masori jiri. Tiquiꝰota ijire mꝰsa curusapꝰ quē biha wejēdiquiro. <sup>31</sup> Jesure “Quehnoagu ijire”, ni, tiquiꝰo poto pehe duji dutiri Jesure tiquiꝰo Pacꝰro pehe. Sa yero Jesu masa pꝰhtoro, masare masoriquiꝰo ijiro, Israe masare tiquina ñañe yerire bujꝰa witiyequina iji dutiro, tiquina ñañene cohā duare Jesu. <sup>32</sup> Sa yena ꝰsā pehe Jesu tiquiꝰo yerire ihñarina ijina tire yahujaja ꝰsā.

Espíritu Santo tire ihñariquiro ijiro yahure tiquiro gāhā. Tiquirore Espiritu Santore Cohācjū oho. Ijipihtiequina Cohācjū dutiyere yeyequinare tiquiro Espiritu Santore oho, ni yahuhaye tiquinare.

<sup>33</sup> Tiquiro sa nigū tūhoye pūhto pehe usua yūhdūhaye. Sa ye tiquina Jesu cūriquinare wejē duamahye. <sup>34</sup> Sa wejē duepegūta Gamalie, fariseo masūno topū ijiriquiro tiquinare “Wejēari”, nino tiquinare yahuro taro niahye. Tiquiro pūhto mehna cjāno, dutiyere buheriquiro ijigū, masa tiquirore ño peoe tiahye. Tiquiro Jesu cūriquinare mehenogā cohte dutiro ape siepū tiquinare ne cā dutiahye surarare. Tiquina sa ne cāri bato tiquiro yahuhaye masare:

<sup>35</sup> —Mūsa Israe masa, ahriquinare mūsa yeatire quehnoano tūhotuya “Mūsapū wejēari”, nina. <sup>36</sup> Wacūña Teuda mūnanore. Tiquiro basi “Masare yūhdūdcagū ijiaja yūhū”, nidi masare. Sa ye masa peyequina cuatro cientos masa tiquiro mehna cjēna tojoari. Sa ye apequina pehe tiquirore wejēdi jiri. Tiquiro buheyere buheriquina pehe waha sitea wahari jiri. Sa ye tiquina mūna yojopūre mariedare. <sup>37</sup> Came masare tiquina queori pje ijigū Galilea cjāno Juda wame tiriquiro mūnāno masare tiquiro buhegū tiquiro mehna masa peyequina tojoari. Tiquiro gāhū yariaa wahari jiri. Sa ye tiquiro yequina ijipihtiequina waha sitea wahari jiri. <sup>38</sup> Sa nigū mū sare yojopū ahrire yahugū niaja. Sa ihña cāhña ahriquinare Jesu yere yahuequinare. Sa ye ahri buheye, ahriquina ye buheye Cohācjū ye buheye ijieraro, pihtia waharota Teuda gāhū tiquina ye buheye ti pihtiro sahata. <sup>39</sup> Sa ijiepegūta ahri Cohācjū ye buheye ijiro, ne pihtisi. Ahri buheye Cohācjū ye ijigū ne ahrire butigū ye masiedare mūsa. Mūsa ahrire butigū ye duana Cohācjū mehna cahmequena niboaga mūsa, niahye Gamalie tiquinare.

<sup>40</sup> Tiquiro sa ni yahugū tūhoye, “Ijirota ijire”, ni tūhotuahye masa. Sa ye tiquina Jesu cūriquinare pijio, tiquina wihigū ihñañe, tiquinare tanahye. “Jesu yere buheracāhña mūsa”, ni tuhasa, tiquinare

waha dutiahye. <sup>41</sup> Tiquina sa waha dutigū tūhoye tiquina pūhto cahapū ijiriquina waha wahahye. Jesu yere tiquina yeri buhiri ñano yūhdūye tutuaro bucueahye Jesu cūriquina. <sup>42</sup> Sa ye decoripe Cohācjū wūhūpū, tiquina ye wūhūsepū Cristo Jesu ye buheyere yahue tiahye tiquina.

## 6

### *Siete yedohoyequinare beseahye Jesu yequina*

<sup>1</sup> Ti decoripe Jesu buheyequina peyequina wahahye. Sa ye judio masa tiquina quehnoano yeragū ihñañe griego masa pehe tiquina mehna cahme tuhtiahye Jesu yequina dihita ijiepetā. Griego masa wape wiha numiare decoripe tiquina ihyayere quehnoano tiquina itieragū ihñañe, judio masare tuhtiahye. <sup>2</sup> Sa ye doce Jesu cūriquina, peyequina Jesu buheyequinare tiquina cahapū pijio, ohō saha ni yahuhaye:

—Ūsā Cohācjū yere buhena ijiaja. Ihyayere itiborina ijieraja ūsā. <sup>3</sup> Mūsa ūsā acaye, siete ūmūare, “Quehnoañequina”, apequina tiquina niñequinare, quehnoano tūho masiñequinare, Espiritu Santo cūoyequinare macaña. Tiquinare ihyayere iti dutiya mūsa. <sup>4</sup> Sa yena ūsā pehe decoripe Cohācjūre sini, Cohācjū yere buhenatja, niahye tiquina Jesu cūriquina.

<sup>5</sup> Tiquina sa nigū tūhoye, “Aū, sata yeihna”, niahye tiquina ijipihtiequina Jesu yequina. Sa ye Estebāre Cristore wacū tutuariquirore, Espiritu Santo tutayere pajiro cūoriquirore beseahye tiquina. Apequina gāhūre beseahye. Felipere, Prócorore, Nicanore, Timore, Parmenare, Nicolare ihyaye itiatiquinare beseahye tiquina. Nicola pehe judio masūno ijieriquiro Antioquía cjāno judio masa ye buheyere cahmeno, tiquina mehna sajāmediquiro ijiahye. <sup>6</sup> Tiquina beseriquinare Jesu cūriquina cahapū ne wihiahye apequina Jesu yequina pehe. Tiquina sa ne wihigū ihñañe tiquina Cohācjūre sini basaye, tiquina beseriquina bui omocarine duhu peohye.

<sup>7</sup> Sa ye ti yehpa cjēna Cohācjū yere masi pihti cjūne niahye. Sa ye Jerusalēpū ijiye-quina Jesu buheyequina peyequina wahahye. Sa ye pahia gūhū peyequina Jesu yequina wahahye.

### *Apequina Estebāre ñeheahye*

<sup>8</sup> Sa yero Estebā Cohācjū tutuayere cūoriquiro ijiahye. Tiquiro Cohācjū quehnoano yenohriquirō ijiahye. Sa yero tiquiro Cohācjū tutuaye mehna ye ihñohye masa tiquina ihñono. <sup>9</sup> Tiquiro sa yepegūta judio masa tiquina buheri wūhū cjēna tiquirore ihña tuhtiahye. Sa ye tiquiro mehna cahme duse tini wiaye niahye. Cahacjēna ijirire yūhdū wiritiquina wame tiyequina ijiahye tiquina. Cirene cjēna, Alejandría cjēna, Cilicia cjēna, Asia cjēna mehna peyequina ijiahye tiquina. <sup>10</sup> Sa ye Estebā quehnoano masiniquiro Espiritu Santore pajiro cūoriquiro tiquiro yahuducugū tūhoye tiquina “Mūhū nidi poto ijierare”, tiquirore ni ihño masiedahye. <sup>11</sup> Sa tūho dueraye tiquina apequinare ni meho dutiye, wapa yeahye tiquinare. Tiquina sa ni meho dutigū ohō saha ni yahusāmahye tiquina:

—Ahriquirō Cohācjāre tiquiro ñano yahuducugū, Moiserē tiquiro ñano yahuducugū gūhūre usā tūhou, ni yahusāmahye ni mehoñequina pehe apequinare.

<sup>12</sup> Tiquina sa nigū tūhoye masa, judio masa buheyequina, bucūna gūhū tiquiro mehna usuahye. Sa ye tiquina Estebāre ñehe, tiquina pūtoa cahapū neahye tiquirore. <sup>13-14</sup> Sa ye tiquina apequinare ni meho dutiahye:

—Ahriquirō decoripe Cohācjū wūhūre, tiquiro dutiye gūhūre ñano yahuducuriquiro ijire. Tūhou usā tiquirore tiquiro ohō saha nigū: “Jesu Nazare cjāno Cohācjū wūhūre cohānota. Sa yero tiquiro Moise dutiyere marine yahurire comesarota Jesu”, nidi Estebā usā tūhogū, ni meho yahusāmahye tiquina.

<sup>15</sup> Sa ye ijipihtiyequina topū dujiyequina Estebāre quehnoano ihñadoque ohō, tiquiro wūhdoare ihñahye tiquina. Angel yero saha bajuahye tiquiro wūhdoa.

## 7

### *Estebā Jesu yere yahuahye*

<sup>1</sup> Sa ye pahia pūhtoro sinituahye Estebāre.

—¿Ahriquina niñe potota ijiajari? ni, sinituahye tiquiro Estebāre.

<sup>2</sup> Tiquiro sa nigū tūhoro, Estebā pehe tiquinare ohō saha ni yahuahye:

—Yūhū acaye, bucūna, usā pacūsumūa tūhoya. Abrahā mari ñecu mūnāno panopū cjūno Mesopotamiapū tiquiro ijigū, Harāpū tiquiro ijiato pano, Cohācjū tutuariquirō asi siteriquiro pehe tiquirore Abrahāre bajuahye. <sup>3</sup> Sa bajuaro Cohācjū yahuahye tiquirore. “Mūhū ya yehpare mūhū acaye mehna ijieracāhña. Sa yegū ape yehpapū wahaya. Mūhū sa wahagū mūhūre ti yehpare ihñogutja yūhū”, niahye Cohācjū Abrahāre. <sup>4</sup> Tiquiro sa nigū tūhoye, Abrahā gūhū Caldea yehpa cjēna ya yehpapū ijiriquina wahahye. Sa yero Harāpū esahye. Topū esa, ijiahye. Sa yero tiquiro pacūro yariari bato ahri yehpa yojopū mūsa ijiri yehpapū Cohācjū ahta dutiahye Abrahāre. <sup>5</sup> Cohācjū Abrahā tiquiro ijiri yehpare quehnoano waro cūedarīahye tiquirore. Ne mehenogā cūedarīahye. Sa yero Abrahā pohna marieniquiro ijiepegūta Cohācjū pehe tiquirore ohō saha ni yahuahye. “Mūhūre, mūhū panamena ape tjuro cjēnapūre ahri yehpare ohogutja”, niahye Cohācjū Abrahāre. <sup>6</sup> Sa ninota ohō saha ni yahu nemoahye Cohācjū. “Mūhū panamena ape tjuro cjēna ape yehpapū wahaye, topū apequina cahapū ijiye, tiquina cahacjēna ijieta tiquina. Sa ye cuatro cientos cūhmari waro to cjēna ñano yeeta mūhū panamena iji turiayequinare. <sup>7</sup> Sa yegū to cjēnare tiquina sa yeri buhiri buhiri dahregutja yūhū. Yūhū sa yeri bato mūhū panamena iji turiayequina ahri yehpapū wihietā tja. Sa ye ahri yehpapū yūhū cahacjēna ijieta tiquina”, niahye Cohācjū Abrahāre. <sup>8</sup> Sa nino Cohācjū “Yūhū nidiro sahata yegutja”, nino Abrahā tiquiro wacūatire ohō saha cūahye tiquirore. Cūhnucūnū sohtoa cahserogāre yūhre ne dutiahye tiquirore, tiquiro ni yahuripūre wacū dutiro. Sa ye Abrahā

Isaare pohna tiahye. Ocho decori bato cuhnucunꝯ sohtoa cahserogãre yahre neahye Isaare. Came Isaac Jacore pohna tiahye. Sa yero Jacob doce waro pohna tiahye. Tiquina doce pehe mari ye cururipe mari dahpoto cjëna ijiatiquina ijiahye.

<sup>9</sup> 'Sa ye tiquina mari ñecꝯsumꝯa mꝯna panopꝯ cjëna Josére cooye ihña tuhtiyey, tiquirore dua cãhye Egiptopꝯ wahayequinare. Sa yero Josére Cohãcjũ yedohoahye. <sup>10</sup> Tiquiro ñano yahdugũ ihñano Cohãcjũ tiquirore yedohoahye. Tiquiro sa yedohogũ José pehe quehnoano tãho masiniquiro wahahye. Sa yero faraõ Egipto cjãno pãhtoro pehe Josére cahmeahye. Tiquirore cahmegũ yeahye Cohãcjũ pehe. Tiquiro sa yegũ faraõ pehe Josére pãhtoro sãahye tiquiro yequina masare dutiatiquirore. Tiquiro faraõ ya wahũ gãhure pãhtoro ijiahye.

<sup>11</sup> 'Sa ye ti pjere Egiptopꝯ, Canaapꝯ ne acoro ahtaerahye. Sa ye ñano yahduahye to cjëna. Sa ye mari ñecꝯsumꝯa mꝯna panopꝯ cjëna ihyayere bocaerahye. <sup>12</sup> Sa bocaeraro Egiptopꝯ trigo ijigũ tãhoro, Jacob tiquiro pohnene mari ñecꝯsumꝯa mꝯnare topꝯ coã ohoro niahye. <sup>13</sup> Came Egiptopꝯ tiquina esagũ José tiquiro wahmisꝯmꝯare yahuahye. "Mꝯsa bahata ijiaja yahũ", niahye tiquinare. Sa yero José acayere coã ihñano niahye pãhtoro faraõ. <sup>14</sup> Came José tiquiro wahmisꝯmꝯare tiquiro pacꝯro Jacore piji dutiro ohoahye. Tiquiro acaye setenta y cinco masa ijiahye. <sup>15</sup> Tiquiro macꝯno pijiogũ tãhoro Jacob wahahye Egiptopꝯ tiquiro macꝯno cahapꝯ. Tiquiro macꝯno cahapꝯ ijiro, came yariaa wahahye. Sa ye mari ñecꝯsumꝯa mꝯna gãhũ topꝯ yaria pihtia wahahye. <sup>16</sup> Sa ye Siquẽ wame tiropꝯ tiquina pagurire nea, masa coperire sehe tuhasa cohãhye tiquina pagurire. Abrahã tiquiro dúri yehpa ijiahye ti yehpa. Panopꝯ Abrahã ti yehpare Hamor pohnene dúahye niñeru mehna.

<sup>17</sup> 'Sa yero Cohãcjũ Abrahãre "Ahri yehpare ohogutja mꝯhure", niahye. Ti yehpare "Ohogutja", tiquiro nidi pje umꝯ sagũ tiquiro acaye Israe masa peyequina masa wahahye. <sup>18</sup> Egiptopꝯ tiquina

ijinigã, apequiro pãhtoro sajãhye. Sa yero tiquiro pãhtoro pehe Josére masiedahye. <sup>19</sup> Tiquiro mari acayere ñano ye dua, tiquina pohnene wejẽ dua, cohã dutiahye tiquinare. Sa yero mari ñecꝯsumꝯa mꝯna iji turiayequinare ñano yeahye pãhtoro faraõ pehe. <sup>20</sup> Tiquiro sa yeri watoa Moise mꝯnano pehe masa bajuahye. Tiquiro quehnoariquiro, Cohãcjũ tiquiro quehnoano ihña coariquiro ijiahye. Sa ye ihtia asũ waro quehnoano ihboahye tiquirogãre tiquiro pacꝯsumꝯa. <sup>21</sup> Sa yero Moiserere tiquina nꝯo nemoedagũ faraõ macono tiquirogãre ihña boca, ne maja, ticoro macꝯnore yero saha cꝯoahye tiquirogãre. <sup>22</sup> Sa ye Egipto cjëna quehnoano masiñequina yere buheahye Moiserere. Sa yero cuero marieno yahuducuriquiro pãhtoro yero saha yeriquiro ijiahye Moise.

<sup>23</sup> 'Sa ijieperota tiquiro cuarenta cãhmari cꝯoro tiquiro acayere Israe masare ihña duaro tiquina cahapꝯ tinino wahahye. <sup>24</sup> Sa tinino esaro Egipto cjãno Moise acayurore tiquiro ñano yegũ Moise ihñahye. Sa ihñano tiquiro acayurore yedohoahye Moise. Tiquiro acayurore yedohoro, Egipto cjãno pehere wejẽahye tiquiro. <sup>25</sup> Sa yero Moise ohõ saha ni tãhotumahye. "Yahũ acaye tiquina acayurore yahũ yedohogũ ihñañe 'Cohãcjũ marine quehnoano yedohogũ ye dutiro ohori ahriquirere', ni tãhotueta yahũ acaye", ni tãhotumahye Moise. Tiquiro sa ni tãhotuepegãta tiquina pehe ne sa ni tãhotuerahye. <sup>26</sup> Ape decopꝯ Moise tiquiro acayere pꝯaro tiquina basi cahmequeñequinare ihñahye. Sa yero tiquiro tiquinare yahumahye. "¿Mꝯsa basi ijiepenata cahmequeajari mꝯsa?" nimahye Moise tiquinare. <sup>27</sup> Tiquiro sa nigũ tãhoro ihcãquiro tiquiro acayurore ñano yeriquiro Moiserere tudoqueoahye. "Mꝯhũ usã pãhto ijierare. Usãre dutigu ijierare mꝯhũ. <sup>28</sup> ¿Canure Egipto cjãnore mꝯhũ wejẽdiro sahata yahure wejẽ duagu nijari mꝯhũ?" niahye tiquiro Moiserere. <sup>29</sup> Tiquiro sa nigũ tãho maria waha, Moise oma duhti cãa wahahye. Madiã yehpapꝯ wahaa wahahye. Topꝯre numino boca

paaro pohna tiahye.

<sup>30</sup> 'Sa ye Moise cuarenta cahmari waro topu tiquiro ijiri bato Sinaí wame tidu canu caha masa marienopu tiquiro ijigü angel tiquirore bajuahye. Angel pehe yucugü mehenugã ujüri peca pohnapu bajuahye. <sup>31</sup> Tu sa ujügü ihñano Moise ihña maria wahahye. Ti pecare cahagã quehnoano tiquiro ihñano wahagü waro Cohãcjü tiquirore yahuahye. <sup>32</sup> "Cohãcjü ijiaja yuhu. Muhu ñecusumua Abrahã, Isaac, Jacob tiquina ño peorigu ijiaja", niahye Cohãcjü Moiserere. Tiquiro sa nigü tuhoro Moise pehe nanarea wahahye. Ne ihña wahcõedahye. <sup>33</sup> Sa yero Cohãcjü yahuahye tiquirore. "Mianogãta yuhu cahapu ducugü nine muhu. Sa yegu cua pesaro mehna muhu dahpo suhtire tu weya. <sup>34</sup> Yeequina masa Egiptopu tiquina ñano yuhdugü ihñau. Tiquina utiyere tuhohu. Sa yegu tiquinare yedohogu ahtau. Tiquina sa wahagü ihñagu wahaya muhu gühu. Egiptopu muhure ohogutja tiquinare yedoho dutigu", niahye Cohãcjü Moiserere.

<sup>35</sup> Tiquina pehe mari acaye Israe masa Moiserere cahmedahye. "Muhu usã pãhto ijierare. Muhu usãre dutigu ijierare", Moiserere sa niñe cahmedaye niahye tiquina. Tiquina sa cahmedapegãta Cohãcjü tiquirore Egiptopu ohoahye, mari acayere Israe masare yedohoatiquirore, pãhtoro ijiatiquirore. Angel tiquirore yucugupu bajuariquiro pehe oho basahye tiquirore. <sup>36</sup> Moise mari acayere Israe masare Egiptopu ijiyequinare wioahye. Sa yero Egiptopu ahriquiro Moise Cohãcjü tutuaye mehna ye ihño ducahye. Sa yero pajiri ma sohãri mapu sa yeahye tja. Cameru masa marienopu gühure cuarenta cahmari waro Cohãcjü tutuaye mehna ye ihñoahye tiquiro. <sup>37</sup> Ahriquiro Moise pehe mari acayere Israe masare yahuahye. "Yuhu yero saha ijiriquirore Cohãcjü yere yahu muhtariquirore Cohãcjü ohorota. Sa yero tiquiro musa mehna cjãno musa acayuro ijirota", niahye Moise tiquinare. <sup>38</sup> Moise masa marienopu mari acaye Israe masa mehna ijiahye. Sa yero Sinaí wame tidu canupu tiquirore yahuriquiro angel mehna ijiahye. Sa

yero mari ñecusumua panopu cjëna mehna ijiahye tiquiro. Cohãcjü tiquiro dutiyere cüriquiro ijiahye Moise.

<sup>39-40</sup> 'Sa ye ti dutiyere canupu Moiserere tiquiro cüri watoa mari ñecusumua panopu cjëna Egiptopu tojoaa duahye, Moiserere yuhduducaye. Tiquina tiquirore cahmedahye. Sa cahmedaye, tiquina Moise bahuro Aarõre ohõ saha niahye: "Cohãmana queoyere yeya mari yequina ijiatiquinare. Sa ye tiquina muhu yeriquina marine dutiye mari waha duari mahapu marine neaeta. ¿Tiquiro Egiptopu ijiyequinare marine ne cãhtariquiro Moise dahse wahayari tiquiro? Masiedaja usã", niahye tiquina. <sup>41</sup> Sa ye ti decorire tiquina wecu queoyere uru mehna yeahye. Sa ye tuhasa, tiquina wahiquinare wejë, tiquina yeriquiro cahapu ne cãhta, ño peoahye tiquirore. Sa ye tiquina yeriquiro wecure ihña, bucue, boscue deco yeahye. <sup>42</sup> Cohãcjü wecure tiquina ño peogü ihñano tiquinare cohã cãa wahamahye. "Yuhure cohã, ñahpicoha pehere ño peocũnahdo", nino cohã cãa wahamahye. Cohãcjü yere yahu muhtariquina sa ni, ojoahye.

Musa yuhure ña yuhduaro yeri. Israe masa masa marienopu cuarenta cahmari waro ijina, wahiquinare musa wejënequinare musa ujãañequinare ohona, yuhure musa ño peoboriro sahata yemedi musa. Sa yepenata yuhu pehere musa ño peorari. <sup>43</sup> Sa yena musa Molo wame tiriquirore ño peona ijina, tiquirore ño peori wuhure cüori musa. Ñahpicoha apequiro cohãcjü Rejä wame tiria queoyere musa yeriare musa ño peori tja. Ti queoyere musa yeriquinare musa ño peori. Musa sa yeri buhiri musare Babilonia ape sie pahrëpu cohãgutja yuhu, ni, yahu ojoahye Cohãcjü yere yahu muhtariquina.

<sup>44</sup> 'Sa ye masa marienopu Cohãcjü masa mehna tiquiro ijiri wuhure wahiquina cahseri wuhure cüoahye mari ñecusumua panopu cjëna. Ti wuhu Cohãcjü masa mehna tiquiro yahuducuri wuhu ijiahye. Ti wuhupu Cohãcjü dutiye tiquiro ojoari

pjĩni utã pjĩni ijiahye. Ti wãhãre Cohãcjũ tiquiro yahuriro sahata Moiserere tiquiro ihñoriro sahata dahre dutiahye Cohãcjũ Moiserere. <sup>45</sup> Sa ye mari ñecusũmã panopũ cjẽna Josué mehna ti wãhãre wahiquina cahseri mehna tiquina yeri wãhãre ne cãhtahye ahri yehpapũ mari ijiri yehpapũ. Tiquinare mari acaye Israe masare Cohãcjũ tiquiro cũati yehpapũre ahri yehpapũre tiquina wihiato pano ahri yehpapũ iji mãhtariquina Canaa cjẽna mãnare Cohãcjũ cohã cãhye. Ti pjere Cohãcjũre ño peori wãhãre wahiquina cahseri wãhãre cãoahye mari ñecusũmã. Tee Davi mãnãno tiquiro ijigũpũ cão bato tiahye ti wãhãre. <sup>46</sup> Sa yero Davi mãnãno Cohãcjũre bucuegũ yeahye. Sa yero Cohãcjũ ya wãhũ ijiatire Davi pehe ye duaro, sinimahye Cohãcjũre. <sup>47</sup> Tiquiro sa siniepegũta Salomo pehe Cohãcjũ ya wãhãre yeahye. <sup>48</sup> Tiquiro sa yepegũta Cohãcjũ pehe masa tiquina yeri wãhãpũre ijierare. Ohõ saha niahye Cohãcjũ yere yahu mãhtariquiro.

<sup>49</sup> “Uhmũsepũ yãhũ dujiro ijire. Topũ dujigũ dutiaja yãhũ. Sa yero yehpa pehe yãhũ dahpocãrine duhu peoro yero saha ijire. Yãhũ tutua yãhdũagũ ijiaja. Ya wãhũ ijiatore ye masiedare mãsa. Cohãcjũ yãhũ ijigũ yãhũ ijiati wãhãre mãsa ye masiedare. <sup>50</sup> Yãhũ basi ahri yehpare ijipihtiro yei yãhũ”, niahye Cohãcjũ, ni ojoahye Cohãcjũ yere yahu mãhtariquiro.

<sup>51</sup> Mũsa ne yãhti duena ijire. Cohãcjũ yere tãhoepenata, tiquirore yãhti duerare. Espĩritu Santore yãhdũdũca yãhdũare mãsa. Mũsa ñecusũmã tiquina yeriro sahata yere mãsa. <sup>52</sup> Mũsa ñecusũmã ijipihtiyequina Cohãcjũ yere yahu mãhtariquinare ñãno yeahye. Tiquina Cohãcjũ yere yahu mãhtariquina pehe “Came quehnoariquiro Cohãcjũ yere yahu mãhtariquiro ahtarota”, tiquina ni yahuyequina ijigũ tãhoye mãsa ñecusũmã mãna sa ni yahuriquinare wejẽe tiahye. Sa yena “Quehnoariquiro”, tiquina nidiquirore mãsa gũhũ yojopũre tiquiro ya curua cjãna ijiepenata tiquirore

wejẽdi. <sup>53</sup> Cohãcjũ dutiyere angele pehe yahumahye mãsare. Sa yena mãsa ti dutiyere cãomahye. Sa yena ti dutiyere yãhdũdũcari mãsa, niahye Estebã.

*Tiquina Estebãre utã paca mehna doque wejẽahye*

<sup>54</sup> Tiquiro sa nigũ tãhoye tiquina pehe tutuaro usuahye. Sa tutuaro usuaye, cuayequina wahahye. <sup>55</sup> Tiquina sa usuepegũta tiquiro Espĩritu Santo dutihiro sahata ye pehoriquiro ijiro, tiquiro tutuayere quehnoano cãoriquiro ijiro, uhmũsepũ ihñadoque mão, Cohãcjũ asi siteyere ihñahye Estebã. Jesu Cohãcjũ pototo pehepũ ducugũ ihñahye tiquiro. <sup>56</sup> Sa ihñãno ohõ saha niahye:

—Uhmũsepũ mehenogã parĩ we maagũ Jesu Cohãcjũ ohoriquiro Cohãcjũ pototo pehepũ tiquiro ducugũ ihñaja yãhũ, niahye Estebã.

<sup>57</sup> Tiquiro sa nigũ tãhoye tiquina tutuaro sañuducu, tiquina cahmo coperire biha cã, ihcãno mehna tiquiro cahapũ oma maa cã, tiquirore ñeheahye. <sup>58</sup> Ñehe tuhasa, tiquirore ne cã, ti maca dũhtũ cahapũ cohãhye tiquirore. Sa ye utã paca mehna doque wejẽahye tiquirore. Tiquina sa wejẽato pano tiquirore yahusãriquina tiquirore utã paca mehna doqueatiquina tiquina suhtire tu we, wahmãnore Saulo wame tirihirore tiquina suhtire cão basa dutiahye. <sup>59</sup> Sa yero Estebãre tiquina wejẽato pano ohõ saha niahye tiquiro:

—Jesu yãhũ pũhto, yãhũ jeripohnare neña, niahye tiquiro.

Tiquiro sa nino watoa tiquina pehe utã paca mehna doqueye niahye tiquirore.

<sup>60</sup> Sa yero tiquiro dũsepe curi mehna quehe sa, ohõ saha niahye:

—Pũhto Jesu, ahriquina yojopũ ñãno yãhãre tiquina yeyere tiquinare buhiri dahreracãhña mãhũ, niahye Estebã.

Sa nidi bato tiquiro yariaa wahahye.

## 8

<sup>1</sup> Sa yero Estebã tiquiro yariagũ ihñãno, “Quehnoare”, niahye Saulo pehe.

*Saulo Jesu yequinare ñãno yeahye*

Sa ye ti decoreta Jesu yequinare Jerusalẽpũ ijieyequinare ñãno ye dũcahye



apequina pehe. Tiquina sa ye ducagũ Jesu yequina Judea yehparũ, Samaria yehparũ, yoaropũ duhti site cãa wahahye. Jesu cûriquina dihita wahaerahye. <sup>2</sup> Sa ye apequina Cohãcjũre ño peoyequina Estebãre ya, tutuaro utiahye tiquina. <sup>3</sup> Sa yero Saulo pehe Jesu yequinare ña yũhdũaro yee timahye. Tiquiro tiquina ye wũhũsepũ sajã, Ʃmũare, numiare ñehe, peresupũ biha docoe tiahye.

### *Samariapũ Jesu yere buheahye Felipe*

<sup>4</sup> Sa yeye yoaropũ waha siteriquina Jesu yere buheahye. <sup>5</sup> Sa yero Felipe Samaria wame tiri macapũ esa, Cristo yere buheahye ti maca cjẽnare. <sup>6</sup> Tiquiro sa buhegũ ti maca cjẽna quehnoano tũhoe tiahye. Sa ye Cohãcjũ tutuaye mehna tiquiro ye ihñogũ ihñahye tiquina. Sa ihñañe tiquirore quehnoano tũhoe tiahye. <sup>7</sup> Peyequina watĩare cwoyequina tiquiro cahapũ tiquina wihigũ ihñano watĩa pehere waha dutie tiahye tiquiro. Watĩa pehe tutuaro sañuducu, duhu cãa wahahye tiquina. Sa yero peyequina tini masieñequinare, pari yuri wahayequinare quehnoano pagũ tiyequina wahagũ yeahye. <sup>8</sup> Tiquiro sa yegũ ihñañe ti maca cjẽna peyequina masa bucueahye.

<sup>9</sup> Ti pjere Simo wame tiri tiquiro ti maca cjãno yairo ijiahye. Sa yero yayia tiquina yerire ye ihñoe tiahye Samaria cjẽnare. Tiquiro sa ye ihñogũ ihñañe, ti maca cjẽna ihña maria waha, tiquirore cua pesaro ihñae tiahye.

—Yũhũ masi pehogũ ijiaja, nimahye Simo pehe tiquinare.

<sup>10</sup> Tiquiro sa yegũ ihñañe masa pehe ohõ saha nie timahye:

—Ahriquiro Cohãcjũ ye tutuayere cworiquiro ijire. Cohãcjũ yero saha tutu-ariquiro ijire, nie timahye tiquirore masa, pũhtoa mehna.

Tiquina ijipihtiyequina quehnoano tũhoahye tiquirore.

<sup>11</sup> Tiquiro yayia tiquina yeye mehna yoari pje ye ihñoe tiahye tiquinare. Tiquiro sa ye ihñogũ ihñañe tiquina ihña maria wahae tiahye. Sa ye tiquina tiquirore ño peoe tiahye. <sup>12</sup> Tiquina sa ño peoepegũta Felipe pehe Cohãcjũ tiquiro

pũhoro ijiyere, Jesucristo yere quehnoañe buheyere yahuahye. Tiquiro sa yahugũ tiquina tiquirore quehnoano tũhoahye. Tiquina sa quehnoano tũhogũ ihñano Ʃmũa, numia gũhũre wame yeahye Felipe. <sup>13</sup> Sa yero Simo gũhũ Felipere quehnoano tũhoe tiahye. Sa yero tiquiro gũhũre wame yeahye. Tiquiro sa wame yeri bato Felipe mehna tojoae tiahye tiquiro. Felipe pehe Cohãcjũ tutuaye mehna tiquiro ye ihñogũ ihñano, dohatiyequinare tiquiro yũhdũogũ ihñano Simo ihña maria wahahye.

<sup>14</sup> Sa ye Samaria cjẽna Cohãcjũ yere tiquina tutuaro cahmegũ Jesu cûriquina Jerusalẽpũ ijiyequina tũhooahye tiquinare. Sa tiquina cahmegũ tũhooye Pedrore, Ñu gũhũre ohoahye Samariapũ. <sup>15</sup> Topũ esaye Pedro gũhũ Cohãcjũre siniahye. “Ahriquina Samaria cjẽna mũhũre ño peoyequina mũhũ yaquiro Espĩritu Santore cwoahro”, ni, sini basahye tiquina Cohãcjũre. <sup>16</sup> Tiquina Samaria cjẽna Jesucristo wame mehna wame yeriquina ijiahye. Ti dihitare masiahye tiquina. Sa ye Espĩritu Santore cwoera tiahye ti pjere tiquina. <sup>17</sup> Sa ye Pedro, Ñu mehna Samaria cjẽnare tiquina omocarine tiquina bui duhu peori bato Espĩritu Santore cwo dũcae tiahye tiquina.

<sup>18</sup> Sa yero Pedro gũhũ tiquina omocari mehna tiquina duhu peogũ ihñahye Simo. Espĩritu Santore tiquina ñehẽgũ gũhũre ihñahye tiquiro. Sa ihñariquiro ijiro, ti tutuayere cahmeno, niñeru mehna wapa ye duamahye. Ohõ saha nimahye Simo:

<sup>19</sup> —Yũhũ gũhũre ohoya ahri tutuayere. Yũhũ gũhũ yũhũ omocari mehna masa bui duhu peo yegũ tũhũ niaja Espĩritu Santore tiquina ñeheatõ saha. Sa yegũ ahri yũhũ yeati wapare wapa ye duaja, nimahye Simo tiquinare.

<sup>20-21</sup> Tiquiro sa nigũ tũhoro Pedro ohõ saha niahye:

—Mũhũ niñeru mehna Cohãcjũ ye tutuayere mũhũ dú duari buhiri mũhũ niñeru mehnata pecapũ wahaya mũhũ. Cohãcjũ mũhũ tũhotuyere masine. Mũhũ ñagũ ijinine. Sa yegũ ahrire usã yeyere ye masiedare mũhũ. Ahrire yebogũ ijierare mũhũ. <sup>22-23</sup> Tutuaro ihña coore mũhũ.

Sa yegũ ñañe yeyere ne duhu masiedare mũhũ. Sa yegũ ahrire mũhũ ñañe yerire bujua witiya mũhũ. Cohãcjũre mũhũ ñañe tãhotuyere bo dutigũ siniña mũhũ. Mũhũ sa yegũ ihñano tiquiro mũhũ ñañene borota, niahye Pedro tiquirore.

<sup>24</sup> Tiquiro sa nigũ tãhoro Simo yãhtiahye tiquirore.

—Yũhũre sini basaya mũsa Cohãcjũre mũhũ nidiro saha yũhũ wahaeragũ. Ti buhiri pecapũ waha dueraja yũhũ, niahye Simo tiquirore.

<sup>25</sup> Came Pedro Ñũ mehna Cohãcjũ yere yahuahye. “Jesu tiquiro masa mũjagũ ihñau usã”, ni, Samaria yehpapũ ijiye macari cjẽnare quehnoañe buheyere buheahye. Tiquinare Cohãcjũ yere buhe tuhasa Jerusalẽpũ tojoaa wahahye.

#### *Felipe Etiopía yehpa cjũnore buheahye*

<sup>26</sup> Sa ye Cohãcjũ tiquiro yaquiro angel Felipere yahuahye:

—Yojopũre sur pehepũ wahaya. Jerusalẽ caha ijiri mahapũ Gazapũ wahari mahapũ wahaya, ni yahuahye angel Felipere.

Ti maha masa marienopũ ijire.

<sup>27</sup> Tiquiro sa nigũ tãhoro tiquiro pehe ti mahapũ wahahye. Came ti mahapũ ihcãquiro masũnore piti caro taro niahye. Tiquiro piti catiquiro ijiahye Etiopía yehpa cjũno pũhtoro. Sa yero Candace wame tiri-coro Etiopía cjũno pũhtoro yere, niñerure ijipihtiyere ihña ihboriquiro ijiahye. Sa yero tiquiro Jerusalẽpũ mari Pacũre ño peoro waha tuhasahye. <sup>28</sup> Tiquiro ya macapũ tunuria mehna tojoa taro tiapũ wahaeperota buhero niahye. Cohãcjũ yere yahu mũhtariquiro Isaia tiquiro ojoari pũre buhero niahye. <sup>29</sup> Sa yero Espĩritu Santo pehe Felipere ohõ saha ni yahuahye:

—Siquiro tunuriapũ wahariquiro cahapũ wahaya, niahye Espĩritu Santo tiquirore.

<sup>30</sup> Tiquiro sa nigũ tãhoro Felipe pehe tunuria cahapũ oma cã, Isaia ojoarire Etiopía cjũno buhegũ tãhoahye. Sa tãhoro Felipe sinituahye tiquirore:

—¿Mũhũ buheyere tãho masiajari mũhũ? niahye tiquiro.

<sup>31</sup> Tiquiro sa nigũ tãhoro Etiopía cjũno ohõ saha ni yãhtiahye:

—Apequiro yũhũre yahu yũhdũoatiquiro mariedagũ quehnoano masiedaga yũhũ. Ohõ yũhũre yahu dujigũ ahtaya yũhũ pari paha, ni yãhtiahye tiquiro Felipere.

—Aũ, ni, nuju sahye tiquiro caha.

<sup>32</sup> Sa ye Cohãcjũ yere Etiopía cjũnore tiquiro buheri pũ ohõ saha niahye:

Ovejare tiquina ñehe wejẽdiro saha tiquiro gũhũre ñehe wejẽeta masa. Sa yero ovejagãre tiquiro poarire tiquina segũ tiquiro dihta marieno saha tiquiro masũno gũhũ dihta marieno ijirota. <sup>33</sup> Tiquirore tiquina bujũpeeta. Sa ye tiquiro ñano yerapegũta tiquina pehe ñano yeeta tiquirore. Tiquiro ahri yehpapũ ijigũ tiquina tiquirore wejẽeta. Sa yero tiquiro pohna marieniquiro yariaa waharota, ni ojoahye ti pũpũre.

<sup>34</sup> Ti pũ sa ni yahugũ ihñano, Etiopía cjũno sinituahye:

—Yahuya yũhũre. ¿Ohõ saha Isaia tiquiro nidiquiro noa boro ijiajari ahriquiro? ¿Isaia tiquiro basi yahuro niagari? ¿O apequirore yahuro niagari? ni, sinituahye Etiopía cjũno.

<sup>35</sup> Tiquiro sa ni sinitugũ tãhoro Felipe pehe ti pũre ihña, Jesu yere yahuahye Etiopía cjũnore. <sup>36</sup> Sa ye tiquina tia mehna waha, mágãpũ esahye.

—Ihñaña, ohõ mágã ijire. Ahri mágãpũ yũhũre wame yeya, niahye Etiopía cjũno.

[<sup>37</sup> —Jesure mũhũ quehnoano wacũ tutuagũ ihñagũ mũhũre wame yeitja, niahye Felipe tiquirore.

—Jesure wacũ tutuaja yũhũ. Tiquiro Cristo Cohãcjũ macũno ijire. Tire quehnoano masiaja yũhũ, niahye Etiopía cjũno.]

<sup>38</sup> Sa ninota tunuria ohoturiquirore yũsho dutiahye. Tia yũsh quehe sari bato wijiahye tiquina. Wijia, ti mágãpũ esa, ñumudũca sahye tiquina. Topũ ñumudũca sa, Felipe pehe tiquirore wame yeahye.

<sup>39</sup> Wame ye tuhasa tiquina majadũca sagũ Cohãcjũ yaquiro Espĩritu Felipere nea wahahye. Tiquiro sa wahari bato Etiopía cjũno quehnoano bucueriquiro tiquiro ya yehpapũ tojoaa wahahye. Tiquiro sa yeri bato tigũ ne pari turi Felipere ihña

nemoedahye. <sup>40</sup> Sa ye tuhasa Azotop<sub>u</sub> esahye Felipe pehe. Sa yero peye macarine quehnoañe buheyere buheahye masare. Cesareap<sub>u</sub> buhe bato tiahye.

## 9

*Saulo Jesucristore ihñano tiquirore wacũ tutua d<sub>u</sub>cahye*

*(Hch 22.6-16; 26.12-18)*

<sup>1</sup> Ti pjere Saulo Jesu yequinare ihña tuhtiriquiro, “Tiquinare wejêg<sub>u</sub>tja”, nino, tiquiro pahia p<sub>u</sub>htoro cahap<sub>u</sub> wahahye.

<sup>2</sup> Top<sub>u</sub> esaro tiquiro ojoari p<sub>u</sub>rine siniahye pahia p<sub>u</sub>htorore. Ohõ saha niahye:

—Damasco c<sub>u</sub>jê w<sub>u</sub>h<sub>u</sub>sep<sub>u</sub> judio masa mari buheye w<sub>u</sub>h<sub>u</sub>sep<sub>u</sub> Jesu yequinare u<sub>u</sub>mare, numiare boca sag<sub>u</sub>, tiquinare ñehe d<sub>u</sub>hte, Jerusalêp<sub>u</sub> ne c<sub>u</sub>htag<sub>u</sub>tja. Ti w<sub>u</sub>h<sub>u</sub>sep<sub>u</sub> ijiyequinare y<sub>u</sub>h<sub>u</sub> ñeheatire papera p<sub>u</sub>re ohoya, ni siniahye Saulo pahia p<sub>u</sub>htorore.

<sup>3</sup> Ti p<sub>u</sub>re ne tuhasa, waha, Damasco cahagã tiquiro esag<sub>u</sub> waro u<sub>u</sub>h<sub>u</sub>anop<sub>u</sub> asi sitedoque dijioahye tiquirore. <sup>4</sup> Sa asi sitedoque dijioagãta tiquiro yehpap<sub>u</sub> bora quehe saro, yahuducug<sub>u</sub> t<sub>u</sub>hoahye:

—¿Saulo, d<sub>u</sub>hseg<sub>u</sub> m<sub>u</sub>h<sub>u</sub> y<sub>u</sub>h<sub>u</sub>re ñano yeajari? nino ca tahye.

<sup>5</sup> —¿P<sub>u</sub>hto, noa boro ijiajari m<sub>u</sub>h<sub>u</sub>? niahye Saulo pehe.

—Y<sub>u</sub>h<sub>u</sub> Jesu, m<sub>u</sub>h<sub>u</sub> ñano yenohrig<sub>u</sub> ijiaja. [M<sub>u</sub>h<sub>u</sub> y<sub>u</sub>h<sub>u</sub> mehna usuag<sub>u</sub> y<sub>u</sub>h<sub>u</sub>re y<sub>u</sub>htierag<sub>u</sub>, m<sub>u</sub>h<sub>u</sub> basita ñano y<sub>u</sub>hd<sub>u</sub>re, niahye Jesu Saulore.

<sup>6</sup> Tiquiro sa nig<sub>u</sub> Saulo cue nanare, ohõ saha ni sinituahye:

—¿P<sub>u</sub>hto, d<sub>u</sub>hse y<sub>u</sub>h<sub>u</sub> yeg<sub>u</sub> cahmeajari m<sub>u</sub>h<sub>u</sub>? niahye Saulo.

Tiquiro sa nig<sub>u</sub> ohõ saha niahye Jesu:]

—Wahcãd<sub>u</sub>caya m<sub>u</sub>h<sub>u</sub>. Si macap<sub>u</sub> waha. Ti macap<sub>u</sub> m<sub>u</sub>h<sub>u</sub> esag<sub>u</sub> ti maca c<sub>u</sub>ño m<sub>u</sub>h<sub>u</sub> yeatire yahurota m<sub>u</sub>h<sub>u</sub>re, niahye Jesu Saulore.

<sup>7</sup> Tiquiro sa nig<sub>u</sub> Saulo mehna c<sub>u</sub>ña pehe tiquiro yahuducuye dihitaro t<sub>u</sub>hoahye. Jesu pehere ihñedahye. Tiquiro sa wahag<sub>u</sub> ihñañe, cueye, tiquina yahuducu masiedahye. <sup>8</sup> Sa yero Saulo yehpap<sub>u</sub> cuñariquiro wahcãd<sub>u</sub>ca, tiquiro ihñag<sub>u</sub> tiquiro caperi bajuerahye. Sa ye tiquina

tiquiro omocare ñehe, Damascop<sub>u</sub> t<sub>u</sub>ã cãa wahahye tiquirore. <sup>9</sup> Sa yero tiquiro ihtia deco waro ne ihñeda, ihyera, ne sihniedahye.

<sup>10</sup> Sa ye Jesu buheriquiro Anania wame tiriquiro Damascop<sub>u</sub> ijiahye. Sa yero Jesu bajuahye Ananiare. Sa bajuaro pisuahye tiquirore:

—¿Anania, ijiajari m<sub>u</sub>h<sub>u</sub>? niahye Jesu.

—Ijiaja, ni, y<sub>u</sub>htiahye Anania tiquirore.

<sup>11</sup> Tiquiro sa nig<sub>u</sub> Jesu yahuahye tiquirore:

—Poto wame tiri mahap<sub>u</sub> wahaya. Top<sub>u</sub> wahag<sub>u</sub> Juda ya w<sub>u</sub>h<sub>u</sub>p<sub>u</sub> Tarso c<sub>u</sub>ñore Saulo wame tiriquirore macaña. Tiquiro Cohãc<sub>u</sub>re sinino niaga. <sup>12</sup> Sa yero queheno saha tiquiro ihñarire ihñano niaga top<sub>u</sub>re. Ohõ saha ijiyere ihñano niaga tiquiro: M<sub>u</sub>h<sub>u</sub> omocare tiquiro bui duhu peo, tiquiro caperi quehnoa wahag<sub>u</sub> ihñano niaga tiquirore bajarire, niahye Jesu Ananiare.

<sup>13</sup> Tiquiro sa nig<sub>u</sub> t<sub>u</sub>horo Anania ohõ saha niahye:

—P<sub>u</sub>hto, tiquiro m<sub>u</sub>h<sub>u</sub> yequinare quehnoañequinare Jerusalê c<sub>u</sub>ñare ñano yeñohti. Peyequina masa y<sub>u</sub>h<sub>u</sub>re sa ni yahuri. <sup>14</sup> Sa yero ohõre tiquiro ijipihtiyequina m<sub>u</sub>h<sub>u</sub>re cahmeñequinare peresu yero taro niñohti. Pahia p<sub>u</sub>htoa tiquirore sa ye dutiñohti, niahye Anania Jesure.

<sup>15</sup> Tiquiro sa nig<sub>u</sub> Jesu pehe yahuahye tiquirore:

—Tiquiro Saulo pehe y<sub>u</sub>h<sub>u</sub> beseriquiro ijire. Tiquiro yee buheyere peye macari c<sub>u</sub>ñare, Israe masa ijieyequinare, tiquina p<sub>u</sub>htoare, Israe masa g<sub>u</sub>h<sub>u</sub>re buherota. Sa yeg<sub>u</sub> wahaya m<sub>u</sub>h<sub>u</sub>. <sup>16</sup> Sa yero peye tahari yeere tiquiro yeri buhiri tiquiro ñano y<sub>u</sub>hd<sub>u</sub>rota. Tire tiquirore masig<sub>u</sub> yeg<sub>u</sub>tja, niahye Jesu Ananiare.

<sup>17</sup> Tiquiro sa nidi bato Anania pehe waha, esa, Saulo tiquiro ijiri w<sub>u</sub>h<sub>u</sub>p<sub>u</sub> sajãhye. Sajã sa, tiquiro omocare Saulo bui duhu peo, yahuahye tiquirore.

—Y<sub>u</sub>h<sub>u</sub> acay<sub>u</sub> Saulo, mari p<sub>u</sub>htoro Jesu pehe mahap<sub>u</sub> m<sub>u</sub>h<sub>u</sub>re bajariquiro y<sub>u</sub>h<sub>u</sub>re ohori, m<sub>u</sub>h<sub>u</sub> caperire ihña dutiro, Espiritu Santore m<sub>u</sub>h<sub>u</sub>re c<sub>u</sub>o dutiro, tiquiro

dutiro sahata mahare ye dutiro, ni yahuahye Anania Saulore.

<sup>18</sup> Tiquiro sa nigata tiquiro caperire wahi natari saha bajuyere tiquiro caperire pahna dijiagu ihñahye Saulo. Tiquiro sa ihña tuhasari bato wahcaduca sagu apeqiro pehe wame yeahye tiquirore. <sup>19</sup> Sa yero tiquiro ihyari bato pagu tutuariquiro wahahye.

### *Saulo Damascopu Jesu yere buhe ducahye*

Sa ye meheñe decoriga Damasco cjenā Jesu yequina mehna ijiahye Saulo.

<sup>20</sup> Sa yero ti pjereta tiquiro judio masa buheye wuhusepu Jesu yere bueahye masare. Jesu Cohacjū macno tiquiro ijiyere yahuahye Saulo. <sup>21</sup> Tiquiro sa yahugū ihñañe ijipihtiyequina tiquirore tahoyequina acuaa wahahye.

—Ahriquiro Cohacjū yequinare Jesure cahmeñequinare ñano yee tiriquiro ijire. Sa yero tiquiro tiquinare ñehe, dante, pahia puhtoare oho duari jimedi. Sa ye duaro ohõpore ahtari jimedi tiquiro, niahye masa tiquirore tahoyequina.

<sup>22</sup> Tiquina sa ni tahotuepegata Saulo cuero marieno tutuaro mehna buhe ducahye. Judio masare Damasco cjenare quehnoano yahuahye. “Ahriquiro Jesu potota Cristo marine yuhdūoriquiro ijire”, tiquiro ni yahugū tiquina pehe tiquirore “Ni mehono nine ahriquiro”, ni masiedahye tiquirore.

<sup>23</sup> Sa ye peye decori bato judio masa tiquirore wejē duaye, tiquina basi yahuducuahye. <sup>24</sup> Sa yero Saulo tiquina wejē duagū masiahye tiquiro basi. Sa ye ti maca cje sopecaharire decopore, ñamipū gūhare cohtee tiahye tiquirore wejē duaye.

<sup>25</sup> Tiquina sa wejē duagū ihñañe ñamipū Saulo buheyequina tiquirore puhuro pajiri puhadupū ne sāa, ti maca cja sahrino behero pehepū duhu dijioahye tiquirore.

### *Saulo Jerusalēpu ijiahye*

<sup>26</sup> Sa ye Saulo Jerusalēpu esaro, topū Jesu yequina mehna tiquiro iji duamahye. Tiquiro sa iji duepegata tiquina tiquirore “Jesu buheriquiro ijierare ahriquiro”, ñiñe, tiquirore cue niahye. <sup>27</sup> Tiquina sa cuepegata Bernabé pehe tiquirore ne

cāhye Jesu cūriquina cahapū. Sa yero Saulo mahapū Jesure tiquiro ihñarire, Jesu mehna tiquiro yahuducurire, Damascopū cuero marieno Jesu yere tiquiro buhe ducarire yahuahye Bernabé pehe.

<sup>28</sup> Tiquiro sa ni yahuri bato Saulo tiquina mehna sajāno, Jerusalēpu tiquina mehna ijie tiahye. <sup>29</sup> Sa yero tiquiro cuero marieno Jesu yere buhee tiahye. Sa yero tiquiro judio masare Jesu yere yahu yuhdūdūcaro niahye. Tiquina judio masa griego masa yere yahuducuyequina ijiahye. Sa ye Saulo tiquiro sa yahu yuhdūdūcari buhiri tiquina tiquirore wejē duamahye. <sup>30</sup> Tiquina sa wejē duagū ihñañe, Saulo mehna cjenā Jesu yequina pehe tiquirore Cesarepū ne duhti cāa wahahye. Topū tiquirore siho ijiducume Tarsopū ohoahye tiquirore.

<sup>31</sup> Sa ye ijipihtiropū, Judea yehpapū, Galilea yehpapū, Samaria yehpapū Cohacjū yequina quehnoano ijie tiahye. Ti pjere ne masa ñano yera tiahye tiquinare. Sa ye quehnoano bueahye tiquina. Sa ye tiquina Cohacjūre cua pesaro ihñahye. Espiritu Santo tiquinare tiquiro yedohogū tiquina pehe masa peyequina wahahye.

### *Pedro Eneare quehnoa wahagū yeahye*

<sup>32</sup> Sa ye Pedro ijipihtiyē macaripū waharo, Jesu yequina Lida maca cjenā cahapū gūhare esahye tiquiro. <sup>33</sup> Topū esaro Enea wame tiriquirore boca sahye. Enea tini masieniquiro ijiro, ocho cahmari waro cuñari cahsero mehna cuñae tiahye tiquiro. <sup>34</sup> Sa yero Pedro pehe tiquirore ohõ saha niahye:

—Enea, Jesucristo mahare quehnoa wahagū yere. Wahcaducaya. Mūhū eõ tu cuñari cahserore quehnoña, niahye Pedro tiquirore.

Tiquiro sa nigata tiquiro wahcaduca waha wahahye. <sup>35</sup> Sa ye ijipihtiyequina Lida cjenā, Saronā cjenā tiquirore ihñañe, tiquina ñañe yerire duhu, Jesure wacū tuuahye.

### *Dorca wame tiricorore masoahye Pedro Jesu tutuaye mehna*

<sup>36</sup> Sa ye Jope wame tiri macap<sub>u</sub> Jesure ño peoricoro Tabita wame tiricoro ijiahye. Ticoro wame Tabita griego ye yahuducuye mehna Dorca ijire. Ticoro quehnoañene yero, peye oho tiahye pejec<sub>u</sub>oyequinare. <sup>37</sup> Sa yero ti pjere ticoro dohati wahcō, yariaa wahahye. Ticoro yariagū ihñañe, tiquina ticorore quehnoano cose, <sub>u</sub>hm<sub>u</sub>ano cjā tucūp<sub>u</sub> cūahye ticorore. <sup>38</sup> Lida wame tiri maca Jope cahagāp<sub>u</sub> ijiri. Sa ye Jesu buheyequina Jope cjēna Pedro Lidap<sub>u</sub> tiquiro ijigū tūhoahye. Sa tūhoeye, p<sub>u</sub>aro ohoahye Pedro cahap<sub>u</sub>. Tiquiro cahap<sub>u</sub> esaye, Pedrоре yahuahye tiquina.

—Sojaro mehna <sub>u</sub>sā ijirop<sub>u</sub> wahaya, ni yahuahye tiquina.

<sup>39</sup> Tiquina sa nigū tūhoro tiquina mehna wahaa wahahye tiquiro. Top<sub>u</sub> tiquirore tiquina ne sari bato <sub>u</sub>hm<sub>u</sub>ano cjā tucūp<sub>u</sub> ne m<sub>u</sub>jaa wahahye tiquirore. Sa ye ijipihtiequina wape wiha numia tiquiro cahap<sub>u</sub> esad<sub>u</sub>ca, utiahye. Tabita tiquina mehna ijinop<sub>u</sub> peye suhtire yee tiahye. Sa ye tiquina ticoro yeri suhti ijirire ihñoahye Pedrоре. <sup>40</sup> Tiquina sa ihñoepēgūta Pedro tiquinare ti tucūp<sub>u</sub> ijieyequinare wijia dutiahye. Tiquina wijari bato tiquiro d<sub>u</sub>sepe curi mehna quehe sa, Cohācjūre ticorore sini basahye. Sa yero ticoro pag<sub>u</sub>re majare ihñahye.

—Tabita wahcāña, niahye tiquiro.

Tiquiro sa nigūta ticoro pehe ihña wahcō, Pedrоре ihña, wahcā nuju sahye.

<sup>41</sup> Ticoro wahcā nuju sagū ihña, tiquiro ticoro omocare ñehe, tūā wahcō docoahye ticorore. Sa yero tiquiro to cjēnare Jesu yequinare, wape wiha numiare pijio, ticorore catiricorore wiahye tiquinare.

<sup>42</sup> Tiquiro sa yeri bato ijipihtiequina Jope cjēna tire masiñe peyequina masa Jesure wacū tutua d<sub>u</sub>cahye. <sup>43</sup> Came Jopep<sub>u</sub> Simo wahiquina cahserire quehnoriquiro mehna peye decori Pedro tiquiro mehna ijiahye.

## 10

### *Pedro Corneliore Jesu yere yahu d<sub>u</sub>cahye*

<sup>1</sup> Ti pjere Cesareap<sub>u</sub> Cornelio wame tiriquire ijiahye. Tiquiro cien surara

p<sub>u</sub>horo ijiahye. Tiquina surara pehe tiquina ya curua Italiano wame tiahye.

<sup>2</sup> Cornelio tiquiro ya w<sub>u</sub>h<sub>u</sub> cjēna mehna mari Pac<sub>u</sub>re ño peoyequina, cua pesaro ihñañequina ijie tiahye. Sa yero tiquiro judio masa pejec<sub>u</sub>oyequinare yedohoro, peye ohoahye. Sa yero decoripe tiquiro mari Pac<sub>u</sub>re sinie tiahye. <sup>3</sup> Sa ye ñamicahap<sub>u</sub> tres hora ijigū Cohācjū yaquiro angel tiquirore bajuahye. Sa bajuaro Cornelio cahap<sub>u</sub> sajāhye.

—Cornelio, niahye angel tiquirore.

<sup>4</sup> Sa yero Cornelio tiquirore ihña cuero ohō saha niahye:

—¿P<sub>u</sub>hto, yabere cahmeajari? niahye tiquiro.

—Pejec<sub>u</sub>oyequinare m<sub>u</sub>h<sub>u</sub> ohorire, mari Pac<sub>u</sub>re m<sub>u</sub>h<sub>u</sub> sinidire tiquiro wacūno niaga. <sup>5</sup> Sa yeg<sub>u</sub> Jopep<sub>u</sub> m<sub>u</sub>h<sub>u</sub> cahacjēnare ohoya. Top<sub>u</sub> Simo Pedro wame tiriquire ijire. Tiquirore ne cāhta dutiya m<sub>u</sub>h<sub>u</sub> cahacjēnare. <sup>6</sup> Tiquiro apequiro Simo wahiquina cahseri quehnoriquiro cahap<sub>u</sub>, pajiri ma d<sub>u</sub>ht<sub>u</sub> cahap<sub>u</sub> ijiri w<sub>u</sub>h<sub>u</sub>ap<sub>u</sub> ijire, niahye angel Corneliore.

<sup>7</sup> Angel sa ni tuhasa, wijiaa wahahye. Tiquiro sa wijari bato Cornelio p<sub>u</sub>aro tiquirore yedohoyequinare ihcāquiro surara mehna cjānore pijiahye. Surara pehe mari Pac<sub>u</sub>re ño peoriquiro ijiro, decoripe Corneliore yedohoe tiahye. <sup>8</sup> Sa yero Cornelio tiquinare yahu peho, Jopep<sub>u</sub> ohoahye tiquinare.

<sup>9</sup> Sa ye ape deco Jopep<sub>u</sub> tiquina wahari watoa coheri pje ijigū Pedro pehe w<sub>u</sub>h<sub>u</sub> buip<sub>u</sub> Cohācjūre sinino wahahye. <sup>10</sup> Sa yero tiquiro <sub>u</sub>j<sub>u</sub>a ahbagū ihya duahye. Sa ihya duaro apequina tiquiro ihyayere tiquina dahreri watoa tiquiro pehe bajuagū ihñahye. <sup>11</sup> <sub>u</sub>hm<sub>u</sub>anop<sub>u</sub> parī maagū, pajiri cahsero ti cahsero sohtorip<sub>u</sub> d<sub>u</sub>ht<sub>u</sub>erī cahsero dijia tagū ihñahye. <sup>12</sup> Ti cahsero puhiap<sub>u</sub> peyequina wahiquina n<sub>u</sub>c<sub>u</sub> cjēna, yehpap<sub>u</sub> b<sub>u</sub>a tiniñequina, minicj<sub>u</sub>a pari ijiahye. <sup>13</sup> Tire tiquiro ihñari bato, Pedro yahuducugū tūhoahye.

—Pedro, wahcād<sub>u</sub>caya. Ahriquinare wejē ihyaya, ni yahuducugū tūhoahye tiquiro.

14 Tiquiro sa niepegũta Pedro ohõ saha niahye:

—Pũhto, ne tiquinare ihyeraja yũhũ. Ñañequinare, Cohãcjũ tiquiro ihya dutierariquinare ne ihyera tii yũhũ, niahye Pedro.

15 Sa yero Pedro pari turi yahuducugũ tũhoahye:

—Cohãcjũ “Quehnoañequina ijire”, tiquiro nidiquinare “Ñañequina ijire”, niedacãhña mũhũ tiquinare, ni yahuducugũ tũhoahye Pedro.

16 Sa ye ihtia taha tiquina sa ni yahuducuri bato ti cahsero ʘmʘanopũ mũjaa wahahye tja. 17 Sa yero Pedro tutuaro wacũ “¿Dũhse ni yahu duaro niajari sa bajuaro?” ni tũhotuahye tiquiro basi. Tiquiro sa tũhoturi watoa Cornelio ohoriquina pehe Pedro ijiri wũhũpũ esahye. “¿Simo ya wũhũ nohopũ ijiajari?” ni, tiquina sinituri bato ti wũhũpũ esahye tiquina. 18 Sa ye tiquina sinitu madoqueoahye. “¿Simo Pedro wame tiriquire ahri wũhũre ijiajari?” ni sinituahye tiquina. 19 Sa yero Pedro tiquiro tũhoturi watoa Espĩritu Santo tiquirore yahuahye:

—Ihñaña. Ihtiaro ʘmʘa mũhũre macañe nine. 20 Wahcãdũcaya. Dijiahya. Tiquina mehna wahaya. Yabiro marieno wahaya quehnoano mehna. Yũhũ pehe tiquinare ohõpũre ahtagũ yei, niahye Espĩritu Santo Pedroro.

21 Tiquiro sa nigũ tũhoro Pedro tiquina cahapũ dijiaa wahahye.

—Ihñaña. Ohõpũ ijiaja yũhũ mũsa maca cãhtarigũ. ¿Dũhse yena tana niajari mũsa yũhũ cahapũre? niahye Pedro tiquinare.

22 Tiquiro sa nigũta tiquina pehe ohõ saha niahye:

—Cornelio cien surara pũhtoro, quehnoañene yeriquiro, mari Pacũre cua pesaro ihñariquire, ijipihtiequina judio masa “Quehnoariquire”, tiquina nidiquiro mũhũre piji dutiro ohori ʘsãre. Cohãcjũ quehnoariquire yaquiro angel Corneliore mũhũre piji dutiñohti. Ohõ saha niñohti: “Pedroro mũhũ ya wũhũpũ ne cãhta dutiya mũhũ cahacjẽnare. Sa ye tiquiro mũhũre yahurota”, ni piji dutiñohti angel Corneliore, ni yahuahye Cornelio Pedroro tiquiro piji dutiriquina pehe.

23 Tiquina sa nigũ Pedro pehe tiquinare sajã ta duti, ihyaye oho, tiquiro ijiri wũhũpũ carĩ dutiahye tiquinare. Sa yero ape deco Pedro wahcã, tiquina mehna wahaa wahahye. Sa ye apequina Cristo yequina Jope cjẽna Pedroro piti ti cãhye.

24 Ape deco tiquina Cesareapũ esahye. Sa yero Cornelio pehe tiquiro acayere, tiquiro mehna cjẽna gũhũre piji cahmecoa, Pedroro cohteahye. 25 Sa yero Pedro Cornelio ya wũhũ cahapũ tiquiro ahtagũ ihñano Cornelio pehe tiquirore piti ca wi-jia, tiquiro dahpocãri cahapũ quehe sahye.

26 Sa yepegũta Pedro tiquirore ne wahcõ doco ohõ saha niahye:

—Ducuya mũhũ. Yũhũ gũhũ mũhũ yero saha ijigũ ijiaja. Cohãcjũ ijieraja yũhũ, niahye Pedro tiquirore.

27 Tiquiro sa ni tuhasari bato Cornelio tiquirore ne sajãa wahahye tiquiro ya wũhũpũ. Topũ sajã saro masa pari ti wũhũpũ cahmecoa, tiquirore cohteyequinare ihñahye Pedro. 28 Sa yero Pedro tiquinare yahuahye:

—Judio masũ ijiepegũta ape curua cjẽna mehna ijigũ ʘsã dutiyere yãhdũdũcagũ niaja yũhũ. Tire quehnoano masine mũsa. Sa ijiepegũta ape curua cjẽnare “Ñañequina ijire”, yũhũre ni dutierari Cohãcjũ. Sa ni yahuri yũhũre tiquiro. 29 Tiquiro sa nigũ tũhogũ ohõpũre mũsa cahapũre ahtaũ. Mũsa yũhũre pijiogũ “Ne wahaeraja”, niedũ yũhũ. “¿Dũhse ijiro boro yũhũ ohõpũ ahtagũ cahmeari mũsa?” niahye tiquinare Pedro.

30 Tiquiro sa nigũ tũhoro Cornelio pehe ohõ saha niahye:

—Tres hora ijigũ waro mari Pacũ yaquiro angel yũhũre bajuari. Pititia deco wahare yũhũre tiquiro bajuari bato. Ti decota mari Pacũre yũhũ sinini watoa angel asi siteri suhtiro sañariquire yũhũ cahapũ ducuri.

31 Sa yero tiquiro yũhũre ohõ saha nidi: “Cornelio, mũhũ mari Pacũre mũhũ sinigũ tiquiro tũhori. Sa yero pejecũoyequinare tiquina cahmeñene mũhũ ohogũ ihñano mari Pacũ wacũno mũhũre yedohorota.

32 Sa yegũ Jopepũ mũhũ cahacjẽnare ohoya, Simore, Pedro wame tiriquire mũhũ cahapũ tiquina ne cãhtagũ. Tiquiro apequiro Simo wahiquina cahseri quehnoariquire

ya wuhuru pajiri ma duhtu caharu ijiri wuhuru ijire tiquiro”, ni yahuri yuhure tiquiro. <sup>33</sup> Tiquiro sa nigũ tuhogu yuhu cahacjēnare mūhure ne cāhta dutigu ohou yuhu. Sa yegu quehnoano yegu ahtari jiri mūhu usā cahapure. Sa yena usā ijipihtina ohōre mari Pacu tiquiro ihñonopu ijina naja usā. Ijipihtiyere mari Pacu mūhure tiquiro yahu dutirire tūho duana, cohtei usā, niahye Cornelio Pedrore.

### *Pedro Jesu yere yahuahye*

<sup>34</sup> Tiquiro sa nigũ tuhoro, Pedro ohō saha ni yahuahye:

—Yojopu masiaja. Ijirota ijire. Cohācjū ihcāno saha quehnoano yere marine. <sup>35</sup> Sa yero ijipihtiyere macari cjēna Cohācjūre cua pesaro tiquina ihñagū, quehnoañene tiquina yegū Cohācjū pehe tiquina mehna bucuere. <sup>36</sup> Cohācjū usā judio masa caharu Jesucristore ohori. Masare Cohācjū mehna quehnoano iji dutiro Jesu pehe quehnoañe buheyere yahuri. Ti buheyere masa masine. Jesucristo pehe ijipihtiyequina masa puhtoro ijire. <sup>37</sup> Ńu wame yeriquiro ohō saha ni yahuri: “Masa ñañene bujua witiya. Sa yena wame yenohrina ijiya”, ni, yahuri Ńu. Masare tiquiro sa ni yahuri bato Galileapu quehnoañe buheyere Jesu pehe yahu ducari. Came Judea yehparu ti buheyere yahu pehori. <sup>38</sup> Ahriquiro Jesu Nazare cjānore Cohācjū pehe tiquiro tutuayere, Espiritu Santo mehna tiquiro ye masiatire ohori Jesure. Sa yero Jesu quehnoano yero wahari. Sa waharo watīare cuoyequinare ñano yuhduyequinare ijipihtiyequinare quehnoa wahagū yeri. Mari Pacu Jesu mehna ijiri. <sup>39</sup> Judea yehparu, Jerusalēpu gūhure ijipihtiyere tiquiro yerire usā ihñau. Came tiquina curusapu wejēdi tiquirore. <sup>40</sup> Sa yero ihtia deco wahaboro Cohācjū tiquirore masori jiri. Sa yero Jesure apequinare bajuagū yeri jiri mari Pacu. <sup>41</sup> Ti pjere Jesure ijipihtiyequina ihñedari. Meheñequinagāre bajuari tiquiro. Mari Pacu tiquiro cahmenare, Jesure ihñatinare panopu usāre mari Pacu beseahye. Usā pehe Jesu tiquiro masari bato tiquiro mehna ihya, sihni. <sup>42</sup> Sa yero usāre tiquiro

dutiri. “Masare yahuya. Yuhu Jesu ijipihtiyequina catiyequinare, yariariquina gūhure buhiri dahreacjū yuhure ijigū yeri mari Pacu. Sa yena tire masare yahuya”, ni dutiri Jesu usāre. <sup>43</sup> Ijipihtiyequina Jesure tiquina wacū tutuagū ihñano Cohācjū tiquina ñañene borota. Tire ijipihtiyequina Cohācjū yere yahu mahtariquina panopu cjēna yahuyuahye, ni yahuahye Pedro.

### *Judio masa ijieyequina Espiritu Santore cuo ducahye*

<sup>44</sup> Ti ijipihtiyere tiquiro sa ni yahuri watoapu, ijipihtiyequina tire tuhoyequina mehna Espiritu Santo iji ducahye. <sup>45-46</sup> Sa ye judio masa ijieyequina tuhohemeñe yahuducuye mehna bucuere mehna yahuducu ducahye. Ti yahuducuye mehna Cohācjūre “Tutuagu, quehnoagu ijire”, niñe niahye. Tiquina sa nigũ tūhoahye Pedro acaye judio masa Jesu yequina. Sa ye Espiritu Santo judio masa ijieyequina mehna tiquiro iji ducagū ihñañe judio masa pehe ihña maria wahahye. Sa yero Pedro ohō saha ni yahuahye judio masare:

<sup>47</sup> —Mari yero sahata Espiritu Santore cuore ahriquina gūhu. ¿Tiquina sa ijigū ihñana ahriquinare wame yeraboagari mari? niahye Pedro tiquinare.

<sup>48</sup> Sa ni tuhasa Jesu wame mehna judio masa ijieyequinare wame ye duti-ahye Pedro. Tiquina sa yeri bato “Usā mehna meheñe decorigā tojoarñā”, niahye tiquina Pedro gūhure.

## 11

### *Pedro Jerusalē cjēnare Jesu yequinare yahuahye*

<sup>1</sup> Sa ye judio masa ijieyequina gūhu Cohācjū yere tiquina quehnoano cahmegū Jesu cūriquina pehe tiquina acaye Judeapu ijieyequina mehna tuhooahye. <sup>2</sup> Sa ye Pedro Jerusalēpu tiquiro tojoa sagū ihñañe judio masa Jesu yequina meheñequinagā tiquirore ohō saha niahye:

<sup>3</sup> —¿Judio masa ijieyequinare dūhse ijiro boro ihñagū esari mūhu? ¿Dūhse ijiro boro tiquina mehna ihyari mūhu? ni, tuhtiahye Pedrore tiquina.

<sup>4</sup> Tiquina sa nigū tūhoro Pedro tiquiro yerire yahu peho cāhye tiquinare. <sup>5</sup> Ohō saha ni yahuahye:

—Yūhū Joperū ijigū Cohācjūre sinigū nii. Sa yero yūhūre ohō saha bajuari. Pajiri cahsero ti cahsero sohtoripū dūhteri cahsero ūhmūanopū yūhū cahapū dijia tagū ihñāū. <sup>6</sup> Sa yegū ti cahserore quehnoano ihñāū, “¿Yabe boro ti cahseropūre ijia-jari?” nigū. Sa yegū ihñāū ti cahseropūre ijieyequinare: Wahiquinare nūcū cjēnare, yehpapū būa tiniñequinare, minicjūa parire ihñāū. <sup>7</sup> Sa yegū yūhūre tiquiro yahuducuyere tūhou. “Pedro, wahcādūcaya. Wejē ihyaya ahriquinare”, nino ca tari yūhūre. <sup>8</sup> Tiquiro sa nigū tūhogū ohō saha nii yūhū. “Pūhto, ne tiquinare ihyeraja yūhū. Ñañequinare, Cohācjū tiquiro ihyā dutieyequinare ne ihyera tii yūhū”, nii yūhū. <sup>9</sup> Yūhū sa niepegūta ūhmūanopū pari turi yūhūre yahuducuro ca tari tja. “Cohācjū ‘Quehnoañequina ijire’, tiquiro nidiquinare ‘Ñañequina ijire’, niedacāhñā mūhū”, nino ca tari yūhūre. <sup>10</sup> Sa yero ihtia taha ūsā sa ni yahuducuri bato ti cahsero ūhmūanopū mūjaa wahari tja. <sup>11</sup> Yūhū sa ihñāri watoa ihtiaro ūmūa ūsā ijiri wūhūpū esari jiri. Tiquina Cesarea cjūno ohoriquina ijiri. <sup>12</sup> Sa yero Espīritu Santo pehe yūhūre tiquina mehna waha dutiro “‘Tiquina ñañequina ijire’, niedacāhñā tiquinare”, ni yahuri yūhūre tiquiro. Sa ye ahriquina seis yūhū acaye mehna Cesarea cjūno ya wūhūpū sajāū ūsā. <sup>13</sup> Sa yero tiquiro ūsāre ohō saha ni yahuri. “Angel yūhū wūhūpū ducugū ihñāū yūhū. Ohō saha ni yahuri yūhūre: ‘Joperū Simore Pedro wame tiriquirene ne cāhta dutiya. <sup>14</sup> Tiquiro mūhūre mūhū acaye mehna mū sare ijipihtinare pecapū wahaborinare mūsa yūhdūatire yahurota’, nidi angel yūhūre”, ni, yahuri Cesarea cjūno yūhūre. <sup>15</sup> Sa ye yūhū yahuducuri watoa Espīritu Santo pehe tiquina mehna iji dūcari, marine tiquiro ye mūhtariro sahata. <sup>16</sup> Sa yegū Jesu tiquiro yahurire wacūu yūhū. Ohō saha ni yahuri tiquiro: “Ñū mū sare wame yero aco mehna wame yemedi. Yūhū pehe tiquiro yūhdūoro yeitja mū sare. Came Espīritu Santore mūsa mehna ijiducugū

yeitja”, ni yahuri. <sup>17</sup> Sa yero Jesucristo mari pūhtoro mari wacū tutuagū ihñāno Cohācjū yaquiro Espīritu Santore ohori marine. Sa yero Cohācjū marine Espīritu Santore tiquiro ohoriro sahata judio masa ijieyequina gūhūre tiquiro ohori. Cohācjū tiquiro sa yegū ihñāgū tiquirore yūhdūdūca masiedaja yūhū, niahye Pedro tiquinare, judio masare Jesu yequinare.

<sup>18</sup> Tiquiro sa nigū tūhoye, tiquina tiquirore ne ni nemoedahye. Tiquirore tuhti masiedahye. Sa ye tiquina,

—Cohācjū quehnoariquiro, tutuariquiro ijire, niahye.

Ohō saha ni nemoahye:

—Judio masa ijieyequina gūhū tiquina ñañene būjūa witiyequina ijieye, Cohācjū yequina ijietā. Sa tiquiro yequina ijieye, tiquina gūhū ijipihtiye decori tiquiro mehna ijietā, ni nemoahye tiquina.

*Antioquíapū apequina Jesu yequina ijiahye*

<sup>19</sup> Sa ye Estebāre tiquina wejēdi bato masa Jesu yequinare ñāno yeahye. Tiquina sa yegū ihñāñe Jesu yequina duhti sitea wahahye. Sa ye tiquina Feniciapū, Chiprepū, Antioquíapū waha, judio masa dihitare Cohācjū yere yahue timahye tiquina. <sup>20</sup> Tiquina sa yepegūta apequina pehe Jesu yequina mehna cjēna Chipre cjēna, Cirene cjēna, Antioquíapū esa, judio masa ijieyequinare Jesu yere buheahye Cohācjū tiquinare tiquiro yūhdūoatire. <sup>21</sup> Sa yero mari pūhtoro tiquinare yedohoahye. Sa ye masa peyequina Jesure wacū tutuaye, quehnoañe pehere comesahye.

<sup>22</sup> Sa ye “Antioquíā cjēnapū Jesure cahmeaga”, ni tūhooahye Jerusalē cjēna Jesu yequina. Tiquina sa tūhoori bato Jerusalē cjēna Bernabé wame tiriquirene Antioquíapū ohoahye. <sup>23</sup> Sa yero tiquiro Antioquíapū esaro, Cohācjū yedohoye mehna judio masa ijieyequina tiquiro yequina tiquina wahagū ihñāno, tutuaro bucueahye. Sa yero tiquiro to cjēnare ohō saha ni yahuahye:

—Jesure sa wacū tutuaducuya. Tiquiro yere ne duhueracāhñā, ni yahuahye tiquiro ijipihtiyequina tiquinare.



<sup>24</sup> Bernabé quehnoariquiro ijiro, Espíritu Santore pajiro c̄oriquiro ijiro, tiquiro dutiriro sahata yeriquiro ijiro, Jesure quehnoano wacū tutuahye tiquiro. Sa ye tiquiro buheri bato masa peyequina wacū tutuahye Jesure.

<sup>25</sup> Came tiquiro Tarso wame tiri macap̄ Saulore macano wahahye. <sup>26</sup> Top̄ tiquirore boca sahye. Tiquiro boca sari bato Antioquíap̄ ne c̄ahye Saulore. Top̄ tiquina esari bato ihc̄a c̄ahma waro tiquina Cohãcj̄u yequina mehna cahme-coa, peyequina masare buhee tiahye tiquina. Sa ye Antioquíap̄ Cristo yequina Cristiano wame ti d̄cahye.

<sup>27</sup> Ti pjere Cohãcj̄u yere yahu m̄htariquina Jerusalēp̄ ijiriquina waha, Antioquíap̄ esahye. <sup>28</sup> Sa yero tiquina mehna cj̄no Agabo wame tiriquiro Jesu yequina watoap̄ ducuro, Espíritu Santo tutuaye mehna yahuahye tiquinare. “Ijipihitiri yehpap̄re tutuaro m̄jua waharota”, ni yahuahye tiquiro. Ti pjere ihyaye mariedi pje ijiḡa ijipihitriyequina p̄htoro Claudio ijiahye. <sup>29</sup> Sa ye Cristo buheyequina, ijipihitriyequina tiquina c̄oro puno tiquina acayere oho duaye, tiquina basi cahme yahuducuahye. “Judea yehpa cj̄na Jesu yequinare niñerure ohouhna”, niahye tiquina basi. <sup>30</sup> Tiquina sa nidi bato Bernabé, Saulo mehna ti niñerure ne c̄a basahye. Top̄ esaye Judea yehpa cj̄nare Jesu yequina p̄htoare wiahye ti niñerure.

## 12

### *Pedrore peresu yeahye*

<sup>1</sup> Ti pjere p̄htoro Herode ihquēquinare Jesu yequinare ñano ye d̄caae tiahye.

<sup>2</sup> Sa yero tiquiro Ñu wahminore Santiago pehere ñoseni pj̄i mehna tiquiro wejē dutiḡa apequina pehe tiquirore wejēahye.

<sup>3</sup> Santiagore tiquiro wejēḡu judio masa bucueahye. Tiquina bucueyere Herode masino, “Sa dihita cahmene tiquina”, nino Pedro ḡah̄are peresu yeahye. Ti decorire puḡa yeye moremehneñe p̄re tiquina ihyati bose deco pascua ijiahye.

<sup>4</sup> Sa ye Herode ñehe dutiriquina Pedrore ñehe, peresu yeahye. Sa yero diez y seis

surarare cohte dutiahye tiquirore. Piti-tiario surara cohteahye tiquirore. Came pititiario tiquina comesayequina tiquirore cohte m̄jae tiahye. Sata yeahye tiquina diez y seis surara. Herode pehe pascua bato Pedrore peresup̄ ijiriquirore masa ihñonop̄ duhu doco duamahye tiquirore wejē dutiro taro. <sup>5</sup> Sa yero Pedro peresup̄ ijiahye. Top̄ tiquiro ijiḡa Jesu yequina pehe Cohãcj̄ure tutuaro sini basae tiahye tiquirore.

### *Peresup̄ ijiriquirore Pedrore Cohãcj̄u wioahye*

<sup>6</sup> Sa ye ñamine Pedro come dari p̄a da mehna tiquina d̄hteriquiro p̄aro surara watoap̄ car̄no niahye. Sa ye surara sopecahap̄ cohteducue tiahye tiquirore. Sa yero ti deco bohrearo Herode Pedrore judio masa ihñonop̄ duhu doco duamahye tiquirore wejē dutiro taro. <sup>7</sup> Sa yero Cohãcj̄u yaquiro angel pehe Pedro cahap̄ tiquiro ducuḡa peresup̄ tiquiro ijiri tucū buhrio pihtia wahahye. Sa yero angel Pedro cahap̄ ducuro Pedro pati pahmap̄ ohbe careahye.

—Sojaro mehna wahc̄aña, niahye tiquiro Pedrore.

Tiquiro sa niḡata tiquiro omocarine tiquina d̄hteri dari come dari suru site dijiaa wahahye. <sup>8</sup> Sa yero angel tiquirore yahuahye:

—Weje dihoya m̄h̄u weje dihori dare. M̄h̄u dahpo suhti ḡah̄are sañaña, niahye tiquiro.

Tiquiro sa niḡa Pedro pehe tiquiro nidiro saha yeahye.

—M̄h̄u bui cj̄a suhtirore sañaña. Yuh̄u mehna wahaya, niahye angel.

<sup>9</sup> Tiquiro sa niḡa ti tucūp̄ ijiriquiro wija, angel bato wahaa wahahye tiquiro. Sa wahaeperota oh̄o saha ni t̄hotumahye tiquiro. “¿Ahri poto ijieragari? ¿Queh̄egu niagari yuh̄u?” ni, t̄hotumahye tiquiro.

<sup>10</sup> Sa ye tiquina tiquiro ijiri tucū sopecahap̄ ducuyequina surarare yuh̄u c̄a, apequina yoa cj̄no ducuyequina ḡah̄are yuh̄u c̄a, pajiri sopecahap̄ esahye. Ti sope pahma macap̄ wahari mahare cahmotari pahma ijiahye. Ti sope pahma esa tuharo par̄iḡa tiquina wijaahye.

Wijiaa waha, tiquina mahap̄ wahaahaye. Mehenogã tiquina waha nemogũ angel pehe wahaahaye. Sa yero Pedro ihcãquirota tojoahye. <sup>11</sup> Sa tiquiore angel tiquiro wahari bato tiquiro yerire Pedro masiahye. Ohõ saha ni tãhotuahye tiquiro. “Angel Cohãcjũ ohoriquiro peresup̄ yũhũ ijigũ yũhare wioro wihiri. Yojoꝑ̄ tire masiaja tiquiro sa yerire. Judio masa pehe yũhare tiquina ye duarire Cohãcjũ pehe tiquinare ye dutierari. Sa yero yũhare, Herode tiquiro peresu yerigare wiori”, ni, tãhotuahye Pedro.

<sup>12</sup> Tiquiro sa ni tãhoturi bato María Ñu pacoro ya wãhũꝑ̄ esahye Pedro. Ñu pehe Marco wame tiriquiro ijiri. Ti wãhũꝑ̄ masa peyequina cahmecoa, Cohãcjũre siniñe niahye. <sup>13</sup> Sa yero Pedro sope pahmare doteahye. Rode wame tiricoro cahacjõno tiquiro dotegũ tãhoro ihñano esahye ticoro. <sup>14</sup> Sa yero Pedro ticorore tiquiro pisugũ tãhoro tiquiro yahuducuyere tãho masi, tutuaro bucue, sopechare p̄oedahye. Sa bucuemeno tiquiore p̄ooboricoro boaa wahahye. Pedro top̄ tiquiro ducugãta ticoro majaredũca oma sajãa wahahye.

—Pedro sopechahap̄ wihiri, ni, yahuro sajãhye.

<sup>15</sup> Sa ye tiquina wãhũꝑ̄ ijiyequina ticoro sa nigũ tãhoye,

—Sa nicõo niaga mũhũ. Sa ni macacõo nine mũhũ, niahye tiquina ticorore.

—Poto tjire. Poto nigota niaja, niahye ticoro.

Ticoro sa nigũ tãhoye,

—Tiquiro ijieraga. Tiquiro jeripohna wihiro niaga, niahye tiquina pehe.

<sup>16</sup> Tiquina sa nini watoa Pedro sope pahmare sata doteducuro niahye. Tiquiro sa yegũ tãhoye, tiquina sopechare p̄o, tiquiore ihña, ihña maria wahahye. <sup>17</sup> Sa yero Pedro tiquiro omoca mehna “Dihãta mariahiña”, nino, Cohãcjũ peresup̄ tiquiore wiorire yahuahye tiquinare.

—Ahrire yahuya Santiagore, apequina Jesu yequina gũhare, niahye tiquiro.

Sa ni yahu tuhasa tiquiro ape sie pahrẽꝑ̄ yũhdũ cãa wahahye. <sup>18</sup> Sa ye bohrea quehagũ surara Pedro tiquiro

dãhse ye wijiarire ne masiedahye. Sa masiedaye acũaa wahahye. <sup>19</sup> Sa yero Herode Pedrore maca dutimahye. Sa yero tiquiro surarare peresu cohteriquinare tiquiro sinituri bato tiquinare wejẽ dutiahye Herode pehe. Sa yero Herode Judeap̄ ijiriquiro waha, Cesareap̄ ijiro wahahye.

### *Herode yariaa wahahye*

<sup>20</sup> Sa yero Tiro wame tiri maca cjẽna mehna, Sidõ cjẽna mehna Herode pehe usuahye. Tiquiro sa usuagũ ihñañe ti macari cjẽna pehe Herode tiquina mehna tiquiro usarire quehnoñe waha, tiquiro mehna yahuducuye wahahye. Sa ye tiquiro cahacjãnore Blasto wame tiriquiore piti tiahye tiquina. Sa ye tiquina Blasto yedohoro mehna Herode cahap̄ esahye. Tiquiro cahap̄ esa, ohõ saha niahye:

—Mari quehnoano ijiihna. Mari basi ihña tuhtieracãhna, ni siniahye tiquina Herodere.

Tiquina ya yehpa cjẽna Herode ya yehpap̄ ihyayere bocaie tiahye. Sa ye Herode tiquinare ihña tuhtigũ cahmedahye tiquina. <sup>21</sup> Sa yero Herode tiquiro queori decop̄, pũhtoro tiquiro sañañe suhti quehnoañe suhtire sañahye tiquiro.

Sa yero tiquiro dujirop̄ dujitjiãno, masare yahuducu ihñoahye. <sup>22</sup> Tiquiro sa yahuducu ihñogũ tãhoye masa pehe sañuducuahye:

—Ahriquiro yahuducuriquiro masũno ijierare. Cohãcjũ ijire, ni sañuducumahye tiquina Herodere.

<sup>23</sup> Tiquina sa nigũta Cohãcjũ yaquiro angel Herodere dohatiyere ohoahye. “Cohãcjũ ijieraja yũhũ”, ne niedahye Herode. Tiquiro sa niedari buhiri angel tiquiore dohatigũ yeahye. Tiquiro sa dohatigũ tiquiore becoa ihya wejẽ cãhye.

<sup>24</sup> Sa ye Jesu yequina peyequina masare Jesu ye buheyere buhee tiahye.

<sup>25</sup> Sa ye Bernabé, Saulo mehna buhe peho, Jerusalẽꝑ̄ ijiyequina Antioquíap̄ tojoaa wahahye. Sa ye Ñu Marco wame tiriquiore tiquina ne cãhye tiquina mehna.

## 13

*Jesu yequina Bernabére Saulo mehna Cohãcjũ yere buhe dutiye ohoahye*

<sup>1</sup> Ti pjere Antioquíapũ Cohãcjũ yequina mehna cjẽna, Cohãcjũ yere yahu m̃htariquina ijiahye. Masare buheyequinata ijiahye tiquina gãhũ. Bernabé, Simo Negro wame tiriquire, Ludio Cirene cjãno, Manae, Saulo mehna tiquina ijiahye. Manae pehe p̃hutoro Herode m̃nanao mehna tiquina p̃horo ihcãno mehna b̃sc̃ariquina ijimahye. <sup>2</sup> Sa ye tiquina Cohãcjũre tiquina ño peori watoa, tiquina sijiri watoa, Espiritu Santo pehe yahuahye tiquinare.

—Bernabére, Saulo mehna cũña yũhũ cahmeno saha yeatiquinare. Tire yeatiquinare bese cũgũ niája tiquinare, niahye Espiritu Santo.

<sup>3</sup> Tiquiro sa nigũ tiquina pehe siji Cohãcjũre sini, Bernabé bui Saulo bui tiquina omocarine duhu peoahye. Sa duhu peoye tiquinare buhe dutiye ohoahye.

*Chiprepũ Jesu c̃riquina buheahye*

<sup>4</sup> Sa ye tiquina Saulo, Bernabé mehna Espiritu Santo tiquiro ohoriquina ijiye, Seleuciapũ esa, ti macare yũhdũ cã, Chipre wame tiri ñsc̃opũ esahye tiquina. <sup>5</sup> Sa ye Salamina wame tiri petamahapũ esahye. Ti macapũ judio masa buheye w̃h̃sepũ, Cohãcjũ yere yahu d̃cahaye tiquina. Sa yero Ñu Marco gãhũ tiquina mehna waha, tiquinare yedohoahye. <sup>6</sup> Sa ye tiquina ti ñsc̃o sohtoapũ maja, ti ñsc̃o toperũ ijiri macapũ Pafu wame tiri macapũ esaye, yairore boca sahye tiquina. Tiquiro judio masano, Barjesu wame tiriquire ijiahye. Barjesu griego ye mehna niñe Elima tiquina ni pisuriquire ijiahye. “Cohãcjũ yere yahu m̃htagũ ijiaja yũhũ”, ni, masare ni mehoducuriquire ijiahye tiquiro. <sup>7</sup> Sa yero tiquiro Sergio Paulo wame tiriquire mehna cjãno ijiahye. Sergio Paulo pehe ti ñsc̃o cjẽna p̃hutoro masi pehoriquiro ijiahye. Sa yero Cohãcjũ yere t̃ho duaro tiquinare Bernabé, Saulo mehna pijioahye tiquiro. <sup>8</sup> Tiquiro sa pijiopegũta Elima, yairo pehe tiquinare buhe dutierahye. Tiquiro Sergio Paulo Jesu yere tiquiro ño peogũ cahmesãedahye yairo pehe. Sa

yero yairo pehe Sergio Paulore Cohãcjũ yere cohã dutiro nimahye. <sup>9-10</sup> Tiquiro sa cohã dutiepegũta Saulo, Pablo tiquina nidiquiro Espiritu Santore c̃oriquiro ijiro, yairore quehnoano ihña diho cũ tiquirore yahuahye:

—M̃hũ ni mehoñe peyagũ, ñagũ, watĩno tiquiro dutiyere yegũ, quehnoañene ihña yabigũ ijire m̃hũ. ¿D̃hse yegũ Cohãcjũ yere “Ni mehoñe ijire”, sa niducujari m̃hũ? <sup>11</sup> M̃hũ sa nigũ Cohãcjũ caperi bajueragũ yerota m̃hũre. Sa yegũ meheñe decorigã m̃hũ ihñasi, niahye Pablo.

Tiquiro sa nigũta yairo pehe bueri yero saha ijiyere ihña m̃htano, nahitiano dihitare ihñahye. Sa yero tiquirore t̃ãtiquire macahye tiquiro. <sup>12</sup> Tiquiro sa wahagũ ihñano, Sergio Paulo pehe Jesu yere “Ijirota ijire”, ni masiahye. Mari p̃hutoro yere tiquiro t̃ho, t̃ho maria waha, Jesure wacũ tutua d̃cahaye.

*Pablo Bernabé mehna Antioquíapũ Pisidia yehpapũ ijiri macapũ ijiahye*

<sup>13</sup> Sa ye Pablo gãhũ Pafopũ ijiriquina yuc̃sa mehna waha, Pergepũ esahye. Perge Panfilia yehpapũ ijire. Topũ esa, Ñu Marco tiquinare cohã cã, Jerusalẽpũ waha wahahye. <sup>14</sup> Sa ye tiquina Pergepũ ijiriquina waha, Antioquíapũ esahye. Antioquia Pisidia yehpapũ ijire. Topũ esaye, saurũ deco ijigũ tiquina judio masa buheri w̃h̃pũ sajã sa, topũ dujiahye. <sup>15</sup> Sa ye ti w̃h̃re cohteyequina Cohãcjũ dutiyere, Moisepũ marine tiquiro c̃urire, Cohãcjũ yere yahu m̃htariquina tiquina ojoarire tiquina buheri bato tiquina pijiahye Pablo gãhũre.

—¿Usã acaye, masare m̃sa yahu duaye ijiajari? Tire yahu duana yahuya mi-anogãta, niahye ti w̃h̃re cohteyequina.

<sup>16</sup> Tiquina sa nigũ t̃horo, Pablo wahcãd̃ca sa, “Yahuducueracãhña”, nino tiquiro omoca mehna quẽ dijioahye. Tiquina dihta mariagũ ihñano, tiquiro ohõ saha niahye:

—Israe masa, Israe masa ijiena gãhũ mari Pac̃re ño peona, t̃hoya m̃sa. <sup>17</sup> Mari ñec̃sum̃na m̃na panopũ cjẽna Cohãcjũre ño peoe tiahye. Tiquina m̃nare Cohãcjũ bese tiahye. Sa ye mari

ñecusumua muna yoari pje Egiptopu ijie tiahye ape yehpa cjëna ijiepetä. Topu tiquina ijigü Cohäcjü quehnoano yee tiahye tiquinare. Sa ye peyequina masaputiahye tiquina. Ohö saha yeahye tiquinare. Tiquinare Egiptopu ijiriquinare tiquiro tutuaye mehna wioahye Cohäcjü. <sup>18</sup> Tiquiro sa wiori bato tiquina cuarenta cahmari waro masa marienopu tinie tiahye. Topu tiquirore tiquina yuhduhcagü Cohäcjü sata tuhötu cähye. <sup>19</sup> Sa yero Canaa wame tiri yehpapure siete cururi cjënare cohä tuhasa, Cohäcjü ti yehpare ohoahye Israe masa pehere. <sup>20</sup> Ti ijipihtiyere tiquina yegü cuatrocientos cincuenta cahmari waro yuhduhahye. Camerpu masare duti-atiquinare cüahye Cohäcjü Israe masare. Cohäcjü tiquiro cüriquina Samuel tiquiro ijigüpu iji bato tie tiahye. Samuel pehe Cohäcjü yere yahu mahtariquiro ijie tiahye. <sup>21</sup> Came Israe masa pehe tiquina puhtoro ijiatiquirore macae tiahye. Sa ye Cohäcjüre sinie tiahye. Tiquina sa sinigü ihñano Cohäcjü Saulore cüahye tiquinare. Saulo Cis macüno ijiro, Benjami ya curua cjäno ijiahye. Sa yero cuarenta cahmari waro tiquina puhtoro ijiatiquiro cüahye Cohäcjü tiquirore. <sup>22</sup> Sa yero Cohäcjü Saulore tiquiro cohäri bato Davire cüahye tiquiro. Ohö saha niahye Cohäcjü Davire: “Davi Isaí macüno bocaü yuhü. Tiquiro mehna bucueaja yuhü. Tiquiro yuhü cahmeñene yerota”, niahye Cohäcjü.

<sup>23</sup> ‘Ahriquiro Davi panamino iji turi-ariquiro ijire Jesu. Cohäcjü Jesure cüri jiri Israe masare yuhduoatiquiro. “Masare quehnoano yeitja”, niahye Cohäcjü. Tiquiro nidiro sahata yeri tiquiro. <sup>24</sup> Tiquiro sa yeato pano Jesu wihiato pano Ñu ohö saha ni buheri jiri: “Musa ñañene buña witiya. Quehnoañe pehere comesaya. Sa yena wame yenohrina ijiya”, ni buheri jiri Ñu ijipihtiyequina Israe masare. <sup>25</sup> Sa yero Ñu tiquiro buhe bato tiato pano, tiquiro yariato pano ohö saha ni yahue tiri jiri: “¿Noa boro ijiajari yuhü, masa tuhötugü? Cristo ijieraja yuhü. Apegü ijiaja. Yuhü sa ijiepegü tuhoya yuhüre. Yuhü bato yuhü yuhduoro tutuariquiro ahtarota. Tiquiro quehnoa yuhduariquiro

ijire. Tiquiro yero saha ijieraja yuhü”, ni yahuahye Ñu masare.

<sup>26</sup> ‘Yuhü acaye, Abrahä panamena iji turiana, Israe masa ijiena gühü ijipihtina mari Pacure ño peona, marine ahri tiquiro yuhduoatire yahuri buheyere ohori jiri mari Pacu. <sup>27</sup> Jerusalë cjëna tiquina puhtoa mehna saurü decori ijigü Cohäcjü yere yahu mahtariquina tiquina ojoarire buhepetä quehnoano masiedari jiri. Sa masiedaye, Jesu tiquinare yuhduoatiquiro tiquiro ijigü gühüre masiedari jiri. Tiquina sa masiedapeta Jesure wejë dutiahye. Sa yeye Cohäcjü yere yahu mahtariquina tiquina ojoariro sahata yeye niahye. <sup>28</sup> Tiquirore tiquina wejëato pano tiquina Jesure yahusämahye. Sa ye tiquiro ñañene yerapegüta tiquina Pilatore Jesure wejë dutiye tee, siniahye. <sup>29</sup> Sa ye panopu tiquina ojoariro sahata Jesure ye tuhasa, tiquirore curusapu ijiriquirore ne dijio, masa copepu utäre tiquina seheri copepu cüahye tiquirore. <sup>30</sup> Sa ijiepegüta tiquiro yariari bato Cohäcjü masori jiri tiquirore. <sup>31</sup> Sa ye Galileapu ahtariquina Jerusalëpu tiquiro mehna esariquina peye decori tiquirore yaria masa bajuariquirore ihñae tiahye. Sa ye yojopure tiquirore tiquina ihñarire masare yahuri tiquina.

<sup>32-33</sup> ‘Sa yena quehnoañe buheyere yahuaja usä müsare. Cohäcjü mari ñecusumüare “Masare quehnoano yeitja”, panopu tiquiro nidiro sahata yojopure marine tiquina acayere yeri. Tire tiquiro yahurire ohö saha yeri tiquiro. Cohäcjü Jesure masori jiri. Sa yena Jesure tiquiro masorire yahuaja müsare. Puaro Salmopu panopu tiquina ojoariro sahata sa wahari jiri. “ ‘Muhü yuhü macu ijire. Miare muhare bajuagü yei’, nine Cohäcjü tiquiro macüno”, ni ojoahye panopure. <sup>34</sup> Sa yero Cohäcjü Jesure tiquiro masoatire pari turi tiquiro yarietire yahuyuro ohö saha ni, yahu ojoahye Salmore ojoariquiro. “ ‘Davire yuhü paja ihñariro sahata tiquirore yuhü nidiro sahata potota quehnoano yegütja muhü gühüre’, nidi Cohäcjü”, ni ojoahye. <sup>35</sup> Sa yero ape Salmo gühüre ohö saha ni, yahuahye: “Cohäcjü muhü cahacjäno quehnoariquiro tiquiro pagure

ahba dutierare m̄h̄h̄”, ni, ojoahye. <sup>36</sup> Sa yero Davi Cohācjū tiquiro cahmediro sahata tiquiro ijiri pje cjēnare yedohoahye. Came tiquiro yariaa wahahye. Tiquiro yariari bato tiquiro pacusum̄are tiquina yeriro sahata yahye tiquiro ḡh̄h̄are. Sa yero tiquiro ahbaa wahahye. <sup>37</sup> Tiquiro sa ahbaepēgūta ahriquirō, Cohācjū tiquiro masoriquiro pehe ne ahbaerari. <sup>38</sup> Sa yena m̄sa ȳh̄h̄ acaye ahrire masiña: Cohācjū m̄sa ñañene tiquiro cohātire m̄sare yahuaja ūs̄ā. Jesu pehe ñañene cohātiquiro ijire. <sup>39</sup> Sa yero tiquirore wacū tutuayequinare tiquiro tiquina ñañe yerire borota. Moiserē Cohācjū cūri dutiyere m̄sa yeri mehna Cohācjū cahap̄h̄ wahasi m̄sa. Sa yero dutiyere yeye mehna ȳhd̄h̄ duayequinare tiquina ñañene cohāsi Cohācjū. <sup>40</sup> Sa yena quehnoano yeya. M̄sa quehnoano yeragū Cohācjū yere yahu m̄htariquina tiquina ojoariro sahata m̄sare wahaboaga. Ohō saha ni ojoahye:

<sup>41</sup> T̄h̄h̄oya m̄sa. Ñano ni buj̄p̄ena, ȳh̄h̄are ihña tuhtina ijire m̄sa. Ȳh̄h̄ ohō saha yegū cueya m̄sa. Sa yena butia wahaya. M̄sa ijiye decorire Cohācjū tutuaye mehna m̄sare ye ihñoḡtja. Ȳh̄h̄ sa ye ihñoḡ ihñāepenata “Ijirota ijire”, nisi m̄sa. Apequiro tire m̄sare tiquiro quehnoano yahuepēgūta “Ijirota ijire”, nisi m̄sa, ni ojoahye Cohācjū yere yahu m̄htariquirō, ni yahuahye Pablo tiquinare.

<sup>42</sup> Tiquiro sa ni yahuri bato judio masa buheri w̄h̄p̄h̄ tiquina wijiari bato masa tiquirore t̄h̄h̄oriquina pehe tiquinare sini-ahye:

—Ape semanap̄h̄ saurú ijigū ūs̄āre ahrire buheya tja, ni siniyahye tiquina Pablo ḡh̄h̄are.

<sup>43</sup> Sa ye ti w̄h̄p̄h̄ ijiriquina wija, judio masa peyequina, judio masa ijieyequina ḡh̄h̄ Pablo ḡh̄h̄ mehna wahahye. Judio masa ijieyequina judio masa yere buheyequina ijiahye. Tiquina sa wahagū Pablo, Bernabé mehna quehnoano yahuahye tiquinare. “Cohācjū m̄sare cahñe. Sa yena tiquirore ño peoducuya”, ni buheahye tiquina.

<sup>44</sup> Sa ye ape semanare saurú ijigū ijipihtiyequina Jesu yere t̄h̄h̄o duayequina cahmecoahye. <sup>45</sup> Sa yepegūta judio masa pehe peyequina masare Jesu yere t̄h̄h̄o duayequinare ihñañe, ihña tuhtiahye. Sa ihña tuhtiye tiquina sijoro ni yahuducu, Pablōre ñano quitī dojomehneahye. “M̄sare tiquiro buheye poto ijierare”, niahye tiquina. <sup>46</sup> Tiquina sa nigū t̄h̄h̄oye, Pablo, Bernabé mehna tiquinare quitī dojomehnediquinare cuero marieno yahuahye:

—Cohācjū tiquiro dutiriro sahata m̄sare buhe m̄htami ūs̄ā. ūs̄ā sa buhepegūta m̄sa pehe tire cahmeda tuhasari. Ijipihtiye decori Cohācjū mehna ijiye ḡh̄h̄are cahmeda tuhasari m̄sa. Sa yena ūs̄ā pehe judio masa ijieyequina pehere buhe d̄h̄canatja. <sup>47</sup> Sata dutiahye mari p̄htoro ūs̄āre:

“M̄sa judio masa ijieyequinare buhena tiquinare Cohācjū yere quehnoano masigū yenata m̄sa. Sa yegū m̄sa yoarop̄h̄ ijieyequinare m̄sa buhegū t̄h̄h̄oyequinare tiquina pehere pecap̄h̄ wahaboriquinare ȳhd̄h̄oḡtja ȳh̄h̄”, ni yahuahye ūs̄āre Cohācjū, ni yahuahye Pablo, Bernabé mehna.

<sup>48</sup> Tiquina sa nigū t̄h̄h̄oye judio masa ijieyequina pehe bucueahye. “Cohācjū ye pehe quehnoañe ijire”, niahye tiquina. Sa ye Cohācjū tiquiro cahmeñequina ijip-htiye decori tiquiro mehna tiquina iji-atire tiquiro oho duariquina Jesure wacū tutua d̄h̄cah̄h̄e. <sup>49</sup> Sa ye mari p̄htoro Cristo yere ti yehpap̄are yahu pehoahye. <sup>50</sup> Tiquina sa yahugū ihñañe judio masa coerahye. Top̄h̄ mari Pac̄are ño peoye numia, quehnoañe numia ijiahye. Sa ye judio masa Pablo ḡh̄h̄are ñano ni yahu wajahye. Tiquina sa ni yahu wajagū t̄h̄h̄oye ti numia Pablo mehna, Bernabé mehna ḡh̄h̄are usuahye. Sa ye ti maca cjēna p̄htoa ḡh̄h̄ tiquina mehna usuahye. Sa usuaye to cjēna ñano yeahye Pablo ḡh̄h̄are. Tiquina sa yeri bato Pablo ḡh̄h̄are tiquina ya yehpap̄h̄ ijieyequinare cohā wioahye. <sup>51</sup> Tiquina sa yegū ihñañe Pablo, Bernabé mehna tiquina dahpoc̄ari cjē dihta wahārire wejē site boro cūahye ti maca cjēna tiquina ñañe buhirire

ihñoñe. Sa ye tuhasa tiquina Iconiop<sub>u</sub> waha wahahye. <sup>52</sup> Sa ye tiquina Jesu yequina pajiro bucueye, Espíritu Santo pajiro c<sub>u</sub>oye, tiquiro dutiro sahata yeyequina ijiahye.

## 14

### *Pablo, Bernabé mehna Iconiop<sub>u</sub> ijiahye*

<sup>1</sup> Sa ye Pablo, Bernabé mehna judio masa buheri w<sub>u</sub>h<sub>u</sub>p<sub>u</sub> sajā, Jesu yere yahuahye. Sa ye judio masa peyequina Jesure wacū tutua d<sub>u</sub>cah<sub>u</sub>ye. Sa ye judio masa ijieyequina g<sub>u</sub>h<sub>u</sub> Jesure wacū tutua d<sub>u</sub>cah<sub>u</sub>ye. <sup>2</sup> Sa ijiepegāta judio masa Jesure cahmedariquina g<sub>u</sub>h<sub>u</sub> tiquina mehna ijiahye. Tiquina judio masa ijieyequinare usuagū yeahye. Jesu yequina mehna tiquinare usuagū yeahye judio masa pehe. Tiquina sa yegū judio masa ijieyequina ñano t<sub>u</sub>hotuahye Jesu yequinare. <sup>3</sup> Tiquina sa t<sub>u</sub>hotugū ihñañe Jesu yequina Pablo, Bernabé mehna top<sub>u</sub> yoari pje ijiye, cuero marieno mari p<sub>u</sub>htoro yere quehnoano buheahye. Cohācjū masare tiquiro cahñene buheahye. Tiquina sa buheri watoa Cohācjū tutuaye mehna ye ihñoahye, “Ahri buheye ijirota ijire”, niñe. <sup>4</sup> Sa ijiepegāta ti maca cjēna deco mehna judio masa yere cahmeñequina tojoahye. Deco mehna Jesu yere cahmeñequina g<sub>u</sub>h<sub>u</sub> tojoahye. Tiquina p<sub>u</sub>a curua tojoahye. <sup>5</sup> Sa ye judio masa ijieyequina, judio masa, tiquina p<sub>u</sub>htoa mehna Jesu cūriquinare ñano yemahye. Utā paca mehna doque wejē duamahye tiquinare. <sup>6</sup> Tiquina sa ye duarire masiñe, Pablo, Bernabé mehna Licaonia yehp<sub>u</sub> duhti cāa wahahye. Ti yehp<sub>u</sub> ijiri maca Litra wame tiri macare y<sub>u</sub>hd<sub>u</sub> cā, Derbep<sub>u</sub> esahye. <sup>7</sup> Top<sub>u</sub> esaye, quehnoañe buheyere buheahye tiquina.

### *Listrap<sub>u</sub> Pablora utā paca mehna doqueahye*

<sup>8</sup> Sa ye Listrap<sub>u</sub> tini masieniquiro ijiahye. Tiquiro wahma masa bajaropata tini masieniquiro ijiahye. <sup>9-10</sup> Sa yero tiquiro Pablo buhegū t<sub>u</sub>hoahye. Tiquiro t<sub>u</sub>hori watoa Pablo pehe tiquiro dihitare ihñañe.

—Ahriquiro Jesure wacū tutuare. Sa yero tiquiro quehnoariquiro waha duare, ni t<sub>u</sub>hotuahye Pablo.

Sa ni t<sub>u</sub>hoturo tutuaro mehna ohō saha niahye Pablo tiquirore:

—Wahcād<sub>u</sub>caya, niahye Pablo tiquirore.

Tiquiro sa nigū t<sub>u</sub>horota tini masieniquiro pehe uhpud<sub>u</sub>ca sa, waha wahahye. <sup>11</sup> Pablo sa yegū ihñañe masa sañuducuahye. Tiquina Licaonia ye mehna sañuducuahye.

—Cohāmana, masa saha bajuyequina <sub>u</sub>hm<sub>u</sub>sep<sub>u</sub> ijieyequina mari cahap<sub>u</sub> dijia tari jiri, ni sañuducuahye tiquina.

<sup>12</sup> Sa ye tiquina Bernabére “Zeus”, ni, pisuahye. Sa ye Pablo buhe m<sub>u</sub>htariquiro p<sub>u</sub>htoro yero saha tiquiro ijigū ihñañe “Hermes”, ni, pisuahye tiquina tiquirore.

<sup>13</sup> Sa yero Zeure ño peoyequina ya w<sub>u</sub>h<sub>u</sub> ti maca d<sub>u</sub>ht<sub>u</sub> cahap<sub>u</sub> ijiahye. Sa yero Zeus yequina tiquina yaquiro pahi pehe wec<sub>u</sub>are, cohoru mehna macap<sub>u</sub> sajā tari sopecaha cahap<sub>u</sub> ne cāhtahye. Zeure ño peo duaro wec<sub>u</sub>are oho duamahye. Sa yero tiquiro wec<sub>u</sub>are <sub>u</sub>jūa m<sub>u</sub>oñe mehna Pablora, Bernabére ño peo duamahye tiquiro, masa mehna. <sup>14</sup> Tiquina sa yegū ihñañe Pablo, Bernabé mehna tiquina basi tiquina ye suhtire t<sub>u</sub>hrēdoqueoahye tiquina b<sub>u</sub>j<sub>u</sub>a witiyere masare ihñoñe tehe. T<sub>u</sub>hrēdoqueo tuhasa masa watoa oma cā, sañuducuahye tiquina:

<sup>15</sup> —M<sub>u</sub>sa ohō saha yeracāhña. <sub>u</sub>sā g<sub>u</sub>h<sub>u</sub> m<sub>u</sub>sa yero sahata masa ijiaja. M<sub>u</sub>sa ohō saha yeye ne d<sub>u</sub>hseati ijierare. Sa yena m<sub>u</sub>sare buhena ahta<sub>u</sub> m<sub>u</sub>sa ohō saha yeyere duhu dutina tana. Ahriquina cohāmanare m<sub>u</sub>sa yeriquinare ñañequinare cohāña. Sa yena Cohācjūre catiriquiro pehere ño peoya. Cohācjū pehe <sub>u</sub>hm<sub>u</sub>sere, yehpare, pajiri mare ijipihtiyere yeriquiro ijire. <sup>16</sup> Sa yero tiquiro panop<sub>u</sub> ijipihtiyere macari cjēna tiquina yerire sa ihña cāh<sub>u</sub>ye. <sup>17</sup> Sa yeperota tiquiro ijiye tiyere ihñore masare. Tiquiro masare quehnoañene ye, acoro ahtagū ye, d<sub>u</sub>ca tigū ye, masare ihyayere ohoducure. Tiquiro sa ohogū masa bucueru. Sata tiquiro ijiye tiyere ihñore masare, niahye Pablo, Bernabé mehna.

<sup>18</sup> Tiquina sa nigū t<sub>u</sub>hoepeta masa wec<sub>u</sub>are wejē <sub>u</sub>jūa m<sub>u</sub>o, tiquinare ño peo

duamahye. Sata tiquina ño peo duagũ ihñañe tiquinare sa ye dutierahye Pablo gũhũ. Tiquina sa yeyere duhu duerapeta duuahye.

<sup>19</sup> Sa ye apequina judio masa Antioquía cjëna, Iconio cjëna gũhũ Listrapũ esahye. Topũ esaye, Pablöre ñano yahuducuahye judio masa. Tiquina sa ni yahuducugũ tũhoye, masa tiquiro mehna usuahye. Sa usuaye utã paca mehna doqueahye tiquiore. Utã paca mehna tiquiore doque tuhasa “Ahriquiore yariaa wahare”, niñe, ti maca dũhtũ cahapũ tiquiore weje sa cũ cã, wahaah wahahye. <sup>20</sup> Tiquina sa yeri bato Jesu yequina Pablöre ihñañe esahye. Tiquiro cahapũ tiquina cahmecoada ca sagũ waro Pablo wahcãdũca, tiquina mehna macapũ tojoaa wahahye. Sa ye ape decopũ tiquiro Bernabé mehna Derberũ wahahye.

<sup>21</sup> Sa ye topũ tiquina quehnoañe buheyere peyequina masare yahuahye. Sa ye peyequina Jesu yequina tiquina wahari bato, Pablo gũhũ Listrapũ esa, ti macare yũhdũ cã, Iconiopũ esa, ti macare yũhdũ cã, Antioquíapũ Pisidia yehpapũ ijiri macapũ esa, ti macapũ tojoahye. <sup>22</sup> Ti macaripũ esaye to cjëna Jesu yequinare quehnoañe buheyere yahuye, tiquinare quehnoano jeripohna tigũ yeahye. Sa Jesure wacũ tutuaducu dutiye ohõ saha ni yahuahye tiquinare:

—Cohãcjũ ijiropũre mari waha duana, tutuaro marine ñano yũhdũro cahmene, ni yahuahye Pablo gũhũ.

<sup>23</sup> Sa ye macaripe cjëna Jesu yequinare tiquina pũhtoa ijiatire cũahye Pablo, Bernabé mehna. Sa ye tiquina sijiri bato Cohãcjũre siniahye:

—Pũhto, ahriquina mũhũ yequinare ihña ihboya, ni sini basahye tiquina Cohãcjũre, tiquina wacũ tutuariquiore.

*Pablo Bernabé mehna Antioquíapũ tiquina iji mũhtari macapũ tojoaa wahahye*

<sup>24</sup> Tiquina sa yeri bato tiquina Pisidia yehpapũ ijiriquina wahaah wahahye Panfilia yehpapũ. <sup>25</sup> Sa ye Pergepũre tiquina buhe tuhasa, Atalia wame tiri macapũ wahaah wahahye. <sup>26</sup> Sa ye ti macapũ esa, Antioquíapũ tojoaye, yucũsa mehna wahaah

wahahye. Ti macapũta panopũ tiquina ijinigũ Jesu yequina Cohãcjũ yere buhe dutiye Pablo gũhũre ohoahye. Sa ohoje, ohõ saha niahye:

—Cohãcjũ mũhũ cahñe mehna ahriquinare ihña ihboya, ni ohoahye tiquina.

Sa ye tiquina buhe dutirire buhe pehoahye Pablo, Bernabé mehna. <sup>27</sup> Sa ye tiquina Antioquíapũ tiquina tojoa sari bato Jesu yequina mehna cahmecoa, Cohãcjũ tutuaye mehna tiquina yerire yahu pehoahye tiquina. Judio masa ijieyequina gũhũ Cohãcjũ yequina tiquina wahaah yahuahye tiquina. <sup>28</sup> Sa ye Pablo gũhũ topũre Jesu yequina mehna yoari pje ijie tiahye.

## 15

### *Jerusalẽpũ Jesu yequina cahmecoahye*

<sup>1</sup> Sa ye Judea yehpa cjëna meheñequinagã Antioquíapũ esaye, Jesu yequinare ohõ saha ni buhe dũcahye tiquina:

—Cohãcjũ dutiyere Moiserere cũno ohõ saha ni cũahye. Ijipihtiequina tiquina cuhnucunũ sohtoa cahserogãre tiquina yũhre neatire yahu cũahye Moiserere. Mũsa tire yeragũ Cohãcjũ mũsare yũhdũosi, ni buheahye tiquina to cjëna.

<sup>2</sup> Sa ni buheye Judea yehpa cjëna pehe cahme dũse tini wiahye Pablo, Bernabé mehna. Tiquina sa cahme dũse tini wiari bato Jesu yequina pehe Pablöre, Bernabére apequina to cjëna gũhũre Jerusalẽpũ ohoahye. Judea yehpa cjëna tiquina buherire Jesu cũriquinare, Jesu yequina pũhtoa gũhũre sinitu dutiye ohoahye Pablo gũhũre.

<sup>3</sup> Sa ye Jesu yequina tiquinare ohogũ waha, Fenicia yehpare esa, yũhdũ cã, Samaria yehpapũ esahye. Ti macaripũ esaye, judio masa ijieyequina Cohãcjũ yere tiquina cahme dũcarire yahuahye tiquina to cjëna. Tiquina sa yahugũ tũhoye to cjëna Jesu yequina tutuaro bucueahye.

<sup>4</sup> Sa ye tiquina Jerusalẽpũ esagũ ihñañe to cjëna Jesu yequina tiquiro cũriquina, tiquiro yequina pũhtoa mehna bucueye mehna quehnoano piti cahye tiquinare. Sa ye Pablo, Bernabé mehna Cohãcjũ tutuaye mehna tiquina yerire yahuahye tiquina

Jerusalē cjēnare. Judio masa ijieyequina Jesu yequina tiquina wahari gāhure yahuahye tiquinare. <sup>5</sup> Sa ijiepegāta topu fariseo masa Jesu yequina meheñequinagā ijiahye. Sa ye tiquina topure wahcādūca, ohō saha ni yahuahye:

—Tiquinare judio masa ijieyequinare tiquina cuhnucunū sohto cahserogāre yūhre neno cahmene. “Cohācjū Moiserē tiquiro dutirire yeya masa gāhū”, nino cahmene tiquinare, niahye tiquina fariseo masa gāhū.

<sup>6</sup> Tiquina sa nigū tūhoye Jesu cūriquina, Jesu yequina pūhtoa mehna tiquina sa nidiere quehnoñe tehe, cahmecoahye. <sup>7</sup> Sa ye peye tiquina yahuducuri bato Pedro wahcādūca yahuahye tiquinare:

—Yūhū acaye, panopu yūhure mūsa mehna ijirigūre Cohācjū ohō saha ye dutiro yūhure cūri. Tiquiro yūhure quehnoañe buheyere judio masa ijieyequinare yahu dutiro cūri. Tiquinare Jesurē wacū tutua dutiro yūhure tiquinare buhe dutiri. <sup>8</sup> Sa yero Cohācjū masa tūhotuyere masine. Sa yero tiquiro judio masa ijieyequinare tiquiro yequina tiquiro yerire ihñono taro Espiritu Santore ohori tiquinare, marine tiquiro yeriro sahata. <sup>9</sup> Sa ohoro tiquiro marine tiquina gāhure ihcāno saha quehnoano yeri. Tiquirore tiquina wacū tutuagū tiquina ñañene bori tiquiro. <sup>10</sup> Mari pehe Cohācjū Moiserē tiquiro cūri dutiyere ye peho masiedaja. Sa ye mari ñecusumua mūna gāhū ti dutiyere ye peho masiedahye. ¿Sa mari ye masiedapegāta dūhse yena Jesu yequinare judio masa ijieyequinare tire ye duti duajari mūsa? Sa ye dutina Cohācjū tiquinare tiquiro yerire “Queoro wahaerare”, nina niaga mūsa. <sup>11</sup> Mūsa sa niepegāta ohō saha usā tūhotuaja. Yojopure judio masa ijieyequina yero sahata mari gāhure mari pūhtoro Jesu cahñe mehna Cohācjū yūhdūorota, niahye Pedro tiquinare.

<sup>12</sup> Tiquiro sa nigū tūhoye ijipihtiyequina dihta maria wahahye. Sa ye Pablo, Bernabé mehna judio masa ijieyequina watoa Cohācjū tutuaye mehna tiquina ye ihñorire yahuahye tiquinare. <sup>13</sup> Sa tiquina yahu tuhasari bato Santiago yahuahye.

—Acaye, tūhoya yūhure. <sup>14</sup> Cohācjū judio masa ijieyequinare tiquiro yequina wahagū yeahye. Coā tiquinare sa wahagū yeahye. Tire yahu tuhasari marine Pedro pehe. <sup>15</sup> Panopu cjēna Cohācjū yere yahu mūhtariquina tiquina yahuriro sahata sa wahari judio masa ijieyequinare. Ohō saha ni mari Pacu yere ojoahye tiquina:

<sup>16</sup> Panopu Davi mūnano ya curua cjēna tiquina pūhtoa tiquina ijiri pihtia wahari. Came tojoa tautja yūhū. Sa yegu pari turi Davi ya curua cjānore pūhtoro sōutja. <sup>17</sup> Yūhū sa yeri bato ijipihtiyequina apequina judio masa ijieyequina yūhure tiquina pūhtore cahmeeta tiquina. “Yeequina ijiya”, yūhū ni pisuriquina pehe yūhure cahmeeta. <sup>18</sup> Sata nine mari pūhtoro. Panopu tiquiro ahrire masare yahue tiri jiri, ni ojoahye Cohācjū yere yahu mūhtariquina.

<sup>19</sup> ‘Sa yegu ohō saha tūhotuaja yūhū. Judio masa ijieyequinare Cohācjū yere wahma cahme dūcayequinare peye ye dutieracāhna mari. <sup>20</sup> Sa dutierapenata tiquinare ojoa ohouhna mari. Ohō saha ni, ojoa ohouhna. “Ñañe ihyayere, ‘Cohācjū ijire’, tiquina nimesi queoyere ño peo tiquina duhu peori ihyayere ihyeracāhña. Sa yena wūana tieracāhña. Sa yena wamūa tiquina ñehe wejēdiquinare wahiquinare ihyeracāhña. Diire sihniedacāhña”, ni yahu ojoa ohouhna. <sup>21</sup> Yoari pje judio masa buheye wūhūsepū saurú ijigū Cohācjū Moiserē tiquiro cūri dutiyere buhee tiri masa. Sa ye ijipihtiye macaripū Moise tiquiro yahuyere buhee tiri. Sa yena yūhū nidiro sahata judio masa ijieyequinare Jesu yequinare ojoa ohouhna, judio masa pehe tiquina mehna “Usuari”, nina, niahye Santiago.

*Judio masa ijieyequinare Jesu yequina pūhtoa ojoa ohoahye*

<sup>22</sup> Ti pjere Jesu cūriquina, Jesu yequina pūhtoa ijipihtiyequina Jesu yequina mehna pūaro tiquina mehna cjēnare beseahye tiquina ohoatiquinare. Antioquiapū Pablo, Bernabé mehna waha-tiquinare tiquinare bese ohoahye. Sa ye tiquina Judare, Sila mehna ohoahye. Juda



pehe Barsaba p̄aro wame wame tiahye. Tiquina acaye Jesu yequina tiquinare ño peohaye. <sup>23</sup> Tiquinare tiquina beseri bato Jesu yequina ojoari p̄ure ohoahye tiquina mehna. Ohõ saha ni ojoahye tiquina:

—Jesu c̄urina, tiquiro yequina p̄ahtoa, m̄asa acaye Jesu yequina mehna us̄a quehnoa dutiaja m̄usare. Ijipihtina judio masa ijenare Antioquíap̄u, Siriap̄u, Ciliciap̄u ijinare m̄usare Jesu yequinare quehnoa dutiaja us̄a. <sup>24</sup> Us̄a mehna cj̄ena m̄asa cahap̄u esaye, m̄usare peye dutiyere ye dutiñohti. Sa ye m̄usare cariboñohti. Tiquina sa dutiepeḡata us̄a pehe tiquinare tire buhe dutina ohoeru. <sup>25-26</sup> Sa yena us̄a ijipihtina ihc̄ano mehna m̄asa cahap̄u ohoatiquinare us̄a besei. Mari cahĩnequinare Pablo, Bernabé mehna Cristo Jesu mari p̄ahoro yere cuero marieno tiquina buheḡu peye tahari apequina tiquinare wej̄mahye. Tiquina sa wej̄e duaḡu mehenoḡa mehna yuhduahye tiquina. Tiquina mehna us̄a beseriquinare yojop̄ure ohoaja. <sup>27</sup> Sa yena Judare, Sila mehna m̄asa cahap̄u ohoaja. Us̄a ojoarire tiquina pehe m̄usare yahueta. <sup>28</sup> Esp̄iritu Santo wac̄uno sahata us̄a ḡuh̄u tahotuaaja. Ohõ saha ijire ti: Apeye dutiyep̄ure c̄unedaja m̄usare. Ahri dutiye dihitare c̄unatja m̄usare: <sup>29</sup> Ñāne ihyayere, “Coh̄ac̄j̄u ijire”, tiquina nimeri queoyere ño peo tiquina duhu peori ihyayere ihyerac̄ah̄ña. Diire sihniedac̄ah̄ña. Wam̄ua tiquina ñehe wej̄ediquinare wahiquinare ihyerac̄ah̄ña. Sa yena w̄ana tierac̄ah̄ña. Ahri yuh̄u ye dutierarire yerana quehnoañene yena ninata m̄asa. To puno tjire m̄usare us̄a yahu duaye, ni ojoa ohoahye Jesu yequina Jerusal̄ep̄u ijiyequina.

<sup>30</sup> Ti p̄ure ojoa tuhasa, ohoahye Antioquíap̄u wahayequinare. Tiquina ohori bato waha, Antioquíap̄u esahye. Top̄u tiquina esari bato peyequina masare cahmecoa duti, tiquina ojoari p̄ure wiahye tiquinare. <sup>31</sup> Ti p̄ure tiquina buheri bato quehnoañene tiquina yahuḡu tahoye, quehnoano bucueahye. <sup>32</sup> Sa ye Juda, Sila mehna Coh̄ac̄j̄u yere yahu m̄ah̄tariquina ijiye, yoari p̄je Jesu yequinare Coh̄ac̄j̄u yere yahuahye. Tiquina sa yahuḡu tahoye,

Jesu yequina pehe bucue, quehnoano jeripohna tiahye. <sup>33</sup> Sa ye Juda, Sila mehna top̄u meheñe decorigã tiquina ijiri bato tiquina tojoa taḡu to cj̄enare tiquina cohe tiḡu, “Quehnoano wahaya m̄usa”, niahye Antioquía cj̄ena. Sa ye Juda ḡuh̄are ohoriquinare quehnoa dutioahye. Tiquina sa nidi bato Juda pehe tojoaa wahahye. <sup>34</sup> Sa ijiepeḡata Sila pehe top̄ata tojoa c̄ahye Antioquíap̄ata. <sup>35</sup> Sa ye Pablo, Bernabé ḡuh̄u meheñe decorigã tojoar̄ihaye ti macap̄u. Sa ye tiquina apequina peyequina mehna Jesu yere buheahye.

*Pari turi Pablo quehnoañe buheyere buhe tinino wahahye*

<sup>36</sup> Sa ye meheñe decorigã bato Pablo, Bernabé mehna yahuducuahye:

—Ijipihtiyequinare mari buhe d̄ucariquinare ih̄ñana wahauhna tja, niahye Pablo ḡuh̄u tiquina basi.

<sup>37</sup> Sa yero Bernabé pehe Ñure tiquina mehna nea duamahye. Ñu Marco p̄aro wame wame tiriquire ijiyahye. <sup>38</sup> To pano tiquiro tiquina mehna Panfiliap̄u esaro tiquina mehna tojoerahye. Tiquina yerire ihc̄ano sahaeraro, tojoaa wahahye. Tiquiro ihc̄ano sahaeraḡu ih̄ñano Pablo pari turi tiquirore nea duerahye. <sup>39</sup> Tiquiro nea dueraḡu ih̄ñano Bernabé Pablo mehna p̄aro tiquina basi cahme yahuducu cahme tu wahye. Bernabé pehe Chipre wame tiri n̄uc̄op̄u Marco mehna peh̄aa wahahye. <sup>40</sup> Pablo pehe Sila mehna piti ti c̄a, wahahye. Sa ye tiquina buheye wahato pano Jesu yequina tiquinare ohoye, “Coh̄ac̄j̄u m̄usare quehnoano ih̄ña ihboahro”, niahye. Tiquina sa nidi bato Pablo, Sila mehna waha wahahye. <sup>41</sup> Sa wahaye, Siria yehpap̄u, Cilicia yehpap̄u ḡuh̄are esaye, top̄u Jesu yequinare quehnoano jeripohna ti bucueḡu yeahye tiquinare.

## 16

*Timoteo Pablo mehna wahahye*

<sup>1</sup> Tiquina sa yeri bato Pablo ḡuh̄u Derbep̄u, Listrap̄u esaye, Timoteore boca sahye. Timoteo Jesu yaquire ijiro, judio masono mac̄ano ijiyahye tiquiro. Tiquiro

pacoro gũh̄u Jesu yacorota ijiahye. Tiquiro pacuro pehe griego masano ijiahye. <sup>2</sup> Sa ye Listra cjēna, Iconio cjēna Jesu yequina ohō saha niahye Timoteore: “Timoteo masa quehnoariquiro ijire”, ni yahue tiahye. <sup>3</sup> Sa yero Pablo Timoteore nea duahe. Sa ijiepegāta ti yehpa cjēna judio masa pehe Timoteo pacuro griego masano tiquiro ijigū masiahye. Sa yero Pablo judio masare “Usuari”, nino, Timoteo cuhnucun̄u sohtoa cahserogāre yuhre neahye. Judio masa dutiye nidiro sahata yeahye. <sup>4</sup> Tiquiro sa yeri bato tiquina esari macari cjēnare tiquina dutiyere ojoari pū cjēne yahuahye. Ti pū Jesu cūriquina, tiquiro yequina p̄h̄toa mehna Jerusalēp̄u ijieyequina tiquina ojoari pū ijiahye. Sa ye ti dutiyere quehnoano yahuahye to cjēnare Jesu yequinare. <sup>5</sup> Tiquina sa yahugū t̄hoye Jesu yequina pehe Jesure wacū tutua nemoahye. Sa ye Jesu yequina decoripe peyequina wahaducuahye.

*Pablo quehēnop̄u Macedonia cjānore ihñahye*

<sup>6-7</sup> Sa yero Asia yehpap̄u pehere quehnoañe buheyere buhe dutierahye Esp̄ritu Santo tiquinare. Sa ye tiquina Frigia yehpare ȳhd̄u, Galacia yehpare ȳhd̄u, Misia yehpa d̄ht̄u cahap̄u esahye. Bitinia yehpa pehe waha duamahye. Tiquina waha duepegāta Esp̄ritu Santo pehe tiquinare top̄are waha dutierahye. <sup>8</sup> Tiquiro sa nidi bato tiquina pehe Misia yehpare ȳhd̄u, Troap̄u wihiri. <sup>9</sup> Top̄u tiquiro wihiri bato ohō saha quehēahye Pablo. Macedonia yehpa cjāno tiquiro caha ducugū ihñahye tiquiro. “Usāre Macedonia yehpa cjānare yedohoḡu ahtaya”, ni, pijiahye tiquiro Pabl̄ore. <sup>10</sup> Tiquiro quehēdi bato wahcā, usā yere quehno tuhasa, Macedoniap̄u wahaa wahau usā. “Cohācjū ti yehpap̄are quehnoañe buheyere buhe dutiro nine marine”, ni t̄hotuu usā.

*Pablo, Sila mehna Filipop̄u ijiahye*

<sup>11</sup> Sa yena usā Troap̄u ijina yuc̄sa mehna Samotracia wame t̄iri n̄c̄nop̄u pehā sān usā. Sa yena ape deco Neapolip̄u wahau usā. <sup>12</sup> Ti macare ȳhd̄u cāna Filipop̄u Roma

cjēna ya macap̄u esau usā. Ti maca Macedonia yehpap̄u ijiri maca ijiri. Ihyo ijiri maca ijierari. Top̄are meheñe decorigā usā ijii. <sup>13</sup> Sa yena saurū ijigū usā ti maca d̄ht̄u cahap̄u, dia d̄ht̄u cahap̄u esau. Top̄u Cohācjū mehna tiquina yahuducuro ijiri. Top̄u dujina top̄u cahmecoañe numia mehna yahuducuu usā. <sup>14</sup> Ihcācoro usāre t̄horicoro Tiatira cjōno Lidia wame t̄icoro ijiri. Sa yero t̄icoro quehnoañe suhti wapa tiye suhtire duaricoro, mari Pacare ño peoricoro ijiri. Sa yero Pablo yahuyere quehnoano t̄hogū yeri Cohācjū t̄icorore. <sup>15</sup> Sa ye t̄icorore, t̄icoro ya w̄h̄u cjēna mehna wame yeri Pablo. Tiquiro sa wame yeri bato ohō saha nidi t̄icoro:

—“Jesu yacoro tjire m̄h̄u gũh̄u”, nine m̄sa ȳh̄are. Sa yena ya w̄h̄up̄u sajā tariña m̄sa. Ȳh̄u mehna tojoarīña, nidi t̄icoro usāre.

Ticoro sa nigū t̄hona t̄icoro ya w̄h̄up̄u tojoarī usā.

<sup>16</sup> Ape deco Cohācjū mehna tiquina yahuducurop̄u usā wahagū wat̄inore c̄oricoro piti cari usāre. Ticoro apequina cahacjōno ijiri. Sa yero t̄icoro masare “Ohō saha waharota m̄sare”, ni, yahuyuricoro ijiri. Sa yahuro pajiro wapata basari t̄icoro p̄h̄toare. <sup>17</sup> Sa yero Pablo mehna usā wahagū, usāre n̄n̄u t̄a, sañuducuri t̄icoro:

—Ahriquina Cohācjū tutua ȳhd̄uariquiro yedohoriquina ijire. Mari yariari bato Cohācjū marine tiquiro quehnoano ȳhd̄uoatire yahure tiquina, ni sañuducuri t̄icoro.

<sup>18</sup> Peye decori sa ni cariboducuri Pabl̄ore. Sa yero pari turi t̄icoro sa ni sañuducugū t̄horo Pablo majare ihña, ohō saha nidi wat̄inore:

—Jesucristo tutuaye mehna dutiaja m̄h̄are. Ticorore duhuya. Waharīsa m̄h̄u, nidi Pablo.

Tiquiro sa nigūta wat̄ino pehe wahaa wahari.

<sup>19</sup> Tiquina sa yeri bato t̄icoro p̄h̄toa pehe niñeru t̄icoro wapataericoro wahagū ihñañe, tiquina Pabl̄ore, Sila mehna ñehedi. Ñehe tuhasa, tiquinare neari ti maca decop̄u p̄h̄toa cahap̄u. <sup>20</sup> Sa ne cā, buhiri dahre dutiyequina cahap̄u cūri tiquinare.

—Ahriquina judio masa mari ya maca cjēnare cariboye nine. <sup>21</sup> Tiquina mari dutiyere cohã dutiye, apeye buheyere buh-eye nine. Mari ye dutiyere yãhduducagũ ye duaye nine. Mari Roma cjãna ijina ahriquina yahuye pehere ye masiedaja mari. Sa yena tiquina buheyere mari cahmedaja, nidi ticoro pãhtoa buhiri dahre dutiyequinare.

<sup>22</sup> Tiquina sa nigũ tãhoye masa peye-quina Pablo gãhũ mehna usua yãhdũa wahahye. Sa ye buhiri dahre dutiyequina pehe Pablo gãhũ suhtire tiquina tãhrẽ cohãri bato daye cjugã mehna tana dutiri tiquinare. <sup>23</sup> Tutuaro tana tuhasa peresu yeri tiquinare. Tiquina sa peresu yeri bato peresu ijiyequinare cohteriquirore quehnoano ihña ihbo dutiahye tiquina. <sup>24</sup> Tiquina sa dutiri bato tiquinare cohteriquiro pehe ti wãhũ puhia cjã tucũpũ tiquinare cũ, taboa mehna tiquina dahpocãrine biha cũahye.

<sup>25</sup> Ñami deco Pablo, Sila mehna Cohãcjũre sini, tiquirore basa peohaye. Tiquina sa basagũ tãhoahye apequina peresupũ ijiye-quina. <sup>26</sup> Tiquina sa ni basagũta ti wãhũ tutuaro ñuhmiahye. Sa ñuhmigũ ihcãno mehna ijipihtiye sope pahmari parĩa wahahye. Sa ye peresupũ ijiyequinare tiquina dãhteri dari come dari suru site dijiaa wahahye. <sup>27</sup> Sa wahagũ ihñano ti wãhũre cohteriquiro pehe “Peresu ijiyequina duhti tuhasari jiri”, ni tãhotumahye. Sa ni tãhoturo tiquiro ñoseni pjĩne nedoqueo tiquiro basi ñosemahye. <sup>28</sup> Tiquiro sa yegũ ihñano Pablo tiquirore tutuaro sañuducu ohõ saha ni-ahye:

—Mũhũ basi ñano yeracãhña. Ijipihtina ohõre ijiaja usã, niahye tiquiro tiquinare cohteriquirore.

<sup>29</sup> Tiquiro sa nigũ tãhoro tiquinare cohteriquiro pehe sihã duti, tiquina cahapũ oma cã, Pablo, Sila tiquina dahpocãri cahapũ nanare doque quehe sahye tiquiro. <sup>30</sup> Sa yero tiquiro tiquinare ti tucũpũ ijiye-quinare ne wijia, sinituahye:

—¿Dũhse yeagari yãhũ Cohãcjũ yaquiro iji duagũ? ni, sinituahye tiquiro.

<sup>31</sup> —Jesucristore wacũ tutuaya mãhũ. Mãhũ acaye gãhũ tiquirore wacũ tu-

tuahro. Mũsa sa yegũ mãsare pecapũ wahaborinare Cohãcjũ yãhdũorota, ni, yahuahye tiquina.

<sup>32-33</sup> Tiquina sa nidi hora ñami deco batogã ijiahye. Tiquina sa nidi bato tiquinare cohteriquiro ya wãhũpũ neahye tiquinare. Tiquiro ya wãhũpũ ne sa, tiquina camine coseahye tiquiro. Tiquiro sa cose tuhasari bato tiquiro cohteriquiro acaye mehna ijigũ Cohãcjũ yere buheahye Pablo gãhũ. Tiquina buheri bato wame yeahye tiquinare. <sup>34</sup> Tiquina wame ye tuhasari bato tiquinare cohteriquiro Pablo gãhũre ihyaye peohaye. Sa ye tiquiro acaye mehna quehnoañe buheyere tiquina tãhori bato tutuaro bucueahye, Cohãcjũre masi dãcaye.

<sup>35</sup> Bohrea parĩ cãhtagũ ihñañe pãhtoa pehe surarare peresu yeri wãhũpũ ohoahye Pablo gãhũre wio dutiye. <sup>36</sup> Tiquina sa wio dutiri bato ti wãhũre cohteriquiro Pablo gãhũre yahuahye:

—Pãhtoa mãsare wio dutiri. Sa yena cuero marieno wijiaya, niahye tiquiro Pablo gãhũre.

<sup>37</sup> Tiquina sa wio duepegũta Pablo yahuahye surarare:

—Usã ñano yerũ. Sa yena usã ne buhiri mariedaja. Ihyo warota tiquina pãhtoa pehe masa ihñonopũ yucari mehna tanari usãre, usã Roma cjãna usã ijiepegũta. Tana tuhasa peresu yeri usãre. Sa ye yojopũ masa tiquina ihñeno wio duare usãre, usãre ñano tiquina yerire “Bũoro yãhdũari”, niñe. Pãhtoa tiquina basita wioye ahtaahro usãre, niahye Pablo surarare.

<sup>38</sup> Tiquiro sa nigũ tãhoye surara pehe pãhtoare yahuye wahahye. Tiquina sa ni yahuri bato Pablo, Sila mehna Roma cjēna tiquina ijigũ masiñe pãhtoa pehe cue ni-ahye. <sup>39</sup> Sa ye tiquina Pablo gãhũ cahapũ esa, ohõ saha niahye:

—Ñano yehti usã mãsare. Ne pari turi sa yesi, niahye pãhtoa Pablo gãhũre.

Sa ni tuhasa pãhtoa tiquinare peresupũ ijiyequinare wio, tiquinare ape siepũ waha dutiahye. <sup>40</sup> Tiquina sa nidi bato Pablo, Sila mehna peresupũ ijiriquina wijia, Lidia wame tiricoro ya wãhũpũ wahahye. Ti wãhũpũ tiquina esari bato Jesu yequinare

piti cahye. Sa ye tiquina Jesu yequinare quehnoano buheye, quehnoano jeripohna tigã yeahye tiquinare. Tiquina sa yeri bato Pablo, Sila mehna wahaa wahahye.

## 17

### *Tesalónica cjëna usuahye Jesu yequina mehna*

<sup>1</sup> Sa ye tiquina Anfipolip<sub>u</sub> esa, y<sub>u</sub>hd<sub>u</sub>aye, Apoloniap<sub>u</sub> esa, y<sub>u</sub>hd<sub>u</sub>aye, Tesalónicap<sub>u</sub> esahye tiquina. Top<sub>u</sub> judio masa buheri w<sub>u</sub>h<sub>u</sub> ijiyahye. <sup>2</sup> Semanaripe tiquiro yeriro sahata Pablo buheri w<sub>u</sub>h<sub>u</sub> wahae tiahye. Top<sub>u</sub> esa, ihtia semana waro saurú decorire tiquiro panop<sub>u</sub> cjë tiquina ojoarire Cohãcjü yere masare buhe, tire tiquina basi cahme yahuducue tiahye Pablo. <sup>3</sup> Sa yero tiquiro Cohãcjü yere yahuahye:

—Judio masa, m<sub>u</sub>sa p<sub>u</sub>h<sub>u</sub>toro m<sub>u</sub>sa cohteriquiro Cristo ahtahye ñano y<sub>u</sub>hd<sub>u</sub>atiqiro. Sa yero tiquiro yariaa wahahye masa m<sub>u</sub>jano taro. Sa yero ahriquiro Jesu, y<sub>u</sub>h<sub>u</sub> yahuriquiro, tiquiro Cristo warota ijire marine y<sub>u</sub>hd<sub>u</sub>oatiqiro. Tiquirota ijire m<sub>u</sub>sa cohteriquiro. Ohõ sahata nine Cohãcjü yere tiquina ojoari p<sub>u</sub>, ni yahuahye Pablo.

<sup>4</sup> Tiquiro sa nigã t<sub>u</sub>hoye meheñequinagã top<sub>u</sub> ijieyehina “Potota ijire”, niahye. Sa ye tiquina Pablo g<sub>u</sub>h<sub>u</sub> mehna wahahye. Sa ye apequina g<sub>u</sub>h<sub>u</sub> griego masa peyequina mari Pac<sub>u</sub>re ño peoyehina pehe Pablöre t<sub>u</sub>hoye, tiquina mehna cjëna numia g<sub>u</sub>h<sub>u</sub> peyequina p<sub>u</sub>h<sub>u</sub>toa numia g<sub>u</sub>h<sub>u</sub> tiquirore t<sub>u</sub>hoye Jesu yequina tojoahye. Sa ye Pablo g<sub>u</sub>h<sub>u</sub> mehna wahahye. <sup>5</sup> Sa ijiepegãta apequina judio masa pehe tiquina sa wahagã ihñañe, ihña coahye. Sa ye tiquina ñañequina dahraeyehinare peyequinare piji cahmecoahõ saha ni dutiahye: “Ahriquina ñano yeye nine”, ni sañuducu dutiahye tiquinare. Sa sañuducuye ijipih<sub>u</sub>tiyequina ti maca cjënare usuagã yeahye Pablo g<sub>u</sub>h<sub>u</sub> mehna. Sa ye judio masa Jasõ ya w<sub>u</sub>h<sub>u</sub> sajã, Pablo g<sub>u</sub>h<sub>u</sub>re macamahye, tiquinare masap<sub>u</sub>re ohoye tehe. <sup>6</sup> Sa macaepeta tiquinare bocaerahye. Sa ye Jasõre, apequina Jesu yequina g<sub>u</sub>h<sub>u</sub>re ñehe, weje wijiaa wahahye tiquinare. P<sub>u</sub>h<sub>u</sub>toa

cahap<sub>u</sub> ne sa, ohõ saha ni yahusãhye tiquina.

—Pablo g<sub>u</sub>h<sub>u</sub> masare ijipih<sub>u</sub>tirop<sub>u</sub>re caribo y<sub>u</sub>hd<sub>u</sub>are. Sa ye yojop<sub>u</sub>re tiquina mari ya macare wihi tuhasari. <sup>7</sup> Sa yero ahriquiro Jasõ tiquinare tiquiro ya w<sub>u</sub>h<sub>u</sub> sajã ta dutiri. Tiquina ijipih<sub>u</sub>tiyequina mari p<sub>u</sub>h<sub>u</sub>toro Roma cjëno tiquiro dutiyere y<sub>u</sub>hd<sub>u</sub>ucare. “Apequiro m<sub>u</sub>sa p<sub>u</sub>h<sub>u</sub>toro ijire. Jesu tiquirota ijire”, niñe, mari p<sub>u</sub>h<sub>u</sub>toro dutiyere y<sub>u</sub>hd<sub>u</sub>ucare tiquina, ni yahusãhye judio masa pehe p<sub>u</sub>h<sub>u</sub>toare.

<sup>8</sup> Tiquina sa ni yahusãgã t<sub>u</sub>hoye, ijipih<sub>u</sub>tiyequina masa, p<sub>u</sub>h<sub>u</sub>toa g<sub>u</sub>h<sub>u</sub> usua, tutuaro sañuducuahye. <sup>9</sup> Tiquina sa sañuducuepegãta p<sub>u</sub>h<sub>u</sub>toa Jasõre, tiquiro mehna cjëna g<sub>u</sub>h<sub>u</sub>re, niñerure wapa ye duti, wioahye.

### *Pablo Sila mehna Bereap<sub>u</sub> esahye*

<sup>10</sup> Ti pjeta ñamip<sub>u</sub> Pablo g<sub>u</sub>h<sub>u</sub>re Jesu yequina n<sub>u</sub>o ohoahye Bereap<sub>u</sub>. Top<sub>u</sub> esa tiquina judio masa buheri w<sub>u</sub>h<sub>u</sub> sajã wahahye. <sup>11</sup> Berea cjëna pehe Tesalónica cjëna y<sub>u</sub>hd<sub>u</sub>oro Jesu yere quehnoano t<sub>u</sub>hoyehina ijiyahye. Sa ye tiquina Jesu yere t<sub>u</sub>hori bato “¿Potota ijiajari?” ni masi duaye, decoripe tiquiro yere tiquina ojoari p<sub>u</sub>re sa buheducue tiahye tiquina.

<sup>12</sup> Sa ye tiquina peyequina Jesure wac<sub>u</sub> tutuayehina ijiyahye. Griego masa g<sub>u</sub>h<sub>u</sub>, m<sub>u</sub>na, p<sub>u</sub>h<sub>u</sub>toa numia mehna Jesure wac<sub>u</sub> tutuayehina ijiyahye. <sup>13</sup> Sa ijiepegãta Pablo Bereap<sub>u</sub> Cohãcjü yere tiquiro buhegã g<sub>u</sub>h<sub>u</sub>re t<sub>u</sub>hoye, Tesalónica cjëna judio masa top<sub>u</sub> esahye. Top<sub>u</sub> esaye, Berea cjënare qiti dojomehneñe, Pablo g<sub>u</sub>h<sub>u</sub> mehna usuagã yeahye tiquina. <sup>14</sup> Tiquina sa yegã ihñañe Jesu yequina Pablöre sojaro mehna pajiri ma d<sub>u</sub>ht<sub>u</sub> cahap<sub>u</sub> ohoahye. Tiquina sa ohoepegãta Sila, Timoteo mehna Bereap<sub>u</sub> tojoahye. <sup>15</sup> Sa ye apequina Pablöre Atenap<sub>u</sub> ne cã soahye. Tiquirore so tuhasa, majare tojoaa wahahye Bereap<sub>u</sub> tja.

—Sojaro mehna waha, piti tina wahaya Pablöre, ni yahuahye Silare, Timoteo g<sub>u</sub>h<sub>u</sub>re.

Sa ni yahu dutiahye Pablo tiquinare.

### *Pablo Atenap<sub>u</sub> ijiyahye*

16 Sa yero Pablo Atenap̄a cohtero ni-ahye Sila, Timoteo ḡah̄are. Sa yero Atena cj̄ena “Cohācj̄ū ijire”, tiquina niñe queoyere peye tiquina c̄oḡū ih̄ñano Pablo tutuaro b̄uj̄a witiyahye tiquina mehna. 17 Sa b̄uj̄a witiro judio masa buheri w̄ah̄ap̄a judio masa mehna yahuducuahye. Sa yero tja judio masa ijieyequina ḡah̄are yahuducuahye tiquiro. Tiquina ihquēquina mari Pac̄are ño peoyequina ijiahye. Sa yero Pablo ti maca decop̄a decoripe tiquiro cahap̄a sa tini majare sajāñequina mehna yahuducuahye. 18 Apequina Epicúreo yere buheyequina, Estoico yere buheyequina ḡah̄a Pablo mehna yahuducuahye.

—¿Ahriquiroy yahuducuye peyariquiroy d̄ah̄se ni yahuducuro niajari tiquiro? niahye tiquina.

Pablo Jesu yere, tiquiro masa m̄aj̄arire tiquiro yahuḡā t̄hoye oh̄o saha ni t̄hotumahye masa. “Tiquiro apequina cohāmanare yahuro niaga”, ni, t̄hotumahye tiquina. 19 Tiquina t̄hori bato Areópago wame tirop̄a Pablory nea wahahye.

—Ahri buheye, wahma buheyere yojop̄a m̄ah̄a yahurire masi duaja us̄a. 20 M̄ah̄a buheye sijoro saha ijire. Sa yena us̄a tire masi duaja, niahye tiquina Pablory.

21 Ijipihtiequina Atena cj̄ena decoripe wahma buheyere yahuducuducu duahye. Sa ye tire t̄ho duahye. Ape yehpa cj̄ena ḡah̄a Atenap̄a ijiye, sata ye duahye. Sa ye Pablo yahuyere t̄ho duahye tiquina.

22 Sa yero Pablo Areópago wame tirop̄a wahc̄ad̄ca, oh̄o saha ni yahuahye:

—Atena cj̄ana, peyequina m̄asa cohāmanare m̄asa tutuaro ño peona m̄asa ijiḡā masiaja ȳah̄a. 23 Ahri maca m̄asa ya macare cohāmanare m̄asa ño peorire ih̄ña tini ȳah̄a. Sa ih̄ña tiniḡa ȳah̄a ihc̄a cuhtup̄a, cohāmanare ño peona m̄asa ohoyere m̄asa c̄unop̄a ahriye buhei. “Cohācj̄ū, mari masimehnediquiro ya cuhtu ijire”, ni, ojoari jiri m̄asa tire m̄asa c̄unop̄a. M̄asa tiquirore masiedapenata tiquirore ño peori jiri m̄asa. Tiquiroreta m̄asa masiediquirore yahuḡa niaja ȳah̄a m̄asare.

24 ‘Cohācj̄ū ijipihtiri yehpare, ijipihtiyere bajumehnediquiro ijire. Tiquiro

ahm̄asere, yehpap̄are, p̄ah̄toro ijiro, tiquiro masa tiquina yeri w̄ah̄ap̄a ijierare.

25 Sa yero tiquiro mari ijiyere, mari jeri neñe ḡah̄are, ijipihtiyey marine apee borore ohoriquiro ijiro, mari yedohoyere cahmedare. Tiquiro pejec̄oriquiro ijierare.

26 ‘Tiquiro ihc̄aquiroy am̄anore yey d̄acahye. Tiquiro mehnata ijipihtiri yehpa cj̄enare masare yeahye. Sa yero ijipihtiri yehpap̄are marine c̄uahye tiquiro. “Oh̄o puno yoari p̄e oh̄op̄are catieta”, nino queo c̄uahye marine. 27 “Tiquina ȳah̄are macañe, bocaeta”, ni t̄hotumahye Cohācj̄ū. Sa yero Cohācj̄ū yoarop̄a ijierare. Mari mehnata ijire. Oh̄o saha ni ojoahye. 28 “Marine ijiḡā yere tiquiro. Sa yero masa mehna sa ijiducure tiquiro”, ni ojoahye. M̄asa mehna cj̄ena panop̄a cj̄ena basayere quehnoano ojoayequina tiquina ojoariro sahata nii niaja. “Mari ḡah̄a Cohācj̄ū pohna ijiaja”, ni ojoahye tiquina. 29 Sa yena tiquiro pohna ijina oh̄o saha ni t̄hotuerac̄ah̄ña m̄asa. Queoyere, uru, plata, ut̄ā mehna m̄asa esa tuharo m̄asa yeriquinare “Cohāmana ijire”, ni t̄hotuerac̄ah̄ña m̄asa. 30 Panop̄a masa tiquina masieñequina ijiniḡā tiquina ñañene yepeḡata Cohācj̄ū sa ih̄ña c̄ahr̄iahye. Sa yeperota yojop̄are ijipihtiri yehpa cj̄enare tiquina ñañene b̄uj̄a witi dutire Cohācj̄ū. 31 Came Cohācj̄ū tiquiro queori decop̄a ijipihtiri yehpa cj̄enare queoro beserota quehnoañequinare, ñañequinare. Tiquiro bese duti c̄uriquiro Jesu pehe beserota. Jesure yariariquiroy masoahye tiquiro. Sa masono “Ahriquiroy ȳah̄a c̄uriquiro ijire”, ni, ih̄ño niahye Cohācj̄ū masare, ni yahuahye Pablo Atena cj̄enare.

32 Tiquiro sa niḡā masa m̄aj̄arire tiquiro yahuducuḡā t̄hoye apequina tiquirore b̄uj̄apeahye. Sa ye apequina pehe oh̄o saha niahye:

—Pari turi ahriye m̄ah̄a yahuḡā us̄a t̄ho duaja, niahye tiquina Pablory.

33 Tiquina sa nidi bato Pablo wahaa wahahye. 34 Sa ye meheñequinaḡā tiquiro mehna ijiye, Jesure wac̄ū tutua d̄acahye. Dionisio Areópago cj̄ūno p̄ah̄toa mehna cj̄ūno Jesure wac̄ū tutua d̄acahye. Damari wame tiricoro ḡah̄a, apequina mehna Jesure wac̄ū tutua d̄acahye.

## 18

### *Pablo Corintop<sub>u</sub> ijiahye*

<sup>1</sup> Sa ye, Pablo Atenap<sub>u</sub> ijiriquiro waha, Corinto wame tiri macap<sub>u</sub> esahye. <sup>2</sup> Top<sub>u</sub> esaro, judio masano Aquila wame tiriquireore boca sahye tiquiro. Ijipihtiyequina p<sub>u</sub>h<sub>u</sub>toro Claudio wame tiriquireo judio masare Romap<sub>u</sub> ijieyequinare tiquiro cohāg<sub>u</sub>, Aquila pehe tiquiro namono Priscila mehna waha, Corintop<sub>u</sub> esahye. Aquila pehe Ponto wame tiri yehpap<sub>u</sub> masa bajuariquireo ijiahye. Sa ye tiquina Corintop<sub>u</sub> tiquina ijig<sub>u</sub>, Pablo tiquina cahap<sub>u</sub> esahye. <sup>3</sup> Aquila g<sub>u</sub>h<sub>u</sub> carpa cahseri w<sub>u</sub>h<sub>u</sub>sere yeyequina ijiahye. Pablo g<sub>u</sub>h<sub>u</sub> carpa cahseri w<sub>u</sub>h<sub>u</sub>sere yeriquirota ijiahye. Sa yero tiquiro tiquina mehna dahra, top<sub>u</sub> tojoahye. <sup>4</sup> Sa yero Pablo saurú ijig<sub>u</sub> semanaripe judio masa tiquina buheri w<sub>u</sub>h<sub>u</sub>p<sub>u</sub> judio masare, judio masa ijieyequina g<sub>u</sub>h<sub>u</sub>re Cohācj<sub>u</sub> yere yahuahye. Tiquiro sa ni yahug<sub>u</sub> t<sub>u</sub>hoye, “Ijirota ijire”, niahye tiquina ihquēquina.

<sup>5</sup> Sa ye Sila, Timoteo mehna Macedoniap<sub>u</sub> ijiriquina, Pablo cahap<sub>u</sub> esahye. Top<sub>u</sub> tiquina esari bato Pablo pehe ijipihtiye decori judio masare quehnoano buhee tiahye:

—Jesu, Cristo marine y<sub>u</sub>h<sub>u</sub>d<sub>u</sub>oatiquiro mari cohteriquiro ijire, ni yahue tiahye tiquiro.

<sup>6</sup> Tiquiro sa ni buhepeg<sub>u</sub>ta, judio masa pehe tiquirore t<sub>u</sub>ho duerahye. Sa ye tiquina ñano ni quitu dojomehneahye tiquirore. Tiquina sa yeg<sub>u</sub> Pablo tiquinare tiquiro tuhtiboriro sahata, tiquiro suhtirore dihta wahārire wejē site cūahye.

—M<sub>u</sub>sa ye buhiri pecap<sub>u</sub> wahanata. Cohācj<sub>u</sub> tiquiro dutiriro sahata m<sub>u</sub>sare buhemi y<sub>u</sub>h<sub>u</sub>. Sa buhepeg<sub>u</sub>ta m<sub>u</sub>sa y<sub>u</sub>h<sub>u</sub>re t<sub>u</sub>ho duerari. Yojop<sub>u</sub>re judio masa ijieyequina pehere buheg<sub>u</sub> waha<sub>u</sub>tja, niahye Pablo judio masare.

<sup>7</sup> Tiquiro sa nidi bato tiquiro top<sub>u</sub> ijiriquiro waha, Ticio Justo wame tiriquireo ya w<sub>u</sub>h<sub>u</sub>p<sub>u</sub> esahye. Justo Cohācj<sub>u</sub>re ño peoriquiro ijiahye. Tiquiro ya w<sub>u</sub>h<sub>u</sub> pehe judio masa buheri w<sub>u</sub>h<sub>u</sub> cahap<sub>u</sub> ijiahye. <sup>8</sup> Sa ye Crispo wame tiriquireo

buheri w<sub>u</sub>h<sub>u</sub>re cohteriquiro, tiquiro namono, tiquiro pohne g<sub>u</sub>h<sub>u</sub> Jesure wacū tutuayequina ijiahye. Sa ye apequina Corinto cjēna peyequina Cohācj<sub>u</sub> yere t<sub>u</sub>hoye, Jesure wacū tutuahye. Tiquina sa wacū tutuayequina ijig<sub>u</sub> tiquinare wame yeahye. <sup>9-10</sup> Ihcā ñami Cohācj<sub>u</sub> quehēnop<sub>u</sub> yahuahye Pablore. Tiquirore ohō saha niahye:

—M<sub>u</sub>h<sub>u</sub> mehna ijiaja. Ahri macare yeequina peyequina ijire. Sa ye apequina masa m<sub>u</sub>h<sub>u</sub>re ñano ye masiedare. Sa yeg<sub>u</sub> cueracāhña m<sub>u</sub>h<sub>u</sub>. Sa cuerag<sub>u</sub> yeere tutuaro yahuya. Sa t<sub>u</sub>hotueracāhña, ni yahuahye Cohācj<sub>u</sub> Pablore.

<sup>11</sup> Sa ye ihcā c<sub>u</sub>h<sub>u</sub>ma quehnoano, ape c<sub>u</sub>h<sub>u</sub>ma deco waro to cjēnare Cohācj<sub>u</sub> yere buhe, ijie tiahye Pablo.

<sup>12</sup> Tiquiro sa ijiri watoa Galiō wame tiriquireo Acaya yehpa cjēna p<sub>u</sub>h<sub>u</sub>toro tiquiro ijig<sub>u</sub> judio masa ijipihtiyequina ihcāno mehna Pablore yahusāñe taye, tiquirore buhiri dahre dutiyequina cahap<sub>u</sub> neahye tiquina.

<sup>13</sup> —Ahriquireo masare Cohācj<sub>u</sub>re ño peo dutiro ahri yehpa cjē dutiye pehere cohā dutiro nine, ni yahusāhye judio masa buhiri dahre dutiyequinare.

<sup>14</sup> Tiquina sa ni yahusāg<sub>u</sub> t<sub>u</sub>horo Pablo pehe tiquinare yahu duamahye. Sa yahu duepeg<sub>u</sub>ta Galiō pehe judio masare yahuahye:

—Ahriquireo usā Roma cjāna ye dutiyere y<sub>u</sub>h<sub>u</sub>d<sub>u</sub>ucariquireo tiquiro ijig<sub>u</sub> m<sub>u</sub>sare y<sub>u</sub>h<sub>u</sub>tiboaya y<sub>u</sub>h<sub>u</sub>. <sup>15</sup> Sa yena m<sub>u</sub>sa judio masa ye dutiye pehere ahriquireo y<sub>u</sub>h<sub>u</sub>d<sub>u</sub>ucariquireo ijig<sub>u</sub> m<sub>u</sub>sa basi quehnoña. Ahrire m<sub>u</sub>sa mehna masino pjerare y<sub>u</sub>h<sub>u</sub>re, ni yahuahye tiquiro judio masare.

<sup>16</sup> Sa ninota tiquinare judio masa yahusāñe ahtamediquinare tiquiro ya tucūp<sub>u</sub> ijiriquinare cohā wioahye tiquiro.

<sup>17</sup> Tiquiro sa cohā wiori bato ijipihtiyequina ti w<sub>u</sub>h<sub>u</sub>p<sub>u</sub> ijiriquina Sostenene judio masa buheri w<sub>u</sub>h<sub>u</sub>re cohteriquirore Jesu yaquireore ñehe, buhiri dahre dutiyequina cahap<sub>u</sub> queāhye tiquirore. Tiquina sa quēg<sub>u</sub> ihñano Galiō sa ihña cāhye.

*Pablo Antioquíap<sub>u</sub> tojoaa wahahye*

18 Sa yero Pablo Corintop<sub>u</sub> yoari pje ijiriquiro “Wah<sub>u</sub> niaja”, ni cohe tiahye tiquiro Jesu yequinare. Tiquiro sa nidi bato tiquiro Priscila, Aquila mehna Siria yehpap<sub>u</sub> ijiri macap<sub>u</sub> pehãa wahahye. Cencrea wame tiri petamahap<sub>u</sub> tiquina esari bato Pablo Cohãcjãre “Ohõ saha m<sub>u</sub>h<sub>u</sub>re ye basantja”, tiquiro nidire ye tuhasariquirop<sub>u</sub> ijiahye. Sa yero sa yeriquina judio masa tiquina yeducuriro sahata tiquiro poarire waha peho dutiahye. 19 Sa yero tiquina Efeso wame tiri macap<sub>u</sub> pehã sa, Priscilare, Aquila g<sub>u</sub>h<sub>u</sub>re c<sub>u</sub>ahye Pablo. Tiquinare top<sub>u</sub> c<sub>u</sub>, judio masa tiquina buheri w<sub>u</sub>h<sub>u</sub>p<sub>u</sub> wahahye. Ti w<sub>u</sub>h<sub>u</sub>p<sub>u</sub> esa, Cohãcjã yere yahuahye. Sa yahuro judio masa mehna yahuducuahye. 20 Tiquiro sa yahuducuri bato tiquirore tiquina mehna tojoa dutimahye. Tiquina sa dutiepegãta ohõ saha niahye Pablo:

—Tojoeraja m<sub>u</sub>sa mehna, niahye Pablo tiquinare.

21 Sa ninota,

—Wahag<sub>u</sub> niaja. Cohãcjã cahmeg<sub>u</sub> pari turi tojoa taboaga, niahye tiquinare Pablo.

Sa ni tuhasa Efesop<sub>u</sub> ijiriquiro pehãa wahahye tiquiro.

22 Sa yero Cesareap<sub>u</sub> pehã sa, y<sub>u</sub>h<sub>u</sub>d<sub>u</sub> cã, Jerusalẽp<sub>u</sub> esahye. Top<sub>u</sub> esa, to cjẽna Jesu yequinare “¿Ne ijiajari m<sub>u</sub>sa?” ni, tiquinare ihña y<sub>u</sub>h<sub>u</sub>d<sub>u</sub>a Antioquíap<sub>u</sub> esahye.

23 Top<sub>u</sub> meheñe decorigã ijiahye. Top<sub>u</sub> ijiriquiro y<sub>u</sub>h<sub>u</sub>d<sub>u</sub>ahye. Galacia yehpap<sub>u</sub> ijiye macarip<sub>u</sub>, Frigia yehpap<sub>u</sub> ijiye macarip<sub>u</sub> pari turi esa, ti macari cjẽnare Jesu yequinare buhero, bucueg<sub>u</sub> yeahye.

*Apolo wame tiri quiro Efesop<sub>u</sub> buheahye*

24 Ti pjere, judio mas<sub>u</sub>no Apolo wame tiri quiro, Alejandría cjãno Efesop<sub>u</sub> esahye. Tiquiro quehnoano yahu mihnidiquiro ijiahye. Sa yero tiquiro Cohãcjã ojarire quehnoano masiahye. 25 Apequiro tiquirore Cohãcjã yere yahu tuhasae tiahye. Sa yero tiquiro Ñu wame yeriquiro ye buheye dihitare masiahye. Sa ijielperota tiquiro tutuaro bucueye mehna Cohãcjã yere quehnoano buheahye. 26 Sa yero judio masa tiquina buheri w<sub>u</sub>h<sub>u</sub>p<sub>u</sub> tiquiro cuero marieno tiquinare buhe d<sub>u</sub>cahye.

Tiquiro sa buheg<sub>u</sub> tiquina t<sub>u</sub>hori bato

Priscila, Aquila mehna tiquirore tiquina mehna neahye. Cohãcjã yere tiquiro quehnoano poto yahu pehoerag<sub>u</sub> ihñañe quehnoano poto yahu pehoahye tiquina tiquirore. 27-28 Sa ye tiquiro Apolo pehe Acaya yehpap<sub>u</sub> tiquiro waha duag<sub>u</sub> Jesu yequina tiquirore “Quehnoano wahaya”, ni, ojoari p<sub>u</sub>r<sub>u</sub>ine ohoahye tiquirore. Ti p<sub>u</sub>ri Acayap<sub>u</sub> ijiyequina Jesu yequinare Apolore quehnoano piti ca dutiye p<sub>u</sub>ri ijiahye. Sa yero Apolo top<sub>u</sub> esaro, to cjẽnare Jesure wac<sub>u</sub> tutuayequinare Cohãcjã cahñe mehna quehnoano yedohoahye. Judio masare ti macap<sub>u</sub> ijiyequinare ohõ saha ni yahuahye:

—Cohãcjã ohoriquiro m<sub>u</sub>sa coheriquiro ijire Jesu. Cristo waro ijire tiquiro, ni yahuahye judio masare apequina masa tiquina ihñonop<sub>u</sub>.

Cohãcjã yere tiquina ojoari mehna tiquiro quehnoano queoro yahug<sub>u</sub> t<sub>u</sub>hoye tiquina “Poto ijierare”, ni masiedahye. Sa yero Cohãcjã cahñe mehna tiquirore wac<sub>u</sub> tutuayequinare quehnoano yedohoahye Apolo.

## 19

*Pablo Efesop<sub>u</sub> wahahye*

1 Corintop<sub>u</sub> Apolo tiquiro ijiri watoa, Pablo pehe c<sub>u</sub>n<sub>u</sub> cj<sub>u</sub>p<sub>u</sub> m<sub>u</sub>ja y<sub>u</sub>h<sub>u</sub>d<sub>u</sub>a, Efesop<sub>u</sub> esahye. Top<sub>u</sub> esaro ihquẽquina Jesu yequinare bocahye. 2 Tiquinare boca saro tiquiro tiquinare sinituahye:

—¿M<sub>u</sub>sa Jesure wac<sub>u</sub> tutuari bato m<sub>u</sub>sa pehe Espíritu Santore c<sub>u</sub>o d<sub>u</sub>cari? ni, sinituahye Pablo.

Tiquiro sa nig<sub>u</sub> t<sub>u</sub>hoye tiquirore ohõ saha ni yahuahye tiquina:

—“Espíritu Santo ijire”, ni yahuerari <sub>u</sub>sãre, ni yahuahye tiquina.

3 Tiquina sa ni yahuri bato Pablo tiquinare sinituahye tja:

—¿Noa ye buheyere m<sub>u</sub>sa t<sub>u</sub>hori bato wame yeri m<sub>u</sub>sare? niahye tiquiro tja.

—Ñu ye buheyere <sub>u</sub>sã t<sub>u</sub>hori bato wame yeri <sub>u</sub>sãre, ni yahuahye tiquina.

4 Tiquina sa nig<sub>u</sub> t<sub>u</sub>horo ohõ saha niahye Pablo:

—Masa tiquina ñañe yerire tiquina duhug<sub>u</sub> ihñano wame yeahye Ñu. Sa yero

tiquiro wame yeye pehe tiquina ñañe yerire tiquina duhurire masare ihñoati ijire. Sa yero apee boro gāhare yahu nemoahye Ņu. “Yūhū bato ahtariquiro pehere wacū tutuaya mūsa”, ni yahuahye tiquiro. Sa nino Jesure yahuro niahye, ni yahuahye Pablo tiquinare.

<sup>5</sup> Tiquiro sa nigū tiquina tūhori bato, Jesu wame mehna wame yeahye tiquinare. <sup>6</sup> Sa yero Pablo tiquina ihquēquina bui tiquiro omoca duhu peogū, Espiritu Santo pehe wiahaye tiquinapare. Tiquiro sa wihiri bato tiquina pehe tūhomehneñe yahuducuye mehna yahuducu, Cohācjū yere yahuahye. <sup>7</sup> Tiquina ijipihtiequina doce ūmūa ijiye ijiboaga.

<sup>8</sup> Came Pablo judio masa tiquina buheri wāhūpū sajā, ihtia asū waro decoripe cuero marieno Cohācjū pūhoro tiquiro ijiyere yahuducuahye tiquina mehna. Tiquirore tiquina sa tūhori bato “Ahri ijirota ijire”, niahye tiquina. <sup>9</sup> Sa niepegūta apequina pehe tūho duerahye. Sa ye tiquina masa tūhoro quehnoañe buheyere ñano niahye. Tiquina sa nigū tūhoro Pablo pehe Jesu yequinare piji wijia, ape sierū wahahye. Waha, Tirano wame tiri wāhū buheri wāhūpū decoripe masare Cohācjū yere yahuahye tiquiro. <sup>10</sup> Pūa cūhma waro buhee tiahye tiquinare. Tiquiro sa buhegū ijipihtiequina Asia yehpa cjēna judio masa, judio masa ijieyequina mehna mari pūhoro Jesu yere tūhoahye. <sup>11</sup> Sa yero Cohācjū tutuaye mehna Pablo peye tahari ye ihñoahye. <sup>12</sup> Suhti cahseri Pablo tiquiro pagare pihari cahserire, tiquiro pihari suhti gāhare ne cā, dohatiyequinare ohoahye. Ti suhtire ohogū tire ñeheñe tiquina dohatiye yūhdūa wahahye. Sa ye watīa tiquina mehna ijiriquina wahaa wahahye ti suhtire tiquina ñehedi bato.

<sup>13</sup> Sa ijigū apequina judio masa, sa tiniducuyequina, watīare cohāñequina judio masa yayia ijiahye. Sa ye Pablo tiquiro yeriro sahata Jesu tutuaye mehna watīare cohā duamahye. Sa ye watīare duhu dutimahye tiquina.

—Pablo yahuriquiro, Jesu tiquiro tutuaye mehna dutiaja mū sare. Wahaya.

Ahriquiro mehna pari turi ijieracāhña, nimahye tiquina watīare ohoye.

<sup>14</sup> Esceva wame tiriquiro siete tiquiro pohne pehe sata yemahye. Esceva pehe judio masano pahia pūhoro ijiahye.

<sup>15</sup> Tiquiro pohne watīnore tiquina waha dutiri bato, watīno pehe ohō saha niahye tiquinare:

—Jesure masiaja. Pablo gāhare masiaja. Mūsa pehere masiedaja, niahye watīno tiquinare.

<sup>16</sup> Tiquiro sa nigūta watīnore cūoriquiro pehe tutuaro tiquinare ñehe maa wahahye. Sa yero tiquinare ña yūhdūaro yeahye. Tiquiro sa yeri bato suhti marieñequina, cami tiyequina oma wijiaa wahahye tiquina ti wāhūre. <sup>17</sup> Tiquina sa yeri bato ijipihtiequina Efeso cjēna, judio masa, judio masa ijieyequina mehna tire tūhoye, cue yūhdūahye tiquina. Sa ye mari pūhoro Jesu yere būjūpero marieno yahuducuahye masa pehe.

<sup>18</sup> Sa ye masa peyequina Jesure wacū tutuayequina tiquina ñano yerire yahuye ahtahye. <sup>19</sup> Tiquina mehna cjēna peyequina yayia masare ujuayequina yero saha yeyequina ijiahye. Sa ye tiquina ojoari pūrine yayia tiquina yerire yahuye pūrine topū ne cāhta, masa ihñonopū ti pūrine ūjūa cohā cāhye tiquina. Ti pūri wapa tirire tiquina queogū, ijipihtie pūri cincuenta mil cjoeri niñeru cjoeri wapa timahye ti pūri. <sup>20</sup> Sa ye Cohācjū yere cahmeñequina peyequina wahahye. Cohācjū tutuaye mehna tiquiro yequina wahahye.

<sup>21</sup> Tiquina sa wahari bato Pablo ohō saha ni tūhotuahye: “Macedonia yehpapū esa mūhta, ti yehpare yūhdūa, Acaya yehpare esautja. Ti yehpare yūhū esari bato Jerusalēpū wahautja. Ti macare yūhū esari bato Romapū wahautja”, ni tūhotuahye Pablo. <sup>22</sup> Pūaro tiquirore yedohoyequinare tiquiro pano oho mūhtahye Macedonia yehpapū. Timoteo, Erasto gāhū ijiahye tiquina. Sa yero Pablo pehe ihcāquirola tojoa nūnū tārīahye Asia yehpapū.

*Efesopū masa usua, sañuducuahye*

<sup>23</sup> Ti pjere Efesopū Jesu yere apequina cahmedaye, Pablo gāhare tuhtiahye.

<sup>24</sup> Plata mehna dahrariquiro Demetrio



wame tiriquireo plata mehna cohãcõno Artemisa wame tiricoro ya wãhã queoyere yeriquiro ijiahye. Sa yero tiquiro apequina plata mehna dahrayequina mehna ti queoyere dua, pajiro wapatahye tiquina.

<sup>25</sup> Sa yero Demetrio apequina plata mehna dahrayequinare piji cahmecoah yahuahye tiquinare.

—Tãhoya mûsa. Ahri dahraye mehna pajiro mari wapatarire masine mûsa.

<sup>26</sup> Ahriquireo Pablo yerire tiquiro buheri gãhãre masine mûsa. Ohõ saha ni buhere tiquiro. “Cohãmana queoye masa tiquina yeyequina catiyequina ijierare”, ni yahue tiri tiquiro. Tiquiro sa nigã tãhoye peyequina Efeso cjëna, ijipihitropã apequina Asia yehpa cjëna gãhã ti buheyere “Ijirota ijire”, nie tiri. <sup>27</sup> Sa niñe mari dahrayere masa ñano yahuducuboaga. Sa ye mari yacoro cohãcõno Artemisa ya wãhãre masa cohãboaga. Sa yero ticoro ijipihitryequina Asia yehpa cjëna, ijipihitryi yehpa cjëna tiquina ño peoricoro ticoro ijiepegãta ticoro tutuaye butiarota. Sa ye masa ticorore masiedaboaga, niahye Demetrio tiquinare.

<sup>28</sup> Tiquiro sa nigã tãhoye tiquina pehe tutuaro usua, sañuducuahye:

—Artemisa Efeso cjãna mari yacoro cohãcõno tutuaricoro ijire, ni, sañuducuahye tiquina.

<sup>29</sup> Sa ye Efeso cjëna ijipihitryequina sañuducu yãhdã, tãho masiñe pihtia wahahye. Sa wahaye, Gayore, Aristarco gãhãre ñehe, masa tiquina cahmecoanopã tiquinare weje cãhye. Gayo, Aristarco mehna Macedonia cjëna ijiye, Pablo mehna tiniñequina ijie tiahye. <sup>30</sup> Sa ye Pablo masa cahãpã tiquiro waha duagã, Jesu yequina pehe tiquirore waha dutierahye. <sup>31</sup> Sa ye apequina ti yehpa cjëna pãhtoã, Pablo mehna cjëna ijiye, tiquina cahacjënare yahu dutiahye Pablore:

—Masa tiquina cahmecoanopã wahaeracãhña, ni yahu duti ohoahye pãhtoã tiquina cahacjënare Pablopãre.

<sup>32</sup> Sa ye topã cahmecoañequina mehna cjëna pehe peyequina “¿Dãhsena tana mari cahmecoana niajari?” ni, masiedahye. Sa ye tiquina sañuducu nemoahye. Ahrie

pehepã ijiyequina sijoro ni, sañuducuahye. Apequina gãhã sijoro ni sañuducuahye. <sup>33</sup> Sa ye judio masa pehe Alejandro wame tiriquireore masare yahu dutimahye. Sa yero Alejandro “Dihta mariahña”, nino tiquiro omoca mehna quẽ dijioahye. “Ahriquina usãre judio masare tuhtiyenine”, ni tãhoturo judio masare cahmota duaro, yahuducumahye. <sup>34</sup> Tiquiro sa niepegãta judio masãno tiquiro ijigã ihñãñe masa ijipihitryequina ihcãno mehna pãa hora waro sañuducuahye:

—Artemisa, Efeso cjãna mari yacoro cohãcõno tutuaricoro ijire, ni, sañuducuahye tiquina.

<sup>35</sup> Tiquina sa ni sañuducugã ihñano, Efeso cjëna pãhtoare yedohoriquiro masare, “Dihta mariahña”, ni, yahuahye tiquinare.

—Mûsa Efeso cjãna tãhoya. Efeso cjãna mari yacoro tutuaricoro cohãcõno Artemisa ya wãhã cohtena mari ijigã ijipihitryi yehpa cjëna masine. Sa ye ãhmãsepã bora dijia tari queoyere cohtena mari ijigã gãhãre masine masa. <sup>36</sup> Sa ye apequina “Ahri poto ijierare”, ni masiedare. Sa yena usueracãhña mûsa. Quehnoano tãhotuya mûsa. <sup>37</sup> Ahriquina mûsa ñehe tariquina mari cohãcõnore ñano ni yahuducuerari. Sa ye tiquina cohãmana wãhãsepãre sajã, yaquerari. Sa yena quehnoano yeya mûsa. <sup>38</sup> Sa ye Demetrio, plata mehna dahrayequina mehna ahriquinare mûsa ñehediquinare yahusã duaye, buhiri dahre dutiyequina pehere yahuahro tiquina. Tiquina buhiri dahre dutiyequinare ahriquinare yahusã masine. <sup>39</sup> Pari turi cahmecoana quehnoano mehna cahmecoaña. Yojopãre mûsa yeriro saha yeracãhña. <sup>40</sup> Miare mûsa ihyo waro usua, sañuducurire mari pãhtoã tãhoye, “Marine cohãñe niaga”, ni tãhotueta tiquina. Sa yena mûsa sa ni sañuducurire tiquinare quehnoano poto yahu masiedaja mari, niahye pãhtoare yedohoriquiro masare.

<sup>41</sup> Sa ni yahu tuhasa, “To puno tjire. Wahaya”, niahye tiquiro masare.

## 20

*Macedonia yehpapã gãhãre, Grecia yehpapã gãhãre Pablo esahye*

1 Ti sa wahari bato, Pablo pehe Jesu yequinare piji cahmecoah yahuahye. Yahu tuhasa, tiquinare cohe tiahye. Cohe ti tuhasa, Macedonia yehparu wahaa wahahye. 2 Topu esa, buhe, to cjēna Jesu yequinare bucuegū yeahye tiqiro. Tiquinare buhe tuhasa, Grecia yehparu esahye tiqiro. 3 Topu tiqiro ihtia asū waro ijiahye. Topu ijiro Siria yehparu pehāa waha duamahye. Tiquiro sa waha duepegūta judio masa duhti queahye, tiqirore ñehe duaye. Sa yero Pablo ape maharu, Macedoniaru wahari maharu wahahye. 4 Sa waharo Asiaputa esahye. Topu Berea cjūno Pirro macano Sópater wame tiriqiro pehe Pablöre piti ti cāhye. Sa ye Tesalónica cjēna Aristarco, Segundo gūhu tiqirore piti ti cāhye. Sa ye Asia cjēna Tíquico, Tróximo gūhu Asiapu tiqirore piti ti cāhye. Derbe cjūno Gayo wame tiriqiro Timoteo gūhu tiqiro mehna wahahye. 5 Tiquiro mehna cjēna tiqiro pano waha, Troa wame tiri macaru tiqirore cohteri jiri. 6 Tiquina sa cohtegū pugū yeye moremehneñe pāre tiquina ihyari bose deco bato usā pehe Filipopu ijirina yucusa mehna waha, ihcā omope decori pehā, Troaru usā esau. Siete decori waro ijii topure.

### *Troaru Pablo tinino wahahye*

7 Domingo ijigū Jesu yequina cahmecoah, pāre duhu peori Santa cena yeye tehe. Tiquina sa yeato pano Pablo tiquinare buheri. Sa yero Pablo ape decopu wahatiqiro ijiro yoari pje tiqiro buheri. Ñami decopu buhe duhuro taro nimesi. 8 Sa yena ahmūano cjā tucūpu peye paca sihāñe paca ijiri tucūpu cahmecoahu usā. 9 Pablöre tiqiro tūhori watoa wahmūno Eutico wame tiriqiro meheni sopecahagā buipū mūja pje dujiri. Sa yero Pablo tiquinare yoari pje tiqiro buhe nemogū wahmūnore wūjūa ahtari. Sa yero tiqiro carī maa, ihtia casario buipū dujiriqiro majare maa dijiaa wahari. Tiquiro bora dijiaa bato tiquina tiqirore yariariqiropure tu wahcō daporu. 10 Tiquina sa yegū ihñano Pablo dijia, wahmūnore quē suhsuri. Tiquiro sa yeri bato Jesu yequinare yahuri tiqiro:

—Jeripohna ñaedacāhñā. Yariere ahriqiro. Catire, nidi Pablo pehe.

11-12 Tiquiro sa nigū wahmūno yariamediqiro masaa wahari. Tiquiro sa masagū ihñañe tiquina bucue yūhdūari. Sa bucueye ahmūano cjā tucūpu mūja, pāre duhu peori Santa cena yeye tehe. Tiquina sa yeri bato yoari pje Pablo tiquinare buheri. Tee bohreato panogāpu tiquinare buhe duhuri. Tiquiro buhe tuhasagū wahaa wahahu usā.

### *Pablo Troaru ijiriqiro waha, Miletopu esahye*

13 Pablo pano yucusa mehna Asōpu usā pehe esa mūhtau. Pablo pehe maharu waha duari. Pablo tiqiro nidiro sahata Asōpu tiqirore usā piti cau. 14 Tiquirore usā piti cagū, usā mehna tiqiro sajāri yucsapu. Tia mehna waha, Mitilenepu usā esau. 15 Topure esa yūhdūa, ape decopu Quíore yūhdūahu usā. Ape decopu Samopu esau usā. Ape deco pehere Miletopu esau usā. 16 Pablo Pentecoste deco ijigū, Jerusalēpu esa duari. Sa yero Asia yehparu yoari pje iji duerari. Sa yero Efesore poto yūhdūa, Miletopu wahā sau usā.

### *Pablo Efeso cjēnare Jesu yequina puhtoare yahuahye*

17 Sa yero Pablo Miletopu ijiro, Efeso cjēnare Jesu yequina puhtoare pijiori tiqiro. 18 Sa tiqiro pijiori bato tiquina Pablo caharu wihiri. Tiquina wihigū ihñano tiquinare Pablo yahuri:

—Asiapu coā wihigū mūsa mehna yūhu yerire masine mūsa. 19 Mūsa mehna ijigū ne sijoro nino marieno Jesu, mari puhtoro yere yee tii yūhu. Sa yegū mūsare paja ihñau. “Mūsare yūhdūdūcaja”, niedu yūhu. Judio masa yūhūre tiquina ñano yepegūta Cohācjū yere yee tii yūhu. 20 Sa yegū mūsa quehnoano wahatire cahmegū mūsare yahu peho cāhu yūhu. Masa tiquina ihñonopu mūsa wūhūsepū gūhūre buhei yūhu. 21 Sa yegū judio masare, judio masa ijieyequina gūhūre ihcāno mehna buhei yūhu. “Mūsa ñañene bujūa witina, Cohācjū ye pehere comesaya. Sa yena Jesu mari puhtoro wacū tutuaya”, ni yahuu yūhu. 22 Sa yegū Espiritu Santo tiqiro dutiriro sahata yojopure Jerusalēpu wahahu niaja.

Yuhũ topũ wahagũ yuhũ dahse wahatire masiedaja yuhũ. <sup>23</sup> Ohõ saha nidi Espiritu Santo yuhũre: “Jerusalẽpũ mũhũ ñano yuhũdũta. Sa ye mũhũre peresu yeeta”, nidi Espiritu Santo yuhũre. Yojoũpũre yuhũ macaripe yuhũ esagũ sa ni yahuri yuhũre. Jerusalẽpũ wahagũ Espiritu Santo tiqũiro yahuri dihitare masiaja. <sup>24</sup> Tiquiro sa yahuepegũta quehnoañe buheyere, Cohãcjũ tiqũiro cahĩne buheyere yahuacjũ ijiaja. Jesu mari pũhtoro tiqũiro ye dutirire ye peho duaja. Ahrire yerigũ ijigũ, yuhũ yariatire cueraja yuhũ.

<sup>25</sup> 'Sa yegũ mũsa mehna ijigũ Cohãcjũ tiqũiro pũhtoro ijiyere yahue tii yuhũ mũsare. Ne mũsare pari turi ihñasi yuhũ. Ahrire masiaja yuhũ. <sup>26-27</sup> Sa masigũ miare ahrire yahuaja mũsare. Ijipihtiyẽ Cohãcjũ yere yahuu yuhũ mũsare. Sa yero ijipihtiyẽquina mũsa mehna cjẽna Cohãcjũ yere cahmeeñequina tiqũina ijigũ yee buhiri ijierare. <sup>28-29</sup> Mũsa basi quehnoano yeya. Sa yena Jesu yequinare Espiritu Santo mũsare ihbo dutigũ, tiqũiro ihbo dutiriquinare quehnoano ihboya. Ovejare ihboyequina ovejare tiqũina ihboro saha Jesu yequina gũhũre ihboya mũsa. Cohãcjũ macũno tiqũiro yariaro tiqũiro dii cohãno mehna Cohãcjũ tiquinare tiqũiro yequina ijiatiquinare yeri. Yuhũ ohõre wahari bato apequina ñañequina pehe yaqũiro ovejare tiqũina wejẽno saha Jesu yere mũsa yeborire dojomehneeta. Sa yena Jesu yequinare quehnoano ihboya. <sup>30</sup> Camẽpũre apequina mũsa mehna cjẽna pehe Jesu yequinare ni meho, apeye buheyere tũho dutieta. Tiquina sa dutigũ tiqũina tũhoeta. <sup>31</sup> Sa yena quehnoano yeya mũsa. Decoripe, ñaminipe paja ihñañe mehna buhei yuhũ mũsare. Ihtia cũhma waro quehnoano buhei yuhũ mũsare ijipihtinare. Tire quehnoano wacũña mũsa.

<sup>32</sup> 'Yojoũpũre yuhũ wahari bato Cohãcjũ mũsare ihña ihborota. Tiquiro cahĩne buheyere buhena quehnoano ijinata mũsa. Cohãcjũ tiqũiro buheye mehna mũsare tiqũiro yequinare quehnoano yedoho masine. Sa yero tiqũiro yequina dihitare tiqũiro ye duariro sahata mũsa pũritare quehnoano yerota. <sup>33</sup> Mũsa niñeru

cũoyere, mũsa suhti cũoye gũhũre “Yuhũre ohoya”, niedũ. <sup>34</sup> Yuhũ basi dahra wapataũ ye ijiatire. Sa yegũ yuhũ cahmeñene, yuhũ mehna cjẽna tiqũina cahmeñe gũhũre yuhũ dahra wapatarĩ mehna nei. Yuhũ sa yerire masine mũsa. <sup>35</sup> Mari ohõ saha tutuaro dahrana apee boro cũoeyequinare yedohoro cahmene marine. Ahrire mũsare ye ihñou yuhũ. Jesu mari pũhtoro tiqũiro nidire wacũña mũsa. “Tiquiro ohogũ ñehediquiro yuhũdũoro ohoriquiro pehe bucuere”, nidi jiri Jesu tiqũiro basi, ni yahuri Pablo Jesu yequina pũhtoare.

<sup>36</sup> Sa nidi bato Pablo tiqũina mehna dũsepe curi mehna quehe sa, Cohãcjũre sinidi. <sup>37</sup> Tiquiro sa sinidi bato tiqũina ijipihtiyequina Pablõre quẽ suhsu, wahsupure ihmi, utiri. <sup>38</sup> “Mũsare pari turi ihñasi yuhũ”, to pano tiqũiro nigũ tũhoye tutuaro bujũa witiri tiqũina. Sa ye tiqũirore tu nũnũ tã buhari petamahapũ. Topũ usãre ihña nũnũ tãri usã wahagũ.

## 21

### *Pablo Jerusalẽpũ pari turi wahahye*

<sup>1</sup> Jesu yequinare “Wahana niaja”, ni, yucũsa mehna, Cos wame tiri nũcũopũ poto waha, pehã saũ usã. Ape decopũ Roda wame tiri nũcũopũ pehã sa, yuhũdũa, Pátara wame tiri macapũ esau usã. <sup>2</sup> Pátarapũ ijina, Feniciapũ wahatiare yucũsare bocaũ usã. Sa yena tia mehna wahaũ usã. <sup>3</sup> Sa wahana Chipre wame tiri nũcũore poto ihña yuhũdũũ usã. Cũ pehe pehe ijiri ti nũcũo. Ti nũcũore yuhũdũa, Siria wame tiri yehrapũ esau usã. Sa yena yucũsa cjẽ doeri cjẽne yucũsa cjũno Tiro wame tiri macapũ tiqũiro dure mogũ topũ pahsarĩ. <sup>4</sup> Topũ Jesu yequinare ihñana, siete decori waro tojoarĩ usã ti macapũ. Sa ye to cjẽna Jesu yequinare Espiritu Santo tiqũiro yahuriro sahata tiqũina Pablõre Jerusalẽpũ waha dutieramedi. <sup>5</sup> Tiquina sa niepegũta ti macare siete decori usã ijiri bato, wahaũ usã. Usã wahato panogã ijipihtiyequina Jesu yequina, tiqũina namosãnumia mehna, tiqũina pohne mehna, maca dũhtũ cahapũ usãre ihña tojoari. Sa yena ijipihtina usã padũropũ esa, dũsepe curi mehna quehe sa, Cohãcjũre sinii. <sup>6</sup> Usã sa sinidi bato,

“Wahana niaja”, ni, tiquinare quē suhsu bato ti wahau usā. Usā wahagū ihña nunñ tã, tiquina pehe majaa wahari tiquina ye wahusepu.

<sup>7</sup> Tiro wame tiri macare maja yuhduu usā. Sa yena Tolemaidapu wahã sau usā. Toputa pajiri mare waha bato tii usā. Ti macapu esa, Jesu yequinare “¿Usā acaye, ijiajari?” ni, ihcã deco usā tiquina mehna ijini. <sup>8</sup> Sa yena ape decopu tja Pablo mehna mahapu wahau usā Cesarea wame tiri macapu wahana. Topu esa, quehnoañe buheyere yahuriquiro Felipe wame tiri quiro ya wuhupu esau. Sa yena ti quiro mehna tojoau usā. Felipe Jesu yequina tiquina siete besenohriquina mehna cãno ijiri. <sup>9</sup> Sa yero ti quiro pititiaro numia pacaro ijiri. Tiquina numia pehe Cohãcjũ yere yahuye numia ijiri. Nuhmia ijiri. <sup>10-11</sup> Topu usā meheñe decorigã usā ijiri bato, Agabo wame tiri quiro Cohãcjũ yere yahu mahtariquiro Judeapu iji quiro usãre ihñano wihiri. Sa yero ti quiro Pablo ya dare jeri turi dare ne, ti quiro dahpocãrine, ti quiro omocarine dãhtero, queo yahuri:

—Ohõ saha nidi Espiritu Santo. “Ahri dare cuoriquiro Jerusalẽpu ti quiro esagũ, judio masa sa dãhteeta ti quirore. Dãhte tuhasa, judio masa ijieyequinare ohoeta tiquina ti quirore”, nidi Espiritu Santo, ni yahuri Agabo.

<sup>12</sup> Ti quiro sa nigũ tãhona, usã Cesarea cãna mehna Pablõre tutuaro cahii usã. Ti quirore Jerusalẽpu waha dutierami. <sup>13</sup> Usã sa nigũ Pablo pehe yãhtiri:

—¿Dãhse ni utina niajari mãsa? Yũhu pehere bũjua witigũ yeaga mãsa. Tiquina yũhare peresu tiquina yegũ quehnoanota. Yũhu Jerusalẽpu Jesu mari puhtoro yere yũhu yeri buhiri yũhu yariagũ quehnoanota, nidi Pablo usãre.

<sup>14</sup> “Wahaeraja”, ti quiro nigũ tãho duana nimi usã. Ti quiro “Wahaatja”, ti quiro nigũ, sa tãhotu cãhu usã. Ohõ saha nii:

—Mari puhtoro ti quiro cahmeno sahata yeahro, nii usã.

<sup>15</sup> Tire yahu bato ti, usã yere quehno, waha wahau usã Jerusalẽpu wahana. <sup>16</sup> Topu usã wahagũ meheñequinagã Cesarea cãna Jesu yequina pehe usã mehna wahari. Sa

yena tiquina mehna cãno Chipre cãno Mnasõ wame tiri quiro ya wuhupu esau usã. Ti quiro yoari pje Jesu buheriquiro ijiri. Sa yero ti quiro ya wũhu usã ijiati wũhu ijiri. Sa yena Jerusalẽpu esau usã.

### *Pablo Santiagore ihñano wahahye*

<sup>17</sup> Jerusalẽpu usã esagũ, to cãna Jesu yequina pehe “¿Wihajari?” ni, bucueye mehna piti cari usãre. <sup>18</sup> Ape decopu Pablo usã mehna Santiagore ihñano esari. Usã topu esagũ topu iji pihtiequina Jesu yequina puhtoa ijiri. <sup>19</sup> Sa yero Pablo tiquinare ti quiro omoca ñehedi bato judio masa ijieyequinare ti quiro buherire yahu pehori Jesu yequinare. Cohãcjũ ti quiro yedohoye mehna ti quiro yerire yahu pehori. <sup>20</sup> Ti quiro sa ni yahugũ tãhoye, “Cohãcjũ quehnoagu, tutuagu ijire mũhu”, ni ño peori tiquina pehe Cohãcjũre. Sa ni tuhasa tiquina Pablõre ohõ saha ni yahuri:

—Usã acayu, yojopure peyequina judio masa Jesure wacũ tutuayequina ijire. Tire masine mũhu. Sa ye tiquina ohõ saha ni tãhoture: “Cohãcjũ dutiyere, Moiseputa marine ti quiro cãrre marine ye pehoro cahmene”, niñe nine. <sup>21</sup> Ohõ saha ni nemore tiquina. “Ape siepu ijieyequinare judio masa ijieyequina watoapu ijieyequinare judio masare Cohãcjũ Moiserre ti quiro cãrre cohã dutiahye Pablo”, nimerre ohõ cãna judio masa mũhare. “Pablo judio masa pohnene cuhnucunu sohtoa cahserogãre yãhre ne dutierare”, nimerre mũhare tiquina. “Judio masa tiquina yee tiyere Pablo duhu dutire”, ni ahri gũhare ni yahu wajare mũhare. <sup>22</sup> Sa ye mũhu ohõre wihigũ tãhoye tiquina cahmecoeta mũhare tuhtieye tehe. Sa yegũ ohõ saha yero cahmene mũhare. <sup>23</sup> Mũhare usã dutiro sahata yeya. Yojopure ohõre pititiaro mũhu Cohãcjũre wacũñequina “Ohõ saha yematja”, niñequina ijire. <sup>24</sup> Tiquina mehna wahaya. Sa ye Cohãcjũ Moiserre ti quiro dutiriro sahata tiquina basi Cohãcjũ yere yee tehe tiquina ñano yeyere coseye nine. Mũhu gũhu sata yeya. Sa yegũ tiquina sa yeati wapare wapa yeya mũhu pehe. Mũhu sa wapa yeri bato tiquina poarire waha peho duti masine tiquina. Mũhu sa yegũ ihñañe

masa m̄h̄are tiquina niñe ni mehoru ijigū masieta ijipihtiyequina. Cohācjū Moiseru tiquiro cūri dutiyere yegū m̄h̄u ijigū masieta tiquina.

<sup>25</sup> 'Sa yena judio masa ijieyequina Jesu yequina pehere usā ojoari pūre oho tuhasa. Ohō saha ni, ojoa usā. “ ‘Cohācjū ijire’, tiquina niñe queoyere ño peo tiquina duhu peori ihyayere, diire, wam̄a tiquina ñehe wejēdiquinare wahiquinare ihyeracāhña m̄sa. Sa yena w̄ana tieracāhña”, ni, yahu ojoa usā ojoari pūpare, nidi tiquina Pablore.

*Cohācjū w̄h̄p̄u judio masa Pablore ñeheahye*

<sup>26</sup> Tiquina sa ni yahuducuri bato ape deco Pablo pehe pititiaro am̄a mehna tiquina basi Cohācjū yere yeye tehe tiquina ñano yerire coseye tehe, Cohācjū w̄h̄p̄u sajāa wahahye. Ti w̄h̄p̄u sajā saro, tiquinare yahuahye Pablo: “Ohōpe decori d̄hsare m̄sa coseato”, ni yahuahye tiquiro pititiarore. Sa ye tiquina cose bato tiri decop̄a tiquinapequina Cohācjūre wahiquinare tiquina ohoati deco ijiri.

<sup>27</sup> Sa ye tiquina cose pehoboriro mehenogā d̄hsagū waro Cohācjū w̄h̄p̄u Pablo tiquiro ijigū Asia yehpa cjēna judio masa pehe ihñahye tiquirore. Sa ihñañe Pablore quti dojomehne, apequinare tiquiro mehna usuagū yeahye tiquina. Sa usua, judio masa Pablore ñehe, sañuducuahye:

<sup>28</sup> —M̄sa usā acaye, Israe masa usāre yedohona ahtaya. Ahriquiro ijire. Ahriquiro Cohācjū Moiseru tiquiro cūri dutiyere, ahri w̄h̄u ḡh̄re cohā duti, buhere ijipihtiyequinare. Sa ye marine judio masare ñano ni yahuducure. Sa yero tiquiro Cohācjū w̄h̄p̄uare judio masa ijieyequinare ne sajāri. Sa yero ahri w̄h̄re ñañe mariedi w̄h̄re tiquiro dojomehnedi, ni, sañuducuahye judio masa Asia yehpa cjēna to cjēnare.

<sup>29</sup> To pano Jerusalēp̄u Pablo Trófimo mehna tiquiro ijigū judio masa ihñae tiahye. Trófimo Efeso cjāno judio masano ijieriquiro ijiri. Tiquiro sa ijigū masiñe ohō saha ni t̄hotuahye tiquina: “Pablo Trófimore Cohācjū w̄h̄re ne sajāno niaga”,

ni t̄hotuahye judio masa. <sup>30</sup> Masare sa ni yahu tiquina sañuducuri bato ti maca cjēna peyequina tutuaro usuahye. Peyequina oma cāhta, Cohācjū w̄h̄p̄u ijiriquirore Pablore ñehe weje wijiaa wahahye. Sa ye ti w̄h̄u sopecaharire bihahye tiquina. <sup>31</sup> Sa ye tiquina tiquirore wejēne tee nimahye. Tiquina sa yegū ihñañe “Ijipihtiyequina Jerusalē cjēna usua, sañuducuye nidi”, ni, apequina pehe yahuye wahahye surara p̄h̄torore. <sup>32</sup> Tiquina sa nigū t̄horo p̄h̄toro pehe tiquiro yequina surarare, tiquina dutiyequina ḡh̄re cahmecoadoqueo, tiquina mehna Pablore wejē duayequina cahap̄u oma cā esahye. Surara tiquina esagū ihñañe Pablore quēmediquina quē duhu cāh̄e. <sup>33</sup> Sa yero surara p̄h̄toro Pablo cahap̄u esa, p̄a da come dari mehna tiquirore d̄hte dutiahye. Tiquina d̄hte tuhasagū ihñano, p̄h̄toro Pablore sinituahye:

—¿Noa boro ijiajari ahriquiro? ¿Yabe buhiri tiquirore sa yeajari m̄sa? ni, sinituahye tiquiro tiquinare.

<sup>34</sup> Tiquiro sa sinitugū t̄hoye masa pehe “Ohō saha yeri tiquiro”, ni, apequina ḡh̄u sijoro saha ni sañuducu, yahuahye surara p̄h̄torore. Sa ni tiquina sañuducugū surara p̄h̄toro quehnoano t̄hoerahye. Sa yero tiquiro surara ya w̄h̄p̄u Pablore nea dutiahye. <sup>35</sup> Ti w̄h̄p̄u esa, Pablo m̄jari escarera p̄a tiquiro m̄jano taro yegū masa pehe tiquirore quē duaye nimahye. Tiquina sa yegū surara pehe tiquirore ne w̄a m̄jaa wahahye. <sup>36</sup> Masa tiquinare peyequina n̄n̄ t̄a, sañuducu n̄n̄ t̄ah̄e.

—Tiquirore wejē cāhña, ni, sañuducuahye tiquina Pablore.

*Pablo “Ne masare ñano yeraja ȳh̄”, ni, yahuahye*

<sup>37</sup> Sa ye ti w̄h̄p̄u tiquina peresu yeato pano, Pablo pehe p̄h̄torore siniahye:

—Ȳh̄ m̄h̄ mehna yahuducu duaga, ni siniahye Pablo.

—¿M̄h̄ griego masa yere yahuducuarjari? <sup>38</sup> ¿Sohō ijirigū, Egipto cjū ijierajari m̄h̄? Tiquiro masare tiquina p̄h̄toare cohā dutiriquiro, cuatro mil masa wejēnequina pehere masa marienop̄u neari

jiri. ¿Tiquiro ijierajari m̄h̄h̄? niahye surara p̄h̄toro Pablore.

<sup>39</sup> Tiquiro sa nigū t̄h̄oro Pablo ȳh̄tiahye:

—Tiquiro ijieraja ȳh̄h̄. Judio mas̄h̄ ijiaja. Tarsop̄h̄ Cilicia yehpap̄h̄ ijiri macap̄h̄ masa bajuh̄ ȳh̄h̄. Ihyo ijiri maca c̄j̄h̄ ijieraja ȳh̄h̄. Ȳh̄h̄ ahriquina masa mehna yahuducu duaga ȳh̄h̄, niahye Pablo tiquirore.

<sup>40</sup> Tiquiro sa nigū t̄h̄oro p̄h̄toro pehe tiquirore yahuducu dutiahye masa mehna. Sa yero Pablo m̄j̄ari escarerap̄h̄ ducuro tiquiro omocari mehna “Dihta mariaña”, niahye masare. Tiquiro sa yegū ihñañe, dihta mari pihtia wahahye. Tiquina dihta mariahgū ihñano, Pablo judio masa ye mehna yahuahye tiquinare.

## 22

<sup>1</sup> —Ȳh̄h̄ acaye, ȳh̄h̄ yerire yahutja m̄sare. Ȳh̄h̄ yahugū t̄h̄oya m̄sa, niahye Pablo.

<sup>2</sup> Tiquiro sa nigū Pablo judio masa ye mehna tiquiro yahuducugū t̄h̄oye masa pehe dihta mari dojoa wahahye. Sa yero Pablo tiquinare yahuahye:

<sup>3</sup> —Ȳh̄h̄ judio mas̄ta ijiaja. Tarso wame tiri macap̄h̄, Cilicia yehpap̄h̄ ijiri macap̄h̄ masa bajuh̄ ȳh̄h̄. Sa ijiepeḡta ahri maca Jerusal̄p̄ta b̄c̄h̄a ȳh̄h̄. Sa yero ȳh̄h̄re Gamalie wame tiri tiquiro buhee tiri. Sa yeḡh̄ ȳh̄h̄ mari ñec̄s̄m̄h̄a m̄na panop̄h̄ c̄j̄na dutiyere quehnoano buhei. Yojōp̄re mari Pac̄re m̄sa yero sahata ȳh̄h̄ ḡh̄h̄ ño peoe timi. <sup>4</sup> Sa yeḡh̄ Jesu yequinare ñano yee tii ȳh̄h̄. Ihquēquina tiquinare wej̄e tii ȳh̄h̄. Ūm̄are, numia ḡh̄h̄re ñehe, peresu yee tii ȳh̄h̄. <sup>5</sup> Pahia p̄h̄toro, judio masa b̄c̄h̄a mehna tiquina ojoaye p̄rine Jesu yequinare ñehe dutiye p̄rine ȳh̄h̄re ojoa basari. Mari acayere Damasco c̄j̄nare ti p̄rine ihñoḡh̄ t̄h̄h̄ nimi Jesu yequinare ñehei t̄h̄h̄. Tiquinare ñehe, ne c̄hta peresu yei t̄h̄h̄ nimi. Jerusal̄p̄h̄ tiquinare ne c̄hta duami buhiri dahrei t̄h̄h̄. Ohō saha ȳh̄h̄ nigū pahia p̄h̄toro, judio masa b̄c̄h̄a ḡh̄h̄ quehnoano masine, ni yahuahye Pablo.

*Pablo Jesu yaquiro tiquiro waha d̄h̄carire yahuahye*

*(Hch 9.1-19; 26.12-18)*

<sup>6</sup> Sa ni tuhasa ohō saha ni yahu nemoahye:

—Sa yero coheri pje ijigū Damascop̄h̄ ȳh̄h̄ esa quehegū waro ūh̄m̄anop̄h̄ asi sitedoque dijiori ȳh̄h̄re. <sup>7</sup> Sa wahagū ȳh̄h̄ yehpap̄h̄ bora quehe saa wahar̄h̄ ȳh̄h̄. Ȳh̄h̄ bora quehe sari bato yahuducuro ca tari ȳh̄h̄re. “¿Saulo, d̄h̄seḡh̄ ȳh̄h̄re ñano yeajari?” nino ca tari ȳh̄h̄re. <sup>8</sup> “¿P̄h̄to, noa boro ijiajari m̄h̄h̄?” ni, sinituu ȳh̄h̄. “Ȳh̄h̄ Jesu Nazare c̄j̄h̄, m̄h̄h̄ ñano yenohriḡh̄ ijiaja ȳh̄h̄”, ni, ȳh̄tiri ȳh̄h̄re tiquiro. <sup>9</sup> Ȳh̄h̄ sa wahagū ȳh̄h̄ mehna c̄j̄na buhriorore ihñari. Sa ihñaepeta ȳh̄h̄ mehna tiquiro yahuducugū t̄h̄oerari tiquina. <sup>10</sup> “¿P̄h̄to, d̄h̄se yeḡtari ȳh̄h̄?” ni sinituu Jesure. “Wahc̄d̄c̄aya. Damascop̄h̄ wahaya. Top̄h̄ m̄h̄h̄ wahagū, m̄h̄h̄re ijipihtiye ȳh̄h̄ ye dutiatire apequiro yahurota m̄h̄h̄re”, nidi tiquiro ȳh̄h̄re. <sup>11</sup> Tutuaro tiquiro asi sitedoqueogū, ȳh̄h̄ caperi opoa wahar̄h̄ ȳh̄h̄. Sa ye, ȳh̄h̄ mehna c̄j̄na ȳh̄h̄ omocare ñehe, Damascop̄h̄ t̄h̄ c̄ari ȳh̄h̄re.

<sup>12</sup> Top̄h̄ Anania wame tiri tiquiro, Coh̄c̄j̄re ño peoriquiro marine Coh̄c̄j̄ dutiyere ye pehoriquiro ijiri. To c̄j̄na judio masa ijipihtiyequina tiquina ño peoriquiro ijiri. <sup>13</sup> Sa yero tiquiro ȳh̄h̄ cahar̄h̄ wihid̄ca ȳh̄h̄re yahuri. “Ȳh̄h̄ acaȳh̄ Saulo, ihñaña pari turi tja”, nidi tiquiro. Tiquiro sa nidi bato pari turi ihñan̄ ȳh̄h̄. Sa yeḡh̄ tiquirore ihñan̄ ȳh̄h̄. <sup>14</sup> Ȳh̄h̄ sa ihñagū tiquiro Anania ȳh̄h̄re yahuri. “Mari Pac̄h̄ tiquiro cahmeñene quehnoano masiac̄j̄re panop̄h̄ bese tuhasahye m̄h̄h̄re. Sa yero ‘Ȳh̄h̄ mac̄h̄ quehnoariquirore ihña, t̄horota’, ni yahuahye m̄h̄h̄re mari Pac̄h̄ panop̄h̄. Tiquiro ijire mari ñec̄s̄m̄h̄a m̄na tiquina ño peoriquiro. <sup>15</sup> Sa yeḡh̄ m̄h̄h̄ ihñarire, m̄h̄h̄ t̄horire yahuḡta m̄h̄h̄ ijipihtiyequinare. <sup>16</sup> Sa yena yojōp̄re yoari pje ijierac̄h̄na. Wahc̄d̄c̄aya. Sa yeḡh̄ wame yenohriḡh̄ ijia. Jesure m̄h̄h̄ sinigū m̄h̄h̄ ñañene coh̄nota”, nidi ȳh̄h̄re tiquiro, niahye Pablo tiquirore wej̄e duariquinare.

*Pablo judio masa ijieyequinare tiquiro buherire yahuahye*

<sup>17</sup> Sa ni tuhasa Pablo yahu nemoahye:

—Sa ye tuhasa yuhũ Jerusalẽpũ tojoa ta, Cohãcjũ wuhũpũ Cohãcjũre sinigũ esau.

<sup>18</sup> Yuhũ topũ ijigũ Jesu yuhũre bajue tiri. Sa bajuaro yuhũre yahuri. “Jerusalẽ cjẽna yeere mũhũ yahugũ tãho duerare. Sa yegũ umũñano ape siepũ wahaya”, nidi Jesu yuhũre. <sup>19</sup> Tiquiro sa nigũ tãhogũ yahuu tiquirore: “Pũhto, mũhũ yequinare judio masa buheye wãhũsepũ ijieyequinare yuhũ ñehe, quẽdire masine Jerusalẽ cjẽna. <sup>20</sup> Sa yegũ mũhũre yahuriquirore Estebã pehere tiquina wejẽgũ ihñagũ ‘Quehnoano yeye wejẽne’, nimi. Tiquirore tiquina wejẽgũ tiquina suhtire cão basau yuhũ. Ti gũhũre masine ahri maca cjẽna. Sa ye yuhũ yahugũ tãhoboaga yuhũre”, ni yahuu yuhũ Jesure. <sup>21</sup> Yuhũ sa nigũ tãhoro Jesu yuhũre yahuri: “Yoaropũ judio masa ijieyequinare buheacjũre ohoutja mũhũre. Sa yegũ wahaya mũhũ”, nidi yuhũre yuhũ pũhtoro, niahye Pablo masare.

*Surara pũhtoro Pablo mehna yahudu-cuahye*

<sup>22</sup> Tiquiro yahu mũhtari dihitare quehnoano tãhomahye masa. Sa tãhoepeta judio masa ijieyequina cahapũ Jesu Pablõre tiquiro ohoatire tiquiro yahugũ tãhoye tiquina sañuducu dũcahye tja:

—Ahriquiro yojopũ pũritare yari-acũnahdo, ni sañuducuahye tiquina.

<sup>23</sup> Sa ye tiquina sañuducu nemo, usuaye mehna tiquina suhtire wahba sitedũca, dihta mehna doque mũoahye. <sup>24</sup> Surara pũhtoro surara ya wuhũpũ Pablõre ne sajã dutiahye tiquiro yequina surarare. Sa yero surara pũhtoro “¿Dũhse ijiro boro Pablo mehna usua ñano sañuducuye nijari masa?” ni sinitu duamahye. Pablõre tire sinituro taro, yuta dari mehna tana dutimahye tiquirore. <sup>25</sup> Sa tana dutiepegũta tiquirore tiquina dũhteri bato, tiquiro cahapũ ijiriquirore surarare yahuahye Pablo:

—Yuhũ Roma cjũ ijiaja. Sa yena “Ñano yeriquiro ijire ahriquiro”, yuhũre ni masiedare mũsa. Sa yena yuta dari mehna

yuhũre tana masiedare mũsa, niahye Pablo tiquirore.

<sup>26</sup> Tiquiro sa nigũ tãhoro surara tiquiro pũhtoro yahuro wahahye:

—Ahriquiro Roma cjũno ijire. Sa yegũ quehnoano yeya tiquirore, ni yahuahye tiquiro pũhtoro.

<sup>27</sup> Tiquiro sa nidi bato surara pũhtoro pehe Pablõre sinituro wahahye:

—¿Potota mũhũ Roma cjũ ijiajari? Yahuya yuhũre tire, niahye tiquiro.

—To cjũta ijiaja yuhũ, ni yũhtiahye Pablo.

<sup>28</sup> Tiquiro sa nigũ tãhoro pũhtoro pehe tiquirore yahuahye:

—Yuhũ Roma cjũ iji duagu niñeru pajiro wapa yei, niahye tiquiro.

—Yuhũ Roma cjã macapũ masa bajuũ. Sa yegũ Roma cjũ ijiaja yuhũ pehe, niahye Pablo.

<sup>29</sup> Tiquiro sa nigũ tãhoye tiquirore tana-boriquina wahaa wahahye. Sa yero Pablo Roma cjũno tiquiro ijigũ masino, tiquirore come dari mehna tiquina dũhterire wacũno, cue niahye pũhtoro pehe.

*Pablo judio masa pũhtoro yahuahye*

<sup>30</sup> Sa yero surara pũhtoro judio masa Pablõre tiquina yahusãrire quehnoano masi duahye. Sa masi duaro ape decopũ come darire tiquirore pã dutiri bato, pahia pũhtoare, judio masa bũcũna mehna cahmecoa dutiahye surara pũhtoro. Tiquiro sa cahmecoa dutiri bato tiquiro topũ Pablõre ne cã, tiquina ihñono duhu docoahye tiquirore.

## 23

<sup>1</sup> Sa yero Pablo judio masa bũcũnare ihña piti ca ducu, yahuahye:

—Yuhũ acaye, Cohãcjũ tiquiro ihñonopũ ijipihtiye decori quehnoano yeducuaja yuhũ, niahye Pablo.

<sup>2</sup> Tiquiro sa nigũ tãhoro ijipihtiyequina pahia bui ijiriquiro Anania pehe Pablo dũserore quẽ dutiahye. <sup>3</sup> Tiquiro cahapũ ducuyequinare quẽ dutiahye. Tiquirore tiquina quẽdi bato Pablo Ananiare tuhtiahye:

—Masa ihñono dihita quehnoano iji mehõgũ ijire mũhũ. “Cohãcjũ dutiyere yuhũdũcagũ nine”, yuhũre niepegũta

yuhure quē dutire mahu. Sa quē dutigu mahu pehe dutiyere yuhuducagū niaga, niahye Pablo tiquirore.

<sup>4</sup> Tiquiro sa nigū tuhoye Pablo cahapū ducuyequina ohō saha niahye tiquirore:

—Cohācjū tiquiro beseriquiro pahia pūhtorore ñano yahuducueracāhña mahu, niahye tiquina Pablore.

<sup>5</sup> Tiquina sa nigū tuhoro Pablo ni nemoahye tja:

—Yuhu acaye, tiquiro pahia pūhtoro ijiyere masiedu yahu. Sa yegu sa ni maca cāhti yahu. Cohācjū yere tiquina ojoari ohō saha ni yahure tiquirore: “Mahu ya maca cjēna pūhtorore ñano ni, yahuducueracāhña”, ni ojoahye, niahye Pablo tiquinare “Boya”, nino.

<sup>6</sup> Sa ye topū pua curua cjēna ijiahye. Ihcā curua saduceo masa ijiahye. Ape curua pehe fariseo masa ijiahye. Pua curua tiquina ijigū masino, Pablo judio masa bucunare tutuaro sañuducu yahuahye:

—Yuhu acaye, yuhu fariseo masu ijiaja. Fariseo masuno macuta ijiaja yuhu gūhu. “Yariariquina masa mūjaeta”, yuhu sa nidi buhiri yuhure ñano ye duare masa, niahye Pablo.

<sup>7</sup> Tiquiro sa nigū tuhoye fariseo masa, saduceo masa tiquina basi cahme tuhtiahye. Sa ye tiquina basi pua curua tu wahye.

<sup>8</sup> Saduceo masa ohō saha niñequina ijiahye: “Yariariquina masa mūjasi. Espiritua, angele gūhu ne mariedare”, niñequina ijiahye. Sa ye fariseo masa pehe tiquina yero saha niedahye. Sa ye Pablo “Yariariquina masa mūjaeta”, tiquiro nigū tiquina basi cahme tuhtiahye. <sup>9</sup> Sa cahme tuhtiyē, tutuaro sañuducuahye. Sa ye fariseo masa mehna cjēna judio masa buheyequina wahcādūca, tuhti, yahuahye:

—Ahriquiro Pablo ñano yerari. Sa yero espíritu o angel, poto tiquiro mehna yahuducuriquiro ijiboaga, niahye tiquina.

<sup>10</sup> Tiquina sa nidi bato tiquina ijipihiyequina cahme tuhti, tutuaro usuahye. Pablore tiquina wejē duagū ihñano cuesāhye surara pūhtoro pehe. Sa yero Pablore tiquiro ya wuhapū ne cā dutiro, tiquiro masa watoapū surarare ohoahye.

<sup>11</sup> Ape ñami Jesu mari pūhtoro Pablo cahapū ducuro, yahuahye tiquirore:

—Cueracāhña. Yojopure ohōre Jerusalēpū yee buheyere yahuri mahu. Sa yegu Romapū gūhure ohō sahata yei wahaya, niahye mari pūhtoro Jesu Pablore.

### *Judio masa Pablore wejē duamahye*

<sup>12-13</sup> Ape decopū ñami cjūno ijigū judio masa cahmecoahye.

—Ohō saha yeihna. Pablore wejēihna. Tiquirore mari wejēato pano sih-niedacāhna. Ihyeracāhna. Tiquirore wejēdana ujua mehna yariuhna. Sa yero Cohācjū mari pehere wejēahdo, niahye tiquina.

Tiquina cuarenta bui cjūno judio masa ijiahye. <sup>14</sup> Tiquina sa nidi bato tiquina pahia pūhtoare, bucuna gūhure yahuye wahahye:

—Pablore usā wejēato pano ihyayere usā ihyeraja. <sup>15</sup> Sa yena masa, bucuna mehna ohō saha ni pijioya. “Pablore pari turi sinitu duaja”, niña surara pūhtorore. Masa sa nidi bato surara pūhtorore ne cāhta dutiya Pablore. Sa yena Pablo ohō cahagā tiquiro wihigū waro tiquirore wejēnatja usā, niahye tiquina pahia pūhtoare.

<sup>16</sup> Sa ye Pablo pacjūno tiquina sa ni yahuducugū tūhoahye. Tiquina sa nigū tuhoro waha, surara ya wuhapū Pablore yahuro sajāhye. <sup>17</sup> Tiquiro sa yahuri bato Pablo pehe ihcāquiro surarare pijio yahuahye tiquirore:

—Ahriquiro wahmunore pūhtoro cahapū neahña. Ahriquiro mahu pūhtorore yahu duaro nine, niahye Pablo.

<sup>18</sup> Tiquiro sa nigū tuhoro surara pehe Pablo pacjūnore tiquiro pūhtoro cahapū ne sa, yahuahye:

—Peresupū ijiriquiro Pablo pehe yuhure pijio, ahriquiro wahmunore mahu cahapū ne cā dutiri. Ahriquiro mahure yahuro taro niñohti, niahye surara tiquiro pūhtorore.

<sup>19</sup> Tiquiro sa nigū tuhoro pūhtoro pehe wahmuno omocare ñehe tūā cā, masa marienopū tiquirore sinituahye:

—¿Duhse nigū tūū niari mahu yuhure? niahye tiquiro Pablo pacjūnore.



<sup>20</sup> Tiquiro sa sinitugã tãhoro ohõ saha ni yahuahye:

—Judio masa ihcãno mehna “Ohõ saha yeihna”, ni, ñamiapũ judio masa bucũna cahapũ mũhũre Pablore nea dutieta. “Bucũna Pablore pari turi sinitu duare”, ni mehoeta. <sup>21</sup> Sa niepegũta cuarenta bui cjũno masa tiquirore wejẽ duayequina duhti, cohte duare. Tiquina tiquirore wejẽato pano ihyayere ihyasi. Sa ye sihnisi. “Tiquirore mari wejẽdagũ Cohãcjũ marine wejẽahdo”, nidi tiquina basi. Sa ye yojopũre mũhũre Pablore ne cãhta dutiye tiquina pehe duhti, cohte tuhasari, Pablore wejẽne tehe. Sa yegũ tiquina yahuye wihigũ tiquinare yũhtieracãhña mũhũ, ni yahuahye wahmũno surara pũhtoro.

<sup>22</sup> Tiquiro sa nigũ tãhoro surara pũhtoro ohõ saha niahye:

—Yũhũre mũhũ yahurire apequinare yahueracãhña, ni yahuahye wahmũnore.

Sa ni tuhasa wahmũnore “Waharĩsa”, ni ahye tiquiro.

*Pablore pũhtoro Feli wame tiquiro cahapũ ohoahye*

<sup>23</sup> Sa yero surara pũhtoro pũaro tiquiro yequina cien surara pũhtoare piji cã, tiquinare dutiahye:

—Dos cientos surarare, setenta caballoa bui pesayequinare, dos cientos doqu-eye cjũ cũoyequina mehna Cesareapũ wahatiquinare tiquina yere quehno dutina wahaya. Sa yena mũsa mia ñami nueve ijigũ mũsa wahatore cohteya. <sup>24</sup> Sa yena Pablore caballoare tiquiro pesatiquinare quehno basaya. Pũhtoro Feli cahapũ, Cesareapũ, quehnoano soya tiquirore, ni ahye surara pũhtoro.

<sup>25</sup> Sa ni tuhasa papera ojoahye. Ohõ saha ni ojoahye tiquiro: <sup>26</sup> “Yũhũ Claudio Lisia mũhũre tutuagũ pũhto Felire quehnoa dutiaja. <sup>27</sup> Judio masa ahriquiri Pablore ñehe, wejẽmedi. Sa yegũ Roma cjũno tiquiro ijigũ masigũ, yequina surara mehna tiquirore yedohou esahũ. <sup>28</sup> Sa yegũ tiquirore tiquina yahusãrĩre masi duagũ judio masa bucũna cahapũ ne saũ tiquirore. <sup>29</sup> Sa yegũ tiquiro judio masa ye dutiye dihitare tiquiro yũhdũdũcagũ mari ye dutiyere tiquiro yũhdũdũcaeragũ

ihñagũ, tiquirore peresupũ cũ duerũ. Yabe buhiri variaro mariedare tiquirore.

<sup>30</sup> Sa yero judio masa tiquirore wejẽ dua, tiquina bucũ quehegũ ihñano apequiri yahuri yũhũre. Tiquiro sa yahuri bato Pablore yojopũre mũhũ cahapũ ohogũ niaja. Sa yegũ tiquirore yahusãriquinare tiquiro ñaũe yerire mũhũre yahu duti tuhasa yũhũ”, ni, ojoahye surara pũhtoro.

<sup>31</sup> Sa ye surara tiquina pũhtoro tiquiro dutiro sahata yeahye. Ti ñamine Antipatri wame tiri macapũ Pablore ne sahye. <sup>32</sup> Ape decopũ apequina surara caballoa bui pesaeriquina ti macapũ tojoa tahye tiquina ya macapũ. Apequina surara caballoa bui pesayequina dihita tiquirore ne yũhdũ cãhye. <sup>33</sup> Tee Cesareapũ ne sahye Pablore. Sa ye surara pũhtoro tiquiro ohori pũre pũhtoro Felire wiahye. Sa ye Pablore ne sahye pũhtoro cahapũ. <sup>34</sup> Tiquina sa wiari bato pũhtoro ti pũre tiquiro ihñari bato apequinare sinituahye:

—¿Di yehpa cjũno ijiajari ahriquiri Pablo? ni sinituahye tiquiro.

—Cilicia yehpa cjũno ijire, ni yahuahye tiquirore.

<sup>35</sup> Tiquinare sinitu tuhasa, Feli Pablore yahuahye:

—Mũhũre yahusãriquina ohõre tiquina wihigũ mũhũ yahugũ tãhoutja, niahye Feli Pablore.

Tiquiro sa nidi bato Herode ya wũhũpũ tiquirore cũahye. Sa yero tiquiro yequina surarare Pablore cohte dutiahye pũhtoro.

## 24

*Pablo “Ñano yerũ yũhũ”, ni yahuahye Felire*

<sup>1</sup> Ihcã omope decori bato, Anania pahia pũhtoro, apequina judio masa bucũna, dutiyere mihnidiquiro Tertulo wame tiquiro mehna Cesareapũ esahye. Sa ye tiquina Pablore yahusã duaye pũhtoro Feli cahapũ esahye. <sup>2</sup> Sa yero Pablore topũre tiquina ne sari bato Tertulo tiquirore yahusã dũcahye. Sa yahusã dũcaro ohõ saha ni yahusãhye Felire:

—Mũhũ quehnoano masigũ, usã pũhto mũhũ quehnoano dutigũ usã ahri yehpa cjãna quehnoano iji cjã usã cahmequeno

marieno. M̄h̄h̄ dutiye mehna quehnoañe pehere comesaro nine ahri yehpa. <sup>3</sup> Sa yena us̄a quehnoano iji c̄ana bucueaja. Sa yena m̄h̄h̄ mehna quehnoano bucueaja. <sup>4</sup> Yojoḡḡare mehenoḡa m̄h̄h̄are cariboutja ȳh̄h̄. Mehenoḡa m̄h̄h̄ mehna yahuducu duaja. Us̄are t̄hodoqueorĩña m̄h̄h̄. <sup>5</sup> Ahriquiuro us̄are caribo ȳh̄d̄h̄are. Ijipihtiye yehpari c̄j̄enare judio masare tiquina usua sañuducuḡa yere ahriquiuro. Sa yero masa tiquina basi cahme tuhtiḡa yere ahriquiuro. “P̄h̄toare coh̄h̄h̄na”, niñequina mehna c̄j̄eno ijire ahriquiuro. Sa yero nazareno wame tiri curua p̄h̄toaro ijire. <sup>6</sup> Sa yero Coh̄c̄j̄ũ w̄h̄h̄are ñano tiquiuro ye duaḡũ ih̄ñana us̄a ñeh̄ei ahriquiore. [Us̄a ñeh̄edi bato us̄a ye dutiyere tiquiuro ȳh̄d̄h̄d̄h̄cariquiuro ijiḡũ tiquiore buhiri dahre duami us̄a. <sup>7</sup> Us̄a sa ye duepeḡata surara p̄h̄toaro Lisia wame tiriquiuro tiquiore us̄are tutuaro mehna ehma c̄ari. <sup>8</sup> Came tiquiore yahus̄ariquinare m̄h̄h̄ cahap̄a waha dutiri Lisia. Tiquiuro sa niḡũ t̄hona ahtaḡḡ us̄a.] M̄h̄h̄ p̄ũrita ahriquiore sinituḡa, ijipihtiyere tiquiuro ye buhirire masiḡata m̄h̄h̄, niahye Tertulo Felire.

<sup>9</sup> Tiquiuro sa nidi bato apequina judio masa “Tertulo tiquiuro nidiro sahata pota ijire”, niahye tiquina ḡũh̄. <sup>10</sup> Tiquina sa ni yahus̄ari bato p̄h̄toaro Feli Pablore yahu dutiahye. Oh̄o saha ni yahuahye Pablo:

—Peye c̄h̄mari ahri yehpa c̄j̄enare m̄h̄h̄ dutirire masiaja ȳh̄h̄. Sa yeḡa ȳh̄h̄ yerire m̄h̄h̄are yahuḡa bucueaja. <sup>11</sup> Doce decorita wahare Jerusal̄ẽḡḡ Coh̄c̄j̄ũre ȳh̄h̄ ño peori bato. M̄h̄h̄ ahri pota ijiḡũ masi duaḡa apequinare sinituya. <sup>12</sup> Judio masa ȳh̄h̄are Coh̄c̄j̄ũ w̄h̄h̄ḡḡare boca tiquina ñeh̄eḡũ masare ni sañuducuḡa nied̄a. Sa yeḡa “M̄sa p̄h̄toare coh̄h̄ña”, niḡa nied̄a. Sa yeḡa judio masa buheye w̄h̄h̄sere, tiquina ya maca ḡũh̄are ne ñano yera tii. <sup>13</sup> Sa ye ȳh̄h̄are yahus̄ariquina pehe tiquina yahus̄arire “Oh̄o saha yeri ahriquiuro”, ni, yahu masiedare m̄h̄h̄are. <sup>14</sup> Yojoḡḡ ȳh̄h̄ yerire yahut̄ja m̄h̄h̄are. Duita us̄a ñec̄s̄um̄a tiquina ño peoriquiore mari Pac̄are ño peoaja ȳh̄h̄ ḡũh̄. Sa yeḡa tiquiuro yere yeaja Jesu ye quehnoañe buheye nidiro sahata. “Jesu ye ni mehoñe

ijire”, ni yahuducure ahriquina judio masa. Tiquina sa niepeḡata Coh̄c̄j̄ũ dutiye, Moiseḡḡare tiquiuro c̄ũrire ti ḡũh̄are ño peoaja ȳh̄h̄. Sa yeḡa Coh̄c̄j̄ũ yere yahu m̄h̄tariquina tiquina ojoari ḡũh̄are ño peoaja ȳh̄h̄. <sup>15</sup> Ahriquina apequina judio masa tiquina t̄hoturo sahata Coh̄c̄j̄ũ ijipihtiyequina masare yariariquinare quehnoañequina, ñañequina mehna tiquina masa m̄h̄jaḡũ yerota. Ȳh̄h̄ ḡũh̄ sata ni t̄hotuaja. <sup>16</sup> Sa yeḡa buhiri mariedaja ȳh̄h̄. Coh̄c̄j̄ũ tire masine. Sa ye masa ḡũh̄ tire masine. Sa ye potota yahuaaja ȳh̄h̄ m̄h̄h̄are. Sa yeḡa quehnoano t̄hotuaja.

<sup>17-18</sup> ‘Peye c̄h̄marine ape sieḡḡ tinidigu ijiḡa Jerusal̄ẽne tojoa wihi, ȳh̄h̄ acayere judio masa pejec̄oḡḡeyequinare niñerure ohoḡa t̄h̄a nii ȳh̄h̄. Tojoa wihi Coh̄c̄j̄ũre ño peoḡa t̄h̄a, tiquiuro ya w̄h̄h̄ḡḡ saj̄ami. Sa yeḡa Coh̄c̄j̄ũ tiquiuro cose dutiriro sahata ȳh̄h̄ basi ȳh̄h̄ ñañene coseri bato wahiquiore oho duami tiquiore ño peoḡa t̄h̄a. Top̄a ȳh̄h̄ ijiḡũ ahriquina judio masa ȳh̄h̄are bocari. Tiquina bocaḡũ apequina ȳh̄h̄ mehna mariedari. Usua, sañuducuyequina mariedari. <sup>19</sup> Sa ye apequina judio masa Asia yehpa c̄j̄ena top̄a ijiri. Tiquina ȳh̄h̄ ñano yeḡũ ih̄ñariquina ijiye, yahus̄añe ahtaahro. <sup>20</sup> Ahriquina oh̄õḡḡare ijiyequina pehe judio masa b̄ac̄na mehna ȳh̄h̄ ijiḡũ ih̄ñariquina ȳh̄h̄ ñano yerire masiñe, tiquina ḡũh̄ yahus̄aahdo. <sup>21</sup> Ih̄c̄anoḡa p̄ũritare ȳh̄h̄are tiquina yahus̄a masine: Ti p̄je tiquina mehna ijiḡa oh̄o saha ni tutuaro sañuducuu ȳh̄h̄. “Yariariquina masa m̄h̄jaeta’, ȳh̄h̄ nidi buhiri, buhiri dahrere m̄sa”, nii tiquinare, ni yahuahye Pablo Felire.

<sup>22</sup> Tiquiuro sa ni yahuri bato Feli oh̄o saha ni yahuahye Pablore:

—Yojoḡḡ to puno tjire. Surara p̄h̄toaro Lisia tiquiuro wihiri bato m̄h̄h̄are ȳh̄h̄ yeatore masiitja ȳh̄h̄, niahye Feli Pablore.

Feli pehe Jesu yequina tiquina yerire quehnoano masi pehoriquiuro ijiahye.

<sup>23</sup> Sa ni tuhasa, Pablore cohteriquiuro surarare Feli quehnoano ih̄ña n̄h̄n̄ dutiahye “Peresup̄a ijiriquiuro duhtiarì”, nino. Sa ijieperota mehenoḡa ohori tiquiuro tinitatore. Pablo mehna c̄j̄enare tiquiore pere-

supu ijiriquirote yedoho dutiro sa dutiahye Feli.

<sup>24</sup> Meheñe decorigã bato Feli, tiquiro namono Drusila wame tiricoro mehna ahta, Pablore pijiahye. Feli namono pehe judio masono ijiahye. Pablore tiquina pijiri bato, Jesucristore tiquiro wacũ tutuayere Pablo pehe yahuahye tiquinare.

<sup>25</sup> Sa yahuro quehnoañene, quehnoano wacũ masiñene, ñañene cahmedare, pihitiri deco ijigã Cohãcjã masare tiquiro buhiri dahreatore yahuahye Pablo. Tiquiro sa ni yahugã tãhoro Feli cuero, Pablore yahuahye:

—Yojopare wahañisa. Came yũhure dahraye mariedagã mãhure pijitja tja, niahye Pablore.

<sup>26</sup> Sa nino Pablo tiquiro niñeru ohogũ cahmemahye Feli. Sa yero tiquiro niñerure cahmeno, peye tahari Pablore piji, tiquiro mehna yahuducue timahye Feli. Niñerure tiquiro wapa yegã Pablore wioboaga, ape taha yero. <sup>27</sup> Pua cãhma bato Porcio Festo wame tiriquiro Feli comesariquiro ijiahye. Sa ijiepegãta Feli pehe pãhtoro ijiro, judio masare bucuegã ye duahye. Sa yero tiquiro Pablore peresupã iji dutiniahye.

## 25

### *Pablo Festore tiquiro yerire yahuahye*

<sup>1</sup> Sa ye Festo ti yehpapã ihtia deco tiquiro ijiri bato, Cesareapã ijiriquiro waha, Jerusalẽpã esahye. <sup>2</sup> Topã tiquiro ijigã pahia pãhtoa, judio masa pãhtoa mehna Pablore tiquina yahusãrire yahuahye Festore. <sup>3</sup> Pablo mahapã wahagã tiquirore bũca quehe, wejẽ duaye nimahye tiquina. Sa ye tiquina Festore tutuaro sinimahye:

—Pablore Jerusalẽpã ohoya, ni, sinimahye tiquina Festore.

<sup>4</sup> Tiquina sa nigã tãhoro, Festo yahuahye tiquinare:

—Yojopare Pablo Cesareapã peresu ijire. Yojopare yãhũ topã wahaũ tũta niaja.

<sup>5</sup> Pablo tiquiro ñano yeriquiro ijigã, mãsa pãhtoa Cesareapã yũhũ mehna waha, tiquirore yahusãahdo, niahye Festo.

<sup>6</sup> Sa yero Festo ocho o diez decori tiquina mehna tiquiro ijiri bato Cesareapã tojoaa wahahye. Ape decorã tiquiro buhiri dahre

dutiri wãhũpã dujiro, Pablore ne cãhta dutiahye.

<sup>7</sup> Sa ye Pablo Festo cahapã tiquiro wi-higã, judio masa Jerusalẽpã ahtariquina pehe Pablo cahapã ducu, tiquirore tutuaro mehna yahusã dũcahye. Sa yahusãepeta “Ahriquiro tiquiro ñano yegã ihñã”, ni, masiedahye. <sup>8</sup> Tiquina sa ni yahusãri bato Pablo tiquiro yerire yahuahye:

—Judio masa tiquina dutiyere, Cohãcjã wãhũ cjẽ dutiyere, Roma cjãno pãhtoro tiquiro dutiyere yũhdũdũcaerã, niahye Pablo.

<sup>9</sup> Festo pehe judio masare bucuegã ye duaro, Pablore sinituahye:

—¿Jerusalẽpã waha duajari mãhũ? Mãhũ yerire yũhure topã yahuta mãhũ, niahye Festo Pablore.

<sup>10</sup> Tiquiro sa nigã tãhoro Pablo yahuahye:

—Ijipihtiyequina pãhtoro tiquiro ya wãhũpã buhiri dahre dutiri wãhũpã ijiaja yojopare. Ahri wãhũ boropã yũhũ yerire tãhoya. Judio masare yũhũ ñano yerarire quehnoano masine mãhũ. <sup>11</sup> Dutiyere yũhdũdũcarigã ijigã “Yũhure wejẽdacãhã”, niedaboaya yũhũ. Sa yegã ahriquina yahusãri pehe ni mehoñe ijigã yũhure yahusãriquinare yũhure oho masiedare mãhũ. Yũhũ yerire ijipihtiyequina pãhtorore Césare yahu duaja, niahye Pablo.

<sup>12</sup> Tiquiro sa nigã tãhoro Festo pehe quehnoano masi yahuyequinare sinitu tuhasa, yahuahye Pablore:

—Mãhũ ijipihtiyequina pãhtorore mãhũ yerire mãhũ yahu duagã tiquiro cahapã ohonatja mãhure, niahye Festo Pablore.

### *Festo pãhtoro Agripare Pablo tiquiro ijiye tiyere yahuahye*

<sup>13</sup> Camepã pãhtoro Agripa, Berenice wame tiricoro mehna Cesareapã Festore ihñãñe esahye.

—¿Ne, ijiajari mãhũ? niahye tiquina Festore piti caye.

<sup>14</sup> Topã peye decori tiquina ijiri bato Festo yahuahye Agripare Pablo tiquiro ijiye tiyere:

—Ohõre Feli tiquiro peresu yeriquiro ijire. <sup>15</sup> Sa ye Jerusalẽpã yũhũ wahagã judio masa tiquina pahia pãhtoa, tiquina

bucuna mehna ahriquiore yahusāri. “Tiquiro ye buhirire wejēña tiquirore”, ni, sinidi tiquina yahure. <sup>16</sup> Tiquina sa ni sinigū tūhogū yūhū tiquinare ohō saha ni yahuu. “Roma cjēna pehe peresu tiquina yeriquinare masare ohoerare. Sa yegū tiquirore ohoeraja masare. Usā ñehediquirore tiquirore yahusāriquinare tiquiro ihñato pano tiquirore buhiri dahre masiedaja usā. Tiquiro basi tiquiro yerire tiquiro yahueragū tiquirore buhiri dahre masiedaja usā”, nii tiquinare. <sup>17</sup> Sa yegū ohōre tiquina wihigū ihñagū yoari pje yerū yūhū. Sa yegū ape decopū buhiri dahre dutiri wūhūpū dujigū, tiquina yahusāriquiore pijii. <sup>18</sup> Sa ye ti wūhūpū tiquiro wihigū ihñañe tiquirore ihña tuhtiyequina wahcādūcari. Tiquina sa wahcādūcagū ihñagū “Ña yūhdūaro ni yahusāeta”, ni, tūhotumi yūhū tiquinare. Tiquirore yahusā duepeta yahusā masiedari tiquina. <sup>19</sup> Sa ye ahriquiore Cohācjū yere tiquiro yahuri buhiri judio masa tiquirore tuhtiri. Jesu wame tiri tiquiro tiquiro yaria masa mājare tiquiro yahuri buhiri yahusāri ahriquiore. Ahri dihitare yahusāri. <sup>20</sup> Tire masiedagū tiquirore quehnoano sinituu. “¿Jerusalēpū waha duajari mūhū yūhū mehna? Topū yahuya mūhū yerire yūhūre”, nimi tiquirore. <sup>21</sup> Yūhū sa niepegūta tiquiro waha duerari. “Yūhū yerire ijipihtiyequina pūhtorore yahu duaja”, nidi tiquiro yahure. Tiquiro sa nidi bato ohōpata tiquirore cohte dutii, ijipihtiyequina pūhtoro cahapū tiquirore yūhū ohoato pano, niahye Festo Agripare.

<sup>22</sup> –Yūhū basi tūho duaja tiquirore, niahye Agripa Festore.

–Ñamiapū tiquirore tūhoya mūhū, ni yahuahye Festo.

<sup>23</sup> Ape decopū Agripa, Berenice mehna tiquina buhiri dahre dutiri wūhūpū esa, “Pūhtoa ijiaja usā”, niñe cua pesaro ye ihñoahye tiquina, surara pūhtoa, ti maca cjēna pūhtoa mehna. Sata ye sajāhye ti wūhūpū. Tiquina sajā sari bato Pablōre pijiahye Festo. <sup>24</sup> Sa yero Festo ohō saha ni yahuahye:

–Pūhtō Agripa, masa ijipihtina ahri wūhūre cahmecoana, tūhoya. Ohōre

ahriquiore peyequina judio masa tiquina yahusāriquiore ijire. Jerusalēpū, Cesareapū gūhūre tiquina tiquirore yahusāri. “Tiquirore wejēña”, sa niducuye nine tiquina. <sup>25</sup> Tiquina sa niepegūta ohō saha tūhotuaja yūhū. Ahriquiore ne ñano yeriquiro ijierare. ¿Yabe buhiri wejēboagari mari tiquirore? Sa yegū ijipihtiyequina pūhtorore César Augustore ahriquiore yerire tiquiro yahu duagū ijipihtiyequina pūhtoro cahapū ohogūtja tiquirore. <sup>26-27</sup> Sa yegū ahriquiore yerire tūho, quehnoano masiedarīaja yūhū. Sa masiedagū mari pūhtorore yahu ojoa masiedaja. Sa yegū masare tiquiro yahugū tūho dutigū niaja yojopare. Pūhtō Agripa, yojopū pūritare ahriquiore ijire mūhū sinituatiquiro. Mūhū sinitu tuhasa, mari masidi bato ahriquiore tiquina yahusārire quehnoano yahu ojoaūtja. Ahriquiore ñano yerire yūhū masiedapegūta mari pūhtoro cahapū tiquirore yūhū ohogū quehnoaedare. Sa yegū yojopare tiquina yahusārire quehnoano masi duagū niaja, niahye Festo tiquinare.

## 26

### *Pablo Agripare tiquiro yerire yahuahye*

<sup>1</sup> Tiquiro sa nidi bato Agripa Pablōre yahuahye:

–Mūhū basita yahuya, niahye tiquiro Pablōre.

Tiquiro sa nidi bato Pablo pehe, “Dihta mariañña”, nino tiquiro omocarine siō mūhū, tiquiro yerire yahuahye:

<sup>2</sup> –Pūhtō Agripa, yūhūre judio masa tiquina yahusārire, yūhū yerire mūhūre yahugū, yojopare quehnoano jeripohna tiaja. <sup>3</sup> Mūhū judio masa usā yee tiyere, usā buheye gūhūre mūhū quehnoano masigū pūritare bucueaja yūhū. Sa yegū mūhū yūhūre quehnoano tūhoya, ni dūcahye Pablo.

### *Pablo Jesu yaquiore tiquiro ijiato pano tiquiro ijie tirire yahuahye*

<sup>4</sup> Sa ni tuhasaro ohō saha ni nemoahye tiquiro:

–Wahmū yūhū ijie tirire ijipihtiyequina judio masa masine. Ijipihtiyē decori yūhū masa bajuari bato yūhū ya dihtapare,

Jerusalēpū gūhare yūhū ijirire masine tiquina. <sup>5</sup> Coā waropūre fariseo masū ijimi. Sa yegū fariseo masa tiquina dutiyere, tiquina yeye borore ye pehogū yūhū ijigū tiquina masine. Tiquina mūhare yahu duaye, tire yahu masine tiquina. <sup>6</sup> Ahri buhirita yūhare yahusā mūjare. Ūsā ñecūsmūa iji turiayequinare “Yari-ariquinare masoutja”, Cohācjū tiquiro ni cūrire “Poto tjire”, yūhū nidi buhiri ahriquina yūhare yahusā mūjare. <sup>7</sup> Yūhū acaye judio masa ijipihtiyequina doce cururi cjēna Cohācjū masare tiquiro masoatire bucue, cohteducure. Sa ye Cohācjūre ño peoducure. Sa cohteducuyequina ijiye ūsā yero saha yere tiquina. Pūhto Agripa, sa ihcāno saha yena ūsā ijiepegūta tiquina pehe tiquiro masoatire yūhū cohteri buhiri yūhare yahusā mūjare judio masa. <sup>8</sup> ĶMūsa judio masa pehe dūhse yena Cohācjū tiquiro masorire tiquina yahugū tūho duerajari mūsa, judio masa? ni yahuahye Pablo.

*Pablo Jesu yequinare tiquiro ñano yee tirire yahuahye Agripare*

<sup>9</sup> Sa ni tuhasa ohō saha ni yahu nemoahye:

—Jesure Nazare cjānore ihñedarīgū, ñañe dihitare ye duami tiquiro yequinare. <sup>10</sup> Sa yegū Jerusalēpū sa yee timi yūhū. Pahia pūhtoa yūhare tiquina dutiri bato peyequina Jesu yequinare peresu yee tii. Sa yegū pūhtoa tiquinare wejē dutigū, wejē dutii yūhū gūhū. <sup>11</sup> Peye tahari ijipihtiyē judio masa buheye wūhūsepū Jesu yequinare ñano ye dutie tirū. Sa yegū Jesu yequina Jesure tiquina cohāgū ye duagu nimi. Tiquina mehna tutuaro usuau yūhū. Sa yegū apeye macaripū gūhare tiquinare ñano yegū esae tii yūhū, ni yahuahye Pablo.

*Pablo Jesu yaquiro tiquiro waharire yahuahye*

*(Hch 9.1-19; 22.6-16)*

<sup>12</sup> Sa ni tuhasa ohō saha ni yahu nemoahye:

—Damascopū Jesu yequinare ñano ye duagu esamī. Tiquinare ñano yūhū ye duagū ihñañe pahia pūhtoa yūhare waha dutiri. <sup>13</sup> Ohō saha ijiri pūhto Agripa: Coheri pje ijigū waro maharū

yūhū wahagū ūhmūano cjē asi siteye, asū deco cjūno yūhdūoro, yūhare yūhū mehna wahayequina gūhare asi siteri. <sup>14</sup> Ūsā ijipihtina yehparū bora quehe sa, judio masa ye mehna yūhare tiquiro yahuducugū tūhou. “ĶSaulo, dūhse yegū mūhū yūhare ñano yeajari? Mūhū yūhū mehna usuagu yūhare yūhtieragu, mūhū basi ñano yūhdūre”, nidi yūhare. <sup>15</sup> “ĶPūhto, noa boro ijiajari mūhū?” ni, sinituu yūhū. “Yūhū Jesu, mūhū ñano yenohrigū ijiaja. <sup>16</sup> Wahcādūcaya mūhū. Mūhare yūhū cahacjū ijiajū yegū tagū, yojopū bajuaja yūhū. Miare yūhare mūhū ihñarire, came mūhare yūhū ihñoati gūhare apequinare yahugūta mūhū. <sup>17</sup> Judio masare, judio masa ijieyequina gūhare mūhare buhe dutigū ohogūta. Tiquina caharū mūhū ijigū, mūhare tiquina ihñā tuhtigū mūhare yedohogūta. <sup>18</sup> Yeere tiquinare masigū yeya mūhū. Sa yegū tiquinare ñañene duhugū yeya. Quehnoañe pehere came-sagū yeya tiquinare. Watīnore cahmedagū yeya mūhū. Sa yegū Cohācjū ye pehere yegū yeya mūhū tiquinare. Mūhū sa yegū tiquina yūhare wacū tutuaeta. Tiquina sa wacū tutuagū ihñagu tiquina ñañe yerire boutja. Sa ye tiquina Cohācjū tiquiro beseriquina mehna cjēna ijietā. Tiquiro ohoatire cūoatiquina ijietā tiquina”, nidi Jesu yūhare, ni yahuahye Pablo.

*Pablo tiquiro yerire tiquiro dahrayere yahuahye*

<sup>19</sup> Sa ni tuhasa ohō saha ni yahu nemoahye:

—Pūhto Agripa, ūhmūano cjē yūhū tūhoyere yūhdūcaerū. <sup>20</sup> Damascopū buhe māhtau. Came Jerusalēpū buhei tja. Came Judea yehparū, judio masa ijieyequina caharū gūhare masare tiquina ñañe yerire bujūa witi dutii, Cohācjū yere cahme dutigū. “Quehnoañene mūsa yegū ihñañe ñañene mūsa bujūa wiritire apequina masietā”, nigū, tiquinare quehnoañene ye dutigū buhei. <sup>21</sup> Cohācjū ya wūhūpū yūhū ijigū yūhū sa ni yahuri buhiri judio masa yūhare ñehe, wejē duamedī. <sup>22</sup> Tiquina sa yepēgūta decoripe Cohācjū tiquiro yedohoro mehna sa buheducaja. Sa yegū yojopūre mūsa ijipihtina pūhtoare,

ihyo ijina gāhure tiquiro yere yahugū niaja. Panopm cjēna Cohācjū yere yahu māhtariquina, Moise mehna tiquina yahuyuriro sahata yahuaja yūhū gāhū. Ohō saha ni yahuyuahye tiquina. <sup>23</sup>“Cristo Cohācjū ohoriquiro pehe ñano yūhdurota. Sa yero yariaro masa mūja māhtariquiro waharota tiquiro. Sa yero masare tiquiro yūhdūoatire judio masare, judio masa ijieyequina gāhure masigū yerota”, ni yahuyu ojoae tiahye panopm cjēna. Yūhū gāhū tiquina yero sahata yahuaja, ni yahuahye Pablo Agripare.

*Pablo Agripare Jesu yaquiro wahagū ye duamahye*

<sup>24</sup> Tiquiro sa ni yahuri bato Festo tiquirore tutuaro sañuducu yahuducuahye:

—Pablo, mūhū tūho masiegū ijire. Mūhū peye buhegū cohto tia wahare, ni sañuducuahye tiquiro Pablöre.

<sup>25</sup> Tiquiro sa nigū tūhoro Pablo yūhtiahye Festore:

—Pūhto, tūho masiegū ijieraja yūhū. Yūhū yahuye ijirota ijire. Sa yegū yūhū ahrire cua pesaro mehna quehnoano niaja. <sup>26</sup> Pūhtoro Agripa pehe ahri yūhū yahurire quehnoano masine. Sa yegū yūhū tiquirore cuero marieno yahuaja. Ahri yahuyere ijipihtiequina masa masine. Sa yegū ijipihtie ahrire yūhū nidire pūhtoro Agripa tiquiro masigū masiaja yūhū, niahye Pablo Festore.

Sa ni tuhasa ohō saha niahye Agripare:

<sup>27</sup> —Pūhto Agripa, Cohācjū yere yahu māhtariquina tiquina yahue tirire tūhore mūhū. Tiquina yahue tirire mūhū tūhogū masiaja yūhū, niahye Pablo Agripare.

<sup>28</sup> —¿Ahrire yūhūre yahugū mehenogā mūhū yahuye mehna Jesu yaquiro yūhū wahagū ye duagū niajari mūhū? niahye Agripa Pablöre.

Tiquiro sa nigū Pablo yūhtiahye:

<sup>29</sup> —Mehenogā yahuducugū o yoari pje yahuducugū mūsa ijipihtinare “Yūhū ijiro sahata Jesu yequina ijiahro”, ni sini basaja Cohācjūre. Sa siniepegūta yūhū yero saha peresupm mūsa ijigū cahmedaja yūhū, niahye Pablo Agripare.

<sup>30-31</sup> Tiquiro sa nidi bato Agripa, Festo, Berenice ijipihtiequina apequina mehna

wahcādūca, wija, tiquina basi yahuducuahye:

—Ahriquiro buhiri mariedare. Sa yena tiquirore ne peresu ye masiedaja mari. ¿Sa yena mari yabe buhiri tiquirore wejēboagari? ni, yahuducuahye tiquina basi.

<sup>32</sup>—Ahriquiro “Ijipihtiequina pūhtoro César pehere yūhū yerire yahu duaja”, tiquiro niedagū mari wioboaya tiquirore peresupm ijiriquirore, niahye Agripa Festore.

## 27

*Pablo tiquirore tiquina yahusārire Romapm yahuro wahahye*

<sup>1</sup> Pablöre Italiapm yucūsa mehna ohoye tehe, tiquirore apequina mehna tiquina peresu yeriquina mehna Julio wame tiriquiro mehna cūri tiquina. Julio cien surara pūhtoro ijiro, tiquiro ya curua “Augusto yequina surara”, wame tiri.

<sup>2</sup> Sa yena Adramitio wame tiro cjāria yucūsapm sajā ūsā. Tia Asiapm wahatia ijiri. Sajā tuhasa, tia mehna waha. Aristarco Tesalónica wame tiri maca cjāno ūsā mehna wahari. Tesalónica Macedonia yehpapm ijire. <sup>3</sup> Ape decopm ūsā Sidōpm esam. Topm esaro Julio Pablöre quehnoano yeri. Sa yero Pablöre tiquiro mehna cjēna cahapm ihñano waha dutiri. Sa yero Pablo mehna cjēna tiquirore tiquiro cahmeñene tiquina ohogū “Quehnoanota”, nidi Julio. <sup>4</sup> Yucūsa mehna ūsā pehāgū tutuaro wihnono ūsāre ape sierm wēdoque pehōri. Sa yena Chipre wame tiri nūcūo cahmotaropm poto pehepm waha ūsā. <sup>5</sup> Tee Ciliciare yūhdūa, Panfilia gāhūre yūhdūa, Mira wame tiri macapm Licia yehpapm ijiri macapm pehā sam.

<sup>6</sup> Topm esana, Alejandrīapm ahtariare, Italiapm wahatiare yucūsare bocam. Sa yero ūsāre tiapm waha dutiri surara pūhtoro.

<sup>7</sup> Peye decori dero dero waha, “Wape cūo yūhdūare”, ni, waha, Gnido wame tiri maca potopm esam ūsā. Topm esa yūhdūa, wihnono tutuaro wēgū, ūsā waha duariropm ūsāre wē ohōedari. Sa yena ūsā cū pehe pehepm majare pehāa waha. Sa yena Creta wame tiri nūcūo cahmotari pahrē pehe ūsā pehāa waha, Salmón wame tiri

ñoare yuhduwa wahau usã. <sup>8</sup> Topu yuhdu, ti nuchuo dughtu cahapu waha, “Wape cno yuhduare”, ni, waha, Quehnoari petamaha wame tiropu wahã sau. Petamaha Lasea wame tiri maca cahapu ijiri.

<sup>9</sup> Topu yoari pje usã ijiri bato, usã wahato pehe cua yuhduari. Sa yero tiquina sijiri deco bose deco yuhduari bato, Pablo tiquinare yahuri:

<sup>10</sup> –Tuhoya musa. Sijiri deco bose deco bato mari wahagũ marine minino cua yuhduare. Ahria yucusa, yucusa cjẽ, musa doeri cjẽ gũhu mari mehna cjẽna gũhu mari butiboaga mari wahana, nidi Pablo.

<sup>11</sup> Tiquiro sa niepegũta surara puhtoro yucusa upurore tuhoro, ohoturiquiro gũhure tuhoro, Pablo yahuye pehere tuho duerari waha duaro. <sup>12</sup> Tiquina pahsari petamaha quehnoari petamaha pohecu ijigũ tiquina pahsari petamaha ijierari. Sa ijiri petamaha ijigũ yucusa cjẽna peyequina waha dua, Fenicepu yojoa duamedì. Fenice Creta wame tiri nuchuo cjã petamaha ijiro, wihnono ahtaro pehe, asũ sajãno pehe cũ pehe pehepu, poto pehepu gũhure ihñadoqueo, wihnono ahtagũ quehnoano cahmotari maca ijiri. Sa ijiri petamaha ijigũ masiñe tiquina topu ihcã pohecu iji duamedì.

*Pajiri mapu wihnono, acoro mehna pajiro wẽ cãhtahye*

<sup>13</sup> Sa ye sur pehe derogã wihnono ahta ducari. “Miare quehnoari deco mari waha ti deco ijire”, ni tuhutumahye tiquina. Sa wihnono wẽgũ yucusa mehna waha ducã, Creta nuchuo dughtu cahagã yojoau usã. <sup>14</sup> Sa yojoaepẽgũta came cjũno wihnono noreste wame tiri wihnono tutuaro wẽdi. <sup>15</sup> Sa yero yucusare wihnono tutuaro wahã wihiri. Wihnono ahtaro pehere waha masiedana, majare paha, wihnono wẽnoporu wahau usã. <sup>16</sup> Cauda wame tiri nuchogã cahapu sur pehepu waha, ti nuchogã usãre mehenogã cahmotari. “Marine wape cno yuhduare”, nina tore pajiria yucusa cjãria meheniagã yucusagãre quehnoano weje peo dughtei usã. <sup>17</sup> Tiagãre yucusapu usã weje peo dughteri bato pajiria yucusapu pajiri da mehna tiquina wahme ñehe peori. Sirte wame tiri padurore

“Tia yucusa doque wahã sari”, niñe, cue nidi tiquina. Sa ye wihno ñeheñe suhtire tiquina ne dijiori bato yucusa dihitare wihnono wẽdoqueori. <sup>18</sup> Wihnono, acoro mehna tutuaro ahtari. Ape deco gũhure wihnono mananota ahtagũ ihñañe tiquina doeri cjẽne diapũ duredoque ño tuhasa, pehãa wahau usã. <sup>19</sup> Ape deco yucusa cjẽne diapũ cohãri tiquina basi. <sup>20</sup> Peye decori ñicuñe decori ijigũ, asũ deco cjãno ñahpicoha paca gũhu ne bajuerari. Sa yero tutuaro wihnono wẽdi. Sa yena “Minia wahaja mari. Sa yena yariaa wahanata”, ni tuhotumi usã.

<sup>21</sup> Sa ye tiquina yoari pje tiquina sijiri bato Pablo tiquina poto ducu, yahuri tiquinare:

–To pano musare yuhũ yahugũ tuhoerari musa. “Cretapu ijirina mari wahagũ cuarãaga”, yuhũ nigũ tuhoerari musa. Yuhure tuhona, ahria cjẽ ijipihtiyere boeraboaya musa. <sup>22</sup> Sa niepegũta yojopu musare yahuaja. Cueracãhña. Ijipihtina mari yuhduata. Ahria yucusa dihita marine wahtia waharota. <sup>23</sup> Mia ñamine Cohãcjũ yaquiro angel yuhure bajuari. Cohãcjũ yaquiro ijiaja yuhũ. Sa yegũ tiquirore ño peoaja yuhũ. Angel pehe yuhũ cahapu ahtaro, yahuri. <sup>24</sup> “Pablo, cueracãhña. Ijipihtiyequina puhtoro mũhu yerire mũhure yahuro cahmene. Cohãcjũ quehnoariquiro ijire. Sa yero tiquirore mũhu sinidiro sahata yojopure mũhu mehna cjẽna gũhure yedohorota”, nidi yuhure angel. <sup>25</sup> Sa yena cueracãhña musa. Angel yuhure tiquiro nidiro sahata waharota. Cohãcjũre wacũ tutuaja yuhũ. Sa yegũ tiquiro yahuriro sahata “Ijirota ijire”, ni tuhotuaja yuhũ. <sup>26</sup> Yuhũ sa niepegũta marine nuchopu wihnono wẽdoque ohõnota, ni yahuri Pablo tiquinare.

<sup>27</sup> Ihcã ñami puã semana bato pajiri ma Adria wame tiri mapu wihnono usãre tutuaro wẽdi. Ti pjere ñami decopu yucusa cjẽna umãa pehe “Dughtu cahapu ijiaja mari”, ni tuhoturi tiquina. <sup>28</sup> Sa ni tuhotuye nucharia comea yuta da mehna dughte, duhudoque dijio, queori. Treinta y seis metro waro uhcuãri. Mehenogã waha, queori tja. Ti pjere veintisiete metro waro uhcuãri.

29 Sa ye utã pacare “Doque wahã sari”, niñe yucusa ohoturope pititia pjine dakte pohoye pjine duhudoque dijiori diap. Sa ye “Sojaro mehna bohreahro”, ni, tutuaro sinidi tiquina. 30 Yucusa cjena mma pehe duhtimedi. Tiquina meheniagare yucusa cjariare diap weje boro poho, yucusa ehquẽape dakte pohoye pjine tiquina dijioro sahata yeri tiquina meheniagare “Marine ihñari”, niñe. 31 Tiquina sa yepegãta Pablo surara pãtorore, tiquiro yequina surara mehna yahuri:

—Ahriquina mma meheniagã yucusa mehna tiquina wahagã msa ijipihina varianata, nidi Pablo.

32 Tiquiro sa nigã tãhoye surara pehe meheniagare dakteye darire yãhre sure, tiare cohãri.

33 Bohreato panogã Pablo tiquinare tutuaro ihya dutiri:

—Pua semana waro msa dãhse wahatire masi duana, cohtena, ne ihyerari msa. 34 Sa yena yojopare ihyana taya. Tutuaro msare ihya dutiaja. Msa cati duana ihyaya. Ijipihina msa yãhdanata, nidi Pablo tiquinare.

35 Tiquiro sa nidi bato Pablo pãre ne, ijipihinequina tiquina ihñonope Cohãcjãre “Quehnoare”, ni duhu peo, tire ihya dacari tiquiro. 36 Tiquiro sa ihyagã ihñãñe tiquina cuero marieno waha, ijipihinequina tiquina gãhã ihyari. 37 Usã ijipihina doscientos setenta y seis masa yucsapã ijii usã. 38 Tiquina ijipihinequina yapia waha “Ahria yucusa nãcã niãga”, ni, peye trigo ihyayere diap cohãri.

### *Yucusa padurope doque quehe sahye*

39 Bohreagã yucusa cjena mma nãcãore ihñãñe, “Ohõ saha wame tiri nãcão ijire ahri nãcão”, ni, ihña masiedari. Sa masiedapeta tiquina pari tucãpe padurope ijigã ihñãñe, “Mari ti tucãpe wahana, topare doque pje saboaga padurope”, nidi tiquina. 40 Sa niñe dakte pohoye pjine dakteye darire yãhre sure dijioahye. Ohoturi pjã dakteye dari gãhãre yãhre sure cãri tiquina. Tiquina sa yeri bato yucusa ehquẽa cjã suhtirore wahcõ docori, poto wihnono wẽdoqueogã cahmeñe. 41 Sa yepegãta yucusa ehquẽa pehe ape

padurope quehe sa, nãjã masiedari. Sa yero ohoturore tutuaro pahcõri quẽ ohõgãtia ohoturo wahtia wahari. 42 Tia sa wahagã ihñãñe ohõ saha nidi surara:

—Ahria minigã mari peresu yeriquina dakte cahape ba nãjã duhtietã. Sa yena tiquinare wejẽ pehouhna, nidi surara.

43 Sa niepegãta surara pãtoro pehe Pablora wejẽ dueraro, ijipihinequina peresu ijiyequinare wejẽ duerari. Sa yero ijipihinequina ba masiñequinare surara pãtoro poto dakte cahape ba nãjã dutiri.

44 Sa ye apequina yucusa cjẽ pjini wahti siteri pjini mehna bora ñojoa, ti pjini bui pesa ba nãjãri. Usã sa yena usã ijipihina dakte cahape wahã sa.

## 28

### *Pablo Malta wame tiri nãcãope ijiahye*

1 Sa ye ti nãcãope usã ijipihina majadãca sana, ti nãcão wamene masii. Malta wame tiri nãcão ijiri. 2 Ti nãcão cjena masa usãre quehnoano yeri. Sa yena usã acoro weri bato yãsã yãhdãri usãre. Sa ye to cjena pehe peca wijiã tuhasa, usãre sohã dutiri. 3 Pablo pecare ne cãhta, tu tiãri. Tiquiro tu tiãri bato ti peca puhiapã sañariquiro añã tutuaro asigã wijia taro, Pablo omocape bahque wahã sari yaha wero marieno. 4 Tiquiro bahque wahã sagã ihñãñe ti nãcão cjena tiquina basi ohõ saha ni yahuducuri:

—Ahriquiro masa wejẽdiquiro ijiboaga. Sa yero tutuaricoro buhiri dahrericoro ãhmãse cjõno tiquirore buhiri dahrero, cati dutierare. Tiquiro pajiri mapã minino yãhdã tuhasari jãmedi. Yojopare ticoro pehe tiquirore cati dutierare, nãmedi tiquina basi.

5 Sa niepegãta Pablo añare pecape wejẽ sitedoqueori. Tiquirore añã puriedari. 6 “Ipirota”, niñe, cohtimedi tiquina. Ne ipierari tiquirore. “Tiquiro yariaa waharota”, niñe tiquina cohtimedi. Tiquirore puriedari. Yoari pje bato tiquirore ipieragã ihñãñe, tiquirore puriedagã ihñãñe, sijoro tãhoturi tiquina. “Ahriquiro cohãmana mehna cjãno iji-boaga” nãmedi tiquina.



<sup>7</sup> Tiquina ba wahã sariro cahagãp̄u Publio wame tiriquireo ye weseri ijiri. Tiquiro ti n̄c̄uo cjãno p̄h̄toro ijiri. Sa yena usãre tiquiro quehnoano yegũ ihtia deco waro tiquiro ya w̄h̄p̄u ijini usã. <sup>8</sup> Publio pac̄aro yojoa mehna, ujuaye dohatiriquireo ijiri. Sa yero tiquiro cuñanop̄u cuñari. Sa yero Pablo dohatiriquireo ya tuc̄p̄u sajã, Cohãcjãre sini, tiquiro omocarine tiquiro bui duhu peo, quehnoa wahagũ yeri tiquirore. <sup>9</sup> Tiquiro quehnoa wahagũ ihñãne ijipihtiyequina apequina ti n̄c̄uo cjẽna dohatiyequinare Pablo cahap̄u ne cãhtari. Tiquina sa ne cãhtagũ ihñano Pablo quehnoa wahagũ yeri tiquina gũh̄are. <sup>10</sup> Came tiquina peyequina usãre wapa marieno ohori. Usã wahato panogã ijipihtiye usã cahmeñene, usã wahana ihyatire yuc̄sap̄u dure sãri tiquina.

### *Pablo Romap̄u esahye*

<sup>11</sup> Ihtia asũ ti n̄c̄uop̄u usã ijiri bato yuc̄usa mehna waha usã. Tia yuc̄usa ehquẽap̄u p̄aro cohãmana Cãstor, Pólux wame tiyequina tiquina queoye ducuri. Alejandriap̄u ahtaria ijiri tia. Pohec̄u ijiro puno ti n̄c̄uop̄u tia yuc̄usa pahsari. <sup>12</sup> Waha, Siracusa wame tiri macap̄u esana, ihtia deco waro ti macare ijii usã. <sup>13</sup> Ti macare wijia, waha, Regio wame tiri macap̄u usã esau. Ape decop̄u surp̄u wihnono ahta, usãre wẽdoqueori. P̄na deco bato Puteoli wame tiri macap̄u esau. <sup>14</sup> Top̄u Jesu yequina meheñequinagã usãre piti cari.

—Ihcã semana waro usã mehna tojoaya, nidi tiquina usãre.

Tiquina sa nigũ tãhona ihcã semana waro tiquina mehna tojoarĩ. Came mahap̄u maja, Romap̄u esau usã. <sup>15</sup> To cjẽna Jesu yequina pehe Romap̄u usã esatire tãhoye, Apio wame tirop̄u doeri cjẽne duarop̄u usãre piti cari. Apequina Jesu yequina ihtia w̄h̄u wame tirop̄u usãre piti cari. Tiquina sa piti cagũ ihñano Pablo bucueye mehna Cohãcjãre “Quehnoare”, ni, quehnoano jeri sãa wahari.

<sup>16</sup> Romap̄u usã esari bato peresu tiquina yeriquinare to cjũnore peresu cohteyequina p̄h̄toro yahuri. Sa yahuepegãta Pablo pehere ihcãquirota cũri to cjẽna

p̄h̄toa. Sa yero tiquirore ihcãquiro surara cohteri.

### *Pablo Romap̄u buheahye*

<sup>17</sup> Ihtia deco bato Pablo judio masa p̄h̄toa mehna cahmecoano taro, tiquinare pijiri. Tiquina cahmecoari bato tiquiro tiquinare yahuri:

—Ȳh̄u acaye, mari acayere, mari ñec̄us̄m̄na panop̄u cjẽna tiquina yee tirire, marine tiquina buheri gũh̄are yuh̄ducaera tii ȳh̄u. Ȳh̄u yuh̄ducaerapegãta Jerusalẽp̄u ȳh̄are ñehedi apequina judio masa. Tiquina sa yeri bato Roma cjẽnare ȳh̄are peresu ye dutiri tiquina. <sup>18</sup> Tiquina sa yegũ Roma cjẽna ȳh̄are sinitu, ȳh̄u ñano yerariḡu ȳh̄u ijigũ ȳh̄are “Buhiri tiriquireo ijire”, ni masiedari. “¿Ne yabe buhiri wejẽboagari mari tiquirore?” nidi ȳh̄are tiquina. Sa ye ȳh̄are sinituyequina pehe ȳh̄are wio duamedi. <sup>19</sup> Judio masa pehe ȳh̄are wio dutierari. Sa yegũ ȳh̄u acayere judio masare ȳh̄are tiquina yerire yahu duerapegãta “Ijipihtiyequina p̄h̄toro ȳh̄u yerire poto yahu duaja ȳh̄u”, ni sinii ȳh̄u. Judio masa ȳh̄are tiquina wio dueragũ ihñagũ “Romap̄u yahuro cahmene ȳh̄are”, nii ȳh̄u. <sup>20</sup> Sa yegũ m̄sare ahrire yahu duagũ pijii. Cristo marine yuh̄duoatiquiro judio masa tiquina cohteriquiro yere ȳh̄u yahuri buhiri ȳh̄u peresup̄u ijiaja. Sa yegũ tire m̄sare yahugũ tãh̄u pijii, nidi Pablo judio masa p̄h̄toare.

<sup>21</sup> Tiquiro sa nigũ tãhoye tiquina pehe tiquirore yahuri:

—Judio masa m̄h̄are quitu yahuye p̄urine usãre ne ohoerari. Sa ye top̄u ahtariquina gũh̄u usã acaye usãre m̄h̄u sa waharire yahuera tiri. Tiquina “Tiquiro ñano yeriquiro ijire” ni m̄h̄are yahuerari. <sup>22</sup> Tiquina sa yahuerapegãta m̄h̄u ya curuare ijipihtirop̄u masa ñano tiquina yahuducugũ usã masiaja. Sa masina m̄h̄u buheyere m̄h̄u yahugũ tãho duaja usã, nidi tiquina tiquirore.

<sup>23</sup> Sa ni tuhasa, “Ape decop̄u ijiihna”, nidi tiquina. Ape decop̄u Pablo mehna cahmecoa m̄htariquina yuh̄duoro masa peyequina tiquiro ijiorop̄u wihiri. Ñami cjũnogã Cohãcjã tiquiro p̄h̄toro ijiyere

quehnoañe buheyere tiquiro buhe daca, tee ñamipɛ buhe duhuri. Cohãcjũ du-tiyere Moisepare tiquiro cũrire, Cohãcjũ yere yahu mahtariquina tiquina ojoari gũhare buheri. Sa buhero, tiquinare Jesure masigũ ye duaro nimesi Pablo.

<sup>24</sup> Ihquẽquina tiquiro buherire cahmedi. Sa cahmepegãta apequna pehe tũho duerari.

<sup>25</sup> Sa ye tiquina basi pɛa curua tu wa, wahaye tee nidi. Tiquina wahato pano Pablo Isaia tiquiro yahuducurire yahuri. Ohõ saha nidi tiquinare:

—Isaia Cohãcjũ yere yahu mahtariquiro tiquiro yahuri ijirota ijire. Mari ñecusumɛa mɛna iji turiayequinare yahuro taro Espiritu Santo Isaiare ohõ saha ni yahu oja dutiahye:

<sup>26-27</sup> Ahrire ahriquinare yahugɛ wahaya: “Dapu paca butina ijire mɛsa. Sa yena yeere tũho duerare mɛsa. Cahmo coperi susueyequina yero saha tũho duerare mɛsa. Sa yena yeere tũhoopenata tũhosi mɛsa. Mɛsa sa ijierana quehnoano tũhoboaya mɛsa. Sa yena quehnoañe pehere comesaboaya mɛsa. Sa yegɛ mɛsare pecapɛ wahaborinare yũhdũoboaya yũhɛ”, nidi Cohãcjũ, ni ojaohye Isaia, nidi Pablo tiquinare.

<sup>28</sup> Tiquiro sa nidi bato Pablo yahu nemori:

—Ahrire masiña mɛsa. Cohãcjũ ye buheyere masare tiquiro quehnoano yũhdũoyere judio masa ijieyequinare buhenatja usã. Tiquina pehe tũhoeta, nidi Pablo judio masare.

<sup>29</sup> Tiquiro sa nigũ tũhoye judio masa tire tiquina basi tutuaro cahme dase tini wia, wijiari.

<sup>30</sup> Pɛa cɛhma waro Pablo apequna wadorsi wãhɛpɛ, tiquiro ijiye wapa wapa yeati wãhɛpɛ ijiri. Topɛ ijiro, ijipihitiyequina ti wãhɛpɛ wihiyequinare bucueye mehna piti cari tiquiro. <sup>31</sup> Sa yero tiquiro cuero marieno Cohãcjũ pũhtoro ijiyere, mari pũhtoro Jesucristo ye gũhare buhee tiri. Tiquiro sa buhegũ ne apequna tiquirore “Buheracãhña”, nieda tiri.

## Romanos

### *Pablo Roma cjēnare Jesu yequinare ojoa ohoahye*

<sup>1</sup> Yuh̄u Pablo m̄sare Roma cjānare ojoa ohoaja. Yuh̄u Cohācjū cahacjū ijiaja. Sa yero quehnoañe buheyere buhe dutiro yuh̄ure cūri tiquiro.

<sup>2</sup> Ti buheyere quehnoañe buheyere panop̄u Cohācjū “Yahuḡu t̄u niaja”, nie tiahye. Tiquiro sa ni yahuriro sahata tiquiro yere yahu m̄htariquinare panop̄u cjēnare tiquiro yahuatire tiquiro ya p̄p̄u ojoa dutiahye. <sup>3</sup> Ti buheyeta tiquiro mac̄nore yahuye ijire. Tiquiro mas̄no waro ijiro taro Davi m̄nano panamino iji turiariquiro ijiahye tiquiro. <sup>4</sup> Jesucristo mari p̄htoro Cohācjū mac̄no ñañe marieniquiro tiquiro ijiyere ohō saha ih̄noahye Cohācjū. Tiquiro yariari bato Cohācjū tutuaye mehna tiquirore masa wijiagū yeahye. Sa yero Jesucristo potota Cohācjū mac̄no tiquiro ijiyere ih̄noahye Cohācjū masare. <sup>5</sup> Tiquirota us̄are paja ih̄nano us̄are tiquiro yere buhe dutiro ohori ijipihtiyequina Jesucristore wacū tutua tiquina ño peotire. <sup>6</sup> Sa yero m̄sa ḡh̄ure Jesucristo yequina ijianare beseahye tiquiro.

<sup>7</sup> M̄sare, Cohācjū cah̄nare, Roma cjānare, tiquiro yequina ijianare yeri m̄sare tiquiro. M̄sare ijipihtinare ahri p̄re ojoa ohoaja. Sa yeḡu Cohācjū mari Pac̄u, mari p̄htoro Jesucristo mehna m̄sare quehnoa dutiaja. Tiquina yedohoye mehna quehnoano ijiya m̄sa.

### *Pablo Romap̄re ih̄nano waha duaro nimahye*

<sup>8</sup> Ahrire yahu m̄htaütja m̄sare: Ijipihtiye macari cjēna Jesucristore m̄sa wacū tutuarire masa yahuri yuh̄ure. Tiquina sa ni yahugū t̄hoḡu “Quehnoare”, niaja Cohācjūre. Jesucristo yedohoro mehna sa ni sini basaja. Cohācjūre sini basaḡu m̄sare sa sini basaducuaaja. <sup>9</sup> Yuh̄ure tiquiro dutigū tiquiro mac̄no ye buheyere quehnoañe buheyere tutuaro buheḡu tiquiro cahacjūta ijiaja yuh̄u. Sa yero

m̄sare Cohācjūre yuh̄u sa sini basaducugū tiquiro masine. <sup>10</sup> Sa sini basaḡu Cohācjū cahmegū yojop̄u p̄ritare m̄sa cahap̄u yuh̄u ih̄n̄a wahatore siniaja. Yoari pje m̄sare ih̄na duaḡu yuh̄u wahatire cohteí ye cāmaja yuh̄u. <sup>11</sup> Cohācjū yere m̄sare buhe duaja Jesure m̄sa wacū tutua nemoatire. Sa yeḡu m̄sare tutuaro ih̄na duaja yuh̄u. <sup>12</sup> Jesure wacū tutuaja mari. Sa yeḡu m̄sare ih̄na duaja Jesure mari wacū tutuaye mehna p̄a peheri mari cahme bucueḡu yeatore.

<sup>13</sup> Yuh̄u acaye, ahrire m̄sa masigū cahmeaja. Quehnoañe buheyere yuh̄u buheri bato apequina m̄sa acaye judio masa ijieyequina Jesure wacū tutuari. Sa yeḡu peye tahari m̄sa cahap̄u waha duami apequina Jesure tiquina wacū tutuariro sahata m̄sa mehna cjēna ḡh̄u tiquina wacū tutuatire. Sa waha duepeguta waha masied̄u yuh̄u. <sup>14</sup> Ijipihtiyequinare quehnoañe buheyere buhero ijiro nine yuh̄ure. Pecas̄are, pohteri cjē ḡh̄ure, masiñequinare, masieñequina ḡh̄ure buheacj̄u ijiita niaja yuh̄u. <sup>15</sup> Sa buheacj̄u ijiḡu m̄sare Roma cjānare quehnoañe buheyere tutuaro buhe duaja.

### *Quehnoañe buheyere masa t̄hoye Jesure wacū tutua d̄care*

<sup>16</sup> Quehnoañe buheyere t̄hoye Jesure wacū tutua d̄care masa. Sa yero ijipihtiyequinare Jesure wacū tutuayequinare Cohācjū tutuaye mehna pecap̄u waha boriquinare yuh̄d̄ore. Tiquina sa yuh̄d̄ugū masiḡu ti buheyere quehnoañe buheyere buheḡu b̄oro yuh̄d̄eraja. Ti buheyere judio masa pehere buhe m̄htari jiri Jesu ḡh̄u. Tiquina buheri bato judio masa ijieyequina ḡh̄ure us̄a buhei. <sup>17</sup> Ti buheye ohō saha ni yahure: Jesure wacū tutuayequinare “Quehnoañequina ijire”, ni, ih̄n̄are Cohācjū. Tiquirore wacū tutua d̄cayequinare sata ni ih̄n̄are Cohācjū. Tiquiro sa ni ih̄n̄ari bato tiquirore wacū tutuaducure tiquina. Ahri panop̄u tiquina ni ojoariro sahata ijire: “‘Quehnoañequina ijire’, tiquiro ni ih̄n̄añequina Cohācjūre wacū tutuayequinata ijire. Sa wacū tutuaye, ijipihtiye decori Cohācjū mehna sa ijiducuenta”, ni, ojoahye.

### *Masa tiquina ñañe yeri buhirire yahuahye Pablo*

<sup>18</sup> Cohãcjũ ʘhmʘsepʘ ijiriquirore masa tiquina yʘhdʘdʘcarire, tiquina ñañe yeri gũhare ihñano, tiquina sa yeri buhiri usuare. Tiquiro sa usarire masigũ yere tiquinare. Masa tiquina ñañe yeye mehna apequinare quehnoañe buheyere tʘhoeragũ yere tiquina pehe. <sup>19</sup> Tiquiro basi tiquiro ijiye tiyere masigũ yeahye Cohãcjũ. Tiquiro sa yegũ Cohãcjũre masigũ mijoadare masare. <sup>20</sup> Cohãcjũ ʘhmʘse cjãno tiquiro ijiyere, tutuariquiro tiquiro ijiye gũhare mari ihñedapegũta tiquiro basi tiquiro ijiyere marine masigũ yere tiquiro. Ahri yehpare tiquiro bajumehnedi bato ijipihtiye tiquiro bajumehnedire ihñañe “Cohãcjũ tiquiro yeri ijire ahri”, niñe, Cohãcjũ tiquiro ijiye tiyere masine masa. Sa ye masa Cohãcjũre masiepetata sa ñañene yeducuye, buhiri tire. “Mũhare masiedʘ. Sa yegʘ ñañene yei”, ni masisi Cohãcjũre. <sup>21</sup> Sa ye Cohãcjũ tiquiro ijiye tiyere masiepetata tiquina tiquirore ño peerare. Sa ye tiquinare tiquiro quehnoano yepegũta tiquina pehe “Quehnoare”, niedare tiquirore. Sa tʘho masieñequina ijiye, ñañe dihitare tʘhoture tiquina. <sup>22</sup> “Tʘho masina ijiaja”, niepetata tʘho masieñequina wahare tiquina. <sup>23</sup> Sa wahaye Cohãcjũre sa ijiducuriquirore tiquina ño peerare. Sa ño peeraye, “Cohãcjũ ijire”, tiquina niñe queoye pehere ño peore. Mari masa yarianaja dihita ijiaja. Mari sa ijina mari ijiepegũta Cohãcjũre ño peoyequina pehe masa queoyere yere tiquina. Tiquina sa yeri bato ti queoye pehere ño peore tiquina. Sa ye tja minicjũa queoyere, pinoa queoyere, wahiquina queoye gũhare “Cohãcjũ ijire”, ni ño peo maca cãhre tiquina.

<sup>24</sup> Tiquina sa yegũ ihñano “Tiquina esa tuharo ñañene yecũnahdo”, nino Cohãcjũ cohã cãri tiquinare. Tiquiro sa cohãri bato tiquina ña yʘhdʘaro cahme yeducure tiquina basi. <sup>25</sup> Sa ye Cohãcjũ ye pehere cahmedaye, ni mehoñe pehere quehnoano tʘhore tiquina. Cohãcjũ ye pehere ni mehoñe yero saha ijigũ yere tiquina. Potota Cohãcjũ warore ijipihtiye

yeriquirore ño peoducuro cahmene. Sata ijiahro. Tiquina pehe tiquirore ño peerare. Sa tiquirore ño peeraye, Cohãcjũ yeri pehere ño peore tiquina. Sata ijiahro.

<sup>26</sup> Tiquina sa yeducugũ ihñano “Tiquina esa tuharo ñañene yecũnahdo”, nino Cohãcjũ cohã cãri tiquinare. Sa ye tiquina mehna cjẽna numia manʘ tiyequina numia yero saha ijierare. Sa ye tiquina numia, numia sehsaro ñano yere tiquina pagʘri mehna. <sup>27</sup> Tiquina yero saha ijiyequina ʘmʘa gũhʘ tiquina esa tuharo ña yʘhdʘaro yere tiquina pagʘri mehna. Sa ye tiquina basita ñano yeri buhiri tiquina pagʘri pehe ñano yʘhdʘare.

<sup>28</sup> Sa Cohãcjũre tiquina cahmedari buhiri, Cohãcjũ tiquinare cohãri. Tiquiro sa cohãgũ tiquina pehe ñano wacũducu, ñano yeducure. <sup>29</sup> Sa ye tiquina tutuaro ñano yeducure. Ñañene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiquina cʘogũ ihña cooducuyequina, masare wejẽñequina, cahme dʘse tini wiayequina, ni mehoñequina, masare ihña tuhtiyequina, ñañe quitidahreycuina, <sup>30</sup> apequina tiquina yerapegũta ñano ni yahu wajayequina, Cohãcjũre ihña tuhtiyequina, apequinare purĩno yʘhtiyequina, “ʘsã pehe masi yʘhdʘdʘcaja”, ni tʘhotuyequina, apequinare sa ni yahuyequina, apeye ñañene ye dʘcayequina, tiquina pacʘsʘmʘare yʘhtiyequina, <sup>31</sup> tʘho masieñequina, tiquina nino sahata yeeyequina, masare ne cahñequina, tiquina basi cahme pihopũri duhueyequina, ne paja ihñeñequina ijire tiquina. <sup>32</sup> Sa ñano yeducuyequinare Cohãcjũ pecapʘ cohãnota. Tiquiro sa cohãtire masiepetata tiquina ti ñañene sa yeducure. Sa ye apequina tiquinare ihña cũ tiquina yero saha ñano tiquina yegũ ihñañe, “ʘsã yero saha yere”, ni bucuere.

## 2

*Masare buhiri dahre dutiro tire mehono marieno potota yerota Cohãcjũ*

<sup>1</sup> “Tiquina ña yʘhdʘayequina ijire”, ni yahu wajaeracãhña apequinare. Mʘsa

gũhu tiquina yero saha yere. “Ñañene yeraja. Sa yena ñañe buhiri mariedaga”, ni masiedare m̄sa. Sa yena ijina tiquinare yahu wajana ijina, m̄sa basi buhiri dahre dutina niaga. <sup>2</sup> Sa yena ñañe yena ijiepenata m̄sa yahu wajagũ m̄sa gũhare Cohãcjũ buhiri dahrerota. Potota queoro tiquiro buhiri dahregũ masiaja mari. <sup>3</sup> Apequinare “Buhiri tieta”, ni yahu wajana m̄sa ijigũ m̄sa gũhare buhiri dahrerota. Sa yena “Usãre buhiri dahresi”, ni tãhotuboaga m̄sa. Ijierare. M̄sa gũhare buhiri dahrerota tiquiro. <sup>4</sup> M̄sa ñano yepegũta Cohãcjũ m̄sare paja ihñano duita buhiri dahrerare. Sa yena “Cohãcjũ yũhu mehna usuasi”, ni tãhotuboaga m̄sa. Ijierare. Cohãcjũ m̄sare paja ihñano, duita buhiri dahrerare m̄sa ñañene bujũa witigũ ihña duaro, tiquirore m̄sa yãhtigũ cahmeno. <sup>5</sup> Sa buhiri dahre dueraperota m̄sa Cohãcjũre yãhti dueragũ, m̄sa ñañe yerire bujũa witieragũ, buhiri dahrerota m̄sare. Buhiri dahleri deco pano m̄sare tiquiro buhiri dahreboriro yãhũoro ti deco waropãre ñano m̄sare buhiri dahrerota Cohãcjũ. Ni mehono marieno buhiri dahrerota. <sup>6</sup> Sa yero ijipihtiyequinare tiquina ñano yeri buhiri buhiri dahrerota Cohãcjũ. Sa yero quehnoañene tiquina yeri wapa quehnoano yerota masare. <sup>7</sup> Ihquẽquina quehnoañene yeducuyequina ijire. Tiquina quehnoañene ye duayequina, Cohãcjũre quehnoano bucuegũ ye duayequina, ijipihtiye decori Cohãcjũ mehna iji duayequina ijire. Tiquina pũritare decoripe tiquiro mehna ijigũ yerota Cohãcjũ. <sup>8</sup> Apequina pehe tiquina yero saha ijierare. Tiquina esa tuharo yeyequina ijire. Cohãcjũ yere cahmedare. Tiquina mehna Cohãcjũ tutuaro usarota. <sup>9</sup> Ijipihtiyequina ñano yeriquina ñano yãhũeta. Judio masare sata waha m̄htanota. Sa ye judio masa ijieyequina gũhare sata waharota. <sup>10</sup> Ijipihtiyequina quehnoañene yeyequina pehere Cohãcjũ “Quehnoare”, ninota. Sa ye masa tiquinare ño peota. Sa yero tiquinare quehnoano ijigũ yerota Cohãcjũ. Judio masare sata waha m̄htanota. Sa ye judio masa ijieyequina gũhare sata

waharota.

<sup>11</sup> Cohãcjũ mari yerire ihñano queoro besere ijipihtinare, ñana, quehnoana gũhare. <sup>12</sup> Apequina Cohãcjũ Moisere tiquiro dutirire masieñequina tiquina ijiepegũta ñañene tiquina yegũ, buhiri dahrerota Cohãcjũ tiquina gũhare. Sa yero ti dutiyere c̄oyequina ñañene tiquina yegũ ti dutiyere tiquina yãhũdũcari buhiri buhiri dahrerota Cohãcjũ. <sup>13</sup> Cohãcjũ dutiyere tãhoepeta yãhtieyequinare “Quehnoañequina ijire ahriquina”, niedare Cohãcjũ. Tiquiro ye dutiyere yeyequina pehere “Quehnoañequina ijire”, ni ihñare tiquinare Cohãcjũ. <sup>14</sup> Judio masa ijieyequina Cohãcjũ Moisere tiquiro cũri dutiye c̄oerapeta, tiquina esa tuharo quehnoañene yeye, Cohãcjũ dutiyere yeye nine. Sa ye Moisere tiquiro dutiyere ojoari pũre c̄oerapeta tiquina tãhotuyepũ tiquiro ye dutiyere c̄ore. <sup>15</sup> Sa ye tiquiro ye dutiyere tiquina tãhotuyepũ potota c̄ore tiquina. Sa c̄oye ñañene yeye, duita tiquina ñañe yerire masine tiquina. Sa yero ñañene yeriquiro “¿Dãhse ijiro boro ñañene yeri yũhu?” ni tãhoture tiquiro. Sa yero quehnoañene tiquiro basi yeri gũhare masine tiquiro. <sup>16</sup> Sa ye Cohãcjũ Jesucristore tiquiro ohoati decopũ masa tiquina yahu duerarire Jesucristo masi pehorro, tiquiro tiquinare beserota quehnoañequina, ñañequina gũhare. Sata tiquina yerire masidiquiro ijiro, beserota tiquiro quehnoañe buheye ti nino sahata. Ti buheyeta ijire m̄sare yãhu buheri.

### *Cohãcjũ Moisere tiquiro dutirire yahuahye Pablo*

<sup>17</sup> M̄sa pehe judio masa ijina, Cohãcjũ Moisere tiquiro dutiyere ño peona ijina, “Cohãcjũ yequina ijiaja”, ni tãhotumene m̄sa. <sup>18</sup> Sa yena Cohãcjũ dutiyere masina ijina, tiquiro cahmeñene masine m̄sa. Sa masina ijina, “Quehnoañene usã yeatire bese masiaja usã”, ni tãhotumene m̄sa. <sup>19</sup> Sa ni tãhotuna ohõ saha ni tãhotu nemore m̄sa: “Apequinare ne masieñequinare quehnoano masigũ yeaja usã. Tiquinare usã buheragũ ne Cohãcjũre masiedaboaga tiquina. Sa ye ñañene duhueraboaga”, ni tãhotumene

musa. <sup>20</sup> Sa yena “Tũho masieñequinare quehnoañene ye dutina, macanagã gãhũre buhena ijiaja usã”, ni tũhotumene musa. Sa yena “Cohãcjũ dutiyere cœona, poto ijiyere masi pehoaja usã”, ni tũhotumene musa. <sup>21</sup> ¿Sa yena apequinare buhena ijiepenata, dũhse yena musa pehe musa buheriro saha yerajari? ¿Apequinare yaque dutierapenata dũhsena musa pehe yaqueajari? <sup>22</sup> ¿Apequiro namono mehna ñano ye dutierapenata dũhsena musa pehe apequiro namono mehna ñano yeajari? “Cohãcjũ ijire”, tiquina niñe queoyere ihña yabina ijire musa. Sa ihña yabina ijina Cohãcjũ waro pehere ño peona ijimene musa. ¿Sa ño peona ijiepenata dũhsena tiquirore quehnoano ño peerajari musa? <sup>23</sup> “Cohãcjũ Moiserere tiquiro dutiyere cœoaja usã”, nina ijiepenata ti dutiyere yũhdũdũcare musa. Sa yũhdũdũcana Cohãcjũre ño peeragũ yena niaga musa apequinare. <sup>24</sup> Sata nine Cohãcjũ yere tiquina ojoari pũpũ: “Cohãcjũ dutiyere musa yũhdũdũcari buhiri judio masa ijieyequina pehere Cohãcjũre tiquina ñano yahuducugũ yere musa judio masa”, ni ojoahye Cohãcjũ yere tiquina ojoari pũpũ.

<sup>25</sup> “Cohãcjũ yequina ijiaja”, ni tũhoture ihquẽquina judio masa cuhnucunũ sohtoa cahserogãre yũhre nenohriquina. Cohãcjũ yere tiquina yegũ judio masa tiquina ijigũ quehnoarĩne. Tiquiro yere tiquina yeragũ judio masa tiquina ijieye tiye dũhseati ijierare. Yũhre nenohriquina tiquina ijieye tiye gãhũ dũhseati ijierare. <sup>26</sup> Sa yero judio masa ijieyequina cuhnucunũ sohtoa cahserogãre yũhre nemehneñequina tiquina ijiepegũta, Cohãcjũ dutiyere tiquina yegũ ihñano “Yeequina masata ijire”, ni ihñare Cohãcjũ tiquinare. Judio masa pehere tiquiro sa ni ihñaboriro sahata judio masa ijieyequina pehere sa ni ihñare. <sup>27</sup> Peyequina judio masa Cohãcjũ Moiserere tiquiro dutiyere cœoepeta tire yerare tiquina. Sa ye apequina judio masa ijieyequina pehe cuhnucunũ sohtoa cahserogãre yũhremehneñequina ijiepetata tiquiro dutiyere yere. Sa yeyequina ijieye judio masa tiquina ñano yerire masigũ yeye nine. <sup>28</sup> Yojoapũre judio masano waro

tiquiro ijieye yahutja musare. Tiquiro cuhnucunũ sohtoa cahserogãre yũhre nenohriquiro ijieperota Cohãcjũre ño peeraro, potota judio masano waro ijierare. <sup>29</sup> Cohãcjũ yaquiro Espĩritu Santore cœoriquiro tiquirore yũhtiriquiro tiquiro tjire judio masano waro. Sa yero tiquiro cuhnucunũ sohtoa cahserogãre tiquiro yũhre ne cohãriro sahata tiquiro ñañe yerire duhure tiquiro. Tiquiro esa tuharo dutiyere yeriquiro ijieraperota Espĩritu Santo yedohoye mehna tiquiro ñañe yerire duhure. Sa ijiriquirore “Quehnoariquiro ijire”, ni ihñare Cohãcjũ pehe. Masa pehe tiquirore tiquina sa niedapegũta, sa nine Cohãcjũ pehe.

### 3

<sup>1</sup> ¿Yũhũ sa nigũ judio masa ijieye tiye ihyo waro ijiajari, musa tũhotugũ? Ne ihyo waro ijero niedare. ¿Cohãcjũ judio masare tiquiro dutiriro sahata tiquina pagũrĩre cuhnucunũ sohtoa cahserogãre tiquina yũhre ne cohãñe ihyo waro ijiajari, musa tũhotugũ? Ne ihyo waro ijero niedare. <sup>2</sup> Judio masa tiquina ijieye tiye ihyo waro ijierare. Cohãcjũ yere tiquina ojoari pũre judio masare cũ mãhtahye. Sa ye judio masa tiquina ijigũ quehnoarĩne tiquinare. <sup>3</sup> Sa ye ihquẽquina judio masa Cohãcjũre tiquina tũhoerapegũta tiquiro nidi ijirota ijire. Sa yero tiquiro ni cũriro sahata yerota tiquiro. <sup>4</sup> Sata ijire. Ijipihtiequina masa ni mehoñequina tiquina ijiepegũta Cohãcjũ pehe ne ni mehoedare. Panopũ tiquiro yere yahu mãhtariquiro tiquiro ni ojoariro sahata ne ni mehoedare Cohãcjũ.

Poto nigũ ijire mãhũ Cohãcjũ. Sa ye mãhũre masa ne “Queoro yahuducuerare”, ni yahusã masiedare, ni ojoahye panopũre.

<sup>5</sup> Ohõ saha ni tũhotuboaga masa: “Mari ñañene yena Cohãcjũ quehnoañene tiquiro yeriquiro ijigũ masigũ yeaja. Sa yero ñañene mari yegũ quehnoarĩne. ¿Ti sa quehnoañe ijiepegũta dũhsero tiquiro mari ñañene yeri buhirire buhiri dahre maca cjãri?” ni tũhotuboaga masa. Masa tiquina tũhotuboriro saha nigũ niaga yũhũ. <sup>6</sup> Sa ijierare. Mari ñañe yeri pehe

quehnoañe ijigũ Cohãcjũ mari ñañene yeri buhirire buhiri dahre masiedaboaga.

<sup>7</sup> Masa pehe ni mehoñequina ijire. Cohãcjũ pehe ne ni mehoedare. Sa yena masa tiquina ni mehogũ ihñana Cohãcjũ pehe ne ni mehoeniquiro tiquiro ijigũ quehnoano ihña masiaja mari. Sa ye masa ni mehoñe, Cohãcjũ tiquiro ni mehoeniquiro tiquiro ijiyere ihñoñe niboaga tiquina. Sata ni tãhotumene ihquẽquina. Sa ni tãhotuye ohõ saha ni tãhotu nemomene tiquina: “Usã ni mehoñe mehna Cohãcjũ tiquiro ni mehoeniquiro ijiyere ihñona ni aja. Sa ihñona quehnoano yena ni aja. Sa ye usã ni mehoñe quehnoarĩne. ¿Usã ni mehoñe quehnoañe ijiepegũta dahse ijiro boro usã ni mehoñe buhirire usãre buhiri dahre maca cãboari Cohãcjũ?” ni tãhotumene ihquẽquina masa. <sup>8</sup> Sa ye ohõ saha ni mehore ihquẽquina usãre: “Ñano yena Cohãcjũ tiquiro quehnoariquiro ijigũ ihñona ni aja. Sa yena ñano yeihna’, nidi Pablo gũhũ”, ni meho yahusãre usãre ihquẽquina. Tiquina sa nidi buhiri tiquinare Cohãcjũ buhiri dahrerota. Sata yero cahmene tiquinare.

### *Ijipihtina buhiri tina ijiaja mari*

<sup>9</sup> ¿Sa ye dahse ni tãhotuajari masa? ¿Mari judio masa apequina yahduoro quehnoana ijiajari mari? Ijieraja mari. Judio masa, judio masa ijiena gũhũ ijipihtina buhiri tina ijiaja mari. Sata ijire ijipihtiyequinare yũhũ buheriro sahata. <sup>10</sup> Panopũ tiquiro ni ojoariro sahata ijire ti: Ohõ saha ni ojoahye:

Ne ihcãquiro masũno quehnoariquiro mariedare. <sup>11</sup> Ijipihtiyequina masa tũho dueyequina dihita ijire. Sa ye ijipihtiyequina masa ne Cohãcjũre wacũ peerare. <sup>12</sup> Sa ye tiquina Cohãcjũ yere cohãñe, ijipihtiyequina ñañene yeyequina wahari. Ne ihcãquiro quehnoañene yeriquiro mariedare. <sup>13</sup> Tiquina dũseri masa coperi tiquina põo docoro yero saha ijire. Tiquina yahuducugũ, masa coperi urĩ wijiario saha ni mehoñe dihita tiquina dũserire wijiare. Sa yahuducuye añã dũsero

tiquiro nima purĩñe wijiario saha purĩno tiquina yahuducuye wijiare tiquina dũserire. <sup>14</sup> Sa ye tiquina apequinare ñano yahuducuyequina purĩno yahuducuyequina ijire. <sup>15</sup> Sa ye usua ñañequina duita masare wejẽñequina ijire. <sup>16</sup> Sa ye noho tiquina waharopũ tiquina masare ñano ye, ñano yahduũgũ yere tiquinare. <sup>17</sup> Sa ye apequina masa mehna tiquina quehnoano ijierare. <sup>18</sup> Sa ye Cohãcjũre ne ño peerare, ni ojoahye panopũre.

<sup>19-20</sup> Cohãcjũ Moiserere tiquiro dutiyere marine judio masare ojoahye tiquiro dutiyere ijipihtina mari ye pehoatire. Ti dutiyere cãoepeta, tire yeraye, “Ñañe buhiri mariedare usãre”, ni masiedare masa. Sa ye tiquina ijipihtiro cjẽna Cohãcjũ tiquiro buhiri dahrenohatiquina tiquina ijigũ, masieta tiquina basi. Sa ye ñañequina tiquina ijiyere masiñe, “Quehnoana ijiaja usã”, ni masiedare Cohãcjũre. Cohãcjũ tiquiro ye dutiye pehere ne masa yerare. Sa ye tiquina ñañequina ijiyere tiquiro dutiye pehe masigũ yere tiquinare. Sa masiñe ohõ saha ni masiedare tiquina: “Cohãcjũ dutiyere ye pehou. Sa yero Cohãcjũ usãre ‘Quehnoañequina ijire’, ni ihñare”, ne ni masiedare masa.

### *Cohãcjũre quehnoano mari wacũ tutuana tiquiro yequina wahaja mari*

<sup>21</sup> Sa ye Cohãcjũ Moiserere tiquiro dutiye, tiquiro yere yahu mãhtariquina tiquina ojoari gũhũ Cohãcjũ masare tiquina ñañe yerire tiquiro borire yahuahye. Tiquiro dutiye sa yahuepegũta yojopũta Moiserere tiquiro dutiri marieno masare tiquina ñañe yerire tiquiro borire yahure marine Cohãcjũ. <sup>22</sup> Ijipihtiyequina Jesucristore wacũ tutuayequinare, tiquirore tũhoyequinare “Quehnoañequina ijire”, ni ihñare Cohãcjũ. Cohãcjũ ijipihtiyequinare ihcãno saha yeriquiro ijire. <sup>23</sup> Mari ijipihtina ñañene yerina ijiaja. Sa yena Cohãcjũ tiquiro cahmediro sahata ne yerũ. <sup>24</sup> Mari sa yerapegũta mari Pacũ marine tiquiro paja ihñagũ mari ñañe yerire Jesucristo pehe bore. Tiquiro sa bogũ “Quehnoana ijire”, ni ihñare Cohãcjũ

marine Jesure wacũ tutuanare. Mari esa tuharo ye dutiro marieno Jesu yedohoro mehna mari ñaÑe yerire bore. <sup>25</sup> Panopũ cjēna tiquina ñaÑe yerire ihñano Cohãcjũ duita buhiri dahrerahye tiquinare. Sa buhiri dahreraro tiquina ñaÑe yerire ihyo warota sa tãhotu cãno niedahye. Came tiquiro Jesucristore ohori jiri mari ñaÑe buhiri yariatiquirore tiquiro diire cohãtiquirore. Jesucristore mari wacũ tutuagũ Cohãcjũ pehe mari ñaÑe yerire borota. Sa yero tiquiro nidiro sahata yeriquiro tiquiro ijyere masigũ yero niahye. <sup>26</sup> Sa yero yojopũre tiquiro nidiro saha yeriquiro tiquiro ijyere masa tiquina masigũ cahmene tiquiro. Sa yero Jesure wacũ tutuayequinare quehnoañequina tiquiro yerire tiquina masigũ cahmene Cohãcjũ. Tiquiro sa yerire tiquina masiatire tiquiro macũnore mari ñaÑe buhirire yariatiquirore ohori jiri.

<sup>27</sup> ¿Yojopũre “Quehnoana ijiaja mari”, ni masiagari mari, mũsa tãhotugũ? Tire ne ni masiedaja mari. ¿Dũhsena tire ni masiedagari mari? ¿Cohãcjũ tiquiro dutiyere yena, “Quehnoana ijiaja”, ni masiboari mari? Ijierare. Ti gũhare ni masiedaja mari. Mari sa ni masiedapegũta Jesure mari wacũ tutuagũ “Quehnoana ijire”, ni ihñanota marine Cohãcjũ. <sup>28</sup> Ohõ saha masiaja mari: Jesure mari wacũ tutuagũ ihñano marine ihña coare Cohãcjũ. Sa yero marine “Quehnoana ijire”, ni ihñare tiquiro. Tiquiro ye dutiyere mari yeri wapa sa ni ihñedare. Tiquirore mari wacũ tutuagũ sa ni ihñare.

<sup>29</sup> Cohãcjũ judio masa pũhtoro dihita ijierare. Judio masa ijieyequina pũhtoro gũhũ ijire tiquiro. <sup>30</sup> Sa yero Cohãcjũ ihcãquirota ijiro, ijipihtiyequina pũhtoro ijire. Sa ijiriquiro ijiro judio masa Jesure tiquina wacũ tutuagũ tiquinare “Quehnoañequina ijire”, ni ihñanota. Sa yero judio masa ijieyequina gũhũ Jesure tiquina wacũ tutuagũ tiquina gũhare “Quehnoañequina ijire”, ni ihñanota Cohãcjũ. <sup>31</sup> ¿Sa yena Jesure wacũ tutuana Cohãcjũ Moiserere tiquiro dutiyere cohãna niboari mari? Cohãedaja mari tire. Jesure wacũ tutuana, Cohãcjũ dutiyere yena niaja

mari.

## 4

### *Abrahã Cohãcjũre tiquiro wacũ tutuarire yahuahye Pablo*

<sup>1</sup> Mari ñecũ mũnano iji mũhtariquiro pũre Abrahã mũnanore Cohãcjũ ohõ saha yehye: <sup>2</sup> Abrahã quehnoano tiquiro yepegũta “Quehnoariquiro ijire”, ni ihñedarĩahye Cohãcjũ tiquirore. Sa yero quehnoano yeperota ñariquiro ijinino “Yũhũ pũrita quehnoagu ijiaja”, ni masiedahye Abrahã, Cohãcjũ ihñagũ. <sup>3</sup> Cohãcjũ yere tiquina ojoari pũ ohõ saha nine: “Abrahã Cohãcjũ tiquiro nidire quehnoano tãhogũ, Cohãcjũre tiquiro wacũ tutuagũ Cohãcjũ tiquirore ‘Potota quehnoariquiro ijire’, ni, ihñahye”, ni ojoahye tiquiro yere tiquina ojoari pũpũ. <sup>4</sup> Pũhtoro dahrayequinare wapa yero, ihyo waro tiquiro paja ihñaÑe mehna wapa yero niedare. Tiquina dahrari wapa tiquinare wapa yero nine. <sup>5</sup> Cohãcjũre wacũ tutuayequina pehere dahrayequinare tiquiro wapa yero saha yerare Cohãcjũ. Cohãcjũre wacũ tutuariquirore “Quehnoariquiro ijire”, ni ihñare Cohãcjũ. Tiquiro sa ni ihñagũ ti quehnoañe tiquiro yeri wapa ijierare. Cohãcjũ pehe tiquirore cahmeñequinare quehnoañequina wahagũ yere. Sa yero masũno Cohãcjũre tiquiro wacũ tutuagũ ihñano “Quehnoariquiro ijire”, ni ihñare Cohãcjũ tiquirore. <sup>6</sup> Sata niahye panopũ cjũno Davi mũnano. Masũno quehnoano tiquiro yepegũta Cohãcjũ pehe ihña coeranine. Cohãcjũre tiquiro wacũ tutuagũ ihñano Cohãcjũ ihña coare. Sa yero tiquirore “Quehnoariquiro ijire”, ni ihñare. Tiquiro sa ni ihñanohriiquiro masũno pehe tiquiro bucuyere yahuahye Davi mũnano. Ohõ saha niahye:

<sup>7</sup> Tiquina ñaÑe yerire tiquiro bonohriquina pehe tutuaro bucuere. <sup>8</sup> “Quehnoañequina ijire. Tiquina ñaÑe yerire wacũsi yũhũ”, Cohãcjũ sa ninohriquina tutuaro bucuere, niahye Davi mũnano.

<sup>9</sup> ¿Judio masa tiquina cuhnucunũ sohtoa cahserogãre yũhre nenohriquina dihitare



tiquina ñaÑe yerire boyari Cohãcjũ? Ijierare. Judio masa ijieyequina yãhre nemehneÑequina gũhare tiquina ñaÑe yerire bore tiquiõ. Pari turi Abrahãre wacũña masa. Tiquiõ Cohãcjũre wacũ tutuagũ ihñano “Quehnoariquiõ ijire”, ni ihñahye Cohãcjũ. <sup>10</sup> ¿Dãhse ijigũ sa yeari Abrahã, masa tãhotugũ? Tiquiõ cuhnucunã sohtoa cahserogãre tiquiõ yãhre neato panoputa tiquiõre “Quehnoariquiõ ijire”, ni ihñahye Cohãcjũ. Sa yero yãhre nenohno, tiquiõ ñaÑe yerire bo tuhasanohriquiõre yãhre nenohahye. <sup>11</sup> Sa yero duita Cohãcjũre wacũ tutua mãtahye Abrahã. Tiquiõ sa wacũ tutuagũ ihñano “Quehnoariquiõ ijire”, ni ihñahye Cohãcjũ tiquiõre. Sa tiquiõ wacũ tutuayere, Cohãcjũ yaquiõ tiquiõ ijiyere tiquiõ ihñoatore Cohãcjũ tiquiõre cuhnucunã sohtoa cahserogãre yãhre ne dutiahye. Sa yero Abrahã tiquiõ yãhreato pano Cohãcjũ pehe “Quehnoariquiõ ijire”, ni ihña tuhasahye tiquiõre. Tiquiõ yãhre neato pano tiquiõ sa ihñariro saha ijipihtiyequina Cohãcjũre wacũ tutuayequinare judio masa ijieyequina yãhremehneÑequinare “Quehnoañequina ijire”, ni ihñare Cohãcjũ. Tiquiõ sa ni ihñaÑequina tiquina ijigũ Abrahã tiquina ñecano manano waro ijiriro saha wahare. <sup>12</sup> Tiquina yero sahata judio masa, yãhrenohriquina Cohãcjũre tiquina wacũ tutuagũ tiquina ñecano manano poto ijie tiahye Abrahã. Tiquiõ yãhreato pano Cohãcjũre wacũ tutuahye. Sa ye tiquiõ yero saha wacũ tutuayequina judio masa Abrahã panamena iji turiayequina ijire.

*Cohãcjũ Abrahãre tiquiõ ni cõrre “Poto tjire”, niahye Abrahã*

<sup>13</sup> Panopã ohõ saha niahye Cohãcjũ Abrahãre. “Ahri yehpare mãhare, mãhã panamena iji turiayequinapã gũhare ohoutja”, ni, cũahye Cohãcjũ Abrahãre. Ti dutiyere tiquiõ quehnoano yeri wapa sa niedahye Cohãcjũ tiquiõre. Abrahã Cohãcjũre tiquiõ wacũ tutuari wapa pehere sa niahye Cohãcjũ tiquiõre, “Quehnoariquiõ ijire”, tiquiõre tiquiõ ni ihñari bato. <sup>14</sup> “Cohãcjũ Moiserere tiquiõ cõri dutiye dihitaro yero cahmene”, nine

judio masa. Sa niÑequina Cohãcjũre wacũ tutuaro marieno ahri yehpa ijipihtiõre ne duare. Wacũ tutuaro marieno tiquina negũ mari pehe Cohãcjũre mari wacũ tutuaye dãhseati ijieraboaya. Sa yero Cohãcjũ marine tiquiõ ni cõri dãhseati ijieraboaya. <sup>15</sup> Moiserere tiquiõ cõri dutiye pehere yerare masa. Sa ye ti dutiyere tiquina yerari buhiri ahri yehpare tiquinare neno basioerare. Sa yero ti dutiyere tiquina yãhdãdãcari buhiri masare buhiri dahrerota Cohãcjũ. Sa ye ti dutiye mariedagũ ti dutiyere yãhdãdãcaro gũhã mariedaboaya.

<sup>16</sup> Sa ye Cohãcjũre wacũ tutuayequina dihita tiquiõ ohoatire neeta. Abrahã Cohãcjũre wacũ tutuahye. Sa yero ijipihtiyequina tiquiõ yero saha Cohãcjũre wacũ tutuayequina tiquina ñecano poto yero saha tojoare Abrahã. Sa yero “Ahrire mãsare ohoutja”, Cohãcjũ nino ijipihtiyequinare tiquiõre wacũ tutuayequinare nino niahye. Sa ye Cohãcjũ Moiserere tiquiõ dutirire yeyequina Cohãcjũre wacũ tutuayequina Cohãcjũ ohoatire neeta. Tiquina dihita nesi. Ijipihtiyequina Abrahã yero saha Cohãcjũre wacũ tutuayequina gũhã tiquinare tiquiõ ohoatire neeta. <sup>17</sup> Tire Abrahãre tiquiõ nidiro sahata ojoahye panopãre: “ ‘Peye macari cjẽna tiquina ñecano ijiajãre cõu mãhare’, ni cũahye Cohãcjũ Abrahãre”, ni ojoahye panopã. Sa yero tiquiõ Cohãcjũre wacũ tutuahye. Sa ye tiquiõ yero saha mari wacũ tutuagũ mari ñecã ijigũ yeahye Cohãcjũ tiquiõre. Cohãcjũ pehe yariariquinare masoriquiõ, ijipihtiyequinare bajumehnediquiõ ijire. Sa yero ijipihtiyere, yojopãre mariedagũ gũhare bajumehneatiquiõ ijire.

<sup>18</sup> “Peye macari cjẽna mãhã panamena iji turiayequina ijieta”, Cohãcjũ tiquiõ sa nigũ Abrahã pehe pohna mariediquiõ ijieperota, “Ijirota ijire”, ni tãhotuahye. <sup>19</sup> Sa yero cien cahmari caõriquiõ ijieperota pohna dahre masieniquiõ ijieperota Sara tiquiõ namono ne pohna mariedicoro ticoro ijiepegãta “Pohna ti masiedaja usã”, ni tãhotuerahye Abrahã. Sa yero Cohãcjũ tiquiõ ni cõrre “Ijirota ijire”, niahye Abrahã. <sup>20</sup> “Tiquiõ nidiro sahata

yeraboaga”, ne ni t̄hotuerahye Abrahã. Sa yero tiquiro Cohãcjũ c̄urire quehnoano t̄hoahye. Sa niñene t̄hotjiãno “Cohãcjũ tutuariquiro ijire”, ni ño peoro niahye. Sa yero Cohãcjũre wacũ tutua nemoahye tiquiro. <sup>21</sup> “Cohãcjũ tiquiro nidiro sahata quehnoano ye masine”, ni t̄hotu quehnoano masiahye Abrahã. <sup>22</sup> Tiquiro sa masigũ Cohãcjũre tiquiro wacũ tutuagũ Cohãcjũ pehe “Quehnoariquiro ijire”, ni ihñahye Abrahãre. Sata ni ojoahye Cohãcjũ yere tiquina ojoari p̄p̄.

<sup>23</sup> Sa ye Abrahã dihitarẽ sa ni ojoerahye. <sup>24</sup> Tire mari masiatire mari ḡh̄re sa ni ojoahye. Sa yero Cohãcjũre mari wacũ tutuagũ “Quehnoana ijire”, ni ihñanota mari ḡh̄re Cohãcjũ. Tiquiro p̄rita mari p̄h̄toro Jesu tiquiro yariagũ masori jiri tiquirore. <sup>25</sup> Jesu pehe mari ñañe buhiri yariari jiri. Tiquiro yariari bato masa wijiari jiri tiquiro Cohãcjũ marine “Quehnoana ijire”, tiquiro ni ihñatire.

## 5

### *“Quehnoana ijire”, Cohãcjũ ni ihñagũ ohõ saha waharota marine*

<sup>1</sup> Jesucristore mari wacũ tutuagũ ihñano “Quehnoana ijire”, ni ihñare marine Cohãcjũ. Tiquiro sa ni ihñagũ Cohãcjũ mehna cjãna marine ijigũ yere mari p̄h̄toro Jesucristo. <sup>2</sup> Sa yena mari tiquirore wacũ tutuagũ ihñano Cohãcjũ marine cahño, pecap̄ wahaborinare ȳh̄d̄ori tiquiro mehna mari ijiato saha. Cohãcjũ p̄rita quehnoa ȳh̄d̄ariquiro ijire. Sa yero tiquiro yero saha ijigũ yerota marine tiquiro. Tiquiro sa yeatire quehnoano masiaja mari. Sa yena bucueaja. <sup>3</sup> Mari ñano ȳh̄d̄na ḡh̄u bucueaja mari. Ñano ȳh̄d̄na, tire d̄uca cjã mari. Sa d̄uca cãna, ñano ȳh̄d̄epenata quehnoano Cohãcjũre wacũ tutuana wahaja mari. Sa yena Cohãcjũ yere duhueraja mari. <sup>4</sup> Mari sa yegũ ihñano “Quehnoare”, ninota Cohãcjũ marine. Tiquiro sa nigũ marine tiquiro ȳh̄d̄oatire quehnoano masiaja mari. <sup>5</sup> Sa yero Cohãcjũ marine tiquiro yaquiro Esp̄ritu Santore ohoi mari mehna ijiatiquirore. Sa yero Esp̄ritu Santo pehe mari mehna ijero Cohãcjũ

marine tiquiro sa cah̄ducuyere masigũ yere. Tiquiro sa masigũ yegũ marine tiquiro ȳh̄d̄oati quehnoano waro ijero nine. Potota ȳh̄d̄nata mari.

<sup>6</sup> Sa yero mari ñañe yerire mari basi mari ȳh̄d̄o masiedagũ tiquiro queoriro esagũ mari ñañe buhirire Cristo yari-ahye. <sup>7</sup> Quehnoañe dihitarẽ yeriquirore ȳh̄d̄oro taro apequiro yariaboaga ape taha yero. <sup>8</sup> Mari pehe ñana mari ijiniepegãta marine ȳh̄d̄oro taro Cristo yariahye. Tiquiro sa yegũ Cohãcjũ marine tiquiro tutuaro cah̄ñene masiaja mari. <sup>9</sup> Mari ye buhirire tiquiro sa yariagũ tiquiro dii wijiagũ Cohãcjũ pehe marine “Quehnoana ijire”, ni ihñare. Tiquiro sa ni ihñari bato yojop̄ pehere marine pecap̄ wahaborinare ȳh̄d̄orota Jesu. “Quehnoana ijire”, tiquiro niato pano marine ȳh̄d̄oeranidi. Yojop̄ pehere marine Cohãcjũ yequina tiquiro yeri bato marine buhiri dahresi pecap̄ Cohãcjũ. <sup>10</sup> Sa yena Cohãcjũre ihña tuhtina mari ijiniepegãta tiquiro mac̄no yariaro, mari ñañe yerire cohãri. Sa cohãno Cohãcjũre mari mehna usueragũ yeri tiquiro. Sa yena tiquiro yequina wahaja mari. Yojop̄ p̄ritare ti ȳh̄d̄o cjũno yerota marine. Tiquiro yequina mari ijigũ Jesu tiquiro masa m̄jari mehna, marine pecap̄ wahaborinare quehnoano ȳh̄d̄orota tiquiro. <sup>11</sup> Camep̄ mari ȳh̄d̄atire bucueaja. Yojop̄re ahri ḡh̄re bucueaja. Mari p̄h̄toro Jesucristo mari ñañe buhirire tiquiro yariari bato Cohãcjũ yequina ijiaja mari. Sa yena bucueaja.

### *Adãre, Cristore yahuahye Pablo Roma cjẽnare*

<sup>12</sup> Adãn tiquiro ñañene yeri bato ahri yehpare ñañe iji d̄ucah̄e. Ñañe iji d̄ucagũ masa yaria d̄ucah̄e. Ijipihtina mari ñañene yeaja. Sa yena ijipihtina ñana mari ijiri buhiri yariaja. <sup>13</sup> Cohãcjũ tiquiro dutiyere Moisere tiquiro c̄ato pano potota ahri yehpa cjẽna ñañene yee tiahye. Tiquina sa yepegãta ti dutiye mariedagũ ti dutiyere tiquina ȳh̄d̄d̄ucari buhiri buhiri dahre masiedahye. <sup>14</sup> Tiquiro sa buhiri dahre masiedapegãta Adãn ḡh̄u tiquiro bato ijiyequina ḡh̄u dutiye mariedapegãta

varie tiahye. Moise tiqiro ijiato pano dutiye mariedapegūta masa varie tiahye. Apequina ñaṇe yeye Adán tiqiro ñano yeriro saha waro yera timahye. Sa ijiepetata tiquina gūhū varie tiahye. Sa yero Adán ñañene tiqiro ye ducariro saha yoari batopū ahri yehpapū ahtariqiro quehnoañene ye ducari jiri.

<sup>15</sup> Adán tiqiro yūhdūducari Cohācjū masare tiqiro paja ihñaṇe yero saha ijierare. Cohācjū tiqiro paja ihñaṇe pehe quehnoa yūhdūare. Adán ihcāquiota ijieperota ñañene tiqiro ye ducari buhiri peyequina masa varie tiahye. Cohācjū pehe marine paja ihñano, Jesucristore ohori jiri. Sa yero tiqiro ihcāquiota ijiriquiro pecapū wahaboriquinare masare peyequinare yūhdūore. <sup>16</sup> Sa yero Cohācjū masare tiqiro paja ihñaṇe Adán tiqiro yūhdūducari yero saha ijierare. Adán pehe ihcāquiota ijiriquiro ñañene tiqiro yeri buhiri ijipihtiequina masa buhiri tiyequina ijire. Sa tiquina buhiri tiyequina ijiepegūta masa pajiro ñañene tiquina yepegūta yojopūre masare paja ihñano Cohācjū tiquina ñañene bore. Sa boro “Quehnoañequina ijire”, ni ihñare tiqiro tiquinare. <sup>17</sup> Adán ihcāquiota ijiriquiro ñañene ye ducagū ijipihtiequina masa yariaducure. Ti poto tjire. Sa ijiepegūta ahri pehere bucuenata mari. Yojopūre Cohācjū masare paja ihñano Jesucristo ihcāquiota ijiriquiro tiqiro yariari mehna tiquina ñañene boro, tiquinare “Quehnoañequina ijire”, ni ihñare. Sa ye ijipihtiequina tiqiro sa ni ihñañequina ūhmūsepū Cristo mehna pūhtoa ijieta.

<sup>18</sup> Ihcāquiota Adán ñañene ye ducagū ijipihtiequina ñañene ye ducahye. Tiquina sa yegū Cohācjū buhiri dahrerota tiquinare. Apeqiro Jesu pehe quehnoañene tiqiro yegū ijipihtiequina tiquina ñañene bonohriquina iji masine. Ñañene tiqiro bonohriquina tiquina ijigū “Quehnoañequina ijire”, ni ihñanota tiquinare Cohācjū. Sa ye ijipihtie decori tiqiro mehna ijiducueta tiquina. <sup>19</sup> Ihcāquiota Adán Cohācjūre yūhdūducahye. Tiquiro sa yegū peyequina masa ñano yeyequina iji ducahye. Sa yero apeqiro

Jesu pehe Cohācjūre yūhtiahye. Tiquiro sa yegū peyequina masa tiquina ñañe yerire bonohriquina wahahye. Tiquina sa wahagū “Quehnoañequina ijire”, ni ihñahye Cohācjū tiquinare.

<sup>20</sup> Cohācjū dutiyere Moiserere cūahye ijipihtiequina masa tiquina ñañene tiquina quehnoano masiatire. Sa ye masa tiquina ñañene masiñe, ti yūhdūoro Cohācjū tiquinare tutuaro tiqiro cahñene masieta. Tiquiro marine cahñi yūhdūare. <sup>21</sup> Tiquina ñañene tiquina yeri buhirire masa yariatiquina ijire. Sa ye pecapū waheta. Cohācjū mari Pacū pehe masare cahñi yūhdūare. Tiquiro sa tutuaro cahñgū mari pūhtoro Jesucristore tiqiro ohogū tiqiro pehe masare quehnoañequina wahagū yere. Sa ye tiquinare “Quehnoañequina ijire”, Cohācjū tiqiro ni ihñagū tiquina ijipihtie decori tiqiro mehna sa ijiducueta.

## 6

*Yariariquina muna tiquina ñañene yerariro saha Cristo yequina gūhū ñañene yeducuerare*

<sup>1</sup> ¿Dūhse yenatari mari yojopūre, mūsa tūhotugū? ¿Cohācjūre marine cahñi nemo duti duana ñañene ye nemoboagari mari?

<sup>2</sup> Ijierare. Ñañene yeracūhna mari. Yariariquina muna ñañene tiquina yerariro saha Cristo yequina ijina mari gūhūre ñañene yeraro cahmene. <sup>3</sup> Sa ye Jesu yequina mari ijiyere masa tiquina masiatire aco mehna wame yeri marine apequina. Jesu mari ñañe yeri buhiri yariari jiri. Sa yena tiqiro yequina ijina, mari ñañe yerire ye ducarū. Sa yena duhuu.

Tiquiro mari ñañe buhiri yariari jiri. <sup>4</sup> Sa yena Cristo pagūre masa copepū tiquina ya cohāriro sahata mari ñañe yerire duhuaja. Sa yena mari Pacū tiqiro tutuaye mehna Cristo tiqiro masa mūjariro saha mari gūhū tiqiro tutuaye mehna quehnoañe pehere comesaja. Sa yena quehnoana wahaja.

<sup>5</sup> Sa yena Cristo yequina ijina Cristo yariaro ahri yehpa cū pagūre tiqiro cohāriro saha mari gūhū yariariquina tiquina duhuriro saha mari ñañe yerire duhuu. Sa yena Cristo yequina ijina tiqiro masa

mujariro sahata mari gũhũ quehnoana ijinata. Ti poto tjire. <sup>6</sup> Cristo yequina iji dũcana tiquiro mehna yariariquina yero saha wahau pari turi mari ñañene yerato saha. Sa waharina ijina ñañene yeducu nemosi mari. Tire mari masiaja. <sup>7</sup> Yariariquiro mũnanopũ ñañene ye nemoedare. <sup>8</sup> Cristo mehna yariariquina yero saha ijina, tiquiro masa mujariro sahata mari gũhũ quehnoana ijinata. “Ti poto tjire”, ni tũhotuaja mari. <sup>9</sup> Cristo tiquiro yaria masa mujari bato ne pari turi yariasi. Apequiro tiquirore pari turi yariagũ ye masiedare. Tire mari masiaja. <sup>10</sup> Sa yero Cristo ihcã taha yariaro, masa tiquina ñañe yerire cohãno taro yariahye. Tiquiro catiriquiro ijiro mari Pacũ tiquiro cahmeno sahata yeducuatiquiro ijire tiquiro. <sup>11</sup> Tiquiro yero sahata mũsa gũhũ ohõ saha ni tũhotuya: “Yariariquina mũna tiquina yeraro saha mari gũhũ ñañene yeraja. Jesu yequina ijina mari Pacũ tiquiro cahmeno sahata yeanaja ijina niaja mari gũhũ”, ni tũhotuya mũsa.

<sup>12</sup> Sa yena mũsa yarianaja ijina ñañene yeducueracãhña. Sa yena mũsa ñañe ye duayere tutuaro cahmepenata tire sa tũhotu cãhña. <sup>13</sup> Ñañene yeracãhña. Pecapũ wahaborina Jesu tiquiro yũhdũnonohrina ijire mũsa. Tiquiro sa yenohrina ijina Cohãcjũ cahmeñe dihitare yeya mũsa. Sa yena quehnoañene yeya mũsa. <sup>14</sup> Yojopũre Cohãcjũ Moisere tiquiro dutiye mehna marine dutierare. Cohãcjũ marine cahño tiquiro pehe marine dutire. Sa yena tiquiro yedohoro mehna ñañene ye duasi mari.

*Mũsa ñañene yeducugũ ti ñañe mũsa pũhtoro yero saha ijire*

<sup>15</sup> ¿Yũhũ sa nigũ dũhse ni tũhotuajari mũsa? ¿Cohãcjũ pehere yũhtianaja ijina Moisere tiquiro dutiyere yũhtianaja ijierana, ñañene yeducuboagari mari? Ijierare. Yeducusi. <sup>16</sup> ¿Ahrire masiedajari mũsa? Mũsa quehnoano yũhtiriquiro mũsa pũhtoro ijire. Sa yena tiquiro cahacjãna ijire mũsa. Mũsa sa yũhti mũsa pũhtoro tiriro sahata ñañene yeducuna mũsa ijigũ ti ñañe mũsa pũhtoro yero saha ijire. Sa yena ñañene duhu masiedare

mũsa. Sa yena ijina pecapũ wahanaja ijire mũsa. Cohãcjũre quehnoano ño peona ijina tiquiro cahacjãna ijire mũsa. Sa yena tiquiro yequina quehnoana ijire mũsa. ¿Tire masiedajari mũsa? <sup>17</sup> Panopũ ñañene yeducuna mũsa ijigũ ti ñañe mũsa pũhtoro yero saha ijimedi. Yojopũ pehere quehnoañe buheyere tũhona Jesure wacũ tutuana Cohãcjũre quehnoano ño peona wahari mũsa. Tire masigũ “Quehnoare”, niaja Cohãcjũre. <sup>18</sup> Sa wahana yojopũre ñañe ti dutiro saha yerare mũsa. Sa yena Cohãcjũ cahacjãna ijina quehnoañe pehere yere mũsa. <sup>19</sup> Cahacjẽna pũhtoare tiquina quehnoano ño peoyere masi pehore mũsa. Sa yegũ ti mũsa masidi mehna queoye mehna buhei mũsare “Ahri buheyere mũsa esa tuharo tũhoeraboaga”, nigũ. Panopũ ñañene yeducuna ijimedi mũsa. Mũsa sa yeducuriro sahata yojopũ pehere quehnoañene yeducuna ijiya mũsa. Sa yena Cohãcjũ cahmeñe dihitare yenata mũsa.

<sup>20</sup> Panopũ ñañe dihitare yerina ijina, quehnoañe pehere yera tiri mũsa. <sup>21</sup> ¿Ti pjepũre ñañe dihitare yena yabere wapatarĩ mũsa? Ti mũsa ñañe yerire wacũna yojopũre bue tiaga mũsa. Ti ñañene mũsa yeri buhiri pecapũ wahaboaya mũsa. Sa yena ñañene yena ne wapataerare mũsa. <sup>22</sup> Yojopũ pehere mũsa ñañe yerire duhuna Cohãcjũ cahacjãna wahari mũsa. Sa yena Cohãcjũ cahmeñe dihitare yena ijinata. Sa yena ijipihtiye decori Cohãcjũ mehna ijinata. <sup>23</sup> Ñañene mari yeri buhiri pecapũ wahanaja ijiaja ijipihtina mari. Mari sa ijiepegũta mari pũhtoro Jesucristore mari wacũ tutuagũ ihñano, ijipihtiye decori tiquiro mehna marine ijiducugũ yerota. Mari sa ijiducuatire sa oho cãnota.

## 7

*Cohãcjũ Moisere tiquiro ohori dutiyere yahu nemoahye Pablo*

<sup>1</sup> Yũhũ acaye, Cohãcjũ Moisere tiquiro dutirire quehnoano masine mũsa. Masũno tiquiro catinigũ ti dutiyere yũhdũdũca dutierare. Tiquiro yariari bato pũritare ti dutiyere yero basioerare. Ti gũhũre masine mũsa. <sup>2</sup> Ohõ saha ijire: Numinore ticoro

manano mehna dihita iji dutire Cohãcjũ Moisere tiqiro dutiri pehe. Tiquiro sa dutiepegũta ticoro manano yariari bato ticoro pehe apequirore manũ ti masine. Ticoro ti dutiro mehna iji nemoedare. Ohõ saha ni yahure ti dutiye. <sup>3</sup> Sa yero ticoro manano tiqiro catiepegũta ticoro apequirore manũ tiro, ñano yero nine ticoro. Sa ijieperota ticoro manano yariari batopũ apequirore manũ tiro, Cohãcjũ dutiyere yũhdũdũcaerare ticoro sa yericoro. Sa yero ñano yericoro ijierare ticoro.

<sup>4</sup> Mũsa gũhũ yũhũ acaye Jesu yequina wahana, dutiyere mũsa yeri wapa tiqiro yequina wahaerare mũsa. Sa yena yariariquina mũna dutiye mehna tiquina ijieraro saha mũsa gũhũ ti dutiye mehna ijierare. Mũsa Cristo ya curua cjãna ijire. Sa yena yojopũre tiqiro yequina ijire mũsa. Tiquiro pehe yariari bato masa mũjari jiri Cohãcjũ cahmeno saha mari yeatire. <sup>5</sup> Panopũ ñañene mari esa tuharo yee timi. Sa yena Cohãcjũ Moisere tiqiro dutirire mari masidi bato ti dutiyere yũhdũdũca duami. Ti dutiye mariedagũ yũhdũdũca dueraboya. Sa yena ti dutiyere mari masidi bato ñañene tutuaro yemi mari. Sa mari ñañene yena mari pecapũ wahaborinata ijie timi. <sup>6</sup> Sa wahaborina ijiepenata Cristo yequina ijina yojopũre ti dutiye mehna ijieraja mari. Sa yero Espiritu Santo mari mehna ijiriquiro marine quehnoañe pehere comesagũ yere. Tiquiro sa yegũ panopũ cjẽ dutiye tiqiro ojoari ti mehna ijieraja mari yojopũre.

### *Tiquiro ñañe yerire yahuahye Pablo*

<sup>7</sup> ¿Sa yena Cohãcjũ Moisere tiqiro dutirire dũhse niboagari mari? ¿Ti dutiye ñañe ijiagari, mũsa tũhotugũ? Ijierare. Ti dutiye mehna ñañene masii. Sa yegũ ti dutiye mariedagũ ñañene masiedaboya yũhũ. Ti dutiye ohõ saha ijire. “Apequina yepũre tutuaro cahmedacãhña”, ñahye ti dutiye. Sa niedagũ apequina yepũre tutuaro cahmeñe ti ñañe ijigũ masiedaboya yũhũ. <sup>8</sup> Sa yegũ ti dutiyere yũhũ masidi bato apequina yepũre tutuaro cahmee timi yũhũ. Ti dutiyere masiedagũ apequina yepũre tutuaro yũhũ cahmeñe ti ñañe ijigũ masiedaboya yũhũ. <sup>9</sup> Ti dutiyere

yũhũ quehnoano masiato pano sa tũhotu cãhũ. Sa yegũ ti dutiyere yũhũ masidi bato tutuaro ñañene ye duami. Sa yegũ pecapũ yũhũ wahatire masie tii. <sup>10</sup> Sa ye Cohãcjũ dutiyere yũhdũdũcaeraye, masa tiqiro mehna quehnoano ijiducuboya. Sa ye ti dutiye pehe quehnoano ijiducugũ yebori dutiye ijire. Sa ijieperota yũhũ yũhdũdũcari buhiri yũhũre pecapũ waha dutimedi. <sup>11</sup> Sa yegũ ñañene yegũ Cohãcjũ Moisere tiqiro dutiyere yũhdũdũca duami. Ñañene tutuaro cahmegũ yũhũ ijigũ quehnoañene masiedũ. Ti ñañe pehe yũhũre dojomehnedi. Sa yegũ quehnoano masiedũ. Sa masiedagũ Cohãcjũ dutiyere yũhdũdũcahũ. Sa yegũ ti dutiyere yũhũ masidi bato yũhũ ñañe buhirire pecapũ yũhũ wahaborirore masii. Ti dutiye mehna sa masii.

<sup>12</sup> Sa ye Moisere tiqiro cũri dutiye quehnoañe ijire. Sa ye queoro ijirota nine ti dutiye. <sup>13</sup> ¿Sa ijieperota marine ti quehnoañe dutiye pehe pecapũ wahagũ yeajari? Ijierare. Topũ wahagũ yerare. Mari ñañe yeye pehe marine pecapũ wahagũ yere. Ti dutiyere mari masidi bato ti dutiyere yũhdũdũcana, ñañene yena mari ijiyere masiaja mari. Sa yena mari ñana mari ijiyere masina, mari pecapũ wahati gũhũre masiaja mari. Sa yena ti dutiyere masina mari yũhdũdũcarire ti ña yũhdũhaye ijigũ masiaja mari.

<sup>14</sup> Moisere tiqiro dutiri Cohãcjũ pehe tiqiro cũri ti ijigũ masiaja mari. Yũhũ pehe apequina yero saha ñagũ ijiaja. Sa yegũ ñañene yeducugũ ijiaja. <sup>15</sup> Sa yeducugũ ijiepegũta yũhũ yerire ne masiedũ yũhũ. Yũhũ cahmeno saha yeraja yũhũ. Sa yegũ yũhũ tutuaro ye dueramedireta yeaga yũhũ. Sa yegũ yũhũ yerire ne masiedaga yũhũ. <sup>16</sup> Sa yegũ ñañene ye duerapegũta ñañene yeaja yũhũ. Tire yegũ Cohãcjũ dutiye quehnoañe ijigũ masiaja yũhũ. <sup>17</sup> Sa yegũ yũhũ waro ti ñañene yojopũre yeraja. Yũhũ tũhotuyepũ ijie ñañe ti pehe yũhũre ñañene yegũ yere. <sup>18</sup> Quehnoañene tutuaro ye duepegũta ne cũedaga. Ñañe pehe yũhũre dojomehne mũjare. Ahri yehpa cjũ yũhũ ijigũ yũhũ tũhotuyepũ ñañe dihita ijire. Ne quehnoañe mariedabutiare. <sup>19</sup> Quehnoañe

yũhũ ye duaye pehere ne yeraja yũhũ. Yũhũ ñañene yũhũ ye dueye pehere yeaja. <sup>20</sup> Sa yegũ yũhũ ye dueyere yegũ yojopũre yũhũ waro tire yeraja. Yũhũ tũhotuyepũ ijiye ñañe ti pehe yũhũre ñañene yegũ yere.

<sup>21</sup> Sa yero yũhũre ohõ saha wahare: Quehnoañene yũhũ ye duepegũta yũhũ tũhotuyepũ ñañe ijire. Sa yegũ quehnoañe pehere yeraja. <sup>22</sup> Cohãcjũ Moiserere tiqũiro dutirire yũhũ tũhotuyere mehna tutuaro cahmeaja. <sup>23</sup> Sa yegũ yũhũ ahrire masiaja: Yũhũ tũhotuyere mehna quehnoañene ye duaja. Sa ye duepegũta yũhũ basi ñañene tutuaro ye duaja. Sa yegũ yũhũ esa tuharo ñañene duhu masiedaga yũhũ.

<sup>24</sup> Sa ñañene duhu masiedagũ pejecũogũ ijiaja yũhũ. Ñañene yegũ pecapũ wahagũta yũhũ. Yohnah. ¿Yũhũ ñañene yũhũre pecapũ waha dutiye ñañene noa yũhũre cohã basaboagari? <sup>25</sup> Jesucristore yũhũ wacũ tutuagũ tiqũirota yũhũ ñañene cohãnota. Tiquiro sa yegũ Cohãcjũre “Quehnoare”, niája yũhũ. Sa yegũ yojopũre yũhũ basi yũhũ tũhotuyere mehna Cohãcjũ dutiyere yeaja. Sa yegũ ijiepegũta yũhũ esa tuharo ijigũ ñañe pehe yũhũre ñañene yegũ yere.

## 8

### *Espíritu Santore cõoyequina tiquina ijiye tiyere yahuahye Pablo*

<sup>1</sup> Yojopũre Jesucristo yequinare tiquina buhiri tiato mariedare. [Tiquina ñañe tutuaro cahmeñene yerare. Sa ye Espiritu Santo tiqũiro dutiro saha yeduce tiquina.] <sup>2</sup> Sa yero Jesucristo yaqũiro yũhũ ijigũ Espiritu Santo ñañene duhugũ yere yũhũre. Sa yero Espiritu Santo ijipihtiye decori Cohãcjũ mehna ijigũ yere yũhũre. Ñañene yũhũre duhugũ yero yũhũre pecapũ wahaborigũre yũhdũore tiqũiro. <sup>3</sup> Cohãcjũ Moiserere tiqũiro dutirire mari esa tuharo ne ye pehosi. Sa ye pehoerana yũhdũdcana ijiaja mari. Sa yena mari ijigũ Cohãcjũ marine yũhdũoeranidi. Mari sa ijina ijiepegũta ohõ saha Cohãcjũ marine yũhdũorota. Tiquiro mari ñañe buhirire yariatiquirore, ti ñañene cohãtiqũirore tiqũiro macũnore ohoahye. Sa yero tiqũiro macũno mari yero sahata pagũ tiahye. Sa yero mari

tũhotuyepũ ijiye ñañene tiqũiro cohãri. <sup>4</sup> Marine sata yeri Cohãcjũ dutiyere tiqũiro tutuaye mehna mari ye pehoatire. Ti dutiyere ye pehona ijina mari esa tuharo ijieraja. Sa ijina Espiritu Santo yedohoye mehna tiqũiro dutiro sahata yeaja mari.

<sup>5</sup> Ñañene ye duayequina, ti dihitare tutuaro cahmene. Espiritu Santo dutiro sahata yeducuyequina pehe ti dihitare ye duare tiquina. <sup>6</sup> Ñañene ye duayequina ti dihitare tutuaro cahmeñe, pecapũ wahaeta. Espiritu Santo cahmeno sahata tutuaro ye duayequina pehe ijipihtiye decori Cohãcjũ mehna ijiaja. Sa ye tiquina quehnoano iji cãeta. <sup>7</sup> Tiquina esa tuharo yeyequina Cohãcjũre ihña tuhtire. Tiquina Cohãcjũ dutiyere ne yahtierare. Tiquiro dutiyere yahti duerare. Yahti masiedare tiquina. <sup>8</sup> Sa ye tiquina esa tuharo yeyequina Cohãcjũre bucuegũ ye masiedare.

<sup>9</sup> Mũsa pehe mũsa esa tuharo yerare. Espiritu Santo mũsa mehna ijigũ tiqũiro cahmeno sahata yere mũsa. Sa ye Espiritu Santore cõoyequina pehe Cristo yequina ijierare. <sup>10</sup> Mũsa pehe tiqũiro yequina ijire. Mũsa ñañe buhirita mũsa pagũri yariare. Sa mũsa pagũri yarianaja ijiepenata Cristo mũsa mehna tiqũiro ijigũ tiqũiro mehna sa ijiducunata mũsa. Cohãcjũ mũsare “Quehnoana ijire”, tiqũiro ni ihñagũ mũsa tiqũiro mehna sa ijiducunata. <sup>11</sup> Cohãcjũta Jesure masori jiri. Sa masoriquiro ijero Espiritu Santo mari mehna tiqũiro ijiducugũ mari yariari bato Cohãcjũ mari gũhũre masonota. Sa masono mari pagũrire yariatati pagũrire catigũ yerota marine.

<sup>12</sup> Yũhũ acaye, tiqũiro sa yegũ ihñana ñañe mari tutuaro cahmedire yeracũhna. <sup>13</sup> Mari ñañene yerina ijina, pecapũ wahaborina iji cãnata niája. Espiritu Santo yedohoye mehna ñañe yeyere duhurina ijina, ijipihtiye decori Cohãcjũ mehna ijinata.

<sup>14</sup> Ijipihtiyequina Espiritu Santore yahtiyequina Cohãcjũ pohne ijire. <sup>15</sup> Espiritu Santo mari mehna tiqũiro iji dũcagũta Cohãcjũ pohna iji dũcaũ. Sa yena tutuaro mehna tiqũiro dutinohrina ijieraja mari. Sa yena panopũ mari cueriro saha yojopũ pehere mari cueraja. Tiquiro

pohna ijina, Espíritu Santo yedohoye mehna yojopare “Yuhú Pacu”, niaja mari Cohãcjüre. <sup>16</sup> Sa yero Espíritu Santo mari wacũñepu marine ohõ saha masigũ yere: Potota Cohãcjũ pohna ijiaja mari. Tire marine masigũ yere tiquiro. <sup>17</sup> Sa yena tiquiro pohna ijina, Cohãcjũ ijipihtiyere tiquiro pohnene tiquiro “Ohoutja”, tiquiro nidire mari pehe cunata. Jesucristo mehna mari cunata tire. Cristo yere mari yeri buhiri ñano yuhdurina ijina mari tiquiro mehna umusepu quehnoano bucueye mehna iji cãnata. Sa yena Cohãcjũ tiquiro pohnene “Ohoutja”, tiquiro nidire cunata mari.

<sup>18</sup> Yojopare ahri yehrapu ñano yuhduríaja mari. Camepare mari umusepu quehnoano iji cãnata. Sa yena yojopare ñano yuhduna, pajiro bujua witi wacũ tãhotueracũhna. Ahri mari ñano yuhduri sa iji cãno nine. Came quehnoano iji cãnata Cohãcjũ mehna. Sa yena tutuaro bucuenata. Ahri pũrita ihyo waro ijierare. <sup>19</sup> Cohãcjũ pohna ijina Cohãcjũ mehna quehnoano ijinata. Mari sa wahatire cohteducuro saha yero nine Cohãcjũ bajumehnedi. <sup>20</sup> Ijipihtiropare tiquiro bajumehnedi quehnoano ijiborire dojomehneahye masuno ñano ye ducaro. Ti esa tuharo sa wahaerahye. Ñaãe iji ducari bato tiquiro bajumehnedi sa wahahye. Sa yero Cohãcjũ tiquiro bajumehnedire sata ñano iji dutinahye. Came tiquiro bajumehnedire quehnoañe wahagũ yerota tiquiro. <sup>21</sup> Sa yero Cohãcjũ tiquiro bajumehnedire ahba pihtiborire quehnoañe wahagũ yerota tja. Cohãcjũ pohnene quehnoañequina tiquiro wahagũ yeriro sahata, tiquinare quehnoano tiquiro yuhduroro sahata quehnoañe wahagũ yerota Cohãcjũ tiquiro bajumehnedire. <sup>22</sup> Ijipihtiyere Cohãcjũ tiquiro bajumehnedi ñano ti iji ducari bato ñano yuhdũe tiahye. Numino niji wahcõno ticoro ñano yuhdũro sahata tiquiro bajumehnedi gũhu decoripe ñano yuhdũducure. Tire mari masiaja. <sup>23</sup> Mari pehe Espíritu Santore cuna ijiaja. Tiquiro yequina mari wahagũ Cohãcjũ tiquiro yaquiro Espíritu Santore duita ohoi marine. Tiquiro bajumehnedi yero

sahata mari gũhu ñano yuhdũaja. Sa yena quehnoañe pehere tiquiro comesatire tutuaro cohteaja. Sa yena tiquiro pohna mari tiquiro mehna mari quehnoano ijiato gũhure tutuaro cohteaja mari. Wahma pagure marine tiquiro ohoati gũhure cohteaja. <sup>24</sup> Mari sa cohtena ijigũ, tiquirota marine pecapu wahaborinare yuhdũore. Tiquiro cahapu ijirina ijina tiquiro cahapure mari wahatire cohteraboya mari. Marine tiquiro yuhdũo tuhasari bato ijigũ tire cohte nemoedaboya. <sup>25</sup> Sa yena tiquiro ohoatire ihñedapenata Cohãcjũ marine tiquiro yuhdũoatire cohtena, sa cohteducuaja.

<sup>26</sup> Sa yena Cohãcjüre wacũ tutuera cjũna tiquiro cahmeñene quehnoano masiena mari ijigũ Espíritu Santo marine yedohore. Cohãcjüre mari quehnoano sini masiedaja. Espíritu Santo pehe marine Cohãcjüre tutuaro sini basare. Marine tutuaro paja ihñano marine tiquiro Cohãcjüre tutuaro sini basare. <sup>27</sup> Cohãcjũ cahmeno sahata marine Jesu yequinare sini basare Espíritu Santo. Tiquiro sa sini basagũ Cohãcjũ mari tãhotuyere masi pehoriquiro ijero, Espíritu Santo tiquiro sini basarire masine.

*Cristo tiquiro tutuaye mehna ñaãe yeyere yuhdũducunata mari*

<sup>28</sup> Ahrire yuhu yahuatire masiaja mari: Ijipihtina Jesure cahina mari ijigũ tiquiro cahmeñene yeanajare beseahye marine. Sa ijina mari ijigũ ihñano Cohãcjũ sa ihña ihboducure marine. Sa yena mari ñano yuhdũepenata ñano yuhdũducu dojoeraja. Cohãcjũ tiquiro yedohoro mehna quehnoano ijinata mari. <sup>29</sup> Cohãcjũ marine tiquiro yequinare duitapata masi tuhasahye. Sa masino tiquiro macuno Jesu tiquiro ijero sahata marine iji dutiro, marine quehnoañe pehere comesa duti tuhasahye. Tiquiro macuno yero saha marine iji dutiahye tiquiro peyequina masa tiquiro macunore mari wahmi tiatire. <sup>30</sup> Panopu tiquiro yequina tiquiro iji dutirina mari ijigũ, tiquiro pohna mari ijiatina gũhure beseahye marine. Sa yero marine tiquiro beserinare tiquiro “Quehnoañequina ijire”, ni ihñare. Marine tiquiro sa ninohrinare tiquiro mehna

uħmusepũ quehnoano ijigũ yerota marine Cohãcjũ.

<sup>31</sup> Tire masina ohõ saha tũhotuaja mari: Cohãcjũ marine tiqũiro cahñonare ne apequina ihña tuhtiyẽ cũedare. <sup>32</sup> Cohãcjũ mari ye buhirire yariatiquirore tiqũiro macũnore ohoahye. “Yũhũ macũre cahñaja. Sa yegũ tiqũirore ohoeraja”, niedahye tiqũiro. Marine sa tutuaro yedohoriquiro ijiro, ijipihtiyẽ mari cahmeñe dũhsarire marine oho pehorota. <sup>33</sup> Cohãcjũ beserina mari ijigũ, tiqũiro marine “Quehnoana ijire”, ni ihñari. Mari sa ijina ijigũ apequina marine “Ñana ijire”, ne ni yahusã masiedare. <sup>34</sup> Cristo mari ye buhirire yaria masa wijiahye. Sa yero Cohãcjũ poto pehepũ yojopũre tiqũiro ijire dutiriquiro ijiro. Sa yero tiqũiro marine potota sini basaro nine Cohãcjũre. Sa ye apequina pehe marine ne buhiri dahre duti masiedare. <sup>35</sup> Cristo marine tiqũiro tutuaro cahĩgũ apequina tiqũirore “Cahĩedacãhña”, ne ni masiedare. Cahĩ duhusi tiqũiro. Mari ñano yũhdũepegũta, mari cuepegũta, apequina marine tiquina ñano yepegũta, mari ujuũ ahbaepegũta, suhti mariena mari ijiepegũta, cuaropũ mari ijiepegũta, marine tiquina wejẽpegũta Cristo marine sa cahĩducurota. <sup>36</sup> Cohãcjũ yere tiquina ojoari pũpũ mari sa wahatire yahuro, ohõ saha nine:

Mũhũ yequina usã ijiri buhiri apequina usãre sa wejẽ duaducure. Oveja tiquina wejõatiquina tiquina ijiriro saha usã gũhũre sa wahare, ni ojoahye Cohãcjũ yere tiquina ojoari pũpũ.

<sup>37</sup> Sa yena mari ñano yũhdũepenata Cristo marine cahĩniquiro tiqũiro yedohoro mehna tutuaro mehna ñañene duhu pehonata mari. <sup>38-39</sup> Jesucristo yequina mari ijigũ ihñano Cohãcjũ pehe marine tutuaro cahĩne. Sa yero tiqũiro marine ne cahĩ duhusi. Mari yariagũ gũhũre, mari catigũ gũhũre, yojopũre, camerũ gũhũre, tiqũiro marine cahĩ duhusi. Sa ye angele, watĩa pũhũa, ahri yehpa cjẽna pũhũa, uħmuse cjẽna, ñañequina bajueyequina gũhũ Cohãcjũre “Mũhũ yequinare cahĩedacãhña”, tiquina niepegũta marine ne cahĩ duhusi Cohãcjũ. Cohãcjũ tiqũiro

bajumehnedi mehna marine ne cahĩ duhugũ yeye mariedare. Marine ne tiqũiro cahĩ duhusi.

## 9

### *Israe masa Cohãcjũ beseriquina ijire*

<sup>1-2</sup> Yũhũ acaye Israe masare wacũgũ, tutuaro bujuũ witiãja yũhũ. Cristore cahmedare tiquina. Sa yegũ ñano bujuũ witi jeripohna tiaja yũhũ. Ti yũhũ sa ni yahuye ijirota ijire. Yũhũ Cristo yaquirota ijiaja. Sa yegũ masare potota niaja. Sa yegũ Espĩritu Santo yũhũ mehna tiqũiro ijigũ yojopũre yũhũ acayere yũhũ ni yahuye ti potota ijigũ quehnoano masiaja yũhũ. Tiquiro tire yũhũre quehnoano masigũ yere. <sup>3</sup> Israe masa yũhũ acaye ya maca cjẽna pecapũ wahaeta. Cohãcjũre tiquinare yũhdũo dutigũ ohõ saha niboa yũhũ pehe: “Tiquina ye buhirire yũhũ pehe pecapũ wahaũtja. Sa yero tiquina ye buhirire yũhũ pehere buhiri dahreahro Cristo”, niboa yũhũ. <sup>4</sup> Tiquina yũhũ acaye Israe mũnano panamena iji turiayequina ijire. Sa yero Cohãcjũ pohne ijiatiquinare cũahye Cohãcjũ tiquinare. Sa yero Cohãcjũ tiqũiro asi siteye mehna tiquina watoa ijie tiahyẽ. Sa yero tiquina ijipihtiyequinare tiqũiro masare tiqũiro yũhdũoatire yahue tiahyẽ tiquinare. Sa yero Moiserẽ tiqũiro dutirire duita cũ mũhtahye Israe masare. Sa ye Cohãcjũre ño peoati wũhũre ye mũhtae tiahyẽ tiquina. Sa yero tiquinare tiqũiro quehnoano yeatire yahue tiahyẽ Cohãcjũ. <sup>5</sup> Usã ye cururi waro doce cururi waro ijire. Sa yena usã ñecusũmũa iji mũhtariquina mũnapũ tiquina panamena iji turianapũ ijiaja usã Israe masa. Sa yero mari yero saha pagũ tiriqũiro ahtarõ, usã acayũro Israe masũno waro ijire Cristo. Tiquiro Cohãcjũta ijire. Sa yero tiqũiro ijipihtiyequina pũhũtorõ ijire. Ijipihtiyẽ decori tiqũirore quehnoano ño peouhna mari. Sa ño peoducuuhna.

<sup>6</sup> Apequina Israe mũnano panamena iji turiayequina ijiepetã Cohãcjũ yequina waro ijierare. Sa yena tiquina tiqũiro yequina ijieragũ ihñana ohõ saha ni tũhotuboa mũsa: “Israe masare yeequina ijigũ yeitja’, nieperota ihquẽquinare Cohãcjũ



tiqairo nidiro sahata yerare”, ni tãhotuboa m̄asa. Sa ni tãhotueracãhña. <sup>7</sup> Ohõ saha ijire: Apequina Israe masa Abrahã panamena iji turiayequina tiquina ijiepegãta “Abrahã panamena iji turiayequina waro ijire”, ni ihñedare Cohãcjũ tiquinare. Sa yero ohõ saha niahye Cohãcjũ: “M̄h̄u mac̄u Isaac panamena iji turiayequina tiquina p̄rita potota m̄h̄u panamena iji turiayequina waro ijieta”, niahye Cohãcjũ Abrahãre. <sup>8</sup> Tiquiro sa ni yahugũ ahrire masinata mari: Abrahã panamena tiquina masa bajuari bato duita Cohãcjũ pohne waharĩedaga tiquina. Cohãcjũ tiqairo ni c̄irire quehnoano tãhoyequina tiqairore wacũ tutuayequina pehe tiquinata ijiaga Cohãcjũ pohne. Sa ye tiquinata ijire Abrahã panamena iji turiayequina waro. <sup>9</sup> Ohõ saha niahye Cohãcjũ Abrahãre: “Ape c̄h̄ma ahri pje borota ȳh̄u majare tojoa tagũ m̄h̄u namono Sara nijinogãre c̄orota m̄h̄u mac̄ure”, niahye Cohãcjũ Abrahãre. Sa nino Cohãcjũ Abrahã mac̄ano tiqairo masa bajuatire yahuyuro niahye.

<sup>10</sup> Came Isaac namono Rebeca wame tiricoro duita p̄aro pohna tiahye. Tiquina pac̄aro Isaac usã ñec̄u m̄n̄ano iji turiariquiro ijiahye. <sup>11-12</sup> Sa ye tiquina pohne tiquina masa bajuato pano quehnoañene, ñañe gũh̄are tiquina yeato pano Cohãcjũ tiquina pacoro ijiatricore ohõ saha nie tiahye: “Tiquiro bah̄aro pehe tiqairo wahminore dutirota. Sa yero tiqairo p̄h̄toro ijirota”, nie tiahye ticorore. Cohãcjũ tiqairo cahmeno sahata besere tiqairo. Sa beseriquiro ijiro ihcãquirogãre besero ticorore sata ni yahue tiahye. Sa yero masa tiquina yeyere ihñedaperota tiqairo cahmeno sahata tiqairo yequina ijiatiquinare besere. <sup>13</sup> Sata ni ojoahye tiqairo yere tiquina ojoari p̄p̄u: “Jacob pehere cahñe tii. Sa yeḡu Esau pehere cahñeda tii”, niahye Cohãcjũ”, ni ojoahye panop̄u.

<sup>14</sup> ¿Tire wacũna dahse ni tãhotuboardi mari? ¿Tiquina yeyere ihñedaperota ihcãquirore sa besero Cohãcjũ queoro yeraboari, m̄asa tãhotugũ? Ijierare. <sup>15</sup> Ohõ saha nie tiahye Cohãcjũ Moiserere: “Ȳh̄u cahmediquiro dihitare paja ihñautja”, niahye tiqairo Moiserere. Sa yero ihcãquirore

sa besero potota yero niahye Cohãcjũ. <sup>16</sup> Sa yena mari esa tuharo mari cahmeno saha Cohãcjũre marine paja ihñagũ yeraja mari. Sa yero ne mari quehnoañene mari yeri wapa gũh̄are marine paja ihñedare tiqairo. Tiquiro esa tuharo tiqairo cahmeñequina pehere paja ihñare. <sup>17</sup> Sa yero sata tiqairo esa tuharo yehyere Egipto cjẽna p̄h̄toro gũh̄are. Ohõ saha niahye Cohãcjũ tiqairore faraõre: “Egipto cjẽna p̄h̄to ijiajũre c̄ũḡu nii m̄h̄are ȳh̄u tutuayere ijipihtiyequinare ȳh̄u ihñoatire. Sa yeḡu ijipihtiyere yehpari cjẽna ȳh̄are tiquina masiatire p̄h̄to s̄õu nii ȳh̄u m̄h̄are”, niahye Cohãcjũ tiqairore. Ohõ sahata nine Cohãcjũ yere tiquina ojoari p̄p̄u. <sup>18</sup> Sa yero tiqairo cahmeñequinare tiqairo esa tuharo paja ihñare tiqairo. Sa yero tiqairo esa tuharo apequinare yãhtieragũ yere tiqairo. Sa yero Cohãcjũ tiqairo cahmediro sahata yere.

<sup>19</sup> Tiquiro sa yeriquiro ijigũ ihñana ȳh̄u pehere ohõ saha niboaga m̄asa: “Cohãcjũ marine tiqairo cahmediro sahata tiqairo yegũ mari pehe tiqairore yãhd̄ud̄ca masisi. ¿Mari sa yãhd̄ud̄ca masiedapegũta dahse ijiro boro marine buhiri dahre duajari tiqairo?” ni pihopũri sinituboaga m̄asa ȳh̄are. <sup>20</sup> Ohõ saha ni yãhtiaja m̄sare: “¿Masa ihyo ijina ijiepenata Cohãcjũre tuhtajari m̄asa? Dihi sutu dahreriquirore ¿Dahseḡu ȳh̄are ohõ saha ijiri sutu yeri m̄h̄u?” ti sutu ni sinituboriro saha nina niaga m̄asa Cohãcjũre. Sa ni masiedare m̄asa. <sup>21</sup> Dihi sutu dahreriquiro dihi mehna tiqairo cahmeno sahata yere. Sa yero quehnoañene pose yeati suture ye masine tiqairo. Tia dihi yãb̄u mehnata ihyo ijiyere pose yeati sutu gũh̄are ye masine tiqairo. Tiquiro yero saha Cohãcjũ gũh̄u tiqairo ye duaro sahata yere.

<sup>22</sup> Sa yero Cohãcjũ pecap̄u tiqairo cohãtiquinare tiquina ñañe yerire tiqairo ihña usuaro tiquinare buhiri dahre duamahye. Sa buhiri dahre dueperota, yoiari pje tiquina ñañe yeyere sa ihña cãriahye, ijipihtiyequinare tiqairo buhiri dahreatire, tiqairo tutuayere ihñono taro. <sup>23</sup> Sata yehyere Cohãcjũ tiqairo quehnoa butiariquiro tiqairo ijiyere, tiqairo tu-

tuaye gũhare mari masiatire. Panopũ marine tiquiro paja ihñanohanajare tiquiro beseahye, ijipihtiye tiquiro tutuayere tiquiro quehnoañene mari cũoatire. <sup>24</sup> Sa yena mari pehe tiquiro beserina ijinata niaja. Sa ye tiquiro beseriquina pehe ihquẽquina judio masa dihita ijierare. Ihquẽquina judio masa ijieyequina gũhũ ijire tiquiro beseriquina. <sup>25</sup> Sata nine judio masa ijieyequinare Cohãcjũ yere Osea mũnano tiquiro ojoariro sahata:

Yeequina ijieyequina gũhare camerũ tiquinare “Yeequina ijire”, niitja. Sa yegũ yũhũ cahĩeñequina gũhare camerũ tiquinare “Yũhũ cahĩna ijire mũsa”, niitja, niahye Cohãcjũ. <sup>26</sup> “Yeequina ijierare mũsa”, Cohãcjũ tiquiro nimesi yehpari cjẽna tiquina Cohãcjũ catiriquiro pohmeta ijietã, ni ojoahye Osea panopũre.

<sup>27</sup> Sa yero panopũ cjũno Isaia mũnano Israe masare ohõ saha ni yahuahye: “Pajiri ma cjẽ padũ pjerigãre mari queona cũedaja. Israe masa ti padũ pjerigã yero saha ijiyequina peyequina ijiepegũta meheñequinagã Cohãcjũ yũhdũorota tiquinare. <sup>28</sup> Cohãcjũ ahri yehpa cjẽnare peyequina masare sojaro mehna potota buhiri dahre madoqueorota”, niahye Isaia. <sup>29</sup> Sa yero pari turita ohõ saha ni ojoahye Isaia:

Mari pũhtoro ijipihtiyequina pũhtoro meheñequinagã mari mehna cjẽnare yũhdũoeraro, marine judio masare ijipihinare butigũ yeboya tiquiro. Sodoma cjẽnare, Gomorra cjẽna gũhare tiquiro butigũ yeriro sahata mari gũhare butigũ yeboya tiquiro, ni ojoahye Isaia yũhũ acaye Israe masare tiquiro yeato panopũ.

*Judio masa quehnoañe buheyere cahmedahye*

<sup>30</sup> Sa tjire. Sa yena ahri masi nemoña mũsa: Judio masa ijieyequina Cohãcjũre macaedapeta tiquirore bocare. Jesucristore tiquina wacũ tutuagũ, “Quehnoañequina ijire”, ni ihñari tiquinare Cohãcjũ. <sup>31</sup> “Cohãcjũ dutiyere mari yegũ tiquiro marine yũhdũorota”, niñe judio masa pehe Cohãcjũ Moisere

tiquiro dutiyere yepeta, cũedari. Sa yero ti dutiyere tiquina yepegũta Cohãcjũ “Quehnoañequina ijire”, ni ihñedari. Sa ye quehnoañequina iji duepeta cũedari. <sup>32</sup> Ohõ saha ye, tiquina cũedari: Tiquina Cohãcjũre wacũ tutuaro marieno tiquina esa tuharo Moisere tiquiro dutirire ye duamedi, tiquiro yequina iji duaye. Mari queoye mehna buhegũ Cristo utã yero saha ijiriquiro ijire. Omaperiquiro utãpũ doque wahã sa bora quehero, tiquiro esaborirore ne eserare. (Tiquiro yero saha tiquina Cristore utã yero saha ijiriquirore cahmeeñequina Cohãcjũ cahapũ ne esasi.) <sup>33</sup> Sata ni ojoahye Cohãcjũ yere tiquina ojoari pũpũ:

Jerusalẽ wame tiri macapũ utã yero saha ijiriquirore cũgũ niaja. Mari queoye mehna buhegũ ohõ saha ijire: Omaperiquiro utãpũ doque wahã sa bora quehero tiquiro esaborirore eserare. (Tiquiro yero saha ti maca cjẽna utã yero saha ijiriquirore tiquina cahmedari buhiri Cohãcjũ cahapũ ne esasi. Tiquiro pehe tiquinare topũre waha dutisi.) Sa ye tiquirore wacũ tutuayequina pehe quehnoano bucueeta, ni ojoahye.

## 10

<sup>1</sup> Yũhũ acaye, Israe masare pecapũ waha-boriquinare Cohãcjũ tiquiro yũhdũoatire, tutuaro yũhũ jeripohna mehna cahmesãja yũhũ. Sa yegũ Cohãcjũ tiquinare tiquiro yũhdũoatire sini basaja yũhũ. <sup>2</sup> Potota tiquina Cohãcjũ cahmeeñene ye duamene. Sa ye duepeta tiquiro cahmeeñene masiedare. <sup>3</sup> Sa ye tiquinare Cohãcjũ tiquiro quehnoañequina wahagũ yeborire tiquina masiedare. Sa masiedaye tiquina esa tuharo quehnoañene yepeta, cũedari. Tiquina sa yegũ Cohãcjũ tiquiro wacũ tutua dutiriro sahata tiquina yeragũ ihñano, tiquiro pehe tiquinare “Quehnoañequina ijire”, ni ihñedari. <sup>4</sup> Ijipihtiyequinare Cristore wacũ tutuayequinare “Quehnoañequina ijire”, ni ihñare Cohãcjũ. Sa yena dutiye yeye mehna yũhdũ witeraja mari. Cristo mehna yũhdũaja.

<sup>5</sup> Moise m̄n̄ano panop̄a cj̄no oh̄o saha ni ojoahye: “Coh̄ācj̄ dutirire mari duhuro marieno ye pehoḡū Coh̄ācj̄ ȳhd̄orota marine”, ni ojoahye tiq̄iro. <sup>6-7</sup> Tiq̄iro sa ni ojoaep̄eḡta yojop̄are masa Cristore tiq̄uina wac̄ū tutuaḡū Coh̄ācj̄ tiq̄uinare “Quehnoañequina ijire”, ni ih̄ñare. Ti buheye quehnoañequina wahaḡū yeri buheye oh̄o saha ni yahure: Cristo tiq̄iro basi ahri yehp̄ap̄a wihi tuhasari jiri. Sa yero masa m̄ja tuhasari jiri. Sa yena oh̄o saha ni t̄hotuerac̄h̄ña m̄sa: “¿Diq̄iro pehe ̄hm̄sep̄a Cristore ne c̄hta basaro wahaboagari marine tiq̄iro ȳhd̄oato saha? ¿Diq̄iro pehe yariariq̄uina cahap̄a Cristore maso basaro ne c̄htaboagari? Tiq̄irore ne c̄htaboriq̄iro mariedare”, ni t̄hotuerac̄h̄ña m̄sa. <sup>8</sup> Sa yero oh̄o saha ni yahure Coh̄ācj̄ yere tiq̄uina ojoari p̄p̄a: “Coh̄ācj̄ ye buheyere mari macaḡū ti buheye oh̄op̄a ijire. Ti buheyere masi tuhasare m̄sa. Sa yena ti buheyere yahuducue tire m̄sa”, ni ojoahye. Ti buheyere Cristore wac̄ū tutuaye buheyere masare yahuaja ̄s̄ā. <sup>9</sup> Ti buheye oh̄o saha ni yahure: “Jesu mari p̄htoro ijire”, ni mari yahuḡū, “Coh̄ācj̄ Jesure yariariq̄irore potota masori”, ni mari t̄hotuḡū, Coh̄ācj̄ marine pecap̄a wahaborinare ȳhd̄orota. <sup>10</sup> Jesure mari wac̄ū tutuaḡū Coh̄ācj̄ pehe marine “Quehnoana ijire”, ni ih̄ñanota. Sa yero Jesure mari wac̄ū tutuayere apequinare mari yahuḡū tiq̄iro marine pecap̄a wahaborinare ȳhd̄orota.

<sup>11</sup> Oh̄o saha nine Coh̄ācj̄ yere tiq̄uina ojoari p̄p̄a: “Coh̄ācj̄re wac̄ū tutuayequina tiq̄irore tiq̄uina wac̄ū tutuarire ne b̄j̄a wisisi”, niahye Coh̄ācj̄ yere tiq̄uina ojoari p̄p̄a. <sup>12</sup> Judio masare, judio masa ijieyequina ḡh̄are Coh̄ācj̄ ih̄c̄no saha yedohore. Mari p̄htoro ijip̄ihtiequina p̄htoro ijire tiq̄iro. Sa yero ijip̄ihtiequinare tiq̄irore siniñequinare quehnoano pajiro ohorota tiq̄iro. <sup>13</sup> Oh̄o saha ni ojoahye panop̄are: “Ȳh̄ñ̄e cōh̄ñ̄a. Sa yeḡū ȳh̄ñ̄e ȳhd̄ooya’, ni mari p̄htoro masa tiq̄uina siniḡū tiq̄uinare pecap̄a wahaboriq̄uinare mari p̄htoro ȳhd̄orota”, ni ojoahye Coh̄ācj̄ yere. <sup>14</sup> Sa ye masa Cristore wac̄ū tutueraye

tiq̄irore sini masiedare tiq̄uina. Sa ye tiq̄iro buheyere t̄hoeraye, tiq̄irore wac̄ū tutua masiedare. Sa ye tiq̄iro buheyere yahuriq̄iro mariedaḡū tire tiq̄uina ne masisi. <sup>15</sup> Sa ye tiq̄iro ye buheyere yahuatiq̄uinare Coh̄ācj̄ pehe tiq̄iro ohoeraḡū tiq̄iro ye buheyere yahu masiedare. Tire ojoahye Coh̄ācj̄ yere tiq̄uina ojoari p̄p̄a: “Quehnoañequina buheyere yahuatiq̄uina tiq̄uina ahtaḡū ih̄ñana quehnoano bucueaja mari”, ni ojoahye panop̄are.

<sup>16</sup> Ti sa ijiepeḡta masa peyequina quehnoañequina buheyere t̄ho duerare. Sata ni ojoahye Isaia m̄n̄ano: “P̄h̄to, tiq̄uinare mari yahurire tiq̄uina ne t̄ho duerari”, ni yahuahe Isaia Coh̄ācj̄re. <sup>17</sup> Sa ye masa quehnoañequina buheyere t̄hoye Cristore wac̄ū tutuari. Sa ye Cristo yequina tiq̄iro yere tiq̄uina yahuḡū, tiq̄iro ye buheyere t̄hore masa.

<sup>18</sup> Sa yeḡū ahrire sinitu duaja m̄sare: ¿Israe masa Coh̄ācj̄ yere t̄hoera tiari, m̄sa t̄hotuḡū? Poto waro tiq̄uina t̄homedī. Sata nine Coh̄ācj̄ yere tiq̄uina ojoari p̄p̄ ḡh̄a:

Coh̄ācj̄ yere yahuequina ijip̄ihtiro p̄ yahu siteye wahari. Sa ye ijip̄ihtiro cj̄nap̄a tiq̄iro yere t̄hori, ni ojoahye panop̄a.

<sup>19</sup> Pari turi m̄sare sinitu duaja tja: ¿Israe masa t̄hoepeta quehnoano masiedari tiq̄uina, m̄sa t̄hotuḡū? Masie timahye. Ahrire yahu nemoḡū Moise nidire yahu m̄htātja. Oh̄o saha ni ojoahye tiq̄iro:

Oh̄o saha ni yahure Coh̄ācj̄ Israe masare: “T̄ho masieñequina, ñañequina, ih̄yo ijieyequina ijire”, ni m̄sa ih̄ñañequinare yeequina ijiatiq̄uina yeitja. Ȳh̄ñ̄e sa yeḡū m̄sa pehe tiq̄uinare ih̄ñ̄a coonata. Sa yeḡū m̄sare usuaḡū yeitja ȳh̄ñ̄e, ni yahuri Coh̄ācj̄ Israe masa ijieyequinare tiq̄iro yequina ijiḡū yero taro, ni ojoahye Moise.

<sup>20</sup> Ape p̄p̄re Isaia cuero marieno oh̄o saha niahye:

Oh̄o saha nine Coh̄ācj̄: Ȳh̄ñ̄e macaedariquina pehe ȳh̄ñ̄e bocari. Sa yeḡū ȳh̄ñ̄e cahmeeñequinare tiq̄uinare ȳh̄ñ̄e masiḡū yei ȳh̄ñ̄e, nidi Coh̄ācj̄, ni

ojoahye Isaia judio masa ijieyequinare.

<sup>21</sup> Israe masa pehere ohō saha ni ojoahye Isaia: “Ohō saha nine Cohācjū: Tiquina yuhure yuhduducayequina, yuhure cahmeeñequina ijire. Sa yegū tiquinare tiquina ñañene bujua witi dutigū ‘Yeequina ijiya’, sa niducumi tiquinare”, nidi Cohācjū, ni ojoahye Isaia.

## 11

*Meheñequinagã Israe masare pecapū waboriquinare yuhdudorota Cohācjū*

<sup>1</sup> ¿Sa yero Israe masare Cohācjū tiquiro beseriquinare yojopare cohāyari tiquiro, mūsa tūhotugū? Ijierare. Tiquinare cohāedari tiquiro. Yuhū gūhū Israe masū, Abrahā panami iji turiagupū ijiaja. Sa yegū Benjami ya curua cjū ijiaja yuhū. <sup>2</sup> Panopū Israe masare Cohācjū beseetiahye. Tiquiro sa beseriquinare cohāedari. Cohācjū yere tiquina ojoari pūpū Elia mūnāno tiquiro yerire yahure. ¿Ti pūpū Israe masare Elia Cohācjūre tiquiro yahusārire masiedajari mūsa? Ohō saha ni yahusāhye tiquiro: <sup>3</sup> “Pūhto Cohācjū, tiquina Israe masa mūhū yere yahu mūhtariquinare wejēdi. Sa ye tiquina mūhūre wacū usā ño peoye altarire cohāri. Sa yegū yuhū dihita mūhū yaquiro dūhsaja yojopare. Yuhū sa ijigū tūhoye yuhū gūhūre wejē duare tja, yojopare”, niahye Elia Cohācjūre. <sup>4</sup> Tiquiro sa nigū tūhoro Cohācjū pehe ohō saha ni yūhtiahye Eliare: “Siete mil mūhū yeequina ijire yojopare. Tiquinare ihbou yuhū. Baal wame tiri tiquiro queoyere ne ño peoera tiri tiquina, yeequina”, niahye Cohācjū Eliare panopūre cue dutieraro. <sup>5</sup> Ti pjere Elia tiquiro ijiri pjere tiquiro yequina masare beseriro sahata yojopū gūhūre meheñequinagã Israe masare tiquiro yequina ijiatiquinare beseri jiri Cohācjū. Cohācjū tiquinare paja ihñano beseri jiri. <sup>6</sup> Quehnoañene tiquina yeri wapa tiquinare beserari jiri. Tiquinare paja ihñano beseri jiri. “Quehnoañene mūsa yeri wapa mū sare beseitja”, nino, tiquiro tiquinare potota paja ihñano niedaboya.

<sup>7</sup> Sa ye ohō saha ijire. Israe masa Cohācjū tiquinare “Quehnoañequina ijire”,

tiquiro ni ihñagū cahmepeta tiquina ihcāno sahaerari. Cohācjū tiquiro basi tiquiro beseriquina pehe quehnoañequina tiquiro yequina wahari jiri. Apequina pehe tiquirore ihcāno sahaeraye, tiquina pehe tiquiro yere tūho duerari. <sup>8</sup> Sata niahye Cohācjū yere tiquina ojoari pūpū: “Cohācjū tiquirore cahmeeñequinare tiquiro yere tūhoeyequina ijigū yeri. Sa yero potota ijiyere tiquina tūhoepēgūta tiquinare quehnoano tūhogū yerari Cohācjū. Sata ijiducure tiquina yojopū gūhūre”, ni ojoahye panopūre. <sup>9</sup> Sa yero ohō saha niahye Davi panopū cjūno Cohācjūre:

Tiquina Israe masa tiquina bose decori tiquina bucueye decori yeye, ñano yere tiquina. Tiquina sa yegū ihñagu buhiri dahreya mūhū. <sup>10</sup> Tiquinare quehnoano tūhoeragū yeya mūhū. Sa ye sa buhiri tiducuyequina ijiahyo tiquina. Sa ye sa bujua witiducuetā, niahye Davi Cohācjūre.

*Judio masa ijieyequinare pecapū waboriquinare yuhdudorota Cohācjū*

<sup>11</sup> ¿Judio masare Cristore tiquina cahmedagū ihñano Cohācjū tiquinare cohāno, cohā bo cāno ni boari, mūsa tūhotugū? Cohā bosī tiquinare. Sa cohāedaperota tiquina Cristore tiquina cahmedagū yojopare judio masa ijieyequina pehere Cohācjū yuhdudorota. Yojopare tiquinare tiquiro yequina wahagū yeri Cohācjū. Tiquiro sa yegū ihñañe ihquēquina judio masa pehe tiquinare ihñā cooboa. <sup>12</sup> Judio masa tiquina yuhduducagū tiquina quehnoano yeragū apequina pehere ahri yehpa cjēnare ihquēquinare Cohācjū yuhdudori. Tiquiro sa yuhdudogū tiquina pehere quehnoano wahari. Tiquiro sa yeriro yuhdudoro, came judio masa pehe Cristore tiquina quehnoano wacū tutua ducagū pūritare ahri yehpa cjēnare quehnoa yuhdudaro waharota.

<sup>13</sup> Yojopare mū sare judio masa ijienare yahugū tūhū niaja. Cristo cūri yuhūre judio masa ijieyequinare buheacjūre. Sa buhegū ihyo waro yei niedaja. <sup>14</sup> Sa niaja yuhū acayere judio masare mū sare tiquina ihñā coogū ye duagu. Cohācjū yuhdudorina

musa ijigũ ihñañe tiquina gũhũ Cristore cahme, tiquiro yũhdũoriquina wahaboa. <sup>15</sup> Judio masare mehenogã cohãbo curero, judio masa ijieyequina pehere quehnoañe buheyere Cohãcjũ yahu dutiri. Ti buheyere tiquina tũhori bato Jesure tiquina wacũ tutuari bato ihquẽquina ahri yehpa cjẽna Cohãcjũ yequina wahari. Sa ye judio masare mehenogã tiquiro cohãbo curegũ quehnoano wahari ahri yehpa cjẽnare. Tiquiro sa yeriro yũhdũoro judio masare tiquiro yequina ijiatiquina tiquiro yegũ pũrita quehnoa yũhdũaro waharota ahri yehpa cjẽnare. Tiquiro yequina tiquina wahagũ peyequina masa Jesure wacũ tutuayequinare pecapũ wahaboriquinare yũhdũorota. <sup>16</sup> Ohõ saha ijire: Mehenogã trigo yũbũ Cohãcjũre ño peo tiquina duhu peori yũbũ quehnoari yũbũ Cohãcjũ tiquiro yegũ, dũhsari yũbũ gũhũ quehnoari yũbũta ijire. Sa yero yucũgũ nahcori quehnoagũ, tũ dũpũri gũhũ quehnoañe dũpũri ijire. (Ohõ saha mari ni queoye mehna buhegũ Abrahã usã ñecũ munano quehnoariquiro tiquiro ijiriro sahata tiquiro panamena iji turiayequinapũ gũhũ quehnoañequina ijietã Cristore wacũ tutuayequina ijiye.)

<sup>17</sup> Ihquẽquina sa ijiatiquina tiquina ijiepegũta apequina tiquina acaye pehere judio masare Cohãcjũ mehenõ cohãbo cureri. Olivo wame tidũ dũpũri ihquẽ dũpũri tiquiro dũte cohãboriro saha apequina judio masa pehere Cohãcjũ mehenõ cohãbo cureri. Sa yucũgũ dũpũri cohãno tiquiro cohãri dũpũri ijirirope apeye dũpũri nũcũ cjãnũ olivogũ dũpũri camesa doho ohõri. Sata Cohãcjũ musare judio masa ijienare Abrahã panamena iji turianare camesari musare, musa gũhũre yũhdũoro taro. <sup>18</sup> Musare tiquiro sa cũgũ “Judio masa yũhdũoro quehnoana ijiaja usã”, ni tũhotueracãhña. Ahrire yũhũ yahuatire wacũña musa: Judio masa pehere bese mũhtahye Cohãcjũ. Sa besero tiquina acayũro ijiatiquirore cũahye Cristore, marine yũhdũoro taro. Sa yena “Judio masa yũhdũoro quehnoana ijiaja”, ni tũhotueracãhña musa.

<sup>19</sup> Musa judio masa ijiena pehe ohõ saha niboã: “Ihquẽ ñañe dũpũri tiquiro cohãboriro saha Cohãcjũ judio masare

cohãbo cureri ihquẽquinare. Sa cohãbo cureri tiquiro apeye dũpũri camesa tiquiro doho ohõno saha tiquiro yequina marine cũno taro”, niboã musa judio masare yũhdũũca duana. <sup>20</sup> Ti musa niñe ijirota ijire. Sa ijiepegũta tiquina Jesure tiquina wacũ tutuerari buhiri Cohãcjũ cohãbo cureri tiquinare. Sa yero musa gũhũre Jesure musa wacũ tutueragũ tiquiro yequina ijianaja musare cũedaboaya. Sa yena “Judio masa yũhdũoro quehnoana ijiaja usã”, niedacãhña musa. Sa niedana Cohãcjũre quehnoano ño peoya. <sup>21</sup> Uhmũ tãñe dũpũri yero saha judio masa pehe Cohãcjũ yequina iji mũhtahye. Tiquiro camesari dũpũri tiquiro doho ohõboriro saha camerũ Cohãcjũ tiquiro yequina musa pehere cũahye. Sa yero tiquiro yequina iji mũhtariquina judio masa tiquirore tiquina wacũ tutueragũ, tiquinare cohãbo cureri. Tiquinare tiquiro cohãriro saha musa gũhũre cohãnota, tiquirore musa wacũ tutueragũ. Sa yena Cohãcjũre quehnoano ño peoya musa. <sup>22</sup> Cohãcjũ musare quehnoano yeriquiro tiquiro ijigũ masiña musa. Sa yena cua pesaro mehna buhiri dahreriquiro tiquiro ijigũ gũhũre masiña musa. Tiquirore ño peoyequinare tiquiro buhiri dahrerota. Sa musa tiquirore ño peoducugũ pũrita musare quehnoano yerota tiquiro. Ño peerana ñañe dũpũri tiquiro cohãboriro saha musa gũhũre cohãnota Cohãcjũ. <sup>23</sup> Sa yero judio masa tiquiro cohãbo cureriquina Cristore tiquina wacũ tua dũcagũ, yucũgũ dũpũri masa tiquina doho ohõno saha Cohãcjũ tiquiro yequina ijigũ yerota tiquinare. Cohãcjũ tiquiro sa yeati tutuayere cũori. Sa yero tiquiro tiquinare ihquẽquinare tiquiro yequina wahagũ yerota. <sup>24</sup> Musa judio masa ijiena ijina, nũcũ cjãnũ olivogũ dũpũri yero saha ijire musa. Sa ijina musa ijiepegũ olivogũ otedũpũ nũcũ cjẽ dũpũri masa tiquina ohõno saha Cohãcjũ musare tiquiro yequina ijigũ yerota. Judio masa Cohãcjũ tiquiro bese mũhtariquina ijire. Sa yero tiquiro bese mũhtarina musa ijierapegũta tiquiro yequina musare ijigũ yeri tiquiro. Judio masare tiquiro bese mũhtariquina

pehere tiquiro yequina ijigū ye duare. Tire tiquiro yegū m̄sare yero ȳhd̄oro mijoeda cjūre.

*Came judio masare pecar̄ waha-  
boriquinare ȳhd̄orota Cohācjū*

<sup>25</sup> Ȳh̄ acaye, ahr̄ire masa tiquina masiedar̄ire m̄sare yahutja. “Yojoṗ̄re ṡsā dihitare besere Cohācjū. ṡsā pehe masi peho cjā”, m̄sa ni t̄hotuerato saha ahr̄ire yahutja. Ohō saha ijire: Yojoṗ̄re peyequina judio masa Cohācjūre t̄ho duasi. Sa ye peyequina judio masa ijieyequinare Cohācjū tiquiro queor̄iro puno tiquiro yequina tiquiro yeri bato judio masa pehe tiquirore cahmeeta. <sup>26</sup> Tiquina sa cahmegū ijipihtiyequina tiquirore cahmeñequinare judio masa pecar̄ waha-  
boriquinare Cohācjū ȳhd̄orota. Cohācjū yere tiquina ojoari p̄p̄ sata ni ojoahye:

Jerusalē wame tiri macar̄ judio masa ya macar̄ tiquinare ȳhd̄oatiquiro ahtarota. Sa yero Jacob panamena iji turiayequinare tiquina ñañe yerire tiquiro cohānota. <sup>27</sup> Sa yegū tiquinare ȳhd̄ogū panop̄ tiquinare ȳh̄ ni cūriro sahata yei niaja, nidi Cohācjū, ni ojoahye Cohācjū yere tiquina ojoari p̄p̄.

<sup>28</sup> Yojoṗ̄re tiquina judio masa Cristo yere ño peoyequina Cohācjūre ihña tuhtire. Tiquina sa yegū yojoṗ̄re m̄sa pehe judio masa ijiena Cristore wacū tutua d̄cari. Judio masa pehere Cohācjū bese m̄htahye. Sa yero judio masa ñec̄s̄m̄ m̄na panop̄ cjēna tiquiro beseriquina tiquina ijigū yojoṗ̄re ijieyequina judio masa gūh̄are tiquiro cahīne. <sup>29</sup> Cohācjū tiquiro ni cūriro sahata masare tiquiro beseriro sahata potota yerota tiquiro. Tiquiro nidire bos̄i tiquiro. <sup>30</sup> Panop̄re m̄sa gūh̄ Cohācjūre ȳhd̄d̄cari jiri. Yojoṗ̄re judio masa Cohācjūre tiquina ȳhd̄d̄cagū ihñano tiquiro m̄sa pehere paja ihñano ȳhd̄ori. <sup>31</sup> Yojoṗ̄re judio masa tiquirore ȳhd̄d̄cari. Tiquina sa yep̄gūta Cohācjū m̄sare tiquiro paja ihñariro sahata tiquina gūh̄are camer̄re paja ihñanota. <sup>32</sup> Ohō saha ijire: Ijipihtiyequina masare “Buhiri tiyequina ijire”, nine Cohācjū. Sa yero ijipihtiyequina buhiri tiyequina tiquina

ijigū ihñano ijipihtiyequinare paja ihña masine tiquiro.

<sup>33</sup> Yohou. Cohācjū tutua ȳhd̄ariquiro ijiajari. Quehnoano masi pehoriquiro ijire tiquiro. Sa yero tiquiro t̄hotuyere, tiquiro yerire marine quehnoano masino basioerare. <sup>34</sup> Ohō saha ni ojoahye Cohācjū yere: “Cohācjū mari p̄htoro tiquiro t̄hotuyere ne masa quehnoano masiedare. Sa ye masa tiquirore ‘Ohō saha yeya’, ni masiedare. <sup>35</sup> Sa ye masa Cohācjūre apee borore tiquina ohori bato ‘Tiquiro marine wapamore’, ni masiedare masa”, ni ojoahye panop̄re. <sup>36</sup> Cohācjū ijipihtiyere yeahye. Sa yero tiquiro tutu-  
aye mehna ijipihtiyere ijigū yere tiquiro. Sa ye ijipihtiyere tiquiro ye ijire. Tiquiro sa ijiriquiro ijigū ijipihtiyere decori tiquirore ño peouhna mari. Sata yeducuhna.

## 12

*Cohācjū cahmeñene marine yeducu duti-  
ahye Pablo*

<sup>1</sup> Cohācjū marine tutuaro paja ihñari. Tiquiro sa paja ihñariquiro ijigū ihñana ȳh̄ acaye, m̄sa basita Cohācjū yere yeducuya. Sa yena quehnoañe pehere comesarina, ñañe mariena ijiya. M̄sa sa ijigū tiquiro bucuerota. Sata yero cahmene marine Cohācjūre ño peona. Sa yegū m̄sare tire tutuaro ye dutiaja. <sup>2</sup> Ahri yehpa cjēna ñañequina tiquina yero saha ye nemoedacāhña m̄sa. Sa yena m̄sa t̄hotuyep̄re quehnoañe pehere comesarina ijinata m̄sa. Sa comesana Cohācjū m̄sare tiquiro ye dutirire masinata m̄sa. Sa yena quehnoañene, Cohācjū cahmeñene, ñañe marieñene masinata m̄sa.

<sup>3</sup> Cohācjū ȳh̄are paja ihñano m̄sare buhe dutiro beseri ȳh̄are. Sa yegū ijip-  
ihtinare m̄sare ahr̄ire ni dutieraja ȳh̄. “Quehnoa ȳhd̄ana iji ȳhd̄d̄caja ṡsā”, ni t̄hotueracāhña. Sa t̄hotu cāhña. Jesure m̄sa wacū tutuari bato Cohācjū m̄sare tiquiro yedohoro punota “To punota ye masiaja ṡsā”, ni t̄hotuya. <sup>4</sup> Ohō saha ni yahu nemoutja ȳh̄: Mari omocari, mari dahpocāri, mari caperi, ijiphtiro

mari pagurp*u* ijiye peye ijire. Mari pagurp*u* ijiye ihc*ã* pagurp*u* ijiepet*u* sijoro saha ijiye dahraye dihitare c*u*ore. <sup>5</sup> Mari queoye mehna buheg*u* ahri yero saha ijire. Cristo pag*u* yero saha ijina ihc*ã* curuata ijiaja mari. Sa yena mari ijipihtina peyequina ijiepenata ihc*ã* curuar*u*ta ijiaja mari.

<sup>6</sup> Coh*ã*cj*u* marine tiquiro yedohoro punota tiquiro tutuaye mehna ye dutire. Sa yero maripe sijoro saha ijiye dahrayere c*u*re tiquiro. Tiquiro sa yeg*u* marine tiquiro c*u*rire mari quehnoano yeihna. Sa ye Jesu yequina oh*o* saha yeahro. Ihqu*e*quinare Coh*ã*cj*u* tiquiro yere yahuatiquinare c*u*re. Sa ye tiquina Cristore tiquina masino puno tiquiro yere quehnoano yahuahro. <sup>7</sup> Ihqu*e*quinare Coh*ã*cj*u* masare yedohoatiquinare c*u*re. Sa ye tiquina masare quehnoano mehna yedohoahro. Ihqu*e*quinare Coh*ã*cj*u* masare buheatiquinare c*u*re. Sa ye tiquina masare quehnoano buheahro. <sup>8</sup> Masare bucueg*u* yeatiquina ijiye, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohoahro. Sa ye apequinare dutiyequina quehnoano mehna dutiahro. Sa ye pejec*u*oyequinare yedohoyequina bucueye mehna yedohoahro.

### *Jesu yequina ijina oh*o* saha yena ijiya*

<sup>9</sup> Apequinare cah*ã*na, potota cah*ã*na tiquinare. Sa yena ñañene ih*ã*na yabina ijiya m*u*sa. Sa yena quehnoañe pehere cahmeña. <sup>10</sup> M*u*sa bahanare m*u*sa cah*ã*no sahata Jesu yequinare m*u*sa mehna cj*e*ñare cah*ã*na. Sa yena m*u*sa mehna cj*e*ñare quehnoano cahme ño peoya.

<sup>11</sup> Coh*ã*cj*u* cahmeñene yena, ne caperc*ã*h*ã*na. Sa yena mari p*u*htoro tiquiro dutiriro sahata quehnoano bucueye mehna yeya.

<sup>12</sup> Coh*ã*cj*u* m*u*sare pecar*u* wahaborinare tiquiro y*u*hd*u*orinar*u* ijire m*u*sa. Tire masina bucueya m*u*sa. Sa yena ñano y*u*hd*u*ana, ihc*ã*no sahaya “Cristo yere duhuari”, nina. Sa yena Coh*ã*cj*u*re sa siniducuya.

<sup>13</sup> Apee boro Jesu yequinare d*u*hsag*u* ohoya tiquinare. Sa yena m*u*sa ye

w*u*h*u*sep*u* masa tiquina esag*u* quehnoano jeripohna ti, tiquinare piti caya.

<sup>14</sup> M*u*sare ñano yeyequina pehere quehnoa dutiya. Sa quehnoa dutina, tiquinare “Ñano y*u*hd*u*c*u*nahdo”, niedac*ã*h*ã*na.

<sup>15</sup> Apequina bucueyequina mehna ijina m*u*sa g*u*h*u* bucueya. Sa yena utiyequinare ih*ã*na, uti dohoya.

<sup>16</sup> M*u*sa mehna cj*e*ña mehna quehnoano ijiya m*u*sa. Sa yena “Apequina y*u*hd*u*oro quehnoana ijiaja”, ni t*u*hotuerac*ã*h*ã*na. Oh*o* saha ni t*u*hotuya. “Thyo ijina ijiaja”, ni t*u*hotu, ihyo ijiyequina mehna ijiya. Sa yena “Masi y*u*hd*u*d*u*cana ijiaja *u*s*ã*”, ni t*u*hotuerac*ã*h*ã*na.

<sup>17</sup> Apequina m*u*sare tiquina ñano yepeg*u*ta, tiquinare ñano ye cahmedac*ã*h*ã*na. Sa yena quehnoañene yeya, quehnoana m*u*sa ijiye tiyere ijipihtiyequina masa tiquina masiatire. <sup>18</sup> Tutuaro mehna quehnoañene yeya m*u*sa, ijipihtiyequina mehna m*u*sa quehnoano ijiatire. <sup>19</sup> M*u*sa y*u*h*u* cah*ã*na, y*u*h*u* acaye apequina m*u*sare tiquina ñano yepeg*u*ta tiquina yero saha ñano ye cahmedac*ã*h*ã*na. Coh*ã*cj*u* pehe m*u*sare tiquina ñano yeri buhiri buhiri dahreahro tiquinare. Coh*ã*cj*u* yere tiquina ojoari p*u*r*u* sata ni ojoahye: “Y*u*h*u* pehe masa tiquina ñano yeri buhiri buhiri dahreacj*u* ijiaja. Sa yeg*u* potota buhiri dahreitja’, nine mari p*u*htoro”, ni ojoahye panop*u*re. <sup>20</sup> Sa yena oh*o* saha yeya m*u*sa: “M*u*sare ih*ã*na tuhtiriquiro tiquiro *u*j*u*a ahbag*u* ih*ã*na nuña tiquirore. Tiquiro aco w*u*og*u* ih*ã*na tiquirore sih*o*ña. M*u*sa sa yeg*u* ih*ã*no tiquiro b*u*e tirota”, nine mari p*u*htoro. <sup>21</sup> Sa yena apequina m*u*sare tiquina ñano yepeg*u*ta m*u*sa pehe tiquinare ñano ye cahmedac*ã*h*ã*na. Sa yena tiquinare quehnoano yeya. Sa yena ñañene ye duerana ninata m*u*sa.

## **13**

<sup>1</sup> Ijipihtiyequina p*u*htoare Coh*ã*cj*u* dihita c*u*re. Sa yero m*u*sa p*u*htoa g*u*h*u*re Coh*ã*cj*u* bese c*u*re. Tiquiro sa c*u*riquina tiquina ijig*u* ih*ã*na ijipihtina m*u*sa tiquinare y*u*htiya. <sup>2</sup> Mari bui cj*e*ña p*u*htoare quehnoano y*u*htierana Coh*ã*cj*u* tiquiro bese c*u*riquinare y*u*hd*u*d*u*cana niaga mari. Sa y*u*hd*u*d*u*cariquinare Coh*ã*cj*u* pehe

buhiri dahrerota. <sup>3</sup> Quehnoañequinare cuegũ yeatiquina ijierare pũtoa. Ñañene yeyequina pehere cuegũ yeatiquina ijire tiquina. Quehnoañene yeya m̄sa pũtoare m̄sa cueratire. Sa yena cuesi m̄sa. Quehnoañene m̄sa yegũ pũtoro pehe “Quehnoano yeri m̄sa”, m̄sare ninota. <sup>4</sup> M̄sa pũtoa m̄sare yedohoatiquinata ijire m̄sa quehnoano ijiatire. Sa ye tiquina m̄sare buhiri dahreatiquinata ijire. Ijipihtiyequina ñañene yeriquinare buhiri dahre dutiro Cohãcjũ tiquinare beseri. Tiquina sa buhiri dahreatiquina ijigũ ñañene yena m̄sa pũtoare cueya. <sup>5</sup> Sa yena mari pũtoare yũtina, tiquina buhiri dahreatire cueracãhna. Sa yena ño peoye mehna “Quehnoañene yero cahmene yũhure”, ni tũhoturo mehna quehnoano yũhtiihna. <sup>6</sup> M̄sa pũtoare tiquina dahrayere cũri Cohãcjũ. Sa yena tiquina dahrayere tiquina yegũ ihñana m̄sa pũtoare wapa ne cohteyequinare wapa yere m̄sa.

<sup>7</sup> Ijipihtiyequinare m̄sa pũtoare quehnoano yũhtiya. Sa yena pũtoare wapa ne cohteyequinare wapa yeya m̄sa. Sa yena pũtoa pehe apeyere tiquina wapa ye dutigũ gũhure wapa yeya. Sa yena ijipihtiyequina pũtoare quehnoano ño peoya. <sup>8</sup> Apequina masare wapamoedacãhña. Tiquinare cahño cahmene. Sa ye cahĩ nemono cahmene. Tiquiro cahapũ ijiriquirore cahĩdiquiro Cohãcjũ dutiyere ye peho tuhasariquiro ijire. Sa yena m̄sa caha ijieyequina gũhure cahĩña. <sup>9</sup> Ohõ saha nine Cohãcjũ dutiye: “Apequiro namono mehna ñano yeracãhña. Masare wejẽdacãhña. Yaqueracãhña. Apequina yere tutuaro cahmedacãhña”, ni yahure tiquiro dutiye. Apeye dutiye gũhũ ijire. Sa ijiepegũta ihcãno dutirore m̄sare yahugũ tũũ niaja. Ti dutiro ihcãno dutiro ijiepegũta ti dutirore yena, Cohãcjũ dutiyere ye pehona niaja mari. “M̄hũ basi m̄hũ cahĩno saha m̄hũ caha ijieyequina gũhure cahĩña”, nine ti dutiro. Ti dutirore yena Cohãcjũ dutiyere ye pehona ijina nine m̄sa. <sup>10</sup> M̄sa caha ijiriquirore cahĩna, tiquirore ñano yesi. Sa yena tiquirore cahĩna, Cohãcjũ dutiyere ye pehona nine m̄sa.

<sup>11</sup> Sa yena carĩñequina yero saha ijieracãhña m̄sa. Quehnoano wacũ masiña. Jesure quehnoano wacũ cohteya. Jesu marine tiquiro tojoa ta, tiquiro neato mehenogã dũhsatjiãre. Tiquirore mari coã masi dũcana, “Yoari batopũ marine yũhdũoro tarota Jesu”, ni tũhotumi. Mari sa ni tũhotuepegũta yojopũre mehenogã dũhsare Jesu marine tiquiro yũhdũoro ahtato. Ahri yũhũ nidire masine m̄sa. <sup>12</sup> Yojopũre ñañene tiquina yeri deco ijire. Cristo tiquiro ahtagũ ahri deco pihtirota. Tiquiro ahtato mehenogã dũhsare. Tiquiro ahtato mehenogã dũhsagũ ihñana ñañene duhu pehocãhna mari. Sa yena Cohãcjũ cahmeñe pehere yeihna mari. Sa Cohãcjũ yere yena, ñañene duhu pehocãhna mari. <sup>13</sup> Sa yena quehnoañe pehere yeihna. Sa yena bose decorire yena ñano yeracãhna. Sa yena queheracãhna. Sa yena wũana tina, apequina mehna ñano yena, cahme dũse tini wiana, ihña coona ijieracãhna. <sup>14</sup> Sa yena mari pũtoro Jesucristo tiquiro yedohoye mehna quehnoano ijiya m̄sa. Sa yena ñañene m̄sa tutuaro cahmeñene yeracãhña.

## 14

*M̄sa acayere Jesu yequinare “Ñano yee nine”, ni yahu wajaeracãhña*  
(1 Co 8.1-13)

<sup>1</sup> Jesure wacũ tutuariquiro Jesu yere tiquiro quehnoano masiedarĩgũ tiquirore quehnoano yedohoya. Sa yena Jesu yere tiquiro quehnoano masiedarĩgũ ihñana “Ne masiedare m̄hũ”, ni cahme dũse tutueracãhña tiquiro mehna. <sup>2</sup> “Ijipihtiyere ihya masiaja yũhũ”, ni tũhoture apequina. Sa ye apequina pehe Jesu yere quehnoano masiedarĩñe, wahiquinare ihyeraye, oteye dũca dihitare ihyare. <sup>3</sup> Ijipihtiyere ihyayequina pehe oteye dũcare ihyayequinare ihña tuhtieracãhdo. Sa ye oteye dũca dihitare ihyayequina pehe ijipihtiyere ihyayequinare “Ñano yeye nine”, ni yahu wajaeracãhdo. Ijipihtiyere ihyayequina pehe Jesure wacũ tutuayequina tiquina ijigũ Cohãcjũ tiquinare tiquiro yequina



ijigū ye tuhasari. Tiquiro yequina tiquina ijigū ihñañe wahiquinare ihyeyequina pehe tiquinare yahu wajaeracāhdo. <sup>4</sup> Jesure wacū tutuayequina Cohācjū cahacjēna ijire. Tiquina sa ijigū ihñana mūsa tiquinare yahu waja masiedare. Jesure wacū tutuayequina Jesu cahmeno saha tiquina yeragū ihñano tiquiro dihita tire yahu masine. Tiquina quehnoano yegū gūhure tire yahu masine tiquiro tiquinare. Sa yero tiquiro pehe “Ñano yeri mūhū”, ni yahuatiquiro ijirota. Sa yero tiquiro cahacjēnare quehnoañene yeducu masigū yeriquiro ijire Cohācjū.

<sup>5</sup> Ihquēquina ihcā decore Cohācjūre tiquina ño peoati deco yere. Sa ye apeye decorire “Dahraye decori ijire”, ni tūhoture. Apequina pehe decoripe Cohācjūre ño peoducure. Tiquina ihcāno saha sa yerariquina ijiepetā ijipihtiyequina ohō saha ni tūhotuahro: “Jesu tiquiro cahmeno sahata quehnoano yena niāja”, ni tūhotu masiahdo. <sup>6</sup> Masuno ihcā deco tiquiro ño peoati deco yere Cohācjūre ño peoro taro. Sa yero decoripe ño peoducuriquiro Cohācjūre quehnoano ño peore tiquiro gūhū. Sa yero sijieriquiro gūhū ihyarō, Cohācjūre “Quehnoare”, ni sinine. Sa yero tiquiro gūhū ihyariquiro ijiro Cohācjūre ño peoriquiro ijire. Sa yero ihquē ihyayere sijiriquiro pehe tiquiro sijire Cohācjūre ño peoro taro. Sa yero tiquiro gūhū Cohācjūre “Quehnoare”, ni sinine.

<sup>7</sup> Mari cahmeñe dihitare yena iji masiedaja mari. Cristo ijire mari pūhtoro. Sa yero mari catigū mari yariagū gūhure mari pūhtoro ijire. <sup>8</sup> Yojopure mari catiro puno Cristo yere yeana ijiāja mari. Tiquiro yequina ijiāja. Mari yariari batopū gūhure tiquiro yequina ijinata. Sa yero mari catigū mari yariagū gūhure Cristo mari pūhtoro ijire. <sup>9</sup> Sata ijire. Cristo yaria masa mājahye, catiyequina, yariariquina gūhū tiquina pūhtoro ijiro taro.

<sup>10</sup> ¿Dūhsena tana mūsa acayurore Jesu yaquiore “Ñano yero nine”, ni yahu waja duajari mūsa? ¿Dūhsena tana mūsa acayurore cūhta diho cū duajari mūsa? Mari ijiphtina Cristo caha mari

ducugū tiquiro pehe mari yerire masi pehorō, marine beserota quehnoana, ñana gūhure. Tiquiro sa beseatiquiro ijigū mūsa acayurore “Ñariquiro ijire” ni yahu wajaeracāhña. <sup>11</sup> Cohācjū yere tiquina ojoari pūpū ohō saha ni ojoahye:

Ohō saha nidi mari pūhtoro: “Ahri potota ijire. Ijipihtiyequina yūhū potō dūsepe curi mehna quehe saeta. Sa ye ijipihtiyequina ‘Quehnoagu, tutuagu ijire’, ni, yūhure ño peoeta”, nidi mari pūhtoro, ni ojoahye.

<sup>12</sup> Sa yena ijiphtina mari yerire Cohācjū siniturota. “¿Dūhse yena sa yeari?” ni siniturota. Tiquiro sa ni sinitugū yūhtiro cahmene marine.

*Mūsa acayurore ñano yegū yeracāhña*  
*mūsa*

<sup>13</sup> Sa yena mari mehna cjēna gūhure “Ñañequina ijire”, ni yahu wajaeracāhna. Sa yena mari acayurore Jesu yaquiore ñano yegū yeracāhna. <sup>14</sup> Yūhū Jesucristo yaquiore ijiāja. Sa yegū ahri yūhū niatire quehnoano masiāja yūhū: Yūhū pehe ijipihtiye ihyayere yūhū ihyagū yūhū ihyari buhiri, buhiri mariedare. Apequiore pehe “Ahri ihyayere ihyagū ñano yei niāja”, ni tūhoturiquiro pehe ihyarō, potota buhiri tiriquiro ijire. <sup>15</sup> Ti potota ijire. Mūsa apee borore mūsa ihyagū mūsa acayuro mū sare ihña cū ihyarō, “Yohou, ñano yei niāga yūhū”, ni pajiro tūhotuboaga tiquiro. Tiquirore sa ihña cū ihyagū yena, tiquirore cahñedare mūsa. Apee borore mūsa ihyagū ihña cū ihyaboaga tiquiro. Sa ihyarō “Ñano yei niāja”, ni tūhoturo Cristore duhuboaga. Mūsa acayuro ye buhirire yariari Cristo. Sa yena “Cristore duhuari”, nina tiquirore ihña cūgū yeracāhña. <sup>16</sup> Sa ye “Ahri usā yeri quehnoarīaga”, mūsa ni tūhotugū apequina mū sare yahu wajaboaga. Tiquina sa yahu wajagū ihñana, mūsa sa yerire ye nemoedacāhña, “Yahu waja nemoari” nina. <sup>17</sup> Cohācjū pehe mari pūhtoro ijire. Tiquiro sa ijigū mari ihyaye, mari sihniñe gūhū sa iji cāno nine. Ihyo warota ijire. Sa ye mari pūhtoro tiquiro dutiyere, quehnoañe gūhure mari yegū ti waro ijiro nine. Sa ye apequina mehna mari quehnoano ijigū gūhure quehnoañe waro

ijiro nine. Sa ye Espíritu Santo yedohoye mehna mari bucuegũ quehnoañe waro ijiro nine. <sup>18</sup> Sata Cristo yere yeriquirore ihñañe Cohãcjũ, masa gũhũ “Quehnoano yeri mũhũ”, nieta.

<sup>19</sup> Sata yeihna mari pũrita quehnoano mari ijiatire, mari basi mari cahme yedohoatire. Sa yena Jesure wacũ tutua nemonata. <sup>20</sup> Apequiro Jesu yaquiro tiquiro ihya dutierarire mũsa ihyagũ ihñano tire coareraro, Cohãcjũ yere cohãboaga. Sa yena tire ihyeracãhña. Potota ijipihtiye ihyaye quehnoañe ihyayeta ijire. Sa ijiepegũta apee borore mari ihyagũ apequiro “Ñañe ihyaye ijiaga ahri”, nidiquiro ijieperota ihña cũ ihyaboaga. Sa ihyaro ñano yero niaga tiquiro. Sa yena marine tiquiro ihña cũ ihyagũ, mari gũhũ ñano yena niaja. <sup>21</sup> Wahiquina dihire mũsa ihyagũ ihñano, vinore mũsa sihnigũ ihñano, apequiro Jesu yaquiro “Tire ihyagũ ñano yei niaga yũhũ”, ni tãhoturiquiro ijieperota tiquiro gũhũ ihña cũ, ihya sihniboaga. Sa ni tãhoturiquiro pũrita ihya sihnino ñano yero nine. Sa yena tiquiro ñano yerato saha Jesure tiquiro wacũ tutua duhuerato saha wahiquina dihire, vino gũhũre mũsa pehe mũsa duhugũ quehnoarĩne. <sup>22</sup> “Ijipihtiyere ihya masiaja”, ni tãhotuna, tire Cohãcjũ dihitare yahuya. Ñañene yerariquiro, “Quehnoano yei niaga yũhũ”, ni tãhoturiquiro bucueriquiro ijire. <sup>23</sup> Apequiro pehe “Ahri ihyayere ihyagũ ñano yei niboaga yũhũ”, ni tãhoturiquiro ijieperota ti ihyayere ihyaro, buhiri tiriquire ijire tiquiro. “Ahrire ihyagũ potota quehnoañene yei niaja”, ni tãhotuerare tiquiro. Sa ni tãhotueraro tire ihyaro, tiquiro ihyari buhiri buhiri tire tiquiro. “Quehnoañene yei niaja”, ni tãhotueraro tire yero, buhiri tire tiquiro.

## 15

*Mari caha ijieyequinare quehnoano yeihna*

<sup>1</sup> Mari Cohãcjũre quehnoano wacũ tutuana pehe wacũ tutuera cjũñequinare yedohouhna. Sa yena mari ye dihitare

yeducueracãhna. <sup>2</sup> Sa yena mari caha ijieyequinare Jesu yequinare quehnoano yeihna tiquina quehnoano ijiatire, Cohãcjũre tiquina quehnoano wacũ tutua nemoatire. <sup>3</sup> Cristo pehe tiquiro ye dihitare yerahye. Sata nine Cohãcjũ yere tiquina ojoari pũpũ. Ohõ saha ni ojoahye: “Cristo ohõ saha nidi Cohãcjũre: ‘Mũhũ pehere ñano yahuducuboriquina yũhũ pehere ñano yahuducuri’, nidi Cristo Cohãcjũre”, ni ojoahye panopũre. (Sa tiquina ñano yahuducunohriquire ijiro Cristo tiquiro Pacaro ye pehere ye basaro niahye.) <sup>4</sup> Panopũ Cohãcjũ yere tiquina ojoari pũpũ tiquina ojoahye mari quehnoano buheatire. Sa yena ti pũre buhena bucueaja. Sa buhena mari ñano yũhdũna ihcãno sahanata. <sup>5</sup> Cohãcjũ mũsare tutuagũ yeriquiro bucuegũ yeriquiro mũsare ijipihtinare ihcãno saha quehnoano ijigũ yeahro, Cristo cahmediro sahata. <sup>6</sup> Sata yeahro tiquiro mũsa ijipihtina ihcãno mehna Cohãcjũre mari pãhtoro Jesucristo Pacarore “Quehnoagũ, tutuagũ ijire”, ni mũsa ño peoatore.

*Judio masa ijieyequinare quehnoañe buheyere yahu dũcahye*

<sup>7</sup> Cristo marine tiquiro yeriro sahata mũsa mehna cjẽnare quehnoano cahme piti caya. Mũsa sa yegũ ihñañe “Potota Cohãcjũ quehnoariquiro ijire”, ni ihñaeta masa pehe. <sup>8</sup> Mũsare ahrire niita niaja: Judio masare yedohoatiquiro ahtahye Cristo. Cohãcjũ tiquirore ohoro judio masa usã ñecusũmũa mũnapũre panopũ cjẽnare tiquiro ni yahuriro sahata yero niahye. Tire tiquiro yerire masare masigũ yeatiquiro ahtahye Cristo. <sup>9</sup> Masare Cristo tiquiro yedohogũ Cohãcjũ paja ihñano nine tiquinare. Tiquiro sa paja ihñagũ judio masa ijieyequina gũhũ Cohãcjũre “Quehnoagũ, tutuagũ ijire”, ni, ño peore yojopũre. Tiquina gũhũre tiquiro yequina ijigũ yero ahtahye Cristo. Cohãcjũ yere tiquina ojoari pũpũ sata ni ojoahye:

Cristo ohõ saha niahye Cohãcjũre:

Judio masa ijieyequina caha mũhũre “Cohãcjũ quehnoagũ, tutuagũ ijire”, ni ño peoutja. Sa yegũ tiquina

caha basagu m̄hure basautja, ni-  
ahye Cristo Cohãcjũre, ni ojoahye  
panopure.

<sup>10</sup> Sa yero ohõ saha ni ojoahye tja:  
Cohãcjũ tiquiro beseriquina judio masa  
mehna cahme bucueya m̄sa ḡh̄u  
judio masa ijiena, ni ojoahye  
panopure.

<sup>11</sup> Sa yero ohõ saha ni ojoahye tja:  
Judio masa ijieyequina ijipihtiequina  
Cohãcjũre ño peohro. Sa ye ijip-  
ihtiro cjẽna tiquirore “Quehnoagu,  
tutuagu ijire”, ni ño peohro, ni  
ojoahye.

<sup>12</sup> Sa yero Isaia m̄nano ḡh̄u ohõ saha ni  
ojoahye:  
Isaí panamino iji turiariquiro ahtarota.  
Sa ahtarota judio masa ijieyequina  
p̄h̄toro ijirota tiquiro. Sa ye  
tiquina pehe tiquirore wacũ tutua,  
tiquinare pecap̄u wahaboriquinare  
tiquiro ȳhd̄oatire masieta tiquina,  
ni ojoahye panopure.

<sup>13</sup> Cohãcjũ marine ȳhd̄oro ahtatiquiro  
quehnoano m̄sare bucuegã yehro. Sa  
yero Jesure m̄sa wacũ tutuagã m̄sare  
quehnoano ijigã yehro tiquiro. M̄sare  
tiquiro sa yegã m̄sare tiquiro ȳhd̄oatire  
Espíritu Santo tutuaye mehna bucueye  
mehna masi nemonata m̄sa.

<sup>14</sup> Ahr̄ire m̄sare ȳh̄u yahuatire  
quehnoano masiaja. M̄sa pehe  
quehnoana ijire. Sa yena Jesu yere  
quehnoano masine. Sa masina m̄sa  
mehna cjẽnare cahme quehnoano yahu,  
buhe masine m̄sa. <sup>15</sup> M̄sa sa masina  
m̄sa ijiepegãta ihquẽ tahari ahri p̄p̄re  
m̄sare cuero marieno quehnoano yahu  
peho ojoa m̄sa wacũato saha. Cohãcjũ  
ȳh̄ure cah̄no m̄sare buhe dutiro c̄ri  
ȳh̄ure. Sa yegũ tiquiro c̄riro sahata yegũ  
tagũ m̄sare wacũgã yei. <sup>16</sup> Ȳh̄ure tiquiro  
sa c̄gã Jesucristo cahacjã ijigũ tiquiro yere  
quehnoañe buheyere judio masa ijieye-  
quinare buheaja ȳh̄u. Ȳh̄u sa buhegã  
t̄h̄oye judio masa ijieyequina Jesure  
wacũ tutuaeta. Tiquina sa wacũ tutuagã  
ih̄ano tiquinare Cohãcjũ “Quehnoañequina  
ijire”, ni ih̄anota. Sa yero tiquinare  
cahmenota. Sa yero Esp̄ritu Santo pehe  
Cohãcjũ yequina ijigã yerota tiquinare.

Pahia wjũa m̄o Cohãcjũre tiquina ohoriro  
sahata, tiquinare ñañe marieñequinare  
Cohãcjũre oho duaja.

<sup>17</sup> Sa yegũ Jesucristore wacũ tutuagu  
ijigũ Cohãcjũ tiquiro buhe duti c̄rigũ  
ijigũ bucueye mehna buheaja m̄sare.  
<sup>18-19</sup> Apequina judio masa ijieyequinare  
Cristo yedohoye mehna tiquinare ȳh̄u  
buhegã t̄h̄oye, ȳh̄u yerire ih̄añe, Cohãcjũ  
tutuaye mehna ye ih̄orire ih̄añe, Esp̄ritu  
Santo tiquiro tutuaye mehna tiquina  
Cristore wacũ tutuari. Ahri p̄ritare  
m̄sare pototi yahu duaja. Apequinap̄u  
tiquina yerire yahueraja. Jerusalẽp̄u  
coã ȳh̄u buhe d̄cari bato ijipihtieye  
macarip̄u buhe d̄cau. Tee Ilirico yeh-  
pap̄u ḡh̄ure Cristo ye buheye quehnoañe  
buheyere buhei esau. <sup>20</sup> Sa yegũ Cristo  
yere masieñequina dih̄itare quehnoañe  
buheyere tutuaro buhe dua, ȳh̄u mehna  
cjẽna tiquina buhenohriquinap̄ure buhe  
dueragu. <sup>21</sup> Sata ni ojoahye Cohãcjũ yere  
tiquina ojoari p̄p̄u:  
Panop̄u tiquirore ne t̄hoerariquina  
tiquirore masieta. Sa ye tiquirore  
ne t̄hoerariquina tiquiro yere  
quehnoano t̄hoeta, ni ojoahye  
Cohãcjũ yere tiquina ojoari p̄p̄u.

*Pablo Romap̄u tiquiro wahatire  
yahuahye*

<sup>22</sup> Sa yegũ ijipihtiro cjẽnare buherigu  
ijigũ peye tahari m̄sa cahap̄u waha  
duepegãta waha masiedahti. <sup>23</sup> Yojo-  
p̄ure ahri yehparip̄ure ȳh̄u dahraye pihtia  
wahari. Sa pihtigã ih̄agã, peye c̄hmari  
m̄sa cahap̄u waha duarigu ijigũ m̄sa  
cahap̄u wahautja. <sup>24</sup> Sa ye Espānap̄u  
wahagu m̄sare top̄u ih̄na ȳhd̄u cãutja.  
Sa yegũ m̄sa mehna bucueitja. Sa yegũ  
m̄sa mehna ȳh̄u mehenogã ijiri bato  
ȳh̄ure m̄sa yedohoye mehna Espānap̄u  
wahautja. <sup>25</sup> Yojo-  
p̄ure Jerusalẽp̄u wahau  
t̄u niaja. To cjẽnare Jesu yequinare  
ȳh̄u acayere niñerure sogũ wahau t̄u  
niaja. <sup>26</sup> Macedonia yehpa cjẽna, Acaya  
yehpa cjẽna ḡh̄u quehnoano mehna  
Jesu yequinare Jerusalẽp̄u ijieyequinare  
pejec̄oyequinare niñerure ohori tiquinare  
yedohoye. Sa yegũ tiquinare tire oho  
basagu wahau t̄u niaja. <sup>27</sup> Ti niñerure

ohoye, quehnoano mehna ohoi tiquina. Tiquina sa yegũ quehnoarĩne, yũhũ tũhotugũ. Tiquinare judio masa ijieyequinare judio masa pehe Cohãcjũ yere buhe mũhtari. Sa ye tiquinare tiquiro yũhdũoato gũhare buhe mũhtari judio masa. Tiquina sa buhegũ ihñagũ Macedonia cjẽna, Acaya cjẽna mehna tiquinare tiquina yedohogũ quehnoarĩne yũhare. Tiquinare tiquina buheri wapa yero saha ijire ti, yũhũ tũhotugũ. <sup>28</sup> Sa yegũ Jerusalẽ cjẽnare ti niñerure oho tuhasagũ España yũhũ wahaũtja. Topũ wahagũ mũsare ihña yũhdũ cãũtja. <sup>29</sup> Sa yegũ mũsa cahapũ yũhũ wahagũ Cristo yere mũsare yũhũ buhegũ tiquiro mũsare quehnoano jeripohna tigũ yerota.

<sup>30</sup> Yũhũ acaye, mari pũhtoro Jesucristore wacũ tutuare mũsa. Sa yena Espĩritu Santo tutuaye mehna apequinare cahĩne mũsa. Sa yena yũhũ gũhare tutuaro sini basaya Cohãcjũre. <sup>31</sup> Ohõ saha ni sini basaya: Judea yehpa cjẽna Jesure ño peoyequina yũhare tiquina ñano ye duagũ Cohãcjũ yũhare tiquiro yedohoato saha sini basaya. Sa yena Jerusalẽ cjẽnare niñerure yũhũ ohogũ tiquina tire bucueye mehna tiquina ñeheatõ saha sini basaya. <sup>32</sup> Mũsa sa sinigũ Cohãcjũ cahmegũ bucueye mehna mũsa cahapũ wahaũtja. Sa yegũ mũsa mehna ijigũ bucueye mehna soutja. <sup>33</sup> Cohãcjũ marine quehnoano ijigũ yeriquiro mũsa mehna ijiducuahro. Sata ijiahro.

## 16

### *Pablo quehnoa dutiahye*

<sup>1</sup> Mari acayoro Febe wame tiricoro mũsa cahapũ waharo taro nine. Ticoro Cencrea wame tiri macapũ Jesu yequinare cahmecoañequinare yedohoricoro ijire. <sup>2</sup> Sa yero peyequinare yedohoricoro yũhũ gũhare yedohoricoro ijiri ticoro. Sa yero mari pũhtoro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedagũ ihñana ticorore ohoya mũsa.

<sup>3</sup> Aquila, tiquiro namono Priscila gũhũ quehnoahdo. Jesucristo yere yũhũ buhegũ tiquina gũhũ yũhũ mehna dahrari.

<sup>4</sup> Tiquinare meheno wejẽmedi, apequina yũhare tiquina wejẽ duagũ tiquina yedohori buhiri. Sa yegũ tiquina mehna bucueaja yũhũ. Sa ye judio masa ijieyequina Jesu yequina ijipihtiequina tiquina gũhũ tiquina mehna bucuerẽ. <sup>5</sup> Sa ye Aquila ya wũhũpũ cahmecoañequina gũhũ Jesu yequina quehnoahdo. Yũhũ cahĩniquiro Epeneto gũhũ quehnoahdo. Tiquiro Asia yehpa cjãno topũ ijoro Cristore wacũ tutua mũhtariquiro ijiri. <sup>6</sup> María gũhũ quehnoahdo. Ticoro mũsa mehna tutuaro dahrari. <sup>7</sup> Yũhũ acaye Andronico, Junia gũhũ quehnoahdo. Peresupũ yũhũ ijigũ tiquinata yũhare piti tiyequina ijiri. Sa ye yũhũ pano Cristore wacũ tutua mũhtari tiquina pehe. Apequina Jesu cũriquina pehe tiquinare “Potota quehnoañequina ijire”, ni yahuducure.

<sup>8</sup> Amplia gũhũ yũhũ cahĩniquiro Jesu yaquiro ijire. Tiquiro quehnoahdo. <sup>9</sup> Sa yero Urbano gũhũ quehnoahdo. Tiquiro gũhũ mari mehna Cristo yere dahrari. Sa yero yũhũ cahĩniquiro Estaqui quehnoahdo. <sup>10</sup> Sa yero Apele gũhũ quehnoahdo. Tiquiro potota quehnoano Jesure wacũ tutuare. Tiquiro yerire ihñana tire masiaja mari. Sa ye Aristobulo ya wũhũ cjẽna ijipihtiequina tiquiro namono tiquiro pohne gũhũ quehnoahdo. <sup>11</sup> Yũhũ acayoro Herodiõ quehnoahdo. Sa ye Narciso ya wũhũ cjẽna Jesu yequina quehnoa pihti cãhdo. <sup>12</sup> Sa ye Trifena, Trifosa gũhũ quehnoahdo. Ti numia mari pũhtoro Jesu ye dahrayere tutuaro yere. Mari cahĩnicoro Pẽrsida gũhũ quehnoahdo. Ticoro mari pũhtoro yere tutuaro dahrari. <sup>13</sup> Sa yero Rufo mari pũhtoro Jesure quehnoano wacũ tutuariquiro, tiquiro yere quehnoano yeriquiro quehnoahdo. Tiquiro pacoro gũhũ quehnoahdo. Ticoro yũhũ paco yero saha ijiricoro ijire. <sup>14</sup> Asincrito, Flegonte, Herma, Patroba, Herme, apequina Jesu yequina tiquina mehna cjẽna gũhũ quehnoahdo. <sup>15</sup> Sa ye Filologo, Julia, Nereo, tiquiro bahoro gũhũ, Olimpa, apequina tiquina mehna cjẽna gũhũ Jesu yequina quehnoahdo.

<sup>16</sup> Sa yena mũsa mehna cjẽnare piti cana, quehnoano mehna piti caya. Ijipihtie-

quina Jesu yequina ijipihtiro cjēna m̄sare quehnoa dutire.

<sup>17</sup> Ȳh̄h̄ acaye, m̄sa mehna cjēna ihquēquina m̄sare cahme ih̄ña tuhtigū yeyequina, cahme tu wagū yeyequina ijiñohti. Sa ye m̄sare Jesu ye buheyere dojomehnene. Sa yena sa yeyequinare ih̄ñana quehnoano yeya, “Dojomehneari”, nina. Sa ijiyequinare piti tieracāh̄ña. <sup>18</sup> Sa yeyequina mari p̄htoro Jesucristo yere yerare. Ñañene tiquina tutuaro cahmeñe dihitare yere. Sa ye quehnoano t̄ho coaro dero majare doco ni meho buhere quehnoano masieñequinare. Tiquina sa ni mehogū tiquinare quehnoano t̄hore. Sa yena tiquinare piti tieracāh̄ña m̄sa.

<sup>19</sup> M̄sa pehe Jesure quehnoano ȳhtina ijiñohti. Tire ijipih̄tiyequina masine. Sa quehnoano ȳhtina m̄sa ijigū bucueaja ȳh̄h̄. Sa yegū quehnoano m̄sa yeatire m̄sa masigū cahmeaja ȳh̄h̄. Sa yegū ne ñañene m̄sa yeragū ḡh̄h̄re cahmeaja ȳh̄h̄. <sup>20</sup> Sa yero Cohācj̄ marine quehnoano ijigū yeriquiro mehenogā bato m̄sare yedohorota “Satanare ȳhd̄d̄caahro”, nino. Mari p̄htoro Jesucristo mehna m̄sare quehnoa dutiaja.

<sup>21</sup> Timoteo ȳh̄h̄ piti m̄sare quehnoa dutire. Ȳh̄h̄ acaye judio masa ḡh̄h̄, Lucio, Jasō, Sosipate m̄sare quehnoa dutire.

<sup>22</sup> Ȳh̄h̄ Tercio ahri p̄re Pabl̄re oja basagū ijaia. Ȳh̄h̄ Jesu yaquiro ijigū m̄sare Jesu yequinare quehnoa dutiaja.

<sup>23</sup> Gayo ya w̄h̄h̄p̄ ijigū niaja ȳh̄h̄ Pablo. Tiquiro ya w̄h̄h̄p̄ Jesu yequina cahme-coare. Tiquiro ḡh̄h̄ m̄sare quehnoa dutire. Sa yero Erasto ahri maca cjēna p̄htoare niñeru ihbo cohteriquiro m̄sare quehnoa dutire. Mari acaȳro Jesu yaquiro Cuarto ḡh̄h̄ m̄sare quehnoa dutire.

[ <sup>24</sup> Mari p̄htoro Jesucristo mehna m̄sare ijipih̄tinare quehnoa dutiaja.]

*Pablo Cohācj̄re ño peoro oja bato tiahye*

<sup>25-27</sup> Mari p̄htoro Jesucristo ye buheye mehna quehnoañe buheye mehna Cohācj̄ m̄sare tiquirore wacū tutua nemogū ye masine. Panop̄re quehnoañe buheye ne masare yahuerari buheye ijimahye.

Yojop̄re Cohācj̄ yere yahu m̄htariquina m̄na tiquina ojoari mehna ti buheyere yahuri jire. Ȳh̄h̄ ḡh̄h̄ tire buheaja. Ti buheyere ijipih̄tiro cjēna yojop̄re masine. Cohācj̄ sa ijiducuriquiro tiquiro dutiro sahata tiquina masine. Ti buheyere tiquirota yahu dutiahye masa tiquirore tiquina ȳhtiatire, tiquirore tiquina wacū tutuati ḡh̄h̄re. Sa yena tiquirore “Potota quehnoagū, tutuagū ijire”, ni ño peouhna. Tiquiro ihcāquiota Cohācj̄ dihita quehnoano masi pehoriquiro ijire. Jesucristo yedohoye mehna Cohācj̄re sa ño peoducuuhna mari. Sata ijiducuuhna.

# 1 Corintios

*Pablo Cohãcjũ yequinare Corinto cjẽnare ojoa ohoahye*

<sup>1-2</sup> Yũhũ Pablo, Jesucristo yere buhe duti tiquiro cũrigũ ijiaja. Cohãcjũ tiquiro cahmeno sahata Jesu tiquiro cũacjũre beseahye yũhũre tiquiro. Mũsare Cohãcjũ yequinare Corinto cjãnare ojoa ohoaja yũhũ. Sostene mehna quehnoa dutiaja mũsare. Ahriquiro gũhũ mari acayũro Jesu yaquiro ijire. Jesucristo mehna cjãna mũsa ijigũ Cohãcjũ yequina ijiana beseahye Jesu mũsare. Sa ye ijipihtiyequina apequina mari pũhtoro Jesucristore siniñequina ijiye, tiquina gũhũ Cohãcjũ yequinata ijire. Tiquina sa ijigũ Jesucristo pehe mari ijipihtina pũhtoro ijire. Sa yena mũsare ijipihtinare ojoa ohoaja yũhũ. <sup>3</sup> Sa yena Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

*Jesucristo pehe mũsare quehnoano ye basahye mari Pacũ tiquirore dutiriro sahata*

<sup>4</sup> Jesucristo yequina mũsa ijiri bato tiquiro pehe mũsare quehnoano ye basare Cohãcjũre. Tiquiro sa yegũ ihñagũ, Cohãcjũre “Quehnoare”, niducuaja yũhũ decoripe. <sup>5</sup> Cristo yequina mũsa ijigũ ihñano Cohãcjũ pehe mũsare quehnoano ijigũ yere. Sa yero tiquiro yere mũsare apequinare quehnoano yahuanare yeri tiquiro. Sa yero tiquiro yere quehnoano masigũ yeri mũsare. <sup>6</sup> Cristo yere mũsare usã buheriro sahata sata wahari mũsare, Cristo yequina mũsa wahagã. <sup>7</sup> Sa yero Cohãcjũ mũsare quehnoano yedoho peho cãnota. Mari pũhtoro Jesucristo ahri yehpapũ tiquiro tojoa tatire mũsa cohtero watoa Cohãcjũ pehe mũsare sa yedohoducurota. <sup>8</sup> Sa yero Jesucristo pehe mũsa ñañe yerire cohãriquiro ijire. Tiquiro sa ijiriquiro ijigũ mũsa pehe decoripe, ahri deco pihtigũpũ gũhũre mũsa ñañe yerire tiquiro cohãnohrina iiducunata. Sata tiquiro mũsare yedohorota. Sa yena Jesucristo mari pũhtoro tiquiro tojoa tagũpũre ñañe buhiri mariena ijinata

mũsa. <sup>9</sup> Tire Cohãcjũ tiquiro nidiro sahata tiquiro yere. Tiquiro macano mari pũhtoro Jesucristo yequina ijianare marine beseahye. Tiquiro sa besenohrinare Jesu yequina ijigũ yeri marine.

*Jesu yequina Corinto cjẽna cahmecoañe cahme tuhtiahye*

<sup>10</sup> Yũhũ acaye, mari pũhtoro Jesucristo tiquiro dutiro mehna mũsare tutuaro dutigũ tagũ niaja ahrire: Mũsa basi cahme tuhtieracãhña. Sa yena mũsa basi cahme tu waeracãhña. Ihcã curuata ijiya mũsa. Sa yena sijoro saha ni yahuducueracãhña mũsa basi. Sa yena mũsa yeatire tuhutuna, ihcãno mehna yeya mũsa.

<sup>11</sup> Yũhũ acaye, mũsa basi cahme tuhtina niñohiti mũsa. Sa ni yahuri Cloe ya wũhũ cjẽna yũhũre. <sup>12</sup> Ihquẽquina mũsa mehna cjẽna ohõ saha ni cahme tuhtihiti: “Pablo ya curua cjãna ijiaja usã”, ni cahme tuhtihiti ihquẽquina mũsa. Sa ye apequina “Apolo ya curua cjãna ijiaja usã”, niñohiti tiquina gũhũ. Sa ye apequina pehe “Pedro ya curua cjãna ijiaja usã”, niñohiti tiquina gũhũ. Sa ye apequina pehe “Cristo ya curua cjãna ijiaja usã”, niñohiti tiquina gũhũ. <sup>13</sup> Mũsa sa niepegũta Cristo yequina ihcã curuata ijiaja mari. Mari basi cahme tu wa doco masiedaja mari. Ihcã curuata ijiaja mari. Yũhũ Cristo ijieraja. Tiquiro yero saha mũsa ye buhirire curusapũ yariarigũ ijierũ. Tutuayere cũoeraja. Sa yegũ ihyo ijigũ ijiaja. Sa yero mũsare apequiro wame yero, Cristo ye tutuaye mehna wame yeri. Yee tutuaye mehna wame yerari. <sup>14</sup> Mũsare, mũsa mehna cjẽna gũhũre wame yerũ yũhũ. Crispore, Gayo gũhũre tiquina dihitare wame yei. Apequina pehere wame yerarigũ yũhũ ijigũ quehnoare yũhũre. <sup>15</sup> Peyequina masare wame yerigũ yũhũ ijigũ “Pablo ye tutuaye mehna tiquiro wame yeri usãre”, ni ihñaboaga mũsa yũhũre. Sa yegũ tire cahmedũ. <sup>16</sup> Estefana ya wũhũ cjẽna gũhũre wame yei yũhũ. Topequinata wame yei yũhũ. Apequinare yũhũ wame yeriquinare boaa wahan yũhũ. <sup>17</sup> Cristo yũhũre ohoro, wame yeacjũre cũedari tiquiro yũhũre. Quehnoañe buheyere buheacjũ pehere cũri yũhũre. Cristo

curusapɯ tiquiro yariarire yahuye buheye marine quehnoana wahagũ yere. Tiquiro sa yepegũta quehnoañe buheyere yɯɯ esa tuharo yɯɯ buhegũ yɯɯ pehere ihña wahãboaga mɯsa. Mɯsa sa ihña wahãna quehnoañe buheye pehere ño peeraboaga mɯsa. Sa yena quehnoana wahaeraboaga. Sa yegɯ Jesu ye buheyere buhegɯ yɯɯ esa tuharo yɯɯ masiñe mehna buheraja yɯɯ.

*Cohãcjũ tiquiro tutuayere tiquiro masiñe gũhɯre cɯoriquiro ijire Cristo*

<sup>18</sup> Pecapɯ butiatiquina pehe Cristo curusapɯ tiquiro yariarire yahuye buheyere “Tũho masieñequina ye buheye ijire ti”, nimene butiatiquina pehe. Mari pehe Cristo tiquiro yɯhdɯonohatina ijina ohõ saha niaja: “Curusapɯ tiquiro yariarire yahuye buheye ti waro ijire nine. Ti buheye Cohãcjũ tiquiro tutuayere yahure marine”, niaja mari. <sup>19</sup> Cohãcjũ pehe tiquiro yere tiquina ojoari pũpɯ ohõ saha nine:

Ahri yehpa cjẽnare “Quehnoano masiñequina ijire”, tiquina niñequinare tiquina masidire dũhseati ijieragũ masigũ yeitja yɯɯ, niahye Cohãcjũ tiquiro yere tiquina ojoari pũpɯ.

<sup>20</sup> Sa ye ahri yehpa cjẽna quehnoano masiñequina dũhseati tiquina ijierare. Ʋsã acaye judio masare buheyequina gũhɯ dũhseati tiquina ijierare. Yojopɯre yahuducu mihniñequina gũhɯ dũhseati tiquina ijierare. Ahri yehpa cjẽna quehnoano masiñequina tiquina ijiepegũta masieñequina tiquina ijiyere masigũ yeri Cohãcjũ. <sup>21</sup> Cohãcjũ pũrita quehnoano masiniquiro ijire. Tiquiro sa ijigũ ahri yehpa cjẽna tiquina esa tuharo tiquina masiñe mehna Cohãcjũre ne masiedare tiquina. Cohãcjũ tiquiro masi dutiero sahata sa wahari tiquinare. Cohãcjũre cahmeeñequina pehe ohõ saha nine quehnoañe buheye warore: “Tũho masieñequina ye buheye ijire”, nimene. Sa yeye quehnoañe buheyere “Tũho masieñe buheye”, tiquina niñe buheyere tũhoye, Cristore masi dũcare masa. Tiquina sa masi dũcagũ Cristore tiquina wacũ tutuagũ ihñano tiquinare tiquiro yequina wahagũ yere Cohãcjũ. Sa waha dutiri tiquiro.

<sup>22</sup> Judio masa Cohãcjũ tutuaye mehna tiquiro ye ihñorire ihña duaye nine. Sa yeye griego masa pehe, judio masa ijieyequina pehe quehnoano tiquina masiatire macañe nine. <sup>23</sup> Mari pehe Cristo curusapɯ tiquiro yariarire yahuye buheyere buheaja mari. Ti buheyere judio masa pehe ihña tuhtire. Sa ye ti buheyere judio masa ijieyequina pehe “Tũho masieñequina ye buheye ijire”, ni tũhoture. <sup>24</sup> Tiquina sa ni tũhotuepegũta Cohãcjũ yequina ijiatire tiquiro beseriquina pehe ti buheyere ohõ saha nine. “Cristo ye buheye Cohãcjũ tutuayere tiquiro quehnoano masiñene masigũ yere marine”, nine tiquina ahri buheyere. Tiquina judio masa, judio masa ijieyequina ijiepete, sa nine Jesu yequina.

<sup>25</sup> Cohãcjũ masi pehoriquire ijire. “Tiquiro tũho masieniquiro ijire”, masa tiquina ni tũhotuepegũta ahri yehpa cjẽna yɯhdɯoro quehnoano masi pehoriquire ijire tiquiro. Sa yero Cohãcjũre “Tutueriquiro ijire”, masa tiquina ni tũhotuepegũta tiquina bui tutua yɯhdɯdɯcariquire ijire tiquiro. <sup>26</sup> Ti yɯhɯ nidi ijirota ijire.

Yɯhɯ acaye, Cohãcjũ mɯsare tiquiro yequina wahagũ tiquiro yegũ mɯsa peyequina ihyo ijina mɯsa ijirire wacũña mɯsa. Ahri yehpa cjẽnare “Quehnoano masiñequina”, tiquina niñequinare meheñequinagã Jesu yequina ijiatiquinare beseahye Cohãcjũ. Sa yero pũhtoa gũhɯre meheñequinagã Jesu yequina ijiatiquinare beseahye tiquiro. Sa yero pũhtoa pohne gũhɯre meheñequinagã Jesu yequina ijiatiquinare beseahye tiquiro. <sup>27</sup> “Tũho masieñequina ijire”, tiquina niñequinare Cohãcjũ beseahye “Quehnoano masiñequina ijire”, tiquina niñequina tiquina bũoro wahatire. Sa yero “Wacũ tutueyequina ijire”, tiquina niñequinare Cohãcjũ beseahye, “Wacũ tutuayequina ijire”, tiquina niñequina tiquina bũoro wahatire. <sup>28</sup> Masa tiquina ihña tuhtieyequinare “Dũhseati tiquina ijierare”, nine masa. Tiquina sa nidiquinare Cohãcjũ tiquiro yequina ijiatiquinare beseahye tiquinare. Sa besero “Pũhtoa waro ijire”, tiquina niñequinare ihyo ijieyequina tiquina

ijiyere masigū yeahye Cohācjū tiquinare. <sup>29</sup> Tiquiro sa yegū ahri yehpa cjēna ne ihcāquiro “Tutuagū, quehnoano masigū iji-aja”, ne ni yūhdūca masiedare, Cohācjū ihñonopū.

<sup>30</sup> Cohācjū pehe marine Jesu yequina ijigū yeri. Tiquiro yequina ijina marine tiquiro yūhdūori bato ijipihtiye decori Cohācjū mehna ijinata mari. Jesucristo pehe Cohācjū yere quehnoano masigū yere marine. Sa yero mari ñañe buhirire cohāre. Sa yero mari ñañe yerire cosero, marine “Quehnoañequina ijire”, Cohācjū ni ihñagū yere Cristo Cohācjūre. Sa yero marine pecapū wahaborinare yūhdūore. <sup>31</sup> Tiquiro sa yegū Cohācjū yere tiquina ojoari pūpū tiquiro ni ojoariro sahata sa wahare: “Yūhū esa tuharo masi pehogū iji-aja”, nidiquiro tire niedacāhdo. Ohō saha niahdo: ‘Mari puhtoro Cristo pehe marine yūhdūoriquiro ijire’, niahdo tiquiro”, nine Cohācjū yere tiquina ojoari pūpū.

## 2

### *Ahri buheye Cristo curusapū tiquiro yariarire yahure*

<sup>1</sup> Yūhū acaye, mūsa cahapū esagū “Quehnoano masi pehoaja”, mū sare ni buherū. Cohācjū yere mū sare buhegū, sa ni buhegū niedū. <sup>2</sup> “Ohō saha ni buheitja”, nigū mūsa mehna ijigū Jesucristo ye dihitare curusapū tiquiro yariari dihitare wacūgū, ti buheyere buhei yūhū. <sup>3</sup> Sa yegū mūsa mehna ijigū ihyo ijigū yero saha ijii yūhū. Sa yegū Cohācjū yere queoro buhe duagū ijigū cuegū, nanaredigū yero saha ijii yūhū. <sup>4</sup> Sa yegū Cohācjū yere buhegū, “Masi pehoaja”, ni buherū. Tiquiro yere yūhū buhegū Espiritu Santo tutuaye mehna yūhū buhegū ihñari mūsa. <sup>5</sup> Ohō sahata ni buhei yūhū mū sare masa tiquina esa tuharo buheye pehere mūsa cahmedatire. Cohācjū pehere mūsa wacū tuatire sa ni buhei yūhū.

### *Espiritu Santo pehe Cohācjū ijiye tiyere buhere marine*

<sup>6</sup> Sa yena Cohācjū ye buheyere tiquiro masiñene mū sare Jesure quehnoano wacū tutuanapūre yahuaja usā. Masa tiquina esa tuharo tiquina buheye yero saha ijierare

ahri mū sare usā buheye. Ti buheye puhto a ye buheye gūhū ijierare. Tiquina puhto a pehe pihtia wahaeta. <sup>7</sup> Apequina tiquina masiedarire Cohācjū ye yahuducuyere yahuaja usā pehe. Panopū ahri buheyere Cohācjū yequina mūna quehnoano masi pehoerahye. Ahri yehpa ijiato pano ahri buheye ti nidiro sahata “Sata wahaahro”, ni tuhasahye Cohācjū. Marine pecapū wahaborinare tiquiro yūhdūoatire, tiquiro mehna mari ijiati gūhūre “Sata wahaahro”, ni tuhasae tiahye tiquiro. <sup>8</sup> Tiquiro sa nigū Cohācjūre cahmeeñequina puhto a ne tiquiro ye buheyere tūho dueraye, masiedare. Tire quehnoano masiñe, mari puhtoro Cohācjū macūno warore curusapū quē biha wejēdaboaya tiquina. <sup>9</sup> Cohācjū yere tiquina ojoari pūpū ohō saha nine:

Ijipihtiyequina Cohācjūre cahñeñequina ye ijiatire Cohācjū quehnoano quehno basa tuhasahye. Quehnoa yūhdūyere tiquiro quehno basahye. Tire masa ne ihñedari. Sa ye tire ne tūhoerari. Tire dūhse masino basioerare marine, nine Cohācjū yere tiquina ojoari pūpū.

<sup>10</sup> Tiquiro sa niepegūta Espiritu Santo pehe Cohācjū yere masigū yere marine. Ijipihtiye Cohācjū yere Espiritu Santo masi pehore. Sa masino tiquiro marine tire masigū yere.

<sup>11</sup> Ne apequina pehe masūno tiquiro masiñene ne masiedare. Sa ijipegūta masūno pehe tiquiro esa tuharo tiquiro wacūñepū tiquiro tūhotuyere masine. Sata apequina Cohācjū tiquiro masiñene ne masiedare. Cohācjū yaquiro Espiritu Santo dihita tiquiro masiñene masine, masūno tiquiro esa tuharo tiquiro wacūñene tiquiro masino sahata. <sup>12</sup> Sa yena mari pehe Jesu yequina ijina masa tiquina esa tuharo tiquina buheyere cūoeraja. Cohācjū yaquiro Espiritu Santore ohori marine masigū yero taro. Marine tiquiro quehnoano yeatire masigū yere Espiritu Santo pehe. <sup>13</sup> Sa yena Cohācjū yere mū sare buhena, masa ye masiñe mehna usā esa tuharo buheraja usā. Espiritu Santo tiquiro buheye pehere mū sare buheaja.



Sa buhena Espíritu Santore c̄oyequinare Cohãcjũ yere quehnoano buheaja usã.

<sup>14</sup> Espíritu Santore c̄oyequina pehe Espíritu Santo yere ne cahmedare. “Tiquiro ye ihyo warota ijire”, nimene tiquina. Espíritu Santo tiquiro yedohoro marieno tiquiro yere masino basioerare masare. Sa ye tiquina tiquiro yere ne masiedare. Espíritu Santo yedohoro mehna tiquiro yere masiaja mari.

<sup>15</sup> Espíritu Santore c̄oyequina pehe Cohãcjũ yere quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espíritu Santore c̄oyequinare. <sup>16</sup> Ohõ saha nine Cohãcjũ yere tiquina ojoari p̄p̄: “Mari p̄horo Cristo tiquiro t̄hotuyere masiñequina ne mariedare. Sa ye tiquirore masa duti masiedare”, nine tiquiro yere tiquina ojoari p̄p̄. Mari pehe Cristo yequina ijina, Cristo yero sahata masiaja.

### 3

*Jesu yequina ihcãno saha Cohãcjãre dahra cohteyequina ijire*

<sup>1-2</sup> Ȳh̄h̄ acaye, m̄sare buheḡh̄ Espíritu Santore quehnoano ȳhtiyequinare ȳh̄h̄ buheriro sahata buhe masied̄h̄ m̄sa pehere. Cristo yequina ijiepenata, macanagã dihire tiquina ihya masieno saha Cohãcjũ yere quehnoano masiedare m̄sa. Yojōp̄h̄ ḡh̄h̄re quehnoano masiedañõhti m̄sa. Ahri yehpa cj̄na ñañequina yero saha t̄hotuñõhti m̄sa. Sa yena macanagã ep̄core tiquina ap̄no saha mijoeda cj̄ñe buheye dihitare t̄hoñõhti m̄sa. Sa yeḡh̄ ti yero saha ijiye buheye dihitare buhei m̄sare. Cristo yequina ijiepenata macanagã tiquina ihya masieno sahata Cristo yere quehnoano masiedañõhti m̄sa. <sup>3</sup> M̄sa pehe m̄sa mehna cj̄nare cahme coona, cahmequena, m̄sa basi ihquẽ cururi tu wad̄ca sana, Espíritu Santore c̄oyequina yero saha yena niñõhti m̄sa. Sa yena ahri yehpa cj̄na Cristore cahmeeñequina yero saha yeñõhti m̄sa. <sup>4</sup> Ohõ saha niñõhti m̄sa: “Pablo ya curua cj̄na ijiaja usã”, niñõhti m̄sa ihquẽquina. Sa yena apequina m̄sa mehna cj̄na pehe “Apolo ya curua cj̄na ijiaja

usã”, niñõhti. M̄sa sa ni yahuducuna Espíritu Santo marieñequina yero saha ni yahuducuñõhti m̄sa.

<sup>5</sup> ¿Ȳh̄h̄ Pablo, Apolo mehna d̄hseanaja ijiajari usã, m̄sa t̄hotuḡh̄? Ohõ saha yeanaja ijina niaja usã: Cohãcjũ tiquiro dutiro sahata tiquirore dahra cohtena ihyo ijina ijiaja usã. Sa yena m̄sare usã buheḡh̄ t̄hona Jesucristore wacũ tutua d̄care m̄sa. <sup>6</sup> Quehnoañe buheyere buheyequina wesep̄h̄ dahrayequina yero saha ijire, mari queoye mehna buheḡh̄. Wese up̄ro tiquiro ote m̄htariro saha ȳh̄h̄ ḡh̄h̄ m̄sare buhe m̄ht̄h̄. Sa yero apequiro wesere tiquiro cure n̄n̄h̄ t̄no saha Apolo pehe ȳh̄h̄ bato m̄sare buhe n̄n̄h̄ t̄ari. Usã sa buhepeḡh̄ta wese cj̄e oteyere b̄c̄ua nemoḡh̄ tiquiro yeriro saha Cohãcjũ pehe m̄sare tiquiro yere masi nemoḡh̄ yeri. <sup>7</sup> Sa yeḡh̄ ȳh̄h̄ buhe m̄htariḡh̄ ijiepeḡh̄ta ihyo ijiḡh̄ ijiaja. Sa yero Apolo ȳh̄h̄ bato buhe nemoriquiro ḡh̄h̄ ihyo ijiriquirota ijire. Cohãcjũ p̄rita oteyere tiquiro b̄c̄ua nemoḡh̄ yeriro saha tiquiro yequinare tiquirore masi nemoḡh̄ yere. Sa yena Cohãcjũ pehere ño peoro cahmene m̄sare. <sup>8</sup> Ote m̄htariquiro, came cure n̄n̄h̄ t̄ariquiro ihcãno saha dahra cohteyequina ihyo ijiequinata ijimene tiquina. Sa ye tiquina dahrariro punota wapatare tiquina. Sata ijiaja usã, Apolo mehna. <sup>9</sup> Sa yena usã Cohãcjũ yere dahra cohtena ijiaja. Sa yero Apolo ȳh̄h̄ mehna cj̄no ijire. Usã sa ijiḡh̄ m̄sa pehe Cohãcjũ ya wese yero saha ijire. M̄sa sa ijiḡh̄ Cohãcjũ ya wese cj̄e oteyere tiquiro b̄c̄ua nemoḡh̄ yero saha m̄sare tiquiro yere masi nemoḡh̄ yerota tiquiro.

Sa ye Cohãcjũ m̄sare tiquiro yequinare quehnoari curua yero nine. Sa yena ut̄a mehna tiquina yeri w̄h̄h̄ yero saha ijire m̄sa tiquiro ya curua cj̄na, mari queoye mehna buheḡh̄. <sup>10</sup> M̄sa sa ijiḡh̄ Cohãcjũ ȳh̄h̄re tiquiro dutiriro sahata ȳh̄h̄ pehe w̄h̄h̄ dahre mihnidiquiro ut̄are tiquiro c̄ũ m̄htariro sahata Jesucristo yere m̄sare buhe m̄ht̄h̄. Sa yero ti ut̄a paca bui apequiro tiquiro ye nemo m̄jano sahata apequiro ȳh̄h̄ bato buhe nemo n̄n̄h̄ t̄no nine. Sa buhe nemono

quehnoano mehna buherota. Sa yero Cristo ye dihitare buherota tiquiro. Sata buheahro tiquiro. <sup>11</sup> Wuhure tiquina dahre dũca tiquina cũ mũhtaria utã yero saha ijire Cristo. Sa yena ti utãre usã quehnoano cũ mũhtariro saha Cristo yere buhe tuhasa. Apequiro ye buheye pehere mari buhegũ quehnoaedaga.

<sup>12-15</sup> Uru mehna, plata mehna, wapa bujaye utã paca mehna mari yeri wuhure mari ujãa tuhugũ ujũedare. Sata Jesucristo yere mari quehnoano yeri bato pihtiri deco ijigũ Cohãcjũ mari yerire ujãa tuhuriro saha yerota mari yerire masino taro. Sa tiquiro yegũ quehnoano yeri wuhũ ujũedariro saha mari yerire ti quehnoañe ijigũ masinota. Sa yero mari quehnoano yerina mari ijigũ masigũ yerota tiquiro. Quehnoano mari yeri wapa quehnoano yerota marine.

Sa yero yucari mehna, taa mehna, ñaidi pũri mehna mari yeri wuhure mari ujãa tuhugũ ujãa wahare. Sata Jesucristo yere mari quehnoano yerari bato pihtiri deco ijigũ, Cohãcjũ mari yerire ujãa tuhuro yero saha yerota mari yerire masino taro. Sata tiquiro yegũ ñano yeri wuhũ ti wuhũ ujũariro saha mari yerire ñañe ijigũ masinota. Sa yero mari quehnoano yerari bato ijigũ marine masigũ yerota tiquiro. Sa yero quehnoano yerarina mari ijigũ ihñano quehnoañene mari yemedi wapare quehnoano yesi marine. Sa ijieyequinare Cohãcjũ yuhdũorota. Sa ye sa quehnoano yerariquina mehenogã mehna yuhdũeta.

<sup>16</sup> Mũsa pehe Jesu yequina Cohãcjũ ya wuhũ yero saha ijire. Mũsa sa ijigũ ihñano ti wuhũpũ tiquiro ijiboro saha Espĩritu Santo pehe mũsa mehna ijire. ¿Tire masiedajari mũsa? <sup>17</sup> Cohãcjũ ya wuhũ ñañe marieni wuhũ ijire. Sa yena mũsa gũhũ ti wuhũ yero saha ijina tiquiro yequina waro ijire. Sa yero Jesu yequinare ihcãquiro dojomehnegũ Cohãcjũ pecapũ cohãnota tiquiro pehere.

<sup>18</sup> Ni mehoñene tuhoturacãhña mũsa. “Yojopũ cjẽna ye masiñene quehnoano masiaja”, ni tuhoturiquiro mũsa mehna cjãno ijero Jesu ye pehere quehnoano masiahdo. Tiquiro sa masigũ ihñañe apequina tiquirore “Tũho masieniquiro

ijire”, nieta. Sa yero Jesu yere masino, potota quehnoano masidiquiro waha harota. <sup>19</sup> Masa esa tuharo tiquina basi tiquina masiñene “Ihyo warota ijire”, ni tuhature Cohãcjũ. Sata nine Cohãcjũ yere tiquina ojoari pũpũ: “Tiquina esa tuharo masiñequina tiquina masiñe dũhseati ijierare, Cohãcjũ tiquiro ihñagũ. Sa yero tiquina cahmeno saha yeragũ yere tiquinare”, nine Cohãcjũ yere tiquina ojoari pũpũ. <sup>20</sup> Sa ye ape pũpũ ohõ saha nine: “Masa tiquina esa tuharo masi pehoyequina tiquina tuhutuye dũhseati ijieragũ masine mari pũhtoro Cohãcjũ pehe”, nine Cohãcjũ yere tiquina ojoari pũpũ.

<sup>21-22</sup> Sa yena “Pablo ya curua cjãna ijiaja usã”, niedacãhña. “Apolo ya curua cjãna ijiaja usã”, niedacãhña. “Pedro ya curua cjãna ijiaja usã”, niedacãhña. Ušã ijipihtina mũsa yequina dihita ijiaja. Ijipihtiyeye mũsa ye ijire. Cohãcjũ tiquiro bajumehnedire, catiye gũhure ohori mũsare. Sa yero pecapũ wahaeragũ yerota mũsare. Yojopũ ijieyere, camepũ ijiaji gũhure mũsare ohorota. Sa ye ijipihtiyeye mũsa ye ijire. <sup>23</sup> Sa yena mũsa pehe Cristo yequina ijire. Sa yero Cristo pehe Cohãcjũ yaquiro ijire.

## 4

*Cristo tiquiro yere buhe duti tiquiro cũriquina tiquina dahrayere yahuahye Pablo*

<sup>1</sup> Ohõ saha ni tuhutuya mũsa yuhure Apolo gũhure: “Tiquina Cristore dahra cohteyequina ijire. Sa ye masa tiquina masiedarire Cohãcjũ yere buhoyequina ijire”, ni, tuhutuya mũsa usãre. <sup>2</sup> Dahra cohteyequinare tiquina pũhtoro tiquiro dutiro saha ye cohtero cahmene tiquinare. Yuhũ gũhure sata yero cahmene Cristore. <sup>3</sup> Sa ijiepegũta yuhure mũsa yahu wajaepẽgũta sa tuhutu cjã yuhũ. Apequina pũhtoa yuhure tiquina yahu wajaepẽgũta sa tuhutu cjã yuhũ. Yuhũ yerire ihñana “Ahri quehnoañe ijire. Ahri ñañe ijire”, ni masiedare mũsa. Yuhũ gũhũ masuta ijiaja. Sa yegũ yuhũ yerire quehnoano masi pehoeraja yuhũ gũhũ. <sup>4</sup> “Cristo yere yuhũ yuhdũdũcari yuhure mariedare”, ni tuhutumaja yuhũ. Yuhũ ohõ saha ni tuhutuepegũta buhiri tiboaga yuhũ.

Mari p̄h̄toro Cristo dihita ȳh̄h̄ yerire ih̄ñano, quehnoano masine. <sup>5</sup> Sa yena mari p̄h̄toro tiq̄iuro tojoa tato pano masare ñano ni yahu wajaerac̄h̄ña m̄sa. Tiq̄iuro tojoa taro masa tiquina yerire, panop̄m̄ apequina tiquina masiedarire Cristo masiḡũ yerota. Sa yero mari ye duayere, mari t̄hotuyere tiq̄iuro masiḡũ yerota. Sa yero tiq̄iuro yere yeriquinare “M̄sa quehnoano yeri”, ninota Coh̄c̄j̄ũ.

<sup>6</sup> Ȳh̄h̄ acaye, ȳh̄h̄ Apolo mehna us̄ã buherire yahuu ȳh̄h̄, m̄sare buheḡũ taḡũ. Sa ni yahuu ȳh̄h̄ Coh̄c̄j̄ũ tiq̄iuro yere tiquina ojoari p̄ũp̄m̄ tiq̄iuro nidiro sahata m̄sa yeducuatire. Sa yena m̄sa mehna cj̄enare ihc̄ãno saha cahme ño peoya. Ihc̄ãquioreta ño peerac̄h̄ña. <sup>7</sup> M̄sa pehe apequina ȳh̄d̄h̄oro quehnoana ijierare. Masi ȳh̄d̄h̄ucana ijierare m̄sa. Coh̄c̄j̄ũ m̄sare tiq̄iuro ohori dihitare c̄ore m̄sa. Sa yena m̄sare tiq̄iuro yahuri dihitare masine m̄sa. ¿M̄sa esa tuharo c̄ona, m̄sa esa tuharo masina ijierapenata, d̄h̄se yena “Masi pehona ijiaja”, niajari m̄sa? Sa nina “Coh̄c̄j̄ũ us̄ãre ohoerari. Sa yero us̄ãre yahuerari”, niboriro saha yere m̄sa.

<sup>8</sup> M̄sa pehe “Coh̄c̄j̄ũ yere masi pehoaja us̄ã. Us̄ãre yabe boro d̄hsaerare”, nimene m̄sa. Sa yena m̄sa cahap̄m̄ us̄ã ijieraḡũ m̄sa oh̄o saha ni t̄hotumene: “P̄h̄toa yero saha masina ijiaja us̄ã”, ni t̄hotumene m̄sa. Potota Coh̄c̄j̄ũre masi pehona p̄h̄toa yero saha masina m̄sa ijiḡũ m̄sare quehnoa ȳh̄d̄h̄aboaga. M̄sa sa ijiḡũ m̄sa mehna us̄ã ḡũh̄m̄ p̄h̄toa yero saha masina ijiboaga. “Masina ijiaja us̄ã”, ni t̄hotuna, quehnoa ȳh̄d̄h̄aro ni t̄hotumene m̄sa. <sup>9</sup> Oh̄o saha ni t̄hotuaja ȳh̄h̄ p̄ũrita: Us̄ãre Jesu tiq̄iuro yere buhe dutiro c̄ũno, ijipihtiyequina iji bato tiri cj̄ã curua c̄ũri us̄ãre. Tiquina wej̄ẽ dutinohriquina yero saha ijianare c̄ũri us̄ãre. Masa tiquina cahacj̄ena yero saha ijiaja us̄ã. Ahri yehpa cj̄ena masa, angele ḡũh̄m̄ cahacj̄ena yero saha ih̄ñare us̄ãre. <sup>10</sup> Cristo yere us̄ã buheḡũ ih̄ñañe “T̄ho masieñequina ijire”, nine masa us̄ãre. Sa Cristo yere us̄ã yeḡũ ih̄ñañe, us̄ãre ih̄ña tuhtire. M̄sa pehe quehnoa ȳh̄d̄h̄aro Cristo yere masina ijiajari m̄sa.

“Coh̄c̄j̄ũre wac̄ũ tutueyequina ijire”, ni t̄hotumene masa us̄ãre. M̄sa pehe quehnoa ȳh̄d̄h̄aro wac̄ũ tutua ȳh̄d̄h̄ana ijiajari. M̄sa pehere masa ño peore. Us̄ã pehere masa ne ño peerare. <sup>11</sup> Us̄ã pehe yojop̄are ñano ȳh̄d̄h̄ana, ūj̄a ahbana, aco w̄h̄ona, ñano suhti mariena, w̄h̄use mariena ijiaja. Sa ye apequina us̄ãre ño peoera, us̄ãre ñano yere. <sup>12</sup> Sa yena us̄ã tutuaro dahraja. Sa yena apequina us̄ãre tiquina ñano yahuducuepeḡũta us̄ã pehe tiquinare “Quehnoano ijiya”, niaja us̄ã. Sa yena apequina us̄ãre ñano tiquina yepeḡũta sa t̄hotu cj̄ã us̄ã. <sup>13</sup> Sa yena “Ñano yeyequina ijire”, us̄ãre tiquina niepeḡũta us̄ã pehe quehnoano mehna tiquinare yuhtiaja. Sa ye panop̄m̄, yojop̄m̄ ḡũh̄ure ñañe wete yero saha masape cururi iji bato tiri curua cj̄ena yero saha ih̄ñare masa us̄ãre.

<sup>14-15</sup> M̄sare quehnoañe buheyere buhe m̄htaḡũ m̄sa pac̄ũ yero saha wah̄ũ ȳh̄h̄. Peyequina m̄sare Cristo yere buheyequina tiquina ijiepeḡũta m̄sare buhe m̄htariḡũ ihc̄ũta ijiaja ȳh̄h̄. Sa ijiḡũ m̄sare b̄ue tiḡũ yeḡũ taḡũ ahrire ojoagu nied̄ũ ȳh̄h̄. Ȳh̄h̄ poh̄nare, ȳh̄h̄ cah̄ñare ȳh̄h̄ dutiboriro saha m̄sare quehnoano mehna dutiḡũ taḡũ ahrire ojoaḡũ ȳh̄h̄. <sup>16</sup> Sa yeḡũ ahrire m̄sare tutuaro mehna dutiḡũ taḡũ niaja ȳh̄h̄. Ȳh̄h̄ure ih̄ña cuña m̄sa.

<sup>17</sup> Ahrire ye dutiḡũ taḡũ m̄sa cahap̄m̄ Timoteore ohou. Tiq̄iuro ȳh̄h̄ mac̄ũ yero saha ijiriq̄iuro ȳh̄h̄ cah̄ñiq̄iuro mari p̄h̄toro Jesu yaq̄iuro ijire. Sa yero Cristo yere yeducure tiq̄iuro. Cristo yere mari yeatire ijipihtiyequina Jesu yequina cahap̄m̄ buhei ȳh̄h̄. Timoteo tire m̄sare wac̄ũducuḡũ yerota. Sa yeḡũ Cristo yere ȳh̄h̄ yeriro sahata m̄sa ih̄ña c̄ũato saha Timoteore ohou ȳh̄h̄. <sup>18</sup> Timoteore ȳh̄h̄ ohoḡũ ihqūequina m̄sa mehna cj̄ena p̄h̄toa iji duayequina oh̄o saha nine: “Pablo marine cuero, mari cahap̄m̄ ahtasi”, ni t̄hotumene tiquina. <sup>19</sup> Coh̄c̄j̄ũ cahmeḡũ m̄sa cahap̄m̄ mianoḡãta esautja. Sa esaḡũ p̄h̄toa iji duayequinare m̄sa mehna cj̄enare Coh̄c̄j̄ũ ye tutuayere tiquina c̄oḡũ masiḡũtja ȳh̄h̄. Sa yeḡũ tiquina sa ni maca c̄ãri ḡũh̄ure masiḡũtja ȳh̄h̄. <sup>20</sup> “Coh̄c̄j̄ũ us̄ã p̄h̄toro ijire”, mari

ni yahuepegũta tiquiro yere mari yeragũ ti mari niñe dũhseati ijierare. Cohãcjũ tutuaye mehna tiquiro cahmeno saha ye masiaja. Ti ihyo waro ijierare. <sup>21</sup> ¿Musa cahapũ musare buhiri dahreacjũ musare tuhtiacjũ yũhũ wahagũ cahmeajari musa yũhũre? ¿O musare cahĩgũ musare bucuegũ yũhũ wahagũ cahmeajari musa yũhũre? ¿Dũhse ijigũ yũhũ wahagũ cahmeajari musa?

## 5

### *Corinto cjẽna tiquina wũana tirire yahuahye Pablo*

<sup>1</sup> Potota ohõ saha quiti tire usãre apequina: Ihcãquiro musa mehna cjũno tiquiro mũonore wũana tiñohiti. Sa ni yahuri masa usãre. Apequina pehe Cohãcjũre cahmeeñequina ijiepetata tiquina pehe sa yerare. <sup>2</sup> Musa mehna cjũno tiquiro sa yepegũta musa pehe “Quehnoana ijiaja usã”, ni tũhotumene. ¿Dũhse yena tiquiro ñano yeyere masiepenata bujũna witierajari musa? Sa yena sa ñano yeriquirore musa mehna Jesu yequina mehna ijiriquirore cohãña musa. <sup>3-4</sup> Yũhũ musa mehna ijierapegũta yũhũ wacũñepũ musa mehnata ijiaja yũhũ. Sa yegũ musa mehna ijigũ yũhũ niboriro saha ñano yeriquirore tiquiro sa ñano yeri buhiri buhiri dahre duti tuhasaja yũhũ. Jesu tiquiro dutiro mehnata sa ye dutiaja. Sa yena musa cahmecoana yũhũ wacũñe mehnapũ musa mehna yũhũ ijigũ mari pũhtoro Jesu tiquiro tutuaye mehna tiquirore ñano yeriquirore cohãna, ohõ saha niña: <sup>5</sup> “Watĩno tiquiro cahmeno saha mahũre yecũnahdo”, niña tiquirore. Sata niña tiquirore ñañene tiquiro tutuaro cahmeñene tiquiro duhuatire. Musa sa cohãgũ tiquiro ñano yũhdũrota. Mari pũhtoro Jesu tiquiro tojoa tati deco ñano yeriquiro Jesu mehna tiquiro quehnoano yũhdũatire yojopũre tiquirore sa niña.

<sup>6</sup> “Quehnoana ijiaja usã”, niepenata ñano yena niaga musa. Ñano yeriquirore musa sa ihña cãna, ti ñañene musa ijipihtina piha pihtia wahanata. Pãre pugũ yeye trigore ti quehnoano sehsaro saha ti ñañe musare piharo quehnoano sehsaa waharota. ¿Tire masiedajari musa? <sup>7</sup> Yũhũ acaye judio

masa pascua ijigũ ovejare wejẽ, ujuã mũo, Cohãcjũre ño peore. Sata oveja tiquiro yariariro saha Cristo mari ñañe buhirire yariaa wahahye. Tiquiro sa waharire masina musa pehe ñano yeriquirore musa mehna cjũnore cohãña ti ñañe musare “Pihari” nina. Musa ñañe yerire cohã tuhasari Cristo. Sa yena ñano yeriquirore cohãña “Pari turi ti ñañene pihari”, nina. <sup>8</sup> Pãre pugũ yeye trigore ti sehsariro saha panopũ ñañene ihña cũ, ye pihtirina ijimi mari. Sa yena pascua bosc decopũ pãre pugũ yeye marieno pãre tiquina ihyariro saha mari gũhũ ñañene cahmeno marieno ñano yero marieno ijiihna mari. Panopũ mari ñañene yeriro saha yeracãhna. Sa yena potota quehnoano tũhotuye mehna, quehnoañene yeihna.

<sup>9</sup> Musare yũhũ ojoari pũpũre Jesu yaquiro tiquiro ijiepegũta sa wũana tiducuriquirore ne piti ti dutierami. <sup>10</sup> Sa nigũ wũana tiyequinare, apequina yere tutuaro cahmeeñequinare, yaqueyequinare, “Cohãcjũ ijire”, tiquina niñe queoyere ño peoyequinare Jesu yequina tiquina ijieragũ “Tiquina mehna ijieracãhña”, niedaja. Ahri yehpapũ sa ijieyequina marieno Jesure cahmeeñequina marieno mari dihita iji masiedaja. Ijipihtiropũre ijire tiquina pehe. <sup>11</sup> Sa yegũ musare ojoagu ohõ saha dutimi: Musa mehna cjũno “Jesu yaquiro ijiaja”, nidiquiro ijieperota numino mehna ñano yeriquiro, apee borore tutuaro cahmediquiro, “Cohãcjũ ijire”, tiquina niñe queoyere ño peoriquiro, ñano quiti yeducuriquiro, queheriquiro, yaqueriquiro tiquiro ijigũ tiquirore piti tieracãhña. Sa yeriquiro “Jesu yaquiro ijiaja”, nidiquiro ijigũ tiquirore piti tieracãhña. Sa yena sa yeriquiro mehna ihyeracãhña. <sup>12</sup> Sa yegũ Jesu yequina ijieyequinare tiquina ñañe yeri buhirire buhiri dahre dutirigũ ijieraja yũhũ. Sa yũhũre yeraro cahmene. Yũhũ sa niepegũta musa mehna cahmecoañequina Jesu yequina musa basi musa yerire ihñana, masino cahmene musare. Sa ihña cãedarõ cahmene. Sa yena tiquina ñano yegũ ihñana musare buhiri dahrero cahmene tiquinare. <sup>13</sup> Jesu yequina ijieyequina peherẽ Cohãcjũ pehe buhiri dahrerota. Sa yena musa pehe musa

mehna cjănore ñano yერიკიროre buhiri dahrena tiკიროre cohãña.

## 6

*Jesu yequinare yahusãrire yahuahye Pablo*

<sup>1</sup> ¿Musa basi cahme ihña tuhti yahusã duana dahse ijiro boro Jesu yequina ijieyequina cahapũ musa acayere Jesu yequinare yahusãna wahajari? Jesu yequinare musa mehna cjênare yahusã duana apequina Jesu yequinare tire yahuro cahmene musare. Sa ye Jesu yequinapũ beseahro. <sup>2</sup> Pihtiri deco ijigũ mari Jesu yequina pehe masa ijipihtiyequina tiquina yerire ihñana besenata mari tiquinare. ¿Tire masiedajari musa? Sa yena pihtiri deco ijigũ masa ijipihtiyequinare beseatina ijina, yojopũ gũhare bese masiaja mari. Sa yena yojopũre ihyo ijiyegã buhiri gũhare bese masiaja mari. <sup>3</sup> Angele tiquina yerire ihñana tiquina gũhare besenata mari. ¿Tire masiedajari musa? Mari sa beseatina ijina potota ti yahduoro yojopũ gũhare Jesu yequina tiquina yerire ihñana bese masiaja mari. <sup>4</sup> ¿Sa yena dahse yena musa mehna cjênare yahusã duana Jesure cahmeeñequina cahapũ ihyo ijiyegã buhirire yahusãna wahajari musa? <sup>5</sup> Ahrire nigũ niaja musa queoro yerarire musa bujũa witiatire. ¿Musa mehna cjênare musa cahme duse tini wiagũ musare yahuatikiro musa mehna cjũno quehnoano masinikiro mariedajari? Ijire. <sup>6</sup> Sa ijiepegũta musa mehna cjũno Jesu yaquiro apequiro Jesu yaquirore yahusã duaro Jesu yequina ijieyequinare yahusãno wahare.

<sup>7</sup> Masare beseyequina pũhtoa cahapũ musa mehna cjênare yahusãna Cohãcjũ ye pehere yũhdũdcana nine musa. Apequiro musa mehna cjũno musare ñano tiquiro yegũ sa tũhotu cãboaga musa. Jesu yequina ijieyequinare musa yahusãto pano musa acayũrore musa sa tũhotu cãgũ quehnoa yũhdũaboaga. Jesu yaquiro musare tiquiro yaquegũ tiquirore musa yahusãto pano tiquiro yaquerire musa sa tũhotu cãgũ quehnoa yũhdũaboaga. <sup>8</sup> Musa gũhũ sa ijinata ijire. Apequinare ñano yere musa.

Sa yena yaquere musa. Sa yena apequina musa mehna cjẽna Jesu yequina tiquina ijiepegũta tiquinare ñano yena, yaquere musa.

<sup>9</sup> Sa yeyequina Cohãcjũ pũhtoro ijiropũre uhmũsepũre waha masiedare. ¿Tire masiedajari musa? Ni mehoñene tũhotueracãhña musa. Mari pũhtoro ijiropũ ne wahasi ohõ saha yeyequina: Wũana tiyequina, “Cohãcjũ ijire”, tiquina niñe queoyere ño peoyequina, numia mehna ñano yeyequina, uũna mehna ñano yeyequina numia, uũna sehsaro tiquina pagũri mehna ñano yeyequina, numia sehsaro tiquina pagũri mehna ñano yeyequina numia, <sup>10</sup> ni meho ehmañequina, apequina yere tutuaro cahmeeñequina, queheyequina, masare ñano tuhtiyequina, yaqueyequina, ne Cohãcjũ pũhtoro ijiropũre uhmũsepũre waha masiedare. <sup>11</sup> Panopũre musa gũhũ sa yerina ijimedi. Sa yemedina musa ijiepegũta yojopũre musa ñano yerire cose tuhasari Jesucristo pehe. Sa tiquiro cosenohrina musa ijigũ tiquiro yequina ijiatinarere yeri Cohãcjũ musare. Sa yero “Quehnoana ijire”, ni ihñare musare tiquiro. Sata yere musare mari pũhtoro Jesucristo, Espĩritu Santo gũhũ tiquina tutuaye mehna.

*Mari pagũri Cristo ye pagũri ijire*

<sup>12</sup> “Yũhũ cahmeno saha ye masiaja yũhũ”, nine ihquẽquina. Sata ijire. Yũhũ gũhũ sa nidigũ ijiepegũta tire yegũ apequinare yedohorigũ ijieraboaga yũhũ. Yũhũ cahmeno saha ye masiaja. Sa ye masiepegũta ihquẽ tahari sa yegũ ijigũ duhu masiedaboaga yũhũ. Sa yegũ tire pari turi yesi yũhũ, “Duhu masiedaboaga”, nigũ. <sup>13</sup> Ohõ saha nine musa: “Ijipihtiye ihyaye mari paa cjẽ ijiati ijire. Sa yero mari paa ihyaye pose tiati paa ijire”, nine musa. Ti ijirota ijire. Sa ijieperota came Cohãcjũ pehe mari ihyayere mari paa gũhare pihtia wahagũ yerota. Sa ye mari ihyaye ihyo warota ijiro nine. Ihyaye mari paa cjẽ ijiati ijire. Sa ijieperota mari pagũri numia mehna ñano yeati pagũri ijierare. Mari pagũri pehe mari pũhtoro Cristo ye pagũri ijiye nine. Sa yero mari pũhtoro pehe mari pagũrire quehnoano yeatiquiro

ijire. <sup>14</sup> Sa yero Cohãcjũ tiquiro tutuaye mehna mari pũhoro Cristore masoahye. Sa tiquiro yeriro sahata mari gãhũre masonota tiquiro.

<sup>15</sup> ¿Sa yena m̄sa paguri Cristo ye paguri ijigũ masiedajari m̄sa? ¿Ti sa ijigũ Cristo ya pagũ mehna w̄ana tiricoro mehna mari ñano yegũ quehnoajari? Quehnoaedare. <sup>16</sup> W̄ana tiricorore ñeheniquiro tiquiro pagũ pehe ticoro ya pagũ mehna ijiro, ihcã pagũ yero saha ijire. ¿Tire masiedajari m̄sa? Sata ni ojoahye Cohãcjũ yere tiquina ojoari pũpũ: “Tiquina p̄aro ijiepetã ihcã pagũ yero saha wahare”, ni ojoahye. <sup>17</sup> Mari pũhoro Jesu tiquiro yaquiro masũno mehna ijiro nine. Sa yero masũno mari pũhoro mehna p̄aro ijiepetã ihcã pagũ yero saha ijire.

<sup>18</sup> Sa yena w̄ana tieracãhña. Tire m̄sa yabiro saha tire yeracãhña. Apeye ñañene mari yena mari pagũre dojomehnedaja. W̄ana tiriquire pehe tiquiro pagũre ñano dojomehnene. <sup>19</sup> Espĩritu Santore marine ohori Cohãcjũ. Sa yero mari paguri mehna ijire Espĩritu Santo. ¿Tire masiedajari m̄sa? Sa ye m̄sa paguri, m̄sa jeripohnari gãhũ m̄sa ye waro ijierare. <sup>20</sup> M̄sa ñañe buhirire buhiri dahre tuhasari Cristore. Sa yena tiquiro yequina waro ijire m̄sa. Tiquiro yequina ijina m̄sa paguri mehna Cohãcjũ tiquiro cahmeno sahata yeya. Sa yena Cohãcjũre ño peona nine m̄sa. Sa yena apequina gãhũre tiquirore ño peogũ yena nine.

## 7

### *Namo tiyere yahuahye Pablo*

<sup>1</sup> Yojoũre yãhũre m̄sa sinitu ojoarire yãhũ gãhũ yãhti cahmegũ tagũ niaja: Masũno namo tieragũ quehnoare, yãhũ ihñagũ. <sup>2</sup> Ti sa ijiepegũta apequina m̄m̄a pehe namo tiahro apequina numia mehna tiquina “Ñano yeari”, niñe. Sa ye ihquẽ numiata manũ tiahro apequina mehna tiquina “Ñano yeari”, niñe. <sup>3-4</sup> Manũ tiricoro pagũ ticoro ya pagũ dihita ijierare. Ticoro manũno ya pagũ gãhũ ijire. Ticoro manũno gãhũ tiquiro pagũ tiquiro ya pagũ dihita ijierare. Tiquiro namono ya pagũ gãhũ ijire. Sa yena m̄sa m̄m̄a pehe m̄sa

namosãnumiare quehnoano c̄oaya. Sa yena m̄sa numia gãhũ m̄sa manũsum̄are “Yãhũ pagũre piheracãhña”, niedacãhña. <sup>5</sup> Sa ijiepegũta Cohãcjũre p̄aro m̄sa sini duana “Meheñe decorigã yãhũ mehna ijieracãhña. Cohãcjũre sinihna”, ihcãno mehna sa nina, sa ye masine m̄sa. M̄sa sa nidi bato m̄sa iji m̄htariro saha ijiducuya tja, Satana m̄sare “Ñano ye dutiari”, nina. “Apequina mehna ñano yeboaga”, nina, m̄sa basi piti ti duhueracãhña. M̄sa iji m̄htariro saha ijiducuya tja.

<sup>6</sup> Ahrire m̄sare yojopũ yãhũ nidire nigũ m̄sare dutiye waro mehna niedaja. Sa yahugũ niaja m̄sa yeatire m̄sa masiatire. <sup>7</sup> Ijipihtina m̄sa yãhũ yero saha namo tienã m̄sa ijigũ quehnoaboaga yãhũre. Sa iji duepenata mari ijipihtina ihcãno saha ijieraja. Ihquẽquinare namo ti dutire Cohãcjũ. Sa yero tiquiro ihquẽquinare namo ti dutierare.

<sup>8</sup> Sa yegũ namo marienare, manũ marienare, wape wiha numia gãhũre ohõ saha niaja m̄sare: Namõ mariena, manũ mariena iji masina, sata iji cãhña yãhũ yero saha. <sup>9</sup> Sa iji masiedana tutuaro ñañene cahmena, namo tiya. Sa yena manũ tiya. Ñañene m̄sa tutuaro cahmegũ quehnoaedare m̄sare. M̄sa sa tutuaro cahmegũ m̄sa namo tigũ pũrita quehnoarĩne. Sa yena m̄sa manũ tigũ gãhũre quehnoarĩne.

<sup>10</sup> M̄sa namo tinare, manũ tina numiare ohõ saha dutiaja. Yãhũ sa niepegũta yee dutiye waro ijierare ahri. Mari pũhoro Cristo ahrire dutire: M̄sa numia pehe m̄sa manũsum̄are cohãedacãhña. <sup>11</sup> M̄sa manũsum̄are cohãna, manũ mariena numia tojoaya. Sa tojoerana pari turi m̄sa manũsum̄a mehna quehnoano ijiya tja. Sa yena m̄sa gãhũ m̄m̄a m̄sa namosãnumiare cohãedacãhña.

<sup>12</sup> Sa yegũ m̄sa gãhũre apequinare ohõ saha niaja yãhũ. Mari pũhoro tiquiro dutiye ijierare ahri. Yãhũ pehe ohõ saha niaja m̄sare: Ihquẽquina m̄sa mehna c̄jẽna Jesu yequina pehe Jesure cahmeeñequina numiare namo tiriquire ijire. Sa ye tiquina namosãnumia tiquina mehna tojoa duagũ tiquina numiare cohãedacãhdo tiquina. <sup>13</sup> Sa ye ihquẽquina m̄sa mehna

cjēna numia Jesu yequina numia Jesure cahmeeñequinare manꝰ tiriquina numia ijire. Sa ye tiquina manꝰsumꝰa tiquina numia mehna tojoa duagũ tiquinare cohãedacãhdo. <sup>14</sup> Mꝰsa manꝰsumꝰa Jesure cahmeeñequina ijiepegũta Jesu yequina numiare tiquina namo tigũ, Cohãcjũ quehnoañequina yero saha ihñare tiquinare. Sa yena mꝰsa ꝰmꝰa pehe Jesu yequina mꝰsa ijigũ mꝰsa namosãnumia Jesure cahmeeñequina numia ijiboaga. Tiquina sa ijiepegũta mꝰsa mehna tiquina numia manꝰ tigũ Cohãcjũ quehnoañequina yero saha ihñare tiquina numiare. Tiquiro sa ihñedagũ mꝰsa pohna Jesure cahmeeñequina pohne yero saha ihñaboaga Cohãcjũ. Sa yero tiquina pohne gũhũre quehnoañequina yero saha ihñare Cohãcjũ. <sup>15</sup> Sa ye mꝰsa ꝰmꝰa pehere mꝰsa namosãnumia Jesure cahmeeñequina numia mꝰsare cohã duaye, sata yeahro. Mꝰsa manꝰsumꝰa gũhũ sa cohã duaye, sata yeahro. Quehnoano mari ijigũ cahmene Cohãcjũ. Sa yero tiquina numia Jesu yequina ijieye numia mꝰsare cohã duagũ “Tiquina numia mehna ijiniña”, ni, dutierare Cohãcjũ. <sup>16</sup> Tiquina namosãnumia Jesu yequina numia pehe quehnoano yegũ ihñañe camerꝰ tiquina manꝰsumꝰa Jesure cahmeboaga. Sa cahmegũ Cohãcjũ tiquinare pecarꝰ wahaboriquinare yũhdꝰorota. Sa ye tiquina manꝰsumꝰa Jesu yequina pehe quehnoano yegũ ihñañe camerꝰ tiquina namosãnumia Jesure cahmeboaga. Sa cahmegũ Cohãcjũ tiquina numiare pecarꝰ wahaboriquina numiare yũhdꝰorota. Sa Jesure cahmeboriquina tiquina ijiepegũta potota Jesure tiquina cahmeatire masiuro basioerare mꝰsare.

<sup>17</sup> Sa yena ijipihtina mꝰsa mari pũhtoro Cristo mꝰsare tiquiro iji dutiriro sahata yeya. Sa yena Cohãcjũ mꝰsare tiquiro cũrire yeya mꝰsa. Tire ijipihtiyequina Jesu yequinare sa ye dutiducuaaja yũhũ. <sup>18</sup> Jesu yequina mꝰsa ijiato pano cuhnucunꝰ sohtoa cahserogãre yũhre nena ijina, tire ihña yabieracãhña. Sa yena Jesu yequina mꝰsa ijiato pano cuhnucunꝰ sohtoa cahserogãre yũhre nedarina ijina yojorꝰ gũhũre sata ijiducuya. <sup>19</sup> Yojorꝰre

ti cahserogãre yũhre nedina mꝰsa ijigũ dũhseati ijierare. Tire yerarina mꝰsa ijigũ gũhũre dũhseati ijierare. Sa ijiepegũta Cohãcjũ dutiyere mari yegũ ti pũrita ihyo waro ijierare. <sup>20</sup> Sa yena Cohãcjũ Jesu yequina mꝰsare tiquiro cũri pje mꝰsa ijiriro sahata tojoaya. <sup>21</sup> Jesu yaquiro mũhũ iji dũcato pano apequiro cahacjũ mũhũ ijigũ quehnoanota. Sata tojoaya. Mũhũ pũhtoro mũhũre tiquiro wio duagũ pehere wijiaya mũhũ. Mũhũ wijiagũ quehnoanota mũhũre. <sup>22</sup> Sa yero mari pũhtoro Jesu yaquiro ihcãquiro ijiro masũno cahacjũno ijieperota Jesu tiquiro yũhdꝰoriquiro ijire. Sata apequiro mari pũhtoro Jesu yaquiro ijiro, masũno cahacjũno ijieraperota Jesu cahacjũno ijire tiquiro gũhũ. <sup>23</sup> Mari ñañe buhirire buhiri ti tuhasahye Cristo. Sa yena tiquiro dihitaro potota mꝰsa pũhtoro waro tũhotuya mꝰsa. Apequina mꝰsare tire tiquina ye dutieragũ tiquinare tũhoeracãhña. <sup>24</sup> Sa yena yũhũ acaye, Jesu yequina ijiatiquina Cohãcjũ mꝰsare tiquiro cũri pje mꝰsa ijiriro sahata tojoaya. Sa tojoana Cohãcjũ mehna cjãna ijiaja.

<sup>25</sup> Yojorꝰre namo marienare, manꝰ mariena numia gũhũre yahu duaja mꝰsare. Mari pũhtoro ahrire “Ohõ saha niña”, niedare yũhũre. Yũhũre tiquiro paja ihñagũ yũhũre tiquiro yedohogũ tiquiro cahmeno sahata yeducurigu ijiaja yũhũ. Sa ijirigu ijigu ahrire quehnoano yahutja mꝰsare. <sup>26</sup> Yojorꝰre mꝰsa ñano yũhdũna niaga. Sa yena mꝰsa namo mariena gũhũ, manꝰ mariena gũhũ mꝰsa tojoagũ quehnoanota, yũhũ tũhotugũ. <sup>27</sup> Namu mariena, manꝰ mariena numia mꝰsa ijina sata tojoaya. Sa yena mꝰsa pehe namo tina, manꝰ tina numia gũhũ sata tojoaya. <sup>28</sup> Namu tina ñano yerare mꝰsa. Sa yena mꝰsa nuhmia manꝰ tina, ñano yerare mꝰsa gũhũ. Sa yena namo tina, manꝰ tina numia mꝰsare wape cũoro tojoarota. Sa yegũ mꝰsare “Sa wape tiari”, nigũ “Namu mariena, manꝰ mariena numia tojoaya”, niaja yũhũ.

<sup>29</sup> Yũhũ acaye, ahrire mꝰsare yahugu niaja. Cristo ahri yehparꝰ tiquiro tojoa tato mehenogã dũhsare. Sa ye yojorꝰre namo marieñequina Cohãcjũ cah-

meno saha tiquina quehnoano ye masino sahata quehnoano yero cahmene namo tiyequina gũhare. Sa ye manũ tiyequina numia gũhare sata Cohãcjũ tiquiro cahmeno saha quehnoano yero cahmene. <sup>30-31</sup> Ahri yehpa yojopũ ijiro saha camepũ ijisi. Camesa pihtia waharota. Sa pihtiatia yehpa ijigũ yojopũre mari ñehe quea utiye, mari bucueye, mari cũoye pihtia waharota. Sa ye ti ihyo waro ijire. Cohãcjũ yere yeye pehe ihyo waro ijierare. Sa ye ahri yehpa cjẽne cũoyequina, cũoyequina yero saha ijiahro. Ahri yehpa cjẽne pajiro tũhotueraro cahmene. Ahri yehpa yojopũ ijiri yehpa camesa pihtia waharota.

<sup>32</sup> Mũsa ñano yũhdũeragũ cahmeaja yũhũ. Sa yegũ mũsa pajiro mũsa tũhotueragũ gũhare cahmeaja. Namu mariediquiro Jesu yaquiro ijiro Jesu yere wacũducure. Sa wacũducuro Jesu cahmeñene tutuaro ye duare. <sup>33</sup> Namu tiriquire pehe tiquiro namono cahmeñe pehere tutuaro ye duare. Sa yero ahri yehpa cjẽne pajiro tũhoture. <sup>34</sup> Sa yero tiquiro pũarore ye duare. Jesu cahmeñene, tiquiro namono cahmeñe gũhare tiquiro ye duare. Sa yero bũcũoro manũ mariedicoro ijiro, ticoro mari pũhtoro Jesu cahmeñene tutuaro ye duare. Nuhmino gũhũ sata ye duare. Sa ye duaro ticoro tutuaro Cohãcjũ yacoro iji duare. Manũ tiricoro pehe ahri yehpa cjẽ pehere ticoro manũno cahmeñe pehere tutuaro ye duare. Sa yero ahri yehpa cjẽne pajiro tũhoture.

<sup>35</sup> Ahrire mũsare nii niaja mũsare yedohogũ tagũ. Tutuaro dutiyere mũsare cũ dueraja. Sa cũ duerapegũta quehnoano mũsa yegũ cahmeaja. Sa yegũ Jesu mari pũhtoro yere mũsa tutuaro ye duagũ cahmeaja yũhũ.

<sup>36</sup> Mũsa mehna cjũno tiquiro cahmedicoro bũcũoro wahagũ ihñano ticorore namo tiahro. “Sata yero cahmene”, ni tũhoturo, namo tiahro. Sa yero ticorore namo tiro ñano yero niedare. <sup>37</sup> Apequiro pehe tiquiro cahmedicorore “Yũhare namo tiro cahmene”, ni dueraro, tiquiro cahmediro sahata yeahro. Tiquiro namo ti dueragũ, quehnoanota. Quehnoano yero nine. <sup>38</sup> Sa yero tiquiro cahmedicorore

namo tiriquire gũhũ quehnoano yere. Sa yero yojopũre ticorore namo tieriquiro pehe apequiro yũhdũoro quehnoano yere.

<sup>39</sup> Manũ tiricorore ticoro manũno cohã dutierare Cohãcjũ. Tiquiro sa cohã dutierapegũta ticoro manũno tiquiro yariari bato ticoro apequiro mehna ticoro cahmediquiro mehna manũ ti masine. Ticoro manũ tiriquire Jesu yaquiro ijiro cahmene tiquiro. <sup>40</sup> Ticoro manũ mariedicoro tojoaro, manũ tiricoro yũhdũoro quehnoano bucuericoro ijirora ticoro. Sata ni tũhotuaja yũhũ pehe. Cohãcjũ yaquiro Espĩritu Santore cũogũ ijiaja. Yũhũ sa cũogũ ijigũ masina, ahri yũhũ yahurire masiña mũsa.

## 8

*“Cohãcjũ ijire”, tiquina ñiñe queoyere ño peo, ihyayere duhu peoahye masa. Ti ihyayere yahuahye Pablo*

<sup>1</sup> Yojopũre “Cohãcjũ ijire”, tiquina ñiñe queoyere ño peo, tiquina duhu peori ihyayere yahu duaja. Ijipihtina mũsa ti borore “Masiaja”, ni tũhoture mũsa. Sa ni tũhotuna “Apequinare masi yũhdũdũcaja”, ni tũhotumene mũsa. Sa ni tũhotuna apequinare yedohoerare mũsa. Apequinare cahĩna tiquinare yedohore mũsa. Sa ye masiñe yũhdũoro apequinare cahĩne pehe ihyo waro ijierare. <sup>2</sup> “Masi peho cjã”, nina ijina, Cohãcjũ quehnoañene tiquiro masi dutiyere masiedarĩaga mũsa. <sup>3</sup> Sa ijiepegũta Cohãcjũre mũsa cahĩgũ mũsare masine tiquiro. Sa yena tiquiro yequina ijire mũsa.

<sup>4</sup> “Cohãcjũ ijire”, tiquina ñiñe queoyere ño peo, tiquina ihyayere duhu peore. Ti ihyayere mũsare yahutja: Ti queoye ne dũhseati ijierare. Potota ti queoye jeripohna mariedare. Cohãcjũ pehe ihcãquirola ijire. Apequina cohãmana mariedare. Ahrire masiaja mari. <sup>5-6</sup> “Peyequina cohãmana ijire. Tiquina mari pũhtoa ijire”, ni tũhotumene masa. Sa yero uhmũsepũ, ahri yehpapũ gũhare “Cohãmana”, tiquina ñiñequina ijiepegũta mari pehere ihcãquirola ijire Cohãcjũ. Tiquiro mari Pacũ ijipihtiyere bajumehnediquiro ijire. Sa yero tiquiro



yequina ijiatina yeahye tiquiro marine. Sa yero mari p̄htoro Jesucristo ihc̄aquiota ijire. Tiquiro ijipihiyere mari Pac̄are ye basariquiro ijire. Tiquiro yequina ijiatinare yeahye tiquiro marine. Sa yena tiquiro mehna sa ijiducunata mari.

7 Ȳh̄u nidiro saha ijiepeḡta apequina Jesu yequina tire masiedare. Panop̄u tiquina “Coh̄ācj̄u ijire”, tiquina niñe queoyere “Catiyequina ijire”, ni t̄hotuducumahye. Ti p̄j̄ep̄are sa yeriquina ijiye yojop̄u ḡh̄ure ti queoyere ño peo, tiquina duhu peo ihyayere “Coh̄āmana ye ihyaye ijire”, ni t̄hotumene. Sa ye ti ihyayere ihyaye, “Mari ñano yena niaja”, ni t̄hotumene. Tire tiquina yerire quehnoano masiedaye, sa ni t̄hotumene. 8 Ti ihyayere mari ihyaḡu mari ihyeraḡu ḡh̄ure Coh̄ācj̄u marine “Quehnoañequina ijire”, ni ih̄nedare. Sa ye ti ihyayere mari ihyaḡu ihyo warota iji c̄āhno nine ti ihyaye. Mari tire ihyana ñano yeraja. Ti ihyayere mari ihyeraḡu ḡh̄ure ihyo warota iji c̄āhno nine. Mari ihyerana apequina ȳhd̄uro quehnoana ijieraja mari ḡh̄u. 9-10 Sa ijiepeḡta quehnoano yeya m̄sa. Ti ihyayere ihyarina m̄sa ijiḡu apequina m̄sare “Masija”, ninare ih̄ña c̄u ihyaboaga. Sa ih̄ña c̄u ihyaye tiquina yerire quehnoano masiedaye, “Ñano yena niaja mari”, ni t̄hotueta tiquina ḡh̄u. Tiquina sa ni t̄hotuḡu tiquina pehere ñano yeḡu yena niaga m̄sa. Sa yena quehnoano yeya m̄sa. 11 “Mari ti ihyayere mari ihyaḡu quehnoanota marine”, m̄sa ni t̄hotuna ijina apequina quehnoano masieñequinare ñano yeḡu yeboaga m̄sa, m̄sare tiquina ih̄ña c̄uḡu. Sa yeriquina ye ijiati ḡh̄ure yariahye Cristo. Sa yena Cristo yequinare m̄sa acayere ñano yeḡu yena niboaga m̄sa. 12 Quehnoano masieñequinare Cristo yequinare m̄sa ñano yeḡu yena, Cristo ḡh̄ure ñano yena nine m̄sa. 13 Sa yeḡu ti queoyere ño peo, tiquina duhu peo ihyayere ȳh̄u ihyaḡu Cristo yequinare ñano yeḡu yeḡu niboaga ȳh̄u. Jesu yequina ñano yeḡu cahmedaja. Sa yeḡu “Ȳh̄u tiquinare ñano yeḡu yeari”, niḡu ti ihyayere ne pari turi ihyasi ȳh̄u.

## 9

### *Pablo Jesu c̄uriquiro tiquiro ijiyere yahuahye*

1 Jesu tiquiro yere buhe dutiro c̄urigu ijiaja. Sa yeḡu apequina tiquiro c̄uriquina tiquina yero saha ye masiaja ȳh̄u ḡh̄u. Jesu c̄uriḡta ijiaja ȳh̄u ḡh̄u. Mari p̄htoro Jesure ih̄nariḡta ijiaja ȳh̄u. Sa yena Jesu yere ȳh̄u buheḡu m̄sa pehe tire quehnoano t̄hona tiquiro yequina wahare m̄sa. Sa yena Jesu c̄urigu ȳh̄u ijiyere masi tuhasare m̄sa. 2 Apequina ȳh̄ure yahu wajaye “Jesu c̄uriquiro ijierare”, niboaga. Tiquina sa niepeḡta m̄sare ȳh̄u buheri bato Jesu yequina wahana, “Jesu c̄uriquiro ijire”, ni, ȳh̄ure masi tuhasare m̄sa. Sa yena apequina yahu wajaep̄ḡta m̄sa pehe tiquiro c̄urigu ȳh̄u ijiye tiyere masine.

3 Ȳh̄ure yahu wajayequinare oh̄o saha ni ȳhtiitja. 4 M̄sare ȳh̄u buheri bato ȳh̄u ihyatire ȳh̄u sihniati ḡh̄ure ȳh̄ure ohoro cahmene m̄sare. 5 ¿Sa yeḡu namo tiḡu ijiḡu ȳh̄u namono Jesu yacoro ticoro ijiḡu ticoro mehna tini masiedaboagari ȳh̄u? Apequina Jesu c̄uriquina, Jesu bahana, Pedro ḡh̄u tiquina namos̄ānumia mehna tiquina tinidiro sahata ȳh̄u ḡh̄u tini masiboaga. Ȳh̄u sa tiniḡu ȳh̄u namo tiḡu ijiḡu ticoro ḡh̄ure ihyayere ohoboaga m̄sa. 6 Ȳh̄u Bernabé mehna m̄sare quehnoañe buheyere us̄a buhepeḡta us̄are ne apee boroḡa ohoerari m̄sa. Sa yena us̄a basita us̄a ihyatire dahra wapatau us̄a. ¿Us̄a dihitare wapataro marieno buhero cahmeajari, m̄sa t̄hotuḡu? ¿Us̄a sa buhena apeye dahraye pehere duhu masiedaboagari us̄a? 7 Ahriquina ȳh̄u queoye mehna yahuatiquina pehe tiquina dahrari wapa wapatare. Ihc̄aquiota surara dahraḡu tiquiro p̄htoa tiquirore wapa yere. Tiquiro basi wapa yerare. Ihyayere oteriquiro ḡh̄u tiquiro oteri d̄uca tiḡu tireta ihya masine. Sa yero wapatare tiquiro. Sa yero ovejare ih̄ña ihboriquiro tiquiro nuñequina ep̄core sihni masine tiquiro. Sa yero wapatare tiquiro ḡh̄u. 8 “Tiquina dahrari wapare wapa yero cahmene”, niḡu masa tiquina dutiye

dihitare m̄sare yahueraja. Cohãcjũ dutiyer̄a tiquiro nidi gũh̄are m̄sare yahuḡa niaja. <sup>9</sup> Tiquiro dutiyere tiquina ojoari pũp̄a ohõ saha ni yahure: “Wec̄a trigo pjerire tiquiro dahpocãri mehna suhti weriquiro ihya duagũ tiquiro d̄userore cahmotaeracãh̄ña”, niahye Cohãcjũ dutiye. Sa dutiro wec̄are nino niedahye. <sup>10</sup> Sa dutiro marine nino niahye marine buhero taro. Wesere seheriquiro gũh̄a ti d̄ucare nediquina gũh̄a tiquina dahrari bato d̄uca tiri pje ijigũ tiquina wapatatire cohtere. Sa yena dahrayequinare tiquina dahrari wapare ohoro cahmene marine. <sup>11</sup> M̄sare Cohãcjũ yere quehnoañe buheyere buhei usã. ¿Usã sa buhegũ m̄sa pehe usãre ihyayere ohoeraro cahmeajari, m̄sa t̄ahotugũ? Ohoro cahmene. M̄sa ohogũ quehnoaboaga usãre. Sa ijiepegũta m̄sa ohoerari usãre. <sup>12</sup> Sa ohoerapenata apequina ihyayere m̄sare sinigũ tiquina pehere ohore m̄sa. Tiquina m̄sare ihyayere sinigũ tiquina ȳhd̄oro usã pehe oho dutiboaga m̄sare.

Sa oho dutiborina ijiepenata usã pehe “Usãre ohoya” ne nied̄a. “Cristo ye buheyere m̄sap̄a cahmedaboaga” nina, usãre mariedapegũta m̄sare ne sinied̄a. <sup>13</sup> Cohãcjũ w̄h̄p̄a dahrayequina ti w̄h̄p̄ata tiquina ihyayere nene. Sa ye Cohãcjũre tiquina ño peori altar̄p̄a cohteyequina wahiquirore tiquina h̄jũa m̄oriquirore mehenogã ne, ihyari tiquina gũh̄a. ¿Tire masiedari m̄sa? <sup>14</sup> Sa tiquina yeriro saha quehnoañe buheyere buheyequinare tiquina buheri wapare tiquina ihyatire tiquinare ohoro cahmene m̄sare. Sata ye dutiri mari p̄h̄toro Jesu. <sup>15</sup> Sa yeḡa m̄sare siniboriḡa ijiepegũta ȳh̄a ne apee borore sinied̄a m̄sare. Sa yeḡa ahrire yojop̄are ojoa ohoḡa apee borore wapa cahmeḡa taḡa ojoaḡa niedaja. M̄sare ne wapa cahme dueraja. Yariac̄j̄a ijiepegũta ne wapa cahmesi ȳh̄a m̄sare. Wapa marieno buheḡa tutuaro bucueaja. Sa yeḡa m̄sare ȳh̄a buheri wapa ne wapata ihyasi.

<sup>16</sup> Quehnoañe buheyere buhe dutiro ȳh̄are c̄uri Cohãcjũ. Tire buheac̄jata ijiḡa niaja ȳh̄a. Quehnoañe buheyere

buhereḡa pejec̄oḡa ijiboaga ȳh̄a. Sa yeḡa ti buheyere buheḡa “Apequinare masi ȳhd̄ucaja”, niac̄j̄a ijieraja ȳh̄a. <sup>17</sup> Quehnoañe buheyere ȳh̄a esa tuharo buheḡa ȳh̄a buheri wapa wapa neboaga ȳh̄a. Cohãcjũ ȳh̄are tiquiro yere buhe dutiro c̄uri ȳh̄are. Sa yeḡa ȳh̄are tiquiro c̄urire yeḡa niaja. Sa buheac̄j̄a ijiaja ȳh̄a. <sup>18</sup> ¿Tiquiro yere sa buheḡa yabe borore wapatajari ȳh̄a? Ohõ saha ijire ȳh̄a wapataye: Quehnoañe buheyere buheḡa m̄sare ne apee borore siniedaḡa wapa marieno ti buheyere buheaja m̄sare. Ȳh̄a sa nidire masiḡa bucueaja. Ȳh̄a bucueyeta ijire ȳh̄a wapataye.

<sup>19</sup> Ne masa cahac̄j̄a ijierapegũta ijipih̄tiyequina cahac̄j̄a yero saha ijiaja ȳh̄a apequina masa Jesu yequina tiquina wahatire. <sup>20</sup> Sa yeḡa ȳh̄a acaye judio masa mehna ijiḡa, tiquina yero saha yeaja ȳh̄a Jesu yequina tiquina wahatire. Cohãcjũ dutiyere Moisere tiquiro c̄urire ño peoriḡa ijierapegũta, ti dutiye dihitare ño peoyequina mehna ijiḡa ti dutiyere ño peoriquiro yero saha ijiaja ȳh̄a. Sata yeaja ȳh̄a tiquina Jesu yequina tiquina wahatire. <sup>21</sup> Sa yeḡa Cristo yaquiro ijiḡa Cohãcjũ dutiyere Moisere tiquiro c̄urire cohã dueraja. Ti dutiyere cohã duerapegũta ti dutiye marieñequina mehna ijiḡa ti dutiye marieniquiro yero saha ijiaja. Sata yeaja ȳh̄a Jesu yequina tiquina gũh̄a wahatire. <sup>22</sup> Jesu yere quehnoano masieñequina mehna ijiḡa tiquina yero saha ijiaja. “Masi pehoḡa ijiaja”, niedaja ȳh̄a. Sata yeaja ȳh̄a Jesu yequina tiquina gũh̄a wahatire. Sa yeḡa ijipih̄tiyequina masa tiquina ijiro saha ijiaja ȳh̄a, ihquẽquina Jesu yequina tiquiro ȳhd̄oriquina tiquina wahatire. <sup>23</sup> Ahrire yeaja quehnoañe buheyere ijipih̄tiyequina tiquina t̄hoatire. Ȳh̄a sa yeḡa ih̄ño Jesu tiquiro buheriro saha ȳh̄a gũh̄are quehnoano yere. Sa yeḡa masa tiquina ijie tiro saha ijiaja.

<sup>24</sup> Ohõ saha ijire mari queoye mehna buhegũ. Oma cohãpeyequina omañe tiquina ijipih̄tiyequina omare. Tiquina sa oma pih̄tiepegũta oma tutuariquiro pehe esa m̄htare. Sa esa m̄htariquiro

wapatate. Sa yena tiquina omariro saha m̄sa ḡh̄ Cohācj̄ cahmeñene yeya m̄sa wapatatire. <sup>25</sup> Ijipihtiyequina omañequina tiquina paḡre dojomehneñene duhu c̄a, quehnoano omapore tiquina oma tutu-atire. Sa ye tiquina quehnoano omatire queoro ihyaye, queoro carĩne, quehnoano yere tiquina. Sata yere tiquina wapatato saha. Sa ye tiquina wapataye p̄uri mehna tiquina yeri behto ijire. Ti behto pehe yoari p̄je ijierare. Duita ahbaa wahare. Mari pehe Cohācj̄ yere quehnoano buheaja tiquiro yere mari wapatato saha. Ti wapataye p̄urita ne ahbaerare. <sup>26</sup> Sa yeḡm̄ ȳh̄m̄ ape siep̄m̄ omariquiro yero saha yeraja. Sa yeḡm̄ cahmequeperiquiro ape siep̄m̄ dote maca c̄ariquiro yero saha yeraja. Sa yeḡm̄ Cristo yere queoro ye duaja. <sup>27</sup> Sa yeḡm̄ omapeyequina, cahmequepeye-quina ḡh̄m̄ tiquina paḡr̄ire tiquina buheriro saha, quehnoano queoro tiquina yeriro saha ȳh̄m̄ ḡh̄m̄ ȳh̄m̄ paḡm̄ mehna quehnoañe dihitare yepoaja. Sa yeraḡm̄ apequinare buheriḡm̄ ȳh̄m̄ ijiepeḡata d̄h̄seac̄j̄m̄ ijieraboaga ȳh̄m̄ pehe.

## 10

*“Cohācj̄ ijire”, tiquina niñe queoyere ño peo dutierahye Pablo*

<sup>1</sup> Sa yena ȳh̄m̄ acaye, ahr̄ire masiña m̄sa. Ūs̄a Israe masa ñec̄s̄m̄m̄a m̄na panop̄m̄ cj̄ena ijipihtiyequina Cohācj̄ ya ehmeo curuare ihña n̄n̄m̄ t̄a c̄a wahahye. Sa wahaye, aco soh̄ari mare aco p̄na peheri tojoad̄m̄cari mahap̄m̄ w̄na queheri mahap̄m̄ tiniñe, peh̄aa wahahye. <sup>2</sup> Sa wahaye, tiquina ijipihtiyequina ehmeo curua mehna aco soh̄ari ma cj̄e aco mehna Cohācj̄ ye ijiatire wame yenohriquina yero saha wahahye. Wame yenohrina wahaana Cristo yequina mari ijiyere ihñona niaja. Sa tiquina aco soh̄ari mare wame yenohriquina yero saha wahaye, Moise yequina tiquina ijiyere ihñoñe niahye. <sup>3</sup> Sa ye tiquina ijipihtiyequina ūhm̄se cj̄e ihyayere ihyae tiahye Cohācj̄ tiquiro ohoyere. <sup>4</sup> Sa ihyaye tiquina ijipihtiyequina Cohācj̄ ohori aco ḡh̄m̄re sihnie tiahye. Ti p̄jep̄m̄re ti acore Cohācj̄ c̄uri ūt̄ap̄m̄ wijiari acore sihnie tiahye tiquina.

Tia ūt̄a yero saha ijiriquiro, tiquinare aco ohoriquiro Cristo ijiahye. <sup>5</sup> Tiquina sa wahariquina ijiepeḡata apequina tiquina mehna cj̄ena ñano yeḡū ihñano Cohācj̄ pehe peyequina tiquina mehna bucuerahye. Sa yero tiquinare masa marienop̄m̄ yariaḡū yeahye Cohācj̄.

<sup>6</sup> Sata yeahye tiquinare Cohācj̄ marine buhero taro. Sa yero tiquinare ihña c̄ū ñañene mari tutuaro cahmedatire Cohācj̄ sa yeahye tiquinare. <sup>7</sup> Sa yena “Cohācj̄ ijire”, tiquina niñe queoyere tiquina ño peoriro saha yerac̄h̄ña m̄sa. Ti queoyere tiquina ño peorire Cohācj̄ yere tiquina ojoari p̄p̄m̄ yahuro oh̄o saha niahye: “Tiquina ihya duji sihni tuhasa, wahc̄ad̄m̄ca, b̄ose deco ye d̄m̄cahye wec̄m̄ queoyere ño peoye tehe”, ni ojoahye panop̄m̄re. <sup>8</sup> Came apequina Israe masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihc̄a decota tiquina veintitres mil masa yariaa wahahye. <sup>9</sup> Apequina Israe masa Cohācj̄re tiquina mehna usuaḡū yeahye. “Marine buhiri dahresi”, niñe Cohācj̄re tuhtiahye. Sa tuhtiyete tiquirore usuaḡū yeahye. Tiquina sa yeri buhiri Cohācj̄ añaa pari mehna bahque wej̄eahye tiquinare tja. Sa yena tiquina yero saha Cristore yerac̄h̄ña m̄sa. <sup>10</sup> Apequina Cohācj̄re unure tuhtiḡū angel masare wej̄ediquiro tiquinare wej̄eahye. Sa yena tiquina yero saha yerac̄h̄ña.

<sup>11</sup> Sa wej̄e dutiahye tiquinare Cohācj̄ marine buhero taro. Mari pehe pihtiri deco panoḡa ijina ijiaja. Mari sa ijina ijiḡū panop̄m̄ cj̄ena tiquina sa waharire Cohācj̄ oja dutiahye marine quehnoano buhero taro. <sup>12</sup> Sa yena “Quehnoana ijiaja, Cohācj̄ tiquiro ihñaḡū”, ni t̄ahotu, quehnoano yeya m̄sa “Ñañene yeari”, nina. <sup>13</sup> Mari ijipih̄tina ihc̄aqui d̄hsaro marieno ihquē tahari ñañene wac̄ūaja. Sa wac̄ūa ti ñañene ye duaja. Mari sa ye duepeḡata Cohācj̄ marine yedohoducuriquiro ijire. Sa yero ti ñañe wac̄ūñene mari b̄o masiedaḡū tiquiro pehe marine yedohorota. Sa yero ti ñañene mari ye duaḡū ihñano Cohācj̄ ti ñañene marine ye dueraḡū yerota. Tiquiro sa yeḡū

ti ñañene ye duasi mari.

14 Sa yena yuhũ cahña yuhũre tuhoya. “Cohãcjũ ijire”, tiquina niñe queoyere ne ño peoeracãhña. 15 Mũsa quehnoano masina ijigũ musare yahuaja. Sa yena yuhũ niato pototo ijigũ masiña mũsa basi. 16 Cristore tiquina ñehedi ñamine vinore tiquiro sihniato pano Cohãcjũre “Quehnoare”, niahye. Tiquiro nidiro saha mari gũhũ ti vinore sihnina Cohãcjũre “Quehnoare”, nina, mari ye buhiri Cristo tiquiro yariarire masigũ yena niaja. Tiquiro dii wiiarire masigũ yena niaja. Sa yena tiquiro yequina mari ijiye gũhũre masigũ yena niaja mari. Sa yena pãre mari Cristo yequina nuhana mari ye ijiatire tiquiro pagũ curusapũ tiquiro yariarire masigũ yena niaja. Sa yena tiquiro yequina mari ijiye tiye gũhũre masigũ yena niaja. 17 Sa yena peyequina masa ijiepenata ihcãria pãgãre ihyana, ijipihtina mari Cristo yequina ihcã curuata ijiaja. Sa yena peyequina ijiepenata ihcã curuata ijiaja.

18 Israe masa tiquina yerire wacũña mũsa: Tiquina wahiquire wejẽne, ujũa mũo, ohoye, Cohãcjũre ño peore. Sa tiquina ohori bato ihcã curuata tiquina ohoriquire ihyare. Sa ihyaye Cohãcjũ yequina tiquina ijiye tiyere masigũ yere tiquina. 19 Ohõ sahata nii niaja musare: “Cohãcjũ ijire”, tiquina niñe queoye dũhseati ijierare. Sa yero queoyere ño peo tiquina duhu peoye ihyaye pehe ihyo warota ijiro nine. Ti ihyaye marine sijoro saha wahagũ yerare. 20 Ti ihyaye sijoro saha wahagũ yerapegũta ti ihyayere ihyeraro cahmene. Ohõ saha ijire ti. Cohãcjũre cahmeeñequina wahiquire wejẽ, ujũa mũo, Cohãcjũre ño peoye niedare. Sa ye queoyere ño peoye watĩa pehere ño peore tiquina. Tiquina sa ño peoyequina ijigũ tiquina mehna ihyana watĩno yequina yero saha yena niaga mũsa. Mũsa sa yegũ pũritare ne cahmedaja. 21 Santa cenare mari yeri deco mari puhtoro Jesure wacũna tana sihniaja. Mari sa sihnina, watĩno ye pehere sihni masiedaja mari. Sa yena Jesure wacũna tana pãre ihyaja. Mari sa ihyana, watĩa ye pehere ihya masiedaja

mari. 22 ¿Jesure mũsa mehna usuagũ ye duajari mũsa? ¿Tiquiro yuhũoro tutuana ijiajari mũsa? Ijierare mũsa. Sa yena quehnoano yeya mũsa.

### *Cohãcjũ cahmeñe dihitare yeya*

23 Mũsa yeri ñañe ijierapegũta tire yena apequinare yedohoeraboaga mũsa. Sa yena tire yena Jesure wacũ tutua nemogũ yeraboaga mũsa apequinare. 24 Mũsa cahmeñe dihitare yeracãhña. Apequina pehere quehnoano yedohoya mũsa.

25-26 Ihyaye duaropũre ihyayere dũna “¿Ahri ihyaye cohãmana queoye cahapũ tiquina duhu peori ihyaye ijiajari?” ni, sinitueracãhña. “Ñañene yeari”, nina, sinituboaga mũsa. Sa ni sinitueracãhña. Ahri yehpa, ahri yehpapũ ijiye gũhũ Cohãcjũ ye ijire. Sa yena ti ihyayere “¿Ñañe ihyaye ijiajari?” niedacãhña.

27 Jesure cahmeediquiro musare ihya dutiro tiquiro pijiogũ waha duana wahaya. Sa wahana musare tiquiro duhu peoyere ihyaya. “¿Ahri ihyaye Cohãcjũ queoye cahapũ tiquina duhu peori ihyaye ijiajari?” ni, sinitueracãhña. 28 Sa yena apequiro Jesu yaquiro “Ahri ihyaye Cohãcjũ queoyere tiquina duhu peori ihyaye ijire”, musare tiquiro ni yahugũ ti ihyaye pũritare ihyeracãhña. Musare sa ni yahuriquire “Ñañe ihyayere ihyare ahriquina”, musare tiquiro ni tuhoteratire ihyeracãhña. 29 Sa ihya dutieragũ mũsa pehere yedohogũ tagũ sa niedũ. Musare ahrire yahuriquire pehere yedohogũ tagũ sa ihya dutieraja. Tiquiro pehe musare “Ñañe ihyayere ihyare ahriquina”, niboaga. “Sa niari”, nina ti ihyayere ihyeracãhña.

“Ihyeracãhña”, yuhũ nigũ ohõ saha ni sinitu yuhtiboaga mũsa yuhũre: “¿Dũhse ijiro boro apequirore ‘Sijoro saha wacũari’”, nina ihyeraboagari usã? 30 “¿Ti queoyere ohori ihyayere usã ihyagũ Cohãcjũ warore ‘Quehnoare’, usã niepegũta dũhsero tire usã ihyari buhiri apequiro usãre yahu wajaboagari?” ni sinitu yuhtiboaga mũsa yuhũre. 31 Ahri ijipihtiyere yahugũ ohõ saha nigũ niaja musare: Decoripe Cohãcjũ tiquiro dutiro sahata bucueye mehna ihya, sihniaja, Cohãcjũre masa tiquina ño

peoatire. Sa yena ijipihitoyere quehnoano yeducuya Cohãcjũre masa tiquina ño peoatire. <sup>32</sup> Ne judio masare, judio masa ijieyequinare, Cohãcjũ yequina gũhare ñano yegũ yeracãhña masa tiquinare. <sup>33</sup> Ohõ saha yeaja yũhũ pehe. Masa ijipihitoyequinare yedoho duaja. Sa yegũ yee ijiaiti pehere pajiro tãhotueraja. Yũhũ ñano yũhdũgũ quehnoanota. Masa pehere yedohoaja tiquinare pecarũ wahaboriquinare Cohãcjũ tiquiro yũhdũoatire.

## 11

<sup>1</sup> Sa yena Cristore yũhũ ihña cũriro sahata masa gũhũ yũhare ihña cũña.

*Corinto cjẽna cahmecoanorũ numia tiquina yeatire yahuahye*

<sup>2</sup> Mũsare yũhũ buhe turiarire wacũ pehoñohiti masa. Sa wacũna mũsare yũhũ nidire yũhũ ye dutiriro saha yeñohiti masa. Sa yena quehnoano yere masa. <sup>3</sup> Sa yena masa ijiepegũta ahri gũhare masa masigũ cahmeaja: Ijipihitoyequina mũha tiquina pũhoro, Cristo ijire. Sa yero tiquiro namono pũhoro ijire ticoro manũno. Sa yero Cristo pũhoro tiquiro Pacũro ijire. <sup>4</sup> Cohãcjũre sinidiquiro tiquiro dapure mohariquiro sinino, tiquiro basi pũhoro ijiyere wijiario nine. Cohãcjũ yere yahuriquiro gũhũ tiquiro dapure mohano, sata yero nine tiquiro gũhũ. <sup>5</sup> Sa yero ticoro dapure moheno Cohãcjũre sinino, ticoro manũno pũhoro ijiyere wijiagũ yero nine. Cohãcjũ yere yahuricoro gũhũ ticoro dapure moheno, sata yero nine ticoro gũhũ. Sa yero ticoro poarire wũhari pjĩ mehna wũha pehoricoro yero saha yere ticoro. <sup>6</sup> Ticoro dapure moha dueraro ticoro poarire se peho cã dutiahro. Ticoro sa yerĩ bato ticoro dapure bũe tiro, ticoro mohaahdo ticoro dapure. <sup>7</sup> Mũha pehe Cohãcjũ yero saha pũhoro ijire. Sa ye Cohãcjũ quehnoariquiro, tutuariquiro tiquiro ijieye tiyere ihñore tiquina pehe. Sa ye tiquina dapure moheñequinata ijiahro. Numia pehe mũha tiquina pũhoro ijieye tiyere ihñore. Sa yeye tiquina dapure mohaahdo. <sup>8</sup> Cohãcjũ mũnno yero, numino ya pagũ cjẽ mehna mũnno yerahye. Numino pehere yero, mũnno

ya pagũ cjẽ mehna yeahye ticorore. <sup>9</sup> Sa yero mũnno yero, numino yaquiro ijiatiquirore yerahye. Numino pehere yero mũnno yacoro ijaticorore yeahye Cohãcjũ ticorore. <sup>10</sup> Sa ye numia tiquina dapure mohaahdo angele gũhũ tiquina ihña bucueatire. Sa mohañe mũha tiquina pũhoro ijieye ihñone nine. <sup>11-12</sup> Cohãcjũ numino yero, mũnno pagũ cjẽ mehna yeahye. Sata yojopũre mũnno masa bajuaro, numino pagũrũ masa bajuare. Sa yero ijipihitoyequinare Cohãcjũ pehe yeahye. Sa yero mũnno tiquiro ijieye mũhtaedagũ numino mariedaboaga. Sa ye numino ticoro mariedagũ mũnno gũhũ mariedaboaga. Sa ye tiquina mũha numia gũhũ tiquina basi cahme yedohore masa putiatire. Sa yero ijipihitoyequinare ijiatiquinare bajumehnediquiro ijire Cohãcjũ.

<sup>13</sup> ¿Mũsa basi dũhse ni tãhotuajari? ¿Numino ticoro dapu mohedico, Cohãcjũre ticoro sinigũ quehnoajari, masa tãhotugũ? Ne quehnoaedare. <sup>14</sup> Sa yero mũnno poa nahmo cũoriquiro tiquiro ijigũ ñarĩne. Ijipihitoyequina masa tire masine. <sup>15</sup> Sa yero numino ticoro poa nahmo ticoro dapure mohari cahsero yero saha ijire. Sa yero ticoro poa nahmo cũoricoro ijieye quehnoaricoro bajure ticoro. Ti gũhare ijipihitoyequina masine. <sup>16</sup> Mũsa mehna cjũno ahrire yũhũ yahurire tiquiro cahmedagũ, ohõ saha ni yahutja tiquirore: “Yũhũ ni yahuriro saha yeducuaja mari. Apequina Jesu yequina gũhũ sata yere tiquina gũhũ. Mũsa sa yerina ijigũ ihñagũ yũhũ ni yahuriro saha yero cahmene mũhũ gũhare”, ni yahutja yũhũ yahurire cahmediquirore.

*Santa cenare tiquina ihyari watoa dojomehneahye Corinto cjẽna*

<sup>17</sup> Yojopũre mũsare ahrire yahugũ tũhũ, “Quehnoano yena ijire”, niedaja yũhũ mũsare. Mũsa cahmecoana quehnoano yerare. Ñano yere masa. <sup>18</sup> Ohõ saha ni yahu mũhtaũtja mũsare: Mũsa cahmecoanorũ cahme dũse tutuana masa basi ihquẽ cururi tu wana niñohiti masa. Apequina tire yũhare tiquina yahugũ “Potota ijiaja”, ni tãhotuaja yũhũ. <sup>19</sup> Sata yere masa. Sa yena ohõ saha ni tãhotumene

musa. “Mari tu warina ijina, Jesu yequina waro ijiyequina pehere masinata mari. Sa yena marine tu waro cahmene”, ni tuhutumene musa. <sup>20</sup> Musa basi sa cahme ihña tuhtina, musa ihcānopu cahmecoahyana quehnoano yerare. Potota Santa cena waro yena niedare. <sup>21</sup> Musa cahmecoana ihquēquina musa sehsaro ihya mahtana, apequina pehere ujua ahbagū yere. Sa ye sihni mahtana quehea wahare. <sup>22</sup> ¿Musare musa ihyaye wuhuse mariedajari? ¿Musare musa sihniñe wuhuse mariedajari? Ti wuhuseputa ihya, sihniña. Yojobure Cohācjū yequina tiquina cahmecoanore dojomehnena niga musa. Sa yena apequina Jesu yequina pejecuoyequinare ihyaye marieñequina pehere musa pehe buoro yuhdugū yere. ¿Duhse ni yahugutari yuhu musare? “Quehnoano yerare musa”, niaja yuhu.

*Santa cenare ihyarire yahuahye Pablo  
(Mt 26.26-29; Mr 14.22-25; Lc 22.14-20)*

<sup>23</sup> Mari puhtoro Jesu tiquiro ihya bato tirire yahuri yuhare. Sa tiquiro yahuri bato yuhu pehe musare tire yahuu. Ti ohō saha ijire: Tiquirore ihña tuhtiyequinare Juda tiquiro ihñoati ñamine mari puhtoro Jesucristo pāre ne, <sup>24</sup> Cohācjūre “Quehnoare”, niñohti. Tiquiro sa nidi bato ti pāre nuha, tiquiro buheyequinare itiñohti. Sa itiro ohō saha niñohti: “Ahrire ihyaya. Ahri yuhu pagu ijire. Musa ye ijiatire yariutja. Yuhare musa wacūatire ahrire ihyaya”, niñohti Jesu mari puhtoro. <sup>25</sup> Sa tiquina ihyari bato tiquiro sihnidi pare neno ohō saha niñohti: “Musa ñañe yeyere cohāgu tagu yariutja. Sa yegu ye dire cohāgutja. Cohācjū ‘Musare yuhduoutja’ tiquiro nidiro esagū yuhu yariaro mehna tiquiro nidiro sahata sohtori tirota. Ahri papu pose tiyere sihnina, yuhu dii wijiarire wacūnata. Ahrire sihnina, yuhare musa wacūatire sihniña”, niñohti Jesu. <sup>26</sup> Sa yena Santa cena cjē pāre musa ihyana, sihniñene sihnina, Jesu mari puhtoro mari ye buhirire tiquiro yariarire wacū, ihñona nine musa. Sa ihñoducunata musa tee ahri yehpapu tiquiro tojoa tato pano.

*“Santa cenare ihya sihnina ohō saha yeya”, ni yahuahye Pablo*

<sup>27</sup> Santa cenare ihya, sihnina, Jesure ño peoro marieno cua pesaro yerana, tiquiro pagu tiquiro dii cohāri gūhare bujupero saha yena niaja mari. Sa yena Jesure bujupena niaja mari. Sa yeyequina buhiri tiyequina ijire. <sup>28</sup> Sa yena mari yerire, mari ijiye tiyere quehnoano wacūuhna. Sa wacūna Santa cenare ihya, sihni masiaja mari. <sup>29</sup> Mari puhtoro mari ye ijiatire tiquiro pagu yariarire wacūno marieno Santa cenare ihya, sihnina mari buhiri tinata. <sup>30</sup> Ohō saha dihita yere peyequina musa mehna cjēna. Sa ye tiquina ihquēquina tutueyequina, dohatiyequina wahare. Sa ye apequina tiquina sa yeri buhiri yariaa wahare. <sup>31</sup> Sa ijipegūta tiquina ihya, sihniñe tiquina yerire, tiquina ijiye tiyere quehnoano wacūñe, tiquina ñañe yerire duhu, ti buhirire buhiri tieraboaga. <sup>32</sup> Mari puhtoro pehe marine tuhtire, tiquina ye buhirire marine buhiri ti dutieraro. Apequina ñañequina Jesure ño peoyequina buhiri tiatiquina dihita ijire. Tiquina yero saha marine buhiri tigū cahmedare mari puhtoro.

<sup>33</sup> Sa yena yuhu acaye, Santa cenare ihyana tana cahmecoana, musa basi cohteniña. <sup>34</sup> Sa ye musa mehna cjēna ujua ahba, tiquina ye wuhusepu ihyariñahdo. Sa yena Santa cenare ihyana tana cahmecoana, cua pesaro yerariquina ye buhiri buhiri tisi musa. Apee borore yahu duami musare. Came yuhu basi esagupu musare yahutja tire.

## 12

*Cohācjū yere mari yeatire cūno marine ye masigū yere Espiritu Santo*

<sup>1</sup> Yuhu acaye ahrire yahu duaja musare. Cohācjū yere mari yeatire cūno marine ijiptinire ye masigū yere Espiritu Santo. Sa yegu tire musa quehnoano masigū cahmeaja.

<sup>2</sup> Jesu yequina ijieranina sijoro saha ijiye buheyere tūho nanana ijina, musa pehe “Cohācjū ijire”, tiquina niñe queoyere, yahuducueye queoyere ño peomedi. Tire masine musa. <sup>3</sup> Sa ijimedina musa ijigū yojopure ohō saha ni yahutja musare. “Jesu ñano wahacūnahdo”, niñequina Cohācjū

yaquiro Espiritu Santo tutuaye mehna sa niñe niedare. Espiritu Santo warore cœoerare tiquina. Sa ijiye “Jesu mari pũhoro ijire”, niñequina pehe Espiritu Santo tutuaye mehna sa niñequina ijire tiquina.

<sup>4</sup> Cohãcjũ yere ye masiñe peye ijire. Ti sa ijiepegũta marine ye masigũ yeriquiro pehe ihcãquirola ijire. Tiquiro Espiritu Santo ijire. <sup>5</sup> Sa ye apequinare yedohoye gũhũ peye ijire. Ti sa ijiepegũta mari pũhoro Jesu pehe marine yedoho dutiriquiro ihcãquirola ijire. <sup>6</sup> Sa ye Cohãcjũ yere yeye gũhũ peye ijire. Ti sa ijiepegũta Cohãcjũ ijipihtina marine ye masigũ yeriquiro pehe ihcãquirola ijire. <sup>7</sup> Marine Jesu yequinare Espiritu Santo yedohoro, Cohãcjũ tutuayere ihñono nine. Ohõ sahata yedohore tiquiro Jesu yequinare ijipihtiyequinare mari quehnoano yeatire. <sup>8</sup> Ihquẽquinare quehnoano masi yahugũ yere Espiritu Santo. Sa yero apequinare Cohãcjũ yere quehnoano buhegũ yere tiquiro. <sup>9</sup> Sa yero apequinare Cohãcjũre quehnoano wacũ tutuagũ yere tiquiro. Sa yero apequinare Cohãcjũ tutuayere ohore tiquiro. Ti tutuaye mehna tiquina pehe dohatiyequinare yũhdũgũ yere. Cristore tiquina wacũ tutuagũ ihñano tiquirore tiquina sinidiro sahata yere tiquiro. Espiritu Santo ihcãquirola ijiriquiro ti tutuayere ohore. <sup>10</sup> Sa yero apequinare Cohãcjũ tutuaye mehna ihñone ye masigũ yere tiquiro. Sa yero apequinare Cohãcjũ yere quehnoano yahu masigũ yere tiquiro tiquinare. Sa yero apequina Jesu yequinare buheyere quehnoano bese masigũ yere tiquiro. Sa masiñe watĩno ye buheye ti ijigũ masine tiquina. Espiritu Santo waro ye buheye gũhũre ti ijigũ masine tiquina. Sa yero apequinare tũhomehneñe yahuducuyere yahuducu masigũ yere tiquiro. Sa yero tũhomehneñe yahuducuyere yahuducuyequina tiquina nino sahata yahu yũhdũno masigũ yere tiquiro apequinare. <sup>11</sup> Espiritu Santo ihcãquirola ijiriquiro tiquiro cahmeno saha marine ijipihtinare yũhũ yahuriro saha ye masigũ yere. Ihquẽquinare sijoro saha ye masigũ yere. Apequina gũhũre sijoro saha

ye masigũ yere.

*Cristo yequina ijina ihcã curuata ijiaja mari*

<sup>12</sup> Ohõ sahata ijire ahri mehna mari queoye mehna yahugũ: Mari pagũ ihcã pagũ ijiepegũta omocari, caperi, dahpocãri, cahmo ti pũrita peye ijire mari pagũpũ ijiye. Sata ijiaja mari Cristo yequina gũhũ. Cristo yequina tiquiro pagũ yero saha ihcã curuata ijiaja. <sup>13</sup> Sa yena Cristo yequina ijina, tiquiro pagũ yero saha ihcã curuata ijiaja mari. Judio masa, judio masa ijiena, cahacjãna, cahacjãna ijiena peye cururi mari ijiepenata ihcãquirola ijiriquiro tiquiro pagũ yero saha ihcã curuata ijiaja mari. Espiritu Santo ihcãquirola ijiriquiro tiquiro tutuaye mehna wame yenohrina ijiaja mari ijipihtina. Sa yena ihcãquirola Espiritu Santore cœoaja mari, Cristo ya curua cjãna ijina.

<sup>14</sup> Mari pagũ ihcã pagũ ijiepegũta omocari, caperi, dahpocãri, cahmo, ti mari pagũpũ ijiye peye ijire. <sup>15</sup> Mũhũ dahpocã yahuducuri dahpocã ijiro, ohõ saha niboaga mũhũre sijoro saha ni duaro: “Omoca ijieraja yũhũ. Sa yegũ pagũ cjã dahpocã ijieraja yũhũ”, niboaga. Mũhũ dahpocã sa nieperota pagũ cjã dahpocã ijirota nine. <sup>16</sup> Mũhũ cahmono yahuducuri cahmono ijiro, ohõ saha niboaga mũhũre sijoro saha ni duaro: “Capea ijieraja yũhũ. Sa yegũ pagũ cjã cahmono ijieraja yũhũ”, niboaga. Mũhũ cahmono sa nieperota pagũ cjã cahmono ijirota nine. <sup>17</sup> ¿Mari pagũ capea dihita ijigũ dũhse tũhoboagari mari? Basioerare. ¿Sa yena mari pagũ cahmono dihita ijigũ dũhse wijĩboagari mari? Basioerare. <sup>18</sup> Sa ijierare mari pagũ. Ohõ saha ijire. Mari pagũpũ ijiyere Cohãcjũ tiquiro cahmeno saha cũahye mari pagũre. <sup>19</sup> ¿Mari pagũpũ ijiye mariedagũ dũhse wahaboagari mari pagũ? ¿Mari omocari dihita ijigũ dũhse wahaboagari mari pagũ? <sup>20</sup> Mari pagũ ohõ saha ijire: Ihcã pagũ ijiepegũta mari pagũpũ ijiye peye ijire.

<sup>21</sup> “Mũhũ yedohogũ cahmedaja”, mũhũ capea ni masiedare mũhũ omocare. Sa yero mũhũ dapu mũhũ dahpocãrine “Mũsa yedohogũ cahmedaja”, ni masiedare. <sup>22</sup> Apeye mari pagũpũ ijiyere “Ihyo iji cjũñe

ijire”, mari niñe pehere pototi cahmeaja mari apeye mari pagurp ijiye yuhduoro. <sup>23</sup> Sa yena mari pagurp ijiyere “Ihyo ijiye ijire”, mari ni tūhotuepenata tire mari pagurp ijiyere cahmeaja mari, mari quehnoano ijiato saha. Sa yena apeye mari pagurp ijiyere mari bue tiyere suhti mehna nūoaja mari. <sup>24</sup> Apeye mari pagurp ijiyere nūoedaja mari. Ti pūritare ihñona, bue tieraja. Ohō saha iji dutiahye Cohācjū mari pagure. Mari ihñoeñene mari pagurp ijiyere mari quehnoano ño peoye mehna cūoaja. Sata ye dutiahye Cohācjū. <sup>25</sup> Sa ye mari pagurp ijiye ti basi cahme yedohore. <sup>26</sup> Sa ye mari caperi ñano yuhdugū apeye mari pagurp ijiye gūhū ñano yuhdure. Sa ye mari caperi quehnoañe wahagū mari pagurp ijiye gūhū quehnoano tūhoture.

<sup>27</sup> Sa yegū ohō saha nigū niaja mūsare: Mūsa pehe Cristo pagū yero saha ihcā curuata ijire. Sa yena ijipihtina mūsa tiquiro pagurp ijiye yero saha tiquiro yequina ijire. <sup>28</sup> Sa yero Jesu yequinare mari yedohoatire cūahye Cohācjū marine. Ohō saha cūahye tiquiro marine. Ihquēquinare marine buhe dutiro Jesu cū mūhtarinare cūahye tiquiro. Apequinare tiquiro yere yahu mūhartiquinare cūahye. Apequinare masare buheatiquinare, apequinare Cohācjū tutuaye mehna yeatiquinare, apequinare dohatiyequinare yuhduoatiquinare, apequinare masare yedohoatiquinare, apequinare masa pahtoa ijiatiquinare, apequinare tūhomehneñe yahuducuyere yahuducuatiquinare cūahye Cohācjū marine. <sup>29</sup> Sa tiquiro cūgū ijipihtina ihcāno saha tiquiro cūrīna ijieraja mari. Apequina Cohācjū buhe dutiro tiquiro cūrīquina ijierare. Sa yena apequina Cohācjū yere yahu mūhtarina ijieraja mari. Sa yena apequina masare buhena ijieraja mari. Sa yena apequina Cohācjū tutuaye mehna yeatina ijieraja mari. <sup>30</sup> Sa ye apequina dohatiyequinare yuhduoatiquina ijierare. Sa yena apequina tūhomehneñe yahuducuyere yahuducuna ijieraja mari. Sa yena apequina tūhomehneñe yahuducuyere yahu yuhduoana ijieraja mari. Sa yero maripe mari yeatire cūahye tiquiro. <sup>31</sup> Sa

yena Cohācjū yere ye masi duana quehnoa yuhduye pehere tutuaro cahmeña mūsa. Sa yegū ijipihtiyē yūhū nidi yuhduoro mūsa cahmeatire yojopare yahutja mūsare yūhū.

## 13

### *Apequinare quehnoano tiquina cahiatire yahuahye Pablo*

<sup>1</sup> Masa ye yahuducuyere yahuducu masiepenata, angele ye yahuducuyere yahuducu masiepenata apequinare cahiedana, dūhseanaja ijieraja mari. Sa ye mari yahuducuyē gūhū dūhseati ijierare. Sa yena apequinare cahiedana mari yahuducuna, ihyo waro yahuducuna niaja. <sup>2</sup> Cohācjū yere quehnoano yahu masiepenata, masa tiquina masiedarire Cohācjū yere tiquina buheri gūhūre masi pehoepenata apequinare cahiedana dūhseanaja ijieraja mari. “Ahdū cūnū ape siepū wahaahro”, mari nigū “Potota mari nidiro sahata Cohācjū yerota”, ni mari tūhotugū sata yerota. Cohācjūre sa ni tūhotuyequina ijiepenata apequinare cahiedana ne dūhseanaja ijieraja mari. <sup>3</sup> Ijipihtiyere pejecūoyequinare mari ohoepegūta apequinare mari cahiedagū ti mari ohori dūhseati ijierare. Sa yena Cohācjū yere yena tana mari pagure mari ūjūa mūo dutiepegūta apequinare mari cahiedagū ti mari sa yeye dūhseati ijierare.

<sup>4</sup> Usueraja apequinare cahīna. Tiquinare cahīna quehnoano yeaja tiquinare. Sa yena apequinare cahīna tiquinare cooeraja. Sa yena mari cahīniquiro mehna ijina “Mūhū yuhduoro ijigū ijiaja”, niedaja mari. <sup>5</sup> Apequinare cahīna “Mūsare masi yuhduducaja”, niedaja mari tiquinare. Sa yena apequinare cahīna tiquinare ño peoro mehna yeaja mari. Apequinare cahīna “Ūsā cahmeno saha yeaja. Mūsa cahmeno saha yeraja”, niedaja mari. Sa yena tiquinare cahīna duita usueraja mari tiquina mehna. Sa yena apequinare cahīna marine ñano tiquina yegū gūhūre tiquina mehna sa usuaducueraja mari. <sup>6</sup> Apequinare cahīna ñañene tiquina yegū ihñana bucueraja mari. Quehnoañe pehere tiquina yegū ihñana tutuaro bucueaja. <sup>7</sup> Apequinare cahīna tiquina ye



buhiri ñano yãhdæpenata tiquinare sa cahĩducuaaja mari. Apequinare cahĩna apequina pehe mari cahĩñequinare tiquina yahu wajagũ tãhoepenata tire tãho dueraja. Mari cahĩñequinare apequina yahugũ quehnoañe dihitare tãho duaja mari. Apequinare cahĩna “Tiquina ñañene yesi”, ni tãhotuaja mari tiquinare. Apequinare cahĩna ñano yãhdæpenata tiquinare cahĩ duhusi mari.

<sup>8</sup> Ti cahme cahĩne ne pihtisi. Cohãcjũ yere yahuye pehe came pihtia waharota. Tãhomehneñe yahuducuye gũhũ came pihtia waharota. Cohãcjũ yere masa tiquina buheri gũhũ came pihtia waharota. Apequinare cahme cahĩne pehe ne pihtisi. <sup>9</sup> Yojoþare Cohãcjũ yere mari masi peho masiedaja. Sa yena tiquiuro yere yahuna mari yahu peho masiedaja. Mari masi pehoati dũhsare. <sup>10</sup> Sa yena Cristo ñañe marieniquiuro tiquiuro tojoa wihiri bato mari masi pehonata. Sa yena ñañe mariena ijinata. Ti pjere masi pehonata. “Masiedaja”, ni nemosi.

<sup>11</sup> Mari masi pehoati ohõ saha ijire: Nijigũ ijigũ nijinogã yero saha yahuducumi yãhũ. Sa yegũ nijinogã yero saha tãhotumi. Sa yegũ bũcũ wahagũ nijinogã tiquiuro yeriro saha duhu cãũ. Sata mari yojoþare “Masi pehoeraja”, niepenata camerþare masi pehonata. <sup>12</sup> Eõno quehnoano wãhdoa bajuero saha yojoþare quehnoano masi pehoeraniaja mari. Came apequiore quehnoano mari ihña masino saha mari masi pehonata. Yojoþare mari masi pehoati marine dũhsare. Cohãcjũ marine tiquiuro quehnoano masi pehoriro saha came mari gũhũ quehnoano masi pehonata. <sup>13</sup> Sa ye ihtiarore mari ye masiaja yojoþare. Cohãcjũre wacũ tutua masiaja. Sa yena marine tiquiuro yãhdæotire masina, mari quehnoano cohte masiaja. Sa yena apequinare cahme cahĩ masiaja. Ahri ihtiaro ijire pototi mari yeati. Sa yena apequinare cahme cahĩna, ahri þũaro yãhdæoro yena niaja. Wacũ tutuaye, tiquiuro yãhdæotire cohteye yãhdæoro ijire cahme cahĩne pehe.

## 14

### *Tãhomehneñe yahuducuyere yahuahye Pablo*

<sup>1</sup> Sa yena apequinare cahme cahĩna mũsa. Sa ye Cohãcjũ yere mũsa quehnoano ye masiatire cahmeña mũsa. Cohãcjũ yere mũsa yahuati þũritare tutuaro cahmeña mũsa. <sup>2</sup> Tãhomehneñe yahuducuyere yahuducuriquiuro Cohãcjũ mehna dihita yahuducure. Sa ni yahuducuro masa mehna yahuducuro niedare tiquiuro. Tiquiuro sa ni yahuducugũ tãhoye masa pehe ne tãhoerare tiquiore. Masa tiquina masiedarire Espĩritu Santo tutuaye mehna yahuducuro nine tiquiuro. <sup>3</sup> Cohãcjũ yere yahuriquiuro pehe masa pehere yahure. Sa yahuro tiquiuro masare yedohoro nine. Sa yero tiquinare buhero nine tiquiuro. Sa yero tiquina ñano yãhdægũ tiquinare bucuegũ yere. <sup>4</sup> Tãhomehneñe yahuducuyere yahuducuriquiuro ihcãquiota buhere. Apequinare buherare. Cohãcjũ yere yahuriquiuro pehe apequinare Jesu yequinare buhero, yedohore tiquiuro.

<sup>5</sup> Tãhomehneñe yahuducuyere ijiphtina mũsa yahuducugũ quehnoaboaga, yãhũ tãhotugũ. Sa ijiepegãta Cohãcjũ yere mũsa yahugũ þũritare tutuaro cahmeaja. Cohãcjũ yere yahuriquiuro pehe tãhomehneñe yahuducuyere yahuducuriquiuro yãhdæoro apequinare yedohore. Sa ijiepegãta tãhomehneñene yahuducuriquiuro tiquiuro yahuducuyere apequiuro yahu yãhdæogũ tiquina pehe pototi apequinare yedohore. Tiquiuro yahuducuyere yahu yãhdæoriquiuro ijiro tiquiuro pehe apequinare Jesu yequinare buhero nine. <sup>6</sup> Tãhomehneñe yahuducuyere mũsa mehna yãhũ yahuducugũ, apequiuro mũsare tiquiuro yahu yãhdæoeragũ mũsare yedohoeraboaga yãhũ. Sa yegũ Cohãcjũ yãhũre tiquiuro yahurire yahugũ, tiquiuro yere yãhũ masiñene yahugũ, apeyere tiquiuro yere yahugũ mũsare yedohogũ niaja. Tire mũsa tãhoatire mũsare buhegũ mũsare quehnoano yedohogũ niaja yãhũ.

<sup>7</sup> Tãhomehneñene yahuducuriquiuro tiquiuro yahuducuye basa wamoa yero saha ijire. Carisure putina, arpare bũa putẽna tire mari queoro yeragũ ti basayere apequinare masino basioerare. <sup>8</sup> Sa yero

cornetare putiriquiro surara ijero tiquina cahme wejêato panore queoro tiquiro putieragũ apequna surara pehe tiquina cahme wejêatire masisi. Sa ye tiquina cahme wejêato pano tiquina wejêatire wamoare quehnoyuriquina ijisi tiquina. <sup>9</sup> Sata m̄sa gũh̄ t̄homehneñe yahuducuyere m̄sa yahuducugũ t̄hoye, yahu ȳhd̄oriquiro mariedagũ apequna tire ne masisi. Tiquina sa masiedagũ m̄sa yahuducuye d̄h̄seati ijierare. <sup>10</sup> Ahri yehpap̄ peye yahuducuye ijiaga. Sa ye tire yahuducuyequina tiquina basi sa yahuducuyere quehnoano t̄hore. <sup>11</sup> Ihcãquiro ye yahuducuyere ȳh̄ t̄hoeragũ ihñano tire yahuducuriquiro pehe “Ape dihta cjũno ijire”, ni t̄hoturota ȳh̄re. Sa yeḡ ȳh̄ gũh̄ sata ni t̄hotutja tiquirore. <sup>12</sup> Sata ijiri m̄sa gũh̄ t̄homehneñene yahuducuna. Espiritu Santo tiquiro tutuaye mehna tutuaro ye duamene m̄sa. Tiquiro tutuaye mehna sa ye duana apequna Jesu yequinare m̄sa buheatire tiquinare m̄sa yedohoatire tutuaro cahmeña m̄sa.

<sup>13</sup> Sa yero t̄homehneñene yahuducuriquiro tiquiro yahuducurire tiquiro quehnoano yahu ȳhd̄oatire Cohãcjũre siniahdo tiquiro. <sup>14</sup> T̄homehneñe yahuducuye mehna Cohãcjũre siniḡ ȳh̄ t̄hotuye mehna siniḡ niaga. Sa siniḡ ȳh̄ t̄hotuyere apequnare quehnoano yahueraja. Sa yeḡ apequnare yedohoeraja ȳh̄.

<sup>15</sup> Ahrire masina, ohõ saha yenata mari: Espiritu Santo tutuaye mehna t̄homehneñe yahuducuye mehna Cohãcjũre sininata. Sa yena ape decop̄ quehnoano masi t̄hotu, apequna tiquina quehnoano t̄hoatire tiquina ye mehna Cohãcjũre sinina, ti gũh̄re sininata tja. Espiritu Santo tutuaye mehna t̄homehneñe yahuducuye mehna Cohãcjũ yere basanata. Sa yena ape deco quehnoano masi t̄hotu, apequna tiquina quehnoano t̄hoatire tiquina ye mehna Cohãcjũ yere basana, ti gũh̄re basanata tja.

<sup>16</sup> Mari sa yeragũ t̄homehneñe yahuducuye mehna Espiritu Santo tutuaye mehna Cohãcjũre “Quehnoariquiro, tutuariquiro

ijire”, mari niepegũta apequna pehe ne t̄hoerare. Sa t̄hoeraye “Poto ijire”, ni masiedare. <sup>17</sup> T̄homehneñe yahuducuye mehna Cohãcjũre “Quehnoare”, ni masiaga mari. Mari sa niñe quehnoañe ijiepegũta tire yahu ȳhd̄oerana apequnare buheraja mari. Sa yena tiquinare yedohoeraja mari. <sup>18</sup> Ijipihtina m̄sa ȳhd̄oro ȳh̄ pehe t̄homehneñene yahuducujaja. Sa yeḡ Cohãcjũ ȳh̄re sa yahuducu masigũ tiquiro yegũ tiquirore “Quehnoare”, niaga ȳh̄. <sup>19</sup> Sa yahuducuḡ ȳh̄ ijiepegũta Jesu yequina cahmecoañequina watoa ȳh̄ ijigũ, t̄homehneñe yahuducuye mehna peye ȳh̄ yahuepegũta d̄h̄seati ijierare. Ti ȳhd̄oro masa tiquina quehnoano t̄hoati pehe meheñegã ȳh̄ yahuepegũta quehnoarĩne, ȳh̄ t̄hotugũ.

<sup>20</sup> Ȳh̄ acaye, macanagã t̄ho masieñequinagã tiquina ijero saha ijieracãhña m̄sa. Sa yena coã bajuayequina ñañe yeyere tiquina masieno saha ijiya m̄sa gũh̄. Sa yena bucuna t̄ho masieñequina tiquina ijero saha ijiya m̄sa. <sup>21</sup> Cohãcjũ yere tiquina ojoari p̄p̄ ohõ saha nine: “T̄homehneñene yahuducuyequinare ahriquina masare yeere yahu dutiitja. Sa yeḡ ape dihta cjẽnare yeere yahu dutiitja ahriquina masare. Ȳh̄ sa yahu dutiepegũta ahriquina ȳh̄ yahuyere t̄hosi’, nine Cohãcjũ mari p̄htoro”, nine Cohãcjũ yere tiquina ojoari p̄p̄. <sup>22</sup> Sa ye t̄homehneñene yahuducuye Jesu yequinare Cohãcjũ tutuayere masigũ yeati ijierare. Ti yahuducuye Jesure cahmeeñequina pehere Cohãcjũ tutuayere masigũ yeati ijire. Sa yero Cohãcjũ yere yahuye Jesure cahmeeñequinare Cohãcjũ tutuayere masigũ yeati ijierare. Cohãcjũ yere yahuye Jesu yequina pehere Cohãcjũ tutuayere masigũ yeati ijire.

<sup>23</sup> Sa ye ijipihtina m̄sa Jesu yequina cahmecoagũ t̄homehneñene m̄sa yahuducugũ tire masieñequina, apequna Jesure cahmeeñequina gũh̄ sajã, t̄hoboaga. Sa t̄hoye “Tiquina t̄ho masieñequina ijire”, niboaga m̄sare tiquina. <sup>24</sup> Ijipihtina m̄sa Cohãcjũ yere m̄sa yahugũ p̄rita tire masiedariquiro, Jesure cahmedariquiro sajã d̄ca t̄horo, tiquiro ñañe yerire masi-

boaga tiqairo. Sa yero tiqairo ñañe yerire bujua witiboaga tiqairo. <sup>25</sup> Sa yero pota tiqairo ijiye tiyere tiqairo t̄hotuye ḡh̄are masiboaga tiqairo. Sa yero Cohãcjũ pota d̄sepe curi mehna quehe saro, tiqairore ño peorota. Sa yero “Cohãcjũ potota m̄sa mehna ijire”, ninota tiqairo m̄sare.

### *M̄sa cahmecoana quehnoano yeya dojomehnenno marieno*

<sup>26</sup> Sa yegu yuh̄u acaye, m̄sare ahrire niḡu niaja: Cahmecoana ihquẽquina m̄sa mehna cjẽna Cohãcjũ yere basa duare. Sa yena apequina buhe duare. Sa yena apequina Cohãcjũ m̄sare tiqairo buherire yahu duare m̄sa. Sa yena apequina t̄homehneñe mehna yahuducu duare m̄sa. Sa yena m̄sa apequina ti yahuducuyere yahu ȳhd̄uo duare m̄sa. Ti ijipih̄tiyere sa yena apequina m̄sare t̄hoeyequina tiquina quehnoano masiatire tire yeya.

<sup>27</sup> Sa yena t̄homehneñe mehna m̄sa yahuducuna p̄ana, ihtiana topenata yahuducuya m̄sa. Sa yena camesa yahuducuya. M̄sa sa yahuducuḡũ, ihcãquiro m̄sa mehna cjẽno m̄sa yahuducurire apequinare yahu ȳhd̄uoahro. <sup>28</sup> M̄sa yahuducuyere yahu ȳhd̄uoriquiro mariedagũ m̄sa cahmecoana ijipih̄tina m̄sa t̄homehneñene yahuducu duana yahuducueracãh̄na. Sa yena masa marienop̄u Cohãcjũ mehna yahuducuya m̄sa. <sup>29</sup> Sa yena Cohãcjũ yere yahu duana p̄ana, ihtiana topenata yahuya m̄sa. M̄sa sa yahugũ apequina m̄sare t̄hoeyequina m̄sa yahurire quehnoano t̄ho n̄n̄ahdo. <sup>30</sup> Sa yero Esp̄ritu Santo Cohãcjũ yere apequirore top̄u dujiriquirore yahu d̄caboaga. Tiqairo yahu d̄cagũ tiqairore t̄horiquiro ḡh̄u Jesu yequinare yahu duaboaga. Sa yero tiqairo pano yahuriquiro pehe dihta mariahdo. <sup>31</sup> Sa yena ijipih̄tina m̄sa Cohãcjũ yere yahuna, camesa yahuya m̄sa ijipih̄tiyequina apequina tiquina quehnoano t̄hoatire, tiquina quehnoano bucueatire. <sup>32</sup> Sa yena Cohãcjũ yere yahuna ijina, quehnoano t̄ho masi, quehnoano t̄hotu yahuducuya.

<sup>33</sup> Cohãcjũ tiqairo yequina tiquina cahmecoanop̄u tiquina cahme yahuducuḡũ, suhrigũ cahmedare tiqairo. Dojomehnenno marieno tiquina quehnoano ijigũ cahmene tiqairo. Ijipih̄tirop̄u Jesu yequina cahmecoana, oh̄o saha yere tiquina. <sup>34</sup> Tiquina cahmecoanop̄u numiare yahuducu dutierare. Tiquina numiare mari pehe yahuducu dutieraja. Cohãcjũ ojoari p̄up̄u tiqairo nidiro sahata numiare am̄are quehnoano ȳhtiyequina numia ijiro cahmene. Sa ye cahmecoanop̄u numia masare yahuducueracãhdo. <sup>35</sup> Jesu yequina tiquina cahmecoanop̄u numia tiquina yahuducuḡũ ñar̄ne. Sa yero apee borore masi duaro numino ticoro ya w̄h̄up̄ata ticoro man̄nore sinituahro.

<sup>36</sup> Ahri yuh̄u yahuatire quehnoano masiña m̄sa. Cohãcjũ yere yahu m̄htana ijierare m̄sa. Sa yena tiqairo yere t̄horina m̄sa dihita ijierare. Apequina ḡh̄u tiqairo ye buheyere c̄ore. <sup>37</sup> M̄sa mehna cjẽno “Yuh̄u Cohãcjũ yere yahugu ijiaja”, ni t̄hoturiquiro ijiro ahri m̄sare yuh̄u ojoari Cohãcjũ dutiye ijigũ masiahdo tiqairo. Sa yero apequiro “Esp̄ritu Santo tutuaye mehna ye masiaja”, ni t̄hoturiquiro ijiro tiqairo ḡh̄u ahri yuh̄u ojoari Cohãcjũ dutiye ijigũ masiahdo tiqairo. <sup>38</sup> Tire tiqairo masi dueragũ yuh̄u ojoarire “Pota ijierare”, tiqairo nigũ tiqairore duhu cãh̄na. T̄hoeracãh̄na tiqairore.

<sup>39</sup> Sa yena yuh̄u acaye, Cohãcjũ yere yahuna m̄sa ijiatire tutuaro cahmeña m̄sa. Sa yena m̄sa mehna cjẽna m̄sa cahmecoanop̄u t̄homehneñe yahuducuyere mehna tiquina yahu duagũ “Sa yahuducueracãh̄na”, niedacãh̄na tiquinare. <sup>40</sup> Sa cahmecoana quehnoano, cahme dojomehnenno marieno yeya m̄sa.

## 15

### *Quehnoañe buheyere tiqairo yahurire yahuahye Pablo*

<sup>1</sup> Yojop̄are yuh̄u acaye, quehnoañe buheyere m̄sare yuh̄u yahurire m̄sare wacũgũ ye duaja. Ti buheyere quehnoano cahmene m̄sa. Sa cahmena ti buheyere ne cohãedare m̄sa. <sup>2</sup> M̄sa sa cahmegũ

tire m̄sa cohãedagũ Cristo m̄sare pecapũ wahaborinare yũhdũo tuhasari. M̄sa sa tũhori bato Cristo yere m̄sa duhu cãgũ ti m̄sa tũhori dũhseati ijierare.

<sup>3</sup> Ohõ saha ni yahu m̄htautja m̄sare. Ahri ihyo waro ijierare. M̄sare buhegũ yũhũre Cristo tiquiro yahurire m̄sare ohõ saha ni yahoo: Cohãcjũ yere tiquina ojoariro sahata mari ñaũe buhirire Cristo yariahye. <sup>4</sup> Sa yero Cohãcjũ yere tiquina ojoariro sahata Cristo tiquiro yariari bato apequina tiquirore tiquina yagũ ihtia deco wahaboro tiquiro pehe masa wijiahye. <sup>5</sup> Tiquiro sa masa wijari bato Pedore bajuahye. Tiquiro sa bajuari bato apequinare tiquiro buheyequinare bajuahye tja. <sup>6</sup> Tiquiro sa bajuari bato ihcã tahata quinientos bui ijieyequinare tiquiro yequinare bajuahye tja. Ihquẽquina tiquirore ihñariquina m̄na yojopũre yariariquina m̄na ijire. Tiquina sa ijiepegũta peyequina tiquina mehna cjẽna yojopũre ijinine. <sup>7</sup> Came Cristo Santiagore bajuahye tja. Sa tiquiro bajuari bato ijipihtiyequina buhe duti tiquiro cũriquinare bajuahye tja.

<sup>8</sup> Ijipihtiyequina apequinare tiquiro bajuari bato yũhũ gũhũre bajuari tja. Nijinogã queoro masa bajueriquirogã tiquiro masa bajua nũnũ tãriro saha yũhũ gũhũ Jesure wacũ tutua nũnũ tãrigũ ijiaja. Yũhũ sa ijirigũ ijigũ tiquina batopũ bajuari Jesu yũhũ gũhũre tja. Yũhũreta tiquiro bajua bato tiri. <sup>9</sup> Panopũre Jesu yequinare ñano yemi. Sa yerigũ ijigũ apequina Jesu cũriquina ijipihtiyequina tiquina docapũ waro ijiaja yũhũ. Sa yegũ yojopũ gũhũre Jesu buhe duti tiquiro cũnohborigũ ijierami yũhũ. <sup>10</sup> Sa ijiepegũta Cohãcjũ yũhũre cahĩgũ yojopũre Jesu cũrigũ ijiaja yũhũ. Sa yegũ yũhũre tiquiro cahĩgũ yojopũre tiquiro cahmeñene ye pehoaja. Sa yegũ yũhũre cahĩgũ tiquiro yaquiro sa iji cãgũ niedaja. Ijipihtiyequina apequina tiquiro cũriquina yũhdũoro yũhũ pehe tutuaro buhei. Sa buhegũ yũhũ esa tuharo buherũ. Cohãcjũ yũhũre cahĩno yũhũre yedohori. <sup>11</sup> Ûsã buheye pehe ihyo waro ijierare. Yũhũ m̄sare quehnoañe buheyere buherigũ yũhũ ijigũ apequina yũhdũoro yũhũre m̄sa ño peogũ ihyo waro ijero nine.

Tiquina gũhũ m̄sare buheyequina ijigũ apequina yũhdũoro tiquina gũhũre m̄sa ño peogũ ihyo waro ijero nine. Ûsã pehe ahrire buhena ijiepenata ihyo ijina ijiaja. Ûsã buheye pehe ihyo waro ijierare. Sa yena m̄sa pehe ahri buheyere quehnoano tũhore.

*Yariariquina m̄na tiquina masa wijiarire yahuahye Pablo*

<sup>12</sup> Cristo yariari bato tiquiro masa wijiarire usã buhepegũta “Yariariquina m̄na ne masa wijiaerare”, nine m̄sa mehna cjẽna ihquẽquina. ¿Dũhse ijero boro sa niajari tiquina tire? <sup>13</sup> Sa yero yariariquina m̄na masa wijiaeragũ Cristo gũhũ ne masa wijiaeraboya. <sup>14</sup> Sa ye Cristo masa wijiaeragũ quehnoañe buheyere usã yahuri ne dũhseati ijieraboya. Tiquiro masa wijiaeragũ tiquirore m̄sa wacũ tutuaye gũhũ dũhseati ijieraboya. <sup>15</sup> Masa wijiaro mariedagũ usã pehe Cohãcjũ yere ni mehona niboaya. Yariariquina m̄na tiquina masa wijiaeragũ Cohãcjũ pehe Cristore masa wijiaeragũ yeraboya. Tiquiro sa yeragũ “Cohãcjũ Cristore masa wijiaeragũ yeahye”, nina ni mehona ijiboaga usã. <sup>16</sup> Yariariquina m̄nare Cohãcjũ masoedaro, Cristo gũhũre tiquiro masoedaboya. <sup>17</sup> Sa yero Cristo masa wijiaeragũ tiquirore m̄sa wacũ tutuaye dũhseati ijieraboaga. Sa yena m̄sa ñaũe buhiri, buhiri tiboaga m̄sa. <sup>18</sup> Masa wijiaro mariedagũ Cristo yequina m̄na yaria m̄htariquina pecapũ waha tuhasaboya. <sup>19</sup> Cristore mari wacũ tutuari bato mari yariana masa wijia masiedana ijipihtiyequina apequina masa yũhdũoro pejecũona ijiboaga mari pehe. Sa yena tiquirore ihyo warota wacũ tutuana niboaga mari.

<sup>20</sup> Potota Cohãcjũ Cristore masa wijiaeragũ yeahye. Cristo masa wijari bato mari gũhũ yarianapũ masa wijianata ijiaja. Tiquiro sa masa wijiaro, marine siho masa wijia m̄htariquiro ijire. <sup>21</sup> Ohõ saha ijire ahri: Adãn mehna masa yaria dũcahye. Ohõ saha apequiro mehna yariariquina m̄na masa wijiaeta. <sup>22</sup> Adãn yequina iji nũnũ tãnapũ mari ijipihtina yarianata. Sata Cristo yequina mari ijigũ mari yariari bato marine masa wijiaeragũ

yerota Cohãcjũ. <sup>23</sup> Ihquẽ cururi masare tiquina queori pje ijigũ masa wijiaeta. Cristo marine iji mahtariquiro masa wijia mahtahye. Came ahri yehpapũ tiquiro tojoa tagũ tiquiro yequina gãhũ masa wijiaeta. <sup>24</sup> Ti pjeta pihtiri deco ijirota. Sa yero ijipihtiequina watĩare, watĩa pũhtoare, tutuayequinare cohãno, Cristo yũhdũdũcarota. Tiquiro sa yeri bato ijipihtiequina pũhtoro tiquiro ijirire Cristo wijiaro, Cohãcjũre mari Pacũre comesarota. <sup>25</sup> Tiquiro wijiato pano mari Pacũ Cristore ihña tuhtiequinare tiquiro yũhdũdũca pehoato pano Cristo pũrita ijipihhtiequina pũhtoro ijirota. Sa ijiriquirota ijiro cahmene tiquirore. <sup>26</sup> Tiquirore ihña tuhtiequinare tiquiro yũhdũdũcari bato, yariamedi gãhũre cohã cãnota. Yariaye pihtia waharota. <sup>27</sup> Ijipihtiequina bui dutiatiquirore cũahye Cohãcjũ Cristore. Ijipihtiyere cœoriquiro gãhũre cũahye tiquirore. Sata nine Cohãcjũ yere tiquina ojoari pũpũ. Cohãcjũ pehe tiquirore cũriquiro ijire. Sa yero “Ijipihtiequina bui dutiatiquirore cũahye tiquirore”, nino, “Cohãcjũ bui dutiriquiro ijire tiquiro”, nino niedahye tiquiro yere tiquina ojoari pũpũ. <sup>28</sup> Ijipihtiequina bui dutiriquiro Cristo Cohãcjũ macũno ijigũ Cohãcjũ tiquirore cũriquiro pehe tiquiro macũno bui dutiriquiro ijirota. Sa yero Cohãcjũ pehe ijipihtiequina pũhtoro waro ijire. Ijipihtiyere cœoriquiro gãhũ ijire.

<sup>29</sup> ¿Masa wijiaro mariedagũ dũhse ye apequina masa yariariquina mũna ye ijiatire tiquina wame yenohriquina ijiajari? Yariariquina mũna masa wijiaeragũ tiquina ye ijiatire apequina wame yegũ ihyo warota wame yenohriquina ijiboaya.

<sup>30</sup> Usã pehe usã buheri buhiri decoripe apequina usãre tiquina ñano ye duagũ cuarĩne usã gãhũre. Usãre sa cuaepẽgũta masa wijiaro ijigũ masina sa buheducuaaja usã. <sup>31</sup> Mari pũhtoro Jesucristo yequina mũsa ijigũ tiquirore wacũ tutua nemona mũsa wahagũ yũhũ pehe tutuaro bucueaja yũhũ mũsa mehna. Ti ijirota ijire. Sa yero “Dũhse ijiri decopũ yũhũre yariaro cuarĩne”, yũhũ nigũ ti gãhũ ijirota ijire. <sup>32</sup> Efeso cjẽna usuayequina

quehnoañe buheyere yũhũ buheri buhiri yũhũre quẽdi. Masa wijiaro mariedagũ Jesu yaquiro yũhũ ijieragũ, yũhũ sa ñano yũhdũri dũhseati ijieraboya. Ihyo waro ñano yũhdũgũ niboya yũhũ. Yariariquina mũna tiquina masa wijiaeragũ ohõ saha niboaga mari: “Came cjũnogã yarianata. Dũhse wahasi mari. Sa yena ihya sihni-ihna. Mari esa tuharo yeihna”, niboaga mari.

<sup>33</sup> Ni mehoñene tũhotueracãhña mũsa. “Ñañequinare piti tina, quehnoañe mũsa yerire bonata mũsa”, nine masa. Ti ijirota ijire. <sup>34</sup> Quehnoañene tũhotuna ijia mũsa. Sa yena quehnoañene yena ijia tja. Sa yena ñañene ye nemoedacãhña tja. Ihquẽquina mũsa mehna cjẽna ne Cohãcjũre masiedare. Mũsa bũoro wahati pehere mũsare sa niaja.

#### *Yariariquina mũna tiquina masa wijiarore yahu nemoahye Pablo*

<sup>35</sup> Sa ye mũsa mehna cjãno ohõ saha ni sinituboaga yũhũre: ¿Dũhse yariariquina mũna masa wijiaetari? ¿Dũhse ijie pagũri masa wijiaetari? ni sinituboaga. <sup>36</sup> Sa sinituriquiro tũho masieniquiro ijire. Oteri pjere mari oteri bato ti pje ahbagũ waro pihnine. Ahbaeraro ne pihni. Tire masine mũsa. <sup>37</sup> Bũjũye cjũpũre oteraja mari. Ti pjeri dihitare oteaja mari. Ti pjeri trigo pjeri ijiro ijiboaga. O apee boro pjeri ijiro ijiboaga. <sup>38</sup> Ti pjerire mari oteri bato Cohãcjũ tiquiro cahmediro saha ti pjerire bũcua mũjagũ yere. Sa yero oteye pjerire bũjũye pihnigũ yere tiquiro. Sata pihni dutire Cohãcjũ.

<sup>39</sup> Ijipihtiequina pagũri ihcãno saha bajúerare. Masa pagũri pehe ihcãno saha ijire. Wahiquina pagũri gãhũ sijoro saha bajure. Minicjũa pagũri gãhũ sijoro saha bajure. Sa yeye wahi gãhũ sijoro saha pagũ tire. <sup>40</sup> Sa ye uhmũse cjẽ gãhũ sijoro saha bajure. Sa yeye ahri yehpa cjẽna gãhũ sijoro saha pagũ tire. Sa yeye uhmũse cjẽna pagũri gãhũ sijoro saha bajure. Sa yeye ahri yehpa cjẽ uhmũse cjẽ yero saha ijierare. <sup>41</sup> Ohõ saha ijire. Asũ deco cjũno asi sitere. Sa ye ñami cjãno gãhũ sijoro saha ijire tiquiro gãhũ. Ihyo buhriore. Sa yeye ñahpicoha gãhũ sijoro saha asi paare.

Ñahpicoha pari gũhure mari ihñagũ ihquẽ paca mehenogã asiye paca bajure. Sa yeye apeye paca tutuaro asiye paca bajure.

42 Ohõ saha ijire yariariquina muna tiquina masa wijiagũ. Masuno tiquiropagure mari yari bato tiquiropagu ahbaa waharota. Sa yero ape pagu sijoro saha ijiri pagu ijipihtiye decori catiati pagu masa wijirotota. 43 Ti pagure mari yagũ yariariquiropanano pejesno nine. Cohãcjũ tiquiropore masogũ tiquiropagu quehnoa yuhdũari pagu ijire. Sa yero tiquiropagu mari yari pagu tutuaye mariedi pagu ijire. Sa yero Cohãcjũ tiquiropore masogũ tiquiropagu tutua yuhdũare. 44 Ahri yehpa cjã pagure mari yagũ yariariquiropanano tiquiropo masa wijiagũ tiquiropagu uhmũse cjã pagu ijirota. Ahri yehpa cjã pagure mari cõona, uhmũse cjã pagu gũhure cõonata, masa wijiñana.

45 Sata ni yahure Cohãcjũ yere tiquina ojoari pũpu: “Ahri yehpapu iji mũhtariquiropo Adán wame tiriquiropo catiriquiropo wahahye”, ni ojoahye. Ti sa ijiepegũta Adán yero saha ijiriquiropo bato tiriquiropo Cristo pehe catiyere ohoro ahtahye. 46 Ahri yehpa cjã pagu iji mũhtariropagu ijire. Caperu uhmũse cjã pagu ijirota. 47 Ohõ saha ijire: Iji mũhtariquiropo Adán pehe ahri yehpa cjũno dihta mehna tiquiropo yeri pagure pagu tiahye. Tiquiropo bato ahtariquiropo, Cristo pehe uhmũsepũ ahtahye. 48 Dihta mehna tiquiropo yeri pagure pagu ti mũhtariquiropo tiquiropo ijiriro saha ijipihtina apequina dihta mehna tiquiropo yeri pagure pagu tina ijiaja mari. Sa yena uhmũsepũ ahtariquiropo yero saha tiquiropo yequina ijipihtina tiquiropo yero saha pagu tina ijinata mari. 49 Dihta mehna tiquiropo yeri pagure pagu tiriquiropo yero saha bajuaja mari. Tiquiropo yero saha mari ijiriro saha uhmũse cjũno yero saha bajunata mari.

50 Yuhũ acaye, mũsare ahriye yahu duaja: Ahri yehpa cjã pagu dii mehna, dihi mehna ijiri pagu Cohãcjũ pũhtoro ijirõpũre uhmũsepũre ne wahasi. Mari pagu ahbati pagu ijire. Sa ye uhmũsepũ ijipihtiye decori mari ijiatõpũre ahri pagu wahasi. 51-52 Panõpũre masa tiquina

masiedarire yõjõpũre mũsare yahu duaja: Mari mehna cjẽna ihquẽquina yariasi. Sa ye duita, tiquina pagũre comesayequina ijietta. Cornetare tiquiropo puti, bato tiri decõpu sata waharota marine. Ohõ saha waharota. Corneta bisiri bato yariariquina munare Cohãcjũ masonota ijipihtiye decori tiquina ijiatire. Sa yena pagũre comesarina ijinata mari gũhũ. 53 Mari pagũre tiquiropo comesagũ to pano mari ahbati pagu ijiepegũta mari comesari bato ne ahbasi. Sa ye mari pagu comesagũ to pano mari yariati pagu ijiepegũta ne yariasi. 54 Mari ahbati pagu ne ahbaerati pagũre comesarota. Sa ye mari yariati pagu sa ijiducuatipagũre comesarota. Sa marine comesagũ panõpu tiquiropo ojoariro sahata sa waharota: “Cohãcjũ yariayere cohã cãri. 55 Yõjõpũre ne pari turi mari yariasi. Sa yena yariaro mehna pari turi ñano yuhdũsi mari”, ni ojoahye panõpũre. 56 Mari ñañe buhiri ijigũ pũrita yariaro mehna ñano yuhdũnata. Sa ye Cohãcjũ dutiye Moiseretiquiropo cũrire mari masidi bato, buhiri tiaja mari. Sa yero marine pecapũ waha dutire Cohãcjũ dutiye. 57 Tiquiropo sa dutiepegũta mari pũhtoro Jesucristo pehe marine pecapũ wahaeragũ yere. Tiquiropo sa yeriquiropo ijigũ masina Cohãcjũ mehna bucue, “Quehnoare”, niaja mari.

58 Sa yena yuhũ acaye, yuhũ cahĩna, Cristore wacũ tutua duhueracãhña. Sa yena apequina mũsare quehnoañe buheyere tiquina cohã dutigũ, ne cohãedacãhña tire. Sa yena decoripe mari pũhtoro Jesucristo tiquiropo ye dutiyere quehnoano yeducuya mũsa. Mari pũhtoro Jesucristo yere mari yegũ, ahri ihyo waro ijierare. Ahriye masina tiquiropo ye dutiyere quehnoano yeducuya mũsa.

## 16

*Apequinare Jesu yequinare Corinto cjẽna niñeru tiquina ohoatire yahuahye Pablo*

1 Yõjõpũre apequinare Jesu yequinare mũsa niñeru ohoatire yahu duaja mũsare. Galacia yehpa cjẽnare Jesu yequinare yuhũ dutiriro sahata mũsa gũhũ yeya. 2 Semanaripe domingo ijigũ ijipihtina

musa Jesu yequinare ohoati niñerure mehenogã ohoya. Mehenogã cuna mehenogã ohoya. Sa yena paji cjünogã cuna paji cjünogã ohoya. Semanaripe musa sa yegũ musa cahapũ yũhũ esagũ musa ohoati niñeru iji tuhasarota. <sup>3</sup> Musa ohoatire yahuye pũrine ojoautja. Sa yegũ yũhũ topũ esagũ ti pũrine topũ waha-tiquinare musa beseriquinare ohoutja. Sa oho tuhasagũ Jesu yequinare musa oho niñerure neatiquinare ohoutja Jerusalẽpũ. <sup>4</sup> Ti macapũre yũhũ yeati ijigũ yũhũ gũhũ wahagũtja. Yũhũ sa wahagũ yũhũ mehna tiquina wahaeta.

### *Tiquiro tiniatire yahuahye Pablo*

<sup>5</sup> Macedonia yehpa cjẽnare ihña yũhdũtja yũhũ. Yũhdũ cã, musa cahapũ Corintopũ esautja. <sup>6</sup> Topũ esagũ musa mehna meheñe decorigã ijiboaga yũhũ ape taha yegũ. Yoa cjũri pje pohero ijiro puno musa mehna ijiboaga yũhũ. Sa yena ape sierũ yũhũ wahagũ musa gũhũ yũhũre yedoho masine. <sup>7</sup> Meheñe decorigã iji dueraja yũhũ musa mehna. Sa yegũ Cohãcjũ cahmegũ yoa cjũri pje musa mehna ijiitja yũhũ. <sup>8</sup> Sa iji duepegũta Pentecoste bose deco ijigũpũ Efesopũ ijiniitja yũhũ. <sup>9</sup> Ohõpũ Efesopũ yojopũre mari pũhtoro Jesu yere tũho du-ayequina peyequina ijire. Tiquina sa ijigũ tiquinare yahujaja. Yũhũ sa yahugũ yũhũre ihña tuhtiequina peyequina ijire.

<sup>10</sup> Timoteo yũhũ yero saha mari pũhtoro yere yere. Tiquiro sa yeriquiro ijigũ musa cahapũ esagũ quehnoano mehna tiquirore piti ca, tiquiro mehna quehnoano bucueye mehna ijiya musa. <sup>11</sup> Sa yena tiquirore yũhdũducaeracãhña musa. Sa yena tiquiro cohe tigũ quehnoano mehna tiquirore yedohoya yũhũ cahapũ tiquiro tojoa tagũ. Apequina Jesu yequina mehna usã tiquirore cohtena niaja. Sa yena quehnoano yedohoye mehna tiquirore ohoya.

<sup>12</sup> Apolo mari acayũro Jesu yaquiro musare ihñano wahagũ tutuaro cahmemi. Sa yegũ tiquirore waha dutimi apequina Jesu yequina mehna tiquiro wahatire. Yũhũ sa waha dutiepegũta yojopũre tiquiro waha duerare. Sa yero came tiquiro yeye mariedagũ musa cahapũ waharota.

### *Pablo quehnoa duti bato tiahye*

<sup>13</sup> Quehnoano wacũ masiña musa. Cristore wacũ tutua duhueracãhña. Ne cuenata ijiducuya musa. Sa yena Cohãcjũ tutuaye mehna tutuana ijiya musa. <sup>14</sup> Apequinare sa cahĩducuya.

<sup>15</sup> Yojopũre yũhũ acaye musare ahrire yahu duaja: Estefana ya wũhũ cjẽna Acaya yehpa cjẽna quehnoañe buheyere tũho mãhtariquina, tiquina ya yehpapũ Cristore wacũ tutua mãhtariquina ijire tiquina pehe. Sa ye apequinare mari acayere Jesu yequinare tiquina quehnoano yedohoducure. Tire musa masine. <sup>16</sup> Tiquina yero saha ijiyequinare, apequina Cristo yere yedohoyequinare musa quehnoano yũhtigũ cahmeaja yũhũ. <sup>17</sup> Estefana, Fortunato, Acaico gũhũ yũhũ cahapũ wihi tuhasare. Ohõpũ tiquina ijigũ quehnoano bucueaja yũhũ. Musare tiquina bucuegũ yeriro saha yũhũ gũhũre bucuegũ yere tiquina. Musa mariedagũ musare tutuaro wacũmi yũhũ. Sa yegũ tiquina wihigũ bucueaja yũhũ. <sup>18</sup> Tiquina mehna ijigũ quehnoano jeripohna tigũ ijii yũhũ. Musa gũhũre sata bucuegũ yere tiquina, yũhũ tũhotugũ. Tiquinare quehnoano ño peoya musa. Sa yena apequina tiquina yero saha ijiyequina gũhũre ño peoya.

<sup>19</sup> Asia yehpa cjẽna Jesu yequina musare quehnoa dutire. Sa ye Aquila, Priscila, tiquina ya wũhũpũ cahmecoañequina mehna Cristo tiquiro cahĩñe mehna musare tutuaro quehnoa dutire. <sup>20</sup> Ohõ cjẽna Jesu yequina ijipihtiequina musare quehnoa dutire. Musa mehna cjẽnare quehnoano mehna piti caya.

<sup>21</sup> Yũhũ, Pablo yũhũ basi ahri dihitare ojoaja. Musare quehnoa dutiaja.

<sup>22</sup> Mari pũhtoro Jesucristore apequiro tiquiro cahĩdagũ, Cohãcjũ tiquirore buhiri dahreahro. Mari pũhtoro sojaro mehna tojoa taahro.

<sup>23</sup> Mari pũhtoro tiquiro cahĩñe mehna musare quehnoa dutiaja. <sup>24</sup> Mari ijipihtina Jesucristo yequina ijiaja. Sa yegũ musare tutuaro cahĩaja.

## 2 Corintios

*Ohõ saha ojoa ohoahye Pablo Corinto cjẽnare*

<sup>1</sup> Yũhũ Pablo, Jesucristo yere buhe duti tiquiro cũrigũ ijiaja. Mari Pacũ tiquiro cahmediro saha cũri yũhũre Jesu. Yũhũ, mũsare Cohãcjũ yequinare, Corinto cjãnare ojoa ohoaja. Ijipihtina Cohãcjũ yequinare Acaya cjãnare mũsa gãhũre ojoa ohoaja. Mari acayũro Timoteo mehna quehnoa dutiaja mũsare. <sup>2</sup> Sa yena Cohãcjũ mari Pacũ, mari pũhoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

*Pablo tiquiro ñano yũhdũrre ohõ saha ni yahuahye:*

<sup>3</sup> Mari pũhoro Jesucristo Pacũro Cohãcjũ marine paja ihñare. Sa yero tiquiro dihita marine yedohore. Quehnoa yũhdũariquiro ijire tiquiro. <sup>4</sup> Mari ñano yũhdũgũ ihñano ijipihtinare marine tiquiro yequinare yedohore tiquiro apequinare mari yedohoatire. Sa yena apequina tiquina ñano yũhdũgũ ihñana tiquina pehere yedohoro cahmene marine. Cohãcjũ marine tiquiro yedohoye mehna mari gãhũ tiquina gãhũre yedohonata. <sup>5</sup> Cristo yequina mari ijiri buhiri mari ñano yũhdũgũ tiquiro tutuaro yedohorota marine. <sup>6</sup> Ûsã pehe mũsare yedohona ñano yũhdũaja. Sa yena Cristo mehna mũsa yũhdũatire mũsare usã yahuri buhiri ñano yũhdũaja. Sa yena Cristo usãre tiquiro yedohogũ usã pehe mũsa gãhũre yedoho masiaja. Sa yena usã ñano yũhdũriro sahata mũsa gãhũ ñano yũhdũna, quehnoano mehna ihcãno sahanata mũsa, yũhũ tũhotugũ. <sup>7</sup> Quehnoano mehna mũsa ihcãno sahatire usã masiaja. Ûsã ñano yũhdũriro sahata ñano yũhdũri mũsa gãhũ. Sa yena Cohãcjũ tiquiro yedohoye mehna usã ihcãno sahariro sahata mũsa gãhũ ihcãno sahanata, yũhũ tũhotugũ.

<sup>8</sup> Ûsã acaye, yojopũre ahri yũhũ yahuatire mũsa quehnoano masigũ usã cahmeaja. Asia yehpapũ ña yũhdũaro yũhdũe ti usã. Ohõ saha ni tũhotumi usã: “Ne

yũhdũsi mari. Sa yena mari yarianata”, ni tũhotumi usã. <sup>9</sup> Sa yena “Marine wejẽ cãeta”, ni tũhotumi usã. Sa ñano yũhdũna Cohãcjũ dihitare usã wacũ tutua nemou. Ûsãre tiquina ñano yegũ cahmeahye Cohãcjũ tiquirore usã wacũ tutua nemoatire. Tiquiro pehe yariariquinare masoriquiro ijire. Sa tiquirore wacũ tutuana usã esa tuharo usã ihcãno sahaerarire masiaja. Cohãcjũ marine yedohore. <sup>10-11</sup> Ûsãre cuaro yepegũta tiquiro yedohoro mehna usã yũhdũhũ. Camepũ gãhũre pari turi usãre yũhdũorota. Ûsãre Cohãcjũre mũsa sini basagũ tiquiro usãre yedohorota. Ûsãre tiquiro yedohoatire masiaja usã. Sa yena usãre tiquiro yedohogũ ihñana, tiquirore “Quehnoare”, ninata mũsa. Peye mũsa sini basarire tiquiro yũhtigũ ihñana bucue, “Quehnoare”, ninata mũsa Cohãcjũre. Peyequina apequina gãhũ sata nieta.

*Pablo Corintopũ tiquiro waha duamedire yahuahye*

<sup>12</sup> Sa yena mũsa mehna usã ijirire wacũna bucueye mehna ohõ saha tũhotuaja usã: Ahri yehpapũ Cohãcjũ tiquiro yedohoye mehna ñañe marieno quehnoano mehna masare piti ti buhei. Mũsa pũritare quehnoano piti ti buhei. Ohõ saha yena usã esa tuharo yerũ. Cohãcjũ cahĩne mehna tiquiro tutuaye mehna sa yei. <sup>13-14</sup> Sa yena quehnoano yahu ojoa mũsare, quehnoano mũsa masiatire. Yojopũ usãre quehnoano masiedare mũsa. Ûsã ijiye tiyere mũsa quehnoano masigũ tutuaro cahmeaja usã. Sa yena mari pũhoro Jesu tiquiro tojoa tagũ usã mehna bucuenata mũsa. Mũsa mehna usã bucuero sahata mũsa gãhũ usã mehna bucuenata.

<sup>15-16</sup> Ohõ saha nigũ Macedonia yehpapũ waha duamaja yũhũ. Sa yegũ mũsare ihña yũhdũ cã duamaja yũhũ. Sa yegũ topũre esarigũ tojoa tagũ pari turi mũsa mehna meheñe decorigã ijiboaga yũhũ. Sa yena pũa taha mũsa mehna yũhũ ijigũ ihñana pajiro yũhũ mehna mũsa bucueboaga. Mũsa cahapũ ijirigũ Judea yehpapũ yũhũ wahagũ ihñana yũhũre yedohoboaga mũsa. <sup>17</sup> ¿“Wahautja”, yũhũ nigũ tũhorina ijina mũsa cahapũ yũhũ eseragũ ihñana “Pablo



ni mehono nine”, ni tãhotuajari m̄usa? “Wahaũtja”, nigũ yũhũ esa tuharo sa nigũ niedaja yũhũ. ¿“Tiquiro nidiro saha yerare”, yũhũre ni tãhotuajari m̄usa? <sup>18</sup> Ohõ saha ni mehogu ijieraja yũhũ. Sa yegu “Yeitja”, nigũ yũhũ nidiro saha yeaja yũhũ. Tire masine Cohãcjũ.

<sup>19</sup> Yũhũ, Sila, Timoteo mehna Jesucristo Cohãcjũ macũno yere m̄usare yahuu usã. Cristo pehe “Yeitja”, nino, poto yeriquiro ijiro nine. Cohãcjũ tiquiro nidiro sahata Cristo yere. <sup>20</sup> Ijipihiyere Cohãcjũ tiquiro yahurire Cristo ye pehoahye. Tiquiro sa yeriquiro ijigũ ihñana tiquiro yere usã apequinare yahuaaja Cohãcjũre tiquina ño peoatire. <sup>21</sup> Cristo yequina marine ijiducugũ yeriquiro Cohãcjũta ijire. Sa yero tiquiro yere yahuanajare marine sõri tiquiro. <sup>22</sup> Sa yero tiquiro yequina mari ijiyere ihñano tire marine masigũ yere tiquiro. Sa yero tiquiro yaquiro Espiritu Santore mari mehna iji dutiri tiquiro. Mari mehna ijiro tiquirota marine Cohãcjũ yũhdũoatore masigũ yere.

<sup>23</sup> Yojopũre poto yahutja m̄usare. Poto yũhũ yahueragũ Cohãcjũ pehe m̄usare poto yahuahro. Tiquirota yũhũ tãhotuyere masine. M̄usare tuhti dueragu m̄usa cahapũ wahaerũ. “M̄usare bujũa witiigũ yeari”, nigũ m̄usa cahapũre Corintopũre wahaerũ. <sup>24</sup> Sa yena “M̄usare dutina ijiaja usã”, nina niedaja. Cristore quehnoano wacũ tutua tuhasari m̄usa. Sa yena “Ohõ saha Cristore wacũ tutuaro cahmene m̄usare”, nina niedaja usã. M̄usare quehnoano bucuegũ ye duaga usã.

## 2

<sup>1</sup> Sa yegu ohõ saha ni tãhotuu: “Pari turi tiquinare bujũa witiigũ ye dueraja. Sa yegu yojopũre wahaeraja”, ni tãhotuu. <sup>2</sup> M̄usare bujũa witiigũ ye dueraja. M̄usa bujũa witiigũ ihñagu yũhũ pehe m̄usare bucueraoaga. Sa yena yũhũre bucuegũ yeatina ijieraboaga m̄usa pehe. <sup>3</sup> Sa yegu m̄usa cahapũ wahaerũ. Sa wahaeragu m̄usare ihyo ojoaũ. M̄usa yũhũre bucuegũ yeatina ijiepenata yũhũre bujũa witiigũ yeboaga m̄usa, m̄usa cahapũ yũhũ esagũ. M̄usa mehna yũhũ bucuegũ, m̄usa gũhũ bucuenata. Tire masiaja yũhũ. Sa yegu yojopũre m̄usa

mehna bujũa witi dueragu wahaerũ m̄usa cahapũ. <sup>4</sup> Pajiro tãhotugu, ñano jeripohna tigu, tutuaro utigu m̄usare ojoaepẽgũta m̄usare bujũa witiigũ ye dueru. M̄usare tutuaro yũhũ cahñene m̄usare masigũ ye duagu m̄usare ojoaũ.

*Corinto cjẽna mehna cjãno tiquiro ñano yerire bo dutiahye Pablo Jesu yequinare*

<sup>5</sup> Ihcãquiro m̄usa mehna cjãno yũhũre bujũa witiigũ yeriquiro ijiri. Sa yeriquiro ijiepegũta m̄usare tiquiro tutuaro bujũa witiigũ yeriro saha yũhũ pehere pajiro bujũa witiigũ yerari tiquiro. Tiquiro sa ñano yepegũta pajiro waro buhiri dahre duti dueraja. <sup>6</sup> Peyequina m̄usa mehna cjẽna tiquirore buhiri dahre tuhasañohti. To punota buhiri dahre duhuro cahmene tiquirore. <sup>7</sup> Tiquirore m̄usa buhiri dahreducugũ tutuaro bujũa witiiboaga tiquiro. Sa yero Cristo yere duhuboaga. Sa yena tiquiro ñañe yerire boya m̄usa. Tiquirore yedohoya tiquiro bucuegũ. <sup>8</sup> Sa yena tiquirore quehnoano yeya m̄usa tiquirore m̄usa cahñene tiquiro masigũ. M̄usa sa yegũ tutuaro cahmeaja yũhũ. <sup>9</sup> To pano m̄usare ojoagu “¿Potota yũhũre yũhtietari?” nigũ sa ni ojoaũ m̄usare. Yũhũre m̄usa yũhtigũ ihña duagu m̄usare sa ni ojoaũ. <sup>10-11</sup> Yojopũre tiquiro ñañe yerire m̄usa bogũ ihñagu yũhũ gũhũ tire boutja. Yũhũre ñano yerahye tiquiro. M̄usa pehere ñano yeahye. Tiquiro sa ijiepegũta tiquiro ñañe yerire boaja yũhũ gũhũ. M̄usare quehnoano yedoho duagu Cristo ihñonopũ tiquiro ñañe yerire boaja. Tire boaja Satana marine tiquiro yũhdũducaeratire. Tiquiro marine ñañene yegũ cahmene. Tire quehnoano masiaja mari. Sa yena Jesu yequina tiquina ñañe yerire wacũducueraja mari, “Tiquinapũ Satana yere yeari”, nina.

*Troa wame tiri macapũ ijiro Titore bo-caeraro pajiro bujũa witi tãhotuahye Pablo*

<sup>12</sup> Sa yegu Troa wame tiri macapũ esaũ Cristo yere buhegu wahagu. Topũ yũhũ ijigũ peyequina masa quehnoañe buheyere tãho duayequina ijiri. Mari pũtoro tiquiro yedohoye mehna tiquiro yere yũhũ buheatiquina peyequina masa ijiri. <sup>13</sup> Sa ijiepegũta mari acayũrore Titore

bocaeragu pajiro bujua witi tūhotuu. Sa yegu to cjenare cohe ti tuhasagu Macedonia yehpapu waha.

*Cristo yedohoye mehna ñañene yeducuer-  
aja mari*

<sup>14</sup> Sa ye Cohācjū pehe marine ñañene yeragū yere. Cristo yequina mari ijigū ihñano marine ñañene yeragū yere. Sa yegu Cohācjūre bucue, “Quehnoare”, niaja. Sa yena Cohācjū marine tiqiro dutigū masina ijipihtiropu Cristore masare masigū yeaja mari. Sa tiqirore masiñe tiquina quehnoano tūhoture. <sup>15</sup> Cristo yequina ijina, Cohācjū pehere bucuēgū yeaja mari, ehme sitiye mari bucuero saha. Sa ye Cristo yequina mari ijiyere ihña masine apequina Cohācjū yūhdūoatiquina. Apequina tiquina ñañe buhiri pecapu wahatiquina gūhu Cristo yequina mari ijiyere ihña masine. <sup>16</sup> Cristo yequina mari ijigū ihñañe, tiquina ñañe buhiri pecapu wahatiquina pehe pecapu tiquina wahatire masine. Cohācjū yūhdūoatiquina pehe marine Jesu yequinare ihñañe, ijipihtiyē decori tiqiro mehna tiquina ijiatire masine. Sa ye Cristo ye ihyo ijiye buheye ijierare. Sa yero ahrire Cristo yere ihcāqiro esa tuharo buhe sohtori tiriqiro ne mariedare. Cohācjū yedohoro mehnata tiqiro yere mari buhe masiaja. <sup>17</sup> Peyequina apequina Cohācjū yere buhemene niñerure wapata duaye. Ūsā pehe tiquina yero saha yeraja. Ni mehono marieno Cristo tutuaye mehna tiqiro yere buheaja usā. Cohācjū usāre cūgū tiqiro ihñonopu quehnoano buheaja usā.

### 3

*“Ohō saha yeitja”, Cohācjū ni cūrire  
wahma buheyere yahuahye Pablo*

<sup>1</sup> ¿Pari turi usā ijiye tiyere musare yahuna nijari usā, musa tūhotugū? Apequina musare tiquina buheato pano tiquina ijiye tiyere masi duana tiquina ojoari pūre cahme mahtari musa. Ūsāre masi tuhasari musa. ¿Ūsāre masiepenata ti pū borore cahmeajari musa? ¿O apequina cahapu usā buhena wahana ti pū borore usāre neno cahmeajari, musa tūhotugū? <sup>2</sup> Ti

pū borore cahmedaja usā. Musa pehere ijipihtiyequina apequina ihñañe musare usā quehnoano buherire masieta. Musare usā buhegū Cristo yequina iji ducari musa. <sup>3</sup> Cristo yequina musa ijigū ihñañe masa musare Cohācjū ye buheye warore usā queoro buherire masi tuhasare. Musare buhena Cohācjū yaqiro Espiritu Santo tiqiro yedohoye mehna buhei. Tiqiro Cohācjū catiriquiro waro ijire. Ūsā sa buhegū tūhona Cristore quehnoano cahmedi musa. Sa cahmena musa ijigū apequina musare ihñañe Cristo yequina musa ijiyere quehnoano masine. Sa masiñe musare Cohācjū ye buheye warore usā queoro buherire masine masa.

<sup>4</sup> Ahrire ijipihtiyere tūhotuaja usā Cohācjūre quehnoano wacū tutuana. Cristo tiqiro yedohoye mehna sa wacū tutuaducuaaja mari. <sup>5-6</sup> “Ūsā esa tuharo ahri dahrayere yeaja usā”, ni masiedaja usā. Cohācjū tiqiro yedohoye mehna ye masiaja usā.

Yojopure tiqiro yahuyere quehnoañe buheyere Cohācjū pehe quehnoano usāre buhe masigū yere. Ahri buheye panopu tiqiro dutiye tiqiro ojoari yero saha ijierare. Quehnoañe buheye pehere buheaja usā. Panopu tiqiro dutirire mari esa tuharo ne ye masiedaja. Sa mari ye masiedari buhiri pecapu wahaboya mari. Quehnoañe buheye pehere tūhona Cristore wacū tutuaja. Sa yena ijipihtiyē decori Cohācjū mehna ijinata mari. <sup>7</sup> Cohācjū tiqiro dutiyere utā pñinipu ojoaro Moiserē cūahye. Tiqiro sa cūri bato tiqiro asi siteye bajuahye. Moise wūhdūo asi siteahye. Asi site yūhdūahye. Came ti asi siteye pihtia wahahye. Came ti asi siteye pihtia wahati ijiepegūta coā warore tiqiro wūhdūoare masa ne ihñadoque ohō masiedahye. Ti dutiyere masa tiquina ye pehoerari buhiri pecapu wahatiquina ijiahye. Sa ye ti dutiye masare pecapu waha dutiepetā, tutuaro asi siteye mehna iji dūcahye ti dutiye.

<sup>8</sup> Ti dutiye yūhdūoro quehnoañe buheye pehe quehnoa yūhdūare. Ahri buheyere apequinare mari buhegū tiquina quehnoano tūhogū Espiritu Santo tiquina

mehna ijirota. Sa ye panopu cje dutiye yuhduoro Cristo ye pehe quehnoa yuhduare. <sup>9</sup> Cohãcjũ dutiye panopu cje masare pecapu waha dutiahye. Sa dutieperota Cohãcjũ tutuaye mehna tiquiro asi siteye mehna iji ducahye. Ti yuhduoro quehnoañe buheye pehe Cohãcjũ tutuaye mehna ijire. Ti buheye mehna quehnoañequina wahare masa, Cohãcjũ ihñagũ. <sup>10</sup> Panopu Cohãcjũ tiquiro dutiri pehe ihyo ijiye dutiye yero saha tojoa cãhre yojopare quehnoañe buheye mehna mari ihña piti cagũ. Quehnoañe buheye pehe quehnoa yuhduare. Ti buheye mehna umuseru mari waha masiaja. <sup>11</sup> Panopu tiquiro ye dutiye yoa cjũri pje asi siteye ijiducume, pihtia wahahye. Ti dutiye yuhduoro quehnoañe buheye pehe quehnoa yuhduare. Ti buheyere quehnoano tuhona, Cohãcjũ mehna sa ijiducunata.

<sup>12-13</sup> Mari sa ijiducuatire masina, cuero marieno quehnoañe buheyere quehnoano yahu peho cã usã. Moise pehe usã yero saha ijierahye. “ ‘Cohãcjũ asi siteye pihtiro nine’, Israe masa ni ihñari”, nino, tiquiro wuhdoare cahmotahye Moise. Bue tiro sa cahmotahye. Tiquiro yee tiriro saha bue tieraja usã pehe. Sa yena cuero marieno tiquiro yere quehnoañe buheyere buheaja. <sup>14</sup> Ti pjepu cjeña Israe masa pehe ne masieda tiahye. Yojopu gũhare Cohãcjũ yere panopu tiquiro ojoari pũrine tiquina buheye, ne masiedare. Moise tiquiro wuhdoare cahmotagũ Cohãcjũ asi siteyere tiquina ihñadoque ohõedariro saha tiquina quehnoañe buheyere quehnoano masiedare. Cristore cahmedaye, masisi tiquina. Tiquirore tiquina wacũ tutuari bato, tiquiro yere masieta.

<sup>15</sup> Yojopu gũhare Israe masa Cohãcjũ dutiye Moiseru tiquiro cũrire buheye, tiquinare cahmotaro saha ne masiedare tiquina. <sup>16</sup> Mari pehe mari puhtoro cahmegũ tiquirota marine masigũ yere. Moise tiquiro wuhdoare cahmotarirore tiquiro ne cãboriro saha mari puhtoro marine tiquiro yere quehnoano masigũ yere. <sup>17</sup> “Mari puhtoro”, nigu Espiritu Santore nigu niaja.

Cohãcjũ yaquiro Espiritu mari mehna tiquiro ijigũ pecapu wahaborinare tiquiro yuhduorina ijiaja. Sa yena “Panopu cje dutiye mehna mari yuhduonata”, niedaja mari. Sa yena ti dutiyere duhuna, Espiritu Santo ye dutiye pehere yeaja mari. <sup>18</sup> Sa yena Jesu yequina ijina, Cohãcjũ yere masiaja mari. Tiquina wuhdoare pacare cahmotamehneñequina yero saha Cristo tutuayere ihñona niaja mari. Sa yero mari puhtoro Espiritu Santo marine quehnoañe pehere comesagũ yere. Tiquiro sa yegũ Cristo quehnoa yuhduariquiro tiquiro ijiro saha wahana niaja mari.

#### 4

<sup>1</sup> Sa ye Cohãcjũ usãre paja ihñano, quehnoañe buheyere yahuanajare cũri usãre. Tiquiro sa cũgũ masina, tiquiro yere buhena caributieraja usã. <sup>2</sup> Tiquiro yere buhena ni meje cũ buheraja. Sa yena usã tire comesaeraja. Sijoro saha cjũnogã buhena buoro yuhduboaga. Sa yena tire buhe dueraja. Cohãcjũ ihñonopu ijiaja usã. Sa yena quehnoañe buheyere quehnoano poto buheaja usã. Usã sa buhegũ ihñañe tire quehnoano masine usãre ihñañequina waro. <sup>3</sup> Usã buheyere quehnoañe buheyere buheaja usã. Usã tire buhepegãta apequina ne tuhõ duerare. Sa tuhõyequina pecapu wahatiquina ijire. <sup>4</sup> Satana ñariquiro ahri yehpa cjeña puhtoro tiquinare masiedagũ yere. Caperi bajueyequina tiquina ihña masiedaro saha masiedagũ yere tiquinare. Quehnoañe buheyere Cristo tutuayere tiquinare masiedagũ yere tiquiro. Cristo pehe Cohãcjũ ijiye tiyere marine masigũ yere. Tiquiro Cristo Cohãcjũ waro ijire. <sup>5</sup> Usã buhena “Usã pehere ño peoya”, ni buheraja. Ohõ saha ni buheaja usã: “Jesucristo pehe ijire mari puhtoro”, ni buheaja usã. Usã pehe Jesure yuhtina ijiaja usã. Sa yena musare yedohoaja usã. <sup>6</sup> Panopu ohõ saha niahye Cohãcjũ: “Nahitianopu buhrioro ijiya”, ni, dutiahye tiquiro. Yojopu tiquirota ijire marine tiquiro tutuayere masigũ yeriquiro. Buhrioro marine ti ihñagũ yero saha, tiquiro tutuayere marine masigũ yere. Cristo Cohãcjũ tutuayere marine masigũ yere.

### *Cristo tutuaye mehna mari ijiaja*

<sup>7</sup> Sa masina ijina, tiquiro tutuayere apequinare masigū yeaja. Sa yena ijiepenata tutueraja usā. Dihi sutu duita wahtiro ti butiro saha usā gūhū tutueraja. Sa ijiepenata Cohācjū tutuayere apequinare buheaja usā. Usā sa tutuerapenata tire buheaja usā. Usā sa buhegū ihñañe usāre “Tiquina esa tuharo ahri buheyere masiedare. Cohācjū pehe tiquinare masigū yere”, ni masieta apequina usāre. <sup>8</sup> Ijipihtiyequina apequina usāre ñano yepeta Cohācjū usāre tiquiro yedohogū tiquina usāre yūhdūcaerare. Sa yena usā caributiepenata, Cohācjū yere ne yahu duhueraja. <sup>9</sup> Usāre tiquina ñano yeducepegūta Cohācjū usāre sa yedohoducure. Usāre tiquina quēdoque cū mūjaepēgūta tiquiro yedohoye mehna yarieraja usā. <sup>10</sup> Tiquina wejēatina ijinata niaja usā, Cristo ahri yehpapū tiquiro ñano yūhdūriro saha. Tiquina wejēatina ijiducuna niaja usā Cristo catiducugū yeriquiro tiquiro ijiyere masa tiquina masiato saha. Usā sa ñano yūhdūgū ihñañe tire masieta masa.

<sup>11</sup> Sa ye decoripe usāre apequina wejēno cuarīne Cristo yequina usā ijiri buhiri. Ohō sahata ñano yūhdūaja usā Cristo catiducugū yeriquiro tiquiro ijiyere apequina tiquina masiato saha. Usā pagūri came yariaa waharota. Usā sa wahatina ijiepenata Cristore catiducugū yeriquirore masigū yeaja usā apequinare. <sup>12</sup> Sa ye mūsare usā buheri buhiri usā pehere apequina wejēno cuarīne. Usā buheyere mūsa tuhori bato ijipihtiyē decori Cohācjū mehna ijiatina ijire mūsa.

<sup>13</sup> Cohācjū yere tiquina ojoari pūpū ohō saha nine: “Cohācjūre wacū tutuagū, tiquiro yere buhei”, ni ojoahye panopū cjāno. Usā gūhū sata yeaja. Cohācjūre wacū tutuana, tiquiro yere buheaja. <sup>14</sup> Ahri yūhū niati gūhūre quehnoano masiaja usā: Cristo yariari bato Cohācjū tiquirore masoahye. Sa yero Cristo yequina mari ijigū ihñano tiquiro mari gūhūre masonota. Tiquiro sa masori bato tiquiro cahapū neanota marine. <sup>15</sup> Sa yena mūsare yedoho duana, ñano yūhdūaja usā. Sa yena Cristo yequina mūsa peyequina wahana, peye-

quina mūsa Cohācjūre bucueye mehna ño peonata. Tiquirore “Quehnoare”, ninata.

<sup>16</sup> Mūsa sa wahagū ihñana, usā ñano yūhdūepenata bujūa witieraja. Sa yena Cristo yere buhe duhueraja. Usā pagū tutuaye decoripe pihti cāno nine. Usā tutuaye sa pihti cāepēgūta quehnoano jeri sajāja usā. <sup>17</sup> Yojopūre ñano yūhdūepenata ñano yūhdū dojoeraja. Ti mari ñano yūhdūye pihtia waharota. Sa yena marine mehenogā ñano yūhdūro cahmene. Sa mari ñano yūhdūrina ijina, camepūre tutuaro bucueye mehna ijiducunata Cohācjū mehna. Sa yena mari ñano yūhdūri yūhdūoro pajiro bucueye mehna ijiducunata. <sup>18</sup> Mari ihñari ahba pihtia waharota. Mari ihñedari pehe sa ijiducurota. Sa yena mari ihñarire wacūducueraja. Mari ihñedari pehere Cohācjū yere sa wacūducuaaja mari. Sa yena camepū mari quehnoano ijiatire bucueaja.

## 5

<sup>1</sup> Wūhūre tiquiro cohāboriro saha came mari pagūri pehe butia waharota. Sa yero wahma wūhūre tiquiro yeboriro saha Cohācjū wahma pagūrire yerota. Sa yero ti pagūrire marine ohorota. Ti pagūri masa tiquina yeri pagūri ijierare. Sa yena ūhmūsepū sa ijiducunata ti pagūri mehna. Tire mari masiaja. <sup>2</sup> Sa yena ti pagūrire ūhmūse cjē pagūrire tutuaro cahmena, mari sa cohteducuna niaja. <sup>3</sup> Suhtirore tutuaro mari saña duaro saha ti pagūrire tutuaro cahmeaja mari. Sata cohteaja mari pagūri mariena iji duerana. <sup>4</sup> Yojopūre ahri pagūrire cohā duerapenata wahma pagūri pehere tutuaro cohteaja mari. Yojopūre mari pagūrire cohā duerapenata ijipihtiyē decori Cohācjū mehna mari ijiatire tutuaro cahmeaja mari. Sa yena ahri mari pagūri yariati pagūri ti ijigū masina, wahma pagūri mehna Cohācjū mehna sa ijiducu duaja mari. <sup>5</sup> Mari sa ijiducuatire quehnoahye Cohācjū pehe. Sa quehnono tiquiro yaquiro Espiritu Santore ohori marine. Sa yero tiquiro yaquiro Espiritu Santo mari mehna ijiro, marine Cohācjū tiquiro yeatire “Poto tjire”, nino, marine masigū yere tiquiro.

<sup>6</sup> Sa yena Cohãcjũre wacũ tutuaducuaaja mari. Cuero marieno ijiaja mari. Ahri mari iji mũhtari pagũpũ ijina, mari pũhtoro mehna ijieraniaja. <sup>7</sup> Ʋhmũse cjẽne Cohãcjũ gũhũre mari ihñedapenata “Ti potota ijire”, ni tũhotuaja mari. Sa yena tiquirore wacũ tutuaja mari. <sup>8</sup> Sa yena mari cueraja. Mari pagũrĩre ahri yehpũpũ cohãna mari pũhtoro mehna Ʋhmũsepũ ijiducunata mari. Sa yero mari yariagũ quehnoanota marine. <sup>9</sup> Sa yena Cristore bucuegũ ye duaja mari. Ahri yehpa cjã pagũ mehna ijinina tiquirore bucuegũ ye duaja. Ʋhmũsepũ gũhũre tiquirore bucuegũ ye duaja. <sup>10</sup> Ijipihtina Cristo cahapũ mari wahagũ ihñano tiquiro mari yerire ihñano marine beserota. Ñano mari yerire masinota tiquiro. Sa masino marine tiquiro ohoborire marine ohosi tiquiro. Quehnoañene mari yeri gũhũre masinota. Sa masino bucuerdo marine quehnoano yerota. Tiquiro sa masidiquiro ijigũ ihñana tiquirore bucuegũ ye duaja mari.

*Cohãcjũre mari ihña tuhtigũ ihñano Cristo pehe marine bosare*

<sup>11</sup> Sa yena cua pesaro mehna Cristore ño peoro cahmene marine. Tire masina, Cristo yere masigũ yeaja usã masare. Tiquinare cuesãna, tiquirore wacũ tutuagũ ye duaja usã tiquinare. Quehnoano mehna tire usã buherire Cohãcjũ quehnoano masine. Ʋsã sa buherire mũsa gũhũre quehnoano masigũ cahmeaja yũhũ. <sup>12</sup> Pari turi quehnoana usã ijiye tiyere mũsare yahuna niedaja. “Apequinare yũhdũdũcaja”, niñequinare mũsa yahuati pehere quehnoano mehna usã buherire yahuna niaja usã mũsare. Tiquina pehe tiquina wacũñepũ ñañequina ni mehoñequina ijiepetata masa tiquina ihñono dihita quehnoañequina yero saha ye ihñomene. Sa yena usã mehna mũsa bucueati pehere ahri ijipihtiyere mũsare yahu ojoana niaja. “Pablo gũhũ usãre quehnoano mehna buhere”, usãre apequinare mũsa ni cahmotati pehere ahri ijipihtiyere mũsare yahu ojoana niaja. <sup>13</sup> ¿Usã ohõ saha ni yahuna tũho masiena ijiajari usã, mũsa tũhotugũ? Masa usãre ihñañe, tũho masieñequina yero saha ihñare

usãre. Cohãcjũ yere usã yegũ ihñañe sa ihñaboaga usãre. Sa tiquina ihñanohrina ijiepenata sa ijina ijieraja mũsare yedoho nemona tana.

<sup>14</sup> Cristo marine tiquiro cahĩgũ ihñana mũsare sa yedohoaja. Tiquiro sa cahĩgũ ihñana tiquiro yere sa yahuducuaaja usã. Ihcãquiota Cristo ijipihtina mari ñañe buhirire yariari jiri. Tiquiro sa yariari bato mari pehe ijipihtina mari ñañe buhirire yariariquina yero saha ijiaja. Tiquiro buhiri dahre tuhasariquina yero saha ijiaja. Cristo tiquiro yariari mehna marine tiquiro buhiri dahre tuhasariquina yero saha ihñanota Cohãcjũ. <sup>15</sup> Ijipihtina mari ñañe buhiri yariari jiri Cristo tiquiro ye dihitaro mari yeato saha. Sa yero tiquiro cahmeñe pehere marine ye dutiro yariari jiri tiquiro. Mari ye ijiatire yariaro, masa mũjari jiri. <sup>16</sup> Sa yena yojopũre usã esa tuharo masare “Quehnoañequina ijire. Ñañequina ijire”, ni ihñedaja usã. Panopũ usã esa tuharo yee timi. Sa yena Cristore masiedũ. Yojopũre Espĩritu Santo yedohoye mehna tiquirore quehnoano masi tuhasaja. <sup>17</sup> Sa yena Cristo yequina wahana quehnoañe pehere yena wahaja mari. Panopũ mari esa tuharo mari yemedire duhu cjã mari. Yojopũre quehnoañe pehere comesana tire yeaja mari.

<sup>18</sup> Cohãcjũ pehe marine quehnoañe pehere comesagũ yeri. Cohãcjũre ihña tuhtina mari ijigũ ihñano Cristo pehe mari ñañene cohãri. Sa cohãno mari ihña tuhtiyere duhugũ yeri tiquiro. Sa yegũ yeri Cohãcjũ Cristore. Sa yero usãre tiquiro yere buhe dutiro cũri. Sa buhena, apequinare Cohãcjũ mehna tiquina ihña tuhtirire duhugũ yeaja usã gũhũ. <sup>19</sup> Ohõ saha masare yahu dutiri Cohãcjũ usãre: “Cristore mari wacũ tutuagũ ihñano mari ñañe buhirire buhiri dahrerare Cohãcjũ marine. Sa yero marine ihña tuhtiriquiro ijieperota tiquiro marine tiquiro yequina ijigũ yere”, ni yahu dutiri Cohãcjũ usãre. <sup>20</sup> Sa yena Cristo yere buheanaja tiquiro cũrina ijiaja usã. Cohãcjũ mũsare tiquiro yahuboriro saha usã pehe ohõ saha ni mũsare yahuaja: Cristore yahu basana niaja. Sa yena mũsare ihña tuhtieragũ

yeaja. Cohãcjüre mûsa ihña tuhtiyere to punota duhuya. <sup>21</sup> Cristo tiquiro ñañene yerapegûta Cohãcjû pehe tiquirore mari ñañe buhirire yaria dutiahye. Sa yero mari ñañe buhirire buhiri dahreahye Cohãcjû tiquiro pehere. Sa yero Cristo yequina mari wahagû Cohãcjû yero saha quehnoana marine ijigû yere tiquiro.

## 6

<sup>1</sup> Cohãcjüre yedohona ijiaja usã. Sa yena ahrire tutuaro mûsare ye dutiaja usã. Cohãcjû yere quehnoañe buheyere mûsa tuhoriro sahata yeya mûsa. Mûsa tuhoriro sahata mûsa yeragû ti mûsa tuhori dahseati ijierare. <sup>2</sup> Ohõ saha nine Cohãcjû:

Mûsare yuhû quehnoano yeati pjere mûsa siniñene tûho yuhitiitja. Sa yegu mûsare yuhû yuhduoati decore mûsare yedohoutja, nine tiquiro.

Tûhoya mûsa. Yojopure Cohãcjû mûsare tiquiro quehnoano yeati pje ijire. Yojopure Cohãcjû mûsare tiquiro yuhduoati deco ijire.

<sup>3</sup> Ne mehenogã apequinare ñano yeraja usã. Apequinare ne ñano ni yahuducueraja, “Quehnoañe buheye pehere cahmedari”, nina. <sup>4</sup> Sa yena Cohãcjû cahacjãna usã ijiyere mûsare masigû ye duaja. Sa yena ohõ saha ijiaja usã: Ñano yuhduna, apee borore cûoerana sa tuhutu cjã. Usãre tiquina ñano yeppegûta usuaro marieno ijiaja. <sup>5</sup> Ohõ saha ñano yuhdum usã: Masa usãre quëgû, peresu tiquina yegû, peyequina masa usãre wejê duagû tiquina sañuducugû ñano yuhdum usã. Usã tutuaro dahra wahyia yuhduna, wujua purïeppegûta carïedana, ujua ahbana ñano yuhdum. <sup>6</sup> Numia mehna ñano yeru. Sa yena Cohãcjû yere quehnoano masiñe mehna buhei mûsare. Sa yena ne usueru usã. Sa yena quehnoano cahiñe mehna yei usã mûsare. Sa yena Cohãcjû cahacjãna usã ijiyere mûsare masigû yena nii usã. Espiritu Santo tiquiro yedohoye mehna Cohãcjû cahacjãna usã ijiyere masigû yena nii mûsare. Sa yena poto mûsare usã cahigû ihñana, tiquiro cahacjãna usã ijiyere masine mûsa. <sup>7</sup> Sa yena quehnoañe buheyere mûsare poto usã buhegû ihñana,

Cohãcjû tutuaye mehna usã yegû ihñana tiquiro cahacjãna usã ijiyere masine mûsa. Quehnoañe pehe ijipihtiye usã yeri usã wamoa yero saha ijire quehnoano usã cahmotati pehe. Tire quehnoañene yena watĩnore usã cahmotana niaja. Sa yena ti quehnoañene usã yeri mehna tiquirore usã yuhduhcaja.

<sup>8</sup> Apequina usãre ño peore. Apequina pehe usãre ño peorare. Apequina ñano ni yahuducure usãre. Apequina pehe quehnoano ni yahuducure usãre. Poto usã buhepegûta “Ni mehoñequina ijire”, ni yahusãre apequina usãre. <sup>9</sup> Apequina usãre ihña masiñequina yero saha yere. Ihquë tahari usãre masiñequina yero saha yere. Usãre tiquina wejê duepegûta catiniaja usã. Ihñaña usãre. Ijirota ijire. Tiquina wejê dutinohrina ijiepenata, yarieraniaja usã. <sup>10</sup> Usã ihquë tahari bujua witina ijiepenata, sa bucueducuaja. Pejecuona ijiepenata apequinare quehnoañe buheyere buhena tiquinare pajiro doeri cjëne usã ohoboro saha yena niaja tiquinare. Apee boro cûoena ijiepenata, potota Cohãcjû ye pehere cûo peho cjã usã.

<sup>11</sup> Ne Corinto cjãna yuhû acaye, mûsare quehnoano mehna yahu peho ojoau usã mûsare. Mûsare tutuaro cahña, sa yahuu mûsare. <sup>12</sup> Usã pehe mûsare cahĩ duhueraja. Mûsa pehe usãre cahĩeda cjüre. <sup>13</sup> Sa yegu pohna tigû yuhû pohnare yuhû yahuboro saha mûsare yahutja: Mûsare usã tuhoturiro sahata mûsa gûhu sata quehnoano tuhutuya usãre. Sa yena usãre cahña mûsa.

### *Cristore cahmeeñequinare piti ti dutierahye Pablo*

<sup>14</sup> Sa yena Cristore cahmeeñequina mehna sa piti tiducueracãhña. Tiquina mehna cjãna ijieracãhña. Ihcãno saha ijierare mûsa. Quehnoañene yeriquiro ñañene yeriquiro mehna quehnoano iji masiedare. Cohãcjüre cahmeeñequina Cohãcjüre cahmeeñequina mehna quehnoano cahme piti ti masiedare. <sup>15</sup> Sa yero Cristo watĩno mehna ihcãno saha tuhoturere. Sa yero Cristo yaquiro, Cristore cahmeediquiro mehna quehnoano cahme piti ti

masiedare. <sup>16</sup> Cohãcjũ wãhũpũ “Cohãcjũ ijire”, tiquina niñe queoyere mari cãogũ ñarĩne. Ti wãhũpũ ti queoyere mari cũgũ quehnoaedare. Ti yero sahata Cristo yequina Cristore cahmeeñequina mehna mari piti tiducugũ gãhũre ñarĩne. Ti cururi pũa curua ihcãno mehna iji masiedare. Cohãcjũ catiriquiro tiquiro ya wãhũ yero saha ijiaja mari. Ti wãhũpũ tiquiro ijiro saha mari mehna ijire tiquiro. Ohõ saha nine Cohãcjũ:

Tiquina mehna ijigũtja yãhũ. Sa yegũ tiquina watoa sa iiducugũtja. Yãhũ Cohãcjũ tiquina pũhto ijigũtja. Sa ye tiquina pehe yeequina masa ijieta, nine tiquiro.

<sup>17</sup> Sa yero ohõ saha ni nemore tiquiro mari pũhtoro:

Ñañequina mehna tojoeracãhña. Sa yena tiquinare piti tieracãhña. Cristore cahmeeñequinare tiquina ñañene ne piheracãhña. Sa yegũ yãhũ pehe mũsare piti tigũtja. <sup>18</sup> Sa yegũ mũsa Pacũ ijigũtja. Mũsa pehe yãhũ pohna ijinata, nine Cohãcjũ mari pũhtoro tutua yãhdũariquiro.

## 7

<sup>1</sup> Yãhũ acaye, yãhũ cahĩna, mũsare ahrire yahutja: Ahri ijipihtiyere Cohãcjũ tiquiro sa ni yahugũ tãhona ijipihtiyere mari ñañene yeyere duhuuhna. Sa yena mari ñañene wacũne gãhũre duhuuhna. Sa yena Cohãcjũre quehnoano ño peoye mehna ñano yero marieno ijihna mari.

*Pablo bucueye mehna yahuahye Corinto cjẽnare*

<sup>2</sup> Quehnoano mehna ijiya mũsa usã mehna. Ne mehenogã mehna ñano yerũ usã mũsare. Sa yena usã buheye mehna mũsare ñano yegũ yerũ usã. Ne ihcãquiro mũsa mehna cjũnore ni mehoñe mehna wapa cahmedũ. <sup>3</sup> Sa nigũ “Usãre wapa yerari. Sa yena buhiri tina ijire mũsa”, nigũ niedaja mũsare. Mũsare yahu tuhasã. Mũsare cahĩaja usã. Catinina ihcã curuata ijiaja mari. Mari yariari batopũ gãhũre ihcã curuata ijinata mari. <sup>4</sup> Quehnoano mũsa yerire masiaja yãhũ. Sa yegũ mũsare wacũdoqueogũ bucueaja. Sa yena usã ñano

yãhdũari watoa mũsa pehe yãhũre pajiro bucuegũ yeri.

<sup>5</sup> Sa ye Macedonia yehpapũ usã esari bato topũ ijina, ne soerũ usã. Topũre ñano yãhdũũ usã. Apequina usã mehna cahmeque duari. Sa yena “Cristo yere duhuari”, nina Cristo yequina pehere cuesã nii usã. <sup>6</sup> Usã sa ñano yãhdũepegũta Cohãcjũ usãre bucuegũ yeri. Tiquiro bũjũa witiyequinare bucuegũ yeriquiro ijire. Sa yero Tito usã cahapũ tiquiro wihiro mehna usãre bucuegũ yeri Cohãcjũ. <sup>7</sup> Tito wihigũ ihñana bucuei. Ahri gãhũre bucuei. Mũsare tiquiro quiti yahugũ gãhũre tutuaro bucuei usã. Yãhũre mũsa ihña duarire yahuri usãre. Yãhũre mũsa wacũe ti bũjũa witiĩre gãhũre yahuri tiquiro. Tiquiro sa ni yahugũ tãhogũ tutuaro bucuei yãhũ.

<sup>8</sup> To pano yãhũ ojoari pũ mehna mũsare bũjũa witiĩre yemi. Sa yerigũ ijiepegũta bũjũa witiĩraja yãhũ pehe. Ti pũre mũsa buheri bato bũjũa witiĩnohti mũsa. Sa yena mehenogã bũjũa witi, duhuĩnohti mũsa. Sa yegũ coã ojoa mũhtagũ bũjũa witiiepegũta yojopũre bũjũa witiĩraja. <sup>9</sup> Yojopũ pũritare bucueaja yãhũ. Mũsa bũjũa witiĩre tãhogũ bucueraja. Sa ijiepegũta sa bũjũa witiĩna, quehnoañe pehere comesañohti mũsa. Sa yero mũsa bũjũa witiĩre ihñano, Cohãcjũ pehe mũsare quehnoañene comesagũ yere. Sa yena mũsare bũjũa witiĩre yena, ñano ye dojomehnena niedũ usã mũsare. <sup>10</sup> Sa yena Cohãcjũ tiquiro cahmeno saha bũjũa witiĩna, mari ñañene bũjũa witiĩnata. Quehnoañe pehere comesanata. Sata mari bũjũa witiĩre ihñano marine pecapũ wahaborinare yãhdũore Cohãcjũ. Mari sa bũjũa witiĩre quehnoarĩne marine. Cristore cahmeeñequina pehe tiquina ñañene bũjũa witiĩrapeta, sa bũjũa witiĩre maca cã, pecapũ wahatiquina ijinine.

<sup>11</sup> Mũsa pehe Cohãcjũ tiquiro cahmeno saha bũjũa witiĩnohti. Mũsa sa bũjũa witiĩna ohõ saha yeñohti mũsa: Yojopũre ñañene yeyequinare sa ihña cãedañohti mũsa. Tiquinare duhu dutiĩnohti mũsa. Sa yena tiquina ñañe yeyere cueñohti mũsa “Tiquina yero saha yeari”, nina. Sa yena yãhũre ihña duañohti mũsa. Sa yena ñañene

yeriquirore buhiri dahre duañohti m̄sa. Ti ijipihtiyere m̄sa yena yojop̄re poto yena m̄sa ijiyere masigū yeri m̄sa ʉsāre. <sup>12</sup> Panop̄m̄ ñano yeriquirore m̄sare yahu ojoaep̄eḡta tiquirore yedohoḡm̄ taḡm̄ sa ni yahu ojoaer̄m̄. Tiquiro ñano yenohriquiro ḡh̄re yedohoḡm̄ taḡm̄ sa ni ojoaer̄m̄. M̄sa pehere yedohoḡm̄ taḡm̄ ti p̄re ojoam̄. ʉsāre quehnoano ño peore m̄sa. Tire m̄sa ño peorire quehnoano m̄sa masiatire ti p̄re ojoam̄ m̄sare. Cohācj̄u tire m̄sare masigū cahmene. <sup>13</sup> Sa yena Tito m̄sa yerire tiquiro quti yahugū t̄hona tutuaro bucuei ʉsā.

Tito ḡh̄m̄ tutuaro bucueri. Tiquirore m̄sa quehnoano mehna m̄sa piti cagū t̄hona, m̄sa mehna tiquiro bucuerire t̄hona ʉsā ḡh̄m̄ quehnoano bucuei. <sup>14</sup> Coā warop̄m̄ m̄sa cahap̄m̄ tiquiro wahato pano m̄sa mehna ȳh̄m̄ bucuerire, quehnoana m̄sa ijiyere yahuu tiquirore. Sa yena ȳh̄m̄ nidiro sahata quehnoano yeñohti m̄sa tiquirore. Sa yeḡm̄ tiquirore ȳh̄m̄ nidire b̄e tieraja. M̄sare poto sa yahuducuaaja ʉsā. Ohō saha Tito ḡh̄re poto ʉsā yahuu m̄sare tiquiro ihñariro saha. <sup>15</sup> M̄sa cahap̄m̄ tiquiro esagū ño peoye mehna tiquirore piti cañohti m̄sa. Sa yena quehnoano ȳhtina ȳhd̄d̄ucaro mariena m̄sa ijigū ihñañohti tiquiro. Sa yero m̄sare cah̄i nemore tiquiro. <sup>16</sup> Yojop̄re quehnoano ȳhtina, Cohācj̄u cahmeno saha m̄sa quehnoano ye pehona m̄sa ijigū quehnoano masiaja ȳh̄m̄. Sa masigū tutuaro bucueaja.

## 8

### *Cristo yequina ijina, pejec̄oyequinare sa oho cāno cahmene marine*

<sup>1</sup> ʉsā acaye, ahri ȳh̄m̄ yahuatire m̄sare masigū cahmeaja ʉsā. Cristo yequina Macedonia yehpa cjēna Cohācj̄u cahñe mehna tiquiro paja ihñañe mehna tiquina yerire m̄sare yahutja. <sup>2</sup> Tiquina ñano ȳhd̄ep̄eta, niñeru marieñequina ijiepet̄a cah̄no marieno sa oho cāhri pejec̄oyequinare Jesu yequinare. Cristo mehna tutuaro bucueyequina ijiye, tiquina Judea yehpa cjēnare quehnoano mehna tiquina c̄oyere sa oho cāhri.

<sup>3</sup> M̄sare niita niaja. Tiquina c̄oro puno ohori. Ijierare. Bui cj̄noḡa ohori. ʉsā sini basaerapeḡta pejec̄oyequinare ohori tiquina. <sup>4</sup> Cohācj̄u yequinare pejec̄oyequinare tutuaro yedoho duaye, tiquinare tiquina ohoatire nea dutiri ʉsāre. <sup>5</sup> “Ohō puno ohoeta”, tiquinare ʉsā ni t̄hoturiro bui cj̄noḡa ohori tiquina. Ohō saha yeri tiquina: Coā warore niñerure tiquina ohoato pano mari p̄htoro Cristo cahmeno saha ye pehori jiri tiquina. Sa ye Cohācj̄u cahmeno saha ʉsā ḡh̄re ño peoye mehna ȳhtiri jiri. Sa yeyequina ijiye tiquina niñerure ohori.

<sup>6</sup> Tiquina sa oho tuhasagū ihñana Titore ʉsā pehe ohō saha nii: “Corinto cjēnare m̄h̄m̄ buhe d̄ucariro sahata quehnoano mehna pejec̄oyequinare tiquina ohoatire buhe pehoya”, nii ʉsā tiquirore. M̄sa ḡh̄m̄ apequinare paja ihñana, m̄sa yedo- hoatire sa nii tiquirore. <sup>7</sup> Sa yena m̄sa pehe ijipihtiyere quehnoano yena iji tuhasare: Cristore potota quehnoano wacū tutuare m̄sa. Sa yena tiquiro yere quehnoano yahure m̄sa. Sa yena Cohācj̄u yere quehnoano masine m̄sa. Sa yena Cohācj̄u cahmeno saha tutuaro ye duare m̄sa. Sa yena ʉsāre cah̄ne m̄sa. Ohō saha quehnoano yena iji tuhasare m̄sa. M̄sa sa quehnoana ijiepeḡta mehenoḡa d̄hsare m̄sare. Pejec̄oyequina p̄ritare m̄sa paja ihñagū cahmeaja ʉsā. Sa yena cah̄no marieno tiquinare quehnoano mehna m̄sa pajiro ohogū cahmeaja ʉsā.

<sup>8</sup> Sa niḡm̄ m̄sare dutiḡm̄ niedaja. Sa ni yahuḡta niaja m̄sare. Apequina pejec̄oyequinare tiquina tutuaro yedohorire m̄sare yahuḡm̄ niaja. “¿Potota paja ihñana ijiajari m̄sa?” ni, masi duaḡm̄ niaja. <sup>9</sup> Mari p̄htoro Jesucristo pehe marine tiquiro paja ihñarire masine m̄sa. Ti ijirota ijire. Tiquiro ʉhm̄sep̄m̄ pajiro c̄oriquiro ijieperota ahri yehpap̄m̄ ahtaro pejec̄oriquiro wahahye. Sa yero mari ye ijiatire yariaro pejec̄oriquiro wahahye. Ohō saha wahahye tiquiro mari pehe tiquiro yere pajiro mari c̄oatire, tiquiro mehna mari sa ijiducuatire.

<sup>10</sup> M̄sare sa yahuḡta niaja. Ohō saha t̄hotuaja ȳh̄m̄ pehe: Ihcā cahma



wahare m̄sa oho duagũ. M̄sa pehe pejec̄oyequinare oho dua m̄htamedi. Sa yena tiquinare oho m̄htaborina ijimedi m̄sa. <sup>11</sup> Sa yena m̄sa ye duariro saha yojop̄re sohtori tiya. M̄sa oho dua m̄htariro saha yojop̄re quehnoano oho pehoya. Sa yena pajiro c̄ona ijina pajiro ohoya. Mehenogã c̄ona ijina mehenogã ohoya. <sup>12</sup> Tutuaro m̄sa oho duagũ tire m̄sa ohorire Cohãcjũ bucuero. Sa yena noho m̄sa c̄oro puno ohoya. M̄sa ohoro punota bucuero Cohãcjũ. “Pejec̄oyequinare m̄sa c̄oye yãhd̄oro ohoya”, m̄sare nino niedare Cohãcjũ.

<sup>13</sup> “Pejec̄oyequinare ohoya”, nigũ tiquinare pajiro c̄o dutigũ niedaja. Sa yegũ m̄sa pehere pejec̄oro ye dueraja. <sup>14</sup> M̄sare ihcãno saha c̄o dutigũ sa nigũ niaja. Yojop̄re m̄sa pehe pajiro c̄ore. Sa c̄ona apee boro marieñequinare oho masine m̄sa. Came m̄sare apee boro mariedagũ tiquina gũhũ oho masine m̄sare. M̄sa sa cahme ohona ihcãno saha c̄onata ijipihtina Cristo yequina. <sup>15</sup> Ohõ saha nine Cohãcjũ yere tiquina ojoari p̄p̄: “Pajiro nediquiro gũhũ apequina bui cjũnogã c̄oerari. Mehenogã nediquiro gũhũre ne mehenogã d̄hsaerari”, nine Cohãcjũ yere tiquina ojoari p̄p̄.

### *Tito tiquiro mehna cjẽna mehna Corintop̄ wahahye*

<sup>16</sup> Sa ye m̄sare yãhũ yedohoriro sahata Tito gũhũ m̄sare yedoho duare. Cohãcjũ pehe tiquiro yedoho duagũ yeri tiquirore. Tiquiro sa yegũ ihñagũ “Quehnoare”, niaja Cohãcjũre. <sup>17</sup> Titore m̄sa cahap̄ usã waha dutigũ tiquiro quehnoano mehna yãhtiri. Sa yero tiquirore usã waha dutiatio pano tiquiro basita m̄sa cahap̄ tutuaro waha duariquiro iji tuhasari.

<sup>18</sup> Tiquirore apequiro Jesu yaquiro mehna piti dahrei usã tiquirore. Tito mehna cjãnore ijipihtiyequina apequina Jesu yequina quehnoano ño peore. Quehnoañe buheyere tiquiro quehnoano yahuriquiro ijigũ ihñañe tiquirore quehnoano ño peore. <sup>19</sup> Sa ye Jesu yequina tiquirore cahmene usã mehna tiquiro tinino wahagũ. Tiquina ye niñerure pejec̄oyequina cahap̄ usã

neagũ usã mehna wahatiquirore cahmene tiquirore. Sa ye ti niñerure usã ohogũ ihñañe “Marine yedohoriquiro ijire”, nieta masa Cohãcjũre. Usã sa ohona, tiquinare tutuaro mari yedoho duarire masigũ yenata tiquinare. <sup>20</sup> Sa yena ahri niñerure, pajiro Jesu yequina tiquina ohorire neana, quehnoano ihña ihbonata tiquina ohorire, “Usãre yahusãri”, nina. <sup>21</sup> Mari pãhtoro tiquiro ihñonop̄ queoro, quehnoano ye duaja usã. Sa yena masa tiquina ihñono gũhũre queoro ye duaja.

<sup>22</sup> Sa yena tana apequirore mari acayũrore ohonatja Tito gũhũ mehna. Usã piti dahreriquirore peye tahari apequinare tiquiro quehnoano yedohogũ ihñañ usã. Sa yero yojop̄re m̄sa pehe apequinare m̄sa yedoho duagũ ihñano to pano tiquiro yeriro yãhd̄oro quehnoano m̄sare yedoho duare. <sup>23</sup> Tito pehere m̄sare yahutja. Tiquiro yãhũ mehna cjũno ijire. M̄sare yãhũ yedohogũ tiquiro yãhũ mehna dahrariquiro ijire. Apequina tiquiro mehna wahatiquina Jesu yequina tiquina bese ohoriquina ijire. Cristo yere tiquina yere, apequina tiquirore ño peoatire. <sup>24</sup> Sa yena cahño mehna quehnoano mehna tiquinare piti caya m̄sa. M̄sa sa yegũ ihñañe apequina Jesu yequina quehnoañequina pehe m̄sa cahñene masieta. “Quehnoano piti caeta Corinto cjẽna”, ni yãhũ tuhasã apequinare. M̄sa sa quehnoano piti cagũ ihñañe tiquina usã yahuri poto ijigũ masieta apequina Jesu yequina.

## 9

### *Jesu yequinare pejec̄oyequinare tiquina ohoatire yahuahye Pablo*

<sup>1</sup> Sa yena Cohãcjũ yequinare m̄sa yedohoatire m̄sa ohoatire masi tuhasare m̄sa. <sup>2</sup> Apequinare m̄sa yedoho duagũ masiaja yãhũ. Sa masigũ Macedonia yehpa cjẽnare ohõ saha ni yahũ: “Corinto cjẽna Jesu yequina pehe apequinare yedoho dua tuhasari. Ihcã cahma yãhd̄are tiquina yedoho duari”, ni yãhũ tuhasã tiquinare. M̄sa sa yedoho duagũ tahoye peyequina tiquina gũhũ pejec̄oyequinare yedoho duari. <sup>3</sup> M̄sare sa ni yahugũ yojop̄re

ahriquinare mari acayere m̄sa cahap̄ ohoḡ taḡ niaja, ȳh̄ yahuro saha m̄sa yeato. Sa yeḡ pejec̄oyequinare m̄sa ohoatire m̄sa cahmecoa c̄oyuatire ahriquinare ohoḡ niaja. <sup>4</sup> Tiquinare ohoeraḡ Macedonia yehpa cj̄na mehna m̄sa cahap̄ esaḡ, m̄sa ohoatire m̄sa c̄oeraḡ ih̄naḡ b̄e tis̄boaga ȳh̄ m̄sare. “Pejec̄oyequinare ohoeta”, m̄sare ȳh̄ ni t̄hoturi bato m̄sa ohoeraḡ ih̄naḡ b̄e tis̄boaga ȳh̄. M̄sa ḡh̄ b̄oro ȳhd̄boaga. <sup>5</sup> Sa yeḡ m̄sa cahap̄re ȳh̄ esato pano tiquinare mari acayere oho m̄htaḡ niaja. “Pejec̄oyequinare ohonatja”, to pano m̄sa nidire m̄sa c̄oyuatire tiquinare oho m̄htaḡ niaja. M̄sa ohoatire m̄sa cahmecoaḡ tiquina pehe m̄sare yahueta. M̄sa ohoatire m̄sa c̄oyu tuhasaḡ bucueye mehna m̄sa oho duari ijiḡ masiitja.

<sup>6</sup> Sa yena ahrire wac̄ña m̄sa: Meheñe p̄jeriḡ oteriquiro meheñe pacaḡ nenota. Peye p̄jeri oteriquiro peye paca nenota. (Oh̄ saha ijire pejec̄oyequinare mari ohoḡ. Mehenoḡ mari ohoḡ, Coh̄cj̄ mehenoḡ ohorota marine. Pajiro mari ohoḡ, pajiro marine ohorota.) <sup>7</sup> Sa yena ihqūquina m̄sa “Oh̄ puno ohonatja”, ni ohoya. Cah̄no marieno ohoya. “Marine oho dutiri”, nino marieno ohoya. Bucueye mehna ohoyequinare cah̄ne Coh̄cj̄. <sup>8</sup> Tiquiro pehe m̄sa cahmeno ȳhd̄oro m̄sare ohorota. Sa yena ijipihtiye m̄sa cahmemedire d̄hsaro marieno c̄o pehonata. Sa yero apequinare m̄sa ohoḡ ḡh̄re quehnoano esa tuharota m̄sa c̄oye. <sup>9</sup> Sata nine Coh̄cj̄ yere tiquina ojoari p̄p̄:

Pejec̄oyequinare pajiro ohore tiquiro. Quehnoano mehna masare sa yeducure tiquiro, nine tiquiro yere tiquina ojoari p̄p̄.

<sup>10</sup> Sa yero oteye d̄ca tiri bato oteriquiro tiquiro oteati capere ohore Coh̄cj̄. Came tiquiro oterire d̄ca tiḡ yere tiquiro ihyatire. Pejec̄oyequinare m̄sa pajiro ohoḡ oteriquirore tiquiro ohoriro saha m̄sa ḡh̄re pajiro ohorota Coh̄cj̄. Sata m̄sare ohorota pejec̄oyequinare m̄sa oho nemoatire. <sup>11</sup> Sata ijire. Pajiro

ohorota m̄sare apequinare pajiro m̄sa sa ohoducuatire. Sa ye m̄sa oho dutirire pejec̄oyequinare m̄s̄ ohoḡ peyequina tiquina pehe Coh̄cj̄re bucueye mehna “Quehnoare”, nieta. <sup>12</sup> Sa yena pejec̄oyequinare Coh̄cj̄ yequinare ohona, tiquinare yedohore m̄sa. Sa yedohona bucueye mehna Coh̄cj̄re “Quehnoare”, tiquina niḡ yenata m̄sa. <sup>13</sup> Sa m̄sa apequinare yedohoḡ ih̄ñañe, Coh̄cj̄re ño peoye mehna yahuducueti masa. Sa ye tiquinare apequina ḡh̄re pajiro m̄sa ohoḡ ih̄ñañe Coh̄cj̄re “Quehnoa ȳhd̄ḡ ijire m̄h̄”, nieta masa. Oh̄ saha nieta Cristo buheye quehnoañe buheye ti nidiro sahata m̄sa yeḡ ih̄ñañe, tiquinare m̄sa ohoḡ ih̄ñañe. <sup>14</sup> Sa ye Coh̄cj̄ m̄sare tiquiro paja ih̄ñoano sahata m̄sa ḡh̄re tiquinare m̄sa paja ih̄naḡ tiquina pehe m̄sare cahmeeta. Sa cahmeñe m̄sare sini basaeta Coh̄cj̄re. <sup>15</sup> Coh̄cj̄ marine quehnoa ȳhd̄aro yerota. Tiquiro sa yeatire masina “Quehnoa ȳhd̄are”, niina mari tiquirore.

## 10

### *Jesu c̄uriquiro tiquiro ijyere yahuahye Pablo*

<sup>1</sup> Yojop̄re ȳh̄ Pablo, m̄sare yahutja. Ihqūquina m̄sa mehna cj̄na oh̄ saha nine ȳh̄re: “Mari mehna ijiro apequinare ȳhd̄d̄ca d̄eriquiro, ihyo ijiriquiro yero saha ijire. Sa ijieperota ape siep̄ ijiro marine cuero marieno tuhti ojoadoqueore”, nine m̄sa ihqūquina ȳh̄re. Cristo pehe ne usueriquiro, masare quehnoano yeriquiro ijire. Tiquiro yero saha ȳh̄ ḡh̄re iji duaja. <sup>2</sup> Sa yeḡ m̄sare ahrire tutuaro mehna yahutja: M̄sa cahap̄ ȳh̄ esaḡ quehnoano yeya m̄sa “Pablo m̄s̄re tuhtiari”, nina. Ihqūquina ȳh̄re oh̄ saha nine: “Tiquiro esa tuharo, Coh̄cj̄ dutiro marieno yere”, nine ȳh̄re ihqūquina. Sa niñequina p̄ritare tuhtiboaga ȳh̄.

<sup>3</sup> M̄s̄ ḡh̄re ahri yehpa cj̄nata ijina niaja. Sa ijiepenata ahri yehpa cj̄na tiquina esa tuharo tiquina yero saha yeraja m̄s̄. <sup>4</sup> Surara cahme wej̄ tiquina ȳhd̄d̄cariro saha m̄s̄ pehe ñañene

yuhduca duaja. Ti ñañene ye dueraja. Ûsã sa yegũ usã wamoa ahri yehpa cjëna tiquina wamoa yero saha ijierare. Surara tiquina wamoa tiquina curo saha usã pehe Cohãcjũ tutuayere curoaja. Ti tutuaye mehna Cohãcjũre cahme dutieyequinare cohãja usã. Masa tiquina esa tuharo tiquina masiñene ti dahseati ti ijieragũ masigũ yeaja usã ti tutuaye mehna. <sup>5</sup> Sa yena ijipihtieyquina tiquina esa tuharo tãhotueyquinare Cohãcjũre tiquina masi dutierarire duhugũ yeaja usã. Sa yena ti tutuaye mehna Cohãcjũre cahmeeñequinare Cristore quehnoano yuhtieyquina tiquina ijigũ yeaja usã. Cristore cahmeno saha tiquinare tãhotugũ yeaja usã. <sup>6</sup> Sa yena apequina musa mehna cjëna Cristore tiquina yuhducagũ ihñana tiquinare buhiri dahrenatja usã. Musa pehe musa quehnoano yuhtiri bato Cristore yuhducayequinare sa buhiri dahreatinata ijinata musa.

<sup>7</sup> Yuhũ pagũ dihitaro masine musa. Yuhũ ijiye tiye pehere ne masiedare musa. “Cristo yequina ijiaja”, nina ijina, ohõ saha masiña musa: Ûsã gũhũ musa yero saha Cristo yequinata ijiaja. <sup>8</sup> “Mari pãhtoro ye buheyere quehnoañe buheyere buhe dutiro, cãri usãre”, nigũ peye tahari musare sa ni yahuepegũta bue tieraja yuhũ. Usãre sa buhe dutiro musare yedohoanajare cãri usãre. Musare dojomehneanajare cãno niedari usãre. <sup>9</sup> Ohõ saha poto ni yahuaja musare “Cueari”, nigũ. Ahri yuhũ ojoari pũre ihñana musa ihña mariagũ cahmedaja. <sup>10</sup> Ihquẽquina musa mehna cjëna ohõ saha nine: “Pablo ojoaro dusero purñiquiro yero saha ojoa mjure marine. Sa ijiriquiro ijieperota mari mehna ijiro ne sa ijiaga niediquiro ijire. Pejecuriquiro yero saha ijire. Sa yero marine tiquiro yahuducuye dahseati ijierare”, nine ihquẽquina. <sup>11</sup> Sa niñequinare ohõ saha ni yahutja: Musare usã ojoa ohoriro sahata yahumatja musare musa caharũ ijina. Sa yena “Ohõ saha yenata”, usã ni ojoariro sahata yenatja usã, musa caharũ ijina.

<sup>12</sup> Ihquẽquina musa mehna cjëna “Quehnoano masi pehona ijiaja”, ni yahuducure tiquina basi. Yohou, quehnoa

yuhduaro masiñequina ijiajari tiquina sa ni yahuducuye. Ûsã pehe tiquina yero saha ne sa nisi. Tiquina basi cahme ihña piti ca “Mari pehe quehnoa yuhducana ijiaja”, nine tiquina basi. Sa ni maca cãne nine tiquina basi. <sup>13</sup> Ûsã pehe tiquina yero saha yesi. Cohãcjũ usãre buhe duti tiquiro cãri dihitaro yahuaja usã pehe musare. Apequina ye dahrayere “Yei”, nina niedaja. Cohãcjũ musare buhe dutiro usãre cãri. <sup>14</sup> Ohõ saha nina, ni mehona niedaja usã. Quehnoañe buheyere Cristo yere musare buhe mahtana esau usã. <sup>15</sup> Sa yena apequina ye dahrayere “Ûsã pehe tire yei”, ne niedaja usã. Sa yena Cristore musa wacũ tutua nemogũ cahmeaja usã. Sa cahmena musare buhe nemo duaja usã. Sa buhena Cohãcjũ tiquiro cãriro punota buhe duaja musare. <sup>16</sup> Sa yena musa ya yehpa yuhdurõpũ quehnoañe buheyere yahuna wahanatja. Sa wahana apequina tiquina buheri bato esana, “Ûsã buhei”, nisi usã.

<sup>17</sup> Mari yerire “Ûsãta yeaja”, niedaro cahmene. Mari pãhtoro Jesu tiquiro yeri pehere ihñana bucuero cahmene. Ti pehere apequinare yahuro cahmene. <sup>18</sup> Masa tiquina basi “Ûsã pehe yei”, tiquina nigũ bucuere Cohãcjũ. Mari pãhtoro Cristo “Ahriquina quehnoano yeri”, tiquiro ninohriquina pehere bucuere Cohãcjũ.

## 11

*“Jesu cãrina ijiaja usã”, ni mehoñequinare yahuahye Pablo*

<sup>1</sup> Yuhũ ijiye tiyere yahugũ tãho masiegũ yero saha yahugũ niaja. Yuhũ ijiye tiyere yahugũ mehenogã bue tiaja. Sa yahurigu yuhũ ijiepegũta yuhare tãhorĩña musa yojõpãre. <sup>2</sup> Cohãcjũ musare tiquiro cahĩno saha tutuaro cahĩaja yuhũ gũhũ musare. Sa yegũ musare cuesãja yuhũ “Ñañene yeari”, nigũ. Nuhmino omoca dãhteaticoro umno mehna ijiericoro quehnoaricoro ticoro ijiro saha quehnoana musa ijigũ tutuaro cahmeaja, Cristo dihitaro musare cahme dutigũ. Sa yegũ Cristo caharũ musa wahagũ ñañe mariena musa ijigũ cahmeaja.

<sup>3</sup> Apequina ñañequina m̄sare ni mehoñe, sijoro saha ijiye buheyere cahmegũ yeboaga m̄sare. Pinono Evare ni mehono tiquiro masiñe mehna ticorore Cohãcjũre ȳhd̄d̄cagũ yeahye panop̄re. Tiquiro sa yeriro sahata yojop̄re ñañequina m̄sare ni mehoñe, Cristore m̄sare quehnoano ño peoeragũ yeboaga. Sa yeḡm̄ m̄sare cuesãja.

<sup>4</sup> “Ohõ saha ijiriquiro ijire Jesu”, tiquina esa tuharo sijoro saha ni meho buhepegũta t̄homene m̄sa. M̄sare usã buheriro saha ijierapegũta m̄sare ni meho buheyequinare t̄homene m̄sa. Sa yena “Ohõ saha ijiriquiro ijire Esp̄ritu Santo”, tiquina esa tuharo sijoro saha ni meho buhepegũta t̄homene m̄sa. Usã m̄sare buheriquiro Esp̄ritu Santo waro ijire. Tiquiro pehere queoro tiquina yahuerapegũta m̄sare ni meho buheyequinare t̄homene m̄sa. Tiquina sijoro saha ijiye buheyere tiquina ni meho buhegũ quehnoañe buheyere tiquina buherapegũta tire t̄homene m̄sa.

<sup>5</sup> M̄sa mehna cj̄ena “Jesu c̄rina ijiaja”, nimediquina ȳh̄re masi ȳhd̄d̄caerare. Tiquinare docad̄caeraja ȳh̄. <sup>6</sup> Quehnoano yahu mihniñgũ ijieraboaga ȳh̄. Quehnoano yahu mihniñdapegũta Cohãcjũ yere quehnoano masiaja. Ȳh̄ sa masiñene peye tahari m̄sare quehnoano masigũ yei.

<sup>7</sup> Quehnoañe buheyere Cohãcjũ yere m̄sare buheḡm̄ ne wapa cahmed̄. M̄sare yedoho duaḡm̄ wapa cahmed̄. Ihyo ijiriquiro yero saha ijii ȳh̄. ¿Ȳh̄ sa wapa cahmedagũ quehnoaedajari, m̄sa t̄hotugũ? <sup>8</sup> M̄sare ȳh̄ buhegũ apeye macari cj̄ena Jesu yequina ȳh̄re niñerure ohori. Tiquina sa ohogũ ti niñerure ñeh̄i sinino marieno m̄sare buheḡm̄ taḡm̄. M̄sa pehe ȳh̄re m̄sa ohoborire tiquina pehe ȳh̄re ohori.

<sup>9</sup> M̄sa mehna ijiḡm̄ apee boro ȳh̄re d̄hsaepegũta m̄sare niñerure ne sinied̄. Mari acaye Macedonia yehpa cj̄ena Jesu yequina ijipihtiye ȳh̄ cahmedire ne wihiri ȳh̄re. Panop̄re m̄sare ne cariboer̄m̄ ȳh̄. Camer̄m̄ ḡh̄re m̄sare ne caribosi. <sup>10</sup> Cristo potota tiquiro yahuriro sahata ȳh̄ ḡh̄m̄ yojop̄re m̄sare potota yahuḡm̄ niaja. Ijipihtiro Acaya yehpap̄m̄ ijieyequinare ahri m̄sare ȳh̄ siniedarire sa yahuducuḡtja. <sup>11</sup> ¿M̄sare ȳh̄

siniedarire apequinare ȳh̄ sa yahuducugũ t̄hona, d̄h̄se t̄hotuajari m̄sa? ¿“Pablo sa yahuro us̄re cah̄edaro niaga”, ni t̄hotuboagari m̄sa? Ijierare. M̄sare cah̄aja. M̄sare ȳh̄ cah̄igũ Cohãcjũ masine.

<sup>12</sup> Wapa cahmeno marieno m̄sare ȳh̄ buhe d̄cariro sahata sohtori titja. Ȳh̄ buheri wapa ȳh̄ wapa negũ ihñañe tiquina “Jesu c̄rina ijiaja”, ni mehoñequina ohõ saha niboaga: “Pablo quehnoañe buheyere buhero, wapa cahmene. Sa yena usã ḡh̄m̄ tiquiro yero sahata yematja”, niboaga tiquina wapa cahmeñe. <sup>13</sup> Tiquina potota Jesu c̄riquina waro ijierare. Tiquinare ne c̄dari tiquiro. “Jesu c̄rina ijiaja”, ni mehoñe, usã yero saha ijimene. <sup>14</sup> Tiquina sa ni mehoñequina ijigũ masi tuhasaja ȳh̄. Satana ḡh̄m̄ quehnoariquiro yero saha comesa m̄jare. Tiquiro angel asi siteriquiro yero saha iji duaro comesamene. <sup>15</sup> Tiquiro sa yeriquiro ijigũ masiḡm̄, Satanare yedohoyequina “Jesu c̄rina ijiaja”, ni mehoñequina Cohãcjũre yedohoyequina yero saha tiquina comesagũ ihñaḡm̄, ni mehoñequina tiquina ijigũ masi tuhasaja ȳh̄. Yojop̄re tiquina sa comesaepegũta pihtiri deco ijigũ ijipihtiye tiquina ñano yeri buhirire buhiri dahrerota Cohãcjũ tiquinare.

#### *Tiquiro ñano ȳhd̄r̄re yahuahye Pablo*

<sup>16</sup> Pari turi ahrire m̄sare yahutja. Ne “T̄ho masieniquiro ijire”, ȳh̄re niedacãh̄ña. Ȳh̄ sa ni dutierapegũta ȳh̄re m̄sa sa ni t̄hotugũ quehnoanota ȳh̄re. “T̄ho masieniquiro ijire”, ȳh̄re ni t̄hotuepenata t̄horĩña m̄sa ȳh̄re. Mehenogã ȳh̄ ijiye tiyere ȳh̄ yahugũ t̄hoya m̄sa. <sup>17</sup> M̄sare sa yahuḡm̄ t̄ho masieḡm̄ yero saha yei niaja. Ȳh̄ ijiye tiyere yahuḡm̄ mehenogã b̄e tiaja. Mari p̄htoro Jesu ȳh̄re “M̄h̄m̄ basi m̄h̄m̄ ijiye tiyere yahuya”, niedare ȳh̄re. <sup>18</sup> Tiquiro sa niedapegũta ahrire yahutja m̄sare. Tiquina esa tuharo “Quehnoana ijiaja”, niñequina tiquina ijigũ ihñaḡm̄ ȳh̄ ḡh̄m̄ ȳh̄ ijiye tiyere m̄sare yahutja. <sup>19</sup> M̄sa pehe t̄ho masieñequinare t̄hona bucueye mehna ihñare m̄sa tiquinare. Quehnoa ȳhd̄aro masina ijiajari m̄sa pehe sa

tuhona. <sup>20</sup> Músare cahacjãna tiquina yegũ, mûsa yere tiquina ehmagũ, sa ihña câhre mûsa. Sa yena mûsare tiquina doca cûgũ, mûsa wahsupurire tiquina quëgũ sa tûhotu câhre mûsa. <sup>21</sup> Quehnoa yûhdûaro yeajari mûsare tiquina. Ûsã pehe tiquina yero saha yûhdûdûcaeraja.

Sa yena tiquina yero saha yeraja. Tiquina yero saha ijierapegûta tiquina “Ohõ saha ijina ijiaja”, tiquina nigũ tûhogû yûhû gûhû sata ni yahuboaga. Pari turi bæ tiepegûta ohõ saha ni yahutja mûsare tja. <sup>22</sup> Tiquina “Hebreo masa ijiaja”, nine apequinare masi yûhdûdûca duaye. Hebreo masûta ijiaja yûhû gûhû. “Israe masa mari Pacû tiquiuro beserina ijiaja”, nine tiquina pehe. Tiquina yero saha tiquiuro beserigû ijimaja yûhû gûhû. “Abrahã panamena iji turiana ijiaja”, nine tiquina tja apequinare masi yûhdûdûca duaye. Tiquina yero saha Abrahã panami iji turiagûta ijimaja yûhû gûhû. <sup>23</sup> “Cristo cahacjãna ijiaja”, nine tiquina pehe. Yûhû gûhû Cristo cahacjûta ijiaja. Tiquina yûhdûoro Cristo yere quehnoano yeaja yûhû. Yohou, sa nigû tûho masieniquiro yero saha yahuducugû niaja. Sa yahuducugû mehenogã bæ tiaja yûhû. Tiquina yûhdûoro tutuaro dahraû yûhû Cristo yere yegû. Peye tahari tiquina yûhdûoro Cristo yaquiuro yûhû ijiri buhiri peresu yeri apequina yûhûre. Tiquina yûhdûoro peye tahari tanari yûhûre masa. Tiquina yûhdûoro Cristo yaquiuro yûhû ijiri buhiri masa yûhûre wejê duamedî. Sa yegû mehenogã yûhdûû variaborigû. <sup>24</sup> Ihcã omope tahari judio masa yûhûre ñehedi. Yûhûre tiquina ñehepe tahari treinta y nueve tahari yûhûre tanari. <sup>25</sup> Ihtia taha apequina yûhûre ñehedi. Sa ñehene tiquina pûrita yûhûre ñano yucûri mehna quëdi. Ape taha yûhûre apequina utã paca mehna doqueri. Ihtia taha yucûsa mehna utãrû doque quehe sa, minii. Sa yegû ihcã deco, ihcã ñami taboa pjï bui pajiri ma decopûre ba pahsaû. <sup>26</sup> Peye tahari macaripûre buhe tinigû esaû. Yûhû sa buhe tinigû cua yûhdûari yûhûre. Yûhûre minino cua yûhdûari. Yûhûre apequina yaquero cua yûhdûari. Ya dihta cjëna judio masa, judio masa ijieyequina gûhû yûhûre ñano yero

cua yûhdûari. Macaripû, masa marienopû, pajiri mapû gûhûre yûhûre yariaro cua yûhdûari. “Mûhû mehna cjãna ijiaja”, ni mehoñequina gûhû yûhûre ñano yero cua yûhdûari. <sup>27</sup> Cristo yere yegû tutuaro dahrae tii. Sa dahragû ñano wahyie tii. Peye tahari yûhûre wûjûa ñano purïepëgûta sa dahraducue tii. Ñano ûjûa ahbae tii. Sa yegû ñano aco wûoe tirû. Peye tahari ihyaye bocaera tii. Yûhû suhti sañaboye gûhû ne marieda tiri yûhûre. Sa yero yûhûre yûsûa yûhdûe tirû.

<sup>28</sup> Sa ñano yûhdûepëgûta decoripe ijip-ihtiyequina apequina Cristo yequinare, mûsa gûhûre pajiro wacû tûhotuaja. <sup>29</sup> Sa yegû ihcãquiuro Cristo yaquiuro tiquiuro sa iji cãriquiuro ijigû ihñagû bujûa witiája. Apequina Cristo yaquiurore ñano ye dutiboaga. Tiquina sa yegû ihñagû Cristo yaquiurore cuesãgû, tiquina ñañequina mehna usuaja.

<sup>30</sup> Yahu duerapegûta yûhû ijiye tiyere yahugû tagû, yûhû esa tuharo tutuegû yûhû ijiye tiyere mûsare bucueye mehna yahuaja. <sup>31</sup> Cohãcjû mari pûhtoro Jesu pacûro decoripe mari ño peoatiquiuro tiquiurota mûsare yûhû ni mehoedagû masine. Ahrire mûsare poto yahutja. <sup>32</sup> Damasco wame tiri macarû yûhû ijigû ihñano, ihcãquiuro pûhtoro yûhûre ñehede duamedî. Ijipihtiyequina masa pûhtoro Areta wame tiriquiuro doca ijiriquiuro pûhtoro pûrita yûhûre ñehede duamedî. Sa ñehede duaro ti maca cjã sahrïno sopecaharipe surarare cohte dutimedî. <sup>33</sup> Tiquina sa coheri watoata yûhû mehna cjëna pajiri pûhdûpû yûhûre duhu sã, ti sahrïno cjã sopecahagãrû yûhûre duhu dijiori. Ti sahrïno behero peherû yûhûre duhu dijiori. Tiquina sa duhu dijiori bato duhti cãa wahaû.

## 12

### *Pablo Cristo tiquiuro ihñorire yahuahye*

<sup>1</sup> Yûhû ijiye tiyere bucueye mehna yûhû yahugû dûhseati ijierare. Sa ni yahugû mehenogã bæ tiepegûta yahu nemoutja mûsare. Mari pûhtoro Jesu yûhûre tiquiuro ihñorire tiquiuro masigû yerire yahutja mûsare. <sup>2</sup> Ohõ saha ihño dûcari tiquiuro yûhûre: Catorce cûhmari waro wahare

yũhũre Cristo yaquirore uhmũsepu tiquiro ne mũjari bato. Uhmũsepu ñahpicoha buipũ yũhũre ne mũjari. Yũhũ jeripohna dihitare tiquiro negũ masiedaja yũhũ. O yũhũ pagũ gũhũre tiquiro negũ masiedaja. Cohãcjũ dihita tire masine. <sup>3-4</sup> Sa yero paraíso wame tiropũ ne mũjari yũhũre. Yũhũ jeripohna dihitare tiquiro negũ masiedaja yũhũ. O yũhũ pagũ gũhũre tiquiro negũ masiedaja. Cohãcjũ dihita tire masine. Tiquiro sa ne mũjagũ esagũ topũre tiquiro yahurire tũhou. Ti yũhũ tũhorire masa ne masiedare. Tiquiro yahurire yahu dutierare.

<sup>5</sup> Ohõ saha yũhũre tiquiro ihñorire mũsare yahugũ, “Yũhũ ihcũta apequinare yũhdũdũcaja”, niboaga yũhũ. Sa niedaja yũhũ. Yũhũ esa tuharo masiegũ yũhũ ijiyere, yũhũ tutuegũ yũhũ ijiyere bucuegũ mũsare yahutja. Ti dihitare bucuegũ mũsare yahutja. <sup>6</sup> “Apequinare yũhdũdũcaja”, mũsare ni yũhũ yahu duagũ yũhũ nidi potota ijiboaga. Sa yegũ sa ni yahugũ tũho masiegũ ijieraboaga yũhũ. Sa ijierapegũta “Ohõ saha apequinare yũhdũdũcaja”, ni yahusi yũhũ mũsare, “Cua pesa yũhdũaro yũhũre ihñari”, nigũ. Yũhũre ihña masina ño peore mũsa. Mũsa ño peoepegũta ti yũhdũoro yũhũre mũsa ño peogũ cahmedaja.

<sup>7</sup> Cristo quehnoa yũhdũayere uhmũsere yũhũre tiquiro ihñogũ ihñarigũ ijigũ, “Apequinare yũhdũdũcaja”, niboaga yũhũ pehe. Sa yũhũ niedatire Satana yũhũ pagũre tiquiro duti dahregũ ihñano “Quehnoanota”, nidi Cohãcjũ. Yũhũre duti dahreri Satana yũhũre ñano wahagũ yero. Ahri dohatiye pota sajãno purĩno saha yũhũre purĩne. <sup>8</sup> Ohõ yũhũ dohatiyere yũhũre yũhdũo dutigũ sinie timi Cristore mari pũhtorore. Ihtia taha sinimi. <sup>9</sup> Ohõ saha ni yũhtie tiri yũhũre tiquiro: “Ohõ mũhũ dohatiye pũritare mũhũre yũhdũosi yũhũ. Sa mũhũre yũhdũoerapegũta mũhũre cahĩaja. Yũhũ cahĩne mehna quehnoano ijiita mũhũ. Dohatigũ tutuegũ ijigũ yũhũ tutuayere quehnoano ihñogũta mũhũ. Tutuayequina yũhdũoro mũhũ pehe yũhũ tutuayere masare masigũ yeita mũhũ”, ni yũhtie tiri tiquiro yũhũre. Tiquiro sa nigũ tũhogũ tutuegũ yũhũ ijirire masigũ

bucueaja. Sa yegũ tutuegũ yũhũ ijiyere mũsare bucueye mehna yahutja. Ohõ saha ni yahutja Cristo tiquiro tutuaye pehere mũsare yũhũ quehnoano masigũ yeatire.

<sup>10</sup> Sa yegũ Cristo yaquiro yũhũ ijiri buhiri yũhũre purĩepegũta bucueaja. Apequina ñano yũhũre tiquina yahu wajaepegũta, ña yũhdũaro yũhdũepegũta bucueaja. Yũhũre tiquina ñano yeduceuepegũta yũhũre bujũa witigũ tiquina yepegũta bucueaja yũhũ. Sa ñano yũhdũepegũta Cristo tutuaye mehna ihcãno sahaja, tiquirore wacũ tutuagũ. Sa yegũ bucueaja.

*Corinto cjẽnare Cristo yequinare pajiro bujũa witi tũhotuahye Pablo*

<sup>11</sup> Yũhũ ijiye tiyere yahugũ mehenogã bue tiaja yũhũ. Yũhũ sa yahuepegũta ti mũsa ye buhiri ijire. Mũsa pehe yũhũ ijiye tiyere apequinare quehnoano yahuboaga. Yũhũ esa tuharo ijigũ dũhseacjũ ijieraboaga yũhũ. Sa ijiborigũ ijiepegũta “Jesu cũrina, masi pehona ijiaja”, ni mehoñequinare docadũcaeraja yũhũ. <sup>12</sup> Potota ñano yũhdũrigũ ijiepegũta Cohãcjũ tutuaye mehna ye ihñomi mũsare. Sa ihñogũ Jesu cũrigũ yũhũ ijiyere ihñogũ nimi mũsare. <sup>13</sup> Apeye macari cjẽnare Jesu yequinare mũsa gũhũre ihcãno saha yee timi yũhũ. Sa yepegũta mũsa pehere sijoro saha cjũnogã yemi. Mũsa dihitare cariboerami. Mũsa dihitare apee boro gũhũre siniedami. ¿Yũhũ sa siniedagũ ñaniajari, mũsa tũhotugũ? Ti ñañe ijigũ ti ñañene boya mũsa yũhũre.

<sup>14</sup> Ahri yũhũ yahuatire tũhoya mũsa. Pũa taha mũsa cahapũ yũhũ esari bato pari turi waha duaja tja. Topũ esagũ mũsare caribosi yũhũ. Apee borore sinisi yũhũ mũsare. Mũsa yere cahmedaja. Cristo ye pehere mũsa yũhtigũ cahmeaja yũhũ. Masa pohne pehe tiquina pacũsumũare tiquina cahmeñene ohoerare. Tiquina pacũsumũa pehe tiquina pohne cahmeñe pehere ohore. Ohõ saha mũsa yũhũ pohna yero saha ijina yũhũ cahmeñe pehere ohosi mũsa. <sup>15</sup> Sa yegũ yũhũ pũrita yũhũ cũoye pehere oho duaja mũsare yedohogũ tagũ. Mũsa cahacjũno yero saha iji duaja mũsare yedohogũ tagũ. Mũsa pehere yũhũ tutuaro cahĩepegũta yũhũ pehere mũsa mehenogã cahĩne, yũhũ tũhotugũ.

16 Sa yegũ m̄sa mehna ijigũ m̄sare cariboerũ. ¿Sata ijiyari yũhũ, m̄sa tũhotugũ? Yũhũ sa ijiepegũta ihquẽquina m̄sa mehna cjẽna ohõ saha niboaga: “Pablo apee borore marine ne duaro ni mehorĩ marine”, niboaga. 17 ¿M̄sa sa nidiro saha yerigũ ijigũ, dũhse tire yeari yũhũ, m̄sa ihñagũ? ¿M̄sa cahapũ yũhũ ohoriquina yabe borore yũhũre ni meho ehma basari tiquina m̄sare, m̄sa ihñagũ? Ni meho ehmedari jiri. 18 Sohõ ijiri pjerũ m̄sa cahapũ Titore waha duti tuhasaũ tiquiore. Sa yegũ apeqũiore Cristo yaquiore tiquiore mehna piti dahre ohou. ¿Tito apee borore m̄sare ni meho ehmarĩ, m̄sa ihñagũ? Ni meho ehmedari jiri. Tiquiore yũhũ yero saha Cohãcjũ cahmeno saha yeriquiore ijire. ¿Sa yero yũhũ yero saha yerari tiquiore, m̄sa ihñagũ? Yũhũ yero saha yeri jiri.

19 “Ñano yeraja usã”, ni cahmotana niedaja usã. Cristo yequina ijiaja. Sa yena Cohãcjũ tiquiore ihñonopũ m̄sare yahuna niaja. Yũhũ acaye, yũhũ cahĩna, m̄sare yahuu m̄sa pehere yedoho duana. M̄sare yahuna, usã pehere m̄sare cahmegũ yena niedũ. 20 Topũ yũhũ esagũ yũhũ cahmeno saha yerapena ijiboaga m̄sa. Sa yegũ m̄sare tutuaro cuesãja. Sa yegũ m̄sa cahmeno saha yerigũ ijieraboaga yũhũ gũhũ, topũ esagũ. Sijoro saha m̄sa yegũ ihñagũ yahutja m̄sare. Topũ yũhũ esagũ m̄sa pehe cahme dũse tini wiana, apee boro tiquina cũogũ ihña coona, duita usuana, m̄sa esa tuharo apeqũinare yũhdũdũca duana, apeqũinare ñano yahuducuna, ñano quti yena, “Apeqũinare masi yũhdũdũcaja”, nina, m̄sa cahmecoanore dojomehnena ijiboaga m̄sa. “Tire yeari”, nigũ cuesãja yũhũ m̄sare. 21 Topũ yũhũ esagũ yũhũre m̄sare bũe tisãgũ yeboaga Cohãcjũ. Sa yegũ ijipihitiyequinare panopũ ñano yeyequinare, tiquina ñañene bũjũa witiyequinare ihñagũ, tutuaro bũjũa witiitja yũhũ. Numia mehna ñano yeyequinare, amũa mehna ñano yeye numiare, wũana tiyequinare, ñañene tutuaro cahmeñequinare ihñagũ bũjũa witiitja yũhũ.

## 13

### *Pablo yahu bato tiahye*

1 Yojoũre m̄sa cahapũ wahagũ ihtia taha esagũtja topũre. Pũa taha topũre esa tuhasaũ. Sa yegũ m̄sare ahrire yahutja. Ohõ saha nine Cohãcjũ yere tiquina ojoari pũpũ: “Ihcãquiore mari buhiri dahreato pano ihtiaro tiquiore yahusãno cahmene. Ihtiaro mariedagũ pũaro tiquiore yahusãno cahmene. Tiquina sa yahusãri bato buhiri dahre masiaja mari”, nine Cohãcjũ yere tiquina ojoari pũpũ. 2 Panopũre ñano yerina m̄sa ijigũ m̄sare, ijipihitiyequina apeqũina gũhũre pari turi ahrire cuaro mehna yahutja. Ihcã taha m̄sa cahapũ pari turi esagũ m̄sare ahrire yahuu. Yojoũre m̄sa mehna ijieragũ pari turi m̄sare ahrire yahutja: Yojoũre m̄sa cahapũre esagũ, ñano yeyequinare potota buhiri dahregũtja yũhũ. 3 Sa yeitja Cristo yũhũ mehna tiquiore buherire m̄sa ihño dutigũ. Cristo pehe m̄sare dutiriquiore tutua yũhdũariquiore ijire. Sa yero tiquiore tutuayere ihñore m̄sare. 4 Mari yero saha pagũ tiro, tiquiore tutueriquiore ijire, curusapũ yariahye. Sa yarieperota Cohãcjũ tutuaye mehna catiriquiore ijire tiquiore yojoũre. Tiquiore curusapũ ijire tiquiore tutuerariro saha usã gũhũ tutuena ijiaja. Sa yena usã esa tuharo m̄sare yedoho masiedaboaga. Sa yena Cohãcjũ tutuaye mehna ijinata m̄sare yedohona tana.

5 Sa ye m̄sa pehe m̄sa basi ohõ saha ni tũhotuya. “¿Potota Cristore wacũ tutuajari yũhũ?” ni tũhotuya m̄sa. ¿Potota Cristo m̄sa mehna cjãno ijiajari? Tiquiore ijieragũ tiquiore yequina waro ijierare m̄sa. Tiquiore yequina ijierana ni mehona ijire m̄sa. 6 Usã pehe “Jesu yequina ijiaja”, ni mehona ijieraja. Tiquiore yequina waro ijiaja usã. Tire m̄sa masigũ cahmeaja yũhũ. 7 Sa yegũ m̄sa ñano yeratire Cohãcjũre sini basaja m̄sare. Sata sini basaja usã m̄sa quehnoañene m̄sa yeatire. M̄sa sa yegũ ihñana usã ohõ saha niboaga: “Usã pehe tiquinare quehnoañequina wahagũ yei usã”, niboaga usã apeqũinare usãre ño peo dutina. Sa ño peo dutieraja usã. Sa yena Cohãcjũre sini basana, m̄sa ye ijiatire sini basana niaja.

Apequina usãre “Ni mehoñequina ijire”, tiquina niepegũta quehnoañene m̄sa yegũ pũritare cahme yũhd̄aja usã. <sup>8</sup> Ijipihtiye m̄sa quehnoañene yegũ cahmeaja usã. Cohãcjũ yere quehnoañene dojomehne masiedaja usã. <sup>9</sup> “Cristo cahmeñene yeaja usã”, ni ihño masiedana, tutueyequina yero saha ijiboaga usã, m̄sa ihñagũ. Quehnoanota. Quehnoañene yena m̄sa pehe tutuana ijire. M̄sa sa ijigũ ihñana tutueyequina yero saha usã ijiepenata bucueaja. Sa yena quehnoana m̄sa wahatire Cohãcjũre sini basana niaja usã m̄sare. <sup>10</sup> Sa yegũ m̄sa mehna ijieragũ m̄sare ahri pũre ojoayugũ niaja. M̄sa caharũ esagũ, m̄sa ñano yerina ijigũ ihñagũ m̄sare buhiri dahreitja. Cristo yũhare tiquiro dutiriro sahata m̄sare buhiri dahreitja. Yũhũ sa buhiri dahreratire ahri pũre m̄sare ojoayugũ niaja. Cristo yũhare tiquiro dutiriro sahata m̄sare yedohoacjũ ijiaja. M̄sare dojomehneacjũ ijieraja.

<sup>11</sup> Yojoɓare, yũhũ acaye, m̄sare quehnoa dutiaja. Cristore wacũ tutua nemoña. Sa yena quehnoana ijiya. M̄sare yũhũ yahurire quehnoano tũho n̄nũña. M̄sa mehna cj̄ena mehna ihcãno mehna ijiya. M̄sa basi quehnoano mehna ijiya. M̄sa sa ijigũ ihñano m̄sa mehna Cohãcjũ ijirota. Tiquiro marine cahme cahĩgũ yeriquiro, marine quehnoano mehna ijigũ yeriquiro ijire. <sup>12</sup> Sa yena m̄sa mehna cj̄enare quehnoano bucueye mehna piti caya. <sup>13</sup> Ijipihtiyequina ohõ cj̄ena Cohãcjũ yequina m̄sare quehnoa dutire.

<sup>14</sup> Mari pũhtoro Jesucristo mehna m̄sare ijipihtinare quehnoa dutiaja. Sa yegũ Cohãcjũ mari Pacũ tiquiro cahĩñe mehna ijipihtina m̄sare quehnoa dutiaja. Sa yero Espĩritu Santo ijipihtina m̄sa mehna quehnoano ijire.



## Gálatas

*Galacia wame tiri yehpa cjênare Jesu yequinare ojoa ohoahye Pablo*

<sup>1</sup> Yuhũ Pablo, Cristo yere buhe duti tiqũro cũrigũ ijiaja. Masa cũrigũ ijieraja yuhũ. Masa pehe yuhũre buhe dutiye cũdari. Cohãcjũ mari Pacũ pehe Jesure yariariqũrore masoriqũro yuhũre cũri tiqũro yere buheacjũre. Jesucristo gũhũ yuhũre cũri. Tiquina sa cũrigũ ijigũ ahrire ojoa ohoaja mũsare. <sup>2</sup> Yuhũ mũsare Jesu yequinare Galacia yehpa cjãnare quehnoa dutiaja. Yuhũ mehna cjẽna Jesu yequina gũhũ mũsare quehnoa dutire. <sup>3</sup> Cohãcjũ mari Pacũ, mari pũhoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa. <sup>4</sup> Tiquiro Jesucristo pehe mari ñañene yeri buhirire yariahye. Yojoũre masa tiquina ñañene yeri pje ijire. Sa yero tiqũro yariahye Cohãcjũ mari Pacũ tiqũro cahmediro saha marine yũhdũoro taro. Sa tiqũro yũhdũogũ yojoũre ñañene tiquina yeriro saha ye duasi mari. <sup>5</sup> Sa ye ijipihtiye decoripe tiqũrore mari Pacũre ño peouhna. Sata yeihna.

*Cohãcjũ masare tiqũro yũhdũoati buheye ihcãnota ijire. Apeye buheye mariedare*

<sup>6</sup> Cristo mũsare cahũno tiqũro yequina ijianajare mũsare cũri. Sa yegũ mũsare cũriqũro yere cohãna sijoro saha ijiye buheye pehere duita mũsa cahmegũ ihña acũaa wahaja. <sup>7</sup> Apeye buheye quehnoañe buheye yero saha ijiye buheye waro ijierare. Ti sa ijierapegũta ihquẽquina mũsa cahapũ ijieyequina mũsare cariboye, sijoro saha ijiye buheye buheye, quehnoañe buheye dojomehne duare. <sup>8</sup> Sa yena mũsare usã buhe mũhtarire mari cohãgũ sijoro saha ijiye buheye mari buhegũ Cohãcjũ marine buhiri dahreahro. Sa yero angel uhmũse cjũno sa tiqũro buhegũ tiqũro gũhũre buhiri dahreahro Cohãcjũ. <sup>9</sup> Mianogãta usã nidiro saha pari turi nitja: Ihcãqũro mũsare usã buherire cohãno, sijoro saha ijiye buheye tiqũro buhegũ Cohãcjũ tiqũrore buhiri dahreahro.

<sup>10</sup> Sa nigũ yuhũ “Pablo dihita quehnoano buheriqũro ijire”, yuhũre ni dutigũ niedaja. Cohãcjũ pehe yuhũre “Quehnoano buheri mũhũ”, tiqũro nigũ cahmeaja. Masare bucuegũ yegũ tagũ sijoro saha ijiye buheye buheboaga yuhũ. Masa dihitare bucuegũ yegũ ijigũ ne Cristo cahacjũ ijieraboaga yuhũ.

*Pablo Cristo cũriqũro tiqũro iji dũcarire yahuahye*

<sup>11</sup> Yuhũ acaye, ahrire mũsa masigũ cahmeaja yuhũ: Quehnoañe buheye yuhũ buheri masa ye buheye ijierare. <sup>12</sup> Ti buheye masare yuhũ tũhori ijierare. Sa ye apequina masa yuhũre ti buheye yahuerari. Jesucristo pehe yuhũre ti buheye masigũ yeri.

<sup>13</sup> Panopũ judio masũ yuhũ ijie tirire masine mũsa. Ohõ saha yee tii yuhũ: Jesu yequinare tutuaro ñano yegũ tiquinare quehnoano wejẽ peho cã duami. <sup>14</sup> Mari ñecũsmũna mũna iji turiayequina tiquina buherire tutua yũhdũaro ye duagũ yuhũ acaye yuhũ ihcãno mehna masariquina yũhdũoro ye mũhtarigũ ijie timi yuhũ. <sup>15</sup> Yuhũ sa ijirigũ ijiepegũta yuhũ masa bajuato pano Cohãcjũ yuhũre bese tuhasari jiri. Sa yero yuhũre cahũno tiqũro yaqũro ijiajũ cũri yuhũre. <sup>16</sup> Sa yero tiqũro cahmeno saha tiqũro macũnore yuhũre masigũ yeri. Tiquiro yere quehnoañe buheye judio masa ijieyequinare buheacjũ yuhũ ijiatire tiqũro macũnore masigũ yeri yuhũre. Tiquiro sa yegũ “¿Dũhse ni buhero cahmeagari yuhũre?” ni masare sinituerũ yuhũ. <sup>17</sup> Sa yegũ Cristo cũriquina yuhũ pano ijiriquina cahapũre Jerusalẽpũre sinitugũ wahaerũ. Duita Arabia yehpapũ wahaũ. Sa yegũ Damascopũ majare tojoa wihii.

<sup>18</sup> Ihtia cũhma bato Pedrore ihñagũ wahaũ Jerusalẽpũ. Topũre pũa semana waro ijii. <sup>19</sup> Sa yegũ apequinare Cristo cũriquinare ihñedũ. Santiago dihitare mari pũhoro bahũrore ihñaũ. <sup>20</sup> Ohõ saha ni ojoagũ Cohãcjũ mehna ne ni meho ojoaeraja.

<sup>21</sup> Came Siria yehpapũ, Cilicia yehpapũ gũhũre wahaũ. <sup>22</sup> Topũre yuhũ esagũ ti pjere Judea yehpapũ ijieyequina Jesu

yequina yuhure ihña masiedari. <sup>23</sup> Sa ye ahri dihitare yuhure masi ducari tiquina: “Panopure marine ñano yeriquiro yojopure quehnoañe buheyere tiquiro cohã duari buheyere buhero nine”, ni, masi ducari tiquina. <sup>24</sup> Yuhure sa masiñe Cohãcjũre “Quehnoa yuhdũagũ ijire”, nidi tiquina.

## 2

### *Apequina Cristo cūriquina Pablöre piti ca, duita cahmene*

<sup>1</sup> Catorce cūhmari bato pari turi Jerusalẽpũ wahagũ Bernabé mehna wahaũ. Tito gũhũ wahari yuhũ mehna. <sup>2</sup> Cohãcjũ yuhure tiquiro waha dutigũ topure wahaũ. Jerusalẽpũ ijigũ “Jesu yequina pũtoa”, masa niñequina tiquina sehsaro cahmecoagũ quehnoañe buheyere judio masa ijieyequinare yuhũ buherire yahuu tiquinare. “¿Judio masa ijieyequinare quehnoañe buheyere yuhũ buhegũ quehnoajari, masa tũhotugũ?” nigũ, sa yahuu tiquinare. Sa yahuu tiquinare panopũ yuhũ buherire, yojopure yuhũ buheri gũhare tiquina quehnoano masiatire, tire “Quehnoare”, tiquina niatire. Tiquina sa niedagũ yuhũ buheri dũhseati ijieraboaga.

<sup>3</sup> Yuhũ mehna cjãno Tito judio masũno ijieriquiro ijiri. Sa yero cuhnucunũ sohtoa cahserogãre yuhre nemehnediquiro ijire. Sa yuhremehnediquiro tiquiro ijiepegũta Jesu yequina pũtoa “Mũhũ gũhũ ti cahserogãre yuhre neña”, niedari tiquirore.

<sup>4</sup> Tiquina sa niedapegũta ihquẽquina “Jesu yequina ijiaja”, ni mehoñequina wacũeno mehna usã mehna sajã, tiquirore ti cahserogãre yuhre negũ cahmemedi tiquina. Jesu yequina mari ijina “Panopũ cjẽne tiquina dutiriro saha yena ti mehna yuhdũsi”, ni tũhotuaja mari. Mari sa ni tũhotugũ mari yeyere ihña duaye tiquina pehe usã mehna ni meho sajãri. Sa yeye usã ñecusũmũna mũna iji turiayequina ye dutiyere ye duti duaye, ti dutiyere ño peoducugũ ye duamedĩ usãre tiquina. <sup>5</sup> Tiquina sa ye duepegũta quehnoañe buheyere potõ masa masiatire ne mehenogã mehna tũho duerũ usã tiquinare.

<sup>6</sup> Sa ye Jesu yequina pũtoa quehnoañe buheyere yuhũ buherire tiquina tũhori bato “Ahri buheye mehna apeye buheyere buhe moreña”, ne niedari tiquina yuhure. Jesu yequina pũtoare ihyo ijieyequina yero saha tũhotuaja tiquinare. Cohãcjũ pehe ijipihtieyquinare ihcãno saha ihñare. Sa yegũ sata tũhotuaja yuhũ gũhũ pũtoa gũhare, ihyo ijieyequina gũhare. <sup>7</sup> Sa ye yuhũ buheri mehna tiquina “Ahri buheye mehna apeye buheyere buhe moreña”, ne niedari. Sa ye judio masa ijieyequinare yuhũ buheatire Cohãcjũ yuhure tiquiro cūrire tũhoye, “Tita ijire”, nidi tiquina. Judio masare buheyere Cohãcjũ Pedrore tiquiro cūriro sahata yuhũ gũhare cūri judio masa ijieyequinare yuhũ buheatire. <sup>8</sup> Judio masare Pedrore buhe dutiriquirota Cohãcjũ yuhũ gũhare tiquirota buhe dutiri judio masa ijieyequinare.

<sup>9</sup> Sa ye Santiago, Pedro, Ñũ mehna Jesu yequina pũtoa warõ quehnoañe buheyere buherire Cohãcjũ yuhure tiquiro cūrire tũhoye “Tita ijire”, nidi tiquina. Sa nieta yuhure Bernabé mehna quehnoano bucueye mehna omoca ñehedi usãre piti tiye tehe. Sa yena judio masa ijieyequinare buhena ijiaja usã. Santiago gũhũ pehe judio masare buheyequina ijire. “Sata ijiajro”, nii usã basi. <sup>10</sup> Sa niepeta tiquina judio masare pejecũoyequinare yedoho dutiri usãre. Pejecũoyequinare yedohoacjũ ijiita niaja yuhũ.

### *Antioquíapũ Pablo Pedrore tuhtiahye*

<sup>11</sup> Sa ye Antioquíapũ yuhũ esari bato Pedro gũhũ esari. Sa yegũ quehnoano tiquiro yerari buhiri tuhtii tiquirore. <sup>12</sup> Ohõ saha yeri tiquiro: Santiago ohoriquina Antioquíapũ tiquina esato panogã, Pedro pehe judio masa ijieyequina mehna ihyaro nidi, judio masũno ijieperota. Santiago ohoriquina judio masa ijieyequinare “Cuhnucunũ sohtoa cahserogãre yuhre neña”, niñequina, usã judio masa panopũ cjẽna ye dutiyere ye dutieyquina ijiri. Pedro sa ihyari watoa Santiago ohoriquina esari. Sa ihyariquiro ijieperota tiquina tiquiro cahapũ esagũ ihñano, tiquinare cuero, Pedro judio masa ijieyequinare duhu cã, pari turi tiquina mehna ihyaro

wahaerari. “Panopu cjeña mari judio masa yere yuhduɗucaguh niaja. Sa yeye yojopure wihiyequina yuhure tuhtiari”, nino, judio masa ijieyequina mehna ihya nemoedari. <sup>13</sup> Tiquiro sa ye mehoriro saha tiquiro yegū ihñañe, apequina judio masa gūhu tiquiroreta ihña cū, tiquina gūhu tiquiro yero saha yeri. Sa yero Bernabé quehnoariquiro ijieperota tiquina yero saha yeri tiquiro gūhu.

<sup>14</sup> Cristo ye buheye marine quehnoano, queoro ye dutire. Sa ye Pedro gūhu ti buheye nidiro sahata yerari, judio masa ijieyequina mehna ihya duhuye. Tiquina sa yegū ihñaguh, ijipihtiequina Jesu yequina ihñonopu Pedrore ohō saha ni yahuu: “Muhuh judio masuh ijiepegata judio masa ye dutiyere, tiquina ijiye tiyere duhu cāri mūhu, Jesu yere yeguh tuhuh. Sa yeguh judio masa ijieyequina dutiye marieñequina yero saha yee tiri mūhu. Sa yeriguh ijiepegata apequina judio masa wihigū ihñaguh, judio masa ijieyequinare piti ti nemoedari mūhu. ¿Judio masa dihitare mūhu piti tigū ihñañe, dūhse ni tuhuetari judio masa ijieyequina pehe? ‘Judio masa yero saha ijiihna’, ni tuhutuboaga tiquina. ¿Tiquina gūhure judio masare ihña cūgū cahmeajari mūhu? To ijierare”, nii tiquirore.

*Judio masare apequina masa yero saha Jesure wacū tutua dutiahye Cohācjū*

<sup>15</sup> Ūsā pehe judio masa masa bajuana, apequina ñano yeyequina judio masa ijieyequina yero saha ijieraja ūsā. <sup>16</sup> Sa ijina ijiepenata Cohācjū dutiyere Moisere tiquiro cūrire ūsā yerina ijigū “Quehnoana ijire”, ni ihñedare Cohācjū ūsāre. Tire mari masiaja. Sa yero Jesucristore mari wacū tutuagū Cohācjū marine “Quehnoana ijire”, ni ihñanota. Tire masina, ūsā gūhu Jesucristore wacū tutuaja tiquirore ūsā wacū tutuari mehna ūsāre “Quehnoana ijire”, Cohācjū tiquiro ni ihñatire. Sa yero tiquiro dutiyere ūsā yerina ijigū “Quehnoana ijire”, ni ihñedare Cohācjū ūsāre. Ne masa ti dutiyere yeye mehna “Quehnoañequina ijire”, ni ihñedare Cohācjū tiquinare.

<sup>17</sup> Cristore mari wacū tutuaye mehna quehnoana Cohācjū yequina mari waha

duagū, ñana mari ijiyere masigū yerota Cristo. ¿Cristo mari ñañene marine masigū yero, ñana marine ijigū yeajari tiquiro, mūsa tuhutugū? Ne mehenogā mehna sa yerare. <sup>18</sup> Ūsā dutiye yeye mehna yuhdu duamedina ijiepenata ti buheyere cohāhu. Sa cohāepenata pari turi ti buheyere yena ti dutiyere ūsā ye pehoerari buhiri potota buhiri tinata ūsā. <sup>19</sup> Cohācjū dutiyere Moisere tiquiro cūrire ihcāno sahaeraja mari. Sa yena ti dutiye mehna ne yuhdu si mari. Sa yena Cohācjū tutuaye mehna tiquiro yequina ijiaja mari.

<sup>20</sup> Cristo mehna curusapuh yariariquina yero saha ijiaja mari. Sa yena yariariquiro tiquiro esa tuharo tiquiro yerariro saha mari esa tuharo yeraja. Cristo ye tutuaye mehna yeaja. Sa yena yojopure Cohācjū macūnore wacū tutuaye mehna ijiducuaja mari. Tiquiro Cohācjū macūno marine cahīne. Sa yero mari ye buhirire yariari. <sup>21</sup> Ti dutiye yeye mehna quehnoana Cohācjū yequina mari wahagū Cristo yariari pehe ne dūhseati ijieraboaga. Cohācjū marine tiquiro cahīdire, Cristo tiquiro yariarire ihyo ijiye waro yero saha ijigū ye dueraja yuhuh pehe. Sa yeguh “Dutiye mehna yuhduɗutja”, ne nisi yuhuh.

### 3

*Cohācjū dutiye Moisere tiquiro cūrire, wacū tutuaye gūhure yahuahye Pablo*

<sup>1</sup> Yuhuh acaye, mūsa Galacia cjeña tuhomasiena iji wame tire mūsa. Jesucristo curusapuh tiquiro yariarire buheyere ijipihtiequina tiquina ihñonopu mū sare yahuu. ¿Sa yena yojopure tiquiro yere mūsa yuhduɗucatiye ni mehoñequina mū sare tiquina dojomehnegū dūhse yena tiquinare yuhutiri mūsa? <sup>2</sup> Ahrireta yahu duaja mū sare: Dutiyere mūsa yeye mehna Espiritu Santore cūo dūcaerari mūsa. Quehnoañe buheye pehere tuhona Cristore mūsa wacū tutuaye mehna Espiritu Santore cūo dūcari mūsa. <sup>3</sup> Espiritu Santo tutuaye mehna mūsa Cristo yequina iji dūcagū yojopure mūsa basi dutiyere mūsa yeye mehna Cohācjū cahapuh mūsa waha duagū ñarīne. Tuhomasiena ijire mūsa, sa yena. <sup>4</sup> ¿Quehnoañe buheyere mūsa yeri

buhiri peye tahari m̄sa ñano ȳhd̄na ihyo warota ñano ȳhd̄na niyari m̄sa, sa wahana? Ihyo waro ijierare m̄sa sa ñano ȳhd̄ri. Dutiye yeye mehna Cohãcjũ cahap̄ m̄sa waha duana ihyo warota ñano ȳhd̄na niboaga m̄sa. <sup>5</sup> ¿D̄hse m̄sa yeri wapa Esp̄ritu Santore m̄sare ohori Cohãcjũ, m̄sa t̄hotugũ? Tiquiro dutiyere m̄sa yeri wapa ohoerari tiquiro. Tiquiro buheyere quehnoano m̄sa t̄hogũ ih̄ño tiquirore m̄sa wacũ tutuari batop̄ Esp̄ritu Santore ohori tiquiro. ¿Cohãcjũ m̄sa watoa tiquiro tutuaye mehna ye ih̄ño d̄hse ijero boro sa ye ih̄ñoajari tiquiro, m̄sa t̄hotugũ? Tiquiro dutiyere m̄sa yeri wapa sa ye ih̄ñoedari tiquiro. Tiquiro buheyere quehnoano m̄sa t̄hogũ ih̄ño tiquirore m̄sa wacũ tutuagũ sa ye ih̄ñori tiquiro.

<sup>6</sup> Abrahã Cohãcjũre wacũ tutuahye. Tiquiro sa yegũ tiquirore Cohãcjũ “Quehnoariquiro ijire”, ni ih̄ñahye. <sup>7</sup> Sa yena ahri ȳh̄ niatire masiña m̄sa: Cohãcjũre wacũ tutuayequinata potota Abrahã panamena iji turiayequina ape tjuro cj̄na yero saha ijire. <sup>8</sup> Panop̄ Cohãcjũ yere tiquina ojoari p̄p̄ ohõ saha ni yahuahye: Judio masa ijieyequina Cohãcjũre tiquina wacũ tutuagũ ih̄ño “Quehnoañequina ijire”, ni ih̄ñare Cohãcjũ. Tiquiro sa ni ih̄ñatire Cohãcjũ panop̄ masiyuro, tiquiro quehnoañe buheyere Abrahãre yahu m̄hta tuhasahye. “M̄h̄ mehna ahri yehpa cj̄nare ijipihtiyequinare quehnoano yeitja”, niahye Cohãcjũ Abrahãre. <sup>9</sup> Sa yero Abrahã Cohãcjũre quehnoano t̄ho wacũ tutuahye. Tiquiro sa wacũ tutuagũ ih̄ño Cohãcjũ tiquirore quehnoano yeahye. Sa ye apequina masa Cohãcjũre tiquina wacũ tutuagũ, tiquina ḡh̄re quehnoano yerota Cohãcjũ, Abrahãre tiquiro yeriro sahata.

<sup>10</sup> “Ti dutiyere Moisere tiquiro c̄ri mehna Cohãcjũ yequina wahanata”, ni t̄hotuyequina buhiri tiyequina ijire. Tiquiro ojoari p̄p̄ sata nine: “Cohãcjũ dutiyere tiquiro ya p̄p̄ tiquina ojoarire ye pehoeyequina buhiri tiyequina ijire tiquina ijipihtiyequina”, ni ojoahye. <sup>11</sup> Cohãcjũ yere tiquina ojoari p̄p̄

ohõ saha nine: “Cohãcjũre wacũ tutuayequinare ‘Quehnoañequina ijire’, ni ih̄ñare Cohãcjũ. Sa wacũ tutuaye ijipihtiye decori Cohãcjũ mehna sa ijiducueta”, nine Cohãcjũ yere tiquina ojoari p̄p̄. Tiquiro sa nigũ ahri ȳh̄ niatire mari quehnoano masiaja: Ti dutiyere tiquina yeye mehna masare quehnoañequina yero saha ih̄ñedare Cohãcjũ. <sup>12</sup> Dutiye yeye mehna Cohãcjũ cahap̄ waha duayequina Cohãcjũre wacũ tutuerare. Ohõ saha nine Cohãcjũ yere tiquina ojoari p̄p̄: “Dutiyere yeye mehna quehnoañequina waha duayequinare ti dutiyere ye pehoru cahmene tiquinare”, nine Cohãcjũ yere tiquina ojoari p̄p̄.

<sup>13</sup> Sa ye ti dutiyere marine buhiri tigũ yere. Mari buhiri tigũ ih̄ño Cristo pehe tiquiro basi mari ye buhirire buhiri tiriquire waharo, mari buhiri tiborire buhiri ti basahye marine. Cristo tiquiro buhiri tiatire yahuro ohõ saha ni ojoahye panop̄re: “Ijipihtiyequina yuc̄rip̄ tiquina duhu ohõriquina buhiri tiriquire ijire”, ni, ojoahye panop̄re. <sup>14</sup> Tiquiro sa ni ojoariro sahata sa yeahye Cristore. Cohãcjũ Abrahãre “Ahri yehpa cj̄nare quehnoano yeitja”, tiquiro nidiro sahata yero niahye masare. Sa yeahye Cristo mehna. Tiquiro yariahye judio masa ijieyequinare Cohãcjũ quehnoano tiquiro yeatire. Sa yero Jesucristo mehna sohtori tiahye Cohãcjũ Abrahãre tiquiro nidiro sahata. Sa yeahye tiquirore mari wacũ tutuari bato Esp̄ritu Santore mari c̄oatore.

*Tiquiro buherire quitu mehna yahu nemoahye Pablo*

<sup>15</sup> Ȳh̄ acaye, masa ye quitu mehna ti ȳh̄ nidire yahutja m̄sare: Tiquina pac̄ro tiquiro yariato pano tiquiro pohne comesatire yahuri p̄ ohõ saha ni ojoare. “Yeere ȳh̄ poh̄nare ohoutja”, ni ojoare. Tiquiro sa ni oja c̄ri p̄re tiquiro yariato pano apequiro pehe ti p̄re sijoro saha ni oja nemo masiedare. Sa yero ti p̄re “Poto ijierare”, ni masiedare. <sup>16</sup> Ti p̄re tiquina pac̄ro tiquiro poh̄nere tiquiro c̄riro saha “M̄sare quehnoano yeitja”, Cohãcjũ nino, Abrahãre tiquiro panamino iji turiariquiro ḡh̄re nino

niahye. Sa nino apequina tiquiro panamena iji turiayequinapare nino niedahye. Ihcãquiroreta tiquiro panamino iji turariquiro dihitare nino niahye Cohãcjũ. Tiquiro Abrahã panamino iji turariquiro Cristo ijire. <sup>17</sup> Yojopure quehnoano yahutja m̄sare: Abrahã gũhare Cohãcjũ “M̄sare quehnoano yeitja”, tiquiro ni cũri bato cuatro ciento treinta c̄hmari ȳhd̄ari bato tiquiro dutiyere Moiserere cũahye. Sa cũno Abrahã gũhare Cohãcjũ “M̄sare quehnoano yeitja”, tiquiro nidire boro taro niedahye. <sup>18</sup> Cohãcjũ marine ȳhd̄oro dutiyere mari yeye mehna marine ȳhd̄oerare. Dutiyere yeye mehna mari ȳhd̄ugũ Cohãcjũ “M̄sare quehnoano yeitja”, tiquiro nidi pehe d̄hseati ijieraboaga. Marine ȳhd̄oro taro Cohãcjũ Abrahãre tiquiro ni cũri mehna sa yero taro niahye.

<sup>19</sup> ¿Sa yero d̄hse yeatire tiquiro dutiyere cũri Cohãcjũ? Tiquiro dutiyere cũahye ti dutiyere mari ȳhd̄ad̄ucarire mari quehnoano masiatire. Sa yero panopure Cohãcjũ “M̄h̄u panamino iji turariquiro mehna masare quehnoano yeitja”, Abrahãre tiquiro nidiquiro tiquiro wihiato pano Cohãcjũ dutiyere c̄omahye masa. Sa yero Cohãcjũ dutiyere tiquiro cũgũ tiquiro yequina angele pehe tire duti turiahye. Sa ye Moiserere tiquina cũgũ, tiquiro pehe masare cũ turiahye tja. <sup>20</sup> Ti dutiyere Moise cũ turiagũ Cohãcjũ tiquiro basita masare cũedahye. Sa cũdaperota Cohãcjũ “M̄h̄are quehnoano yeitja”, Abrahã pehere ni cũno, tiquiro basita sa ni cũahye.

<sup>21</sup> Cohãcjũ Moiserere tiquiro dutiyere cũno, to pano Abrahãre tiquiro nidire “Abrahãre ȳh̄u nidiro saha yesi ȳh̄u”, nino niedahye tiquiro. Abrahãre tiquiro nidiro sahata yero taro niahye. Tiquiro dutiye yeye mehna Cohãcjũ yequina wahana ti pje pũrita dutiyere mari yeye mehna quehnoana wahaboaga mari. <sup>22</sup> Sa yero Cohãcjũ tiquiro yere tiquina ojoari pũ pehe ijipihtiyequina ñañe buhiri tiyequina tiquina ijiyere yahuahye. Sa ni yahuahye Cohãcjũ “M̄sare quehnoano yeitja”, to pano tiquiro nidiro sahata yero taro. Sa

yero Jesucristore wacũ tutuayequinare quehnoano yere to pano tiquiro nidiro sahata.

<sup>23</sup> Cohãcjũre wacũ tutuati buheyere marine tiquiro cũato pano tiquiro dutiye pehe mari ñañe yerire marine masigũ ye tuhasari. Sa ye marine yahuri ti dutiye pehe. Cohãcjũre wacũ tutuati buheyere marine tiquiro yahugũp̄u tiquiro dutiye marine yahu duhuri. <sup>24</sup> Sa ye Cohãcjũ dutiye pehe Cristo wihiato pano marine yahuri. Sa yahuri marine Cristore mari wacũ tutuaye mehna Cohãcjũ “Quehnoana ijire”, marine tiquiro ni ihñatire. <sup>25</sup> Yojopure pũritare Cristore mari wacũ tutuari pje ijire. Ti sa ijigũ tiquiro dutiye pehe marine yahu nemoedare. Marine duti nemoedare.

<sup>26</sup> Sa yena Cristo Jesure m̄sa wacũ tutuaye mehna Cohãcjũ pohna ijire m̄sa. <sup>27</sup> Ijipihtina m̄sa Cristo wame mehna wame yenohrina ijina, Cristo Cohãcjũ mac̄no tiquiro ijiro sahata tiquiro pohmata ijire m̄sa gũh̄u. <sup>28</sup> Yojopure p̄a curua ijierare m̄sa. Judio masa ijiena, judio masa mehna p̄a curua ijierare m̄sa. Cahacjãna, cahacjãna ijiena mehna p̄a curua ijierare m̄sa. Ūm̄a, numia mehna p̄a curua ijierare m̄sa. Sa yena ijipihtina m̄sa Cristo yequina ijina, ihcã curuata ijire m̄sa. <sup>29</sup> Sa yena Cristo yequina ijina, Abrahã panamena iji turiana yero saha ijire m̄sa. M̄sa sa ijina ijigũ Cohãcjũ Abrahãre “M̄sare quehnoano yeitja”, tiquiro nidiro sahata m̄sa gũhare quehnoano yerota tiquiro. Cristo yequina m̄sa ijigũ ihñano m̄sare quehnoano yerota.

#### 4

<sup>1</sup> Ohõ saha ijire ahri qiti mehna ȳh̄u yahu nemogũ: Tiquiro pac̄aro came tiquiro yere neatiquiro wahm̄ano iji cãhtariquiro ijirop̄u ijipihtiye tiquiro ye ijiepegũta cahacjũno yero saha ijire tiquiro. <sup>2</sup> Sa ye tiquiro wahm̄ano iji cãhtariquiro ijigũ tiquirore ihña ihboyequina tiquiro yere ihña ihbore. Sa yero tiquiro pac̄aro queoriro esagũp̄u tiquiro pac̄aro yere c̄orota. <sup>3</sup> Ohõ saha wahm̄ano iji cãhtariquiro yero saha ijimi mari gũh̄u. Sa ijina mari ijigũ cahacjẽnare tiquina

dutiro saha ahri yehpa cjě dutiye masa ye dutiye marine dutinimedi. <sup>4</sup> Mari sa ijina ijiepegůta tiquiro queori pje esagů Cohăcjů tiquiro macunore ohoahye. Sa tiquiro ohogů tiquiro macuno ihcăcoro nuhmino mehna masa bajuahye. Sa yero tiquiro judio masuno masa bajuagů Cohăcjů dutiye Moiseri tiquiro cůri tiquirore dutinimahye. <sup>5</sup> Mari gůhure ti dutiyeta dutinimahye. Sa yero marine yuhduoatiquirore ohoahye Cohăcjů tiquiro macunore, tiquiro pohna mari wahatire.

<sup>6</sup> Sa yero tiquiro pohna mari ijigů Cohăcjů macuno tiquiro yaquiro Espiritu Santore mari mehna ijiatiquirore ohoahye Cohăcjů. Tiquiro yaquiro Espiritu Santo pehe Cohăcjůre “Maí”, niniquiro ijire. <sup>7</sup> Sa yena mŭsa Cohăcjů yedohoye mehna cahacjăna ijierare mŭsa yojopure. Tiquiro pohna ijire mŭsa. Sa yena tiquiro pohna ijina, Cohăcjů tiquiro ohoatire cunonata.

*Pablo Galacia cjěnare Jesu yequinare cuesăhye*

<sup>8</sup> Panopŭ Cohăcjůre mŭsa masiena ijina “Cohăcjů ijire”, mŭsa niñe queoyere ño peona ti queoye cahacjăna ijimahye mŭsa. Mŭsa sa ño peoyequina cohămana waro ijierahye. <sup>9</sup> Sa ijirina ijiepenata yojopure Cohăcjůre masine mŭsa. Ijierare. Tiquiro pŭrita mŭsa pehere masine. ¿Tiquiro sa masiepegůta dŭhse yena ahri yehpa cjěna ye buheye pehere cahmeajari mŭsa? Ti buheye dŭhseati ijierare. ¿Dŭhse yena panopŭ mŭsa yeriro sahata Cristo marieno ye duajari mŭsa? ¿Dŭhse yena dutiyere mŭsa yeducuri mehnata Cohăcjů cahapŭ waha duajari mŭsa? Wahasi mŭsa. <sup>10</sup> Ihquě decorire, ihquě asărine, ihquě pohecărire, ihquě cŭhmarine bose decorire dahre dutire mŭsa. “Mari sa yeye mehna dutiye mehna yuhduanata”, ni, tŭhotumene mŭsa. <sup>11</sup> Mŭsa sa ni tŭhotugů mŭsare tutuaro yuhŭ buheri dŭhseati ijieraboaya, yuhŭ tŭhotugů. Sa yegŭ mŭsare cuesăja.

<sup>12</sup> Yuhŭ acaye ahrire tutuaro dutiitja mŭsare: Cristore yuhŭ tŭhoturiro sahata mŭsa gůhŭ tiquirore tŭhotuya. Panopŭ dutiye yeye mehna yuhdu duayequina ijieramahye mŭsa judio masa ijiena ijina. Yojopŭ pehere yuhŭ gůhŭ mŭsa yero saha

wahau, dutiye yeye mehna yuhdu dueragu. Sa yena Cristore yuhŭ tŭhoturiro sahata mŭsa gůhŭ sata tiquirore tŭhotuya.

Mŭsa mehna yuhŭ ijigů quehnoano yeri mŭsa yuhure. <sup>13</sup> Dohatigupŭta mŭsare quehnoañe buheyere coă warore buhe dŭcaŭ yuhŭ. <sup>14</sup> Yuhŭ sa dohatigŭ ijiepegůta yuhure yabierari mŭsa. Sa yena yuhure cohă tojoerari mŭsa. Sa yena Cohăcjů yaquiro angelre, Jesucristo gůhure mŭsa piti caboriro saha yuhure quehnoano piti cari mŭsa. <sup>15</sup> ¿Yojopure dŭhse wahari mŭsa bucueye? Mŭsare ahrire niitja: Purĩñene dŭcana mŭsa caperire ore we ne yuhure ohoboaya mŭsa. <sup>16</sup> ¿Yuhŭ mehna cjăna ijiepenata yojopure queoro mŭsare yuhŭ yahuri buhiri ihña tuhtiajari mŭsa yuhure?

<sup>17</sup> Sohō ijiriquina mŭsare tutuaro cahmesăre. Tiquina tŭhotuye sijoro saha ijire. Quehnoañe ijierare. Tiquina mŭsare yuhure yuhduŭcagů cahmene, tiquina pehere ño peo dutiye. <sup>18</sup> Quehnoano mehna mŭsa quehnoano wahati pehe mŭsare tiquina cahmesăgů quehnoarĩboaga. Sa ye topure yuhŭ mariedagů gůhure tiquina sa cahmesăgů quehnoarĩboaga. <sup>19</sup> Yuhŭ pohnagă, niñi wahcōricoro ticoro ñano yuhduro saha mŭsare ñano wacŭ tŭhotuaja yuhŭ. Tee Cristo yero saha mŭsa ijigupŭ mŭsare wacŭ duhutja. <sup>20</sup> Mianogă mŭsa mehna ijigŭ tuhtiro marieno bucueye mehna mŭsa mehna yuhŭ yahugů quehnoaboaga yuhure. Mŭsare pajiro tŭhotugŭ niaja yuhŭ.

*Agar Sara mehna tiquina ijirire yahuahye Pablo*

<sup>21</sup> Tŭhoya mŭsa yuhure. Cohăcjů dutiyere yeye mehna yuhdu duana ijiepenata tiquiro dutiye pehere quehnoano masiedare mŭsa. <sup>22</sup> Ohō saha niahye Cohăcjů yere tiquina ojoari pŭpŭ: Abrahă pŭaro pacuro ijiahye. Tiquiro cahacjōno Agar wame tiricoro mehna ihcăquiore pohna tiahye. Sa ye tiquiro namono potō Sara wame tiricoro mehna gůhure ihcăquiore pohna tiahye. <sup>23</sup> Sa ijiepegůta tiquiro cahacjōno macuno masa mari yero saha masa bajuahye tiquiro. Tiquiro namono potō macuno pehe “Ihcăquirogă pohna tinata mŭsa”, Cohăcjů ni yahuriro

sahata masa bajuahye tiquiro pehe. <sup>24</sup> Ahri quitu marine quehnoano queoye mehna yahure: Cohãcjũ p̄a taha masare “M̄sare yedohoutja”, tiquiro niñe yero saha ijire ahriquina numia p̄aro numia. Ihcãcoro Sinaí wame tid̄p̄a Cohãcjũ dutiyere ohori yero saha ijire. Ticoro Agar ijire. Ticoro mehna mari queoye mehna buhegũ judio masa ḡh̄a dutiyere yeducuye mehnata ȳhd̄a duayequina ticoro yero saha ijire. Tiquina cahacjẽna yero saha ijire. <sup>25</sup> Ticoro Sinaí wame tid̄a Arabiap̄a ijid̄a yero saha ijiricoro ijire. Yojoṗ̄are Jerusalẽ cjẽna judio masa dutiye yeye mehna ȳhd̄a duayequina dutiye cahacjẽna yero saha ijire. Sa yeye mari queoye mehna buhegũ tiquina ticoro yero saha ijire cahacjõno ticoro ijiro saha. Tiquina Cohãcjũ pohne ijierare. <sup>26</sup> Mari pehe Cristo yequina ijina Cohãcjũ pohna ijiaja. Sa yena ùhm̄use cjãna ijiaja. Jerusalẽ ùhm̄usep̄a ijiri maca cjãna ijiaja mari. Top̄are masa tiquina ȳhd̄atire dutiyere yeye mariedare. <sup>27</sup> Cohãcjũ yere tiquina ojoari p̄p̄a ohõ saha ni ojoahye Cohãcjũ pohne warore, Sara yero saha ijiricorore yahuro:

Pohna mariego, bucueya. Sa ijigo bucueye mehna sañuducuya, niñi wahcõno purĩnore masiego ijigo. M̄h̄a pehe man̄a cohõrigo ijigo apecoro man̄a tiricoro ȳhd̄oro peyequina pohna tigota. Sa yego bucueya, ni ojoahye panop̄are ticoro pohna tiato pano Sara yero saha ijiricorore yahuro.

<sup>28</sup> Ȳh̄a acaye, Cohãcjũ nidiro sahata Isaac masa bajuahye. Mari ḡh̄a tiquiro yero saha Cohãcjũ nidiro sahata tiquiro pohna ijiaja mari. <sup>29</sup> Sa ijiepegũta ti p̄jep̄are ihyo ijiriquiro yero saha masa bajuariquiro ñano yeahye apequirore Espĩritu nidiro sahata masa bajuariquirore. Yojoṗ̄a ḡh̄are sata ijire Cohãcjũ yequinare masa ñano yegã. <sup>30</sup> Sa yero ohõ saha nine Cohãcjũ yere tiquina ojoari p̄p̄a: “Cahacjõno mac̄no tiquiro pac̄ro yere c̄no masiedare. Tiquiro namono poto mac̄no pehe tiquiro pac̄ro yere c̄no masine. Sa ye tiquiro cahacjõnore ticoro mac̄no mehnata cohã cãh̄na”, ni ojoahye. <sup>31</sup> Ȳh̄a acaye, ne cahacjõno

pohne yero saha ijieraja mari. Sa yena Abrahã namono poto pohne yero saha ijiaja. (Sa yena Cohãcjũ mari Pac̄a yere c̄no masiaja.)

## 5

*Cristo marine cahacjẽna yero saha ijiyere tiquiro duhugũ yeri bato tutuana ijiro cahmene marine*

<sup>1</sup> Sa yero mari cahacjẽna yero saha ijirire potota Cristo marine duhugũ yeri. Tiquiro sa duhugũ yeri bato tutuana ijiya m̄sa. Ti dutiye mehna ȳhd̄a duayequina cahacjẽna yero saha ijimedina pari turi cahacjãna sajãedacãh̄na m̄sa.

<sup>2</sup> Yojoṗ̄are ȳh̄a Pablo ahrire yahutja m̄sare: “Cuhnucun̄a sohtoa cahserogãre mari ȳhre nedi mehna ȳhd̄anata”, m̄sa ni t̄hotugũ Cristo m̄sare tiquiro yedohori d̄h̄seati ijierare m̄sare. <sup>3</sup> Ijipihtina ti cahserogãre m̄sa ȳhre nedi mehna ȳhd̄a duanare pari turi ohõ saha ni yahutja ȳh̄a. Ti cahserogãre m̄sa ȳhre nedi mehna ȳhd̄a duana, apeye Cohãcjũ dutiyere ye pehoerana, ȳhd̄asi m̄sa.

<sup>4</sup> Dutiyere yeye mehna ȳhd̄a duana Cristo pehere cohãri m̄sa. Sa yena m̄sare Cohãcjũ tiquiro cahĩñene, tiquiro ȳhd̄o duayere duhu cãri m̄sa. <sup>5</sup> Sa ijiepegũta Espĩritu Santo tutuaye mehna Cohãcjũre mari pehe wacũ tutuaja. Mari sa wacũ tutuagũ “Quehnoana ijire”, ni ihñare Cohãcjũ marine. Tiquiro sa ni ihñagũ marine tiquiro ȳhd̄oatire masiaja mari.

<sup>6</sup> Cristo Jesu yequina ijina cuhnucun̄a sohtoa cahserogãre mari ȳhre negũ ne d̄h̄seati ijierare. Ti cahserogãre mari ȳhre nedagũ ḡh̄are ne d̄h̄seati ijierare. Sa ijiepegũta Cristo p̄ritare wacũ tutuana apequinare cahĩnata mari. Ti wacũ tutuaye pehe ihyo waro ijiro niedare.

<sup>7</sup> M̄sa Cristore quehnoano wacũ tuamedia. ¿Quehnoañe buheyere m̄sare ȳh̄a acaye judio masa tiquina ȳhd̄ad̄uca dutigũ d̄h̄se yena tiquinare ȳhtiri m̄sa?

<sup>8</sup> Tiquina ye buheye Cohãcjũ m̄sare c̄riquiro tiquiro ye buheye ijierare. <sup>9</sup> Ahri ȳh̄a niatire wacũña m̄sa: Mehenogã pã pugũ yeye trigo ȳb̄are quehnoano ti sehsaro saha ȳh̄a acaye judio masa ye

buheye pehere peyequina m̄sa mehna cjēna cahmeboaga. <sup>10</sup> Mari p̄htoro Cristore wacū tutuaja ȳh̄h̄. Sa yeḡu ahri ȳh̄h̄ niatire masiaja ȳh̄h̄. Cristo yedohoye mehna apeye buheyere camer̄p̄re cahmesi m̄sa. Tire masiaja ȳh̄h̄. M̄sare dojomehne cohteyequina noho ijiyequina ijiaga. Tiquinare Coh̄c̄j̄p̄r̄ buhiri dahrerota.

<sup>11</sup> Ȳh̄h̄ acaye, “Dutiye yeye mehna ȳhd̄nata”, tiquina ni buheyere ȳh̄h̄ buheḡu ijiḡu judio masa ȳh̄re ñano yeraboaga. Cristo curusap̄r̄ tiquiro yariarire yahuye buheyere ȳh̄h̄ buheri buhiri tiquina ñano yeri ȳh̄re. Cristo ye buheye mehna judio masa ye buheyere ȳh̄h̄ buhe moreḡu ȳh̄re ñano yeraboaga tiquina. <sup>12</sup> M̄sare dojomehne cohteyequina m̄sa cuhnucun̄ sohtoa cahseroḡare ȳh̄re ne dutiyequina tiquina basi dihita ȳh̄re neahdo.

<sup>13</sup> Ȳh̄h̄ acaye, “Dutiye mehna ȳhd̄nata”, ni t̄hotu dutierare Coh̄c̄j̄ m̄sare. Ti dutiye mehna ȳhd̄erap̄nata ti dutiyere ȳhd̄ucaerac̄h̄ña m̄sa. Sa ye m̄sa mehna cjēnare cahme cah̄ña, tiquina cahac̄j̄na yero saha yedohoya tiquinare. <sup>14</sup> Ihc̄a dutirore quehnoano yena, Coh̄c̄j̄ dutiyere ye pehona niaja mari. Oh̄ saha ijire ti dutiro: “M̄h̄h̄ basi m̄h̄h̄ cah̄ño saha m̄h̄h̄ cahap̄r̄ ijiyequina ḡh̄re cah̄ña”, ni, dutiahye. <sup>15</sup> Sa yena wahiquina yero saha m̄sa basi cahme d̄use tutuerac̄h̄ña. Sa yena cahmequedac̄h̄ña. M̄sa mehna cjēna “Cristo yere duhuari”, nina, quehnoano yeya m̄sa.

*Masa ñañene tiquina tutuaro cahmeñene, Espiritu Santo cahmeñe ḡh̄re yahuahye Pablo*

<sup>16</sup> Espiritu Santo tiquiro cahmeno sahata ijiya m̄sa. Sa yena m̄sa ñañene m̄sa tutuaro cahmeñene yerac̄h̄ña. <sup>17</sup> Ñañene m̄sa tutuaro cahmeḡu Espiritu Santo ih̄ña tuhtire. Tiquiro sa ih̄ña tuhtiḡu ti ñañene duhu duare m̄sa. Sa yena ñañene m̄sa tutuaro cahmena, Espiritu Santore ih̄ña tuhtire m̄sa. Sa ih̄ña tuhtina tiquiro cahmeno saha yerare m̄sa. Sa ye ñañene m̄sa tutuaro cahmeñe Espiritu Santo tiquiro cahmeñe yero saha ijierare. Sa

ye Espiritu Santo tiquiro cahmeñe ñañene m̄sa tutuaro cahmeñe yero saha ijierare ti. Sa yena m̄sa cahmeno saha yerare m̄sa. <sup>18</sup> Sa yena Espiritu Santo tiquiro cahmeñene yena ijina “Dutiye mehna mari ȳhd̄nata”, ni, t̄hotuerare m̄sa.

<sup>19</sup> Masa ñañene tiquina yeyere mari quehnoano masi tuhasaja. Oh̄ saha ijire ti: Numino mehna ñano yeye, am̄no mehna ñano yeye, w̄hana tiye, b̄e tiro marieno ñano yeye, <sup>20-21</sup> “Coh̄c̄j̄ ijire”, tiquina niñe queoyere ño peoye, masare ujuayequina yayia tiquina yeye, ih̄ña tuhtiye, cahme d̄use tini wiaye, doeye, usuaye, tiquiro basi dihita c̄ho duaye, ih̄ña tuhti cahme tu waye, ihc̄a curua cjēna ape curua cjēnare ih̄ña tuhtiye, apequina yere cooye, masare wejēñe, queheye, queheye bose decorire yeye, oh̄ saha ijiye ijire ñañene yeye. Panop̄r̄ m̄sare cuaro mehna ȳh̄h̄ nidiro sahata yojop̄r̄ ḡh̄re niitja: Ti borore yeriquina Coh̄c̄j̄ p̄htoro ijirop̄r̄ am̄sep̄re ne esasi.

<sup>22</sup> Espiritu Santo pehe marine oh̄ saha yena ijiḡu yere: Masare cah̄ña, bucuenta, cueye mariena, usua m̄ñena, apequinare quehnoano yena, quehnoana, duhuro marieno Coh̄c̄j̄ cahmeñene yena, <sup>23</sup> quehnoano mehna yena, tiquina ñañe ye duarire yerana ijiḡu yere marine tiquiro. Sa yeyequinare “Sa yerac̄h̄ña”, ne ihc̄aqui no niedare. <sup>24</sup> Cristo Jesu yequina ijina tutuaro mari ñañene ye duarire coh̄ tuhasa. <sup>25</sup> Espiritu Santo marine Coh̄c̄j̄ mehna sa ijiducuḡu yerota. Sa yena tiquiro cahmeno sahata yeducuna ijih̄na mari.

<sup>26</sup> “Apequinare masi ȳhd̄ucaja us̄a”, ni, t̄hotuna ijierac̄h̄na mari. Sa yena mari mehna cjēnare usuaḡu yerac̄h̄na mari. Sa yena mari basi cahme cooperac̄h̄na.

## 6

### *M̄sa mehna cjēnare yedohoya*

<sup>1</sup> Ȳh̄h̄ acaye, ihc̄aqui m̄sa mehna cjēno tiquiro ñañene yeḡu Cristore quehnoano wacū tutuana ijina cah̄ñe mehna tiquirore yedohoya quehnoañene pari turi tiquiro yeatire. Sa yena m̄sa ḡh̄h̄ “Ñañene tutuaro cahmeari”, nina



quehnoano yeya. <sup>2</sup> MUSA mehna cjëna tiquina ñano yahduḡgū ḡhure yedohoya tiquinare. MUSA sa yena Cristo tiquiro dutiro saha yena ninata MUSA.

<sup>3</sup> Ihcãquiro ihyo ijiriquiro ijieperota “Apequinare masi yãhdudcaja”, ni tãhoturo, tiquiro basi ni mehoñe dihitare tãhoturiquiro ijire. <sup>4</sup> Ihquẽquina MUSA sehsaro MUSA yerire “Ahri quehnoañe ijire. Ahri ñañe ijire”, ni masiña. Sa masina MUSA yeri quehnoañe ijigū MUSA basi bucuenata. Sa yena “Apequinare masi yãhdudcaja”, nisi MUSA. Sa niedana apequinare MUSA yãhdudcari mehna bucuesi MUSA. <sup>5</sup> Sa yero Jesu yaquiro Cohãcjũ yere tiquiro basi yere. Apequiro masano tiquirore tire yedoho masiedare.

<sup>6</sup> Sa yena quehnoañe buheyere buheriquirore apee boro MUSA cõoyere tiquirore ohoya MUSA tiquiro buhena.

<sup>7</sup> Oteyere oteriquiro ñañe pjerire otero ñañe ducare cõorota. Quehnoañe pjerire otero quehnoañe ducare cõorota. Ohõ saha mari ḡhũ ñañene yena ñañene cõonata. Sa yero mari ñari buhiri buhiri dahrerota. Quehnoañene yena quehnoañene cõonata. Sa yena quehnoano ijinata. Sa yena “Usã ñañene yegũ Cohãcjũ usãre buhiri dahresi”, ni tãhotueracãhña. Ñañene yeyequina Cohãcjũre bujũpeyequina ijire. Cohãcjũre bujũpeyequinare buhiri dahrerota tiquiro. <sup>8</sup> Mari ñañene tutuaro cahmena, tire yena, ti mehnata yarianata. Sa yena pecapũ wahanata. Espiritu Santo pehe tiquiro cahmeñene mari yegũ tiquiro marine ijipihtiye decori ahmusepũ ijiducugũ yerota. <sup>9</sup> Sa yena quehnoañene yena tire caributieracãhna mari. Cohãcjũ tiquiro queori pje ijigũ quehnoañene cõonata mari caributierana. <sup>10</sup> Sa yena ijipihtiyequinare mari ihñañequinape quehnoano yeihna mari. Mari acaye Jesu yequina pũritare apequina yahduoro quehnoano yeihna.

*Pablo yahu bato tiro, quehnoa duti bato tiahye*

<sup>11</sup> Bujũye letra yũhũ ojoari mehna ya omoca mehna MUSA sare yũhũ ojoarire ihñaña MUSA. <sup>12</sup> MUSA sare cuhnucunũ sohtoa cahserogãre yũhũre ne dutiyequina masa

tiquinare ño peogũ cahmene. Cristo curusapũ tiquiro yariarire yahuye buheyere mari buheri buhiri masa ñano yere marine. Tiquina sa yegũ ihñañe ahriquina MUSA sare cuhnucunũ sohtoa cahserogãre yũhũre ne dutire “Judio masa ye buheyere yeaja”, niñe. Sa tiquina ye dutigũ judio masa tiquinare ñano yeraboaga. Sa ye ti cahserogãre yũhũre ne dutire. <sup>13</sup> MUSA sare ti cahserogãre yũhũre ne dutiyequina pehe Cohãcjũ tiquiro dutirire ye pehoerare. Sa ye ti cahserogãre MUSA sare tiquina yũhũre ne dutiri bato MUSA yahdigũ ihñañe, judio masa pehe tiquinare MUSA sare yũhũre ne dutiyequinare ño peoboaga. Tiquina sa ño peotire MUSA sare dutire tiquina.

<sup>14</sup> Yũhũ pehe masa yũhũre tiquina ño peogũ cahmeda yãhdũaja. Mari pãhtoro Jesucristo curusapũ tiquiro yariari pehere masa tiquina ño peogũ cahmesãja yũhũ. Sa curusapũ tiquiro yariagũ ahri yehpa cjẽ ñañene watĩno yũhũre tiquiro ye dutigũ yerũ yũhũ. Sa yariaro ti ñañene yũhũre cahmedagũ yeri tiquiro. <sup>15</sup> Tiquiro sa yegũ Cristo Jesu yequina ijina ti cahserogãre mari yũhũre negũ ne dũhseati ijierare. Ti cahserogãre mari yũhũre nedagũ ḡhũre ne dũhseati ijierare marine. Sa ijiepegũta quehnoañe pehere mari comesagũ pũritare quehnoare. <sup>16</sup> Ijipihtina ahri yũhũ buherire yena, potota Cohãcjũ yequina ijina, cuero marieno quehnoano ijiya MUSA. Sa yena Cohãcjũ tiquiro paja ihñano mehna ijiya MUSA.

<sup>17</sup> Mari pãhtoro Jesu cahacjũ yũhũ ijiri buhiri yũhũ pagure cami tiaja yũhũ. Yũhũ sa ijirigũ ijigũ yojopare apequina yũhũre cariboeracãhdo.

<sup>18</sup> Yũhũ acaye, mari pãhtoro Jesucristo mehna MUSA sare ijipihtinare quehnoa duti-aja. Sata ijiahro.

## Efesios

### *Efeso cjēnare ojoa ohoahye Pablo*

<sup>1</sup> Yuhh Pablo m̄sare Efeso wame tiri maca cjānare ojoa ohoaja. Yuhh Jesucristo yere buhe duti tiquiro cūrigū iji-aja. Cohācjū tiquiro cahmeno sahata Jesu yuhh̄re tiquiro yere buheacj̄re cūri. Sa yegh m̄sare Jesucristore sa wacū tutuaducunare ojoa ohoaja yuhh. <sup>2</sup> Sa yegh Cohācjū mari Pac̄h mehna, mari p̄h̄toro Jesucristo mehna m̄sare quehnoa dutiaja. Tiquina yedohoye mehna quehnoano ijiya m̄sa.

### *Cristo yequina mari ijigū ihñano Cohācjū quehnoano yere marine*

<sup>3</sup> Cohācjū, mari p̄h̄toro Jesucristo Pac̄ro marine quehnoano yeducure. Ijipihtiyere tiquiro ye uhm̄se cjē quehnoañe mehna tiquiro marine quehnoano yeducure. Marine tiquirore quehnoano wacū tutuagū yeducure. Cristo yequina mari ijigū ihñano sa marine quehnoano yeducure. Tiquiro sa yeriquiro ijigū ihñana quehnoano ño peoye mehna tiquirore quehnoano yahuducuhna. <sup>4</sup> Ohō saha yeahye tiquiro marine tiquiro yequinare: Ahri yehpa ijiato pano tiquiro yequina ijianajare bese tuhasahye tiquiro marine. Sa beseahye marine ñañe mariena mari ijiatire. Sa yena ñañe mariena ijiata mari, tiquiro ihñagū. Sa yero marine “Ñana ijire m̄sa”, nisi tiquiro. <sup>5</sup> Marine cahño, paja ihñano panop̄h ohō saha niahye tiquiro marine: “Yuhh mac̄h Cristo yedohoro mehna tiquina yuhh̄ pohna ijieta”, ni cūahye marine panop̄h. Tiquiro cahmediro sahata sa yeahye tiquiro marine. <sup>6</sup> Marine tiquiro sa quehnoano yegū ihñana ño peoye mehna tiquirore quehnoano yahuducuhna. Tiquiro mac̄no tiquiro cahñiquiro yequina mari ijigū ihñano quehnoano yere marine. Sa yena tiquirore quehnoano yahuducuhna.

<sup>7-8</sup> Cristota ijire marine pecap̄h waha- borinare yuhd̄h̄oriquiro. Mari ñañe yerire tiquiro cohāgū ihñano, Cohācjū pehe mari ñañene bore. Cristo mari ñañe buhirire

yariaro tiquiro diire cohāh̄ye. Marine tutuaro cahño, marine paja ihñano sa ye dutiahye Cohācjū. Tiquiro masi pehoye mehna sa ye dutiahye tiquiro. <sup>9-10</sup> Sa yero marine tiquiro yeatire marine masigū yeri. Panop̄h apequinare tire masigū yerahye tiquiro. Ohō saha ijire marine tiquiro yeati: Tiquiro cahmediro sahata tiquiro t̄h̄oturiro sahata ijipihtiyequinare ihcā curuata Cristo yequina ijigū yerota. Sa yero ijipihtiyere tiquiro ye ijigū yerota. Tiquiro queori pje ijigū uhm̄se cjēnare, ahri yehpa cjēna gūh̄re, ihcā curuata tiquiro yequina ijigū yerota. Sa yero uhm̄se cjēne, ahri yehpa cjē gūh̄re tiquiro ye ijigū yerota. Sa yero Cristo pehe ijipihtiyequina p̄h̄toro ijirota. Sa ye ijipihtiyere tiquiro ye dihita ijirota. Sa ijiatiquiro iji dutiahye Cohācjū tiquirore.

<sup>11</sup> Sa yero Cristo yequina mari ijiatire masino panop̄h Cohācjū marine bese tuhasahye tiquiro yequina mari ijiatire. Ahri ijipihtiyere cūahye tiquiro t̄h̄oturiro sahata, tiquiro cahmediro sahata yero taro. <sup>12</sup> Sa yeahye tiquiro yere mari yeatire. Mari sa yegū ihñañe apequina tiquirore ño peoye, “Tutuagū ijire m̄h̄h”, nine. Ūsā pehe judio masa Jesure cahme d̄ucarina ijina tiquirore wacū tutua m̄htarina iji. <sup>13</sup> M̄sa gūh̄h poto yahuducuyereta quehnoañe buheyere t̄h̄ori. Ti buheye mehnata Cohācjū cahap̄h wahanata m̄sa. Tire t̄h̄ona tiquirore wacū tutuari m̄sa. Sa wacū tutuana tiquiro yequina wahari m̄sa. Tiquiro yequinare ohō saha niahye Cristo: “M̄sare Esp̄ritu Santore ohoutja”, ni yahu cūahye. Sa yero tiquirore m̄sa wacū tutuagū ihñano Esp̄ritu Santore ohori m̄sare. Sa yero Esp̄ritu Santo m̄sa mehna ijiro Cohācjū yequina m̄sa ijiye tiyere masigū yere tiquiro pehe. <sup>14</sup> Cohācjū marine yahd̄h̄gū yere. Sa yero came tiquiro cahap̄h neanota marine. Marine tiquiro neatō pano Esp̄ritu Santo pehe Cohācjū yere mari c̄oatire masigū yere marine. Cohācjū marine tiquiro sa yegū ihñana tiquirore ño peoye mehna “Quehnoagū ijire m̄h̄h”, niaja mari.

*Pablo Cohācj̄re sini basahye Jesu*

*yequinare*

<sup>15-16</sup> Cristore m<sub>usa</sub> wacū tutuana ijigū ihñag<sub>u</sub> Cohācjūre sa sini basaducuaaja m<sub>usare</sub>. Jesucristore m<sub>usa</sub> wacū tutuarire, ijipihtiyequina tiquiro yequinare m<sub>usa</sub> cahīdire t<sub>uhog</sub> Cohācjūre “Quehnoare”, niaja. Ohō saha tiquirore sini basaja m<sub>usare</sub>: <sup>17</sup> Cohācjū <sub>u</sub>m<sub>use</sub> cjāno tiquiro yere m<sub>usa</sub> quehnoano masiatire sini basaja. Sa yeg<sub>u</sub> tiquirore m<sub>usa</sub> quehnoano masiatire sini basaja m<sub>usare</sub>. Tiquiro mari p<sub>u</sub>htoro Jesucristo Pac<sub>u</sub>ro ijire. <sup>18</sup> Sa yeg<sub>u</sub> m<sub>usa</sub> quehnoano masiatire m<sub>usare</sub> sini basaja Cohācjūre. Tiquiro m<sub>usare</sub> y<sub>u</sub>hd<sub>u</sub>oro, tiquiro yequina ijigū yeri m<sub>usare</sub>. Tiquiro sa yegū quehnoa y<sub>u</sub>hd<sub>u</sub>are marine. Tire m<sub>usa</sub> masiatire sini basaja m<sub>usare</sub> Cohācjūre. Sa yeg<sub>u</sub> marine tiquiro ohoatire quehnoa y<sub>u</sub>hd<sub>u</sub>aye ti ijigū gūh<sub>u</sub>re m<sub>usa</sub> masiatire sini basaja. <sup>19</sup> Ohō saha m<sub>usa</sub> masiatire sini basaja m<sub>usare</sub> Cohācjūre. Cohācjūre wacū tutuana mari ijigū ihñano tiquiro tutuaye mehna marine yedohore. Tutua y<sub>u</sub>hd<sub>u</sub>ariquiro ijire. Ti gūh<sub>u</sub>re m<sub>usa</sub> masiatire sini basaja Cohācjūre. <sup>20</sup> Ti tiquiro tutuaye mehna tiquiro Cristo yariariquirore masoahye. Sa yero <sub>u</sub>hm<sub>u</sub>sep<sub>u</sub> tiquiro potō pehep<sub>u</sub> Cristore dujigū yeahye Cohācjū, ijipihtiyequinare tiquiro dutiatio saha. <sup>21</sup> Top<sub>u</sub> dujiro ijipihtiyequina <sub>u</sub>hm<sub>u</sub>se cjēna p<sub>u</sub>htoa bui, ijipihtiyequina apequina bui ijire Cristo. Sa yero yojop<sub>u</sub>re ijipihtiyequina ahri deco cjēna bui p<sub>u</sub>htoro ijire. Camep<sub>u</sub> ijipihtiyequina ape deco cjēnap<sub>u</sub> gūh<sub>u</sub>re tiquina bui p<sub>u</sub>htoro ijiatiquirota ijire tiquiro. <sup>22</sup> Sa yero ijipihtiyequina bui cūahye Cohācjū Cristore. Sa yero ijipihiyere c<sub>u</sub>oriquiro yeahye tiquirore. Sa yero Cristo yequina ihcā curua ijiyequina bui p<sub>u</sub>htoro sōahye tiquirore. Tiquina dapu ijire tiquiro pehe. <sup>23</sup> Cristo yequina ihcā curuata ijina, tiquiro pag<sub>u</sub> yero saha ijiaja. Cristo ijipihitrop<sub>u</sub> sa ijiducure. Sa yero ijipihiyē tiquiro bajumehnedi mehna sa ijiducure.

**2**

*Cohācjū marine cahño, paja ihñano y<sub>u</sub>hd<sub>u</sub>oahye marine*

<sup>1</sup> Ñañe buhiri tina, pecap<sub>u</sub> butiborina m<sub>usa</sub> ijiepegāta Cohācjū m<sub>usare</sub> y<sub>u</sub>hd<sub>u</sub>ori. <sup>2</sup> Panop<sub>u</sub>re ahri yehpa cjēna Cohācjūre y<sub>u</sub>hd<sub>u</sub>ucayequina yero saha yemedi m<sub>usa</sub>. Sa yena watīno tiquiro nidiro saha yemedi m<sub>usa</sub>. Tiquiro watīno ahri yehpap<sub>u</sub> dutiriquiro Cohācjūre y<sub>u</sub>hd<sub>u</sub>ucayequina p<sub>u</sub>htoro ijire. <sup>3</sup> Panop<sub>u</sub>re ijipihitina mari ohō saha dihita yerina ijimi. Mari ñañe dihitare tutuaro cahmemi. Mari esa tuharo, mari t<sub>u</sub>hoturiro saha yemi. Sa yena ijina ijipihtiyequina apequina yero saha, mari gūh<sub>u</sub> ñana ijimi. Mari sa yena ijigū ihñano Cohācjū mari mehna usuaro, buhiri dahre duamahye. <sup>4</sup> Sa ye duariquiro ijieperota marine tutuaro paja ihñano, quehnoano cahīdi marine. <sup>5</sup> Sa cahī y<sub>u</sub>hd<sub>u</sub>aro, mari ñañe buhiri pecap<sub>u</sub> butiborina mari ijiepegāta marine tiquiro mehna sa ijiducuanaja ijigū yeri. Cristo yequina mari ijigū ihñano marine sa yeri. Marine paja ihñano, y<sub>u</sub>hd<sub>u</sub>ori tiquiro marine. <sup>6</sup> Sa yero Cristo yequina mari ijigū ihñano Cohācjū marine came tiquiro masoatinare cūri. Cristo tiquiro masoatinare cūri marine. Sa yena tiquiro mehna masa m<sub>u</sub>janata mari. Sa yero <sub>u</sub>hm<sub>u</sub>sep<sub>u</sub> marine Cristo mehna ijigū yerota Cohācjū. <sup>7</sup> Ohō saha yeri marine tiquiro paja ihñarire, camep<sub>u</sub> ijiatiquinare masigū yero taro. Sa yeri tiquiro tutuaro cahñene tiquinare masigū yero taro. Cristo yequina mari ijigū ihñano sa y<sub>u</sub>hd<sub>u</sub>ori tiquiro marine. <sup>8</sup> Cristore mari wacū tutuagū ihñano Cohācjū marine pecap<sub>u</sub> wahaborinare y<sub>u</sub>hd<sub>u</sub>ori. Marine paja ihñano, marine cahño marine y<sub>u</sub>hd<sub>u</sub>ori. Mari esa tuharo mari quehnoano yeye mehna Cohācjū cahap<sub>u</sub> waha masiedaja mari. Cohācjū pehe marine y<sub>u</sub>hd<sub>u</sub>ore. Sa yero tiquiro mehna mari sa ijiducuatire ohore marine. Tiquiro sa ohogū mari esa tuharo quehnoañene mari yeri wapa ijierare ti. <sup>9</sup> “ ‘<sub>U</sub>sā esa tuharo pecap<sub>u</sub> wahaborina y<sub>u</sub>hd<sub>u</sub>u’, niboaga”, nino ohō saha dutiahye tiquiro: Mari esa tuharo y<sub>u</sub>hd<sub>u</sub> dutierare marine. <sup>10</sup> Cristo yequina ijigū yeri marine Cohācjū pehe quehnoañe dihitare yeanaja mari ijiatire. Panop<sub>u</sub> quehnoañene mari yeatire cū tuhasahye tiquiro marine.

*Cristore c̄ona mari quehnoano ijiaja*

11 Sa yena panop̄ m̄sa ijie tirire yojop̄ ḡh̄ure wac̄ña m̄sa. Cristo yequina ijieranina judio masa ijiena ijina m̄sa acaye yero saha yerina ijimedi m̄sa. Cuhnucun̄ cahseroḡare ȳhre nedari m̄sa. M̄sa sa ȳhre nedaḡ ih̄ña us̄a judio masa pehe cuhnucun̄ cahseroḡare ȳhre nena pehe m̄sare ih̄ña tuhtina oh̄ saha nie tii. “Cuhnucun̄ cahseroḡare ȳhre neeñequina ijiye, Coh̄cj̄u yequina ijierare”, nie tii m̄sare. 12 Ti pjere Cristo yequina ijierari jimedi m̄sa. Us̄a judio masa pehe Coh̄cj̄u beserina ijie tii. Us̄a sa ijiḡu “M̄sare ȳhd̄outja”, ni c̄ahye Coh̄cj̄u us̄are. Sa yena m̄sa pehe tiq̄iro sa ni c̄urina ijierari jimedi. Sa ye Coh̄cj̄u beseriquinare ih̄ña tuhtina ijinimedi m̄sa. M̄sa ñāne buhirire pecap̄ wahanaja ijiri jimedi m̄sa. Coh̄cj̄u mariena ijina pecap̄ waha, butiborina ijie tiri jimedi m̄sa.

13 Yojop̄ pehere Cristo Jesu yequina ijire m̄sa. Panop̄ Coh̄cj̄ure ih̄ña tuhtirina ijiepenata, yojop̄re tiq̄iro yequina ijire m̄sa. Cristo m̄sa ñāne buhiri curusap̄ tiq̄iro dii coh̄ari bato Coh̄cj̄u yequina ijiḡu yeri m̄sare. 14 Us̄are judio masare ih̄ña tuhtina m̄sa ijiḡu ih̄ñoano Cristo marine ih̄ña tuhti dutierari. Masare sa ni yahuriquiro ijire tiq̄iro. Us̄a judio masa, judio masa ijiena mehna p̄a curua mari ijiḡu ih̄ñoano, tiq̄iro ihc̄a curuata ijiḡu yeri marine. Mari cahme ih̄ña tuhtirire duhuḡu yeri tiq̄iro. 15-16 Oh̄ saha tire yeri tiq̄iro: Mari ñāne buhirire curusap̄ yariaro marine pecap̄ waha borinare ȳhd̄ori. Sa ȳhd̄oro tiq̄iro yequina ijiḡu yeri marine. Sa yero p̄a curua mari ijiepeḡata ihc̄a curuata wahma curua ijiḡu yeri marine. Sa yero panop̄ mari cahme ih̄ña tuhtirina mari ijiepeḡata marine ih̄ña tuhtieraḡu yeri. Sa yero judio masa us̄a dutiyere coh̄ari tiq̄iro. Ti dutiye marine p̄a curua iji dutiri jimedi. Yojop̄re ihc̄a curuata ijiaja mari. Sa yero Cristo Coh̄cj̄u yequina ijiḡu yeri marine.

17 Sa yero marine cahme ih̄ña tuhtieraḡu yero taro Cristo quehnoañe buheyere yahuro ahtahye. M̄sa judio masa ijiena Coh̄cj̄u yere c̄oerari jimedi. M̄sa sa c̄oeraḡu ih̄ñoano m̄sare yahuro ahtahye.

Us̄a judio masa pehe Coh̄cj̄u yere c̄ou. Us̄a ḡh̄ure yahuro ahtahye. Sa yero ijipihtinare marine cahme ih̄ña tuhtieraḡu yero, bosaro ahtahye tiq̄iro. 18 Yojop̄re ijipihtina mari judio masa, judio masa ijiena ḡh̄u mari Pac̄u mehna quehnoano iji masiaja mari. Esp̄ritu Santo tiq̄iro yedohoye mehna mari Pac̄u mehna quehnoano iji masiaja mari. Cristo pehe marine sa ijiḡu yeri.

19 Sa yena yojop̄re ape dihta cj̄ena yero saha ijierare m̄sa. Yojop̄re Coh̄cj̄u yequinare ih̄ña tuhtina ijierare m̄sa. Coh̄cj̄u yequina mehna cj̄ana ijire m̄sa. Tiq̄iro ya curua cj̄ana ijire m̄sa. 20 Coh̄cj̄u yere yahu m̄htariquina panop̄ cj̄ena tiq̄iro ye yahuducuyere oja, m̄sare yahue tiahye. Us̄a ḡh̄u tiq̄iro yere yahu dutiro tiq̄iro c̄urina ḡh̄u Cristo yere yahue tii m̄sare. Us̄a ijipihtina sa yahuḡu t̄hona, Cristore wac̄u tutua d̄cari m̄sa. Quehnoa ȳhd̄ariquiro, ñāne marieniquiro ijiro, tiq̄iro yequina ijiḡu yeri tiq̄iro m̄sare. Tiq̄iro mariedaḡu mari ne ȳhd̄eraboya. 21 Sa yero tiq̄iro masiñe mehna marine tiq̄iro yequinare ihc̄a curua ijiḡu yeri tiq̄iro. Sa yena tiq̄iro masiñe mehna quehnoana wahaja mari. Mari sa ijiḡu ih̄ñoano, tiq̄iro mari mehna ijire. 22 Sa yena Cristo yequina ijina ijipihtiyequina apequina tiq̄iro yequina mehna ihc̄a curua wahari m̄sa ḡh̄u. M̄sa sa wahaḡu Coh̄cj̄u yaquiro Esp̄ritu Santo m̄sa mehna ijiro nine.

### 3

*Judio masa ijieyequinare quehnoañe buheyere yahuriquiro ijiahye Pablo*

1 Sa yeḡu ȳh̄u Pablo, Cristo Jesu yere m̄sare ijipihtina judio masa ijienare ȳh̄u yahuri buhiri peresup̄ ijiaja ȳh̄u. 2 Coh̄cj̄u ȳh̄ure paja ih̄ñoano, ȳh̄ure cah̄no, quehnoañe buheyere m̄sare judio masa ijienare ȳh̄ure yahu dutiro, c̄uri. Tire t̄ho tuhasari m̄sa. 3 Panop̄ m̄sare tiq̄iro yahuerarire Coh̄cj̄u yojop̄re ȳh̄ure masiḡu yeri. Ahrire mehenoḡa yahu, m̄sare oja tuhasa. 4 Ȳh̄u sa ojoarire buhena Cristo yere ȳh̄ure tiq̄iro masiḡu yerire masinata m̄sa. 5 Ti tiq̄iro

yahurire panopu cjēnare tiquiro yahuer-ahye. Yojoꝑu pehere usāre Jesu cūrinare, Cohācjū yere yahu mahtariquina gūhare tiquiro yahurire masigū yeri Cohācjū. Tiquiro yaquiro Espiritu Santo pehe usāre masigū ye basari tiquirore. <sup>6</sup> Ohō saha ijire tiquiro yahuri: Usā judio masa dihitare Cohācjū yuhduerare. Judio masa ijieyequina gūhare yuhduorota tiquiro. Quehnoañe buheyere tiquina quehnoano tūhogū yuhduorota tiquiro tiquinare. Sa yena usā judio masa, mūsa judio masa ijiena mehna ihcā pagu yero saha ihcā curuata ijiaja mari. Sa yena mari ijipihtina Cristo Jesu yequina ijina ihcāno saha Cohācjū “Mūsare yuhduoutja”, tiquiro ni cūriro sahata tiquiro yuhduonohrina ijiaja mari.

<sup>7</sup> Cohācjū yuhure paja ihñano, yuhure cahño ahri quehnoañe buheyere yahuacjūre yuhure cūri. Tiquiro masiñe mehna sa cūri yuhure tiquiro. <sup>8-10</sup> Ijipihtiequina apequina Jesu yequina docapu ijieyequina tiquina docapu waro ijiaja yuhū. Yuhū sa ijiepegūta judio masa ijieyequinare quehnoañe buheyere yahuacjūre cūri Cohācjū yuhure. Ti buheye Cristo quehnoa yuhduariquiro tiquiro ijiyere, quehnoa yuhduye tiquiro cūoyere tiquiro ohoatire yahure marine. Yuhure sa cūno Cohācjū “Ohō saha yuhduoutja masare pecapu wahaboriquinare”, nino tiquiro yuhduoatire quehnoano yahu pehoacjūre cūri tiquiro yuhure. Sa yero panopu cjēnare ti buheyere ne yahu pehoeraniahye Cohācjū. Ijipihtiyere bajumehnediquiro ijire tiquiro. Yojoꝑu quehnoañe buheyere yahu dutiro cūri tiquiro yuhure, tiquiro quehnoano masi pehooyere masigū yero taro. Masi pehoriquiro tiquiro ijiye tiyere uhmuse cjēna dutieyequinare, angele puhto gūhare masigū ye duahye tiquiro. Sa yero taro quehnoañe buheyere buhe dutiri marine Jesu yequinare. Mūsare judio masa ijienare yahu dutiri yuhure.

<sup>11</sup> Ahri yehpa ijiajo panoputa “Masare pecapu wahaboriquinare yuhduoutja” niahye Cohācjū. Sa nidiquiro ijiro yojoꝑu mari puhtoro Cristo Jesu tiquiro yariaro mehna tiquiro nidiro sahata marine

yuhduori Cohācjū. <sup>12</sup> Tiquiro sa yuhduogū yojoꝑu Cristore wacū tutuana tiquiro yequina wahaja mari. Tiquiro yequina ijina cuero marieno Cohācjū mehna yahuducu masiaja mari. <sup>13</sup> Quehnoañe buheyere mūsare yuhū buheri buhiri yojoꝑu peresupu ijigu yuhū ñano yuhduogū ihñana bujūa witieracāhña. Quehnoañe buheyere yuhū yahugū tūhona Cohācjū yequina wahari mūsa. Yuhū sa yeri buhiri peresupu ijiaja. Sa yegu mūsa ye ijiatire ñano yuhduogu niaja. Sa yena bucueya mūsa. Tire tutuaro bucue dutiaja mūsare.

### *Cristo masare tutuaro cahñe*

<sup>14</sup> Sa yegu ahri ijipihtie mari Pacu tiquiro yerire wacūgu tiquiro poto dusepe curi mehna quehe sagu sini basaja mūsare.

<sup>15</sup> Tiquiro ijipihtie cururi cjēna, tiquiro yequina uhmusepu ijieyequina, ahri yehpapu ijiniñequina gūhu tiquina Pacuro ijire. Ijipihtina mari Pacu ijire tiquiro.

<sup>16</sup> Tiquirore ohō saha ni sini basaja mūsare: Tiquiro masi pehoriquiro ijire. Tutua yuhduariquiro ijire. Sa yero tiquiro masiñe mehna mūsare quehnoano tiquiro wacū tutuagū yeatire sini basaja. Espiritu Santo yedohoro mehna sa yerota.

<sup>17</sup> Sa yegu Cristore mūsa wacū tutua nemoatire tiquiro mūsa mehna tiquiro quehnoano ijiatire sini basaja mūsare. Sa yegu apequinare quehnoano cahña mūsa ijigū, Cristo tiquiro tutuaro cahñene mūsa masiatire sini basaja mūsare.

<sup>18-19</sup> Ijipihtiequina apequina Cohācjū yequina gūhu Cristo tiquiro tutuaro cahñene tiquina masiatire sini basaja. Tiquiro ijipihtiequina masare cahñi yuhduariquiro ijire. Sa cahñiquiro tiquiro ijiye tiyere mūsa quehnoano masiatire sini basaja mūsare. Sa yegu tiquiro cahñene mūsa masigū cahmeaja mūsa mehna Cohācjū quehnoano ijiatire. Quehnoa yuhduariquiro, ñañe marieniquiro tiquiro ijiro saha mūsa wahatire tiquiro cahñene mūsa masigū cahmeaja. Sa yegu tiquiro cahñene mūsa masiatire sini basaja mūsare Cohācjūre.

<sup>20</sup> Sa ye Cohācjūre ño peoye mehna “Tiquiro tutuariquiro ijire”, niñna mari. Tiquiro masiñe mehna quehnoañe pehere

comesa masine tiquiro marine. Marine quehnoana ijigū ye masine. Mari sinidi yuhduoro ye masine tiquiro. Mari cahmeñene mari tuhaturi yuhduoro ye masine tiquiro. <sup>21</sup> Cristo Jesu yequina mari ijigū ihñañe, Cristo ijiye tiye gūhure ihñañe, ijipihitiye decori ijipihtiyequina Cohācjäre ño peoahro. Sata yeahro.

## 4

### *Cristo yequina ijina ihcā curuata ijiaja mari*

<sup>1</sup> Sa yegū māsare tutuaro yahuaja: Cohācjū tiquiro yequina ijiatinare māsare besee tiahye. Sa yena tiquiro beserina ijina tiquiro iji dutiriro saha quehnoana ijiya mūsa. Tire māsare yahuaja yūhū. Mari pūhtorore yūhū yedohori buhiri peresupū ijiaja yūhū. Sa ye māsare quehnoana iji dutiaja. <sup>2</sup> “Ūsā pūrita masi yuhducaja”, ni tuhutuna ijieracāhña. Apequinare quehnoano mehna yeya usuaro marieno. Mūsa mehna cjēna māsare tiquina ñano yepegūta tiquinare cahñe mehna sa ihña cāhña. <sup>3</sup> Sa yena Espiritu Santo yedohoye mehna quehnoano mehna ihcāno mehna ijiducuya mūsa. Sa yena cahmequeno marieno ijinata mūsa. <sup>4</sup> Ihcā pagū yero saha ihcā curua ijiaja mari. Sa yero Espiritu Santo ihcāquiota ijire. Cohācjū tiquiro yequina ijianajare māsare besee tiahye māsare yuhduoro taro. Sa yena tiquiro yuhduoatire masine mūsa. Ti mūsa masidi ihcānota ijire. <sup>5</sup> Mari pūhtoro Cristo ihcāquiota ijire. Tiquiro buheye gūhū ihcānota ijire. Tiquiro yequinare wame yeye gūhū ihcānota ijire. <sup>6</sup> Sa yero Cohācjū ihcāquiota ijire. Tiquiro ijipihtiyequina Pacūro ijire. Sa yero mari pūhtoro ijire. Sa yero ijipihtinare marine yedohore tiquiro. Ijipihtina mari mehna ijire tiquiro. Sa yero ijipihtiropū ijire tiquiro.

<sup>7</sup> Ihcā curua mari ijiepegūta ijipihtina marine mari ye masiatire cūri Cristo. Tiquiro cūriro sahata ye masiaja mari. Tiquiro marine sa cūno apee borore tiquiro sa oho cāriro saha yero nidi tiquiro. <sup>8</sup> Sata nine Cohācjū yere tiquina ojoari pūpū:

Cohācjäre ihña tuhtiyequinare tiquiro yuhduhcari bato tiquiro pari turi mūjaa waharota. Sa mūjano tiquiro peye sa oho cānota masare, ni ojoahye panopūre.

<sup>9</sup> “Tiquiro pari turi mūjaa waharota”, tiquiro nigū coā warore tiquiro dijia tari gūhure mari masiaja. Ahri yehpapūre tiquiro dijia tarire mari masiaja. <sup>10</sup> Sa yero ohōpūre dijia tariquiro tiquirota ijire mūjaa wahariquiro. Ijipihtiyē bui mūjaa wahari tiquiro, ijipihtiropū ijiro taro. <sup>11</sup> Tiquiro ijire “Masare peye sa oho cāriquiro”, tiquina nidiquiro. Masare tiquiro sa oho cāno saha tiquiro peye tiquina ye masiatire cūri masare.

Ohō saha cūri tiquiro: Ihquēquinare Cristo ye buheyere buheatiquinare cūri. Apequinare Cohācjū yere yahu mūhtatiquinare cūri. Quehnoañe buheyere buhe tiniatiquinare apequinare cūri. Cristo yequina cahmecoañequina pūhtoa ijiatiquinare, quehnoano buheatiquinare cūri apequinare.

<sup>12</sup> Sa dihita cūri marine apequinare tiquiro yequinare mari yedohoatire. Sa cūri marine tiquiro yequinare tiquirore mari wacū tutua nemoatire, tutuana mari wahatire. <sup>13</sup> Sa yena mari ijipihtina quehnoano mehna ihcāno mehna ijinata. Sata ijiro cahmene marine Cristore wacū tutuana ijina. Sa yena mari ijipihtina Cohācjū macūnore quehnoano masinata. Sa yena Cristo tutuariquiro, quehnoano masiniquiro tiquiro ijiriro saha mari gūhū quehnoano masina wahanata.

<sup>14</sup> Mari sa wahana macanagā yero saha ijisi mari. Macanagā quehnoano tuho masiedarīaga. Apequina tiquina buhegū “Ahri poto ijire”, ni tiquina ni meho buhegū macanagā yero saha ijiyequina apeye buheyere tuho, beseducure. Sa ye apequina tiquina sijoro saha buhegū ti buheye pehere cahmene. Tiquina yero saha ijisi mari.

<sup>15</sup> Ohō saha yenatja mari: Mari mehna cjēnare cahme cahña, poto quehnoañe buheyere yahunatja tiquinare. Sa yena macanagā tiquina bucūa tuho masiñequina

tiquina wahariro saha mari gũhũ tutuana, Cohãcjũ yere quehnoano masina wahanatja. Cristo ijero saha wahanata.

Tiquiro ijire mari dapu. <sup>16</sup> Tiquiro yequina ijina tiquiro pagũ yero saha ihcã curuata ijiaja mari. Sa yena mari caperi, mari cahmo, mari dahpocãri ihcã pagũpũ ti quehnoano ijero saha mari gũhũ peyequina ijiepenata ihcãno mehna quehnoano ijiaja. Mari sa ihcãno mehna mari ijiatire Cristo yedohore. Mari omocari mari pagũre ti quehnoano yedohoro saha mari quehnoano yedohoja apequinare Cristo yequinare. Sa yena mari mehna cjẽnare Cristo yequinare quehnoano cahĩna, tiquinare quehnoano yedohona, tutuana Cristore wacũ tutua nemona wahanata mari.

*Cristo yequina wahana mari ñaĩne yeyere duhu, quehnoaĩne pehere comesaja mari*

<sup>17</sup> Sa ye mari pũtoro Cristo tiquiro dutiro mehna ohõ saha niitja mũsare: Cohãcjũre cahmeeĩnequina waro yero saha yeracãhña mũsa. Tiquina tũhotuye pehe ñaĩne dihita ijire. Sa ye tiquina tũhotuye dũhseati ijierare. <sup>18</sup> Sa yero Satana Cohãcjũ yere tiquinare tũhoeragũ yere. Sa ye tiquiro yere ne tũhoerare. Tũho duerare tiquina. Sa ye Cohãcjũ tiquiro quehnoano iji dutiriro saha ijierare tiquina. <sup>19</sup> Sa ye tiquina ñano yeye ne bũe tiera yũhdũare. Ne bũjũa witierare. Ñaĩne tiquina tutuaro cahmeĩne dihitarre yeducure. Ijipihtiyi ti ñaĩne yeducuye duhu duerare. <sup>20-21</sup> Mũsa pehe poto tiquiro yere tũhona mũsa ijigũ, Jesu yere quehnoano masina mũsa ijigũ mũsa pehere tiquina yero saha ye dutierare tiquiro. <sup>22</sup> Sa yena panopũ mũsa yerire duhu cãhña. Ti pjere ñaĩne yeducuna mũsa ijigũ ti ñaĩne pehe mũsare dojomehneno nimesi. “Ñaĩne yena, quehnoano bucuenata”, ni tũhotuna ijiepenata ne bucuerari mũsa. <sup>23</sup> Sa ye mũsa tũhotuyere quehnoaĩne pehere comesaro cahmene mũsare. <sup>24</sup> Panopũ mũsa ñaĩne yerire duhu cãhña. Sa yena quehnoaĩne pehere comesarina ijiya mũsa. Ohõ saha ijiyequina Cohãcjũ yero saha ijire. Mũsa sa ijina, quehnoaĩne yeducunata. Sa yena ñaĩne yabinata mũsa.

<sup>25</sup> Sa yena mũsa ni mehorire duhu cãhña. Mũsa mehna cjẽnare poto yahuya, ni mehono marieno. Mari ihcã pagũ yero saha ihcã curua cjãnata ijina niaja. Sa yena mũsa basi ni mehoedacãhña.

<sup>26</sup> Apequinare usuana, tiquinare ñano yeracãhña. Sa yena usuana, ne yoari pje usuaducueracãhña mũsa. <sup>27</sup> Yoari pje usuana, watĩno tiquiro cahmeno saha yena niaga mũsa. Sa yeracãhña.

<sup>28</sup> Ihquẽquina mũsa mehna cjãna Jesu yequina mũsa ijiato pano yaquerina ijina pari turi yaqueracãhña. Sa yena yojopũre quehnoano dahraya pejecũoyequinare mũsa ohoatire.

<sup>29</sup> Ne ñano yahuducueracãhña. Quehnoaĩne yahuducuna apequinare yedohore mũsa. Sa yena quehnoaĩne dihitarre yahuducuya.

<sup>30</sup> Ñaĩne yena Espĩritu Santore bũjũa witigũ yena niaga mũsa. Sa yeracãhña. Yojopũre pihtiri deco pano Cristo marine tiquiro neato pano Espĩritu Santo marine ihña ihbore marine ñaĩne ye dutieraro. Sa yero Cristo yequina mari ijiyere masigũ yere tiquiro marine. Sa yena tiquirore bũjũa witigũ yeracãhña.

<sup>31</sup> Sa yena ne ñano ye nemoedacãhña. Usua, cahme dũse tutua nemoedacãhña. Apequinare ñano ni saũducu nemoedacãhña. Apequinare quiti dahre nemoedacãhña. Ne apequinare ñano ni tũhotu nemoedacãhña.

<sup>32</sup> Sa ye mũsa mehna cjẽnare quehnoano mehna quehnoano yeya. Cristo yequina mũsa ijigũ ihñano mũsa ñaĩne bo cãhri Cohãcjũ. Ohõ saha apequina mũsare tiquina ñano yegũ ihñana tiquina ñaĩne bo cãhña mũsa gũhũ.

## 5

*“Cohãcjũ pohne ohõ saha ijero cahmene”, ni yahuahye Pablo*

<sup>1</sup> Sa ye Cohãcjũ pohna tiquiro cahñona ijina Cohãcjũre ihña cũña mũsa. <sup>2</sup> Sa yena apequinare sa cahĩducuya. Cristo marine cahĩno, mari ñaĩne buhiri yariahye. Sa yariaro Cohãcjũre bucuegũ yeahye tiquiro. Sa yena marine tiquiro cahĩdiro saha mũsa gũhũ apequinare cahĩña.

<sup>3</sup> Sa yena Cohãcjũ yequina ijina ne numia mehna ñano yeracãhña. Numia gũhũ mũsa

mehna ñano yeracãhña. Apeye ñañene ohõ saha ijiye ñañene yeracãhña. Apee borore cahme yãhdũeracãhña. Ne sa yeraro cahmene m̄sare Cohãcjũ yequina ijina. <sup>4</sup> Sa yena b̄oyere cahme yahuducueraro cahmene m̄sare. Tũho masieñequina yero saha yahuducueraro cahmene m̄sare. Sa yena ñano ni b̄jũperaro cahmene m̄sare. Ahri pehere yero cahmene m̄sare. Cohãcjũ mehna yahuducuro cahmene m̄sare. Sa yahuducuna tiquirore “Quehnoano yeri m̄hũ ãsãre”, nino cahmene. <sup>5</sup> Apee borore cahme yãhdũana, “Cohãcjũ ijire”, mari niñe queoyere mari cahmeno saha yena niaja mari tire. Doeri cjẽne ño peoyequina yero saha yena niaja mari. Sa ye w̄ana tiyequina, ñañe dihitare tãhotuyequina, apee borore cahme yãhdũayequina Cohãcjũ, Cristo mehna tiquina p̄htoro ijirop̄ ne wahasi tiquina. Tire quehnoano masiaja mari. <sup>6</sup> Ohõ saha yeyequina tiquina yeri buhiri buhiri dahrerota Cohãcjũ tiquirore yãhdũucayequinare. Sa yena apequina m̄sare “Ahri ñañe ijierare”, tiquina ni mehogũ tũhoeracãhña. <sup>7</sup> Sa yena ohõ saha ñano ye yãhdũucayequinare ne piti tieracãhña.

<sup>8</sup> Cristo yequina m̄sa ijiato pano sa ijirinata ijimedi m̄sa gũhũ. Yojop̄ pehere tiquiro yequina ijina, Cohãcjũre quehnoano masine m̄sa. Cohãcjũ yequina quehnoañene yere. Sa yena sa yero cahmene m̄sare. <sup>9</sup> Sa yena Cristo yequina ijina quehnoañene, Cohãcjũ cahmeñene, ni mehono marieno yeducunata m̄sa. <sup>10</sup> Quehnoañene mari yegũ ihñano mari p̄htoro Cristo bucuere. Sa yena tire yeya. <sup>11</sup> Cristore cahmeñequina ñañe tiquina yeye ñañe waro ijire. Sa yena tiquina yero saha m̄sa pehe yeracãhña. Quehnoañe buheyere Cristo yere yahuya tiquinare. Sa yena tiquina ñañe yeyere tiquinare masigũ yeya. <sup>12</sup> Masa ihñenop̄ tiquina ñano ye cohtere. Tiquina sa yerire yahuducuna mari b̄e tiboaga. Sa yeye ña yãhdũaro yere tiquina. <sup>13</sup> Sa yena tiquinare quehnoañe buheyere mari yahuna, ña yãhdũayequina tiquina ijiyere masigũ yena niaja mari tiquinare. Ijipihtiye mari yerire marine

masigũ yere quehnoañe buheye, buhrioro marine ti ihña masigũ yero sahata. <sup>14</sup> Ti ijirota ijire. Sa ye ohõ saha ni yahure Cohãcjũ yere yahuyequina:

Ne, yãhũre tũho duena, tũhoya m̄sa. M̄sa ñañe yeyere b̄jũa witi, tire duhuya. Cristo m̄sa ñañe yeyere masigũ yerota, ni yahure.

<sup>15</sup> Sa yena decoripe quehnoano yeya m̄sa. Tũho masieñequina yero saha ijieracãhña. Tũho masina ijiya. <sup>16</sup> Yojop̄ cjẽna masa ña yãhdũaro yeducure. Sa yena m̄sa pehe quehnoañene, Cristo yere sa yeducuya m̄sa. <sup>17</sup> Sa yena tũho masiena ijieracãhña. Cohãcjũ cahmeñene quehnoano masiña. Sa yena tire yeya. <sup>18</sup> Sa ye pairure sihni queheracãhña. Queheyequinare ñano yãhdũaro cua yãhdũare. Sa yena pairure tutuaro cahmedacãhña. Espiritu Santo pehere tutuaro cahmeña m̄sa mehna tiquiro quehnoano ijiatire. Tiquirore quehnoano yãhtiya. <sup>19</sup> Sa yena m̄sa basi Cohãcjũre ño peo basayere cahme yahuducuya. Sa yena Salmore Cohãcjũ yere basayere, apeye tiquirore ño peo basaye gũhũre tiquirore basa peoya m̄sa. Quehnoano wacũ ño peoye mehna basa peoya. Sa yena mari p̄htoro Cristore ño peoya. <sup>20</sup> Cohãcjũ mari Pacũ ijipihtiye m̄sare tiquiro ohorire bucue “Quehnoare”, sa niducuya m̄sa tiquirore. Mari p̄htoro Jesucristo yequina ijina mari Pacũre “Quehnoare”, sa niducuya m̄sa.

*“M̄sa ihcã w̄hũ cjãna Jesu yequina ijina, ohõ saha yeya”, ni yahuahye Pablo*

<sup>21</sup> Sa ye m̄sa mehna cjẽnare cahme ño peoye mehna yãhtiya. Sa cahme ño peo yãhtina Cristo gũhũre ño peona nine m̄sa.

<sup>22</sup> M̄sa namosãnumiare yahutja yojop̄re. Mari p̄htoro Cristore mari yãhtiro saha m̄sa manũsum̄are quehnoano mehna yãhtina numia ijiya. <sup>23</sup> Jesucristo marine yãhdũore tiquiro ya curua cjãna mari ijiatire. Sa yero mari tiquiro ya curua cjãna mari p̄htoro tiquiro ijiro saha m̄sa manũsum̄a m̄sa namosãnumia p̄htoa ijire. <sup>24</sup> Sa yena Cristo yequina ijina tiquirore sa yãhtiducuja mari. Sata m̄sa namosãnumia m̄sa manũsum̄are quehnoano yãhtiducuna numia ijiya.



25 MUSA manUSUMUA pehere yahutja yojopure. Cristo marine tiquiro yequinare cahño, mari ye ijiatire yariahye. Sa yena marine tiquiro cahñidiro saha mUSA gũhũ mUSA namosãnumiare quehnoano cahñiducuya. 26 Cristo mari ye ijiatire yariahye mari ñañe yerire cosero taro. Tiquiro buheye quehnoañe buheye mehna mari ñañe yeyere cosere. Sa yero tiquiro yequina mari ijigũ ihñano aco mehna marine wame yere. 27 Sa cosere marine tiquiro yequina ijanare yero taro. Tiquiro sa cosegũ ne ñañe buhiri mariena ijinata, tiquiro ihñagũ. Sa yena quehnoana, Cristo yero saha ijinata. 28 MUSA namosãnumiare cahña, mUSA basi mUSA pagurire mUSA cahño saha tiquina numiare cahña. Mari namonore cahña mari pagure cahña niaja.

29-30 Ne mari pagurire ñano wahagũ cahmedaja. Mari ihyayere ihyana quehnoano yena niaja mari pagurire. Cristo yequina ijina tiquiro pagũ yero saha tiquiro ya curua cjãna ijaiaja mari. Sa yero marine quehnoano yere tiquiro. Sa yena Cristo marine tiquiro quehnoano yeriro sahata mari gũhũ mari pagure quehnoano yeaja. Mari namosãnumia gũhare sata quehnoano yero cahmene marine. 31 Sata nine Cohãcjũ yere tiquina ojoari pũpũ: “Sa ye umũno tiquiro pacusumũare wijiaro tiquiro namono mehna ijirota. Sa ye tiquina pũaro ijiepetã ihcãquiro yero saha ijietã”, ni ojoahye panopũ. 32 Ahri tiquiro ojoarire apeqũna quehnoano tũhoerari jiri. Sa yegũ tire ohõ saha ni yahutja musare. Ohõ saha ni yahuro niaga. “Cristo tiquiro yequina mehna ihcã pagũ yero saha ihcã curuata ijire”, ni yahuro niaga. 33 Sa yegũ musare ohõ saha ni yahu nemoutja tja: MUSA pagurire mUSA cahño saha mUSA namosãnumiare cahña. Sa yena mUSA manUSUMUA quehnoano ño peoya mUSA.

## 6

1 Yojopure macanagãre yahutja. Mari pũhoro Cristo yequina ijina mUSA pacusumũare quehnoano yũhtiya. MUSA sa yegũ quehnoarĩne. 2-3 Ohõ saha niahye Cohãcjũ dutiye: “MUSA pacusumũare

quehnoano ño peoya”, ni dutiahye tiquiro. Ahri dutiro mehna Cohãcjũ yahu nemoahye. Ohõ saha niahye: “MUSA pacusumũare ño peona, ahri yehpapũ yoari pje bucueye mehna ijinata mUSA”, ni yahuahye. Tiquiro sa ni yahugũ ahri dutiro ihyo ijiri dutiro ijierare. Sa yena tiquiro nidiro saha mUSA pacusumũare ño peoya.

4 Yojopure tiquina pacusumũare yahutja: MUSA pohñare sa tuhtiducueracãhña, “Usuagũ yeari”, nina. Mari pũhoro Cristo tiquiro cahñe mehna tiquiro yedohoye mehna tiquinare quehnoano cohteya. Sa yena tiquinare quehnoano yahuya.

5 Yojopure cahacjãnare musare yahutja: Cua pesaro mehna, ño peoye mehna ahri yehpa cjẽnare mUSA pũhtoare quehnoano yũhtiya. Ni mehono marieno quehnoano yũhtiya. Cristore mUSA yũhtiro sahata tiquinare yũhtiya mUSA.

6 Tiquina ihñono dihitare yũhtina ijieracãhña. Sa yeyequina masa dihitare tiquinare ihña bucuegũ cahmene. MUSA pehe Cristo tiquiro cahacjãna mUSA ijiro saha mUSA pũhota gũhare sa yũhtiducuya. Cohãcjũ tiquiro cahmeno sahata quehnoano bucueye mehna yũhtiya.

7 Sa yena Cristore yũhtina mUSA ijiro saha bucueye mehna yũhtiya mUSA pũhota gũhare. “Masa dihitare yũhtina niaja”, ni tũhotueracãhña. 8 Sa yena ahrire wacũña: Ijipihtina quehnoañene mari yegũ ihñano Cohãcjũ quehnoano yerota marine. Cahacjẽnare, cahacjẽna ijieyequina gũhare quehnoano yerota.

9 Yojopure pũhtoare yahutja: MUSA cahacjẽnare quehnoano yeya. Tiquinare quehnoano yũhũ ye dutiro sahata yeya mUSA gũhũ tiquinare. Tiquinare tuhtiperacãhña. Æhmuse cjãno Cohãcjũ potota tiquina pũhoro ijire. MUSA yaquiro pũhoro ijire tiquiro gũhũ. Sa yena ijipihtina mUSA tiquiro cahacjãna dihita ijire. Sa yero tiquiro ihcãno saha ihñare musare ijipihtinare. Sa yena mUSA cahacjẽnare tuhtiperacãhña.

*Cristo yequina watĩnore tiquina cahmotarire yahuahye Pablo*

<sup>10</sup> Ahrire yahu bato tiitja m̄sare: Quehnoano wacū tutuana ijiya m̄sa. Mari p̄h̄toro Cristo m̄sa mehna ijire. Sa yena tiquiro ye masiñe mehna wacū tutuana ijiya. <sup>11</sup> Watīno marine ni mehono, ñano ye dutire marine. Cohãcjũ marine cahmotare mari ñañene yeborire. Marine tiquiro cahmotaye surara tiquiro cahmotari suhtiro, come suhtiro yero saha ijire. Sa yena ti suhtirore m̄sa sañano saha Cohãcjũ tiquiro cahmotayere quehnoano c̄o pehoya. <sup>12</sup> Jesu yequina mari ijigã, marine ihña tuhtiyequina masa waro ijierare. Ëhm̄se cj̄ena ijimediquina ñañequina, tutuayequina, tiquina pehe ijire marine ihña tuhtiyequina. Watīa ahri yehpa cj̄ena p̄h̄toa ijire. Sa ye tiquina ḡh̄u ijire marine Jesu yequinare ihña tuhtiyequina.

<sup>13</sup> Sa yena yojop̄re cahmotari suhtirore m̄sa sañano saha Cohãcjũ m̄sare tiquiro cahmotatire tiquiro yere quehnoano c̄o pehoya. Sa yena watīno m̄sare tiquiro ñano ye dutigã, m̄sare tiquiro ñano ye duagã, tiquirore cahmotanata. Sa yena ȳhd̄d̄c̄anata. Sa tiquirore ȳhd̄d̄c̄ana, tutuana tojoanata m̄sa.

<sup>14</sup> Sa yena tutuana ijiya. Cohãcjũ m̄sare tiquiro cahmotatire oh̄o saha yeya m̄sa:

Surara tiquiro come suhtiro mehna tiquiro jeripohnare cahmotariro saha poto yahuyere Cohãcjũ yere quehnoano t̄h̄oya m̄sa watīnore m̄sa cahmotatire. Sa yena Cristo yedohoye mehna quehnoana ijiya m̄sa, watīnore m̄sa quehnoano cahmotatire.

<sup>15</sup> Surara tiquiro dahpo suhti mehna tiquiro dahpoc̄arine tiquiro cahmotariro saha quehnoañe buheyere quehnoano masiña m̄sa, watīnore m̄sa cahmotatire. Ti buheye marine quehnoano ijigã yere.

<sup>16</sup> Surara tiquiro tohoriro mehna tiquiro cahmotariro saha Cristore quehnoano wacū tutuaducuya m̄sa watīnore m̄sa cahmotatire. B̄eeye cj̄u mehna tiquiro sihã m̄sare tiquiro b̄edoqueboro saha watīno m̄sare ñano yegã ye duare. Sa yena Cristore quehnoano wacū tuana, cahmotanata m̄sa.

<sup>17</sup> Surara tiquiro come sapea mehna tiquiro dapure cahmotariro saha m̄sare

pecap̄u wahaborinare Cristo ȳhd̄orina ijiya m̄sa, watīnore m̄sa cahmotatire.

Surara tiquiro ñoseni p̄j̄i mehna tiquiro cahmotariro saha Cohãcjũ ye buheyere quehnoano masiña m̄sa, quehnoano m̄sa cahmotatire. Sa yena apequinare quehnoano yahuya tiquiro yere. Ti Cohãcjũ ye buheyere Esp̄ritu Santo marine yahure.

<sup>18</sup> Sa m̄sa watīnore cahmotana Cohãcjũre decoripe sa siniducuya. Esp̄ritu Santo yedohoye mehna sa siniducuya. Sa yena quehnoano wacū masiña. Sa sinina, caributieracãhña. Ijipihtiyequina Cohãcjũ yequinare sa sini basaducuya. <sup>19</sup> Sa yena ȳh̄u ḡh̄ure sini basaya Cohãcjũre. Oh̄o saha ni sini basaya: Quehnoañe buheyere, panop̄u tiquina masiedarire quehnoano ȳh̄u yahuatire sini basaya ȳh̄ure. Sa yena cuero marieno ȳh̄u yahuatire sini basaya ȳh̄ure. <sup>20</sup> Cristo tiquiro yere yahu dutiro ȳh̄ure ohori. Ȳh̄u sa yahuri buhiri peresup̄u ijiaja yojop̄re. Oh̄op̄u ȳh̄u ijiepegãta cuero marieno tiquiro yere ȳh̄u yahuatire sini basaya ȳh̄ure. Tiquiro yere yahuacj̄u ijigãta niaja ȳh̄u.

#### *Pablo quehnoa duti bato tiahye*

<sup>21</sup> Yojop̄re Tíquico m̄sa cahap̄u esaro ȳh̄u ijiye tiyere m̄sare yahu pehorota. Tiquiro mari acaȳro mari cah̄niquiro ijire. Sa yero mari p̄h̄toro yere quehnoano yedohoriquiro sa ijiducure. <sup>22</sup> Ësã ijiye tiyere m̄sare yahu dutigã tiquirore ohogu niaja m̄sa quehnoano bucueatire.

<sup>23</sup> Cohãcjũ mari Pac̄u mari p̄h̄toro Jesucristo ḡh̄u tiquina mehna m̄sa ijipihtinare usã acayere quehnoa dutiaja. Cristore m̄sa quehnoano wacū tutuaye mehna m̄sa cahme cah̄atire Cohãcjũre sini basaja m̄sare.

<sup>24</sup> Ijipihtiyequina mari p̄h̄torore Jesucristore sa cah̄iducuyequinare Cohãcjũ mehna quehnoa dutiaja.

## Filipenses

*Peresupũ ijiriquiro ahri pũre ojoa ohoahye Pablo*

<sup>1</sup> Yũhũ Pablo, Timoteo mehna Jesucristo cahacjãna ijiaja usã. Sa yena ijipihinare musare quehnoanare Jesucristo yequinare Filipo cjãnare quehnoa dutiaja usã. Musare, musa pũtoã gũhare, musare yedohoyequina gũhare ojoa ohoaja yũhũ, Pablo. <sup>2</sup> Sa yena Cohãcjũ mari Pacũ, mari pũtoro Jesucristo mehna musare quehnoa dutiaja. Tiquina yedohoye mehna quehnoano ijiya musa.

*Pablo Jesu yequinare Cohãcjũre sini basahye*

<sup>3-6</sup> Cohãcjũ musare quehnoañe pehere comesagũ yero nine. Sa yero musare tiquiro sa ye dũcariro sahata sohtori dahrerota tiquiro. Sa yena Jesucristo ahri yehpapũre tiquiro wihigũpũre ñañe mariena ijinata musa. Sa yena coã waropũre Jesu yequina musa ijiri bato, yojopũ gũhare yedohore musa yũhare quehnoañe buheyere yũhũ buhegũ. Musa sa yegũ ihñagũ Cohãcjũre “Quehnoare”, niaja yũhũ. Musare wacũgũ sa dihita niaja yũhũ. Musare Cohãcjũre sini basagũ, bucueye mehna sini basaja.

<sup>7</sup> Musare yũhũ sa tũhotugũ quehnoarĩne. Quehnoañe buheyere “Poto tjire”, pũtoare yũhũ tutuaro ni yahuducugũ musa yũhare yedohori. Poto ti buheye ijigũ yũhũ tiquinare yahugũ musa yũhare yedohori. Peresupũ yũhũ ijigũ gũhare musa yũhare yedohori. Sa yero Cohãcjũ marine quehnoano yero, tiquiro ye buheyere cũri marine. Musa yũhare yedohori. Sa yena ti buheyere yũhũ mehna musa buheboriro saha yena nine musa, yũhare yedohona. Sa yegũ yũhũ jeripohna mehna tutuaro wacũaja yũhũ musare. <sup>8</sup> Jesucristo cahĩne mehna tutuaro musare wacũaja yũhũ. Yũhũ sa wacũgũ Cohãcjũ tire masine.

<sup>9</sup> Musare ohõ saha ni sini basaja yũhũ Cohãcjũre: Cohãcjũ yere quehnoano masiñe mehna, tũho masi pehoye mehna apequinare musa cahĩ nemoatire sini

basaja yũhũ musare Cohãcjũre. <sup>10</sup> Quehnoa yũhdũyere musa masiati gũhare sini basaja musare. Musa sa masina Cristo ahri yehpapũ tiquiro tojoa tagũ quehnoañene yena, ñañe buhiri mariena ijinata musa. <sup>11</sup> Sa yena ijina Cohãcjũ cahmeñene yenata musa. Musare sa yegũ yerota Jesucristo pehe. Cohãcjũ quehnoa yũhdũariquiro, tutuariquiro tiquiro ijiyere ihñono taro, ijipihtiyequina tiquirore tiquina ño peoatire tiquiro cahmeñene musare yegũ yerota.

*Pablo Cristo yaquiro tiquiro ijiye tiyere yahuahye*

<sup>12</sup> Yũhũ acaye, ahri yũhũ niatire musa quehnoano masigũ cahmeaja yũhũ. Yojopũre peresupũ yũhũ ijiepegũta quehnoañe buheye pehe sa uhmũ tãducuro nine. <sup>13</sup> Sa ye Cristo yaquiro yũhũ ijiri buhiri peresupũ yũhũ ijirire masi pihitire pũtoro ya wũhũ cjẽna surara. Ijipihtiyequina apequina gũhũ ohõpũ ijiyequina tire masine. <sup>14</sup> Sa ye peresupũ yũhũ ijigũ ihñañe, peyequina mari acaye Jesu yequina mari pũtoro Jesure wacũ tutua nemoñe nine. Sa wacũ tutuaye, cuero marieno quehnoañe buheyere apequinare buhere tiquina.

<sup>15</sup> Ihquẽquina Cristo yere buheraboriquina ijiepetã yũhare ihña cooye, Cristo yere buhere apequinare tiquinare ihña wahãgũ cahmeñe. Apequina pehe quehnoano mehna Cristo yere buhere. <sup>16-17</sup> Quehnoañe buheyere yũhũ tutuaro yahuatire Cohãcjũ yũhare tiquiro cũrire quehnoano masine ahriquina pehe. Sa masiñe tiquina cahĩne mehna Cristo yere buhere. Apequina pehe yũhare ihña tuhtiyey, masare tiquina pehere tiquina ihña wahãgũ cahmeñe, Cristo yere buhere. Sa ye peresupũ yũhũ ijigũ tiquina yũhare bũjũa witigũ ye duare. <sup>18</sup> Quehnoanota. Cristo yereta buheye nine. Tiquina Cristore poto cahĩedapeta Cristo yereta buhere. Apequina pehe quehnoano mehna buhere. Ijipihtiyequina tiquina tiquiro yere buhegũ bucueaja.

<sup>19</sup> Sa yegũ sa bucueducugũtja yũhũ. Cohãcjũre musa sini basari mehna Jesucristo yaquiro Espĩritu yedohoye mehna Cohãcjũ yũhare wiorota peresupũ ijirigũre.

Tire masiaja. <sup>20</sup> Ohõ saha yeitja yuhũ. Decoripe yuhũ yeriro sahata yojorũ gãhũre cuero marieno Cristo yere buheaja, masa tiquirore quehnoano tiquina ño peato saha. Ohõ saha ye duaja yuhũ yerire yuhũ buoro yuhũerato saha. Catinigũ waro ohõ saha ye duaja. Tiquina yuhũre wejẽ duepegũta ohõ saha ye duaja. <sup>21</sup> Catinigũ Cristo yere yenigũtja. Yariagũrũ pũrita ti yuhũoro quehnoano tojoagũtja yuhũ. <sup>22</sup> Sa niepegũta catinigũ Cristo yere yuhũ ye nemoato saha cati nemo duaja. Sa niepegũta yariaye gãhũre cahmeaja. ¿Dise boro pehere yuhũ cahmeboagari? Masiedaja yuhũ. <sup>23</sup> Yuhũ ohõ saha ni yahuducugũ mijorĩne yuhũre. Cristo mehna tutuaro iji duaja. Sa yegũ yojorũre tiquiro caharũ waha duaja. Catiye yuhũoro ahri pehe quehnoa yuhũdũdũcare. <sup>24</sup> Sa ijiepegũta mũsare yuhũ yedohoato saha catinino cahmene yuhũre. <sup>25</sup> Tire masigũ ohõrũ mũsa mehna yuhũ ijiniatire masiaja yuhũ. Sa ijinigũtja Cristore mũsa wacũ tutua nemoatire, ti wacũ tutuaye mehna mũsa bucueatire. <sup>26</sup> Ahri yehparũ ijinigũ mũsa caharũ pari turi yuhũ wahagũ mũsa bucuenata. Cristo Jesu yuhũre tiquiro yedohogũ masina, “Tutuagũ ijire mũhũ”, ni ño peonata mũsa tiquirore.

<sup>27</sup> Yojorũre ahri dihitare yahutja mũsare. Cristo ye buheye ti nidiro sahata ijiducuya mũsa. Wacũ tutuana ijiya. Sa yena cahme tu waro marieno quehnoañe buheyere yahu tutuaya. Sata yuhũ mariedagũ gãhũre yuhũ ijigũ gãhũre mũsa yegũ cahmeaja. Sa ijina mũsa ijigũ tũhoo duaja yuhũ. <sup>28</sup> Mũsare ihña tuhtiyequinare cueracãhña. Mũsa sa cueragũ ihñañe Cohãcjũ yequina mũsa ijigũ masieta tiquina. Sa masiñe pecarũ tiquina wahatĩ gãhũre masieta. Sa ye Cohãcjũ mũsare tiquiro yuhũoati gãhũre masieta. Ohõ saha masigũ yere Cohãcjũ masare. <sup>29</sup> Cristore mũsa wacũ tutuatire Cohãcjũ cũri. Ahri gãhũre cũri. Cristo yere mũsa yeri buhiri mũsa ñano yuhũdũati gãhũre cũri Cohãcjũ. <sup>30</sup> Sa ye Cristo yequina mũsa ijiri buhiri apequina mũsare ñano yere. Mũsare tiquina yeriro saha yuhũ gãhũre ñano yere tiquina. Mũsa

mehna yuhũ ijigũ yuhũre tiquina sa yegũ ihñari mũsa. Yojorũ gãhũre yuhũre tiquina sa yegũ tũhoore mũsa. Sa yena mari ihcãno saha ñano yuhũdũaja.

## 2

*Cristo ihyo ijiriquiro sajãno, ijipihtiyequina pũhoro ijiatiquiro ijiahye*

<sup>1-2</sup> Cristo mũsare quehnoano jeripohna tigũ tiquiro yegũ, Cristo tiquiro cahĩne mehna mũsa bucuenta, yuhũre quehnoano bucuegũ yeya mũsa. Sa yena Espĩritu Santo ijipihtina mũsa mehna tiquiro ijigũ apequinare cahĩna, paja ihñana ijina, yuhũre quehnoano bucuegũ yeya mũsa. Ahrire mũsa yegũ bucueitja: Ihcãno mehna quehnoano jeripohna tiya mũsa. Sa yena mũsa basi cahme cahĩña. Quehnoano mehna ijiducuya. Sa yena ihcãno mehna quehnoano ijiya. <sup>3</sup> Apequinare yuhũdũdũca dueracãhña. Sa yena sa tũhotu cãhña mũsa. Sa yena apequinare quehnoano ño peo, ohõ saha ni tũhotuya: “Tiquina pehe yuhũ yuhũoro quehnoañequina ijire”, ni tũhotuya. <sup>4</sup> Ihcãquiro apequinare yedoho dueraboaga. Tiquiro yero saha yeracãhña. Apequina gãhũre yedohoya.

<sup>5</sup> Cristo Jesu apequinare yuhũdũdũca dueriquiro tiquiro ijiro saha mũsa gãhũ apequinare yuhũdũdũca dueracãhña. <sup>6</sup> Tiquiro pehe Cohãcjũ waro ijieperota “Cohãcjũ mehna ihcãno saha ijigũ wijiasi yuhũ”, ni tũhotuerahye tiquiro. <sup>7</sup> Sa yero tiquiro Cohãcjũ mehna ihcãno saha tiquiro ijiyere wijia, ohõrũ ahtarõ masũnota masa bajuaro tiquiro cahacjãno yero saha iji dũcahye. <sup>8</sup> Sa yero tiquiro masũno ihcãno saha pagũ tiriquire ijiro, ihyo ijiriquiro waro wahahye. Sa waharo “Curusarũ wejẽña tiquirore”, tiquina nigũ tiquiro yuhũdũdũcaerahye. Curusarũ yariatiquiro ijieperota tiquiro yuhũdũdũcaerahye. <sup>9</sup> Sa yero mari Pacũ ijipihtiyequina tiquina ño peoatiquirore cũahye Jesure. Sa yero ijipihtiyequina apequina pũhoro sũahye Cohãcjũ tiquirore, <sup>10</sup> ijipihtiyequina uhmũse cjẽna, ahri yehpa cjẽna, yariariquina gãhũ Jesu wamene tũhoyequina tiquina dũsepe curi mehna quehe sa, tiquina ño peato saha. <sup>11</sup> Sa pũhoro

sõahye tiquirore mari Pacu, “Jesucristo mari pũhtoro ijire”, ijipihtiyequina tiquina niatiquirore. Sa niñe Cohãcjũre mari Pacure ño peoye nine.

*Cristo yequina buhrioro yero saha ijiye, quehnoano masare yahu, masigũ yere*

<sup>12</sup> Sa yena yũhũ cahĩna, mũsa mehna yũhũ ijigũ mũsa yũhtiducuriro saha, yojopũ yũhũ yoaropũ ijigũ gũhũre panopũ mũsa yũhtiriro yũhdũoro yũhtiya yũhũre. Sa yena ijipihina mũsa quehnoana ijina tana Cristo yedohoro mehna ñañene yeracãhña. Sa yena ño peoye mehna apepero marieno Cohãcjũ yere yeya. <sup>13</sup> Cohãcjũ quehnoañe pehere mũsare cahmegũ yero nine tiquiro cahmeno saha mũsa yeato saha. Sa yero tire mũsa yeatire yedohorota Cohãcjũ. Tiquiro sa yedohogũ ti yũhũ ni-diro saha yeya mũsa.

<sup>14</sup> Ijipihtiyere yena tuhtiro marieno, mũsa basi unureno marieno yeya. <sup>15</sup> Sa yeya mũsa ñañe buhiri mariena, ñañene yerarina Cohãcjũ pohna mũsa ijiatire. Sa yeya mũsa masa ni mehoñequina, ñañequina watoapũ dojomehnenno marieno mũsa ijiatore saha. Tiquina ñañequina watoapũ ijina, buhrioro ihña masigũ yero saha quehnoañe buheyere buhena, masigũ yere mũsa ahri yehpa cjẽnare. <sup>16</sup> Ti buheyere mũsa tũho ñehedi bato Cohãcjũ mehna sa ijiducuaana wahari mũsa. Ti buheyere ahri yehpa cjẽna pehere mũsa sa buhegũ ihñagũ mũsa mehna bucueitja. Sa yegũ mũsare yũhũ buherire “Ihyo waro buherari ijii yũhũ”, niitja yũhũ. Sa yegũ Cristo ahri yehpapũ tiquiro tojoa tagũ mũsa mehna bucueitja. Sa yegũ bũoro yũhdũsi yũhũ. <sup>17</sup> Cristore mũsa wacũ tutuagũ Cohãcjũ mũsa mehna bucuero. Tiquiro sa bucuegũ masigũ mũsare Cristo yere yũhũ buheri buhiri yũhũre tiquina wejẽ duepegũta bucueitja. Sa yena mari ijipihina ihcãno saha bucuenata. <sup>18</sup> Sata mũsa gũhũre bucuero cahmene yũhũ mehna, came yũhũ sa yariagũ ihñana.

*Timoteore, Epafrodito gũhũre yahuahye Pablo*

<sup>19</sup> Mari pũhtoro Jesu tiquiro cahmegũ sojaro mehna Timoteore mũsa cahapũ oho duaja yũhũ mũsa ijiye tiyere masigũ

tũhũ. Sa masigũ bucueitja. <sup>20</sup> Ijirota ijire. Timoteo mũsa quehnoano ijiatire pajiro tũhoture mũsare. Apequiro tiquiro yero saha ijiriquiro mariedare yũhũ mehna. <sup>21</sup> Apequina pehe ijipihtiyequina tiquina cahmeñe dihitare ye duaye, Cristo Jesu tiquiro cahmeñe pehere ye duerare. <sup>22</sup> Timoteo pehe quehnoano yeriquiro tiquiro ijiyere masine mũsa. Yũhũ macũ yero saha tiquiro yũhũ mehna quehnoañe buheyere yahue tiri. Sa yena usã ihcãno saha Cristo yere buhee tii. <sup>23</sup> Sa yegũ pũhtoa yũhũre tiquina dũhse yeatire masigũ, Timoteore mũsa cahapũ oho duaja. <sup>24</sup> Sa yegũ mari pũhtoro Jesu yedohoye mehna sojaro mehna yũhũ gũhũ mũsa cahapũ wahautja.

<sup>25-26</sup> Yũhũre yedoho dutina mũsa Epafroditoro ohori yũhũ cahapũ. Tiquiro yũhũ acayũro yũhũ mehna dahrariquiro, yũhũ mehna cjãno, Cohãcjũ yere buhe tutuariquiro ijire. Tiquiro mũsare tutuaro wacũe tiri. Sa yero tiquiro dohatirire mũsa tũhogũ masino tiquiro pehe pajiro bũjũa witi tũhoturi. Sa pajiro tiquiro tũhotugũ ihñagũ “Tiquirore mũsa cahapũ oho majare tojoro cahmene yũhũre”, ni tũhotuaja yũhũ yojopũre. <sup>27</sup> Potota ijire. Tiquiro tutuaro dohatiri. Mehenno yariabo cure yũhdũri. Tiquiro sa tutuaro dohatiepegũta Cohãcjũ tiquirore paja ihñano, yũhdũgũ yeri. Tiquiro yariagũ yũhũ pehe tutuaro bũjũa witiboya. Sa yero Cohãcjũ yũhũ gũhũre paja ihñari tiquirore yũhdũgũ yero. <sup>28</sup> Sa yegũ yojopũ pũritare sojaro mehna tiquirore mũsa cahapũ oho duaja pari turi mũsa tiquirore ihña, mũsa jeri sajãno quehnoano. Mũsa sa bucuegũ ihñagũ yũhũ gũhũ bucueitja. <sup>29</sup> Sa yena tiquirore Epafroditoro mari pũhtoro yaquirore mari acayũrore quehnoano bucueye mehna piti caya. Sa yena apequinare tiquiro yero saha ijiyequinare ño peoya. <sup>30</sup> Tiquiro Cristo yere yedohomehno yariamedi. Mũsa pehe yũhũ cahapũ ijieragũ, yũhũre yedoho masiedagũ tiquiro pehe yũhũre yedohomedi. Sa yero yariamedi tiquiro.

### 3

*Quehnoano yeje warore yahuahye*

## Pablo

<sup>1</sup> Yojoꝛu pūritare ahrire yahutja. Mari puhtoro yequina ijina bucueya. Ahri buheyere to pano yuhu yahurire pari turi musare ni ojoagu bucueaja yuhu. Sa yegu musare ahrire yahugu yedohogu niaja musare. <sup>2</sup> Quehnoano yeya musa. Ñañene yeducuyequina, diayea yero saha ijiyequina ñañequina cuhnucunu cahserogāre yuhre ne dutiye, musa pagurire yuhre ne duare. Quehnoano yeya musa, “Sa ye dutiyequina sijoro saha ni buhearī”, nina. <sup>3</sup> Tiquina cuhnucunu cahserogāre yuhre nepeta Cohācjū dutiyere quehnoano yerare. Mari pehe potota Cohācjū dutiyere quehnoano yena ijiaja mari. Espiritu Santo tiquiro yedohoye mehna Cohācjūre ño peoaja mari. Sa yena Jesu yequina mari ijiyere bucueye mehna apequinare mari yahuaja. “Usā esa tuharo Cohācjū dutiyere ye peho masiaja”, ne ni tūhotueraja. <sup>4</sup> Sa ni tūhotuerapegata “Tiquinare doca cū cjā”, tiquina yero saha nidigu ijigu sa tjiboa yuhu gūhu. Apequiro ohō saha ni yuhduca duare. Yuhu pehe tiquiro yuhduoro sa ni-boaga yuhu.

<sup>5</sup> Ohō saha yerigu ijimi yuhu: Ocho decori yuhu masa bajuari bato cuhnucunu cahserogāre yuhre nedi jiri yuhure. Israe masu ijigu Benjami ya curua cjū ijiaja yuhu. Yuhu pacusuma hebreo masa tiquina ijigū potota hebreo masu warota masa baju. Cohācjū dutiyere potota peho duagu fariseo curua mehna sajāmi yuhu. <sup>6</sup> “Cohācjū ye ijiri”, nigu quehnoano yemi. Sa yegu Jesu yequina pehere ñano yee timi yuhu. Potota Cohācjū dutiyere yegu tire yuhducaro marieno ye pehou.

<sup>7</sup> Panopure “Ti quehnoañe ijiri”, ni tūhotumi. “Ti yuhu sa ni tūhoturi panopu yuhu ijie tiri dahseati ijierari”, ni tūhotuaja yojoꝛure. Sa ni tūhotu dūcau yuhu Cristore wacū tutuagu tūhu. <sup>8</sup> Cristo Jesu yuhu puhtorore yuhu masigū pūrita quehnoa yuhduare. Sa yegu apeye pehere masa “Quehnoañe ijire”, tiquina nidire “Ti ijipihtiyere dahseati ijierari”, ni tūhotuaja yuhu. Tire ijipihtiyere duhu cāhu Cristo ye pehere yegu tūhu. Sa yegu tire yuhu cohārire “Ñañe waro ijire”, ni tūhotuu

Cristore quehnoano masigu tūhu, tiquiro mehna cjū ijigu tūhu. <sup>9</sup> Sa yero yuhu esa tuharo quehnoano yuhu yeri wapa “Quehnoagu ijire”, ni ihñedare Cohācjū yuhure. Sa yero Cohācjū dutiye Moiserere tiquiro cūrire yuhu yeri wapa gūhure “Quehnoagu ijire”, ni ihñedare. Cristore yuhu wacū tutuari bato “Quehnoagu ijire”, ni ihñare tiquiro yuhure. Cohācjū pehe marine buhiri mariena ijigū yere, tiquirore mari wacū tutuagū. <sup>10</sup> Sa yegu to pano yuhu ni tūhotu mahtamedire duhu cjā Cristore quehnoano masigu tūhu. Cohācjū tutuaye mehna Cristo masa majahye. Ti tutuaye mehna iji duaja. Sa yegu ti tutuaye mehna quehnoañene ye duaja. Cristo curusapu yariahye mari ñañe yerire cohāno taro. Sa yegu tiquiro yere yuhu yeri buhiri tiquiro yero saha ñano yuhdu duaja yuhu gūhu. <sup>11</sup> Sa yegu Cristo tiquiro masa majariro sahata masa majacju ijitja yuhu gūhu.

<sup>12</sup> Ahri ijipihtiyere sa nigu, “Cristo yero saha ñañe mariegu ijiaja”, ni tūhotueraja. Yuhu sa ni tūhotuerapegata Cristo tiquiro yaquiro ijigū ye tuhasari yuhure. Sa yegu tiquiro yere tiquiro gūhure quehnoano masi duagu tutuaro mehna tiquiro yere yeaja yuhu. <sup>13</sup> Yuhu acaye, “Tiquirore quehnoano masi peho tuhasaja”, ni tūhotueraja. Sa ni tūhotuerapegata ahri pūritare yeaja: <sup>14</sup> Omaperiquiro tiquiro wapata duariro saha tutuaro yeaja yuhu, yuhu wapatarire yuhu ñeheatō saha. Cristo yaquiro yuhu ijigū ihñano Cohācjū ti yuhu wapatarire yuhure ohoro taro uhmusepu pijiori yuhure.

<sup>15</sup> Ohō saha yuhu tūhoturiro sahata tūhotuya musa gūhu Cristore quehnoano masina. Sa yero ahri musare yuhu yahurire musa tūho dueragū, sijoro saha musa tūhotugū Cohācjū musare quehnoano masigū yerota. <sup>16</sup> Sa yena tiquiro yere mari masidire quehnoano ye sohtori tihna.

<sup>17</sup> Yuhu acaye, musa ijipihtina yuhure ihña cūña. Sa yena apequina usā yero saha yeyequinare quehnoano ihña diho cūña musa tiquinare musa ihña cūato saha. <sup>18</sup> Peye tahari apequina tiquina ijiye tiyere yahuu yuhu musare. Yojoꝛu gūhure tutuaro bujua witigu tiquinareta

yahuaja m̄sare. Tiquina Cristo curusap̄u tiquiro yariari buheyere ih̄na yabiyequina ijire. <sup>19</sup> Tiquina pecap̄u wahatiquina ijire. Tiquina ñañe tutuaro cahmeñe pehere tutuaro ye duare tiquina. Sa ye tiquina b̄e tiboyere yeye, tire quehnoañe yero saha t̄hoture tiquina. Ahri yehpa cj̄e dihitare quehnoano t̄hoture tiquina. <sup>20</sup> Mari pehere mari ya maca uhm̄serep̄u ijire. Sa yero top̄ta marine ȳhd̄uatiquiro, mari p̄htoro Jesucristo ahtarota. Sa yena tiquiro ahtatire cohtena niaja mari. <sup>21</sup> Tiquiro ahtarota mari paḡurire pejec̄oye paḡurire sijoro saha ijiye paḡuri dihita comesarota tiquiro. Sa yero tiquiro ya paḡu yero saha quehnoari paḡure asi siteri paḡure ohorota marine tiquiro tutuaye mehna. Ijipihtiyequina p̄htoro saj̄ari tiquiro, tiquiro tutuaye mehna. Sa yero ijipihtiye up̄ro ijire tiquiro ti tutuaye mehna.

## 4

### *Decoripe mari p̄htoro mehna bucueya*

<sup>1</sup> Sa yena ȳh̄u acaye, ȳh̄u cah̄na, tutuaro ȳh̄u wac̄na, ȳh̄uare bucueḡu yena, ȳh̄u buheḡu quehnoano t̄horina, panop̄u m̄sa wac̄u tutuariro saha mari p̄htoro tutuaro wac̄u tutuaya m̄sa.

<sup>2</sup> Ahrire yahutja m̄sare Evodiare, Síntique ḡh̄uare: Jesu yequina numia ijire m̄sa. Sa yena cahme d̄se tutuaro marieno quehnoano mehna ijiducuya m̄sa. <sup>3</sup> M̄h̄u pehe potota ȳh̄u mehna cj̄u warota ijire. M̄h̄u ḡh̄uare yahutja: Tiquina numia ȳh̄u mehna, Clemente mehna, arequina ȳh̄u piti tiyequina mehna dahrari quehnoañe buheyere ūs̄a buheḡu. Coh̄cj̄u tiquinare ijipihtiyequina wamene ojoa oh̄ahye tiquiro ya tjup̄u. Ijipihtiye decori catiyere tiquiro ohoriquina wamene tiquiro ojoa oh̄ri tjup̄u ojoa oh̄ahye. Sa yeḡu tiquina numiare bosaya m̄h̄u.

<sup>4</sup> Decoripe mari p̄htoro mehna bucueya. Pari turita yahutja: Bucueya.

<sup>5</sup> Quehnoano yeya ijipihtiyequinare. Mari p̄htoro Cristo ahtato mehenoḡa d̄hsare.

<sup>6</sup> Ne b̄j̄ua witi t̄hotuerac̄h̄na. Coh̄cj̄ure quehnoano yahu pehoya. Sa

yena tiquirore siniña. Sa yena m̄sa sinidire tiquiro ȳhtiḡu ih̄nana “Quehnoare”, niña tiquirore. <sup>7</sup> M̄sa sa yeḡu quehnoano ijiḡu yerota m̄sare Coh̄cj̄u. Tiquiro sa yeḡu quehnoa ȳhd̄uare. Ahri mari quehnoano ijiye quehnoa ȳhd̄uare. Sa yero Cristo Jesu yequina mari ijiḡu marine quehnoano ijiḡu yero, Coh̄cj̄u marine quehnoano jeripohna tiḡu yerota. Sa yero b̄j̄ua witi t̄hotueraḡu yerota marine.

### *Quehnoañene t̄hotuya*

<sup>8</sup> Ahrire yahu bato tiḡu t̄u niaja m̄sare, ȳh̄u acaye. Queoro ijiyere, masa tiquina ño peoyere, quehnoano yeyere, ñañe marieñene, bucueyere, masa “Quehnoañe ijire”, tiquina niñene t̄hotuya m̄sa. Quehnoa ȳhd̄uaye ijiḡu tireta t̄hotuya. Masa quehnoañene ih̄nane tiquina bucueye pehere m̄sa ḡh̄u bucue t̄hotuya.

<sup>9</sup> M̄sare ȳh̄u buheriro sahata sa yeducuya m̄sa. Sa yena ȳh̄uare ih̄na c̄ña m̄sa. M̄sa sa yeḡu Coh̄cj̄u m̄sare quehnoano ijiḡu yeriquiro m̄sa mehna ijirota.

### *Filipo cj̄ena Pablore tiquina ohorire yahuahye tiquiro*

<sup>10</sup> Yojop̄u p̄rita yoari pje bato m̄sa pari turi ȳh̄uare wac̄na, m̄sa yedohoyere bucueaja. Sa bucueḡu mari p̄htoro Cristore “Quehnoare”, niaja. “Ȳh̄uare boaa wahari m̄sa”, niedaja ȳh̄u. Panop̄uare ȳh̄uare yedoho duepenata yedoho masiedari m̄sa. <sup>11</sup> Ȳh̄uare m̄sa yedohorire yahugu ȳh̄uare d̄hsarire m̄sare yahuu t̄u niedaja. M̄sare apee borore cahmeḡu sa niḡu niedaja. Ȳh̄u c̄oye mehna iji masiaja ȳh̄u. <sup>12</sup> Apee boro c̄oeragu ḡh̄u quehnoano iji masiaja ȳh̄u. Sa yeḡu pajiro c̄oḡu ḡh̄u quehnoano iji masiaja. Decoripe ūj̄ua ahbaḡu ḡh̄u d̄capoa wahaja. Ȳariḡu ijiḡu ḡh̄u ijipoa wahaja. Pajiro c̄oḡu ḡh̄u ijipoa wahaja. Ȳh̄uare apee boro mariedaḡu ḡh̄uare ijipoa wahaja. <sup>13</sup> Cristo ȳh̄uare tutuaḡu yeriquiro mehna ijipihtiyere Coh̄cj̄u cahmeñene ye masi pehoaja ȳh̄u. <sup>14</sup> Ȳh̄u sa ijiporiḡu ȳh̄u ijiepeḡuta ȳh̄u ñano ȳhd̄uḡu m̄sa yedohona ȳh̄uare quehnoano yeri m̄sa.

<sup>15</sup> Quehnoañe buheyere ȳh̄u buhe d̄caḡu Macedonia yehpap̄u m̄sa ya

yehparu ijirigu yahu wahagu musa dihita yahure yedohori. Sa yedohona, musare yahu buheri wapa musa wapa yero saha yena nidi musa. <sup>16</sup> Sa yena Tesalonicaru yahu ijiri watoa yahure yedohona, ihque tahari ohori musa. <sup>17</sup> Apee borore sinigu sa nigu niedaja. Apequinare musa yedohogu Cohacju musare quehnoano yerota. Tiquirore musa yedohori wapa Cohacju musare tiquiro quehnoano yegu cahmeaja yahu. Sa yegu yahure musa yedohore wacugã yeaja musare. <sup>18</sup> Yojopure yahure quehnoano oho pehori musa. Yahu cahmedi yahduoro ohori musa yahure. Yahure Epafrodito mehna musa ohori bato apee boro ne dhasaerare yahure. Cohacju wahu ehme sitiye bue mo, Cohacjare tiquina quehnoano bucuegu yeriro saha yahure musa ohori guhu Cohacjare quehnoano bucuegu yeri. <sup>19</sup> Musa Cristore wacu tutuare. Sa yero ijipihiyere musare dhasarire ohorota mari Pacu musare, quehnoa yahduye tiquiro cayoere. <sup>20</sup> Ijipihiyere decori mari Pacure Cohacjare ño peuhna. Sata yeihna.

*Pablo quehnoa dutiahye*

<sup>21</sup> Ijipihiyequina quehnoañequina Jesu-cristo yequina quehnoahdo. Mari acaye guhu Jesu yequina yahu mehna cjenã musare quehnoa dutire. <sup>22</sup> Ijipihiyequina ohõ cjenã quehnoañequina Jesu yequina quehnoa dutire. Roma cjenã puhtoro ya wahu cjenã purita tutuaro quehnoa dutire.

<sup>23</sup> Mari puhtoro Jesucristo cahĩne mehna quehnoano ijiya.



## Colosenses

### *Colosa cjēnare ojoa ohoahye Pablo gāhū*

1-2 Yūhū Pablo mari acayuro Timoteo mehna mūsare Colosa cjānare quehnoa dutiaja usā. Yūhū Jesucristo yere buhe dutiro tiquiro cūrigū ijiaja. Cohācjū cahmeno sahata Jesu yahūre tiquiro yere buheacjare cūri. Sa yegū mūsare usā acaye Cristore wacū tutuaducunare ojoa ohoaja yūhū. Sa yena Cohācjū mari Pacū mehna mūsare quehnoa dutiaja. Sa yena tiquiro mehna quehnoano ijiya mūsa.

### *Jesu yequinare Pablo sini basahye Cohācjūre*

3-8 Mūsa ye ijiatire Cohācjūre sini basana “Quehnoare”, sa niducuaaja usā. Tiquiro pehe mari pūhtoro Jesucristo Pacuro ijire. Ijipihtiye decori ūhmūsepū mūsare ijigū yerota Cristo pehe. Tiquiro sa yeatiquiro ijigū tire mūsa sa cohteducu wame tire. Cristo Jesure wacū tutua wame tire mūsa. Sa yena tiquiro yequinare cahī wame tire mūsa. Mūsa sa iji wame tigū Cohācjū mehna bucue, tiquirore “Quehnoare”, niaja usā. Ijipihtiropūre Jesu yequina poto ijiye buheyere quehnoañe buheyere tiquina yahugū tūhoye masa quehnoañe pehere comesare. Ahrireta mūsa gūhūre Epafra quehnoañe buheyere yahuri jiri. Tiquiro usā tutuaro cahīniquiro usā mehna Cristore dahra cohteriquiro ijire. Sa yero Cristo yere ne duhuerare tiquiro. Mūsare tiquiro sa yahugū tūhona, duita quehnoano ye wame tire mūsa. Sa yena Cohācjū mūsare tiquiro cahīñene poto masina, duita quehnoano ye wame tire mūsa. Mūsa sa yerire Epafra yahuri usāre. Espiritu Santo yedohoye mehna Jesu yequinare mūsa cahīñene yahuri tiquiro usāre. Tiquiro sa yahugū tūhona “Quehnoare”, niaja usā Cohācjūre.

9 Sa yena mūsare tūhona mūsare duita sa sini basaducuaaja usā Cohācjūre. Cohācjū cahmeñene mūsa masi pehoatire tiquirore sini basaja usā. Tiquiro yere quehnoano masina mūsa ijiatire sini basaja usā. 10 Sa

sini basaja usā mari pūhtoro Cristo cahmeno sahata quehnoano mūsa yeatire. Mūsa sa yegū ihñano tiquiro bucuerota. Sa yena ijipihtiye quehnoañene mūsa yeatire sini basaja. Cohācjūre mūsa masi nemoatire sini basaja. 11 Ahri yūhū yahuatī gūhūre sini basaja usā. Cohācjū tutuaye mehna mūsa tutuatire mūsare sini basaja. Sa sini basaja ñano yahdūepenata mūsa ihcāno sahatare. Ñano yahdūepenata mūsa sa tūhotu cātire, mūsa bucueye mehna mūsa sa ijiducuatī gūhūre sini basaja. 12 Cohācjū tiquiro yequina ijianare marine yere. Sa yero tiquiro ohoyere cūoanajare yere marine tiquiro. Tiquiro ijiropū buhrioropū marine ohorota tiquiro. Tiquiro sa yegū ihñana tiquirore mūsa “Quehnoare”, niatire sini basaja usā mūsare.

13 Tiquirota marine pecapū waha-borinare yahdūgū yere. Panopūre ti ñañene ye duhu masiedami mari. Ñariquiro pehe marine dutiriquiro ijin-iedi. Cohācjū pehe marine pecapū waha-borinare yahdūgū yeri. Macūnore tiquiro cahīniquirore pūhtoro sōno ūhmūsepū marine ijigū yere. Sa yena tiquiro macūno mehna ijinata. 14 Tiquiro macūno mehna marine yahdūore Cohācjū. Tiquiro macūno yariari mehna mari ñañe yerire bori Cohācjū.

### *Masa Cohācjū mehna tiquina cahme ihñano tuhtigū ihñano Cristo bosahye*

15 Mari Pacūre ihñamehnedare. Tiquiro macūno pehe tiquiro Pacuro ijiye tiyere ihñore masare. Tiquiro macūno ijipihtiye-quina pano, ijipihtiye pano iji tuhasari jiri. Sa yero pūhtoro ijire tiquiro. 16 Mari Pacū tiquiro dutigū tiquiro macūno pehe tiquiro Pacuro mehna ijipihtiyequinare, ijipihtiyere bajumehneahye. Ūhmūsepū ijiyere, ahri yehpapū ijiye gūhūre bajumehneahye. Mari ihñarire, mari ihñedari gūhūre bajumehneahye. Ūhmūse cjēna pūhtoare, dutiyequinare ijipihtiyequinare bajumehneahye. Tiquiro ijipihtiyequina gūhūre ijipihtiye gūhūre bajumehneahye. Sa yeye ijipihtiyequina tiquiro yequina ijiatiquina ijimahye. Ijipihtiye gūhū tiquiro ye ijiatī ijimahye. 17 Ijipihtiyequina pano, ijipihtiye pano Cristo iji tuhasahye.

Sa ye tiqiro tutuaye mehna ijipihitiye gāhū, ijipihitiyequina gāhū yojopure ijiye nine.

<sup>18</sup> Mari tiqiro yequina ijipihitina tiqiro pagū yero saha tiqiro ya curua cjāna ijiaja. Sa yero tiqiro mari dapu ijire. Tiqiro yariaro masa mūja mahtariqiro ijire ijipihitiyequina pūhtoro, ijipihitiyere cūoriquiro ijiro taro. <sup>19</sup> Cristo ihcāno sahata ijire mari Pacū tiqiro ijiro sahata. Tiqiro sa ijigūta cahmeahye mari Pacū pehe. <sup>20</sup> Ijipihitiyequina masa tiqiro Pacūrore cahme ihña tuhtie tiahye. Sa tiquina cahme ihña tuhtigū ihñano Cristo bosa duahye. Ūhmūse cjēnare, ahri yehpa cjēna gāhūre tiqiro Pacūrore ihña tuhtieragū ye duahye Cristo. Sa yero ūhmūse cjē, ahri yehpa cjē gāhū quehnoano ijigū cahmeahye tiqiro. Sa bosa duahye tiqiro curusapū yariaro, tiqiro diire cohāno. Tiqiro Pacūrore cahmediro sahata yeahye Cristo.

<sup>21</sup> Mūsa gāhūre sata yeri tiqiro. Tiqiro Pacūrore ihña tuhtina tiqiro mehna cjāna ijieramahye mūsa gāhū. Nāñene yeri jimedi mūsa. <sup>22</sup> Tiqiro yariari mehna tiqiro Pacūrore mūsa ihña tuhtieragū yeri tiqiro. Sa yeri tiqiro quehnoana, ñañe mariena, buhiri mariena mūsa ijigū yero taro. Mūsa sa ijigū mūsa sa buhiri marienapūre tiqiro Pacūrore ohorota. <sup>23</sup> Sata ohorota, mūsa tiqirore wacū tutuaducugū. Sa yerota tiqiro quehnoañe buheyere mūsa tūhorire mūsa boeragū. Ti buheyere quehnoañe buheyere ijipihitiyequina ahri yehpapūre ijiyequina tūhori jire. Sa yegū yūhū gāhū Pablo ti buheyereta yahugūta ijiaja.

### *Jesu yequinare yedohoriquiro ijiro, bucueahye Pablo*

<sup>24</sup> Cristo mari ñano yeri buhirire ñano yūhdūahye. Sa yegū yūhū gāhū mūsa yūhū buheri buhiri ñano yūhdūgū bucueaja. Sa ñano yūhdūgū Cristo marine tiqiro cūrire ye sohtori tigū niaja. Sa yegū bucueaja. Cristo yere mari yeri buhiri mari ñano yūhdū nemoati dūhsarīne. Sa yegū tiqirore mūsa wacū tutuatire ñano yūhdūgū bucueaja yūhū. Tiqiro pagū yero saha ijina tiqiro ya curua cjāna ijire

mūsa. <sup>25</sup> Jesu yequinare yedohoacjūre cūri Cohācjū yūhūre. Mūsa ye ijiatire yedohoacjūre yūhūre cūri tiqiro. Tiqiro yere masare yahu pehoacjūre cūri yūhūre.

<sup>26</sup> Tiqiro yere peye cūhmari panopū cjēnare yahu pehoera tiahye mari Pacū. Yojopū cjēnare tiqiro yequinare tire quehnoano yahu peho cāhre. <sup>27</sup> “Judio masa ijieyequinare yūhū buhegū yee buheye quehnoa yūhdūare”, ni tiqiro yequinare tire yahuri. Panopū tiqiro yahuerarire yojopū yahuri. Ohō saha ijire tiqiro ye: Cristo tiqiro yequina mehna ijire. Tiqiro sa ijigū tiqiro yequina ūhmūsepū quehnoa yūhdūaropū ijietā. Ti ijire panopū tiquina masiedari mari Pacū ye.

<sup>28</sup> Cristoreta yahuaja. Ijipihitiyequinare cuesāgū tiquinare buheaja yūhū. Quehnoano masiñe mehna buheaja yūhū quehnoano Cristore masare masigū yegū tagū. Sa buheaja yūhū tiqiro yere tiquina quehnoano yeyequina ijigū yegū tagū. <sup>29</sup> Ahri ijire yūhū dahraye. Mari Pacū tiqiro ye tutuaye mehna yūhūre tiqiro ohori tutuaye mehna tutuaro dahraja yūhū, tiqiro yere buhegū.

## 2

<sup>1</sup> Ahrire mūsa masigū cahmeaja. Mūsa ye ijiatire, Laodicea cjēna ye ijiatire, ijipihitiyequina apequina ye ijiatī gāhūre tutuaro dahraja yūhū. Ijipihitina mūsa yūhūre ihñena ye ijiatī gāhūre tutuaro dahraja yūhū. <sup>2</sup> Sa dahraja yūhū mūsa quehnoano jeripohna tiatire. Mūsa mehna cjēnare mūsa cahme cahīati gāhūre sa dahraja yūhū. Cohācjū ye panopū tiqiro yahuerari Cristore masigū yeye ijire. Tiqiro yere masina tiqirore wacū tutuare mūsa. Tiqirore mūsa quehnoano masiatire, tiqiro mehna mūsa quehnoano ijiatire tutuaro yedohoaja mūsa. <sup>3</sup> Apequina tiquina masiedarire Cristo dihita quehnoano masi peho cāhre. Sa yero quehnoano masiniquiro ijire tiqiro. <sup>4</sup> Ahrire niaja mūsa “Apequina mūsa sijoro saha tūho coaye buheye mehna ni mehoari”, nigū. <sup>5</sup> Yūhū mūsa watoa ijierapegūta yūhū wacūno mehna mūsa watoa ijigū yero

saha t̄hotuaja. Sa yeḡu Cristore m̄sa quehnoano wac̄u tutuaducurire, m̄sa quehnoano yeri ḡh̄re masiḡu bucueaja ȳh̄.

<sup>6</sup> Sa yena Cristore m̄sa wac̄u tutua d̄cariro sahata sata tiqirore wac̄u tu-tuaye mehna decoripe quehnoano ijiducuya. <sup>7</sup> Tiquirore quehnoano masina ijiya m̄sa. Sa yena decoripe tiqirore masi nemoña panop̄u m̄sare apequina tiquina buheriro sahata. Sa yena Cristore bucue, “Quehnoare”, niducuna ijiya m̄sa.

*Cristo yequina ijina, quehnoañe pehere cahmeaja mari*

<sup>8-10</sup> Quehnoano yeya m̄sa. Masa tiquina esa tuharo tiquina buheye tiquina ni mehoñene t̄hoerac̄h̄ña. Tiquina panop̄u cj̄ena tiquina esa tuharo niñene buhere. Tiquina sa niñe d̄h̄seati ijierare. H̄m̄se cj̄ena p̄htoa yere, wat̄a ye ḡh̄re sa buhe maca c̄h̄re. Cristo ye pehere buherare. Cristo mari Pac̄u ijiro sahata ijiriquiro ijiro, Coh̄cj̄u warota ijirota nine. Tiquiro yequina ijina Coh̄cj̄u mehna quehnoano ijiaja mari. Tiquirota ijipihtiequina p̄htoa bui, angele p̄htoa bui ḡh̄re p̄htoro ijire. Tire masina ni mehoñene buheyequinare t̄hoerac̄h̄ña. <sup>11</sup> Sa yena Cristo yequina ijina cuhnucun̄u cahseroḡare ȳhre nediquina yero saha ijire m̄sa. Ti cahseroḡare tiquina ȳhre ne coh̄riro sahata Cristo m̄sa ñañene tutuaro cahmeñene coh̄ri. <sup>12</sup> Tiquiro yequina ijina wame yenohrina wahari jiri m̄sa. Tiquiro wame yenohrina wahana oh̄ saha ni ih̄ona nidi jiri m̄sa: Panop̄u cj̄e m̄sa ñañe yerire m̄sa duhurire ih̄ona nidi jiri m̄sa. Ti m̄sa ñañe yerire m̄sa ya c̄b̄oro saha tire duhuri jiri m̄sa. Cristo masa m̄jano quehnoanop̄u wahahye. Tiquiro sa wahariro sahata Coh̄cj̄ure wac̄u tutuana “Tiquiro tutuariquiro ijire”, nina, quehnoañe pehere comesari jiri m̄sa. Tiquiro Coh̄cj̄u pehe Cristore masoriquiro ijire. Tiquiro wame yenohrina ijina quehnoañe pehere m̄sa comesarire ih̄ona niaga m̄sa.

<sup>13</sup> Panop̄ure m̄sa ñana m̄sa ijiri buhiri pecap̄u wahaborina ijimahye m̄sa. Sa wahaborina ijimahye m̄sa Coh̄cj̄u yequina

ijierana. Tiquiro dutiye mariena ijimahye m̄sa. Yojop̄ure mari Pac̄u marine tiquiro mehna sa ijiducuanare yeri. Cristo tiquiro yariari mehna sa yeri tiquiro marine. Sa yero ijipihtina mari ñañe yerire bo c̄h̄ri jiri tiquiro. <sup>14</sup> Coh̄cj̄u tiquiro dutiyere ȳhd̄d̄cana mari ijiepeḡata tiquiro marine buhiri ti dutierari jiri. Ti dutiye marine buhiri dahre dutiepeḡata ti dutiyere sa ih̄ña c̄h̄no, marine buhiri ti dutierari jiri. Cristo curusap̄u tiquiro yariari mehna Coh̄cj̄u pehe mari ñañe buhirire coh̄ c̄h̄re. <sup>15</sup> Masa tiquina ih̄nonop̄u wat̄a p̄htoare Coh̄cj̄u ȳhd̄d̄cahye. Ihyo ijiyequina tojoa c̄hye tiquina pehe. Sa yero tiquinare b̄oro wahaḡu yeahye. Curusap̄u yariaro Cristo ñañequina p̄htoare ȳhd̄d̄cahye.

*H̄m̄se cj̄ene Coh̄cj̄u yere cahmeña*

<sup>16</sup> Sa ye apequina m̄sa ihyayere, m̄sa sihniñe ḡh̄re ih̄ñañe m̄sare “Buhiri tina ijire”, ni ih̄ñaboaga. Tiquina sa ni ih̄ñaḡu sa ih̄ña c̄h̄ña tiquinare. C̄h̄maripe ijiye decorire, as̄ripe ijiye decorire, semanaripe ijiye decorire bose decori m̄sa yeraḡu ih̄ñañe m̄sare “Buhiri tina ijire”, niboaga tiquina. Tiquina sa niḡu sa ih̄ña c̄h̄ña tiquinare. <sup>17</sup> Panop̄u ti ih̄ya dutiyere, bose decorire ye dutiyere, apeye dutiye ḡh̄re c̄ahye Coh̄cj̄u marine buhero taro. Ti dutiye mehna camep̄u tiquiro yeatire Coh̄cj̄u ye ih̄nono niahye. Cristo tiquiro ijie tiatire mehenoḡa ye ih̄nono niahye masare. “Tiquiro oh̄ saha waharota”, nino sa ye ih̄nono niahye. Sa yeati ijimahye ti dutiye. <sup>18</sup> Oh̄ saha nimene ti dutiyere ye dutiyequina. “Sijoro saha ijiyere bajuaḡu ih̄ñau us̄a”, niñe, tiquina angelere Coh̄cj̄ure tiquina ño peoboro saha ño peomene. Apequina masa yero saha tiquina ñañene tutuaro cahmeñene t̄hotumene tiquina. Sa ijiyequina ijiye “Masi peho cj̄a us̄a”, ni t̄hotumene tiquina. Sa yeye tiquina apequinare “Ȳhd̄d̄caeraja”, niñequina, sijoro saha yeeyequina yero saha ye ih̄nomene m̄sare. Sa yeye m̄sare tiquinare ih̄ña c̄u dutire. Tiquina sa dutiḡu tiquinare sa ih̄ña c̄h̄ña. <sup>19</sup> Sa yepeta Cristo tiquiro dutiro saha yeye niedare. Cristo pehe tiquiro yequinare

dapu yero saha ijire tiquiro yequina p̄h̄toro ijiro. Tiquiro yequina pehe tiquiro paḡu yero saha ijiyequina tiquiro ya curua cj̄ena ijire. Mari coh̄ari dohoye mari wa dari ḡuh̄u mari paḡure ihc̄a paḡu ijiḡu yere. Sata Cristo pehe tiquiro yequinare ihc̄ano mehna quehnoano mehna ijiḡu yere. Sa yero Coh̄ac̄j̄u pehe tiquiro yequinare tiquirore masi nemoḡu yere.

<sup>20</sup> Sa ye Cristo yequina ijina ñañene ye duhurina ijire m̄usa. Sa yena ahri yehpa cj̄e ñañe buheyere cahmedac̄ah̄ña. Ti buheye uhm̄usep̄u ijimediquina ñañequina p̄h̄toa ye ijire. Sa yena ti buheyere cahmedac̄ah̄ña. ¿Duh̄se yena masa tiquina esa tuharo dutiyere ño peojari m̄usa?

<sup>21</sup> Oh̄o saha ni dutire tiquina esa tuharo dutiyequina: Ahri borore ihyerac̄ah̄ña. Ahri borore ne ihya tuhuerac̄ah̄ña. Ahri borore piherac̄ah̄ña. Sata ni, dutire tiquina. <sup>22</sup> Mari apee borore ihyaḡu duita pihtia wahare. Sa ijiye borore pihtiyere borore t̄hotuyere nine sa dutiyequina. Tiquina sa dutiḡu ahri yehpa cj̄e dutiye dihita ijire ti dutiye. Masa tiquina esa tuharo tiquina buheye dihita ijire ahri buheye. Sa ye duh̄seati ijierare. <sup>23</sup> Ti dutiyere yeyequina Coh̄ac̄j̄ure ño peoyequina yero saha ijimene. Sa ijiye apequinare yuh̄dūdc̄aeyequina yero saha ye ih̄nomene. Tiquina paḡurire ñano yuh̄dūḡu yeye Coh̄ac̄j̄ure ño peoyequina yero saha ye ih̄nomene tiquina. Tiquina sa yeḡu tiquina ye dutiye pehe masi pehoyequina ye dutiye yero saha ijimene. Sa ijierare. Ti dutiyere yepeta tiquina ñañene tutuaro cahmeñene duhuerare. Sa ye tiquina ye dutiye pehe duh̄seati ijierare.

### 3

<sup>1</sup> Sa yena Cristo yequina ijire m̄usa. Panop̄u m̄usa ñañe yerire duhu, quehnoañe pehere comesari jiri m̄usa. Sa comesana ijina uhm̄use cj̄ene Cristo yere cahmeña m̄usa. Top̄ure mari Pac̄u poto peher̄u dujire tiquiro. <sup>2-3</sup> Uhm̄use cj̄e Coh̄ac̄j̄u yere quehnoano t̄hotuyera m̄usa. Ahri yehpa cj̄e ñañene wac̄u n̄n̄medac̄ah̄ña m̄usa. Cristo yequina ijina ti ñañene wac̄u duerare m̄usa. Tiquiro pehe ti ñañene cahmotare.

Sa yena tire wac̄u n̄n̄medaro cahmene m̄usare. <sup>4</sup> Sa yena Cristo uhm̄usep̄u marine sa ijiducuatinare yeriquiro tiquiro ahtaḡu tiquiro mehna wahanata m̄usa. Sa wahana tiquiro mehna cj̄ana ijinata.

#### *Cristo yequina mari ijiato panore ñañene yemi mari*

<sup>5</sup> Sa ye ñañene ye duhu c̄ah̄ña m̄usa: Omoca duhterina ḡuh̄u, duhterina ḡuh̄u w̄hana tiyere, ña yuh̄dūaro yeyere, apequiro namonore tutuaro cahmeñene, apecoro man̄nore tutuaro cahmeñene, ñañene tutuaro cahmeñene duhu c̄ah̄ña m̄usa. Apee borore tutuaro cahmedac̄ah̄ña. Apee borore tutuaro cahmena “Coh̄ac̄j̄u ijire”, tiquina niñe queoyere mari cahmeno sahata yena niaja mari tire. Doeri cj̄ene ño peoyequina yero saha yena niaga m̄usa. <sup>6</sup> Ti ñañene yeyequina Coh̄ac̄j̄ure yuh̄dūdc̄ayequina ijire. Tiquina sa ye yuh̄dūdc̄aḡu ih̄nano tiquinare buhiri dahrerota. <sup>7</sup> Panop̄ure m̄usa pehe ti ñañene yena ijina tiquina mehna ijinina ijimahye m̄usa.

<sup>8</sup> Sa ijimedina ijiepenata yojop̄ure ahri ñañene duhu peho c̄ah̄ña m̄usa: Usuayere, apequinare ñano ni t̄hotuyere, apequinare ñano quitu dahreyere, ñano yahuducuyere tire ijipihtiyere duhu c̄ah̄ña. <sup>9-10</sup> M̄usa pehe Jesu yequina wahana ti ñañe yeyere duhu tuhasari jiri. Sa yena quehnoañe pehere comesarina ijire m̄usa. M̄usare quehnoañe pehere cahmeḡu yero nine Coh̄ac̄j̄u tiquiro yero saha m̄usa ijiato saha. Sa yere tiquiro quehnoano tiquirore m̄usa masiato saha. Sa yena m̄usa mehna cj̄enare ni mehoedac̄ah̄ña. <sup>11</sup> Cristo yequina ijina judio masa, judio masa ijiena ḡuh̄u ihc̄ano saha ijire m̄usa, Coh̄ac̄j̄u ih̄naḡu. Cuhnucun̄u cahseroḡare yuh̄re nediquina, yuh̄re nedariquina ḡuh̄u Cristo yequina ijiye ihc̄ano saha ijire, Coh̄ac̄j̄u ih̄naḡu. Ape yehpa cj̄ena, m̄usa masieñequina, m̄usa ya yehpa cj̄ena ḡuh̄u Cristo yequina ijiye ihc̄ano saha ijire, Coh̄ac̄j̄u ih̄naḡu. Dahra cohteyequina, dahra cohteyequina ijieyequina ḡuh̄u Cristo yequina ijiye ihc̄ano saha

ijire, Cohãcjũ ihñagũ. Jesu ijipihtiye-quina tiqairo yequina mehna ijire. Ihyo ijiriquiro ijierare, tiqairo yequina ihñagũ.

12-13 Sa ye Cohãcjũ beserina, quehnoana, tiqairo cahña ijina ohõ saha ijiya m̄sa: Apequinare paja ihñana, apequinare quehnoano yena, apequinare quehnoano mehna yena, “Apequinare masi ȳhd̄d̄caja”, niena, m̄sare tiqaina ñano yepegũta sa t̄hotu cãna ijiya m̄sa. M̄sa mehna cjẽna mehna usuana, tiquinare q̄uti dahrena, m̄sa basi usua duhuya. Mari p̄htoro m̄sa ñaife yerire bori. Sa tiqairo boriro sahata m̄sa ḡh̄m̄ m̄sa mehna cjẽna m̄sare tiqaina ñaife yerire boya. 14 Ahri dutiye ȳhd̄oro ohõ saha ni dutiaja m̄sare: Apequinare cahña. M̄sa sa yena quehnoano ijipihtiyequina mehna ihcãno mehna ijinata. 15 Cristo marine quehnoano ijigũ yere unureno marieno mari ijiato saha. Tiquiro sa yegũ quehnoano ijiya m̄sa basi. Sa yeatinare tiqairo yequina ijiatinare cũahye mari Pac̄ m̄sare. Sa yena Cristo paḡm̄ yero saha ihcã curuata ijire m̄sa. Sa ye Cohãcjũre “Quehnoare”, ni bucuena ijiya m̄sa.

16 Cristo ye buheyere quehnoano wacũducuya m̄sa. Quehnoano masi buheya tiqairo yere. Cua pesaro mehna tire yahuya. Sa yena Salmore Cohãcjũ yere basayere, apeye tiqairore ño peo basayere tiqairore basa peoya. Quehnoano wacũ ño peoye mehna basa peoya. Sa basana tiqairo yere quehnoano wacũña m̄sa. Sa yena Cohãcjũre “Quehnoare”, ni bucuena ijiya m̄sa. 17 Ijipihtiyere d̄hse ijiyere m̄sa yeyere quehnoano jeripohna ti yeya, mari p̄htoro Jesu tiqairo bucueato saha. Cristore ño peore m̄sa. Sa yena tiqairore ño peoye mehna quehnoañe dihitare yahuducuya. Sa yena Cristo yedohoye mehna Cohãcjũ mari Pac̄re sinina “Quehnoare”, ni bucuena tiqairore.

*Jesu yequinare ihcãno mehna iji dutiye ohõ saha ijire*

18 M̄sa man̄ tina numia, m̄sa man̄s̄m̄are quehnoano ȳhtiya m̄sa. Sata yero cahmene m̄sare mari p̄htoro Cristo yequina numia ijina.

19 M̄sa namo tina, m̄sa namosãnumiare cahña. Sa yena tiqaina numiare tuhtieracãhña.

20 M̄sa tiqaina pohna ḡh̄m̄, m̄sa pac̄s̄m̄are ȳhd̄d̄caeracãhña. M̄sa sa yegũ ihñano mari p̄htoro quehnoano bucuere.

21 M̄sa tiqaina pac̄s̄m̄a ḡh̄m̄ m̄sa pohñare sa tuhtiducueracãhña “B̄j̄a witigũ yeari”, nina.

22 Cahacjãna, m̄sa p̄htoare ahri yehpa cjẽnare quehnoano ȳhtiducuya. Tiquinare bucue dutina tiqaina ihñonop̄ dihitare ȳhtina ijieracãhña. Tiquina mariedagũ ḡh̄are ȳhtiya. Mari p̄htoro Cristore cua pesaro mehna m̄sa ihñano sahata quehnoano mehna ȳhtiya m̄sa p̄htoa ḡh̄are.

23 Potota Cristo yequina ijina quehnoano ȳhtire m̄sa tiqairore. Sa yena m̄sa p̄htoare ahri yehpa cjẽnare ȳhtina, Cristore m̄sa ȳhtiro saha ȳhtinata nine m̄sa. Sa yena m̄sa p̄htoa tiqaina dutiro sahata tutuaro mehna dahraya, Cristo ye dutiye ti ijiboriro saha. 24 M̄sa sa yegũ Cristo m̄sare quehnoano yerota. “M̄sare ohoutja”, tiqairo niñene m̄sare ohorota mari p̄htoro. Tire masine m̄sa. Mari p̄htoro Cristo cahacjãna ijire m̄sa. Sa yero tiqairo pehe m̄sa p̄htoro waro ijire. 25 Tiquina p̄htoare ȳhd̄d̄cayequinare buhiri dahrerota mari p̄htoro pehe. Sa ȳhd̄d̄cayequinare ihcãquiro d̄hsaro marieno ihcãno saha buhiri dahrerota tiqairo.

## 4

1 M̄sa p̄htoa pehe, m̄sa cahacjẽnare poto queoro quehnoano yeya tiquinare. M̄sa ḡh̄m̄ p̄htoroore c̄ore. M̄sa p̄htoro m̄sa c̄oriquiro pehe ām̄se cjãno ijire. 2 Decoripe Cohãcjũre siniña m̄sa. Quehnoano wacũ t̄hotu siniña. Sa yena “Quehnoare”, niña mari Pac̄re. 3-4 Usã ye ijiati pehere sini basaya tja. Cristo yere apequina panop̄ tiqaina masiedarire buhena niaya usã. Tiquinare usã quehnoano masigũ yeati pehere sini basaya mari Pac̄re. Cristo yere ȳh̄m̄ buheri buhiri ȳh̄m̄ yojop̄re peresup̄ iji-aja. Sa yeḡm̄ m̄sa sa sini basagũ cahmeaja

tiquiro yere yãhũ quehnoano yahuatire. Cristo dutiriro saha yãhũ yahuatì pehere sini basaya.

<sup>5</sup> Jesu yequina ijieyequina mehna ijina quehnoano yeya m̃sa. Cristo yere yahuya tiquinare. Tiquina mehna m̃sa ijìro puno sata quehnoano yeya. <sup>6</sup> Tiquina mehna yahuducuna quehnoano bucueye mehna yahuducuya. Quehnoañe dihitare yahuducuya. Apequina m̃sare tiquina sinitugã quehnoano masiña m̃sa yãhtiatire.

### *Quehnoa duti bato tiahye Pablo*

<sup>7</sup> Tiquico mari acayũro Jesu yaquiro ijire. Tiquiro yãhũ ijiye tiyere m̃sare yahurota. Tiquiro mari cahñiquiro ijire. Cristo yere buhero, usã mehna dahrariquiro ijire. Sa yero Cristo yere ne duhuerare tiquiro. <sup>8</sup> M̃sa cahapũ tiquirore ohou yãhũ usã ijiye tiyere m̃sa masino quehnoano. Tiquirore ohou yãhũ m̃sare bucuegã yeatiquirore. <sup>9</sup> Onésimore mari acayũrore m̃sa cahapũ ohou. Tiquiro gãhũ Cristo yere ne duhuerare. M̃sa mehna cjãno ijire. Tiquina p̃hãro usã ohõre dahse yãhdãrìre yahuetã m̃sare.

<sup>10</sup> Aristarco peresupũ ijiriquiro yãhũ mehna cjãno m̃sare quehnoa dutire. Marco gãhũ quehnoa dutire. Tiquiro Bernabé basuriro ijire. Tiquirore yahu tuhasaũ m̃sare. M̃sa cahapũ tiquiro esagã quehnoano mehna tiquirore piti caya. <sup>11</sup> Jesu “Justo”, tiquina ni pisuriquiro quehnoa dutire tiquiro gãhũ. Ahriquina ihtiarota yãhũ mehna dahrayequina judio masa waro ijire. Judio masa waro tiquina dihita Cohãcjũ yere yãhũ mehna buhere. Sa buheaja usã Cohãcjũ yequina masa wahatire, Cohãcjũre tiquina p̃hãtoro tiatire. Tiquina yãhũre quehnoano yedohoriquina ijire. <sup>12</sup> Epafrã m̃sa mehna ijiriquiro m̃sare quehnoa dutire. Tiquiro Cristore dahra cohteriquiro ijire. Cohãcjũre sinino, m̃sa ye ijiatire tutuaro sini basaducuro nine tiquiro. Cohãcjũre quehnoano wacũ tutuaducuatiquinare, tiquiro cahmeno saha yeatiquinare m̃sa ijiatire sa sini basaducuro nine tiquiro Cohãcjũre. <sup>13</sup> Tiquiro m̃sa ye ijiatire tutuaro sini basare. Laodicea cjẽna ye

ijiatire, Hierapoli cjẽna ye ijiatì gãhũre tiquiro tutuaro sini basare. Tiquiro sa yeriquiro ijigã ihñagũ m̃sare yahugũ niãja. <sup>14</sup> Duturu Luca mari cahñiquiro m̃sare quehnoa dutire. Demã gãhũ quehnoa dutire.

<sup>15</sup> Quehnoahdo mari acaye Jesu yequina Laodicea cjẽna. Ninfa gãhũ quehnoahdo. Jesu yequina ticoro ya wãhãpũ cahme-coañequina gãhũ quehnoahdo. <sup>16</sup> Ahri pũre yãhũ ojoa ohori pũre m̃sa mehna cjẽnare m̃sa buhe tuhasari bato Laodicea cjẽna gãhũre ohoya. Sa yena tiquinare Laodicea cjẽnare yãhũ ojoa ohori pũre m̃sa gãhũ buheya. <sup>17</sup> Sa yena ohõ saha niña Arquipore: “Mari p̃hãtoro Jesu yaquiro m̃hũ ijigã tiquiro yere buheacjũre cũri m̃hũre. Tiquiro sa cũgã quehnoano buhe sohtori tiya m̃hũ”, niña tiquirore.

<sup>18</sup> Yãhũ Pablo, yãhũ omoca mehna ahriore ojoaja. M̃sare quehnoa dutiaja yãhũ. Peresupũ yãhũ ijiyere wacũ, sini basaya m̃sa Cohãcjũre. Quehnoano ijiya m̃sa. Cohãcjũ cahñe mehna m̃sare quehnoa dutiaja.

# 1 Tesalonicenses

*Pablo ojoa ohoahye Jesu yequinare Tesalónica cjēnare*

<sup>1</sup> Yuhuh Pablo, Silvano, Timoteo gūhuh mūsare quehnoa dutiaja. Sa yeguh ahrire mūsare ojoa ohoaja yuhuh, Pablo. Mūsa pehe Tesalónica cjāna mari Pacuh Cohācjū yequina ijire. Mari puhtoro Jesucristo yequina gūhuh ijire mūsa. Sa yena Cohācjū mari Pacuh, mari puhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

*Jesu yequina Tesalónica cjēna pehe Jesure quehnoano wacū tutuahye*

<sup>2</sup> Cohācjūre sinina ijipihtiyequina Jesure mūsa wacū tutuayere wacūna, “Quehnoa yuhduare usāre”, niducuaaja usā mūsare. Cohācjūre sinina, mūsa ye ijiatire sa sini basaducuna niaja usā. <sup>3</sup> Mūsa pehe Jesucristore quehnoano wacū tutuañohiti. Sa wacū tutuana, Jesu yere yeñohiti mūsa. Jesucristore, apequina gūhuhare mūsa cahñohiti. Sa cahña, Jesu yere tutuaro yena niaga mūsa. Jesucristore mari puhtorore wacū tutuaducuhñohiti mūsa. Sa wacū tutuaducuna mūsare tiquiro yuhduoatire masina, tire cohtena niñohiti mūsa. Sa yena tiquirore wacū tutua duhuerañohiti mūsa. Cohācjū mari Pacuhre sinina, tire mūsa sa yerire wacūaja usā. <sup>4-5</sup> Usā acaye, Cohācjū cahñona ijire mūsa. Mūsare tiquiro beserire masiaja usā. Sohō ijiri pje mūsare quehnoañe buheyere buhena sa yahu cāna nieduh mūsare. Espiritu Santo tiquiro tutuaye mehna quehnoañe buheyere buhena nii mūsare. Sa buhena ti buheye poto ijigū quehnoano masii usā. Sa yena mūsa watoa usā ijina, usā yerire masine mūsa. Mūsare yedohona sa yei usā. Mūsare buherina ijina, Cohācjū beserina mūsa ijigū masiaja usā.

<sup>6</sup> Sohō ijiri pjeruhare mūsa ñano yuhduana, quehnoañe buheyere cahmedi mūsa. Mūsa sa cahmegū, Espiritu Santo pehe mūsare quehnoano bucuegū yeri. Tiquiro sa yegū mūsa pehe usāre ihña cū, usā

yeri. Sa yena Jesu gūhuhare ihña cūri mūsa. <sup>7</sup> Sa ye Jesu yequina Macedonia yehpa cjēna, Acaya yehpa cjēna gūhuh Jesu yere mūsa yerire masidi. Sa masiñe tiquina gūhuh mūsare ihña cū, mūsa yeriro sahata yeri. <sup>8</sup> Macedonia yehpa cjēna, Acaya yehpa cjēna gūhuh mari puhtoro yere mūsa buhegū tuhooñohiti. Cohācjūre mūsa wacū tutuarire tuhoriquina pehe tiquina dihita ijierare. Ijipihtiro cjēna mūsa wacū tutuarire tuhooñohiti. Sa ye usā tiquinare yahuerapegūta tire masi tuhasari tiquina. <sup>9</sup> Sa ye mūsa caharuh usā tinidire, usāre mūsa quehnoano piti carire yahuri tiquina ijipihtiro cjēnare. Sa yena Cohācjū pehere wacū tutuana, “Cohācjū ijire”, ni mūsa ño peoye queoyere cohā cāri mūsa Cohācjū ye pehere yena tana. Tiquiro Cohācjū pehe catiriquiro, Cohācjū waro ijire. <sup>10</sup> Sa ye “Cohācjū macuhnore uhmusepuh ahtatiquirore Tesalónica cjēna cohteye nine”, ni yahuri masa mūsare. Tiquiro macuhnore yariariquirore Cohācjū masoahye. Tiquiro sa masogū tiquiro macuhno Jesu pehe marine ña yuhduaro tiquiro buhiri dahreborinare yuhduori jiri.

## 2

*Tesalónica wame tiri macaruh tiquiro dahrarire yahuahye Pablo*

<sup>1</sup> Mūsa caharuh ijina usā sa iji cāna nieda tii. Mūsare quehnoano yedohorina ijie tii usā. Tire quehnoano masine mūsa, usā acaye. <sup>2</sup> Sa yena Filiporuh ijina ñano usā yuhdurire, usāre ñano tiquina yerire quehnoano masine mūsa. Usāre tiquina sa yepegūta Cohācjū yedohoye mehna cuero marieno Cohācjū yere quehnoañe buheyere buhei usā mūsa gūhuhare. Usāre masa peyequina tiquina ihña tuhtiepegūta quehnoañe buheyere buhei usā mūsare. <sup>3</sup> Mūsare buhena quehnoano usā masidire buhei usā mūsare. Sa buhena potota mūsare yedohona nii. Mūsare buhena ni mehoeduh. <sup>4</sup> Cohācjū cahmeno saha buheaja usā. Quehnoañe buheyere buheanare Cohācjū beseri usāre. Tiquiro sa beserina usā ijigū tiquiro ye buheyere usā buhegū quehnoarñe, Cohācjū ihñagū. Sa yena ohō saha buheaja usā. Masa

tiquina ihña bucueatire buhena niedaja usã. Cohãcjũ pehe usãre tiquiro ihña bucueatire tiquiro yere buheaja usã. Tiquiro pehe mari tãhotuyere, mari ye duayere quehnoano masine. <sup>5</sup> Quehnoañe buheyere buhena tãho bucueati yahuducuye mehna buhena niedu. Queoro quehnoano mehna buhei usã musare. Ahrire masine musa. Sa yena usã buhena, musare apee borore wapa cahmena niedu usã. Ahrire Cohãcjũ masine. Potota nigu niaja. <sup>6</sup> Sa buhena masa usãre tiquina ño peoatire yena niedu usã. Musare apequina gũhare usãre ño peo dutina tana niedu.

<sup>7</sup> Sa ño peo dutierapenata Cristo cõrina ijiaja. Sa tiquiro cõrina ijina musare wapa cahmeboya usã. Sa yena pãhtoa yero saha musare dutina ijiboya usã. Sa ijiepenata numino ticoro nijinogãre ticoro quehnoano masoriro saha quehnoano mehna yei usã musare. <sup>8</sup> Sa yena musare quehnoano cahmena, Cohãcjũ yere quehnoañe buheyere buhei usã musare. Sa yena ti dihitare yena niedu musare. Musare quehnoano yedohou, usã catinina. Usã cahña musa ijigũ musare sa yedohou usã. <sup>9</sup> Sa musare cahña tutuaro yedohou usã musare. Tire wacũre musa, usã acaye. Cohãcjũ yere quehnoañe buheyere buhena musa cãoyere sini cariboeru musare. Sa yena decori, ñamini gũhare dahrau usã.

<sup>10</sup> Quehnoano, poto, ni mehono marieno musare Jesu yequinare usã yerire masine musa. Cohãcjũ gũhu tire masine. <sup>11</sup> Sa yena ihcãquiro masuno tiquiro pohnene tiquiro quehnoano yahu bucuegũ yeriro saha musa gũhare yahuna bucuegũ yei. Tire masine musa. <sup>12</sup> Cohãcjũ tiquiro pãhthora ijiroru, quehnoa yãhdãaroru musare pijiori. Sa yena tiquiro yequina musa ijigũ Cohãcjũ cahmediro sahata musare iji dutii usã.

<sup>13</sup> Cohãcjũ yere musare usã yahurire musa tãhona, ohõ saha ni tãhoturi musa: “Masa tiquina esa tuharo tiquina buheye ijierare. Cohãcjũ ye buheyeta ijire”, ni tãhoturi musa. Tire musa tãhotugũ masina bucueaja usã. Sa yena Cohãcjũre sinina “Quehnoare”, niaja usã tiquirore. Ijirota ijire. Musare usã buheye Cohãcjũ yahuducuye poto ijirota nine. Sa yero musa Jesure

wacũ tutuana ijigũ Cohãcjũ tiquiro ye buheye mehna musare quehnoañe pehere comesagũ yere. <sup>14</sup> Jesucristore wacũ tutuayequinare Judea yehpa cjẽnare tiquina yeriro saha musa gũhare yeri apequina. Judea yehpa cjẽna Jesu yequina pehere tiquina acaye ijiepetã ñano yãhdãgũ yeri judio masa pehe. Musã gũhare musa ya dihta cjẽna ñano yãhdãgũ yeri. <sup>15-16</sup> Judio masa pehe Cohãcjũ yere yahu mãhtariquinare panoru cjẽnare wejẽe tiahye. Sa ye mari pãhthora Jesu gũhare wejẽahye tiquina. Sa yeye tiquina usãre cohãri. Cohãcjũre tiquina bujãa witigũ yeri. Sa ye peyequina masare ihña tuhtiri tiquina. Judio masa ijieyequinare Cohãcjũ yere usã yahu duami tiquina gũhare pecaru wahaboriquinare “Cohãcjũ yãhdãoahro”, nina. Usã sa yahu duepegãta judio masa pehe usãre ne Cohãcjũ yere apequinare yahu dutierari. Sa yahu dutieraye pajiro buhiri ti nemoñe nine tiquina. Yojopãre tiquinare tutuaro Cohãcjũ buhiri dahrerota.

### *Pablo Tesalónica cjẽna caharu pari turi tini duamahye*

<sup>17</sup> Usã acaye, yojopãre mehenogã musa caharu ijierana musare wacũna niaja. Sa yena musare tutuaro ihña duana, musa caharu waha duami. <sup>18-19</sup> Ihquẽ tahari yãhu Pablo musare ihñagu waha duami. Yãhu sa waha duepegãta Satana pehe usã wahaborirore dojomehnedi. Sa yena wahaeru usã. Usãre bucuegũ yena musa ijigũ musare ihña duami. Usã buhegũ quehnoano tãhorina ijire musa. Mari pãhthora Jesu ahri yehpãru tiquiro tojoa tagũ musa pehe usãre bucuegũ yenata. Sa yena bucueye mehna musa mehna Jesu poto ducunata. <sup>20</sup> Sata ijire. Musare ihñano Jesu pehe “Quehnoano buheri musa”, ninota usãre. Sa yena quehnoano bucueaja usã.

## 3

<sup>1-2</sup> Sa ye musare yoari pje ihñedana musare tutuaro tãho duana tire wacũna, Timoteore musa caharu ohou. Tiquiro mari acayãro Jesu yaquiro Cohãcjũ cahacjãno ijiro, usã mehna quehnoañe buheyere buheriquiro ijire. Sa yena



tiquirore ohou Jesucristore quehnoano m̄sa wacū tutuatire, m̄sa bucueati gūh̄re. Tiquirore ohona us̄a seh̄saro Atena wame tiri macap̄a tojoar̄i. <sup>3</sup> M̄sa ñano ȳhd̄epenata Jesu yere m̄sa coh̄edatire ohou us̄a Timoteore. Jesu yequina ijina ñano ȳhd̄unata mari. Tire masine m̄sa. <sup>4</sup> Panop̄are m̄sa mehna us̄a ijinina, mari ñano ȳhd̄uatireta yahu tuhasa m̄sare. Sa yena us̄a nidiro sahata mari ñano ȳhd̄u. Tire m̄sa quehnoano masine. <sup>5</sup> Sa yeḡu m̄sare yoari p̄je ih̄nedaḡu m̄sare tutuaro t̄ho dua. Sa yeḡu Jesure m̄sa wacū tutuarire masiḡu taḡu Timoteore ohou ȳh̄u. “Wat̄ño m̄sare ñano ye dutiari”, niḡu, “M̄sare us̄a buherire m̄sap̄a duhuari”, niḡu, tiquirore ohou ȳh̄u. Jesu ye buheyere m̄sa duhuḡu m̄sare us̄a buheri d̄h̄seati ijieraboaga.

<sup>6</sup> Sa yero yojop̄are Timoteo m̄sa cahap̄u ijiriquiro us̄a cahap̄u tojoa wihiri. Sa tojoa wihiro quehnoañe quitire us̄are yahuri tiquiro. Jesure m̄sa quehnoano wacū tutuayere, apequinare m̄sa cah̄ñe gūh̄re tiquiro yahuri us̄are. Sa ni tuhasa us̄are m̄sa quehnoano wacūrire, m̄sare us̄a ih̄ña duariro sahata m̄sa gūh̄u tutuaro us̄are m̄sa ih̄ña duarire yahuri us̄are tiquiro. <sup>7</sup> Sa yena us̄a acaye yojop̄are ñano ȳhd̄epenata m̄sa Jesure quehnoano wacū tutuaḡu t̄hona us̄a bucueaja. <sup>8</sup> Jesure m̄sa quehnoano wacū tutuarire tiquiro yere m̄sa coh̄edarire t̄hona quehnoano jeri saj̄aja us̄a. <sup>9</sup> Sa ni t̄hotuna, Coh̄c̄j̄u ih̄ñonop̄u us̄a tutuaro bucueaja. Sa bucuenta Coh̄c̄j̄ure “Quehnoare”, niaja us̄a. <sup>10</sup> Deco gūh̄re, ñamip̄u gūh̄re Coh̄c̄j̄ure siniaja m̄sare us̄a ih̄ñatire. Jesu yere m̄sa quehnoano masi pehoḡu ye duaja us̄a quehnoano m̄sa tiquirore wacū tutua nemoatire.

<sup>11</sup> Coh̄c̄j̄u mari Pac̄u tiquiro basi, mari p̄h̄toro Jesu gūh̄u us̄are tiquina yedohoḡu cahmeaja m̄sa cahap̄u us̄a wahatire. <sup>12</sup> Sa yero mari p̄h̄toro Jesu ijipihtiyequina m̄sa mehna cj̄enare, ijipihtiyequina apequina gūh̄re cah̄i nemoḡu yeahro m̄sare. M̄sare us̄a cah̄i diro sahata tutuaro cah̄i nemoḡu yeahro m̄sare. <sup>13</sup> M̄sare quehnoano

tiquiro yedohoḡu, buhiri mariena, ñañe mariena ijinata m̄sa, Coh̄c̄j̄u mari Pac̄u ih̄ñaḡu. Mari p̄h̄toro Jesu ijipihtiyequina tiquiro yequina quehnoañequina mehna ahri yehpap̄u tiquiro tojoa taḡu sata ijinata m̄sa.

## 4

*“Coh̄c̄j̄ure bucueḡu ye duana oh̄o saha yeya”, ni yahuahye Pablo*

<sup>1</sup> Yojop̄are Jesu mari p̄h̄toro tiquiro dutiro mehna m̄sare oh̄o saha ni yahuaja: “Coh̄c̄j̄ure bucueḡu ye duana oh̄o saha yeya”, ni buhei us̄a m̄sare. Us̄a sa buheri bato us̄a buheriro sahata yeñoh̄ti m̄sa. M̄sa sa yeriro sahata ye nemoña. Tire tutuaro ye dutiaja m̄sare.

<sup>2</sup> Jesu mari p̄h̄toro tiquiro buhe dutiro mehna m̄sare us̄a buherire quehnoano masine m̄sa. <sup>3</sup> Ahrire m̄sare yahu nemoutja: M̄sa oh̄o saha ijiḡu cahmene Coh̄c̄j̄u: Ñañene yerac̄h̄ña. Coh̄c̄j̄u ye pehere yeya. Sa yena numia mehna ñano yerac̄h̄ña. M̄sa numia gūh̄u am̄ua mehna ñano yerac̄h̄ña. <sup>4</sup> Ñano yero marieno, ño peoye mehna m̄sa namos̄anumiare c̄uoya. Coh̄c̄j̄u m̄sa tire masiḡu cahmene. <sup>5</sup> Coh̄c̄j̄ure cahmeeñequina Coh̄c̄j̄ure masieñequina ñañene tutuaro cahmeñe, numia mehna ñano tiquina yeriro saha yerac̄h̄ña m̄sa pehe. <sup>6</sup> Tiquina yero saha m̄sa yeraḡu cahmene Coh̄c̄j̄u, m̄sa acaȳro namono mehna m̄sa ñano yeratire. M̄sa sa ñano yena m̄sa acaȳrore ȳhd̄ud̄ucana niaga. Mari p̄h̄toro Coh̄c̄j̄u ti ñañene tiquina yeḡu ih̄ñano buhiri dahreatiquiro ijero nine. Sa yena m̄sare cues̄ana tire yahuaja m̄sare. <sup>7</sup> Ñañene yeanare beserahye Coh̄c̄j̄u marine. Ñañene ye dutieraro beseahye marine. <sup>8</sup> Sa yena ijipitina m̄sa ahri us̄a buherire ȳhd̄ud̄ucana, masa ye buheyere ȳhd̄ud̄ucana niedare m̄sa. Coh̄c̄j̄u ye pehere ȳhd̄ud̄ucana nine. Tiquiro m̄sare Esp̄iritu Santore ohoriquiro ijire.

<sup>9-10</sup> M̄sa acayere Jesu yequinare cahme cah̄ñene Coh̄c̄j̄u m̄sare buhe tuhasari. Tiquiro sa buheḡu potota Jesu yequinare Macedonia cj̄enare ijipihtiyequinare

quehnoano cahĩne m̄sa. M̄sa sa cahĩgũ ihĩana “M̄sa acayere cahme cahĩña”, ni buheraja m̄sare. Tiquinare cahĩ tuhasare m̄sa. Sa ni buhe nemoedapenata ahri pehere m̄sare dutiaja. Yojop̄re apequinare m̄sa cahĩno sahata cahĩ nemoña m̄sa. <sup>11</sup> Sa yena m̄sa basi cahme ihĩa tuhtiro marieno ijiya m̄sa. Apequinare sijoro saha ni yahuducueracãhĩa. Sa ihĩa cãhĩa tiquinare. Sa yena m̄sa ye dahraye pehere quehnoano dahraya. Panop̄ta m̄sare sa ye dutii. <sup>12</sup> Sata yeya m̄sa, apequina m̄sare tiquina ño peoatire, apequina yere m̄sa cariboeratire.

*Ahri yehpap̄re Jesu tojoa tatire yahuahye Pablo*

<sup>13</sup> Yojop̄re yariariquina m̄nare yahutja m̄sare: Jesure cahmedaye, masa Cohãcjũ cahap̄ wahasi. Sa ye tiquina mehna cjẽna tiquina yariagũ ihĩañe tutuaro buj̄a witire. Yariariquina m̄na tiquina dahse wahatire potota quehnoano m̄sa masigũ cahmeaja usã, apequina tiquina buj̄a witiro saha m̄sa buj̄a witiatore. <sup>14</sup> Jesu yariari bato masa m̄jari jiri. “Ti potota ijire”, niaja mari. Sa yena ahri gũhare “Ijirota ijire”, ninata. Cohãcjũ pehe tiquiro yequina m̄nare yariariquina m̄nare masa m̄jagũ ye, neanota Jesu mehna. Ti gũhare “Ijirota ijire”, niaja mari.

<sup>15</sup> Jesu tojoa tagũ tiquiro yequina yariariquina m̄na catiyequina pano masa m̄ja m̄htaeta. Mari p̄htoro Cohãcjũ ye yahuyeta ijire ahri. <sup>16</sup> Ohõ saha ijirota Jesu tojoa tagũ: Mari p̄htoro tiquiro basi tutuaro sañuducu m̄htanota. Sa yero tiquiro yequina angele p̄htoro tutuaro pisurota. Sa tiquiro pisugũ Cohãcjũ ya corneta bisirota. Tiquina sa yegũ Jesu yequina yariariquina m̄na masa m̄ja m̄htaeta. <sup>17</sup> Came catiyequinare, yariariquina m̄na mehna Cohãcjũ ùhm̄sep̄ m̄jagũ yerota. Tiquiro sa yegũ mari p̄htoro Jesure piti canata mari. Sa piti cana ijipihtiye decori mari p̄htoro Jesu mehna ijinata mari. <sup>18</sup> Ahri yuh̄ yahurire m̄sa mehna cjẽnare yahuya. Sa ni yahuna, bucuenata m̄sa ijiphtina.

## 5

<sup>1</sup> Jesu tojoa tati decore “Ahri deco tojoa tarota”, ni, m̄sare yahu ojoasi. <sup>2</sup> Yojop̄ m̄sa masino saha tiquiro tojoa tati decore marine masino basioerare. Yaqueriquiro ñamip̄ wacũeno mehna tiquiro yaquero ahtaro saha ahri yehpap̄re mari p̄htoro wacũeno mehna tojoa tarota. Ahrire m̄sa basita masine. <sup>3</sup> “Yojop̄re mari quehnoano ijiaja. Cuaro mariedare marine”, masa tiquina ni wacũgũ duita ñano waharota tiquinare. Sa wahagũ tiquina duhti masisi. Niji wahcõricoro wacũeno mehna ticoro purĩno t̄hoturo saha wacũeno mehna sa waharota masare.

<sup>4</sup> Yuh̄ acaye, m̄sa pehere sa wahasi. Yaqueriquiro wuh̄ cjũnore tiquiro cuegũ yeriro saha m̄sa pehere sa wahasi. Jesu ahtaro m̄sare cuegũ yesi. Nahitianop̄ ijiequina tiquina ihĩa masieno saha apequina Jesure ne masiedare. M̄sa pehe tiquina yero saha ijierare. <sup>5</sup> M̄sa ijiphtina Jesu yequina ijire. Sa yena buhriorop̄ tiquina ihĩa masino saha Jesu ahtatire masine m̄sa. Apequina tiquirore masieñequina yero saha ijieraja mari.

<sup>6</sup> Sa yena Cohãcjũre t̄ho n̄n̄na ijiihna. Carĩñequina yero saha Cohãcjũre t̄ho n̄n̄na ijieracũhna mari. Apequina sata yere. Tiquina yero saha yeracũhna mari. Carĩñequina yero saha, queheeyequina yero saha quehnoano wacũ masina ijiihna mari. <sup>7</sup> Carĩñequina ñamip̄ carĩne. Sa ye queheeyequina ñamip̄ quehere. <sup>8</sup> Mari pehe buhriorop̄ ijiequina yero saha Jesure masina ijina, quehnoano wacũ masina ijiihna. Sa yena surara come suhtiro mehna tiquiro cutiurore saña cahmotariro saha Cohãcjũre wacũ tutuaya m̄sa, watĩnore tiquiro cahmotatire. Sa yena Cohãcjũre, apequina gũhare cahĩña. M̄sa sa yegũ Cohãcjũ m̄sare ihĩa ihborota. Sa yena m̄sare pecap̄ wahaborinare Jesu tiquiro yahd̄oatire “Potota ijire”, niña m̄sa. M̄sa sa nigũ surara tiquiro dapure come sapea mehna tiquiro pesa cahmotariro saha watĩno m̄sare ñano ye dutigũ Cohãcjũ tiquirore cahmotarota.

<sup>9</sup> Tiquiro buhiri dahreatinare marine beserahye Cohãcjũ. Jesucristo mari

pũhtoro pecapũ wahaborinare tiquiro yũhdũoatinare marine beseahye tiquiro. <sup>10</sup> Jesu mari ye ijiatireta yariahye tiquiro mehna mari ijiatire. Catiyequina, yari-ariquina gũhũ tiquiro mehnata ijietã. Sa yena ijipihtina tiquiro mehna ijinata mari tiquiro yequina ijina. <sup>11</sup> Sa yena mũsa mehna cjẽnare yojopũ mũsa bucuegũ yeriro saha mũsa basita bucuegũ ye nemoña mũsa. Sa yena mũsa basita Cohãcjũre wacũ tutua nemogũ yeya mũsa mehna cjẽnare.

*Jesu yequinare Pablo yahu bato tiahye*

<sup>12</sup> Mũsare buheyequinare mari pũhtoro buhe dutiro beseri jiri. Tiquiro sa ni besenohriquinare quehnoano ño peoya mũsa. Mũsa sa ño peogũ cahmegũ mũsare tutuaro dutiaja. <sup>13</sup> Tiquina dahrayere yegũ tiquinare cahĩne mehna quehnoano ño peoya. Sa yena mũsa mehna cjẽna mehna cahmequeno marieno ijiya.

<sup>14</sup> Mũsare usã acayere, ahrire tutuaro dutiaja: Dahra dueyequinare dahra dutiya mũsa. Bũjũa witiyequinare bucuegũ yeya mũsa. Jesure wacũ tutuera cjũñequinare yedohoya. Tiquina ijipihtiyequina mehna quehnoano usuaro marieno bucueye mehna ijiya mũsa.

<sup>15</sup> Ihcãquiro mũsare tiquiro ñano yegũ ihñana tiquirore ñano ye cahmedacãhña. Sa yena mũsa mehna cjẽnare, ijipihtiyequina apequina gũhũre quehnoano yeya.

<sup>16</sup> Sa yena decoripe sa bucueducuya mũsa. <sup>17</sup> Sa yena decoripe Cohãcjũre siniducuya. <sup>18</sup> Mũsa ñano yũhdũepenata Cohãcjũre bucue, “Quehnoare”, niña. Mũsa quehnoano yũhdũari pje gũhũre “Quehnoare”, niña. Sa nina Cohãcjũ cahmeno sahata yena niaga mũsa. Cristo Jesu yequina mũsa ijigũ ihñano mũsa sa nigũ cahmene tiquiro.

<sup>19</sup> Espĩritu Santore yũhtiena ijieracãhña.

<sup>20</sup> Espĩritu Santo masiñe mehna apeqũna mũsare buhere. Tiquina sa buhegũ ti buheyere yũhtiena ijieracãhña.

<sup>21</sup> Apeqũna mũsare sijoro saha tiquina ni buhegũ ti Cohãcjũ ye ijieragũ masiña mũsa. Sa yena Cohãcjũ ye buheye ti ijigũ gũhũre masiña mũsa. Sa masina quehnoañe buheye dihitare cahmeña. <sup>22</sup> Sa yena ijipihtiye ñañene yeracãhña mũsa.

<sup>23</sup> Cohãcjũ marine quehnoano ijigũ yeriquiro ijire. Tiquiro basi mũsare tiquiro yequinare quehnoana, ñañe mariena ijigũ ye nemoahdo mũsare. Mũsa pagũri gũhũre mũsa jeripohnari gũhũre quehnoano ihña ihboahro. Mari pũhtoro Jesucristo ahri yehpapũre tiquiro tojoa tato pano mũsare Cohãcjũ quehnoano ihña ihboahro mũsare “Ñañene yeari”, nino. Tiquiro sa yegũ Cristo ahtagũ ñañe mariena ijinata mũsa. <sup>24</sup> Sata ijigũ yerota Cohãcjũ. Tiquiro mũsare beseriquiro tiquiro nidiro sahata yere.

*Pablo gũhũ quehnoa dutiahye*

<sup>25</sup> Usã ye ijiatire Cohãcjũre sini basaya mũsa, usã acaye.

<sup>26</sup> Mũsa mehna cjẽnare quehnoano mehna piti caya.

<sup>27</sup> Ijipihtiyequina Jesu yequinare ahri pũre buheya mũsa. Jesu mari pũhtoro dutiye mehna ahrire mũsare dutiaja yũhũ.

<sup>28</sup> Jesucristo mari pũhtoro cahĩne mehna mũsare tutuaro quehnoa dutiaja.

## 2 Tesalonicenses

*Pablo oja ohoahye Jesu yequinare  
Tesalónica cjēnare*

<sup>1</sup> Yuh Pablo, Silvano, Timoteo gūh mūsare quehnoa dutiaja. Sa yegu yuh Pablo ahrire oja ohoaja. Mūsa pehe Tesalónica cjāna mari Pac Cohācjū yequina ijire. Mari pūhtoro Jesucristo yequina gūh ijire mūsa. <sup>2</sup> Sa yena Cohācjū mari Pac, mari pūhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

*Ahri yehpapre Cristo tojoa tagū buhiri  
dahrerota Cohācjū*

<sup>3</sup> Cohācjūre sinina, Jesure mūsa wacū tutuayere wacūna “Quehnoa yūhdūare usāre”, niducuaaja usā Cohācjūre. Usā sa nigū quehnoarīne. Decoripe Cohācjūre mūsa quehnoano wacū tutua nemona niñohti. Sa yena decoripe mūsa mehna cjēnare cahī nemona niñohti mūsa. Sa ye Cohācjūre “Quehnoa yūhdūare usāre”, usā nigū quehnoarīne. <sup>4</sup> Apequina mūsare ñano tiquina yepegūta Jesure wacū tutuaducūñohti mūsa yojopū gūhare. Sa yena tiquirore wacūna duhuerañohti. Mūsa sa yegū ihñana tire mūsa yerire apequinare Cohācjū yequinare bucueye mehna yahuaja usā. <sup>5</sup> Sa wacū tutuaducuna Cohācjū mari pūhtoro yequina mūsa ijiri buhiri ñano yūhdūna niñohti mūsa. Sa yero Cohācjū tiquiro pūhtoro ijiropre waha dutiri jiri mūsare. Tiquiro sa dutigū queoro yeriquiro tiquiro ijigū masiaja mari.

<sup>6</sup> Sa yero Cohācjū queoro yeriquiro ijire. Sa yero mūsare ñano yūhdūgū yeyequina pehere ñano yūhdūgū yerota tiquiro. <sup>7</sup> Sa yero mari ñano yūhdūrina ijigū ihñano tiquiro marine quehnoano ijigū yerota. Mari pūhtoro Jesu tiquiro yequina angele tutuayequina mehna, peca mehna umūseperū bajaro quehnoano ijigū yerota marine, ñano yūhdūrinare. <sup>8</sup> Sa yero Cohācjūre masieñequinare, mari pūhtoro Jesu ye buheyere quehnoañe buheyere yūhdūcariquinare Cohācjū

buhiri dahrerota. <sup>9</sup> Sa yero Cohācjū tiquinare ohō saha buhiri dahrerota: Pecapū tiquina ñano yūhdūducueta. Sa ye tiquina tutuariquiro mari pūhtoro Jesu cahapū ne waha masiedare. Sa ye tutua yūhdūariquiro tiquiro ijiyere ihñasi tiquina. <sup>10</sup> Sata waharota ti decopū Jesu tiquiro tojoa tagū. Ti decopūta tiquiro ahtarota tiquiro yequina “Quehnoariquiro, tutuariquiro ijire Jesu”, tiquina ni ño peotire. Sa ye tiquirore wacū tutuayequina ño peota tiquirore. Mūsare usā buherire mūsa quehnoano tūhori. Sa yena mūsa pehe tiquiro mehna ijinata.

<sup>11</sup> Sa yena Cohācjūre sa sini basaducuaaja usā mūsa ye ijiatire. Ohō saha ni Cohācjūre sini basaja usā: Tiquiro cahmeno sahata mūsa yeatire, mūsa mehna tiquiro bucueatire sini basaducuaaja usā mūsare. Mūsa quehnoana iji duanata niñohti. Sa yena Cohācjū tutuaye mehna quehnoana mūsa iji duariro sahata mūsa ijiatire sini basaducuaaja usā. Mūsa Cohācjūre wacū tutuañohti. Sa wacū tutuana tiquiro yere yeñohti mūsa. Tire mūsa quehnoano ye nemoatire Cohācjūre sini basaducuaaja usā mūsare. <sup>12</sup> Sa yena mari pūhtoro Jesucristore apequinare tiquina ño peogū yenata mūsa. Mūsa sa yegū Jesucristo yequina mūsa ijigū ihñañe apequina ño peota mūsare. Cohācjū cahīñe mehna, mari pūhtoro Jesucristo gūh tiquiro cahīñe mehna sa waharota.

## 2

*Ñano yeducuriquirore yahuahye Pablo*

<sup>1</sup> Yojopre mari pūhtoro Jesucristo ahri yehpapre tiquiro tojoa tatire, tiquirore mari cahmecoa mari piti catire yahu nemo duaja yuh. Ahrire tutuaro yahu duaja mūsare, usā acaye. <sup>2</sup> Apequina mūsare ohō saha niboaga: “Mari pūhtoro tiquiro tojoa tati deco, mianogā pihtiri decopū ijiro nine”, ni mehoboaga mūsare. Tiquina sa nigū tūhona, tūho mariedacāhña. Sa yena tūho wisieracāhña. “Cohācjū yūhare sata nidi ijiri”, ni mehoboaga mūsare apequiro. Apequiro gūh mūsare buhero, sata ni mehoboaga. Apequiro gūh sata

ni ojoa ohoboaga, “Yuhh Pablota ijiaja”, ni meho ojoaro. Tire musare yahuriquirore masiedaja yuhh. <sup>3</sup> Apequina musare tiquina ni mehogũ tũhoeracãhña musa. Ti decopũ ahri yehpa pihtiatu panogã peyequina masa Cohãcjũre duhueta. Sa yero ti decopũ ñano yeducuriquiro pecapũ wahatiquiro ijirota. <sup>4</sup> Tiquiro Cohãcjũ warore, “Cohãcjũ ijire”, tiquina niñe queoye gãhũre ijipihtiequina masare ño peo dutisi ñano yeducuriquiro. Tiquiro ohõ saha ni tũhoturota. “Ahriquina ijipihtiequina pũhto tjiaja yuhh”, ni tũhoturota. Sa yero Cohãcjũ wahũpũ dujiro “Yuhh pehe Cohãcjũ ijiaja”, ninota.

<sup>5</sup> Musa mehna ijinigũ tireta yahuu musare. ¿Tire wacũajari musa? <sup>6</sup> Yojopũre apequiro pehe ñano yeducuriquirore ne iji dutieranine. Sa yena tiquirore iji dutieriquirore masine musa. Sa yero tiquiro dutigũ tiquiro queori deco ijigũ ñano yeducuriquiro ijirota. <sup>7</sup> Yojopũre masa ihñenopũ tiquiro yero saha apequina ñañene ye tuhasari. Tiquina sa yepegũta ñañene ye dutieriquiro tiquiro wahato pano ñano yeducuriquiro pehe ijisi. <sup>8</sup> Tiquiro wahari bato pũritare ñano yeducuriquirota ijirota. Sa yero came mari pũhtoro Jesucristo tiquirore yaria dutirota. Tiquiro asi siteye mehna ahri yehpũ tojoa taro, tiquiro putiye mehna tiquirore wejẽ borota. <sup>9</sup> Ñano yeducuriquiro pehe watĩno ye tutuaye mehna ahtaro, ti tutuaye mehna ni meho, peye ye ihñonota. <sup>10</sup> Tiquiro peye ñañe mehna ni mehogũ pecapũ wahatiquina pehe tiquirore tũhoeta. Tiquina pehe quehnoañe buheyere cahmedare. Tiquina sa cahmedagũ Cohãcjũ tiquinare pecapũ wahatiquinare yuhdũosi. Sa ye tiquina ñano yeducuriquiro ni mehoriquiro tiquiro yerire “Ijirota ijire”, nieta. <sup>11</sup> Sa yero, quehnoañe buheyere tiquina cahmedari buhiri Cohãcjũ tiquinare wisiagũ yerota. Sa wisiaye ni mehoñene cahmeeta tiquina. <sup>12</sup> Sa yero ijipihtiequina quehnoañe buheyere tũho dueyequinare, ñañe ye coayequinare tiquirota buhiri dahrerota.

*“Cohãcjũ musare beseahye tiquiro*

*yequina ijigũ yero taro”, ni yahuahye Pablo*

<sup>13</sup> Musa usã acaye, mari pũhtoro Jesu tiquiro cahñona ijire musa. Duita coã waropũreta musare pecapũ wahaborinare tiquiro yuhdũoatĩnare Cohãcjũ beseahye musare. Musare beseahye Espĩritu Santo tutuaye mehna tiquiro yequina ñañe mariena musare ijigũ yero taro. Sa yero quehnoañe buheyere “Ijirota ijire”, nianaja musa ijigũ ihñano musare bese neahye. Tiquiro sa besenohrina musa ijigũ ihñana Cohãcjũre bucuena, “Quehnoare”, niducujaja usã. <sup>14</sup> Quehnoañe buheyere musare usã buhegũ Cohãcjũ musare beseahye mari pũhtoro Jesucristo tiquiro masa mũjariro sahata musa gãhũ masa mũjatire.

<sup>15</sup> Sa yena quehnoano wacũ tutuana ijiya musa. Sa yena usã yahuducuye mehna usã ojoari pũri mehna musare usã buherire quehnoano wacũña musa. Sa yena ti buheyere yuhdũucaeracãhña. <sup>16</sup> Mari pũhtoro Jesucristo tiquiro basi, Cohãcjũ mari Pacũ gãhũ marine cahñe, ijipihtie decori marine bucuẽgũ yere. Marine cahñe, marine pecapũ wahaborinare yuhdũoeta. Sa yena Cohãcjũ tiquiro yuhdũoatire quehnoano masina, bucuẽaja mari. <sup>17</sup> Jesucristo, mari Pacũ mehna musare quehnoa dutiaja quehnoano musa bucuẽatire. Sa ye ijipihtiyere quehnoañene musa yeatire, musa quehnoano yahuducuatire Cohãcjũre musare sini basaja.

### 3

*“Usã ye ijiatire Cohãcjũre sini basaya”, ni ojoahye Pablo gãhũ*

<sup>1</sup> Yojopũ usã acaye, usã ye ijiatire Cohãcjũre sini basaya mari pũhtoro Jesu ye buheyere peyequina masare usã buheatire. Sa yena tiquiro ye buheyere musa quehnoano cahmediro sahata apequina pehe ti buheyere ño peoye mehna tiquina cahmeatire sini basaya musa Cohãcjũre. <sup>2</sup> Ihquẽquinata Jesure wacũ tutuare. Apequina pehe tiquiro yere tũho dueraye, Jesure wacũ tutuerare. Sa yena ñañequina masa usãre tiquina ñano ye duagũ Cohãcjũre sini basaya musa

usãre tiquiro yedohogã. <sup>3</sup> Mari pãhtoro Jesu tiquiro nidiro sahata yeriquiro ijire. Sa yero m̄sare tiquirore wacũ tutuagã yerota. Sa yero watĩno m̄sare tiquiro ñano ye dutigũ Jesu m̄sare yedohorota. <sup>4</sup> Cohãcjũ m̄sare tiquiro yedohorire masiaja usã. Sa yena m̄sare usã dutiriro sahata m̄sa yegũ gũh̄re masiaja usã. Sa yena sata yeducunata m̄sa. Ti gũh̄re masiaja usã. <sup>5</sup> Cohãcjũ m̄sare tiquiro cahĩñene m̄sare masigũ yeahro. Sa yero Cristo yero saha m̄sa ñano yahd̄uepegãta ihcãno saha gũ yeahro m̄sare mari pãhtoro. Sa ihña cãhña m̄sare ñano yeyequinare.

### *Marine tutuaro dahraro cahmene*

<sup>6</sup> Jesucristo mari pãhtoro tiquiro dutiro mehna ohõ saha ni dutinatja m̄sare: Jesu yequinare dahra dueyequinare, usã dutiyere yeeyequinare, tiquinare piti ti duhuya. <sup>7</sup> Sohõ ijiri pje m̄sa mehna usã ijigũ tutuaro usã dahragũ ihñari m̄sa. Sa yena usã yeriro saha m̄sa gũh̄re dahraro cahmene. Tire quehnoano masine m̄sa. <sup>8</sup> Sa yena m̄sa ihyayere wapa yero marieno ihyerũ usã. Sa yena decopure, ñamipũ gũh̄re tutuaro dahra usã “M̄sa ihyayere siniari”, nina. <sup>9</sup> Usã buheri wapa m̄sare wapa ye dutiboaga usã. Sa wapa ye dutiborina ijiepenata wapa ye dutierana, tutuaro dahra usã, usãre m̄sa ihña cũatire. <sup>10-11</sup> M̄sa mehna ijina, ohõ saha ni buhei m̄sare: “Dahraeyequina ihyeracãhdo”, ni buhei usã m̄sare. Ihquẽquina m̄sa mehna cjẽna ne dahra duerañohti. Sa ye apequinare ñano quiti yeye, caribo yahd̄uañohti tiquina. Sa yeeyequina m̄sa mehna tiquina ijigũ ihñana ohõ saha ni ojoaja m̄sare: “Dahraeyequina ihyeracãhdo”, niaja usã. <sup>12</sup> Mari pãhtoro Jesucristo tiquiro dutiro mehna dahra dueyequinare ohõ saha niaja: Quehnoano bucueye mehna dahraahro quehnoano tiquina ijiatire.

<sup>13</sup> Usã acaye, m̄sa pehe quehnoañene yeducuna caributieracãhña. <sup>14</sup> Ihquẽquina to cjẽna ahr̄ire usã ojoarire yahd̄ud̄caboaga. Tiquina sa yegũ tiquina yerire quehnoano ihñaña. Sa ihñana tiquinare piti ti duhuya tiquina b̄oro wahatire. <sup>15</sup> Sa piti ti

duhuepenata tiquinare ihña tuhtieracãhña. Tiquina m̄sa acaye, Jesu yequinata ijire. Tiquina sa ijigũ tiquina yahd̄ud̄carire yahuya tiquinare tire tiquina duhugã.

### *Pablo tiquinare quehnoa duti bato tiahye*

<sup>16</sup> Mari pãhtoro Jesu marine quehnoano ijigũ yeriquiro mehna decoripe quehnoano ijiducuya m̄sa. Sa yegũ “Mari pãhtoro m̄sa mehna ijipihtina mehna ijiducuahro”, nigũ m̄sare quehnoa dutiaja.

<sup>17</sup> Yũhũ Pablo, yũhũ omoca mehnata yojopure yũhũ basita ojoa bato tiaja. Sa yegũ m̄sare quehnoa dutiaja. Ijipihtiye yũhũ ojoari pũrine ohõ saha dihita yũhũ omoca mehna ojoa bato tiaja yũhũ. Yũhũ ohõ saha dihita yũhũ ojoa bato tigũ ihñana yũhũ ojoari pũ ijigũ masinata m̄sa. <sup>18</sup> Mari pãhtoro Jesucristo cahĩñe mehna tutuaro quehnoa dutiaja m̄sare ijipihtinare.

# 1 Timoteo

## *Pablo Timoteore ojoa ohoahye*

<sup>1</sup> Yuhũ Pablo ahrire mũhũre Timoteore ojoa ohoaja. Cohãcjũ marine pecapũ wahaborinare yũhdũoriquiro ijire. Jesucristo yere buhe duti tiquiro cũrigũ ijiaja yũhũ. Mari Pacũ, Jesu mehnata tiquina dutiriro sahata tiquiro cũrigũ ijiaja yũhũ. Jesuta marine yedohore. Sa yena marine tiquiro yũhdũoatire masina, tire cohteaja mari. <sup>2</sup> Mũhũre Timoteore Jesu yere buhei. Yũhũ sa ni buhegũ tũhogũ Jesure wacũ tutua dũcarĩ mũhũ. Sa yegũ mũhũ potota yũhũ macũ yero saha ijigũta nine. Sa yegũ Cohãcjũ mari Pacũ mehna, mari pũhoro Jesucristo mehna mũhũre quehnoa duti-aja. Sa yegũ mũhũre paja ihñãñe tiquina yedohoye mehna quehnoano ijiya mũhũ.

## *Pablo ni mehoñe buheyere buhe dutierahye*

<sup>3</sup> Sohõ ijiri pjere Macedonia yehparũ wahagũ mũhũre Efesopũ cũ yũhdũ cãũ. Topũ ihquẽquina tiquina ye buheyere ni mehoñe buheyere buheyequina ijiri. Ti buheyere buhe dutieracjũre mũhũre cũu yũhũ. <sup>4</sup> Tiquina esa tuharo sa buhe macã cãre. Sa ye tiquina acaye panopũ cjẽna tiquina esa tuharo tiquina buherire sa buheducure. Ti buheye mehna apequina mehna cahme dũse tutuaducure. Cohãcjũ marine tiquiro dutirire quehnoano yegũ yerare tiquina sa buheye. Cohãcjũ ye pehere yena tiquirore wacũ tutuaja. Sa yegũ tiquina esa tuharo tiquina buherire buhe dutieracjũre cũu mũhũre.

<sup>5</sup> Sa cũu mũhũre Jesu yequina apequinare “Cahĩahdo”, nigũ. Ñãñe buhiri marieno mehna, quehnoañe wacũñe mehna, poto Cohãcjũre wacũ tutuaye mehna apequinare tiquina cahĩatire sa cũu mũhũre. <sup>6</sup> Ihquẽquina ahri quehnoañe buheyere cohã tuhasa, apeye buheye pehere cahmene. Sa ye ti buheye pehere cahme dũse tutuaye wisia wahare. Ti buheyere tiquina cahme dũse tutuaye ti dũhseati ijierare. <sup>7</sup> Sa ye tiquina

Cohãcjũ dutiyere buheyequina iji duamene. Sa buhe duepeta ti buheyere tiquina basi quehnoano masiedare. Sa ye ti buheyere masiñequina yero saha buhepeta ti buheyere ne masiedare tiquina.

<sup>8</sup> Cohãcjũ dutiyere Moise marine tiquiro cũrire queoro mari buhegũ quehnoañe dutiye ijire. Tire mari quehnoano masiaja. <sup>9-10</sup> Ti dutiyere buhena ahrire masino cahmene: Ti dutiye quehnoañequinare tiquina buheati ijierare. Ahriquina pehere tiquina buheati ijire. Dutiyere yũhdũdũcayequinare, Cohãcjũre yũhdũdũcayequinare, ñãñe dihitare yeyequinare, Cohãcjũre cahmeeñequinare, tiquina pacũsumũare wejẽñequinare, tiquina pacosãnumia gũhũre wejẽñequinare, apequina masare wejẽñequinare, wũana tiyequinare, cahme numia mehna tiquina ñano yeriro saha umũa sehsaro o numia sehsaro ijiepeta tiquina pagari mehna ñano yeyequinare, masa tiquina ijiepegũta tiquinare duayequinare, ni mehoñequinare, Cohãcjũ dutiye Moise marine tiquiro cũri pehe tiquinare buheati ijire. Sa yero apequina ijipihtiyequinare quehnoañe buheyere yũhdũdũcayequinare buheati ijire Cohãcjũ dutiye. <sup>11</sup> Quehnoañe buheye pehe quehnoariquiro Cohãcjũ tiquiro ye buheyeta ijire. Ti buheye pehere yũhũre Cohãcjũ buhe dutiri.

## *Cohãcjũ paja ihñãñene yahuahye Pablo*

<sup>12</sup> Sa yũhũ buhegũ Jesucristo mari pũhoro yũhũre tutuayere ohoro, yũhũre yedohore. “Pablo buhero, yee buheyere quehnoano buherota”, ni tũhoturi Jesu yũhũre. Sa yero yũhũre besero tiquirore yedohoacjũre cũri yũhũre. Tiquiro sa yegũ “Quehnoare”, niaja yũhũ tiquirore. <sup>13</sup> Panopũre Cristore yũhũ ñano yahuducuepegũta, tiquiro yequinare ñano yũhũ yepegũta, tiquiro yũhũre beseri. Sa yegũ tiquirore masiedarĩgũ tiquirore ñano yegũ “Ñano yei niaga yũhũ”, ni tũhotuerũ. Yũhũ sa masiedagũ ihñano tiquiro paja ihñari yũhũre. <sup>14</sup> Sa yero Cohãcjũ mari pũhoro yũhũre tutuaro cahĩno, quehnoano yeri yũhũre. Sa yero Cristo Jesure wacũ tutuagũ

yeri yuhure tiquiro. Sa yero apequinare cahĩgũ yeri yuhure Cohãcjũ.

<sup>15</sup> Yuhũ pehe apequina yuhũoro ña yuhũagu ijimi. Ñana mari ijiepegũta Jesucristo ahri yehpapũ ahtari jiri ñañequinare pecapũ wahaboriquinare yuhũoatiquiro. Ti ijirota ijire. Tiquiro sa ijiriquiro ijigũ ijipihtiequina tire masiahdo. <sup>16</sup> Ña yuhũagu yuhũ ijiepegũta tiquiro yuhure paja ihñari. Sa paja ihñano Jesucristo usuaro marieno yuhure tiquiro quehnoano yerire masigũ yero nidi apequinare came tiquirore wacũ tutuatiquinare masigũ yero taro. Sa wacũ tutuatiquina umũsepũ sa ijiducueta. <sup>17</sup> Cohãcjũ ijipihtie decori masa pũhoro ijire. Tiquiro ne yarierare. Sa yero mari mehna tiquiro ijiepegũta tiquirore ihñedaja mari. Sa yero tiquiro dihita Cohãcjũ waro ijire. “Potota quehnoariquiro, tutuariquiro ijire tiquiro”, niinha mari tiquirore. Ijipihtie decori tiquirore ño peouhna. Sata yeihna.

<sup>18</sup> Timoteo yuhũ macũ yero saha ijire mũhũ. Sa yegũ yojopũre ahrire mũhũre dutiaja: Mari acaye Jesu yequina Cohãcjũ yere yahu mũhtariquina mũhũre tiquina ni mũhtariro sahata mũhũre dutiaja. Cristo yere quehnoano yahuducuya. Sa yegũ ñano yuhũepegũta tiquirore wacũ tutua duhueracãhña mũhũ. <sup>19</sup> Jesure sa wacũ tutuaducuya. Ñañe buhiri mariegũ ijia mũhũ. Sa yegũ quehnoañe dihitare yeya. Ihquẽquina tire yeraye, Jesu yere cohãre. Sa cohãñe tiquirore wacũ tutua duhuri. <sup>20</sup> Sata yeri Himeneo, Alejandro mehna. “Watĩno tiquiro cahmeno sahata yecũnahdo mũsare”, ni cũu tiquinare, Cohãcjũre tiquina ñano yahuducu nemoe-datire.

## 2

### *Cohãcjũre sini basayere yahuahye Pablo*

<sup>1</sup> Yojopũre ohõ saha ni duti mũhtaja mũsare: Ijipihtiequina ye ijiatire Cohãcjũre sini basaya. Sa sini basana “Quehnoare. Bucueaja”, niña Cohãcjũre. <sup>2</sup> Pũhtoa, apequina masa bui dutiequina gũhũ tiquina ye ijia gũhũre Cohãcjũre sini basaya, cahmequeno marieno Cohãcjũre

ño peona mari quehnoano ijiatire. Sa sini basana mari quehnoañene yena quehnoano iji masiaja. <sup>3-4</sup> Sata apequina ye ijiatire mari sini basagũ quehnoarĩne. Tire mari yegũ ihñano Cohãcjũ marine yuhũoatiquiro pehe marine quehnoano ihña bucuere. Ijipihtiequina pecapũ wahaboriquinare tiquiro yuhũoriquina ijigũ cahmene Cohãcjũ. Sa yero quehnoañe buheyere tiquina masigũ cahmene tiquiro. Sa yero apequina ye ijiatire mari sini basagũ bucuere tiquiro. <sup>5</sup> Ihcãquirola ijire Cohãcjũ. Sa yero Cohãcjũre mari ihña tuhtigũ Cohãcjũ gũhũ marine tiquiro ihña tuhtigũ, marine bosariquiro ihcãquirola ijire. Tiquiro Jesucristota ijire. Jesucristo gũhũ masũnota ijiri. <sup>6</sup> Sa yero wapamonore wapa ye basaro saha ijipihina mari ñañe buhirire yariahye. Cohãcjũ tiquiro queori pjepũ tire masare masigũ yeri. <sup>7</sup> Tire yahuacjũre, Jesu tiquiro cũacjũre Cohãcjũre yuhure beseri. Sa yero judio masa ijieyequinare Jesure wacũ tutu-ayere, quehnoañe buheyere buheacjũre beseri yuhure. Potota mũsare yahugũ niaja yuhũ. Ni mehoedaja.

<sup>8</sup> Cohãcjũ yere quehnoano yeyequina, ijipihitiro cjẽna pehe Cohãcjũre tiquina sinigũ cahmeaja. Sa yegũ tiquina usuaro marieno, unureno marieno tiquiro mehna tiquina yahuducugũ cahmeaja.

<sup>9</sup> Sa yegũ numia pehere quehnoañequina numia ye suhti yero saha sañañequina numia ijigũ cahmeaja. Sa ye sijoro saha bajuye poari tiquina poarire yeracãhdo. Uru dari bũsaye darire, perla dari gũhũre bũsaeracãhdo, tiquina umũare “Ihña ãe pjeari”, niñe. Sa ye wapa bũjũye suhtire sañaedacãhdo tiquina Jesu yequina numia. Umũare tutuaro ãe pjegũ yeracãhdo. <sup>10</sup> Sa ye tiquina numia quehnoañe pehere yeahro. Sata yero cahmene “Cohãcjũ yequina numia ijiaja”, niñequina numiare. <sup>11</sup> Dihta marieno ño peoye mehna buheyere tũhoahro tiquina numia. <sup>12-14</sup> Sa yeye numia umũare buheracãhdo. Sa yeye umũare dutieracãhdo. Tiquina numia pehe dihta marieno ijiahro. Adãre Cohãcjũ ye mũhtahye. Tiquiro bato Evare yeahye. Sa yero watĩno ni mehogũ tũhoriquiro Adãn



ijierahye. Tiquiro ni mehogũ t̄hōricoro pehe Eva ijiahye. Sa tiquiro ni mehogũ t̄hōro, Cohãcjũre ȳhd̄d̄caricoro wahahye ticoro. Sa yeye, numia pehe m̄h̄are dutieracãhdo.

<sup>15</sup> Numino iji m̄htaricoro ticoro ȳhd̄d̄caepēḡata numia tiquina pohna tigũ ihñano tiquinare Cohãcjũ yedohorota. Tiquina numia pohna tiye numia pehe Cohãcjũre tiquina wacũ tutuaducugũ tiquiro yedohorota tiquinare. Sa yero masare, Cohãcjũ ḡh̄are tiquina cah̄ducugũ, quehnoañequina numia tiquina ijiducugũ, ñañe marieñequina numia tiquina ijigũ Cohãcjũ tiquinare yedohorota.

### 3

#### *Jesu yequina p̄h̄toa tiquina yeatire yahuahye Pablo*

<sup>1</sup> Masa Jesu yequina p̄h̄toa iji duaye, quehnoañene ye duaye niaga tiquina. Ti ijirota ijire. <sup>2</sup> Jesu yequina p̄h̄toare besegũ ohõ saha ijiyequinare beseya: Buhiri marieñequinare beseya “Apequina tiquinare ñano ni yahusãri”, nigũ. Sa yegũ ihquẽquina numiare namo tiyequinare, quehnoano t̄hō masiñequinare, cua pesayequinare, masare quehnoano mehna tiquina ya w̄h̄are sajã ta dutiyequinare, apequinare quehnoano buhe mihniñequinare beseya m̄h̄ũ. <sup>3</sup> Sa besegũ queheye marieñequinare, cahmequeñe marieñequinare, masare quehnoano yeyequinare, cahme d̄use tutueyequinare, niñerure cah̄ñequinare beseya m̄h̄ũ. <sup>4</sup> Sa ye m̄h̄ũ beseriquina tiquina pohnene, tiquina namosãnumia ḡh̄are ño peoye mehna ȳhtigũ yeyequina ijiahro. <sup>5</sup> Tiquinare ȳhtigũ ye masiedaye Jesu yequina ḡh̄are ȳhtigũ ye masiedaboaga tiquina.

<sup>6</sup> Jesu yequina p̄h̄toa iji duayequina Jesu yequina coã sajãñequina ijiye, tiquina p̄h̄toa iji masiedare. Coã sajãñequinare Jesu yequina p̄h̄toa m̄sa cũgũ tiquina “Quehnoa ȳhd̄hana ijiaja”, ni t̄hotuboaga. Tiquina sa ni t̄hotugũ Cohãcjũ tiquinare buhiri dahre dutirota wat̄n̄ore tiquiro yeriro saha. Wat̄no ḡh̄ũ

sata ni t̄hotumahye Cohãcjũre ȳhd̄d̄ca duaro.

<sup>7</sup> Sa ye Jesu yequina p̄h̄toa ijiatiquina ohõ sahata ijiro cahmene. Jesu yequina ijieyequina tiquina ño peonohñequina ijiro cahmene tiquinare. Quehnoano yeyequina tiquina ijigũ ihñañe apequina ño peoeta tiquinare. Sa quehnoano yeye, wat̄no cahmeñene wacũeno mehna tiquiro ye dutigũ tiquina pehe wat̄no cahmeñene yesi. Sa ye masa tiquinare ñano quitidahresi.

#### *Jesu yequinare yedohoatiquina tiquina yeatire yahuahye Pablo*

<sup>8</sup> Sa yegũ Jesu yequinare yedohoatiquina pehere besegũ ohõ saha ijiyequinare beseya: Tiquina cua pesaro ijiyequinare, quehnoano potota yahuducyequinare, queheye marieñequinare, apequina yere ni meho ehmeñequinare beseya m̄h̄ũ. <sup>9</sup> Sa yegũ ñañe buhiri marieno Cohãcjũ ye buheyere sa wacũ tutuaducyequinare beseya m̄h̄ũ. <sup>10</sup> Sa yegũ Jesu yequinare yedohoatiquina iji duayequinare tiquina yerire ihñaña m̄h̄ũ. Tiquinare m̄h̄ũ sa ihñari bato tiquina pehe buhiri marieñequina ijiye, Jesu yequinare yedohoatiquina sajãhdo tiquina.

<sup>11</sup> Sa yena tiquina namosãnumia ohõ saha tiquina ijigũ cahmeaja mari. Cua pesayequina numia, ñañe quitimarieñequina numia, t̄hō masiñequina numia, ijipih̄tiyere quehnoañene yeducyequina numia tiquina ijigũ cahmeaja mari. <sup>12</sup> Sa yegũ Jesu yequinare yedohoatiquinare besegũ ihquẽquina numiare namo tiyequinare, tiquina pohnene apequina tiquina ya w̄h̄ũ cj̄ena ḡh̄are quehnoano ȳhtigũ yeyequinare beseya.

<sup>13</sup> Sa ye m̄h̄ũ beseriquina Jesu yequinare tiquina yedohogũ apequina tiquinare quehnoano ihña bucueeta. Sa ye tiquina yedohoyequina pehe quehnoañe buheyere, Jesucristore tiquina wacũ tutuaye ḡh̄are cuero marieno buheeta tiquina.

#### *Cohãcjũ ye buheyere yahuahye Pablo*

<sup>14-15</sup> Yojop̄are m̄h̄ũ cahap̄ũ waha duagũ niaja. Sa waha duepeḡata yojop̄are wahaeranigũ ahri p̄p̄ũ yahu,

mãhũre ojoa ohogũ niaja. Jesu yequina cahmecoañequina watoa mãsa yeatire mãhũre yahu ojoa ohogũ niaja, “Mianore waharĩsi”, nigũ. Jesu yequina Cohãcjũ catiriquiro yequina ijire. Tiquiro yequina poto ijiye buheyere Cohãcjũ ye buheyere cũore. Sa cũoye tire buheducure. <sup>16</sup> Ahri ijirota ijire. Marine Cohãcjũ tiquiro buheri, panopũ mari quehnoano masiedari quehnoa yãhdũaye buheye ijire. Ahri buheye ohõ saha ijire:

Tiquiro Cristo mari pagũ yero saha pagũ tiriquire masa bajuahye. Quehnoariquire, ñãñe marieniquiro tiquiro ijigũ ihñori Espĩritu Santo pehe. Angele gãhũ tiquirore ihñari. Sa ye tiquiro buhe duti cũriquina pehe apeye yehpari cjẽnare tiquiro yere yahu buhere. Sa ye ahri yehpapũ masa peyequina tiquirore wacũ tutuari. Came ãhmũsepũ Cohãcjũ neari tiquirore. Ti ijire quehnoañe buheye.

#### 4

#### *Quehnoañe buheyere cohãriquinare yahuahye Pablo Timoteore*

<sup>1</sup> Espĩritu Santo ahrire quehnoano yahure: Pihtiri deco panogã ihquẽquina masa Jesu ye buheyere cohãeta. Sa ye ni meho buheyere watĩno ye buheye pehere tãho nãnũeta tiquina. <sup>2</sup> Ti buheyere ni mehoducuyequina yahueta masare. Tiquina ni mehoducuyequina pehe “Ñãñe buhiri mariedare ãsãre”, ni tãhotuyequina ijire. Sa ye tiquina ñãñe yeyere “Ñãñe ijire”, ni tãhotuerare. <sup>3</sup> Ohõ saha ni buheeta tiquina: “Namo tieracãhña. Ahri ihyayere ihyeracãhña”, ni buheeta tiquina. Tiquina sa ihya dutierapegũta Cohãcjũ ihyayere bajumehnenno mari ihyatire quehnoañene cũahye tiquiro. Mari Cristore wacũ tutuana ijigũ quehnoañe buheyere mari masina ijigũ, mari ye ijiatire ti ihyayere bajumehneahye tiquiro. Ti ihyayere cũona tiquirore “Quehnoare”, mari nigũ cahmene tiquiro. <sup>4</sup> Ijipihtiyere Cohãcjũ tiquiro bajumehnedi quehnoañe ijire. Sa yena tiquiro bajumehnedi ihyayere nena, Cohãcjũre “Quehnoare”, nina, tire marine

cohãedaro cahmene. Tire marine bucue ihyaro cahmene. Sa yegũ apequina tiquina ihya dutieragũ tãhoeracãhña tiquinare. <sup>5</sup> Tiquiro bajumehnedi quehnoañe ti ijigũ yahu tuhasahye Cohãcjũ. Sa ye tiquirore “Quehnoare”, mari ni bucuere bato ti ihyaye tiquiro yeri ihyaye quehnoañe waro ijiro nine.

#### *Jesucristo cahacjũnore Timoteore quehnoariquire yahuahye Pablo*

<sup>6</sup> Ahri yãhũ yahurire Jesu yequinare mari acayere buhegũ Jesucristo cahacjũ quehnoagũ ijire mãhũ. Sa buhegũ quehnoañe buheyere, quehnoano mãhũ tãhorire quehnoano masi pehogũ ijire mãhũ. <sup>7</sup> Sa yegũ tiquina esa tuharo tiquina buherire, Cohãcjũ ye ijieyere tãhoeracãhña. Sa yegũ Cohãcjũ cahmeñe pehere yepogũ ijiya mãhũ. <sup>8</sup> Mãhũ dahrapogũ quehnoa cjũre. Mãhũ dahraporiro yãhdũoro Cohãcjũ cahmeñene mãhũ yepogũ quehnoa yãhdũare mãhũre. Cohãcjũ cahmeñene yepogũ yojopũre quehnoano ijigũta mãhũ. Sa yegũ mãhũ yariari batopũ gãhũre masa mãjagũ quehnoano ijigũta mãhũ. <sup>9</sup> Ti ijirota ijire. Ijipihtiyequina tire yãhũ nidire masiñequinare “Ijirota ijire”, nino cahmene tiquinare. <sup>10</sup> Ijipihtiyequina tire tiquina niatire Cohãcjũ cahmeñene tiquina yeatire mari tutuaro dahraja. Sa yena ñano yãhdũaja mari apequina marine ñano tiquina yegũ. Cohãcjũ catiriquiro, ijipihtiyequinare pecapũ wahaboriquinare yãhdũoriquiro ijire. Tiquirore wacũ tutuayequina pũritare tiquiro yãhdũorota. Sa yena tiquiro yãhdũoatire masina, cohteaja mari. Sa yena Cohãcjũ cahmeñe pehere masa tiquina yeatire tutuaro buhe dahraja mari.

<sup>11</sup> Ti ijipihtiyere yãhũ nidire dutiya Jesu yequinare. Sa yegũ tire buheya mãhũ. <sup>12</sup> Wahmũ mãhũ ijigũ ihñãñe apequina Jesu yequina mãhũre yãhdũdũca duaboaga. Tiquina “Sa yeari”, nigũ, ohõ saha ye ihñõña tiquinare. Masare cahĩña. Sa yegũ Jesure wacũ tutuaducuya. Sa yegũ buhiri mariegũ ijiya. Wahmũ ijiepegũta mãhũ sa yegũ ihñãñe mãhũre yãhdũdũcasi tiquina. Sa ye mãhũ yahuducurire tãhoye, mãhũ yerire ihñãñe mãhũre ihña cũeta.

<sup>13</sup> Sa yegũ mũhũ cahapũ yũhũ esato pano Jesu yequinare Cohãcjũ yere tiquina ojoari pũre buhe tuhasa tiquinare sa yahu quehnoducuya. <sup>14</sup> Jesu yequina pũhtoare Cohãcjũ tiquiro dutigũ tiquina pehe Cohãcjũ yere yahu tuhasa mũhũ bui tiquina omocarine duhu peori. Tiquina sa duhu peogũ Cohãcjũ ye ijiatire mũhũ ye masiatire cũri mũhũre Cohãcjũ. Tiquiro sa cũrire ye duhueracãhña.

<sup>15</sup> Ahri dutiyere sa yeducuya mũhũ. Sa yegũ ahri dutiyere quehnoano masiña. Mũhũ sa yeri bato quehnoañene mũhũ ye nemogũ ijipihtiyequina ihñaeta. <sup>16</sup> Mũhũ pehe quehnoano yeya mũhũ, “Sijoro saha yeari”, nigũ. Sa yegũ quehnoano buheya mũhũ, “Sijoro saha buheari”, nigũ. Sa yegũ mũhũ basita pecapũ waha-borigũ yũhdũgũta mũhũ. Sa ye mũhũre tũhoriquina gũhũ pecapũ wahaboriquina yũhdũeta.

## 5

*“Apequina Jesu yequinare ohõ saha yeya mũhũ”, niahye Pablo Timoteore*

<sup>1</sup> Ne bũcũrore tuhtieracãhña. Mũhũ pacũre mũhũ quehnoano yeriro sahata bũcũro gũhũre quehnoano mehna yahuya. Sa yegũ mũhũ bahanare mũhũ quehnoano yeriro sahata wahma pjia gũhũre quehnoano ño peoro mehna tiquinare yahuya. <sup>2</sup> Sa yegũ mũhũ pacore mũhũ quehnoano yeriro sahata bũcũna numia gũhũre quehnoano ño peoye mehna yahuya. Sa yegũ mũhũ bahana numiare mũhũ quehnoano ño peoriro sahata nuhmia gũhũre ñano ðe pjero marieno, quehnoano ño peoye mehna yahuya tiquinare.

<sup>3</sup> Sa yegũ wape wiha numiare potota acaye marieñequina numiare ño peoye mehna yedohoya tiquinare. <sup>4</sup> Wape wihoro pohna tiricoro ijigũ, o panamena tiricoro ticoro ijigũ gũhũre ticoro pohne, ticoro panamena gũhũ yedohoahro ticorore. Sa yedohoye Cohãcjũ masare tiquina acayere tiquiro ye dutiyere yeye nine tiquina. Sa yeye tiquina ticorore wapamonore wapa yeye niaga. Tiquina

sa yegũ ihñano Cohãcjũ quehnoano bucuere. <sup>5</sup> Pejecũoricoro, wape wihoro acaye marienicoro ijiro, Cohãcjũ ticorore tiquiro yedohoatire cohtere ticoro. Sa yero ñaminipe, decoripe ticoro Cohãcjũre sa siniducure. <sup>6</sup> Apecoro pehe wape wihoro ñañe mehna bucue duaricoro ijiro ticoro catiricoro ijieperota pecapũ wahaticoro ijire.

<sup>7</sup> Ahri ijipihtiye yũhũ yahurire Jesu yequina gũhũre ye dutiya mũhũ, quehnoañe dihitare tiquina yeatire. Tiquina sa yegũ ihñañe apequina tiquinare “Ñano yeye nine”, ni masiedare. <sup>8</sup> Ihcãquiro tiquiro acayere ihña ihboeraro, tiquiro pohne tiquina pacoro gũhũre quehnoano ihña ihboeraro “Jesu yaquiro ijiaja”, ni masiedare. Sa yero Jesure cahmeeñequina yũhdũoro ña yũhdũariquiro ijire tiquiro.

<sup>9</sup> Wape wiha numiare yedohonata mũsa. Ohõ saha beseya mũsa yedohoatiquina numiare. Tiquina wamene ojoa ohõati pũpũ ojoagũ tagũ ohõ saha beseya tiquina numiare: Sesenta cũhmari cũoericorore ticoro wamene ojoa ohõedacãhña. Sa yegũ wape wihoro ihcãquiroreta manũ timedicorore ticoro wamene ojoa ohõña. <sup>10</sup> Sa manũ timediquina numiare “Quehnoañene yeyequina numia ijire”, masa tiquina niñequina numiare, tiquina pohnene quehnoano masori numiare beseya. Sa yegũ tiquina ye wũhũsepũ apequinare quehnoano sajã ta dutiyequina numiare, cahacjẽna yero saha Jesu yequinare yedohoye numiare, tiquina dahpocãrine coseri numiare, ñano yũhdũyequinare yedohoye numiare, quehnoañe dihitare yeye numiare beseya. Tiquina numiare mũsa yedohoati numiare bese tuhasagũpũ, tiquina wamene ojoa ohõña mũhũ.

<sup>11</sup> Sa ye wape wiha numia nuhmia cjũno tiquina ijigũ tiquina numia pehere beseracãhña. Sa yegũ ti pũpũ tiquina wamene ojoa ohõedacãhña. Came tiquina yere tutuaro ye duaye, Cristore cohã, pari turi manũ tiboaga. <sup>12</sup> Tiquina Cristore “Mũhũ yequinare yedohonatja”, nidiquina numia ijiepetã camepũre tiquina nidiro sahata yedohoeraboaga tiquina. Tiquina sa yedohoerari buhiri buhiri tieta. <sup>13</sup> Tiquina numia ohõ saha yere: Dahraeye numia iji-

pore. Sa ye apequina ye wuhusep̄ waha, ñañe quti dahre, sijoro saha mari yegū marine sa yahuducure. Sa ye tiquina yahu dutierarire yahu wajare tiquina numia.

14 Sa yegū tiquina numia ohō saha yegū cahmeaja yuh̄: Wape wiha numia numia cjūnogā ijiye numia manū tiahro. Sa ye Jesu yequinare “Usāre yedohoya”, nino marieno ijiahro tiquina numia. Sa ye tiquina pohna tiahro. Sa ye tiquina ye wuhuse cjēnare quehnoano ihña ihboahro. Mari ye numia wape wiha numia tiquina sa yegū marine ihña tuhtiequina marine “Ñañene yeye nine”, ni tuhti masiedare.

15 Yojop̄ pūritare ihquē numia wape wiha numia Cristo yere duhu, watīno cahmeñe pehere ye tuhasare. Sa yegū sa ni yahuaja mah̄.

16 Jesu yequina tiquina acayoro wape wihoro ticoro ijigū tiquina ticoro acaye ticorore yedohoahro. Apequina Jesu yequina pehe ticorore yedohoeracāhdo. Sa ye Jesu yequina ticoro acaye chororore yedohoeraye, apequina numia wape wiha numia acaye marieñe numia pehere yedoho masine.

17 Jesu yequina p̄htoa masare tiquina quehnoano buhegū tiquina dahrayere tiquina quehnoano yegū ihñana ño peoya tiquinare. Sa yena quehnoano wapa yeya tiquinare. Ihquēquina tiquina mehna cjēna Cohācjū yere yahuequina masare buheyequina gūh̄ ijire. Tiquina pūritare apequina yahuro quehnoano ño peoya.

18 Cohācjū yere tiquina ojoari pūp̄ ohō saha nine, dahrariquirore tiquina wapa yeatire yahuro: “Wecū trigo pjerire tiquiro dahpocāri mehna suhti wegū tiquiro duserore cahmotaeracāhña. Tiquiro cahmeno ihyaahro”, ni ojoahye. Sa yero ape pūp̄ ohō saha nine: “Dahrariquirore tiquiro dahrari wapare ohoro cahmene”, nine Cohācjū yere tiquina ojoari pūp̄. Tiquiro sa nigū t̄hona Jesu yequina p̄htoare quehnoano ño peoya masā. Sa yena quehnoano wapa yeya tiquinare.

19 Jesu yequina p̄htorore tiquiro ñano yegū ihñano ihcāquiota yahusā masiedare. P̄htorore ñañene yahusātiquina ihtiaro ijiye, tiquirore yahusā masine. Ihtiaro

mariedagū p̄aro yahusā masine. 20 Sa yena ñañene yeducuriquirore ijipihtina masā watoa tiquiro ijigū tiquirore tuhtiya, apequina cueatire, ñañene tiquina yeratire. 21 Sa yegū Cohācjū, Jesucristo, tiquiro beseriquina angele gūh̄ tiquina ihñonop̄ ahrire dutiaja mah̄: Yojop̄ mah̄re yuh̄ dutirire ye pehoya. Sa yegū ijigū ijipihhtiequinare Jesu yequinare ihcāno saha yeya. Apequirore sijoro saha, apequirore sijoro saha yeracāhña. 22 Apequinare Cohācjū dahrayere mah̄ cūatire tiquina bui mah̄ omocarine mah̄ duhu peoato pano sojaro marieno quehnoano t̄ho masiñe mehna tiquinare beseya. Tiquina ñañequina ijiboaga. Sa ijiyequinare Cohācjū dahrayere cūedacāhña. Sa cūgū mah̄ gūh̄ mah̄ duhu peoyequina tiquina ñañene yero sahata yegū niboaga mah̄. Sa yeracāhña. Sa yegū ñañe mariegū ijiya mah̄.

23 Usuro waro paa purīnogū ijire mah̄. Sa yegū yojop̄re aco dihitaro sihnimene mah̄. Sa yegū mehenogā vino gūh̄re sihñña mah̄. Paa purīñe co ijire ti.

24 Ihquēquina tiquina ñañene yegū mari ihñaja. Sa yena Cohācjū tiquinare tiquiro buhiri dahreatire masiaja mari. Apequina pehere tiquina ñañe yerire mari masiedaja. Tiquina ñañe yerire came masinata. 25 Tī ijiro sahata ihquēquina quehnoañene tiquina yegū tire mari masiaja. Apeye tiquina quehnoañe yerire yojop̄re masiedapenata camerū masinata mari. Tī quehnoañene n̄ono basioerare.

## 6

1 Cahacjēna Jesu yequina pehe tiquina p̄htoare quehnoano ño peoahro. Tiquina sa ño peogū ihñañe apequina Cohācjūre, mari buheye gūh̄re ñano yahuducu masiedare. 2 Tiquina p̄htoa Jesu yequina tiquina ijigū ihñañe tiquina cahacjēna pehe Jesu yequina ijiye, tiquinare ihñapoye ño peoeraboaga. Sa yeraro cahmene. Tiquina p̄htoa Jesu yequina tiquina ijigū pūritare tiquina cahacjēna quehnoano ño peoahro tiquinare. Sa ño peoye tiquina cahacjēna pehe Jesu yequinare, tiquina cahñiequinare yedohoye nine.

Tiquina p̄htoare Jesu yequinare yedo-  
hoye, Jesure cahmeeñequinare tiquina ño  
peoriro ȳhd̄oro Jesu yequina pehere ño  
peohro tiquina cahñequina ijigũ. Ahri  
ȳh̄u yahurire buheya. Sa yeḡu ahrire  
dutiya.

*Cohãcjũre ño peoye ḡh̄ure quehnoano  
ijiyee ḡh̄ure yahuahye Pablo*

<sup>3</sup> Sijoro saha ijiye buheyere buheriquiro  
mari p̄htoro Jesucristo ye buheyere  
quehnoañe buheyere “Ijirota ijire”, ni  
t̄ho duerare. Sa yero mari ye buheyere  
Cohãcjũre ño peoye buheyere cahmedare.  
<sup>4</sup> Sa yero tiquiro “Masi pehoḡu ijiaja”,  
nieperota tire ne masiedare. Sa yero t̄ho  
masieniquiro yero saha tutuaro cahme  
d̄use tutua duare tiquiro. Sa yero Cohãcjũ  
yere sa ni maca cãriquiri ijire. Masa tiquiro  
yero saha ijiyequina cahme d̄use tutuaye,  
tiquina basi cahme ihña cooye, cahme  
ihña duerare. Sa ye apequinare ñano  
quiti dahreye, masiedapeta masare ñano  
ni t̄hoture tiquina. <sup>5</sup> Sa ye tiquina ñañe  
dihitare t̄hotuyequina, pota ijiyere ne  
masieñequina sa cahme d̄use tutuaducure.  
Sa ye “Cohãcjũ yere buhena, niñerure  
wapatanata mari”, ni t̄hoture tiquina.

<sup>6</sup> Mari ye mehenogã mari c̄oye mehna  
bucuenta, Cohãcjũre ño peona, potota  
quehnoano ijina niaja mari. <sup>7</sup> Ahri  
yehpap̄ure masa bajuana ne apee borore  
ne cãhtaer̄u mari. Sa yena mari yari-  
ari bato wahana, ne apee borore nea  
masiedaja mari. Sa yena m̄sa yere  
m̄sa c̄oye mehna to punota bucueya.  
Pajiro cahme nemoedacãhña. <sup>8</sup> Sa yena  
mari ihyayere mari suhti ḡh̄ure c̄ona  
apeyere cahme nemoedacãhña. M̄sa  
c̄oro punota bucueya m̄sa. <sup>9</sup> Doeri c̄jẽ  
opana iji duayequinare wat̄no ñañene  
tiquiro ye dutigũ tiquina pehe peye ñañene  
yeducuyequina ijiboaga. Sa ye tiquina  
peye tahari t̄ho masieñequina yero saha  
apee borore tutuaro cahmeñe, ñañe yeyere  
duhueraye, tiquina basita ñano ȳhd̄ure.  
Sa duhueraye, pecap̄u wahaeta tiquina.  
<sup>10</sup> Niñerure tutuaro cahmeñe, peye ñañene  
ye d̄ucare masa. Ihquẽquina niñerure  
cahñe, tutuaro cahmeñe, Jesure wacũ

tutua duhuye, peye tahari ñano jeripohna  
tire tiquina.

*Cohãcjũ yere yena ñañene duhuya*

<sup>11</sup> M̄h̄u p̄rita Cohãcjũ yaquirota ijire.  
Sa yeḡu ahri ñañene yeracãhña. Sa yeḡu  
quehnoañe pehere cahmeña. Cohãcjũ yere  
yeya. Sa yeḡu Jesure wacũ tutuaya. Sa yeḡu  
apequinare cahñe. Ñano ȳhd̄uepeḡuta  
ihcãno sahaya. Sa yeḡu sa t̄hotu cãhña.  
<sup>12</sup> ̄hm̄seper̄u sa ijiducuac̄jũre Cohãcjũ be-  
seri m̄h̄ure. Sa yeḡu Cohãcjũre m̄h̄u wacũ  
tutuayere peyequina masare quehnoano  
yahuri m̄h̄u. Sa yeḡu ñano ȳhd̄uepeḡuta  
tiquirore wacũ tutua duhueracãhña  
̄hm̄seper̄u m̄h̄u sa ijiducuatire. <sup>13</sup> Cohãcjũ  
ijipihtiyequinare catigũ yeriquiro ijire.  
Ijipihtiyere ijigũ yeriquiro ijire. Sa yero  
Jesucristo pehe Poncio Pilatore Cohãcjũ  
yere quehnoano yahuriquiro ijire. Sa yeḡu  
Cohãcjũ, Jesucristo ḡh̄u tiquina ihñonop̄u  
ahrire m̄h̄ure ye dutiitja: <sup>14</sup> M̄h̄ure  
tiquiro dutirire ye peho cãhña. Jesucristo  
tiquiro tojoa tato pano masa m̄h̄ure  
ñañene tiquina “Yahusãri”, niḡu, tiquiro  
dutirireta yeducuya. <sup>15</sup> Tiquiro queoriro  
sahata Cohãcjũ Cristore tojoa tagũ yerota.  
Cohãcjũ quehnoariquiri, tiquiro dihita  
masare dutiriquiro ijire. Sa yero iji-  
pihtiyequina apequina p̄htoa bui p̄htoro  
ijire tiquiro. <sup>16</sup> Sa yero tiquiro dihita  
ne yariquiri ijire. Tiquiro asi siteye  
mehna ijiriquiro ijire. Sa ye masa tiquiro  
asi siteye cahap̄u waha masiedare. Sa  
yeye tiquirore masa ne ihñedari. Sa yeye  
yojop̄u ḡh̄ure tiquirore ihñedare. Tiquiro  
pehere ño peouhna. Sa yena “Ijipihtiyee  
decori tutuariquiri ijire tiquiro”, niinha  
tiquirore. Sata niinha.

<sup>17</sup> Ahri yehpa c̄jẽna doeri c̄jẽ opanare  
ohõ saha ni dutiya m̄h̄u: “Apequinare  
masi ȳhd̄ud̄ucaja”, ni tiquina basi  
t̄hotueracãhdo. Tiquina doeri c̄jẽ tiquina  
c̄oye pihtia waharota. Sa yeye tiquina  
c̄oye dihitaro bucuercãhdo. Cohãcjũ pe-  
here bucueahro. Ijipihtiyee pototi mari cah-  
meñene ohoriquiro ijire tiquiro. Tiquiro  
pehere wacũ tutuahro tiquina doeri c̄jẽ  
opana. <sup>18</sup> Sa yeye tiquina quehnoañe  
pehere yeahro pajiro quehnoañene yeye-  
quina tiquina ijiatire. Sa yeye tiquina

c̄orire apeq̄inare ohoahro. <sup>19</sup> Tiquina sa yegũ ʘhm̄sep̄m̄ Cohãcjũ cahap̄m̄ tiquina ye ijirota. Top̄m̄ tiquina ye ijigũ ne butisi. Sa ye top̄m̄ sa ijiducueta tiquina.

*Pablo Timoteore duti bato tiahye*

<sup>20</sup> Timoteo, m̄h̄m̄re Cohãcjũ tiquiro c̄ĩr̄ire tiquiro buhe dutirire quehnoano yeya. Boeracãhña m̄h̄m̄. Ihquẽquina masa Cohãcjũre cahmeeñequina yero saha ni mehoñe, t̄aho masieñequina ye buheyere yahuducuducure. Sa yahuducuye “Quehnoano masiñequina ye buheye ijire”, nimene tiquina. Sa tiquina ni buheyere t̄aho n̄n̄nedacãhña. <sup>21</sup> Ihquẽquina ti buheyere t̄aho n̄n̄ñequina Cristo yere cohã cãhre. Cohãcjũ tiquiro cahĩñe mehna m̄h̄m̄re tutuaro quehnoa dutiaja.

## 2 Timoteo

### *Pablo Timoteore pari turi oja ohoahye*

<sup>1</sup> Yũhũ Pablo, ahrire mũhũre Timoteore oja ohoaja. “Ijipihtiyequina Jesucristore wacũ tutuayequina umũsepũ sa ijiducuetã”, ni, cũri marine Cohãcjũ. Tiquiro sa ni cũrire yahuacjũre yũhũre bese cũri Jesu. Sa cũno Cohãcjũ tiquiro cahmeno sahata yero nidi yũhũre. <sup>2</sup> Mũhũ Timoteo yũhũ cahĩgũ ijire. Mũhũre Jesu yere yũhũ buhegũ tũhogũ tiquirore quehnoano wacũ tutua dũcari mũhũ. Sa yegũ yũhũ macũ yero saha ijire mũhũ. Sa yegũ Cohãcjũ mari Pacũ, mari pũhtoro Jesucristo mehna mũhũre quehnoa dutiaja. Sa yeye mũhũre paja ihña, tiquina yedohoye mehna quehnoano ijiya mũhũ.

### *Masare Cristo yere tiquina yahurire yahuahye Pablo*

<sup>3</sup> Ñamipũ, decorũ gũhũre Cohãcjũ mehna yahuducugũ mũhũ ye ijiatire sini basagũ mũhũ mehna bucueaja. Sa bucuegũ Cohãcjũre “Quehnoare”, niaja yũhũ. Panopũ cjẽna yũhũ acaye ñaũe buhiri marieno Cohãcjũ yere tiquina yeriro sahata yũhũ gũhũ yojopũre tiquiro yere yeaja. <sup>4</sup> Sohõ ijiri pjere yũhũ wahagũ mũhũ uti nũnũ tãe tirire wacũgũ mũhũre tutuaro ihña duaja, mũhũ mehna quehnoano bucue duagũ. <sup>5</sup> Sa yegũ Jesure potota mũhũ wacũ tutuarire wacũaja yũhũ. Mũhũ ñeco, Loida, mũhũ paco Eunice gũhũ mũhũ yero sahata Jesure wacũ tutua mũhtari mũhũ pano. Sa yegũ yojopũre mũhũ gũhũ tiquirore mũhũ wacũ tutuagũ quehnoano masiaja yũhũ.

<sup>6</sup> Sa yegũ ahrire mũhũre wacũgũ ye duaja. Mũhũ bui yũhũ omocarine yũhũ duhu peogũ Cohãcjũ yere mũhũ yeatire tutuayere ohori mũhũre. Ti tutuaye mehna ye nemoña mũhũ. <sup>7</sup> Cohãcjũ marine tiquiro yaquiro Espĩritu Santore ohori. Sa yero masare marine cueragũ yere Espĩritu Santo. Sa yero tutuana, masare cahĩna, tũho masina marine ijigũ yere tiquiro. <sup>8</sup> Sa yegũ mari pũhtoro ye ijiatire apequinare yahugũ, bũe tieracãhña

mũhũ. Yũhũ tiquiro yere yũhũ yeri buhiri peresupũ ijigũ niaja. Peresupũ yũhũ ijigũ yũhũre bũe tisãedacãhña mũhũ. Sa yegũ quehnoañe buheyere mũhũ buheri buhiri ñano yũhdũgũ “Quehnoanota”, niña mũhũ gũhũ. Mũhũ sa ñano yũhdũgũ Cohãcjũ mũhũre yedohorota. <sup>9</sup> Cohãcjũ pehe marine pecapũ wahaborinare yũhdũori. Sa yero quehnoana, tiquiro yequina ijianare tiquiro beseahye marine. Mari quehnoano yeye mehna tiquirore marine besegũ yerũ. Tiquiro esa tuharo tiquiro cahmediro sahata yero ahri yehpare tiquiro bajumehneato pano marine cahĩno, tiquiro marine beseahye. Marine sa cahĩno marine yũhdũoatiquirore Jesucristore ohoahye Cohãcjũ. <sup>10</sup> Yojopũre Jesucristore marine yũhdũoatiquirore ohoro, marine potota tiquiro cahĩñene masigũ yero niahye Cohãcjũ. Jesu marine tiquiro yequinare pecapũ wahaeragũ yeri. Sa yero “Yũhũre wacũ tutuana Cohãcjũ mehna sa ijiducunata”, nino, quehnoañe buheyere marine yahuro ahtahye tiquiro.

<sup>11</sup> Ti buheyere quehnoañe buheyere yahuacjũre tiquiro cũacjũre beseri yũhũre. <sup>12</sup> Sa tiquiro beserigũ ijigũ yojopũre ñano yũhdũaja yũhũ. Ohõ saha ñano yũhdũepegata yũhũ bũe tieraja. Yũhũ wacũ tutuariquirore Jesure masiaja yũhũ. Tutuariquiro ijire tiquiro. Sa yero yũhũre tiquiro yere buhe duti cũno quehnoano yedohorota. Sa yero ahri yehparũ tiquiro tojoa tato pano, “Mũhũre yũhdũogũtja”, tiquiro nidiro sahata sohtori tirota yũhũre. Yũhũre yũhdũorota tiquiro. Tire quehnoano masiaja.

<sup>13</sup> Mũhũre quehnoano yũhũ yahurire ye pehoya. Cristo Jesu yequina ijina tiquirore quehnoano wacũ tutuaja mari. Sa yena apequinare quehnoano cahĩaja. Sa yegũ tiquirore sa wacũ tutuaducuya mũhũ. Apequinare quehnoano cahĩducuya. <sup>14</sup> Sa yegũ Espĩritu Santo mari mehna ijiriquiro tiquiro yedohoro mehna quehnoañe buheyere quehnoano yeya. Queoro buheya.

<sup>15</sup> Ijipihtiyequina Asia yehpa cjẽna Jesu yequina yũhũre yedoho dueraye, cohã cãa wahari. Tiquina mehna cjẽna pũaro

Figelo, Hermógene sata yeri tiquina gũhũ. Tiquina sa cohã cãrire masi tuhasare mũhũ. <sup>16-17</sup> Tiquina sa cohãepegũta Onesíforo pehe peye tahari yũhũre yedohoro quehnoano jeri sajãgũ yeri. Sa yero yũhũ peresupũ ijigũ tiquiro yũhũre bũe tisãedari. Sa yero yũhũ Romapũ ijigũ sa macaducuri jiri yũhũre. Sa macaducuro yũhũre bocari. Sa yero tiquiro pohnene, tiquina pacoro gũhũre paja ihñanota Jesu mari pũhtoro. Tiquirore sa paja ihña dutigũ tiquirore sini basaja. <sup>18</sup> Sa yero ahri yehpapũ Jesu mari pũhtoro tiquiro tojoa tati deco tiquirore paja ihñanota. Tiquirore sa paja ihña dutigũ tiquirore sini basaja. Efesopũ marine Onesíforo tiquiro yedohore quehnoano masine mũhũ.

## 2

*Ñano yũhdũepenata Jesu yequina ijina ihcãno saharo cahmene marine*

<sup>1</sup> Mũhũ pehe yũhũ macũ yero saha ijigũ, Jesucristo yedohoro mehna tiquirore wacũ tutuaducuya. <sup>2</sup> Sa yegũ peyequina masare yũhũ buherire mũhũ tũhorire apequina gũhũre buheya mũhũ. Tiquina mũhũ buheyequina Cohãcjũ yere yeducyequina ijiahero. Sa ye apequinare buhe masiñequina ijiahero.

<sup>3</sup> Surara ñano yũhdũeperota tiquiro ihcãno saharo saha mũhũ gũhũ Jesu yaquiro ijigũ ñano yũhdũgũ, ihcãno sahaya mũhũ. Sa yegũ apequina Jesu yequina yero saha yegũ nine mũhũ. <sup>4</sup> Surara tiquiro pũhtoro dutiye pehere yere. Sa yero tiquiro surara ijieyequina yero saha ihyo ijiyere yerare tiquiro. Mũhũ gũhũ sata Cohãcjũ dutiye dihitare yeya. <sup>5</sup> Omariquiro oma dutiyequina tiquina dutiyere queoro yeraro, tiquiro oma yũhdũducari wapare ne masiedare. (Sa yegũ omariquiro ti dutiyere queoro tiquiro yeriro saha Cohãcjũ dutiyere quehnoano ye pehoya mũhũ.) <sup>6</sup> Sa yero wese dahrariquiro quehnoano dahrariquiro pehe apequina pano quehnoano wapatare. (Sa yegũ mũhũ gũhũ tiquiro yero saha quehnoano dahraya mũhũ.) <sup>7</sup> Ijipihtiyere quehnoano masigũ yerota Jesu mari pũhtoro mũhũre.

Sa yegũ yojopũre mũhũre yũhũ nidire quehnoano wacũ tũhotuya.

<sup>8</sup> Sa yegũ Jesucristore wacũña. Tiquiro pũhtoro Davi mũnano panopũ cjãno tiquiro panamino iji turiariquiro ijiahye. Sa yero yariaro masa mũjahye tiquiro. Quehnoañe buheyere buhegũ tiquiro sa waharireta buhegũ niaga. <sup>9</sup> Tiquiro yere buhegũ ñano yũhdũaja yũhũ. Sa yegũ tire yũhũ buheri buhiri ñañene yeriquiro yero saha peresupũ ijiaja yũhũ. Yũhũ sa ijiepegũta Cohãcjũ ye yahuducuyere buhe duhugũ ye masiedare masa yũhũre. <sup>10</sup> Sa yegũ Cohãcjũ beseriquinare buhegũ peye tahari ñano yũhdũaja yũhũ, tiquina gũhũ Jesucristo yequina tiquina ijiatire. Tiquiro yequina ijiye tiquina pecapũ wahaboriquina pehe tiquiro yũhdũoatiquina ijietta. Sa ye tiquina Cohãcjũ mehna sa ijiducueta.

<sup>11</sup> Ahri yũhũ niati ijirota ijire. Cristo yere mari yeri buhiri apequina marine tiquina wejẽgũ tiquiro mehna uhmũsepũ sa ijiducunata.

<sup>12</sup> Sa yena tiquiro yere mari yeri buhiri ñano yũhdũepenata ihcãno sahana tiquiro pũhtoro ijiropũre tiquiro mehna pũhtoata ijinata mari gũhũ.

<sup>13</sup> “Cristore usã masiedaja”, mari nigũ, tiquiro gũhũ marine sata ninota. Tiquirore mari yũhdũducagũ ihñano tiquiro nidiro sahata marine buhiri dahrerota. Tiquiro nidiro sahata yeriquiro ijire tiquiro. Ne ni mehoedare. Ahri ijipihtiyere tiquiro yahuri ijirota ijire.

*Cohãcjũ tiquiro ihña coayequinare, tiquiro yere buheyequinare yahuahye Pablo Timoteore*

<sup>14</sup> Ahri yũhũ yojopũ yahuatire mũhũ mehna cjẽnare wacũgũ yeya. Tiquina esa tuharo ihyo ijiyere tiquina yahuducuye dũhseati ijierare. Sa yeye tiquinare tũhoriquinare ñano yegũ yere. Sa yegũ mari pũhtoro ihñonopũ ohõ saha ni yahuya tiquina esa tuharo buheriquinare. “Mũsa yahuducuro saha yahuducueracãhña”, niña tiquinare.

<sup>15</sup> Mũhũ pehe Cohãcjũ yere quehnoano buheya. Sa yegũ Cohãcjũ yere tutuaro



yeya. M̄h̄h̄ sa yeḡũ ih̄ñano “Quehnoano yeri m̄h̄h̄”, ninota Coh̄ãcj̄ũ m̄h̄h̄are. Sa yeḡh̄ m̄h̄h̄ buherire tiquiro ih̄ñaḡũ b̄h̄e tisi m̄h̄h̄. Sa yeḡh̄ tiquiro ye buheyere quehnoano masiña. Sa yeḡh̄ tire queoro buheya. <sup>16</sup> Tiquina esa tuharo yahuducuyequina ñañene sa yeducure. Sa yeḡh̄ tiquina sa ni yahuducuyere t̄ho yabiya m̄h̄h̄. <sup>17</sup> Tiquina pehe tiquina yahuducuye camino ahba m̄ajano yero saha ijire. Camino ahba m̄ajano saha tiquina yahuducuye ḡh̄h̄ apequina Jesu yequinare ñañequina wahaḡũ yeeta. Sa yahuducuyequina mehna cj̄ẽna Himeneo, Fileto ḡh̄h̄ ijire. <sup>18</sup> Sa yeye tiquina “Jesu yequina masa m̄aja tuhasari”, ni buheye, quehnoañe buheyere duhu c̄ari tiquina. Sa sijoro saha buheye, meheñequinaḡã Jesu yequinare tiquirore wac̄ũ tutua duhuḡũ yeri tiquina. <sup>19</sup> Tiquina sa ñano buhepeḡãta Coh̄ãcj̄ũ ye buheye pehe ne comesaerare. Oh̄o saha nine tiquiro ye buheye: “Mari p̄h̄toro Jesu tiquiro yequinare masine. Sa ye, ijipihtiyequina ‘Jesu yequina ijiaja’, niñequina ñañene duhu c̄ãhdo”, ni yahure Coh̄ãcj̄ũ ye buheye.

<sup>20</sup> Mari queoye mehna buheḡũ masa sihniñe pari yero saha ijire. Pajiri w̄h̄h̄p̄h̄ uru, plata mehna tiquina yeri pari ijire. Sa yero ti w̄h̄h̄p̄h̄ apeye pari yuc̄ḡh̄ mehna, dihi mehna tiquina yeri pari ijire. Uru, plata mehna tiquina yeri pari quehnoañene tiquina pose yeati ijire. Apeye pari ih̄yo ijiyere tiquina pose yeati ijire. <sup>21</sup> Sa yero ñañene yerariquiro uru pa quehnoari pa yero saha ijirota. Sa yero tiquiro pehe Jesu ye dihitare yeducuriquiro ijirota. Sa yero w̄h̄h̄ cj̄ũno quehnoari pa mehna quehnoañene tiquiro yeriro saha, ñañene yerariquiro Jesu ye ijiatire quehnoañene yerota.

<sup>22</sup> Wahm̄h̄ ijire m̄h̄h̄. Sa yeḡh̄ wahma pjia ñañene tiquina tutuaro ye duaro sahata yerac̄ãh̄ña m̄h̄h̄. Sa yeḡh̄ quehnoañene yeya. Jesure wac̄ũ tutuaducuya. Sa yeḡh̄ tiquirore, masa ḡh̄h̄are cah̄ñã. Sa yeḡh̄ m̄h̄h̄ mehna cj̄ẽna Jesu yequina mehna ijiḡh̄ cahmequeno marieno quehnoano ijiya m̄h̄h̄. Sa yeya m̄h̄h̄ Coh̄ãcj̄ũre ȳhtiyequina tiquirore

siniducuyequina mehna ijiḡh̄. <sup>23</sup> Sa yeḡh̄ t̄hoturo marieno tiquina cahme yahuducuyere m̄h̄h̄ ḡh̄h̄ t̄ho n̄h̄edac̄ãh̄ña. Sa yeḡh̄ m̄h̄h̄ ḡh̄h̄ sa cahme yahuducuerac̄ãh̄ña. Sa ni yahuducuye masa tiquina basi cahme tuhti, usuare. <sup>24</sup> Coh̄ãcj̄ũ cahac̄j̄ũno ihc̄ãquiro ijiro, cahme tuhtieraro cahmene tiquirore. Sa yero ijipihtiyequinare quehnoano yeriquiro, buhe mihnidiquiro, duita usueriquiro ijiro cahmene tiquirore. <sup>25</sup> Sa yero apequina tiquiro mehna tiquina cahme tuhtiḡũ tiquiro tiquinare yahuro, quehnoano mehna usuaro marieno yahuro cahmene tiquirore. Tiquiro sa yahuḡũ ih̄ñañe Coh̄ãcj̄ũ yedohoye mehna tiquina pehe tiquina ñañe yerire b̄j̄h̄a witiboaga. Sa ye quehnoañe buheyere masi d̄caboaga. <sup>26</sup> Tiquinare wat̄ño c̄omedi tiquiro cahmeñene yeatiquinare. Sa ye tiquina ñañe yerire b̄j̄h̄a witiri bato quehnoañe buheyere masiñe, wat̄ñore coh̄ã c̄æta.

### 3

#### *Pihtiati deco ijiatire yahuahye Pablo Timoteore*

<sup>1</sup> Pihtiati deco panoḡãre ñano ȳhd̄ueta masa. Tire quehnoano masiña m̄h̄h̄. <sup>2</sup> Ti pjere masa apequinare wac̄ũ peoyequina, niñerure cahme ȳhd̄d̄cayequina, “Apequinare masi ȳhd̄d̄caja”, ni tiquina basi t̄hotuyequina, masare ñano tuhtiyequina, tiquina pac̄sum̄are ȳhd̄d̄cayequina, tiquina ohopeḡãta “Quehnoare”, nieñequina, Coh̄ãcj̄ũre ño peoyequina ijieta. <sup>3-4</sup> Sa ye masare cah̄ñeñequina, paja ih̄ñeñequina, ñañe quitu dahreyequina, tiquina esa tuharo ñano yeducuyequina, masare sa qūeducuyequina, quehnoañene yabiyequina, tiquina mehna cj̄ẽnare ñano yeyequina, t̄ho masieñequina, “Masi pehoaja”, ni t̄hotuyequina ijieta masa. Sa ye ñañene cahme ȳhd̄d̄cayequina ijiye, Coh̄ãcj̄ũ pehere cahmeeñequina ijieta. <sup>5</sup> Sa ye tiquina masa ih̄ñonop̄h̄ Coh̄ãcj̄ũre ño peopeta “Coh̄ãcj̄ũ ih̄yo ijiriquiro ijire”, ni t̄hotumene tiquina.

Sa niñequinare piti tierac̄ãh̄ña m̄h̄h̄. <sup>6</sup> Tiquina mehna cj̄ẽna t̄ho masieñequina

numia ye wuhusepu sajã, tiquina numiare ni mehoñene buhere. Tiquina numia pehe sa ñañene yeducuyequina numia, tutuaro ñañene ye duare. <sup>7</sup> Tiquina numia sa buheducuye ihyo ijiye buheyere, sijoro saha ijiye buheyere tũhoye numia ijiye, Cohãcjũ ye buheye pehere ne masiedare. <sup>8</sup> Panopũ Jane, Jambre yayia mũna Moiserere tiquina ihña tuhtiriro sahata pihtiatu deco panogã ijiyequina masa quehnoañe buheye pehere ihña tuhtieta. Tiquina ñañe dihitare tũhotuyequina ijieta. Sa ye Jesure wacũ tutuayequina waro ijierare. <sup>9</sup> Sa yeyequina tiquina ni mehoñene tũho duasi apequina pehe. Came tiquina ni mehoñene, tũho masieñequina tiquina ijiye gũhare ijipihitiyequina masieta. Jane, Jambre mehna tiquina ni mehoñene panopũ masa tiquina masidiro sahata sata masieta pihtiatu deco panogã ni mehoñequina tiquina ijiyere.

#### *Pablo Timoteore duti bato tiahye*

<sup>10</sup> Yũhũ buheyere, yũhũ yee tirire, yũhũ ijiye tiyere, yũhũ ye duayere, Jesure yũhũ wacũ tutuayere masine mũhũ. Sa yegũ usuaro marieno yũhũ yerire, masare yũhũ cahĩñene, ñano yũhdũerepẽgũta yũhũ ihcãno saharire masine mũhũ. <sup>11</sup> Sa yegũ yũhũre tiquina ñano yerire, yũhũ ñano yũhdũrere masine mũhũ. Sa yegũ Antioquiapũ, Iconiõpũ, Listrapũ, yũhũre ña yũhdũaro tiquina yerire masine mũhũ. Yũhũ sa wahagũ ihñano mari pũhtoro Jesu pehe yũhũre yedohori. <sup>12</sup> Ijipihitiyequina Jesucristo yequina tiquina iji duagũ Cohãcjũ dutiriro sahata tiquina yeducu duagũ apequina tiquinare ñano yeeta. Ti ijirota ijire. <sup>13</sup> Sa ye ñañequina pehe ni mehoñequina gũhũ ña yũhdũayequina wahaeta. Apequinare ni mehoñe, tiquina basi ni mehoñene “Sa tjire”, niñe, ña yũhdũayequina wahaeta.

<sup>14</sup> Mũhũ pehe mũhũre yũhũ buherire, quehnoano mũhũ tũhorire sa wacũducuya. Sa yegũ yũhũ buheriro sahata yeya. Mũhũre buheriquinare masine mũhũ. <sup>15</sup> Mũhũ nijigũ ijigũpũta Cohãcjũ yere tiquina ojoari pũre masi dũcahye mũhũ. Tiquiro yere tiquina ojoari pũpũ ohõ saha ni yahure mũhũre: Jesucristore

wacũ tutuayequina dihitare pecapũ waha- boriquinare yũhdũore Cohãcjũ. <sup>16</sup> Cohãcjũ yere tiquina ojoari pũpũ ijipihitiyere Cohãcjũ pehe oja dutiahye. Sa yena ti pũre buhena mari masi nemoaja. Ti pũre buhena Cohãcjũ dutiyere mari yeatire masiaja. Sa buhena mari ñañe yerire “Ahri ñañe ijire”, ni tũhotuaja mari. Sa yero ti pũ marine quehnoañe pehere camesa dutire. Sa yero decoripe quehnoañene mari yeducuatire yahure ti pũ. <sup>17</sup> Sa yero Cohãcjũ yaquiro tiquiro ya pũre buhero, masi pehorota. Sa masino ijipihitiyere quehnoañene ye masinota tiquiro.

## 4

<sup>1</sup> Jesucristo ijipihitiyequina pũhtoro, tojoa tatiquiro, catiyequinare, yari- ariquina gũhare buhiri dahre dutiatiquiro tiquiro ihñõnopũ mũhũre ohõ saha ni yahutja. Cohãcjũ ihñõnopũ gũhare ohõ saha ni yahutja mũhũre: <sup>2</sup> Decoripe masa tiquina tũho duagũ tiquina tũho dueragũ gũhare Cohãcjũ yere yahuya. Sa yahugũ masa tiquina ñañe yerire masigũ yeya tiquinare. Sa yegũ tiquina ñañe yerire “Ye nemoedacãhña”, ni yahuya tiquinare. Quehnoañe pehere ye dutiya. Sa buhegũ ne usuegũ, caributieracãhña mũhũ. Sa yegũ ne apequinare buhe duhueracãhña. <sup>3-4</sup> Camepũ masa quehnoañe buheyere tũho duasi. Sa tũho dueraye, tiquina cah- meno sahata yeye, tiquina tũho coaye di- hitare buheyequinare cahmeeta tiquina. Sa ye ni mehoñe buheyere peyequina buheyequinare cõoeta. Tiquina sa yeye quehnoañe buheye pehere cohã, tiquina sa buhe maca cãrere tũho nũnũeta. Sa yegũ quehnoañe buheyere buhe duhueracãhña mũhũ. <sup>5</sup> Mũhũ gũhũ sa ijigũ decoripe tũho masigũ ijiya. Sa yegũ ñano yũhdũerepẽgũta ihcãno sahaya. Sa yegũ quehnoañe buheyere sa buheducuya. Cohãcjũ mũhũre tiquiro ye dutirire ye peho cãhña mũhũ.

<sup>6</sup> Yũhũ Cohãcjũ yere yũhũ yeri buhiri yũhũ yariato mehenogã dũhsare. Sa yegũ meheñe decorigã catiniitja. <sup>7</sup> Yũhũ yariato panogã ahrire yahutja: Jesu quehnoañe buheyere yũhũre buhe dutiro tiquiro cũrere quehnoano buhe sohtori tii. Tiquiro ye dutiyere quehnoano ye pehou. Sa yegũ

ñano yãhdæpegãta tiquirore ne wacũ tu-tua duhuera. <sup>8</sup> Yojopare quehnoañene yãhã yeri wapare ãhmãsepã ihboro niaga. Sa yero mari pãhtoro, ijipihtiyequinare masi pehoriquiro, buhiri dahre dutiro queoro yahuriquiro tiquiro tojoa tati deco tiquiro yere yãhã yeri wapare ohorota yãhãre. Apequina gãhãre tiquiro tojoa tatire cohteyequinare tiquirore cahĩñequinare tiquiro yere tiquina yeri wapare ohorota Jesu.

### *Pablo yahu nemoahye Timoteore*

<sup>9</sup> Yãhã cahapã amãñano ihñagã ahtaya mãhã. <sup>10</sup> Dema ahri yehpa cã ijipihtiyere tutuaro cahmeno yãhãre yedoho dueraro cohã cãa wahari Tesalõnicapã. Crescente gãhã Galacia yehrapã wahari. Sa yero Tito gãhã Dalmaciapã wahari. <sup>11</sup> Luca dihita yãhã mehna ijire. Marco yãhãre quehnoano yedohoatiqiro ijire. Sa yegã tiquirore ne cãhtaya mãhã. <sup>12</sup> Sa yegã Tiquicore Efesopã ohou. <sup>13</sup> Ohõpã ahtagã, yãhã bui sañari suhtirore, Troapã Carpo ya wãhãpã yãhã cãri suhtirore ne cãhtaya. Sa ye sohõ ijiri tunuri ojoari tunuri gãhãre ne cãhtaya. Sohõ ijiri cahseri ojoari cahseri pũritare tutuaro cahmeaja yãhã. Sa yegã ti cahseri gãhãre ne cãhtaya.

<sup>14</sup> Alejandro comene dahrariquiro yãhãre ña yãhdãaro yeri. Sa yero tiquiro sa yeri buhiri Cohãcjã buhiri dahrerota. <sup>15</sup> Tiquiro Alejandro mari ye buheyere tutuaro ihña tuhtiri. Sa yegã tiquiro mãsare “Ñano yeari” nigã, tiquirore ihñagã, quehnoano wacũ masiña.

<sup>16</sup> Masare beseriquirore peresupã ye dutiriquirore yãhã yerire, yãhã buherire tiquirore yãhã coã yahugã ne ihcãquiro boro Jesu yaquiro yãhãre yedohoerari. Ijipihtiyequina yãhãre yedohoeraye, cohã cãa wahari. Tiquina sa cohãepægãta yãhãre tiquina cohãri buhiri Cohãcjã buhiri dahreracãhdo. <sup>17</sup> Yãhã sa wahaepægãta Cohãcjã yãhãre yedohori. Sa yero tiquiro ye buheyere yãhã quehnoano yahuatire tiquiro ye tutuayere ohori yãhãre, ijipihhtiyequina judio masa ijieyequina ti buheyere tiquina tãhoatire. Sa yero yãhãre tiquina ñano tiquina ye duepegãta

yãhãre tiquina ñano yeborigãre yedohori mari pãhtoro. <sup>18</sup> Ijipihtiyequina yãhãre ñano yeyequinare yãhdãdãcaro, yãhãre yedohorota mari pãhtoro. Sa yero ãhmãsepã tiquiro pãhtoro ijiropã yãhãre iji dutiro, yãhãre yãhdãorota tiquiro. Sa yena “Tiquiro quehnoa yãhdãariquiro, tutua yãhdãariquiro ijire”, niihna mari ijipihtiyede cori. Sata niihna.

### *Pablo quehnoa dutiahye Timoteo cahapã ijieyequinare*

<sup>19</sup> Prisca, Aquila, Onesiforo ya wãhã cãena gãhã quehnoahdo. <sup>20</sup> Erasto Corintopã tojoari. Trófimo Miletopã dohatia wahari. Sa yegã tiquirore topã cãu yãhã. <sup>21</sup> Pohero pano amãñano ahtaya mãhã. Eubulo, Pudente, Lino, Claudia gãhã, ijipihtiyequina Jesu yequina mãhãre quehnoa dutire.

<sup>22</sup> Mari pãhtoro Jesucristo mãhã mehna ijirota. Sa yegã mãsare ijipihhtinare Cohãcjã mehna pajiro quehnoa dutiaja.

## Tito

### *Pablo Titore ojoa ohoahye*

<sup>1</sup> Yñhñ Pablo Cohãcjũ cahacjũ, Jesucristo yere tiquiro buhe duti cūrigũ ijiája. Cohãcjũ beseriquina Jesure tiquina wacũ tuatire quehnoañe buheyere tiquina masiatire Jesu buhe dutiro yñhñare cūri. Ti buheye Cohãcjũ dutiro saha mari yeatire yahure. <sup>2</sup> Sa yegũ ijipihtiyere decori Cohãcjũ yequina ñhmũsepũ tiquina ijiducuatigũhñare buheaja tiquinare. Cohãcjũ ne ni mehoñe marieniquiro ahri yehpare tiquiro bajumehneato pano ohõ saha ni cūahye marine: “Uhmũsepũ sa ijiducunata mũsa”, ni cūahye marine. <sup>3</sup> Sa yero tiquiro queori pje Cohãcjũ tiquiro ni cūrire yahu dutiri masare. Sata yñhñare ni yahu dutiri tiquiro. Marine pecarũ waha-borinare yñhdũoriquiro ijire. <sup>4</sup> Mũhñare Titore Jesu yere buhei. Yñhñ sa buhegũ tahogũ Jesure wacũ tutua dũcari mũhñ. Sa yegũ mũhñ potota yñhñ macũ yero saha ijigũta nine. Mũhñare ahrire ojoagũ niaja. Sa yegũ Cohãcjũ mari Pacũ mehna, Jesucristo marine yñhdũoriquiro mehna mũhñare quehnoa dutiaja. Sa ye paja ihñañe, mũhñare tiquina yedohoye mehna quehnoano ijiya mũhñ.

### *Creta wame tiri nũcũopũ Tito tiquiro yeatire yahuahye Pablo*

<sup>5</sup> Creta wame tiri nũcũopũ mũhñare yñhñ cūgũ Jesu yequina tiquina buheati dũhsarĩdi ti pjere. Sa yegũ tiquina yeatire yahuyucjũre cūgũ nii yñhñ mũhñare. Sa yegũ macaripe cjẽna Jesu yequina pũhtoa ijiatiquinare bese dutigũ cūgũ nii mũhñare. <sup>6-8</sup> Tiquina pũhtoa Cohãcjũ cahacjẽna ijire. Sa yegũ tiquinare besegũ quehnoañequinare beseja sijoro saha yeeyequinare. Sa yegũ ihquẽquina numiareta namo tiyequinare, “Apequinare masi yñhdũdũcaja”, ni tahotueyequinare, usueyequinare, queheye marieñequinare, cahmequeñe marieñequinare, apequina yere ni meho ehmeñequinare beseja. Sa besegũ tiquina wñhñsepũ saja

sayequinare quehnoano ihña ihboyequinare, quehnoañe pehere quehnoano bucueyequinare, tũho masiñequinare, quehnoañene yeducueyequinare, ñañe marieñequinare, ñañene yeeyequinare, niji siaro marieno dahrayequinare, quehnoañene yeducueyequinare beseja. Sa ye mũhñ beseatiquina pohne ohõ saha ijiyequina ijiro cahmene: Jesure wacũ tutuayequina, quehnoano yeducueyequina, ijipihtiyequinare quehnoano yñhtiyequina ijiro cahmene pũhtoa pohne. <sup>9-10</sup> Sa ye quehnoañe buheyere queoro mari buheducuriro sahata ne duhueyequina ijiaho pũhtoa mũhñ beseatiquina. Sa ye tiquina quehnoañe buheyere yahueyequina ijietã. Sa ye quehnoañe buheyere ihña tuhtiyequinare buheye, tiquina ye ni mehoñe ijigũ masigũ yeeta tiquina. Sa yegũ quehnoano beseja Jesu yequina pũhtoa ijiatiquinare.

Peyequina tiquina pũhtoare yñhdũdũcayequina, quehnoano tũhotu yahuducueyequina, ni mehoñequina ijire yojopũre. Sa yeeyequina judio masa pũrita ña yñhdũaro yeeye nine. Tiquina ye buheye pote ijieragũ tiquinare masigũ yero cahmene. <sup>11</sup> Tiquina judio masa pehe niñerure wapata dua, buhere. Sa yeraro cahmene. Sa buheye ihquẽ wñhñse cjẽnare ijipihtiyequinare Cohãcjũ ye pehere cohãgũ yeeye niaga tiquinare. Tiquina sa yegũ tiquinare sa ye dutieraro cahmene.

<sup>12</sup> Tiquina yere panopũ yahuriquiro ti nũcũo cjãno ijieperota ohõ saha ni yahuahye: “Creta nũcũo cjẽna sa ni mehoducueyequina ijire. Ti nũcũo cjẽna wahiquina yero saha usuayequina ijire. Sa ye sa ihyaducueyequina ijiye ne dahra duerare”, niahye tiquiro, tiquiro ya nũcũo cjẽnare. <sup>13</sup> Tiquiro sa niñe ijirota ijire. Tiquina sa ijigũ ihñagũ tiquinare tutuaro tuhtiya Jesu ye buheye pehere quehnoano tiquina masiatire. <sup>14</sup> Sa yegũ judio masa panopũ cjẽna tiquina esa tuharo tiquina ni maca cãrire, Jesu yere cahmeeñequina tiquina dutiye gũhñare Creta cjẽna tiquina tũho nũnũedatire tuhtiya tiquinare.

<sup>15</sup> Buhiri marieñequina quehnoañe dihitare tahoture. Ñañene yeducueyequina,

Jesure wacũ tutueyequina pehe ñañe dihitare t̃hoture. Tiquina t̃hotuyep̃re ña ỹhd̃are. Sa ye quehnoañe pehere bese masiedare. <sup>16</sup> Tiquina “Cohãcj̃re masiaja usã”, niepeta, ñañene yere. Sa yeyequina tiquina ijigũ ihñana Cohãcj̃re masieñequina tiquina ijigũ masiaja mari. Sa ye tiquina ña ỹhd̃ayequina, Cohãcj̃re yere ỹhd̃ucayequina ijire. Sa ye tiquina quehnoañene ye masiedare.

## 2

### *Quehnoañe buheyere queoro yahu duti-ahye Pablo Titore*

<sup>1</sup> M̃h̃ pehe buheg̃, quehnoañe buheye ti nidiro sahata quehnoano buheya. <sup>2</sup> B̃c̃nare ohõ saha ni yahuya: Cua pesayequina, masa ño peonohñequina, t̃ho masieñequina, Jesure quehnoano wacũ tutuayequina, quehnoañe buheyere quehnoano yeyequina, Jesure masa g̃h̃re cahñequina, ñano ỹhd̃epeta ihcãno sahayequina ijiahro tiquina. <sup>3</sup> B̃c̃na numia g̃h̃re sata ni yahuya: Cua pesaye numia, ñañe q̃iti dahreraye numia, queheraye numia ijiahro tiquina numia g̃h̃. Sa yeye numia ijieye, quehnoañene buheahro apequina numiare. <sup>4</sup> Apequina numiare ohõ saha ni buheahro b̃c̃na numia: Tiquina mañsm̃are, tiquina pohne g̃h̃re cahñahdo. <sup>5</sup> Sa yeye tiquina t̃ho masieñe numia, apequina m̃na mehna ñano yeraye numia, ihcã w̃h̃ cj̃na ijieyequinare quehnoano ihña ihboye numia, masa quehnoañe numia, tiquina mañsm̃are quehnoano ỹhtiye numia ijiahro tiquina, Cohãcj̃re ye buheyere apequina “Ñano yahu wajari”, niñe.

<sup>6</sup> Sa yeg̃ wahma p̃ja g̃h̃re ohõ saha ni yahuya: T̃ho masieñequina ijiahro tiquina. <sup>7</sup> Sa yeg̃ m̃h̃ pehe quehnoañe dihitare yeducuya m̃h̃re tiquina ihña c̃atire. Buheg̃ ne ni mehono marieno buheya. Sa buheg̃ cua pesaro mehna buheya m̃h̃. <sup>8</sup> Sa buheg̃ t̃ho masieñe mehna quehnoano buheya apequina m̃h̃re “Yahu wajari”, nig̃. M̃h̃ sa buheg̃ ihñañe marine ihña tuhtieyequina ijiepeta marine ihyo warota yahu waja masiedare.

Marine sa yahu waja maca cãñe, b̃oro wahaeta tiquina.

<sup>9</sup> Sa yeg̃ cahacj̃nare ohõ saha ni yahuya: Tiquina p̃htoare quehnoano ỹhtiahro. Sa yeye tiquina p̃htoare quehnoano bucueg̃ yeahro. Sa dihita yeahro. Sa ye tiquina p̃htoare pur̃no ỹhtieracãhdo. <sup>10</sup> Sa ye tiquina p̃htoare ye yaqueracãhdo. Sa ye quehnoañequina ijiahro. Tiquina p̃htoare dutiyere queoro yeducuahro. Tiquina sa quehnoano ỹhtieyequina ijigũ ihñañe, Cohãcj̃re marine ỹhd̃oriquiro ye buheyere t̃ho bucueeta apequina.

<sup>11</sup> Masare tiquiro cahñene Cohãcj̃re ihño tuhasari. Sa cahño ijipihtieyequina pecap̃ wahaboriquinare Cohãcj̃re tutuaro ỹhd̃o duare. <sup>12-13</sup> Masare sa cahño Cohãcj̃re marine ohõ saha ni buhere: Cohãcj̃re ihña tuhtiyere, ñañe tutuaro cahmeñene duhu cã dutire marine. Cohãcj̃re tutuariquiro, Jesucristo marine ỹhd̃oriquiro tiquiro asi siteyere mari ihñati decore, quehnoari decore mari cohtena naja. Sa yero mari cohteri deco pano t̃ho masina, quehnoañene yeducuna, Cohãcj̃re ño peoducuna marine iji dutire Cohãcj̃re. <sup>14</sup> Tiquiro Jesucristo mari ye ijiatire yari-ahye ijipihtieye mari ñañe yerire duhug̃ yero taro, marine tiquiro yequina wahag̃ yero taro. Mari ñañene tiquiro sa cohãg̃ mari ñañe buhiri mariena ijinata. Sa yena tutuaro quehnoañene ye duana ijinata.

<sup>15</sup> Ahri ijipihtiyere ti ñc̃o cj̃nare Jesu yequinare buheya m̃h̃. Tiquina p̃htoro ijig̃ta nine m̃h̃. Sa yeg̃ tiquinare yahuya. Sa yeg̃ tiquina ñañene yeg̃ ihñag̃ tuhtiya tiquinare. Sa ye ijipihtieyequina apequina m̃h̃re doca c̃edacãhdo.

## 3

### *Jesu yequina tiquina yeatire yahuahye Pablo*

<sup>1</sup> Ohõ saha ni yahuya to cj̃nare Jesu yequinare: Tiquina p̃htoare quehnoano ỹhtieyequina ijiahro. Ijipihtiyere quehnoañene yeatiquina ijiahro. <sup>2</sup> Sa ye apequinare ne ñañe q̃iti dahreracãhdo. Cahme tuhtieracãhdo. Sa ye masa

quehnoañequina, ijipihtiyequinare ño peoyequina ijiastro.

<sup>3</sup> Panopare mari gũhũ tũho masiena, yũhdũdũcana, ni mehoñene tũho nũnũna, ñañene ye duana, ñañene tutuaro cahme duhu masiena, decoripe ñañene yeducuna, apequinare ihña coona ijie timi mari gũhũ. Sa ye marine apequina ihña tuhtiri. Sa yena mari gũhũ tiquinare ihña tuhtimi. <sup>4-5</sup> Sa ijirina mari ijiepegũta Cohãcjũ marine pecarũ wahaborinare yũhdũori. Sa yũhdũoro tiquiõ quehnoariquiõ ijiyere, masare tiquiõ cahĩne gũhare marine ihõono nidi. Quehnoano mari yeri mehna yũhdũoerare marine. Marine paja ihñano mari ñañe yerire cohãno Espĩritu Santo mehna marine yũhdũori. Sa yero marine tiquiõ pohna wahagũ yeri. Espĩritu Santo pehe quehnoana mari ijiatire comesagũ yeri marine. <sup>6</sup> Jesucristo marine yũhdũoriquiõ tiquiõ yaria masa mũjañe mehna Cohãcjũ yaquiõ Espĩritu Santore ohori marine pajiro tiquiõ tutuayere mari cũoatire. <sup>7</sup> Marine cahĩno, marine quehnoano ye duari. Sa yero tiquiõ yaquiõ Espĩritu Santore marine ohori ñañe buhiri mariena mari ijiatire, ahmũsepũ mari sa ijiducuatire. Mari sa ijiducuatire masina, tire cohtena niaja.

<sup>8</sup> Ti yũhũ nidi ijirota ijire. Sa yegũ tire yũhũ ni ojoariro sahata masare buhegũ, ti dutiyere ye peho dutiya mũhũ. Sa yegũ Cohãcjũre wacũ tutuayequinare tire buheya quehnoañene tiquina quehnoano yeatire. Ahri yũhũ ni buheri quehnoañe buheye ijire. Sa ye masa ahri buheyere tiquina tũho nũnũgũ ihyo waro ijierare. <sup>9</sup> Apequina tiquina yahuducuye pehe dũhseati ijierare. Sa ye masiedapeta tiquina yahuducu yũhdũdũcayere mũhũ tũho nũnũgũ ihyo waro tũho nũnũgũ nine mũhũ. Sa ye tiquina acaye panopũ cjẽna tiquina ijie tirire yahuducu yũhdũdũcayere, Cohãcjũ Moiserẽ tiquiõ dutirire tiquina yahuducu yũhdũdũcayere ti ijipihtiyere quehnoano mũhũ tũho nũnũgũ ihyo waro tũho nũnũgũ nine mũhũ. Sa yegũ tire tũho nũnũedacãhña. Mũhũ gũhũ tiquina yero saha yahuducu yũhdũdũcaeracãhña.

<sup>10</sup> Mũsa mehna cjũno sa ni yũhdũdũcariquiõ mũsare cahme tu wagũ tiquiõ yegũ ihñagũ “Yeracãhña”, niña tiquiõre. Pũa taha tire tiquiõre mũhũ ye dutierari bato tiquiõ yũhtieragũ ihñagũ tiquiõre piti ti duhuya. <sup>11</sup> Ohõ saha yeriquiõ ñañe dihitare tutuaro cahmeducuriquiõ ijire. Tiquiõ sa ijigũ ihñana tiquiõ ñariquiõ ijigũ masiaja mari.

#### *Pablo duti bato tiahye*

<sup>12</sup> Nicopolipũ pohecũ ijiro puno ijigũ tagũ niaja. Sa yegũ Artemare o Tĩquicore mũhũ caharũ yũhũ oho mũhtagũ topare yũhare piti caya mũhũ. <sup>13</sup> Sa yegũ dutiyere quehnoano mihnidiquiõre Zena wame tĩrĩquiõre, Apolo gũhare quehnoano yedohoya tiquina wahatire. Sa yegũ apee boro tiquina cahmeñene ijipihtiye tiquinare ohoya tiquinare tiquina cahmeno puno. <sup>14</sup> Sa ye Jesu yequina mari mehna cjẽna quehnoañene yepoahro apee borore dũhsayequinare tiquina yedohoatire, quehnoañene yeducuyequina tiquina ijiatire.

#### *Pablo quehnoa dutiahye Jesu yequinare*

<sup>15</sup> Ijipihtiyequina yũhũ mehna cjẽna mũhare quehnoa dutire. Topũ ijiyequina Jesu yequina usãre cahĩnequina quehnoahdo. Ijipitĩnare mũsare Cohãcjũ mehna pajiro quehnoa dutiaja.

## Filemón

*Pablo Filemo wame tiriquire oja ducahye*

<sup>1</sup> Yuhuh Pablo, Jesucristo yaquiro yuhuh ijiri buhiri peresupuh ijiaja. Yuhuh, mari acayuro Jesu yaquiro Timoteo mehna mähure Filemore quehnoa dutiaja usã. Sa yeguh mähure oja ohoaja yuhuh, Pablo. Mähuh usã cahiguh Cristo yere usã mehna dahradohoguh ijire mähuh. <sup>2</sup> Sa yena Jesu yequina mähuh ya wuhupuh cahme-coañequina gühure oja ohoaja yuhuh. Mari acayoro Jesu yacoro Apia gühure oja ohoaja yuhuh. Mari cahñiquiro Arquipo gühure oja ohoaja yuhuh. Arquipo pehe usã yero saha Cristo yere yahuriquiro ijire. <sup>3</sup> Sa yena Cohãcjũ mari Pacuh, mari pãhoro Jesucristo mehna musare quehnoa dutiaja. Tiquina yedohoye mehna quehnoano ijiya musa.

*Filemo apequinare tiquiro cahñene, Cristore tiquiro wacũ tutuayere yahuahye Pablo*

<sup>4-5</sup> Yuhuh acayuh Filemo, Cohãcjũre mähure sini basaguh mähure wacũguh “Quehnoare”, niaja tiquirore. Cristore mähuh cahiguh tiquirore mähuh wacũ tutuagũ, apequina Cohãcjũ yequinare mähuh cahiguh tãhou yuhuh. Sa yeguh Cohãcjũre “Quehnoare”, ni bucueaja. <sup>6</sup> Mari ihcãno mehna Cristore wacũ tutuana ijiaja. Sa wacũ tutuaguh mähuh ijiguh ohõ saha ni sini basaja Cohãcjũre. Jesucristo yequina ijina, pajiro quehnoañene cunata mari. Tire quehnoano mähure masi peho dutiguh sini basaguh niaja Cohãcjũre. <sup>7</sup> Yuhuh acayuh, yojopuhre apequinare mähuh cahiguh tãhoguh bucueaja yuhuh. Ijipihtiyequina Cohãcjũ yequinare quehnoano bucuegũ yeñohi mähuh. Mähuh sa yegũ tãhoguh bucueaja yuhuh.

*Pablo Onésimore sini basahye Filemore*

<sup>8-10</sup> Sa yeguh yojopuhre Onésimore mähuh cahacjũnore mähuh quehnoano yeatire mähure sini basa duaja. Peresupuh yuhuh mehna tiquiro ijiguh Cristo yere yahuu yuhuh tiquirore. Tire tãhoro Cristore cahmedi tiquiro. Sa yero tiquiro Cohãcjũ yaquiro

wahari. Sa waharo yuhuh macuh yero saha ijire. Sa yeguh yuhuh Pablo bucuh ijiguh Cristo yere yuhuh buheri buhiri peresupuh ijiguh mähure yahutja Onésimore mähuh yeatire. Cristo buhe dutiro tiquiro cũriguh ijiaja yuhuh. Sa tiquiro cũriguh ijiguh Onésimore mähuh yeatire dutioboriguh ijiaja yuhuh. Sa niepegata mähure dutisi yuhuh. Cahñe mehna mähure yahutja, to punota.

<sup>11</sup> Cristo yaquiro tiquiro ijiato pano Onésimo mähuh cahacjũno ijiro dahseatiquire ijierari jiri. Mähure quehnoano yedoho masiedari jiri. Yojopuh pũritare tiquiro mähure, yuhuh gühure quehnoano yedohoriquiro ijirota. Yojopuhre Cristo yaquiro ijiro ihyo ijiriquiro waro ijierare.

<sup>12</sup> Sa yeguh yojopuhre tiquirore mähure wia tojoguh niaja. Sa yeguh tiquirore quehnoano piti caya mähuh. Tiquirore tutuaro cahñaja. <sup>13</sup> Quehnoañe buheyere yuhuh buheri buhiri peresupuh yuhuh ijiri watoa tiquirore yuhure yedoho dutiboaya yuhuh tiquirore ohoeraguh. Sa yeguh yuhuh mehna toja dutiboaya yuhuh. Mähuh pehe yuhure mähuh yedohoro basioeragũ tiquiro pehe mähure comesariquiro ijiboaya. <sup>14</sup> Yuhure yedohoriquiro tiquiro ijiepegata tiquirore mähure oho tojoaja. Mähuh pehe tiquirore “Pablo mehna tojoarñã”, mähuh niguh masiguh yuhuh mehna tiquirore toja dutiboaya yuhuh. Yuhuh pehe “Yuhuh mehna cũña tiquirore”, ni dueraja mähure. Sa yeguh tiquirore oho tojorñaja.

<sup>15</sup> Tiquiro Onésimo meheñe decorigã mähure tiquiro duhti cãri bato pari turi mähuh mehna ijire. Cohãcjũ tiquiro cahmediro sahata mähure duhti cãri jiri tiquiro Cohãcjũ yaquiro tiquiro wahato saha, yuhuh tãhotugũ. Sa yero pari turi mähuh mehna ijiro, sa ijiducurota mähuh mehna. <sup>16</sup> Sa yero tiquiro yojopuhre cahacjũno ijierare. Cahacjũna tiquina bui cjũno ijiriquiro ijire tiquiro, yuhuh ihñagũ. Yojopuhre tiquiro mähuh acayuro Jesu yaquiro ijire. Sa yeguh tiquirore tutuaro cahñaja. Mähuh pehe yuhuh yuhduoro tiquirore cahigata. Mähuh sa cahidiquiro ijiro, cahacjũno ijieperota yojopuhre cahacjũno tiquiro ijiriro saha ijierare tiquiro. Tiquiro mähuh acayuro Jesucristo yaquiro

ijire.

<sup>17</sup> Sa yegü yahure mähü piti caboriro sahata Onésimo gühure quehnoano piti caya. Mähü mehna cjü yahü ijigü tuhhotugü tiquiro gühure quehnoano piti caya mähü. <sup>18</sup> Sa yegü mahure sijoro saha tiquiro yeriquiro ijigü mahure tiquiro wapamoriquire ijigü yahü pehe tire wapa yeitja. <sup>19</sup> Yahü Pablo, yahü basi ahrire mahure yahu ojoaütja: Yahü pehe wapa yeitja mahure. Mahure yahü buheri bato Cristo yaquire wahagü ijipihtiye decori Cohäcjü mehna ijiacü ijire mähü. Mahure yahü sa buheri bato mähü gühü yahure pajiro wapamorigü ijiboaya. Mähü sa ijepegüta mahure wapa yeitja tiquiro wapamoñene. <sup>20</sup> Sa yegü yahü acayü, yahü cahigü, mari puhtoro Cristo yaquire ijire mähü. Sa yegü Onésimore quehnoano piti caya. Cristo yaquire ijigü yahü acayü ijire mähü. Sa yegü yahure quehnoano bucuegü yeya.

<sup>21</sup> Ahri yahü yahurire quehnoano yegüta mähü. Sa yegü yahü yahuri yahüoro yegüta mähü. Tire masigü mahure ojoa ohogü niaja. <sup>22</sup> Ahri gühure yahugütja mahure. Musa cahapü yahü wahatire Cohäcjüre sini basañohti müsä yahure. Musa sa sini basarire tiquiro yuhtiboaga. “Aü”, tiquiro nigü cahmeaja yahü. Sa yegü müsä cahapü yahü esati tucüre quehnoyuya mähü.

*Pablo quehnoa duti bato tiahye Filemore*

<sup>23</sup> Epaфра mahure quehnoa dutire. Tiquiro pehe Cristo yere tiquiro yeri buhiri yahü mehna peresupü ijire. <sup>24</sup> Sa ye Marco, Aristarco, Dema, Luca mehna mahure quehnoa dutire. Cristo yere yahü buhegü tiquina pehe yahure yedohoyequina ijire.

<sup>25</sup> Mari puhtoro Jesucristo mehna quehnoa dutiaja müsare. Tiquiro müsare quehnoano yerota.



## Hebreos

1 Panopu Cohãcjũ ijiahye. Tiquiro peye tahari mari acayere panopu cjẽnare tiquiro yere yahuahye. Apequinare tiquiro bajoaro yahuahye. Apequinare quehẽnopu yahuahye. Apequinare tiquiro piti caro yahuahye. Tiquiro yere yahu mãhtariquinare yahu dutiro, sa yahuahye tiquiro mari acayere. 2 Yojoþare pihitiri deco panogã ijiye decorire tiquiro macunore tiquiro yere yahu dutigũ tiquiro pehe marine yahue tiri. Tiquiro Pacuro ye dutiro mehna ahri yehpare, umuse gãhare yeriquiro ijire. Tiquiro Pacuro pehe pihitiri deco ijigũ ijipihtiyere cuoatiquirore cũahye tiquiro macunore. 3 Sa yero tiquiro macuno pehe tiquiro Pacuro ye asi siteyere cuoriquiro ijiro, tiquiro tutuayere marine ihõore. Sa yero ihcãno saha tiquiro Pacuro yero sahata ijiro, tiquiro Pacuro ijiye tiyere marine ihõore tiquiro macuno. Sa yero tiquiro macuno tiquiro tutuaye mehna dutigũ ahri yehpa, umuse gãhu sa ijiducure. Sa yero mari ñano yerire tiquiro coseri bato umuseþu tiquiro Pacuro tutua yuhdũariquiro poto pehe dujiahye, puhtoro tiquiro ijiyere ihõono.

### *Cohãcjũ macuno angele yuhdũoro ijire*

4 Tiquiro “Cohãcjũ macuno”, wame tire. Ti wamene Cohãcjũ cũahye tiquirore. Sa wame tiro apequina puhtoro ijire. Sa yero tiquiro angele yuhdũoro ijire. 5 Tiquiro yequina angele pehere Cohãcjũ ne ohõ saha ni yahuera tiahye:

Yuhu macu ijire mahu. Miare mahure bajuagũ yei, niahye Cohãcjũ tiquiro macunore.

Angele pehere ne sa ni yahuera tiahye. Sa yero tiquinare ahri gãhare ne yahuera tiahye:

Tiquiro Pacuro ijiitja yuhu. Sa yero tiquiro yuhu macu ijirota, niahye Cohãcjũ tiquiro macunore.

Angele pehere ne sa ni yahuera tiahye. Sa yero tiquiro macuno tiquina yuhdũoro ijire. 6 Sa yero ape taha tiquiro macunore

coã masa bajuariquirore ahri yehpapu cũno ohõ saha niahye Cohãcjũ tiquirore:

Ijipihtiyequina yeequina angele dusepe curi mehna quehe sa, ño peoeta tiquina yuhu macure, niahye tiquiro.

7 Sa yero tiquiro yequina angele pehere yahuro taro ohõ saha niahye tiquiro:

Yeequina angelere wihnono yero saha pagu tigũ yeaja yuhu. Tiquina yuhu cahacjẽna ijire. Sa yegu tiquinare peca pohna yero saha pagu tigũ yeaja yuhu, ni yahuahye Cohãcjũ.

8 Tiquinare sa nieperota tiquiro macuno pehere ohõ saha niahye:

Muhu Cohãcjũ ijipihtiyequina puhto sa ijiducuguta. Queoro dutiguta mahu, mahu yequinare. 9 Ni mehono marieno yeyere, quehnoano yeyere tutuaro cahmene mahu. Sa yegu ñaãe yeyere ihña yabire mahu. Muhu sa ijigũ ihñagu yuhu mahu Pacu ijipihtiyequina apequina yuhdũoro mahure bucuegũ yei, niahye Cohãcjũ mari Pacu.

10 Ahri gãhare niahye tiquiro, tiquiro macunore “Puhto” ni pisuro:

Puhto, coã waropare ahri yehpare, umuse gãhare bajumehnedi mahu. 11 Ti ijipihtiyee comesa pihitia waharota. Muhu pehe ne comesasi. Sa ijiducuguta mahu. Ti ijipihtiyee suhtiro ahba bora dijiaro saha pihitia waharota. 12 Ti ijipihtiyee umusere, ahri yehpa gãhare comesagũ yeita mahu. Munano suhtirore mahu cohãboro saha ti ijipihtiyere comesagũ yeita mahu. Sa yero suhtiro ahba bora dijiaro saha ti ijipihtiyee comesarota. Muhu pehe ne comesasi. Sa ijiducuguta mahu, niahye Cohãcjũ tiquiro macunore.

13 Ne angele pehere ahrire yahuera tiahye mari Pacu:

Yuhu poto pehe dujiya mahu. Puhto ijire mahu. Sa yegu mahure ihña tuhtiyequinare yuhdũuca basagutja. Sa yegu tiquina puhto ijiguta mahu, niahye Cohãcjũ tiquiro macunore.

14 Ijipihtiyequina angele pehe Cohãcjũ cahacjẽna ijire. Sa yero mari Pacu

ohore tiquiro yequina angelere Cristo yuhduoatiquinare yedoho dutiro.

## 2

*Cohãcjũ yere quehnoañe buheyere marine sa tũhotu cãhno cahmedare*

<sup>1</sup> Sa yena Cohãcjũ macũno waro marine yahuriquiro tiquiro ijigũ masina tiquiro yahuyere mari tũhorire quehnoano wacũno cahmene marine, “Tire boari”, nina. <sup>2-3</sup> Angele yahurire masa pehe yuhduocagũ ihñano Cohãcjũ tiquinare buhiri dahreahye. Sa buhiri dahrero angele tiquina yahuri poto ijigũ ihñono niahye. Sa yena angele yahuri poto ijigũ masina, tire marine yũhtiro cahmene. Ti yuhduoro Cristo pehere yũhtiro cahmene. Tiquiro mari pũhtoro marine tiquiro yuhduoatire yahu mũhtahye. Sa ye tiquirore tũhoriquina pehe tiquiro yahurire marine yahu turiari, marine quehnoano masigũ yee tehe. Sa yero ti buheyere marine tiquiro yuhduoati buheyere mari sa tũhotu cãgũ Cohãcjũ marine buhiri dahrerota. Tire duhti masiedaja mari.

<sup>4</sup> Ti buheyere tũho mũhtariquina tiquina buheri watoa Cohãcjũ pehe ti buheye poto ijigũ ihñono nidi. Tiquiro tutuaye mehna ihñono nidi. Sa yero peye tahari tiquiro tutuaye mehna ye ihñono ti buheyere poto ijigũ ihñono nidi. Sa yero tiquiro yequinare tiquina ye masiatire tiquiro cahmeno sahata cũahye. Espĩritu Santo pehe ijire marine ye masigũ yeriquiro.

*Jesucristo mari yero sahata pagũ tiriquiro masa bajuahye*

<sup>5</sup> Pihtiri deco bato ijiyequina Cohãcjũ caha ijiyequina pũhtoa ijisi angele pehe. Tiquinare pũhtoa sũsi mari Pacũ. <sup>6</sup> Sa yero ihcãquiro mari Pacũre tiquiro yahuducurire ohõ saha ni ojoahye panopũ: Masa ihyo ijiyequina tiquina ijiepegũta tiquinare wacũre mũhũ. Masare quehnoano yere mũhũ. <sup>7</sup> Meheñe decorigã angele docapũ masare cũahye mũhũ. Sa cũepegũta yojopũre tiquinare tutuayere ohogũ, pũhtoa sũahye mũhũ. <sup>8</sup> Mũhũ sa sũgũ ahri yehpapũ ijiyequina wahiquina gũhũ

bui dũhsaro marieno masare cũahye mũhũ, niahye panopũ cãno mari Pacũre.

Sa sũno ahri yehpapũ ijiyequina wahiquina gũhũ bui dũhsaro marieno masare cũahye. Masare tiquiro sa pũhtoa sũepegũta ijipihitiyequina ahri yehpapũ ijiyequina wahiquina masare ihña wahãedarĩaga, usã tũhotugũ. Ahri yehpapũ ijiyequina wahiquinare ihña wahãgũ yeraniaga masa. Ijipihtiyere bui ijieraniaga masa. <sup>9</sup> Sa tiquinare ihña wahãgũ yerapenata Jesu pehere wacũ tutuaja mari. Meheñe decorigã angele docapũ mari Pacũ tiquiro macũno gũhũre cũahye, mari ñañe buhiri yariatiquirore. Mari Pacũ marine cahño mari yariaborirore Jesure yariagũ cahmeahye. Sa yero tiquiro sa yariagũ ihñano tiquirore tutuayere ohoro, pũhtoro sũahye tiquirore.

<sup>10</sup> Cohãcjũ ijipihtiyere bajumehnediquiro ijire. Sa ye ijipihtiyere tiquiro ye dihita ijire. Sa yero Jesure yaria dutiro ñañene cohãgũ yeahye tiquirore. Sa yeahye tiquiro masa peyequina tiquiro yequina ijiatiquinare mũmũsepũ neano taro. Jesu sa yero, ñañe marieniquiro, quehnoa yuhduariquiro tiquiro ijiyere ihñono niahye. Sa yero Jesu pehe marine yuhduoriquiro, mari pũhtorota ijire. <sup>11</sup> Ijipihtiyequina masare tiquina ñañe yerire cose were tiquiro. Sa yero Jesu mari tiquiro cose wenohrina mehna Pacũ tire Cohãcjũre. Mari Pacũ ihcãquirota ijire. Mari Pacũ tiquiro ijigũ Jesu marine tiquiro yequinare tiquiro cose wenohrinare “Yũhũ acaye ijire”, ni pisuro ne bũe tierare. Tiquiro sa ni pisurire mũsare yahutja. <sup>12</sup> Ohõ saha nino niahye tiquiro:

Cohãcjũ, mũhũ ijiye tiyere yahutja yũhũ acayepũre. Ijipihtiyequina yeequina ihñonopũ mũhũre ño peogu “Tutuariquiro ijire”, ni yahutja yũhũ tiquinare, niahye tiquiro Pacũrore.

<sup>13</sup> Ahri gũhũre niahye tiquiro: Cohãcjũre wacũ tutuajtja yũhũ, niahye tiquiro.

Ahri gũhũre niahye tiquiro: Ohõ ijiaja yũhũ. Cohãcjũ pohne mehna ohõ ijiaja. Yũhũre tiquiro cũriquina yũhũ acaye mehna ohõ ijiaja, niahye

tiquiro yequinare “Yuh̄u acaye” ni pisuro.

14 “Tiquiro pohne” tiquiro niñequina paḡu tiyequina mari ijiḡu ih̄ñano, Jesu pehe mari ya paḡu saha paḡu tiriquire ahtahye. Sa ijiriquiro ahtahye tiquiro curusap̄u yariaro taro, wat̄nore butiḡu yero taro. Tiquiro wat̄no pehe yaria dutiriquiro ijire. 15 Sa ye wat̄nore butiḡu yero, marine yuh̄d̄ore. Mari pehe decoripe mari yariatire cuemi. Sa cuerina ijina pecap̄u wahaborina ijimi mari. Sa ijina mari ijiḡu ih̄ñano tiquiro marine yuh̄d̄ore. 16 Sa yuh̄d̄oro angele pehere yedohoro ahtaerahye tiquiro. Abrahã panamena iji turianare Cohãcjũ yequinare mari pehere yedohoro ahtahye. 17 Sa yero tiquiro mari acaȳro warota ahtahye. Ihcãno saha mari yero saha paḡu tiriquire ahtahye. Sa ahtaro mari yuh̄d̄uatire mari ñañe yerire mari Pac̄re cohã dutiro ahtaro niahye. Sa yero mari yequina pahia p̄h̄toa tiquina yeriro saha yero ahtaro niahye. Mari yero saha ijiro marine quehnoano paja ih̄ñare. Sa yero Cohãcjũ cahmeno saha sa yeducuriquiro ijire. Sa yero tiquiro mari yaquiro pahia p̄h̄toro ijiro nine. 18 Tiquiro ñano yuh̄d̄uahye. Sa yero wat̄no tiquirore ñano ye dutimahye. Yerahye tiquiro. Sa ñañene yerariquiro ijiro, tiquiro pehe mari ḡuh̄re ñañene yeraḡu ye masine. Wat̄no ñañene tiquiro ye dutiḡu ih̄ñano marine ñañene yeraḡu ye masine Jesu.

### 3

#### *Jesu Moise yuh̄d̄oro ijiriquiro ijire*

1 Jesu tiquiro sa ijiriquiro ijiḡu ih̄ñana tiquirore quehnoano wacũña m̄sa. Yuh̄u acaye Jesu yequina, Cohãcjũ besenohrina ijire m̄sa. Tiquiro Jesu pehe Cohãcjũ c̄uriquiro ijiro mari yaquiro pahia p̄h̄toro ijire. Tiquiro ye buheyere quehnoañe buheyere mari quehnoano ño peoaja. Tiquiro pehere quehnoano wacũña m̄sa. 2 Cohãcjũ tiquirore marine yuh̄d̄oatiquirore tiquiro c̄uḡu tiquiro pehe Cohãcjũ c̄uriro saha yeahye. Ne yuh̄d̄ud̄caerahye. Moise ḡuh̄u Cohãcjũ

yequina Israe masare yedohoro ne yuh̄d̄ud̄caerahye. Sata yeahye Jesu ḡuh̄u.

3 Sa yero Moisere tiquina ño peoriro yuh̄d̄oro Jesu pehere ño peoro cahmene marine. Oh̄o saha ijire ti mari queoye mehna buheḡu. Wuh̄re mari ño peoriro yuh̄d̄oro wuh̄u dahreriquiro pehere ño peoro cahmene marine. Sa yero Jesu pehe wuh̄u dahreriquiro yero saha ijiriquiro tiquiro ijiḡu Moisere mari ño peoriro yuh̄d̄oro tiquiro pehere ño peoro cahmene marine. 4-6 Oh̄o saha ijire ti. Mari Cristo yequina Cohãcjũ ya curua cjãna ijiaja. Cristo pehe wuh̄re tiquiro c̄uboriro saha marine tiquiro ya curua cjãna ijiatinare c̄uno nine. Masa pehe wuh̄se yeyequina ijire. Cohãcjũ pehe ijipih̄tiyere yeriquiro ijire. Moise pehe Cohãcjũ ya curua cjẽnare yedohoducuriquiro ijiro, camep̄u Cohãcjũ yahuatire yahue tiahye masare. Cristo pehe Cohãcjũ mac̄no ijiro, Cohãcjũ yere yeducuriquiro ijiro, Cohãcjũ ya curua cjẽna p̄h̄toro ijire. Sa ijiriquiro ijiḡu ih̄ñana Moisere mari ño peoriro yuh̄d̄oro Cristo pehere ño peoro cahmene marine. Sa yena mari pehe Cristore wacũ tutua duhuerana, marine tiquiro yuh̄d̄oatire sa bucueducuna, tiquiro ya curua cjãna ijiaja mari.

#### *Cohãcjũ tiquiro yequinare tiquiro mehna quehnoano soḡu cahmene*

7 Sa yena Cristore mari wacũ tutua duhueratire oh̄o saha yero cahmene marine. Oh̄o saha nine Esp̄ritu Santo:

Miare yuh̄u, Cohãcjũ, m̄sare yuh̄u yahuḡu, yuh̄ti dueyequina yero saha ijieracãh̄ña. 8 Quehnoano yuh̄tiya m̄sa yuh̄re. Panop̄u Israe masa masa marienop̄u ijiye, sa yuh̄d̄ud̄car̄i yuh̄re. Sa ye yuh̄re ne bucueraḡu yeri tiquina. Sa yena tiquina yero saha yeracãh̄ña m̄sa yuh̄re. 9 Top̄re cuarenta cahmari waro tiquinare yuh̄u tutuaye mehna ye ih̄ñomi. Yuh̄u sa ye ih̄ñoep̄eḡuta tiquina pehe oh̄o saha ni t̄hotue timedi: “¿Ñañene mari yeḡu ih̄ñano Cohãcjũ marine buhiri dahreboagari?” ni t̄hotue timedi. Sa ni t̄hotuye ñano ye tuhue tiri.

10 Tiquina sa yegũ ihñagũ tiquina mehna usuagũ. Sa usuagũ ohõ saha nii: “Tiquina yũhũ yahuducuyere tũho dueraye, sijoro saha ijiye buheyere sa wacũducuye nine. Yee pehere ne yũhti duerare”, nii tiquinare. 11 Sa yegũ tiquina mehna usuagũ ohõ saha ni yahuu: “ ‘Tiquina yũhũ mehna cjẽna ne ijisi. Sa ye wape tiro marieno ijisi tiquina’, ni yahuu yũhũ”, ni yahuahye Cohãcjũ, niahye Espĩritu Santo pehe.

12 Sa yena yũhũ acaye, quehnoano yeya mũsa, “Cohãcjũre cohãri”, nina. Mũsa ñañene tũhotuna, Cohãcjũre catiriquirore wacũ tutuerana, tiquirore cohãboaga mũsa. Ne ihcãquiro mũsa mehna cjẽno sa yeracãhdo. 13 Sa yena ahri pehere yero cahmene: Mũsa mehna cjẽnare decoripe Cohãcjũ yere mũsa basi cahme yahuducuya “Ñañene yeari”, nina. Ñañene yena, “Ti mehna bucueaja”, nina ni mehoñene tũhotuna niaja mari. Sa ni tũhotueracãhña. Ñañene yeducuna Cohãcjũ ye pehere cahmedaja mari. Sa yena ñañene duhu dueraja. “Sa yeari”, nina, mũsa mehna cjẽnare Cohãcjũ yere mũsa basi cahme yahuducuya. Cristo tiquiro ahtato pano decoripe tire sa cahme yahuducuya. 14 Sa yena coã waropũ Cristore mari wacũ tutua dũcariro saha mari wacũ tutuaducuna, mari catiro puno tiquiro yere duhuerana, tiquiro mehna cjãna ijaia.

15 Ohõ saha nine Cohãcjũ yere tiquina ojoari pũpũ:

Miare yũhũ Cohãcjũ mũsare yũhũ dutigũ quehnoano yũhtiya mũsa yũhũre. Panopũ cjẽna Israe masa yũhũ yahuepegũta ño peo dueraye, yũhũre yũhti duerari. Sa yena tiquina yero saha yeracãhña mũsa, niahye Cohãcjũ, ni ojoahye panopũre.

16 Sa ye Cohãcjũ tiquiro yahurire tũhomediquina ijiepetata tiquina tiquirore yũhtierahye. Tiquina ijipihtiyequina Egiptopũ ijieyequina Cohãcjũ wioriquina ijiepetata tiquirore ne yũhtierahye. 17 Sa ñano yeye cuarenta cãhmari waro

Cohãcjũre usuagũ yee tiahye. Tiquina sa yeri buhiri masa marienopũ yariahye tiquina. 18 Tiquirore tiquina sa yũhti dueragũ ihñano ohõ saha cua pesaro mehna niahye tiquiro: “Tiquina yũhũ mehna cjẽna ne ijisi. Sa ye wape tiro marieno ne ijisi tiquina”, niahye tiquiro. 19 Tiquiro sa nigũ tũhona ahri pehere masinata mari: Cohãcjũre tiquina wacũ tutuerari buhiri tiquiro mehna cjẽna iji masiedahye. Sa ye tiquiro mehna quehnoano so, iji masiedahye.

#### 4

1 Sa yero panopũ cjẽnare tiquiro mehna tiquina quehnoano soatire cahmeno, tiquinare “Yũhũ mehna wape tiro marieno sonata”, ni cũahye Cohãcjũ. Mari gũhũre sata ni cũahye tiquiro. Sa yena cua pesaro mehna Cohãcjũre quehnoano yũhtiihna mari, “Wiheari”, nina. Sa wihena tiquiro mehna quehnoano sosi mari. 2 Panopũ cjẽna Cohãcjũ yere tiquina tũhoriro saha mari gũhũ quehnoañe buheyere tũhou. Tiquina tũho mũhtariquina pehe tũhoye, “Cohãcjũ ye waro ijire”, ni tũhotuerahye. Sa ye tiquina tũhori dũhseati ijierahye. 3 Mari pehe tiquirore wacũ tutuana Cohãcjũ mehna cjãna ijinata. Sa yena tiquiro mehna quehnoano iji, sonata. Wape tiro marieno ijinata. Cohãcjũ tiquiro nidiro sahata ijire ti. Ohõ saha niahye tiquiro tiquirore yũhtierariquinare:

Tiquina mehna usuagũ cua pesaro mehna ohõ saha ni yahuu: “Tiquina yũhũ mehna cjẽna ne ijisi. Sa ye wape tiro marieno ne ijisi”, ni yahuu, niahye Cohãcjũ yere tiquina ojoari pũpũ.

Ahri yehpare tiquiro yeri bato dahra duhurĩahye tiquiro. 4 Ahrire mari masiaja. Seis decori ahri yehpare tiquiro yeri bato tiquiro dahra duhurire yahuro ohõ saha niahye Cohãcjũ ye yahuducuyere tiquina ojoari pũpũ:

Seis decori bato ijipihtiyere tiquiro dahrarire pehoru, Cohãcjũ dahra duhuahye, niahye tiquiro yere tiquina ojoari pũpũ.

5 Sa yero Cohãcjũ yere tiquina ojoari pũpũ ohõ saha ni yahure tiquiro mehna quehnoano ijieyequinare:

“Tiquina yǎhǎ mehna cjēna ne ijisi. Sa ye wape tiro marieno ne ijisi”, niahye Cohācjǔ, nine tiquiro yere tiquina ojoari pǔpǔ.

<sup>6</sup> Sa ye quehnoañe buheyere tǎho mǎhtariquina tiquirore tiquina yǎhdǎdǎcari buhiri tiquiro mehna cjēna ijisi tiquina. Sa ye tiquiro mehna wape tiro marieno ijisi tiquina. Apequina pehe tiquiro mehna cjēna ijieta. Sa ye tiquiro mehna wape tiro marieno soyequina ijieta. <sup>7</sup> Sa yero masare tiquiro yǎhdǎoati deco ihcǎ deco cǎahye pari turi Cohācjǔ. Ti decota yojopǔre ijire. Peye cǎhmari bato Israe masa Cohācjǔre tiquina tǎho mǎhtari bato ti decore yahuahye Davi pehe. Cohācjǔ tiquirore yahu dutigǎ yahuahye. Cohācjǔ ye yahuducuye tiquina ojoarire mǎsare yǎhǎ yahuri decore ohǔ saha ni ojoahye Davi:

Ahri decore yǎhǎ Cohācjǔ mǎsare yǎhǎ yahugǎ yǎhdǎdǎcaro marieno quehnoano yǎhtiya mǎsa yǎhǎre, ni ojoahye panopǔre.

<sup>8</sup> Coǎ waropǔre Josué Israe masare Cohācjǔ ohori yehpapǔ ne sahye. “Yǎhǎ mehna wape tiro marieno soyequina ijieta”, nino, ti yehpapǔ tiquina soatire nino niedahye Cohācjǔ. Ti yehpapǔ so dutiro, ape deco tiquiro yǎhdǎoati decore cǎedaboaga tiquiro. <sup>9</sup> Seis decori bato ahri yehpapǔre tiquiro yeri bato Cohācjǔ tiquiro dahra duhuriro saha mari tiquiro yequina gǎhǎ tiquiro mehna wape tiro marieno mari soati ijirota. Tiquiro mehna mari quehnoano ijiato ijirota. <sup>10</sup> Sa yero Cohācjǔ tiquiro dahrarire duhu cǎrǎahye. Sa yena mari gǎhǎ mari wape tirire duhu cǎnata. <sup>11</sup> Sa yena mari tiquiro yequina quehnoano yeihna. Cohācjǔ yere quehnoano yǎhtiuhna tiquiro mehna mari quehnoano soato saha. Panopǔ cjēna mari acaye tiquina yǎhdǎdǎcari bato Cohācjǔ mehna cjēna iji masiedahye tiquina. Tiquina yero saha yeracǎhna mari.

<sup>12</sup> Cohācjǔ ye yahuducuye marine catigǎ yere. Quehnoañe pehere marine came-sagǎ yere. Sa ye tiquiro ye yahuducuye ihyo ijiye ijierare. Sa ye ñoseni pjǐ pǎa peheri siori pjǐ mehna dihirore

tiquina yǎhre ihǎa tiquina masino saha tiquiro ye yahuducuye gǎhǎ mari ijiye tiyere quehnoano masigǎ yere. Tiquiro ye yahuducuyere mari tǎhogǎ, tire mari buhegǎ mari ijiye tiyere quehnoano masi pehogǎ yere marine. <sup>13</sup> Ne Cohācjǔre mari ijiye tiyere mari yerire nǎo masiedaja mari. Ijipihtiyere tiquiro bajumehnedire, tiquiro bajumehnediquina gǎhǎre ihǎa tiquiro. Sa yena mari yerire tiquirore yahu yǎhdǎro cahmene marine.

*Jesu tutuariquiro mari yaquiro pahia pǎhtoro ijire*

<sup>14</sup> Jesu Cohācjǔ macǎno tiquiro Pacaro cahapǔ tojoariquiro ijire. Tiquiro tutuariquiro mari yaquiro pahia pǎhtoro ijire. Sa yero marine Cohācjǔre sini basare. Tiquiro sa ijiriquiro ijigǎ ihǎana mari pehe tiquiro yere quehnoano yǎhtiuhna. Tiquirore quehnoano wacǎ tutuaducuhna. <sup>15</sup> Tiquiro mari yaquiro pahi mari ñano yǎhdǎgǎ ihǎano quehnoano paja ihǎariquiro ijire. Mari ñañene tutuaro cahmeñene masine tiquiro. Watǎno ijipihtiyere ñañene marine tiquiro ye dutiriro sahata tiquiro gǎhǎre ñañene ye dutimahye. Tiquiro sa ye dutiepegǎta tiquiro ñañene yerahye. Sa ñañene tiquiro ye dutinohriquiro ijiro, marine paja ihǎano tiquiro yedoho masine marine. <sup>16</sup> Sa yena cuero marieno Cohācjǔre siniuhna. Tiquiro marine cahǎne. Sa yero tiquirore mari sinigǎ tiquiro pehe paja ihǎano, marine yedohorota. Watǎno marine tiquiro ñañene ye dutigǎ, mari ñano yǎhdǎgǎ gǎhǎre tiquiro marine yedohorota.

## 5

<sup>1</sup> Ijipihtiyequinare pahia pǎhtoare besero, masare besere Cohācjǔ. Sa tiquiro beseri bato pahia pǎhtoa pehe tiquina mehna cjēnare yedohoye tehe Cohācjǔ cahacjēna ijire. Sa ye ñañene tiquina yeri buhiri Cohācjǔre sini basare tiquina mehna cjēnare. Wahiquirore wejē ǎjǎa mǎoñe, Cohācjǔre sini basare. <sup>2</sup> Pahia pǎhtoa apequina masa yero saha quehnoano masi pehoeyequina ijire. Sa masieñequina ijiye, apequina masieñequinare yedoho masine. Sa ye quehnoano yerariquina

gũhare quehnoano yedoho masine. <sup>3</sup> Sa ye pahia quehnoano ye pehoeyequina ijiye ñañe buhiri tiyequina ijire. Sa ye tiquina basi ñañene tiquina yeri buhiri wahiquirore wejẽ ujãa mũo, Cohãcjũre sinine. Apequina masare yedohoye tehe, tiquina ñañe buhiri tiquina sini basariro sahata tiquina basi tiquina ñañe buhiri gũhare sinine Cohãcjũre.

<sup>4</sup> Sa yero tiquiro basi tiquiro esa tuharo pahia pũtoro sajãedare. Cohãcjũ pehe tiquirore besero, pahia pũtoro sõre. Panopũ cjũno Aaron mũnanore tiquiro cũriro sahata apequina pahia pũtoa gũhare cũre tiquiro. <sup>5</sup> Sata Cristo gũhũ tiquiro basi tiquiro esa tuharo pahia pũtoro sajãedahye. Cohãcjũ pehe tiquirore pũtoro sõno, ohõ saha niahye:

Yũhũ macũ ijire mũhũ. Miare mũhare ba-juagũ yei, niahye Cohãcjũ.

<sup>6</sup> Ape taha ohõ saha niahye Cohãcjũ Cristore:

Ijipihtiye decori pahi ijiducugũta mũhũ. Melquisede tiquiro ijiriro saha pahi ijiducugũta mũhũ, niahye tiquiro macũnore.

<sup>7</sup> Cristo ahri yehparũ ijiro sañuducuyere mehna, utiye mehna mari Pacũre tutuaro siniahye tiquiro “Yũhare masoña”, nino. Mari Pacũ pehe tiquirore yariariquirore maso masiniquiro ijire. Tiquiro sa sinigũ mari Pacũ tũhoahye tiquirore. Mari Pacũ cahmeñe dihitare tiquiro ye duagũ ihñano mari Pacũ pehe tiquiro sinidire tũhoro, tiquirore yũhtiahye. <sup>8</sup> Sa yero Cristo Cohãcjũ macũno ijieperota ñano yũhdũahye tiquiro. Sa ñano yũhdũro yũhtiahye mari Pacũre. Sa yũhtiro quehnoano yũhti masiahye. <sup>9</sup> Sa ñano yũhdũro, curusapũ yariaro ijipihtiyequina tiquirore yũhtiatiquinare yũhdũoatiquiro wahahye. <sup>10</sup> Sa yero mari Pacũ pehe tiquirore pahia pũtoro cũahye. Sa yero Melquisede pahia pũtoro tiquiro ijiriro saha ijire Cristo.

*Cristo yequina tiquirore wacũ tutua duhugũ cuarĩne*

<sup>11</sup> Peye ohõ saha ijiyere mũsare yahu nemo duaja usã. Usã sa yahu nemo duepegũta mũsa pehe dapu bũtina ijire. Sa yena mũsare yahuro basioerare usãre.

<sup>12</sup> Yoari pje Cristo yequina ijimene mũsa.

Sa yena yojopũre apequinare buhenapũ iji tuhasaboya mũsa. Mũsa sa ijiborina ijiepegũta apequina mũsa pehere buheeta. Cohãcjũ yere mijoeda cjũñe buheye dihitare tũhore mũsa. Macanagã epẽco dihitare tiquina apũ masino saha mũsa gũhũ mijoeda cjũñe dihitare quehnoano tũhore. Coã buhe dũcayequina yero saha ijire mũsa. <sup>13</sup> Epẽcore apũñequina macanagã ijinine. Tiquina yero saha mũsa gũhũ ijire. “Ahri ñañe ijire. Ahri quehnoañe ijire”, ni ihñã masiedare mũsa. <sup>14</sup> Ihyayere ihyayequina pehe bũcana ijire. Tiquina yero saha ijiyequina quehnoano tũho masiñequina quehnoano buheriquina ijire. “Ahri ñañe ijire. Ahri quehnoañe ijire”, ni ihñã masine tiquina pehe.

## 6

<sup>1-2</sup> Sa yena Cohãcjũ yere quehnoano masina, quehnoano yũhtina ijihna. Cristo yere coã warore mari buhe dũcana ohõ saha masi dũcaũ: Mari ñañene yerire bũjũa witi, duhuro cahmene. Mari ñañene yeri buhiri pecapũ wahanata. Sa yena Cohãcjũre wacũ tutuaro cahmene marine. Ahrire coã waropũre marine buhe dũcari. Sa ye wame yeyere, omocarine marine tiquina duhu peoyere, yariariquina tiquina masa mũjañene, ahri deco pihtiri bato Cohãcjũ buhiri dahreatire, tiquiro buhiri dahreatiquina tiquina ñano yũhdũducuato gũhare ahri gũhare coã waropũre marine buhe dũcare. Sa ijiye buheyerere masi tuhasana, quehnoano buhe nemouhna tja. <sup>3</sup> Sa yena Cohãcjũre, tiquiro ye gũhare masi nemouhna. Cohãcjũ cahmegũ sa yenata mari.

<sup>4</sup> Mari sa yerana Cohãcjũ yere duhuboaga mari. Cohãcjũ yere duhuriquinare ne pari turi tiquina ñañe yerire tiquinare bũjũa witiye ye masiedare. Sa ijiyequina Cristo tiquiro yũhdũomediquina ijiye, Espiritu Santore cũomedi. <sup>5</sup> Sa ye Cohãcjũ ye yahuducuyere tũhoye quehnoañe ti yahuducuyere ijigũ masimedi. Sa ye pihtiri deco batopũ Cohãcjũ tutuaye mehna mari sa ijiducuatire, masare tiquiro buhiri dahreato gũhare tiquina masimedi.

<sup>6</sup> Sa ijiriquinapũre Cristo yere tiquina duhugũ pari turi tiquina ñañe yerire

tiquinare bujma witiġa ye masiedare. Sa duhuriquina Cohācjū macunore pari turi curusapm tiquina quē bihaboriro saha tiquirore yeye nine. Tiquina sa yegū ihñañe apequina masa Cristore bujupere. Sa ye tiquina ñañe yerire tiquinare bujma witiġa ye masiedare. <sup>7</sup> Ohō saha ijire ti mari queoye mehna buhegū: Quehnoari yehpare pajiro acoro ahtagū ti oteye quehnoano buca, dūca tire. Sa yero ti wese uparo dūcare cūore tiquiro ihyatire. Ti yehpa Cohācjū quehnoano tiquiro yeri yehpa ijire. Sa quehnoano yere tiquiro yequina gūhure. <sup>8</sup> Sa ijiepegūta pota mehna, taa mehna ti yehpa diaro dahseati ijierare. Sa ijiri yehpare Cohācjū ujūa cohānota. Sata yere tiquiro tiquirore duhuyequinare.

*Cristore sa ño peoducuyequinare yuhduore Cohācjū*

<sup>9</sup> Yuhm cahña, musare sa ni yahuepegūta musa pehere “Cristore duhuna ijire”, nigū niedaja. Musa pehe Cristo yuhduonohrina ijire. Sa yena quehnoañene yena niaga musa. Ahrire masiaja yuhm. <sup>10</sup> Quehnoano mari yeri wapa queoro marine quehnoano yeriquiro ijire mari Pacm. Sa yero tiquiro yere musa tutuaro dahrari wapare bosu tiquiro. Tiquirore cahña quehnoano yedohore musa tiquirore. Apequina Cristo yequina gūhure yedohore musa. Sa yena tiquinare yedohona niaga musa. Sa yerina musa ijigū ihñano bosu tiquiro. <sup>11</sup> Musa catiro puno apequinare musa cahiducugū, musa yedohoducugū gūhure cahmeaja usā. Musa sa yeri wapa queoro quehnoano yerota mari Pacm musare. <sup>12</sup> Sa yena musa cape bujma musa ijigū cahmedaja usā. Apequina Cristo yequina ñano yuhduepeta tiquiro yere ne duhuerare. Tiquina sa yegū ihñano mari Pacm “Musare ohoutja”, tiquiro nidire tiquinare oho pehorota. Sa yena musa gūhm tiquina yero saha yedu-cuya.

<sup>13-14</sup> Panopm Cohācjū Abrahāre ohō saha ni cūahye. “Yuhm wame mehna ahrire potu niñ niaja mūhure. Mūhure quehnoano yeitja. Sa yegū mūhm panamena iji turi-ayequinare peyequina masa ijigū yeitja”, ni yahu cūahye Cohācjū. Sa ni yahu cūno

tiquiro ye wame mehna wame peo yahuro niahye. Apequiro tiquiro bui ijiriquiro ne mariedagū tiquiro ye wame mehna tiquiro basita sa wame peo yahuahye. <sup>15</sup> “Mūhure quehnoano yeitja”, Cohācjū tiquiro ni cūrire Abrahā pehere quehnoano tiquiro cohtegū ihñano tiquiro nidiro sahata tiquirore quehnoano yeahye. <sup>16</sup> “Cohācjū mehna potu nina niaja”, masa pehe niñe, tiquina bui ijiriquiro wame mehna wame peo yahuye nine. “Cohācjū mehna potu niñ niaja”, ihcāquiro nigū tuhoro apequiro pehe tiquiro mehna cahme dūse tutuariquiro pehe “Ijirota ijire”, ninota. Sa ye cahme dūse tutua duhueta tiquina. <sup>17</sup> Sa yero Cohācjū Abrahāre “Mūhure quehnoano yeitja”, ni cūno wame peo yahuahye. Tiquiro sa wame peorire tuhona “Ijirota ijire ti. Tiquiro sa nidi ne comesasi”, ni, masiaja mari. Tire mari masiato saha tiquiro ni cūri mehna wame peo yahuahye.

<sup>18</sup> Sa yero pūaro tiquiro ni yahuducuri mehna tiquiro nidi potu ijigū masigū yeahye Cohācjū marine: Tiquiro ni cūri gūhm tiquiro wame peori gūhm ti pūaro mehna tiquiro ni yahuducurire yahuahye tiquiro. Sa ye tiquiro ni cūri gūhm, tiquiro wame peori gūhm ne comesaerare. Sa yero Cohācjū ne ni mehoedare. Tiquiro sa ijiriquiro ijigū masina, mari tiquirore quehnoano wacū tutuana, bucueye mehna marine tiquiro yuhduoatire coht-enatja mari. <sup>19-20</sup> Sa tiquiro yuhduoatire cohtena, wacū tutuana ijiaja mari. Sa yena cueraja. Pahia pūhtoro Cohācjū ijiri tucū waropm sajāno, cahmotari suhtirore yuhdm sajāre. Sa sajāno masa ye ijiatire sini basare Cohācjūre. Tiquiro sa yeriro sahata Jesu gūhm came mari wahato sahata uhmūsepm Cohācjū cahapm waharo, mari ye ijiatire sini basare Cohācjūre. Topm mari wahato pano tiquiro pehe wahahye. Sa yero ijipihtiye decori pahia pūhtoro ijire tiquiro. Melquisede pahi tiquiro ijiriro saha pahia pūhtoro ijire tiquiro gūhm.

## 7

*Melquisede pahi tiquiro ijiriro saha Jesu pahia pūhtoro ijire*

1 Melquisede Salē wame tiri maca cjēna pūhtoro ijiahye. Sa yero pahi ijiro Cohācjū tutuariquirore, umuse cjānore sini basariquiro ijiahye. Sa yero apequina pūhtoare Abrahā wejē tuhasa, tiquiro tojoa tagū waro Melquisede tiquiro ya macapū ijiriquiro Abrahāre piti caro esahye. Sa piti caro tiquirore sini basahye Cohācjūre. “Quehnoano yeya ahriquirore”, ni sini basahye Abrahāre Cohācjūre. 2 Tiquiro sa piti cato pano Abrahā pehe tiquirore ihña tuhtiyequinare wejē tuhasa tiquiro wejēdiquina pūhtoa yere neahye. Tiquiro sa nedire mehenogā ohoahye Melquisedere. Melquisede tiquiro wame pehe “Pūhtoro quehnoano yeriquiro ijire”, nino nine. Sa yero tiquiro Salē wame tiri maca cjēna pūhtoro ijigū tiquiro wame ohō saha nino nine: “Pūhtoro quehnoano ijigū yeriquiro”, nino nine. “Salē” nino, “Quehnoano ijiye”, nino nine. 3 Ne Melquisede pacusumūare, tiquiro pano iji mūhtariquinare, tiquiro acayere tiquina yahu ojoa ohōri mariedare. Tiquiro masa bajarire, tiquiro yariari gūhure yahu ojoa ohōri mariedare. Sa yero sa ijiducuriquiro yero saha ijire tiquiro. Tiquiro sa ijiriquiro ijigū Cohācjū tiquiro mehna marine queoye mehna buhere. Cohācjū macūno tiquiro pahi ijirire marine buhere. Melquisede pahi sa ijiducuriquiro yero saha ijire. Tiquiro yero saha Cristo gūhū pahi sa ijiducuriquiro ijire.

4 Sa yero Melquisede ne ihyo ijiriquiro ijierahye. Abrahā mari nēcū mūnāno pūhtoro waro ijieperota mehenogā tiquiro nedire Melquisede pehere ohoahye. 5 Sa yero Cohācjū dutiye Moiserē tiquiro cūri ijipihtiyequina apequina Israe masare to punota wapa ye dutire. Sa dutiro Leví panamena iji turiayequinare tiquina acaye wapa yerire nēhe dutiro, cūahye. Leví panamena pahia wahae tiahye. Sa ye Israe masa Abrahā panamena iji turiayequina ijiepetā tiquina pahiare wapa yee tiahye. 6 Melquisede pehe Leví panamino iji turiariquiro ijierap-erota wapa neahye Abrahāre. Sa yero Cohācjū “Mūhure quehnoano yeitja”,

tiquiro ni cūriquiro ijieperota Abrahā pehe Melquisedere wapa yeahye. Sa yero Melquisede pehe Cohācjūre Abrahāre sini basaro quehnoano ye dutiahye.

7 Quehnoano ye dutiriquiro Melquisede pehe tiquiro quehnoano ye duti-nohriquiro Abrahā bui ijire. Tire mari quehnoano masiaja. 8 Mari mehna cjēna pahia marine mehenogā wapa neñequina mari yero saha masa ijire. Sa ye yariatiquinata ijire tiquina gūhū. Ahriquiro Melquisede pehe Abrahāre mehenogā wapa nediquiro sa catiducuriquiro yero saha ijire. Tiquiro yariarire yahueraro, sata nino niahye Cohācjū yere tiquina ojoari pūpū. 9 Yojopū cjēna Leví panamena iji turiayequina pahia ijiye, mehenogā wapa nene. Sa ijiyequina tiquina ijiepegūta Abrahā Melquisedere mehenogā wapa yero, ijipihtiyequina Leví panamena ye ijiati gūhure oho basaro saha yero niahye. Sa ye tiquina gūhū Melquisedere mehenogā ohoyequina yero saha ijire. 10 Melquisedere Abrahā tiquiro wapa yeri pjere Leví pehe masa bajueraniahye. Sa ijieperota tiquiro nēcūno mūnāno Abrahā pagapū tiquiro ijiboriro saha Leví pehe iji tuhasaro niahye. Sa yero Melquisede Abrahāre tiquiro piti cagū Leví gūhū tiquiro nēcūno mūnāno mehna ijiro saha ijiro niahye. Sa ye Leví, tiquiro panamena mehna Melquisedere mehenogā wapa yeyequina yero saha ijiye, tiquina tiquiro docapū ijiye niahye.

11 Tiquiro dutiyere cūno Cohācjū Levíre tiquiro acaye gūhure pahia iji dutiahye. Sa ye tiquiro dutiye nidiro sahata tiquina pahia wahiquinare wejē ujūa mūo, Cohācjūre sini basahye masare. Tiquina sa yeri mehna mari yahdāna, apequiro pahi sijoro saha ijiriquiro pahire cahme nemoedaboya mari. Sa yena apequiro pahire cahmeaja mari yojopūre, Melquisede yero saha ijiriquirore. Leví ya curua cjāno Aaron mūnāno yero saha ijiye-quina pahiare yojopūre mari cahmedaja. 12 Sa yena pahiare comesana niaja mari. Mari sa comesana, marine dutiye gūhure comesaro cahmene marine. 13 Aaron, Leví gūhū tiquina ya curua cjēna dihitare pahia



sajã duti m̄htamahye Cohãcjũ, tiquiro dutiyere cũno. Tiquiro sa dutiepegãta yojop̄are mari p̄htoro pahi s̄riquiro ape curua cjãno ijire. Sa ye ti curua cjẽna ne pahia sajãedahye. <sup>14</sup> Tiquiro Cristo Judá ya curua cjãno masa bajuahye. Tire mari quehnoano masiaja. Sa yero, Moise pahia s̄no, Judá ya curua cjẽnare ne pahia s̄eda tiahye.

<sup>15</sup> Ahrire masina, ohõ saha mari quehnoano masiaja: Yojop̄are wahma tiquiro s̄riquiro pahi Cristo Melquisede yero saha ijiriquiro ijire. <sup>16</sup> Panop̄u cjẽ dutiye ti nidiro sahata Leví ya curua cjẽna dihita pahia sajãhye. Yojop̄are tiquiro s̄riquiro pahia tiquina yero saha pahi sajãedare. Tiquiro Cohãcjũ tutuaye mehna ijipihtiye decori ijiriquiro ijire. Sa yero ti tutuaye mehna pahi sajãhye tiquiro. <sup>17</sup> Ohõ saha nine Cohãcjũ yere tiquina ojoari p̄p̄u:

Ijipihtiye decori pahi ijiducugãta m̄h̄u. Melquisede pahi tiquiro ijiriro saha pahi ijiducugãta m̄h̄u, ni-ahye Cohãcjũ tiquiro mac̄nore, ni ojoahye panop̄u.

<sup>18</sup> Ti dutiye tiquiro cũ m̄htari dutiye d̄hseati ijierahye. Sa yero ti dutiyere duhu cãhye Cohãcjũ. <sup>19</sup> Moiserere tiquiro c̄ri dutiye mehna ne ȳhd̄erare masa. Sa yero yojop̄u pehere Cohãcjũ marine tiquiro ȳhd̄oatire marine c̄re. Tiquiro sa yegũ yojop̄are tiquiro mehna yahuducu masiaja.

<sup>20</sup> Sa yero Cristore pahi s̄no, wame peoro mehna tiquirore s̄ahye. Apequina pahiare tiquiro yero saha wame peo s̄edahye. <sup>21</sup> Cristo pehe Cohãcjũ wame peoro mehna pahi sajãhye. Ohõ saha niahye tiquiro Pac̄uro Cristore:

Ȳh̄u m̄h̄u p̄hto ȳh̄u wame mehna m̄h̄ure poto yahutja. Sa yeḡu ahrire ne duhu cũno marieno yahuaja m̄h̄ure. Pahi sa ijiducugãta m̄h̄u, ni cũahye Cohãcjũ tiquiro mac̄nore.

<sup>22</sup> Sa wame peo cũno, wahma buheyere quehnoañe buheyere marine cũno, marine tiquiro ȳhd̄oatire cũno niahye. Panop̄u cjẽ dutiye ȳhd̄oro mari quehnoano ijiatire cũno niahye. Sa yero Cohãcjũ

“M̄sare ȳhd̄outja”, tiquiro nidiro sahata yero taro, Jesure ohoahye marine ȳhd̄oatiquirore. <sup>23</sup> Iji m̄htariquina pahia tiquina yariagũ ihñañe apequina camesa sajãre tja. Sa ye tiquina peyequina pahia wahare. <sup>24</sup> Jesu pehe sa ijiducure. Sa ye tiquirore camesayequina mariedare pahia. <sup>25</sup> Sa yero tiquiro sa ijiducuro, Cohãcjũre sa sini basaducure tiquiro yequina ye ijiatire. Sa yero Cohãcjũ mehna tiquina sa ijiducurato saha masare ȳhd̄o masine tiquiro. Ijipihtiyequina tiquirore wacũ tutuayequina Cohãcjũ cahap̄u wahaeta. Sa yero Jesu ijire potota tiquinare ȳhd̄oriquiro.

<sup>26</sup> Sa yero Jesu ijire mari yaquiro pahia p̄htoro. Tiquiro p̄ritare tutuaro cahmeaja mari. Ne ñañe buhiri marieniquiro ijire tiquiro. Sa yero masa yero saha ne ñañene yerare. Sa yero Cohãcjũ tiquirore ñañequina cahap̄u ijiriquirore neano, ãhm̄sep̄u cũ, ijipihtiyequina apequina bui p̄htoro s̄ahye. <sup>27</sup> Apequina pahia yero saha ijierare tiquiro. Tiquina pehe decoripe wahiquinare wejẽ, ãjã m̄ho, Cohãcjũre sinie tiri. Tiquina basi tiquina ñañe buhirire sini m̄htae tiri. Came apequina masa tiquina ñañe buhiri gũh̄ure sini basae tiri tiquina. Sa ye peye tahari tiquina Cohãcjũre sinie tiri. Jesu pehe pahi ijiro, ihcã tahata tiquiro yariari mehna siniahye Cohãcjũre masa tiquina ñañe buhirire ȳhd̄oro taro. Sa yariaro tiquiro basi tiquiro paḡure tiquiro jeripohna gũh̄ure tiquiro ohoboriro saha yero niahye. <sup>28</sup> Cohãcjũ dutiye Moiserere tiquiro c̄ri pahia p̄htoare sajã dutire. Sa sajãepeta ñañe marieñequina ijierare sa pahia sajãñe. Ti dutiye bato ijiye buheye mehna Cohãcjũ wame peoro mehna tiquiro yahuri buheye mehna tiquiro mac̄no pahia p̄htoro sajãhye. Tiquiro pehe ñañe marieniquiro sa ijiducure.

## 8

*Cohãcjũ “M̄sare ȳhd̄outja”, ni cũahye tja Moiserere tiquiro c̄rire camesaro. Tire yahu basariquiro ijire Jesu*

<sup>1</sup> Ti ijipihtiyere yahuna, ahri p̄ritare m̄sare yahuna tana niaja: M̄sare ãsã

yahuriquiro pahia p̄htoro tiquiro p̄rita mari yaquiro waro ijire. *Ḥm̄sep̄ Cohācjū* tutua ȳhd̄ariquiro tiquiro p̄htoro dujiro poto pehe dujire Cristo mari yaquiro pahia p̄htoro. <sup>2</sup> Sa yero ahri yehpa c̄jā w̄h̄p̄, masa tiquina yeri w̄h̄p̄ pahia dahrayere yerare tiquiro. *Ḥm̄sep̄* ijiri w̄h̄p̄are mari p̄htoro tiquiro yeri w̄h̄p̄are pahia dahrayere yere tiquiro. Ti w̄h̄ p̄rita Cohācjū waro ya w̄h̄ ijire.

<sup>3</sup> Ijipihtiequina ahri yehpa c̄jēna pahia p̄htoa wahiquinare wejē *uj̄ā m̄o*, ohore Cohācjūre ño peoye. Sa ye dutie tiahye tiquinare. Mari yaquiro pahi ḡh̄are Cohācjūre oho dutiahye. Mari ñañe buhirire tiquirore oho dutiahye. Sa yero Cristo mari ñañe buhiri yariaro bucuegū yeahye Cohācjūre, pahia p̄htoa Cohācjūre ohoye tiquina bucuegū yeriro saha. <sup>4</sup> Mari judio masa mari dutiye ti nidiro sahata ahri yehpap̄ pahia masa tiquina ñañe buhirire ohore Cohācjūre siniñe. Sa ye ahri yehpap̄ pahia iji tuhasare. Sa yero Jesu pehe mari yaquiro pahi ahri yehpap̄ ijinino, pahi ijieraboa tiquiro pehe. <sup>5</sup> Ahri yehpa c̄jēna pahia tiquina dahrayere ahri yehpa c̄jā w̄h̄p̄ta dahrare. Ti w̄h̄p̄ Cohācjūre tiquina ño peorire ihñana *ḥm̄se c̄jā w̄h̄p̄are* tiquirore mari ño peoatire masi c̄jūna niaja. “Ti w̄h̄ yero saha ijire”, nino niahye Cohācjū *c̄n̄p̄* Moiserere tiquiro ya w̄h̄are dahre dutiro. Tiquiro sa dahreato panogā Cohācjū ohō saha niahye tiquirore. “*C̄n̄p̄ m̄h̄are* ȳh̄ ihñoriro sahata ti w̄h̄ ijiriro sahata ya w̄h̄are queoro dahreya”, niahye Cohācjū tiquirore. <sup>6</sup> Sa yero yojop̄ pehere Jesu pahi ijiro, tiquiro dahraye apequina pahia ye dahraye ȳhd̄oro ijire. Ihyo waro ijierare. Cohācjū marine “*M̄sare* ȳhd̄outja”, tiquiro ni yahuri panop̄ c̄jē dutiye Moiserere tiquiro c̄ri dutiye ȳhd̄oro ijire. Marine tiquiro yahuri ti dutiye ȳhd̄oro marine quehnoano ijigū yeeta. Sa yero marine ȳhd̄o basariquiro ijiro, Cristo pehe apequina pahia ȳhd̄oro ijire.

<sup>7</sup> Coā warop̄are tiquiro dutiri mehna mari ȳhd̄eraja. Ti dutiye mehna

mari ȳhd̄gū, apeye buheyere c̄edaboya Cohācjū. <sup>8</sup> Sa yero ti dutiyere tiquina ihcāno sahaerarire yahuro ohō saha niahye tiquiro yeequinare Israe masare:

Ohō saha nine mari p̄htoro: “Quehnoano t̄hoya. *Camep̄* apeye buheyere yahutja yequinare Israe masare, Judá ya curua c̄jēna ḡh̄are. <sup>9</sup> Ti buheye tiquina *ñec̄sm̄na m̄na* iji turiayequinare ȳh̄ yahu c̄ri yero saha ne ijisi. Ȳh̄ basi tiquinare Egipto yehpap̄ ijiyequinare wiogū tiquinare yahu c̄mi. Ȳh̄ sa ni yahu c̄rire ȳhd̄ucare tiquina. Tiquina sa yegū ihñagū wahmanore tiquinare ȳh̄ yahumedire duhu c̄h̄.

<sup>10</sup> Sa yegū *camep̄* Israe masare ohō saha ni yahutja: Ȳh̄ dutiyere tiquinare wacūgū yeitja. Sa ye ȳh̄ dutiyere yahtietja. Sa yegū ȳh̄ Cohācjū tiquina p̄hto, tiquinare ihñā ihbogū ijigutja. Sa ye tiquina pehe yeequina masa ijieta. <sup>11</sup> Sa ye ti pjere tiquina mehna c̄jēnare ne tiquina ohō saha cahme nisi: ‘Mari p̄htoro Cohācjūre masiña *m̄sa*’, ne ni cahme buhesi. Tiquina ijipihtiequina ȳh̄are masi tuhasaeta. Macanagā, *buc̄na ḡh̄* ȳh̄are masiñequina dihita ijieta. <sup>12</sup> Sa yegū tiquina ñañe yerire boutja ȳh̄. Sa yegū tiquinare buhiri dahresi ȳh̄. Tiquina ñañe yerire pari turi wacūsi ȳh̄”, niahye mari p̄htoro, nine Cohācjū yere tiquina ojoari p̄p̄.

<sup>13</sup> Yojop̄are marine tiquiro ye buheyere c̄no, panop̄ c̄jē dutiyere duhuro nidi. Sa yero m̄na dutiyere tiquiro duhuri bato ti dutiye comesaa wahare.

## 9

*Ahri yehpa c̄jā tuc̄re ḥm̄se c̄jā tuc̄ ḡh̄are Cohācjūre ño peori tuc̄re yahuahye*

<sup>1</sup> Coā warop̄are Cohācjū tiquiro dutiyere Moiserere c̄no, masa tiquirore tiquina ño peoato ḡh̄are c̄ahye. Sa yero Cohācjūre tiquina ño peoati w̄h̄ ḡh̄are ye dutiro c̄ahye. <sup>2</sup> Ti w̄h̄ wahiquina cahseri w̄h̄ ijiahye. P̄a tuc̄ c̄oahye. Paji c̄jūri tuc̄

tiquina sajà sa mahtari tucũ “Cohãcjũ ya tucũ”, wame tiahye. Ti tucũpũ tiquina sihõ docodũ ijiahye. Sa yero mesa gãhũ ijiahye. Ti mesa bui Cohãcjũre tiquina ohori pã pesahye. <sup>3</sup> Ape tucũ suhti cahseri mehna tiquina cahmotari tucũ ijiahye. Ti tucũ “Cohãcjũ ijiri tucũ waro”, wame tiahye. <sup>4</sup> Ti tucũpũ uru mehna tiquina yeri altar, ehmeo bueyere tiquina ujũari altar ijiahye. Sa yero uru quehnoañe mehna tiquina duhu ohõri acaro topũ cuñahye. Ti acaro puhiapũ uru pa maná wame tiye ihyaye pose tiri pa ijiahye. Sa yero ti acaro puhiapũ Aaron yadũ tuadũ pũri tidũ ijiahye. Sa yero pũã pĩĩ utã pĩĩni Cohãcjũ dutiyere tiquiro ojoari pĩĩni gãhũ ti acaro puhiapũ sañahye. <sup>5</sup> Ti acaro bui pũaro angele queoye ijiahye. Ti queoye Cohãcjũ asi siteyere, ti tucũpũ tiquiro ijiyere ihñoñe niahye. Ti acaro mohano bui tiquina wũye dũpũri mehna mohahye. Ti acaro mohano bui masa ñañe buhirire tiquina ohorire wejẽ site peoe tiahye pahia pũtoro. To punota yahutja ahri wũhũ cjẽne yojopũre.

<sup>6</sup> Sa ye ti wũhũre tiquina quehnoano quehnori bato pahia decoripe tiquina sajà sa mahtari tucũpũ sajà sa, tiquina dahrayere yee tiahye. <sup>7</sup> Sa yero pahia pũtoro dihita ape tucũpũ sajàhye. Cũhmaripe ihcã tahata tiquiro sajàri deco boropũta sajàe tiahye tiquiro. Sa sajàno tiquina wejẽdiquiro wahiquiro tiquina ohoriquiro diire ne sajàno, Cohãcjũre ño peoe tiahye. Dii marieno ne sajàedahye. Tiquiro basi tiquiro ñañe yeri buhirire diire ne sajàe tiahye. Sa yero ijipihtiyequina apequina Israe masa “Ñañe ijiaga”, nino marieno tiquina ñañe yeri buhiri gãhũre diire ne sajàe tiahye tiquiro Cohãcjũre sinino taro.

<sup>8</sup> Ijipihtiyeh ahri mehna Espiritu Santo ohõ saha ni marine buhero nine: Ti wũhũpũ Moiserere tiquiro cũri wũhũpũ mari ño peorĩna, tiquiro cũri dutiyere yeatina ijinina, ihyo ijina Cohãcjũre ño peona wahaeraboya mari. Pahia pũtoro dihita Cohãcjũ ijiri tucũ waropũ sajà masine. Sa yena ihyo ijieyequina tiquina ño peoye wahaeraro saha sa ijiboya mari Moiserere tiquiro cũri dutiyere yena.

<sup>9</sup> Ahri ijipihtiyere Cohãcjũre ño peori wũhũpũ ijiyere marine cũno, marine yojopũ cjẽnare buhero niahye Cohãcjũ. Wahiquinare wejẽ ujũã mũo, masa Cohãcjũre tiquina ño peori mehna ne Cohãcjũ cahapũ wahasi. Tiquina sa yeri mehna tiquina ñañe yerire cose werahye. <sup>10</sup> Sa wahiquinare ohoye, tiquina ihyaye, tiquina sihniñe, tiquina pagũ coseye, tiquina ohõ saha yeye mehna Cohãcjũre ño peoe timahye. Ahri tiquina sa yeri ihyo warota ijire yojopũre. Sa yeye ti dutiyeh Moiserere tiquiro cũri dutiyeh marine quehnoana wahagũ yerahye. Sa ye wahma buheyere Cohãcjũ tiquiro cũri bato mũna dutiyeh pehe dũhseati ijierare.

<sup>11</sup> Cristo pehe mari pahia pũtoro ijiro ahta tuhasari jiri. Sa ijiro marine quehnoañene cũ tuhasari jiri. Cohãcjũre ño peori wũhũ ujũmũsepũ pahia pũtoro tiquiro dahrari wũhũ apequina pahia tiquina dahraye wũhũse yũhũoro quehnoari wũhũ ijire. Ujũmũse cjã wũhũ ijire. Ti wũhũ ahri yehpa cjã wũhũ ijierare. Sa yero masa tiquina yeri wũhũ ijierare. <sup>12</sup> Sa yero Cristo ujũmũsepũ Cohãcjũ ijiro waropũ ihcã taha sajàhye mari ñañene yeri buhirire Cohãcjũre ohoro saha yero taro. Topũ ujũmũsepũ ohõpũ tiquiro ijiri tucũ waro yero saha ijire mari queoye mehna buhegã. Sa yero chivoa diire, wecũagã diire ne sajà, ohoerahye tiquiro. Tiquiro pehe tiquiro ye dii warore Cohãcjũre tiquiro ohoro saha yero niahye yariaro. Ijipihtiyeh decori Cohãcjũ mehna mari ijiducato saha tiquiro ye diire cohãhye. Mari ñañe buhirire yariahye.

<sup>13</sup> “Yariariquinare dahra peona mũsa pagũ wete tina ijire”, ni cũahye Cohãcjũ Moiserere. Sa ijieyeh ñañene wete tiyere cose wee tiahye chivoa diire tiquina ohori mehna. Wecũã diire tiquina ohori mehna, wecũagãre tiquina ujũari nitine tiquina ohori mehna sa ijieyeh ñañene cose wee tiahye. <sup>14</sup> Sa ijieyeh ñañene wahiquina diire tiquina ohori mehna, nitine tiquina ohori mehna tiquina cose weriro saha ti yũhũoro Cristo pehe tiquiro diire cohãno mehna mari ñañe yerire quehnoano cose we peho cãre. Tiquiro ñañe marieniquiro

ijiro, curusap<sub>u</sub> yariaro tiquiro basita tiquiro pag<sub>u</sub>, tiquiro jeripohna mehna Cohācjūre ohoro saha yeahye. Espiritu Santo sa ijiducuriquiro yedohoye mehna sa yeahye tiquiro. Sa ye mari ñañe yerire tiquiro cose wegū ihñano mari ñañe buhirire Cohācjū bo cāhye. Ti ñañe buhirire c<sub>u</sub>ona pecap<sub>u</sub> wahaborina ijimi mari. Tiquiro cose wenohrina ijina, Cohācjū catiriquiro tiquiro cahmeñene ye masiaja mari.

<sup>15</sup> Sa yero “Ohō saha m<sub>u</sub>sare y<sub>u</sub>hd<sub>u</sub>outja”, masare pari turi Cohācjū ni yahu cūgū Cristo pehe tiquiro yahuyere yahu basariquiro ijire. Sa yahu basare tiquiro Cohācjū beseriquinare y<sub>u</sub>hd<sub>u</sub>oro taro. Tiquiro sa y<sub>u</sub>hd<sub>u</sub>ogū ijipihtiye decori tiquiro mehna ijinata mari tiquiro yequina. Sa yena mari tiquiro yequinare Cohācjū marine ohoatire c<sub>u</sub>onata mari. Moiserere tiquiro cūri dutiye dihita ijigū masa tiquina ñañe buhiri ijiniahye. Sa yero curusap<sub>u</sub> yariaro ti pjeta tiquina ñañe yeri buhirire y<sub>u</sub>hd<sub>u</sub>oahye tiquiro yequinare.

<sup>16-17</sup> Mas<sub>u</sub>no came tiquiro acayere tiquiro ohoatire ojoa ohōyure papera pūp<sub>u</sub>. Tiquiro ohoatire yahuro taro ojoa ohōyure. Ti pūre ojoa ohōyuriquiro tiquiro yarieranigū ti pū d<sub>u</sub>hseati ijierare. Tiquiro acaye tiquiro c<sub>u</sub>orire nea masiedare. Sa ye tiquiro yariagū ihñañe ti pūp<sub>u</sub> tiquiro ni ojoariro sahata tiquiro yere neañeta tiquina. <sup>18</sup> Tiquiro yariato pano ti pū d<sub>u</sub>hseati ijieraro sahata yariaro marieno dii wijiario marieno Cohācjū Moiserere tiquiro cūri dutiye gūh<sub>u</sub> ne d<sub>u</sub>hseati ijieraboya. Sa yero wahiquiro diire tiquiro wejē siteri bato ti dutiyere potota yero niahye.

<sup>19</sup> Sa yero ohō saha ye m<sub>u</sub>htahye Moise: Cohācjū tiquiro cūri dutiyere masare yahu pehoahye. Came wec<sub>u</sub>agā diire, chivoa diire aco mehna moreahye. Sa yero hisopo wame tid<sub>u</sub> d<sub>u</sub>p<sub>u</sub> mehna oveja poari sohāñe mehna tiquina ñimiori poarire torēahye. Ti d<sub>u</sub>p<sub>u</sub> mehna diire soharo, Cohācjū dutiyere tiquiro ojoari pū bui wejē site peoahye. Ijipihtiyequina masa bui gūh<sub>u</sub>re wejē site peoahye.

<sup>20</sup> Sa yero ohō saha niahye tiquiro: “Cohācjū marine tiquiro yahuri tiquiro dutiri ahri dii mehna poto ijigū masiaja mari. Ahri diire ihñana tiquiro nidiro sahata marine tiquiro yeatire masiaja mari. Ti dutiyere y<sub>u</sub>hti dutiahye tiquiro marine”, niahye Moise. <sup>21</sup> Sa yero masare tiquiro yeriro saha Cohācjūre tiquina ño peori wūh<sub>u</sub> wahiquina cahseri wūh<sub>u</sub>re, ijipihtiye ti wūh<sub>u</sub>p<sub>u</sub> ijiye gūh<sub>u</sub>re wejē siteahye. <sup>22</sup> Sa tjire. Ti dutiye ti nidiro sahata peye ñañene dii cohāno mehna cose wero cahmene. Mehenogā d<sub>u</sub>hsaye ñañene apee boro mehna cose wegū quehnoare. Sa yero Cohācjū mari ñañe yerire ne bosu dii cohāedagū.

*Cristo tiquiro diire cohāno, yariaro, tiquiro yequina ñañe yerire cose weahye*

<sup>23</sup> Ti ijipihtiye Cohācjūre tiquina ño peori wūh<sub>u</sub>, ti wūh<sub>u</sub>p<sub>u</sub> ijiye gūh<sub>u</sub> <sub>u</sub>hm<sub>u</sub>se c<sub>u</sub>ā wūh<sub>u</sub>p<sub>u</sub> ijiye yero saha ijiahye mari queoye mehna buhegū. <sub>u</sub>hm<sub>u</sub>se c<sub>u</sub>ā wūh<sub>u</sub> pehe potota Cohācjū ya wūh<sub>u</sub> waro ijire. Sa yero ahri yehpa c<sub>u</sub>ā wūh<sub>u</sub>re, ti wūh<sub>u</sub>p<sub>u</sub> ijiye gūh<sub>u</sub>re wahiquina diire tiquiro wejē siteri mehna cose wero cahmeahye. Sa ye ti y<sub>u</sub>hd<sub>u</sub>oro <sub>u</sub>hm<sub>u</sub>sep<sub>u</sub> wahatiquinare tiquina ñañe buhiri tiyequinare cose wero cahmene. Sa yero wahiquina y<sub>u</sub>hd<sub>u</sub>oro ijiriquiro ye dii tiquiro cohāno mehna tiquina ñañe yerire cose wero cahmene.

<sup>24</sup> Sa yero Cohācjūre tiquina ño peori wūh<sub>u</sub> masa yeri wūh<sub>u</sub> ijire. <sub>u</sub>hm<sub>u</sub>se c<sub>u</sub>ā wūh<sub>u</sub> yero saha ijire ti wūh<sub>u</sub> gūh<sub>u</sub>, mari queoye mehna buhegū. Sa yero Cristo pahī ijiro, marine sini basaro taro ahri yehpa c<sub>u</sub>ā wūh<sub>u</sub>re sajāedahye. Potota <sub>u</sub>hm<sub>u</sub>sep<sub>u</sub> wahahye tiquiro Cohācjū caha marine sini basaro taro. <sup>25</sup> Mari judio masa mari pahia p<sub>u</sub>htoro c<sub>u</sub>hmaripe Cohācjū ijiri tucū warop<sub>u</sub> sajāe tiahye wahiquina diire ohoro taro. Cristo pehe tiquiro diire Cohācjūre ohoro saha yero taro, yariaro, peye tahari sajāedahye. <sup>26</sup> Peye tahari yariariquiro ijiro, ahri yehpa iji d<sub>u</sub>cari bato peye tahari yariaboya tiquiro. Peye tahari tiquiro mari ñañe buhirire yariaducuriquiro ijiboya. Sa ijiboriquiro ijieperota pihtiri deco panogā yojop<sub>u</sub>re marine ijipihtinare y<sub>u</sub>hd<sub>u</sub>oro taro ihcā

taha bajuahye tiquiro ahri yehpapu. Sa bajuahye yariaro taro, mari ñaÑe buhirire cohãno taro.

<sup>27</sup> Ijipihtiyequina masa ihcã tahata yarieta. Tiquina sa yariari bato masa quehnoañequinare, ñañequina gũhare be-serota Cohãcjũ. <sup>28</sup> Ihcã tahata mari yariaro saha Cristo gũhu ihcã tahata yariahye peyequina masa tiquina ñañe yerire cohãno taro. Came pari turi ahtarota. Mari ñañe yerire cohã tuhasariquiropu ijirota. Sa yero pari turi mari ñañe yerire cohãno taro ahtasi. Sa ahtarota tiquirore cohteyequinare, bucueye mehna tiquirore ihña duayequinare yũhdũoro ahtarota.

## 10

<sup>1</sup> Cohãcjũ dutiye Moiserere tiquiro cũri quehnoañe buheye yero saha ijiepete, ihcãno saha ijierare. Ti dutiye ti ye dutiriro saha cũmaripe wahiquinare wejẽ, ujũa mũo, Cohãcjũre ño peoducure. Tiquina sa yeye mehna masa tiquina ñañe yerire boerare Cohãcjũ. <sup>2</sup> Ti mehna tiquina ñañe yerire Cohãcjũ bogũ, ihcã tahata Cohãcjũre tiquina ño peori bato “Yojopũre buhiri mariedare usãre”, ni tahotuboya masa. Sa ye pari turi wahiquinare wejẽ ujũa mũo, Cohãcjũre ño peo ohoeraboya. Duhu cãboya. <sup>3</sup> Cũmaripe wahiquinare wejẽ ujũa mũo, Cohãcjũre tiquina ño peogũ tiquinare ñañe buhirire wacũgũ yere. To punogãta yedoho duare ti tiquinare. <sup>4</sup> Wecũa dii mehna mari ño peori mehna, chivoa dii mehna mari ño peori mehna ne mari ñañe buhirire cohãedare.

<sup>5</sup> Ti ijirota ijire. Ti sa ijigũ ihñano Cristo ahri yehpapũre tiquiro ahtato pano ohõ saha niahye Cohãcjũre:

Wahiquinare ujũa mũo tiquina ohogũ, trigore tiquina ohogũ gũhare mũhu ihñagu bucuerare mũhu. Sa yegu yũhu pagũre yeri mũhu ya pagũ ijiatire. <sup>6</sup> Ñañene tiquina cohãtore wahiquinare wejẽ, tiquina ujũa mũogũ ihñagu bucuerare mũhu. <sup>7</sup> Mũhu sa bucueragũ ihñagu ohõ saha nii mũhare: “Mũhu cahmeno sahata yegu wahagũtja. Sata ni yahure mũhu ya pũpu”, nii yahũ, niahye Cristo tiquiro Pacũrore.

<sup>8</sup> “Wahiquinare ujũa mũo tiquina ohogũ, trigore tiquina ohogũ gũhare ihñagu bucuerare mũhu”, ni yahu mũhtahye tiquiro. Coã waropũre tiquiro ye dutiye wahiquinare, trigo gũhare tiquina ohoye mehna ti ño peo dutiepegũta sa niahye tiquiro. <sup>9</sup> Sa ni tuhasa ohõ saha ni nemoahye: “Mũhu cahmeno sahata yegu wahagũtja”, niahye. Tiquiro sa nigũ ohõ saha masiaja mari. Panopũ wahiquinare wejẽ ujũa mũoÑe mehna tiquina ño peorire duhugũ yero, apeye buheye pehere cũno niahye Cohãcjũ. (Sa cũno yojopũre Cristo tiquiro yariari mehna masare yũhdũoro Cohãcjũ.) <sup>10</sup> Jesucristo tiquiro pagũre ohoro, yariaro, ijipihtina marine mari ñano yerire cohãre. Ihcã tahata tiquiro pagũre ohore mari ñañene cohãno taro. Sa yero Cohãcjũ cahmeno sahata yero niahye.

<sup>11</sup> Ijipihtina mari judio masa mari yequina pahia decoripe Cohãcjũre ño peori wũhũpu dahraducure. Sa dahraducuye decoripe mũnanota wahiquinare wejẽ, ujũa mũo, Cohãcjũre siniducure. Tiquina sa wejẽ ujũa mũoepegũta ti ujũa mũori mari ñano yerire ne cohãedare. <sup>12</sup> Cristo pehe ihcã tahata mari ñañe buhirire yariahye, mari ñañe yerire quehnoano cohã pehorota. Tire cohã tuhasa, waha wahahye tiquiro Pacũro cahapu tiquiro poto pehe dujiro waharo. Pũhtoro ijiro, topũ dujire. <sup>13</sup> Topũ dujiro, cohtero nine. Tiquirore ihña tuhtiyequinare Cohãcjũ pehe tiquiro yũhdũũca basatore cohtero nine. <sup>14</sup> Sa yero ihcã tahata tiquiro yariari mehna tiquina ñañene cohãnohriquinare ñañe marieñequina sa ijiducugũ yere tiquinare. <sup>15</sup> Ti ijirota ijire. Sata ni yahure Espĩritu Santo marine. Ohõ saha ni yahure tiquiro: <sup>16</sup> Ohõ saha nine Cohãcjũ: “Camepũre ohõ saha ni yahutja Israe masare. ‘Yũhu dutiyere tiquina wacũñepũ cũtja’, ni yahutja”, nine tiquiro.

<sup>17</sup> Ohõ saha ni nemoere Cohãcjũ:

“Tiquina ñañe yerire pari turi wacũ nemosi yũhu”, nine tiquiro, ni yahure Espĩritu Santo.

<sup>18</sup> Mari ñañe yerire tiquiro sa bogũ pari turi mari ñañe buhiri yariatiquirore cahmedaja mari.

*Cohãcjũ cahapũ esana, cuero marieno tiquiro mehna mari yahuducuboriro saha tiquiro mehna yahuducu masiaja yojopũre (Mt 27.51; Mr 15.38; Lc 23.45)*

<sup>19</sup> Sa yena yũhũ acaye, Cristo tiquiro yariaro mehna tiquiro dii cohãno mehna yojopũre mari gãhũ cuero marieno Cohãcjũ mehna yahuducu masiaja. Sa yena tiquirore sini masiaja. <sup>20</sup> Ahri yehpa cjãno pahia pũhoro Cohãcjũ ijiri tucũ waropũ tiquiro yemedi yojopũre marine dũhseati ijierare. Ti mehna Cohãcjũ mehna yahuducu masiedaja mari. Cristo pehe mari ñañene yeri buhirire yariaro tiquiro dii cohãri mehna Cohãcjũ mehna yahuducu masiaja mari. Pahia pũhoro ti tucũpũ tiquiro sajãriro sahata Cristo pehe Cohãcjũ cahapũ esahye mari ñañe yerire bo dutiro waharo. Ti tucũ cjã cahserore cahmotari cahserore tiquiro tũhrẽ cohãriro saha Cristo tiquiro pagũre cohãhye Cohãcjũ mehna marine iji dutiro. <sup>21</sup> Sa yero Cohãcjũ ya wũhũpũ dahrariquiro mari yaquiro pahi tutua yũhdũariquiro ijire tiquiro. <sup>22</sup> Sa yena Cohãcjũre siniihna poto ni mehono marieno. Tiquirore quehnoano wacũ tutua, cuero marieno tiquirore siniihna. Cristo mari ñañe yerire tiquiro cose wenohrinapũ ijiaja. Sa yena “Buhiri tina ijiaja mari”, ni tũhotuna ijieraja mari. Sa yena wete marieñe aco mehna mari cose wero saha Espiritu Santo tiquiro cose wenohrinapũ ijiaja. Sa yena Cohãcjũre siniihna. <sup>23</sup> “Mũsare yũhdũoutja”, tiquiro nidiro sahata yerota. Sa yena marine tiquiro yũhdũoatore quehnoano masiaja mari. Tire masina, ne boeracãhna. Cohãcjũre sa wacũ tutuaducuhna. Sa wacũ tutuana tire apequinare yahuaja. <sup>24</sup> Mari mehna cjẽnare cahĩna, tiquinare yedohouhna mari, ijipihina mari ihcãno saha mari cahme cahĩ yedohoato saha. <sup>25</sup> Sa yena quehnoano cahmecoaducuhna Cohãcjũ yere yena tana. Apequina pehe tiquina cahmecoamedirore duhuye nine. Tiquina yero saha yeracãhna. Mari mehna cjẽnare bucuegũ yeihna. Ahri yehpapũre mari pũhoro ahtato mehenogã dũhsare. Tire masina tutuaro bucuegũ yeihna mari mehna cjẽnare Jesu yequinare.

<sup>26</sup> Poto ijiye buheyere quehnoañe buheyere mari masiepenata ñañene mari pari turi sa yeducugũ mari ñañene cose we nemoato ne mariedare. <sup>27</sup> Sa yero sa yeyequinare cuarĩne. Ijipihtiyequina tiquirore ihña tuhtiyequinare buhiri dahrero, tutuaro yũãnopũ cohãnota Cohãcjũ tiquinare. Sa ye tiquiro buhiri dahreatire cueyequina dihita ijimene tiquirore duhuyequina. <sup>28</sup> Cohãcjũ dutiye Moisere tiquiro cũrire yũhdũdũcayequinare buhiri dahreye, mari acaye judio masa wejẽne tiquinare. Ne paja ihñano marieno wejẽne tiquinare. Ihtiaro tiquina yahusãgũ tũhoro beseriquiro tiquina yũhdũdũcarire masino tiquinare buhiri dahre dutire. Ihtiaro mariedagũ pũaro tiquina yahusãgũ tiquinare buhiri dahre dutire. Sa dutigũ tiquinare wejẽne.

<sup>29</sup> Ti bui cjũno Cohãcjũ macũnore ihña yabiyequina tiquiro buhiri dahreatiquina ijietta. Cristo dii cohãri mehna mari ñañe yerire cohãre Cohãcjũ. Sa cohãtore yahuahye tiquiro marine. Sa yeye tiquina ñañe yerire cohãnohriquina ijiepetta pari turi ñañene yeye, tiquina ñañe yerire tiquiro cohãrire tiquiro dii gãhũre “Ihyo waro ijire”, niñe nieta. Sa niñequina tiquiro buhiri dahreatiquina waro ijiye nieta. Sa niñequina Espiritu Santore ñano ni yahuducuyequina ijire. Tiquiro tiquinare cahĩniquiro ijire. Tiquina sa ñano yahuducugũ ihñano tutuaro buhiri dahrerota Cohãcjũ tiquinare. <sup>30</sup> Ahrire mari quehnoano masiaja. Cohãcjũ tiquiro basita ohõ saha niahye: “Yũhũ ijiaja buhiri dahreacjũ. Tiquina ñañene yeri buhiri buhiri dahreitja yũhũ”, niahye tiquiro. Ohõ saha ni nemoahye: “Yeequina ijimediquinare ñano yeyequinare buhiri dahreitja yũhũ”, niahye tiquiro. <sup>31</sup> Cohãcjũ catiriquiro marine tiquiro buhiri dahregũ cua yũhdũare.

<sup>32</sup> Panopũ mũsa ijirire wacũña mũsa. Ti pjere Cohãcjũ yere coã masi dũcana peye tahari ñano yũhdũepenata tiquiro yere cohãedari mũsa. <sup>33</sup> Ihquẽ tahari masa tiquina ihñonopũ apequina mũsare ñano ni, ñano yeperi mũsare. Sa yena apequina Jesu yequinare tiquina ñano yegũ ihñana, tiquinare paja ihñari mũsa. <sup>34</sup> Peresupũ

ijiyequinare paja ihñari m̄usa. Sa yena m̄usa yere tiquina ehmaep̄eḡta bucueye mehna, “Quehnoanota”, nidi m̄usa. Ahri yehpa cjē ȳhd̄oro quehnoañene c̄ore m̄usa ̄hm̄sep̄m̄. Ti quehnoañe sa ijiducueta. Tire masina, m̄usa c̄oyere tiquina ehmaḡũ b̄j̄ma witierare m̄usa. <sup>35</sup> Sa yena cueracãhña. Cohãcj̄re sa wacũ tutuaducuya. M̄usa sa yeri wapa tiquiro quehnoano yerota m̄sare. <sup>36</sup> Cohãcj̄ “M̄sare oh̄o saha yedohoutja”, tiquiro ni c̄ũrire quehnoano cohteya m̄usa tiquirore wacũ duhuro marieno. Sa cohtena tiquiro cahmeñene yenata m̄usa. Sa yena tiquiro ni c̄ũrire c̄onata. <sup>37</sup> Oh̄o saha nine Cohãcj̄ yere tiquina ojoari p̄p̄m̄:

Mehenogã d̄hsare Cristo wihiato. Sa ahtaro duita wihi madoqueorota.

<sup>38</sup> Yeequina quehnoañequina pehe ȳh̄re wacũ tutuaducueta. Sa ye yeequina ȳh̄ mehna sa ijiducueta. Yeere cohãñequina pehere ihña yabi-aja ȳh̄, niahye tiquiro ye yahuducuye tiquina ojoari p̄p̄m̄.

<sup>39</sup> Mari pehe Cohãcj̄ yere cohãrina ijieraja mari. Sa yena pecap̄m̄ wahatina ijieraja mari. Cohãcj̄re wacũ tutuaja mari. Sa yena tiquiro ȳhd̄orina ijiaja.

## 11

### *Wacũ tutuayere yahuahye*

<sup>1</sup> Oh̄o saha ijire wacũ tutuaye: Cohãcj̄re wacũ tutuana, marine tiquiro quehnoano yeatire quehnoano masiaja mari. Cohãcj̄ tiquiro nidiro sahata yeraniepeḡta tiquiro yahuyere “Ijirota ijire”, ni t̄hotuaja mari tiquirore wacũ tutuana. Tiquirore ihñedap̄enata, wacũ tutuana, “Ijirota ijire”, ni t̄hotuaja mari tiquiro yahuyere t̄hona. <sup>2</sup> Panop̄m̄ cjēna Cohãcj̄re tiquina wacũ tutuaḡũ ihñano bucueahye tiquiro pehe.

<sup>3</sup> Cohãcj̄ tiquiro yahuducuye mehna ijipihtiyere bajumehnee tiahye. Sa yero tiquiro mari ihñedari mehna ijipihtiyere mari yojop̄m̄ ihñañene bajumehnee tiahye. Tire mari quehnoano masiaja Cohãcj̄re wacũ tutuana p̄rita.

<sup>4</sup> Cohãcj̄re wacũ tutuaro Abe pehe corderore wejē, ̄j̄ma m̄o, Cohãcj̄re

ño peo “Quehnoare”, niahye. Tiquiro wahmino Caĩ ȳhd̄oro quehnoanore ohoro, ño peohye tiquiro Cohãcj̄re. Sa yero Cohãcj̄ tiquiro ohorire bucueahye. Sa bucuro “Quehnoariquiro ijire”, ni ihñahye tiquiro Abere. Sa Cohãcj̄re tiquiro wacũ tutuaḡũ ihñana mari tiquirore ihña c̄ũaja. Sa yena tiquiro yariari bato ijiepeḡta tiquiro wacũ tutuarire ihña c̄ũaja mari.

<sup>5</sup> Enoco Cohãcj̄re tiquiro wacũ tutuaḡũ ihñano bucueahye Cohãcj̄. Sa bucuro tiquirore tiquiro cahap̄m̄ ne m̄oahye. Sata nine Cohãcj̄ yere tiquina ojoari p̄p̄m̄. Tiquiro ne m̄ori bato masa tiquirore ne bocaerahye. Tiquiro ne m̄onohriquiro ijiro ne yarierahye. <sup>6</sup> Cohãcj̄re wacũ tutuerana tiquirore bucueḡũ ye masiedaja mari. Cohãcj̄re wacũ tutuerana, tiquirore ño peo masiedaja mari. “Potota tiquiro Cohãcj̄ warota ijire. Sa yero tiquirore mari ño peoḡũ marine quehnoano yere tiquiro”, mari ni t̄hotuerana mari tiquirore sini masiedaja.

<sup>7</sup> Noé Cohãcj̄re wacũ tutuaro, tiquirore Cohãcj̄ yahurire quehnoano ȳhtiahye. Camep̄m̄ tiquina ñano wahatore tiquiro yahuḡũ t̄horo quehnoano ȳhtiahye tiquiro. Sa ȳhtiro, pajiria yuc̄sare yeahye. Sa yeye tia yuc̄sa mehna tiquiro acaye mehna dia miniore ȳhd̄uahye. Sa wacũ tutuariquiro ijiro ahri yehpa cjēna ñañequina tiquina wacũ tutuerarire tiquina pecap̄m̄ wahato ḡh̄re ihñono niahye. Sa yero tiquiro wacũ tutuaḡũ ihñano “Quehnoariquiro ijire”, ni ihñahye Cohãcj̄ tiquirore.

<sup>8</sup> Abrahã ḡh̄ Cohãcj̄re wacũ tutuaro tiquirore ȳhtiahye. Ape dihtap̄re tiquirore ohoati dihtap̄re Cohãcj̄ waha dutiḡũ t̄horo Abrahã ȳhtiahye. Tiquiro ya dihtap̄m̄ ijiriquiro wijiaa waharo, tiquiro masiedi dihtap̄m̄ esahye. <sup>9</sup> “Ahri dihtare m̄h̄re ohoutja”, Cohãcj̄ nīgũ t̄horo tiquirore wacũ tutuaro ti dihtap̄ata tojoahye tiquiro. Top̄m̄ ijiro ape dihta cj̄ano ijieperota top̄ata tojoa c̄ahye. Tiquirore, tiquiro mac̄no Isaac ḡh̄re, tiquiro panamino Jacob ḡh̄re tiquinare “Ahri dihtare m̄sare ohoutja”, ni Cohãcj̄

yahue tiahye tiquinape. Tiquina tãhoe tiahye. Sa yeye tiquina ti dihtapũ ijiye, wahiquina cahseri wãhũsepũ ijie tiahye mũnãno ijieyequina ijiye. <sup>10</sup> Topũ ijinie tiahye Abrahã Cohãcjũ mehna tiquiro ijiatore cohtero. Ape macapũ Cohãcjũ ijiri macapũ ãhmũsepũ tiquiro wahatore cohtero niahye. Ti macare dahreahye Cohãcjũ. Sa yero ti maca ne pihtisi.

<sup>11</sup> Cohãcjũre wacũ tutuaro, bũcũro waro ijieperota, tiquiro namono Sara bũcũoro waro ticoro ijiepegũta, Abrahã pohna tiahye. “Tiquiro nidiro sahata yerota”, Cohãcjũre nino sa pohna tiahye. <sup>12</sup> Sa yero Abrahã bũcũro waro ijieperota pohna tiahye. Sa yeye tiquiro panamena iji turiayequinapũ peyequina waha cãhye. Ñãhpicoha parire, padũ pjeri gãhũre mari queona ihcãno sahaeraro sahata tiquiro panamena iji turiayequina gãhũre queona ihcãno sahaeraja mari.

<sup>13</sup> Ijipihtiyequina ahriquina yũhũ yahuriquina Cohãcjũre wacũ tutua tuhasayequinapũ yariahye. Cohãcjũ tiquinare “Mũsare ohõ saha yeitja”, tiquiro ni cũrĩrore eserapeta yariaa wahahye. Tire ñehedapeta Cohãcjũ tiquiro nidiro sahata camerũ tiquina cũoatire masiahye. Sa masiñe bucueahye. Sa yeye ohõ saha niahye tiquina: “Ahri yehpapũ tinina ijiaja. Ape yehpa cjãna ijiaja”, niahye tiquina. <sup>14</sup> Sa niñequina ape yehpare tiquina ya yehpa ijiatore cohteye nine. Tire mari quehnoano masiaja. <sup>15</sup> “Ape yehpa cjẽna ijire”, nigũ panopũ tiquina cohãri yehpare nigũ niedaja. Ape yehpapũ tiquina iji mãhtari yehpapũ waha dua, wahaa wahaboya. <sup>16</sup> Quehnoa yãhdũari yehpa pehere cahmeñe niahye. Ti yehpa ãhmũsepũ ijire. Tiquina sa cahmegũ ihñano “Cohãcjũ ãsã pãhtoro ijire”, tiquina nigũ tãhoro bũe tisi Cohãcjũ. Tiquina ya maca ijiatore dahre basa tuhasahye tiquiro.

<sup>17-18</sup> Cohãcjũ Abrahãre tiquiro macũnore Isaare wejẽ ãjũa mũo dutiahye. Tiquirore ihña duaro sa dutiahye, “¿Ijirota yũhũre wacũ tutuajari?” nino. Cohãcjũre wacũ tutuaro tiquiro nidiro sahata yemahye Abrahã. “Mũhũ macũ Isaac mehna

panamena iji turiayequinare peyequinare cũogũta mũhũ”, Cohãcjũ tiquiro nidiquiro ijiepegũta tiquiro macũnore wejẽno taro nimahye Cohãcjũre ño peoro taro. <sup>19</sup> “Yũhũ macũ Isaare yũhũ wejẽgũ Cohãcjũ tiquirore masonota”, ni tãhoturo, tiquirore wejẽno taro nimahye. Sa nidiquiro ijieperota Cohãcjũ tiquirore cahmota, wejẽ dutierahye. Tiquiro pacũro tiquiro sa wejẽboriquiro ijiro yaria masariquiro yero saha ijiahye Isaac, Abrahã ihñagũ. Sa yero Abrahã tiquirore catiriquirore pari turi cũoahye.

<sup>20</sup> Isaac Cohãcjũre wacũ tutuaro, tiquiro pohnene Jacore, Esaú gãhũre “Camerũ Cohãcjũ mũsare pajiro quehnoano yerota”, niahye.

<sup>21</sup> Cohãcjũre wacũ tutuaro Jacob tiquiro yariato panogã José pohnene, ãmũare “Cohãcjũ mũsare pajiro quehnoano yerota”, niahye Jacob. Dũsepe curi mehna quehe sa, tiquiro tuadũ mehna tua ñehe cuña, Cohãcjũre ño peoro “Cohãcjũ mũsare quehnoano yerota”, ni cũahye.

<sup>22</sup> Cohãcjũre wacũ tutuaro José tiquiro yariato panogã Israe masa Egiptopũ ijieyequina tiquina wijiatire yahuyuahye. Sa tiquina wijiatire masiyuro tiquiro yariari bato tiquiro pagũre nea dutiahye tiquiro pohnene.

<sup>23</sup> Cohãcjũre wacũ tutuaye, Moisegãre ihtia asũ waro nũo cũoahye tiquiro pacũsumũa, tiquiro masa bajuari bato. Quehnoariquirogã tiquiro ijigũ ihñañe tiquirogãre nũoahye. Ti yehpa cjẽna pãhtoro tiquina pohnene tiquiro wejẽ dutirore yãhdũdũca cãhye tiquina. Tiquirore cuerahye.

<sup>24</sup> Moisere masoricoro Egipto yehpa cjẽna pãhtoro macono ijiahye. Sa ticoro masonohriquiro ijiro, Cohãcjũre wacũ tutuaro “Ticoro macũno ijire”, ni pisugũ cahmedahye Moise. <sup>25</sup> Cohãcjũre yãhdũdũcariquiro ijiro tiquirore masoricoro cahapũ meheñe decorigã quehnoano ijiboya. Sa ijiboriquiro ijieperota ti yãhdũoro tiquiro Cohãcjũ yequina mehna ñano yãhdũ duahye. <sup>26</sup> Sa ñano yãhdũoro Cristore tiquina bũjũpeato sahata tiquina bũjũperiquiro ijiahye. Camerũ tiquiro



quehnoano yeri wapa Cohãcjũ tiquirore tiquiro quehnoano yeatire masino ñano yãhdũ duahye, Cristo tiquiro ñano yãhdũato sahata. Ijipihtiyequina Egipto cjëna quehnoañene tiquina curo yãhdũoro tiquiro Cohãcjũ pehere tutuaro cahmeahye. Ñano yãhdũeperota, Cohãcjũre cahmeahye.

<sup>27</sup> Cohãcjũre wacũ tutuaro, Egipto cjëna pãhtoro tiquiro mehna usuagũ cuerahye. Sa cueraro ti yehpapũ ijiriquiro ti yehpare cohã cãa wahahye. Sa yero Cohãcjũre bajueriquirore tiquiro ihñaboriro saha cuerariquiro ijiahye. Cohãcjũ tiquirore ye dutirire ne cohãedahye Moise. <sup>28</sup> Cohãcjũre wacũ tutuaro Moise Israe masare Cohãcjũ yãhdũoatire masiahye. Sa masino Cohãcjũ dutiriro sahata Israe masa tiquina sopecaharire ohõne pjĩnine dii mehna wejẽ site dutiahye tiquiro. Tiquina sa yegũ ihñano angel masare wejẽdiquiro tiquina wahmisũmare wejẽboriquiro Israe masa pohne wahmisũmare wejẽdahye.

<sup>29</sup> Cohãcjũre wacũ tutuaye, Israe masa “Sohãri ma”, tiquina nidi mapũ aco watoa ijiri mahapũ aco marieni mahapũ pehãa wahahye. Tiquina sa pehãgũ ihñañe Egipto cjëna gũhũ tiquinare ihña cũ, nũnũ tã pehãmehe, mini yariaa wahahye.

<sup>30</sup> Cohãcjũre wacũ tutuaye, Israe masa Jericó wame tiri maca cjã sahrĩno pajiri sahrĩno behero pehe majare sotoahye. Si-ete decori waro ti macare majare sotoa tiniahye. Tope decori tiquina majare sotoa tinidi bato ti sahrĩno sehte bora di-ja pihtia wahahye. <sup>31</sup> Cohãcjũre wacũ tutuaro mũna mehna ñano yeducumedicoro Rahab wame tioro, ti maca cjõno Israe masare yedohoahye. Ti macare tiquina cohãto pano meheñequinagã Israe masa topũ sajã tiquina duhti ihñagũ, ticoro tiquinare yedohoahye. Ticoro sa yedohogũ ihñañe Israe masa wejẽdahye ticorore. Sa yeye ti maca cjënare Cohãcjũre yãhdũucayequinare wejẽpeta ticoro pehere wejẽdahye.

<sup>32</sup> Apequinare Cohãcjũre wacũ tutuayequinare yahu nemoboa yãhũ. Sa yahu duepegũta peyequinare sa Cohãcjũre wacũ tutuayequinare yahu ojoa peho

masiedaga yãhũ. Peyequina ijire tiquina. Gedeõ, Barac, Sansõ, Jefté, Davi, Samuel, Cohãcjũ yere yahu mãhtariquina gũhũ ahriquina ijipihtiyequina yãhũ yahuboriquina ijire. <sup>33</sup> Cohãcjũre wacũ tutuayequina ihquẽquina apeye yehparipũ ijiye macari cjënare cahme wejẽ yãhdũdũcahye. Sa yeye apequina quehnoano dutiyequina ijiahye. Cohãcjũ tiquinare “Mũsare yedohoutja”, tiquiro nídiro sahata tiquinare yedohoahye. Tiquirore tiquina wacũ tutuagũ ihñano sa tiquinare yedohoahye. Sa wacũ tutuaye, yayia tiquinare ihya duagũ tiquina dũserire bihagũ yeahye tiquina. <sup>34</sup> Tutuaro mũjũri pecapũ ijiepetã mũjedahye tiquina Cohãcjũre wacũ tutuaye. Apequina tiquinare ñose wejẽ duagũ duhti cãa wahahye Cohãcjũre wacũ tutuaye. Tutueyequina ijiepetã Cohãcjũre wacũ tutuaye tutuayequina wahahye. Cohãcjũre wacũ tutuayequina ijiye, cahme wejẽne tutuayequina ijiahye. Sa ye apeye yehpari cjëna surara tiquinare wejẽne ah-tayequina ne ihcãno sahaerahye tiquinare. <sup>35</sup> Ihquẽquina numia Cohãcjũre wacũ tutuagũ ihñano tiquina acaye yariagũ ihñano Cohãcjũ pehe tiquinare maso basahye.

Apequina “Cohãcjũre cahmedacãhña”, tiquina ni peresu yenohriquina ijiepetã Cohãcjũre duhu duerahye. “Cohãcjũre mũsa duhugũ mũsare wionata”, nimahye tiquinare peresupũ yenohriquina Cohãcjũ yequinare. Tiquina sa niepegũta tiquinare yãhtierahye, Cohãcjũ cahapũ tutuaro waha duaye. Sa yeye tiquinare ña yãhdũaro tiquina yepegũ yariaa wahahye. <sup>36</sup> Apequinare Cohãcjũre wacũ tutuayequinare ñano ni mũjũre tiquinare tana mũjãe tiahye. Sa yeye apequinare dahpocãrine, omocarine dũhte cãa, peresu yeahye. <sup>37</sup> Cohãcjũre wacũ tutuayequinare ñañequina utã mehna doque wejẽahye. Apequinare tiquina pagũrire seroti mehna yãhre sure mũjahye. Apequinare ñoseñe pjĩni mehna ñose wejẽahye tiquina. Sa yeye tiquina sa ñano yepenohñequina oveja cahseri mehna, cabra cahseri mehna suhti tiyequina pejecũoyequina ijiahye. Sa ye apequina tiquinare ñano yepeahye. <sup>38</sup> Tiquina quehnoa yãhdũayequina ijigũ

ahri yehpa cjëna ñañequina tiquina mehna ijiboriquina ijierare. Ahriquina Cohãcjüre wacũ tutuayequina wãhãse marieñequina ijiye, masa marienopã, cãhã cjãpã iji soto tae tiahye. Sa iji soto tae, cãhãpã ijiye coperipã, yehpapã ijiye coperipã gũhare carĩ soto tae tiahye.

<sup>39</sup> Ahriquina ijipihtiyequina Cohãcjüre tiquina wacũ tutuagũ ihñano bucueahye tiquiro. Tiquina sa wacũ tutuepegãta Cohãcjũ tiquinare “Mũsare yãhdũoutja”, tiquiro nidiro eseraniahye. <sup>40</sup> Tiquiro yãhdũoeranidire yahuro ohõ saha ni tãhotuahye Cohãcjũ. “Ahriquina yeequina camerãre ijiatiquina mehna ihcãno saha ihcã curuapãta yãhdũoutja”, ni tãhotuahye. Sa ni tãhoturo tiquiro nidiro sahata yerota. Tiquiro sa yegũ quehnoa yãhdũare panopã tiquiro yeriro yãhdũoro.

## 12

### *Jesure sa wacũducuhna mari*

<sup>1</sup> Sa yena ahriquina yãhã yahuriquinare peyequina Cohãcjüre wacũ tutuayequinare ñañene yeeyequinare masina, ijipihtiye ñañe yeyere duhu cãhãna mari gũhã. Ohõ saha ijire mari queoye mehna buhegũ: Omaperiquirore oma tutuagũ cahmotaye ijire apeye. Tiquiro dahpo suhti nũcũñe suhti tiquirore oma tutueragũ yeboaga. Ti yero saha Cohãcjũ cahmeñene mari ye duagũ cahmotaye gũhã ijire. Ti gũhare duhuuhna mari. Sa yena omapeyequina tiquina oma tutuaro saha mari gũhã tutuaro Cohãcjũ cahmeno saha yeihna.

<sup>2</sup> Sa yena Jesure sa wacũducuhna mari. Tiquirota ijire marine wacũ tutua dũcagũ yeriquiro. Sa yero marine wacũ tutua nemogũ gũhare yere tiquiro. Curusapã yariaro wacũ tutuahye. Came tiquiro bucuateore masino curusapã yariahye. Sa yariaro bæ tiboriquiro ijieperota bæ tierahye tiquiro. Sa yero yojopãre Cohãcjũ tiquiro pãhtoro dujiro poto pehe dujitjiãno tiquiro dutiriquiro ijire.

<sup>3</sup> Ñañequina masa tiquirore tiquina ña yãhdũaro yegũ ihcãno sahahe tiquiro. Tire wacũña mũsa, mũsa gũhã ñano yãhdũna, “Ihcãno sahaeraboã”, nina. Tire wacũña mũsa “Tiquirore

wacũ tutua duhuari”, nina. <sup>4</sup> Ñano yãhdũepenata ñañene yerare mũsa. Sa ñano yãhdũepenata ña yãhdũaro waro yãhdũeraniaga mũsa. Ñañequina mũsare wejẽdarĩaga. <sup>5</sup> ¿Cohãcjũ mũsare tiquiro pohñare tiquiro yahurire bo cjãri mũsa? Mũsa ñano yãhdũatire tiquiro yahurire wacũña mũsa. Ohõ saha niahye tiquiro:

Yãhã macã, mãhare yãhã yahugũ usueracãhña ñano yãhdũepegeãta. Mãhare yãhã tuhtigũ tãhogã bũjãa witierracãhña. <sup>6</sup> Ijipihtiyequina yãhã cahĩñequinare yahuaja. Sa yegũ ijipihtiyequina “Yãhã pohña ijire mũsa”, yãhã ni ihñañequinare yãhdũdũca dutieraja. Sa yegũ tiquina yãhdũdũcagũ ihñagã tiquinare buhiri dahreaaja, niahye Cohãcjũ.

<sup>7</sup> Ñano yãhdũna Cohãcjũ yere duhuerracãhña. Cohãcjũ mũsare tiquiro pohñare buhiri dahrero nine. Tiquina pacũsumãa tiquina pohñene sa yahuducure. Sa yeye tiquinare buhiri dahreducure. Sata yere Cohãcjũ gũhã marine tiquiro pohñare.

<sup>8</sup> Ijipihtiyequina tiquiro pohñene yahure Cohãcjũ. Cohãcjũ mũsare yahueragũ tiquiro pohña waro ijierare mũsa. Pacũsumãa marieñequina yero saha ijire mũsa tiquiro yahumehñena ijina. Sa ijina “Usã pacã waro ijire”, ni masiedare mũsa Cohãcjüre, mũsare tiquiro yahueragũ.

<sup>9</sup> Mari pacũsumãa marine tiquina yahugũ tãhona tiquinare ño peoaja mari. Mari pacũsumãare mari ño peoro yãhdũoro ño peoro cahmene mari Pacãre Cohãcjüre tiquiro yahugũ. Sa yena tiquirore yãhtiro cahmene marine. Sa yãhtina ijina ijipihtiye decori tiquiro mehna ijinata.

<sup>10</sup> Meheñe decorigã ahri yehpapã mari ijinigũ mari pacũsumãa marine yahuye, buhiri dahrere. Tiquina esa tuhãro tiquina masino punota marine yahuye, buhiri dahrere. Cohãcjũ pehe marine quehnoano yahure. Sa yero tiquiro masiñe mehna marine buhiri dahrere, marine quehnoana bæcãa dutiro. Sata yere marine tiquiro yero saha quehnoana marine iji dutiro. <sup>11</sup> Marine tiquiro buhiri dahregũ bucueraja mari. Mari ihyo bũjãa witiãa. Sa bũjãa witiẽpenata tiquiro sa buhiri

dahreri bato quehnoana wahanata mari. Sa yena ñañene yero marieno quehnoano ijinata.

*Cohãcjũ marine tiquiro dutiyere mari yuhtieragũ cuarĩne marine*

<sup>12</sup> Sa yena wacũ tutuera cjũna ijiepenata Cohãcjũre wacũ tutuana ijiya. Tiquirore duhueracãhña. <sup>13</sup> Quehnoano potori mahare m̄sa waharo saha quehnoano potoyeya m̄sa. M̄sa sa yegũ ihña cũñe apequina Jesu yequina ñañene yesi. M̄sa quehnoano yegũ ihña cũñe quehnoano wacũ tutuera cjũñequina gũh̄ wacũ tutuayequina wahaeta.

<sup>14</sup> Ijipihtiyequina masa mehna quehnoano ijiya, cahmequeno marieno. Sa yena ñano yeracãhña. Ñañe marieñequina dihita mari puhtoro Cristore ihñaeta. <sup>15</sup> Quehnoano yeya m̄sa. Cohãcjũ m̄sare tiquiro yedohogũ quehnoano yuhtiya. Ñañe taa diaye tiquina oteyere ti dojomehnenosaha m̄sa gũh̄ Cristo yere duhueracãhña, “Apequinare dojomehneari”, nina. <sup>16</sup> Ne w̄ana tieracãhña. Sa yena Cohãcjũ yere cahmeena ijieracãhña. Cohãcjũre cahmeediquiro ijiahaye Esaú. Tiquiro wahmino ijimahye. Sa yero tiquiro pac̄ro yariari bato tiquiro pac̄ro yere c̄oatiquiro ijimahye. Cohãcjũ tiquiro pac̄rore tiquiro ni c̄uri gũh̄re c̄oatiquiro ijimahye. Sa yero ihcã deco ihcã pa ihyaye pose tiri pare cahmeno, ti pa mehna tiquiro bah̄ro pehere tiquiro wahmino wahagũ yero taro comesahye. <sup>17</sup> Tiquiro sa yeri bato tiquiro d̄hse waharire masine m̄sa. Tiquiro pac̄ro tiquirore ohoatire tutuaro cahmemahye Esaú. Tiquiro sa cahmepegũta tiquiro bah̄rore wahmino wahagũ yeri buhiri, came tiquiro c̄oborire ohoerahye tiquiro pac̄ro. Tire utiye mehna tiquiro siniepegũta tiquirore ohoerahye.

<sup>18</sup> Cohãcjũ dutiyere Moisere tiquiro c̄ugũ mari acaye Israe masa m̄na Cohãcjũ mehna ijie tiahye. Tiquina tiquiro mehna ijiriro saha m̄sa pehe ijierare. Ohõ saha yeahye tiquina pehe. C̄n̄p̄re Cohãcjũ mehna ijiye taye, esahye. Ti c̄n̄p̄re pehe Sinaí wame tid̄ ijiahye. Ti c̄n̄p̄re dahra tuhu masiahye masa. Ti c̄n̄p̄re

tiquina esagũ tutuaro peca ūjahye. Sa yero nahitiano, bueri, tutuaro wihnono mehna ijiahye ti c̄n̄p̄re. <sup>19-20</sup> Ti c̄n̄p̄re tiquina esagũ corneta bisiro ca tahye. Sa yero yahuducuye bisiro ca tahye. Ti sa yahuducuye bisigũ tuhoye, masa ihcãno sahaerahye. Cohãcjũ cuaro mehna ohõ sahani, dutiahye tiquinare: “Ijipihtiyequina ahd̄ c̄n̄p̄re dahra tuhuyequinare utã mehna doque wejẽña tiquinare. Ahd̄re dahra tuhuriquiro wahiquiro waro tiquiro ijiepegũta tiquiro gũh̄re utã mehna doque wejẽña tiquirore. O ñosen̄ mehna ñose wejẽña tiquirore”, niahye Cohãcjũ. Tiquiro sa nigũ tuhoye ihcãno sahaerahye tiquina. <sup>21</sup> Sa yero ijipihtiye tu c̄n̄p̄re ijiro tiquiro ihñarire ihña cuero, ohõ saha niahye Moise: “Cuegu nanaregu niaja”, niahye tiquiro.

<sup>22</sup> Sa Cohãcjũ mehna tiquina iji d̄ucariro sahata ijierare m̄sa pehe. Cohãcjũ mehna ijina wahana, Siõ wame tid̄p̄re ūhm̄se cjãd̄p̄re m̄sa esaboro saha potota Cohãcjũ mehna yahuducure m̄sa. Cohãcjũ catiriquiro ya macap̄re m̄sa esaboro saha potota tiquiro mehna yahuducure m̄sa. Ti maca ape maca wahma maca Jerusalẽ ūhm̄se cjã maca ijire. Top̄re peyequina angele pari ijire. <sup>23</sup> Tiquina Cohãcjũ mehna bucueye tehe cahmecoañequina ijire. Sa yena m̄sa pehe tiquiro ya maca cjãna ijina, top̄re Cohãcjũ pohne iji m̄htañequina mehna m̄sa cahmecoaboriro saha ijire. Tiquina tiquiro pohne wamene tiquiro ojoa ohõri tjup̄re ūhm̄sep̄re tiquina wamene tiquiro ojoa ohõnohriquina ijire tiquiro pohne. Tiquiro pehe mari Pac̄re pehe ijipihtiyequinare beseatiquiro ijire. Tiquiro mehna cjãna ijire m̄sa pehe. Sa yena tiquina quehnoañequina Cohãcjũ yequina mehna cahmecoano saha ijire m̄sa gũh̄. Tiquinare iji m̄htariquinare ñañe marieñequina ye tuhasahye Cohãcjũ. <sup>24</sup> Sa yena Jesu mehna cjãna ijire m̄sa pehe. Wahmanop̄re Moisere tiquiro duti c̄urire comesaro “M̄sare yuhd̄outja yuht̄”, ni c̄uahye Cohãcjũ marine. Tiquiro sa ni c̄uriro sahata yeriquiro ijire Jesu. Tiquiro diire cohã, tiquiro yariari mehna marine sa yuhd̄ore. Abe m̄n̄ano tiquiro dii cohãgũ ihñano Cohãcjũ Abere

wejëdiquirore buhiri dahreahye. Jesu pehe tiquiro diire cohãgũ, tiquiro yariari mehna quehnoano yãhdũaja mari. Sa yero Abe tiquiro dii cohãri ihyo warota ijiahye. Cristo pehe tiquiro dii cohãri bato quehnoa yãhdũaro yeahye Cohãcjũ marine. Sa ye tiquiro dii cohãri ihyo warota ijierare.

<sup>25</sup> Sa yena quehnoano yeya m̄usa. Cohãcjũ yere m̄usare yahuriquirore quehnoano yãhtina ijiya. Panop̄m̄ ahri yehpap̄m̄ ijiriquiro Moise Cohãcjũ yere tiquiro yahugũ tãhoye, peyequina tire tãho duerahye. Sa tiquina tãhoerari buhiri buhiri dahreahye Cohãcjũ tiquinare. Tiquina yãhdũoro buhiri dahrerota Cristore cohãñequinare. Cristo pehe ãhm̄usep̄m̄ ijiriquiro Cohãcjũ yere yahuriquiro ijire.

<sup>26</sup> Ti pjere Moisere tiquiro dutiyere cũri pjere Cohãcjũ tiquiro yahuducuro mehna yehpa ñuhmigũ yeahye. Yojob̄m̄ pehere ohõ saha ni yahuahye tiquiro: “Ihcã tahata ahri yehpa ñuhmigũ ye nemoutja. Ahri yehpa dihitare ñuhmigũ yesi yãhũ. Ëhm̄usep̄m̄ gãhũre ñuhmigũ yeitja”, ni yahuahye tiquiro. <sup>27</sup> “Ahri yehpa ñuhmigũ ihcã tahata ye nemoutja”, nino, ijipihtiyere tiquiro bajumehnedire tiquiro cohãtire masigũ yero niahye. Cohãcjũ pãhtoro ijiröp̄m̄re cohãno basioerare. Sa yero tiquiro bajumehnedire cohãgũ tiquiro pãhtoro ijiro dihita tojoarota. <sup>28</sup> Tiquiro pãhtoro ijiröp̄m̄ wahanata mari. Sa yena tiquiro pãhtoro ijiroro tiquiro cohãedagũ ihñana, Cohãcjũre “Quehnoare”, niinha mari. Sa yena tiquirore ño peoye mehna, cua pesaro mehna tiquiro yere yeihna mari tiquirore bucuegũ yena tana. <sup>29</sup> Peca ãjãno cuaro saha Cohãcjũ gãhũ cuaro mehna buhiri dahreriquiro ijire.

## 13

### *Ohõ saha Cohãcjũre bucuegũ yeya*

<sup>1</sup> M̄usa mehna cjënare cahĩ duhueracãhña. <sup>2</sup> Masa m̄usa ihña masieñequina tiquina ijiepegũta tiquinare m̄usa wãh̄usep̄m̄ quehnoano mehna sajã ta dutiya. Apequina sa yeye, masiedapeta angelere tiquina ye wãh̄usep̄m̄ sajã ta dutiahye. Sa yena tiquina yero saha yeya m̄usa gãhũ.

<sup>3</sup> Peresup̄m̄ ijiyequinare paja ihñaña. M̄usa pehe tiquina mehna peresup̄m̄ ijina m̄usa ijiboro saha tiquinare paja ihñaña. Apequina tiquina ñano yenohriquina gãhũre paja ihñaña. Tiquina yero saha m̄usa gãhũ ñano yãhdũaboro saha tiquinare paja ihñaña.

<sup>4</sup> Omoca dãhterina ijipihtina m̄usa basi quehnoano cahme ño peoya. Sa yena apequina mehna ñano yeracãhña. Ijipihtiyequina numia mehna ñano yeyequinare, ãm̄m̄a mehna ñano yeye numia gãhũre buhiri dahrerota Cohãcjũ.

<sup>5</sup> Niñerure ne cahñedacãhña. Ohõ saha niahye Cohãcjũ: “M̄usare ne cohãsi yãhũ. M̄usare sa yedohoducugãtja”, niahye tiquiro. Sa yena noho puno m̄usa cãoye mehna to punota bucueya. Pajiro cahme nemoedacãhña. <sup>6</sup> Sa yena cuero marieno ohõ saha ni tãhotunata mari:

Mari pãhtoro Cohãcjũ marine yedohoriquiro ijire. Ne cuesi mari. Masa marine tiquina ñano yeatire cuesi mari, ni tãhotunata.

<sup>7</sup> Cohãcjũ yere m̄usare yahuriquinare m̄usare dutiriquinare wacũña m̄usa. Sa yena quehnoano tiquina ijie tirire quehnoano tiquina yee tirire wacũña. Sa wacũña, Cristore tiquina wacũ tutuariro saha yeya m̄usa gãhũ.

<sup>8</sup> Jesucristo ne comesaerare. Panop̄m̄, yojob̄m̄ gãhũre, camep̄m̄ gãhũre tiquiro ijiriro sahata ijiducurota tiquiro. <sup>9</sup> Peye buheyere sijoro saha ijiye buheyere tãhoeracãhña m̄usa “Quehnoañe buheyere ãsãp̄m̄ cohãri”, nina. “Ahrire ihyaya. Ahrire ihyeracãhña”, ni buhere ihquẽquina. Sa tiquina ni buheyere mari yãhtigũ ti marine yedohoerare. Sa yero sa ijiye buheyere mari yegũ ihyo warota ijire. Ti marine wacũ tutuana ijigũ yerare. Cohãcjũ pehe marine wacũ tutuana ijigũ yere. Sa yena tiquiro ye tutuaye mehna tiquirore wacũ tutuana ijiya m̄usa gãhũ.

<sup>10</sup> Cristo mari ñañe buhirire yariahye mari ñañene cohãno taro. Pahia pehe ohõ saha niñequina ijire: “Wahiquina mari wejẽ ãjã m̄uo, mari ohoyequina mehna yãhdũnata”, niñequina ijire pahia. Sa niñequina tiquina ñañe yerire cohãnohriquina iji masiedare. <sup>11</sup> Mari

judio masa mari pahia p̄htoro Cohãcjũ ijiri tucũ warop̄ diire ne sajãno wejẽ siteahye, masa tiquina ñãñe yerire cose wero taro. Sa yero tiquiro wejẽdiquiro wahiquiro pagure ti maca d̄ht̄ cahap̄ ʉjãa cohã cãre. <sup>12</sup> Tiquiro yeriro saha Jesu gũh̄ maca d̄ht̄ cahap̄ yariahye, masa tiquina ñãñene tiquiro dii cohãno mehna cose wero taro. <sup>13</sup> Maca d̄ht̄ cahap̄ tiquiro yariagũ ihñãñe, tiquina ye buheyere tiquiro cohãgũ ihñãñe judio masa p̄htoa tiquirore ihñã tuhtiahye. Sa yena mari gũh̄ tiquiro mehna cjãna ijiihna. Mari sa ijigũ ihñãñe, masa mari gũh̄re ihñã tuhtieta. <sup>14</sup> Ahri yehpap̄ mari iji dojoati maca ne mariedare. Mari camer̄ ijati macare cohtena niaja mari. <sup>15</sup> Sa yena Jesu yedohoro mehna mari Pac̄ mehna yahuducuaaja mari. Sa yena tiquirore quehnoano sinihna. “M̄h̄ ʉsã Pac̄ quehnoaḡ, tutuaḡ ijire”, ni, ño peoducuuhna. “Jesu yequina ijiaja”, ni, sa niña mari Pac̄re. Mari sa nigũ tiquiro bucuero. <sup>16</sup> M̄sa mehna cjẽnare quehnoano yeya. Sa yena tiquinare yedohoya. Tire boeracãhña. M̄sa sa quehnoano yena Cohãcjũre ño peona niaga m̄sa. Sa yena tiquirore bucegũ yena niaga.

<sup>17</sup> M̄sa p̄htoare quehnoano yuhtiya. Tiquina dutiro sahata yeya. Cohãcjũ ihñã ihbo, buhe dutiro cũre m̄sare tiquinare. Sa cũnohriquina ijiye m̄sare sa ihñã ihboducuye nine “Cohãcjũre yãhd̄d̄carĩ”, niñe. Camer̄ m̄sare tiquina dutirire, tiquina yerire Cohãcjũre yahueta. Sa yena tiquinare quehnoano yuhtiya m̄sa. M̄sa sa yuhtigũ ihñãñe bucueye mehna m̄sare yedohoeta tiquina. M̄sa yuhtieragũ ihñãñe tiquina buj̄na witieta. Sa yuhtierana quehnoano ijisi m̄sa.

<sup>18</sup> ʉsãre sini basaducuya Cohãcjũre. Decoripe quehnoañe dihitare ye duaja ʉsã. Sa yena “Ñãñene yena niaja”, ni tuhotueraja ʉsã. <sup>19</sup> Ahri p̄ritare tutuaro sini basaya Cohãcjũre yuh̄re: Sojaro mehna m̄sa cahap̄ yuh̄ wahatire tiquirore sini basaya.

*Ahri p̄re ojoariquiro quehnoa duti bato tiahye*

<sup>20</sup> Cohãcjũ mari p̄htoro Jesure yariariquirore masoahye. Marine quehnoano ijigũ yeriquiro ijire. Tiquiro “M̄sare yãhd̄outja”, ni cũahye Cohãcjũ marine. Tiquiro sa ni cũrre yeriquiro marine yãhd̄oriquiro Jesu pehe ijire. Mari ñãñe buhirire yariahye tiquiro. Sa yero tutuariquiro ovejare ihñã ihboriquiro yero saha ijiro, marine tiquiro yequinare quehnoano ihñã ihbore. <sup>21</sup> Sa yero Cohãcjũ tiquirore masoriquiro m̄sa gũh̄re yedohohro ijipihtiye quehnoañene tiquiro cahmeñene m̄sa yeatire. Sa yero Jesu-cristo yedohoro mehna Cohãcjũ cahmeno saha ijipihtinare marine quehnoañe pehere comesagũ yeahro. Sa yena ijipihtiye decori Cristore ño peouhna. Sata yeihna.

<sup>22</sup> Yuh̄ acaye, ahrire tutuaro m̄sare dutiitja: Ahri p̄p̄ yuh̄ yahurire quehnoano mehna tuhoya m̄sa. Ahri m̄sare yuh̄ ojoari p̄ pajiro ijierare. Sa yena ahrire quehnoano tuhoya. <sup>23</sup> Ahri gũh̄re m̄sare yahutja: Mari acayurore Timoteore peresu ijiriquirore wioñohti. Sojaro mehna tiquiro wihigũ m̄sare ihñagũ wahagũ tiquirore neagutja. Yuh̄ mehna waharota.

<sup>24</sup> M̄sa p̄htoare, ijipihtiyequina apequinare Cohãcjũ yequinare top̄ ijiyequinare quehnoa dutiaja. Italia cjẽna Jesu yequina gũh̄ m̄sare quehnoa dutire.

<sup>25</sup> Ijipihtinare m̄sare Cohãcjũ mehna quehnoa dutiaja.

## Santiago

*Santiago Israe masare macari wahariquinare ojoa ohoahye*

<sup>1</sup> Yũhũ, Santiago ahri pũpũ mũsare quehnoa duti ojoa ohogũ niája. Mari Pacũ, mari pũhtoro Jesucristo gũhũ cahacjũta ijiaja yũhũ. Sa yegũ Israe masa ye cururi cjãnare doce cururi cjãnare Jesu yequinare macari waharinare yũhũ acaye mũsare ojoa ohogũ niája.

*Cohãcjũ pehe quehnoano masigũ yere*

<sup>2</sup> Yũhũ acaye, peye ijietã mũsa ñano yũhdũati. Sa ñano yũhdũepenata quehnoano bucueye mehna tũhotuya. <sup>3</sup> Sa ñano yũhdũana, potota Jesure mũsa wacũ tutuarire ihũona ninata mũsa. Sa yena ñano yũhdũepenata Jesure mũsa quehnoano wacũ tutuana ijina, tiquirore wacũ tutua nemonã wahanata. Sa wahana mũsa ñano yũhdũyere ihcãno sahanata. <sup>4</sup> Sa yena duhuro marieno sa ihcãno sahana ijiducuya mũsa quehnoano tũho masina mũsa ijiatire.

<sup>5</sup> Mũsa masiati dũhsagũ tũhotuna Cohãcjũre siniña. Tiquiro dũhsaro marieno ijipihtiyequinare ohore. Sa ohoro tiquirore siniñequinare sijoro saha nino marieno ohore tiquiro. Tiquiro sa ijiriquiro ijigũ masina, mũsa masiati dũhsagũ tũhotuna, tiquirore siniña. Mũsa sa sinigũ mũsare masi nemogũ yerota tiquiro. <sup>6</sup> Sa sinina Cohãcjũre quehnoano wacũ tutuatjãna siniña mũsa. “Ušã sinigũ Cohãcjũ ohoeraboaga usãre,” ni tũhotueracãhña. Sa ni tũhotuyequina pajiri ma cjẽ pahcõri yero saha ijire. Pahcõri ti usũro comesaro saha tiquina gũhũ tiquina wacũñepũre usũro comesare. Ihcãno saha yerare tiquina. Sa ye Cohãcjũre wacũ tutuerare. <sup>7</sup> Sa ni tũhotuyequinare tiquina siniepegũta ne mehenogã tiquina siniñene tiquinare ohosi mari pũhtoro, Cohãcjũ. <sup>8</sup> Miare ahrire cahmediquiro ijieperota ñamiare sijoro saha tũhoture tja. Sa yeriquiro queoro yerare.

<sup>9</sup> Jesu yequinare ihyo ijieyequinare Cohãcjũ pehe pũhtoa sõnota. Sa ijiatiquina

ijieye bucueahro tiquina. <sup>10</sup> Sa ye Jesu yequina doeri cjẽ opana ijieye tiquina ye doeri cjẽ pihtiatire masiñe bucueahro. Ti doeri cjẽ ihyo warota ijire, Cohãcjũ ihñagũ. Cohori ti duita ahba bora dijiaa waharo saha ti doeri cjẽ pihtia waharota. Sa ijieye tiquina gũhũ bucueahro. <sup>11</sup> Asũ mũja taro tiquiro tutuaro asigũ taa pehe ñaia wahare. Sa ye cohori gũhũ ñai bora dijiaa waha, quehnoañe cohori ti ijieye pihtia wahare. Sata waharota doeri cjẽ opanare doeri cjẽne tiquina ne cahmecoano watoa. Tiquina, ti doeri cjẽ mehnata butia wahata.

*Ñano ye dutiyere yerariquiro bucueriquiro ijire*

<sup>12</sup> Ñano yũhdũriquirõ ihcãno saharo, ñano ye dutiyere yeraro bucueriquiro ijirõta. Tiquiro sa ihcãno saha gũ, tiquiro ñañene yeragũ ijipihtiye decori uhmũsepũ ijiducugũ yerota Cohãcjũ tiquirore. “Sa uhmũsepũ ijiducugũ yeitja”, ni cũahye Cohãcjũ ijipihtiyequina tiquirore cahĩñequinare. <sup>13</sup> Mũsare apequina ñano ye dutigũ “Cohãcjũ yũhũre ñano ye dutiro nine,” ni tũhotueracãhña. Ñano yeyere tũhoturiquiro ijierare Cohãcjũ. Sa yero tiquiro pehe masare ñano ye dutiriquiro ijierare. <sup>14</sup> Masa ñañene tiquina tutuaro cahmeñeta tita tiquinare ñano yegũ yere. <sup>15</sup> Sa ye ñañene tutuaro cahmene masa. Sa ye ti pehere tũhoture. Sa tũhotuye, ti ñañene yeducure tiquina. Tiquina sa yeducuri buhiri Cohãcjũ tiquinare pecapũ cohãnota.

<sup>16</sup> Sa yena yũhũ acaye yũhũ cahĩna, “Cohãcjũ yũhũre dutigũ ñano yei,” ni tũhotueracãhña. Poto ijierare ti. <sup>17</sup> Mari Pacũ uhmũse cjãno marine quehnoañe dihitare ohore. Tiquiro pũrita asũ deco cjũnore, ñami cjũnore, ñahpicoha paca gũhũre bajumehnediquiro ijiro, tiquiro pehe tiquiro ijiriro saha sa ijiducu cãre. <sup>18</sup> Tiquiro cahmediro saha quehnoañe buheye mehna marine tiquiro pohna wahagũ yeri. Sa yeri tiquiro, tiquiro pohna iji mũhtana marine iji dutiro.

*Potota Cohãcjũre ño peye ohõ saha ijire*

19 Yuhũ cahĩna, yuhũ acaye, ahrire quehnoano tũhoya mũsa. Cohãcjũ yere quehnoano tũhoya mũsa. Sa tũhona, tũhoturo marieno yahuducueracãhña. Sa yena usueracãhña. 20 Ihcãquiro usuariquiro ijigũ tiquiro yerire bucuerare Cohãcjũ. 21 Sa yena ijipihtiye mũsa ñañe yeyere, mũsa ñañene tutuaro cahmedire duhuya mũsa. Sa yena Cohãcjũre quehnoano yũhtina ijina tiquiro buheyere tũho, cahmeña mũsa. Tiquiro ye buheyere mũsa tũho cahmegũ Cohãcjũ pehe mũsare pecarũ wahaborinare yũhdũorota.

22 Tiquiro yere tũhoepenata yũhtierana ni mehoñene tũhotuna nine mũsa. “Yũhtieragũ quehnoanota,” ni tũhotuna ni mehoñene tũhotuna nine mũsa. Sa yena tiquiro yere tũhona ti pehere yeya. 23 Cohãcjũ yere tũhoepenata, yũhtierana, tiquiro wũhdoare eõno mehna ihñariquiro yero saha ijire mũsa. 24 Tiquiro wũhdoare tiquiro ihñari bato waha, tiquiro ihñarire boaa wahare. 25 Sa yero apequiro pehe tiquiro ihñarire boero saha Cristo ye dutirire tũhoro tire yero, bucueriquiro ijirota. Ti dutiye Cristo cahĩne mehna masare tiquiro yũhdũoati buheye ijire. Ti buheyere ne cohãediquiro bucueriquiro ijirota. Tiquiro pũrita tiquiro tũhorire yeriquiro ijire. Sa yeriquirore quehnoano yerota Cohãcjũ.

26 Ihcãquiro sa ni maca cãriquiro ijiro, potota Cohãcjũre ño peerare. “Cohãcjũre quehnoano ño peoaja,” ni tũhoturiquiro ijieperota ni mehoñene tũhoture tiquiro. “Cohãcjũre ño peoaja,” nidiquiro ijiepegũta tiquiro ño peoye ne dahseati ijierare. 27 Ijirota Cohãcjũre mari Pacũre mari ño peona, tiquiro cahmeno saha ño peona, ohõ saha yeaja mari: Pacũsumũa marieñequinare, wape wiha numia gũhũre tiquina ñano yũhdũgũ ihñana, tiquinare yedohoaja mari. Sa yena ahri yehpa cjẽna ñañene tiquina yerire ne ye dueraja mari. Sa yena potota Cohãcjũre ño peonata ijiaja mari.

## 2

*Masare ihcãno saha quehnoano yero cahmene marine*

1 Yuhũ acaye, quehnoa yũhdũariquirore Jesucristore mari pũtorore tũhona, tiquirore wacũ tutuana ijire mũsa. Sa wacũ tutuana masare ihcãno saha quehnoano yero cahmene mũsare. 2-3 Sa ye uru behtorire, omoca sañañe behtorire cũoriquiro, wapa bũjũye suhtire sañariquiro mũsa Jesu yequina cahme-coano caharũ tiquiro ahtagũ ihñana tiquirore quehnoano mehna piti caboaga. “Ohõpũ dujiro ijire,” niboaga mũsa tiquirore. Sa niepenata ti pjeta pejecũoriquiro gũhũ ñano suhti tiriquiro mũsa caharũ tiquiro ahtagũ ihñana tiquiro pehere quehnoano piti caeraboaga. “Ohõpũ ducuya. O yehparũ dujiya,” niboaga mũsa tiquirore. 4 Mũsa sa yena masare ihcãno saha yena niedaga mũsa. Sa yena ñañene tũhotuyequina masare beseyequina yero saha ijina niaga mũsa. “Ahriquiro pehe quehnoariquiro ijire. Ahriquiro ñariquiro ijire,” ni besemene mũsa.

5 Yuhũ acaye, yuhũ cahĩna, yũhũre tũhoya. Peyequina pejecũoyequina pehere Cohãcjũ beseahye. Tiquirore quehnoano wacũ tutuatiquinare, tiquiro pũtoro ijiropũre ijia-tiquinare beseahye tiquinare. “Topũre wahanata mũsa,” ni cũahye Cohãcjũ tiquirore cahĩnequinare. 6 Tiquinare tiquiro sa besepegũta mũsa pehe pejecũoyequinare quehnoano ño peerare. Doeri cjẽ opana pehe mũsare ñano yere. Sa ye tiquina masare beseriquiro caharũ mũsare neare mũsare yahusãne tehe. 7 Mũsa pehe “Cristo yequina,” masa tiquina ninohna ijire. Peyequina doeri cjẽ opana pehe Cristore ñano ni yahuducuyequina ijire. Sa ye pejecũoyequinare mũsa ño peoriro yũhdũoro doeri cjẽ opanare mũsa ño peogũ ñañe.

8 Cohãcjũ dutiye mehna cjã dutirore apeye dutiye bui cjũnogã ijiri dutirore ohõ saha ni ojoahye: “Mũhũ basi mũhũ cahĩno saha mũhũ caharũ ijieyequina gũhũre cahĩna,” nine Cohãcjũ dutiro. Ahri dutirore yena, quehnoañene yere mũsa. 9 Masare ihcãno saha yerana ñano yena nine mũsa. Sa yena Cohãcjũ dutiyere yũhdũdcana ijire mũsa. Sata nine Cohãcjũ yere tiquina ojoari pũpũ. 10 Cohãcjũ dutiyere

yena ijiepenata ihcãno dutirogãre m̄sa yeragũ apeye dutiyere m̄sa yepegũta d̄hseati ijierare. Sa yena ñaño buhiri tina ijinine m̄sa. <sup>11</sup> “Apequiro namono mehna ñano yeracãhña,” ni, m̄sare dutiriquiro Cohãcjũta ijire. “Masare wejẽdacãhña,” nidiquiro tiquirota ijire Cohãcjũ. Apequiro namono mehna ñano yerapenata masãnore wejẽna Cohãcjũ dutiyere yãhdũdcana ijire m̄sa.

<sup>12</sup> Cristo marine tutuaro cahño, marine dutire marine yãhdũoro taro. Tiquiro dutiyere mari yerire, mari yerari gãhũre ihñano marine besero ahtarota. Tiquiro sa besenohanaja ijina tiquiro dutiyere quehnoano yeihna. Sa yena tiquiro cahmeno sahata yahuducuuhna mari. <sup>13</sup> Yojopũre mari apequinare paja ihñedagũ Cohãcjũ pehe masare tiquiro beseri pje ijigũ marine paja ihñasi. Sa yena apequinare mari paja ihñagũ Cohãcjũ pehe marine paja ihñano, marine buhiri dahresi.

*Cristore wacũ tutuayequina pehe quehnoañene yere*

<sup>14</sup> Yũhũ acaye, tãhoya m̄sa. “Cristore wacũ tutuaja yũhũ,” ihcãquiro tiquiro ni tãhotuepegũta tiquiro quehnoañene yeragũ tiquiro sa nimeri pehe ne d̄hseati ijierare. Sa ni wacũ tutua maca cãriquirore Cohãcjũ yãhdũosi. <sup>15-16</sup> ¿Jesu yaquiro, Jesu yacoro ñaño suhti dihita tiquina cãogũ ihñana, tiquina ihyati mariedagũ ihñana, d̄hse yeajari m̄sa tiquinare apee boro cãona ijina? “Quehnoano ijiya m̄sa. Sa yena quehnoano suhti sañaña. Sa yena quehnoano ihyã yapĩ iji cãhña,” niepenata tiquina cahmeñene m̄sa ohoeragũ m̄sa sa nimeri ne d̄hseati ijierare. <sup>17</sup> Sa yena “Cristore wacũ tutuaja,” m̄sa niepegũta quehnoañene m̄sa yeragũ Cristore m̄sa wacũ tutuaye ne d̄hseati ijierare.

<sup>18</sup> M̄sa mehna cjũno ahri yũhũ buherire tãho dueraro ohõ saha masiahdo. Quehnoañene yeraperota “Cristore wacũ tutuaja,” niboaga tiquiro. Quehnoañene yeraro Cristore tiquiro wacũ tutuayere apequinare masigũ ye masiedare. Quehnoañene yeriquiro pũrita quehnoañene tiquiro yeye mehna Cristore tiquiro wacũ tutuayere masigũ ye masine.

<sup>19</sup> “Cohãcjũ ihcãquirola ijire,” ni tãhoture m̄sa. M̄sa sa ni tãhotugũ quehnoañene. Sa ijiepegũta to punota Cohãcjũre yãhtiro marieno tiquirore m̄sa masigũ ti d̄hseati ijierare. Watĩã gãhũ m̄sa tãhoturo sahata tãhotuñohti. Sa ijiye Cohãcjũ tiquiro ijiye tiyere masiñohti tiquina. Sa masiño, cue, nanareñohti. <sup>20</sup> Ihcãquiro quehnoañene yeraperota “Cristore wacũ tutuaja,” ni tãhoturiquiro ijero tãho masieniquiro ijire. Cristore wacũ tutuamediquiro quehnoañene yeraro potota Cristore wacũ tutuerare.

Ohõ saha ni yahutja m̄sare ahrire: <sup>21</sup> Abrahã mari ñecũ m̄nãno tiquiro macãno Isaac wame tiriquirore wejẽ basamahye Cohãcjũre. Sa yero tiquirore utã paca mehna tiquina yeri buhu bui duhu peomahye. Sa duhu peoro Cohãcjũ dutiriro sahata tiquiro macãnore wejẽno taro nimahye Cohãcjũre ño peoro taro. Tiquiro sa yegũ ihñano “Potota quehnoariquiro ijire,” ni ihñahye Cohãcjũ tiquirore. <sup>22</sup> Tiquiro sa ni ihñagũ ahrire masine m̄sa: Abrahã Cohãcjũre wacũ tutuaro tiquirore yãhtiahye. Sa yãhtiro Cohãcjũre tiquiro wacũ tutuayere ihñono niahye. <sup>23</sup> Sa yero Cohãcjũ yere tiquina ojoari pũpũ tiquiro nidiro sahata sa wahahye: “Abrahã Cohãcjũre wacũ tutuayere. Tiquiro sa yegũ ihñano ‘Quehnoariquiro ijire tiquiro’, ni ihñahye Cohãcjũ tiquirore”, ni ojoahye Cohãcjũ yere tiquina ojoari pũpũ. Tiquiro sa ni ihñagũ masiño “Abrahã Cohãcjũ mehna cjũno ijire”, nine masa tiquirore.

<sup>24</sup> Sa yena ahri yũhũ yahuatire masine m̄sa: “Cohãcjũre wacũ tutuaja,” nidiquiro, tiquiro quehnoañene yeragũ ihñano Cohãcjũ pehe tiquirore “Quehnoariquiro ijire,” ni ihñedare. Cohãcjũre wacũ tutuariquiro pehere potota tiquiro quehnoañene yegũ ihñano “Quehnoariquiro ijire,” ni ihñare Cohãcjũ tiquiro pehere. <sup>25</sup> Sata ni ihñahye Cohãcjũ Rahab wame tiricorore m̄mã mehna ñano yeducumedicorore. Josué m̄nãno tiquiro ohoriquinare quehnoano piti ca, “Quehnoano sajã taya,” niahye ticoro. Sa yero tiquina tojoa duagũ ticoro pehe ape maha pehere ihñoahye tiquinare



“Tiquinare ihña tuhtiyequina wejẽari,” nino. Ticoro sa yegũ ihñano “Quehnoaricoro ijire,” ni ihñahye Cohãcjũ ticorore.

<sup>26</sup> Sata ijire. Mari pagũpũre jeripohna mariedagũ catieraja mari. Sa yero jeripohna mariedagũ mari pagũ dahseati ijierare. Sata “Cohãcjũre wacũ tutuaja,” mari niepegũta mari quehnoañene yeragũ queoro ijierare mari wacũ tutuaye. Sa yero mari quehnoañene yeye mariedagũ mari wacũ tutuaye dahseati ijierare, jeripohna marieni pagũ yero saha.

### 3

*Mari duseropũ wijiayere mari yahuducuyere yahuahye*

<sup>1</sup> Cohãcjũ yere masare buheyequina tiquiro yere tiquina quehnoano yeragũ ihñano tiquina pũritare masare buheyequina yũhdũoro Cohãcjũ buhiri dahrerota. Tire mũsa masine. Sa yena mũsa mehna cjẽna masare buheyequina peyequina ijieracãhdo.

<sup>2</sup> Ijipihtiyequina peye tahari mari ñañene yeaja. Ihcãquiro ñañene yahuducueriquiro Cohãcjũ cahmeñene quehnoano yeriquiro ijire tiquiro. Sa yero apeye ñañe gũhare yerare.

<sup>3</sup> Ohõ saha ijire ahri mari queoye mehna buhegũ: Caballo duseropũ come pjĩ tiquiro ñehmenore ña dihori pjĩne mari cũaja, tiquirore mari majaredũcagũ yena tana. Sa yena ti pjĩ come pjĩ mehna tiquirore tiquiro wahatopũ mari weje majare docoaja. Ti pjĩgã meheni pjĩgã ijiepegũta ti pjĩgã mehna tiquirore wahagũ yeaja mari. Sata mari dusero mehenogã ijiepegũta ti dusero mehna pajiro yeaja mari.

<sup>4</sup> Yucũsa quitu mehna queoye mehna yahu nemoutja mũsare: Yucũsa pajiria ijiepegũta tiare wihnono tutuaro wẽdoqueoepegũta ohoturiquiro pehe meheni pjĩgã mehna tiare noho tiquiro waha duaropũ ohoture. <sup>5</sup> Sata ijire mari duseropũ wijiaye. Mari dusero mehenogã ijiepegũta ti dusero mehna pajiro yeaja mari. Meheni pecagã pajiro ti peca ujũ cãno saha mari dusero mehna mari yahuducuye mehna pajiro ñañene yeaja.

<sup>6</sup> Sa yero mari dusero ujũri peca yero saha ijire. Mari duseropũ wijiaye ijipihtiyequina ñañene yegũ yere marine. Peca ujũ dũcaro saha mari duseropũ wijiaye mehna mari quehnoano ijiborire ña yũhdũaro yeaja mari. Ñañene yahuducuna watĩno tiquiro dutiro saha mari yena niaja.

<sup>7</sup> Ijipihtiyequinare nũcũ cjẽnare wahiquinare, minicjũare, sihcõ cãhñequinare, wahire mari ihña wahãgũ ye masiaja. Sa yena mari peyequina tiquina borore ihña wahãgũ ye tuhasaũ. Sa ye tiquina quehnoano tũho masine. <sup>8</sup> Tiquinare mari yũhtigũ yepegũta mari dusero pehe ñañene yahuducuro ne duhuera yũhdũare. Sa yero nuñequinare mari yũhtigũ yero saha mari dusero pehere ne yũhtigũ ye masiedaja mari. Mari duseropũ wijiaye ña yũhdũaye ijire. Sa yero aña apequinare tiquiro wejẽno saha marine apequina gũhare ña yũhdũaro wahagũ yere mari dusero.

<sup>9</sup> Mari dusero mehna Cohãcjũ mari pũhoro mehna mari quehnoano yahuducuaja. Sa yahuducuepenata masa Cohãcjũ yero saha ijiyequinare tiquiro bajumehnediquina tiquina ijiepegũta tiquinare ña yũhdũaro ni yahuducuaja mari. <sup>10</sup> Ihcã duseropũta quehnoañene yahuducuye gũhũ, ñañene yahuducuye gũhũ wijiare. Yũhũ acaye, sa ni yahuducueracãhña. <sup>11</sup> Mágã pohterũ aco wijiari coperũ quehnoañe aco, ñañe aco gũhũ ne wijiare. <sup>12</sup> Yũhũ acaye, higuera olivo pacare dũca tierare. Sa yero uhse da higuera pacare dũca tierare. Sa ye moreno mehna pũe paca dũca tierare. Sa ye mágã pohterũ aco wijiari coperũ moa yũaye co wijiagũ moa marieñe co wijiare. Sata mari duseropũ quehnoañe yahuducuye, ñañe yahuducuye mehna wijiareacãhdo.

*Quehnoano masiñe waro ohõ saha ijire*

<sup>13</sup> Ihquẽquina mũsa mehna cjẽna quehnoano masiñequina ijire. Sa yena “Apequina yũhdũoro quehnoano masiaja usã,” niedacãhña. Sa niedana quehnoañene yeya mũsa. Sa quehnoano yena potota quehnoano masina ijire mũsa. <sup>14</sup> Sa yena apequiro apee borore tiquiro cũogũ ihñana

cahme ihña coona, apequina mehna usua-ducuna, apequinare yuhduca duana, “Cohãcjũ yere quehnoano masiaja usã,” niedacãhña m̄sa. M̄sa sa nina ni mehona ijire m̄sa. <sup>15</sup> Sa yeyequina tiquina wacũñe Cohãcjũ ye wacũñe ijierare. Tiquina wacũñe ahri yehpa cjẽna tiquina ñañe wacũñe ijire. Tiquina wacũñe pehe watĩno ye ijire. <sup>16</sup> Masare cahme ihña cooyequina, apequinare yedoho dueyequina sa cahme tuhtiducure. Sa ye ijipihtiye ñañene yeducure.

<sup>17</sup> Apequina pehe Cohãcjũ yere quehnoano masiñequina pehe tiquina pũrita sa ye maca quẽhe niedare. Sa ye tiquina ne cahme tuhtierare. Sa ye masa quehnoañequina, dutiyere quehnoano yuhtiyequina, paja ihñañequina, masare yedohoyequina, masare ihcãno saha yeyequina ijire tiquina. Tire yeye, ni mehono marieno yere tiquina. <sup>18</sup> Sa yena cahmequeno marieno ijina, apequinare “Cahmequedacãhña,” mari ni yahuna quehnoañequina wahagũ yena niaja mari masare.

## 4

*Ahri yehpa cjẽ ñañene cahmena, Cohãcjũre ihña tuhtina ijire m̄sa*

<sup>1</sup> ¿Duhse ijiro boro m̄sa cahme tuhtiajari? ¿Sa yena duhse ijiro boro cahmequeajari m̄sa? Ñañene tutuaro cahmena, cahmeque duare m̄sa. Quehnoañene ye duepenata ñañene yere m̄sa. <sup>2</sup> Apee borore m̄sa cahmene. Sa cahmena masare wejẽne m̄sa tiquina yere nena tana. Sa yena apequiro apee borore tiquiro c̄ogũ ihñana tire m̄sa tutuaro cahmene. Sa cahmepenata tire nea masiedare m̄sa. Sa yena tire cahme sehña soducure m̄sa. Cohãcjũre siniedana, m̄sa cahmeñene ne bocaerare. <sup>3</sup> Sa yena Cohãcjũre sinina, m̄sa ye ijiasi dihitare sinimene m̄sa, m̄sa cahmeno sahata yeducuna tana. Apequina ye ijiasi pehere sini basaerare. Sa m̄sa sinigũ Cohãcjũ m̄sa siniñene ohoerare.

<sup>4</sup> Cohãcjũre duhurina ijire m̄sa. Ahri yehpa cjẽ ñañene cahmena, Cohãcjũre ihña tuhtire m̄sa. ¿Tire masiedajari m̄sa? Sa yero ahri yehpa cjẽ ñañene cahmediquiro

Cohãcjũre ihña tuhtiriquiro iji tuhasare. <sup>5</sup> Ohõ saha niahye Cohãcjũ yere tiquina ojoari pũpũ: “Cohãcjũ yaquiro Espĩritu Santore mari mehna ijiatiquirore cũri. Sa yero Espĩritu Santo pehe marine cahño, ñañene mari tutuaro cahmepegũta cahmesãedare tiquiro. Ihcãquiro namonore tiquiro cahĩ doero saha marine tutuaro cahĩne Espĩritu Santo”, ni ojoahye panopũ. Tiquiro sa ni ojoari ihyo warota ijierare. Poto ijirota nine.

<sup>6</sup> Sa yero Cohãcjũ marine quehnoano yedohore tiquirore mari quehnoano yuhtiatire. Ohõ saha nine Cohãcjũ yere tiquina ojoari pũpũ: “ ‘Yuhũ pũrita apequinare masi yuhducaja,’ nidiquirore, Cohãcjũ ihña tuhtire. Apequiro pehere ‘Ñagũ, ihyo ijigũ ijiaja,’ nidiquiro pehere Cohãcjũ yedohore, tiquirore quehnoano yuhti dutiro”, nine tiquiro yere tiquina ojoari pũpũ.

<sup>7</sup> Sa yena Cohãcjũre quehnoano yuhtina ijiaja m̄sa. Sa yena watĩnore yuhtieracãhña. Sa m̄sa yuhtieragũ ihñano tiquiro pehe m̄sare duhti oma cãa warota. <sup>8</sup> Cohãcjũre quehnoano yuhtiya m̄sa. M̄sa sa yegũ tiquiro pehe m̄sare yedohorota.

Ñana ijire m̄sa. Sa yena ñañene ye nemoedacãhña. Ñañe gũhũre cahmena, quehnoañe gũhũre cahmena ijire m̄sa. Sa yena m̄sa ñañe yerire bujua witiya. M̄sa sa yegũ ihñano Cohãcjũ m̄sa ñañe yerire cohãnota. <sup>9</sup> M̄sa ñañene yerire tutuaro bujua witiya. Sa yena m̄sa ñañe yeri buhirire utiya. Bucueye mehna bujuna ijieracãhña. Sa yena m̄sa ñañe yerire ñano jeripohna tina, tire buẽ tina ijiaja. <sup>10</sup> “Ñagũ ihyo ijigũ ijiaja yuhũ”, nina, Cohãcjũre ño peoya. M̄sa sa yegũ tiquiro pehe m̄sa ñañe yerire cohãno, quehnoano yerota m̄sare.

*Tiquina acayere Jesu yequinare tiquina basi ñano quiti ye dutierahye*

<sup>11</sup> Yuhũ acaye, Jesu yequina ijina, m̄sa basi ñano quiti yeracãhña. M̄sa acayurore ñano quiti yena tiquirore buhiri dahre duti duana niaga m̄sa. Cristo ye dutiye pehe masare buhiri dahre dutiye iji tuhasare. Sa yena masare ñano quiti yena Cristo ye

dutiyere ohõ saha nina niaga m̄sa: “Marine quehnoano dutierare Cristo ye. Sa yena mari esa tuharo buhiri dahre dutihna”, nina niaga m̄sa masare ñano quiti yena. Sa nina Cristo ye dutiyere ñano ni yahuducuna tojoare m̄sa. Sa yena ti dutiyere yerana tojoare. <sup>12</sup> Masare dutiyere ohoriquiro, masare beseriquiro Cohãcjũta ijire. Sa yero masare pecap̄ waboriquinare tiqirota ȳhduo masine. Sa yero tiqirota masare pecap̄ cohã masine. Sa yena mari pehe masare “Ñañequina ijire”, ni masiedaja. Cohãcjũ dihita mari acayere beseatiquiro ijire.

*Ñamiare d̄hse mari ijiatire masiedaja mari*

<sup>13</sup> Yojoap̄re ȳhure tuhoya m̄sa. Ohõ saha nina tuhoya ȳhure: “Miare, ñamiare ape macap̄ ijina wahanata. Top̄re ihcã c̄hma ijina, apee boro dua, d̄nata. Sa yena wapatanata mari”, nine ihquẽquina m̄sa mehna cj̄na Cohãcjũre wacũno marieno. Sa nina ijina, ȳh̄ pehere tuhoya m̄sa. Sa niñequinare ahrire yahuḡ taḡ niaja. <sup>14</sup> Ñamiap̄ d̄hse m̄sa ijiatire masiedare m̄sa. Ehmeo iji, duita pihti m̄jano saha ijire mari ijiye tiye. Ehmeo mehenogã iji, pihtia wahare. Ohõ saha mari ḡh̄ mehenogã ijina, yariaa wahanata. <sup>15</sup> Sa yena ohõ saha ni tuhutuya m̄sa: “Cohãcjũ cahmegũ ijinata mari. Sa yena tiqiro cahmegũ ohõ saha yenata mari”, ni tuhutuya m̄sa. <sup>16</sup> Ȳh̄ sa niepegũta yojoap̄re “Mari esa tuharo ohõ saha yenata”, niducumene m̄sa pehe Cohãcjũre wacũno marieno. Sa niducuna ñañene yere m̄sa. <sup>17</sup> Quehnoañene mari yeatire masiepenata tire yerana, ñañene yena niaja mari.

## 5

*Doeri cj̄ opanare yahuahye Santiago*

<sup>1</sup> Doeri cj̄ opana m̄sa yojoap̄re tuhoya ȳhure. Camep̄re m̄sa ñano ȳhduanata. Sa yena uti sañuducuya m̄sa. <sup>2</sup> M̄sa doeri cj̄ ahba pihtia waharota. Sa ye m̄sa suhtire casia ḡh̄ ihya pehoeta. <sup>3</sup> M̄sa niñerure m̄sa pajiro ihbogũ ne ti d̄hseati ijierare. Pihtiri deco panogã m̄sa sa ihbogũ ihñano niñerure m̄sa

cahĩgũ masine Cohãcjũ. Sa yena niñerure m̄sa cahĩdi buhiri pihtiri deco ijigũ ñano ȳhduanata pecap̄ m̄sa ujugũ m̄sa pagure ujũ pjero saha. <sup>4</sup> M̄sa weserire dahra cohteyequinare wapa yerari m̄sa. Sa yena m̄sa tiquinare ni mehorir. Sa yero tiquinare m̄sa wapa yerari niñerure ihñano, m̄sa ni mehorire masine Cohãcjũ. M̄sare dahra cohteyequina wapa ye dutiye, sañuducure tiquina. Tiquina sa ni sañuducugũ mari p̄htoro Cohãcjũ tutua ȳhduariquiro tiquinare tuhore. <sup>5</sup> Ahri yehpap̄re peye doeri cj̄ mehna ijie tiri m̄sa. Sa yena m̄sa bucueye dihitare yee tiri m̄sa. Sa yena pajiriquiro wec̄ tiquina quehnoano nuriquiro yero saha ijire m̄sa. Sa ye pajiriquiro wec̄ pajiro tiquiro ihyari bato tiqirore tiquina wej̄ati cuhtup̄ ne cãre. Sata m̄sa ḡh̄re pajiro m̄sa c̄ori bato m̄sare tiquiro buhiri dahreatop̄ ne cãnota Cohãcjũ. <sup>6</sup> Quehnoañequinare peresu ye, wej̄ dutiri m̄sa tiquinare. M̄sa sa yegũ tiquina pehe duhti wijia masiedare.

*Cristo tiqiro tojoa tatire quehnoano cohte dutiahye marine Santiago*

<sup>7</sup> Sa yena ȳh̄ acaye, mari p̄htoro Cristo ahri yehpap̄re tiqiro tojoa tatire quehnoano cohteya. Wese up̄ro tiqiro oteye d̄ca tiati pjere quehnoano tiqiro cohtero saha quehnoano cohteya. Tiqiro oteyep̄re “Acoro ahtaahro” nino tiqiro ya wesere ti quehnoano pihniatire quehnoano cohtere tiqiro. <sup>8</sup> Sata m̄sa ḡh̄ quehnoano cohteya. Mari p̄htoro tiqiro tojoa tato mehenogã d̄hsare. Sa yena Cohãcjũre sa wacũ tutuaducuya m̄sa. Sa yena tiqiro ahtatire sa cohteducuya m̄sa. <sup>9</sup> Ȳh̄ acaye, m̄sa basi ñano quiti yeracãhña Cohãcjũ m̄sare “Buhiri dahreari”, nina. Sa yena ahrire wacũña m̄sa. Buhiri dahreatiquiro tiqiro ahtato mehenogã d̄hsare. <sup>10</sup> Ȳh̄ acaye, ñano ȳhduepenata mari p̄htoro quehnoano cohteya Cohãcjũ yere yahu m̄htariquina tiquina yeriro sahata. Tiquina ihcãno saharo sahata ihcãno sahaya, tiquinare ihñã c̄na.

<sup>11</sup> Sa yena ahri ȳh̄ yahuatire wacũña m̄sa. Ñano ȳhduepeta Cohãcjũre

duhueyequina bucueyequina ijire. Panopu cjënore Job wame tiriquire tãhori mûsa. Tiquiro ñano yãhdũeperota Cohãcjũre duhuerahye. Sa yero tiquiro ñano yãhdũri bato Cohãcjũ tiquirore quehnoano yeahye. Cohãcjũ mari pãhtoro quehnoano paja ihñariquire ijiro, sata yeahye tiquiro. Ti ijipihtiyere masine mûsa.

<sup>12</sup> Yũhũ acaye, ahrire tãhoya. Ohõ saha ni wame peore masa: “Uhmuse cjũno mehna poto nina niaja”, nine masare tãho dutiye. Tiquina yero saha sa ni wame peoeracãhña. Uhmuse mehna, ahri yehpa mehna, apee boro mehna sa ni wame peoeracãhña. Ahrire mûsare tutuaro dutiaja. Mûsa apequinare yahuna, quehnoano potota yahuya tiquinare. Ni wame peo yahu nemoedacãhña. Sa mûsa poto yahugũ ihñano Cohãcjũ sijoro saha mûsa nidi buhirire buhiri dahresi.

<sup>13</sup> Mûsa mehna cjũno ñano yãhdũriquire ijiro, Cohãcjũre siniahdo tiquiro. Apequire bucuerequire ijiro Cohãcjũre bucueye mehna basaahro. <sup>14</sup> Mûsa dohatina, Jesu yequina pãhtoare pijioya mûsa. Mûsa sa pijiogũ tiquina pehe mûsare uãse mehna wisõeta. Sa yeye mari pãhtoro Cohãcjũre mûsare sini basaeta tiquina. <sup>15</sup> Sa tiquina sini basagũ “Mari sinino sahata tiquiro yerota”, tiquina ni tãhotugũ Cohãcjũ mûsare dohatinare yãhdũorota. Sa yero mûsare quehnoana wahagũ yerota mari pãhtoro. Sa ye mûsa ñaãe yeri buhiri mûsa dohatina ijigũ ihñaãe mûsare sini basaeta. Tiquina sa sini basagũ ihñano mûsa ñaãe yerire borota Cohãcjũ. <sup>16</sup> Sa yena mûsa mehna cjënare mûsa ñaãe yerire cahme pãa peheri yahu yãhdũya. Sa yena mûsa basi Cohãcjũre cahme sini basaya. Mûsa sa sini basagũ mûsa sini basariquinare Cohãcjũ yãhdũorota. Quehnoañene yena mûsa ijigũ Cohãcjũre tutuaro mûsa sini basariro sahata yerota Cohãcjũ. Sa ye mûsa sini basaye tutuarãga. Ihyo ijie ijierare. <sup>17</sup> Cohãcjũ yere yahu mãhtariquire mûnano Elia wame tiriquire mari yero sahata masũno ijie tiahye. Sa yero “Acoro ahtaeracãhdo” ni tutuaro siniahye Cohãcjũre. Tiquiro sa ni sinigũ ihtia cãhma quehnoano ape cãhma deco

ahri yehpapãre ne acoro ahtaerahye. <sup>18</sup> Sa yero pari turi tja Cohãcjũre acorore tiquiro sinigũ acoro ahtahye. Sa yero pari turi ahri yehpapã yucãri pihni, bũcua, dũca tiahye. Sa ye Cohãcjũre mari siniãe ihyo ijie ijierare.

<sup>19</sup> Yũhũ acaye, mûsa mehna cjũno Cohãcjũ yere cohãriquire Cohãcjũ yere pari turi tiquiro cahmeaire tiquirore yahuna, quehnoano yena nine mûsa. <sup>20</sup> Sa yena ahrire masiãa mûsa: Cohãcjũre duhuriquire Cohãcjũre pari turi cahmegũ yena, pecapã wahaboriquire yãhdũgũ yena niaga mûsa. Sa yero tiquiro ñaãe yerire Cohãcjũ borota.

## 1 San Pedro

### *Jesu yequinare macari wahariquinare ojoa ohoahye Pedro*

<sup>1</sup> Yuhũ, Pedro, Jesucristo tiqiro buhe duti cūriguta ijiaja. Sa yegũ m̄sare yoaro c̄jẽ macaripũ waharinare Ponto yehpapũ, Galacia yehpapũ, Capadocia yehpapũ, Asia yehpapũ, Bitinia yehpapũ ti yehparipũ waharinare m̄sare ijipihtinare ojoa ohoaja yuhũ. M̄sare quehnoa duti ojoaja yuhũ. <sup>2</sup> Coã waropũre Cohãcjũ mari Pacũ “Ohõ saha yeitja”, tiqiro ni wacũyuriro sahata m̄sare beseahye. Tiqiro sa beseri bato tiqiro yaqiro Espiritu Santo m̄sare Cohãcjũ yequina ijigũ yeahye. Sa yeahye tiqiro Jesucristore quehnoano yũhtiana m̄sa ijiatire, tiqiro dii cohãno mehna m̄sa ñañene cosenohrina m̄sa ijiatire. Cohãcjũ cahĩne mehna tutuaro quehnoa dutiaja m̄sare.

### *Jesu yequina ijina marine uhm̄sepũ tiqiro neatire cohtena niaja mari*

<sup>3-5</sup> Cohãcjũ marine tutuaro paja ihñano, Jesucristo yaria masa m̄jari mehna marine pecapũ wahaborinare yũhdũgũ yere tiqiro. Sa marine yũhdũgũ tiqiro yegũ pari turi mari masa bajariro saha Cohãcjũ pohnata wahaja mari. Sa wahaana tiqiro mehna mari sa ijiducuatire quehnoano masiaja mari. Sa yero m̄sare quehnoano yero taro m̄sare cohtero nine. Tiqiro mehna m̄sa sa ijiducuatire cũnota tiqiro. Sa yena sa ijiducunata m̄sa. Sa yero tiqirore m̄sa wacũ tutuagũ, Cohãcjũ tiqiro tutuaye mehna m̄sare ihña ihboro, yũhdũgũ yerota. Pihtiri deco ijigũ m̄sare tiqiro yũhdũorire masigũ yerota tiqiro. Marine tiqiro sa paja ihñagũ ihñana, tiqirore Cohãcjũre mari pũhtoro Jesucristo pacũrore ño peouhna.

<sup>6</sup> Sa tiqiro yũhdũoana ijina, mehenogã ahri yehpapũ m̄sa ijiro puno peye tahari m̄sa ñano yũhdũepenata bucuere m̄sa. <sup>7</sup> Sa ñano yũhdũepenata Cohãcjũre cohãdana m̄sa tiqirore wacũ tutuaye potota ti ijigũ tire masigũ yena niaga m̄sa. Uru ahri yehpa c̄jẽ pũrita pihtia

waharota. Uru yũhdũoro m̄sa wacũ tutuaye pehe ihyo waro ijierare. Sa ye masa uru ti ijiyere masi duaye doha tuhu ihñare. Urure tiquina doha tuhu ihñano saha m̄sa wacũ tutuayere Cohãcjũ ihña duaro “Ñano yũhdũahro”, niboaga m̄sare. M̄sa sa ñano yũhdũari bato potota tiqirore m̄sa quehnoano wacũ tutuaducugũ ihñano, Cristo ño peoye mehna m̄sare “Quehnoano yeri m̄sa”, ninota. Ahri yehpapũ tojoa taro sa ninota.

<sup>8</sup> Tiqirore Jesucristore m̄sa ihñedapenata cahĩne m̄sa. Sa yena yojopũre tiqirore ihñedapenata tiqirore wacũ tutuare. Sa wacũ tutuana, tutuaro bucuere m̄sa. Cohãcjũ tiqiro sa m̄sare bucuẽgũ yegũ tutuaro bucuere m̄sa. Ti bucuẽye quehnoa yũhdũare. <sup>9</sup> Sa yero Cohãcjũ m̄sare pecapũ wahaborinare yũhdũgũ yerota, m̄sa tiqirore quehnoano wacũ tutuagũ.

<sup>10</sup> Cohãcjũ m̄sare tiqiro sa yũhdũoatire panopũ c̄jẽna Cohãcjũ yere yahu m̄htariquina tire masi duaye, sinitue tiahye. <sup>11</sup> Cristo tiqiro ñano yũhdũatire, tiqiro masa m̄jatire, ijipihtiyequina pũhtoro tiqiro ijiatire tiqiro masa bajuato panopũta tire yahuyu tuhasae tiahye tiquina. Jesucristo yaqiro Espiritu Santo tiqiro yedohoye mehna sa yahuyuahye tiquina. Sa ye tiquina Cohãcjũ yere yahu m̄htariquina tiquina yahurire quehnoano masi duaye sinitue tiahye tiquina Cohãcjũre. “Cristo wihirota”, Espiritu Santo tiqiro nidire “¿Noa boro pehe ijiroto?” ni sinitue tiahye tiquina. Tiqiro wihiatu pje gũhare sinitue tiahye. <sup>12</sup> Tiquina yahuyuri tiquinare masi pehogũ yeati ijierahye. Maripũre masi pehogũ yeatire sa ni yahue tiahye. Tire tiquinare masigũ yeahye Cohãcjũ. Uhm̄sepũ ahtariqiro Espiritu Santo yedohoye mehna yojopũre quehnoañe buheyere m̄sare usã yahuaaja. Panopũ m̄sa masiatire tiquina yahuyuri tita ijire yojopũre m̄sare usã yahuye. Ti buheyere angele gũhũ tutuaro masi duae tiahye.

### *Cohãcjũ marine ñañe mariena iji dutire*

<sup>13</sup> Sa yena quehnoano wacũ masitjiãna ijiyuya m̄sa. Sa yena tuho masina ijiya. Cristo tiqiro tojoa tagũ Cohãcjũ m̄sare

quehnoano tiquiro yeatire wacũña. Sa yena tire quehnoano cohteya. <sup>14</sup> Panopm Cohãcjũre masiedarĩna ñañene tutuaro cahmena ijimedi m̄sa. Yojopm̄re tire yeracãhña. Sa yena tiquina pohne tiquina pac̄sum̄are quehnoano tiquina yãhtiro saha yeya m̄sa. <sup>15</sup> Sa yena tiquiro yequina ijiatire m̄sare beseriquiro ñañe marieniquiro tiquiro ijiro sahata m̄sa gũh̄ ñañe mariedacãhña. Sa yena quehnoañe dihitare yeya. <sup>16</sup> Sata ni ojoahye Cohãcjũ yere tiquina ojoari p̄p̄m̄: “Ñañe marieḡm̄ ijiaja yũh̄. Yũh̄ sa ijigã m̄sa gũh̄ ñañe mariena ijiya”, ni, ojoahye.

<sup>17</sup> Tiquiro Cohãcjũ ijipihtiyequinare tiquina yerire ihñano ihcãno saha besere tiquinare. Ñañequinare, quehnoañequinare besere. Tiquiro sa yeriquiro ijigã tiquirore “Yũh̄ Pac̄m̄” ni duana quehnoano yeya. Ahri yehpap̄m̄ m̄sa ijiro puno cua p̄saro mehna quehnoano ijiducuya m̄sa. <sup>18</sup> M̄sa ñec̄sum̄m̄a m̄na panop̄m̄ cjẽna tiquina yeri ne dũhseati ijierahye. M̄sa gũh̄ tiquina yeriro saha yena m̄sa ijiepegãta Cristo m̄sare tiquiro yequina ijigã yeri. Wapamoñequinare tiquina wapamorire tiquina boriro sahata tiquiro pehe m̄sa ñañe yerire potota bo cãhri. Tire quehnoano masine m̄sa. M̄sare sa yero plata mehna, uru mehna wapa ye wioerare tiquiro m̄sare sa yero. Plata, uru butia waharota. <sup>19</sup> Tiquiro pehe oveja quehnoariquiro, wete marieniquiro yero sahata ijiriquiro Cristo tiquiro dii mehna tiquiro yariari mehna m̄sa ñañe yerire cohã, m̄sare yũhd̄orota. Tiquiro dii mehna marine sa yero quehnoano waro yero nidi. <sup>20</sup> Panop̄m̄re ahri yehpare tiquiro bajumehneato pano Cristo tiquiro sa wahatire masi tuhasahye mari Pac̄m̄. Yojop̄m̄ pehere pihtiat̄i deco panogã ijigã, Cristore quehnoano masigã yeri mari Pac̄m̄ m̄sare. <sup>21</sup> Cristo yedohoro mehna mari Pac̄m̄re wacũ tutuare m̄sa. Mari Pac̄m̄ pehe Cristore yariariquirore masori jiri. Sa yero tiquirore ãhm̄sep̄m̄ cũno ijipihtiyequinare tiquirore ño peogã yeahye mari Pac̄m̄. Tiquiro sa yegã mari Pac̄m̄re wacũ tutuare m̄sa. Sa yena m̄sare tiquiro yũhd̄oatire quehnoano masine m̄sa.

<sup>22</sup> Quehnoañe buheyere tiquiro nidiro sahata yena ijina, m̄sa ñañe yerire cohãnohrina ijire m̄sa. Sa yena potota mari acayere Jesu yequinare cahĩ masine m̄sa. Sa yena m̄sa mehna cjẽnare m̄sa jeripohnari mehna tutuaro cahĩña. <sup>23</sup> Sa yena coã bajuayequina yero saha ijina Cohãcjũ pohna wahari m̄sa. Mari pac̄sum̄m̄a mehna masa bajarina ijina came yarianata. Ti yero saha ijierare Cohãcjũ pohna m̄sa wahagã. Cohãcjũ buheye mehna tiquiro catigã yeye buheye mehna tiquiro pohna wahari m̄sa. Ti buheye mehna Cohãcjũ mehna sa ijiducunata mari. <sup>24</sup> Ohõ saha nine Cohãcjũ yere tiquina ojoari p̄p̄m̄:

Ijipihtiyequina masa taa yero saha ijire. Sa ye quehnoañe tiquina c̄oye, taa cohor̄i yero saha ijire. Taa ñaia wahare. Cohori gũh̄ buru dijia, ahbaa wahare. Ti yero saha yariare masa gũh̄. <sup>25</sup> Mari puhtoro ye buheye pehe ne pihtisi. Tiquiro nidiro sahata sa waharota, ni ojoahye. Ti buheye m̄sare tiquina yahuri quehnoañe buheyeta ijire.

## 2

<sup>1</sup> Sa yena ijipihtiye ñañe yeyere, ni mehoñene, masa ihñono dihita quehnoano iji mehoñene, apee borore tiquina c̄ogũ cooyere, apequinare ñano quit̄i yeyere tire duhuya m̄sa. <sup>2</sup> Sa yena coã masa bajuayequina epẽcore tiquina cahmeno saha m̄sa gũh̄ quehnoañe buheyere Cohãcjũ yere tutuaro cahme nemoña. Sa cahme nemoña m̄sa tiquirore m̄sa wacũ tutua nemoatire, tiquiro yũhd̄onohatina m̄sa ijiatire. <sup>3</sup> Sata ijinata m̄sa. Mari puhtoro m̄sare tiquiro quehnoano yeyere mehenogã masi tuhasare m̄sa.

*Cristo catigã yeriquiro ãtã yero saha ijire*

<sup>4</sup> Cristo catigã yeriquiro ãtã yero saha ijire. Wũh̄ dahreyequina ihcãria ãtãre tiquina cahmedaro saha masa tiquirore cahmedare. Cohãcjũ pehe tiquirore ihñagã tiquiro beseriquiro quehnoa yũhd̄ariquiro ijire. Tiquiro sa ijiriquiro ijigã tiquirore wacũ tutuaya. <sup>5</sup> Sa yena m̄sa gũh̄ wũh̄ cjẽ ãtã paca yero saha

ijire. MUSA sa ijina Cohācjū ya wuhū cjē utāre ihcāno saha tiquina cūriro saha mUSA tiquiro yequina gūhū ihcāno saha quehnoano ijinata. Sa yena Cohācjū ya wuhū cjāna quehnoana pahia ijinata mUSA. Sa yena Jesucristo yedohoye mehna Cohācjū yere quehnoano yenata mUSA. MUSA sa yegū ihña bucueroa Cohācjū. <sup>6</sup>Ohō saha nine Cohācjū yere tiquina ojoari pūpū:

Utā wuhūpū tiquina cū māhtaria mariedagū wuhūre ye dūca masiedare. Sata Cristo marieno yeequina waha masiedare masa. Sa yero tiquiro ihyo ijiriquiro ijierare. Sa yegū tiquirore Jerusalēpū yojopūre cūgū niaja. Tiquiro yuhū beseriquiro quehnoa yuhdūariquiro ijire. Sa ye tiquirore wacū tutu-ayequina bucueeta, ni ojoahye.

<sup>7</sup> Tiquirore wacū tutuayequina pehe quehnoa yuhdūaro wahaeta. Sa yero ihyo ijiriquiro ijierare tiquiro. Tiquirore wacū tutueyequina pehe sijoro saha wahaeta. Tiquinare ohō saha nine Cohācjū yere tiquina ojoari pūpū.

Ahriquiro Cristo utā yero saha ijire. Utāre wuhū dahreyequina tiquina bese cohāno saha masa tiquirore cohāeta. Tiquina sa yepegūta yojopūre wuhū dahreyequina wuhūre yeye, tiquina cū māhtaria utāre tiquina cūno saha Cohācjū tiquirore pūhtoro cūri, ni, ojoahye.

<sup>8</sup> Ahri gūhūre nine Cohācjū yere tiquina ojoari pūpū:

Omariquiro utāre doque wahā saro tiquiro esaborirore ne eserare. Sata utā yero saha ijiriquirore Cristore cahmedana, tiquirore yuhdūdcana, Cohācjū cahapū esasi mari, ni ojoahye panopū.

Tiquina Cohācjū ye buheyere yūhtierare. Sa yeye panopū tiquiro ni ojoariro sahata Cristore cahmedare. Cohācjū panopū “Sa waharota”, tiquiro nidiro sahata Cristore cahmedare tiquina. Sa yeatiquinare cūahye Cohācjū tiquinare.

*Ohō saha ijire Cohācjū yequina*

<sup>9</sup> MUSA pehe Cohācjū beserina ijire. Tiquiro mari pūhtoro tiquiro yequina pahia, tiquiro yere ye basana ijire mUSA. Sa yena tiquiro ya curua cjāna ñaṇe mariedana, Cohācjū yequinata ijire mUSA. Sata ijire mUSA. Cohācjū tiquiro quehnoa yuhdūayere tiquiro yerire apequinare yahuatina ijire mUSA. MUSAre beseahye tiquiro mUSAre ñaṇene ye dutieraro. Sa besero quehnoaṇe pehere yeanajare cūri mUSAre. <sup>10</sup>Panopūre dūhseatina ijierari jiri mUSA. Yojopū pūritare Cohācjū yequina ijire mUSA. Panopūre mUSAre paja ihñariquiro mUSAre mariedahye. Yojopū pūritare mUSAre Cohācjū paja ihñari.

### *Cohācjū yere yena ijiya mUSA*

<sup>11</sup> Yuhū cahña, ahri yehpapū iji dojoatina ijierare mUSA. Cohācjū yequina ijire mUSA. MUSA sa ijina ijigū ahrire tutuaro yahuaja mUSAre: MUSA ñaṇe tutuaro cahmeñene yeracāhña. Ti ñaṇene tutuaro cahmena, ñana wahana niaga mUSA. <sup>12</sup> Cohācjūre cahmeñequina watoa ijina quehnoano yena ijiya mUSA, mUSAre “Yahusāri”, nina. MUSA sa yegū tiquina yojopūre mUSAre ñano yahusā duepeta, mUSA quehnoano yeyere masieta tiquina. Sa masiṇe, tiquina Cohācjūre “Quehnoagū, tutuagū ijire”, nieta. Sata nieta Cristo ahri yehpapū tiquiro tojoa tagū.

<sup>13</sup> Mari pūhtoro yūhti duana ahri yehpa cjēna pūhtoa gūhūre yūhtiya mUSA. Roma cjūnore mUSA ijipihtina pūhtoro tiquiro gūhūre yūhtiya. <sup>14</sup> Pūhtoare yuhdūdcayequinare buhiri dahre dutiro, ohori pūhtoro tiquirore yedohoyequinare. Sa yero quehnoano yeyequinare “Quehnoano yeri mUSA”, ni dutiro ohori tiquiro tiquinare. Tiquiro sa ohogū, tiquinare yūhtiya mUSA. <sup>15</sup> MUSA quehnoano yegū ihñaṇe tūho masieñequina tiquina esa tuharo mUSAre quitu dahre duepeta quitu dahre masiedare. MUSA sa yegū cahmene Cohācjū. Sa yena mUSA pūhtoare yūhtiya.

<sup>16</sup> Cohācjū mUSA pūhtoro ijire. Apequina cahacjāna ijierare mUSA. Sa ijiepenata “Ūsāre dutiriquiro mariedare. Sa yena ñaṇene yematja”, ni tūhotueracāhña, “Ñaṇene yeari”, nina. Cohācjū cahacjāna

ijire m̄sa. Sa yena tiqirore quehnoano yuhtina ijiya m̄sa. <sup>17</sup> Ijipihtiyequina masare ño peoya. Mari acaye Jesu yequinare cahña. Cohãcjũre ño peoye mehna ihñaña. Ahri yehpa cjẽna puhtoro gũhare ño peoya.

*Cristo ñano yuħduro tiqiro ihcãno sahariro sahata ihcãno sahaya m̄sa gũh*

<sup>18</sup> Cahacjana, m̄sa cua pesaro mehna m̄sa puhtoare yuhtiya. Quehnoañequina, m̄sare quehnoano yeyequina dihitare yuhtina ijieracãhña. M̄sa mehna usuayequina gũhare yuhtiya m̄sa. <sup>19</sup> M̄sa ñano yerapegũta m̄sare tiquina buhiri dahregũ “Cohãcjũ cahmeno sahata ye duaja”, m̄sa ni tuhotugũ tire m̄sa ihcãno sahagũ “Quehnoano yeri m̄sa”, ninota Cohãcjũ m̄sare. <sup>20</sup> M̄sa ñano yeri buhiri tiquina m̄sare buhiri dahregũ tire m̄sa ihcãno sahagũ ti duhseati ijierare. Sa yena m̄sa quehnoano m̄sa yeri buhirire tiquina buhiri dahregũ tire m̄sa quehnoano mehna ihcãno sahagũ Cohãcjũ “Quehnoano yeri m̄sa”, ninota m̄sare.

<sup>21</sup> Sa ñano yuħduanajare m̄sare tiqiro yequina iji dutiri jiri Cohãcjũ. Cristo m̄sa ye ijiatire ñano yuħdari tiqirore m̄sa ihña cũatire. <sup>22</sup> Tiqiro ne ñano yerari. Sa yero ne ni mehoedari. <sup>23</sup> Tiqirore tiquina tuhtigũ, tiqiro pehe tiquinare tuhti cahmedari. Tiqirore tiquina ñano yepegũta “Quẽitja m̄sare”, ne niedari. Tiquina sa yepegũta tiquinare Cohãcjũ tiqiro buhiri dahreatire potota tiqiro yeatire masino, “Yuħu Pacapu tiquinare buhiri dahrerota”, ni tuhoturi. <sup>24</sup> Tiqiro basi curusapu mari ñaño buhirire yariari. Sa waha yariari pari turi mari ñañene yeratire, Cohãcjũ cahmeñe pehere mari yeatire. Tiqiro ñano cami tire, marine pecapu wahaborinare yuħduoro taro. <sup>25</sup> Oveja wisiaye tiquina butiriro sahata mari gũh pecapu butiatina ijimi. Yojopu pehere Cristore, ovejare ihña ihboriqiro yero saha ijiriqirore, marine ihña ihboriqirore wacũ tutuaja mari. Sa wacũ tutuana, tiqiro yequina waha mari.

### 3

*Omoca duhteriquinare ohõ saha yero cahmene tiquinare*

<sup>1</sup> Sa yegu cahacjẽnare yuħu dutiriro sahata m̄sa namosãnumiare dutiitja. M̄sa manusumũare yuħducaeracãhña tiquina Cohãcjũ buheyere tiquina cahmeatire. Ihuẽquina tiquina Cohãcjũ buheyere cahmeñequina ijiye, tiquinare m̄sa yuħducaeragũ ihñañe Cohãcjũ ye buheyere cahmeboaga tiquina. Ti buheyere m̄sa yahuerapegũta tiqiro yere cahmeboaga tiquina. <sup>2</sup> Sata cahmeboaga tiquinare m̄sa quehnoano yeyere, m̄sa ño peoye gũhare ihñañe. <sup>3</sup> M̄sa numia, cariboyequina numia yero saha yeracãhña. Sa yena m̄sa poarire wuħapo sepahtana numia, uru darire busana numia, wapa bujuye suhtire sañana numia ijieracãhña, m̄sa m̄sare “Ue pjegũ yeari”, nina. M̄sa pagurire masa tiquina ue pjegũ yeracãhña. <sup>4</sup> Sa yena m̄sa cua pesaro mehna apequinare tutuaro cahñe mehna yena, cua pesaro mehna yahuna, ti pehere ihña bucuegũ yeya. Ti pehere m̄sa yegũ ihyo waro ijierare, Cohãcjũ ihñañe. <sup>5</sup> Sata yee tiahye panopu cjẽna numia Cohãcjũ yequina numia. Tiquina numia Cohãcjũre wacũ tutuaye numia ijiye, tiquina manusumũare yuħducaera tiahye. <sup>6</sup> Sata Sara ticoro manũno Abrahãre quehnoano mehna yuhtie tiahye. Sa yero tiqirore “Puhto”, ni pisuahye. Sa yena m̄sa quehnoano yena numia ijina, cuero marieno ijina numia ijina, Sara yero saha ijire m̄sa gũh.

<sup>7</sup> Sata m̄sa m̄sa gũh m̄sa namosãnumiare quehnoano yeya. Tiquina numia mari m̄sa yero saha tutuayequina numia ijierare. Sa yena ño peoye mehna quehnoano yeya tiquina numiare. Cohãcjũ ijipihtiye decori tiqiro mehna mari ijiatire tiqiro ohoriro sahata tiquina numia gũhare ohorota tiqiro. Tiquina sa ijiyequina ijigũ tiquina numiare quehnoano yeya. Cohãcjũre m̄sa siniñene m̄sa dojomehnedatire tiquina numiare quehnoano yeya.

*Quehnoano tiquina yepegũta apequina tiquinare ñano yeyere yahuahye Pedro*



<sup>8</sup> Ahri mehna m̄sare yahu bato tiitja: M̄sa ijipih̄tina ihc̄āno saha quehnoano mehna ijiya. Sa yena m̄sa mehna cj̄ēnare quehnoano paja ih̄ñaña. M̄sa acaye Jesu yequinare p̄a peheri cahme cah̄ña. Sa yena quehnoano yeya tiquinare. Sa ye “Ihyo ijina ijiaja”, ni t̄hotuya. <sup>9</sup> Apequina m̄sare tiquina ñano yeḡu tiquinare ñano ye cahmedac̄h̄ña. M̄sare tiquina tuhtiḡu tiquinare tuhti cahmedac̄h̄ña. M̄sare tiquina sa yepeḡuta quehnoano yeya tiquinare. Sa yena “Quehnoano ijiya”, niña tiquinare. Tire yeatinare tiquiro yequinare c̄uri m̄sare Coh̄cj̄ũ pehe m̄sare quehnoano yero taro.

<sup>10</sup> Sata nine Coh̄cj̄ũ yere tiquina ojoari p̄ũp̄ũ:

M̄sa quehnoano bucueye mehna iji duana ne ñano ni yahuducuerac̄h̄ña. <sup>11</sup> Ñañe yeyere duhu c̄h̄ña. Quehnoañe pehere yeya. Cahme m̄sa basi ih̄ña tuhtiro marieno ijiya. Tire tutuaro yeya. <sup>12</sup> Quehnoañequinare mari p̄h̄toro sa ih̄ña ih̄boducuro nine. Sa yero tiquirore tiquina siniñene sa t̄hoducuro nine. Ñano yeyequina pehere tiquiro ih̄ña tuhtire, ni ojoahye.

<sup>13</sup> Quehnoañene m̄sa tutuaro ye duaḡu apequina pehe m̄sare ñano ȳhd̄ḡũ ye duaye, ye masisi tiquina. <sup>14</sup> Quehnoano m̄sa yepeḡuta m̄sare tiquina ñano ȳhd̄ḡũ yeḡu ih̄ñano Coh̄cj̄ũ m̄sare quehnoano yerota. Tiquiro sa yeḡu m̄sare ñano ye duayequinare cuerac̄h̄ña. Sa yena b̄j̄ũa witierac̄h̄ña. <sup>15</sup> M̄sa Cristore “Us̄a p̄h̄toro ijire”, ni t̄hotuna, ño peoya tiquirore. Sa yena Cristore m̄sa wac̄ũ tutuayere, Coh̄cj̄ũ mehna m̄sa ijiatire apequina sinituboaga. Tiquina sa sinituato pano tiquinare m̄sa ȳhtiatire quehnoano masiyuya. Sa ȳhtina cah̄no mehna, quehnoano ño peoye mehna yahuya tiquinare. <sup>16</sup> Quehnoana ijiya. Sa yena “Ñañene yeaja”, ni t̄hotusi m̄sa. Sa ye Cristo yere quehnoano yena m̄sa ijiḡu apequina m̄sare ñano quiti yeye, b̄h̄oro wahaeta tiquina. <sup>17</sup> Ñañene m̄sa yeri buhiri m̄sa ñano ȳhd̄ḡũ quehnoaedare.

Sa yero Coh̄cj̄ũ cahmeḡũ quehnoañene m̄sa yeri buhiri m̄sa ñano ȳhd̄ḡũ quehnoar̄ne ti p̄urita.

<sup>18</sup> Sata ñano ȳhd̄uri Cristo. Ihc̄a tahata ijipih̄tiyequina tiquina ñañe buhirire yariari tiquiro. Quehnoariquiro ijiri. Sa yero mari ñañe buhiri ñano ȳhd̄uri tiquiro. Ñano ȳhd̄uri tiquiro marine Coh̄cj̄ũ yequina wahaḡu yero taro. Tiquiro paḡu yariaa wahari. Yariari bato tiquiro masari jiri. <sup>19</sup> Sa masariquiro ijiro tiquina buhiri dahreatire cohteyequina m̄na yariariquina m̄na jeripoh̄narine buheahye tiquiro. <sup>20</sup> Sa cohteyequina panop̄ũ Coh̄cj̄ũre ȳhtierariquina m̄na ijiahye. Ti p̄j̄ep̄re Noé tiquiro ijiri p̄j̄ep̄re, pajiria yuc̄sare dohoru niahye. Tiare tiquiro dohori watoa Coh̄cj̄ũre ȳhtierariquina m̄nare tiquina ȳhtiḡu cahmeno, tiquina ȳhtiatire yoari p̄j̄e cohtemahye Coh̄cj̄ũ. Sa ye meheñequinaḡa ocho masa dia minidi p̄j̄ere ȳhd̄uahye. <sup>21</sup> Miniḡu tiquina ȳhd̄uriro saha wame yeye mehna ȳhd̄are masa. Mari paḡure mari wete tu cosero saha ijierare wame yeye. Sijoro saha ijire wame yeye. Ñañe mariena mari ijiatire Coh̄cj̄ũre mari siniñe ijire ahri wame yeye. Sa yena Jesucristo tiquiro masa m̄jari mehna ȳhd̄uaja mari. <sup>22</sup> Tiquiro Jesucristo ̄hm̄sep̄ũ wahahye poto pehep̄ũ dujiro taro, Coh̄cj̄ũ mehna dutiro taro. Sa yero tiquiro angele bui, ̄hm̄se cj̄ēna p̄h̄toa bui, dutiyequina bui tiquina p̄h̄toro ijire.

## 4

### *Cristo yequina ijina quehnoañe pehere comesarina ijinata*

<sup>1</sup> Mari ñano ȳhd̄ana ñañe yeyere duhu cj̄a mari. Sa yena Cristo ñano ȳhd̄aro tiquiro cuerariro sahata tiquiro usuerariro sahata m̄sa ḡũh̄u tiquiro yero sahata yeya. <sup>2</sup> Sa yeya m̄sa ñañene m̄sa ̄e p̄jerire m̄sa duhuro quehnoano, Coh̄cj̄ũ cahmeñe pehere m̄sa yero quehnoano.

<sup>3</sup> Panop̄ũ Coh̄cj̄ũre cahmeeñequina ñañene tiquina ̄e p̄jerire tiquina yeriro sahata yeducumahye m̄sa ḡũh̄u. B̄e tiro marieno ñano yena, ñañene tutuaro m̄sa ̄e p̄jerire yena, quehena, queheye

bose decorire yena, “Cohãcjũ ijire”, m̄sa niñe queoyere ño peona ti pehere yee timahye m̄sa. Ti queoyere ihña yabire Cohãcjũ. Sa yena to punota ye bato tiya. <sup>4</sup> Sa ye ti ña ȳhd̄ayere yeyequina mehna m̄sa ijigũ yojop̄re m̄sa tire yeragũ ihñañe tiquina pehe ihña maria wahari. Sa ye tiquina m̄sare quiti dojomehnedi. <sup>5</sup> Tiquina sa yegũ ihñano tiquina ñañe yerire Cohãcjũ pehe sinituro, yahu ȳhd̄ dutirota tiquinare. Tiquiro catiyequinare, yariariquina ḡh̄re beseatiquiro buhiri dahreatiquiro ijire. <sup>6</sup> Tiquiro sa beseatiquiro ijigũ Jesu yequina pehe yojop̄re yariariquina m̄nare quehnoañe buheyere yahuri tiquina yariato pano. Sa ni yahuri tiquina paḡrre Cohãcjũ tiquiro yaria dutiepeḡta. Sa yahuri tiquinare Cohãcjũ ijipihtiye decori tiquiro ijiro saha tiquiro mehna tiquina ijiducuatire.

<sup>7</sup> Pihtiati deco mehenogã d̄hsare. Sa yena quehnoano wacũ masina ijiya, yojop̄re Cohãcjũ mehna m̄sa quehnoano yahuducuatire. <sup>8</sup> Apequinare cahña, peye tahari tiquina ñañene tiquina yepeḡta sa ihña cjã mari. Sa yena m̄sa mehna cj̄nare sa cah̄ducuya. Apeye dutiye ȳhd̄oro ahrireta yeya. <sup>9</sup> M̄sa mehna cj̄nare unureno marieno m̄sa ye w̄h̄sep̄ sa jã ta dutiya. <sup>10</sup> Cohãcjũ m̄sare ijipih̄tinare m̄sa yeatire c̄ri. Tiquiro sa c̄gũ, m̄sa ye masino sahata m̄sa mehna cj̄nare tire quehnoano yeya. Cohãcjũ m̄sape c̄ri m̄sa yeatire. Tiquiro c̄riro sahata apequinare quehnoano yedohona, Cohãcjũ c̄riro saha quehnoano yena niaga m̄sa. <sup>11</sup> M̄sa quehnoano yahuna, Cohãcjũ tiquiro yahuboriro saha quehnoano yahuya m̄sa ḡh̄. Masare yedohona Cohãcjũ tiquiro c̄ri tutuaye mehna apequinare yedohoya. Ti ijipih̄tiyere yena Cohãcjũre masa tiquina ño peotire sa yeducuya. Jesucristo pehe tire m̄sa yegũ yedohorota. Tiquirore ijipihtiye decori ño peo, “Tutuaḡ ijire”, nino cahmene ijipihtiyequinare. Sata niahdo.

*Jesu yequina tiquina ijiri buhiri tiquina ñano ȳhd̄yere yahuahye Pedro*

<sup>12</sup> Ȳh̄ cahña, yojop̄re ña ȳhd̄aro ȳhd̄ana, “Yohou, sijoro saha ijiro wahaga

ȳh̄re”, ni, wacũedacãhña. <sup>13</sup> Cristo tiquiro ñano ȳhd̄ariro saha m̄sa ḡh̄ tiquiro yero saha sa wahana, bucueya m̄sa. Sa bucuenta Cristo asi siteye mehna tiquiro tojoa tagũ m̄sa quehnoano bucuenata. <sup>14</sup> Cristo yequina m̄sa ijiri buhiri apequina m̄sare tiquina tuhtigũ Cohãcjũ yaquiro Espiritu Santo asi siteriquiro m̄sa mehna ijiro nine. Sa yena bucueya m̄sa. <sup>15</sup> Sa yena masare wej̄edacãhña m̄sa. Apee borore yaqueracãhña. Ñano yeracãhña. Sa yena apequina tiquina yerire ihñana tiquinare sijoro saha ni dojomehnedacãhña. Ti buhiri m̄sa ñano ȳhd̄gũ ñar̄ne. <sup>16</sup> Sa yena Cristo yequina m̄sa ijiri buhiri ñano ȳhd̄ana, b̄e tieracãhña. Ñano ȳhd̄epenata Cristo yequina m̄sa ijiye mehna bucuenta, Cohãcjũre “Quehnoare”, ni, ño peoya m̄sa.

<sup>17</sup> Cohãcjũ tiquiro yequina yerire ihñano tiquiro beseati p̄e ijiro nine yojop̄re. Ijipih̄tina mari tiquiro yequina mari yerire ihñano bese m̄htanota, “Ahri ñañe ijire. Ahri quehnoañe ijire”, nino. ¿Sa bese m̄htano d̄hse yerotari tiquiro yequina ijieyequina pehere? Tiquirore ȳhtieyequina pehere tutuaro buhiri dahrerota. <sup>18</sup> Sa ye quehnoañequina ȳhd̄eta. Tiquina sa ȳhd̄ati mijo cj̄re. Ti sa mijo cj̄gũ Cohãcjũre cahmeeñequina, ñañequina pehe ne ȳhd̄si. Basioerare tiquinare. <sup>19</sup> Sa yena Cohãcjũ cahmegũ m̄sa ñano ȳhd̄ana, quehnoañene m̄sa yerire duhueracãhña. Sa yena m̄sare bajumehnediquirore, m̄sare ne duhueriquirore tiquirore wacũ tutuaya m̄sa.

## 5

*Jesu yequina tiquina yeatire yahuahye Pedro*

<sup>1</sup> Yojop̄re Jesu yequina p̄htoare yahutja. Ȳh̄ Jesu yequina p̄hto ijiaja. M̄sa ḡh̄ tiquina p̄htoata ijire. M̄sare ȳh̄ yero saha p̄htoa ijinare ahrire yahuḡ taḡ niaja ȳh̄. Cristo tiquiro ñano ȳhd̄arire ihñariḡ ijiḡ, ̄hm̄sep̄ Cristo mehna ȳhd̄acj̄ ijiḡ ahrire m̄sare yahutja: <sup>2</sup> Cohãcjũ yequina oveja yero saha ijire. M̄sa pehe ovejare ihña ihboyequina

yero saha ijire. Tiquinare Cohãcjũ m̄sare tiquiro cūriquinare tiquiro yequinare quehnoano ihña ihboya. Sa yena Cohãcjũ tiquiro cahmediro sahata quehnoano jeripohna tiye mehna tiquinare ihña ihboya. Sa yena tiquinare ihña ihbona, “Usã ihña ihbori wapa niñerure wapatanata”, niedacãhña m̄sa. Cohãcjũ cahmeno sahata yeducuna ijiya. <sup>3</sup> Sa ihña ihbona tiquinare ñano dutiperacãhña. Sa yena quehnoano yeya m̄sa Jesu yequina m̄sare tiquina ihña cūatore. <sup>4</sup> M̄sa sa yena Cristo ijipihtinare marine ihña ihboriquiro tojoa tagũ tiquiro m̄sare quehnoañene ohoatire m̄sa ȳhd̄uatire c̄onata. Ti m̄sa c̄oati ne pihtisi.

<sup>5</sup> Tiquinare ȳh̄m̄ dutiriro sahata m̄sa wahma pjia ḡh̄m̄ m̄sa p̄h̄toare ȳhtiya. Sa yena m̄sa mehna cj̄enare ijipihtiyequinare ño peoya.

“Masi ȳhd̄ud̄caja”, niñequina pehere Cohãcjũ ihña tuhtire. Apequinare ño peoyequina pehere “Ihyo ijina ijiaja”, ni t̄hotuyequina pehere quehnoano yere tiquiro.

<sup>6</sup> Sa yena Cohãcjũ tutuariquiro m̄sare tiquiro dutigũ tiquirore ño peoya. M̄sa sa yegũ tiquiro queori pje ijigũ m̄sare apequina ño peoeta tiquiro dutiro mehna. <sup>7</sup> Tiquiro m̄sare pajiro t̄hotu ihña ihbore. Sa yena tiquirore wacũ tutuana, ne pajiro t̄hotueracãhña m̄sa pehe.

<sup>8</sup> Sa yena wacũ masi ijiya. M̄sare ihña tuhtiriquiro wat̄no yairo usuariquiro tiquiro maca ihya duaro saha m̄sare ñano ȳhd̄ugũ ye duare. Sa yero m̄sare ñano ye dutire. <sup>9</sup> Ijipihtirop̄m̄ ahri yehpap̄re apequina Jesu yequinare ñano ȳhd̄ugũ yere wat̄no. Tire masina, tiquirore ȳhtieracãhña. Sa yena Cristore tutuaro wacũ tutuaya m̄sa. <sup>10</sup> Sa yena mehenogã m̄sa ñano ȳhd̄ari bato Cohãcjũ m̄sare yedohorota. M̄sare quehnoana ijigũ yerota. Sa yero tiquirore m̄sa wacũ tutua nemogũ, tiquirore m̄sa ne duhueragũ yerota m̄sare. Tiquiro ijipihtiye decori ̄hm̄sep̄m̄ Cristo mehna m̄sa ijiatire m̄sare cūriquiro ijire. Tiquiro Cohãcjũ ijire ijipihtiyequinare paja ihñariquiro.

<sup>11</sup> “Ijipihtiye decori tiquiro tutuariquiro

ijire”, ni ño peouhna tiquirore. Sata yeihna.

### *Quehnoa duti bato tiahye Pedro*

<sup>12</sup> Ahri pũ meheni p̄gãre m̄sare ȳh̄m̄ oho duagũ Silvano pehe ȳh̄re ojoa basari. Tiquiro Jesu yaquiro ȳh̄m̄ acayuro Jesure duhueriquiro ijire, ȳh̄m̄ t̄hotugũ. M̄sare quehnoano yahu duaja. Sa yegũ “Ahri buheye potota Cohãcjũ marine tiquiro cahñene yahuri buheye ijire”, ni yahuḡm̄ m̄sare ahri p̄re ojoaja. Sa yena ahri buheyere ne duhueracãhña m̄sa.

<sup>13</sup> M̄sare tiquiro yequina ijiatinare tiquiro beseriro sahata Jesu yequina Babilonia cj̄ena ḡh̄re beseahye Cohãcjũ. Tiquina pehe m̄sare quehnoa dutire. Marco ḡh̄m̄ ȳh̄m̄ mac̄m̄ yero saha ijiriquiro m̄sare quehnoa dutire. <sup>14</sup> M̄sa mehna cj̄enare quehnoano mehna piti caya.

Ijipihtina Jesucristo yequinare quehnoa dutiaja m̄sare.

## 2 San Pedro

### *Jesu yequinare ojoa ohoahye Pedro*

<sup>1</sup> Yuh̄u Simo Pedro, Jesucristo buhe duti tiquiro cūrigū ijiaja. Sa yegū tiquiro cahacjūta ijiaja. Sa yegū m̄sare ojoa ohoaja yuh̄u. Coh̄acjū marine yuh̄d̄uoriquiro Jesucristo pehe ñañe marieniquiro ijire. Sa yero tiquirore m̄sa wacū tutuagū, tiquiro yequina wahagū yeri jiri m̄sare. Sa wahana m̄sa gūh̄u us̄a yero saha tiquiro yequina ijire. Mari ihcāno saha tiquiro yequina ijiaja. Sa yegū m̄sare ojoa ohoaja. <sup>2</sup> Sa yena Coh̄acjū gūh̄ure, mari p̄htoro Jesu gūh̄ure masi nemona tiquina cahĩne mehna quehnoano ijiducunata m̄sa. Sa quehnoano m̄sa ijiatire m̄sare sini basaja. Sa yegū m̄sare quehnoa dutiaja.

### *Ohō saha ijire Cristo yequina*

<sup>3-4</sup> Tiquiro yequina ijiatınare Cristo marine pijiri. Tiquiro sa pijigū t̄hona, tiquirore yuh̄tii mari. Sa yuh̄tina Coh̄acjūre masi nemona, tiquiro tutuaye mehna tiquiro cahmeno sahata quehnoana ijinata mari. Tiquiro ijire tiquiro yequina ijiatınare marine pijiriquiro. Quehnoariquiro, masi pehoriquiro tiquiro ijiro sahata ijiatınare marine pijiriquiro ijire. Sata tiquiro tutuaye mehna marine quehnoa yuh̄d̄uaro yeri. “Ohō sahata m̄sare quehnoano yeitja”, tiquiro nidiro sahata marine quehnoa yuh̄d̄uaro yeri. Marine tiquiro sa yegū ahri yehpa c̄jē ñañene, ñañene mari ̄e p̄jeje pehere mari duhu c̄jā. Ti ñañe pehe marine ñano wahagū yemedi. Sa yena tiquirore yuh̄tina, Coh̄acjū ijiro saha ijinata mari. <sup>5</sup> Sa yena Cristore wacū tutuana iji tuhasare m̄sa. Sa yena ohō saha ye nemoña tja: Quehnoana ijiya m̄sa. Quehnoano wacū masina ijiya m̄sa. <sup>6</sup> Ñano ye duepenata Coh̄acjū cahmeñe pehere yeducuya m̄sa. Sa yena Cristo yequina m̄sa ijiri buhiri ñano yuh̄d̄uepenata sa ihcāno sahaducuya m̄sa. Sa yena Coh̄acjūre ño peona, tiquiro cahmeñene yeya m̄sa. <sup>7</sup> Sa yena m̄sa mehna c̄jēnare cahme cahĩna, tiquinare quehnoano yedohoya m̄sa. Sa yena

ijipihtiyequina apequina gūh̄ure cahĩna m̄sa.

<sup>8</sup> M̄sa sa ye nemogūta quehnoa yuh̄d̄uare. M̄sa sa ye nemona, quehnoañene yena ijiducunata. Sa yena Cristo tiquiro cahmeñene quehnoano yeducuna ijinata m̄sa. Ihyo ijina ijisi m̄sa. Sa ye Cristore m̄sa wacū tutuari ihyo warota ijisi. Yuh̄u nidiro sahata m̄sa ye nemogū quehnoa yuh̄d̄uare.

<sup>9</sup> M̄sa sa ye nemoedana Coh̄acjū yere ne masiedabutiare m̄sa. Sa ye nemoedana Cristo m̄sa ñano yerire tiquiro coh̄aire ne wacūedare m̄sa. Sata bo cā duare m̄sa. <sup>10</sup> Sa yena, yuh̄u acaye, Coh̄acjū yequina ijiatınare m̄sare tiquiro iji dutigū yuh̄tiri m̄sa. Sa yuh̄tirina ijina, tiquiro yere wacūducu duana, tiquiro cahmeñene tutuaro sa yeducuya. M̄sa sa yena potota Coh̄acjū mehna ijinata m̄sa. Sa yena potota tiquiro beserina ijinata m̄sa. Sa yena ñañene yeducusi m̄sa. <sup>11</sup> M̄sa sa tiquiro cahmeno saha yerina ijina mari p̄htoro marine yuh̄d̄uoriquiro Jesucristo tiquiro ijiropū quehnoano wahanata m̄sa. Potota tiquiro yequina waro m̄sa ijigū ihñano “Quehnoano mehna yuh̄u mehna ijiya m̄sa”, ninota Jesu m̄sare.

<sup>12</sup> Sa yegū ahrire m̄sare sa wacūgū yeducuutja. Ahri m̄sare yuh̄u yahurire masi tuhasari m̄sa. Sa masina Coh̄acjū yere m̄sa t̄horiro sahata quehnoano yena nine m̄sa. Sa yerina m̄sa ijiepegūta ahri m̄sare yuh̄u yahurire sa wacūgū yeducuutja m̄sare. <sup>13-14</sup> Mehenogā d̄hsare yuh̄u yariato. Tire quehnoano yahuri mari p̄htoro Jesucristo yuh̄ure. Sa yegū catinigū waro ahri yuh̄u yahurire m̄sare sa wacūgū yeducuutja. Yuh̄u sa yegū quehnoarĩne. <sup>15</sup> Sa yegū ahri yuh̄u yahu ojoarire m̄sare ojoa cū pehogutja, yuh̄u yariari bato m̄sa quehnoano masi-atire. Sa yena ahri yuh̄u yahurire sa wacūducunata m̄sa.

### *Cristo tutuariquiro tiquiro ijiye tiyere ihñahye Pedro gūh̄u*

<sup>16</sup> Sa yena Cristo tiquiro tutuaye gūh̄ure tiquiro ahtati gūh̄ure m̄sare yahuna, us̄a esa tuharo yahuna niedaja. Tutuariquiro tiquiro ijiyere us̄a basita ihñau. <sup>17</sup> Cristo tutua yuh̄d̄uariquiro tiquiro ijiyere us̄are

ihñori Cohãcjũ mari Pacu. Tiquiro sa ihñogũ tiquiro pehe quehnoano asi siteriquiro ijiri. Tiquiro sa asi sitegũ ohõ saha nino ca tari ti asi siteropu: “Ahriquiro yũh macu, yũh cahñiquiro ijire. Tiquiro mehna quehnoano bucueaja”, nino ca tari usã tãhogũ. <sup>18</sup> Uhmusepu tiquiro sa nigũ tãhou usã. Cũnu buipũ Cohãcjũ tiquiro ijiri canpu Cristo mehna ijii usã.

<sup>19</sup> Tire ihñarina ijina, Cohãcjũ yere yahu mũtariquina panopũ cjẽna tiquina ojoari potota ijigũ quehnoano masiaja usã. Tiquina ojoarire quehnoano buheducuna quehnoano yena nine musa. Ti tiquina ojoari Cohãcjũ yere marine quehnoano masigũ yere. Ahri yehpapũ ñano tiquina yeri yehpapũ mari ijigũ quehnoano masigũ yere marine. Sa yena Cohãcjũ yere tiquina ojoarire sa buheducuya. Sa buheducuna Cristo tiquiro tojoa tagũpu buhe duhunata. Sa tojoa taro tiquiro yere mari masiedarire marine quehnoano masi pehogũ yerota. <sup>20</sup> Ijipihtiye ti yahu yahuri yũhdũoro ahri pehere quehnoano masiña musa: Cohãcjũ yere panopũ tiquina ojoarire buhena mari esa tuharo tire buhena, “Ohõ saha nino niaga”, ni masiedaja mari. Espiritu Santo yedohoro mehna masiaja mari. <sup>21</sup> Ne masa tiquina esa tuharo Cohãcjũ yere ojoerahye. Panopũ cjẽna Cohãcjũ yere tiquina ojoagũ Espiritu Santo pehe tiquina ojoatire tiquinare masigũ yeahye.

## 2

*“Cohãcjũ ye buheye ijire”, ni meho buheyequinare yahuahye Pedro (Jud 1.4-12)*

<sup>1</sup> Panopũ mari acaye judio masa mehna cjẽna “Cohãcjũ yere yahu mũhtarina ijiaja”, ni mehoñequina ijie tiahye. Tiquina yero sahata yojopũ gãhũre musa mehna cjẽna sa ni mehoñequina ijieta. Potota tiquina buheboro sahata ni mehoñe pehere buheeta. Sa buheye Cristo ye buheye pehere dojomehneeta. Sa ye “Cristo yũhdũonohrina ijiaja”, niepeta Cristo dutiyere ne yũhtierare tiquina. Sa ye tiquirore “Usã puhtoro ijire”, ni tãhotuerare. Ti ijipihtiyere tiquina sa yeri buhiri duita tiquinare Cohãcjũ

pecapu waha dutirota. <sup>2</sup> Sa ni meho tiquina buhegũ tãhoye tiquina ñañene tutuaro cahmediro sahata peyequina masa tiquinare ihña cũ ñano yeeta. Tiquina sa ñano yegũ ihñañe apequina masa gãhũ quehnoañe buheyere ñano quti dahreeta. <sup>3</sup> Sa ye tiquina ni mehoñequina niñerure wapa cahmeñe, ni mehoñe buheyere buheeta musare. Tiquina sa buheri buhiri Cohãcjũ tiquinare pecapu waha dutirota. Panopũre sa yeyequinare buhiri dahre duti tuhasahye tiquiro.

<sup>4</sup> Sata panopũ buhiri dahre dutiahye ñañequina angele gãhũre. Tiquinare pecapu peresu yeahye. Sa yero pihtiri deco bato tiquinare buhiri dahrerota. <sup>5</sup> Sata panopũ cjẽnare Cohãcjũre cahmeeñequinare buhiri dahreahye. Sa yero ijipihtiro ahri yehpare miono, ijipihtiyequina ñañequina masare mio wejẽahye. Sa yero Noéne tiquiro mehna cjẽna gãhũre yũhdũoahye. Tiquina ijipihtiyequina tiquiro yũhdũoriquina ocho masa ijiahye. Noé pehe quehnoañene ye dutiro ti pje cjẽnare buhee timahye. <sup>6</sup> Sata Sodoma wame tiri maca cjẽnare, Gomorra wame tiri maca cjẽna gãhũre Cohãcjũ buhiri dahreahye. Ti macarine peca mehna quehnoano ujuã peho cãhye. Sa yero camerũ ijiatiquinare tiquirore cahmedatiquinare ihñono niahye. Ñañequinare tiquiro buhiri dahreatire ihñono niahye tiquinare. <sup>7</sup> Sa yero Lote wame tiriquire yũhdũoahye. Lote pehe quehnoariquiro ijiahye. Sa quehnoariquiro ijiro Sodoma cjẽna Cohãcjũ dutiyere yũhdũucayequina ña yũhdũaro tiquina yegũ ihñano caributia wahahye tiquiro Lote. Sa yero mũna tiquina basi tiquina paguri mehna tiquina ñano yegũ ihñano caributia wahahye tiquiro. <sup>8</sup> Tiquiro quehnoariquiro ñañequina watoa ijiahye. Sa yero decoripe ña yũhdũaro tiquina yegũ ihñano, ñano tiquina yahuducugũ tãhoro ñano jeripohna tiahye. <sup>9</sup> Tiquirore Cohãcjũ yũhdũogũ ihñana ahri yũh yahuatire masiaja mari. Cohãcjũ mari puhtoro tiquirore cahmeeñequinare tiquina ñano yũhdũgũ ihñano tiquinare yũhdũorota. Sa yero ñañequina pehere peresu yero, tiquinare cõore pihtiri

deco ijigã tiquiro buhiri dahreatiquinare.

10 Ñañene tutuaro ðe pjeyequina Cohãcjüre yãhdũdũcayequina tiquina pũritare ñano buhiri dahrerota tiquiro. Tiquina m̄sa mehna cjẽna ni meho buheyequina ñañene yeye, ne cuerare. Sa ye b̄ue tierare tiquina. “Apequinare masi yãhdũdũcaja”, ni tãhotuyequina ijire tiquina. Sa ijiyequina ijiye ðhm̄se cjẽna tutuayequinare ne ño peera, ñano ni b̄j̄upere tiquinare. 11 Angele pehe ne tiquina yero saha yerare. Tiquina pehe ni meho buheyequina yãhdũoro tutuayequina ijire. Sa ijiepetã tiquina ne b̄j̄upeye mehna ni meho buheyequinare ñano yahusãedare Cohãcjüre, yãhdũdũcaeyequina ijiye.

12 Sa ye ahriquina ni meho buheyequina pehe n̄acu cjẽna wãhiquina yero saha tãho masieñequina ijire. N̄acup̄a boca sa tiquina wejẽatiquina yero saha ijire tiquina. Tiquina basi cahmeno saha yere tiquina. Sa ye tiquina masieñequinare b̄j̄upe, ñano ni yahuducu cohtere. Sa yeyequina ijigã wãhiquinare mari wejẽdiro saha Cohãcjũ tiquinare pecap̄a cohãnota. 13 Sa yero tiquina ñano yeri buhiri buhiri dahrerota Cohãcjũ. Tiquina ñañene tutuaro cahmene. Sa ye ñano yeducure. M̄sa mehna bõse deco yeye, ti bõse deco ijigã tiquina ñañene ye yãhdũare. Sa yeye m̄sa bõse decore tiquina wete ohõno saha tiquina ñañene pihore m̄sare.

14 Sa ye numiare ihñãñe, ñehe duare tiquina. Sa ye ñañene sa yeducu duare. Cohãcjüre wacũ tutuera cjũñequinare ñañene ye dutiye, sa ijiyequinare tiquinare ihñã cũgã yere. Sa ijiye tiquina sehsaro apee borore, niñeru gũh̄are ni meho ehma mihniñequina ijire. Tiquina Cohãcjũ tiquiro buhiri dahreatiquina ijire. 15 Tiquina Cohãcjũ yere buheraye, sijoro saha ijiye buheye pehere buhere. Sa ye Balãa yero saha yeye nine. Balãa, Beor macũno ijiahye. Tiquiro pehe panop̄a tiquiro ñañe yeri mehna niñerure wapata duamahye. 16 Tiquiro sa yegũ ihñano tiquiro yacoro burro tuhtiahye ticoro up̄arore. Tiquiro yacoro burro yahuducuericoro ijiepegãta Cohãcjũ ticoro up̄arore tuhti dutiahye

ticorore. Ticoro sa tuhtigã tãhoro Balãa tutuaro tiquiro ñañene ye duamedire duhu cãhye.

17 Ahriquina ni mehoñequina m̄ari pohterip̄a aco marieno yero saha ijire. Aco marieñe pohteri ti dũhseati ijieraro saha tiquina ni mehoñequina ne dũhseati ijierare. Sa ye ehmeo cururi wihnono ti wẽdoqueoye cururi ti sa comesaducuro sahata, tiquina ni mehoñequina gũh̄a ihcãno saha yahuducuera, sa comesaducure. Sa yero nahitiano warore quehno tuhasahye Cohãcjũ top̄a tiquinare buhiri dahrero taro. 18 Tiquina ni mehoñequina tiquina yahuducuye dũhseati ijierare. Masiñequina yero saha masare sa buhe macã cãhre. Ohõ saha ni buhere tiquina: “Mari cahmeno sahata mari yegũ quehnoarĩne”, ni buhemene tiquina. Tiquina sa ni buhegũ masa tãhoye ñañene ðe pjeye, tiquina ye buheyere cahmene. Apequina masa Cohãcjüre potota coã cahme dũcayequina mehenogãta wahare tiquina ñañene tiquina duhuri bato. Tiquinare ni mehoñequina buhegũ tãhoye ñañene cahmene tja Cohãcjũ yequina ijiboriquina ijiepetã. 19 Tiquinare ohõ saha ni buhere ni mehoñequina: “Mari cahmeno sahata mari yegũ quehnoarĩne”, ni buhemene tiquina. Tiquina sa ni buhepegãta tiquina nidiro saha wahaerare tiquinare. Ñañene duhu dueraye, tire duhu masiedabutiare. Tiquina sa ñano yeye, “Queoro ijire usã yeri”, ni tãhotumene tiquina. Sa ye tiquina ti ñañene ne duhu masiedare. Ti ñañe tiquina pãhtoro yero saha ijire.

20 Mari pãhtoro Jesucristore marine yãhdũoriquirore coã cahme dũcayequina pehe ahri yehpa cjẽ ñañene duhu cãmedi. Tiquina sa duhuri bato pari turi ñañene yeye, ña yãhdũaro tojoare tiquina. Cristore tiquina masiato pano tiquina iji m̄htariro yãhdũoro ña yãhdũaro tojoare, pari turi ñañene yeye. 21 Sa ña yãhdũaro tojoaye quehnoañe buheye pehere tiquina ne masi m̄htaedagũ quehnoa yãhdũboya tiquinare. 22 Sa ye pari turi ñañene yeye, masape tiquina ni yahuducue tiriro saha yee nine tiquina. Ohõ saha ni yahuducure

masa: “Diero etoa tuhasa pari turi tiquiro etoa cūrire ihyare. Sa yero yesere tiquina coseri bato pari turi tiquiro ñari sahbaru cuhsare tja. Sata yere quehnoañene cahmemediquina gūhu pari turi ñañene cahmeñe tja”, ni yahuducue tire masa.

### 3

#### *Cristo ahri yehpapu tiquiro tojoa tatire yahuahye Pedro*

<sup>1</sup> Yuhu cahña, musare ihcã pū ojoa oho tuhasa. Sa yegu ahri pūre tja yojopure musare ojoa ohogu niaja. Sa yegu puã taha ojoagu ahri ijipihtiyere musare wacūgū ye duagu niaja quehnoañe dihitare musare tūhotu dutigu. <sup>2</sup> Ahri yuhu yahuatire wacūña masa: Panopu cjeña quehnoañequina Cohãcjū yere yahu muhtariquina mana tiquina yahu ojoarire wacūña. Sa yena mari puhtoro marine yuhdūoriquiro Cristo tiquiro dutiye gūhure wacūña. Ti dutiyere usã tiquiro cūrina musare buhei.

<sup>3</sup> Sa yena ahrire wacū muhtaña: Pihtiati deco panogã Cohãcjū yere bujūpeyequina ijieta. Tiquina ñañene tutuaro cahmeducuyequina ijiye, ti ñañene yeducueta. Ohō saha ni bujūpeeta: <sup>4</sup> “Cristo ‘Tojoa tautja’, nieperota ne tojoa tasi. ¿Tojoa ta dueperota dūhsero ne bajuerajari tiquiro? Ahri yehpa iji dūcari bato mari ñecūsmūna mana iji turiayequina tiquina yariari bato ijipihtiro sijoro saha waharo marieno sa ijiducure. Mananota sa ijiducu cãre. Sa yero ahri yehpare ahtatiquiro uhmūsepu mariedare”, ni bujūpeyequina ijieta. <sup>5</sup> Sa ni bujūpeye ahri pehere ne wacū duerare tiquina: Panopure Cohãcjū tiquiro dutiro mehna ahri yehpare, uhmūse gūhure bajumehneahye. Sa yero ahri yehpapu aco dihita ijirirore dihta ijigū yeahye tiquiro. Sa yero aco mehna ahri yehpa yojopure ti ijiro sahata ahri yehpare yeahye tiquiro. <sup>6</sup> Sa yero cameru ahri yehpare miono, cohã pehoahye ahri yehpa cjeñe. Sa yero ahri yehpare ihcã tahata sijoro saha wahagū ye tuhasahye Cohãcjū. <sup>7</sup> Sa sijoro saha wahagū yeperota yojopure uhmūse, ahri yehpa gūhure pari turi comesagū yerari

tiquiro. Tiquiro dutiro mehna ahri yehpare, uhmūse gūhure yojopure ti ijiro sahata ijiducu nemogū yero nine. Sa yero cohtero nine came ijipihtiropure ujuano taro. Sa cohtero nine Cohãcjū tiquirore cahmeeñequinare buhiri dahrero taro. Sa buhiri dahrero tiquinare pecapu cohãnota.

<sup>8</sup> Yuhu cahña, ahrire wacūña masa: Mil cūmarine “Yoa yuhdūari pje ijire”, mari ni tūhotuepegūta ihcã decota ijire, Cohãcjū ihñagū. <sup>9</sup> “Cohãcjū tiquiro nidiro saha uhmūñano yerabutiare”, nine masa. Sa ijierare. Masare quehnoano ye duaro cohtenino nine. Ne ihcãquiro masunore pecapu cohã duerare tiquiro. Sa yero ijipihtiyequina tiquina ñañene bujūa witagū, ñañene duhugū cahmeno nine tiquiro.

<sup>10</sup> Ñamipure yaque bucuro tiquiro wacūeno mehna yaquero sajāriro saha Cristo ahri yehpapure wacūeno mehna ahtarota. Tiquiro ahtagūta to tutuaro bisigūta uhmūse cje pihtia waharota. Ujū pihtia waharota. Sa yero ahri yehpa gūhu, ahri yehpa cje gūhu ujū pihtia waharota.

<sup>11</sup> “Ahri ijipihtiyē pihtia waharota”, Cohãcjū nigū tūhona ñañene duhuna, Cohãcjū cahmeñene yero cahmene marine. <sup>12</sup> Mari puhtoro ahri yehpapu tiquiro ahtatire cohtena, sojaro mehna tiquiro ahtagū yeya masa. Ti deco uhmūse cje ujū pihtia waharota. <sup>13</sup> Ti sa cuaro wahati ijiepegūta mari pehe Cohãcjū ni cūriro sahata ijipihtiyere tiquiro comesagū yeatire cohteaja mari. Ijipihtiyē ti ujū pihtiaro bato ohō saha ijirota. Uhmūsepu gūhu ahri yehpapu gūhu wahma ijirota. Sa ye ti pjepeure quehnoañe dihitare yeeta ijipihtiyequina. Tireta cohteaja mari.

<sup>14</sup> Sa yena yuhu cahña, mari puhtoro tiquiro ahtatire cohtena, Cohãcjū ihñonopu quehnoano yena ijiya masa. Sa quehnoano yena ijiya masa Cohãcjū masa mehna tiquiro bucueatire. <sup>15</sup> Sa yena yoa cjūri pje tiquiro bajueragū ihñana ahrire masiña masa. Masa tiquirore cahmeeñequina tiquiro yuhdūoatiquina dūhsarīne yojopu. Sa yero tiquinare cohtenino nine Cohãcjū. Sata ni musare ojoa ohori jiri mari acayuro mari cahñiquiro Pablo. Cohãcjū masiñe mehna tire ojoari

jiri tiquiro. <sup>16</sup> Sa dihita ni ojoari jiri Pablo tiquiro ojoaripe. Cristo tiquiro ahtatire, ñañene yeeyequina mari ijiati gũhare yahuro ohõ saha dihita ni ojoari jiri tiquiro. Ihquẽ tahari mijo cjũñene tiquiro yahu ojoari jiri. Apequina ne masieñequina, tũho masieñequina ni mehoñe mehna tiquiro sa nidire camesa m̃ajare. Sa ye tiquiro sa nidi ijiepegũta sijoro saha ni camesa yahure tiquina. Apeye Cohãcjũ yere tiquina ojoari pũri gũhare sata yeri tiquina. Tiquina sa yegũ ihñano Cohãcjũ tiquinare buhiri dahrero, pecapũ cohãnota.

<sup>17</sup> Yũhũ acaye, yũhũ cahĩna ahri ijipihtiyere ti sa wahato pano yahuu m̃sare. Sa yena ahrire masina, quehnoano yeya m̃sa. Ñañequina m̃sare sijoro saha ni tiquina buhegũ tũhoeracãhña tiquinare, “Cristo yere duhuari”, nina. <sup>18</sup> Sa yena mari p̃ah̃torore marine yũhd̃oriquirore Cristore quehnoano wacũ tutua nemoña m̃sa. Tiquirore quehnoano masi nemoña m̃sa. Yojop̃are, ijipihtiye decori tiquirore quehnoano ño peouhna mari. “Quehnoariquiro, tutuariquiro ijire”, niñna mari tiquirore. Sata niñna.



# 1 San Juan

## *Jesucristo catiyere ohoriquiro ijire*

<sup>1</sup> Jesu Cohãcjũ mari Pacu ye yahuducuyere yahuriquiro ijire. Duita coã waroputa ijiriquiro tiqiro mari Pacu mehna masare sa ijiducugũ yeriquiro ijiahye. Yojopure usã tiqiro yere, tiqiro ijiye tiyere yahu ojoana niaja. Tiquirore tãhona, tiqiro waroreta ihñau usã. Sata ijire. Tiquirore ihñana, usã omocari mehna tiqirore dahra tuhuu. <sup>2</sup> Ahriquiro mari Pacu mehna sa ijiducugũ yeriquiro ahri yehpapu tiqiro masa bajuari bato tiqirore usã ihñau. Sa yena tiqirore yahuaja usã musare. Ijipihtiye decori mari Pacu mehna tiqiro ijiducuriquiro ijigũ, yojopure mari Pacu tiqirore ihñori usãre. Tire yahuaja usã musare. <sup>3</sup> Mari Pacu mehna cjãna ijiaja usã. Tiquiro macuno mehna cjãna gũhu ijiaja usã. Sa yena musa gũhu usã mehna cjãna, mari Pacu mehna cjãna, tiqiro macuno mehna cjãna musa ijiatire usã ihñarire, usã tãhorire musa gũhare usã yahuaja. <sup>4</sup> Ahrireta usã ojoaja quehnoano mari bucueatire.

## *Buhrioro to wete marieno saha Cohãcjũre ñaãe ne mariedare*

<sup>5</sup> Ahri buheye Cohãcjũ macuno usãre tiqiro yahuri ijiye nine. Yojoputa ahriye yahunatja usã musare: Cohãcjũ buhrioro yero saha ijire. Buhrioro to wete marieno saha tiqirore ne ñaãe mariedare. Ñaãe nahitiano yero saha ijire. Cohãcjũre ne ñaãe mariedare. Tiquiro sa ijiye tiyere yahuaja musare. <sup>6</sup> Sa yena nahitianopu ijina yero saha mari ñaãene yena ijiepenata “Cohãcjũ mehna cjãna ijiaja”, nina, mari ni mehona niaja. Sa yena Cohãcjũ yere queoro yeraja. <sup>7</sup> Sa yena buhrioropu ijina yero saha Cohãcjũ tiqiro yeriro sahata mari quehnoañe pehere yena, apequina Jesu yequina mehna quehnoano ijina niaja. Mari sa yegũ Cohãcjũ macuno Jesu tiqiro dii cohãno mehna, curusapu tiqiro yariari mehna ijipihtiye mari ñaãe yerire bore.

<sup>8</sup> “Yũhu pũrita ne ñaãene yeraja”, ni wacũna, mari ni mehoñene tãhotuna niaja. Mari sa ni tãhotuna Cristo yere ne masiedaja. <sup>9</sup> Sa yena Cohãcjũre mari ñaãene mari yahu yũhdugũ tiqiro pote yeriquiro mari ñaãene borota. Sa yero ijipihtiye mari ñaãe yeri gũhare, mari ñano tãhotuye gũhare cose werota tiqiro. Tiquiro nidiro sahata yeriquiro ijire. <sup>10</sup> “Ñaãene yeraja”, nina, “Cohãcjũ ni mehoriquiro ijire”, nina niaja mari. Sa niñequina tiqiro buheyere cahmedare.

## 2

### *Cristo marine yedohore*

<sup>1</sup> Yũhu pohna, musare “Ñaãene yeari”, nigũ ahriye ojoagu niaja. Yũhu sa ni ojoaepegũta ñaãene yeboaga musa. Musa sa yegũ ihñano Jesucristo quehnoariquiro musa ye ijiatire tiqiro Pacurore ohõ saha ni sini basarota: “Ahriquina tiquina ñaãene yeri buhirire buhiri dahreracãhña”, ni sini basarota tiqiro Pacurore. <sup>2</sup> Cristo mari ñaãene cohãriquiro ijire. Mari ñaãene mari dihitare cohãedare. Ijipihitiro cjẽna gũhare tiquina ñaãene cohã masine tiqiro.

<sup>3</sup> Cohãcjũ dutiyere yena, tiqirore potota quehnoano masiaja mari. <sup>4</sup> Ihcãquiro Cohãcjũ dutiyere yeraperota “Yũhu Cohãcjũre masiaja”, nino, tiqiro ni mehoriquiro ijire. Sa yero Cristo yere ne masiedare. <sup>5</sup> Apequiro pehe Cohãcjũ dutiyere yeriquiro Cohãcjũre tutuaro cahñiquiro ijire. “¿Cohãcjũ mehna cjãna ijiajari mari?” ni masi duana, ohõ saha mari masinata: <sup>6</sup> Cohãcjũ mehna cjũno Jesucristo quehnoañene tiqiro yeriro sahata yeriquiro ijire. Sata yeducuuhna mari.

### *Wahma dutirore yahuahye*

<sup>7</sup> Yũhu cahña, ahri dutiro yojopure musare yũhu yahuati wahma dutiro ijierare. Ahri dutiro musa coã waropure cuoriro muna dutirota ijire. Ti dutirore musa tãho tuhasari. <sup>8</sup> Yojopu pehere musare yũhu yahuati muna dutiro ijieperota wahma dutiro gũhu ijire. Cristo gũhu, musa gũhu ti dutirore yere. Yojopu nahitiano pihti cã mari ihña masino saha

mari masiedarire masi dũca cãna niaja mari. Sa yero buhrioro mehna mari ihña masino saha Cristo m̄sare poto ijiyere masigũ yero ahta tuhasari.

<sup>9</sup> “Yũhũ buhrioropũ ijiriquiro yero saha Cohãcjũ dutiyere yegũ ijaia”, ihcãquiro nieperota, apequinare ihña tuhtiro, tiquiro Cohãcjũ dutiyere yerare. <sup>10</sup> Sa yero apequirore cahñiquiro pũrita buhrioropũ ijiriquiro yero saha Cohãcjũ dutiyere yeriquiro ijire tiquiro. Sa yero ñañene pari turi ye duerare. <sup>11</sup> Masare ihña tuhtiriquiro pehe nahitianopũ ijiriquiro yero saha ijiro nine. Tiquiro caperi bajueriquiro yero saha ijire. Tiquiro wahatore ihña masiedare tiquiro.

<sup>12</sup> Yũhũ pohna, Cristo tiquiro yariari mehna m̄sa ñañe yerire cohãri jiri. Sa yegũ m̄sare yahu ojoagũ niaja. <sup>13</sup> M̄sa pacũsm̄na gũhũ, m̄sa Cristore coã waropũ ijiriquirore masine m̄sa. M̄sa sa masigũ ihñagũ m̄sa gũhare yahu ojoagũ niaja. M̄sa wahma pjia ñariquiro watĩnore yũhdũdcari m̄sa. M̄sa sa yũhdũdcana ijigũ m̄sa gũhare yahu ojoagũ niaja.

Yũhũ pohna, mari Pacũre m̄sa masine. M̄sa sa masigũ ihñagũ m̄sare yojopũre yahu ojoagũ niaja. <sup>14</sup> M̄sa pacũsm̄na, m̄sa Cristore coã waropũ ijiriquirore masine m̄sa. M̄sa sa masigũ ihñagũ m̄sare yahu ojoagũ niaja. M̄sa wahma pjia potota m̄sa Cohãcjũre wacũ tutuana ijire. Sa yena m̄sa Cohãcjũ yere yena niaga. Sa yena, m̄sa ñariquiro watĩnore yũhdũdcari. Sa yegũ m̄sare yahu ojoagũ niaja. <sup>15</sup> Ahri yehpa cjẽ ñañene cahmedacãhña. Ahri yehpa cjẽ ñañene cahmena mari Pacũ pehere cahmedare m̄sa. <sup>16</sup> Ñañequina tiquina basi ñañene tiquina tutuaro cahmedi, ñañene tiquina ihña duari mari Pacũ Cohãcjũ ye ijierare. “Ijipihtiye c̄no pehogũ, masi pehogũ ijaia yũhũ. Ne ihcãquiro masũno yũhare yũhdũdcaerare”, masa tiquina ni tũhotuye mari Pacũ ye ijierare. Ti ijipihtiye ahri yehpa cjẽ ijire. <sup>17</sup> Ahri yehpa, ahri yehpa cjẽ gũhũ masa tiquina cahmeñe pih-tia waharota. Sa yero Cohãcjũ cahmeñene yeriquiro ijipihtiye decori Cohãcjũ mehna ijirota.

### *Cristore ihña tuhtiriquiro pehere yahuahye Ñu*

<sup>18</sup> Yũhũ pohna, ahri yehpa pihtiati deco mehenogã dũhsare. “Cristore ihña tuhtiriquiro ahtarota”, ni, Jesu yequina m̄sare yahu tuhasari. Yojopũre Cristore ihña tuhtiyequina peyequina iji tuhasare. Tiquina sa ijigũ ihñana yojopũre pihtiati deco mehenogã dũhsagũ masiaja mari. <sup>19</sup> Ahriquina Cristore ihña tuhtiyequina pehe mari caha ijiepetata potota mari mehna cjẽna ijierare. Sa ye tiquina marine cohã cãri. Tiquina mari mehna cjẽna ijiye, mari mehna ijiboaga. Marine cohã cãri. Tiquina sa cohãgũ mari mehna cjẽna tiquina ijieragũ masiaja mari.

<sup>20</sup> Cristo Espĩritu Santore m̄sa pehere ohori. Sa yero Espĩritu Santo m̄sa mehna ijire. Sa yena m̄sa ijipihtina Cristo yere masi tuhasare. <sup>21</sup> M̄sare yahugũ “Cristo yere masiedare m̄sa”, ni tũhotueraja yũhũ. M̄sa Cristo yere masigũ ihñagũ m̄sare yahuaja. Cristo ye ne ni mehoñe mariedare. Ti gũhare masina m̄sa ijigũ masiaja yũhũ. <sup>22</sup> Ahriquiro ijire ni mehoriquiro: “Jesu Cohãcjũ macũno ijierare”, nidiquiro pehe ni mehoriquiro ijire. Potota Cristore ihña tuhtiriquiro ijire tiquiro. Mari Pacũre, tiquiro macũno gũhare cahmedariquiro ijire Cristore ihña tuhtiriquiro. <sup>23</sup> Ohõ saha ijire: Jesure cahmeediquiro pehe mari Pacũ gũhare cahmeediquirota ijire. Jesure cahmediquiro pehe mari Pacũ gũhare cahmediquiro ijire.

<sup>24</sup> Coã waropũ Cohãcjũ yere m̄sa tũhorire quehnoano wacũña. Tire m̄sa wacũna, Jesu mehna cjãna ijinata. Sa yena mari Pacũ mehna cjãna ijinata. <sup>25</sup> Tireta Jesu marine yahuri. Ohõ saha ijire tiquiro yahuri: “M̄sa ijipihtiye decori Cohãcjũ mehna ijiducunata”, ni cũri Jesu marine.

<sup>26</sup> Apequina m̄sare ni mehoñe nine. Tiquina sa ni mehogũ masigũ m̄sare yahu ojoagũ niaja. <sup>27</sup> Tiquina sa ni mehonoh-rina m̄sa ijiepegũta m̄sa pehere Cristo tiquiro yaquiro Espĩritu Santore oho tuhasari. Espĩritu Santo m̄sa mehna ijire. M̄sa mehna ijiro m̄sare buheriquiro ijire. Tiquiro ijipihtiye m̄sare yahure.

Tiquiro yahuye ijirota ijire. Ni mehoñene yahuerare tiquiro. Espíritu Santo nidiro sahata yeya m̄sa yojoṗare. Sa yena m̄sa Cristo yere t̄hona, tiquiro mehna quehnoano ijiya.

<sup>28</sup> Sata ijire. Ȳh̄h̄ pohna, m̄sa Cristo mehna c̄jana ijiya. Sa yena Cristo ahtati decore cuesi m̄sa. Sa yena tiquiro ahtati decore b̄ue tiye mehna duhtisi m̄sa. <sup>29</sup> Cristo quehnoañene yeriquiro tiquiro ijiḡu m̄sa masine. Tire masina ahri ḡh̄h̄re masiña m̄sa. Ijipihtiyequina quehnoañene yeyequina Coh̄c̄j̄ pohmeta ijire. Ti ḡh̄h̄re masiña m̄sa.

### 3

#### *M̄sata Coh̄c̄j̄ pohna ijire*

<sup>1</sup> “M̄sa ȳh̄h̄ pohna ijire”, nino, tutuaro cah̄i ȳhd̄d̄caro nine marine mari Pac̄. Tiquiro sa cah̄ona ijina tiquiro pohna ijiaja mari. Ahri yehpa c̄jena ñañequina Coh̄c̄j̄re masiedare. Sa yeye Coh̄c̄j̄ pohna mari ijiḡu ih̄ñañe tiquina mari ḡh̄h̄re masiedare. <sup>2</sup> Ȳh̄h̄ cah̄na, yojoṗare Coh̄c̄j̄ pohna ijiaja mari. Sa ijiepenata came mari ijiatire mari quehnoano masiedaja. Sa masiedapenata ahri pehere masiaja. Cristo tojoa taḡu mari ih̄ñana, tiquiro ijiriro sahata tiquirore mari ih̄ñanata. Sa yena Cristo marine bajuaḡu ih̄ñana tiquiro yero saha mari comesanata. <sup>3</sup> Ijipihtiyequina ahrire masiñequina Cristore ih̄ña c̄ñe, ñañene ye duerare.

<sup>4</sup> Ñañene yena dutiyere ȳhd̄d̄cana niaja. Sa ye ijipihtiyequina ñañene yeyequina Coh̄c̄j̄ dutiyere ȳhd̄d̄cayequina ijire. <sup>5</sup> Cristo masare tiquina ñañene coh̄tiquiro bajuahye. Tiquiro ne ñañene yerare. Tire masine m̄sa. <sup>6</sup> Sa ye ijipihtiyequina Cristo yequina ñañene yeducuerare. Apequiro pehe ñañene sa yeducuriquiro Cristore ne masiedare. Sa yero Cristo yaquiro ijierare. <sup>7</sup> Ȳh̄h̄ pohna, m̄sare ni mehoñequinare t̄hoerac̄h̄ña. Ijipihtiyequina quehnoañene yeyequina Cristo yero saha quehnoañequina ijire. <sup>8</sup> Apequiro pehe ñañene sa yeducuriquiro wat̄no yaquiro ijire. Wat̄no p̄rita duita ñañene yeriquiro ijiahye. Sa yero wat̄no

tiquiro ñañene ye dutiyere coh̄tiquiro Coh̄c̄j̄ mac̄no masa bajuahye.

<sup>9</sup> Coh̄c̄j̄ pohna ijina Coh̄c̄j̄ yero saha ijina ijiaja. Sa yena ñañene yeducueraja. Coh̄c̄j̄ mari Pac̄ tiquiro ijiḡu mari pehe ñañene yeducu masiedaja. <sup>10</sup> Oh̄ saha ijieyequina Coh̄c̄j̄ pohne tiquina ijiḡu masinata: Coh̄c̄j̄ pohne wat̄no pohne yero saha ijierare. Ñañene yeducuyequina, apequinare cah̄ñequina Coh̄c̄j̄ pohne ijierare.

#### *M̄sa mehna c̄jenare cah̄ña*

<sup>11</sup> “Mari mehna c̄jenare cah̄ñna”, ni buheyere cōa waroṗare t̄ho tuhasari m̄sa. <sup>12</sup> Mari Cāi tiquiro ñano yeriro sahata yerac̄h̄ña. Tiquiro wat̄no yaquiro ijiro, tiquiro bah̄rore wej̄eahye. ¿D̄h̄se yero tiquirore wej̄eyari, m̄sa t̄hotuḡu? Tire yahutja m̄sare: Cāi tiquiro yeri ñañe ijiahye. Tiquiro bah̄ro pehe quehnoañene yeriquiro ijiḡu ih̄ñano tiquiro wahmino pehe tiquirore wej̄eahye.

<sup>13</sup> Sa yena ȳh̄h̄ acaye, ahri yehpa c̄jena m̄sare tiquina ih̄ña tuhtiḡu “¿D̄h̄se ijiro boro ȳh̄h̄re ih̄ña tuhtiajari tiquina?” ni, t̄hotuerac̄h̄ña. <sup>14</sup> Mari pecap̄ wa-haborina ijimi. Yojoṗare uhm̄sep̄ sa ijiducuatina comesarina ijiaja mari. Jesu yequinare cah̄ña, Coh̄c̄j̄ marine tiquiro comesaḡu yerire masiaja mari. Masare cah̄ñequiro pecap̄ wahatiquiro ijire. <sup>15</sup> Tiquiro acaȳrore ih̄ña tuhtiriquiro masare wej̄ediquiro ijire, Coh̄c̄j̄ ih̄ñaḡu. Masare wej̄ēñequina uhm̄sep̄ ijiducusi. Tire quehnoano masine m̄sa. <sup>16</sup> Masare cah̄ñene oh̄ saha masinata. Ijipihtiye decori Coh̄c̄j̄ mehna mari ijiatire Cristo yariaro marine tutuaro cah̄idi. Sa yariaro marine tiquiro sa cah̄iducurire masiḡu yero nidi. Sa yena mari ḡh̄h̄re Jesu yequina ye ijiatire yariaro cah̄meboaga. <sup>17</sup> Peye c̄oriquiro Jesu yaquirore pe-jec̄oriquirore ih̄ñaeperota tiquirore paja ih̄ñedarō, Coh̄c̄j̄re cah̄edare tiquiro. <sup>18</sup> Ȳh̄h̄ pohna, masare mari cah̄ñe pehe mari d̄sero dihita wijaerac̄h̄do. Masare mari cah̄ña, tiquinare yedohoro cah̄mene marine.

*Cuero marieno Cohãcjũ cahapũ iji masiaja mari*

19-20 Sa cahĩna mari potota Cohãcjũ yequina mari ijiye gãhũre masinata. Sa yena Cohãcjũ cahapũ cuero marieno mari iji masiaja. Sa yena “Ñañe buhiri ijiaga yahũre”, mari ni tuhotuepegãta, Cohãcjũ cahapũ cuero marieno iji masiaja. Tiquiro pehe mari yũhdũoro tutuariquiro ijiro ijipihitiyere masine. 21 Yũhũ cahĩna, quehnoañene yena, “Quehnoañe pehere yena niaja”, ni tuhotuna, Cohãcjũ cahapũ mari cuero marieno iji masiaja. 22 Cohãcjũ dutiyere, tiquiro cahmeñe gãhũre mari yegũ, tiquirore mari sinino punota tiquiro ohorota. 23 Ohõ saha dutire tiquiro marine: “Cohãcjũ macunore Jesucristore wacũ tutuaya. Sa yena Cristo marine tiquiro dutiro saha mũasa mehna cjẽnare cahĩna mũasa”, nino, ye dutire marine. 24 Cohãcjũ dutiyere yeriquiro Cohãcjũ mehna cjũno ijiro nine. Sa yero Cohãcjũ tiquiro mehna cjũno ijire. Cohãcjũ mari mehna cjũno tiquiro ijiyere mari masi duagũ marine tiquiro ohoriquiro Espĩritu marine masigũ yerota.

#### 4

*Ni mehoñe buheye gãhũre, Cohãcjũ ye buheye gãhũre quehnoano ihña masi duti-ahye*

1 Yũhũ cahĩna, apequina “Cohãcjũ yaquiro Espĩriture cũoaja”, niñequina tiquina ijiepegãta tiquina ye buheye ni mehoñe ijire. Sa ye apequina pehe Espĩritu Santo warore cũoyequina ni mehono marieno buhere tiquina. Peyequina “Cohãcjũ yere yahu mahtarina ijiaga”, niepeta ni mehoñequina ijire yojopũre. Ijipihitiropũre ijire tiquina. Sa yena apequina mũasare tiquina buheye ni mehoñe buheye ijigũ ihña masiña mũasa. Cohãcjũ ye ti ijigũ gãhũre ihña masiña mũasa. 2 Cohãcjũ yaquiro Espĩriture cũoyequinare mũasa ihña masi duana, ohõ saha masinata: “Jesucristo ahri yehpapũ masũno pagũ waro cũoriquiro ahtari jiri”, ni, buheyequina Cohãcjũ yaquiro Espĩriture cũoyequina ijire tiquina. Sa yena sa ni buheyequinare ihña masinata mũasa. 3 Apequina pehe

“Jesu ahri yehpapũ masũno pagũ waro cũoriquiro ahtaerari jiri”, ni buheyequina Cohãcjũ yaquiro Espĩriture cũoyequina ijire. Tiquina ye tuhotuye Cristore ihña tuhtiriquiro tiquiro tuhoturo saha ijire. “Cristore ihña tuhtiriquiro ahtarota”, tiquina nidire tuho tuhasari mũasa. Sa ye tiquiro ye buheye ahri yehpapũre wihi tuhasari.

4 Mũasa pehe yũhũ pohna, Cohãcjũ yequina ijire mũasa. Sa yena “Cohãcjũ yere yahu mahtarina ijiaga usã”, ni, mehoñequinare yũhdũuca tuhasari mũasa. Mũasa mehna ijiriquiro Espĩritu Santo pehe tutua yũhdũũcare. Sa yero ahri yehpa cjẽna yaquiro watĩno yũhdũoro tutuare. Sa yena ni mehoñequinare yũhdũũcari mũasa. Sa yena ti buheye cahmedari mũasa. 5 Ni mehoñequina pehe ahri yehpa cjẽna ijire. Sa ye tiquina ahri yehpa cjẽna ñañequina pehe buhegũ ahri yehpa cjẽna ñañequina pehe tiquinare quehnoano tuhore. 6 Mari pehe Cohãcjũ yequina ijiaga. Sa ye Cohãcjũre masiñequina marine quehnoano tuhore. Apequina pehe Cohãcjũ yequina ijieraye, marine ne tuho duerare. Tiquina sa tuho dueragũ ihñana tiquina ye buheye Cohãcjũ ye buheye ti ijieragũ masinata mari. Sa yena apequina pehe marine tiquina tuhogũ tiquina ye buheye quehnoañe buheye ti ijigũ gãhũre masiaja mari.

*Cohãcjũ masare tutuaro cahĩducuriquiro ijire*

7 Yũhũ cahĩna, Cohãcjũ marine apequinare cahĩgũ yeriquiro ijire. Tiquiro sa yeriquiro ijigũ ihñana mari mehna cjẽnare cahĩhna mari. Masare quehnoano cahĩñequina pehe Cohãcjũ pohne ijire. Sa ye tiquina Cohãcjũre quehnoano masine. 8 Cohãcjũ masa ijipihitiyequinare tutuaro cahĩducuriquiro ijire. Tiquiro sa cahĩducuriquiro ijigũ masare cahĩñequina pehe Cohãcjũre masiedare. 9 Cohãcjũ marine tiquiro cahĩñene mari masi duana, ohõ saha masinata: Cohãcjũ pehe tiquiro macunore ihcãquiota ijiriquirore marine yũhdũoatiquirore ahri yehpapũre ohoahye. Sa ohoro marine tiquiro cahĩñene marine masigũ yero niahye. 10 Apequinare cahĩñe waro ohõ saha ijire:

Cohãcjüre mari cahĩne pehe poto cahĩne waro ijierare. Marine Cohãcjũ tiquiro cahĩne pũrita potota cahĩne waro ijire. Sa yero tiquiro macũnore mari ñañene cohãtiquirore ohoro marine tutuaro cahĩne tiquiro.

<sup>11</sup> Yũhũ acaye, Cohãcjũ marine tiquiro sa tutuaro cahĩgũ ihñana mari gũhũ mari mehna cjẽnare cahĩhna. <sup>12</sup> Masa pehe ne Cohãcjüre ihñedari. Tiquirore mari ihñedapegũta mari mehna cjẽnare mari cahĩgũ, Cohãcjũ pehe mari mehna sa ijiducuro nine. Sa yero potota marine cahĩ nemoducugũ yere tiquiro. <sup>13</sup> Cohãcjũ pehe marine tiquiro yaquiro Espĩriture ohori. Sa yena Espĩriture cũona, Cohãcjũ mehna mari quehnoano ijyere masiaja mari. <sup>14</sup> Sa yena mari Pacũ tiquiro macũnore ahri yehpa cjẽnare yũhdũoatiquirore tiquiro ohore usã ihñañ. Tire ihñana apequinapũre tire yahuaja usã. <sup>15</sup> Cohãcjũ mehna cjũno ohõ saha nidiquiro ijire: “Jesu Cohãcjũ macũno ijire”, nidiquiro tiquiro pũrita Cohãcjũ mehna cjũno ijiro nine. Sa yero Cohãcjũ gũhũ tiquiro mehna cjũno ijiro nine.

<sup>16</sup> Sa yena marine Cohãcjũ tiquiro cahĩñene mari masiaja. Sa yena marine potota cahĩniquiro tiquiro ijigũ masiaja mari. Cohãcjũ masa ijipihtiyequinare tutuaro cahĩducuriquiro ijire. Sa yero apequiro masare cahĩducuriquiro Cohãcjũ mehna cjũno ijire. Sa yero Cohãcjũ gũhũ tiquiro mehna cjũno ijire. <sup>17</sup> Sa yena mari quehnoano cahĩ nemoducuaaja Cohãcjüre, apequina gũhũre, buhiri dahreri deco ijigũ mari cuero marieno mari ijiatire. Sa yena cuesi mari ahri yehpapũ Cristo yero saha ijina. <sup>18</sup> Apequinare mari cahĩgũ cuero mariedare. Cohãcjũ marine tiquiro cahĩñene masina mari ne cueraja. Masa cueye tiquinare buhiri dahreatire cue nine. Sa cueye ñano yũhdũre. Sa yero cueriquiro pehe Cohãcjũ cahĩñene masieniquiro ijire. <sup>19</sup> Marine Cohãcjũ cahĩ mũhtahye. Sa yena mari gũhũ tiquirore cahĩaja. <sup>20</sup> Ihcãquiro “Cohãcjüre cahĩaja”, nidiquiro ijieperota apequirore ihña tuhtiro, ni mehoriquiro ijire tiquiro. Tiquiro ihñariquirore cahĩedar, Cohãcjüre

tiquiro ihñeniquiro gũhũre cahĩ masiedare tiquiro. <sup>21</sup> Sa yero ahri ijire marine Cristo tiquiro dutiriro: Cohãcjüre cahĩna, mũsa cahapũ ijyequina gũhũre cahĩña.

## 5

*Cohãcjũ pohne ahri yehpa cjẽ ñañene ye duerare*

<sup>1</sup> Ijipihtiyequina Jesure “Cristo ijire. Cohãcjũ ohoriquiro ijire”, niñequina, Cohãcjũ pohne ijire. Apequina pacũrore cahĩna, tiquiro pohne gũhũre cahĩaja mari. Sata Cohãcjüre cahĩna, tiquiro pohne gũhũre cahĩaja mari. <sup>2</sup> Cohãcjüre cahĩna, tiquiro dutiyere quehnoano yena, tiquiro pohne gũhũre mari cahĩna niaja. <sup>3-4</sup> Tiquiro dutiyere yena Cohãcjüre cahĩna niaja. Marine Cohãcjũ dutiyere yegũ mijoedare. Mari ijipihtina Cohãcjũ pohna ijina, ñañene cahmedaja mari. Sa ye marine tiquiro dutiyere yegũ mijoedare. Cohãcjüre wacũ tutuana ñañene cahmedaja. Sa yena tiquirore mari wacũ tutuari bato ñano ye dueraja. <sup>5</sup> Ñañene cahmedana ohõ saha nina ijiaja mari: “Jesu Cohãcjũ macũno ijire”, nina ñañene cahmedaja mari.

*Cohãcjũ macũnore yahuahye Ñũ*

<sup>6</sup> Jesucristo ahri yehpapũ tiquiro ahtagũ tiquirore Ñũ aco mehna wame yerire masina, curusapũ tiquiro dii cohãri gũhũre masina, Cohãcjũ macũno tiquiro ijyere masiaja mari. Tiquiro wame yeri dihita Cohãcjũ macũno tiquiro ijyere marine masigũ yerare. Tiquiro dii cohãri gũhũ marine tire masigũ yere. Espĩritu Santo “Ahri ijirota ijire”, ni yahure marine. Tiquiro poto ni yahuriquiro ijire. [ <sup>7</sup> Sa ye Jesu Cohãcjũ macũno tiquiro ijyere mũmũse cjẽna yahuyequina ihtiaro ijire: Mari Pacũ, tiquiro macũno Jesu, Espĩritu Santo mehna “Jesu potota Cohãcjũ macũno ijire”, niñequina ijire tiquina. Tiquina ihtiaro ijiepetata ihcãno mehna yahure tiquina Jesure.] <sup>8</sup> Jesu Cohãcjũ macũno tiquiro ijyere ahri yehpapũre ihtiaro yahure: Cohãcjũ macũno tiquiro ijyere Espĩritu Santo pehe marine yahure. Sa yena Jesure aco mehna tiquiro wame yeri gũhũre masina, Cohãcjũ macũno

tiquiro ijiyere masiaja mari. Sa yena mari ye ijiatire tiquiro yariarire tiquiro dii cohārire masina, Cohācjū macuno tiquiro ijiyere masiaja mari. Sa ye ti ihtiaro ihcāno mehna marine masigū yere Cohācjū macuno Jesu ijiyere.

<sup>9</sup> Masa tiquina yahuyere tūhona “Ijirota ijire”, niaja mari. Sa niepenata mari Pacū tiquiro macunore yahugū masa tiquina yahuye yūhduro tiquiro pehere tūhoro cahmene marine. Cohācjū waro tiquiro ijigū tiquiro yahuyere tūhoro cahmene marine. <sup>10</sup> Sa ye ijipihtiyequina Cohācjū macunore wacū tutuayequina Jesure yahuri buheyere quehnoano tūhore. “Queorota ijire”, ni tūhoture tiquina Jesure yahuri buheyere. Cohācjū macunore tiquiro yahurire tūhoeriquiro “Cohācjū ni mehoriqiro ijire”, nidiquiro ijire tiquiro. <sup>11</sup> Cohācjū marine ijipihtiye decori tiquiro mehna sa ijiducugū yerota. Cohācjū macuno yequina mari ijigū tiquiro mehna sa ijiducugū yerota marine. Ahri ijire Cohācjū marine tiquiro yahuye. <sup>12</sup> Cohācjū macuno yequina ijiye tiquiro mehna sa ijiducuetā. Sa ye apequina pehe tiquirore cahmeeñequina tiquiro mehna sa ijiducusi.

### *Ñu yahu ojoa bato tiahye*

<sup>13</sup> Mūsa Cohācjū macunore wacū tutuana Cohācjū mehna sa ijiducunata. Tire mūsa masiatire mūsare yahu ojoagu niaja.

<sup>14</sup> Cohācjū tiquiro cahmediro sahata mari tiquirore dūhse ijiyere mari sinigū tiquiro marine quehnoano tūhorota. Sa mari sinina “Potota quehnoano tūhore tiquiro”, ni masiaja mari. <sup>15</sup> Tiquirore mari sinigū, marine tūhore. Tiquiro sa tūhorire masina, tiquirore mari sinino punota tiquiro ohoati gūhare masiaja mari.

<sup>16</sup> Mūsa acayuro tiquiro ñañene yegū ihñana, ti ñañe Cohācjū pecapū tiquiro waha dutiye ñañe ijieragū, tiquirore sini basaya Cohācjūre. Sa yero Cohācjū tiquirore yedohoro tiquiro mehna sa ijiducugū yerota tiquirore. Cohācjū pecapū tiquiro waha dutiyequina dihitare sini basaya mūsa. Apeye ñañe pehe Cohācjū pecapū tiquiro waha dutiye ñañe waro ijire. Ihcāqiro ti ñañe warore tiquiro

yegū “Tiquirore sini basaya mūsa”, niedaja yūhū. <sup>17</sup> Ijipihtiye ñañe yeye ñañe warota ijire, Cohācjū ihñagū. Ti sa ijiepegūta apeye ñañe Cohācjū pecapū tiquiro waha dutiye ñañe ijierare.

<sup>18</sup> Cohācjū macuno Jesu pehe Cohācjū pohnene quehnoano ihña ihbore. Tiquiro sa ihña ihbogū watīno pehe Cohācjū pohnene ñano ye masiedare. Sa ye Cohācjū pohne pehe ne ñañene sa yeducuerare. Ahrire mari masiaja.

<sup>19</sup> Mari pehe Cohācjū yequina ijiaja. Watīno pehe ahri yehpa cjēna pūhoro ijire. Ahri gūhare mari masiaja.

<sup>20</sup> Cohācjū macuno ahri yehpapure ahtaro marine quehnoano masigū yeri tiquiro. Tiquiro sa yegū potota Cohācjū waroreta mari quehnoano masiaja. Ahri gūhare mari masiaja. Cohācjū macuno Jesucristo yequina ijiaja mari. Sa yena potota Cohācjū waro mehna cjāna ijina niaja mari. Ahriqiro yūhū nidiquiro potota Cohācjū waro ijire. Sa yero tiquiro ūhmūsepū sa ijiducugū yeriqiro ijire.

<sup>21</sup> Yūhū pohna, “Cohācjū ijire”, tiquina niñe queoyere ño peoeracāhña.

## 2 San Juan

*Jesucristo yere, potota apequinare cahĩne gũhare yahuahye Ñu*

<sup>1-2</sup> Yũhũ bucũ mũsare Cohãcjũ beserinare ahri pũre ojoa ohoaja. Jesucristo yere yũhtina ijiaja mari. Sa ye tiquiro buheye gũhũ mari mehna ijipihtiyey decori sa ijiducurota. Sa yegũ potota mũsare cahĩaja yũhũ. Yũhũ dihita cahĩgũ niedaja mũsare. Apequina Jesu yere masiñequina tiquina gũhũ potota cahĩne mũsare. <sup>3</sup> Cohãcjũ mari Pacũ, Jesucristo tiquiro macũno gũhũ pototo tiquina cahĩne mehna marine quehnoano yeeta. Sa ye marine paja ihñæta. Sa yeye marine quehnoano ijigũ yeeta tiquina. Sata yeahro marine. Sa nigũ mũsare quehnoa dutiaja.

<sup>4</sup> Mari Pacũ marine tiquiro dutiriro sahata ihquẽquina mũsa mehna cjẽna tiquiro yere yũhtiyequina tiquina ijigũ masigũ bucueaja yũhũ. <sup>5</sup> Yojopũre mũsare yũhũ dutiati wahma dutiro ijierare. Coã waropũre ahri dutiro marine duita ijiahye. Ohõ saha dutire marine. Mari mehna cjẽnare cahĩihna. <sup>6</sup> Tiquiro ye dutiyere ye pehona mari tiquirore cahĩaja. Sa yero coã waropũre mũsa tũhoriro sahata yojopũ gũhare ohõ saha dutire mũsare. Apequinare sa cahĩducũya.

*Peyequina ni mehoñequina ijire*

<sup>7</sup> Peyequina ni mehoñequina “Potota Jesucristo ahri yehpapũ masũno pagata cũoriquiro ahtaerari jiri”, niñequina gũhũ ahri yehpa cjẽnare buheye wahari. Cristore ihña tuhtiriquiro ni mehoriquire tiquina yero sahata ijire. <sup>8</sup> Quehnoano yeya mũsa. Cohãcjũ ye wapare mũsa quehnoano yeri wapare boeracãhña. Mũsa sa boeragũ Cohãcjũ quehnoa yũhdũaro yerota mũsare.

<sup>9</sup> Ijipihtiyequina Cristo yere yũhdũdũcayequina, Cristo yere cohãñequina mari Pacũ yequina ijierare. Sa ye Cristo yere ne duhueyequina Cohãcjũ mari Pacũre, tiquiro macũno gũhare masine tiquina. <sup>10</sup> Cristo ye buheyere cahmedariquiro, apeye

buheyere buheriquiro mũsa cahapũ ah-tagã, tiquirore mũsa ya wũhũpũ sajã ta dutieracãhña. Tiquirore piti caeracãhña. <sup>11</sup> Apeye buheyere buheriquiro Cristo yere cahmedariquiro ñano yere. Sa yero tiquirore piti cariquiro pehe ñano yeriquirore yedohoro nine. Sa yena tiquirore piti caeracãhña.

*Ñu yahu ojoa bato tiahye*

<sup>12</sup> Peyey mũsare yahu duepegũta tire ojoa dueraja. Mũsare ihñagũ waha duaja. Mũsare ihñagũ mũsa mehna yahuducutja, mari quehnoano bucueatire.

<sup>13</sup> Cohãcjũ beseriquina ohõpũ cahme-coañequina, mũsa mehna cjẽna mũsare quehnoa dutire.

## 3 San Juan

*Ñu Gayo wame tiriquire “Quehnoariquire ijire”, niahye*

<sup>1</sup> Yuhũ bucu mũhare Gayore potota yuhũ cahĩgũre ahri pũre ojoa ohoaja.

<sup>2</sup> Yuhũ cahĩgũ, Cohãcjũ mehna cjũ mũhũ ijigũ masiaja yuhũ. Tiquiro mehna mũhũ quehnoano ijiriro sahata mũhũ quehnoano yuhduatire, mũhũ pagũ dohatiro marieno mũhũ ijiatire Cohãcjũre sini basaja mũhare. <sup>3</sup> Ihquẽquina Jesu yequina yuhũ cahapũ wihiye mũhũ ijiye tiyere yahuri yuhũre. “Cristo cahmeno sahata potota yere Gayo”, ni yahuri tiquina yuhũre. Tiquina sa ni yahugũ tuhogũ tutuaro bucuei yuhũ. <sup>4</sup> Mũsa Jesu yere yuhũ buherina tiquiro cahmeno sahata mũsa yegũ tuhogũ tutuaro bucueaja.

<sup>5</sup> Yuhũ cahĩgũ, Jesu yequinare yedohogũ quehnoano yeri mũhũ. Sa yegũ Jesu yequinare mũhũ ihña masieñequina pehere yedohogũ quehnoa yuhduaro yeri mũhũ. <sup>6</sup> Tiquina panopũ mũhũ ihña masieñequina pehe Jesu yequina ohõpũ cahmecoañequinare usãre ohõ saha ni yahuri: “Gayo usãre quehnoano cahĩne”, ni yahuri panopũ mũhũ ihña masieñequina pehe. Came mũhũ ya macare tiquina yuhdu cãgũ ihñagũ tiquinare quehnoano yedohoya Cohãcjũ tiquiro bucueatire.

<sup>7</sup> Tiquina Jesu yere buhe tiniñe wahaye, Cohãcjũre cahmeeñequinare yedohogũ cahmedari. <sup>8</sup> Sa yena tiquinare Jesu yere buhe tiniñequinare yedohouhna mari. Tiquinare sa yedohona, tiquina yero saha mari gũhũ Cohãcjũre yedohona niaja.

*Diotrefe tiquiro ñaño yerire yahuahye Ñu*

<sup>9</sup> To cjẽnare Jesu yequinare ojoami. Yuhũ sa ojoapegũta Diotrefe tiquiro basi tiquina pũhoro yero saha iji duaro, yuhũre tuhõ duerari. <sup>10</sup> Mũsa cahapũ yuhũ esari bato tiquiro yerire mũsare yahu pehoutja. Usãre ñano yahuducure tiquiro. Sa yero ni mehoñe peyariquire ijire tiquiro. Sa yero apeye ñaño gũhũre yere tiquiro. Jesu yequinare tiquiro yere buhe tiniñequinare

tiquiro ya wũhare sajã dutierare. Sa yero apequina to cjẽna Jesu yequina pehe buhe tiniñequinare tiquina sajã dutigũ ihñano tiquiro pehe “Buhe tiniñequinare sajã dutieracãhña mũsa ye wũhusepũre”, ni yahusãre tiquinare. “Mũsa ye wũhusepũ buhe tiniñequinare mũsa sajã dutiri buhiri mari Jesu yequina mari ya wũhupũre mari cahmecoari wũhupũre sajãedacãhña mũsa pehe”, nine Diotrefe to cjẽnare Jesu yequinare.

<sup>11</sup> Yuhũ cahĩgũ, ñañequinare ihña cũedacãhña. Quehnoano yeyequina pehere ihña cũña. Quehnoañene yeyequina Cohãcjũ yequina ijire. Ñañene yeyequina Cohãcjũre masiedare.

*Demetrio quehnoañene tiquiro yerire yahuahye Ñu*

<sup>12</sup> Ijipihtiyequina quehnoano yahuducuri Demetriore. Sa ye tiquiro yerire ihñañe quehnoano tiquiro yeriquiro ijigũ masine masa. Usã gũhũ tiquirore sata ni yahuaaja. Sa yena usã yahuye pehere potota ijigũ masine mũsa.

*Yahu bato tiahye Ñu*

<sup>13</sup> Mũhare peye yahu duami. Sa yahu duepegũta tire ojoaeraja. <sup>14</sup> Mehenogã batota mũhare ihña duaja. Sa yena mari basi cahme yahuducunata.

<sup>15</sup> Quehnoa dutiaja mũhare. Mari mehna cjẽna ohõ cjẽna Jesu yequina mũhare quehnoa dutire. To cjẽna mari mehna cjẽna ijipihtiyequina quehnoahdo.



## San Judas

### *Juda Jesu yequinare ojoa ohoahye*

<sup>1</sup> Yuh Juda Santiago bah, Jesucristo cahacjũ musare Jesu yequinare ahri pũre ojoa ohoaja. Musare mari Pac Cohãcjũ beseahye. Sa yena tiquiro cahĩne mehna quehnoano ijire musa. Sa yero Jesucristo yedohore musare “Ñañene yeari”, nino. <sup>2</sup> Quehnoa dutiaja musare. Cohãcjũ yedohoro mehna quehnoano ijiya musa. Sa yeg Cohãcjũre paja ihña dutigũ, musare cahĩ dutigũ sini basaja Cohãcjũre yuh.

### *Ni mehoñequina tiquina ye buheyere yahu dũcahye Juda*

<sup>3</sup> Cohãcjũ marine pecapũ wahaborinare tiquiro yuhduoye pehere tutuaro ojoa duami musare, yuh cahĩnare. Sa ojoa duepegũta musare yojopũre ni mehoñe buheyere cahme dutieragũ musare ojoaja. Sa yena Jesucristo ye buheye pehere tutuaro buheya musa. Ahri buheye pehe Jesu yequinare Cohãcjũ cũri buheye sa ijiducurota comesaro marieno. <sup>4</sup> Ihquẽquina masa ñañequina wacũeno mehna musa cahapũ esari. Musa mehna ijiye tiquina ohõ saha ni buhemene musare: “Cohãcjũ yequina musa ijigũ, tiquiro cahĩne musare. Sa yero numia mehna musa ñano yegũ tiquiro musare ne buhiri dahresi”, ni buhemene tiquina. Sa ye mari pũtorore ihcãquiota ijiriquirore Jesucristore “Cohãcjũ macũno ijierare”, ni buhemene tiquina. Ohõ saha ni buheyequinare Cohãcjũ tiquiro buhiri dahreatire yuahahye panopũre. Tiquiro yere tiquina ojoari pũpũ sata ni yuahahye.

<sup>5</sup> Yojopũre musare apeyere wacũgũ ye duaja. Ahrire musa masiepegũta pari turi ahrire musare wacũgũ ye duaja. Cohãcjũ judio masare Egiptopũ ijiyequinare tiquiro wiori bato tiquina mehna cjẽnare tiquirore wacũ tutueyequinare tiquiro wejẽahye.

<sup>6</sup> Sa yena musa apequina gũhũre wacũña. Apequina angele pehe Cohãcjũ dutiyere ye duerahye. Sa ye tiquinare tiquiro iji duti cũrirore tiquina iji duerahye. Sa ye tiquina ijimedirore duhu cãhye tiquina. Tiquina

sa duhugũ ihñano Cohãcjũ nahitianopũ tiquinare peresu yeahye. Sa ye tiquina pihtiatu deco pano come dari mehna dũhteriquina yero saha ijiducuenta. Sa yero pihtiatu deco ijigũ tiquinare buhiri dahrerota Cohãcjũ.

<sup>7</sup> Sata yeahye apequina gũhũ. Tiquina gũhũre wacũña musa. Tiquina Sodoma wame tiri maca cjẽna, Gomorra wame tiri maca cjẽna ti macari cahapũ ijiye macari cjẽna gũhũ numia mehna ñano yeahye. Sa ye sijoro saha yeye gũhũre ye, amũa pehe tiquina basita tiquina pagũri mehna ñano yeahye. Numia gũhũ sata yeahye. Tiquina sa yeri buhiri Cohãcjũ tiquinare ujũa peho cãhye. Tiquinare ujũano Cohãcjũ ijipihitiyequina tiquirore yuhduocariquinare tiquiro buhiri dahreatire masare ihõno niahye. Tiquinare tiquiro buhiri dahreru peca ne yatisi.

<sup>8</sup> Tiquina Cohãcjũ buhiri dahrenohriquina muna yero saha yojopũ gũhũre sata yeducure ni mehoñene buheyequina. Tiquina quehẽñequina yero saha ijiye, tiquina pagũri mehna ñano yere. Sa yeye Cohãcjũ dutiyere cahmedare tiquina. Sa ye tiquina yuhduoro tutuayequinare tiquina pehe ñano yahuducu cohtere. <sup>9</sup> Quehnoañequina angele pehe tutuayequina ijiepetu sa ni yahuducuerare. Miguel wame tiquiro angele pũtoro pehe Moise pagũre cahmeno, watĩno mehna cahme sehña soahye. Tutu yuhduariquiro ijieperota tiquiro “Watĩno yuhduoro yuh pũrita tutuaja”, ni tũhotuerahye. Sa yero tiquiro esa tuharo watĩnore ñano yahuducuera, tiquirore tuhtierahye. Sa yero ohõ saha niahye watĩnore. “Cohãcjũpũ mũhũre tuhtiaho”, niahye Miguel watĩnore. <sup>10</sup> Sa ye ahriquina ni mehoñequina pehe tiquina masieñequinare ñano yahuducu cohtere. Sa ye wahiquina tũho masieñequina tiquina esa tuharo tiquina yero saha ni mehoñequina pehe yere. Sa yeyequina ijiye, pecapũ wahaeta.

<sup>11</sup> Tiquinata ñano yuhdueta. Caĩ yeriro saha ñano yeri tiquina. Sa ye Balãa tiquiro yeriro saha tiquina niñerure cahĩ wapata duaye, ni mehoñene buhere. Sa ye niñeru neatu dihitare tũhotu, ti dihitare yere. Sa ye

Coré tiquiro p̄htorore cohã duariro saha tiquina ḡh̄u tiquiro yero saha yere. Sa ye tiquiro yero saha tiquina ḡh̄u pecap̄ wahaeta. <sup>12</sup> Tiquina ni mehoñequina pehe m̄sa cahme cahĩati bose decorire ihyaye, ño peoro marieno tiquina cahmeno saha apere. Sa ye tiquina sehсарota ihyayere bore apequinare ohoro marieno. Wete yero saha tiquina m̄sa bose decorire quehnoañe decori ijoborirore dojomehne cohtere.

Ehmeo cururi acoro marieñe cururi ti d̄h̄seati ijieraro saha tiquina ni mehoñequina ne d̄h̄seati tiquina ijierare. Sa ye ehmeo cururi wihnono w̄doqueoye cururi ti sa comesaducuro saha tiquina ni mehoñequina ḡh̄u ihcãno saha yahuducueraye, sa comesaducure.

Sa ye, d̄ca tiri pje ijigã d̄ca marieñe c̄u yero saha ijire tiquina. Ti c̄u p̄a tahap̄ yariaa wahare. Ihcã taha d̄ca tieye c̄u, yariaye c̄u yero saha waha tuhasare. Ti c̄u tiquina duhari bato pari turi yariaa wahare tja. Ti c̄u yero saha ijiye d̄h̄seati tiquina ijierare tiquina ni mehoñequina.

<sup>13</sup> Sa ye pajiri ma c̄j̄ pahcõri b̄j̄ye pahcõri yero saha ijire tiquina. Ti pahcõri quẽ ohõgã, wete b̄j̄ye sahpori wahare. D̄h̄se ijiyere tiquina ni mehoñequina tiquina yegã pahcõri c̄j̄ sahpori wete b̄j̄ye sahpori ti waharo saha ni mehoñequina tiquina ñano yeye ijire.

Sa ye asi maa cãe paca ñahpicoha paca yero saha ijire tiquina. Sa yeye ñahpicoha paca nahitianop̄ ti waharo saha tiquina ḡh̄u ñanop̄ wahaeta. Sa ye top̄re sa ijiducuetu tiquina ni mehoñequina.

<sup>14-15</sup> Enoco panop̄ c̄j̄no Adán panamino iji turiariquiro seis cururi bato masa b̄j̄uariquiro ohõ saha niahye. Tiquinare ni mehoñequinare ohõ saha niahye: “T̄h̄oya ȳh̄re. Cohãc̄j̄ peyequina tiquiro yequina angele quehnoañequina mehna ijipihtiyequina ñañequinare tiquina ñañe buhiri buhiri dahrero ahtarota. Sa yero ijipihtiyequina Cohãc̄j̄re ihña tuhtiyequinare tiquina ñañe yeri buhiri tiquinare buhiri dahre dutiro ahtarota Cohãc̄j̄. Sa yero Cohãc̄j̄re ñano tiquina yahuducuri

buhiri ḡh̄re tiquinare buhiri dahre dutiro ahtarota”, niahye Enoco. <sup>16</sup> Tiquina ni mehoñequina unureducuyequina, apequinare yahu wajayequina tiquina ñano wacũñe dihitare yere tiquina. Sa ye “Apequinare masi ȳh̄d̄d̄c̄aja usã”, niducure tiquina. Sa ye tiquina cahmeno saha ye duaye, apee borore ehma duaye, t̄h̄oro quehnoanop̄ta yahuducure masare.

### *Jesu yequinare yahu nemoahye Juda*

<sup>17</sup> Mari p̄htoro Jesucristo buhe duti tiquiro c̄riquina tiquina buherire wacũña m̄sa, ȳh̄u cahña. <sup>18</sup> Ohõ saha nidi tiquina m̄sare. “Ahri yehpa pihtiato panogã Cohãc̄j̄re ñano yahuducu b̄j̄peyequina ijieta. Sa ye tiquina Cohãc̄j̄re cahmedaye, ñañene tiquina tutuaro cahmeñene yeeta tiquina”, ni yahuri Jesu c̄riquina m̄sare. <sup>19</sup> Jesu yequinare tiquina basi tiquina cahme ihña tuhtigã yere tiquina ni mehoñequina pehe. Sa ye tiquina ñañequina ahri yehpa c̄j̄na ijiye, Esp̄ritu Santore ne c̄oerare tiquina. Sa ye tiquina ñañene tutuaro cahmeñe dihitare yere tiquina.

<sup>20</sup> M̄sa pehe ȳh̄u cahña, Jesucristo ye buheyere quehnoano t̄ho nemoña, quehnoano wacũ tutuana m̄sa ijiro quehnoano. Ti buheye pehe quehnoa ȳh̄d̄are. Esp̄ritu Santo yedohoye mehna Cohãc̄j̄ mehna yahuducuya m̄sa. <sup>21</sup> Quehnoañene yeya m̄sa Cohãc̄j̄ m̄sare tiquiro cahñene m̄sa masino quehnoano. Sa yena Jesucristo mehna m̄sa sa ijiducuatire cohteya. Tiquiro marine paja ihñano eh̄m̄sep̄ sa ijiducugã yerota.

<sup>22</sup> Cristo yere t̄ho duera c̄j̄ñequinare paja ihñaña. Sa yena tiquinare buhe, masigã yeya. <sup>23</sup> Tiquinare pecap̄ waboriquinare Cohãc̄j̄re ȳh̄d̄ogã yeya m̄sa. Sa yena apequinare paja ihñaña m̄sa. Tiquinare yedohona m̄sa ḡh̄u tiquina ñañe yeyere ihña c̄dedacãhña. Wete tiri suhtirore m̄sa yabiro saha, apequina tiquina ñañe yeyere yabiya, “Tiquina ñañe yeyere pihari”, nina.

### *Juda Cohãc̄j̄re tiquiro ño peoye ijire*

<sup>24-25</sup> Cohãc̄j̄ mari p̄htoro marine ihña ihbo masine “Ñañene yeari”, nino. Sa yero tiquiro marine ñañe buhiri marienare

uħmusepũ tiquiro cahapũ cũ masine. Sa marine topũ tiquiro cũgũ mari bucuenata. Tiquiro Cohãcjũ ihcãquiota ijire. Apequiro mariedare. Sa yero marine pecapũ wahaborinare yũhdũoriquiro ijire tiquiro. Tiquiro pehe panopũ, yojopare, ijipĩhtye decori gũhare quehnoa yũhdũariquiro, mari pũhtoro, tutua yũhdũariquiro, ijip-htyequinare dutiriquiro ijire. Tiquiro sa ijigũ mari pũhtoro Jesucristo yedohoro mehna tiquirore ño peouhna. Sata yeihna.

## Apocalipsis

*Camepɥre ahri deco dɥhse wahatire marine masigũ yeahye Jesucristo*

<sup>1</sup> Ahri pũpɥ Jesucristo marine tiquiro masigũ yerire yahu ojoagɥ niaja. Mari Pacɥ pehe tire yahu dutiro cũahye tiquirore, tiquiro yequinare tiquiro cahacjẽnare masigũ ye dutiro. Sa yero mianota dɥhse wahatire masigũ yeri tiquiro. Mehenogã dɥhsatjiãno nine sa wahato. Jesucristore tiquiro sa cũgũ tiquiro pehe angelre tire yɥhɥre Ñure yahu dutiro oho. <sup>2</sup> Sa yegɥ yɥhɥ Ñu ijipihtiyere yɥhɥ ihñarire yahu ojoagɥ niaja. Cohãcjũ ye yahuducuyere Jesucristo ye buheyere yahu ojoagɥ niaja.

<sup>3</sup> Ahri pũpɥ camepɥre dɥhse wahatire yahu ojoagɥ niaja. Mehenogã dɥhsatjiãno nine ahri ijipihtiyere sa wahato. Sa ye ijipihtiyequina ahri pũre buheyequina, yɥhɥ yahurire quehnoano tɥhoyequina ahri pũ nidiro saha yeyequina bucuyequina ijieta.

*Siete cururi cjẽnare Jesu yequina cahme-coañequinare ojoa ohoahye Ñu*

<sup>4</sup> Yɥhɥ, Ñu mɥsare siete cururi cjãnare Jesu yequinare Asia yehpa cjãnare ojoa ohoaja: Cohãcjũ tiquiro cahĩne mehna mɥsare quehnoa dutiaja. Sa yena tiquiro yedohoye mehna quehnoano ijiya mɥsa. Tiquiro panopɥta sa ijiducuriquiro ijie tiahye. Yojopɥ gũhɥre sa ijiducure. Camepɥ ahtarota. Tiquiro pũthoro dujiro poto ijiyequina siete pagɥ bajueyequina ijire. Tiquina cahĩne mehna mɥsare quehnoa dutiaja tja. <sup>5</sup> Cristo tiquiro cahĩne mehna mɥsare quehnoa dutiaja tja. Cohãcjũ yere ni mehono marieno yahuriquiro ijire tiquiro. Sa yero tiquiro yariari bato tiquiro masa mɥjari bato ne pari turi yariasi tiquiro. Sa yero ijipihtiyequina ahri yehpa cjẽna pũthoa tiquina bui pũthoro ijire tiquiro. Marine cahĩno tiquiro dii cohãri mehna mari ñañene coseri tiquiro. <sup>6</sup> Sa cosero marine pũthoa sõri tiquiro. Marine pahia wahagũ yeri tja. Cohãcjũ mari Pacɥ tiquiro yere yeatiquinare marine sa sõri

tiquiro. Ijipihtiyere decori “Tutuagɥ ijire mɥhɥ”, ni ño peoducueta ijipihtiyequina tiquirore. Ijipihtiyequina pũthoro sa ijiducure tiquiro. Sata ijiagro.

<sup>7</sup> Quehnoano wacũ masi cohteya mɥsa. Ehmeo cururi watoa dijia tarota Cristo. Tiquiro sa ahtagũ ihñæta ijipihtiyequina. Tiquirore quẽ biha wejẽdiquina gũhɥ tiquirore ihñæta. Sa ye tiquiro ahtagũ ihñæne ahri yehpa cjẽna ijipihtiyere cururi cjẽna tutuaro utieta. Sata utiaagro.

<sup>8</sup> Ohõ saha nine mari pũthoro Cohãcjũ: “Yɥhɥ ijipihtiyere bajumehnedigɥ ijiaja. Sa yegɥ ijipihtiyere pihtigũ yeacjɥ ijiaja. Tutua yɥhdɥdɥcagɥ ijiaja yɥhɥ. Panopɥ gũhɥre sa ijiducue tii. Yojopɥ gũhɥre sa ijiducujia. Came ahtaɥtja”, nine Cohãcjũ.

*Cristore asi siteriquirore tiquiro ihñarire yahuahye Ñu*

<sup>9</sup> Yɥhɥ Ñu mɥsa acayɥ Jesu yaquiro ijiaja. Sa yegɥ mɥsa yero saha yɥhɥ gũhɥ Jesu yere yɥhɥ yeri buhiri ñano yɥhdɥ. Sa yegɥ mɥsa yero saha yɥhɥre tiquina sa ñano yepegũta Jesu yedohoye mehna Jesure cohædɥ. Mari ihcãno saha tiquiro pũthoro ijiro cjãna ijiana ijiaja mari. Ya dihta cjẽna tiquina cohãrigɥ ijigɥ Patmo wame tiri nɥcɥopɥ ijiaja. Cohãcjũ yere, Jesucristo tiquiro buheri gũhɥre apequinare yɥhɥ buheri buhiri ohõpɥ tiquina cohãrigɥ ijiaja. <sup>10</sup> Ohõpɥ yɥhɥ ijigũ ihcã deco domingo ijigũ Espiritu Santo yɥhɥre quehẽnopɥ ihñono nidi. Tiquiro sa ihñogũ yɥhɥ behero pehepɥ tutuaro yahuducuro ca tari. Corneta tutuaro bisiro saha tutuaro bisiro ca tari tiquiro yahuducuye. <sup>11</sup> Ohõ saha nino ca tari yɥhɥ tɥhogũ:

—Yɥhɥ ijipihtiyere bajumehnedigɥ ijiaja. Sa yegɥ ijipihtiyere pihtigũ yeacjɥ ijiaja. Yojopɥ mɥhɥ ihñatire ojoatĩ pũpɥ ojoa ohõña. Mɥhɥ sa ojoa ohõri bato siete cururi cjẽnare Cohãcjũ yequinare ohoya ti pũre. Tiquina siete cururi Asia dihtapɥ ijiye macari cjẽna ijire. Efeso cjẽnare, Esmirna cjẽnare, Pẽrgamo cjẽnare, Tiatira cjẽnare, Sardis cjẽnare, Filadelfia cjẽnare, Laodicea cjẽnare mɥhɥ ihñatire ojoa ohoya, nino ca tari yɥhɥre.

<sup>12</sup> Tiquiro sa nigũ tɥhogɥ majaredɥcaɥ yɥhɥre yahuducuriquirore ihñagɥ tɥhɥ. Sa

majareducagü siete sihãñe pacare tiquina duhu peoye cjüre uru mehna tiquina yeri cjüre ihñau. <sup>13</sup> Ti cju watoa ducuriquirore masuno yero saha bajuriquirore ihñau. Tiquiro yoari suhtiro dahpocãripü esari suhtirore sañariquiro ijiri. Sa yero uru mehna tiquina yeri cahsero mehna tiquiro cutiro bui tãã dihoriquire ijiri. <sup>14</sup> Sa ye tiquiro poari buhsa cohoru yero saha yehseri. Sa ye tiquiro caperi peca pohna yero saha asiri. <sup>15</sup> Sa ye tiquiro dahpocãri bronca wame tiye come asiye come yero saha asi siteri. Broncere peca mehna tiquina quehnoano ujãa weri bato tire wahtere quehnoano asi paha dutiye. Ti quehnoano wahtenohriro yero saha tiquiro dahpocãri quehnoano asi siteri. Sa yero tiquiro yahuducuye peo tutuaro cuari peo yero saha tutuaro bisiro ca tari. <sup>16</sup> Tiquiro omoca poto pehe siete ñahpicoha pacare cãori. Sa yero tiquiro duseropü ñoseni pjĩ pua peheri siori pjĩne cuhñuri. Sa yero asũ deco cjãno tiquiro tutuaro asi sitero saha tiquiro wãhdoa tutuaro asi siteri.

<sup>17</sup> Sa yegü tiquirore ihñagü tiquiro dahpocãri cahapü doque quehe saü yariariquiro yero saha. Yuhü sa doque quehe sagü ihñano tiquiro poto pehe cjã omoca mehna yuhüre duhu peo ohõ saha nidi:

—Cueracãhña. Yuhü ijipihtiyere bajumehnedigü ijiaja. Sa yegü ijipihtiyere pihtigü yeacjü ijiaja. <sup>18</sup> Catigü ijiaja yuhü. Yariarigü ijimi. Yojoþure ihñaña. Ijipihtiyere decori sa catiducugü ijiaja yuhü. Pari turi masagü masare pari turi yariarigü ye masiaja yuhü. Sa yegü masare yariariquina tiquina ijiropü wahaeragü ye masiaja yuhü. <sup>19</sup> Sa yegü yojoþure wahatire ihñagü, ojoa ohõña. Camerü dũhse wahati gũhüre ihñagü ojoa ohõña mũhü. <sup>20</sup> Ahri siete ñahpicoha pacare yuhü poto pehe yuhü cãoye pacare yahutja mũhüre. Sa yegü siete sihãñe pacare tiquina duhu peoye cju uru cju gũhüre yahutja. Ohõ saha ijiye yahuyere panopü cjẽna masare ne yahuera tii. Ohõ saha ijire ti: Siete ñahpicoha paca siete cururi cjẽna yeequina pũhtoa ijiye nine, mari queoye mehna buhegü. Sa ye siete sihãñe pacare tiquina duhu peoye cju

siete cururi cjẽna yeequina ijiye nine, mari queoye mehna buhegü, nidi yuhüre.

## 2

*Efeso cjẽnare Jesu yequinare ojoa oho basa dũca dutiahye Ñure*

<sup>1</sup> Sa ni tuhasa ohõ saha ni nemori yuhüre ojoa dutiriquiro:

—Efeso cjẽna yeequina, tiquina pũhoro gũhüre ohõ saha ni ojoa oho basaya mũhü: “Yuhü omoca poto pehe siete ñahpicoha pacare cãogü ijiaja. Sa yegü siete sihã docoye cju watoa tinigü ijiaja. Sa tinigü ijigü mũsare ohõ saha ni yahuaia: <sup>2</sup> Ijipihtiyere mũsa yerire masi pehoaja. Yee ijiatire mũsa tutuaro dahrarire, yuhüre mũsa wacũ tutua duhuerari gũhüre quehnoano masiaja. Ñañene yeriquinare mũsa ihña yabigü gũhüre masiaja. Sa yena ‘Jesu buhe dutiro tiquiro cũrina ijiaja’, nimediquinare queoro tiquina buheragü ihñana, ni mehoñequina tiquina ijigü masidi mũsa. <sup>3</sup> Yeere mũsa yeri buhiri mũsa ñano yuhũepenata ihcãno sahari mũsa Efeso cjãna. Sa yena yuhüre ne duhuerari mũsa. <sup>4</sup> Sa quehnoano yena ijiepenata ihcãnore queoro yerari mũsa. Ahri ijire ti: Yuhüre mũsa quehnoano cahĩ mũhtariro saha yojoþure yerare mũsa. <sup>5</sup> Yuhüre mũsa cahĩ mũhtarire wacũña mũsa tja. Yojoþure yuhüre mũsa cahĩeda cjũrire wacũña. Sa yena mũsa ñañe yerire bujua witiya. Tire duhuya. Sa duhuna, yeere mũsa ye mũhtariro sahata yeya tja. Mũsa ñañe yerire mũsa duhueragü sojaro mehna sihãriare yuhü duhu peodu mũsa ya dũre yuhü dapodure ne cohãutja. (Sa nigü ohõ saha ni yahugü niaja mũsare. Mũsa to cjãna yuhüre cohãboaga. Sa cohãna to punota pihtinata mũsa ñañe yeyere duhuerana.) <sup>6</sup> Yuhüre cahĩeda cjũna ijiepenata ahrire quehnoano yeri mũsa: Nicolaita wame tiyequinare ñañequinare ihña yabire mũsa. Yuhü gũhü tiquinare ihña yabiaja. <sup>7</sup> Cahmo tina ijire mũsa. Sa yena mũsa ye cururi cjẽnare yeequinare Espĩritu Santo tiquiro yahurire tũhoya mũsa. Ohõ saha nine tiquiro: ‘Ijipihtiyequinare Jesure wacũ tutua duhuyequinare Cohãcjũ ya wese paraĩso wame tiro cjãdu dũcare ihya

dutiitja. Tɔ dɔca catigũ yeye ijire', nine Espíritu Santo", ni yahu ojoa oho basaya Efeso cjēna yeequinare, tiquina pɔhtoro gũhure.

*Esmirna cjēnare Jesu yequinare ojoa oho basa dutiahye Ñure*

<sup>8</sup> 'Esmirna cjēna yeequinare, tiquina pɔhtoro gũhure ohõ saha ni ojoa oho basaya mɔhɔ: "Yɔhɔ ijipihtiyere bajumehnedigɔ ijiaja. Sa yegɔ ijipihtiyere pihtigũ yeacjɔ ijiaja. Yariaa wahɔ. Pari turi catiaja tja. Sa yegɔ ohõ saha ni yahuaja mɔsare: <sup>9</sup> Mɔsa ñano yɔhdɔrيره masiaja. Pejescɔona mɔsa ijigũ gũhure masiaja. Sa ijiepenata Cohãcjũ yere quehnoañene pajiro cɔore mɔsa. Apequina pehe 'Judio masa ijiaja', nimediquina ni mehonẽquina ijire. Tiquina mɔsare ñano quti yerire masiaja. Tiquina Satana yequina ijire. <sup>10</sup> Yojoɔhure mɔsa ñano yɔhdɔatire cueracãhña. Tɔhoya mɔsa. Watino mɔsare Cohãcjũre duhu dutiro ihquẽquina mɔsa mehna cjēnare peresu ye dutirota. Pɔa omope decori waro ñano yɔhdɔnata mɔsa. Tiquina sa ñano yegũ mɔsare tiquina sa wejẽ duepegũta yɔhure, yee gũhure cohãedacãhña. Mɔsa sa yɔhure cohãedagũ ihñagɔ ijipihtiyere decori Cohãcjũ cahapɔ mɔsare sa ijiducugũ yeitja. <sup>11</sup> Cahmo tina ijire mɔsa. Sa yena mɔsa ye cururi cjēnare yeequinare Espíritu Santo yahurire tɔhoya mɔsa. Ohõ saha nine tiqui: 'Ijipihtiyequina Jesure wacũ tutua duhueyequina pecapɔ wahasi. Tiquina yariari bato pecapɔ wahasi', nine Espíritu Santo", ni ojoa oho basaya Esmirna cjēna yeequinare, tiquina pɔhtoro gũhure.

*Pérgamo cjēnare Jesu yequinare ojoa oho basa dutiahye Ñure*

<sup>12</sup> 'Pérgamo cjēna yeequinare, tiquina pɔhtoro gũhure ohõ saha ni ojoa oho basaya mɔhɔ: "Yɔhɔ ñoseni pɔj pɔa peheri siori pɔjine cɔogɔ ijiaja. Mɔsare ohõ saha ni yahutja: <sup>13</sup> Mɔsa yerire, mɔsa ya maca cjēna tiquina yeri gũhure masiaja. To cjēna pɔhtoro Satana ijire. To cjēna Satanare ño peoyequina Antipare yeere quehnoano yahuriquirore wejẽdi. Tiquiore tiquina sa wejẽgũ ihñæpenata yɔhure ne wacũ

tutua duhuerari mɔsa. <sup>14</sup> Mɔsa sa wacũ tutua duhuerapenata mehenogã yɔhure yɔhdɔdɔcari mɔsa. Ihquẽquina mɔsa mehna cjēna Balãa ye buheyere cahmene. Panopɔ Balac wame tiriquire pɔhtoro ohõ saha ni buhee tiri Balãa pehe: 'Israe masare yɔhdɔdɔca duana "Cohãcjũ ijire", mɔsa niñe queoyere ño peo mɔsa duhu peo ihyayere ihya dutiya tiquinare. Sa yena numia mehna ñano yegũ yeya tiquinare', ni buhee tiri Balãa mɔnana. Panopɔ tiquire yeriro saha yojoɔhure gũhure ñano yegũ yere ihquẽquina mɔsa mehna cjēna apequinare. <sup>15</sup> Sa ye tiquina yero saha apequina mɔsa mehna cjēna Nicolaita wame tiyequina ye buheye pehere cahmene. <sup>16</sup> Sa yena mɔsa ñañe yerire duhuya mɔsa. Mɔsa sa duhueragũ ihñagɔ sojaro mehna mɔsa cahapɔ wahagɔ, sa ñano yeyequina mehna cahmequitja yɔhɔ dɔseropɔ ijiri pɔj ñoseni pɔj mehna. <sup>17</sup> Cahmo tina ijire mɔsa. Sa yena mɔsa ye cururi cjēnare yeequinare Espíritu Santo tiquire yahurire tɔhoya mɔsa. Ohõ saha nine tiquire: 'Ijipihtiyequinare Jesure wacũ tutua duhueyequinare maná wame tiye ihyayere uhmɔse cjẽ ihyayere ohoutja. Yehseye utã paca gũhure ohoutja tiquinare. Ti utã pacapɔre wahma wamene yɔhɔ ojoa ohõati utã paca ijirota. Apequina ti wamene ne masisi. Ti utã pacare neñequina dihita ti wamene masieta', nine Espíritu Santo", ni ojoa oho basaya Pérgamo cjēna yeequinare, tiquina pɔhtoro gũhure.

*Tiatira cjēnare Jesu yequinare ojoa oho basa dutiahye Ñure*

<sup>18</sup> 'Tiatira cjēna yeequinare, tiquina pɔhtoro gũhure ohõ saha ni ojoa oho basaya mɔhɔ: "Yɔhɔ Cohãcjũ macɔ yɔhɔ caperi peca pohna yero saha asire. Sa ye yɔhɔ dahpocãri bronze wame tiye come tiquina wahteri come yero saha asi sitere. Mɔsare ohõ saha ni yahuaja.

<sup>19</sup> Mɔsa yerire masiaja yɔhɔ. Cohãcjũre, apequina gũhure mɔsa cahĩdire, yɔhure mɔsa cohãedarire, apequinare mɔsa yedohorire, ñano yɔhdɔepenata yɔhure mɔsa duhuerarire masiaja. Coã waropɔ mɔsa yeriro yɔhdɔoro yojoɔhure pehere

quehnoano ye nemona nine m̄sa. Ti ḡh̄ure masiaja ȳh̄h̄.

<sup>20</sup> M̄sa sa quehnoano yena ijiepenata oh̄o saha ȳh̄h̄ure ȳh̄d̄ud̄ucari m̄sa: Jezabe wame tiricoro ‘Coh̄ācj̄ū yere yahugo ijiaja’, ni mehoricoro m̄sare ticoro ñano buheḡū t̄h̄ona ticorore tuhtierari m̄sa. Ni meho buhero yeequinare ȳh̄h̄ cahacj̄ēnare numia mehna ñano yeḡū yere. Sa yero ‘Coh̄ācj̄ū ijire’, tiquina niñe queoyere apequina ño peo, tiquina duhu peoe tiri ihyayere. Ti ihyayere yeequinare ihya dutire ticoro. <sup>21</sup> Ticoro ñañene buj̄h̄a witiatire cohtenimi. Ȳh̄h̄ sa cohtepeḡūta m̄h̄a mehna ticoro ñano yeyere duhu duerari. <sup>22</sup> Ȳh̄h̄ure t̄h̄oya m̄sa. Ticorore dohatiḡū yeitja. Ticoro mehna ñano yeriquina ḡh̄ure dohatiḡū yeitja. Sa ye tiquina tutuaro ñano ȳh̄d̄ueta. Sata yeitja tiquinare ticoro mehna tiquina ñano yerire tiquina buj̄h̄a witieraḡū, tire tiquina duhueraḡū. <sup>23</sup> Sa yeḡū ticoro poh̄nene wej̄ēitja. Ȳh̄h̄ sa yeḡū ih̄ñañe ijipihtiyequina yeequina ȳh̄h̄ quehnoano masiḡū ijiḡū masieta. Masa t̄hotuyere tiquina tutuaro cahmeñe ḡh̄ure masiaja. Ȳh̄h̄ sa masiñene masieta tiquina ticorore ȳh̄h̄ buhiri dahreḡū ih̄ñañe. Ijipihtina m̄sa ñañene yeri buhirire buhiri dahreitja m̄sare. Sa yeḡū m̄sa quehnoañene yeri wapa pehere quehnoano yeitja m̄sare. <sup>24</sup> Apequina m̄sa mehna cj̄ēna Tiatira cj̄ēna ticoro ye buheyere cahmedari. M̄sa pehe Satana ye buheyere ‘Panop̄h̄a tiquiro yahuerari jiri’, tiquina niñe buheyere cahmedari m̄sa. Sa yeḡū m̄sa pehere duti nemosi ȳh̄h̄. <sup>25</sup> Ahri dihitare ye duti nemoutja m̄sare: M̄sa cahap̄h̄a ȳh̄h̄ tojoa tato pano ȳh̄h̄ buheyere m̄sa masidire ne mehenoḡā duhuerac̄āh̄ña. <sup>26-27</sup> Ijipihtiyequina ñañene duhuyequinare, yeere sa yeducuyequinare p̄h̄toa s̄outja. Ȳh̄h̄ Pac̄h̄a ȳh̄h̄ure tiquiro p̄h̄toro s̄ōriro sahata m̄sa ḡh̄ure p̄h̄toa s̄outja. Ijipihtiyē yehpari cj̄ēna bui p̄h̄toa s̄outja m̄sare. Sa p̄h̄toa saj̄āna, m̄sa docap̄h̄a ijieyequinare ijipihtiyē yehpari cj̄ēnare tutuaro dutinata m̄sa. Dih̄i suturire mari yuc̄aḡū mehna pohaḡū duita wahtiro saha tiquina duita pihtia

wahaeta. <sup>28</sup> Sa yeḡū m̄sare yeere ne duhuyequinare ñah̄picoha bohrea m̄ja tariare ohoutja m̄sare. Sa yeḡū m̄sa mehna ijiitja ȳh̄h̄.

<sup>29</sup> Cahmo tina ijire m̄sa. Sa yena m̄sa ye cururi cj̄ēnare yeequinare Esp̄ritu Santo tiquiro yahurire t̄h̄oya m̄sa”, ni ojoa oho basaya Tiatira cj̄ēna yeequinare, tiquina p̄h̄toro ḡh̄ure.

### 3

#### *Sardis cj̄ēnare Jesu yequinare ojoa oho basa dutiah̄ye Ñure*

<sup>1</sup> ‘Sardis cj̄ēna yeequinare, tiquina p̄h̄toro ḡh̄ure oh̄o saha ni ojoa oho basaya m̄h̄h̄: “Ȳh̄h̄ siete paḡū bajueyequinare Coh̄ācj̄ū yequinare c̄hoḡū ijiaja. Sa yeḡū siete ñah̄picoha pacare c̄hoḡū ijiaja. M̄sare oh̄o saha ni yahuaja:

M̄sa yerire masiaja. Oh̄o saha ni t̄hotumene apequina m̄sare: ‘Tiquina Coh̄ācj̄ū yere quehnoano ye pehoyequina ijire’, ni t̄hotumene m̄sare apequina. Tiquina sa ni t̄hotuepeḡūta Coh̄ācj̄ū yere quehnoano yerare m̄sa. <sup>2</sup> Sa yena quehnoano yeya m̄sa ‘Ñañene yeari’, nina. Coh̄ācj̄ū yere m̄sa masidire quehnoano wac̄ūña, ‘Tiquiro yere duhuari’, nina. Coh̄ācj̄ū ih̄ñaḡū quehnoano ye pehoerare m̄sa. <sup>3</sup> Sa yena yeere m̄sa t̄ho m̄htarire quehnoano wac̄ūña m̄sa. Sa wac̄ūna yeere yeya. M̄sa ñañe yerire duhuya. Ȳh̄h̄ nino saha m̄sa yeraḡū wac̄ūeno mehna m̄sare buhiri dahreitja. Yaque-riquiri wac̄ūeno mehna tiquiro yaquero saj̄āriro saha m̄sare wac̄ūeno mehna buhiri dahreitja. <sup>4</sup> Ih̄quēquina m̄sa mehna cj̄ēna Sardis cj̄ēna ñañene yeducuerare. Wete marieni suhtirore m̄sa sañaboriro saha ti ñañe yeyere piha duerare m̄sa. Sa quehnoana ijina, yehseri suhtiro sañana ȳh̄h̄ mehna ijinata m̄sa pehe. <sup>5</sup> Ijipihtiyequina yeere duhuyequina sata yehseye suhti sañaducuyequina ijietā. Sa yeye ȳh̄h̄ mehna sa ijiducuatiquina wamene tiquiro ojoa oh̄ōri t̄jup̄h̄a tiquina ḡh̄ū tiquina wamene ojoa oh̄ōnōh̄riquina ijietā. Tiquina wamene tiquiro ojoa oh̄ōrire cosesi ȳh̄h̄. Ȳh̄h̄ Pac̄h̄a ih̄ñonop̄h̄,

angele gũhũ tiquina ihñonopũ yeequina mũsa ijirire yahutja tiquinare.

<sup>6</sup> Cahmo tina ijire mũsa. Sa yena mũsa ye cururi cjẽnare yeequinare Espĩritu Santo tiquiro yahurire tũhoya mũsa”, ni ojoa oho basaya Sardis cjẽna yeequinare, tiquina pũhtoro gũhũre.

*Filadelfia cjẽnare Jesu yequinare ojoa oho basa dutiahye Ñũre*

<sup>7</sup> 'Filadelfia cjẽna yeequinare, tiquina pũhtoro gũhũre ohõ saha ni ojoa oho basaya mũhũ: “Yũhũ ñañe mariegũ ijiaja. Poto yegũ ijiaja. Davi mũnano panopũ cjãno sawire tiquiro cũboriro saha, masare tiquiro pũhtoro ijirorpũ tiquiro pũboriro saha yeitja yũhũ. Sa yegũ Cohãcjũ tiquiro pũhtoro ijirorpũ sajãtore yũhũ pũogũ ne apequina tire biha masiedare. Yũhũ bihagũ ne apequina pũo masiedare.

<sup>8</sup> Ijipihtiyere mũsa yeyere masiaja yũhũ. Wacũ tutuera cjũna ijiepenata yũhũ buheyere quehnoano tũhori mũsa. Sa yena yũhũre, yee gũhũre duhuerari mũsa. Sa yegũ yeere cũu mũsare. Sa ye apequina 'Tire yeracãhña', ni cahmota masiedare mũsare.

<sup>9</sup> Sa yegũ ohõ saha yeitja: Apequina mũsa caha ijiequina Satana yequina ijire. 'Judio masa ijiaja', niepeta judio masa waro ijierare. Tiquinare mũsa caha dũsepe curi mehna quehe sa, mũsare ño peogũ yeitja tiquinare. Yũhũ sa yegũ ihñañe mũsare yũhũ cahĩñene masieta tiquina. <sup>10</sup> Mũsare yeere yũhũ duhu dutieragũ tũhona quehnoano yũhtiri mũsa. Mũsa sa yegũ ihñagũ ahri yehpa cjẽna ijipihtiyequina tiquina ñano yũhdũati pje ijigũ mũsare cahmotautja. Ti pje ijipihtiyequina tiquina ñano yũhdũati pje ijirota. <sup>11</sup> Mehenogã dũhsare ahri yehpapũ yũhũ tojoa tato. Yeere mũsa masidire boeracãhña. Sa yena yũhũre sa yũhtiducuya, mũsa quehnoano yeri wapare 'Boari', nina. <sup>12</sup> Sa yegũ yeere sa yeducuyequinare yũhũ Pacũ ya wũhũ cjẽna ijiatiquinare cũtja tiquinare. Tiquiro ya wũhũ cjẽ botari ti yoari pje ijiducuro saha Cohãcjũ mehna ijiducugũ yeitja tiquinare. Sa ye tiquina mehna cjẽna sa ijiducuetã. Sa yegũ Cohãcjũ wũhũ cjẽ botaripũ yũhũ ojoa ohõno saha tiquinare tiquina paguripũ ohõ

saha ni ojoa ohõutja: Cohãcjũ yũhũ Pacũ wamene, tiquiro ya maca wame gũhũre ojoa ohõutja. Tiquiro ya maca wahma maca Jerusalẽ ijirota. Ti maca uhmũsepũ Cohãcjũ cahapũ ahtari maca ijirota. Yũhũ wahma wame cũoutja. Ti wame gũhũre ojoa ohõutja tiquina paguripũ.

<sup>13</sup> Cahmo tina ijire mũsa. Sa yena mũsa ye cururi cjẽnare yeequinare Espĩritu Santo yahurire tũhoya mũsa”, ni ojoa oho basaya Filadelfia cjẽna yeequinare, tiquina pũhtoro gũhũre.

*Laodicea cjẽnare Jesu yequinare ojoa oho basa dutiahye Ñũre*

<sup>14</sup> 'Laodicea cjẽna yeequinare, tiquina pũhtoro gũhũre ohõ saha ni ojoa oho basaya mũhũ: “Yũhũ poto yegũ ijiaja. Sa yegũ ni mehono marieno yũhũ ihñarire, yũhũ tũhorire sa yahuducugũ ijiaja. Ijipihtiyere mari Pacũ tiquiro yerire ye basagũ ijiaja yũhũ.

<sup>15</sup> Ijipihtiyere mũsa yerire masiaja yũhũ. Yũhũre wacũ tutuana ijiepenata mehenogã wacũ tutuana ijire mũsa. Ohõ saha ijire ti: Aco yũshũeye aco asũ mehna asi busuye aco yero saha ijire mũsa. Sata ijie acore mari coaero saha yũhũre wacũ tutuera cjũna mũsa ijigũ yũhũ gũhũ mũsare coeraja. Yũhũre mũsa quehnoano wacũ tutuagũ quehnoaboaga yũhũre. Yũhũre mũsa wacũ tutueragũ ñarĩboaga yũhũre. Ti yũhdũoro mehenogã wacũ tuana mũsa ijigũ ña yũhdũare. <sup>16</sup> Mũsa sa ijigũ ihñagũ yabi yũhdũaja yũhũ. Ñañe acore yũhũ sihco puti cohãno saha yũhũre mehenogã wacũ tutuayequinare yabi yũhdũaja yũhũ.

<sup>17</sup> Sa yena ohõ saha ni tũhotumene mũsa: 'Ijipihtiyere cũoaja. Ne yabe dũhsaerare marine', ni tũhotumene mũsa. Sa niepenata pejecũoyequina yero saha ijire mũsa. Sa yena suhti marieñequina bũe tiro saha Cohãcjũ ihñonopũ mũsa ñañe yerire bũe tiana ijire mũsa. Sa yena caperi bajueyequina tiquina ihña duayere tiquina masieno saha Cohãcjũ yere ne masiedare mũsa. <sup>18</sup> Mũsa sa yena ijigũ ihñagũ ohõ saha ni yahutja mũsare: Uru warore mũsa dúro saha quehnoañene yũhũ cũoyere neña mũsa. Mũsare yũhũre wacũ tutuagũ yeitja. Sa yena potota Cohãcjũ ye



mehna pajiro c̄onata. Sa yena yehseri suhtirore m̄usa dú m̄usa sañano saha ȳh̄h̄ dii coh̄ari mehna ȳh̄h̄ yariari mehna m̄usa ñañe yerire cosenohrina ijiya. Sa yena quehnoañe suhti sañañequina tiquina b̄ue tiero saha m̄usa ñañene cosenohrina ijina ne b̄ue tisi m̄usa ḡuh̄. Sa yena m̄usa caperire m̄usa aco tiri bato quehnoano m̄usare caperi bajuro saha Coh̄c̄j̄ yere quehnoano t̄ahoya, m̄usa masino quehnoano.

<sup>19</sup> Ijipihtiyequina ȳh̄h̄ cah̄ñequinare yahuaja. Sa yeḡu ȳh̄h̄ cah̄ñequina tiquina ijiḡu ih̄ñaḡu, tiquina ȳhtieraḡu tiquinare buhiri dahreja, tiquinare yedohoḡu t̄ah̄. Sa yena yee pehere tutuaro cahmeña. Sa yena ñañene duhuya. <sup>20</sup> T̄ahoya ȳh̄h̄re. M̄usa w̄h̄h̄re bihari w̄h̄h̄re ȳh̄h̄ esad̄ca ȳh̄h̄ sajã duaboriro saha m̄usa mehna c̄j̄ iji duaḡu niaja. Ȳh̄h̄ sa ye duaḡu t̄ahona ȳh̄h̄re m̄usa mehna iji dutiya. Yeequina ijiya. M̄usa sa ye dutiḡu m̄usa mehna ijiitja. Sa yeḡu mari siho ihyaro saha m̄usa mehna quehnoano ijiitja. Sa yena ȳh̄h̄ mehna c̄j̄na ijinata m̄usa. <sup>21</sup> Ñañene ȳh̄h̄ coh̄ari bato ȳh̄h̄ Pac̄u p̄h̄toro tiquiro dujiro cahap̄u dujiaja ȳh̄h̄ ḡuh̄ dutiḡu t̄ah̄. Sata m̄usa ḡuh̄ ñañene m̄usa duhuri bato ȳh̄h̄ p̄h̄toro dujiro cahap̄u dujinata m̄usa dutina tana. M̄usare ȳh̄h̄ cahap̄u dujiḡu yeitja.

<sup>22</sup> Cahmo tina ijire m̄usa. Sa yena m̄usa ye cururi c̄j̄nare yeequinare Esp̄ritu Santo tiquiro yahurire t̄ahoya m̄usa”, ni oja oho basaya Laodicea c̄j̄na yeequinare, tiquina p̄h̄toro ḡuh̄re, nidi ȳh̄h̄re oja dutiriquiro.

## 4

*Ɔhm̄sep̄u Coh̄c̄j̄ cahap̄u d̄usepe curi mehna quehe sa tiquina ño peoyere ih̄ñahye Ñu*

<sup>1</sup> Ȳh̄h̄re tiquiro sa ni yahuri bato Ɔhm̄sep̄u p̄õri sopecahare ih̄ñau. Pari turi corneta tutuaro bisiro saha tutuaro yahuducuye bisiro ca tari, ȳh̄h̄ t̄ahoḡu. Oh̄o saha nidi ȳh̄h̄ t̄ahoḡu.

—Oh̄õp̄u m̄aja taya. Ahri ȳh̄h̄ yahuati camer̄are sijoro saha waharota. Sa wahatire m̄ah̄re ih̄ñoutja. Ȳh̄h̄ nidiro sahata waharota, nino ca tari Ɔhm̄sep̄u.

<sup>2</sup> Tiquiro sa ni yahuḡata top̄u m̄aja esaḡu Esp̄ritu Santo tutuaye mehna ih̄ñaḡu nii. Sa yeḡu p̄h̄toro dujirore Ɔhm̄sep̄u ih̄ñau. Top̄u ih̄c̄aquiroy dujiri. <sup>3</sup> Sa yero quehnoano asi siteriquiro dujiri. Jaspe wame tiri Ɔtã yero saha, cornalina wame tiri Ɔtã yero saha quehnoano asi siteriquiro dujiri tiquiro. Sa yero buheni da esmeralda yero saha asi siteri da docap̄u dujiri tiquiro. <sup>4</sup> Sa yero tiquiro dujiro cahap̄u veinticuatro dujiyere ih̄ñau. Ti dujiye p̄h̄toa ye dujiye ȳh̄h̄ ih̄ña m̄ah̄tariquirore duji behtoari. Ti dujiyep̄u veinticuatro Jesu yequina p̄h̄toa dujiri. Yehseye suhti sañañequina iji. Sa ye p̄h̄toa pesaye behtori uru behtorire pesariquina iji tiquina. <sup>5</sup> Ȳh̄h̄ ih̄ña m̄ah̄tariquiro dujirop̄u miadoqueori. Sa yero sijoro saha ijiro bisiro ca tari. Ɔpo ḡuh̄ bisiro ca tari. Ti dujiro poto siete sih̄ñe paca iji. Siete sih̄ñe paca mehna tiquiro queoye mehna buheḡu Coh̄c̄j̄ yequina siete paḡu bajueyequina iji. <sup>6</sup> Sa yero tiquiro dujiro poto pajiri ma yero saha vidrio yero saha, quehnoano aco sitiri ma yero saha iji.

Ti dujiro cahap̄u pititiaro sijoro saha bajueyequina iji. Tiquina paḡari paa pehe ḡuh̄re tiquina behero pehe pehe ḡuh̄re peye caperi tiyequina iji tiquina. <sup>7</sup> Ȳh̄h̄ ih̄ña m̄ah̄tariquiro sijoro saha bajuriquiro yairo soh̄ariquiro yero saha bajuri. Tiquiro bato ijiriquiro wec̄u yero saha bajuri. Tiquina bato ijiriquiro mas̄no w̄h̄do saha w̄h̄do tiri quiro iji. Tiquina ihtiaro bato ijiriquiro cac̄u w̄ye d̄ap̄urire seõ dujiri quiro yero saha bajuri. <sup>8</sup> Tiquiro seis d̄ap̄ari w̄ye d̄ap̄ari tiri quiro iji. Tiquiro mehna c̄j̄na ḡuh̄ sa dihita w̄ye d̄ap̄ari tiri. Sa ye tiquina w̄ye d̄ap̄ari p̄ua peherip̄ata peye caperi tiye d̄ap̄ari iji. Sa ye decoripe, ñaminipe sa basaducuye nidi. Ne basa duhuerari. Oh̄o saha ni basari:

Quehnoariquiro, quehnoariquiro, quehnoariquiro, Coh̄c̄j̄ mari p̄h̄toro tutua ȳh̄d̄uriquiro ijire. Tiquiro panop̄ata sa ijiducuahye. Yojoyu

gãhare sa ijiducure. Camepũ ahtarota, ni basaducuye nidi.

<sup>9</sup> Sa basaye tiquina pititiaro sijoro saha bajuyequina tiquiro tutuayere basa peoye nidi. Sa ye tiquirore ijipihtiye decori ijiducuriquirore ño peoye “Quehnoare”, niñe nidi. <sup>10</sup> Tiquina sa ye peogũ ihñañe veinticuatro Jesu yequina pãtoa pehe pãtoro dujiropũ dujiriquiro poto dũsepe curi mehna quehe sa, tiquirore ño peori. Tiquiro ijipihtiye decori ijiducuriquiro ijire. Sa ño peoye tiquina pãtoa pesaye behtorire tiquiro dujiro caha doque peori. Sa doque peoye ohõ saha nidi tiquina:

<sup>11</sup> Mũhũ Cohãcjũ usã pãto waro ijire. Tutuagũ, quehnoagũ ijire mũhũ. Mũhũ usã ño peogũta ijigũ nine. Mũhare sa ño peoducuro cahmene usãre. Ijipihtiyere bajumehnedigũ ijire mũhũ. Mũhũ cahmediro sahata ti ijipihtiyere bajumehneahye mũhũ, nidi tiquina Cohãcjũre, topũ dujiriquirore.

## 5

*Ojoari pũre torẽdi tunure cordero gãhare yahuahye Ñu*

<sup>1</sup> Came topũ dujiriquiro tiquiro omoca poto pehe tiquiro cãori pũre ojoari pũre ihñaũ. Ti pũ pãa peheri ojoari pũ tiquiro torẽdi tunu ijiri. Sa yero siete piha ñeheñe mehna tiquiro piha ñehedi tunu ijiri. <sup>2</sup> Sa yegũ tutuariquiro angelre ihñaũ. Tiquiro tutuaro yahuducuye mehna ohõ saha ni yahuri:

—Ahri tunure piha ñeheñene quehnoariquiro dihita tãhrẽ masine. ¿Diquiro pehe ijiajari tãhrẽatiquiro? nidi tiquiro angel.

<sup>3</sup> Sa nieperota tiquina ti tunure tãhrẽatiquirore bocaerari. Ti tunure tãhrẽatiquirore, quehnoariquirore bocaerari. Uhmũsepũ, ahri yehpapũ, catiyequina watoapũ, yaria tuhasariquina watoapũ ne ti tunure ñeheñene tãhrẽatiquiro mariedari. Sa yero ti tunure buheatiquiro mariedari.

<sup>4</sup> Sa yegũ tãhrẽatiquirore, ti pũre buheatiquirore tiquina bocaeragũ ihñaagũ tutuaro utii yũhũ. <sup>5</sup> Yũhũ sa utigũ ihñaano ihcãquiro Jesu yequina pãtoa mehna cjãno ohõ saha nidi yũhare:

—Utieracãhña. Ti tunure ñeheñene ihcãquiro tãhrẽ masine. Tiquiro Judã ya curua cjãno tutuariquiro ijire. Tutuariquiro ijiro “Yairo sohãriquiro”, tiquina ni pisuriquiro ijire. Tiquiro pãtoro Davi panamino iji turariquiro ijire. Watĩnore yãhdũdũcariquiro ijire tiquiro. Sa yero tiquiro ti tunure siete ñeheñene tãhrẽ masidiquiro ijire, nidi tiquiro yũhare.

<sup>6</sup> Tiquiro sa nigũ tãhogũ pãtoro dujiro poto cordero ducugũ ihñaũ. Pititiaro sijoro saha bajuyequina, Jesu yequina pãtoa gãhũ tiquina watoa ducuri cordero. Tiquiro tiquina wejẽdiquiro manano saha bajuri. Siete sahari tiriquiro, siete caperi tiriquiro ijiri. Ti siete caperi mehna tiquiro queoye mehna buhegũ Cohãcjũ yequina pagũ bajueyequina siete bajueyequina yero saha ijire. Tiquina tiquiro yequina pagũ bajueyequina ijipihitiro ahri yehpapũ Cohãcjũ ohoriquina ijiri. <sup>7</sup> Sa yero cordero pehe pãtoro dujiro cahapũ esaro, tiquiro poto pehe cãori tunure tãã we nedi tiquirore. <sup>8</sup> Tiquiro sa tãã we negũ ihñañe cuatro sijoro bajuyequina, veinticuatro pãtoa gãhũ cordero poto dũsepe curi mehna quehe sa, tiquirore ño peori. Tiquina pãtoa ijipihtiyequina arpa wame tiye bũã pãtẽñene, uru pari gãhare cãori. Ti pari bueye ehme sitiye quehnoano wahpaye pose tiye pari ijiri. Ti ehme sitiye mehna tiquiro queoye mehna buhegũ Cohãcjũ yequina tiquirore tiquina sini basari yero saha ijiri. <sup>9-10</sup> Sa tiquirore ño peoye ohõ saha ni wahma basayere tiquina basa peori tiquirore:

Mũhũ tiquina wejẽdigũ ijire. Sa yegũ mũhũ dii cohãri mehna usã ñañe yerire coseri mũhũ Cohãcjũ yequina usãre iji dutigũ. Sa yegũ usãre ijipihtiye cururi cjãnare, ijipihtiye yahuducuyere yahuducunare, ijipihitine yehpari cjãnare usãpe usãre ijipihitinare mũhare cahmena dihitare usã ñañe yerire mũhũ dii cohãri mehna cosere mũhũ Cohãcjũ yequina usãre iji dutigũ. Usãre ijipihitinare Cohãcjũ yequina ijiatinare cãri mũhũ. Sa yegũ pahia cãri mũhũ usãre Cohãcjũ cahacjãna usãre iji dutigũ. Sa yegũ peye yehpari cjãna

bui p̄ahtoa s̄ōri m̄aħu ūs̄āre. Sa yerigu ijigu m̄aħu ti tunure piha ñeheñene t̄ahr̄ēac̄j̄a ijire m̄aħu, ni basa peori tiquina corderore.

11 Pari turi ihñagu millones angele parire ihñau. P̄ahtoro dujirore pititiaro sijoro saha bajuyequinare, veinticuatro p̄ahtoare angele pehe tiquinare wahme d̄uca sari. Tiquina angele pari tutuaro tiquina sañuducu peoḡu ihñau. 12 Ohō saha ni tutuaro yahuducu peori tiquina:

Cordero tiquina wej̄ēdiḡu m̄aħu ijipihtiyequinare dutigu, ijipihtiyere c̄uoḡu, masi pehoḡu, tutua ȳahd̄uḡu ijire m̄aħu. Masa tiquina ñañe buhiri tiquina wej̄ēdiḡu m̄aħu ijiḡu ihñana sa ni ño peoaja m̄aħure. “Quehnoa ȳahd̄uḡu ijire”, ninatja m̄aħure. M̄aħure quehnoano yahuducunatja, ni yahuducu peori angele pari.

13 Sa yeḡu apequina ḡuh̄ure tiquina yahuducu peoye ca taḡu t̄ahou. Ijipihtiyequinina aħm̄use c̄j̄ēna, ahri yehpa c̄j̄ēna, catiyequinina, yariariquinina ḡuh̄u, pajiri ma c̄j̄ēna, ijipihitrop̄u ijiyequinina ohō saha ni yahuducu peoye ca tari:

Coh̄āc̄j̄ure m̄aħu dujirop̄u dujiḡure, Cordero ḡuh̄ure m̄usare p̄uanare quehnoano yahuducunatja. M̄usare ño peonatja. “Quehnoa ȳahd̄ana ijire. Tutua ȳahd̄ana ijire”, nina, ijipihtiye decori sa niducunatja m̄usare, ni yahuducu peoye ca tari.

14 Sa ye tiquina pititiaro sijoro saha bajuyequina tiquina sa yahuducu peoḡu t̄ahoye “Sata ni yahuducu peoahro”, nidi. Sa ye Jesu yequina p̄ahtoa pehe d̄usepe curi mehna quehe sa Coh̄āc̄j̄ure, Cordero ḡuh̄ure ño peori.

## 6

### *Papera tunure tiquiro nedi tunure piha ñeheñene t̄ahr̄ēne Cordero*

1 Came papera tunure tiquiro nedi tunure Cordero piha ñehe m̄ahtarirore t̄ahr̄ēdi. Tiquiro sa t̄ahr̄ēḡu ihñau. Tiquiro sa t̄ahr̄ēdi bato ihc̄āq̄uīro sijoro saha bajuyequina mehna c̄j̄āno, “Ihñana ahtaya”, nidi. Sa nino ūpo yero saha bisiri tiquiro.

2 Tiquiro sa nidi bato ihñau ȳaħu. Yehseriquiro caballore ihñau. Tiquiro bui pesariquiro b̄ued̄are c̄uori. Tiquirore p̄ahtoro pesari behtore ohori apequiro pehe. Tiquiro sa ohori bato tiquiro pehe tiquirore ihña tuhtiyequinare ȳahd̄ud̄ucaro wahari.

3 Came ihc̄āno ñehenore t̄ahr̄ē tuhasa Cordero apero ñehenore t̄ahr̄ēdi tja. Tiquiro sa t̄ahr̄ēdi bato apequiro sijoro saha bajuyequina mehna c̄j̄āno “Ihñana ahtaya”, tiquiro niḡu t̄ahou tja.

4 Sa yeḡu apequiro caballore soh̄āriquirore ihñau tja. Tiquiro bui pesariquirore tutuayere ohori apequiro pehe. Ahri yehpa c̄j̄ēnare cahme wej̄ē dutiatiquirore c̄ūri tiquirore. Sa ye ijipihitiro c̄j̄ēna cahme wej̄ēta ahri yehpap̄u. Sa yero pajiri p̄j̄i ñoseni p̄j̄ine ohori tiquirore.

5 Came p̄arore t̄ahr̄ē tuhasa Cordero apero ñehenore t̄ahr̄ēdi tja. Tiquiro sa yeḡu p̄arore tiquina yahuducuri bato apequiro sijoro saha bajuyequina mehna c̄j̄āno “Ihñana ahtaya”, tiquiro niḡu t̄ahou.

Tiquiro sa nidi bato ñiniquiro caballore ihñau. Tiquiro bui pesariquiro balanza n̄uc̄añe queorore c̄uori. 6 Tiquirore ȳaħu ihñari bato sijoro saha bajuyequina watoap̄u ohō saha bisiro ca tari:

—Ihc̄ā deco dahrari wapa mehna trigore ihc̄ā kilota dúeta masa. Ihc̄ā deco dahrari wapa mehna cebada wame tiye p̄jerire ihtia kilota dúeta masa. Trigo, cebada ḡuh̄u pihtia waharota. Sa ye ti wapa b̄uj̄aninota. Sa ijiepeḡata ihyaye dahreye aħse, vino ḡuh̄u peye ijininota, nino ca tari.

7 Came ihtiarore t̄ahr̄ē tuhasa Cordero apero ñehenore t̄ahr̄ēdi tja. Tiquiro sa t̄ahr̄ēdi bato apequiro sijoro saha bajuyequina mehna c̄j̄āno iji bato tiriquiro “Ihñana ahtaya”, nidi tja.

8 Tiquiro sa niḡu t̄ahoḡu opoariquiro caballore ihñau. Tiquiro bui pesariquiro “Yariaḡu yeriquiro”, wame tiri. Sa yero tiquiro bato ahtariquiro “Peca”, wame tiri. Sa yero tiquinare tutuayere ohori apequiro pehe. Ahri yehpap̄ure deco mehna ijiyequinina docap̄u peyequinina masare wej̄ē dutiri. Cahme wej̄ēñe mehna, ūj̄a aħbaye mehna, dohatiye mehna, wahiquina

nɔcɔri cjēna usuayequina mehna peyequina masare tiquina wejēatire cūri tiquinare.

<sup>9</sup> Came pititiaro ñehedire tahrē tuhasa Cordero apero ñehenore tahrēdi tja. Tiquiro sa tahrēgū altar docapɔ Jesu yequinare tiquina wejēdiquina jeripohnarine ihñaa. Cohācjū yere tiquina yahuri buhiri, “Jesu yequina ijiaja”, tiquina ni yahuri buhiri tiquinare wejēdi jiri. <sup>10</sup> Tiquina sañuducuye ohō saha nidi Cohācjūre:

—Mɔhɔ usā pɔhto, ñañe mariegɔ, ni mehoñe mariegɔ, mɔhɔ nidiro sahata yegɔ ijire mɔhɔ. ¿Ahri yehpa cjēnare, usāre wejēdiquinare dɔhse ijigū buhiri dahreitjari mɔhɔ? ni sañuducuri tiquina.

<sup>11</sup> Sa yero tiquinare yehseye suhti yoaye suhtire ohori. Tiquinare sa ohoro ohō saha nidi tiquinare:

—Sorñña. Apequina mɔsa acaye Jesu yequina mɔsa yeriro sahata yojopɔ gūhɔre quehnoañe buheyere buheniñe nine. Mɔsare tiquina wejēdiro sahata tiquina gūhɔre tiquina wejē pehoato dɔhsarñe. Sa yena tiquinare ijipihtiyequinare tiquina wejēato pano mehenogā sorñña mɔsa, nidi tiquinare.

<sup>12</sup> Came ihcā omope ñehedire tahrē tuhasa Cordero apero ñehenore tahrēdi tja. Tore tiquiro sa tahrēgūta tutuaro yehpa ñuhmidí. Sa yero asū deco cjāno ñiniquiro wahari. Ñini suhtiro yero saha ñiniquiro wahari. Sa yero asū ñami cjāno dii yero saha sohāriquiro wahari. <sup>13</sup> Sa ye ñahpicoha paca yehpapɔ bora dijiaa wahari. Yucɔ dɔca yahsayere wihnono wē bure dijioro saha ñahpicoha paca bora dijiaa wahari.

<sup>14</sup> Sa yero ɔhmɔse butia wahari. Papera tunure mari torēgū bajuero saha bajuerari ɔhmɔse. Sa ye ijipihtiye cɔnɔ cjɔ gūhɔ, nɔcɔpɔ gūhɔ ape sierɔ esadɔcari.

<sup>15</sup> Sa wahagū ihñañe, ahri yehpa cjēna pɔhtoa cɔnɔ cjɔ cjē utā wɔhɔsepɔ duhtiri. Apequina pɔhtoa, surara pɔhtoa, doeri cjē opana, tutuayequina, ijipihtiyequina tiquina cahacjēna, cahacjēna ijieyequina gūhɔ topɔta duhtimedí. <sup>16</sup> Sa duhtiye, cɔnɔ cjɔre, utā wɔhɔse gūhɔre ohō saha nidi:

—Usā bui bora pjeya. Usāre nɔoña. Siquiro pɔhtorore, dujiropɔ dujiriquire

cue yɔhɔɔaja. Cordero usāre ñano buhiri dahrerota. Sa yena nɔoña usāre. <sup>17</sup> Ijipihtiyequinare tutuaro buhiri dahreati deco iji tuhasare. Sa ye ti buhiri dahreatire ne ihcāquiro duhtiriquiro ihcāno sahasi, nidi tiquina ijipihtiyequina.

## 7

*Israe masa pagɔrire Cohācjū tiquiro wame ña ohōatire yahuahye Ñu*

<sup>1</sup> Came pititiaro angelere ihñaa. Tiquina ijipihtiropɔ wahari. Ihcāquiro nortepɔ waharo topɔ ahtari wihnonore ahtaeragū yeri. Apequiro surpɔ, apequiro asū mɔja taropɔ, apequiro asū sajānopɔ wahaye, nortepɔ wahariquiro yero saha yeri tiquina gūhɔ. Sa yero ahri yehpapɔ, pajiri mapɔ gūhɔre ne wihnono ahtaerari. Ne ihcāɔ yucɔgure wihnono ñuhmigū yerari.

<sup>2</sup> Sa yegɔ apequiro angelre ihñaa tja. Asū mɔja taropɔ ahtaro nidi tiquiro. Cohācjū catiriquiro tiquiro wame ña ohōnore ne cāhtaro nidi tiquiro. Sa ne cāhtaro apequina pititiaro angelere tiquiro sañuducuri. Tiquina angele pehe ahri yehpare, pajiri ma gūhɔre Cohācjū tiquiro ñano wahagū ye dutinohriquinapɔ ijiri. <sup>3</sup> Tiquinare sañuducuro ohō saha nidi angel:

—Cohteniña. Cohācjū cahacjēna tiquina wɔhɔdoa pacare tiquiro wamene ohōna tana niaja. Usā sa ohōato pano ahri yehpare, pajiri mare, yucɔri gūhɔre ñano wahagū yeracāhñña mɔsa, nidi tiquiro apequina pititiaro angelere.

<sup>4</sup> Sa yero Cohācjū tiquiro wame mehna tiquina wɔhɔdoa pacare tiquina ohōatiquinare “Ohōpequina ijire”, ni yahuri yɔhɔre ihcāquiro. Israe masa doce cururi cjēna ciento cuarenta y cuatro mil masa tiquina ohōatiquina ijiñohti. <sup>5</sup> Ahriquina ijiñohti tiquina ohōatiquina: Doce mil masa Judá panamena iji turiayequina tiquina ohōatiquina ijiri. Apequina doce mil masa Rubē panamena iji turiayequina tiquina ohōatiquina ijiri. Apequina doce mil masa Gad panamena iji turiayequina tiquina ohōatiquina ijiri. <sup>6</sup> Apequina doce mil masa Aser panamena iji turiayequina, apequina

doce mil masa Neftalí panamena iji turiayequina, apequina doce mil masa Manase panamena iji turiayequina tiquina ohōatiquina ijiri. <sup>7</sup> Apequina doce mil masa Simeo panamena iji turiayequina, apequina doce mil masa Leví panamena iji turiayequina, apequina doce mil masa Isacár panamena iji turiayequina tiquina ohōatiquina ijiri. <sup>8</sup> Apequina doce mil masa Zabulón panamena iji turiayequina, apequina doce mil masa José panamena iji turiayequina, apequina doce mil masa Benjami panamena iji turiayequina tiquina ohōatiquina ijiri. Topequinata ijipihtiyequina masa ciento cuarenta y cuatro mil tiquiro wame mehna tiquiro ohōatiquina ijiri.

*Peyequina yehseye suhti sañañequinare yahuahye Ñu marine*

<sup>9</sup> Came peyequina masare ihñaa. Ijipihtiye yehpari cjēnare, ijipihtiye cururi cjēnare, ijipihtiye yahuducuyere yahuducuyequinare, ijipihtiye macari cjēnare peyequinare Cristore cahmeñequina dihitare topa ducuyequinare ihñaa. Pūhoro dujiro poto, Cordero caha ducuri tiquina masa. Peyequina masa ijiri. Sa ye queo pehoyequina ijierari. Yehseye suhti sañañequina ijiri tiquina. Sa ye iqui pohnarine cūori. <sup>10</sup> Sa ye tiquina ijipihtiyequina ohō saha ni tutuaro sañuducuri:

Cohācjū ijire usāre yūhdūoriquiro. Tiquiro dujiropu dujiriqiro ijire. Cordero gūhu usāre yūhdūoriquiro ijire, ni sañuducuri tiquina.

<sup>11</sup> Sa ye ijipihtiyequina angele, Jesu yequina pūhtoa gūhu, sijoro saha bajuequina mehna pūhoro dujiro cahapu ducuri. Sa ducuye tiquiro dujiro poto dūsepe curi mehna quehe sa, Cohācjūre ño peori. <sup>12</sup> Ohō saha ni ño peori tiquina:

Sa tjire. Cohācjū usā pūhto, mūhare quehnoano yahuducujaja. Quehnoa yūhdūagu ijire mūhu. Masi pehogu ijire mūhu. Mūhare “Quehnoare”, niaja. Mūhare ño peoaja. Tutua yūhdūagu ijire mūhu. Mūhu tutuaye mehna yerigu ijire mūhu. Sa ijiducugu ijire mūhu ijipihtiye decori. Sa tjire, ni ño peori tiquina.

<sup>13</sup> Sa yero ihcāquiro Jesu yequina pūhtoa mehna cjūno yūhare sinituri:

—¿Ahriquina yehseye suhti sañañequinare masiajari mūhu? ¿Tiquina ahtaritore masiajari mūhu? ni sinituri yūhare.

<sup>14</sup> Tiquiro sa nigū tūhogu,

—Masiedaja, ni yūhtii.

—¿Noa ijiajari tiquina? ni sinituu tiquirore.

Yūhu sa nigū tūhoro ohō saha nidi yūhare:

—Ahriquina ña yūhdūaro yūhdūari deco ijigū ihcāno sahayequina ijire. Tiquina suhti cosenohriquina tiquina ijiro saha Cordero tiquiro dii cohāno mehna tiquina ñañene cosenohriquina ijire. Sa ye quehnoano yehseye suhti sañañequina ijire.

<sup>15</sup> Sa tiquiro cosenohriquina ijiye Cohācjū dujiro poto tiquirore sa ño peoducure. Decoripe, ñaminipe tiquirore sa ño peoducure, pahia Cohācjū wūhupu tiquina yeriro saha. Sa yero tiquina mehna sa ijiducuro, tiquinare yedohorota Cohācjū “Sijoro saha wahari”, nino. <sup>16</sup> Ne pari turi ujua ahbasi tiquina. Sa ye ne aco wūosi tiquina. Ne asū deco cjūno asiyere tiquina asiye posi. Tutuaro asiye tiquinare ñano yūhdūgū yesi.

<sup>17</sup> Pūhoro dujiro poto ducuriqiro Cordero tiquinare ihña ihborota. Ovejare ihña ihboriquiro yero saha tiquinare ihña ihborota. Sa yero mări pohteripu catigū yeye mări pohteripu tiquinare uhmū tā cānota, ovejare ihña ihboriquiro tiquiro uhmū tā cāno saha. Sa yero sa bucueducugū yerota tiquinare. Sa ye ne pari turi utisi tiquina, nidi Jesu yequina pūhtoa mehna cjūno yūhare.

## 8

*Seis papera tunurine tiquina piha ñehedire tūhrē tuhasaro aperore tūhrēahye tja Cordero*

<sup>1</sup> Seis papera tunurine tiquina piha ñehedire tūhrē tuhasaro aperore tūhrēdi tja Cordero. Tiquiro sa tūhrē tuhasagū hora

deco topu umusepu quehnoano dihta mariaa wahari. <sup>2</sup> Sa yegu siete angelere Cohacju poto ducuyequinare ihna. Sa yero tiquinare siete cornetarire ohori apequiro. <sup>3</sup> Apequiro angel uru pare bueye ehme sitiye pose yeati pare coriquiro altar cahapu esa, ducuri. Topu tiquiro ducugu peye ehme sitiye tiquirore ohori ijipihiyequina Cohacju yequina tiquirore tiquina sinidi mehna moreatire. Sa yero uru altarpu Cohacju dujiro caha ijiri altarpu ti ehme sitiye bueri Cohacjare. <sup>4</sup> Sa ye angel tiquiro cori pa cje ehme sitiye altarpu tiquiro poho siteri bato ti ehme sitiye cje ohmeo Cohacju yequina tiquirore tiquina sinidi mehna mujaa wahari. <sup>5</sup> Sa wahari bato altar cje nitine ti papu wehe saa tuhasa, yehpapu doque cūri. Tiquiro sa doque cūgūta mia sitedoqueo, tutuaro upo pari. Sa yero sijoro saha ijiro bisi maa, yehpa nūhmi maari.

### *Cornetarire yahuahye Ñu*

<sup>6</sup> Came siete angele tiquinape tiquina cornetarire putie tee nidi.

<sup>7</sup> Ihcaquiro angel tiquiro yariare puti mahtari. Tiquiro sa putigū aco paca yusaye paca, peca mehna, dii mehna morene paca yehpapu doque dijiori. Sa doque dijigūta yehpa ujūa wahari. Ohō puno ujūri: Ahri yehpa deco esaro taro yemehno ujūa wahari. Sa yero to puno poseta yucūri gūhu, taa gūhu ujūa wahari.

<sup>8</sup> Angel ihcaquiro tiquiro sa puti mahtari bato apequiro angel tiquiro yaria cornetare putiri tja. Tiquiro sa putigū pajidū canū yero saha bajudū quehnoano ujāducudū pajiri mapure waha maa űojoaa wahari. Sa yero yehpa ujūriro puno to punota pajiri ma dii ma dojoa wahari. <sup>9</sup> Sa ye pajiri ma cjenā wahi deco mehna meheno esaboro yariaa wahari. Sa ye tope yucūsari gūhu minia wahari pajiri mapure.

<sup>10</sup> Pūaro angele tiquina putiri bato apequiro angel gūhu tiquiro yaria cornetare putiri tja. Tiquiro sa putigū pajiria űahpicoha, sihāria yero saha asiria yehpapu bora sa quehea wahari. Ahri yehpa cje māri deco mehna meheno esaboro tope māri bui bora sa quehea wahari űahpicoha. Tope māri pohteri bui bora sa

quehea wahari. <sup>11</sup> Tope mārita sūēne māri wahari. Sa wahagū peyequina masa ti māri cje acore sihnime, yariaa wahari. Tia űahpicoha “Sūēnia”, wame tiri.

<sup>12</sup> Ihtiaro angele tiquina putiri bato apequiro angel gūhu tiquiro yaria cornetare putiri tja. Tiquiro sa putigū asū deco cūno, űami cūno gūhu deco mehna meheno esaboro dojoa wahari. űahpicoha pari gūhu deco mehna meheno esaboro tope pacata dojoa wahari. Tope paca umuse cje paca quehnoano buhrioterari. Decopu pititia hora waro asū deco cūno ne buhrioterari. űamine pititia hora waro asū űami cūno, űahpicoha pari gūhu ne buhrioterari.

<sup>13</sup> Came ihñadoque mūou tja. Umusepu wūriquirore cacūre ihna. Sa yegu tiquiro sañuducugū tūhou. Ohō saha nidi tiquiro:

—űa yūhdūare. űa yūhdūare. Ihtiaro angele dūhsari yojopu putiatiquina. Tiquina putiri bato űa yūhdūaro waharota. Sa wahagū ahri yehpapu ijieyequina űa yūhdūaro yūhdūeta, nidi tiquiro.

## 9

<sup>1</sup> Came pititiaro angele tiquina putiri bato apequiro angel tiquiro yaria cornetare putiri tja. Tiquiro sa putigū űahpicoha yero saha ijiriquiro angel umusepu bora dijia tariquirore ihna. Sa yero tiquirore uhcūari cope cja sawire ohori. <sup>2</sup> Sa yero tiquiro ti copere tiquiro pōogū peca ohmeo wijari. Pajiri peca cje ohmeo yero saha pajiro ohmeo wijari ti copere. Sa wijaro ti ohmeo duita asū deco cjanore, umuse gūhure butia wahagū yeri. <sup>3</sup> Sa ye ti ohmeo puhiapu ijieyequina poreroa yehpapu ahtari. Sa ye cutipa tiquina tutuaro purīno saha tiquina gūhu tutuaro purīdi. <sup>4</sup> Sa yero taare, yucūrire, apeye oteyere űano ye dutierari tiquinare. Masa dihitare űano ye dutiri tiquinare. Cohacju wamene tiquina wūhdoa pacare ohōmehneűequina dihitare űano ye dutiri tiquinare poreroare. <sup>5</sup> Sa űano ye dutieperota tiquinare wejē dutierari. Tiquinare wejē dutieraperota ihcā omope asūri waro tiquinare űano purīgū ye dutiri. Cutipa toaye tiquina purīno saha purīgū yeyequina ijiri poreroa gūhu.

<sup>6</sup> Tiquinare tiquina sa purīgū yegū masa yariaa duaeta. Tiquina sa yaria duepegūta tiquinare yaria dutisi.

<sup>7</sup> Poreroa pehe caballoa yero saha bajuri. Tiquina cahme wejēato pano caballoare tiquina suhti sāariro saha sa bajuyequina ijiri tiquina poreroa gūhū. Tiquina dapu paca bui pūhtoa pesaye behtori uru behtori yero saha bajuri. Tiquina wūhdoa paca masa yero saha bajuri. <sup>8</sup> Tiquina poari numia poari yero saha ijiri. Sa ye tiquina upiri yayia upiri yero saha ijiri. <sup>9</sup> Jeripohna cahmotari cahsero come cahsero yero saha bajuri tiquina cutiro. Sa ye tiquina wūgū peyequina caballoa omañequina tiquina omano saha tiquina wūgū bisiri. Caballoa tunuñe paca wejeyequina tiquina cahme wejēnopū wahaye, tiquina bisiro saha bisiri poreroa wūgū. <sup>10</sup> Sa ye cutipa picōno tiro saha, toaria tiquiro cūoro saha ijiri tiquina poreroa. Sa ye tiquina toaye paca mehna toaye, ihcā omope asāri waro masare purīgū yeri. <sup>11</sup> Sa ye tiquina pūhtoro tiyequina ijiri. Ūhcūāri cope upūro ijiri tiquina pūhtoro. Tiquiro angel ijiri. Hebreo ye mehna Abadón wame tiri tiquiro. Griego ye mehna Apolión wame tiri. (Apolión “Dojomehneniquiro” nino nine.)

<sup>12</sup> Poreroa masare ñano tiquina purīgū yeri bato ahri tiquina ñano yūhdū māhtariro pihtia wahari. To bato pūa taha pari turi ñano yūhdūeta masa.

<sup>13</sup> Came ihcā omopequina angele tiquina putiri bato apequiro angel tiquiro yaria cornetare putiri tja. Tiquiro sa putigū Cohācjū caha ducuri altarpū uru altarpū yahuducuye bisi wijiario ca tari. Ti altar cjē sahari pititia saharopū yahuducuye bisi wijiario ca tari. <sup>14</sup> Sa yahuducuro cornetare putiriquiro angelre yahuri:

—Eufrates wame tiri ma pajiri mapū peresupū ijiyequinare angelere wioya. Tiquina pititiaro angele ijire, nino ca tari.

<sup>15</sup> Sa nigū tūhoro angel pehe tiquinare pititiarore wiori, peyequina masare wejēatiquinare. Ahri cūmare, ahri asūre, ahri decore, ahri horare queoro cohteye nidi tiquina pititiaro angele. Tiquina cohteriro esa tuhasare. Sa ye wejēñe

tee nine. Ijipihtiyequina deco esaboro caha masare wejēatiquina ijire. <sup>16</sup> Sa yegū tiquina yequina surarare “Ohōpequina ijire”, tiquina nigū tūhou. Tiquina caballoa bui pesayequina ijiri. Doscientos millones surara ijiri.

<sup>17</sup> Sa yegū caballoare tiquina bui pesayequina gūhūre ihñāhū. Sa ye caballoa bui pesayequina tiquina jeripohnarine cahmotaye suhti come suhti sohāñe suhti, yahsaye suhti, bojoyaye suhti ijiri. Sa ye caballoa tiquina dapu paca yayia sohāñequina yero saha bajuri. Tiquina dūseripū peca, ohmeo, azufre wame tiye ohmeo gūhū wijiari. <sup>18</sup> Sa ye caballoa dūseripū wijiaye masare wejēdi. Ijipihtiyequina deco mehna meheno esaboro waro topequina masare wejēdi. Sa ye peca mehna, ohmeo mehna, azufre mehna peyequina masare wejēdi. <sup>19</sup> Tiquinare caballoa dūseri mehna wejēdi. Sa ye caballoa picōri mehna wejēdi tja. Tiquina picōri sohtoapū añaa dapu paca yero saha bajuri. Sa ye tiquina picōri mehna ñano yeri tiquina masare.

<sup>20</sup> Peyequina masa yarieyequina tiquina wejē dūhariquina pehe tiquina ñañe yerire ne duhuerari. Watīare ño peo duhuerari. “Cohācjū ijire”, tiquina niñe queoye gūhūre ño peo duhuerari. Ti queoye uru mehna, plata mehna, bronce wame tiye come mehna, utā mehna, yucari mehna tiquina yeri queoye ijiri. Sa ye ti queoye pehe ihñedari. Tūhoerari. Tiniedari. <sup>21</sup> Peye ñañe gūhūre tiquina ne būjūa witierari. Masare tiquina wejēdire, tiquina numia mehna tiquina ñano yerire, tiquina yaqueri gūhūre ne būjūa witierari tiquina. Sa ye masare ujuayequina yayia tiquina yero saha yeye, ti gūhūre ne būjūa witierari tiquina.

## 10

*Meheni tunugāre papera tunugāre ne cāhtahye angel*

<sup>1</sup> Came apequiro tutuariquiro angel ūhmūsepū tiquiro dijia tagū ihñāhū. Ehmeo curua watoapū ahtari. Sa yero buheni da tiquiro dapu bui pesari. Tiquiro wūhdoa asū deco cjūno yero saha asi siteri. Tiquiro ñecari ūjūri peca yero saha bajuri. <sup>2</sup> Sa

yero meheni tunugã papera tunugãre tiquiro pãri tunugãre cãori tiquiro. Tiquiro dahpocã poto pehe cjã dahpocã mehna pajiri mapã cãhta cãri. Tiquiro dahpocã cã pehe pehe mehna dihtapã cãhta cãri. <sup>3</sup> Sa ducuro yayia tiquina sañuducuro saha tiquiro tutuaro sañuducuri. Tiquiro sa sañuducuri bato siete upoa yahuye ca tamedí. <sup>4</sup> Tiquina sa yahugã tãhogã ojoa ducami. Yũhũ sa ojoa ducagãta uhmũsepũ yũhũre yahuducuro ca tari.

—Siete upoa tiquina nidire apequinare yahueracãhã. Sa yegũ tire ojoa nedacãhã, nino ca tari yũhũre.

<sup>5</sup> Tiquiro sa nidi bato pajiri mapãre cãhta cã, dihtapãre cãhta cãriquiri angel tiquiro omoca poto pehe siõdoque mãori uhmũsepũ. <sup>6</sup> Sa siõdoque mãono Cohãcjũ sa catiducuriquiro wame mehna wame peori. Tiquiro Cohãcjũ pehe ijipihtiyere uhmũsere, uhmũse cjẽne, ahri yehpare, ahri yehpa cjẽne, pajiri mare, pajiri ma cjẽne yeriquiro ijire. Sa yero ohõ saha nidi angel:

—Cohãcjũ mehna poto nii niaja. To punota cohtenatja. <sup>7</sup> Seis angele corne-tarire tiquina putiri bato apequiro angel putigã Cohãcjũ panopã tiquiro “Ohõ saha yeitja” nidiro sahata yerota. Panopã masare tire quehnoano yahuerahye. Came tiquiro cahacjẽnare, tiquiro yere yahu mãhtariquina pehere quehnoano yahu pehoahye tiquiro. Ti tiquiro yahu cãrĩre yojopãre yerota tiquiro, nidi angel.

<sup>8</sup> Tiquiro sa nidi bato uhmũsepũ yũhũre yahuducuriquiro pari turi yahuducuro ca tari tja. Ohõ saha nino ca tari yũhũre:

—Pajiri mapã cãhta cãriquiri dihtapã cãhta cãriquiri siquiri angel cahapã wahaya. Sa wahagã papera tunugãre tiquiro cãori tunugãre neña, nino ca tari yũhũre.

<sup>9</sup> Tiquiro sa nigũ tãhogã angel cahapã wahã. Tiquirore papera tunugãre yũhũ sinigũ tãhoro ohõ saha ni yũhtiri yũhũre:

—Neña. Sa yegũ ahri tunu papera tunugãre ihyaya. Mũhũ coã ihyagũ umi yero saha quehnoano bisirota. Mũhũ paapã mũhũ ihya sõri bato sũẽne waharota, nidi yũhũre.

<sup>10</sup> Tiquiro sa nigũ tãhogã ti tunugãre angelre yũhũ nedi bato ihyã. Yũhũ coã ihyagũ umi yero saha bisiri. Yũhũ ihya sõri bato yũhũ paapã sũẽno wahadũ. <sup>11</sup> Yũhũ sa ihyari bato ohõ saha nidi yũhũre:

—Pari turi ijipihtiyere macari cjẽna, ijipihtiyere yehpari cjẽna, peye yahuducuyere yahuducuyequina, tiquina pãhtoa gũhũ came tiquina dahse wahatire yahuyuya mũhũ, nidi yũhũre.

## 11

*Pãaro Cohãcjũ yere yahuatiquinare yahu ojoahye Ñũ marine*

<sup>1</sup> Came yũhũre queodare ohori Cohãcjũ. Tuadũ puno yoadũ ijiri tã. Tãre ohoro ohõ saha nidi yũhũre:

—Ya wũhũre queogũ wahaya. Ti wũhũ cjã altar gũhũre queoya. Sa yegũ ti wũhũpã yũhũre ño peoyequinare queoya. <sup>2</sup> Sopecaha wija sadũcari paare quehnoari paare queoeracãhã. Ti paa yũhũre cahmeeñequinare tiquina cãri paa ijire. Tiquina cuarenta y dos asũri waro Cohãcjũ ya macare, ti maca cjẽna gũhũre ñano yeeta. Sa yegũ queoeracãhã tiquina ya paare quehnoari paare. <sup>3</sup> Sa yegũ yeere yahuatiquinare pãarore ohoutja. Mil doscientos sesenta decori waro yeere yahueta. Masa dija suhtire sañañequina ijietã tiquina yũhũ yahu dutiyequina, ni yahuri yũhũre.

<sup>4</sup> Ahri yehpa cjẽna pãhtoro poto pãadũ Olivo wame tiye cjũ ducure. Pãadũ sihã peoye cjũ gũhũ ti cjũ cahapã ducure. Ti cjũ mehna queoye mehna yũhũ buhegũ ahriquina pãaro mari pãhtoro yere yahuyequina ti cjũ yero saha ijire. <sup>5</sup> Sa ye tiquinare ihã tuhtiyequina tiquinare ñano ye duagũ tiquina pehe dũseri cjẽ peca mehna ujã pehoeta tiquinare ihã tuhtiyequinare. Sata tiquinare ñano yeyequinare wejẽeta tiquina pãaro mari pãhtoro yere yahuyequina pehe. <sup>6</sup> Sa ye tiquina pãaro acoro ahta dutieragũ acoro ahtasi. Sa yero mari pãhtoro yere tiquina yahuro puno acoro ahtasi. Sa ye mãrine dii mãri wahagũ yeeta tiquina. Sa ye ahri yehpare ñano wahagũ yeeta. Ijipihtiyere dahse ijiyere, ijipihtiyequina



dahse ijiyequinare masare ñano wahagũ yeeta. Tiquina cahmeno sahata sa ñano wahagũ yeeta ahri yehpare.

<sup>7</sup> Tiquina sa ye pehogũ uhcũari copere ijiriquiro ñariquiro nũcu cjũno wijiara. Sa wijiara Cohãcjũ yere yahuyequina mehna cahmequenota. Sa cahmequeno tutua yãhdũcaro tiquinare wejẽnota. <sup>8</sup> Tiquiro sa wejẽdi bato tiquina paguri pajiri maca cjã maharũ cuñaeta. Yahuyequina pãhtorore tiquina quẽ biha wejẽdi maca ijire ti maca. Ti maca cjẽna ñañequina ijiye Sodoma cjẽna, Egipto cjẽna yero saha ijire. <sup>9</sup> Sa cuñañe ihtia deco quehnoano cuña, ape deco deco mehna tiquina paguri maharũ cuñaeta. Sa ye ijipihtiye yehpari cjẽna, ijipihtiye cururi cjẽna, ijipihtiye yahuducuyere yahuducuyequina tope decori waro tiquina pagurire ihñaducuenta. Sa ye tope decori waro tiquina pagurire ya dutisi. <sup>10</sup> Tiquina sa yariariquina ijigũ ihñañe ahri yehpa cjẽna bucueeta. Sa bucueye bose decore yeye, tiquina basi apee borore sa oho quẽeta. Tiquina pãaro Cohãcjũ yere yahuyequina masare ñano yãhdũgũ yeriquina ijiahye. Sa ye tiquina sa yariagũ ihñañe bucue yãhdũeta ahri yehpa cjẽna.

<sup>11</sup> Sa yero ihtia deco ape deco deco mehna bato Cohãcjũ tiquina pagurire masonota. Tiquiro sa masogũ tiquina pari turi wahcãdũcaeta. Tiquina sa wahcãdũcagũ ihñañe ijipihtiyequina cue yãhdũeta tiquinare. <sup>12</sup> Came tiquina pãaro uhmũsepũ tutuaro yahuducugũ tãhoeta. Ohõ saha ninota tiquinare.

—Ohõpũ mãja taya mãsa, ninota.

Tiquiro sa nigũ tãhoye ehmeo curua watoa mãjaa wahaeta. Tiquina yabiriquinare mãjagũ ihñaeta masa. <sup>13</sup> Tiquina sa mãjagũta yehpa tutuaro ñuhminota. Sa ñuhmigũ ti maca cjẽ wãhũse peye bora dijiaa waharota. Sa ye yehpa ñuhmino mehna siete mil masa yariaa wahaeta. Apequina dãhsariquina pehe acũaa wahaeta. Sa ye Cohãcjũre uhmũse cjũnore “Tutuagũ ijire” ni ño peoeta tiquirore.

<sup>14</sup> Ahri ijipihtiye tiquina sa wahari bato pãa taha masa ñano yãhdũ tuhasariquina

ijieta. Tiquina sa yãhdũari batogãta pari turi duita masa ñano yãhdũeta tja.

### *Seis cornetarire tiquina putiri bato apequiro putiahye*

<sup>15</sup> Came seis cornetarire tiquina putiri bato apequiro angel tiquiro yariare putiri. Tiquiro sa putigũ uhmũsepũ tutuaro yahuducuye ca tari. Ohõ saha nino ca tari: Yojopũ mari Pacũ, Cristo mehna ahri yehpa cjẽna pãhtoa ijietta. Sa yero pãhtoro sa ijiducurota Cohãcjũ, nino ca tari.

<sup>16</sup> Sa ye Cohãcjũ poto pãhtoa dujiyepũ dujiyequina veinticuatro Jesu yequina pãhtoa Cohãcjũ poto quehe sa, tiquirore ño peori. <sup>17</sup> Sa ño peoye ohõ saha nidi:

Usã pãhto Cohãcjũ, tutua yãhdũagũ ijire mãhũ. Mãhũ panopũ sa ijiducuahe. Sa yegũ yojopũ gũhũre sa ijiducure. Camepũ ahtaata mãhũ. Mãhũ tutuaye mehna masa tiquina pãhto mãhũ ijidũcagũ “Quehnoare” niaja mãhũre. <sup>18</sup> Ijipihtiyequina ahri yehpa cjẽna mãhũre cahmedariquina mãhũ mehna usuamedi. Yojopũre tiquinare mãhũ buhiri dahreati pje ijire. Yariariquina gũhũre mãhũ buhiri dahreati pje ijire. Sa yero mãhũ yequina pehere quehnoañene tiquina yeri wapare mãhũ ohoati pje ijire. Ihquẽquina tiquina mãhũ cahacjẽna mãhũ yere yahu mãhtariquina ijire. Sa ye tiquina, apequina mãhũ yequina mehna ijipihtiyequina mãhũre ño peoyequina ijire. Sa yegũ pãhtoare, ihyo ijiyequina gũhũre mãhũ yequina tiquina ijiri wapa quehnoano yeita mãhũ. Sa yero ahri yehpa cjẽnare dojomehne cohteriquinare mãhũ cohãti pje ijire yojopũre, ni ño peori pãhtoa Cohãcjũre.

<sup>19</sup> Tiquina sa yeri bato uhmũse cjã wãhũ Cohãcjũ ya wãhũ tiquiro põori wãhũ ijiri. Sa yena ti wãhũpũ ijiri acarore ihñañ. Ti acaropuharũ Cohãcjũ masare tiquiro yedohoa-ire yahuri pũ sañari. Yãhũ sa ihñagũta mia sitedoqueo, upo pa maari. Sa yero sijoro saha ijiro bisí maa, yehpa ñuhmi maa, aco paca yũsũaye paca uhmũsepũ peye bora dijia tari.

## 12

### *Numino gũhure pinono gũhure yahuahye*

Ñu

<sup>1</sup> Came ahri yehpa dahse wahatire umusepũ ihñori. Tiquiro sa ihñori ihyo waro ijierari. Ohõ saha ihña mahtaũ: Umusepũ numinore ihñaũ. Ticoro suhtiro asũ deco cjũno yero saha asi siteri. Sa yero asũ ñami cjũno bui ducuri. Pũhoro pesari behto borore doce ñahpicoha paca cũori behtore pesaricoro ducuri. <sup>2</sup> Sa yero mehenogã dahsari ticoro pohna tiato. Sa yero ticoro sañuducuri. <sup>3</sup> Came pari turi ihñaũ umusepũ tja: Pajiriquiro pinonore sohãriquirõ ihñaũ. Siete dapu paca tiriquiro ijiri. Ijipihtiye tiquiro dapu paca pũhota pesaye behtori borore pesaye dapu paca ijiri. Sa yero diez waro sahari tiriquiro ijiri tiquiro. <sup>4</sup> Tiquiro picõno mehna ñahpicoha pacare wahba sitedoque dijiori yehpapũ. Ijipihtiye ñahpicohare deco esaboro caha wahba sitedoque dijiori. Sa yero numino pohna tiaticoro potõ ducuri pinono. Ticoro macunogã bajuagũ tiquirogãre ihyaro taro nimesi. <sup>5</sup> Cmegãta cũo tuhasari nijinogãre. Ijipihtiye yehpari cjẽna pũhoro ijiatiquiro ijiri tiquirogã. Tiquiro sa pũhoro tutuariquirõ ijigũ, masa tiquirore yũhdũcaye ihcãno sahasi. Tiquiro sa masa bajuagũta Cohãcjũ tiquiro dujiro cahapũ tiquirogãre ne cãa wahari. <sup>6</sup> Tiquiro sa yegũ numino pehe masa marienopũ duhti cãa wahari. Cohãcjũ tiquiro quehnoyuripũ duhti cãa wahari ticoro. Topũre mil doscientos sesenta decori waro Cohãcjũ ticorore ihña ihbori.

<sup>7</sup> Coã waropũre umusepũ cahme wejẽ dũcahye. Miguel wame tiriquiro angel tiquiro yequina angele gũhũ pinono mehna cahmequeahye. Tiquina sa cahmequegũ pinono tiquiro yequina angele mehna Miguel gũhũ mehna cahmequeahye. <sup>8</sup> Sa ye Miguel gũhũ pinonore yũhdũcahye. Sa yero pinono yequina angele gũhũre umusepũ iji nemo dutierahye. <sup>9</sup> Sa yero pajiriquiro pinonore cohã cahye Cohãcjũ. Tiquiro pinono watĩnota ijiro nidi. Satana wame tiriquiro ijiri. Panopũ tiquiro pinono pagũ saha bajuriquiro ijiahye. Sa yero ijipihitiri yehpa

cjẽnare ni mehoriquirõ ijire. Tiquirore tiquiro yequina angele mehna yehpapũ cohã dijioahye.

<sup>10</sup> Came umusepũ sañuducuro ca tagũ tũhou:

Yojopũre mari Pacũ masare yũhdũori. Yojopũ pũritare mari Pacũ mari pũhoro ijiro ahtari tiquiro tutuayere ihñono taro. Sa yero tiquiro ohoriquirõ Cristo gũhũ tiquiro pũhoro ijiyere tiquiro tutuayere ihñori ijipihtiyequinare. Watĩnore umusepũ ijiriquirore yehpapũ cohã dijiori. Sa yero tiquiro tutuayere ihñori mari Pacũ. Tiquiro watĩno pehe decoripe, ñaminipe Jesu yequinare “Ahriquina ñañequina ijire”, ni yahusãno ñahye mari Pacũre. Sa yero mari acayere Jesu yequinare yahusãriquirõ ijiahye. <sup>11</sup> Cristo Cordero wame tiriquiro tiquiro dii cohãri mehna mari acaye Jesu yequina tiquirore wacũ tutuayequina tiquina ñano yerire tiquiro cohãnohriquina ijire. Sa wacũ tutuayequina ijiye, watĩnore yũhdũdcari. Sa ye quehnoañe buheyere buheye, watĩnore yũhdũdcari. Tiquiro yere buheye apequina tiquinare wejẽ duepegũta, Cristo yere duhuerari. <sup>12</sup> Sa yena mũsa umuse cjãna bucueya. Watĩnore yehpapũ tiquiro cohã dijioagũ ihñana bucueya. Sa yepegũta ahri yehpa cjãna, pajiri ma cjãna gũhũ pejecũona wahanata mũsa pehe. Mũsa cahapũ dijiari watĩno. Tiquirore buhiri dahreato mehenogã dahsare. Sa yero usua yũhdũare tiquiro. Mũsa cahapũ tiquiro esagũ pejecũona mũsare tojoagũ yerota tiquiro, ni sañuducugũ tũhou.

<sup>13</sup> Sa yero pinono tiquiro cohã dijiriquiro numinore, nijinogã pacorore nanũ tã cãri. <sup>14</sup> Sa yero ticorore pajiriquiro cacũ tiquiro wũye dũpũrire ohori Cohãcjũ, masa marienopũ ticoro wũ duhti cãtore. Topũ ticoro esari bato ihtia cãhma quehnoano ape cãhma deco waro ticorore ihña ihbori Cohãcjũ. Tiquiro sa ihña ihbogũ pinono ticorore ñano ye masiedari. <sup>15</sup> Topũ

ticoro ijigū ihñano pinono acore pajiro puti sitedoqueori ticorore miono taro. <sup>16</sup> Tiquiro sa yegū yehpa pehe ticorore yedohori. Pinono duseropu wijiaye acore yehpa pehe aco ihmi peho cāri. <sup>17</sup> Sa wahagū ihñano pinono numino mehna usua yuhduari. Sa usuario ihquēquina ticoro panamena iji turiayequina mehna cahmequeno wahari. Tiquina pehe Cohācjū dutiyere yeyequina ijiye, Jesu ye buheyere quehnoañe buheyere ne duhueyequina ijiri. <sup>18</sup> Sa yero pinono pajiri ma dūhtu cahapu ducuri.

## 13

### *Puaro nucu cjēnare yahuahye Ņu*

<sup>1</sup> Pajiri ma dūhtu cahapu ducugū, nucu cjānore ti mapu ijiriquirore wahcā pahagū ihñau. Tiquiro pehe siete dapu paca, diez sahari waro caoriquiro ijiri. Tiquiro sahari puhto pesaye behtori borore pesari. Sa yero tiquiro dapu pacare tiquiro wamene ojoa ohōri dapu paca ijiri. Ti wame tiquiro ñano wame tigū ihña yabiri Cohācjū. <sup>2</sup> Sa yero tiquiro nucu cjāno yairo dohroriquiro yero saha bajuri. Sa yero mie yero saha dahpocāri tiriquiro ijiri. Sa yero yairo sohāriquiru pajiriquirodu yero saha dusero tiriquiro ijiri. Sa yero pinono pehe tiquiro tutuayere ohori nucu cjānore. Sa ohoro tiquirore puhtoro dujiropu cūno tiquiro yero saha peyequina masare dutigū yeri pinono nucu cjānore. <sup>3</sup> Ihcā dapu nucu cjāno dapu tiquina wejēbo cureriquiro dapu yero saha bajuri. Sa bajuepegūta tiquiro camino pehe yatia wahari. Ti dapu catigū ihñañe, ihña maria wahari ijipihtiyequina ahri yehpa cjēna. Sa ihña maria wahaye, nucu cjānore ño peori. Sa ye tiquiro yequina wahari masa. <sup>4</sup> Sa ye nucu cjānore pinono tiquiro tutuayere tiquiro ohogū ihñañe masa pehe tiquirore pinonore dusepe curi mehna quehe sa, ño peori. Sa ye nucu cjāno gūhare dusepe curi mehna quehe sa, tiquirore ño peori. Sa ño peoye ohō saha nidi:

—Ne apequiro mūhu yero saha tutu-  
ariquiro mariedare. Apequiro mūhare ne  
yuhduca masiedare, ni ño peori masa  
nucu cjānore.

<sup>5</sup> Sa yero tiquiro nucu cjāno “Tutua yuhduca yuhduca gū ijiaya”, tiquiro niepegūta Cohācjūre tiquiro ñano yahuducuepegūta sa tuhotu cārdi Cohācjū pehe. Sa yero cuarenta y dos asūri waro tiquiro nucu cjāno masare dutinimedi. To punota tiquiro puhtoro ijigū cahmedi Cohācjū. <sup>6</sup> Sa yero tiquiro Cohācjūre ñano yahuducuri. Tiquiro wamene, tiquiro ya wūhare, umūsepū tiquiro ijiro cjēna gūhare ñano yahuducuri nucu cjāno. <sup>7</sup> Sa yero Cohācjū yequinare cahme wejēno tiquinare yuhduca. Tiquiro sa yepegūta sa ihña cārdi Cohācjū. Cohācjū tiquiro sa ye dutieragū yeraboya. Sa yero ijipihtiyequina ahri yehpa cjēna bui puhtoro ijinimedi nucu cjāno. Ijipihtiye cururi cjēna bui, ijipihtiyequina macari cjēna bui, yehpari cjēna bui, ijipihtiye yahuducuyere yahuducuyequina bui puhtoro ijinimedi tiquiro. <sup>8</sup> Sa ye ijipihtiyequina ahri yehpa cjēna tiquiro nucu cjāno poto dusepe curi mehna quehe sa tiquirore ño peori. Ahri yehpare Cohācjū tiquiro bajumehneato pano tiquiro yequina ijiatiquinare, sa ijiducuatiquinare tiquina wamene ojoa ohō tuhasahye. Ti tju tiquiro sa ojoa ohōri tju Cordero tiquina wejēdiquiro ya tju ijire. Ti tjupū tiquina wamene ojoa ohōnohedariquina dihita nucu cjānore ño peori.

<sup>9</sup> Cahmo tina ijire masa. Sa yena tuhoya. <sup>10</sup> Ijipihtiyequina masare peresu yenohatiquinare came tiquinare peresu yeeta. Ijipihtiyequina masa ñose wejēnohatiquinare tiquinare ñose wejēta. Tire masina mari Cohācjū yequina ñano yuhdupenata tiquirore cohāedacūhna. Sa yena tiquirore wacū tutuuhna.

<sup>11</sup> Came apequiro nucu cjānore ihñau tja. Yehpa puhiapu ijiriquiro wijiagū ihñau. Pu saharo oveja sahari yero saha bajuye sahari sahari tiriquiro ijiri. Sa yero pinono yero saha yahuducuri. <sup>12</sup> Sa yero nucu cjāno iji mūhtariquiro pehe came ijiriquiro pehere puhtoro sōri. Tiquiro sa puhtoro sōnohriquiru pehe ijipihtiye yehpari cjēnare iji mūhtariquirore ño peogū yeri. Iji mūhtariquiro nucu cjāno tiquina wejēbo cureriquiro camino

yatiriquiro ijiri. <sup>13</sup> Sa yero came ijiriquiro nꝛꝛꝛ cǵno tutuaye mehna ye ihñori masa tiquina ihña mariatore. Sa yero masa tiquina ihñonopꝛ peca pajiri peca ʰhmꝛsepꝛ bora dijia tagũ yeri. <sup>14</sup> Sa yero iji mahtariquiro ihñonopꝛ apequiro nꝛꝛꝛ cǵno pehe tutuaye mehna masare mehoru “Ahriquiro mꝛsa ño peoatiquiro ijire”, nino. Sa yero tiquiro masare mehono, iji mahtariquiro queoyere masare ye dutiri. Tiquiro iji mahtariquiro ñoseni pǵi mehna tiquina ñosediquiro ijieperota catiriquiro ijiri. Tiquiro yero saha bajuye queoye ye dutiri apequiro nꝛꝛꝛ cǵno masare. Tiquina sa yegũ Cohãcǵu yabieperota sa ihña cãriahye. <sup>15</sup> Sa yero came ijiriquiro nꝛꝛꝛ cǵno pehe iji mahtariquiro queoyere catigũ yeri masare ti queoye dutiatio saha. Sa yero ti queoyere ño peoeyequinare wejẽ dutiri masare queoye pehe. <sup>16</sup> Sa yero ijipihtiequinare tiquina omocari poto pehe, tiquina wãhdoa paca gũhare ojoa ohõ dutiri nꝛꝛꝛ cǵno came ijiriquiro. Ihyo ijiequinare, pãhtoare, doeri cǵẽ opanare, pejecꝛoyequinare, tiquina cahacǵenare, cahacǵena ijiequinare, ijipihtiequinare tiquina omocarine tiquina wãhdoa paca gũhare ojoa ohõ dutiri. <sup>17</sup> Tiquiro iji mahtariquiro nꝛꝛꝛ cǵno tiquiro wamene, tiquiro ya numerore ojoa ohõẽnequinare ne dú dutierari. Sa yero tiquinare dua dutierari.

<sup>18</sup> Tire quehnoano wacũ masiña mꝛsa. Tãho masina ijina nꝛꝛꝛ cǵno tiquiro ya numerore quehnoano ihña masiña. Ti numero ʰmãno wame yero saha ijire. Ti numero seis cientos sesenta y seis ijire.

## 14

*Cohãcǵu tiquiro yãhdꝛoriquina wahma basayere basahye*

<sup>1</sup> Came Siõ wame tidꝛ cꝛnꝛ bui ducuriquirore Corderore ihña. Tiquiro mehna ciento cuarenta y cuatro mil masa ijiri. Tiquina tiquiro ye wamene, tiquiro Pacꝛo ye wame gũhare tiquina wãhdoa pacare tiquina ojoa ohõnohriquina ijiri. <sup>2</sup> Tiquinare yãh ihñagũta ʰhmꝛsepꝛ yahuducuro ca tari. Pajiri peo bisiro saha ʰpo tutuaro bisiro saha bisiro ca tari tiquiro yahuducuye. Sa yero arpa

wame tiyere tiquina bꝛa pũtẽno saha bisiro ca tari tiquiro yahuducuye. <sup>3</sup> Topꝛ pãhtoro dujiro cahapꝛ pititiaro sijoro saha bajuyequina, Jesu yequina pãhtoã gũhã ijiri. Sa ye tiquina poto ciento cuarenta y cuatro mil masa ducuri. Topꝛ ducuye, wahma basayere basaye nidi. Ti basayere tiquina dihita masidi. Cristo yãhdꝛoriquina dihita ti basayere masidi. Tiquina ahri yehpapꝛ ijimediquina tiquiro ne mꝛoriquina ijiri. <sup>4</sup> Ne tiquina ihcã tahagã numino mehna ñano yerari. Sa ye Corderore ihña cũnequina ijieye, tiquiro yere sa yeducuyequina ijiri. Sa yero ñãnequina mehna ijieyequinare tiquiro yãhdꝛoatiquinare nedi Cohãcǵu pehe. Sa tiquiro yãhdꝛoriquina ijieye, Cohãcǵu yequina ijiatiquina, Cordero yequina ijiatiquina gũhã iji mahtariquina ijiri. <sup>5</sup> Sa ye tiquina mehna cǵena ne ihcãquiro ni mehoriquiro mariedare. Sa ye Cohãcǵu tiquiro tahotugũ ñãne marieñequina ijiri tiquina.

*Ihtiaro angele yahuducu dijioahye*

<sup>6</sup> Came ʰhmꝛsepꝛ wãriquirore angelre ihña. Tiquiro ahri yehpa cǵenare, ijipihtie cururi cǵenare, ijipihtie yahuducuyere yahuducuyequinare, ijipihtie yehpari cǵenare, quehnoañe buheyere yahua-tiquiro ijiri. Ti buheye ne comesaeraye, sa ijiducure. <sup>7</sup> Sa yero angel sañuducuro ohõ saha ni yahuducu dijiori:

—Cohãcǵure cueya. “Tutua yãhdꝛagꝛ, quehnoa yãhdꝛagꝛ ijire”, niña tiquirore. Yojopãre masare tiquiro buhiri dahreati pje ijiri nine. Tiquiro ʰhmꝛsere, ahri yehpare, pajiri mare, mãri pohteri gũhare yeriquiro ijire. Sa yena tiquirore dãsepe curi mehna quehe sa, ño peoya, ni sañuducuri angel.

<sup>8</sup> Tiquiro sa nidi bato apequiro angel ʰhmꝛsepꝛ wãriquiro ohõ saha ni yahuducu dijiori:

—Tiquinare cohã cãhri. Pajiri maca Babilonia wame tiri maca cǵenare cohã cãhri Cohãcǵu. Tiquina tiquiro cohãriquina pehe ijipihtiequina apequinare ñano yegũ yeri. Queheyequina vinore tiquina tutuaro cahmeno saha tiquina ñãne tutuaro cahmeñe, Babilonia cǵenare ihña cũri. Sa yero

Cohãcjũ tiquinare tutuaro buhiri dahreri, ni yahuducu dijiori apequiro angel.

9-10 Tiquina p̄aro angele tiquina sa nidi bato apequiro angel tiquina bato w̄ariquiro ohõ saha ni yahuducu dijiori:

—Ijipihtiyequina n̄c̄a cj̄n̄ore ño peoyequinare, tiquiro queoyere ño peoyequinare, tiquina w̄h̄doa pacare, tiquina omocarine tiquiro wamene oja ohõnohriquina ḡh̄are buhiri dahrerota Cohãcjũ. Tiquina mehna usuaro, tiquina p̄iritare tutuaro waro buhiri dahreducurota Cohãcjũ. N̄c̄a cj̄n̄ore ño peoyequina ijipihtiyequina pecap̄a wahaeta. Top̄a tutuaro pur̄n̄ota tiquinare peca mehna, azufre wame tiye mehna tiquina wijiãri peca mehna. Quehnoañequina angele, Cordero ḡh̄a tiquina ih̄nonop̄a ñano ȳhd̄eta tiquina. 11 Ti peca sa ohmeo tiducurota. Ne yatisi. Tiquinare sa pur̄ducugũ yere. Ijipihtiyequina n̄c̄a cj̄n̄o poto d̄asepe curi mehna quehe sa, ño peoyequinare sa pur̄ducurota. Decoripe, ñaminipe sa pur̄ducu cãh̄nota. Tiquiro queoyere ño peoyequina, tiquiro wamene oja ohõnohriquina ḡh̄a sata ñano ȳhd̄eta, ni yahuducu dijiori angel.

12 Sa tiquina ñano ȳhd̄agũ ih̄ñana Cohãcjũ yequina tiquiro dutiyere yena, Jesure cohãedarina ijina, tiquiro yere duhueracãh̄ña. Ñano ȳhd̄epenata Cohãcjũ yere cohãedacãh̄ña.

13 Came ùhm̄sep̄a ȳh̄are yahuducuro ca tagũ t̄hou. Ohõ saha nidi ȳh̄are:

—Ahr̄ire ojoaya m̄h̄h̄. Cohãcjũ yequina tiquirore cohãedarina ijina yojop̄are m̄sa yariari bato ḡh̄are bucuena ijire m̄sa, ni yahuducu dijiori ȳh̄are.

Tiquiro sa nidi bato Esp̄ritu Santo pehe ohõ saha ni nemori tja:

—Sa tjire. Poto tjire. Tiquina tutuaro tiquina dahrayere duhu, soeta. Ùhm̄sep̄a tiquina wahagũ quehnoano tiquina yerire wacũnota Cohãcjũ. Sa yero tiquina sa yeri wapa tiquinare quehnoano yerota. Sa ye tiquina bucueyequina ijire, ni nemori Esp̄ritu Santo.

*Wese cj̄e oteye d̄acare mari bese neno saha Cohãcjũ tiquiro yequinare bese nenota. Ñañequina pehere sijoro bese docorota*

14 Came ehmeo curua yehseri curuare ih̄ñaa. Ti curua bui mas̄no yero saha bajuriquiro dujiri. Tiquiro uru behto p̄ah̄toro pesari behto borore pesari. Sa yero dihi pj̄i siori pj̄ine c̄ori tiquiro.

15 Came apequiro angel Cohãcjũ w̄h̄ap̄a ijiriquiro wijia tari. Sa wijia taro tutuaro sañuducuri ehmeo curua bui dujiriquirore:

—M̄h̄h̄ dihi pj̄i mehna wese cj̄e d̄acare ahri yehpa cj̄e d̄acare d̄ate ne pehoya. Yojop̄are tiquiro queori pje esare. Yojop̄are d̄aca neni pje esare, nidi angel.

16 Tiquiro sa nigũ t̄horo tiquiro dihi pj̄i mehna ahri yehpa cj̄e d̄acare ne d̄acari ehmeo curua bui dujiriquiro.

17 Came apequiro angel ḡh̄a Cohãcjũ w̄h̄ap̄a ijiriquiro wijia tari. Tiquiro ḡh̄a dihi pj̄i siori pj̄ine c̄ori. 18 Sa yero apequiro angel altar cahap̄a ijiriquiro wijia tari. Tiquiro pehe altar cj̄a pecare ih̄ña ihboriquiro ijiri. Sa wijia taro dihi pj̄i siori pj̄ine c̄ori quirore sañuducuri:

—M̄h̄h̄ dihi pj̄i mehna ahri yehpap̄a ijiri wese, ùhse wese cj̄e d̄acare neña. Ùhse pehe ñi tuhasari, ni sañuducuri.

19 Tiquiro sa nigũ t̄horo angel tiquiro ya pj̄i dihi pj̄i mehna ahri yehpa cj̄e ùhse t̄horine ȳh̄re nedi. Tiquiro sa yeri bato ti t̄horine ùhse t̄horine tiquiro ñatihãtop̄a cohãri. Tiquiro sa cohãriro saha Cohãcjũ tiquirore cahmeeñequinare tutuaro usuaro, cohãnota. 20 Ti maca d̄ah̄ta cahap̄a tiquina ñatihãtop̄a ti ùhse t̄horine ñatihãri. Top̄a tiquina ñatihãgũ dii wijari. Dii ma yero saha ijiri. Tres cientos kilómetro yoari ma, ihcã metro quehnoano ape metro deco ùhc̄ãri ma ijiri.

## 15

*Masa tiquina ñano ȳhd̄atire angele c̄u bato tiah̄ye masare*

1 Came ùhm̄sep̄a sijoro saha ijirore ih̄ñaa. Tire ih̄ñañe masa ih̄ña maria wahaga. Ahri yehpap̄are d̄h̄se wahatore marine ih̄ñori. Sa yero ti ihyo waro ijierare. Ohõ saha ih̄ñaa: Siete angele ijiri. Cohãcjũ usuaro, siete tahari masare buhiri dahre bato tiro taro nidi. Sa ye tiquina siete angele pehe buhiri dahre dutiro tiquiro c̄uatiquina ijiri.

<sup>2</sup> Angelere yahu ihñari bato pajiri mare quehnoano aco sitiri ma yero saha ijiri mare ihñan. Ti ma peca mehna ijiri ma ijiri. Sa yegu nucu cjanore tiquiro queoye gūhare yuhduycayequinare ihñan. Tiquina tiquiro wamene tiquiro ya numerore cuoyequina ijiri. Tiquina yahu ihñagū pajiri ma aco sitiri ma duhtu cahapu ducuri. Topu ducuyequina arpa wame tiyere bua patēñene cuori. Ti bua patēñe Cohācjū tiquiro ohori ijiri. <sup>3</sup> Sa ye Cohācjū cahacjūno, Moise ye basayere basaye nidi. Cordero ye basaye gūhare basaye nidi. Ohō saha ni basari:

Usā puhto mahu Cohācjū tutua yuhduagu ijire. Mahu yerire ihñana ihña maria wahaja usā. Mahu yeri quehnoa yuhduare. Mahu ijipihtiye yehpari cjēna puhto ijire. Quehnoano ni mehono marieno yeducure mahu. Ijipihtiyequina mahure cueeta. <sup>4</sup> Ijipihtiyequina mahure “Tutuagu ijire”, nieta. Mahu dihita ñañe mariegu ijire. Ijipihtiye yehpari cjēna mahu cahapu esaye, dusepe curi mehna quehe sa, mahure ño peoeta. Sata yeeta tiquina ijipihtiyequina queoro mahu yerire ihñañe, ni basaye nidi tiquina.

<sup>5</sup> Came uhmasepu ihña mhogu, Cohācjū wahu pōori wuhare ihñan. Topu Cohācjū ijiri tucū waropu Cohācjū dutiye tiquiro ojoari pñni utā pñni tiquina ihbori pñni ijiri. <sup>6</sup> Ti wuhare yahu ihñagūta siete angele ti wahu puhiapu ijiriquina wijia tari. Tiquina Cohācjū buhiri dahre dutiro tiquiro cūatiquina ijiri. Tiquinape tiquina buhiri dahreatire cuori tiquina angele. Quehnoañe suhti, yehseye suhti sañañequina ijiri. Sa ye tiquina cutiro bui uru cahsero mehna tñā dihoriquina ijiri. <sup>7</sup> Ti wuhapu ijiriquina tiquina wijia tagū pititiaro sijoro saha bajuyequina mehna cjanō tiquinare siete angelere siete uru parire ohori. Ti pari Cohācjū usua tiquiro buhiri dahreati mehna quehnoano wahpari ti pari. Tiquiro Cohācjū sa ijiducuriquiro ijire. <sup>8</sup> Tiquiro sa ohogū Cohācjū wahu puhiapu tiquiro asi siteye mehna tiquiro tutuaye mehna ohmeo ti sehsaa wahari. Sata ohmeo wahu wahagū ne

masa ti wuhare sajā masiedari. Siete angelere Cohācjū buhiri dahre dutiro tiquiro cūriro saha masare tiquina buhiri dahre tuhasari bato pari turi ti wuhapu sajā masine tja. Tiquiro buhiri dahreato pano sajā masiedari.

*Cohācjū masare tiquiro buhiri dahreatore yahuahye*

## 16

<sup>1</sup> Came Cohācjū wuhapu tutuaro yahuducuro ca tari. Siete angelere yahuro nidi:

—Siete paripu pose tiyere yehpapu pio sitedoque dijiona wahaya. Yehpa cjēnare Cohācjū tiquiro nidiro sahata buhiri dahreya yojopure, ni yahuducuro ca tari.

<sup>2</sup> Tiquiro sa nigū tahoro iji mahitariquiro angel tiquiro cuori papu pose tiyere yehpapu pio sitedoque dijiori. Tiquiro sa pio sitedoque dijiogū nucu cjanō wamene ojoa ohōnohriquina, tiquiro queoyere ño peroriquina ñano cami tiri. Ti cami tutuaro purīdi tiquinare.

<sup>3</sup> Tiquiro sa pio siteri bato apequiro angel tja tiquiro cuori papu pose tiyere pio sitedoque dijiori tja pajiri mapu. Tiquiro sa pio sitedoque dijiogūta ti ma dii ma wahari. Yariariquiro dii yero saha ijiri ti dii. Sa wahagū ti ma puhiapu ijiyequina yaria pihtia wahari.

<sup>4</sup> Puarō tiquina sa pio siteri bato apequiro angel tja tiquiro cuori papu pose tiyere pio sitedoque dijiori tja mārīpu, ti mārī pohteripu gūhare. Tiquiro sa pio sitedoque dijiogū mārī dii mārī dihita wahari.

<sup>5</sup> Sa wahagū ihñano apequiro angel mārīne cohteriquiro ohō saha nidi:

Cohācjū mahu ñañe mariegu ijire. Yojopu gūhare sa ijiducugu ijire mahu. Panopu gūhare sa ijiducue tiri mahu. Sa yegu masa tiquina ñano yegū ihñagu queoro buhiri dahreri mahu tiquinare. Dii mārīne yegu quehnoano yeri mahu. <sup>6</sup> Nucu cjanō yequina pehe mahu yequinare wejēñe, dii cohāgū yeri. Mahu yere yahuyequina gūhare wejēñe, dii cohāgū yeri. Tiquina sa wejēdi buhiri mārī dii mārī wahari. Sa ye tiquinare diire mahu sa sihnigū

yegã quehnoarĩne. Sata m̄h̄u buhiri dahregã tiquina ye buhiri ijire, nidi m̄arine cohteriquiro angel.

<sup>7</sup> Tiquiro sa nidi bato altarp̄u yahuducuro ca tari:

—Sa tjire. Cohãcjũ usã p̄hto tutua ȳhd̄uaḡu ijire m̄h̄u. Ni mehono marieno, queoro masare bese, buhiri dahrere m̄h̄u, ni yahuducuro ca tari.

<sup>8</sup> Ihtiaro angele tiquina pio siteri bato apequiro angel tiquiro c̄ori pap̄u pose tiyere pio sitedoque dijiori tja asũ deco cjãno bui. Tiquiro sa pio sitedoque dijioğãta asũre masare tutuaro asigũ yeri Cohãcjũ. <sup>9</sup> Sa yero asũ deco cjãno masare tutuaro asiri. Sa ye Cohãcjũ tiquinare tiquiro buhiri dahre dutigũ masiñe, tiquirore ñano yahuducuri masa. Sa ñano ȳhd̄uapeta tiquina ñañe yerire ne buj̄ua witierari. Sa ye duhuerari. Cohãcjũre “Tutuaḡu ijire”, ni ño peo duerari.

<sup>10</sup> Pititiaro angele tiquina pio siteri bato apequiro angel tja tiquiro c̄ori pap̄u pose tiyere pio sitedoque dijiori tja n̄c̄u cjãno tiquiro dujiro bui. P̄htoro dujiro ijiri tiquiro dujiro. Tiquiro sa pio siteri bato tiquiro yequina tiquina ijiri yehpap̄u nahitiaa wahari. Sa ye tiquiro yequina masa ñano purĩgũ bahque dihori. <sup>11</sup> Tiquinare ñano purĩpegũta ñano cami tiepeta, ne tiquina ñañe yerire buj̄ua witierari. Sa ye tire duhuerari. Sa ye Cohãcjũ tiquinare tiquiro cami dahregũ masiñe tiquirore āhm̄use cjãnore ñano yahuducuri.

<sup>12</sup> Ihcã omopequina angele tiquina pio siteri bato apequiro angel tja tiquiro c̄ori pap̄u pose tiyere pio sitedoque dijiori tja Eufrates wame tiri ma pajiri map̄u. Tiquiro sa pio sitedoque dijioğãta ti ma sihbi quehea wahari. Asũ m̄uja taro cjẽna p̄htoa yequina masa mehna ti mare tiquina pehã tatore sa yeri.

<sup>13</sup> Came ihtiaro watĩare taharoc̄ua yero saha bajuyequinare ihñau. Ihcãquiro pinono puhap̄u ijiriquiro tiquiro d̄userop̄u wijia tari. Apequiro watĩno n̄c̄u cjãno d̄userop̄u wijia tari. Apequiro watĩno “Cohãcjũ yere yahu m̄htaḡu ijiaja”, ni mehoriquiro d̄userop̄u wijia tari. <sup>14</sup> Sa ye tiquina ihtiaro watĩa tutuaye mehna

yeyequina ijiri. Ijipihtiro cjẽna p̄htoare cahmecoagũ yeri tiquina cahme wejẽ dutiye tehe. Tiquina sa cahme wejẽati deco Cohãcjũ tutua ȳhd̄uariquiro ijipihtiyequinare tiquiro dutiati deco, pihtiatu deco ijire.

<sup>15</sup> Ohõ saha nidi Jesu: “Thñaña m̄sa. Yaqueriquiro wacũeno mehna tiquiro yaquero ahtaro saha ȳh̄u gũh̄u wacũeno mehna ahtautja. Ȳh̄u ahtatore quehnoano cohteriquiro bucueriquiro ijirota. Tiquiro ye suhtire quehnoano quehnoyuriquiro yero saha yeere quehnoano yeriquiro ijire bucueriquiro. Sa yeriquiro ijiro ȳh̄u ahtagũ suhti marieniquiro tiquiro b̄ue tiboriro saha b̄ue tisi tiquiro”, nidi Jesu.

<sup>16</sup> Came ihtiaro watĩa yehpari cjẽna p̄htoare cahmecoagũ yeri tiquinare. Tiquina cahmecoano Hebreo ye mehna “Armagedon”, wame tiri.

<sup>17</sup> Seis angele tiquina pio siteri bato apequiro angel tja tiquiro c̄ori pap̄u pose tiyere ehmeo cururi cahap̄u pio sitedoque dijiori tja. Tiquiro sa pio sitedoque dijiori bato p̄htoro dujirop̄u Cohãcjũ w̄h̄ap̄u tiquiro dujirop̄u tutuaro yahuducuro ca tari:

—To punota ijiaga, nino ca tari.

<sup>18</sup> Tiquiro sa nigãta mia sitedoqueo, āpo pa maa, sijoro saha ijiro bisi maa, cuaro yehpa ñuhm̄idi. Ahri yehpap̄u masa tiquina iji d̄ucari bato ne sa ñano yehpa ñuhm̄ieda tiri. Apeye ñuhmiñe ȳhd̄uoro cuaro yehpa ñuhm̄idi. <sup>19</sup> Sa ñuhmigũ pajiri macare ihtia maha yihti maa wahari. Sa ye buj̄uye macari ahri yehpap̄u ijiye macari sehte dijiaa wahari. Sa yero Babilonia wame tiri maca pajiri maca cjẽnare wacũri Cohãcjũ tiquinare buhiri dahrero taro. Tiquina ñañene yeri buhiri tiquina mehna tutuaro usuari. Sa usuaro tiquinare tutuaro buhiri dahreri. <sup>20</sup> Tiquiro sa yegũ ijipihtiyequinare n̄c̄upo, c̄n̄u cjũ gũh̄u cohõ pihtia wahari. Sa ye ne mariedare. <sup>21</sup> Sa ye buj̄uye paca aco paca ȳs̄h̄aye paca yehpap̄u masa bui bora dijia tari. Ijipihtiyequinare paca aco paca cuarenta kilo n̄c̄uñe paca ijiri. Tiquina bui ti paca sa bora dijia tagũ Cohãcjũ masare tiquiro tutuaro buhiri

dahregũ masiñe ñano yahuducuri masa Cohãcjüre.

## 17

*Ɛmua mehna ñano yeducuricorore ña yãhdũaro yericorore buhiri dahre dutirota*

<sup>1</sup> Came siete pari cũoyequina angele mehna cjãno yãhũ cahapũ wihiro ohõ saha nidi yãhũre:

—Ihñagũ ahtaya. Peye mári bui dujiricorore Ɛmua mehna ñano yeducuricorore ña yãhdũaro yericorore Cohãcjũ tiquiro buhiri dahreatire ihñagũ ahtaya mãhũ.

<sup>2</sup> Ahri yehpa cjëna pãhtoa ticoro mehna tiquina ñano yeboro saha ticoro yero saha yeri. Cohãcjũ ye pehere cahmedari. Ahri yehpa cjënare ticoro quehegũ yeboro saha tiquina mehna ticoro ñano yeboro saha ticoro masare ñañene tutuaro cahmegũ yeri. Sa yero ñañene yegũ yeri masare, ni yahuri angel yãhũre.

<sup>3</sup> Tiquiro sa nidi bato Espiritu Santo pehe yãhũre ihñori: Angel pehe masa marienopũ neari yãhũre. Topũ numinore ihñaũ. Ticoro nũcũ cjãno sohãriquiri bui pesaricoro ijiri. Nũcũ cjãno pehe tiquiro pagupũ peye wame tiquina ojoa ohõnohriquiri ijiri. Ti wame ñañe wame Cohãcjũ tiquiro ihña yabiye wame ijiri. Sa yero siete dapu paca tiriquiri, diez sahari tiriquiri ijiri nũcũ cjãno. <sup>4</sup> Sa yero numino pehe quehnoano yahsaye suhti pãhtoa tiquina sañañe suhti saha ijiyere sañaricoro ijiri. Sohãñe suhti gũhũre sañaricoro ijiri. Peye urure, wapa tiye utãre, perla pjeri gũhũre ohõri suhtire sañaricoro ijiri ticoro. Sa yero uru pare cãori ticoro. Ti papũ pose tiye ñañe ticoro yeri jiri. Ɛmua mehna ñano yero, pajiro ñano yeri ticoro. Ti ñañene ihña yabire Cohãcjũ. <sup>5</sup> Ticoro wãhdoapũ ticoro wame tiquina ojoa ohõnohricoro ijiri. Ti wamene quehnoano masiedaja mari. Ti wame queoye mehna buheri wame ijire. Ahri ijire ti wame: “Pajiri maca Babilonia wame tiri maca ijire. Ijipihtiyee wãana tiye dahpoto cjõno, ña yãhdũayere yericoro ijire”, ni, ticoro wãhdoapũ tiquina ojoa ohõnohricoro ijiri. <sup>6</sup> Sa yero ticoro peyequina Cohãcjũ yequinare wejẽdicoro ticoro ijigũ masii. Queheyere ticoro bucuero

saha tiquinare wejẽno, tiquina dii cohãgũ bucueri ticoro. Jesure tiquina cohãedari buhiri ticoro wejẽdi tiquinare. Ticorore ihñagũ, ihña maria wahaũ.

<sup>7</sup> —¿Dũhsegũ mũhũ ihña maria wahajari? nidi angel yãhũre.

Sa nino yãhũre ohõ saha ni nemori:

—Mũhũ masiedarire mũhũre yahutja. Numinore mũhũre yahutja. Ticoro pesariquiri gũhũre yahutja. Tiquiro nũcũ cjãno ijiri. Sa yero siete dapu paca tiriquiri, diez sahari tiriquiri ijiri. <sup>8</sup> Tiquiro panopũ ijiriquiri ijiri. Yojopũre mariedare tiquiro. Came tiquiro Ɛhũãri copepũ ijiriquiri wijia tarota. Tiquiro sa wijia tari bato pecapũ waharota. Ahri yehpa cjëna tiquirore ihña maria, ño peori tiquirore. Ahri yehpa ijiato pano Cohãcjũ tiquiro yequina ijiatiquinare sa ijiducuatiquinare tiquina wamene ojoa ohõahye. Tiquiro ojoa ohõnohedariquina ijiri nũcũ cjãnore ño peoyequina. Tiquiro pehe panopũ ijiri. Yojopũ pehere mariedare. Camepũ pari turi bajuarota. Sa ye tiquiro bajuagũ ihñañe masa tiquirore ihña maria wahaeta.

<sup>9</sup> Yojopũre yãhũ yahuatire masi duana, quehnoano tãhonata mãsa. Sa yena tãho masina ijiya. Nũcũ cjãno dapu paca siete dapu paca siete cãnũ cju ijire, mari queoye mehna buhegũ. Ti cãnũ cju buipũ pesare ticoro Ɛmua mehna ñano yeducuricoro.

<sup>10</sup> Ti dapu paca siete pãhtoa yero saha ijire, mari queoye mehna buhegũ. Peyequina masa pãhtoa ijire. Ihcã omopequina pãhtoare cohã tuhasari. Apequiri tiquina bato ijiriquiri pãhoro ijire yojopũre. Apequiri pehe came pãhoro sajãnota. Sa sajãno mehenogã pãhoro ijirota tiquiro. <sup>11</sup> Sa yero nũcũ cjãno sohãriquiri panopũ iji mũhtariquiri, yojopũre marieniquiri tiquina siete pãhtoa bato pãhoro ijirota. Siete pãhtoa mehna cjãno ijire. Came pecapũ waharota.

<sup>12</sup> Nũcũ cjãno sahari diez sahari diez pãhtoa yero saha ijire, mari queoye mehna buhegũ. Peyequina masa pãhtoa ijire. Tiquina pãhtoa sajãedare yojopũ. Camepũ pãhtoa sajãñe mehenogã pãhtoa ijieta. Yoari pje iji dutisi tiquinare. Sa pãhtoa ijiye nũcũ cjãno mehna pãhtoa



ijieta. <sup>13</sup> Tiquina diez p̄h̄toa ihc̄āno saha t̄h̄otuyequina ijire. Sa ijiye tiquina n̄c̄c̄ cj̄ānore tiquina ye yehpari cj̄ēna p̄h̄toro s̄ōeta. <sup>14</sup> Sa ye Cordero mehna cahme wej̄ēeta. Tiquina sa cahme wej̄ēpeḡūta Cordero tiquiro beseriquina mehna tiquirore ne coh̄āeñequina mehna tiquinare ȳh̄d̄d̄caeta. Tiquiro ijipihtiyequina apequina p̄h̄toa bui p̄h̄toro ijire. Sa yero tiquinare ȳh̄d̄d̄carota, nidi angel ȳh̄h̄re.

<sup>15</sup> Ahr̄ire ȳh̄h̄re yahu nemori angel:

—Ūm̄na mehna ñano yeducuricoro m̄ari bui dujiri. Ti m̄ari ahri yero saha ijire mari queoye mehna buheḡū: Ijipihtiye yehpari cj̄ēna, peye cururi cj̄ēna, peye yahuducuyere yahuducuyequina yero saha ijire ti m̄ari. <sup>16</sup> N̄c̄c̄ cj̄āno, diez p̄h̄toa ḡūh̄ ūm̄na mehna ñano yeducuricorore ih̄ña yabieta. Tiquina diez p̄h̄toa n̄c̄c̄ cj̄āno mehna ticoro yere ehma peho, suhti mariedicoro coh̄āeta ticorore. Sa ye ticoro pagure ihyaeta. Tiquina sa yeri bato ticorore ūj̄ā pehoeta. <sup>17</sup> Tiquina diez p̄h̄toa ihc̄āno saha t̄h̄otuye, n̄c̄c̄ cj̄ānore tiquina ye yehpari cj̄ēna p̄h̄toro s̄ōeta. Tiquinare sa yeḡū yeri Coh̄ācj̄ū, tiquiro cahmeno saha yero taro. Sa yero n̄c̄c̄ cj̄āno pehe p̄h̄toro ijirota. Ijipihtiye Coh̄ācj̄ū panop̄m̄ tiquiro yahur̄iro sahata tiquiro yeri bato n̄c̄c̄ cj̄ānore coh̄ānota. <sup>18</sup> Ticoro m̄ah̄ ih̄ñaricoro mehna oh̄o saha ni queoye mehna buhere: Ticoro pajiri maca Babilonia wame tiri maca yero saha ijire. Ijipihtiyequina apequina p̄h̄toa bui ijire ti maca cj̄ēna, nidi angel ȳh̄h̄re.

## 18

*Babilonia wame tiri maca tiquiro coh̄ari maca ijire*

<sup>1</sup> Came apequiro angel ūhm̄sep̄m̄ dijia tariquirore ih̄ñam̄. Tiquiro p̄h̄toro waro ijiri. Sa yero tiquiro asi siteye ijipihtirop̄m̄ quehnoano buhrio seh̄saa wahari. <sup>2</sup> Tiquiro sa dijiari bato tutuaro sañuducu yahuri:

—Coh̄ari jiri. Babilonia wame tiri maca pajiri maca cj̄ēnare coh̄ari jiri. Yojoṗ̄are wat̄ia, peyequina ñañequina paḡm̄ bajueyequina ḡūh̄ ti macap̄m̄ ijiye nine. Ñañequina

boro minicj̄ma pari ḡūh̄ ti macap̄m̄ ijiye nine. Tiquina minicj̄ma masa tiquina ih̄ña yabiyequina ijiri. <sup>3</sup> Ijipihtiye yehpari cj̄ēna ti maca cj̄ēnare ñañequinare ih̄ña c̄ūñe, tiquina ḡūh̄ ñano yeri. Sa ye ahri yehpari cj̄ēna p̄h̄toa ti maca cj̄ēna numia mehna ñano yeri. Ticoro sa ūm̄na mehna ñano yeducuricoro ijiro wapa tiyere d̄ue tiri. Pajiro ticoro sa d̄uḡū ahri yehpa cj̄ēna doeri cj̄ē duayequina pajiro wapatar̄i, ni yahuri angel.

<sup>4</sup> Came pari turi ūhm̄sep̄m̄ yahuducuro ca tari. Oh̄o saha nidi:

—Yeequina, ahricoro ūm̄na mehna ñano yeducuricoro mehna ijierac̄āh̄ña m̄asa. Ticoro mehna m̄asa ijiḡū m̄asa ḡūh̄re buhiri dahrerota. Sa yena ticoro ñano yeyere ih̄ña c̄uedac̄āh̄ña. <sup>5</sup> Ticoro ñano yeri peye ijire. Ticoro ñano yerire pari tju mari duhu peo m̄oḡū ti tju pehe ūhm̄sep̄m̄ wah̄a sa c̄āboaga. Sa ye ticoro ñano yeri peye ijire. Sa yero ticoro ñano yerire wac̄ūre Coh̄ācj̄ū. Sa wac̄ūno ticorore buhiri dahre dutirota. <sup>6</sup> Ticoro tutuaro tiquiro buhiri dahrenohaticoro ijiahro. Masare ticoro ñano yeḡū yeriro saha ticoro ḡūh̄re ñano ȳh̄d̄ḡū yeahro. Masare ticoro sa ñano wahaḡū yeriro saha ti ȳh̄d̄oro ticorore ñano buhiri dahreahro. <sup>7</sup> Ticoro “Quehnoago ijiaja”, ni t̄h̄otumedi. Sa ni t̄h̄oturo, wapa buj̄ayere pajiro c̄aori ticoro. Ti wapa buj̄ayere pajiro ticoro c̄aoro punota ticorore pajiro ñano ȳh̄d̄ḡū yeahro. To punota ticorore buj̄ma witiḡū yeahro. Ticoro basi oh̄o saha ni t̄h̄otumene. “Oh̄ōṗ̄m̄ dutigo dujiaja. Wape wiho ijieraja. Sa yego ne ñano ȳh̄d̄asi ȳh̄h̄”, ni t̄h̄otumene ticoro. <sup>8</sup> Sa ni t̄h̄oturicoro ijiḡū wac̄ūeno mehna ticorore buhiri dahrerota. Ticoro dohati, yariariquinare yahco uti, ūj̄ma ahbarota. Sa yero ticorore ūj̄ā borota. M̄asa p̄h̄toro Coh̄ācj̄ū ticorore buhiri dahre dutiriquiro tutua ȳh̄d̄ariquiro ijire. Sa yero sa ȳh̄h̄ nidiro saha ticorore buhiri dahre dutirota, nino ca tari ūhm̄sep̄m̄.

<sup>9</sup> Sa ye ticoro yero saha ijiri macare Coh̄ācj̄ū tiquiro buhiri dahrer̄i bato ahri yehpa cj̄ēna p̄h̄toa tutuaro buj̄ma witi, utieta. Ti maca cj̄ēna mehna ñano yeyequina ijiri. Ti maca ūj̄ḡū ih̄ñañe utieta tiquina.

<sup>10</sup> Sa ʉjǫgǫ ihñañe tiquina pǫhtoa yoaropǫ ihñañoqueoducuenta, “ʉsǫ gǫhǫre buhiri dahreari”, niñe. Topǫ ihñañoqueoducuye ohō saha nieta:

—Yohou, pejecǫori maca ijire, Babilonia. Si maca pajiri maca tutuari maca ijimedi. Wacūeno mehna si macare buhiri dahreari, nieta tiquina.

<sup>11</sup> Ijipihtiro cjēna doeri cjē duayequina ti macare ihñañe tutuaro bujǫa witi utieta. Ti maca pihtigǫ ihñañe, tiquina ye doeri cjēne dúyequina mariedagǫ ihñañe bujǫa witieta tiquina. Sa ye utieta. <sup>12</sup> Tiquina ne cǫhtarire urure, platare, wapa bujǫye ʉtǫre, perla wame tiye paca gǫhǫre dúyequina marisi. Sa ye apeye tiquina ne cǫhtarire suhti quehnoañe suhtire, yahsaye suhti pǫhtoa tiquina sañañe suhti saha ijiye suhtire, seda wame tiye suhtire, sohǫñe suhtire dúyequina marisi. Sa ye apeye tiquina ne cǫhtarire yucǫri ehme sitiye yucǫrime dúyequina marisi. Sa ye apeye tiquina ne cǫhtarire marfil wame tiye mehna tiquina yerire, wapa bujǫye cjǫ mehna tiquina yerire, bronce wame tiye come mehna tiquina yerire, come bǫtiye mehna tiquina yerire, marmol wame tiye mehna tiquina yerire dúyequina ne marisi. <sup>13</sup> Sa ye apeye tiquina ne cǫhtarire canela wame tiyere tiquina ihyayere ocagǫ yeyere, apeye tiquina ihyayere ocagǫ yeyere, bueyere, mirra wame tiye ehme sitiye, apeye ehme sitiye dúyequina marisi. Sa ye apeye tiquina ne cǫhtarire vinore, ʉhse ihyaye moreñene, trigore, trigo pjerire, wecǫare, corderoare, caballoare, tunuñe cohrore caballoa tiquina wejeye cohrore dúyequina marisi. Cahacjēnare dú tiquinare cǫoyequina gǫhǫ marisi. Masa tiquina ijiepegǫta tiquinare dúyequina ijimedi. Yojopǫre marisi. Sa ye bujǫa witieta doeri cjēne duayequina. <sup>14</sup> Sa ye ohō saha nieta tiquina ti maca cjēna ijiriquinare:

—Adei, ñabutiario wahayari. Ijipihtiyē mǫsa cahĩmedi pihtia wahari. Sa ye ijipihtiyē quehnoañe mǫsa cǫomedi pihtia wahari. Sa yena tire pari turi bocasi mǫsa, nieta doeri cjēne duayequina.

<sup>15</sup> Tiquina ti macare doeri cjēne duaye, pajiro wapatamedi. Sa ye tiquina ti macare yoaropǫ ihñañoqueoducuenta,

“ʉsǫ gǫhǫre buhiri dahreari”, niñe. Sa ihñañoqueoducuye ti macare tutuaro bujǫa witi utieta. <sup>16</sup> Ohō saha nieta ti macare:

—Adei, pejecǫoyequina ijire si maca pajiri maca quehnoari maca cjēna mǫna. Si maca numino yero saha quehnoañene cǫori. Numino pehe quehnoañe suhtire, yahsaye suhti pǫhtoa tiquina sañañe saha ijiye suhtire, sohǫñe suhti gǫhǫre sañari. Sa yero uru, wapa bujǫye ʉtǫ, perla wame tiye paca ohōri suhtire sañari. Sa yeri si maca cjēna. <sup>17</sup> Sa ye wacūeno mehna si maca buti pihtia wahari, nieta ti macare.

Sa ye ijipihtiyequina yucǫsari mehna tiniñequina, ti yucǫsari opana, tiquina ʉmǫa, apequina pajiri mapǫ dahra wapatayequina gǫhǫ ti macare yoaropǫ ihñañoqueoducuenta. <sup>18</sup> Topǫ ihñañoqueoducuye ti macare to ʉjǫgǫ ihñañe ohō saha ni sañuducuenta:

—Quehnoañe macari si maca yero saha ijiye macari ne apeye macari mariedare, ni sañuducuenta tiquina.

<sup>19</sup> Sa bujǫa witiyequina ijiye tiquina dapu paca bui dihtare orē peota. Sa ye tutuaro yahco utiye ohō saha nieta:

—Adei, pejecǫoyequina ijire si maca cjēna mǫna. Quehnoari maca ijimedi. Ijipihtina yucǫsarire cǫona pajiri mapǫ tinina ijina si maca cjē doeri cjē mehna quehnoano wapatami mari. Sa ye duita si maca cjē buti pihtia wahari, nieta yucǫsari cjēna.

<sup>20</sup> Ti macare tiquiro cohǫgǫ ihñana bucueya mǫsa ʉhmǫse cjǫna. Cohǫcjǫ yequina, Jesu tiquiro cǫrina, tiquiro yere yahu mǫhtarina ijipihtina mǫsa bucueya. Ti maca cjēna mǫsare ñano yǫhdǫgǫ yeri. Tiquina sa yeri buhiri buhiri dahreari Cohǫcjǫ. Sa yena bucueya mǫsa.

<sup>21</sup> Sa yero tutuariquiro angel pajiria ʉtǫre ne wahcō, pajiri mapǫ doque ñori. Sa doque ñono ohō saha nidi:

—Ahria ʉtǫ bora ñojoariro saha pajiri maca Babilonia wame tiri maca boraro tutuaro bisirota. Sa borari bato ti macare pari turi ihñasi masa. <sup>22</sup> Ti macare butia wahagǫ yerota. Sa ye ti macapǫ basayere mǫsa basaducuriro saha ne acararo tisi. Arpa wame tiyere mǫsa bua pǫtēducuriro saha, flauta wame tiye pacare,

corneta gāhure mūsa putiducuriro saha pari turi ti macapū acaro tisi. Sa ye ti maca mariedagū pari turi ti macapū dahrayequina dahyasi. Sa ye utā mehna trigore mūsa ña mutoñe gāhure tūhonohsi. <sup>23</sup> Ne ti maca buhrio cuñariro saha ne ijisi. Sa ye omoca dāhtena mūsa bucue yahuducuriro saha pari turi ne acaro tisi. Ti maca cjāna mūsa doeri cjēne duana, dūna gūhū apequina yūhdūoro cūmedi mūsa. Sa yena yayia masare ujuayequina yero saha yena ijipihtiro cjēnare mehori mūsa. Mūsa sa yerire ihña mariañe, Cohācjū pehere cahmedari masa, nidi tutuariquiro angel.

<sup>24</sup> Ti maca cjēna Cohācjū yere yahu māhtariquinare apequina tiquiro yequina gāhure ijipihtiro cjēnare wejēdi jiri. Tiquina sa wejēdi buhiri buhiri dahreri Cohācjū Babilonia cjēnare.

## 19

<sup>1</sup> Babilonia dāhse wahatire yūhū ihñari bato ahmūsepū peyequina masa sañuducue ca tari yūhū tūhogū. Ohō saha ni sañuducuri: Aleluya. Cohācjūre quehnoano yahuducuhna. Cohācjū marine yūhdūoriquiro ijire. Tiquirore quehnoano ño peouhna. Tutua yūhdūariquiro ijire tiquiro. <sup>2</sup> Mehono marieno queoro masare buhiri dahrere tiquiro. Ñañe buhiri marieñequinare tiquinare buhiri dahrerare. Ñaricorore umūa mehna ñano yeducuricorore ihña cūñe ijipihtiro cjēna, ahri yehpa cjēna ñano yeri. Ticoro pehere buhiri dahreri Cohācjū. Sa yero tiquiro cahacjēnare ticoro wejēdi buhirire buhiri dahreri tiquiro, ni sañuducue ca tari.

<sup>3</sup> Pari turi sañuducue ca tari tja:

Aleluya. Cohācjūre quehnoano yahuducuhna. Ti maca ñari maca tiquiro ujūari maca sa ohmeo tiducurota, ni sañuducue ca tari.

<sup>4</sup> Sa yeye veinticuatro Jesu yequina pūhōta, pititiaro sijoro saha bajuyequina mehna dūsepe curi mehna quehe sa, mari Pacūre tiquiro dujiropū dujiriquirore ño peori. Ohō saha ni ño peori tiquina: “Aleluya. Sata yeihna. Mari Pacūre

quehnoano yahuducuhna,” nidi tiquina. <sup>5</sup> Came pūhtoro dujiropū ohō saha nino ca tari:

Mari pūhtoro Cohācjūre ño peoya. Tiquiro cahacjāna, tiquirore ño peona, ihyo ijina, pūhōta gūhū ijipihtina mūsa tiquirore quehnoano yahuducuya, nino ca tari.

*Cordero tiquiro omoca dāhteati deco bose decore yahuahye Ñū*

<sup>6</sup> Came peyequina masa tiquina yahuducugū tūhou. Sa ye pajiri peo, upo mehna tutuaro bisiro saha yahuducue ca tari yūhū tūhogū:

Aleluya. Cohācjūre quehnoano yahuducuhna. Tiquiro mari pūhtoro pehe pūhtoro sajā tuhasari. Tutua yūhdūariquiro ijire tiquiro. <sup>7-8</sup> Cordero tiquiro omoca dāhteati pje ijire yojopūre. Tiquiro omoca dāhteaticoro quehnoano tiquina quehno tuhasaricoropū ijire. Ticorore quehnoari suhtiro wete marieni suhtirore ohori. Ti suhtiro Cohācjū yequina quehnoañene tiquina yeri yero saha ijire, mari queoye mehna buhegū. Sa yena ti omoca dāhteati pje ijigū bucueihna mari. Cohācjūre “Tutua yūhdūariquiro ijire”, niñna, ni yahuducue ca tari.

<sup>9</sup> Tiquina sa nidi bato angel ohō saha nidi yūhūre:

—Ahrire ojoa neña: “Cordero tiquiro omoca dāhteri deco bose decore tiquiro pijioriquina bucueyequina ijire”, ni ojoa neña, nidi angel yūhūre.

Sa ninota ohō saha ni nemori:

—Ijirota ijire ahri yūhū yahuri. Cohācjū ye yahuducuye ijire, ni nemori yūhūre.

<sup>10</sup> Tiquiro sa nigū tūhogūta tiquiro caha dūsepe curi mehna quehe sa, tiquirore ño peou tūhū nimi. Yūhū sa yegū warō ohō saha nidi tiquiro yūhūre:

—Tire yeracāhña. Mūhū yero saha yūhū gūhū Cohācjū cahacjūta ijiaja. Mūhū acaye Jesu yequina ijipihtiyequina tiquiro ye buheyere duhueyequina yero saha yūhū gūhū Cohācjū cahacjūta ijiaja. Sa yegū

Cohãcjũ pehere dusepe curi mehna quehe sa, tiquirore ño peoya, nidi angel yũhare.

Cohãcjũ yere yahu mũhtariquina muna panopũ cjẽna Espiritu Santo yedohoro mehna ti buheyere Jesu ye buheyere yahuyuahye.

### *Caballo yehseriquiro bui pesariquiore yahuahye Ñũ*

<sup>11</sup> Came umuse parĩ maa wahagũ ihñaũ. Topũ caballo yehseriquiro ijiri. Tiquiro bui pesariquiore ohõ saha wame tiri: Tiquiro nidiro sahata yeriquiro poto yeriquiro wame tiri tiquiro. Queoro masare dutiriquiro ijiro, tiquirore ihña tuhtiequina mehna cahme wejẽne. <sup>12</sup> Tiquiro caperi peca pohna yero saha ijiri. Sa yero tiquiro dapupũ peye pũhtoa pesaye behtori ijiri. Sa yero tiquiro pagupũ wame ojoa ohõnohriquiore ijiri. Ti wamene tiquiro dihita masidi. Apequina masiedari. <sup>13</sup> Tiquiro sañari suhtiro yoari suhtiro dii wahñari suhtiro ijiri. Tiquiro ohõ saha wame tiri: Cohãcjũ ye yahuducuyere yahuriquiore wame tiri tiquiro. <sup>14</sup> Sa ye tiquiro yequina surara umuse cjẽna tiquirore nunũ tãri. Yehseyequina caballo bui pesayequina quehnoañe yehseye suhtire, wete marieñe suhtire sañariquina ijiri. <sup>15</sup> Tiquiro duseropũ ñoseni pjĩne siori pjĩne cuhñuri. Ti pjĩ ijipihtie yehpari cjẽnare tiquiro yũhdũdũcati pjĩ ijiri. Sa yero tiquiro tutuaye mehna tiquiro dutigũ ne ihcãquiore tiquirore yũhdũdũcaro cũsi. Cohãcjũ ijipihtie yehpari cjẽna mehna usuare. Tiquiro sa usuagũ caballo bui pesariquiore tiquinare tutuaro buhiri dahrerota. <sup>16</sup> Tiquiro suhtiropũ, tiquiro ñecũ gãhare ahri wamene ojoa ohõri jiri: “Ijipihtiequina apequina pũhtoa bui pũhtoro”, ni ojoa ohõri jiri.

<sup>17</sup> Came asũ asiropũ ducuriquiore angelre ihñaũ. Ijipihtiequina umusepũ wũyequina yuca parire sañuducu mũori tiquiro. Ohõ saha ni tutuaro sañuducu mũori:

—Cahmecoana ahtaya. Cohãcjũ tiquiro bose decopũ ihyana ahtaya. <sup>18</sup> Pe ye yehpari cjẽna pũhtoare, surara pũhtoare, surara parire, caballoare, tiquina bui pesayequinare, ijipihtiequina apequina

masare, cahacjẽnare, cahacjẽna ijieyequinare, apequina pũhtoare, ihyo ijieyequinare tiquina ijipihtiequina tiquina paguri ijirire ihyana ahtaya, nidi angel yucaare.

<sup>19</sup> Came nucũ cjãnore, ahri yehpa cjẽna pũhtoa tiquina yequina surara pari gãhare ihñaũ. Caballo bui pesariquiore mehna tiquiro yequina surara pari mehna cahme wejẽne tehe cahmecoari tiquina. <sup>20</sup> Tiquina sa cahme wejẽgũ caballo bui pesariquiore nucũ cjãnore peresu yeri. Apequiore “Cohãcjũ yere yahu mũhtagu ijiãja”, ni mehoriquiore gãhare peresu yeri. Tiquiro ni mehoriquiore pehe nucũ cjãno tiquiro ihñonopũ tutuaye mehna ye ihñoriquiore ijiri. Tiquiro sa ye ihñori mehna nucũ cjãno wamene wahñañequinare tiquiro queoyere ño peoyequinare ni mehori “Ahri Cohãcjũ ye ijire”, nino. Tiquina pũarore tiquiro peresu yeri bato tiquinare catiequinareta pecapũ cohãri. Ti peca pajiri ma yero saha pajiri peca azufre mehna ujãri peca ijiri. <sup>21</sup> Sa yero dũsariquinare tiquina yequina surara parire ñoseni pjĩ mehna tiquiro dũseropũ ijiri pjĩ mehna wejẽdi caballo bui pesariquiore pehe. Sa tiquiro wejẽdi bato yuca pari tiquina paguri ijirire ihyaye, yapi yũhdũa wahari.

## 20

### *Mil cãmari waro Cristo tiquiro yequina mehna masare dutirota*

<sup>1</sup> Came apequiore angel umusepũ tiquiro dijia tagũ ihñaũ. Uhcũãri cope cjã sawire, pajiri da, come da gãhare cũori tiquiro.

<sup>2</sup> Sa dijia wihiro pinonore ñehedi tiquiro. Tiquiro pinono panopũ pinono saha pagũ tiriquiore ijiro, watĩno Satana wame tiriquiore ijiri. Tiquirore ñeheno tiquirore dũhteri mil cãmari waro peresu yero taro. <sup>3</sup> Sa dũhte tuhasa, uhcũãri copepũ cohãri tiquirore ahri yehpari cjẽnare mil cãmari waro tiquiro “Mehoari”, nino. Sa cohã tuhasaro ti copere biha, piha ñehe cãri. Sa yero mil cãmari bato pari turi meheñe decorigã tiquirore wiorĩnota.

<sup>4</sup> Came pũhtoa dujiyere ihñaũ. Ti dujiyepũ dujiyequina gãhare ihñaũ.

Tiquinare masare tiquina beseatore ñañene yeyequinare tiquina buhiri dahreatore cūri Cristo. Apequina gūhare ihñaa. Tiquina pehe Jesu yere Cohācjū yere tiquina yahuri buhiri tiquina dapu pacare dute cohānohriquina ijiri. Nɯcɯ cjanore tiquiro queoye gūhare dusepe curi mehna quehe sa ño peerari. Sa ye tiquina wāhdoā pacare tiquina omocari gūhare tiquiro wamene ojoa ohō dutierari tiquina. Sa ye apequina tiquinare wejēdi bato masaa wahari tja. Masari tiquina mil cahmari waro Cristo mehna pūhtoa ijiye tehe. <sup>5</sup> Apequina Cristo yequina yariariquina muna masaedarīdi. Tiquina wejēdiquina tiquina masari bato mil cahmari pūhtoa tiquina ijiri bato apequina gūhɯ masaa wahaeta. Sa ye tiquina wejēdiquina muna Cristo yequina tiquiro bato masa māhtañequina ijiri. <sup>6</sup> Tiquiro maso māhtariquina pehe tutuaro bucueyequina ijieta. Ñañe marieñequina ijieta tiquina. Sa ye pecapɯ wahasi tiquina. Masa pecapɯ wahaye, pari turi tiquina yariaro saha wahare. Sa ye tiquina pecapɯ wahaerare. Masa māhtariquina Cohācjū, Cristo yequina pahia ijieta tiquina. Sa ye mil cahmari waro Cristo mehna masa pūhtoa ijieta.

<sup>7</sup> Mil cahmari bato Satanare peresupɯ ijiriquirore wiorota. <sup>8</sup> Tiquirore sa wiori bato ahri yehpa cjēnare mehono waharota tiquiro. Gog wame tiyequinare, Magog wame tiyequina gūhare mehono waharota. Sa ye tiquina tiquiro mehoñene tahoye, tiquina yequina surara parire cahmecoeta cahme wejēne tehe. Surara pari peyequina ijieta. Pajiri ma cjē padɯ pjeri peye ti ijiro saha peyequina surara ijieta.

<sup>9</sup> Sa ye ahri yehpapɯre waha siteye, Cohācjū yequina tiquina ijiri macare Cohācjū tiquiro cahīdi macare majare behtoa cahmotaeta. Tiquina sa cahmotari bato Cohācjū tiquinare ɯhmɯse cjā peca mehna ɯjūadoque dijiorota. <sup>10</sup> Sa wahari bato watīnore tiquinare mehoriqirore pecapɯ cohānota. Ti peca pajiri ma yero saha ijiri peca azufre mehna ɯjāri peca ijiri. Topɯ nɯcɯ cjanore, “Cohācjū yere

yahu māhtagɯ ijiaja”, ni mehoriqiro gūhare cohā tuhasari. Topɯ tiquina ijigū deco, ñamipɯ gūhare sa ñano purīducurota tiquinare.

### *Cohācjū masare buhiri dahre bato tire*

<sup>11</sup> Came pajiro dujirore quehnoano yehserore pūhthora dujirore ihñaa. Ti dujiro bui dujiriquiro gūhare ihñaa. Ahri yehpa cjēna gūhɯ ɯhmɯse cjēna gūhɯ tiquirore cueye, duhti oma cāa wahari. Sa duhtiepeta tiquirore duhtiye cūedari. <sup>12</sup> Sa yegɯ pūhthora poto yariariquina muna tiquina ducugū ihñaa. Tiquina ihyo ijiyequina, pūhthora ijiriquina gūhɯ ijiri. Topɯ tiquina ducugū ojoa ohōne tjurire pōori. Ti tjuri masa tiquina yerire tiquina ojoa ohōne tjuri ijiri. Sa yero beseriquiro ti tjurire ihña tuhasa tiquina yerire masidi. Tire masino yariariquinare beseri ñañequina, quehnoañequina gūhare. Came ape tju gūhare pōori. Ti tju Cohācjū mehna sa ijiducuatiquinare tiquina wamene ojoa ohōri tju ijiri. <sup>13</sup> Came pajiri mapɯ, diapɯ gūhare yaria dijiariquina wahcā mɯjaa wahari. Sa ye yehpa puhiapɯ ijiyequina, yariariquina tiquina ijiropɯ ijiyequina gūhɯ mɯjaa wahari. Tiquina sa mɯja sagū topɯ dujiriquiro tiquina yerire masi pehorō, tiquinare beseri ñañequina, quehnoañequina gūhare. <sup>14</sup> Came yariarore, yariariquina tiquina ijiro gūhare cohā cāhri Cohācjū pari turi mari yarieratore. Pecapɯ cohā cāhri. Ti peca pajiri ma yero saha ijiri peca pajiri peca ijiri. Pecapɯ wahayequina pehe pari turi yariaro saha wahare. <sup>15</sup> Sa yero sa ijiducuatiquina tiquina wamene Cohācjū tiquiro ojoa ohōri tjupɯ ijipihtiyequina tiquina wamene ojoa ohōmehneñequina pehere pecapɯ cohāri tiquiro.

## 21

### *Ɔhmɯsepɯ, ahri yehpa gūhare wahmare comesarota Cohācjū*

<sup>1</sup> Came ɯhmɯsepɯ, ahri yehpa gūhare wahmare tiquiro comesarire ihñaa. Ɔhmɯsepɯ iji māhtari, yehpapɯ iji māhtari, pajiri mapɯ iji māhtari gūhɯ pihtia wahari. Mariedari. <sup>2</sup> Sa yegɯ yuhɯ Ñu quehnoari macare, wahma macare Jerusalēne ihñaa.

Ti maca umusepꝰ Cohācjū cahapꝰ di-  
jia tagū ihñau. Omoca dāhteaticorore  
quehnoañe suhti mehna wahma sare  
omoca dāhteatiquirore bucuegū yero taro.  
Sata ti macare quehnoyuri jiri Cohācjū,  
tiquiro yequinare bucuegū yero taro. <sup>3</sup>Tire  
yuhꝰ ihñari bato pūhtoro dujiropꝰ tiquiro  
sañuducugū tūhou:

—Ihñaña. Yojopꝰre masa watoapꝰ ijiro  
nine Cohācjū. Tiquina mehna ijirota  
tiquiro. Sa ye tiquiro yequina ijieta  
tiquina. Sa yero Cohācjū tiquiro basi  
tiquina mehna cjūno ijiro, tiquina yaqui  
Cohācjū ijirota. <sup>4</sup>Sa yero sa bucueducugū  
yerota tiquiro tiquinare. Sa ye pari turi  
bujua wītisi tiquina. Sa ye ne pari turi  
yariasi tiquina. Ne ñano jeripohna tiye,  
utiye, puriñe gūhꝰ marisi tiquinare. Ahri  
ijipihtiye panopꝰ cjē ijiri pihtia waharota,  
ni sañuducuro ca tari.

<sup>5</sup>Came pūhtoro dujiropꝰ dujiriquiro ohō  
saha nidi:

—Ihñaña. Ijipihtiyere wahma comesagū  
yeitja, nidi.

Tiquiro sa nidi bato yuhꝰre ohō saha nidi  
tja:

—Ahri yuhꝰ niñene ojoa neña. Yuhꝰ niñe  
ijirota ijire. Sa yero yuhꝰ nidiro sahata sa  
waharota. Sa yegꝰ yuhꝰ niñene ojoa neña,  
nidi yuhꝰre.

<sup>6</sup>Came ohō saha nidi tja yuhꝰre:

—To punota ijiaga. Yuhꝰ ijipihtiyere  
bajumehnedigū ijiaga. Sa yegꝰ ijipihtiyere  
pihtigū yeacjū ijiaga. Aco woyequina  
tutuario tiquina acore cahmeno saha  
yuhꝰ cahapꝰ ahta duayequina yuhꝰre  
cahmeeta. Sa ye yuhꝰre yūhtieta. Yuhꝰ  
catigū yeye aco yero saha ijigū ijiaga.  
Yuhꝰre cahmeñequinare yuhꝰ mehna sa  
ijiducugū yeitja tiquinare. Tiquina esa  
tuharo ye dutiro marieno, yuhꝰ tutu-  
aye mehna yuhꝰ mehna sa ijiducugū  
yeitja. <sup>7</sup>Ijipihtiyequina yuhꝰre wacū  
tutua duhueyequinare ohō saha yeitja:  
Tiquina yaqui Cohācjū ijiitja. Sa ye  
tiquina pehe yuhꝰ pohna ijieta. <sup>8</sup>Sa  
ijiepeta cueye, yeere duhuyequina, yuhꝰre  
cahmeñequina, ña yuhꝰyere yeyequina,  
masare wejñequina, wūana tiyequina,  
masare ujuayequina yero saha yeye-  
quina yayia, “Cohācjū ijire”, tiquina niñe

queoyere ño peoyequina, ijipihtiyequina  
ni mehoñequina pecapꝰ wahaeta. Topꝰ  
pajiri ma yero saha ijiri peca pajiri  
peca azufre mehna ujūno nine. Topꝰ  
wahayequina pari turi tiquina yariaro  
saha wahaye nine, nidi yuhꝰre.

### *Wahma maca Jerusalēne yahuahye*

<sup>9</sup>Came ihcāqui angel yuhꝰ cahapꝰ wi-  
hiri. Tiquiro siete pari cūoyequina, tiquiro  
buhiri dahre duti cūriquina angele mehna  
cjūno ijiri. Sa wihiro, ohō saha nidi yuhꝰre:

—Ihñagꝰ ahtaya. Cordero tiquiro omoca  
dāhtericorore ihñoutja mūhꝰre, nidi angel  
yuhꝰre.

<sup>10</sup>Sa yero Espiritu Santo yuhꝰre Cohācjū  
ya macare ihñori. Ohō saha bajuro ihñori  
yuhꝰre: Umuanꝰ cūnꝰ buipꝰ yuhꝰre ne  
mūjari. Turꝰ usā ijigū Jerusalēne Cohācjū ya  
macare quehnoari macare ihñori yuhꝰre.  
Cohācjū cahapꝰ umusepꝰ ijiri maca dijia  
taro nidi ahri yehpapꝰ. <sup>11</sup>Cohācjū tiquiro  
asi siteye mehna asi siteri maca ijiri ti  
maca. Wapa tiye utā yero saha asi siteri.  
Jaspe wame tiye utā yero saha asi siteri.  
Sa yero vidrio yero saha quehnoano aco  
sitiri maca ijiri ti maca. <sup>12</sup>Sa yero pajiri  
sahrīno umūari sahrīno tiquina sahrī sārī  
maca ijiri ti maca. Doce sopecahari tiri ti  
sahrīno. Ti sopecaharipe cohteri angele. Ti  
maca cjē sope pahmaripꝰ Israe masa cu-  
ruri doce cururipe tiquina wame wahñari.  
<sup>13</sup>Asū mūja taro pehe ti sahrīno cūori ihtia  
sopecaha. Sur cū pehe pehe ihtia sopecaha  
ijiri. Norte poto pehe ihtia sopecaha  
ijiri. Asū sajāno pehe gūhꝰre ihtia sopecaha  
ijiri. Ijipihitiro doce sopecahari waro cūori  
ti sahrīno. <sup>14</sup>Ti sahrīno doce utā paca bui  
pesari. Ti utā pacape Cordero cūrina doce  
tiquiro cūrina usāpe wame wahñari.

<sup>15</sup>Sa yero angel yuhꝰre yahuriquiro  
queodꝰ uru mehna tiquina yedꝰre cūori. Ti  
macare, ti maca cjē sopecaharire, sahrīno  
gūhꝰre queoro taro nidi. <sup>16</sup>Ti maca yoaro  
punota ehsaro gūhꝰ to punota ehsari.  
Umūano gūhꝰ to punota umūari. Sa yero  
angel queodꝰ mehna ti macare queori. Ti  
maca dos mil doscientos kilómetro yoari  
maca ijiri. To punota ehsari maca ijiri. To  
punota umūari maca ijiri. <sup>17</sup>Sa yero ti  
maca cjā sahrīnore queori angel. Sesenta

y cinco metro uhmari sahrño ijiri. Masa mari queoro sahata queoro nidi tiquiro angel.

<sup>18</sup> Ti sahrño jaspe wame tiye utã paca mehna tiquiro yeri sahrño ijiri. Sa yero ti maca pehe uru mehna tiquiro yeri maca ijiri. Ti uru wete marieñe ijiro quehnoano asi siteri. <sup>19</sup> Ti sahrño docapũ ijiye utã pacapũ peye sijoro saha ijiye wapa tiye paca wahñari. Ti utã paca sahrñopũ pesaye paca doce paca ijiri. Iji mahtaria utãre jaspe wame tiye utã wahñari. Ti paca bato ijiria utãre zafiro wame tiye utã wahñari. Pũaria bato ijiria utãre ágata wame tiye utã wahñari. Ihtiaría bato ijiria utãre esmeralda wame tiye utã wahñari. <sup>20</sup> Pititíaria bato ijiria utãre ónice wame tiye utã wahñari. Ihcã omope paca bato ijiria utãre cornalina wame tiye utã wahñari. Seis paca bato ijiria utãre crisólito wame tiye utã wahñari. Siete paca bato ijiria utãre berilo wame tiye utã wahñari. Ocho paca bato ijiria utãre topacio wame tiye utã wahñari. Nueve paca bato ijiria utãre crisoprasa wame tiye utã wahñari. Diez paca bato ijiria utãre jacinto wame tiye utã wahñari. Once paca bato ijiria utãre amatista wame tiye utã wahña bato tiri.

<sup>21</sup> Sa ye doce sope pahmari doce perla mehna tiquiro yeri pahmari ijiri. Ti pahmaripe ihcã pje perla pje mehna tiquiro yeri pahmari ijiri. Sa yero ti maca cjã maha uru mehna tiquiro yeri maha ijiri. Ti uru wete marieñe uru ijiri. Sa yero quehnoano aco sitiri maha ijiri ti maha.

<sup>22</sup> Ti macapũ Cohãcjũ wũhũre ihñedũ. Mariedari. Ti macapũ ijipihtiropũ mari pũtorore Cohãcjũ tutua yũhdũariquirore, Cordero gũhũre ño peore masa. Sa yero ti maca ijipihtiro Cohãcjũ wũhũ yero saha ijiri. <sup>23</sup> Sa yero ti macapũ Cohãcjũ tiquiro asi siteye quehnoano buhriori. Cordero gũhũ sihãria yero saha buhriori. Sa ye asũ deco cjũno gũhũre ñami cjũno gũhũre topũ tiquina buhriogũ cahmedari. <sup>24</sup> Sa ye ahri yehpapũ ti buhrioye mehna ijieta ijipihtiro cjẽna. Sa ye ijipihtiyeyehpari cjẽna pũhtoa ti macapũ quehnoa yũhdũayere tiquina cũoyere ne wihietã. <sup>25</sup> Sa ye decore ti maca cjẽ sopecahari pũori sopecahari iji-

eta. Topũre ne ñami marisi. Sa ye ti sopecaharire ne bihasi. Sa susuducurota. <sup>26</sup> Sa ye ahri yehpari cjẽna quehnoañene tiquina cũoyere ti macapũ ne wihietã. <sup>27</sup> Ñañe pehere ti macapũ ne ne wihisi. Bũe tigũ yeyequina, ñañene yeyequina gũhũ ti macapũ ne wahasi. Mehoñequina gũhũ ne wahasi. Cordero tiquiro ojoari tjupũ tiquina wame wahñañequina dihita ti macapũ waheta. Ti tju tiquiro yũhdũoriquina tiquina wamene tiquiro ojoa ohõri tju ijire. Ti tjupũ tiquina wame wahñañequina sa ijiducuetã.

## 22

<sup>1</sup> Came quehnoari mare catigũ yeri mare ihñori yũhũre angel. Ti ma quehnoano aco sitiri ma Cohãcjũ, Cordero gũhũ tiquina dujiropũ ahtari ma ijiri. <sup>2</sup> Sa yero ti maca cjã maha deco bũrũari ti ma. Ti ma pũa peheri dũhtũ cahapũ catigũ yeye cjũ ducuri. Ti cjũ asũripe dũca tiri. Ihcã cũhmare doce tahari dũca tiri. Sa ye ti cjũ cjẽ pũri mehna quehnoano aco tieta ahri yehpa cjẽna. <sup>3</sup> Ti macare ne ñañe buhiri dahreati marisi. Ti macapũ Cohãcjũ dujiro ijirota. Cordero dujiro gũhũ ijirota topũ. Sa ye ijipihtiyequina masa topũ ijiyequina tiquina cahacjẽna tiquina poto dũsepe curi mehna quehe sa, tiquinare ño peoeta. Sa yero topũ ñañe ne marisi. <sup>4</sup> Tiquina Cohãcjũre ihña piti ca dujieta. Sa ye tiquina wũhdoa pacapũ tiquiro wame wahñañequina ijieta. <sup>5</sup> Topũre ñami ne marisi. Sa ye sihãñe paca gũhũre cahmesi topũ ijiyequina. Asũ buhriogũ gũhũre cahmesi. Mari pũtoro Cohãcjũ buhriorota. Sa ye ti macapũ ijiyequina ape sie cjẽna pũhtoa ijiducuetã.

*Jesucristo ahri yehpapũ tiquiro tojoa tato mehenogã dũhsare*

<sup>6</sup> Came angel yũhũre ohõ saha nidi:

—Ijipihtiyeyehpari tiquina yahuri ijirota ijire. Sa ye tiquina nidiro sahata waharota. Mari pũtoro Cohãcjũ tiquiro yere yahu mahtariquinare masigũ yeriquiro ijire. Tiquiro pehe yojopũre tiquiro yaquiro angelre ohori tiquiro cahacjẽnare masigũ yero taro. Came cjũnogã dũhse wahatire masigũ yero taro tiquiro yaquiro angelre ohori, nidi angel yũhũre.

<sup>7</sup> Jesu pehe ohõ saha nidi:

—Tuhoya m̄sa. Mehenogã d̄hsare yuh̄u tojoa tato. Ahri p̄u cj̄e yahuyere yuh̄d̄d̄caeyequina bucueyequina ijieta, nidi Jesu.

<sup>8</sup> Yuh̄u Ñu ahri ijipihtiyere yuh̄u ojoa nedire tuh̄ou. Sa yeḡu tire ih̄nāu. Sa yeḡu yuh̄u tuh̄ori bato, yuh̄u ih̄nari bato yuh̄ure ih̄ñoriq̄uero angel poto d̄usepe curi mehna quehe sami. Tiquirore ño peoḡu t̄ūu nimi.

<sup>9</sup> Yuh̄u sa yeḡu ih̄ñano oh̄o saha nidi yuh̄ure:

—Sa yerac̄h̄ña. M̄h̄u yero saha yuh̄u ḡh̄u Coh̄c̄j̄u cahac̄j̄ta ijiaja. M̄h̄u acaye Coh̄c̄j̄u yere yahu m̄htariquina, ijipihtiyequina ahri p̄u cj̄e dutiyere yeyequina ḡh̄u tiquina ijiro saha yuh̄u ḡh̄u Coh̄c̄j̄u cahac̄j̄ta ijiaja. Sa yeḡu Coh̄c̄j̄u poto d̄usepe curi mehna quehe sa, tiquiro pehere ño peoya, nidi angel yuh̄ure.

<sup>10</sup> Sa yero oh̄o saha ni yahu nemori yuh̄ure:

—Ahri p̄p̄u came d̄h̄se wahatire yahure. Sa wahato mehenogã d̄hsare. Sa mehenogã d̄hsaḡu ahri p̄p̄u yahurire n̄oedac̄h̄ña m̄h̄u. <sup>11</sup> Ti p̄je yuh̄u yahuri p̄jere ñañequina pehe sa yeducuc̄nahdo ñañene. Ñabutiayequina ḡh̄u ña yuh̄d̄uaro yeducuc̄nahdo. Quehnoañequina pehe quehnoano yeducuahro. Sa ye ñañe marieñequina ḡh̄u ñañe marieñequina sa ijiducuahro ti p̄jere, nidi angel yuh̄ure.

<sup>12</sup> Oh̄o saha nidi Jesu:

—Tuhoya m̄sa. Mehenogã d̄hsare yuh̄u tojoa tato. M̄sare yeequinare yuh̄u ohoatire ne c̄h̄taḡu t̄ūu niaja. Sa yeḡu quehnoañene m̄sa yeri wapa m̄sare quehnoano yeitja. <sup>13</sup> Yuh̄u ijipihtiyere bajumehnediḡu ijiaja. Sa yeḡu ijipihtiyere pihtiḡu yeac̄j̄u ijiaja.

<sup>14</sup> 'Ijipihtiyequina wete marieñe suhtire sañañequina tiquina ijiro saha tiquina ñañe yerire cosenhriquina ti macap̄u esaeta. Sa ye ti maca cj̄e cj̄u catiyere ohoye cj̄u d̄ucare ihyaeta. Sa ye bucueyequina ijieta tiquina, nidi Jesu. <sup>15</sup> Ti macap̄u eseyequina pehe ahriquina ijire: Ña yuh̄d̄uayequina, masare ujuayequina yero saha yeyequina yayia, w̄ana tiyequina, masare wej̄ñequina, “Coh̄c̄j̄u ijire”,

tiquina ñiñe queoyere ño peoyequina, ni meho peyayequina ḡh̄u ijire ti macap̄u eseyequina.

<sup>16</sup> Sa yero oh̄o saha ni yahu nemori Jesu:

—Yuh̄u, Jesu, yaquiro angelre ohou m̄sare yeequinare ahri p̄u cj̄eñe yahuḡu tuh̄u. P̄h̄toro Davi panami iji turiaḡu ijiaja yuh̄u. Yuh̄u bohrearia yero saha ijiḡu ijiaja, ni yahu nemori Jesu.

<sup>17</sup> Esp̄ritu Santo Jesure “Tojoa taya”, nine. Jesu yequina tiquiro omoca d̄hteaticoro yero saha ijiyequina ḡh̄u “Tojoa taya”, nine. Ijipihtiyequina tiquina “Tojoa taya”, nidire tuh̄oyequina ḡh̄u “Tojoa taya”, niahdo Jesure.

Aco w̄h̄oyequina acore tutuaro tiquina cahmeno saha Coh̄c̄j̄u cahap̄u waha duana Jesure tutuaro cahmeña. Tiquiro catiḡu yeye aco yero saha ijire. Tiquirore cahmeñequinare ùhm̄sep̄u sa ijiducuḡu yerota Coh̄c̄j̄u. Tiquina esa tuh̄aro ye dutiro marieno Jesu yedohoro mehna sa ijiducuḡu yerota.

<sup>18</sup> Yuh̄u Ñu, ijipih̄tina ahri p̄u cj̄e Coh̄c̄j̄u yere tuh̄orinare m̄sare oh̄o saha ni cua pesaro mehna yahutja. Ahri buheye mehna apeye buheye mehna more yahu nemoñequina Coh̄c̄j̄ure yuh̄d̄d̄caye nine. Tiquina sa yuh̄d̄d̄caḡu ih̄ñano ijipihtiyere ahri p̄p̄u tiquiro buhiri dahreatire tiquiro yahuriro sahata c̄n̄ota tiquina ḡh̄ure. Sa yero sata tiquina ḡh̄ure buhiri dahrerota. <sup>19</sup> Sa ye ahri p̄u cj̄e yahuyere yahu d̄h̄ayequina Coh̄c̄j̄ure yuh̄d̄d̄cayequina ijire. Tiquina sa yuh̄d̄d̄caḡu ih̄ñano catiḡu yeye cj̄u d̄ucare tiquinare ihya dutisi. Sa ye sa ijiducusi tiquina. Sa yero tiquiro ya macap̄u quehnoari macap̄u waha dutisi. Ti cj̄u, ti maca ḡh̄u ahri p̄p̄u tiquina yahurip̄u ijire.

<sup>20</sup> Ijipihtiyere ahri p̄u cj̄eñe yahuriquiro oh̄o saha nine:

—Sa tjire. Mehenogã d̄hsare ahri yehpap̄u yuh̄u tojoa tato, nine tiquiro.

Sa tjiya. Ûsã p̄h̄to Jesu, tojoa taya.

<sup>21</sup> Mari p̄h̄toro Jesu tiquiro yedohoro mehna ijipih̄tina m̄sa quehnoano ijiya.